

# COHAMACU YARE YAHURI TJU

El Nuevo Testamento  
en guanano



# COHAMACŪ YARE YAHARI TJU

El Nuevo Testamento  
en el idioma guanano  
de Colombia

Primera Edición

© 1982, International Bible Society

Segunda Edición

© 2007, Liga Bíblica Internacional

Tercera Edición

© 2010, Wycliffe Bible Translators

Las ilustraciones en las páginas 3, 4, 7, 24, 28, 53, 68, 99, 100, 107, 108, 109, 111, 118, 134, 144, 155, 171, 175, 177, 179, 187, 197, 217, 229, 230, 262, 273, 285, 286, 291, 298, 301, 313, 328, 339, 343, 347, 365, 367, 368, 370, 373, 379, 389, 402, 406, 418, 454, 464, 469, 471, 698 y 743 se usan por cortesía de ©1978, David C. Cook Publishing Co.

Las ilustraciones por Horace Knowles ©The British & Foreign Bible Society, 1954, 1967, 1972, se encuentran en las páginas 80 y 721.

La ilustración por Horace Knowles revisado por Louise Bass ©The British & Foreign Bible Society, 1994 se encuentra en la página 697.

La ilustración por Louise Bass ©The British & Foreign Bible Society, 1994 se encuentra en la página 695.

La ilustración por Darwin Dunham, © United Bible Societies, 1989 se encuentra en la página 260.

[www.ScriptureEarth.com](http://www.ScriptureEarth.com)

Creative Commons

Atribución - No Comercial - No Derivadas 3.0



**Eres libre de:**

copiar, distribuir y comunicar públicamente la obra

**Bajo las condiciones siguientes**

- **Atribución** — Debes reconocer la autoría de la obra en los términos especificados por el propio autor o licenciente.
- **No comercial** — No puedes utilizar esta obra para fines comerciales.
- **No Derivadas** — No está permitido que alteres, transformes o generes una obra derivada a partir de esta obra.

**Con la comprensión eso:**

- **Renuncia** — Un de los sobre condiciones puede ser renunciado si consigue el permiso del sostenedor de las derechos.
- **Otras derechos** — Están de ninguna manera los siguientes derechos afectadas por la licencia:
  - Las derechos del uso justo;
  - Las derechos morales del autor;
  - Las derechos que otras personas pueden tener en el trabajo mismo o en cómo se utiliza el trabajo, por ejemplo las derechos de publicidad o las derechos privadas.
- **Aviso** — Para obras reutilizadas o redistribuidos, tiene que avisar claramente estos términos de la licencia.

<http://creativecommons.org/licenses/by-nc-nd/3.0>

# ÍNDICE

SAN MATEO . . . . .	1
SAN MARCOS . . . . .	113
SAN LUCAS . . . . .	180
SAN JUAN. . . . .	293
HECHOS. . . . .	378
ROMANOS. . . . .	475
I CORINTIOS . . . . .	519
2 CORINTIOS . . . . .	561
GÁLATAS . . . . .	588
EFESIOS . . . . .	603
FILIPENSES . . . . .	619
COLOSENSES . . . . .	628
1 TESALONICENSES. . . . .	638
2 TESALONICENSES. . . . .	646
1 TIMOTEO . . . . .	651
2 TIMOTEO . . . . .	663
TITO. . . . .	671
FILEMÓN . . . . .	676
HEBREOS . . . . .	679
SANTIAGO . . . . .	716
1 SAN PEDRO . . . . .	727
2 SAN PEDRO . . . . .	739
1 SAN JUAN. . . . .	747
2 SAN JUAN. . . . .	757
3 SAN JUAN. . . . .	759
SAN JUDAS . . . . .	761
APOCALIPSIS . . . . .	765

## **ACLARACIONES**

(1) Los corchetes [ ] encierran partes de textos que varían en los distintos manuscritos antiguos del idioma fuente.

(2) Los paréntesis ( ) se usan para dar información que no es parte del texto bíblico y que no es una traducción, pero que sí tienen una implicación en el texto original.

# San Mateo

Jesucristo Cohamacu macuno to coyea panopu macaina jira

(Lc 3.23-38)

**1** <sup>1</sup> Jesucristo coyeare panopu macainare ò sehe ni yahuihtja yũhũ. Jesucristo ñũchũno cjiro panopu macariro Davi wama tiroiro jia tiha. To jihto pano ti ñũchũno cjiro Abrahã wama tiroiro jia tiha.

<sup>2</sup> Abrahã Isaa pũcũro jiha. Isaa Jacobo pũcũro jiha. Jacobo Juda cũhũ pũcũro jiha. <sup>3</sup> Juda pohna pũaro jiha. Fares, Zara jiha. Ti pocoro Tamar wama tiricoro jiha. Fares Esrom pũcũro jiha. Esrom Aram pũcũro jiha. <sup>4</sup> Aram Aminadab pũcũro jiha. Aminadab Naasón pũcũro jiha. Naasón Salmón pũcũro jiha. <sup>5</sup> Salmón Booz pũcũro jiha. Booz pocoro Rahab jiha. Booz Obed pũcũro jiha. To pocoro Rut jiha. Obed Jesé pũcũro jiha. <sup>6</sup> Jesé Davi pũcũro jiha. Davi sehe Israe masa bui pũhtoro jiha. Tiro Uria wama tiroiro cjiro namonore to nũoari baharo Salomo wama tirirore pohna tiha.

<sup>7</sup> Salomo Roboã pũcũro jiha. Roboã Abías pũcũro jiha. Abías Asa pũcũro jiha. <sup>8</sup> Asa Josafat pũcũro jiha. Josafat Joram pũcũro jiha. Joram Uzías pũcũro jiha. <sup>9</sup> Uzías Jotam pũcũro jiha. Jotam Acaz pũcũro jiha. Acaz Ezequia pũcũro jiha. <sup>10</sup> Ezequia Manase pũcũro jiha. Manase Amón pũcũro jiha. Amón Josia pũcũro jiha. <sup>11</sup> Josia Jeconia cũhũ pũcũro jiha. Tina ti jiri pjare Israe yahpa macainare Babilonia macaina sehe ñaha wahcãha ti ya yahpau.

<sup>12</sup> À yoa Babilonia yahpai ti sũri baharo, Jeconia Salatiere pohna tiha. Salatie Zorobabe pũcũro jiha. <sup>13</sup> Zorobabe Abiud pũcũro jiha. Abiud Eliaquim pũcũro jiha. Eliaquim Azor pũcũro jiha. <sup>14</sup> Azor Zadoc pũcũro jiha. Zadoc Aquim pũcũro jiha. Aquim Eliud pũcũro jiha. <sup>15</sup> Eliud Eleazar pũcũro jiha. Eleazar Matán pũcũro jiha. Matán Jacobo pũcũro jiha. <sup>16</sup> Jacobo José pũcũro jiha. José María manũno jiha. María sehe Jesu pocoro jire. Jesu sehe masare yũhdohtiro jiro Cristo ti ni pisuriro jire.

<sup>17</sup> Tó sehe jiro Abrahãre mari quihõ mãhtachũ, pũ Davipũre mari quihõ batoachũ ahrina jipihtina ti panamana ji turiaina

mehne jia, catorce curuari waro jiha. Pari turi Davire mari quihõ mũhtachũ, pũ Babiloniapũ Israe masare ti naahto pano mari quihõ batoachũ jipihtina ti panamana ji turiana mehne jia, catorce curuari waro pari turi jiha. ã yoa tuhsũ Babiloniapũ ti sũri baharo mari quihõ mũhtachũ, pũ Cristo to masa bajuachũpũ mari quihõ batoachũ jipihtina ti panamana ji turiana mehne jia, catorce curuari waro jiha tjao.

### Jesucristo to masa bajarire yahuha

(Lc 2.1-7)

18 ã yoa õ sehe Jesucristo masa bajuari jire. To pocoro María sehe José namono cjihto jiri jire. Wiho mejeta ti pũaro ji dũcahto pano Espĩritu Santo to tuua mehne wahma nijinocãre bocaro masiha ticoro to basi. 19 ã yoa José to manũno cjihto quihõno yoiriro jiro, tíre masino, ticorore cohãno taro nimaha. Masa ti ñũrocaroi ticorore buhiri tichũ yoa duaeraro, masa ti tũhoerasinichũta yaroca ticorore cohãno taro nimaha. 20 Tíre to tũhoturo watoi Cohamacũ anjo sehe cahãnopũ Josére bajuaro, õ sehe niha:

—José, Davi cjiro panamino, Marĩare bũo tiro marieno namo tiga. Ticoro Espĩritu Santo to yoadohoro mehne wahma nijinocãre bocaricoro jira. ã jicũ bũo tiro marieno namo tiga ticorore. 21 Ticoro pohna tirohca. Tirota to macũnota to masare, pichacapũ wahaborinare yũhdohtiro jirohca. To ã yũhdohtiro jichũ ñũcsũ, Jesu ni wama pisuihca mũhũ —niha anjo Josére.

22 Panopũ macariro Cohamacũ yare yahu mũhtariro cjiro “ã waharohca”, to ni joariro seheta ahri jipihtia ã wahaa tiha. Ahri ã wahahtore õ sehe ni joa dutia tiha Cohamacũ tirore:

23 “Cũcoro nuhmino, ne mũno mehne jieraricoro,  
nijinocãre bocaro pohna tirohca to  
macũnocãre.

Tirocã Emanuel wama tirohca”,  
ni joaa tiha Cohamacũ yare. (Emanuel nino: “Cohamacũ mari mehneta jira”, nino nica.)

24 Cohamacũ anjo Josére to ã ni yahuri baharo José sehe wahcã, anjo to dutiriro seheta tiro María mehne wamomaca dũhtehta. 25 To macũnocãre to pohna tihto pano José sehe ticoro mehne jiera tiha. Baharo ticoro sehe pohna tia wahaha. Tiro sehe wihãrirocãre Jesu wamoaha.

### Sũ mũaja taro macaina Jesucãre ñũa sũa

**2** <sup>1</sup> Herode Judea yahpa macaina ti bui pũhtoro to jiri pja tí yahpai jiri macai Belēi Jesu masa bajuaha. To ã masa bajuari baharo ñahpichohare buheina ñahpichohare noano masiina sũ mũaja taro macaina ta, Jerusalẽpũ wihia. <sup>2</sup> ã wihia, masare tó macainare sinituha:

—¿Judio masa ti bui pũhtoro jihtiro cjihto mipũre nohorũ masa bajuacari tiro? Sũ mũaja taropũ jina, ñahpichohaca to wahma bajua wahã sachũ ñũa, “Pũhtoro masa bajuaro nica”, ni masihi sã. ã to bajuachũ ñũa, sã cũno mehne tirore ño payona tana tahi õpũ —ni yahuha buheina masare.

<sup>3</sup> ã yoa paina Herodere tíre yahua tiha. Ti ã yahuchũ tũhoro Herode sehe soro tũhotuha. ã jia jipihina Jerusalẽ macaina



cũhũ to yoaro seheta soro tũhotuha tina cũhũ. 4 ã jiro Herode sehe jipihtina sacerdotea pũhtoare, mari judio masare buheina cũhũre to pjirocari baharo ti cahmachu pihtichũ ñũno, tinare sinituha tiro:

—¿Nohorũ masa bajuarohcari Cristo sehe mũsa tũhotuchũ?  
—ni sinitu ñũha tiro.

5 Õ sehe ni yahuha tirore:

—Belēi, Judea yahpai jiri macai Cristo masa bajuarohca. Õ sehe ni joaa tiha Cohamacũ yare yahu mũhtararo cjiro:

6 “Belēi yũ yainare Israe masare dutihtiro tarohca.

ã jiro paye macari Judea yahpai jia macari yũhdoro jira Belē”,

ni joaa tiha Cohamacũ yare —ni yahuha tina Herodere.

7 Ti ã ni yahuri baharo Herode masa ti marieno watoi sũ mũja tarorũ tarinare pjirocaha. To cahapũ tina ti sũchũ ñũno, tinare sinitu ñũha. To ã sinitu ñũchũ tũhoa, ñahpichohacare ti ñũri dachore yahuha tina. 8 Ti ã yahuri baharo Herode sehe tinare Belēpũ warocarõ õ sehe niha tinare:

—Tirocãre noano macaga. Tirocãre bocana tjuahna yũhũre yahu tjuahga. Yũhũ cũhũ tirocãre ño payoi wahai tai nija —nimaha tinare Herode.

9 To ã niri baharo, tina wahaa wahaha. Ti ã wahachũ sũ mũja taroi ti ñũria ñahpichohaca sehe mũ tãrucuha. ã yoa wihãrirocã to jiro bui waroi tjua wahã sũha tia sehe. 10 ã jia ñahpichohacare ñũa, tuaro wahcheha tina. 11 Wihãrirocã to jiri wũhũpũ sũ, sãa wahaha tina. ã sãa sũa, wihãrirocãre to pocoro mehne jirirocãre ñũha tina. ã ñũa tina na tuhcuca caha





sũ, tirocãre ño payoha. Ño payo tuhsũ ti caa pocare naroca pjõoroca, urure, inciensore, mirra wama tia me sitia cũhure na wio, tíre tirocãre wapa marieno waa tiha. **12** Tíre wa tuhsũ carĩa wahaha tina. Ti ã carĩchũ cahãnopũ Cohamacũ yahuha tinare: “Herode cahai tjuarena tjiga”, ni yahuha Cohamacũ tinare cahãnopũre. To ã ni yahuri baharo, tina sehe wahcãha. Ti ã wahcãri baharo pa mahapũ ti ya dihtapũ tjuaa wahaa tiha.

**José cũhu Jesucãre Egiptopũ na duhti wahcãa wahaha**

**13** Ti ã wahari baharo Cohamacũ anjo cahãnopũ Josére bajuaro, õ sehe niha:

—Wahcãga. Herode sehe maharirocãre wajãno taro, macano nina mipũre. Æ yoa maharirocãre, to pocoro cũhure Egiptopũ cjero na duhti wahcãa wahaga. Tópũre yũ niriro purota jiga —ni yahuha anjo Josére.

**14** To ã nichũ tũhoro, José sehe ñamiilta wahcã, maharirocãre to pocoro cũhure Egiptopũ na duhti wahcãa wahaha. **15** Egiptopũ sua, Herode to catiro puro tópũre jiha tina. Æ yoaha panopũ macariro Cohamacũ yare yahu mũhtariro cjiro to ni joariro seheta. Tíre tirore Cohamacũ joa dutia tiha. Õ sehe ni joaa tiha Cohamacũ yare: “Egiptopũ jirirore yũ macũre pjirocahi”, ni joaa tiha Cohamacũ yare.

**Herode macanacãre wajã dutiri jire**

**16** Æ yoa ñahpichohare buheina ti duhti yũhduachũ tũhoro Herode sehe sua yũhduaha. Æ suaro, Belẽ macainare, tí maca dũhtũ caha macaina cũhure ti pohnare mũa pohnare pũa cũhma cjuainacãre wajã batoa dutiha tiro. Wahmanore ñahpichoha buheina ñahpichohacare ti ñũri dachore yahuha Herodere. Ti ã nichũ tũhoro tiro to wajã duarirocã to masa bajuari dachore masino, “Õpe cũhmari cjuara” nino, pũa cũhma cjuainare wajã batoa dutiha. **17** Panopũ macariro Jeremía Cohamacũ yare yahu mũhtariro cjiro to ni joariro seheta ã wahaha. Õ sehe ni joaa tiha tiro:

**18** “Ramá wama tiropũ bisiro coa tarohca.

Tuaro cahyaa mehne tiiro coa tarohca.

Raquel panamana numia ji turia numiapũ Israe

masa namosãnumia ti pohnare tuaro tiiaha.

Ti pohnare ti wajãchũ ñũa, ne cahya duhusi”,

ni joaa tiha panopũ.

19 Ñ yoa Herode to yariari baharo Egiptoï jiriore Josére Cohamacu yairo anjo cahãnopu bajuaha. Ñ bajuaro õ sehe niha Josére:

20 —Maharirocãre wajã duaina cjiri yariaa wahahre. Ñ jicu tirocãre to pocoro mehne Israe yahparu na tjuua wahaga muhu —ni yahuha anjo Josére.

21 To ã niri baharo tiro wahcã, maharirocãre to pocoro mehmeta Israe yahparu na tjuua wahaha. 22 Wiho mejeta Arquelao Herode macuno sehe to pucuro cohtotariro to jichu tuhoro José sehe Judea yahpai cuïro, tjueraha. Ñ jiro pari turita cahãnopu tiore yahu namoha tjoa. Tirore pari turi Judea yahpare ji dutieraha. To ã ni yahuri baharo, tina Galilea yahparu waha wahaha. 23 Tí yahparure Nazare wama tiri macai jiha tina. Ñ yoaha tina Cohamacu yare yahu muhtaina cjiri ti joariro seheta. Ñ sehe ni joaa tiha: “ ‘Cristo Nazare macariro tjira’, niahca masa”, ni joaa tiha Cohamacu yare yahu muhtaina panopu macaina.

### João masare bautisariro masare yahuha

(Mr 1.1-8; Lc 3.1-9, 15-17; Jn 1.19-28)

3 1 Ñ yoa baharopu João masare bautisariro jiha. Judea yahpai masa marienopu tiro Cohamacu yare yahu dũcaha masare. 2 Ñ sehe ni yahuha tinare:

—Mũano macariro Cohamacu mũa puhtoro to sũho jihto mahanocã dũhsara. Ñ jina “Ñano yoaeraja”, mũa ni tuhutumari cjirire duhuga. Mũa ñaa buhirire cahya, Cohamacu sehene cahmaga mũa —ni yahuha tiro tinare.

3 Panopu macariro Isaia Cohamacu yare yahu muhtariro cjiro João to buhehtore õ sehe ni joaa tiha:

“Masa marienopu cũïro sañurucu, õ sehe ni buherohca:

‘Mari puhtoro to tahto pano tiore cahmaeraina cjiri mũa tuhutuare cohtota, tiore cahmaina jiga mũa’, ni sañurucu buherohca”,

ni joaa tiha Isaia cjiro João cjihtore.

4 Tiro João camello pjoari suhtirore sãariro, wahiquiro cahsaroreta tuã dihoriro jiha. Poreroare, macaroca macaina miquina mi cũhure chua tiha. 5 Jerusalẽ macaina, jipihtiro Judea yahpai jiina, Jordão wama tiri ma cahai jiina cũhu tiore tuhoa taha. 6 Wihi, tiore tuho, ti ñaa yoarire Cohacure



yahuha tina. Ti ã ni yahuchũ tũhoro Jordão wama tiri mai João tinare bautisaha.

7 ã jiro payũ fariseo curua macaina, saduceo curua macaina cũhũ Joãore ti bautisa dutia tachũ ñũno tiro tinare õ shehe ni yahuha:

—¿Musa cũhũ agãa ñima tiina yoaro shehe musa mahñoa buhea mehne masare dojomehneina jina, Cohamacũ musare to buhiri dahrehto pano tirore cui, duhti masierara musa?

8 ã jina potocãta musa ñaa buhirire bujũa witi, Cohamacũre cahmana jiihna, noaa yoa ñoga.

9 Õ shehe ni tũhotuena tjiãa: “Panopũ macariro Abrahã mari ñũchũ cjiro jia tiha. ã jina to panamana jina mari Cohamacũ yaina jija”, ni tũhotuena tjiãa musa. Musare niita nija. Abrahã panamana jiina jimana musa. Musa ã jipachũta tí musa ã jia yaba cjihti jierara. Cohamacũ shehe ahri tãa mehne Abrahã coyeare dahre masina. ã jiro Abrahã coyea musa jia wiho waro jira tãa ti wiho waro jiro seheta. 10 Õ shehe jira: Masa yucũri yoaro seheta jira. Cohamacũ shehe coma mehne yucũrĩre cjã cohãriro yoaro shehe jira. ã jiro noaa dicha maria yucũre nũhcõri mehnepũta cjã cohãnohca tiro. Tĩre to cjã cohãri baharo, pichacapũ jũ cohãnohca tiro. ãta yoaro taro nina masa cũhũre tirore cahmaerainare. 11 Yũ baharo yũ bui tuarĩro tarohca. Noa yũhdũarĩro jira tiro. Tiro yoaro shehe jieraja yũhũ shehe. ã jicũ tirore tũhotucũ, “Wiho jiriro jija yũhũ”, ni tũhotuja yũhũ. Yũhũ shehe musa ñaare tũhotumari cjirire tũhotu cohtotainare diapũ bautisacũ, co mehne yoamahi. Tiro shehe yũ yũhũdoro yoarohca. Espĩritu Santore masa mehne ã jirucuchũ yoarohca tiro. Wiho mejeta paina sehere ñaare ti tũhotumari cjirire duhu duaeraina

sehere tiro pichaca mehne buhiri dahrerohca. <sup>12</sup> Yũ baharo tariro cahsari cohãriro yoaro sehe jira. Cahsari cohãriro to batiro mehne jipihtia to trigo yapari cahsarire putiwera. To ã putiwera baharo trigo sehere to wihbori wũhũi wihborohca. Tó seheta yoarohca tirore cahmainare yũ baharo tariro. To putiwea cahsari sehere tiro jũnohca. Tí pichaca ne yatisi. Ñta yoarohca tiro yũ baharo tariro tirore cahmaerainare —ni yahuha João.

### João Jesure bautisaha

(Mr 1.9-11; Lc 3.21-22)

<sup>13</sup> Baharo Jesu Galileapũ jiriro cjiro waha, Jordão wama tiri mapũ buhu sũha Joãore bautisa dutiro. <sup>14</sup> Wahmanore João tirore bautisa duaeramaha.

—Neho, mũhũ sehe yũ yũhgoro tuariro yũhũ sehere mũ bautisachũ noabo. Mũhũre bautisaboriro jieraja yũhũ —ni yũhtimaha João Jesure.

<sup>15</sup> Jesu sehe õ sehe ni yũhtiha tirore:

—Yũhũre bautisasiniga. Õ sehe yoana, Cohamacũ to dutiriro seheta sohtori tina nija mari —niha Jesu.

To ã nichũ tũhoro:

—Jai —ni yũhtiha João.

<sup>16</sup> Ñ ni tuhsũ, Jesure bautisaha. To bautisa tuhsũchũ Jesu diapũ ducuriro maja sũrucũ sũha. To maja sũrucũ sũchũta, mũano parĩ mũaha. Cohamacũ to Espĩritu buja yoaro sehe tiro bui to duji tachũ ñũha. <sup>17</sup> To ã duji tachũ mũanopũ durucuro coa taha:

—Ahriro yũ macũ yũ cahĩriro jira. Tiro mehne tuaro wahcheja —nino coa taha mũanopũ.

### Watĩno ñaare yoa dutimaha Jesure

(Mr 1.12-13; Lc 4.1-13)

**4** <sup>1</sup> Ñ yoa Espĩritu Santo sehe Jesure masa marienopũ naaha, tórpũ watĩno tirore ñaare to yoa duti ñũhto sehe.

<sup>2</sup> Tórpũ sũro cuarenta dachori waro chũro marieno jiha Jesu. Ñ jiro jũca baaha. <sup>3</sup> Jũca to baachũ ñũno watĩno sehe tiro cahapũ sũro, õ sehe niha:

—Mũhũ Cohamacũ macũno jicũ, ahri tãa pocare chũa dojomehnega —nimaha tiro Jesure.

<sup>4</sup> Jesu õ sehe ni yũhtiha:

—Yoaeraja. Cohamacu yare ti joari pui ò sehe nina: “Masare chua mehne dihta catieraro cahmana. Jipihtia Cohamacu to ya yahua mehne jiro cahmana”, nina Cohamacu —ni yuhtihia Jesu watinore.

<sup>5</sup> To ã ni yuhtiri baharo watino sehe Jerusaleru “Cohamacu ya maca”, ti niri macaru Jesure naaha. Toru na sruo, Cohamacu ya wuhu bui Jesure na suha tiro. <sup>6</sup> Na su tuhsu, tirore ò sehe nimaha:

—Cohamacu yare ti joari pu ò sehe nina:

“Cohamacu to anjoare mure nu wihbo dutirohca.

ã jia tina sehe mure nu wihboahca,

“Tacu ruha tu mari’ nia”,

nina ti joari pu. To ã niri potocã jichu mure Cohamacu maceno jicu yahparu pju bora ñonjuta yure. Mure tina ti yoadohochu ñonjuta yure —nimaha watino.

<sup>7</sup> Jesu pju bora ño duaeraro ò sehe ni yuhtihia:

—Cohamacu yare ti joari pu ò sehe nina: “Musa ruhtoro Cohamacu to niri cjiire ‘¿Potocã tjijari?’ ni masi duana Cohacure yoa ño duti macaena tjiga”, nina Cohamacu yare ti joari pui —niha Jesu.

<sup>8</sup> To ã ni yuhtiri baharo mua yuhudu tucuru Jesure na mujaha watino tjoa. Tu buiru maja pja su, jipihtia macarine ñoroca boroha Jesure. Ti cmaa cure ñoha. <sup>9</sup> ã ñono Jesure ò sehe nimaha:

—Yure na tuhcu caha su, ño payoga mure. Mu ã yoachu jipihtia ahri macarine mure waihtja —ni yahumaha watino.

<sup>10</sup> To ã nichu Jesu ò sehe ni yuhtihia:

—Satana, wahaga mure. Ò sehe nina Cohamacu yare ti joari pui: “Mu ruhtoro Cohamacu dihtare ño payoga. To ya dutia dihtare yoaga”, nina Cohamacu yare ti joari pui —niha Jesu watinore.

<sup>11</sup> To ã nichu tuhoro watino wahaa wahaha. To wahari baharo anjoa sehe wih, Jesure yoadohoa tirore chua waha.

### **Galilea yahpai Jesu buhe ducaha**

*(Mr 1.14-15; Lc 4.14-15)*

<sup>12</sup> ã yoa Joore peresu ti yoachu tuhoro, wahaa wahaha Jesu. Waha, Galilea yahparu suha. <sup>13</sup> Tói jiri macaru Nazarenu waha, yuhu wahca, Capernau wama tiri macaru suha. Galilea wama tiri bucpariro duhtu cahai jira Capernau.

Tí maca Zebulō yahpa cahai, Neftalí yahpa cahai jire Capernau. Tóρπ sũ, jiha Jesu. 14 Āta yoaha Jesu panopũ macariro Cohamacũ yare yahu mũhtariro Isaia cjiro to ni joariro seheta. Ō sehe ni joaa tiha:

15 “Zebulō yahpa cahai, Neftalí yahpa cahai,  
bũcũpariropũ waharoi, Jordão pa bũhusehe  
coapũ Galilea yahpa jira.

Tí yahpa judio masa jieraina ya yahpa jira.

16 Tó macaina Cohamacũ yare noaare masierara.  
Ā masierapahta noarirore ñũapũ masiahca.  
Tina sehe Cohamacũre ne masierara.  
Ā jia pichacapũ wahaborina jimaha.  
Ā jiro cũiro tinare Cohamacũ yare masichũ  
yoarohca”,

ni joaha Isaia cjiro.

17 Tóρπ jiro, Cohamacũ yare yahu dũcaha Jesu:

—Mũsa ñaare tũhotumari cjirire duhu, noaa sehere tũhotu  
cohtota, Cohamacũreta macaga mũsa. Mũano macariro  
Cohamacũ jipihtina bui pũhtoro to sũho jihto mahanocã  
dũhsara —ni yahu dũcaha tiro.

**Pititiaro wahi wajãinare tiro mehne  
macaina cjihtire pjiha Jesu  
(Mr 1.16-20; Lc 5.1-11)**

18 Ā yoa Galilea wama tiri bũcũpariropũ dũhtũ cahapũ Jesu  
sito wahcãmahno ñũha Simore, to bahũro Andre mehne.  
Simota Pedro ti ni pisuriro jiha. Tina sehe wahi wajãina jia,  
ti wañũyucũrĩre doca ño mũjaa niha bũcũpariropũ.

19 —Yũhũ mehne macaina cjihti taga mũsa. Yũhũ mehne  
mũsa tachũ, mũsa wahire ñaha cahmachuina mũsa jiro seheta,  
Cohamacũ yaina cjihtire masare pji cahmachuina cjihtire  
yoaihtja mũsare. Yũhũ mehne mũsa tachũ ã yoahina cjihtire  
cũihtja mũsare —niha tiro tinare.

20 To ã nichũ tũhoata ti wañũyucũrĩre cũnoca, tiro mehne  
wahaa wahaha.

21 Ā yoa Jesu tina mehne yũhdũ wahcã, Santiagore to  
bahũro João mehne boca sũha tjoa. Tina Zebedeo pohna jiha.  
Ti yaria dohoriai ti pũcũro mehne tina cũhũ ti wañũyucũrĩre

cahnoa niha. Tina p̄arore tiro p̄jirocaha. **22** To ã p̄jirocach̄u t̄uhoa, tina sehe d̄oihta ti p̄c̄ur̄ore, dohoria c̄ũh̄ure c̄ũ, Jesu mehne wahaha.

### **Payu masare buheha Jesu**

*(Lc 6.17-19)*

**23** Ñ yoa jipihtiro Galilea yahpare Jesu buhe tiniha. Judio masa mari buhea w̄h̄usep̄u noaa buheare, m̄ano macariro p̄htoro to s̄ho jia tiare buheha. Tinare buhe, dohatiinare noaina wahach̄u yoaro jipihtia dohatiare cohãha tiro. **24** To ã yoaaare t̄uhoa Siria yahpa macaina jipihtior̄u tí yahpai jiina tirore masi d̄ucaha. Ñ masia, soro jia dohatia c̄j̄ainare, tuaro pur̄iare c̄j̄ainare, wat̄ia ti s̄anohrinare, ñama yaria m̄nare dohatiinare, tini masieraina c̄ũh̄ure na s̄ha. Ti ã na s̄ch̄u ñ̄no jipihtina tinare noaina wahach̄u yoaha Jesu. **25** To ã yoach̄u ñ̄a, Galilea yahpa macaina, Decapoli wama tirop̄u jia macari macaina, Jerusalē macaina, Judea yahpa macaina, Jordão pa b̄h̄usehe coa macaina payu masa tiro mehne wahaha.

### **T̄c̄ur̄u m̄ja, t̄oi buheha Jesu masare**

**5** <sup>1</sup> Masa payu to cahai ti s̄ch̄u ñ̄no Jesu t̄c̄ur̄u m̄jaha. M̄ja s̄, t̄oi dujiha. T̄oi to dujich̄u to buheina sehe tiro cahar̄u s̄ha. <sup>2</sup> Ti s̄ch̄u ñ̄no ò sehe ni buhe d̄ucaha:

### **Õ sehe jiina jira wahcheina**

*(Lc 6.20-23)*

**3** —Ti ñaa t̄hotumari c̄jirire duhu, noaa sehere t̄hotu cohtotaina Cohamac̄u cahmaina wahcheina jira. M̄ano macariro p̄htoro to s̄ho jior̄p̄re wahaahca tina. M̄ano macaa ti ya jira.

**4** 'Yahco tiina c̄h̄u wahcheina jira. Tinare wahchech̄u yoarohca mari P̄c̄u.

**5** 'Painare ȳhd̄ur̄ca duaeraina ã jica nieraina wahcheina jira. Cohamac̄u "Waiht̄ja", tinare to nirire c̄j̄aahca tina.

**6** 'Cohamac̄u to dutiro sehe yoa duaina, noaaare yoa duaina wahcheina jira. Cohamac̄u to yoadohoch̄u tina noaaare yoa sohtori tiahca.

7 'Painare pja ñhina wahcheina jira. Ti ã pja ñhchũ Cohamacũ tina cũhũre pja ñhnohca.

8 'Ti ñaa buhirire cosanohrina wahcheina jira. Cohamacũre ñhahca tina.

9 'Masare bosaina wahcheina jira. Tinare “Yũ pohna jira”, ninohca Cohamacũ.

10 'Cohamacũ dutiare ti yoari buhiri ti ñano yoanohrina sehe wahcheina jira. Mũano macariro pũhoro to sũho jiropũ to yare cjuahca tina.

11 'Yũ yare mũsa yoari buhiri paina mũsare ti tuhtipachũta wahcheina jira mũsa. Mũsare ti ñano yoapachũta wahcheina jira mũsa. Yũ yaina mũsa jiri buhiri mũsare jipihtia ñaa ti quitu dojomehnepachũta ti mahñopachũta wahcheina jira mũsa. 12 Cohamacũ yare yahu mũhtainare mũsa pano jiinare tinapũreta ñano yoa mũhtaha. Mũsa cũhũre ti yoariro sehe ti yoachũ wahchega. Noano yajeripohna tiga. ã jiro mũanopũ mũsa sũchũ pjĩro noano yoarohca mũsare Cohamacũ —ni yahuha Jesu.

**Moa yoaro sehe, buhriaro yoaro sehe jira Jesu yaina**

*(Mr 9.50; Lc 14.34-35)*

13 ã yoa Jesu õ sehe ni buhe namoha:

—Moa wahiquiro dihire to ñano wahaerachũ yoaro seheta mũsa sehe yũ yaina sehe jipihtina painare ñaare ti yoa duaerachũ yoara. Wiho mejeta moa sehe ti ñaa wahachũ pari turi noaa yoahito basioerara. Tí moa ne noaerara. Ti ã wahachũ tí moare cohãno cahmana. Ti ã cohãri baharo tí bui masa tũ cũna. Ne yaba cjihti jierara tí moa ti cohõa. (Ti yaba cjihti jieraro seheta jiena tjiga mũsa. Cohamacũ ya sehere cohãena tjiga) —ni yahuha Jesu.

14 ã yoa tiro õ sehe ni buhe namoha:

—Buhriaro marine to ñhchũ yoaro seheta mũsa sehe yũ yaina sehe ahri yahpa macainare Cohamacũre masichũ yoara. Tũcũ bui jiri macare nũohto basioerara. 15 ã yoa sihãriare masa sihãa, biato docapũ nũoerara. Tiare sihãriare mũanoi duhu payora tí wũhũ macaina jipihtina ti ñũhtiare. 16 Õ seheta mũsa cũhũ buhriaro yoaro sehe jiina jina, noaare yoaga. Mũsa ã yoachũ ñha masa mari Pũcũ mũano macarirore ño payo, “Tuariro, noariro jira”, niahca —ni yahuha Jesu.



### Cohamacu to dutiare to joari cjirire yahuha Jesu

17 Ñ ni tuhsu, tinare õ sehe ni yahu namoha:

—Ahrire musa masichu cahmaja yuhu. Cohamacu to dutiare Moise cjimore to cūrire, to yare yahu mūhtaina cjiri ti joari cjiri cūhure cohāi tai nierahi. Tí dutiare musare noano yahu potoi tai nii. Tí dutiare ti quihōno jichu ñoi tai. Ti niriro seheta yoa sohtori tii tai nii. 18 Potocā musare nii nija. Pihtiri dacho pano jisnichu Cohamacu dutia Moise cjimore to cūrire ne mahanocā baro cohāsi mari. Ahri yahpa, mūano cūhu ti jisnino puro to dutia cūhu jirucuahca. Ñ jirucua ti niriro seheta sohtori tirohca. 19 Ñ jia tí dutiare cāina yūhdurūcaa, painare tó sehe yūhdurūca dutia, mūano macariro pūhtoro to sūho jiropu cahamaca yoaro sehe jahca. Cāno dutiacā to jipachūta tina yūhdurūcaa, cahamaca yoaro sehe jahca tina. Paina tí dutiare noano yoaa, painare tí yoaro sehe yoa dutia, mūano macariro pūhtoro to sūho jiropu pūhto yoaro sehe jahca tina sehe. 20 Musare niita nija yuhu. Judio masare buheina, fariseo curua macaina cūhu Cohamacu cahmaare quihōno yoaerara. Tina ti yoariro yūhdoro Cohamacu cahmaare yoaga musa sehe. Musa ã yoaerana, pūhtoro Cohamacu to sūho jiropūre ne sūsi musa —ni yahuha Jesu.

### Susiniare yahuha Jesu

(Lc 12.57-59)

21 Ñ ni tuhsu, tinare õ sehe ni yahu namoha:

—Panopu macaina õ sehe ni ti yahuri cjirire tūhori jimare musa: “Masare wajāena tjiga. Masare wajāriro ti buhiri dahrehtiro jira”, ti niri cjirire tūhori jimare musa. 22 Ahri ti yahuri yūhdo curero musare ahri sehere yahu namoihtja. To coyeiro mehne susiniriro sehe ti buhiri dahrehtiro jira masūnore wajāriro yoaro seheta. To coyeirore tuhtiriro, “Ne tūho masia maerariro jira mūhu”, niriro buhiri dahre dutiina cahai ti nahtiro jira. “Tūho masierariro jira mūhu”, to coyeirore nirirore pichacapu wahahto cua yūhdūara tirore.

23 ’Musa coyeiro musare to ñu tuhtichu õ sehe yoaga. Cohamacu wūhuru Cohamacure musa ño payohto pano, wahiquire jū mūo, musa wahto pano õ sehe yoaga. 24 Musa wahtire duhu cū, musa coyeiro chapu waha, “Pari turi cahmachena tjijihna. Tó purota duhujihna tíre”, niga tirore.

Musa ã niri baharo Cohamacure wa, ño payona wahaga to wuhuru.

25 'Pairo mure to yahusa duachu, purtoro masare beseriro caharu mure to naa duachu, tiro mehne suaro marieno wahaga. Masare beseriro caharu to na suhto pano tiro mehne noano jiga. Mu ã yoachu ñno tiro mure yahusaeraboca. Mu ã yoerachu torure musa sachu tiro sehe mure masare beserirore yahusanohca. To ã yahusachu, beseriro sehe peresu yoainare mure warohca. Ñ jia tina mure peresu yoahca. 26 Potocã nii nija mure. Toru jisinihca muh. Pu ti wapa dutirire muh wapa pahoiru wijaihca muh —ni yahuha Jesu.

### **Pairo namono mehne ñano yoare yahuha Jesu**

27 Ñ sehe ni yahu namoha Jesu:

—Panoru macainare ñ sehe ti ni yahuri cjurire tuhori jimare musa: “Pairo namono mehne ñano yoarena tjiga”, ti niri cjurire tuhori jimare musa. 28 Ahri ti yahuri yuhdo curero musare ahri sehere yahu namoihtja. Numinore ñahaeraparota, curo ticorore ñano goa pjaro, ñano wacu tuhuturo ñano yoa tuhsaha ticoro mehne.

29 Ñ jicu mu capariaca poto buhusehei jiriaca mehne ñano yoacu, tiare orewe na mu cohaboriro sehta ti ñaa yoare duhuga. Tire duhueracu pichacaru wahaihca. Mu capariacare mu cohachu tia capariaca dihta butira. Muh sehere pichacaru mu wahachu ña yuhdura. Ñ jicu ti ñaa yoare duhuga. 30 Ñ jicu mu wamomaca poto buhusehei jiri wamomaca mehne ñano yoacu, ti wamomacare mu dute cohaboriro sehta ti ñaa yoare duhuga. Tire duhueracu pichacaru wahaihca. Mu wamomacare mu cohachu ti wamomaca dihta butira. Muh sehere pichacaru mu wahachu ña yuhdura. Ñ jicu ti ñaa yoare duhuga —ni yahuha Jesu.

### **To namonore cohare yahuha Jesu**

*(Mt 19.9; Mr 10.11-12; Lc 16.18)*

31 Ñ sehe ni yahu namoha Jesu:

—Panoru ahri cure niha: “To namonore cohã duariro to cohãhtore yahuri pu mehne ticorore cohã masina”, nimaha panoru. 32 Ahri ti yahuri yuhdo curero musare ahri sehere yahu namoihtja. To namono pairo mehne ñano yoeraricoro

to jipach̄ta to man̄no ticorore coh̄boca. To ã coh̄ã daporicoro paioire man̄ tiro ñano yoaro nica ticoro paio mehne jiro. To man̄no ticorore ã coh̄ãno ticorore paio mehne ñano yoach̄ yoara. To baharo namo tiriro c̄h̄u ticoro mehne ñano yoaro nina —ni yahuha Jesu.

### Wama payo niare yahuha Jesu

**33** Õ sehe ni yahu namoha Jesu:

—Panop̄ macaina ò sehe ti ni yahuri cjirire t̄hori jimare m̄sa: “M̄sa niriro seheta yoaga. ‘Cohamac̄ mehne potocã ã yoaihtja’, m̄sa niriro seheta yoaga”, ti ni yahuri cjirire t̄hori jimare m̄sa. <sup>34</sup> Ahri ti yahuri ȳhdo curero m̄sare ahri sehene yahu namoihtja. “M̄ano mehne potocã nii nija”, ni m̄ano mehne wama payo niena t̄jiga. M̄ano sehe Cohamac̄ mari p̄htoro to s̄ho jiro jira. Wiho jiro jierara. To ã jich̄ ñ̄na m̄ano mehne ã niena t̄jiga. <sup>35</sup> Ahri yahpa mehne ne wama payo “Potocã nii nija”, niena t̄jiga. Ahri yahpa Cohamac̄ ya yahpa jira. To ã jich̄ ñ̄na ã niena t̄jiga. “Jerusalē mehne potocã nii nija”, ne wama payo niena t̄jiga. Tuariro mari p̄htoro ya maca jira Jerusalē. Wiho jiri maca jierara. To ã jich̄ ñ̄na ã niena t̄jiga. <sup>36</sup> “Ȳu dapu mehne potocã nii nija”, ni wama payo niena t̄jiga. M̄sa p̄jari ti yehsea wahach̄ yoa masierara m̄sa. Ti ñia wahach̄ c̄h̄re yoa masierara m̄sa. Æ yoa masieraina jina “Ȳu dapu mehne potocã nii nija”, ni wama payo niena t̄jiga. <sup>37</sup> “Yoanahtja”, nina wama payoro marieno ò sehe dihta tíre nirucuga. “Yoasi”, nina c̄h̄u wama payoro marieno nirucuga. M̄sa wama payo nina, waf̄no ñariro to dutiriro seheta yoana nica m̄sa —ni yahuha Jesu.

### Ti cahma suaare yahuha Jesu

(Lc 6.29-30)

**38** Õ sehe ni yahu namoha Jesu:

—Panop̄ ò sehe ti ni yahuri cjirire t̄hori jimare m̄sa. “M̄h̄re paio m̄ capariacare to c̄ã tih̄airo seheta m̄h̄ c̄h̄u tirore c̄ã tih̄ã cahmaga. M̄ piriacare to c̄ã nuhariro seheta m̄h̄ c̄h̄u c̄ã nuha cahmaga”, ti niri cjirire t̄hori jimare m̄sa. <sup>39</sup> Ti yahuri ȳhdo curero ahri sehene yahu namoihtja m̄sare. M̄h̄re ñano yoarirore ã ñ̄nocahga. C̄ã b̄h̄sehe m̄ wahsupure to c̄ãch̄, pa b̄h̄sehe c̄h̄re c̄ã dutiga tirore. <sup>40</sup> Pairo buhiri dahre dutirirore m̄h̄re to

yahusāchũ, dutiro sehe mũ camisare mũhũre yahusārirore wa dutiboca. To ã wa dutichũ, tirore waga. Mũ bui macari suhtiro cũhũre wa namoga tirore. <sup>41</sup> Pairo surara paye barore cũ kilómetro mũhũre to naabasa dutichũ, pa kilómetrora waha namoga tjoa. <sup>42</sup> Mũhũre sinirirore waga. Tuhsũ, pairo mũhũre to waso dutichũ wasoga tirore —ni yahuha Jesu.

### Mũsare ñũ tuhtiinare cahĩga

(Lc 6.27-28, 32-36)

<sup>43</sup> Õ sehe ni yahu namoha Jesu:

—Masa õ sehe nina: “Mũsa mehne macainare cahĩga. ã yoa mũsare ñũ tuhtiinare ñũ tuhti cahmaga tjoa”, ti niri cjirore tũho mũhtari jimare mũsa. <sup>44</sup> Ti yahuri cjirore yũhdo curero ahri sehere yahu namoihtja mũsare: Mũsare ñũ tuhtiinare cahĩga. ã cahĩna tinare noano yoaga. Mũsare ñano yoainare ti ya cjihtire Cohamacũre sini payoga. <sup>45</sup> Mũsa ã yoana mari Pũcũ mũano macariro pohna jira mũsa. Cohamacũ sehe cũno potori yoara masare. Ñaina cũhũre, noaina cũhũre sũ sichũ yoara tiro. Tuhsũ, Cohamacũ dutiare yoaina cũhũre, yoeraina cũhũre coro tachũ yoara tiro. Masare cũno potori to yoiro sehetã mũsa cũhũ yoaga. <sup>46</sup> Mũsare cahĩina dihtare mũsa cahĩchũ tí ne yaba cjihti jierara paina sehere mũsa cahĩerachũ. Pũhtoã ya cjihtire wapa na cohtaina cũhũ tó sehetã yoara. ã jina jipihtinare cahĩga. <sup>47</sup> Mũsa coyã dihtare mũsa noano piti bocachũ tí cũhũ ne yaba cjihti jierara paina sehere mũsa noano piti bocaerachũ. Cohamacũre masieraina cũhũ tó sehetã yoara. ã jina jipihtinare noano piti bocaga. <sup>48</sup> Ñaa marieina jiga mũsa. Mũsa Pũcũ mũano macariro to ñaa marieriro to jiro sehetã mũsa cũhũ ñaa marieina jiga —ni yahuha Jesu.

### Noaa yoare yahuha Jesu

**6** <sup>1</sup> Pari turi tiro õ sehe ni yahu namoha:  
—Cohamacũ ya cjihtire noare yoana, “Cohamacũ yare yoa pahĩoina jija sã”, ni yahuena tjiga painare. Mũsa ã ni yahuri buhiri noare mũsa yoiro cjirore ne yaba cjihti jierara. ã jiro Cohamacũ mũano macariro noare mũsa yoiro wapa mũsare ne wasi. <sup>2</sup> ã jina pjacũoinare yoadohona, tíre masare yoa ñoena tjiga. Masa ti ñũenoĩ yoadohoga tinare. Cãina noaa ti yoare yoa ñohna mahapũ jiiinare, judio masa mari buhea wũhũsepeũ jiiina cũhũre. Tina mari baharo bũhũseheĩ ñano

yoa cohtaina jira. Ñ yoa ñohna tina, “Noaina jira”, masare ni ñh dutia. Ti ã ni ñuchh ã yoa ñoina sehe wahche tuhsure. “Noaina jira” ni, masa ti ño payochh wahche tuhsure tina. Ñ jiro Cohamacu sehe ne wahche namochh yoasi tinare. <sup>3</sup> Ñ jina pjasuoinare yoadohona, masa ti ñuenoi yoadohoga tinare. Mûsa mehne macaina mehne jina ti ñuenoi pjasuoinare yoadohoga. <sup>4</sup> Masa ti ñeraropu mûsa yoadohopachuta Cohamacu sehe ñhna. Ñ ñhno mûsa ã yoari wapa warohca mûsare —ni yahuha Jesu.

### Cohamacure siniare yahuha Jesu

(Lc 11.2-4)

<sup>5</sup> Pari turi tiro õ sehe ni yahu namoha:

—Cohamacure sinina, mari baharo bûhusehei ñano yoa cohtaina yoaro sehe yoaena tjiga mûsa. Judio masa mari buhea wûhusepu ducu, mahapu cûhure ducu, Cohamacure sini ñohna tina masare. Ñ sini ñoa potocã masa tinare ti ño payochh tí mehne tina wahche tuhsure. <sup>6</sup> Cohamacure sinicu tacu, mû ya tahtiaru biha sãaga. Biha sãa, mûsa Pucu ñmahnoerarirore siniga. Mûsa ã yoachh masa marienoi mûsa sinipachuta mûsa Pucu mûsare tûhorohca. Ñ tûhoro mûsare noano yoarohca tiro.

<sup>7</sup> Ñ jina Cohamacure sinina, tûhoturo marieno mûsa sinirireta pari turi sini majare tjua mûjaena tjiga. Õ sehetã yoara Cohamacure masieraina. “Payu durucua mehne Cohamacure sã sinichh tiro sãre tûhorohca”, ni tûhotumana tina. <sup>8</sup> Tina yoaro sehe yoaena tjiga. Mûsa sinihto pano mûsa Pucu mûsa cahmaare masi tuhsura. <sup>9</sup> Ñ jina õ sehe ni sininahca Cohamacure:

“Sã Pucu, mûano macariro mûhû ñaa marieriro ã jirucura.

<sup>10</sup> Mipure jipihtina bui puhtoro jiga.

Muanopu mû dutiro sehetã ti yoariro sehetã ahri yahpa macaina cûhû yoajaro.

<sup>11</sup> Ñ jicu dachoripe sã chûhtire warucuga sãre.

<sup>12</sup> Paina sãre ti ñano yoarire sã boja.

Ñ jicu mûhû cûhû sã ñano yoarire boga.

<sup>13</sup> Ñ jicu sã ñaare yoa duana sã goa pjachh ñhcu tíre yoa dutii tjiga.

Ñ jicu sãre ñaare yoerachh yoaga.

[Mũhũ sã pũhtoro tuariro ã jirucuihca. Jipihtina mũhũre ã ño payorucuahca]”, ni siniga Cohamacũre.

14 'Paina mũsare ti ñaa yoarire mũsa bochũ ñũno, mũsa Pũcũ mũano macariro cũhũ mũsa ñaa yoarire borohca.

15 Wiho mejeta paina mũsare ti ñaa yoarire mũsa boaerachũ mũsa Pũcũ cũhũ mũsa ñaa yoarire ne bosì —ni yahuha Jesu.

### **Chũ duhuare buheha Jesu**

16 Ñ jiro tiro ò sehe ni yahu namoha:

—Cohamacũre ño payona tana chũ duhuna bũjũa witiina yoaro sehe yoa ñoena tjiga. Tó sehe yoara mari baharo bũhũsehei ñano yoa cohtaina. Tina ti wũhdũa poca cahyaina yoaro sehe jira. Ti ã jiina jichũ ti chũ duhuchũ ñũ masina masa. Potocãta mũsare nii nija. Tinare masa ño payochũ cahmana tina. Ñ jia tinare ti ño payochũ ñũa tina wahche tuhsũre. (Cohamacũ sehe tire ti ño payori wapa tinare wahchechũ yoasi. Ñ jina tina yoaro sehe yoa ñoena tjiga mũsa.) 17 Mũsa chũ duhuna, mũsa pjoarire co mehne wa payo wũha majare payoga. Ñ jina mũsa wũhdũa pocare cosaga. 18 Mũsa ã yoachũ mũsa chũ duhuchũ ñũ masisi masa. Mari ñũ mahnoerariro Cohamacũ dihta mũsa chũ duhuare ñũ masinohca. Mũsa sahsero mũsa jichũ tiro mũsa mehne ã jirucura. Ñ ñũno tiro mũsare noano yorohca tire mũsa ño payori wapa —ni yahuha Jesu.

### **Mũano macaare cjuã dutiha Jesu**

(Lc 12.33-34)

19 Ñ jiro tiro ò sehe ni yahu namoha:

—Ahri yahpa macaare na cahmachuena tjiga. Ñ macaa baa wahaboca. Ti baaerachũ yacariro naboca tíre. To yacaerachũ machũ tuaboca. Ñ jia ahri yahpa macaa nu butihtu cuara. Ñ jina ahri yahpa macaare tuaro cahmaena tjiga. 20 Mũano macaa sehere cahmaga mũsa. Mũano macaare machũ tuã masierara. Tórpũ mũsa cjuãa ne baaerara. Tórpũre yacariro na masierara. Ñ jina mũano macaare cahmaga mũsa. 21 Tórpũ mũsa cjuãa ti jichũ, mũano macaare Cohamacũ yare tuaro wacũna mũsa —ni yahuha Jesu.

**Masa ti t̃hoturo seheta yoara**

*(Lc 11.34-36)*

22 Ñ̃ jiro ò sehe ni yahu namoha tinare:

—Sihãria to noano buhriach̃u mari ñ̃u masino seheta Cohamac̃u yare t̃hotuna to yare noano yoa masinahca m̃sa. M̃sa t̃hoturo seheta yoara m̃sa. Cohamac̃u yare t̃hotuna noaare yoara m̃sa. 23 To yare t̃hotuerana ñ̃aare yoara m̃sa. M̃sa ñ̃aa dihtare m̃sa t̃hoturucuch̃u tí ñ̃aa sehe ñ̃abíaa jira —ni yahuha Jesu.

**Niñerure cah̃na, Cohamac̃u sehene cah̃erara**

*(Lc 16.13)*

24 Ñ̃ jiro tiro ò sehe ni yahu namoha tinare:

—Cũiro Cohamac̃u sehene wacũno, tuabiaro niñeru sehene wacũerara. Niñeru sehene tuabiaro wacũno Cohamac̃u sehene wacũerara. Niñeru dihtare cahmariro jiro Cohamac̃ure wahchech̃u yoerara. Cohamac̃u c̃uh̃ere, niñeru c̃uh̃ere p̃uarore cahma ỹh̃d̃ur̃ucahto basioerara m̃sare —ni yahuha Jesu.

**Cohamac̃u to pohnare ñ̃u wihbora**

*(Lc 12.22-31)*

25 Ñ̃ jiro tinare ò sehe ni yahu namoha:

—Ñ̃ jic̃u m̃sare nii nija: M̃sa ch̃uare, sihniare, suhti c̃uh̃ere p̃j̃iro cahya t̃hotuena t̃jiga. M̃sare bajuamehnenno ch̃uare ch̃uhtina c̃jihti dihtare suhti s̃ahtina c̃jihti dihtare Cohamac̃u yoeraha m̃sare. 26 Minichahca perire Cohamac̃u to ñ̃u wihboare masiga m̃sa. Tina weseri maeraina jira. Ñ̃ yoa ch̃uare ti wihboa w̃h̃use tinare mariahna. M̃sa P̃uc̃u m̃ano macariro sehe tinare ti ch̃uhtire wara. Minichahca ỹh̃d̃oro m̃sa sehene cah̃na Cohamac̃u. Ñ̃ jiro m̃sa c̃uh̃ere ñ̃u wihborohca tiro. 27 P̃j̃iro m̃sa t̃hotua mehne c̃u hora m̃sare cati namoch̃u yoa masierara m̃sa. Ñ̃ jiro m̃sa p̃j̃iro t̃hotua yaba c̃jihti jierara.

28 'Ñ̃ jina m̃sa suhti s̃ahtire p̃j̃iro cahya t̃hotuena t̃jiga. Macaroca macaa cohorí ti cohoare t̃hotuga. Tí cohorí ti basi suhtire yoerara. Wiho mejeta tí cohorí noaa suhti yoaro sehe noaa cohorí bajura. 29 Salomo c̃j̃iro noaa suhtire s̃ariro to j̃ipach̃uta tí cohorí sehe tiro ỹh̃d̃oro noabia cohorí waro jira. 30 Cohorire noaa cohorí yoara Cohamac̃u sehe. Tí cohorí sehe

mahaa dachoricã jirucuma ñai boraah wahara. Mahanocã ji, pa dachoi pichacapũ jũa wahara. Ti ã jipachũta cohorire noaa cohoři jichũ yoara Cohamacũ. Æ jiro Cohamacũ cohorire to noaa cohoři to yoariro yũhdoro mũsa cũhũre noano yoarohca. Suhtire warohca. Cohamacũre mahanocã wacũ tuara mũsa. 31 Æ jina mũsa chũhtire, mũsa sihnihtire, mũsa suhti sãhtire pjĩro cahya tũhotuena tjiga. 32 Cohamacũre cahmaeraina sehe tíre ã macarucua nina. Mũsa Pũcũ mũano macariro jipihtia mũsa cahmaare masina. To ã masichũ pjĩro cahya tũhotuena tjiga. 33 Cohamacũ mũsa pũhtoro to jihto cjihtore cahma mũhtaga mũsa. Jipihtia paye baro yũhdoro tirore cahmaga mũsa. Noaare to yoa dutia cũhũre cahmaga. Mũsa ã yoari baharo Cohamacũ sehe mũsa cahmaa dũhsachũ warohca. 34 Æ jina ñamichacapũre mũsa dohse wahahtore pjĩro cahya tũhotuena tjiga. Mũsa ã pjĩro cahya tũhotuna payũbiaa jiahca mũsa tũhotuhto sehe. Micha macaa dihtare mũsa tũhotuchũ tó purota mũ sũrohca —ni yahuha Jesu.

### Painare “Ñaina jira”, niena tjiga

(Lc 6.37-38, 41-42)

**7** <sup>1</sup> Æ jiro tiro tinare õ sehe ni yahu namoha: —Painare “Ñaina jira”, niena tjiga mũsa. Mũsa ã nierachũ Cohamacũ mũsare “Ñaina jira”, nisi. <sup>2</sup> Painare “Noano yoerara”, mũsa ni ñũriro seheta Cohamacũ sehe mũsa cũhũre ãta ni ñũnohca. <sup>3</sup> Mari piti dahre buhechũ õ sehe yoaina jira mũsa. Mũsa coyeiro to capariacapũ mahari pohcarocã to sãachũ tí pohcarocãre noano ñũna mũsa. Mũsa ya capariaca sehene pjiri pjĩ to jipachũta tí pjĩne ne ñũerara mũsa. Mahari pohcarocãre mũsa ñũno seheta mũsa coyeiro to ñano yoaa sehene noano ñũna mũsa. Mũsa basi mũsa ñaare tuaro yoapanahta tíre masierara mũsa, pjiri pjĩne mũsa ñũeraro seheta. ¿Dohse jiro baro ã jijari mũsa? <sup>4</sup> Õ sehe niina jira mũsa: “Coyeiro, ñaare yoai nica mũhũ. Æ jicũ tíre duhuga”, niina jira mũsa. Æ niina jipanahta pjĩro ñaare yoara mũsa sehe. ¿Dohseana mũsa ñaare yoapanahta tíre masierajari mũsa? <sup>5</sup> Masa ti baharo bũhũsehei ñano yoa cohtaina jira mũsa ã yoaina. Pjiri pjĩne mũsa capariacai jiri pjĩne mũsa na mũhtaboriro seheta mũsa ñano yoaa sehene duhu mũhtaga. Mũsa ã yoari baharo mũsa coyeiro to ñano yoaaare duhuchũ yoa masiboca, mahari pohcarocãre mũsa naboro seheta.



6 'Dieya yoaro sehe jiina, yesea yoaro sehe jiina cūhũ ñabiainare Cohamacũ ya noa yũhdũare ti ño payoeraare yahuenta tjiga tinare. “Tinapũ bũjũpe, ñano ni, mũsare ñabiario yoari”, nina yahuenta tjiga tinare —ni yahuha Jesu.

### **Cohamacũre mari siniare yahuha Jesu**

*(Lc 11.9-13; 6.31)*

7 Ñ jiro tiro tinare õ sehe ni yahu namoha:

—Cohamacũre siniga mũsa. Mũsa sinina mũsa sinirire ñahanahca. Mũsa sinirire bocanahca. Tirore ã sinirucuga mũsa. Mũsa ã yoachũ tiro mũsare warohca. 8 Jipihtina Cohamacũre siniina naahca. Ñ yoa ti sinirire bocaahca. Jipihtina Cohamacũre ã sinirucuinare tiro tinare warohca.

9 '¿Mũsa pohna pão curire mũsare ti sinichũ tãca sehere wabocari mũsa tinare? Ne wasi mũsa. 10 ¿Mũsa pohna wahire mũsare ti sinichũ agã sehere wabocari mũsa tinare? Ne wasi. 11 Mũsa ñaina jipanahta mũsa pohñare noaare waa tíre mũsa. Ñ jiro Cohamacũ sehe mũsa yũhgoro noaare wara mũsare to pohñare tirore siniinare. Mũsa pohñare mũsa wariro yũhgoro Cohamacũ sehe to pohñare wara.

12 'Paina mũsare ti noano yoachũ cahmana mũsa. Tinare mũsa noano yoachũ cahmano seheta mũsa cūhũ noano yoaga tinare. Ti noano yoerapachũta mũsa sehe tinare noano yoaga. Ñta yoa dutira Cohamacũ dutia Moise cjirore to cūripũ Cohamacũ yare yahu mũhtaina cjiri ti joari cjiri cūhũ —ni yahuha Jesu.

### **Mahari sopacacã quitire yahuha Jesu**

*(Lc 13.24)*

13 Ñ jiro tiro õ sehe ni yahu namoha tinare:

—Mũanopũ Cohamacũ cahapũ waha duana to yare yoaro cahmana mũsare. Ñ jina to yare ã yoamacanocaeraro cahmana. Mahari sopacacãpũ mũsa sãa duachũ mijo curera. Tó seheta mijo nina Cohamacũ cahapũ mũsa waha duachũ. Pichacapũ masa ti wahachũ mijoerara. Pjiri sopacapũ mari sãachũ mijoerara. Tí sopacapũ masa ti sãaboro seheta pichacapũ masa ti wahachũ mijoerara. Ñ jia payũ masa tórpũ waha nina. 14 Cohamacũ cahapũ mũsa waha duachũ mijo nina. Mahainacã masa tórpũ wahaahca. Tórpũ wahaina jipihtia dachoripe Cohamacũ mehne jirucuahca —ni yahuha Jesu.

### Masa ti yoarire ñuna ti jia tiare masija mari

(Lc 6.43-44)

15 Ñ jiro tiro ò sehe ni yahu namoha tinare:

—Noano yoaga. “Cohamacu yare yahu mughtaina jija”, ni mahñoinare tũhoena tjiga m̄sa. Tina oveja yoaro sehe suaeraina sehe bajumana. Ti tũhotuapũ ñaina jira tina. 16 Ti ñano yoachũ ñuna, ñaina ti jichũ masinahca m̄sa. Ti noano yoachũ ñuna noaina ti jichũ masinahca m̄sa. Agã potacu se tũhorine dicha tierara. Pota tidũ cũhũ higuera pocare dicha tierara. 17 Noadũ yucũcu noaare dicha tira. Ñadũ sehe ñaare dicha tira. 18 Noadũ yucũcu ñaare ne dicha tierara. Ñ yoa ñadũ noaare dicha tierara. 19 Noaare dicha tiera yucũre dũte cohãnocã, pichacarpũ jũnohca. Ñta yorohca Cohamacu to cahmaare yoaerainare. 20 Ñ jina “Cohamacu yare yahu mughtaina jija”, ni mahñoinare ò sehe masinahca. Ti yoarire ñuna, mahñoina ti jiare masinahca —ni yahuha Jesu.

**“Mũsare ne masieraja”, ninohca Cohamacu payũ masare**

(Lc 13.25-27)

21 Ñ jiro tiro ò sehe ni yahu namoha tinare:

—Payũ yũhũre “Pũhtoro”, niina jipahta mũano macariro pũhtoro Cohamacu to sũho jiroputũre wahasi tina. Yũ Pũcu mũano macariro to cahmaare yoaina dihta pũhtoro to sũho jiroputũre wahaahca. 22 Pihtiri dacho jichũ payũ masa ò sehe niahca yũhũre: “Pũhtoro, mũ yare sã buhehi. Mũ wama mehne wafĩare cohã wiohi. Ñ yoa mũ tuaa mehne payũ yoa ñohi sã”, yũhũre niina jiahca. 23 Ñ sehe ni yũhtiihca tinare: “Mũsare ne masieraja. Ñaa buhiri tiina jira m̄sa. Ñ jina yũ cahai taena tjiga”, ni yũhtiihca tinare.

**Pua wũhũ yoaina quitire yahuha Jesu**

(Lc 6.47-49; Mr 1.22)

24 Ñ yoa jipihtina ahri yũ buherire tũhorina yũ dutiare yoaina, noano tũho masiriro wũhũ dahreriro yoaro sehe jira tina. Tiro sehe cũãã copari tãa wapapũ saha, wũhũre noano dapõ dũcaha. 25 Tĩ wũhũre to tuhsũri baharo coro tuaro ta, dia mini yũhdũa waha, tuaro wihnono wãha. Ñ to tuaro wãpachũta tĩ wũhũ cũãno tãa wapa bui to dapõri wũhũ jiro ne waha sũ cahaerara. 26 Ñ jia jipihtina yũ buherire tũhopahta

yá dutiare yoaeraina, túho masierariro wúhú dahreriro yoaro sehe jira. Tiro sehe to wúhúre paduro buicá dapo, noano yoa dcaeraha. <sup>27</sup> Tí wúhúre to tuhsári baharo, coro tuaro ta, dia mini yúhdúa waha, wihnono tuaro wáha. Á tuaro wáno tí wúhú sehere wároca cúnocaha. Á jiro tí wúhú tuaro bora sá cahaa wahaha —ni yahuha Jesu.

<sup>28</sup> To á ni buhechú túhoa, cúaá wahaha masa. <sup>29</sup> “Tiro potocáta púhtoro jira. Á jiro noano masi pahñoriro marine buhera tiro. Mari judio masare buheina yoaro sehe buherara”, ni túhotuha tina.

### **Jesu camí baarirore noariro wahachú yoaha**

*(Mr 1.40-45; Lc 5.12-16)*

**8** <sup>1</sup> Jesu túcúpu buhe dujiriro cjiro dujia wahaha. To á dujiachú ñúa masa payú tiro baharo wahaha. <sup>2</sup> To á wahachú cúiro camí búcu baariro tirore piti boca, na tuhcuca caha sá, tirore siniha:

—Púhtoro, múhú yúhúre noariro yoa duacú yoaga —niha.

<sup>3</sup> To á nichú túhoro to wamomaca mehne Jesu tirore ña payoha.

—Jai, múhúre noariro wahachú yoaja —niha Jesu tirore.

To á nichúta tí to camí baari cjiri yati múa wahaha. <sup>4</sup> Á ni tuhsú Jesu tirore ó sehe niha tjoa:

—Yú múhúre ó sehe yoarire ne painare yahui tjia. Mú pjacúre noari pjacú to wahirire sacerdotere ñoi wahaga. Moisere Cohamacú to cúriro seheta sacerdotere minichahcare waga mú yúhdúre ti noano masihto sehe —niha Jesu.

### **Surara púhtoro to múnno to dohatichú**

#### **Jesu noariro wahachú yoaha tirore**

*(Lc 7.1-10)*


<sup>5</sup> Tó baharo Jesu Capernau wama tiri macapú to súchu cien surara púhtoro to cahai sá, tirore tuaro ó sehe ni siniha:

<sup>6</sup> —Púhtoro, yúhúre dahra cohtariro pjacú búhariro jiro waha masieratjiáhno tirore tuaro puríchú yú wúhúpu cóahre tiro —niha tiro Jesure.

<sup>7</sup> To á nichú, Jesu “Jai”, ni yúhtiha:

—Tirore to dohatiare yúhdúchú yoai wahaihtja —niha Jesu.

<sup>8-9</sup> To á nichú ó sehe niha surara púhtoro:



—Pũhtoro, noanohca. Tai tjia. Yũ yũhdoro noa yũhdũariro jira mũhũ. Ya wũhũi mũhũre sãa ta dutiboriro jieraja yũhũ. Mũ masia mehne noariro wahachũ yoaga tirore. Mũ ã yoachũ yũ yũhũre dahra cohtariro noariro waharohca. Yũhũre yũ bui jiina paina pũhtoa dutira. Yũhũ cũhũ surarare dutija. Cũirore “Wahaga”, yũ nichũ tiro wahara. Pairore “Taga”, yũ nichũ tiro tara. Yũhũre dahra cohtarirore “Ahrire yoaga”, yũ nichũ tíre yoara. (Mũhũ cũhũ dutirotota jira. ã jiro mũ dutiro seheta tiro dohatiro yũhdũrohca) —niha tiro.

10 To ã nichũ tũho cũaa waharo payũ masa tiro mehne jiinare õ sehe niha Jesu:

—Potocãta mũsare niita nija. Ahriro surara pũhtoro Israe masũno jierariro Cohamacũre tuaro wacũ tuara. Tirore dahra cohtarirore yũ noariro wahachũ yoachtire masi tuhsũha. Ne Israe masare ahriro yoaro sehe jiinare ñũerasinija. 11 Mũsare niita nija. Payũ ahriro yoaro sehe Cohamacũre wacũ tuaina jipihtiro macaina mũano macariro pũhtoro to sũho jiroprũ sũa, tũprũ jiina mehne chũahca. Abrahã, Isaa, Jacobo mehne chũahca tina. 12 Masa paina sehe pũhtoro Cohamacũ to sũho jiroprũ wahaborina ti jipachũta ñanoprũ nahitianoprũ cohãnocanohca tinare. Tũprũ to cohãrina tuaro tii, cahyaa mehne bahca dihoahca —ni yahuha Jesu.

13 Tíre ã ni tuhsu, surara puhtorore õ sehe niha:

—Tjuahga mu ya wuhuru. Muhure dahra cohtariro yuhdurohca. “Potocata yuhdurohca”, ni mu tuhoturiro seheta yuhdurohca —niha Jesu.

To ã nino watoihita tirore dahra cohtariro sehe noa tuhsuha.

### **Pedro marechonore dohatiricorore yuhdoha Jesu**

*(Mr 1.29-31; Lc 4.38-39)*

14 Baharo Jesu Pedro ya wuhuru su, Pedro marechono dohatichu niha tiro. Juaro tichu cama bui coaha ticoro.

15 To ã jichu nutjiahnó to wamomacare na payoha. To ã na payochuta juaro surua wahaha. Suruchu tuhóturo ticoro sehe wahcaruca, tinare chure payoha.

### **Jesu payu dohatiinare yuhdoha**

*(Mr 1.32-34; Lc 4.40-41)*

16 Ñ yoa namichaharu payu watia ti sanohrinare masa na wihaha Jesu caharu. Ti ã na wihichu ñno cu tahata to waha dutichu watia waha wahaha. Tuhsu, jipihtina dohatiina ti na surinare ti dohatiare cohã pahnoha Jesu. Ñ jia noaa wahaha tina. 17 Ñta yoaha tiro panoru macariro Cohamacu yare yahu muhtariro Isaia cjiro to niriro seheta. Ñ sehe ni joaa tiha: “Mari dohatiare yuhdonocanohca tiro. Mari duti tiare cohãnocanohca”, ni joaa tiha Isaia cjiro Jesure.

### **Caina Jesu mehne waha duamaha**

*(Lc 9.57-62)*

18 Jesu payu masa to cahai ti jichu ñno:

—Sie copu basa pahajihna —niha.

19 Ti pahahito pano judio masare buheriro Jesu caharu su, õ sehe niha:

—Buheriro, muhu mehne waha duaja nohoi mu waharoi —niha.

20 Jesu õ sehe ni yuhtiha:

—Caina macaroca macaina wahiquina ti copari cjuara. Minichahca cihu ti suhti cjuara. Yuhu masuno Cohamacu warocariro sehe yu cariri wuhu maeraja. (Ñ jina yuhu mehne tana ñano yuhdunahca musa) —ni yuhtiha Jesu.

21 Ñ yoa paio Jesu buheriro õ sehe niha:

—Pũhtoro, yũ pũcũ to yariachũ yasinii wahaihtja. Ñ ya tuhsũ pinihta mũhũ mehne wahaihtja —niha tiro Jesure.

22 Jesu õ sehe ni yũhtiha:

—Yũhũre cahmaeraina yariaina yoaro seheta jira. Tina sehe yariainare yajaro. Ñ jicũ mũhũ sehe yũhũ mehne macariro cjihto taga —niha tiro.

### Jesu wihnonore yũsũ dutiha

(Mr 4.35-41; Lc 8.22-25)

23 Ñ ni tuhsũ Jesu to jiriapũ dohoriapũ samuha. Ñ jia to buheina cũhũ tiro mehne waha, samuha. 24 Tĩ bũcũpariropũ ti pahãchũ waro wihnono tuaro taha. Ñ jia pahcõri dohoriare mionocamaha. Ñ wihnono wãpachũta Jesu sehe carĩno niha.

25 To ã wahachũ ñũa tina tirore wahcõha. Wahcõ õ sehe niha:

—Pũhtoro, yũhdoga. Mari mini yariana tana nija —niha tina.

26 Ti ã nichũ Jesu õ sehe ni yũhtiha:

—¿Dohse jiro baro cuimacanocana nijari mũsa? Yũhũre wacũ tuaeraina jira mũsa —niha Jesu tinare. Ñ ninota wahcãrcũcũ sũ, wihnonore pahcõri cũhũre “Yũsũa wahaga”, niha. To ã nichũ wihnono yũhdũa wahaha. Ñ jia pahcõri cũhũ yũsũ boraahahaha. 27 To ã yoachũ ñũ cũaa, õ sehe niha tina:

—¿Cue, dohse jiriro baro masũno jijari ahriro? Ahri wihnono, pahcõri cũhũ to dutichũ yũhdũrcãerara tirore —niha tina.

### Watĩare cohã wioha Jesu

(Mr 5.1-20; Lc 8.26-39)

28 Tinare ã wahari baharo pahã sũ, Gadara macaina ya yahrapũ sũha. Tõpũ ti sũchũ pũaro mũa masa copari watorũ jiina Jesure piti boca. Tina watĩa ti sãanohorina cuaina jiha. Ñ jiro tõpũ masa ti wahamahnoeno jiha. 29 Tirore piti boca, õ sehe ni saũurucuha:

—¿Mũhũ Cohamacũ macũno dohse yoai tai tajari mũhũ sã cahapũre? ¿Sãre Cohamacũ to buhiri dahrehti pja to jierapachũta sãre buhiri dahrei tai nijari mũhũ? —ni saũurucuha tina.

30 Tõ cahai payũ yesea maca chũa niha. 31 Tinare ñũa, watĩa õ sehe niha Jesure:

—Sāre cohã wiocũ sina yesea cahapũ yeseare sãa dutiga sãre —ni siniha watĩa Jesure.

32 —Jai, wahaga —niha Jesu.

To ã nichũ watĩa pũaro masa mehne jirina cjiri waha, yesea ti pjacũripũ sãaha. ã yoa tinare ti sãari baharo, yesea pari cũnrũ mũroca buha, bũcũparirorũ bora ñoja, mini yaria pihtia wahaha.

33 Ti ã wahachũ ñũa yeseare ñũ wihboina sehe cui, mũrocaa wahaha. Macapũ sũ, yesea ti minirire yahu site pahñoa. Watĩa ti sãanohrinare Jesu to cohã wiori cũhũre yahu pahñoa tina. 34 ã ti yahu siteri baharo tí maca macaina jipihtina Jesure ñũa taha. ã jia tirore ñũa, tuaro mehne waha dutiha tirore.

### **Pjacũ bũharirore noariro wahachũ yoaha Jesu**

*(Mr 2.1-12; Lc 5.17-26)*

**9** 1 ã ti waha dutiri baharo Jesu dohoriapũ samu, bũcũparirorũ pahã, to bũcũari macapũ sũha. 2 Tórpũ paina pjacũ bũharirore to coãri cahsaro mehne yo wũa wihiha Jesu cahai: “Jesu ahrirore to dohatiare yũhdũchũ yoarohca”, ni tũhotuha tina. Ti ã ni tũhotuchũ masino dohatirirore õ sehe ni yahuha Jesu:

—Macũ, wahchega mũhũ. Ñano mũ buhiri tiare cohã tuhsũja yũhũ —niha tiro.

3 To ã nichũ tũhoa cãina mari judio masare buheina õ sehe ni tũhotumaha: “Ahriri wiho jiriro ã nino, ‘Cohamacũ jija’, nino nina. ã nino Cohamacũre ñano nino nina”, ni tũhotumaha tina. 4 Ti ã ni tũhotuchũ masino, õ sehe niha Jesu:

—¿Dohseana ã ñano tũhotujari mũsa? 5 “Ñano mũ buhiri tiare cohã tuhsũja”, yũ nichũ, “Mahñoriro jira”, nina mũsa noano masierapanahta. “Wahcãrũca, wahaga”, yũ nichũ yũ niri potocã jia jichũ dóihta mũsa masinahca. 6 Yũhũ masũno Cohamacũ warocariro ahri yahpai masa ti ñano buhiri tiare cohã masija yũhũ. Masa ti ñano buhiri tiare cohãhtiro cjihtore cũre Cohamacũ yũhũre. Yũ ã cohãrire mũsa masihto sehe õ seheta yoa ñoihtja mũsa ñũhti cjihtire —niha Jesu.

Tinare ã ninota, pjacũ bũharirore õ sehe niha:

—Wahcãrũcaga. Mũ coãri cahsarore na wahcãga mũ ya wũhũrũ —niha tirore.

7 To ã nichũ tũhoro pjacũ bũhariro wahcãrũcũ sũ, to ya wũhũrũ tjuaa wahaha. 8 Masa to ã wahachũ ñũa cuiha. ã yoa

Jesure Cohamacu to tuare to wachu ñua masa Cohamacure ño payo, noano durucuha.

**Jesu Mateore pjiha**  
(Mr 2.13-17; Lc 5.27-32)

9 Ti ã yoari baharo Jesu tópu jiriro ta, yuhure Mateore boca wihire. Puhtoa ya cjihtire masare wapa na cohtariro jimai. Á jicu tí pjare yu dahrari tahtiaru dujii. Tói yu dujichu ñuno ò sehe nire yuhure:

—Yuhu mehne macariro cjihto taga muhu —nire Jesu yuhure.

To ã nichu tuhocu wahcãruca tiro mehne wahai.





10 Baharo ya wũhũrũ Jesu cũhũ chũa tare. Payũ pũhtoa ya cjihtire wapa na cohtaina, “Ñano yoaina”, ti niina cũhũ sã mehnetã chũre. 11 Tina mehne sã chũchũ ñũa, fariseo curua macaina sãre Jesu buheinare õ sehe nire:

—¿Dohsearo mũsare buheriro wapa na cohtaina mehne, ñano yoaina mehne chũjari? —nire tina sãre to buheinare.

12-13 Ti ã nichũ tũhoro Jesu sehe piti dahre buhea mehne yũhtire:

—Dohatieraina duhturure macaerara. Dohatiina dihta duhturure macana. Ñaare yoaina dohatiina yoaro sehe jira. ã jicũ ñaare yoaina dihtare ti ñaare ti tũhotumari cjiřire duhu, noaa sehere ti tũhotu cohtotachũ yoai tai nii yũhũ. Ti basi “Noaina jija sã”, ni tũhotuina barore yahui tai nierahi. Cohamacũ to nirire ti joarire masiga mũsa. “Wahiquinare mũsa wajã, jũ mũoa mehne yũhũre mũsa ño payochũ cahmaeraja. Painare mũsa pja ñũchũ sehere cahmaja”, ni joaha. Ahri to joari to dohse niare masiga mũsa. Tĩre noano buhe namona wahaga —nire Jesu fariseo curua macainare.

### **Chũ duhuare sinituha Joã buheina Jesure**

*(Mr 2.18-22; Lc 5.33-39)*

14 Baharo Joã masare bautisariro to buheina Jesu cahapũ sũ, õ sehe ni siniture:

—Sã Joã buheina sehe Cohamacũre ño payona tana, chũ duhuja. Fariseo curua macaina cũhũ ãta chũ duhura. ¿Dohse yoaa mũ buheina sehe chũ duhuerajari? —nire tina Jesure.

15 Jesu to tũhotua mehne piti dahre buhero taro tinare õ sehe ni yũhtire:

—Õ sehe jira tí: Wamomaca dũhteropũ ti pjirocaina wamomaca dũhteriro mehne jia, chũ duhu masierara. Tó seheta yũ buheina cũhũ yũhũ mehne jia, chũ duhu masierara. Yũhũ wamomaca dũhteriro yoaro sehe jija. Wamomaca dũhteriro bose nũmũ to yoachũ tiro mehne macaina cahyaa mehne jierara. ã jia chũ duhuina jierara. Yũ Pũcũ Cohamacũ yũhũre to naari baharo pinihtare yũ buheina mehne jisi yũhũ. ã jia tí pjarũta yũ buheina cũhũ chũ duhuahca —ni yũhtire Jesu.

16 Panopũ macaa buhea wahma buhea mehne ti buhe more duachũ ñũno õ sehe ni namore Jesu tinare piti dahre buhero:

—Ne wahma cahsaro suhtiro cahsaro mehne m̄n̄n̄ano suhtirore sere ðno cahmaerara. Ñ yoach̄u wahma cahsaro mari cosari baharo m̄n̄n̄ano suhtirore waja cahmach̄u, p̄jibiaro t̄h̄n̄uch̄u yoara. (Ahri yoaro sehe ni, m̄n̄a buhea wahma buhea mehne piti dahre buheraro cahmana.) 17 Ñ jina ne se co bisia core wahiquiro cahsaro wajuru mehne m̄n̄a wajuru mehne posaeraro cahmana. Ñ yoach̄u se co bisia pahmoap̄u m̄n̄a wajurure t̄h̄r̄enocahna. To t̄h̄n̄uch̄u se co c̄ũh̄u, wajuru c̄ũh̄u cohõa wahara. Ñ jina se co wahma core wahma wajurup̄u posaro cahmana. Ñ yoach̄u se co cohõeraa, wajuru c̄ũh̄u cohõerara. (Tó sehet̄a wahma buhea m̄n̄a buhea mehne buhe moreraro cahmana) —ni yahure Jesu tinare.

**Jairo maconore noaricoro yoa, cahã ñ̄uricoro**

**c̄ũh̄ure noaricoro yoaha Jesu**

*(Mr 5.21-43; Lc 8.40-56)*

18 To ã ni yahuro watoi judio masa mari buheri w̄h̄u p̄h̄toro Jesu cahap̄u wihire. Wihi, na tuhcuca caha s̄u, ð sehe nire:

—Ȳu maco yoatap̄u yariaa wahahre. Ticorore m̄u wamomacare duhu payoi taga. M̄u ã yoach̄u masanohca —nire tiro Jesure.

19 To ã nich̄u t̄h̄oro Jesu wahc̄ãr̄uca tiro mehne wahare. Sã to buheina c̄ũh̄u wahai. 20 Sã mahai waharucuch̄u tói numino ã cahã ñ̄urucuricoro Jesu baharo b̄h̄usehei ta, to suhtiro sohtoare ñaha ñ̄ha. Doce c̄h̄mari waro dachoripe cahã ñ̄urucuricoro jiha. 21 Ñ sehe ni t̄h̄otuha ticoro ã yoaro: “To suhtirore ñaha ñ̄uco, noaricoro wahacohca”, ni t̄h̄otuha ticoro. 22 To ã yoach̄u masino Jesu majarer̄uc̄u s̄u, ticorore ð sehe nire:

—Maco, wahchega m̄h̄u. M̄u ȳh̄ure wacũ tuaa mehne noaricoro tjuara m̄h̄u mip̄ure —nire tiro.

To ã nich̄ta noaa wahare ticoro.

23 Ñ yoa tuhs̄u Jesu p̄h̄toro ya w̄h̄up̄u s̄ure. Sãa s̄uro, ñahacaha tiinare teneniaca yoaro sehe jiriare putiinare ñ̄re. Paȳu masa ti ñano bisich̄u c̄ũh̄ure t̄h̄ore tiro. 24 Ti ã nich̄u t̄h̄oro masare ð sehe nire:

—Wijaahga m̄sa. Yariaerari jira ticoro. Carño nina —nire tinare.

To ã nichu tũhoa, “Ã nimacanocano nina ahriro”, nia masa bujũre tirore. <sup>25</sup> Ã jiro wũhu puhichapũre masare to wio pahũori baharo yariaricoro cahapũ sũ, to wamomacare ñahaha. To ã ñahachũ masa caha sũ, wahcãrũcũ sũha ticoro. <sup>26</sup> To ã yoarire tũhoa, tó macaina masa jiphtina yahu sitere.

### **Pũaro capari bajuerainare ñũchũ yoaha Jesu**

<sup>27</sup> Ã yoaro Jesu tó jiro to wahachũ, pũaro capari bajueraina tirore pisu nũnũ tire:

—Davi panamino masare yũhdohtiro, sãre pja ñũga mũhũ —ni sañurucure tina.

<sup>28</sup> Ti ã nichũta Jesu pa wũhũpũ sãare. To ã sãachũ masia capari bajueraina to cahapũ sãa wahare. Ti ã sãa sũchũ ñũno tiro sehe siniture tinare:

—“Marine ñũchũ yoarohca tiro”, ¿ni tũhotujari mũsa yũhũre? —nire tiro.

—Pũhtoro, ãta ni tũhotuja sã —ni yũhtire tina.

<sup>29</sup> Ti ã nichũta ti caparire ña payore. Ã ña payorota õ sehe nire:

—Yũhũre “Ã yoarohca”, mũsa ni tũhoturiro seheta ã yoaja —nire Jesu.

<sup>30</sup> To ã nichũta ti capari sehe noaa wahare. Ã yoa Jesu õ sehe nire tinare:

—Ahri yũ õ sehe yoarire painare ne yahuenta tũga —nire.

<sup>31</sup> To ã nipachũta waha, tó jĩinare yahu sitere tina to ã yoarire.

### **Durucuerarirore durucuchũ yoaha Jesu**

<sup>32</sup> Tĩ wũhũre ti wijaachũ waro cũiro durucuerarirore na tare masa. Watĩno tiro mehne jiro tirore durucuerachũ yoaha. <sup>33</sup> Ti na sũchũ ñũno watĩnore Jesu cohã wiore. To ã cohã wiochũ watĩno to sãanohriro cjiro sehe durucua wahare. To ã yoachũ ñũa jiphtina cũa pihtiare.

—Ne, ahri yahpa Israe yahpũpũre õ sehe yoare ñũera tihĩ mari —ni durucure tina ti basi.

<sup>34</sup> Fariseo curua macaina sehe soro ni durucure:

—Watĩa pũhtoro to tuua mehne watĩare cohãna ahriro —ni durucure tina.

### Masare pja ñuha Jesu

35 Ñ yoa jipihtia macari tói jia macaricãre, bujua macari cũhure buhe tinino wahare Jesu. Noaa buheare judio masa mari buhea wãhãsepũ buhero wahare tiro. Ñ jiro pũhtoro Cohamacũ to sũho jihtore yahure. Jipihtia dohatia cũhure tó macainare yũhdore tiro. 36 Masa payũ ñano yũhdũina, pjasũoro wahaina ti jichũ ñũno Jesu tinare pja ñũre. Tina oveja pua marieina yoaro sehe ti jichũ ñũno Jesu tuaro pja ñũre tinare. 37 Ñ jiro õ sehe nire tiro sãre to buheinare, piti dahre buhero: —Yo payũ ti bũcua tuhsũchũ payũ jichũ dahraa pjíro jira. Wiho mejeta dahraina sehe mahainacã jira. (Tó seheta noaa buheare tũhohtina payũ jichũ pjíro jira mari dahraa. To ã jipachũta mahainacã dahrari masa yoaro seheta noaa buheare buhehtina cũhũ mahainacã jira.) 38 Ñ jina noaa buheare buhehtinare painare to warocahtore siniga Cohamacũre —nire Jesu.

### Jesu doce waro bese dapoha to warocahtinare

(Mr 3.13-19; Lc 6.12-16)

**10** 1 Baharo doce sãre to buheinare Jesu pjíroca, tuaare cũre sãre. Watĩare sã cohã masihti cjihtire jipihtia dohatiare sã cohã masihti cjihtire cũre sãre.

2 Õ sehe wama tii sã Jesu to bese cũrina: Simo jire. Tiroreta Pedro ni pisure Jesu. Simo bahũro Andre cũhũ jire. Santiago cũhũ to bahũro João mehne jire. Tina Santiago cũhũ pũcũro Zebedeo wama tire. 3 Felipe, Bartolomé, Toma, yũhũ Mateo jii sã. Yũhũ sehe pũhtoa ya cjihtire masare wapa na cohtariro jimai. Sã mehne paio Santiago jire. Tiro sehe Alfeo macũno jire. Ñ jiro Tadeo cũhũ jire. 4 Simo cananeo ya curua macariro cjiro, Juda Iscariote cũhũ jire. Juda sehe Jesure ñũ tuhtiinare ñohtiro jire.

### Jesu to buheinare buhe dutiro warocaha

(Mr 6.7-13; Lc 9.1-6)

5 Ñ yoa sãre doce to buheinare warocaro, “Õ sehe mũsa yoanahca”, ni yahu quihõre sãre Jesu:

—Judio masa jieraina cahapũre wahaena tjiga. Ne Samaria yahpai jia macaripũ cũhũre wahaena tjiga. 6 Israe yahpa macaina cahapũ sehere wahaga. Tina oveja peri wisia wahaina

yoaro sehe Cohamacure masieraina jira. <sup>7</sup> “Mũano macariro to sũho jihto mahanocã dũhsara”, ni buhega tinare. <sup>8</sup> ã jina cami bũcu baainare, paye payu soro jia dohatiare cjuaina cũhure noaina yoaga. Yariainare masoga. Watĩa masare ti sãanohorinare cohã wioga tinare. Mũsare ã wanocai nija ahri tuaare. ã jina mũsa cũhu yu ã wanocariro sehetã masare noaina ã yoanocahga.

<sup>9</sup> Mũsa wahana niñerure ne naaena tjiga. <sup>10</sup> Ne mũsa wajure, pũaro camisare, pũa wahpa dahpo suhtire, mũsa tjua yucu cũhure naaena tjiga. Mũsa sãano dihtare sãa wahcãga. Paye suhtire naaena tjiga. Mũsa buhena waharopũ jiina tina sehe mũsare mũsa puhĩ cjihtire waahca. ãta waro cahmana tinare.

<sup>11</sup> Tĩ macaripũ sũna, ji coaro mehne carĩnore warirore macaga. ã jina tí wũhũihta tjuasiniga. Pũ, coã wahanapũ wijaahga tí wũhũre. <sup>12</sup> ã jina wũhũpũ sãahna, “¿Jimajari mũsa?” niga tí wũhũ macainare. <sup>13</sup> Mũsare noano ti cahmachũ “Cohamacu mehne noano jiga mũsa”, niga tinare. Mũsare ti cahmaerachũ, mũsa ã niborire niena tjiga. <sup>14</sup> ã jina mũsare ti cahmaerachũ, ti tũho duaerachũ tí wũhũre wijaahga. Wijaana, dahpo suhti macaa dihta pohcarire wajã site cũga mũsa tinare ti ya buhirire masichũ yoana. Tĩ maca macaina mũsare ti cahmaerachũ ãta yoaga tina cũhure. <sup>15</sup> Potocã mũsare niita nija. Ahri dacho pĩhtichũpũre Sodoma macaina, Gomorra macaina cũhu tuaro buhiri tihtinata jira. Ti ã jipachũta tina yũhdoro mũsare cahmaeraina buhiri tihtina jiahca —ni yahure Jesu.

### **Jesu yainare paina ti ñano yoahore yahuha Jesu**

<sup>16</sup> ã ni tuhsũ õ sehe ni namore:

—Yũhũre tũhoga mũsa. Oveja yoaro sehe jiinare mũsare ñaina watoi warocai nija. Tina ñaina macaroca macaina yaya suaina yoaro sehe jira. ã jina mũsa sehe paina wahiquina wacũ masiina yoaro sehe jiga. ã jiina jipanahta buja yoaro sehe ne suaeraina jiga mũsa. <sup>17</sup> Noano yoaga mũsa. Masa mũsare pũhtoare waahca. Tuhsũ Judio masa mari buhea wũhũsepũ cjupeahca mũsare. <sup>18</sup> ã jia yu yaina mũsa jiri buhiri macari macaina pũthoa cahapũ ti bui jiina pũthoa cahapũ cũhure naahca mũsare. ã jina mũsare tũpũ ti naachũ tinare judio masa jieraina pũthoa cũhure noaa buheare buhenahca mũsa. <sup>19-20</sup> Mũsare pũhtoare ti wachũ tinare mũsa nihtire

“Cue, masieraboca”, ni tũhotuena t̃jiga. Mũsare ti sinituchũta mũsa nihtire masinahca. Ā masina tinare yahuna mũsa tíre mũsa mũ sũro durucuna nisi. Cohamacũ sehe mũsa Pũcũ to Espĩritu mehne mũsare durucuchũ yoarohca.

21 ’Tí pjare ti wahmisũma ti bahanare wajã dutia waahca pũhtoare yũ yaina ti jiri buhiri. Ti pũcũsũma ti pohñare wajã dutia waahca pũhtoare. Ti pohña sehe ti pũcũsũmare wajã dutia waahca pũhtoare. 22 Jipihtina masa sehe yũ yaina mũsa jiri buhiri mũsare ñũ tuhtiahca. Ti ã yoapachũta ahri yahpai mũsa catisinino puro mũsare ti ñano yoarire cũno pjana yũhũre, yũ buhea cũhũre duhuerana, yũhdũnahca mũsa. 23 Cũ macai mũsare ti ñano yoachũ pa macapũ duhti wahcãga. Potocã mũsare niita nija. Israe yahpai jia macarine jipihtia tí macaripũ mũsa duhti wahcãhto pano, yũhũ masũno Cohamacũ warocariro ahri yahpapũ tjua taihtja.

24 ’Ne cũiro buheriro tirore yahuriro buipũ jierara. Cahamacũno cũhũ to pũhtoro bui cure jierara. 25 Ā jiro õ sehe tũhoturo cahmana buherirore: “Yũhũre buheriro yoaro seheta jiihtja”, ni tũhoturo cahmana. Cahamacũno cũhũre ãta ni tũhoturo cahmana. “Yũ pũhtoro yoaro seheta jiihtja”, ni tũhoturo cahmana. (“To bui jiihtja. Ā jicũ yũ pũhtoro to ñano yũhdũriro seheta ñano yũhdũsi yũhũ sehe”, ni tũhotueraro cahmana.) Yũhũ sehe wũhũ pũro yoaro sehe jija. Mũsa sehe tí wũhũ dahraina yoaro sehe jira. Ā jia masa yũhũre “Beelzebú jira”, ni yahusã, mũsa cũhũre yũ yainare ñano ni durucuahca tina —ni yahure Jesu.

### “¿Diro barore cuichũ noajari?” ni yahuha Jesu

(Lc 12.2-7)

26 Ā ni tuhsũ õ sehe ni namore:

—Ā jina mũsare ñano yoainare cuiena t̃jiga. Masa ti ya sãari cjirire baharo paina masiahca. Ā jia ti ñuori cjiri cũhũre paina masiahca. 27 Mũsare yaroca yũ yahuri cjirire payũ masa watoĩ buhe turiaga mũsa. 28 Masũnore wajãina to pjacũ dihtare wajãna. To yajeripohña yariaerara. Ā jina mũsare wajã duainare cuiena t̃jiga. Cohamacũ sehere cuiga. Tiro mũsa pjacũrire, mũsa yajeripohñari cũhũre pichacarpũ cohã masina. Ā jina tiro sehere cui, yũhtiga mũsa.

29 'P̄naro siripia wapa mariahna. Ti ã wapa mariapach̄ta c̄ũiroc̄are Cohamac̄u ne boerara. Cohamac̄u to dutierach̄u ne yarierara tiroc̄ã. 30 Ñ jiro m̄sa p̄joarire ne c̄ũ p̄joada d̄hsaro marieno masi pah̄nona Cohamac̄u. Tó seheta m̄sa jia tia c̄ũh̄ure masi pah̄nona Cohamac̄u. Ñ masino m̄sare ñ̄u wihborucura. 31 Siripiare to cah̄ño ȳhdoro, m̄sa sehene cah̄ña Cohamac̄u. Ñ jina p̄j̄ro t̄hotuena t̄jiga m̄sa —ni yahure Jesu.

**Jesure m̄sa wac̄ũ tuari c̄jirire yahuga masare**

*(Lc 12.8-9)*

32 Ñ jiro tinare ò sehe ni yahu namore:

—C̄ũiro “Jesu yairo jija”, masare to ni yahuch̄u ȳh̄u c̄ũh̄u tirore “Ȳu yairo jira”, ni yahuiht̄ja ȳu P̄c̄ure m̄ano macarirore. 33 Wiho mejeta c̄ũiro “Jesu yairo jieraja”, masare to nich̄u ȳh̄u c̄ũh̄u “Ȳu yairo jierara tiro”, ni yahuiht̄ja ȳu P̄c̄ure —ni yahure Jesu.

**Jesu masare t̄ju wach̄u yoara**

*(Lc 12.51-53; 14.26-27)*

34 Ñ ni tuhs̄u ò sehe ni yahu namore:

—¿Dohse ni t̄hotujari m̄sa ȳh̄ure? “Tiro masare to buheri baharo paina tinare ñ̄u tuhtisi”, ¿ni t̄hotujari m̄sa? Ñ jierara. Masare ȳu buheri baharo c̄aina ȳu yare t̄hoahca. Paina sehe tinare ñ̄u tuhtiahca. C̄ño potori waro jisi masa. 35 B̄c̄na ȳu buheare ti t̄hori buhiri ti pohna ȳu buheare cahmaeraa, tinare ñ̄u tuhtiahca. B̄c̄u numia ȳu buheare ti t̄hori buhiri ti pohna numia ȳu buheare cahmaeraa, tinare ñ̄u tuhtiahca. Ti marechosanumia ȳu buheare ti t̄hori buhiri ti mac̄u namos̄anumia ȳu buheare cahmaeraa, tinare ñ̄u tuhtiahca. 36 Ñ jia masa ti coyeare ñ̄u tuhtiina jiahca.

37 'Ȳh̄ure ti cah̄boriro ȳhdoro ti p̄c̄s̄uma sehene cah̄i ȳhd̄r̄caaa ȳu yaina jisi tina. Ȳh̄ure ti cah̄boriro ȳhdoro ti pohna sehene cah̄i ȳhd̄r̄caaa ȳu yaina jisi tina. 38 Ñ jia paina crusap̄u ȳu yariahto seheta ȳu yaina ti jiri buhiri ñ̄ano ȳhd̄uahca tina c̄ũh̄u. Tó sehe ñ̄ano ȳhd̄u duaeraina ȳu yaina jisi tina. 39 Masa ȳh̄ure wac̄ũno marieno ti m̄u s̄uro yoaa, p̄chacap̄u wahaahca tina. Ñ jia ȳu yare ã yoarucua jipih̄tia dachoripe ȳh̄u mehne jirucuahca tina —ni yahure Jesu.

**Mari wapatahtore yahuha Jesu***(Mr 9.41)*

40 Ñ ni tuhsu ò sehe ni yahu namore:

—Mũsare yu yainare cũiro noano cahmano, yũhu cũhũre cahmano nina tiro. Ñ yoa tiro yũhũre noano cahmariro yũhũre warocariro cũhũre cahmano nina. 41 Ñ jiro Cohamacu yare yahuriro wapatarohca. Tirore noano yorohca Cohamacu. Ñ jiro to yare yahuriro to jichu ñũno paio tirore noano cahmano, yahuriro yoaro sehetã wapatarohca tiro cũhu. Ñ yoa paio noano yoiriro wapatarohca. Tuhsu, noano yoiriro to jichu ñũno paio sehe tirore noano cahmano noano yoiriro yoaro sehe wapatarohca tiro cũhu. 42 Yu yairo cũiro to jichu ñũa, wiho jiriro to jipachũta dohse jiina tirore core ti sihõchũ mahanocã ti wapachũta potocãta tinare noano yorohca Cohamacu —ni yahure Jesu.

**João masare bautisariro to buheinare****Jesure sinitu ñũ dutiro warocaha***(Lc 7.18-35)*

**11** 1 Sãre to buheinare to ã ni yahuri baharo tó cahai jia macaripũ buhero wahare Jesu.

2 Ñ yoa to yoirire João peresui jiriro tũhorocaha. Ñ tũhoro João to buheinare Jesure sinitu ñũ dutiro warocaha. 3 Ñ jia Jesu cahapũ su, sinitu ñũre tina João buheina.

—¿João “Yu baharo paio tarohca”, to niriro tjijari mũhũ? ¿To niriro mũ jierachũ pairore cohtanahcari sã? —ni sinitu ñũre tina sehe Jesure.

4 Ti ã nichũ tũhoro Jesu ò sehe ni yũhtire:

—Mipũre mũsa tũhorire, mũsa ñũrĩre Joãore yahuna wahaga: 5 “Capari bajueraina ñũna. Tini masieraina tinina. Cami bucũ baina noaina wahara. Tũho bocaeraina tũhoa wahara. Yariaina masaa wahara. Tina jipihtinare noaina wahachũ yoahi yũhu. Tuhsu, pjacũoinare noaa buheare yahuja. 6 Yũhũre tũhoriro ‘Potocã tjira’, niriro tiro wahcheriro jira” ni, Joãore yahuna wahaga —nire Jesu.

7 João buheina ti wahari baharo, Jesu sehe João to jia tiare yahu dũcare payũ masare:

—Masa marienopũ João cahapũ sũna, tjare wiñnono to wãroca cohtotachũ yoiriro sehetã to buheare cohtota



mujarirore ñna s̄erare m̄sa. 8 “Noaa suhti tirirore ñna wahajihna”, nierare m̄sa João cahar̄u masa marienop̄u wahana. Noaa suhti tiina wapa b̄j̄ure c̄j̄aina p̄h̄toa ya w̄h̄usep̄u jira. 9 Masa marienop̄u s̄na Cohamac̄u yare yahu m̄htarirore ñna s̄re m̄sa. Potocã tjira. João Cohamac̄u yare yahu m̄htariro jira. Paina Cohamac̄u yare yahu m̄htaina ȳhdoro jiriro jira tiro. 10 Panop̄u Cohamac̄u yare ti joari p̄i João ò sehe ni yahu joaa tiha:

“Cohamac̄u to mac̄nore ò sehe niha: ‘M̄u panop̄u m̄h̄ure yahuyuhtirore warocai nija’, niha”, ni joaa tiha panop̄ure João. 11 M̄sare potocã niita nija. Paina jipihtina bui jira João bautisariro. Ahri turup̄ure to ã jipach̄ta m̄ano macariro p̄h̄toro to s̄ho jirop̄ure jipihtina docap̄u jiriro pinihta João bui jira.

12 ‘João masare bautisariro to buhe, bautisa d̄cach̄u paȳu masa m̄ano macariro p̄h̄toro to s̄ho jirore pihtich̄u yoa duaa, ti m̄ s̄ro cahmache, tíre yoa duamana. 13 Cohamac̄u yare yahu m̄htaina ti joari c̄jirire, Cohamac̄u Moise c̄jire to c̄iri c̄jirip̄u c̄h̄ure buhena p̄h̄toro Cohamac̄u to s̄ho jiltore masija mari. João c̄h̄u tíreta yahure. 14 “Elia tarohca”, panop̄u ti niriro c̄jirota jira João sehe. Panop̄u macaina ti nirire “Potocã tjira”, ni duana João ti ã niriro c̄jiro to jich̄u masinahca m̄sa. 15 Noano t̄hoga m̄sa ahrire.

16 ‘¿Mip̄u macaina masa yabaina yoaro sehe jijari tina, m̄sa t̄hotuch̄u? Tina macanacã yoaro sehe jira. Paina ti cahmano sehe ti yoerach̄u tó wahaerara tinacãre. Pache duarop̄u pape dujia, ò sehe ni pisurucura tinacã ti basi: 17 “M̄sa basahti c̄jiltire sã putipemahi. ¿Dohseana m̄sa basaerari sã tíre putipech̄u? Sã tuaro ñahacaha tiipe, sañurucumahi. ¿M̄sa sehe dohseana sã mehne tiiperari?” nirucuina yoaro seheta jira mip̄u macaina c̄h̄u. Mip̄u macaina ti cahmano seheta sã yoerach̄u ñna tó wahaerara tinare. 18 Tina yoaro sehe yoana ò sehe yoara m̄sa mip̄u macaina. João bautisariro Cohamac̄ure ño payoro taro ch̄u duhuro vinore sihnierare. To ã sihnierach̄u ñna “Wat̄no to s̄anohriro, t̄ho masierariro jira”, nimare m̄sa tiro sehere. 19 Ȳh̄u mas̄no Cohamac̄u warocariro jic̄u ȳh̄u ch̄u, sihnija. Ȳu ã yoach̄u ñna ò sehe nina m̄sa ȳh̄u sehere: “Ñ̄ga. Ahriro p̄j̄iro ch̄u, cahariro jira. Wapa na cohtaina, ñano yoaina c̄h̄u ti piti tiriro jira ahriro”, nina m̄sa ȳh̄ure. (Á nina macanacã yoaro sehe durucuina jira

musa. Musa cahmano sehe sã yoerachũ tó wahaerara mūsare. Ne sahsaerara musa.) Æ masierapanahca sã yoarire ñũna, Cohamacũ masiare sã cjuachũ masinahca musa —nire Jesu tinare.

**Ti ñaare cahyaeraina ya macari macainare tuhtiha Jesu**  
(Lc 10.13-15)

20 Baharo macari macainare tuhtire Jesu. Tí macarine paye macari yũhgoro Cohamacũ tuaa mehne yoa ñomare tiro. To ã yoa ñopachũta ti ñaare tũhotumarire duhuerasinire tina. Æ jiro õ sehe ni tuhtire tinare tiro:

21 —Corazĩ macaina, musa ñano yũhdũnahca. Betsaida macaina, musa cũhũ ñano yũhdũnahca. Musa ya macaripũre Cohamacũ tuaa mehne yoa ñomahi. Tiro wama tiri macare, Sidõ wama tiri maca cũhũre to tuaa mehne yũ yoa ñochũ ñũa panopũ tó macaina sehe ti ñaare cahyaboa. Æ yoa ti ñaare tũhotumari cjrĩre tũhotu cohtotaboa. Cahyaa suhtire sãa, niti pohcare tina bui dahra site payoboa ti ñaa cahyaare ñoa. 22 Mūsare niita nija. Buhiri dahrehti dacho jichũ Cohamacũ Tiro macaina, Sidõ macaina yũhgoro ñaina musa jiri buhiri mūsare ñano waro buhiri dahrerohca tiro. 23 Capernau macaina, musa mũ sũro mũanopũ waha duamana. Mūsare Cohamacũ pichacapũ cohãnohca. Musa ya macapũ Cohamacũ tuaa mehne yoa ñomahi. Musa yũhũre tũhoerare. Sodoma wama tiri macare Cohamacũ tuaa mehne yũ yoa ñochũ tí maca sehe mipũ jisĩniboa. 24 Mūsare niita nija. Buhiri dahrehti dacho jichũ Cohamacũ Sodoma macainare to yoariro yũhgoro, musa sehere musa ñaa buhiri ñabiaro buhiri dahrerohca —nire Jesu tí macari macainare.

**“Yũ cahapũ sona taga”, niha Jesu**  
(Lc 10.21-22)

25 Tí pjare õ sehe nire Jesu to Pũcũro mehne durucuro:  
—Yũ Pũcũ, mũhũ mũano macaina bui pũhtoro, ahri yahpa macaina bui pũhtoro jira. Ahri mũ buheare “Noano masiina jija sã”, niinare masichũ yoerare mũhũ. Buhe pahñoeraina sehere mũ yare masichũ yoare mũhũ. Mũ ã yoachũ, “Noana”, nija yũhũ mũhũre. 26 Æ tjira. Tina sehere ti masichũ cahmare mũhũ —nire Jesu to Pũcũrore.

27 Æ ni tuhsũ, masare õ sehe ni yahu namore:

—Yũ Pũcũ jipihtiare yũhũre ware. Tiro dihta yũhũre noano masina. Ā jina sã dihta yũhũ yũ masi dutiina mehne yũ Pũcũre masija sã. <sup>28</sup> Mũsa ñano buhiri tia nũcũa yoaro sehe jira. Nũcũare mũna mũsa tahrĩno seheta ñano buhiri tiare pumea wahara mũsa. Ā pumeina jina yũhũre cahmaga mũsa. Mũsare sochũ yoaihtja. Mũsa ñaa yoare duhuchũ yoaihtja. <sup>29</sup> Yũ dutiare yoaga. Yũ yare noano masiga. Yũhũ nihi siaro yoariro jija. Yũ ã jiro jichũ yũ yare noano masiga mũsa. Ā yoa yũhũ mehne soga mũsa. Ā sona noano yajeripohna tinahca mũsa. <sup>30</sup> Yũ yare mũsa yoachũ mijoerara. Ā yoa mũsa mũri cjiri ti nũcũeraro seheta yũhũ sehe mũsa bihoro purota yoa dutija mũsare —nire Jesu.

**Judio masa ti sori dachoi trigo parorire pahaha Jesu buheina**  
(Mr 2.23-28; Lc 6.1-5)

**12** <sup>1</sup> Mahanocã to ã ni buheri baharo Sabado jichũ sã Jesu mehne trigo wesepũ sui. Sã to buheina jũca baana, trigo parorire paha, chũ tuhsũ yũhdũ wahcãi sã. <sup>2</sup> Sã ã yoachũ ñũa, fariseo curua macaina Jesure õ sehe nire:

—Tũhosiniga sãre. ¿Dohse yoa tina Sabado mari sori nũmũ to jipachũta dahrajari, trigo parorire ã pahaa? Mari dutiare yũhdũrũcaa nina —nire tina.

<sup>3-4</sup> Jesu yũhtire. “Yũ buheina yũhdũrũcaa nierare”, ni yahuro taro õ sehe ni yũhtire:

—Davi cjiro tiro mehne macaina mehne jũca baaro Cohamacũ wũhũrũ sãa, Cohamacũ ya pãore chũha. Tĩ pãore sacerdotea dihtare chũ dutira. Cohamacũ dutiare ti joari pũ painare tí pãore chũ dutierara. ¿Davi cũhũ tíre ti yoari cjirire Cohamacũ joari pũrũ buherari mũsa? (Tĩ pãore chũro Cohamacũre yũhdũrũcaro nieraha. Michare ahri yaparire chũa yũ buheina cũhũ Cohamacũre yũhdũrũcaa nierara.) <sup>5</sup> Ā yoa Cohamacũ wũhũi dahraina sacerdotea ne soerara mari soa nũmũrine. Ā soerapahta Cohamacũ dutiare yũhdũrũcaina jierara. ¿Tĩre buherari mũsa Cohamacũ Moise cjirore to cũri pũi? <sup>6</sup> Mũsare niita nija. Cohamacũ wũhũre ño payona tí wũhũi dahraina ti soerachũ ñũpanahta “Noanohca”, nina mũsa. Tĩ wũhũ yũhdoro yũhũ sehene ño payoro cahmana. <sup>7</sup> Cohamacũ yare ti joari pũ õ sehe nina: “Wahiquinare wajã, jũ mũoa mehne yũhũre mũsa ño payochũ cahmaeraja. Painare mũsa pja ñũchũ sehene cahmaja yũhũ”, nina to yare ti joari pũ. To ã

nirire m̄sa noano t̄hona ȳ buheinare tuhtieraboa m̄sa. Tina tíre ch̄a ȳhd̄r̄caaa nierare. Ā jina tinare tuhtieraboa m̄sa. **8** Ȳh̄ mas̄no Cohamac̄ warocariro ahri dacho Sabado dachore masa ti yoah̄t̄ire yahurirota jic̄ p̄htoro tjija —nire Jesu fariseo curua macainare.

### **Wamomaca b̄hariro quiti jira**

*(Mr 3.1-6; Lc 6.6-11)*

**9** To ã niri baharo waha, judio masa mari buheri w̄h̄p̄ s̄i s̄a Jesu mehne. **10** Tóí wamomaca b̄hariro jire. Ā jia fariseo curua macaina sehe Jesure yahus̄a taa, tirore ò sehe ni siniture:

—Sabado dachoi mari sori dachoi mas̄nore noariro yoa dutierara Cohamac̄. ¿Ā tjijari m̄ t̄hotuch̄? —ni siniture tina.

**11** Jesu ò sehe ni ȳht̄ire tinare:

—¿M̄sa yairo oveja Sabado jich̄ copap̄ to bora s̄ach̄ tirore na wioerabocari m̄sa? Na wionahca m̄sa. **12** Oveja ȳhdoro jira mas̄no sehe, Cohamac̄ to ñ̄ch̄. Ā jiro Sabado jich̄ mas̄nore ȳhdoch̄ noa nina —ni ȳht̄ire Jesu tinare.

**13** Ā ni tuhs̄, wamomaca b̄harirore ò sehe nire:

—M̄ wamomacare sīrocaga —nire tiro.

To ã nich̄ b̄hariro sehe sīroca, noari wamomaca wahare.

**14** Ti sori n̄m̄i to ã yoach̄ ñ̄a, fariseo curua macaina waha, ti basi ò sehe niha:

—¿Dohse yoa Jesure waj̄nahcari mari? —niha tina ti basi.

### **Cohamac̄ yare yahu m̄htariro panop̄ macariro Jesure yahuha**

**15** Jesu ti ã nirire masino, waha wahare. To ã wahach̄ paȳ masa tirore n̄n̄ tire. Ti ã n̄n̄ tich̄ ñ̄no tiro sehe jipih̄tina tina mehne macainare dohatiinare noaina wahach̄ yoare. **16** Ā yoaro dohatiina cjirire tinare to ȳhd̄ore painare yahu dutierare tiro. **17** Ā dohatiinare noaina wahach̄ yoaro Cohamac̄ yare yahu m̄htariro Isaia cjiro panop̄ to ni joariro seheta yoaro nire Jesu. Ò sehe ni joaa tiha Isaia:

**18** “Ò sehe nina Cohamac̄:

‘Ahriro ȳ cahamac̄no jira.

Tiro ȳ beseriro jira.

Tirore cah̄ja.

Ã jicũ tiro mehne wahcheja.

Yũ Espíriture tirore waihtja.

Ã jiro yũ tuaa mehne jipihtina masare yũ buheare yahurohca tiro.

19 Ã yahuro tiro ne purĩno mehne yahusi.

Ã yoa niji siaroca yahuro jiro sañurucusi.

Tuhsũ, maca macari mahai payũ masa watoi tiro tuaro sañurucu yahusi.

20 Wũjũcũ o muquearũcũ sũchũ to nuhnuerachũ yoaro sehetã masa cũhũre niji siaro dero yoarohca tiro.

Pjiroca jũri pichacare to yaeraro sehetã masa cũhũre noano yoarohca tiro.

Ãta yoarucurohca tiro watĩnore to yũhdũrũcahto pano.

21 Ã jia payũ masa tirore wacũ tuaahca', nina Cohamacũ",

ni joaa tiha Isaia.

**“Jesu watĩno tuaare cjũara”, ni yahusãha masa**

*(Mr 3.19-30; Lc 11.14-23; 12.10)*

22 Cũ dachoi watĩno to cohtotarirore masa na tare Jesu caharũ. Tiro sehe watĩno cjũaro durucu masierare. Tuhsũ, capari ne ñuerare. Ti ã na wihichũ ñũ, noariro wahachũ yoare Jesu tirore. To ã yoachũ watĩno to cohtotariro cjiro ñũ, durucure. 23 To ã wahachũ ñũ, masa ñũ cũaa wahare.

—¿Ahriro Davi cjiro panamino masare yũhdohtiro jijari? —nire tina ti basi.

24 Jesu watĩare to cohãire tũhoa fariseo curua macaina õ sehe ni tũhoture:

—Beelzebú watĩa pũhtoro to tuaa mehne watĩare cohãna Jesu —ni tũhoture tina.

25 Ti ã ni tũhotuchũ masino, Jesu qiti mehne piti dahre yahure tinare:

—Watĩno ya tuaa mehne watĩare cohãni nieraja. Cũ yahpa macaina ti basi cahma wajãa, tí yahpa macaina yaria pihtia wahaboa. Cũ maca macaina ti basi cahmachea tí maca macaina waha pihtia wahaboa. Cũ wũhũ macaina cũhũ ãta wahaboa.

26 ã jia Beelzebú watĩa pũhtoro sehe watĩare cohãno, tina watĩa ti basi cahmachea niboa. ã jia tina cũhũ waha pihtia wahaboa.

27 Õ sehe ni yahusãna mũsa yũhũre: “Tiro Beelzebú yoadohoa

mehne watĩare cohãna”, ni yahusãna m̄sa. M̄sa mehne macaina cũhũ watĩare cohãna. ¿Watĩno to tuaa mehne watĩare cohãjari tina cũhũ, m̄sa ñũchũ? Æ cohãerara. Tĩre masina m̄sa. Yũhũ cũhũ watĩno tuaa mehne watĩare cohãeraja. 28 Æ jicũ yũhũ sehe watĩare cohãcũ Cohamacũ to Espĩritu tuaa mehne tinare cohãja. Yũ ã cohãchũ ñũna õ sehe masiga m̄sa: Cohamacũ masa bui puhtoro ahri yahpapũre ji tuhsũra mipũre.

29 ’Õ sehetã jira mari piti dahre buhechũ: Tuariro ya wũhũpũ paio sãa sũ yaca masierara. Tuarirore dũhteraro to ya wũhũpũ sãa sũ yaca masierara. Tirore to dũhteri baharo sãa sũ yaca masina —ni yahure Jesu. (Æ ni yahure watĩnore to yũhdũrucarire yahuro. Watĩno tuariro to jipachũta Jesu tirore yũhdũrucara watĩare cohãno.)

Æ ni tuhsũ õ sehe ni yahu namore Jesu:

30 —Cũiro yũhũre cahmaeraro, yũhũre ñũ tuhtiro jira. Cũiro yũhũre yoadohoeraro, yũhũre wapũ tichũ yoaro nina.

31 ’Æ jicũ m̄sare potocã niita nija yũhũ. Jipihtia ñaare masa ti yoachũ ti durucuchũ cũhũre Cohamacũ bo masina. Æ boparota Espĩritu Santore ti ñano ni durucuchũ tí pinine ne bosì. 32 Yũhũre masũno Cohamacũ warocarirore yũhũre ti ñano ni durucurire bo masina Cohamacũ. Espĩritu Santo sehere ti ñano ni durucurire ne bosì Cohamacũ. Mipũre, pihtiri dacho baharopũ cũhũre ti ã niri cjirire bosì tiro —ni buhere Jesu tinare.

### **Masa ti durucuarẽ tũhona ti jia tiare masija mari**

*(Lc 6.43-45)*

33 Æ ni buhe tuhsũ, piti dahre buhero õ sehe ni yahu namore tinare:

—Noadũ yucũcũ noaare dicha tira. Ñaadũ yucũcũ ñaare dicha tira. Yucũcũ dichare masina “Tũ dichata jira”, ni masija mari. (Mari ã masino sehetã masa ti durucuarẽ tũhona ti jia tiare masija mari.) 34 Agã ñima tiina yoaro sehe ñaina jira m̄sa. M̄sa ñaina jina, noaare ni masierara m̄sa. Mari wacũapũ mari tũhoturiro sehetã mari dũseroi wijara. 35 Noariro noaare tũhotura. Æ jiro noaare durucura. Ñariro ñaare tũhotura. Æ jiro ñaare durucura. 36 M̄sare niita nija. Noano tũhotu durucuina jiga m̄sa. Noano durucuerana, buhiri dahrehti dacho jichũ m̄sa ã nimacanocarire Cohamacũre yahu yũhdũnahca. 37 Quilhõno m̄sa durucurire masino “Noaina jira”, ninohca

Cohamacu. Tuhsu, ñano m̄sa durucurire masino “Ñaina jira”, ninohca tiro —nire Jesu tinare.

**Masa ñaina Jesure Cohamacu tuaa mehne yoa ño dutiha**

*(Mr 8.12; Lc 11.29-32)*

**38** To ã niri baharo mari judio masare buheina, fariseo curua macaina cũhu tirore õ sehe nire:

—Buheriro, Cohamacu warocariro jicu Cohamacu tuaa mehne yoa ñoga sãre —nimare tina.

**39** Jesu õ sehe ni yũhtire:

—Mipũ macaina ñaina, Cohamacure cahmaeraina Cohamacu tuaa mehne yũ yoa ñochũ ñũ duamana. Ti ã ñũ duapachũta Cohamacu yare yahu mũhtarirore Jona cjiro panopũ macarirore Cohamacu to tuaa mehne to yoari dihtare yoa ñonohca masare. **40** Jona tia dacho waro pjiriro wahi pjaro puhichapũ jiha. To ã wahariro seheta yũhu cũhu masũno Cohamacu warocariro tia dacho waro masa copapũ jiihca.

**41** Nínive macaina sehe Jona Cohamacu yare to yahurire tũhoa ti ñaa yoarire cahya, Cohamacu mehne macaina tjuaha. ã tjuaina jia buhiri dahrehti dacho jichũ tina mipũ macainare ti ñaare tũhotumari cjirore duhuerainare “Ñaina jira”, ni yahusãahca. Jona cjiro tinare Cohamacu yare to yahuchũ tũhoa noare cahmaha tina sehe. ã cahmaa noano yoaa niha mipũ macaina yũhgoro. ã jia tina mipũ macainare “Ñaina jira”, ni yahusãahca. Mũsare niita nija. Mipũ mũsare yũ buhea Jona cjiro to buheri yũhgoro jira. **42** ã yoa buhiri dahrehti dacho jichũ pũhtorocoro sur macaricoro panopũ macaricoro ducu, mipũ macainare “Ñaina jira”, ni yahusãnohca ticoro cũhu. Ticoro Salomo panopũ macariro to masiare tũho duaro yoaropũ ahri yahpa pa bũhũsehẽpũ jiricoro Salomore tũhoro taha. ã yoaro noano yoaro niha mipũ macaina yũhgoro. ã jiro ticoro “Ñaina jira”, ni yahusãanohca mipũ macainare. Mũsare niita nija. Mipũ mũsare yũ buhea to buheri yũhgoro jira —nire Jesu tinare.

**Watĩno pari turi masũnore to sãari quitire yahuha Jesu**

*(Lc 11.24-26)*

**43** ã ni tuhsu, pari turi Jesu to tũhotua mehne õ sehe ni piti dahre buhere tinare:

—Watĩno masũnore cohtotariro cjiro waha, tiro co marieni yahpai tini, to jihto cjihtore macamaha. <sup>44</sup> Ā bocaeraro, õ sehe ni tũhotuha tiro. “Masũno yũ cohãriro cjiro mehmeta pari turi jii wahaihtja”, ni tũhotuha tiro. Ā ni tũhoturo tiro tjuua waha, to cohãriro cjiroreta bocaħa. Ā to bocachũ masũno sehe noariro jimaha. <sup>45</sup> Ā jiro watĩno paina siete watĩare to yũdoro ñainare pjiro wahaha. To ã pjichũ tina jipihtina tiro mehne jiħa. Masũno sehe tó pano cũiro watĩno to cohtotariro jiro, ñariro jimaha. Mipũ sehere payũ watĩa ti cohtotariro jiro, tó pano to jiriro yũdoro ña yũhdũariro jiħa. Mipũ macaina Cohamacũre masimarina tirore cohãa, tina cũħũ ñaa yũhdũina warota wahaħca —nire Jesu tinare.

### Jesu coyeya tiro mehne sũħũdu duaha

(Mr 3.31-35; Lc 8.19-21)

<sup>46</sup> Masare to ã ni durucuro watoĩ to pocoro to bahana mehne sopacai ducu, tiro mehne sũħũdu duare. <sup>47</sup> Ā jiro cũiro Jesure õ sehe ni yahure:

—Mũ poco mũ bahana mehne sopacai ducura, mũħũre sũħũdu duaa —nire.

<sup>48</sup> To ã nichũ tũhoro tirore yahurirore õ sehe nire Jesu tinare buhero taro:

—¿Noa jijari yũ poco, yũ bahana cũħũ, mũsa ñũchũ? —nire.

<sup>49</sup> Ā nino, sãre to buheinare ñuipuro, õ sehe nire:

—Ahrina jira yũ poco yũ bahana yoaro sehe jiina. <sup>50</sup> Tina yũ Pũcũ mũano macariro to cahmaare yoara. Tó sehe yoaina yũ bahũ, yũ baho, yũ poco yoaro seheta jira —nire Jesu tinare.

### Jesu wesere toari masũno quitire yahuħa

(Mr 4.1-9; Lc 8.4-8)

**13** <sup>1</sup> Tĩ dachoihta Jesu wũħũi jiriro wijaare. Wijaa, bũcũpariro pũ waha, bũcũpariro dũhtũ cahai dujire. <sup>2</sup> To ã dujichũ ñũa payũ masa tiro cahapũ cahmachu wahpata yũhdũa, bihsaro yoare Jesure. Ā bihsachũ ñũno dohoriai samu, tiapũ dujire tiro. Masa sehe padũroi ducure. <sup>3</sup> Ā jiro payũ to tũhotua mehne piti dahre yahure tinare buhero taro. Ā sehe nire tiro:

—Toari masũno toaro, to toaa yaparire doca site cũno wahaha. <sup>4</sup> To ã doca site cũ wahcãchũ paye yapari maha



dũhtũ cahai bora caha sũha. ã bora caha sũare tí yaparire minichahca duji ta, chũnocaha.

5 ã yoa paye yapari sehe tãa wapa buicã bora caha sũha. Tãa wapa buicã dihta mariea cureroi dóihta dumaha. 6 ã duri jipahta, sũ to tuaro sichũ, nũhcori mariaa, ñaia wahaha. 7 Paye yapari sehe tja watoi bora caha sũha. Tja sehe dia yũhdũa waha, toaa sehere wajãnocaha. 8 Paye yapari sehe noari yahpai bora caha sũha. Noano dua jia noano dicha tiha. Paye yucũ cien yapari, paye yucũ sesenta yapari, paye yucũ treinta yapari dicha tiha. 9 Ahrire tũho duaina noano tũhoga mũsa —nire Jesu.

### Jesu quitu mehne to buherire yahuha

(Mr 4.10-12; Lc 8.9-10)

10 To ã niri baharo sã to buheina tiro cahai sũ, sinitui sã tirore:

—¿Ne, dohseacũ masare quitu mehne piti dahre buhejari mũhũ? —ni sinitui sã.

11 Jesu õ sehe ni yũhtire:

—Mũano macariro masa bui pũhtoro masare to noano sũho jiare panopũ macaina ti masierari cjirire mũsare yũ buheinare masichũ yoara Cohamacũ. Paina sehere ã yoerara tiro. 12 ã jiro masiinare masi namochũ yoarohca tiro. ã jia tina sehe noano masiahca. Masieraina sehe mahanocã ti masipachũta tina sehere masierachũ yoarohca tiro. 13 ã jicũ quitu mehne buheja. Õ sehe jira. Mipũ macaina ñũpahta, ñũeraina cjiri yoaro sehe tjuara. ã jia tũhopahta masierara. Tíre tũhoeraina yoaro sehe jira tina. 14 ã jiina jia Isaia cjiro panopũ macariro to ni joariro seheta yoara tina. Õ sehe ni joa tiha:

“Õ sehe nina Cohamacũ: ‘Yũ yare tũhonahca mũsa. ã tũhopanahta, ne masisi mũsa.

15 Mũsa dapu bũtiina tjuara.

Tuhsũ, mũsa cahmo coparire bihara mũsa, “Tũhori”, nina.

Mũsa caparire wihmitjiahna mũsa, “Ñũri”, nina.

ã yoerana noano ñũna masiboa mũsa.

ã yoa tũhona, masiboa mũsa.

Mũsa wacũapũ noano masiboa.

ã masiina baro jina, mũsa tũhotumari cjirire tũhotu cohtota, yũhũre macaboa.

Musa ã macachũ ñũno, yũhũ sehe musa buhiri tiare cohãboa', nina Cohamacũ", ni joaha Isaia cjiro.

16 'Musa sehe musa capari mehne ñũna, masina. Musa cahmo mehne tũhona, masina. ã jina wahcheina jira musa. 17 Musare niita nija. Mirũ musa ñũare musa tũhoare panorũ macaina Cohamacũ yaina cjiri tuaro ñũ duamaha. Cohamacũ yare yahu mũhtaina cjiri cũhũ tíre tuaro ñũ duamaha. Wiho mejeta ne ñũeraha. Mirũ musa tũhoa cũhũre tuaro tũho duamaha tina. ã masi duapahta tíre masieraha —ni yahure Jesu sãre to buheinare.

### Jesu wesere toari masũno quitire yahu pahũoha

(Mr 4.13-20; Lc 8.11-15)

18 Baharo Jesu sãre õ sehe ni yahu namore:

—Tũhoga musa. Wesere toari masũno quitire musare yahuihtja. Yũhũre tũhona, noano masiga. 19 Doca site cũa yapari noaa buhea yoaro sehe jira. ã jia maha dũhtũ cahai bora yapari noaa buhea yoaro sehe jira. Masa noaa buheare tũhopahta ne masierara. Noaa buheare masa ti tũhochũ ñũno watĩno sehe ta, tí buheare noaa buheare masi dutierara masare. Minichahca tí yaparire ti dota nariro seheta yoara watĩno. 20 ã yoa tãa wapa buicã bora yapari noaa buhea yoaro sehe jira. ã jia masa noaa buheare tũho, wahchea mehne dóihtã tíre tũho nana. 21 ã tũho napahta tãa wapa buicã jia yucũ nũhcori mariea yucũ yoaro seheta ahrina masa cũhũ tuaerara. ã tuaeraa ñãno yũhdũa, yũ yaina ti jiri buhiri paina tinare ti ñãno yoachũ ñũa yũ ya sehere duhunocahna. Paina tinare ti ñãno yoachũ tíre cũno pjaeraa, yũ yare duhunocahna. 22 ã yoa tja watoi bora yapari noaa buhea yoaro sehe jira. ã jia masa noaa buheare tũho, ahri yahpa macaare pjĩro cahya tũhotua, niñerure cahĩna. Ti ã yoachũ tí sehe noaa buheare dũcatara. Ti ã dũcatachũ masa noaa sehere yoaerara. 23 ã yoa noari yahpai bora yapari noaa buhea yoaro sehe jira. Masa noaa buheare tũhoa, tíre noano masina. ã masiina jia, Cohamacũ to cahmano seheta noaare yoara tina. Cãina pjĩro noaare yoara cien yapari dicha tiro seheta. Paina doca curero noaare yoara sesenta yapari dicha tiro seheta. Paina mahanocã noaare yoara treinta yapari dicha tiro seheta —ni yahure Jesu sãre.

### Trigo watoi tja diari quitire yahuha

24 Ñ yoa pari turi to tũhotua mehne piti dahre buhere Jesu:  
 —Mũano macariro masa bui pũhtoro to sũho jiro ò sehe jira. Wese pũro to wesepũ noaa yaparire to toariro seheta jira mũano macariro masa bui pũhtoro to sũho jiro. 25 Wese pũro jipihtina tiro mehne macaina cũhũ ti carĩno watoi tirore ñũ tuhtiriro tara. Ñ taro trigore ti toariro tjure toaha. Toa tuhsũ wahaahahaha. 26 Baharo trigo duha. Ñ jiro ti dicha tia cahachũ waro diaa wahaahahaha. 27 Ñ jia wese pũrore dahra cohtaina tiro cahapũ sũ, yahuha: “¿Pũhtoro, noaa yapari dihtare mũ wesere mũ toapachũta, dohse yoa tja cũhũ diajari tí wesere?”, niha tina. 28 “Yũhũre ñũ tuhtiriro jia tí tjure toaro”, niha wese pũro. “¿Tjure sã curechũ cahmajari mũhũ?” nimaha tirore dahra cohtaina. 29 “Tjure curena tjiga, tjure curemahna ‘Trigo sehene cureri’, nina. 30 Trigo tja mehneti bũcũawahnosinijaro. Dicha ñaini pja jichũ, trigo dicha nainare ò sehe nihtja: ‘Tjure cure mũhtaga. Tuhsũ mũsa curerire jũga. Baharo trigore pahaga. Paha pahũ, tíre yũ wihbori wũhũpũ cũga’, nihtja tinare”, niha wese pũro —nire Jesu, quti mehne yahuro.

### Mostaza yapa quitire yahuha Jesu

(Mr 4.30-32; Lc 13.18-19)

31 Ñ yoa paye quti mehne sãre ò sehe ni buhere tjoa:  
 —Mũano macariro masa bui pũhtoro to sũho jiro mostaza yapacã yoaro sehe jira. Tí yapacã mahabiari yapacã jira. 32 Tí yapacãre wesepũ to toari baharo, noano dura. Ñ jiro pji curedũ wahara. Ñ wahachũ minichahca peri tũ dũpũripũ suhti suhara. (Tó seheta mũano macarirore mari pũhtoro masiina mahainacã ti ji mũhtapachũta baharopũ tina payũ wahaahca) —ni yahure Jesu.

### Pão bũcũaro quitire yahuha Jesu

(Lc 13.20-21)

33 Ñ yoa paye quti mehne sãre ò sehe ni buhere tjoa:  
 —Mũano macariro masa bui pũhtoro to sũho jiro pão bũcũaro yoaro sehe jira. Tíre numino cũ wajuru trigo pohcare co mehne noano tíre dahra morena pão bũcũahore. To ã yoachũ pão bũcũaro sehe trigore noano sahserũcũ sũra. (Tó seheta pão bũcũaro to sahserũcũ sũro seheta mũano macarirore

mari pũhtorore payũ masa jipihtiro macaina masiahca) —nire Jesu.

### **Quiti mehne Jesu to buherire yahuha**

(Mr 4.33-34)

34 Ahri jipihtiare buhero, quiti mehne yahure Jesu. Quiti marieno yahuerare tiro tinare. 35 Āta yoare tiro Cohamacũ yare yahu mũhtariro cjiro to ni joariro seheta. Ō sehe ni joaa tiha panopũ:

“Quiti mehne yahuihtja.

Cohamacũ ahri yahpare to bajuamehneri baharo ne masare to yahuerari cjirire yahuihtja”, ni joaa tiha Cohamacũ yare yahu mũhtariro cjiro.

### **Trigo watoi tja diari quitire yahu pahñoa**

36 Ā yoa masare coha siti, wũhũpũ sãa wahare Jesu. Ā jina sã to buheina tiro cahapũ sũ, sinitui sã:

—Trigo watoi tja diari quitire yahu pahñooga sãre —nii sã tirore.

37 Jesu ō sehe ni yũhtire sãre:

—Wese pũro noaa yaparire toariro yoaro sehe jija yũhũ. Yũhũ masũno Cohamacũ warocariro jija. 38 Wese sehe ahri yahpa yoaro sehe jira. Noaa yapari dua mũano macariro pũhtoro to sũho jiropũ jihtina cjihti yoaro sehe jira. Tja sehe watĩno yaina yoaro sehe jira. 39 Wese pũrore ñũ tuhtiriro tjare toariro watĩno yoaro sehe jira. Tí ñaini pja sehe pihtiri dacho yoaro sehe jira. Ā jia trigore naina anjoa yoaro sehe jira. 40 Tjare ti cure jũriro seheta pihtiri dacho jichũ watĩno yainare, pichacapũ jũ cohãahca tinare. 41 Yũhũ masũno Cohamacũ warocariro yũ anjoare warocaihtja. Yũ ã warocachũ anjoa sehe ñaare yoa dutiinare, ñaare yoinare pũhtoro yũ sũho jiropũre jimarinare na wioahca. 42 Na wio tuhsũ pichacapũ cohãahca tinare. Tópũ tina tuaro tii, cahyaa mehne bahca dihoahca. 43 Ā jia Cohamacũ yaina ti Pũcũro pũhtoro to sũho jiropũ jahca. Tói jia, sũ dacho macariro yoaro sehe noano buhriaahca tina. Ahrire noano tũhoga mũsa —ni yahure Jesu.

### **Noa yũhũdũare to nũorire to bocari quitire yahuha**

44 Ā yoa paye quiti mehne ō sehe ni yahure tjõa:

—Mũano macariro masa bui pũhtoro to sũho jiro niñeru to nũori yoaro sehe jira. Masũno tíre wesepũ wacũeno boca, pari turi tíre nũo namona. Ā yoaro tuaro wahcheha tiro. Ā jiro to bocari cjirire nano taro, tí wesere nuchũ duaha. Ā nuchũ duaro to yare dua pahño, tí wesere nuchũha. Mũano macariro pũhtoro to sũho jiro to bocari cjiri yoaro sehe jiha. (To bocarire to cahma yũhdũariro seheta mũano macarirore masa bui pũhtoro noano ti masini baharo masa tuaro cahmana tirore) —ni yahure Jesu.

### Wapa bũjuri yapa quitire yahuha

45 Ā yoa paye qiti mehne õ sehe ni yahure tjao:

—Mũano macariro masa bui pũhtoro to sũho jiro wapa bũjũa yaparire perla wama tia yaparire nuchũri yoaro sehe jira. 46 Tí yaparire macano noa yũhdũri yapare boca. Ā bocaro, tí yapare nuchũ duaro, jipihtia to yare dua pahño wahaha. Ā dua tuhsũ tí yapare wapa bũjuri yapare nuchũra. (Tí yapare tuaro to cahmariro seheta mũano macarirore masa bui pũhtoro noano ti masini baharo masa tuaro cahmana tirore) —nire Jesu.

### Wañũno quitire yahuha

47 Ā yoa paye qiti mehne Jesu õ sehe ni yahure tjao:

—Mũano macariro masa bui pũhtoro to sũho jiro wañũno ti docañodu yoaro sehe jira. Tũ wañũno mehne payũ wahi soro jiinare ñahana. 48 Tũ to wahpaa wahachũ wahi wajaina sehe tũre padũropũ waja maja, noaina wahire besera. Noinare ti pũhusepũ bese sãana. Ñaina wahire cohãnocahna. 49 Pihtiri dacho jichũ õ sehe jirohca. Anjoa sehe masare beseahca. Ñainare na wioahca noaina cahapũ jimarinare. 50 Na wio, tinare pichacapũ cohãahca. Tói tina tii, tuaro cahyaa mehne bahca dihoahca ñaina sehe —ni yahure Jesu.

### Mũna buheare, wahma buhea cũhũre yahuha

51 To ã ni yahuri baharo tiro õ sehe ni siniture sãre:

—¿Ahri jipihtiare tũhojari mũsa? —ni siniture tiro.

—Tũhoja sã —ni yũhtii sã.

52 Sã ã nichũ tiro yahure sãre:

—Judio masare buheina mũano macariro masa bui pũhtoro to sũho jirore buhea, pũaro buheare yahura. (Panopũ ti buhea

cũhũre mipũ ti buhea cũhũre yahura.) Tina, Judio masare buheina wũhũ pũro yoaro sehe jira. Tiro to wũhũi jiare noare na wioro, wahmaare, mũnaa cũhũre na wiora tiro —nire Jesu sãre.

### Jesu Nazarepũ wahaha

(Mr 6.1-6; Lc 4.16-30)

53 Tí quitire to buheri baharo, wahai sã tiro mehne.  
54 Waha, to bũcũari macapũ sũhi. Tópũ sũ, judio masa mari buhea wũhũsepũ buhere tiro. To ã buhechũ tũhoa, tũho cũaa wahare tina.

—Cuenah, ¿ahriro nohopũ tũhoari ahri buheare? ¿Dohsearo noano masi pahũojari ahriro? Cohamacũ tuaa mehne yoa ñona tiro to basi. 55 Ahriro taboa dahrari masũno macũno jimanaro. ã yoa to pocoro María jimanaro. ã yoa Santiago, José, Simo, Juda, to bahana jimanabũ. 56 Mipũre to bahana numia ahri macai jira. ã jiro tiro mari yoaro sehe jiro tũjira. ¿ã jiparota nohopũ tũhoari tiro ahri buheare? —ni durucure tina ti basi.

57 ã jia tina tirore cahmaerare. Ti ã cahmaerachũ ñũno õ sehe nire Jesu tinare:

—Cohamacũ yare yahu mũhtarirore paina ño payora. Ti ã ño payopachũta to ya maca macaina, to coyea tirore ño payoerara. ã jina yũhũre ño payoerara mũsa õi yũ bũcũariro jichũ —nire tiro tinare.

58 ã jiro tirore ti wacũ tuaerachũ ñũno “Cohamacũ macũno jira”, ti ni duaerachũ ñũno, tí macai Cohamacũ tuaa mehne payũ tahari yoa ñoerare Jesu.

### João bautisariro cjiro to yariarire yahuha

(Mr 6.14-29; Lc 9.7-9)

**14** 1 Tí pjare Herode Galilea macariro pũhoro Jesu to yoirire tũhorocaha. 2 ã tũhoro õ sehe nimaha:

—João masare bautisariro yariariro cjiro pari turi bajuaro nica. ã jiro mipũre to bajuari baharo ahri tuaare cũara tiro bajuamehneare yoaro —nimaha Herode to cahamacare. (Jesure “Joãota jira”, ni tũhotumaha tiro Joãore ti wajãri baharo.)

3-5 Joãore to wajã dutihtto pano Herode to bahũro Felipe namonore namo tiha. To ã yoachũ ñũno João bautisariro Herode sehere õ sehe nia timaha:

—Mɛ bahɛ namonore namo tica Cohamacɛ dutiare yɛhdɛrɛcai nina mɛhɛ —nia timaha Joã.

To ã niri buhiri Herode tire waja duamaha. “ ‘Joã Cohamacɛ yare yahu mɛhtariro jira’, ni tɛhotura judio masa” nino, tina sehere cuiha Herode. “Joãore yɛ wajaɛhɛ tina suaboca” nino, tinare cuiha. ã cuiro Joãore waja duaeramaha. ã waja duaeraparota Herode tire ñaha dɛhte duti, peresu yoaha. To namono Herodia to dutiro mehne ã yoaha. <sup>6</sup> ã yoa Herode to masa bajuari dacho jichɛ bose nɛmɛ yoaha tiro. Tó Herodia macono bose nɛmɛ wihiina ti ñɛrocaroi basa ñoha. To ã basa ñochɛ ñɛno Herode wahcheha. ã wahchero ticorore o sehe niha:

<sup>7</sup> —Cohamacɛ mehne potocã niita nija. Yɛhɛre mɛ sinino purota waihtja yɛhɛ mɛhɛre —niha juna Herode sehe Herodia maconore.

<sup>8</sup> To ã nichɛ tɛhoro Herodia to maconore to sinihtore yahuha ticorore. To ã yahuchɛ to macono sehe o sehe ni siniha Herodere:

—Joã masare bautisariro dapure cja ta dutiga. ã yoacɛ waparo mehne tí dapure waga yɛhɛre —niha ticoro.

<sup>9</sup> To ã nichɛ tɛhoro Herode tuaro cahyaha. Masa ti ñɛrocaroi “Waihtja mɛhɛre”, niha tiro. ã jiro tiro bɛo tiro “Mɛhɛre to dapure waeraja”, ni masieraha ticorore. ã jiro ticoro to dutiriro sehetã Herode sehe to cahamacare Joãore waja dutiha. <sup>10</sup> Joã dapure cja taroca dutiha juna. <sup>11</sup> ã cja ta tuhsɛ, waparo mehne to dapure na taha tina. Herodia maconore to dapure ti wachɛ, ticoro sehe to pocorore yɛhdoha tjoa.

<sup>12</sup> Ti ã yoari baharo Joã buheina ta, to pjacɛre masa coparɛ na cɛha. ã cɛ tuhsɛ, tina tíre Jesure yahua tare.

### **Cinco mil bui masare chɛa waha Jesu**

*(Mr 6.30-44; Lc 9.10-17; Jn 6.1-14)*

<sup>13</sup> Ti ã ni yahuchɛ tɛhoro, Jesu sã mehne dohoriai samu, masa marienopɛ sɛho wahare. Jesu tóprɛ to wahachɛ tɛhoa, masa ti ya macaripɛ jirina ta, maharɛ tire nɛnɛ ti wahcãre. <sup>14</sup> Tuhsɛ, sã wahã sɛri baharo tiro payɛ masare ñɛno, pja ñɛre tinare. ã pja ñɛno tina mehne macaina dohatiinare noaina wahachɛ yoare. <sup>15</sup> Ñamichaharɛ sã to buheina tire o sehe nii:

—Ñamichahapũ jira. Õ masa marienopũ jira. Ñ jicũ macaripũ masare ti chũhtire nuchũ dutiga ti puhĩ tihti cjihtire —nimai sã tirore.

16 Jesu yũhtire sãre:

—Wahaea tjijaro tina. Mũsa basita chũare waga tinare —nire sãre.

17 —Cũ wamomaca pihtia pão curi, pũaro wahi mehne jira sãre. Tĩ dihtare cjuaja sã —ni yũhtii sã.

18 —Tĩre yũhũre na tahga mũsa —nire sãre.

19 To ã nichũ tũhona na wahcãhi sã to cahai. Sã na sũri baharo tja bui masare tiro duji dutire jũna. Ti dujichũ cinco pão curire, pũaro wahire na, mũanopũ ñũ mũo, Cohamacũre “Noana”, nire. Ñ ninota pão curire nuha, sãre to buheinare ware. To ã wachũ sã sehe tíre masare witii. 20 Ñ jia jipihtina noano chũ, yapi yũhdũa wahare. Ti yapi wahyorire doce pũhũse waro na cahmachu, wahpo dapoi sã to buheina. 21 Tói tíre chũrina mũa dihtare mari quihõchũ cinco mil mũa jire. Numia, macanacã cũhũ jire.

### Jesu co bui ducu wahcãha

(Mr 6.45-52; Jn 6.16-21)

22 Baharo sãre to buheinare Jesu bũcũpariro pa bũhũsehe coapũ pahãyu dutire masare to coha sitiro watoi. 23 Coha siti tuhsũ, tũcũpũ mũja, Cohamacũre sinino wahaha. Ñamine tói tiro cãirota jiha. 24 Tĩ pjahta bũcũpariro dacho macai dohoria mehne pahãrucuna nimai sã. Wihnono tuaro ta, pahcõri bũjũa wahcã, dohoriare cjã sãare. 25 Wihnono tuaro to wãchũ bohrea mũja tahto pano Jesu co bui ducu tare sã cahapũ jũna. 26 Sã cahapũ to tachũ ñũna cui nii sã. Ñ cuina sañurucumai sã:

—Yariariro cjiro pjacũ jira —ni sañurucumai sã.

27 Sã ã cuichũ ñũno Jesu õ sehe nire:

—Ne yũhũre ñũ cuaena tjiga. Yũhũta jija —nire sãre.

28 To ã nichũ tũhoro Pedro õ sehe nire tirore:

—Pũhtoro, potocãta mũhũta jicũ, co bui yũhũre mũ cahapũ ducu wahcã dutiga —nire tiro.

29 —Taga —ni yũhtire tiro sehe.

To ã nichũ Pedro dohoriapũ jiriro co bui dũcũ sũ Jesu cahapũ ducu wahcãmare. 30 Wihnono tuaro to tachũ ñũno cuire tiro. Ñ cuiro diha boraa wahamare.

—Yũhũre yoadohoga pũhtoro —ni sañurucure tiro Jesure.





31 To ã nich̄ta to wamomacare ñaha:  
—Mahanocã wacũ tuara m̄h̄u ȳh̄re. ¿Dohseacũ ȳh̄re  
wacũ tuaerajari m̄h̄u? —nire tiro Pedrose.

32 To ã niri baharo dohoriap̄u samu tare tina. Ti ã samu  
tari baharo wihnono ȳs̄u borare. 33 Æ jina sã to buheina  
dohoriap̄u jiina na tuhucua caha s̄u, Jesure ño payoi:  
—Potocãta m̄h̄u Cohamacũ mac̄nota jira —nii sã tirore.

### Genesare macaina dohatiinare ȳhdoha Jesu

(Mr 6.53-56)

34 Æ yoarina cjiri pahã, Genesare wama tiri yahp̄ap̄u s̄u.  
35 Tó macaina Jesure ñu masire. Æ masia tó cahai jiinare Jesu  
to wihirire yahu site pah̄ore. Æ ti yahu sitechũ t̄h̄oina paȳu  
dohatiinare tiro cahap̄u na tare.

36 —M̄u suhtiro d̄h̄t̄u caha dihtare sãre ñaha ñu dutiga  
—ni sinire tina Jesure. Æ jia to suhtirore ñaha ñ̄inape  
tópeinata noaina wahare.

### Masa ñaina wahachũ yoare yahuha Jesu

(Mr 7.1-23)

**15** 1 Æ yoa Jerusalẽ macaina, fariseo curua macaina,  
marine judio masare buheina mehne Jesu cahap̄u  
wihia, õ sehe ni siniture tirore:

2 —¿Dohse yoa mari ñ̄uch̄s̄uma cjirip̄u ti yoa dutiriro  
seheta yoerajari m̄u buheina sehe? Tina ti ch̄h̄to pano ti  
dutariro seheta wamo cosaerara —nire tina Jesure.

3 Jesu õ sehe ni ȳhtire tinare:

—¿Musa sehe dohse yoana Cohamacu dutia sehere yoerajari musa? ¿Dohse yoana mari ñuchusuma cjiri panopu macaina ya dutia dihtare yoajari musa sehe? 4 Õ sehe nina Cohamacu: “Musa pucusumare ño payoga”, nina. “Cãiro to pucusumare ñaare quiti dahreriro jiro tí buhiri paina ti wajãhtiro cjihto jirohca”, nina Cohamacu. 5 To ã nipachuta õ sehe ni dutira musa sehe ti pucusumare yoadoho dutierana: Ti pucusumare ti waborire Cohamacu sehere wa dutira musa. Æ ni buhemana musa. 6 Æ buhena ti pucusumare ño payochu yoerara musa. Musa ã yoana Cohamacu dutiare yuhdurucana nina musa, mari ñuchusuma cjiri panopu macaina ya dutia dihtare yoana. 7 Masa ti baharo buhusehei ñano yoa cohtaina jira musa. Cohamacu yare yahu muhtariro Isaia cjiro musare potocãta yahu joaa tiha panopure:

8 “Ahrina masa yuhure noano durucupahta ti tuhutare yuhure ne ño payoerara.

9 Æ jia yuhure ti ño payoa ne yaba cjihti jierara.

‘Cohamacu ya dutia jira ahri’, ni mahño buhera ti ya buhea sehere”,

ni joaa tiha Isaia cjiro —nire Jesu fariseo curua macainare, mari coyera judio masare buheina cãhure.

10 Æ ni tuhsu to cahapu paina cãhure pjiroca, õ sehe nire:

11 —Yuhure tuhona taga. Tuhsu, yu niare noano tuho ñahaga musa. Musa duserihi sãa sehe musa chua sehe musare buhiri tichu yoerara. Musa ñaa durucua sehe musa duseri wijaa sehe musare buhiri tichu yoara —nire Jesu.

12 To ã ni buheri baharo sã to buheina sehe tirore yahui:

—Mu ã nichu tuhoa fariseo curua macaina suaa nire —ni yahui sã tirore.

13 Tíre tuhoro, õ sehe ni yuhtire sãre:

—Tina fariseo curua macaina toaa yucu yoaro sehe jira.

Yu Pucu muano macariro jipihtia toaa yucure to toaerari cjirire nuhcori mehneta cure, cohãnohca. Æta yoarohca tinare.

14 Tinare ã ñunocahga musa. Tina capari ñueraina ti ñu masieraro seheta ne Cohamacu yare masierara. Æ jia pichacapu wahaahca. Æ masierapahta paina masierainare buhe duamana. Æ jia tina, ti buheina cãhu soro jia buheare cahmaahca, capari ñueraina painare tuã wahcã, jipihtina copapu ti borariro seheta —nire Jesu.

15 To ã nichu tuhoro Pedro õ sehe nire:

—Ahri quitire masa ti duseri wijaa quitire yahu namoga sãre tjoa —nire tiro Jesure.

16 Jesu ò sehe ni yũhtire:

—¿Ne, tũhoerasinijari mũsa? 17 Masa ti chũare chũchũ tí ti duseroi sãahna. ã jia ti pjaropũ sãa sũ, yũhdũ wijaa wahara. Wiho waro jira. Mari chũa marine buhiri tichũ yoerara, Cohamacũ to ñũchũ. ¿Ahrire masierajari mũsa? 18 Masa ti duseroi wijaa, ti durucua sehe ti tũhotuapũ tara. Ti durucua sehe ñaa jia masare buhiri tichũ yoara. 19 Ñaa tũhotua, masare wajãa, pairo namono mehne ñano yoaa, ñano yoaa numia mehne ñano yoaa, yacaa, mahñoa, masare ñano quiti dahrea masa ti tũhotuapũ tara. 20 Tí ñaa sehe masare buhiri tichũ yoara. Wiho mejeta mari ñũchũsuma cjiri ti yoaa tiri cjiro sehetã masa wamo cosaerapahta ti chũchũ tí masare buhiri tichũ yoerara —nire Jesu.

### Judio masono jieraricoro Jesure wacũ tuaha

(Mr 7.24-30)

21 ã ni buhe tuhsũ, sãre sũho wahare tjoa. Tiro wama tiri maca cahapũ Sidõ wama tiri maca cahapũ sui sã. 22 Sã tópu sũchũ Canaa yahpa macaricoro tói jiricoro Jesu cahapũ wihiro, sañurucure:

—Pũhtoro, Davi panamino masare yũhdũchũ yoah tiro, yũhũre pja ñũga mũhũ. Yũ macore yũhdũchũ yoabasaga mũhũ. Yũ maco watĩno to cohtotaricoro, ñabiaro yũhdũra ticoro —ni sañurucure to pocoro.

23 To ã nipachũta Jesu ticorore yũhtierare. To ã yoachũ ñũna sã to buheina sehe tirore ò sehe nimai:

—Waha dutiga ticorore. Nu cariboro bisica —nimai sã.

24 Sã ã nichũ tũhoro Jesu ò sehe ni yũhtire ticorore:

—Israe masare Cohamacũre masieraina dihtare yoadoho dutiro warocare yũ Pũcũ yũhũre —nire tiro.

25 To ã nipachũta Jesu dahpori cahai na tuhcuã caha sũre ticoro tirore ño payoro.

—Pũhtoro, yoadohoga yũhũre —nire ticoro.

26 Jesu ò sehe ni yũhtire ticorore:

—Õ sehe jira ahri: Wahmanore wũhũ pũro pohna ya chũare dieyacãre yũ wa mũhtachũ tó wahaerara. (Israe masa yare pa yahpa macainare yũ wa mũhtachũ tó wahaerara) —nire Jesu ticorore piti dahre yahuro.

27 —Ã tjira pũhtoro. Ã jipachũta dieyacã cũhũ wũhũ pũro mesa docai ti chũ site boroare chũ cohtara tinacã cũhũ. (Pa yahpa macaricoro yũ jipachũta yũhũ cũhũre yoadoho masina mũhũ) —ni yũhtire ticoro.

28 To ã nichũ tiro õ sehe ni yũhtire:

—Ne numino, mũhũ yũhũre tuaro wacũ tuara. Mũ cahmano seheta ã waharohca —nire Jesu ticorore.

To ã nichũta dõihũta noaricoro wahare to macono.

### **Payũ dohatiinare noaina wahachũ yoaha Jesu**

29 ã ni tuhsũ sãre sũho waha, Galilea wama tiri bũcũpariro dũhtũ cahapũ sũho sũre tjõa. Sũ, mahadũcã tũcũre mũja, tũ buipũ dujire. 30 Tõi to jichũ payũ masa tini masierainare, capari ñũerainare, cũ bũhũsehe ñano dahporo tiinare, durucu masierainare, payũ paina dohatiinare tiro cahapũ na wihire masa. Na wihi tuhsũ Jesu dahpori cahai duhu cũre tina. Ti ã duhu cũri baharo noaina wahachũ yoare Jesu tinare. 31 To ã yoachũ ñũa masa ñũ cũaa wahare. Durucu masieraina ti durucuchũ ñũa, cũ bũhũsehe ñano dahporo tiina noaina ti wahachũ ñũa, tini masieraina ti tinichũ ñũa, capari ñũeraina ti ñũchũ ñũa, cũaa wahare tina. ã jia õ sehe nire:

—Israe masa mari pũhtoro, Cohamacũ tuariro, noariro jira —ni ñõ payore tina Cohamacũre.

### **Cuatro mil masare chũare waha Jesu**

*(Mr 8.1-10)*

32 To ã yoari baharo Jesu sãre to buheinare to cahapũ pjiroca, õ sehe nire:

—Ahrina masa yũhũ mehne tia dacho waro ji tuhsũra. ã yoa tinare ti puhĩ mariahna. Ti puhĩ mariachũ ñũcũ tinare pja ñũja. “Tinapũ jũca baaina, mahai borari”, nicũ tinare chũa marieno ti wũhũsepũ waha duti duaeraja. ã jicũ tinare puhĩ wa duaja —nire tiro.

33 To ã nichũ sã to buheina tirore sinitu ñũi:

—¿Dohse yoa mari õre masa marienopũre pãore boca wabocari mari? —nii sã tirore.

34 —¿Nohope curi pãõ curire cjuajari mũsa? —nire Jesu.

—Siete curi, wahi cũhũre mahainacã cjuaja —ni yũhtii sã.

35 Sã ã nichũ tiro masare yahpai duji dutire. 36 Tuhsũ siete pãõ curire, wahicã cũhũre na, Cohamacũre “Noana”, nire. ã

ninota pão curire nuha, sãre to buheinare ware. ã jina sã sehe tí chuare masare witii. **37** ã jia masa tíre chu, yapi yũhdũa wahare. Ti yapi wahyorire siete pũhũse waro wahpo dapoi sã. **38** Tói chũrinare mũa dihtare mari quihõchũ cuatro mil waro mũa jire. Numia, macanacã cũhũ jire. **39** Ti ã chu tuhsũchũ Jesu masare waha dutire. ã ni tuhsũ dohoriapũ samu, Magadán wama tiri yahpapũ sãre sũho sũre.

**Fariseo curua macaina, saduceo curua macaina cũhũ  
Cohamacũ tuaa mehne Jesu to yoa ñochũ ñũ duamaha**

*(Mr 8.11-13; Lc 12.54-56)*

**16** <sup>1</sup> ã yoa fariseo curua macaina, saduceo curua macaina mehne Jesu cahapũ wihire. To ñano yoachũ ñũ duamare tirore yahusã duaa. ã jia tina tirore Cohamacũ tuaa mehne yoa ño dutimare to masierachũ ñũ duaa, “Cohamacũ warocariro jierara”, nia taa. <sup>2</sup> Ti ã yoa dutichũ Jesu õ sehe ni yũhtire tinare:

—Ñamichahapũ sũ sãachũ to noano sohãchũ ñũna “Noari ñami jirohca”, nina mũsa. <sup>3</sup> Tuhsũ, bohrearo ñichuri dacho to jichũ ñũna “Coro tarohca”, nina mũsa. ã noano masiina jipanahta Cohamacũ tuaa mehne mũsare yũ yoa ñochũ ñũpanahta ne tíre noano masierara mũsa. <sup>4</sup> Mipũ macaina ña yũhdũina Cohamacũre cahmaeraina Cohamacũ tuaa mehne yũ yoa ñochũ ñũ duamana. Yoa ñosi yũhũ. Cohamacũ yare yahu mũhtariro cjiro Jona cjiro to dohse waharirore masi tuhsũre mũsa. Tí dihtare ñoihtja mũsare —ni yũhtire Jesu.

ã ni yahu tuhsũ sũho waha wahare tjoa.

**Fariseo curua macaina, saduceo curua  
macaina ti ñaa buheare yahuha Jesu**

*(Mr 8.14-21)*

<sup>5</sup> Bũcũparirore sã pahãna, pãore bo pahã tari jihti sã.  
<sup>6</sup> ã jiro Jesu sãre õ sehe ni yahure:

—Noano yoanohbũ. Fariseo curua macaina, saduceo curua macaina ti pão bũcũarore ñũna noano yoaga. Cua nina tí —ni yahure.

<sup>7</sup> To ã nichũ tũhona tũho wisia wahana, sã basi tíre õ sehe ni durucui:

—Mari pãore mari na taerachũ ñũno ã nipũcũ tiro —nimai sã, sã basi.

8 Sã ã nirire masino, sãre õ sehe ni siniture:

—¿Dohse yoana pão sehere wacũjari m̄sa? Mahanocã waro yũhũre wacũ tuara m̄sa. 9 ¿Masierasiniari m̄sa? ¿Cinco mil m̄are cinco pão curire yũ nuha warire numia cũhũre yũ warire wacũerajari m̄sa? ¿Ti yapi wahyorire doce pũhũse waro m̄sa wahpo daporire wacũerajari m̄sa? 10 ¿Ã jicũ siete pão curire nuha, cuatro mil m̄are yũ warire numia cũhũre yũ warire wacũerajari m̄sa? ¿Nohope pũhũse waro m̄sa wahpo daporire wacũerajari m̄sa? 11 ¿Ã jina pão bũcũarore yũ yahuchũ dohse yoana noano tũhoerari m̄sa? Ã nicũ pão warore nicũ nieraja. Fariseo curua macaina, saduceo curua macaina ti pão bũcũarore ñũna noano yoaga. Cua nina tí —ni yahure sãre tiro.

12 To ã ni yahuchũpũ sã masii. “Pão bũcũaro” nino, pão warore nino nierare. Ã nino fariseo curua macaina, saduceo curua macaina ti buheare nino niri jimare sãre. “Ti ya buheare tũhoena tjiga”, nino nire.

**Jesu potocã Cristo to jiare Cohamacũ  
warocariro to jiare yahuha Pedro**

*(Mr 8.27-30; Lc 9.18-21)*

13 ã yoa Jesu mehne wahana, Cesarea Filipino wama tiri maca cahai jia macaripũ sui sã. Tuhsũ, macapũ sã sũri baharo Jesu sãre to buheinare siniture:

—¿Diro baro jicari yũhũ masa yũhũre ti tũhotuchũ? —ni siniture tiro.

14 —“João masare bautisariro jira”, nina mũhũre. Paina “Elia jira”, nina. ã yoa paina sehe tjoa, “Jeremía jiboca o pairo Cohamacũ yare yahu mũhtariro cjiro jiboca”, nina —ni yũhtii sã tirore.

15 —¿M̄sa sehe m̄sa tũhotuchũ diro baro jicari yũhũ? —ni sinitu ñũre tjoa.

16 Simo Pedro õ sehe ni yũhtire:

—Mũhũ Cristo Cohamacũ warocariro jira. Cohamacũ catiriro waro macũnota jira mũhũ —ni yũhtire Simo Pedro.

17 To ã nichũ tũhoro Jesu tirore õ sehe nire:

—Simo Jona macũno mũhũ wahcheriro jira. Õ sehe ni yũhũre mũ yũhtichũ masa ti ni yahuri jierara. Yũ Pũcũ mũano macariro sehe tíre mũhũre masichũ yoare. 18 Mũhũre niita nija. Mũhũ Pedro wama tiroiro jira. (Pedro nino, “tãca”, nino

nina.) Ahri tãa wapa bui pjiri wũhũre yũ yoaboriro seheta yũ yaina sehene pjiri curua jichũ yoaihca yũhũ. ã jia watĩno to yaina mehne ne yũ yainare yũhdũrucasi. ã jia yũ yaina ne pichacarpũ wahasi. **19** Mũano macariro mari pũhtoro to sũho jiro macari sawire mũhũre waihtja. ã jicũ ahri yahpare ñaare mũ yoa dutierachũ mũanopũ cũhũre yoa dutisi. Ahri yahpare noaare mũ yoa dutichũ mũanopũ cũhũre yoa dutia jiahca —nire Jesu.

**20** To ã niri baharo sãre to buheinare õ sehe nire:

—Yũhũre “Cristo jira tiro”, ni yahu sitesiniena tjiga painare —ni dutire sãre.

**Jesu to yariahtore, to masa wijaahto cũhũre yahuha**

*(Mr 8.31–9.1; Lc 9.22–27)*

**21** Tĩ pjata Jesu sãre to buheinare noano yahu pahño dũcare:

—Jerusalẽpũ yũhũre waharo cahmana mipũre. Tõpũ mari coyea judio masa bũcũna, sacerdotea pũhtoa, marine judio masare buheina cũhũ yũhũre ñano yoaahca. Yũhũre wajãahca. ãta ñano yũhdũro cahmana yũhũre. ã jicũ tia dacho wahaboroi masa wijaaahca —ni yahure sãre tiro. **22** To ã nichũ tũhoro Pedro sehe pa sehe curerocã Jesure narũcũ sũ, tirore õ sehe nire:

—Pũhtoro, mũ nino sehe ã wahaero tjijaro. Mũhũre tina wajãea tjijaro —nimare tiro Jesure.

**23** To ã nichũ tũhoro Jesu majarerũca, tirore õ sehe nire:

—Satana yoaro sehe durucui nina mũhũ. ã nii tjiga. Mũ tũhotua masa ya jira. Cohamacũ ya jierara. ã jicũ yũ yoahtore dũcata duara mũhũ —nire Jesu Pedroe.

**24** To ã niri baharo sãre yahure:

—Cũiro yũ yairo ji duaro, to cahmano yoa duamarine duhunocanoahca. Crusarpũ yũ ñano yũhdũhtiro seheta yũ yairo to jiri buhiri ñano yũhdũparota yũhũre duhusi. ã jiro yũ yare yoarucuriro jirohca. **25** Masũno yũhũre wacũno marieno to mũ sũro to cahmano seheta yoariro pichacarpũ waharohca. Tuhsũ, masũno yũ yare ã yoarucuriro jipihitia dachoripe yũhũ mehne mũanopũ jirucurohca tiro. **26** ¿Cũiro masũno ahri yahpa macaare jipihitiare cjuariro Cohamacũre cahmaeraro pichacarpũ waharo, yabare wapatajari tiro? ã jiro ne wapataerara. Pichacarpũ to wahachũ ne dohse wapa wiohto basioerara.

27 Yũhũ masũno Cohamacũ warocariro yũ yaina anjoa mehne ahri yahparũ tjua tacũ yũ Pũcũ to si sitea mehne tjua tacũ jipihtina masare ti ñaa yoari buhiri buhiri dahreih̄tja. Noaa sehere ti yoachũ noano yoaih̄tja tinare. 28 Potocã musare yahuihtja. Cãina musa õpũre jiina musa yariahto pano yũhũre yũ tachũ yũ pũhto sãachũ cũhũre ñũnahca —ni yahure Jesu.

### Jesu to pjacũre cohtotaha

(Mr 9.2-13; Lc 9.28-36)

**17** 1 Ñ yoa seis dachori baharo Jesu Pedrose, Santiagore to bahũro João cũhũre mũadũ tũcũpũ tina dihtare pji mũjare. 2 Mũanopũ ti sũri baharo ti ñũrocaroi to pjacũre cohtotaha. To wũhdũa sũ dacho macariro yoaro sehe si siteha. Tuhsũ, to suhtiro buhriaro yoaro sehetã yehsea tiha. 3 To ã cohtotachũ Jesu Moise cjiro, Elia cjiro mehne ti sũhũduchũ ñũha tina tiaro Jesu buheina. 4 Ñ jiro Pedro Jesure õ sehe nimaha:

—Pũhtoro, mari õi jichũ noa duara. Mũ cahmachũ tia wũhũcã yoaih̄tja. Mũ ya wũhũcã, Moise ya wũhũcã, Elia ya wũhũcã yoaih̄tja —nimaha tiro.

5 To ã nino watoi me curua noano si sitea me ti bui duji pja wih̄iha. To ã duji pja wih̄ichũta, me curua watoi õ sehe nino coa taha:

—Ahr̄iro yũ macũ yũ cahĩriro jira. Tiro mehne wahcheja. Tiore tũhoga —nino coa taha.

6 Ñ nino coa tachũ tũhoa to buheina cũaa waha, yahpai doca caha sũha. 7 Ti ã wahari baharo Jesu tina cahapũ sũ, tinare bũa carerota, õ sehe niha:

—Wahcãrucaga musa. Mipũre musa ñũrire, musa tũhori cũhũre cuiena tjiga —niha tiro tinare.

8 To ã nichũ tina ñũroca, Jesu dihtare ñũha. Ti ñũrina cjiro sehe marieraha jũna.

9 Ñ jia tũcũpũ ti duji tachũ Jesu tinare tuaro mehne õ sehe niha:

—Michapucacã yũ ã waharire painare yahũena tjiga. Yũhũ masũno Cohamacũ warocariro yũ yaria masa wijaari baharo tíre painare yahuga musa —niha Jesu.

10 To ã niri baharo Pedro cũhũ tiore õ sehe ni sinituha:



—“Cristo masare yũhdohtiro to tahto pano Eliare ta mũhtano cahmana”, nina marine judio masa buheina. ¿Dohse jiro baro ã nijari tina? —ni sinituha tina tirore.

11 Jesu õ sehe ni yũhtiha:

—Potocã tjira. Eliare ta mũhta dutire Cohamacũ, jipihtiare cahno mũhtahtirore. 12 Õ sehe nicũ mũsare nii nija. Elia wihituhũre. To ã wihipachũta tina tirore ne ñũ masierare. ã jia ti dohse yoa duaro ñano yoari jire tirore. ãta yoaahca yũhũ cũhũre. Yũhũ masũno Cohamacũ warocariro jija. Ti ã yoachũ ñano yũhdũihca yũhũ —niha Jesu.

13 To ã ni yahuchũ tina noano tũhoha. “Elia” nino, João bautisarirore nino niha. Tĩre masiha tina.

### Jesu ñama yaria mũnare dohatirirore yũhdoha

(Mr 9.14-29; Lc 9.37-43)

14 ã yoa payũ masa caharũ ti duji tachũ ñũno cũiro mũno Jesu caharũ sũ, na tuhcuca caha sũre.

15 —Pũhtoro, yũ macũcãre pja ñũga. Tiro ñama yaria mũnare dohatiriro jira. ã jiro tiro ñabiaro yũhdũra. Payũ tahari pichacarũ bora sũ caha mũjana tiro. Cãa tahari diarũ bora ñoja mũjana. 16 ã jicũ mũ buheina caharũ tirore na sũmahĩ. Tina tirore noariro wahachũ yoa masierare —nire tiro Jesure.

17 Jesu õ sehe ni yũhtire:

—Mĩpũ macaina, mũsa ñaa buhiri tiina jira. Yũhũre ne wacũ tuaerara. Yoabiari pja mũsare buhemaja yũhũ. ¿Noho puro yoari pja yũhũre mũsa caribobocari? Tirore na tahga yũhũre —nire Jesu.

18 ã jiro watĩnore to tuhtichũta watĩno sehe masũnocãre sãariro cjiro wahaa wahare. To ã wahari baharocãta noariro wahare tiro.

19 Baharo sã to buheina sã sahsero jina Jesure õ sehe ni sinitui:

—¿Dohse yoana sã sehe ahriro sehere watĩnore cohã masierari, mũ tũhotuchũ? —ni sinitui sã.

20 Jesu õ sehe ni yũhtire:

—Yũhũre mahanocã wacũ tuara mũsa. Potocã mũsare yahuita nija. Mostaza yapacã mahari yapacã jiparota duropũ pjidũ wahara. To ã wahariro seheta Cohamacũre wacũ tuana õ sehe wahachũ yoa masinahca mũsa. Ahdũ tũcũre “Sohõpũ

wahaga”, mûsa nichu, waharohca. Cohamacure tó seheta wacû tuana, jipihtiare yoa masina mûsa. **21** [Wiho mejeta ahriri baro watĩnore mûsa cohã duana Cohamacure tuaro sinino cahmana mûsare. Ñ yoa duana chu duhuro cahmana mûsare Cohamacure sinina tana] —nire Jesu sãre.

**Pari turi Jesu to yariahtore, to masahtore yahuha**

*(Mr 9.30-32; Lc 9.43-45)*

**22** Ñ yoa Galilea yahparu sã tinichu, Jesu sãre õ sehe ni yahure:

—Yuhu masuno Cohamacu warocariro jija. Masa yuhure ñaha, painapure yuhure waahca. **23** Ñ ti wari baharo yuhure wajãahca tina. Ñ ti wajãricu tia dacho wahaboroi masa wijaaihca —ni yahure tiro sãre.

To ã ni yahuchu tuhona tuaro cahyai sã.

**Cohamacu wuhu macaa wapa cjihtire sinituha paina**

**24** Ñ jina Capernaup sã suchu, Cohamacu wuhu macaa cjihtire wapa na cohtaina Pedro cahapu su, tirore õ sehe ni sinitu ñure:

—¿Mûsare buheriro Cohamacu wuhu macaa wapa cjihtire wapajari tiro? —ni siniture tina.

**25** —Wapara tiro —ni yuhtire Pedro.

To ã niri baharo wuhupu to sãachu Jesu õ sehe ni sinitu mũhtare Pedrore:

—¿Simo, dohse ni tuhutujari mũhu? ¿Ahri yahpa macaina puhto yabaina sehere wapa cahmajari, mũ tuhutuchu? ¿Tina mehne macainare wapa cahmajari? ¿O pa yahpa macaina sehere wapa cahmajari, mũ tuhutuchu? —ni siniture tiro Pedrore.

**26** —Pa yahpa macaina sehere wapa cahmana —ni yuhtire Pedro.

To ã nichu Jesu õ sehe ni yahure:

—Ñ jiro puhtoro to ya yahpa macainare wapa cahmaerara. **27** Ñ jipachuta wapa na cohtainare suachu yoa duaeraja mari. Ñ jina wapanahca tinare. Wucupariropu wahaga. Tõpu su, yohgari canore doca ñoga. Ñ yoacu wahi mũhure churirore tuãga. To duseropu niñeru ture bocaihca mũhu. Tí tu quihõno wapa tiri tu jirohca. Yuhure, mũhu cũhure Cohamacu wuhu macaina ti wapa cahmachu noano quihõno mũ sũrohca tí tu.

Tí ture bocacü mari wapamonore wapai wahaga —nire Jesu Pedrore.

**Jesu buheina tina mehne macarimore pũhtoro sũ duaa nimaha**

*(Mr 9.33-37; Lc 9.46-48)*

**18** <sup>1</sup> Tí pjare sã to buheina Jesu cahapü sũ, õ sehe ni sinitui tirore:

—¿Mũano macariro pũhtoro to sũho jiropũre sã mehne macariro diro baro sehe wahabocari pũhtoro? —ni sinitui sã.

<sup>2</sup> Sã ã nichü Jesu nijinocãre pjiroca, tirocãre sã panoi duhu dapore. Duhu dapo tuhsü, sãre õ sehe nire:

<sup>3</sup> —Potocã müsare yahu bahrañoihtja. Ahrina macanacã Cohamacũre ti pũhtoro waro tũhotura. ã jina müsã cũhũ pano müsã tũhotumari cjirire cohtotaerana, tinacã yoaro sehe tũhotuerana mũano macariro pũhtoro to sũho jiropũre wahasi müsã. <sup>4</sup> ã jiro mũano macariro pũhtoro to sũho jiropũre niji siaroca yoariro painare yũhdũrũca duaerariro ahriro nijinocã yoaro sehe tũhoturirota paina bui pũhtoro wahara. <sup>5</sup> ã jina yũ yare yoana tana õ sehe jiinacãre cahmana, yũhũ cũhũre cahmana müsã —ni yahure Jesu.

**Ñaare yoachũ cua nina**

*(Mr 9.42-48; Lc 17.1-2)*

<sup>6</sup> ã ni yahu tuhsü, tinare õ sehe ni yahu namore:

—Ahrirocã sehe jiriyo yũhũre wacũ tuarirocãre yahuihtja müsare. Pairo ahrirocã sehe jiriore ñaare yoa dutiro tiro ñabiario yũhdũrohca. Cũirore to wamũare pjiria tãcare dũhte yo, pjiri mapü tirore ti cohãchũ ñano wahaboa tiro. ã jiro ahrirocã sehe jiriore ñaare yoa dutiriyo tiro sehe pjiri mapü ti cohãriro yũhũdoro ñano yũhdũrohca. <sup>7</sup> Masare ñaare yoachũ yoaa jira. Tíre yoaa ahri yahpa macaina ñano yũhdũra. Ñaare yoarucura masa. Ti ã yoachũ tinare ñaare yoachũ yoaina sehe ñabiario yũhdũahca.

<sup>8</sup> Mũ wamomaca mehne ñano yoacü tí wamomacare mũ dũte cohãboro seheta tí mũ ñaa yoaa sehẽre duhuga. Tíre duhueracü pichacapü wahaihca. Tópũre ne pichaca yatierara. Mũ wamomacare mũ cohãchũ tí si dihta butiboa. Tuhsü, mũhũ sehe ã si jipaihta baharo Cohamacü mehne jiihca. Pũa wamomaca mehne pichacapü wahacü mũ ã wahachũ ñaa yũhdũhãboa mũhũre. ã jicü tí mũ ñaa yoaa sehẽre duhuga.

'Mũ dahporo mehne ñano yoacũ tí dahporo cũhũre mũ ðate cohãboro seheta tí mũ ñaa yoaa sehere duhuga. Tíre duhueracũ pichacapũ wahaihca. Tópũre ne pichaca yatierara. Mũ dahporore mũ cohãchũ tí si dihta butiboa. Tuhsũ, ã si jipaihta baharo Cohamacũ mehne jiihca. Pũa dahporo mehne pichacapũ wahacũ mũ ã wahachũ ñaa yũhũuaboa mũhũre. Æ jicũ tí mũ ñaa yoaa sehere duhuga.

<sup>9</sup> 'Mũ capariaca mehne ñano yoacũ tiare orewe mũ cohãboro seheta tí mũ ñaa yoaa sehere duhuga. Tíre duhueracũ pichacapũ wahaihca. Tópũre ne pichaca yatierara. Tiare mũ cohãchũ tia dihta butiboa. Cũ bũhũsehe capariaca mariapaihta baharo Cohamacũ mehne jiihca. Pũa capariaca mehne pichacapũ wahacũ mũ ã wahachũ ñaa yũhũuaboa mũhũre. Æ jicũ tí mũ ñaa yoaa sehere duhuga —ni yahure Jesu.

### Oveja butiriro quitire yahuha Jesu

(Lc 15.3-7)

<sup>10</sup> Æ ni tuhsũ, tinare õ sehe ni yahu namore:

—Ne, ahrinacãre macanacãre ñũ yabiena tjiga. Mũsare niita nija yũhũ. Tinacãre ñũ wihboina anjoa mũanopũ jiina sehe yũ Pũcũ cahapũ ã jirucura. <sup>11</sup> [Yũhũ masũno Cohamacũ warocariro ahri yahrapũ pichacapũ wahaborinare yũhũchũ yoai tai nii yũhũ] —ni yahure Jesu.

<sup>12</sup> Æ ni tuhsũ to tũhotua mehne õ sehe ni quiti dahre buhere sãre:

—Ovejare ñũ wihboriro cien ovejare cjuariro cũiro oveja butia wahachũ õ sehe yoarohca tinare ñũ wihboriro sehe. Paina ovejare noventa y nueve ovejare ti chũri campopũ duhu dapo, butirirore macano waharohca. <sup>13</sup> Potocã niita nija mũsare. Tirore bocaro wahcherohca tiro. Paina noventa y nueve dũhsaina mehne wahchera tiro. Tinare to wahcheriro yũhũoro butiriro sehere bocaro tuaro wahcherohca. <sup>14</sup> Tó seheta ñũ wihboriro oveja to butichũ cahmaeraro seheta mũsa Pũcũ mũano macariro ahrina wiho jiina cũhũre pichacapũ ti wahachũ cahmaerara —ni yahure Jesu.

### Mũ coyeyiro mũhũre ñano to yoachũ õ sehe yoa dutiha Jesu

(Lc 17.3)

<sup>15</sup> Æ ni tuhsũ õ sehe ni yahu namore:

—Mũ coyeyiro mũhũre ñano to yoachũ tiro mehne sũhũdui wahaga. Mũsa sahsero tíre sũhũduga. Mũ ã yoachũ tiro mũhũre tũhoboca. To tũhochũ “Mũhũre ne pari turi õ sehe yoasi yũhũ”, to nichũ mũ coyeyirore pari turi piti tii nica mũhũ. <sup>16</sup> Mũhũre to tũho duaerachũ pinihta cũiro mehne waha duacũ o pũaro mehne waha duacũ tinare piti ti wahcã, pari turi tirore sũhũduna wahaga. Mũsa ã yoachũ mũsare pũaro o tiarore to tũhoeraputiachũ ñũna paina Jesu yainare tirore yahusãga, Cohamacũ yare ti joari pũ to niriro seheta. <sup>17</sup> ã jina mũsa mehne macaina cũhũre to tũho duaerachũ jipihtina Jesu yaina cahmachuinare yahusãna wahaga. ã jina Jesu yaina cahmachuinare to tũho duaerasinichũ ñũna Cohamacũre cahmaerarirore mũsa yoaboriro sehe yoaga tirore. Wapa na cohtarirore mũsa yoaboriro sehe yoaga tirore.

<sup>18</sup> ’Potocã mũsare niita nija. Ahri yahpai mũsa Jesu yaina ñaare mũsa yoa dutierachũ mũanopũ cũhũre yoa dutisi. Ahri yahpai mũsa noaare yoa dutichũ mũanopũ cũhũre yoa dutia jiahca.

<sup>19</sup> ’Pari turi mũsare yahuihtja ahrire: Mũsa pũaro Cohamacũre sinichũ, mũsa pũaro mũsa sinirire cũno potori mũsa tũhotuchũ yũ Pũcũ mũano macariro tíre yoarohca. <sup>20</sup> Pũaro o tiaro yũ yaina yũ yare yoachtina cjihti ti cahmachuchũ yũhũ tina mehne jija —ni yahure Jesu.

### **Cahamacũno paio to wapamonore to bo duaerari quitire yahuha Jesu**

<sup>21</sup> Baharo Pedro Jesu cahapũ sũ, õ sehe ni siniture:

—¿Pũhtoro, yũ coyeyiro mũ yairo payũ tahari yũhũre ñano to yoachũ ñũcũ nohope tahari tíre boihcari yũhũ? ¿Siete tahari boihcari yũhũ? —ni siniture Pedro.

<sup>22</sup> Jesu õ sehe ni yũhtire:

—Siete tahari dihta mũhũre paio to ñano yoarire mũ bochũ tó wahaerara. Payũ tahari mũhũre ñano to yoachũ cũhũre boga.

<sup>23</sup> ’Mũano macariro masa bui pũhtoro to sũho jiro ahri quiti yoaro sehe jira. Jipihtina masa bui pũhtoro jiro tirore dahra cohtainare tirore wapamoinare wapa pahño duti dutimaha.

<sup>24</sup> Ti wapamori cjirire to quihõ dũcachũ, tirore dahra cohtaina sehe pjíro wapamorirore tiro cahapũ na taha. Wapamoriro pjibiario wapamoha to pũhtoro. <sup>25</sup> ã jiro tiro to wapa masierachũ ñũno to pũhtoro tirore, to namonore, to pohnare

cahamaca sō, tinare painare dua dutimaha. ã yoa jipihtia to cjuaa cūhure dua duamaha, to wapamonore wapa dutiro. 26 To ã dua dutichu pjiro wapamoriro sehe na tuhcuca caha su, to puhtorore tuaro siniha: “Puhtoro, yuhure pja ñucu cohtasiniga. Muhure wapa pahñoihca”, niha tiro to puhtorore. 27 To ã nichu tuhoro, tirore pja ñuno to wapamorirore ãta bonocaha.

28 To ã yoari baharo pjiro wapamoriro cjiro sehe waha, pairo dahra cohtariorore tirore mahanocã wapamorirore boca suha. ã boca suro wamua ñahaha tirore. “Yuhure mu wapamonore wapa bahrañoga”, niha tiro to mehne macarirore to yoaro sehe dahra cohtariorore. 29 To ã nichu pairo dahra cohtariro sehe na tuhcuca caha su, tirore tuaro sinimaha. “Yuhure pja ñucu mahanocã cohtasiniga. Muhure wapa pahñoihca”, nimaha pairo dahra cohtariro tirore. 30 To ã ni sinipachuta to mehne macariro tirore yuhtieraha. Tuhsu, tiro pairo dahra cohtariorore peresu yoa dutiha. Pu to wapa pahñochupu wiorohca tirore. 31 Pjiro wapamoriro cjiro mahanocã wapamorirore to ñano yoachu ñu, susini, paina dahra cohtaina sehe ti puhtorore yahusãa wahaha. 32 Ti ã ni yahusãchu tuhoro ti puhtoro ti yahusãrirore pjiroca, ò sehe niha: “Muhu ñabiariro jira. Mu yuhure tuaro sinichu mu wapamorirore bo pahñomahi yuhu. 33 Muhure yu ã yoapachuta muhu sehe muhure wapamorirore boerayuhti. Mu wapamoriro sehere yu boriro seheta tiro muhure to wapamoriro cūhure mu bochu noabiaboa. ¿Dohseacu tirore pja ñuerari muhu ã yoacu?” niha to puhtoro tirore. 34 ã nino tuaro sua, peresu yoaha tirore dahra cohtariorore. Pu to wapa pahñochupu wiorohca —ni yahure Jesu.

35 ã ni tuhsu, ò sehe ni ahri quitire yahu batoare:

—Tó seheta yoarohca yu Pucu muano macariro musare. Musa jipihtina musa coyeca musare ti ñano yoarire noano musa bo pahñoerachu tiro musare buhiri dahrerohca —nire Jesu.

### Ti namosãnumiare cohãare yahuha Jesu

(Mr 10.1-12; Lc 16.18)

**19** 1 Tíre to ã ni yahuri baharo tiro Galileai jiro Judea yahpapu sãre suho wahare. Jordão pa buhusehe coapu sui sã. 2 Tópu sã wahachu payu masa sãre nunu ti wahcãre. Tina mehne macainare dohatiinare noaina wahachu yoare tiro.

3 Ñ yoa cãina fariseo curua macaina Jesure yahusã duaa, ñano to durucuchũ tũho duaa, tirore õ sehe ni sinitu ñũre:  
 —¿Mari cahmano seheta mari namore cohãchũ noabocari?  
 ¿Mari dutia sehe tó seheta yoa dutijari, mũ tũhotuchũ? —ni sinitu ñũre tina.

4 Jesu õ sehe ni yũhtire:

—¿Cohamacũ yare ti joari pũi ne ahrire buherasiniri mũsa? Õ sehe ni joaa tiha: “Wahmanopũre ahri yahpare bajuamehneriro mũno, numino cũhũre yoaha”, ni joaha. 5 Tuhsũ õ sehe ni joa namoha: “Mũno to pũcusũmare cohã wija, to namono mehne jirohca. Ñ jia tina pũaro jipahta cũ pjacũ yoaro seheta jira”, ni joa namoa tiha. 6 Ñ jia tina pũaro yoaro sehe jierara. Cũ pjacũ yoaro sehe jia nina. Cohamacũ to wamomaca dũhte dutiina jira. Ñ jia tinare duhueraro cahmana —nire Jesu tinare.

7 To ã nichũ fariseo curua macaina õ sehe ni siniture tjoa:

—Mũ ã ni yahupachũta õ sehe ni joaa tiha Moise cjiro sehe: “Mũ namore cohã duacũ papera pũi tíre joaga. Ñ joacũ tí pũre mũ namore mũ wari baharo ticorore cohã masina mũhũ”, ni joaa tiha Moise cjiro. ¿Mũ nino sehe jipachũta Moise cjiro sehe dohsearo õ sehe ni joari? —ni sinitu namore tina tirore.

8 Jesu õ sehe ni yũhtire tinare:

—Cohamacũre mũsa ñũchũsuma ti tũho duaerachũ ñũno ti namosãnumiare ti cohãchũ, “Ñta yoawahnojaro”, ninocaa tiha Moise. To ã nipachũta wahmanopũre ahri yahpare ã jierare. 9 Mũsare niita nija. Masũno to namono to ñano yoaerapachũta ticorore cohãno, pacorore namo tiro, tiro pacoro mehne ñano yoaro nina. [Tuhsũ, ahriro to cohãricorore namo tiriro cũhũ ticoro mehne ñano yoariro jira] —nire Jesu.

10 To ã nichũ tũhona, sã to buheina sehe tirore õ sehe nii:

—Tó sehe mũno to namono mehne ti cahma cohãerachũ mari sehene mari namo tierachũ noaboca —nii sã.

11 Jesu õ sehe ni yũhtire:

—Mũsa nino seheta jira. Ñ jiro cãinare namo ti dutierara Cohamacũ. 12 Mũare namo ti dutieraa cãa jira. Cãina mũa numiare cahmaeraina masa bajuara. Paina mũa masa ti wapãri tũhoca ti warina sehe namo ti masierara. Paina mũa mũano macariro ti pũhtoro yare yoadoho duaa, namo tierara. Ñ jia ahriina namo ti duaeraina ãta tũhotunocaina, tó seheta ti ji sohtori tichũ noana —nire Jesu sãre.

### Macanacã ya cjihtire Cohamacure sini payoha Jesu

(Mr 10.13-16; Lc 18.15-17)

13 ã yoa masa macanacãre Jesu cahapũ na wihire. ã na wihia, tina Jesure to wamomacare tinacã bui ña payo duti duamare. ã yoa tinacãre Cohamacure sini payo duti duamare Jesure. Ti ã yoachũ ñũna sã to buheina tinare tuhtimahi. 14 Sã ã tuhtichũ ñũno, sãre Jesu õ sehe nire:

—Macanacã yũ cahapũ tajaro. “To cahai wahaena t̃jiga”, niena t̃jiga tinacãre. Tinacã Cohamacure ti pũhtoro tũhotura. pũhtoro Cohamacũ to sũho jiina ahrinacã yoaro sehe tũhotuina baro dihta jira —nire Jesu sãre.

15 ã ninota to wamomacare tinacã bui ña payo tuhsũ, wahaah wahare.



### Pache pũro Jesure sinitu ñũha

(Mr 10.17-31; Lc 18.18-30)

16 To ã yoari baharo cũiro masũno Jesu cahapũ wihi, siniture tirore:

—¿Ne, buheriro, jipihtia dachoripe Cohamacũ mehne ã jirucu duacũ, noare yoa duacũ di baro sehere yoabocari yũhũ? —nire tiro.

17 —¿Dohse jiro baro yũhũre noaa barore ni sinitujari mũhũ? Cohamacũ dihta noariro jira. Jipihtia dachoripe Cohamacũ mehne ã jirucu duacũ to dutiare yoaga —nire Jesu.

18 —¿Di baro dutia sehere nii nijari? —ni sinitu namore tiro. Jesu õ sehe ni yũhtire:

—Masare wajãecũ t̃jiga. Namu tiriropũ paye numia manũ tia numia mehne jiecũ t̃jiga. Yacaecũ t̃jiga. Mahũoa mehne



painare yahusãescu tjiga. 19 Mũ pũcũsumare ño payoga. Mũ basi mũ cahĩno seheta mũ cahai jiriro cũhũre cahĩga. Ahri dutiare yoaihca mũhũ —nire Jesu.

20 —Ahri dutiare ne yũhdũrũcaera tihĩ yũhũ. ¿Dohse yoa namoihcari yũhũ jipihtia dachoripe Cohamacũ mehne jirucu duacũ? —nire tiro Jesure.

21 To ã nichũ tũhoro Jesu õ sehe ni yahu namore:

—Mũhũ ñaa buhiri marieriro ji duacũ mũ ya jipihtiare duai wahaga. ã duacũ jipihtia mũ wapatari niñerure pũacũoinare waga. Mũ ã yoachũ payũ mũ wapataa mũanopũ, Cohamacũ cahapũ jiyuahca. Mũ ã yoari baharo yũhũ mehne macariro cjihto taga —ni yahure Jesu.

22 To ã nichũ tũhoro tuaro cahyare. Tiro payũ pache cjuariro jiro, tíre pũacũoinare wa duaeraro, cahya, wahaa wahare.

23 To ã wahari baharo Jesu sãre to buheinare õ sehe ni yahu namore:

—Potocã mũsare niita nija. Pache pũro pũhtoro Cohamacũ to sũho jiropũre to waha duachũ mijobiara. 24 Mũsare yahu namoihtja: Camello sehe awicã copapũ to sãa nuhri wijaa duachũ basioerara tirore. To ã jiro yũhdoro pache pũro pũhtoro Cohamacũ to sũho jihtopũ to waha duachũ mijobiara —nire tiro.

25 To ã nichũ tũhona sã cũaa waha, sã basi õ sehe nii:

—Cue, to nino seheta jichũ, ne cũiro masũno Cohamacũ cahapũ waha masieraboca —nii sã basi.

26 Sã ã nichũ Jesu sãre ñũroca õ, õ sehe ni yahure:

—Masa ti basi ti mũ sũro yũhdũ masierara. Wiho mejeta Cohamacũ sehe masare pichacapũ wahaborinare yũhdo masina. Tiro jipihtiare noano yoa masi pahñoriro jira —nire tiro sãre.

27 To ã nichũ Pedro tirore õ sehe nire:

—Tũhosiniga. Sã sehe sã ya jipihtiare cũnocaa tii mũhũ mehne wahana tana. ¿Sã õ sehe yoana, dohse jiare wapatanahcari sã? —nire tiro.

28 To ã nichũ tũhoro õ sehe nire Jesu:

—Mũsare niita nija: Pihtiri dacho jichũ jipihtia wahma dihta cohtotaahca. Tí pũapũre yũhũ masũno Cohamacũ warocariro yũhũ pũhtoro yũ dujiroi si siteroi dujiĩhca yũhũ. Tói yũ dujichũ mũsa cũhũ doce dujia pahtarihi pũhtoa ti dujia pahtarihi dujinahca. ã jina Israe masare doce curuari macainare

besenahca m̄sa noaina, ñainare. <sup>29</sup> Ñ yoa ȳ yare yoana tana m̄sa w̄h̄sere, m̄sa bahanare, m̄sa p̄c̄s̄umare, m̄sa pohnare, m̄sa weserire c̄nocarina jina, p̄j̄ro wapatanahca. Tuhs̄, jipih̄tia dachoripe Cohamac̄ mehne jirucunahca. <sup>30</sup> Wiho mejeta mip̄re paȳ p̄htoa jirina cjiri tí p̄j̄p̄re wiho jiina t̄uanocaahca. Tuhs̄, mip̄re paȳ wiho jiina jirina cjiri tí p̄j̄p̄re p̄htoa cohtotaahca t̄joa —ni yahure Jesu s̄are to buheinare.

### Se wesere dahraina quitire yahuha Jesu

**20** <sup>1</sup> Ñ yoa Jesu pari turi to t̄hotua mehne piti dahre ò sehe ni yahu namore t̄joa:

—M̄ano macariro masa bui p̄htoro jira. Wese p̄ro quiti mehne p̄htoro Cohamac̄ to s̄ho jirore yahuiht̄ja m̄sare. Tiro wese p̄ro bohrea par̄caroi to wesere dahrahtinare p̄j̄ro wahaha. <sup>2</sup> “C̄ t̄ niñeru t̄ wap̄iht̄ja c̄ dachore”, niha tinare. “Jai”, niha dahrahtina. Ti ã nich̄ wesep̄ dahra dutiro warocaha tiro tinare. <sup>3</sup> Ñ yoa dachop̄ nueve hora jich̄ pache duarop̄ wahaha tiro. T̄op̄ s̄ro, paina dahraerainare ñ̄ha. <sup>4</sup> Ñ ñ̄no tinare ò sehe niha: “M̄sa c̄h̄ ȳ wesere dahrana wahaga. Noano wap̄iht̄ja”, niha tiro tinare. <sup>5</sup> To ã nich̄ t̄ho, tina c̄h̄ wesep̄ dahraa wahaha. Ñ yoa wese p̄ro cohari p̄ja jich̄, ñamichahap̄ tres hora jich̄ c̄h̄re painare dahra dutiha. <sup>6</sup> Ñ yoa ñamichahap̄ cinco hora jich̄ pache duarop̄ tiro wahaha t̄joa. T̄op̄ s̄, paina dahraerainare ñ̄no, tinare ò sehe niha: “¿Ne yaba barore yoerapanahta c̄ dacho ñ̄rucu nah̄ojari m̄sa?” ni sinitu ñ̄ha tinare. <sup>7</sup> “Ne, s̄are dahraa mariahna”, ni ȳht̄iha tina. “M̄sa c̄h̄ ȳ wesere dahrana wahaga”, niha tinare. Ñ jia to niriro seheta to wesere dahraa wahaha. <sup>8</sup> Ñ yoa ñamichahap̄ dahra duhuri p̄ja jich̄ wese p̄ro to yaina dahrainare cohtarirore ò sehe niha: “Dahrainare p̄j̄ga. Ti wihich̄ tinare wapaga. Ti baharop̄ ȳ dahra dutirinare wapa m̄htaga. Tinare wapa tuhs̄, paina c̄h̄re wapa tuhs̄, ȳ dahra duti m̄htainare wapa batoaga j̄na”, niha tiro. <sup>9</sup> Ñ yoa cinco hora jich̄ dahra d̄cainare c̄ t̄ niñeru t̄ wapaha. <sup>10</sup> To ã wapach̄ ñ̄a, “S̄are bui curero waparohca”, ni t̄hotumaha to duti m̄htaina cjiri sehe. Tina c̄h̄re c̄no potori wapanocaha. <sup>11</sup> Ñ jia niñerure to wapach̄ tí p̄htoro mehne susinia ti basi ò sehe cahma niha: <sup>12</sup> “Ahrina s̄ baharop̄ to dahra dutirina sehe c̄ horata dahrahe. S̄

sehe cã dacho noano dahra nahñoamahi. Ñano sũ sihre sãre. Sã ã yoari pja dahrapachuta sã baharopu dahra ducaina cũhure cũno pоторita wapanoahre tiro”, ni suaha tina ti basi. <sup>13</sup> Cũiro tina mehne macariro to ã nichu tuhoro, wese pũro yũthiha tirore: “Ne coyero, ‘Cũ tu niñeru ture wapaihtja’, nimahicu mũsare. Yũ ã nichu yũthihre mũsa. ã jicu yũ niriro seheta mũsare wapahi yũhũ. Quihõno wapahi mũsare. Ne yacaerahi mũsare. <sup>14</sup> ã jicu yũ waparire na, mũ wũhũpu tjuahga. Ahrirore baharo yũ dahra dutiriro cũhure mũsare yũ wapariro purota wapaihtja. <sup>15</sup> Yũ ya niñeru jira ahri. ã jicu yũ cahmano seheta ahri mehne wapaihtja. ¿Painare yũ noano wapachu ñũ tuhtijari mũhũ?” niha tiro wese pũro —ni yahure tí quitire Jesu.

<sup>16</sup> ã nino, õ sehe ni yahu namore tiro:

—Ahri quiti ti nino seheta baharo macari curua wiho jiina yoaro sehe ya curua ji mũhtari curua pũhtoa ya curua jirohca mũanopũ. ã yoa ji mũhtari curua pũhtoa ya curua cjiro sehe ti baharopu macari curua wiho jiina ya curua tjuarohca mũanopũ —ni yahure Jesu.

**Pari turi Jesu to yariahtore, to masa wijaahtore yahuha**

*(Mr 10.32-34; Lc 18.31-34)*

<sup>17</sup> ã yoa Jerusalẽpu wahana cũnoihta waharucuma, sãre doce to buheinare pjiroca tuhsũ, pa sehẽpu sã dihtare naahre Jesu. Sã sahsero sã jichũ sãre õ sehe ni yahure:

<sup>18</sup> —Tũhoga yũhũre. Mipũre Jerusalẽpu wahana nija mari. Tõpu yũhũre masũnore Cohamacũ warocarirore ñaha, painapũre yũhũre waahca. Sacerdotea pũhtoare, mari coyera judio masare buheina cũhũre yũhũre waahca. ã jia yũhũre wajã dutiahca tina. <sup>19</sup> ã wajã dutia, judio masa jieraina sehẽre yũhũre waahca. Ti ã wari baharo tina sehe yũhũre bũjũpe, tjana, crusapũ cã puhaahca yũhũre. ã jii yũ yariari baharo tia nũmũ wahaboroi masa wijaaahca —ni yahure Jesu sãre.

**Santiago, João mehne ti pocoro tinare sinibasaha Jesure**

*(Mr 10.35-45)*

<sup>20</sup> ã yoa Zebedeo namono pũaro to pohna mehne Jesu cahapũ sũ, na tuhcuca caha sũha tirore sinino taro:

<sup>21</sup> —¿Dohse yũ yoachũ cahmajari mũhũ? —niha Jesu ticorore.

—Mũhũ pũhtoro sãacũ yũ pohnare dutiina sōga. ã yoacũ mũ pju bũhũseheri batoĩ dapoga tinare —ni siniha ticoro.

22 Jesu õ sehe ni yũhtiha:

—Mũsa ñano yũhdũhtore masierapanahta ã sinina mũsa. ¿Mĩpũre yũ ñano yũhdũhto seheta mũsa cũhũ ñano yũhdũna cũno pjabocari mũsa? —niha Jesu ticoro pohnare.

—Cũno pjanahca —ni yũhtiha Santiago, João mehne.

23 —Potocã tjira. Yũ ñano yũhdũhto seheta ñano yũhdũnahca mũsa cũhũ. Wiho mejeta yũhũ mehne dutihtinare, yũhũ mehne dujihtinare bese masieraja yũhũ. Yũ Pũcũ sehe cahno tuhsũre tíre. ã jia to besehtina dihta yũ poto bũhũsehei yũ cõ bũhũsehei dujiahca —niha Jesu tinare.

24 ã jina sã paina diez to buheina sehe Santiago, João ahrina pũaro mehne susinii sã. Jesure ti pocoro to sinibasarire tũhona susinii tina mehne. 25 Sã ã susinichũ ñũno, Jesu sãre jipihtina to buheinare pji cahmachu, õ sehe ni yahure sãre:

—Cohamacũre masieraina pũhtoa sehe ti masare dutia, purĩno mehne dutira. 26 Mũsa sehe ne ã yoasi mũsa basi. Mũsa mehne macariro pũhtoro ji duaro, jipihtina tiro mehne macaina cahamacũno jiro cahmana tirore. 27 ã yoa jipihtinare dutiriro ji duariro paina cahamacũno jiro cahmana tirore. 28 Tó seheta jiro jija yũhũ cũhũ. Yũhũ masũno Cohamacũ warocariro ahri yahpũpũre masare yoadohocũ tacũ tai. Tuhsũ, payũ masa ya buhirire yariai tai nii. ã yoa masare pichacapũ wahaborinare yũhdũchũ yoai tai nii —nire Jesu sãre.

### **Pũaro capari bajuerainare ñũchũ yoaha Jesu**

*(Mr 10.46-52; Lc 18.35-43)*

29 ã yoa Jericópũ jirina sã wahachũ payũ masa Jesure nũnũ tire. 30 Ti ã nũnũ tichũ Jesu to yũhdũachũ pũaro capari ñũeraina maha dũhtũ cahai dujiina tũhore. ã tũhoa, õ sehe ni sañurucure:

—Sã pũhtoro, Davi cjiro panamino masare yũhdohtiro, sãre pja ñũga —ni sañurucure.

31 Ti ã ni sañurucuchũ masa sehe tinare tuhtire:

—Dihta mariaha —nire masa tinare.

Ti ã tuhtichũ tũhoa, ti pano sañurucuriro yũhdo curero sañurucu namore tjoa:

—Sã pũhtoro, Davi cjiro panamino, sãre pja ñũga —ni sañurucure.

32 Ti ã nichu tuhoro Jesu sũrũca, tinare pjiroca, õ sehe ni sinitu ñũre:

—¿Dohse musare yu yoachu cahmajari musa? —ni sinitu ñũre.

33 —Sã puhtoro, sãre ñũchu yoaga —ni yuhtire tina.

34 Ti ã nichu Jesu tinare pja ñũre. ã pja ñũno ti caparire ña payore. To ã ña payochuta tina sehe ñũa wahare. ã ñũa, tireore nũnũ ti wahcãre.

### Jerusalẽpu sũha Jesu

(Mr 11.1-11; Lc 19.28-40; Jn 12.12-19)

**21** 1 ã yoa Jerusalẽpu sã suhto pano Betfagẽ wama tiri macapu su muhtasinii sã Jesu mehne. Betfagẽ tũcu Olivo wama tidu cahai jire. Tõpu sũro, sã mehne macainare puaro to buheinare Jesu to pano waroca muhtare. 2 Õ sehe ni yahure tinare:

—Sĩ macapu burroare nana wahaga. Tõpu sũna, dõihã burrore to macũnocã mehne ti duhte daporicorore boca sũnahca. Tinare boca, yuta dare pjã, na tabasaga yuhtũre.

3 Mũsa pjãchu ñũno, cũiro dohse jiro, “¿Dohseana tana burroare pjãjari musa?” to nichu tuhona õ sehe ni yuhtiga: “Mari puhtoro burroare cahmarocasinire. Michapucã tinare wiarohca tiro”, ni yuhtiga tireore —ni duti warocare Jesu to buheina puarore.

4 ã yoare Cohamacu yare yahu muhtariro cjiro to ni joariro seheta. Õ seheta ni joaa tiha panopũ:

5 “Jerusalẽ macainare õ sehe ni yahuga: ‘Ñũga musa.

Mũsa puhtoro musa cahapu tara.

Tiro masa noariro jira.

Burro macũnocã bui pisariro tarohca’, ni yahuga  
Jerusalẽ macainare”,

ni joaa tiha panopũ.

6 Jesu to dutirocaina puaro tí macapu su, to dutiriro seheta yoaha tina. 7 Burrore, to macũnocã cũhũre na ta, ti bui sãa suhtire tjuwe na, burrocã bui pjũpaha payore tina. Ti ã yoari baharo Jesu tirocã bui mũja pjare waharo taro. 8 Mũja pja tuhsũ, tirocã bui Jerusalẽpu wahare. To tachũ ñũa masa payũ ti bui macaa suhtire tjuwe na, saño cũ muhtare to wahahti mahai, Jesure ño payoa. Paina sehe pũri tia dũpũrũre mahai

duhu cū m̄hta wahcãre tirore ño payoa. <sup>9</sup> Ñ yoa to pano wahaina, to baharo n̄n̄ tiina mehne ò sehe ni sañurucure:

—Davi cjiro panaminore marine ȳhdohtirore wahche payojihna. Ahriro Cohamac̄u to warocariro noano jijaro. M̄ano macarimore “Tuariro jira”, ni wahche payojihna —ni sañurucure masa.

<sup>10</sup> Ñ jia Jerusalēpu ti s̄chu tó macaina sehe ñ̄ c̄aa wahare.

—¿Cue, diro baro jijari ahriro? —ni cahma siniture tina.

<sup>11</sup> Paina masa ò sehe ni ȳhtire:

—Ahriro Cohamac̄u yare yahu m̄htariro Nazare Galilea yahpai jiri maca macariro Jesu wama tiroiro jira —ni yahure tina masare.

### **Cohamac̄u w̄h̄pu s̄ha Jesu**

(*Mr 11.15-19; Lc 19.45-48; Jn 2.13-22*)

<sup>12</sup> Baharo Cohamac̄u w̄h̄pu s̄re Jesu. Tí w̄h̄pu s̄, s̄aa wahare. Tí w̄h̄pu duainare, nuch̄ina c̄h̄re cohã wiore tiro. Ñ yoaro niñeru cohtotaa mesarire na majareroa doca cū m̄jare. Bujaare duaina ti dujia pahtari c̄h̄re ãta yoare.

<sup>13</sup> Ñ yoaro tinare ò sehe nire:

—Cohamac̄u yare ti joari p̄i ò sehe nina: “Ȳ w̄h̄ Cohamac̄u mehne durucuri w̄h̄ wama tirohca”, nimare to joari p̄i. M̄sa sehe ahri w̄h̄i duana m̄sa basi cahma yacara m̄sa —nire tiro tinare.

<sup>14</sup> To ã yoari baharo capari ñ̄eraina, tini masieraina c̄h̄ Cohamac̄u w̄h̄pu tiro cahap̄ wihire. Ti ã wihich̄u tinare noaina wahach̄u yoare tiro. <sup>15</sup> Ñ noaare to yoach̄u ñ̄a, sacerdotea p̄h̄toa, marine judio masare buheina c̄h̄u suare tiro mehne. Ñ yoa macanacã Jesure “Davi cjiro panamino masare ȳhdohtiro, tuariro jira m̄h̄”, ti ni ño payoch̄u t̄hoa tó c̄h̄re tina suare. <sup>16</sup> Ñ suaa ò sehe nire Jesure:

—¿Tí ã nich̄u t̄hoerajari m̄h̄? Ñ niea t̄jijaro —ni tuhtire tina Jesure.

Ti ã tuhtich̄u t̄horo Jesu tinare ò sehe ni ȳhtire:

—Tina ti ã nich̄u t̄hoja. ¿Cohamac̄u yare ti joari p̄i ahrire ne buherari m̄sa?

“Macanacãre, wihãinacãre Cohamac̄ure noano ño payoch̄u yoare m̄h̄”,

nina Cohamacu yare ti joari pui —nire Jesu (“Macanacá yuhure ti ño payochu noana”, nino).

17 Ñ ni tuhsu tinare cohã wahcã, Betania wama tiri macarũ su, tí ñamine tói jire.

### **Jesu higeracure yaria dutiha**

*(Mr 11.12-14,20-26)*

18 Pa dachoi bohrearopu Jerusalẽpu tjuaro, jũca baare Jesu. 19 Ñ jũca baaro, maha dũhtu cahai jidũ higeracu wama tidure ñũno, tu dichare macano wahamare. Dicha mariahe tu sehe. Puri dihta jire. Tu ã jichũ ñũno Jesu tũre õ sehe nire:

—Ahdũ ne pari turi dicha tisi —nire tiro.

To ã nichũta dóihta tu sehe ñaia wahare. 20 Tu ã wahachũ ñũna sã to buheina ñũ cũa wahi.

—Cue, ¿dohsearo ahdũ dóihta ñaia wahajari? —ni sinitui sã.

21 Jesu õ sehe ni yũhtire:

—Potocã nii nija mũsare. Cohamacure noano wacũ tuaga. “Potocã ã yoarohca tiro”, nina ahdũre yũ yoariro seheta yoa masinahca mũsa cũhũ. Tuhsũ, ahdũre yũ yaria dutiriro yũhoro yoa masinahca mũsa. Ahdũ tũcure “Duha na, pjiri marũ cohãdũ jijaro”, mũsa nichũ duha cohãdũ jirohca. 22 Cohamacure mũsa wacũ tuachũ, “Yũ siniriro seheta ã waharohca”, mũsa ni wacũchũ mũsa siniriro seheta ã waharohca —nire Jesu sãre.

### **Jesure dutirirore sinituha paina**

*(Mr 11.27-33; Lc 20.1-8)*

23 Ñ yoa Cohamacu wũhũpu tju su, buhere tiro. To ã buhechũ sacerdotia pũhto, mari coyera judio masa bũcũna mehne tiro caharu wihi, õ sehe ni siniture:

—¿Dohseacu canũre ã yoari mũhũ? ¿Noa mũhũre tíre ã yoa dutiri? —ni siniture tina.

24 Ti ã nichũ Jesu õ sehe ni yũhtire:

—Mũsa sehere sinitu mũhtaihtja. Noano yũhũre mũsa quihõno yũhtichũ mũsare yahuihtja yũhũ cũhũ. 25 ¿João masare to bautisachũ diro baro sehe tirore bautisa dutia tiari, mũsa tũhotuchũ? ¿O Cohamacu dutiera tiari? ¿O masa sehe dutia tiari, mũsa tũhotuchũ? —ni siniture Jesu tinare.

To ã nichũ tina sehe ti basi õ sehe nire:

—¿Dohse ni yũhtinahcari mari? “Cohamacu Joãore dutia tiri jire”, mari nichu, “¿Dohseana Cohamacu Joãore to dutipachuta tirere tũho duaerari musa?” niboca Jesu marine. ã jina “Cohamacu Joãore dutia tiri jire”, ni yũhti masieraja mari. 26 Ahrina masa sehe “Potocãta João Cohamacu yare yahu mũhtariro jire”, ni tũhotura tina. ã ni tũhotua “João to bautisachu Cohamacu sehe tirere dutierari jire”, mari nichu tũhoa masa suaboca mari mehne. ã jina tí cũhure yahu masieraja mari —nire tina ti basi.

27 Ti ã niri baharo Jesure õ sehe ni yũhtire tina:

—Joãore bautisa dutirirore sã masieraja —nire tina.

Ti ã nichu tũhoro õ sehe nire Jesu:

—Tí pja pinihta yũhu cũhu musa sinitu mũhtarire yahueraja musare. Yũ yoarire dutirirore yahueraja musare —nire tiro tinare.

### **Рцаро рцсцро quitire yahuha Jesu**

28 To ã niri baharo Jesu to tũhotua mehne paye quti mehne piti dahre buhe namore tinare:

—¿Ne, dohse ni tũhotujari musa ahri quitire? Рцаро рцсцро jiha. Wahmino sehere õ sehe niha to рцсцро: “Macu, wesepũ dahrai wahaga”, niha. 29 “Wahaeraja”, ni yũhtimaha to macũno wahmanore. ã niparota baharopũre wesepũ waha duaro jiha tirere. ã jiro wahaha tiro. 30 Tuhsu, ti рцсцро to macũno dũhsariro cahapũ su, to wahminore to dutiriro seheta wesepũ waha dutimaha. “Jai”, nimaha dũhsariro sehe. ã niparota wahaeraha tiro. 31 ¿Diro sehe to рцсцро to dutiriro seheta yoari? —ni siniture Jesu.

—To wahmino sehe yoaha —ni yũhtire tina.

Ti ã nichu Jesu õ sehe ni yahure:

—Mũsare niita nija. Wapa na cohtaina, mũa mehne ñano yoarucua numia ti buipũ waro musa sehe ñabiaina jira. ã jia pũhtoro Cohamacu to sũho jiropũre musa sũborirore tina sehe mũsare mũ cõ su mũhtaahca. 32 João bautisariro buhero mũsare “Noano yoaga”, ni yahumare. ã to yahuchũ dũhsariro to рцсцроre to yũhtierariro seheta tirere tũhoerare musa. ã yoa tirere yũhtierare. Wapa na cohtaina sehe, mũa mehne ñano yoarucua numia cũhu tirere tũhore. Ti ã tũhochũ ñũre musa. Mũsa ã ñũpanahta tirere ne tũho duaerare musa.



Tuhsu, tuhoerare masa —nire Jesu sacerdotea puhtoare, mari coyea judio masa bucuna cuhure.

### Naina dahra cohtaina quitire yahuha Jesu

(Mr 12.1-12; Lc 20.9-19)

33 Ñ yoa Jesu pari turi to tuhotua mehne õ sehe ni piti dahre tinare buhe namore:

—Ahri quitire tuhoga masa. Yahpa puero jiha. Tiro to ya yahpai se dari cjihtire toaha. Toa tuhsu, sahrĩnore dapo, sere ti tu mutohti copare saha, mulari wuhucã dahreha.

Ñ jiro tí wesere painare cū bñhusehe coa pahma cūha. Ñ pahma cūno tí wesere tinare ññ wihbo duti, pa yahpapu wahaha tiro. 34 Ñ yoa se ñiri pja jichu wese puero tirore dahra cohtainare wesere ññ wihboina cahapu warocaha. Wese macaa to toaa dichare to ya coa macaa dichare na dutiro warocamaha. 35 To ã warocachu wesere ññ wihboina sehe tirore dahra cohtainare ñano yoaha. Cũirore tuaro cjã, paire waja, paire tãa mehne docaha. 36 Baharo wese puero pari turi tirore dahra cohtainare to waroca mhtarina bui curero puhto jiri curuare warocaha tjoa. To ã warocachu wesere ññ wihboina tina cuhure mnanota yoaha tjoa.

37 Ñ yoa to waroca batoariro to macuno jiha. “Yu macu sehere ño payoahca”, nino tirore warocamaha. 38 To ã ni tuhotupachuta wesere ññ wihboina to macuno to tachu ñña, õ sehe niha: “Wese puero macuno jira ahriro. Tirore waja jihna mari. Mari ã waja chu ahri wese mari ya wese tjuarohca”, nimaha tina ti basi. 39 Ñ niata tirore ñaha, wese duhtu cahai na wahcã, waja ha tina tirore.

40 ¿Ne, wese puero taro dohse yoarohcari tiro wesere ññ wihboinare, masa tuhotuchu? —ni siniture Jesu sacerdote puhtoare, bucuna cuhure.

41 To ã nichu tina õ sehe ni yuhtire:

—Tiro painare wesere ññ wihbohtinare cohtotarohca ji mhtainare nabianare waja no taro. Tirore quihõno dichare tju wahtina sehere ññ wihbo dutirohca —ni yuhtire tina.

42 Ti ã nichuta Jesu yahu namore tinare:

—¿Cohamacu yare ti joari puhi ahrire yuhure to ni joari cjirire ne buherari masa?

“Ahriro Cristo tãca yoaro seheta jira.

Tācare wuhũ dahreina ti cohãno seheta masa tirore cohãahca.

Ti ã yoapachũta mipũre wuhũ dahreina wuhũre yoaa ti cũ mũhtari tãcare ti cũno seheta Cohamacũ tirore pũhto sũre.

Cohamacũ sehe ahrire yoare.

To ã yoachũ ñũna, ‘Noa yũhũara’, ni tũhotuja mari”, ni joaa tiha panopũ. ¿Tĩre ne buherari mũsa? 43 Mũsare niita nija yũhũ. pũhtoro Cohamacũ to sũho jiro mũsa jihto cjihto jiboa. To pũhtoro jirore paina sehere mũsa jiborirore warohca Cohamacũ. Paina masa sehe to dutiro seheta yoahca. 44 [Jipihtina tia tãca bui bora pjainare payũ dihicã peri yihsorohca tia tãca. Tuhsũ, tia tãca sehe masũno bui bora pjaro tahãnocanohca tirore. To pjacũ cjirore daa manaricã wahachũ yoarohca. (Tó seheta yũhũre cahmaeraina yũ buhiri dahrehtina ñãno yũhũahca) —nire Jesu sacerdotea pũhtoare, mari coyea judio masa bũcũna cũhũre.]

45 Tĩ quitire to ã nichũ tũhoa, “Sohõ to yahu mũhtari quitu wesere ñũ wihboina quitu mehne marine nino nica tiro”, ni tũhoture tina. 46 ã ni tũhotua, tirore ñaha duamare. Masa sehe Jesure ño payo “Cohamacũ yare yahu mũhtariro jira tiro”, niina jia tiha tina. Tĩre masia, sacerdotea pũhtoa, bũcũna mehne masare cuia, Jesure ñahaerare.

### Pjiri bose nũmũ macaa quitire yahuha Jesu

**22** 1 ã yoa pari turi to tũhotua mehne paye quitu mehne tinare buhe dũcare Jesu:

2 —Mũano macariro pũhtoro to sũho jiro ahri quitu yoaro sehe jira. Cũ yahpa macaina bui pũhtoro jiha. ã yoa to macũno ya nũmũ bose nũmũ yoaha. To wamomaca dũhteri bose nũmũ jiha. 3 ã yoa pũhtoro tirore dahra cohtainare bose nũmũre ñũa tahtinare pji dutiro warocamaha. Tina sehe ta duaeraha. 4 ã jiro painare pji dutiro warocamaha tjoa tirore dahra cohtainare. “Yũ pjirocainare õ sehe ni yahuga. ‘Mari chũhtire dahre tuhsũhre. Wachũare, wachũacã dihi tiinacã cũhũre wajã tuhsũhre. ã yoa jipihtiro bose nũmũ macaa cjihtire cahno tuhsũhre. ã jina bose nũmũ macaare chũna taga’, ni yahuga tinare”, ni warocamaha pũhtoro tirore dahra cohtainare. 5 Dahra cohtaina ti ã yahuri baharo to pjirocarina cjiri ã tũhotunocaha. Bose nũmũre ñũa wahaeraha. Cũiro to wesepũ

wahaa wahaha. Pairo to dahraare ñño wahaha. <sup>6</sup> Paina sehe tirore dahra cohtainare ñaha, tinare ñano yoa, wajānocaha jūna. <sup>7</sup> Ti ā yoachū tūhoro, pūhtoro sehe suaha. Sua, ti ā wajāri buhiri buhiri dahre dutiro to surarare warocaha. Ā jia surara tinare wajā pahño, ti ya macare jūnocaha. <sup>8</sup> Ti ā yoari baharo, pūhtoro tirore dahra cohtainare ō sehe niha: “Bose nūmū macaa cjihtire cahno tuhsūmahre. Wiho mejeta yū pjiroca mūhtarina cjiri yū bose nūmūre ñūborina jierara. Naina jira tina. <sup>9</sup> Ā jina macare jia maharipū dohse jiina mūsa boca sūinare bose nūmūre ñūhtinare pjiga”, niha tirore dahra cohtainare. <sup>10</sup> To ā nichū tirore dahra cohtaina maharipū waha, jipihtinare ti boca sūinare, ñaina, noaina cūhūre yahuha. Ti ā pjiri baharo to cahapū sūha tina peri. Noano tí bose nūmū ti yoari tahtiare masa wahpata yūhdūa wahaha.

<sup>11</sup> ’Tóí ti dujichū pūhtoro sehe cūirore wamomaca dūhteri nūmū macari suhtirore sūaerarirore ñūha. <sup>12</sup> “¿Ne coyeiro, dohse yoacū wamomaca dūhteri nūmū macari suhtirore sūaerapaihta sā tari mūhū?” ni sinituha pūhtoro. To ā sinituchū masūno sehe yūhtieraha. <sup>13</sup> To ā yūhtierachū ñño tirore dahra cohtainare ō sehe niha: “Ahriroro to wamomacarine dūhtega. To dahpori cūhūre dūhtega. Dūhte tuhsū na wijaa, sopacapū cohāga tirore nahitianopū. Tópū tiro tuaro tii, cahyaro mehne bahca dihorohca”, niha pūhtoro —ni yahure Jesu.

<sup>14</sup> To ā niri baharo ō sehe ni batoare tiro:

—Ahri qiti jiro seheta Cohamacū payū masa to pjirocarina ti jipachūta mahainacā tiro mehne tjuuahca —ni yahu batoare Jesu.

### **Pūhtoa ya wapare paina sinituha Jesure**

*(Mr 12.13-17; Lc 20.20-26)*

<sup>15</sup> To ā niri baharo fariseo curua macaina waha, Jesure ti yahusāhtore ti basi durucuha tina. To ñano yūhtichū tūho duaa nimaha tirore yahusā taa. <sup>16</sup> Ā durucua tina mehne macainare, Herode ya curua macaina cūhūre Jesure sinitu dutia warocaha. Tina sehe Jesu cahapū wihi, tirore mahño cū sinitu ñūmare:

—Buheriro, potocā durucuriro mahñoa marieriro mū jichū masija sā. Cohamacū yare quihōno mū yahuchū cūhūre sā masija. Ā jicū cūiro pūhtoro waro to jipachūta tiro cūhūre dórero marieno potota yahura mūhū. <sup>17</sup> Ā jicū sāre yahuga.

¿Roma macariro jipihtina bui pũhtoro jirirore gobierno macaare marine waparō cahmajari, mũ tũhotuchũ? ¿Mari dutia tirore wapa dutijari? —ni siniture tina Jesure.

18 Ti ã nichũ tũhoro tirore ti yahusã duaare masino ò sehe nire:

—Mahñopeina jira mũsa. ¿Dohseana yũ ñano durucuchũ tũho duajari mũsa? 19 Mipũre niñeru tũre pũhtoare wapahti tũre na tahga. Tí tũre ñũjihna —nire tiro.

To ã nichũ tũhoa niñeru tũre na tare tina.

20 Ti ã na tachũ ò sehe ni siniture tiro tinare:

—¿Diro baro masũ wahãjari ahri tũre? ¿Diro baro wama wahãjari? —ni siniture.

21 —César, masa bui pũhtoro masũ, to wama cũhũ wahãna —ni yũhtire tina.

Ti ã nichũ tũhoro Jesu ò sehe ni yahure:

—Tí pja pini masa bui pũhtoro yare tiro sehere waga. Cohamacũ yare Cohamacũ sehere waga —nire Jesu.

22 To ã nichũ tũhoa, tũho cũaa waha, waha wahare Herode ya curua macaina.



**Saduceo curua macaina Cohamacũ to masoare sinituha Jesure**  
(Mr 12.18-27; Lc 20.27-40)

23 Ñ yoa tí dachoihta cãina saduceo curua macaina Jesu cahapũ wihire. Saduceo curua macaina sehe “Cohamacũ yariainare masosi”, ni tũhotuina jire. Ñ jia ò sehe nire tirore tina:

24 —Buheriro, ò sehe ni buhea tiha Moise cjiro: “Cũiro to wahmino namo tiroro pohna mariaparota to yariachũ to bahũrore to wahmino namono cjirore nũoano cahmana. Ñ yoaro to wahmino mũnano to pohna tiboro seheta pohna tiro cahmana to bahũrore. Ñ jia to pohna to wahmino mũnano pohna yoaro sehe jiahca”, ni joaa tiha Moise cjiro —nire tina saduceo curua macaina.

25 Tíre ã ni yahu tuhsũ ahri quitire yahu namore tina Jesure:

—Cũiro masũno jiha. Seis to bahana jiha. Ti wahmino sehe namo ti, pohna marieriro yariaa wahaha. Tuhsũ, paio ro bahũro cũhũ to wahmino namono cjirore nũoaha. 26 To ã

n̄oari baharo to wahmino yoaro seheta pohna mariaparota yariaa wahaha tjoa. Ñ yoa ahriro baharo to wahmino m̄nano yoaro seheta pohna mariaparota yariaa wahaha. Ñ dihta wahaha c̄iuro pohna waro. Ne pohna mariapahta yaria pihtia wahaha tina. 27 Ti namono cjiro c̄ũhũ ti baharota yariaa wahaha j̄na. 28 ¿Ne, Cohamacũ jipihtinare yariaina cjirire to masochũ diro baro namono jibocari ticoro? Tina jipihtina ticorore namo tirina cjiri jiha. ¿Ñ yoa diro namono sehe jibocari ticoro pototi? —ni siniture tina.

29 Jesu ò sehe ni yũhtire tinare:

—Cohamacũ yare ti joari p̄ure, to masia c̄ũhũre ne masierara m̄sa. Ñ yoa m̄sa tũhotua sehe ne potocã jierara. 30 Yariarina cjiri ti masa m̄jari baharo tina anjoa yoaro sehe jira. Tina namo marieina, manũ mariea numia jira tó̄p̄ure. 31 Yariarina cjiri ti masa wijaah̄to sehere m̄sare yahuihtja. ¿Cohamacũ m̄sare to niri cjirire ne buherari m̄sa? Ò sehe niha tiro: 32 “ ‘Yũhũ Abrahã, Isaa, Jacobo ti p̄ũhtoro t̄jija’, nina Cohamacũ”, ni joaa tiha panop̄ure. Ti yariari baharo “Ti p̄ũhtoro t̄jija”, ni yahuha Cohamacũ. Ñ niparota yariarina cjiri p̄ũhtoro jierara Cohamacũ. “Ti p̄ũhtoro t̄jija”, to nia mehne catiina ti jichũ masija mari. Tiro catiina p̄ũhtoro jira —ni yahure Jesu tinare.

33 To ã ni buhechũ tũhoa payũ masa tũho c̄uaa wahare.

### Cũno noa yũhdũro to dutiare yahuha Jesu

(Mr 12.28-34)

34 Ñ yoa saduceo curua macaina Jesure ti yũhti masierachũ tũhoa, fariseo curua macaina sehe tiro cahapũ cahmachure.

35 Cahmachu, tina mehne macariro marine judio masare buheriro sehe Jesu to ñnano nichũ tũho duaro mah̄no c̄ũ sinitu ñũmare tirore.

36 —¿Buheriro Cohamacũ ya dutia noa yũhdũaro di baro sehe jijari, m̄ tũhotuchũ? —ni siniture tiro.

37 Jesu tirore ò sehe ni yũhtire:

—“Tuaro m̄sa yajeripohna mehne, m̄sa tuaa mehne, noano m̄sa wac̄ia mehne Cohamacũre cahĩga”, nina Cohamacũ. 38 Ahri dutiata paye dutia yũhdoro noa yũhdũara. 39 Ahri dutia baharo paye dutia noa yũhdũara: “M̄ basi m̄ cah̄no seheta m̄ cahai jiina c̄ũhũre cahĩga”, nina Cohamacũ. 40 Ahri p̄naro dutiare yoana, jipihtia paye dutiare yoa pah̄ona nija

mari. Cohamacu yare yahu mæhtaina cjiri panopu ti joari cæhure yoa pahõona nija mari —ni yahure Jesu.

**¿Diro baro coyeiro jijari Cristo?**

*(Mr 12.35-37; Lc 20.41-44)*

41 Ñ yoa fariseo curua macaina tói cahmachuina ti jichu

42 Jesu tinare õ sehe ni siniture:

—“Cristo, Mesia mari ni pisuriro Cohamacu to warocahtiro jira”, nina mæsa. ¿Diro baro jijari Cristo ñæchæno cjiro panopu macariro, mæsa tæhotuchu? —nire tiro.

—Cristo Davi cjiro panamino jirohca —ni yæhtire tina.

43 Jesu õ sehe ni yahure tinare:

—¿Cristo Davi cjiro panamino to jichu dohsearo Davi sehe pæhtoro tiari Cristore? ¿Dohsearo ã pæhtoro ti dutiri Espiritu Santo tirore? Õ sehe niha Davi cjiro:

44 “Cohamacu yu pæhtore õ sehe nire:

‘Õi yu poto buhusehei dujiga.

Ñ jicu mæhure ñu tuhtiinare mæhure

yæhdærucabasaihca yæhu’,

nire Cohamacu yu pæhtore”,

ni joaha Davi cjiro. 45 Ñ ni joarota Davi cjiro pæhtoro tiha Cristore. ¿Davi cjiro Cristo ñæchæno cjiro jiro dohsearo tiro pæhtoro tiari Cristore? (Cristo Davi cjiro pæhtoro tjira) —ni yahure Jesu.

46 To ã ni yahuchu tina tirore ne yæhti masierare. Ñ jia tó purota sinitu duhunocare tina tirore. Tuhsu tirore cuia pari turi sinitu ñæerare tirore juna.

**Judio masare buheina, fariseo curua macaina**

**cæhu ti ñano yoare yahuha Jesu**

*(Mr 12.38-40; Lc 11.37-54; 20.45-47)*

**23**

1 Ñ yoa payu masare sã cæhure Jesu õ sehe ni yahure tjoa:

2 —Marine judio masare buheina fariseo curua macaina cæhu Cohamacu dutia Moise cjirore to cæri cjirire yahuina jira tina. 3 Ti ã yahuina jichu mæ sare ti yahuriro seheta tíre yoa pahõoga mæsa. Ñ yoapanahata tinare ñu cæna tjiga mæsa. Ti buheriro seheta yoerara tina. 4 Masare payu dutira tina. Ñ dutipahta ti dutiro sehe masa ti yoerachu ñu tinare yoadoherara. 5 Masa ti ñærocaro dihta noano yoa ñomana

tina. Cohamacu yare ti joari pũre ti duhu sãa caa pocacãre, buju curea caa pocacãre ti wũhdũa poca bui dũhte yohre tina masare ñũ dutia. Ti yachũri cũhũre dũhte yohre. Å yoa ti suhtipũ ti duhu yoa bocari bujubia bocari jira. Cohamacure ti ño payorire masa sehere yoa ñoa nimana tina. <sup>6</sup> Tuhsũ, bese nũmũri jichũ pũthoa ti dujiarũ duji duara. Judio masa mari buhea wũhũsepũ cũhũre noaa dujia pahtari dihtare jicoara tina. <sup>7</sup> Å yoa maharũ ño payoa mehne paina tinare ti noano piti bocasinichũ cahmana tina. Tinare “Buheriro”, masa ti ni pisuchũ cahmana.

<sup>8</sup> Paina mũsare pisua “Buheriro”, niea tjijaro. Mũsa jipihtina cũno potori jina nina. Å yoa mũsare buheriro cũirota jija yũhũ Cristo. <sup>9</sup> Ahri yahpa macainare “Mari pũcũ”, nina tinare ño payona nica. Ne ã niena tjiga. Mũano macariro dihta mari Pũcũ jira. Tiro dihtare ño payoro cahmana marine. <sup>10</sup> Å yoa masũnore “Pũhtoro”, niena tjiga. Mũsa pũhtoro yũhũ Cristo sehe cũirota jija. <sup>11</sup> Cahamacũno yoaro sehe mũsare yoadohoriro tiro tjica mũsa pũhtoro jihtiro. <sup>12</sup> Cũiro pũhtoro ji duaro tirore wiho jiriro yoaro sehe jiro cahmana. “Wiho jiriro jija yũhũ”, ni tũhoturiro painare yũhdũrũca duaerariro tiro sehe pũhtoro jirohca —ni yahure Jesu.

**Judio masare buheina, fariseo curua macaina  
mehne ti mahũopeare yahuha Jesu**

<sup>13</sup> To ã niri baharo tinare õ sehe ni yahu namore:

—Mũsa judio masare buheina, fariseo curua macaina cũhũ ñano yũhdũnahca. Mahũopeina jira mũsa. Soro mũsa buhechũ tũhoa mũsare tũhorina sehe pũhtoro Cohamacu to sũho jiropũre wahasi. Mũsa cũhũ tũpũre wahasi. Å buhena tũpũre waha duainare dũcatana nina mũsa.

<sup>14</sup> [’Mũsa judio masare buheina, fariseo curua macaina cũhũ ñano yũhdũnahca. Mahũopeina jira mũsa. Wapewahya numia ya wũhũsere manocahna mũsa tí numiare. Tuhsũ, yoari pja masa ti ñũrocaroi Cohamacure sini ñomana mũsa masare. Mũsa ã yoari buhiri paina bui curero Cohamacu pjiro buhiri dahrerohca mũsare.]

<sup>15</sup> Mũsa judio masare buheina, fariseo curua macaina cũhũ ñano yũhdũnahca. Mahũopeina jira mũsa. Pjiri marũ pahã, yoaro macaa yahparipũ wahara mũsa, mũsa dutiare yoah tirore macana tana. Mũsa dutiare yoah tirore boca, tirore

buhera. M̄sa ã yoach̄n tiro sehe m̄sa yũhdoro pichacap̄n wahahtiro jirohca.

16 'M̄sa ñano yũhd̄nahca. Capari ñ̄eraina ti ñ̄n masieraro seheta masieraina jira m̄sa. ã jipanahta painare buhemana m̄sa. Õ sehe ni buhemana m̄sa: “ ‘Cohamac̄n w̄h̄n mehne ȳn nino seheta yoaihtja’, niriro to niriro sehe to yoerapach̄ta noanohca”, ni buhemana m̄sa. “ ‘Cohamac̄n ya w̄h̄n macaa uru mehne ȳn nino seheta yoaihtja’, niriro tiro sehere to niriro seheta yoa sohtori tiro cahmana” ni, tí c̄h̄re buhemana m̄sa. 17 Capari ñ̄eraina ti ñ̄n masieraro seheta masieraina jira m̄sa. T̄ho masieraina jira. ¿Di baro sehere ño payoro cahmajari? Urure ño payoeraro cahmana. Cohamac̄n sehe tí uru to w̄h̄n̄i jich̄n noaa jich̄n yoara tíre. ã jina to w̄h̄n̄ sehere ño payoro cahmana m̄sare. ã jia m̄sa buhea sehe tó wahaerara. 18 Ahri c̄h̄re buhemana m̄sa: “ ‘Cohamac̄n w̄h̄n macari mesa mehne ȳn nino seheta yoaihtja’, niriro to niriro seheta to yoerach̄n noanohca”, ni buhemana m̄sa. “ ‘Tí mesa bui jia mehne Cohamac̄re ño payoa ti wari mehne ȳn nino seheta yoaihtja’, niriro tiro sehere to niriro seheta yoa sohtori tiro cahmana”, ni buhemana m̄sa. 19 Capari ñ̄eraina ti ñ̄n masieraro seheta masieraina jira m̄sa. ¿Di sehe tí waro jijari, m̄sa t̄hotuch̄n? Cohamac̄re mas̄no to ño payoro to wari cjiri tí waro jiera curera. Tí mesa bui Cohamac̄re to wach̄n, noaa wahara tí mesa bui jia. ã jiro tí mesa sehe wiho jiri mesa jierara. Cohamac̄re ño payoa ti wari bui curero noari mesa jira. 20 ã jiro “Cohamac̄n w̄h̄n macari mesa mehne ȳn nino seheta yoaihtja”, c̄īro nino, tí mesa bui macaa to wari mehne tiro ã nino nica. ã jia m̄sa buhea sehe tó wahaerara. 21 “Cohamac̄n w̄h̄n mehne ȳn nino seheta yoaihtja”, c̄īro nino, potoc̄ata Cohamac̄n mehmeta ã ninota nica. Cohamac̄n tí w̄h̄n macariro jira. 22 ã jiro “M̄ano mehne ȳn nino seheta yoaihtja”, c̄īro nino, Cohamac̄n to jirop̄n mehmeta ã nino nica. ã jiro Cohamac̄n mehmeta ã nino nica. Tiro sehe tó macariro jira. ã jia m̄sa buhea sehe tó wahaerara.

23 'M̄sa judio masare buheina, fariseo curua macaina c̄h̄n̄ ñano yũhd̄nahca. Mah̄nopeina jira m̄sa. Moa yoaro sehe jiare ch̄n̄are coach̄n yoare c̄j̄ana mahanoc̄ã wamana m̄sa. Cohamac̄re ño payona tana sacerdoteara wamana m̄sa. Mahanoc̄ã wamana m̄sa. Menta, anis, comina wama tia coach̄n yoare wamana m̄sa. ã wapanahtja noare



yoerara m̄sa. Tuhs̄, masare pja ñ̄erara m̄sa. Ñ̄ yoa Cohamac̄ure wac̄ũ tuaerara m̄sa. Toaa dichare m̄sa narire mahanoc̄ã sacerdoteara m̄sa wach̄ũ noa nina. Ñ̄ wana õ sehe yoa namoga: Noaare yoaga. Ñ̄ yoa pja ñ̄uga masare. Tuhs̄, Cohamac̄ure wac̄ũ tuaga. <sup>24</sup> Capari ñ̄eraina ti capari ñ̄eraro seheta masieraina jira m̄sa. Ñ̄ sehe yoara m̄sa: M̄sa ya dutiare yoa dutina, wiho jia waro dutiare yoara m̄sa. Ñ̄ yoapanah̄ta Cohamac̄ũ to pototi to dutia warore yoerara m̄sa.

<sup>25</sup> 'M̄sa judio masare buheina, fariseo curua macaina c̄ũh̄ũ ñ̄ano ȳhd̄nah̄ca m̄sa. Mah̄ñopeina jira m̄sa. M̄sa waparire, m̄sa sihnia wahwarire bui m̄sa cosaro seheta noaare yoa ñ̄omana m̄sa buic̄ã warohna. Ñ̄ yoapanah̄ta Cohamac̄ũ yare quih̄õno yoerara m̄sa. Paina yare maina, m̄sa basi dihta b̄j̄ũare na duaina jina, ã dihta t̄hotura m̄sa. <sup>26</sup> Capari ñ̄eraina ti ñ̄ũ masieraro seheta masieraina jira m̄sa fariseo curua macaina. Ñ̄aare m̄sa t̄hotuare coh̄otoga. M̄sa ã yoana masa ti ñ̄roc̄aroi noaina jinah̄ca m̄sa.

<sup>27</sup> 'M̄sa judio masare buheina, fariseo curua macaina c̄ũh̄ũ ñ̄ano ȳhd̄nah̄ca. Mah̄ñopeina jira m̄sa. Masa copa, yehsea mehne ti wis̄õri copa yoaro sehe jira m̄sa. Masa tí copare ti ñ̄uch̄ũ noari copa bajura. To ã bajupach̄uta, puhicha macariro baarimore, to coh̄ãrine, ñ̄aare ñ̄erara tina. <sup>28</sup> Tó seheta m̄sa c̄ũh̄ũ masa ti ñ̄roc̄aroi noaina sehe bajumana m̄sa. Ñ̄ noaina sehe bajuina m̄sa jipach̄uta m̄sa t̄hotuap̄ũ ñ̄aa, mah̄ñoa ji ȳhd̄ũara yariaina yoaro seheta —ni yahure Jesu.

### **Judio masare buheina, fariseo curua macaina c̄ũh̄ũre to buhiri dahrehtore yahuha Jesu**

<sup>29</sup> Ñ̄ ni tuhs̄ õ sehe ni namore tinare:

—M̄sa judio masare buheina, fariseo curua macaina c̄ũh̄ũ ñ̄ano ȳhd̄nah̄ca. Mah̄ñopeina jira m̄sa. Cohamac̄ũ yare yahu m̄htaina cjiri panop̄ũ macaina ti masa coparire noano cah̄nomana m̄sa. Tuhs̄, noano yoaina cjiri ti masa coparire noano cah̄nomana m̄sa. <sup>30</sup> Ñ̄ yoana õ sehe nirucumana m̄sa: “Panop̄ũre s̄ã ñ̄uch̄ũsuma cjiri ti yoariro sehe s̄ã sehe yoeraboa. Tí pjar̄ũ j̄inare Cohamac̄ũ yare yahu m̄htaina cjirire s̄ã waj̄ãeraboa”, nirucumana m̄sa. <sup>31</sup> Ñ̄ nina m̄sa ñ̄uch̄ũsuma cjiri Cohamac̄ũ yare yahu m̄htainare waj̄ãrina cjiri ti jiri cjirire bajuro wana nica. Tinare waj̄ãrina cjiri panamana ji

turiaina m̄sa jia c̄h̄ure bajuro wana nica m̄sa. <sup>32</sup> M̄sa ñ̄ch̄us̄ma cjiri ti yoariro seheta yoa sohtori tiwahnoga.

<sup>33</sup> 'Agã ñ̄ima tiina yoaro sehe ñ̄abiaina jira m̄sa. M̄sa ñ̄aa t̄hotumari cjirire cohtota duaerana Cohamac̄u m̄sa ñ̄aa buhirire pichac̄ap̄u m̄sare to cohãhto pano duhti masierara m̄sa. <sup>34</sup> ã̄ jii m̄sare niita nija. Cohamac̄u yare yahu m̄htainare, paina noano masiinare, paina m̄sare buhehtinare m̄sa cahai warocaihtja. Ȳu ã̄ warocach̄u m̄sa sehe cãina tinare wajãnahca. Painare crusap̄u c̄jã puhanahca. Painare m̄sa buhea w̄h̄usep̄u tjananahca. ã̄ yoana macariper̄u tinare ñ̄ano yoa, m̄uroca n̄n̄u tinahca m̄sa. <sup>35</sup> M̄sa ã̄ yoana jipihtina ñ̄aa marieinare m̄sa wajãri buhiri buhiri tinahca. Noariro Abe cjirore Caĩ to wajãri buhiri jipihtina m̄sa c̄h̄u buhiri tinahca. Jipihtina to baharo jiiinare noainare ti wajãri buhiri c̄h̄ure buhiri tinahca m̄sa c̄h̄u. ã̄ yoa Cohamac̄u w̄h̄u cahai wahiquinare ti wari mesa cahai Zacariare wajãre tina. Tiro sehe Berequias mac̄no jire. ã̄ jina Zacaria c̄h̄ure ti wajãri buhiri buhiri tinahca m̄sa c̄h̄u. <sup>36</sup> Potocã m̄sare yahuita nija. Tina jipihtinare ti wajãri buhiri mip̄u macaina c̄h̄u m̄sa buhiri tinahca —ni yahure Jesu.

### **Jerusalẽ macainare tuaro cahãha Jesu**

*(Lc 13.34-35)*

<sup>37</sup> ã̄ ni tuhs̄u õ sehe ni namore:

—Cue, Jerusalẽ macaina, Cohamac̄u yare yahu m̄htaina cjirire wajãrina jira m̄sa. M̄sa coyera panop̄u macaina cjiri c̄h̄u ã̄ta yoarina cjiri jiha. ã̄ yoa m̄sa cahai to warocaina cjirire tãa mehne doca wajãrina jira m̄sa. Caracacoro to poh̄nare to c̄jã m̄a d̄up̄uri mehne to moha coãno seheta paȳu tahari cah̄irucumahi m̄sare. M̄sare cahmamahi. M̄sa sehe ȳh̄ure ne cahmaerare. <sup>38</sup> Mip̄ure m̄sa ya maca cohãri maca cjiro jirohca. <sup>39</sup> Potocã m̄sare niita nija. Baharop̄u taihtja ȳh̄u. ã̄ ȳu tach̄u ñ̄na m̄sa ȳh̄ure “Cohamac̄u tuaa mehne tariro noano tajaro”, ninahca. Ȳh̄ure m̄sa tíre nihto pano ȳu tjua tahto pano pari turi ȳh̄ure ñ̄usi m̄sa —nire Jesu tinare.

**“Cohamacu wuhu cohãri wuhu jirohca”, niha Jesu**

(Mr 13.1-2; Lc 21.5-6)

**24** <sup>1</sup> Ñ yoa Cohamacu wuhui jiro Jesu to wijaa wihichu sã to buheina tí wuhure tí wuhu cahai jia wuhuse cũhure ñna:

—Ahri wuhuse jira. Ñuga muhu cũhu —nii sã tirore.

<sup>2</sup> Jesu ò sehe ni yũhtire:

—Ahri wuhusere mipure ñumana musa. Musare yahuita nija. Ahri wuhusere jipihtia musa ñuri cjiri ahri wuhuse macaa tãa cũhu cohõ pihtia wahaahca. Ne cãria tãca tjuasi —nire tiro sãre.

**Pihtiri dacho cjihtore yahuha Jesu**

(Mr 13.3-23; Lc 21.7-24; 17.22-24)

<sup>3</sup> Baharo Olivo wama tidu tũcũpũ sũ, tũpũ dujire Jesu. Tói to dujichu sã to buheina sã sahsero tiro cahapũ sũ, ò sehe ni sinitu ñhi:

—Yahuga sãre. ¿Dohse jichu ã waharohcari mũ niriro sehe waharo? ¿Pihtiri dacho panocãre to jichu cũhure, mũ tjuatahto cũhure dohse to waha dũcachu ñnahcari sã? —ni sinitu ñhi sã.

<sup>4</sup> Jesu ò sehe ni yũhtire:

—Noano yoaga musa. Musare paina ti mahñoare tũhoena tjiga. <sup>5</sup> Payũ masa “Cristo jija yũhu”, ni mahñoina taahca. Ti ã mahñochu tũhoa payũ masa Cohamacu yare duhuahca. <sup>6</sup> Mũsa cahacãi masa paina ti cahma wajãchu tũhonahca musa. Tuhsũ, yoaropũ cũhure ti cahma wajãchu tũhorocanahca musa. Ñ tũhopanahta ne tíre pjíro tũhotuena tjiga. Ñ waharohca. Ti ã yoachũ pihtiri dacho cjihto dũhsasininohca mini. <sup>7</sup> Tí pjare cũ yahpa macaina pa yahpa macaina mehne cahma wajãahca. Ñ yoa cũiro pũhtoro yaina paio pũhtoro yaina mehne cahma wajãahca. Tuhsũ, payũ masa jũca mehne variaahca. Ñ yoa dohatia payũ jiaha. Tuhsũ, pjaró yahpa ñuhminohca. <sup>8</sup> To ã wahachu ahri yahpa macainare ti ñano yũhdũ namohto dũhsasinina mini. Ñano yũhdũsiniahca.

<sup>9</sup> Tí pjare paina musare ñaha, ñano yoa dutia waahcu musare paina pũhtoapũre. Ti ã wachu musare wajãahca. Yũ yaina musa jiri buhiri jipihtina musare ñũ tuhtiahca. <sup>10</sup> Tí pjare payũ yũ yaina jimarina cjiri yũhure cohãahca. Ñ jia tina

mehne macainare tina ñu tuhtiahca. Ñ yoaa tina mehne macaina ti jipachuta tinare ñano yoahinare waahca tina. 11 Tí pjare payu “Cohamacu yare yahu mughtaina jija”, ni mahñoina jiahca. Ñ jia payu masa ti mahñoare tũhoahca. 12 Tí pjare ñabiaro yoaaahca masa. Ñ yoaa tina mehne macainare cahĩ namosi. 13 Ñ jina mũsa tuaina jina, ahri yahpai mũsa catisinino puro cũno pjarucuna, yũhdũnahca mũsa. 14 Tuhsu, ahri noaa buhea jipihtiropu ahri yahparũre ti yahua buhea jiahca. Pũhtoro Cohamacu to sũho jiare yahuri buheare ti yahu siteri jiahca, jipihtina tí buheare ti masihtose. Ti ã yahuri baharo pihtiri dacho dũcarohca.

15 Cohamacu yare yahu mughtariro Daniel cjiro panopũ macariro ñabiarore Cohamacu yare ñano yoarore yahua tiha panopũre. Tí pjare tiro ñariro sehe Cohamacu wũhũru to ducuchũ ñũnahca mũsa. Ahri yu nirire noano masiga mũsa. 16 Tóito ducuchũ ñũa, Judea yahparũ jiina sehe tũyucu caharũ mũroca duhtijaro. 17 Soaro mehne mũroca duhtijaro. Tí pjare ti wũhũseri bui macaa waparipu jiina wũhũ puhicharũ jiare ti yare na wahaeta tjijaro ti waha bahrañohto sehe. 18 Tuhsu, tí pjare paina ti weseripu jiina ti bui macaa suhti wũhũru jia suhtire na wahaeta tjijaro ti waha bahrañohto sehe. 19 Tí pjare nijipocosanumia, ti pohñare pũa numia cũhũ pjacũoro wahaahca. 20 Ñ jina Cohamacure õ sehe ni siniga: “Puhiro jichũ judio masa sã soa nũmũri jichũ cũhũre sã mũroca duhtihiti dacho jiero tjijaro”, ni siniga mũsa Cohamacure. 21 Tí dachorire masa nu ñano wahaahca. Ahri yahpare to bajuamehneri baharo masa ñano ti yũhdũa jisinia tiha. Ti ã jipachuta jipihtia tí purĩa yũhdoro pihtiri dacho panocã ñabiaro yũhdũahca masa. Ñ ñano ti yũhdũri baharo pari turi tó sehe ñabiaro yũhdũsi ahri yahpai jũna. 22 Cohamacu tí dachorire mahaa dachoricã jisnichũ yoarohca. To ã yoerachũ ne cũiro masũno yũhdũeraboca. Ñ jiro to beserina ti yũhdũhti cjihtire mahaa dachoricã ã cũsiniohca Cohamacu.

23 Tí pjare paina mũsare “Ñũga. Õi jira Cristo”, ti nichũ tinare tũhoena tjiga. “Tóito jira Cristo”, ti nichũ tinare tũhoena tjiga. 24 “Cristo jija”, ni mahñoina, “Cohamacu yare yahu mughtaina jija”, ni mahñoina jiahca tí pjare. Ñ jia Cohamacu to beserinare mahñoa, tina bajuamehneare yoa ñoahca. Ti ã yoa ñochũ ñũa, Cohamacu yaina cãina tinare tũhoa “Potocã tjira” nia, Cohamacu yare pa tehe nia duhuboca. 25 Ahri jipihtiare

m̄sare yahuyuja m̄sare to ã wahahto pano. Ñ jina t̄hoga m̄sa. 26 Paina masa m̄sare “Ñuga. Masa marienop̄u jira Cristo”, ti nich̄u t̄op̄ure ñ̄na wahaena t̄jiga. Ñ yoa tina “Õi ahri tahti pocai jira tiro”, ti nich̄u tinare t̄hoena t̄jiga. 27 Ȳh̄u mas̄no Cohamac̄u warocariro wac̄uenoca t̄jua taiht̄ja. Oroca sitero m̄anore s̄u m̄ja tarop̄u, s̄u s̄anop̄u wac̄uenoca to oroca siterocaró seheta wac̄uenoca t̄jua taiht̄ja ȳh̄u. 28 Yucaare mari ñ̄na, yariariro to p̄jac̄u c̄jiro jich̄u mari noano masinahca. (Tó seheta ahri m̄sare ȳu yahuyurire m̄sa ñ̄na noano masinahca ahri yahpar̄u ȳu t̄jua tahto mahanoc̄ã to d̄hsach̄u c̄h̄ure) —ni yahure Jesu.

**Cristo ahri yahpar̄u to t̄jua tahtore yahuha tiro**

*(Mr 13.24-37; Lc 21.25-33; 17.26-30, 34-36)*

29 Ñ yahu tuhs̄uro tinare õ sehe ni yahu namore:

—Tí dachori masa ti ñ̄ano ȳhd̄na dachori baharo s̄u dacho macariro, ñ̄ami macariro c̄h̄u buhria duhua wahaahca.

Ti ã wahach̄u ñ̄ahpichoha poca m̄anop̄u jia poca boraa wahaahca. Tuhs̄u, m̄ano macaa yahpari tuaro ñ̄uhmiahca.

30 Tí p̄jata ȳh̄u mas̄no Cohamac̄u warocariro m̄anop̄u ȳu bajuamehnenore ȳu ñ̄och̄u ñ̄ahca masa. Ñ ñ̄na jipihtia curuari macaina t̄iahca. Tuhs̄u, ȳu tuaa mehne, ȳu si sitea mehne m̄ano macaa me bui ahri yahpar̄ure ȳu t̄jua tach̄u ñ̄ahca tina. 31 Corneta bisiro coa tarohca. To ã coa tach̄u ȳu yaina anjoare jipihtiorop̄u ahri yahpar̄u warocaiht̄ja. Tuhs̄u, jipihtiorop̄u ȳu yaina ȳu beserinare tina naahca.

32 ’Mir̄are higuerac̄ure t̄hotuga m̄sa. T̄u quiti mehne m̄sare piti dahre buheiht̄ja. T̄u yuc̄uc̄u p̄uri tich̄u ñ̄na, c̄h̄ma mahanoc̄ã to d̄hsach̄u masina m̄sa. 33 Tó seheta ahri jipihtia ȳu niri c̄jirire ti ã wahach̄u ñ̄na, ȳu t̄jua tahto mahanoc̄ã to d̄hsach̄u masinahca m̄sa. 34 Potoc̄ã niita nija m̄sare. Tí p̄ja macaina ti yariahto pano jipihtia ȳu niriro seheta ã waharohca. M̄ano, ahri yahpa c̄h̄u pihtia wahaahca. 35 M̄ano c̄h̄u ahri yahpa c̄h̄u pihtia wahaahca. Ȳu durucua sehe ne cohtotasi. Jipihtia ȳu niriro seheta ã waha sohtori tiarohca.

36 ’Tí dachore ȳu t̄jua tahti dachore, tí ora c̄h̄ure masieraja ȳh̄u. Anjoa c̄h̄u tíre masierara. Masa c̄h̄u masierara. Ȳu P̄uc̄u dihta tíre masina.

37 'Noé to jiri pja macaina ti jiro sehetá ahri yahpá yu tjuá tahto panocáre tó sehetá jahca masa. 38 Yahpa to minihto pano masa chü, sihni, yoaha. Tuhsü, müa, numiare namo tiha. Noé cühu ti dohoriapü ti samuhto pano ã yoaa timaha masa. 39 Dóihá tuaro coro ta, wacüenoca yahpa minia wahaha. Masa cühu mini pihtia wahaha. Wacüenoca to miniro sehetá yuhü masüno Cohamacü warocariro ahri yahpáre wacüenoca tjuá taihtja. 40 Tí pjare wesepü püaro dahraina ti jichü cüiro yühüre cahmarirore naaihca. Ñ yoa yühüre cahmaerariro tóitjuarohca. 41 Tí pjare püaro numia cünoit yore arëa numia jichü cücoro yühüre cahmaricorore naaihca. Ñ yoa yühüre cahmaeraricoro tóihá tjuarohca.

42 'Noano wacü masi cohtaga. Yuhü müsa pühtoro, yu tjuá tahti dachore ne masierara müsa. 43 Ahrire wacüga müsa. Yacariro to wühüpü to sãa yacahto panore wühü püro masino, tí ñamine tiro carieraboa, yacarirore cohtaró taro. Ñ yoa yacarirore to wühüpü sãa dutieraboa. Yuhü yacariro to wacüenoca to tariro sehetá wacüenoca taihtja. 44 Ñ jina yu yare ã yoarucuna yühüre cohtaga. Yuhü masüno Cohamacü warocariro ahri yahpá tjuá tai wacüenoca taihtja —nire Jesu.

**Dahra cohtariro to pühtoro ño payorirore,  
ño payoerariro cühüre yahuha**

*(Lc 12.41-48)*

45 Ñ yoa Jesu to tühotua mehne õ sehe ni piti dahre buhe namore tjoa:

—Dahra cohtariro to pühtoro ño payoriro tühó masiro jira. To ã jichü ñüno paina dahra cohtaina bui cüna tirore to pühtoro sehe waharo taro. Ñ tirore cü tuhsü wahaa wahara pühtoro. To ã wahachü ñüno, chüri pja jichü dahra cohtariro painare chüare witira. 46 Baharo pühtoro to ya wühü tju wihira. To tju wihichü ñüno dahra cohtariro sehe to pühtoro to dutiriro sehetá yoa pahñoriro jiro, wahcheriro jirohca. 47 Potocã müsare niita nija. To ã noano dahrachü ñüno to pühtoro jipihtia to yare ñü wihbohtiro cühohca tirore. 48-49 Wiho mejeta ñariro dahra cohtariro sehe “Yu pühtoro so bajuerara” nino, paina dahra cohtainare cjäpe, pjíro chü, sihni, cahaina mehne caharohca. 50 Baharo to pühtoro wacüenoca tjuá tarohca. Tí dachore ne masierara dahra cohtariro. 51 Pühtoro sehe tjuá taro ñariro to yoirire tühoro, tirore tuaro

buhiri dahrero. Ñ buhiri dahrero, masa ti baharo buhusehei ñano yoa cohtaina ti waharopu cohānohca tirore. Tópure tiro tuaro tii, cahyaro mehne bahca dihorohca —ni yahure Jesu.

### Diez nuhmia quiti mehne buheha Jesu

**25** <sup>1</sup> Ñ yoa Jesu pari turi to tūhotua mehne ò sehe ni piti dahre buhe namore tjoa:

—Mũano macariro masa bui puhtoro to sũho jia ahri quiti yoaro sehe jira: Diez nuhmia jiha. Cũ ñami tina ti sihãa poca mehne wamomaca dũhtehtirore piti boca wahaha. <sup>2</sup> Tina mehne macaa numia cinco numia tũho masiera numia jiha. Paye numia sehe cinco numia tũho masia numia jiha. <sup>3</sup> Tũho masiera numia sehe ti sihãa pocare, posa tia pocare naamaha. Paye pocare se posa tia pocare ti pihtichũ ti pioborire naaeraha. <sup>4</sup> Tũho masia numia sehe ti sihãa poca se posa tia pocare naaha. Paye se poca cũhũre naaha. <sup>5</sup> Ñ jia wamomaca dũhtehtiro to bajuerachũ tí numiare wũjo purĩchũ carĩa wahaha. <sup>6</sup> Ñ ti carĩni baharo ñami dacho macai sañurucuro coa taha: “Tũhoga. Wamomaca dũhtehtiro taro coa tara. Tirore piti bocana taga”, ni sañurucuro coa taha. <sup>7</sup> To ñ nino coa tachũ tũhoa tí numia wahcã, ti sihãa pocare cahnoha. <sup>8</sup> Ñ yoaa tũho masiera numia sehe paye numia tũho masia numiare ò sehe niha: “Sã sihãa poca yatia nina. Ñ jina mahanocã mũsa ya sere waga sãre”, ni sinimaha tí numia. <sup>9</sup> Ti ñ sinipachũta tũho masia numia ò sehe ni yũhtiha: “Sã ya se mari jipihtinare mũ sũeraboca. Ñ jina se cjuainare mũsa basi nuchũna wahaga”, ni yũhtiha tũho masia numia sehe. <sup>10</sup> Ti ñ nichũ tũhoa, tũho masiera numia sere nuchũna wahaha. Ti ñ wahari baharo wamomaca dũhtehtiro wihaha. Ñ to wihichũ ñua ti yare cahno tuhsũri numia tũho masia numia tirore piti boca. Piti boca, to wamomaca dũhteri bose numũpu tiro mehne ñua wahaha. Tuhsũ, bose numũre ti yoari wũhũpu paina mehne tí numia ti sãari baharo, sopacare bihanocaha. <sup>11</sup> Baharopũ tũho masiera numia sehe wihimaha. “Puhtoro, sãre pjõohga”, nimaha tí numia. <sup>12</sup> “Potocã mũsare niita nija. Mũsare masieraja yũhũ”, niha tiro tí numiare.

<sup>13</sup> Ñ jina tũho masia numia ti yare ti noano cahno tuhsũ ti cohtariro seheta yũ tahtore noano cohtaga mũsa cũhũ. Yũ tjua tahti dachore tí hora cũhũre ne masierara mũsa —ni yahure Jesu.

### Niñeru tãri uru tãri quitire yahuha Jesu

14 Ñ ni yahu tuhsu to tãhotua mehne õ sehe ni piti dahre buhe namore tjoa:

—Tí pja yu tjua tahti pja ahri quiti yoaro sehe jirohca. Wuhu pãro jiha. Tiro pa sehẽpã tinino waharo taro, tireore dahra cohtainare pjirocaha. Ñ yoaro tinare to yare cohta dutiha.

15 Ñ cohta dutiro ti wihbo masino puro tinare niñeru tãrire waha. Cũirore cinco tãri wapa bujua tãri uru tãrire waha. Pairore pãa tu waha. Pairore cã tu waha. Tinare wa tuhsu, wahaa wahaha. 16 Ñ yoa cinco tãri to wariro dõihãta to wahari baharota tí tãri mehne paye barore nuchãha. To nuchẽrire painare duaha. To duari wapa diez tãri waro wapataha tiro. Ñ jiro diez tãri cjuaha. 17 Ñ yoa pãa tu to wariro dõihãta to wahari baharota tí tãri mehne paye barore nuchãha. To nuchẽrire painare duaha. To duari wapa pititia tãri waro wapataha tiro. Ñ jiro pititia tãri cjuaha. 18 Cã tũre to wariro sehe copa saha, tí tũre yaha, tí copapũ nũono.

19 Yoari pja baharo ti pũhtoro wihaha. Ñ wihiro to niñeru tãri mehne ti ñaha namorire quihõno taro tireore dahra cohtainare pjirocaha. 20 Ñ to pirocachũ cinco tãri to wariro cjiro to pũhtoro cahapũ su, diez tãri waha tireore. “Cinco tãri yũhũre ware mũhũ. Ñũjũta. Tí tãri mehne paye cinco tãrire ñaha namohi”, niha tireore. 21 “Noano yoari jire mũhũ. Mũhũ noariro, yu dutiriro seheta yoariro jira. Mahanocã mehne noano yoare mũhũ. Ñ jicu mipũre mũhũre pjĩro mũ dahrahtore cũihãta. Ñ jicu yũhũ mehne wahchega mũhũ”, niha to pũhtoro. 22 Ñ yoa pãa tũre nariro cjiro to pũhtoro cahapũ su, yahuha tireore: “Pãa tu yũhũre ware mũhũ. Ñũjũta. Tí tãri mehne paye tãri pãa tu ñaha namohi”, niha tiro. 23 “Noano yoari jire mũhũ. Mũhũ noariro, yu dutiriro sehe yoariro jira. Mahanocãre noano yoare mũhũ. Ñ jicu mipũre pjĩro mũ dahrahtore cũihãta. Ñ jicu yũhũ mehne wahchega mũhũ”, niha to pũhtoro. 24 Ñ yoa cã tũre nariro cjiro to pũhtoro cahapũ su, yahuha tireore: “Pũhtoro, mũhũ paina sehẽre tuaro dahra dutiriro jira. Ñ tuaro dahra dutiriro jicu toa maerariro jipaihãta tí dichare mũhũ nana. 25 Mũ ã jiriro jichũ mũhũre cuihi. Ñ cuicũ copa saha, tí copapũ mũ niñeru tũre nũohi. Ñũjũta. Õi jira mũ niñeru tu”, niha tiro. 26 To pũhtoro to ã nichũ tũhoro tireore õ sehe niha:



“Mũhu ñariro, capa bujárero jira. Yu toaa maerariro jipaihta tí dichare yu nariro jichu masina mũhu. 27 Yu ã jiriro jichu ñũcu ya tũre niñeru wihbori wũhũpũ wihboboaa mũhu. Mũ ã wihbochũ tina tí tũre wiaapũ paye niñeru wa namoboa tina”, niha pũhtoro tirore. 28 Ñ nino paina tirore dahra cohtainare dutiha tiro: “Niñeru tũre maga tirore. Diez tũrire cjuariro sehere waga. 29 Cjuainare wa namoihtja. Ñ jia pjíro cjuaaahca. Cjuæeraina sehere mahanocã ti cjuapachũta tíre maihtja. 30 Ahriro dahra cohtariro yaba cjihti jierara. Nahitianopũ ñanopũ cohãnocahga tirore. Tópũ tiro tuaro tii, cahyaro mehne bahca dihorohca”, niha pũhtoro —ni yahure Jesu.

### Buhiri dahrehtore yahuha Jesu

31 Ñ yoa Jesu õ sehe ni yahu namore:

—Yũhu masũno Cohamacũ warocariro jipihtina anjoa mehne pũhtoro jichu tacũ, yu pũhtoro dujiropũ yu si sitea mehne dujiihca. 32 Ñ yu dujichũ, ahri yahpa macaina jipihtina yu cahai cahmachuahca. Ti ã cahmachuri baharo pũa curua tinare tju waihtja. Ovejare ñũ wihboriro to ovejare, to cabra cũhũre to tju wariro seheta masare tju wa dapoihtja. 33 Ñ tju wacũ oveja yoaro sehe jiina noainare yu poto bũhũsehei bese dapoihtja. Ñ yoa cabra yoaro sehe jiiinare ñainare yu cõ bũhũsehei bese dapoihtja. 34 Yu ã yoari baharo yũhũ jipihtina bui pũhtoro sehe yu poto bũhũsehei yu bese dapoinare õ sehe ni yahuihtja: “Yu Pũcu mũsare noano yoare. Ahri yahpare bajuamehnenopũ mũsa ya cjihtire pũhtoro to sũho jirore cahno basayu tuhsũre Cohamacũ. Ñ jina mipũre to cahnorioropũre jina taga. 35 Yu jũca baachũ mũsa sehe yũhũre chũare ware. Yu ñahma yapiochũ yũhũre mũsa sihõre. Mũsa cahai yu tinichũ yũhũre ñũ masierapanahta yũhũre noano piti bocare mũsa. 36 Suhti maerariro yu jichũ ñũna mũsa sehe yũhũre suhti sãare. Dohatiriro yu jichũ mũsa yũhũre ñũna tare. Peresui yu jichũ cũhũre yũhũre ñũna tare mũsa”, nihtja noainare. 37 Yu ã nichũ tũhoa tina yũhũre sinituahca: “¿Pũhtoro dohse jichũ mũ jũca baachũ mũhũre chũare wari sã? ¿Dohse jichũ mũ ñahma yapiochũ mũhũre sihõri sã? 38 ¿Dohse jichũ mũhũre ñũ masierapanahta mũhũre noano piti bocari sã? ¿Dohse jichũ suhti maerariro mũ jichũ mũhũre suhti sãari sã? 39 ¿Dohse jichũ mũ dohatichũ o peresui mũ jichũ cũhũre mũhũre ñũna sũri sã?” niahca yũhũre. 40 Ti ã ni sinituchũ tũhocũ yũhũ

pũhoro tinare yahuihtja. “Potocã musare niita nija. Ahrina yũ yaina mehne macariro wiho jiriro to jipachũta, tirore mũasa tó seheta yoare. Ǻ jirirore Ǻ yoana, yũhũre yoaro seheta yoana nire mũasa tinare”, ni yahuihtja.

41 Noinare yũ Ǻ ni yahuri baharo yũ cõ buhũsehei ducuinare yũhũ jipihtina bui pũhoro õ sehe ni yahuihtja: “Cohamacũ to buhiri dahrehtina jira mũasa. Yũhũ mehne tjuarena tjiga. Pichacarpũ wahaga mũasa. Tí pichaca ne yatierara. Watĩno, to yaina anjoa cũhũ ti jihtore tí pichacare yoare Cohamacũ. 42 Yũ jũca baachũ mũasa sehe yũhũre chũare waerare. Yũ ñahma yapiochũ mũasa yũhũre sihõerare. 43 Yũhũre masierana mũasa yũhũre piti bocaerare. Ǻ ñũnocaboare. Suhti maerariro yũ jipachũta, yũhũre suhti sãaerare mũasa. Dohatiriro yũ jichũ peresui yũ jichũ cũhũre Ǻ ñũnocare mũasa yũhũre”, ni yahuihtja tinare ñainare. 44 Yũ Ǻ nichũ tũhoa tina yũhũre sinituahca: “¿Pũhoro, mũ jũca baachũ, mũ ñahma yapiochũ, sã masierariro mũ jichũ, suhti maerariro mũ jichũ, dohatiriro mũ jichũ, peresupũ mũ jichũ dohse jichũ sã sehe mũhũre yoadohoerari?” ni sinituahca yũhũre. 45 Tí Ǻ ni sinituchũ yũhũ tinare õ sehe ni yahuihtja: “Potocã musare niita nija. Ahrina yũ yaina mehne macariro wiho jirirore mũasa ne yoadohoerare. Ǻ jirirore mũasa yoadohoerana, yũhũreta Ǻ yoana nire mũasa”, ni yahuihtja tinare. 46 Ǻ jiro tinare Ǻ buhiri dahrerucurohca Cohamacũ. Tí buhiri dahrea ne pihtisi. Ǻ yoa, noaina sehe jipihtia dachoripe noano jirucuahca —ni yahure Jesu.

**Sacerdotea pũhtoa, judio masa bũcũna  
mehne Jesure wajã duaha**

*(Mr 14.1-2; Lc 22.1-2; Jn 11.45-53)*

**26** 1 Tí jipihtiare to buheri baharo Jesu sãre to buheinare õ sehe ni yahure:

2 —Pũa dacho baharo pascua jirohca. Tíre mũasa masina. Tí pjare yũhũ masũnore Cohamacũ warocarirore ñahaahca. Ñaha tuhsũ, yũhũre crusarpũ wajãahca —nire tiro sãre.

3 Ǻ yoa sacerdotea pũhtoa, judio masa bũcũna cũhũ cahmachuha. Caifa sacerdotea bui pũhoro ya wũhũ cahmachuha tina. 4 Tói cahmachu, ti mahũoa mehne Jesure ñaha ti wajãhtore cahma sũhũdua niha:

5 —Bose nũmũ jichũ tirore ñahaena tjijihna, “Masa suari”, nina —niha tina ti basi.

### Numino me sitia se mehne Jesure pio payoha

(Mr 14.3-9; Jn 12.1-8)

6 Tí pjare Simo camí bũcũ baariro cjiro ya wũhũi jire Jesu. To jiri maca Betania wama tiri maca jire. 7 Tí wũhũi to chũro watoi cũcoro numino me sitia na ta, Jesu dapu bui pio payore. Tí me sitia alabastro wama tiriai posa tire. Wapa bũjũa co jire. 8 To ã pio payochũ ñũna sã Jesu buheina suahi.

—¿Dohsearo ahricoro ahri me sitia co wapa bũjũare ã yoa sitejari? 9 Tí me sitiare duaboa. ã duaro pjíro wapa naboa. ã nano tí niñerure pjacũoinare waboa ahricoro —nii sã to buheina.

10 Sã ã ni suachũ ñũno, Jesu õ sehe ni yahure sãre:

—ã niena tjiga ticorore. Yũhũre noano yoaro nina.

11 Pjacũoina sehe mũsa mehne ã jirucuahca. ã jina tina sehere mũsa wa masina. Yũhũ sehe ahri yahpare mũsa mehne ã jirucusi. 12 Yũhũre ti yahto pano yũ pjacũre cahnoyuro, ticoro yũhũre pio payore. 13 Potocã mũsare niita nija. Jipihtiro ahri yahparũ noaa buheare ti yahuropũ ahricoro mipũre to yoarire yahuahca. Ti ã yahuchũ tũhoa ticorore masa payũ wacũahca —ni yahure Jesu sãre.

### Juda Iscariote Jesure ñũ tuhtiinare to ñohtore yahuha sacerdotea pũhtoare

(Mr 14.10-11; Lc 22.3-6)

14 Tí pjare cãiro sã mehne macariro Juda Iscariote sacerdotea pũhtoa cahapũ sũha. 15 Sũ, tinare õ sehe ni sinituha:

—¿Jesure mũsare yũ ñochũ noho puro wapanahcari mũsa? —ni sinituha tinare.

To ã nichũ tina tirore treinta tũri plata tũrire waha. 16 Ti ã wari baharo Juda sehe Jesure to ñohti ñamine cohtasiniha.

### Jesu to buheina mehne to chũ batoari nũmũ jiha

(Mr 14.12-25; Lc 22.7-23; Jn 13.21-30; 1Co 11.23-26)

17 Bũcũaerari pãore ti chũa nũmũri dũcari nũmũi sã to buheina sehe õ sehe ni sinitu ñũhi Jesure:

—¿Mari pascua macaa chũhtire noho baroi cahnoyu dutirocaijari mũhũ sãre? —ni sinitu ñũhi tirore.

18 Sã ã nichũ tiro õ sehe ni yahure sãre:

—Jerusalēpɤ wahaga. Tóí jirirore ò sehe ni yahuga: “Marine buheriro to ñano yũhdũhti pja mahanocã dũhsatjĩâyũhti. Pascua jichũ mũ ya wũhũi Jesu sãre to buheinare sũho chũhto jiyũhti”, ni yahuga tí wũhũ pũrore —ni warocare Jesu sãre.

19 To ã ni warocachũ sãre to dutiriro seheta yoana, pascua jichũ sã chũhtore cahnoyui sã.

20 Æ yoa tí ñamine sã mehne doce to buheina mehne chũro nire Jesu. 21 Sã chũro watoi tiro sãre ò sehe ni yahure:

—Potocã mũsare niita nija. Cãiro mũsa mehne macariro yũhũre ñũ tuhtiinare ñonohca yũhũre —ni yahure tiro sãre.

22 To ã nichũ tũhona tuaro cahyana, tirore sinitu ñũ dũcai sã cãina jipihtina:

—¿Pũhtoro, yũhũta jijari mũhũre ñohtiro? —ni sinitui.

23 Sã ã ni sinituchũ tiro ò sehe ni yũhtire:

—Yũ chũri wapai yũhũ mehne soha chũrirota jira yũhũre ñũ tuhtiinare ñohtiro. 24 Panopũ yũhũre ti joariro seheta yũhũ masũno Cohamacũ warocariro yariaihca. Æ jiro yũhũre ñũ tuhtiinare ñoriro ñano yũhdũrohca. Tiro sehe to masa bajuerachũ noa yũhdũaboa. Ñano yũhdũeraboa —nire Jesu.

25 To ã nichũta tirore ñohtiro Juda ò sehe ni siniture:

—Buheriro, ¿mũhũre ñohtiro tjijari yũhũ? —ni siniture tiro. Jesu ò sehe ni yũhtire:

—Ëjũ. Mũhũta jira —nire.

26 Æ ni yahu tuhsũ sã to buheina mehne chũro taro nire. Æ yoa Jesu pãore na, Cohamacũre “Noana”, nire. Æ ni tuhsũ tíre nuha, sãre to buheinare witire.

—Ahrire na, chũga. Ahri yũ pjacũ jira —nire tiro.

27 Æ ni tuhsũ tiro sihniri wahware na, Cohamacũre “Noana” ni, sãre ware.

—Mũsa jipihtina ahrire sihniga. 28 Ahri yũ di jira. Payũ masa ti ñaa yoari buhirire cohãcũ tacũ yariaihca. Æ yariacũ yũ dire cohãihca. Cohamacũ “Mũsare yũhdoihtja”, to ni cũriro mũ sũchũ yũ ã yũ yariaro mehne to niriro sohtori tiihca.

29 Mũsare niita nija. Yũ Pũcũ pũhtoro to sũho jiropũ mũanopũ mũsa mehne wahma co vinore sihniihtja. Mari ã sihnihto pano ahri co vinore sihni namosi yũhũ —nire Jesu sãre.

30 Æ jina Cohamacũre ño payo basana cũnore basa tuhsũna tũcũ Olivo wama tidũpũ sũi sã.

**Pedro Jesure to cohãhtore yahuha Jesu**

*(Mr 14.26-31; Lc 22.31-34; Jn 13.36-38)*

**31** Tópꝛũ sã sũchũ Jesu sehe sãre õ sehe ni yahure:

—Micha ñami yũhũre cohã wahcãnahca mũsa. Õ seheta nina Cohamacũ to yare ti joari pũi yũhũre yahuro: “Ovejare ñũ wihboriro yoaro sehe jirirore yũhũ Cohamacũ cohãihtja. Yũ ã cohãchũ to yaina oveja yoaro sehe jiina duhti site wahcãa wahaahca”, nina Cohamacũ to yare ti joari pũi. **32** Ñ yoa Cohamacũ yũhũre to masori baharo mũsa pano Galileapũ wahayuihca yũhũ —nire tiro.

**33** To ã nichũ tũhorõ õ sehe nimare Pedro:

—Yũhũ mehne macaina jipihtina mũhũre ti cohã wahcãpachũta yũhũ sehe mũhũre ne cohãsi —nimare Pedro tirore.

**34** Jesu õ sehe ni yũhtire:

—Potocã niita nija mũhũre. Micha ñami caraca to duhto pano “Yũhũ Jesure masieraja”, niihca mũhũ. Tia taha ã niihca mũhũ —nire tiro Pedrore.

**35** To ã nipachũta Pedro õ sehe ni yũhtire:

—Mũhũ mehne yũhũre ti wajã duapachũta “Jesure masieraja”, ne nisi yũhũ —ni yũhtimare Pedro.

Ñ jina sã cũhũ paina to buheina Pedro to niriro seheta nimai sã Jesure.

**Getsemaní wama tiropũ Cohamacũre siniha Jesu**

*(Mr 14.32-42; Lc 22.39-46)*

**36** Ñ yoa Getsemaní wama tiropũ Jesu sã to buheina mehne waha, tópꝛũ sũ, sãre õ sehe nire:

—Õi dujiyusiniga. Mũsa õi dujiro wato sohõ cureropũ Cohamacũre siniha waha nija —nire tiro sãre.

**37** Ñ ni tuhsũ, Pedrore, pũaro Zebedeo pohnare tina tiarore pji wahcãre. Pji wahcã tuhsũ, tiro tuaro cahya, ñano yajeripohna tiha. **38** Ñ cahyaro tó mehne macainare to pji wahcãrinare õ sehe niha:

—Tuaro ñano yajeripohna tija yũhũ. Yũhũre tuaro purĩno seheta tũhotui nija michapucacã yũ yariaboro seheta. Sohõ curero wahasinii nija. Õi tjuasiniga. Ñ yoa yũ cũno potori catiga mũsa cũhũ —niha tiro tinare.

39 Ñ ni tuhsu mahanocã waha namo, yahpai na tuhcuca caha su, Cohamacure õ sehe niha:

—Mai, yu ñano yuhduhtire yoa duaeracu yoai tjia. Yu ã nipachuta yu cahmano sehe yoai tjia. Muhu sehe masina. Mu cahmano seheta yoaga yuhure —ni siniha tiro Cohamacure.

40 Ñ ni tuhsu, tiaro to buheina cahapu wihimahno, carĩinare boca wihaha tiro. Ñ boca wihuro Pedrore õ sehe niha:

—¿Cũ hora waro yu cũno potori cati masierari muhu?

41 Noano yoaga musa. Musa mu sũro quihõno yoa duamana musa. Wiho mejeta musa basi tíre bihoerara. Ñ jina Cohamacure siniga ñano musa yoerahto sehe —ni yahuha Jesu.

42 Ñ ni yahu tuhsu, pari turi waha, Cohamacure õ sehe ni siniha:

—Mai, yu ñano yuhduhtire yoa duacu yoaga yuhure. Mu cahmano seheta yoaga —ni siniha tiro.

43 Ñ ni tuhsu, to buheina tiaro buheina cahapu pari turi wihaha tjia. Ñ wihuro carĩinaretã boca wihaha tjia. Wujo caha yuhduaha tina. 44 Ñ jiro tinare cũnoca, pari turi waha, Cohamacure siniha. Tó pano to niriro seheta niha tjia. 45 Ñ ni tuhsu to buheina cahapu wihi, tinare õ sehe niha:

—¿Carĩ, sosinina nijari musa? Tó purota carĩga musa —niha tiro.

Ñ ni tuhsu, õ sehe ni namoha Jesu:

—Tuhosiniga. Michapucacã yuhu masunore Cohamacu warocaritore ñainare waahca yuhure. 46 Wahcãga. Basa wahana. Ñũga. Yuhure ñu tuhtinãre ñohtiro õi tara —niha tiro.

### Jesure ñu tuhtiina tirore peresu yoaha

(Mr 14.43-50; Lc 22.47-53; Jn 18.2-11)

47 To ã nino watoi sã mehne macariro cjiro Juda sehe wihire. Tiro mehne masa payu wihire. Tina sacerdotea puhtoã, judio masa bucũna cũhu ti warocarina jire. Ñosaa pĩĩnine, yucu siri cũhure cjuare. 48 Wahmanore Jesure ñu tuhtinãre ñohtiro masare õ sehe ni yahu quihõ tuhsuaha:

—Yu wahsupu wihmirirota jirohca musa ñahahtiro. Tirore yu wihmiri baharo ñahaga tirore —niha Juda tinare.

49 To ã ni tuhsuri baharo wihuro, Jesu cahapu dói waha bahrañore.

—Buheriro, ¿jimajari muhu? —ni tirore wahsupu wihmire.



50 To ã wihmichu Jesu õ sehe nire:

—Coyeiro, ¿michapucacã mუ yoa duarire yoaga? —nire tiro.  
To ã ni tuhsuchu tina Jesure ñahare.

51 Ti ã yoachu ñño Jesu mehne macariro to ñosari pjĩne tuãwe na, sacerdotea bui pũhtoro cahamacunore to cahmonore dute pahrēnocare. 52 To ã yoachu ñño Jesu tirore õ sehe ni yahure:

—Mუ ñosari pjĩne wihboga. Painare mუ ñosachu ti ñosa cahmachu yariaihca mუhу. 53 Yу Pucure yuhure yу yoadoho dutichu tiro sehe payu anjoare doce curuarire yу cahai warocabo a tiro. ¿Tire masierajari mуhу? 54 ã yoadohoboriro to jipachuta tirore yuhure yoadoho dutisi yuhу. Yу ã dutierachu Cohamacu yare ti joari pũ to niriro seheta ã waharohca —nire tiro.

55 ã ni tuhsu masare õ sehe ni yahure tiro:

—¿Dohse jiro baro musa ñosaa pjĩni mehne, yucu tiri mehne yacarirore ti yoariro seheta musa yuhure ñahana tajari?

Dachoripe Cohamacu wuhuru musare ya buhe dujichu, musa yuhure ne ñahaerare. **56** Ña jipachuta ahri jipihtia ña waharo cahmana Cohamacu yare yahu muntaina cjiri ti ni joariro seheta —nire Jesu.

Tirote ti ñahachu ñuna sã to buheina tirote cohã muroca wahcãa wahai sã.

### Judio masa puhtoa Jesure sinituha

(Mr 14.53-65; Lc 22.54-55, 63-71; Jn 18.12-14, 19-24)

**57** Ña yoa tirote ñaharina cjiri sacerdotea bui puhtoro Caifa wama tiro ya wuhuru na sãha tirote. Tí wuhuihta marine judio masare buheina, bucuna cãhu cahmachuha. **58** Tõru Jesure ti naachu Pedro yoaroru tinare ñu nuu tiha. Ña nuu tiro Caifa ya wuhure ducataru sahrinore su, tí sahrino puhicharu sãa wahaha. Sãa su, tí wuhure cohtaina surara mehne dujiha. Jesure ti dohse yoachu ñano taro niha.



**59** Ña jia sacerdotea puhtoa, mari coyea judio masa bucuna, paina puhtoa mehne Jesure wajã duti duaa, tiro to quihõno yoerarire ti yahusãhtire wacũ macamaha. **60** Wiho mejeta tãre bocaeraha. To quihõno yoerari mariapachuta, payu masa tirote ti cahmano yahusãmacanocaha. Ña jia puaro ti baharo macaina tirote **61** õ sehe ni yahusãha tjoa:



—Ahriri ò sehe nire: “Cohamacu wuhure cohã masija. Ñã cohãcu tia nũmũ wahaboroi tí wuhure pari turi yoaihtja”, to nichũ tũhohi sã —ni yahusãmacanocaha Jesure.

**62** Ti ã niri baharo sacerdotea bui pũhtoro wahcãrucu sũ, Jesure ò sehe ni sinituha:

—¿Ahrina mũhure ti yahusãpachũta tinare yũhti cahmaerajari mũhũ? ¿Mũhure ti yahusãrire dohse ni yũhti cahmajari mũhũ? —niha pũhtoro.

**63** To ã nichũ tũhoparota Jesu ãta tũhotunocaha. To ã yũhtierachũ ñũno sacerdotea bui pũhtoro pari turi sinituha tjoa:

—Cohamacu catiriro wama mehne potocã niga mũhũ. Mũ ã nierachũ tiro mũhure buhiri dahrerohca. Yahuga sãre. ¿Cristo Cohamacu macũnota jijari mũhũ? —ni sinituha tjoa.

**64** To ã nichũpũta Jesu ò sehe ni yũhtiha:

—Tirota jija. Mũsare potocã yahuita nija. Baharo yũhũ masũno Cohamacu warocariro yũ Pũcu jipihitina bui tuariro cahapũ to poto bũhũshepũ yũ dujichũ ñũnahca mũsa. Ñã yoa mũano macaa me bui yũ tachũ cũhũre ñũnahca mũsa —ni yũhtiha Jesu.

**65** To ã nichũ tũhoro sacerdotea bui pũhtoro, to basi to sãari suhtirore tũhrẽnocaha painare “Sua yũhdũara”, ni ñũ masi dutiro. Ñã tũhrẽnocahno ò sehe niha:

—Cohamacũre pjĩro ñano durucuro nina ahriri. Ñã jina to ñano durucuarẽ tũho tuhsũja mari. Ñã jia tó peinata yahusãjaro ahriroro. Õihta to ñano durucuchũ tũhoja mari. **66** ¿Dohse yoanahcari mari mipũre ahriroro? —ni sinituha tiro paina pũhtoare.

—To ñari buhiri wajãnocano cahmana tirore —ni yũhtiha tina.

**67** Ti ã niri baharo to wũhdũare chahcho puti sihõ mũja, tirore cjãpe, dota mũjaha tina. **68** Tirore cjãpe tuhsũ, ò sehe nipeha tirore:

—¿Diro sehe mũhũre cjãjari? Cristo jicũ ñũerapaihta yahuga sãre —ni cjãpe dota mũjaha tina.

**“Tirore masieraja”, niha Pedro Jesure**  
(*Mr 14.66-72; Lc 22.56-62; Jn 18.15-18, 25-27*)

**69** Ñã yoa tí wũhũ cahai jiri wapai noari wapai Pedro sehe dujiha. To ã dujichũ ñũno sacerdotea bui pũhtoro cahamacono tiro cahapũ sũro, ò sehe niha:

—Mũhũ cũhũ Jesu Galilea macariro mehne jire —niha ticoro.

70 To ã nichũ tũhoro, Pedro õ sehe niha:

—¿Dohse nimacanocaco nijari mũhũ? Mũ nirirore ne masieraja yũhũ —niha Pedro ticorere jipihtina ti tũhorocaroi.

71 To ã niri baharo tí wapa macari sahrĩno sopaca cahapũ wahaha Pedro. Tói to jichũ pacoro cahamacono tirore ñũno, tói jiinare õ sehe niha:

—Jesu Nazare macariro mehne jire ahriro cũhũ —niha ticoro Pedore tjoa.

72 To ã nichũ tũhoro Pedro õ sehe ni yũhtiha:

—Cohamacũ mehne potocã nii nija. Tiro mũ nirirore ne masieraja yũhũ —ni yũhtiha Pedro.

73 Æ yoa mahanocã baharota tói ducuina Pedro cahapũ waha, tirore õ sehe niha tjoa:

—Potocã tjira. Jesu yaina mehne macariro jira mũhũ cũhũ. Tina yoaro seheta durucura mũhũ —niha tina Pedore.

74 Ti ã nichũ Pedro õ sehe ni yũhtiha:

—Potocã Cohamacũ mehne nii nija mũsare. Yũhũ potocã yũ nierachũ Cohamacũ yũhũre buhiri dahrejaro. Tirore mũsa nirirore ne masieraja yũhũ —ni yũhtiha tiro tinare.

To ã nichũta caraca duha. 75 To duchũ tũhoro Jesu tirore to nire wacũha. “Caraca to duhto pano ‘Jesure masieraja’, niilha mũhũ. Tia taha ã niilha mũhũ”, Jesu to niri cjirire wacũha Pedro. Æ wacũno, tí sahrĩno sopacare wijaa, tuaro tiha.

### **Pilato cahapũ Jesure naaha**

(Mr 15.1; Lc.23.1-2; Jn 18.28-32)

**27** 1 Æ yoa bohrearopũ sacerdotea pũhtoa, mari judio masa bũcũna cũhũ Jesure ti wajã dutihtore cahma sũhũduha. 2 Ti ã yoari baharo tirore dũhte, Pilato cahapũ naa, tirore waha Pilatore. Pilato sehe tí yahpa macaina pũhtoro jire.

### **Juda Iscariote yariaa wahaha**

3 Æ yoa Jesure ti wajã dutichũ ñũno Juda sehe Jesure ñoriro tirore to ñori cjirire tuaro wacũ cahyaha. Æ cahyaro treinta tũri to ñahari niñeru tũrire wiaro waharo, sacerdotea pũhtoa cahapũ, bũcũna cahapũ sũ, õ sehe niha:

4 —Jesu m̄sare ȳñ ñoriro ñaa marieriro to jipach̄ta tina waj̄ã dutire tirore. Ā jic̄ m̄sare tirore ñoc̄ ñano yoai nihti ȳñ̄ —ni yahuha Juda tinare.

To ã ni yahuri baharo tina õ sehe ni yũhtiha:

—Āta yoawahnojaro. Sãre yaba cjihti jierara tí m̄ ã nia. M̄ñ̄ dihta ã ni t̄hotura tíre —ni yũhtiha tina tirore.

5 Ti ã ni yũhtiri baharo Cohamac̄ ya w̄ñ̄i Juda to niñeru t̄rre doca site c̄nocaha. Doca site c̄noca, wahaa wahaha. Waha, yuta dare d̄hte yo, to basi wam̄ai tju suha, puroca yoja s̄, yariaa wahaha j̄na.

6 Ā jia sacerdot̄a p̄htoa niñeru t̄rre naa, õ sehe niha:

—Ahri niñerure Cohamac̄ w̄ñ̄ macari carop̄ niñeru wihbori carop̄ mari c̄ masieraja. Ahri niñeru mehnet̄a mas̄nore waj̄ã dutire. Ā jia mari dutia marine tó sehe jia niñerure wihbo dutierara —niha tina ti basi.

7 Ti ã niri baharo “Õ sehe yoajihna”, ti ni s̄h̄duri baharo dihi biatorire yoariro ya yahpare nuch̄ha. Tí t̄ri mehne nuch̄ha. Pa sehe macaina ti wihi ti yariach̄ ti yahti yahpa cjihtore tí yahpare nuch̄ha. 8 Ā jia tí yahpare “Di yahpa” wamoare masa. Mip̄ c̄ñ̄re āta wama tira. 9 Ahri jipihtia ã wahari jire Jeremía cjiro panop̄ “Ā waharohca”, to ni joariro seheta. Tiro Cohamac̄ yare yahu m̄htariro cjiro jiha. Õ sehe ni joaa tiha tiro: “Treinta niñeru t̄rre plata t̄rre ‘Tó purota wapanahca tirore sã ñahahtore’, niahca Israe masa. 10 Ā jia tí t̄ri mehne dihi biatorire yoariro ya yahpare nuch̄ahca tina. Õ seheta ȳñ̄re yoa dutire Cohamac̄”, ni joaa tiha Jeremía panop̄.

### Pilato Jesure sinituha

(Mr 15.2-5; Lc 23.3-5; Jn 18.33-38)

11 Ā yoa Pilatore ti wari baharo tiro sehe Jesure õ sehe ni sinituha:

—¿Potocãta judio masa ti p̄htorota jijari m̄ñ̄? —ni sinituha Jesure.

—M̄ nino seheta tiro t̄jia —ni yũhtiha Jesu.

12 Ā ni yũhtiparota, sacerdot̄a p̄htoa, b̄c̄na c̄ñ̄ ti yahusãch̄ yũhtieraha tiro. 13 To ã yũhtierach̄ ñ̄no Pilato õ sehe ni sinituha:

—¿Ahri jipihtia m̄ñ̄re ti yahusãrre t̄hoerajari m̄ñ̄? —ni sinituha tiro Jesure.

14 To ã ni sinitupachuta Jesu ne cã dusero yuhtieraha. To ã yuhtierachũ ñũno Pilato cãaa wahaha.

### Jesure wajã dutiha

(Mr 15.6-20; Lc 23.13-25; Jn 18.38-19.16)

15 Cũhmaripe pascuaripe masa yairo cjihtore cũiro peresupũ jirirore Pilato ã wiobasa mũjaa tiha. Masa ti wio dutirirore wiobasa mũjaa tiha. 16 Tĩ pjare Barrabá wama tirore peresupũ jiha. Tirore masia tiha payũ masa. 17 Æ yoa ti ã cahmachuchũ Pilato sehe õ sehe ni sinituha tinare:

—¿Diro sehere mũsare wiobasabocari yũhũ? ¿O Barrabá sehere o Jesure Cristo ti nirirore wiobasabocari yũhũ? —ni sinituha tiro.

18 Jesure masa ti cahĩchũ ñũa judio masa mari pũthoa tirore ñũ tuhtia. Æ ñũ tuhtia tirore waha Pilatore. Æ jiro masa ti cahĩri buhiri judio masa mari pũthoa ti ñũ tuhtirire masino Pilato Jesure wio duamaha.

19 Æ yoa Pilato masare soro sehe yoainare to beseri pahtai to dujichũ to namono tirore quiti warocaha: “Micha ñamine Jesure cahãco, tuaro ñano yũhdũhi. Æ jicũ tirore ñaa marierirore ne jiape yoai tjiga mũhũ”, ni yahurocaha to namono Pilatore.

20 Æ jia wahmanopũre sacerdotea pũthoa, bũcũna cũhũ masare õ sehe ni duti tuhsũha. “Barrabá sehere wio duti, Jesu sehere wajã dutiga”, ni dutiha masare. 21 Æ yoa Pilato masare õ sehe ni sinituha:

—¿Ahrina pũarore diro sehere mũsare wiobasabocari yũhũ? —ni sinituha.

—Barrabá sehere wiobasaga sãre —ni yũhtiha.

22 —¿Ahiro Jesu Cristo ti niriro sehere dohse yoaihcari yũhũ mũsa ã ni sañurucuchũ? —ni sinituha tiro.

—Crusapũ cjã puha wajãga tirore —ni yũhtiha masa jipihtina.

23 —¿Yaba barore ñaare yoari ahiro mũsa ã nichũ? —ni sinitu namoha tiro. To ã nichũ tũhoa tina tuaro mehne sañurucuha:

—Crusapũ cjã puha wajãga tirore —ni sañurucuha masa tirore.

24 Ti ã ni sañurucuchũ tũhoro, tirore ti tũho duaerachũ ñũno “Masa sua, cahmacheboca” nino, yũhtirotã õ sehe yoaha

Pilato. Masa ti ñurocaroi tiro wamo cosaha. Ñ wamo cosaro ò sehe niha:

—Ahrirore ñaa marierirore wajāri buhiri ya buhiri jierara. M̄sa ya buhiri jira —nino wamo cosaha.

25 To ã nichu tuhoa jipihtina masa ò sehe niha:

—Ahrirore wajāri buhiri sã, sã pohna cūhu sã ya buhiri jijaro —niha masa.

26 Ti ã nichu tuhora Pilato Barrabáre peresupu jirirore wio dutiha masa ti cahmarirore. Ñ yoa tuhsu Jesu sehere yuta dari mehne tjana duti, tirore crusapu wajā dutiro wiaha surarare.

27 To ã wiachu Pilato ya wuhuru to surara Jesure na suha. Ñ yoaa tina surara jipihtina Jesu cahapu cahmachuha. 28 Ñ cahmachua to suhtire tjuwe na, puhtoro ya suhtiro sehe bajuri suhtirore tirore sãaha. 29 Ñ sãa tuhsu, pota sorore yoa tuhsu, to dapu bui duhu payoha. Ñ duhu payo tuhsu, wujucure poto buhusehe sehe dahra suhaha. Dahra suha tuhsu, na tuhcuca caha su, bujupaha tirore:

—Noano tagú. Judio masa puhtoro noano tagú —ni bujupaha tirore.

30 Ñ niata tirore chahcho puti sihõ m̄ja, ti dahra suhadu cjirore tirore tuãwe na, to dapure cjãha tu mehneta. 31 Ti ã bujuperi baharo ti sãari suhtirore tjuwe na, to ya suhti sehere sãaha tjoa. Sãa tuhsu, crusapu wajāa taa tirore na wijaaha.

### **Tina Jesure crusapu cjã puha, wajãha**

*(Mr 15.21-32; Lc 23.26-43; Jn 19.17-27)*

32 Tirore na wahcã, Simo wama tirirore Cirene macarirore piti boca, tirore Jesu to wuari crusare wua wahcã dutire.

33 Wua wahcã, Gólgota wama tiropu sure. Gólgota nino, “Dapu cohã”, nino nina. 34 Tuhsu, vinore suẽa co ñimaca macaa co mehne ti morea core Jesure wamare tina. Tí core sihni ñu, sihnierare tiro.

35 Ñ yoa to suhtire ti tjuwe nari baharo tirore crusapu cjã puhare tina. Ñ cjã puha tuhsu, to sãa suhti cjirire ti basi cahma witia taa, “¿Noa yaro jirohcari ò?” ni masia taa, docapea poca mehne docape m̄jaha tina. [Ñ yoaa Cohamacu yare yahu muhtariro cjiro to ni joariro seheta yoaa nire tina. Ñ sehe ni joaa tiha tiro: “Yu suhtire ti basi naa taa, ‘¿Noa yaro jirohcari ò?’ ni, docapea poca mehne docape m̄jaha tina”, ni joaa tiha panopu.]

36 Docape tuhsu tirore ñu dujirucure tina. 37 Ñ yoa Jesure “¿Yaba buhiri mehne variabocari tiro?” ti ni masihto sehe, õ sehe ni ti joa õri pjine crusapu duhu õha tina. “Ahriro Jesu judio masa bui puhtoro jiriro jira”, ni joa õre tina tí pjiru.

38 Baharo puaro yaca bucuna cõhure Jesu cahai paye crusari pjnipu cã puha dapore tina. Cõiro to potu buhusehei, paio to cõ buhusehei cã puha dapore tina. 39 Crusari cahai yuhdu wahcaina Jesure ñu, ti dapu pocare yureroca, tirore ñano durucure:

40 —¿Cohamacu wuhure cohã, tia dacho wahaboroi pari turi tí wuhure dahrehtiro jijari muhu? Cohamacu macno jicu mu basi dujia taga. Ñ yoa mu basi yoadohoga. Ñ jii yuhdu witiica muhu —nire masa.

41 Ñta ni bujupere tirore. Sacerdotea puhtoa cõhu, marine judio masare buheina cõhu bucuna cõhu tirore ñ ni bujupere:

42 —Tiro painare yuhdoriro jiparota to basi yuhdo masierara. “Israe masa puhtoro jija”, nimana tiro. Ñ jina to basi to duji tachu ñna tirore wacu tuanaica. 43 Tiro sehe Cohamacure wacu tuamana. Tuhsu, “Cohamacu macno jija”, nimana tiro. To ñ jiriro jichu Cohamacu sehe tirore yoadohojaro —ni bujupere tina.

44 Yaca bucuna tiro cahai ti cã puharina cjiri cõhu tó seheta tirore bujupere, ñano ni durucure tina cõhu.

### Jesu yariaa wahaha

(Mr 15.33-41; Lc 23.44-49; Jn 19.28-30)

45 Ñ yoa cohari pja jichu tia hora waro jipihtorpu nahitiano jire. 46 To nahitia duhuchu waro Jesu tuaro sanurucure:


—Elí, Elí ¿lama sabactani? —nire tiro. Ñ nino õ sehe nino nire: “Yu Cohamacu, yu Cohamacu, ¿dohseacu wuhure cohãri muhu?” nino nire.

47 To ñ nichu tuhoa caina tói ducuina õ sehe nimare:

—Cohamacu yare yahu mhtariro Elia cjirore pjirocaro niboca —nimare tina.

48 Ti ñ ni tuhsuchu cõiro tina mehne macariro wihmi nari suhteru vino sã core soha tuhsu, na mroca, yucucu sohtoai dhte õ, Jesure wihmi dutimare. 49 To ñ yoachu ñna paina wihmi dutirirore õ sehe nimare:

—Depusinia. Elia wihi, ahrirore to na borochu ñsinijihna mari —nimare paina.





50 Ti ã niri baharo pari turi sañurucu, Jesu sehe yariaa wahare. 51 To ã yariachõta Cohamacu wãhũ macari suhtiro, ti dũcatari suhtiro dacho macai bui sehe tãhnũ bora ta, tãhnũroca yoja sua wahaha. Tuhsũ, yahpa cũhũ ñuhmire. To ã ñuhmichũ tãa bũjũa poca wahtia wahare. 52 ã yoa masa coparire pjõochũ, rayũ Cohamacu yaina cjiri panopũ yariarina cjiri masa wijaaha. 53 Masa wijaa, Jesu sehe to masa wijaari baharo tí coparire cohãnoca, noari macapũ Jerusalẽpũ wahare tina. Tõpũ ti wahachũ rayũ masa ñũa tiha tinare.

54 ã jia yahpa to ñuhmichũ ñũa, rayũ paye ti ã wahachũ ñũa surara pũhtoro to surara mehne cãaa wahare. Tina Jesure crusapũ jirirore cohtaina jire. Cãaa waha, õ sehe nire:

—Potocã tjiri jimana. Ahriro Cohamacu macũnota jiri jimana —nire tina.

55 ã yoa Galileapũ Jesu mehne tari numia cjiri tirore yoadohori numia cjiri yogaropũ tirore crusapũ jirirore ñũrogarucua nire. 56 Tí numia mehne María Magdalena jire.



Pacoro María wama tiricoro cūhñ jire. Ticoro sehe Santiago, José cūhñ pacoro jire. Pacoro Zebedeo namono jire.

**Jesu pjacure masa coparñ cūha José**  
(Mr 15.42-47; Lc 23.50-56; Jn 19.38-42)

57 ã yoa ñamichaharñ José Arimatea macariro pache pũro tói sua tiha. Tiro Jesu buheriro jire. 58 ã yoa Pilato caharñ sũ, Jesu pjacure siniha. To ã sinichũ tũhoro Jesu pjacure tirore wa dutiha Pilato. 59 To ã dutiri baharo José sehe Jesu pjacure na boro, noari suhtiro wete marieni suhtiro mehne to pjacure wahmaha. 60 Wahma tuhsũ, José to ya masa coparñ siõ payoha to pjacure. Tí copa ti tãcai sahari copa wahma copa jire. Tí coparñ yo sãa duhu payo tuhsũ, pjiria tãcare tju turẽ wahcãha tia mehne biharo taro. Biha tuhsũ, wahaa wahaha. 61 ã jia María Magdalena, pacoro María mehne tí copare ñũ dujirucuha.

**Jesure ti cūri copare surara cohtaha**

62 ã yoa pa dachoi, Pascua cjihtore ti cahñori dacho baharo, sabado jichũ sacerdotea pũhtoa fariseo curua macaina cūhñ Pilato cahai cahmachuha. 63 Cahmachu tuhsũ õ sehe niha tina Pilatore:

—Pũhtoro, tiro mahñoriro Jesu catisinino õ sehe niha tiro: “Tia dacho wahaboroi masa wijaaihca yũhũ”, niha tiro. 64 To ã niriro jichũ to buheina sehe to pjacure yacoboca. ã yacaa masare õ sehe niboca: “Jesu masa wijaare”, niboca tina. Tiro Jesu sehe masare mahñono nire. Wiho mejeta to buheina sehe



“Tiro masa wijaare” nia, mahñoina jiahca tina. Ñ jiro Jesu to mahñoriro yũdoro ti ya mahñoa sehe ñaa yũdũarohca. “Ñ yacari” nicũ, tia dacho waro to masa copare mũ surarare cohta dutiga —niha tina Pilatore.

65 Pilato õ sehe ni yũhtiha:

—Jai. Yũ yaina surara cohtajaro. Ñ yoa mũa cũhũ mũa bihoro puro tí copare noano cohtaga —niha tiro tinare.

66 To ã nichũ tina waha, tí copapũ bihari tãca mehnepũta ñahachũpũta wihtã ñahaha masa ti sãachũ ñũ masia taa. Ñ yoa tuhsũ, surarare tí copare cohta dutiha.

### Jesu masa wijaaha

(Mr 16.1-8; Lc 24.1-12; Jn 20.1-10)

**28** <sup>1</sup> Ñ yoa judio masa mari sori dacho sabado dacho sehe to yũhdũri baharo domingo jichũ ñami curero jichũ María Magdalena, pacoro María mehne Jesu masa copare ñña wahaha. <sup>2</sup> Tí pjare dóihta yahpa tuaro ñuhmi bahrañoa. To ã ñuhmichũ mari pũhtoro to yairo anjo mũanopũ jiriro duji ta, masa copare bihari tãcare tju turẽroca, tia bui dujiha. <sup>3</sup> Tiro anjo orocasitero yoaro sehe noano si siteriro, to suhti yaja pjoa yoaro sehe noano yehsea suhti jiha. <sup>4</sup> To ã bajuachũ tí copare cohtaina surara cui yũhdũa, tetere, bui warohna yaria yũhdũa wahaha. <sup>5</sup> Ñ yoa tuhsũ anjo sehe tí numiare õ sehe niha:

—Yũhũre cuiena tjiga. Crusapũ ti cjã puhariro, Jesure mũa macachũ masija yũhũ. <sup>6</sup> Wiho mejeta tiro sehe mipũre õre mariahna. To niriro seheta tiro masa wijaa wahare. To pjacũre ti duhu payoriro cjiore ñña taga. <sup>7</sup> Ñ ñũ tuhsũna to buheina cahapũ ño duaro waha, õ sehe ni yahuna wahaga: “Jesu masa wijaare. Ñ jiro mũa pano Galileapũ tiro wahayurohca. Tópũ tirore ñũnahca mũa”, ni yahuna wahaga mũa. Ahri yũ nirire wacũga mũa —niha anjo tí numiare.

<sup>8</sup> To ã niri baharo tí numia masa copapũ jia numia soaro mehne wijaa, tirore cuiпахта wahche yũhdũa mehne Jesu buheinare yahua wahaa, mũrocacha. <sup>9</sup> Ñ wahaa numiare Jesu piti boca, õ sehe niha:

—¿Noano jimajari mũa? —niha tiro.

To ã niri baharo, tina sehe tiro cahapũ sũ, to dahporire ñaha, tirore ño payoha.



10 —Cuiena t̄jiga m̄sa. Ȳu buheinare “Galileap̄u wahaga”, ni yahuna wahaga. Tórp̄u ȳuh̄ure ñ̄uahca tina —niha Jesu tinare.

### Masa copare cohtaina surara ti ñ̄urire yahuha

11 To ã niri baharo tí numia ti waharo watoi cãina masa copare cohtaina mehne macaina surara, Jerusalēp̄u sacerdotea p̄h̄toare yahu pahñoa wahaha. Jesu to masa copap̄u wijaarire yahu pahñonocaha. 12 Ti ã ni yahuch̄u sacerdotea p̄h̄toa, judio masa mari b̄uc̄una mehne cahmachuha. Cahmachu, s̄uh̄duha. ã jia surarare mahño dutia paȳu niñerure wapaha.

13 —Õ sehe niga m̄sa masare: “Ñami sã carño watoi to buheina sehe masa copap̄u wihi, to p̄jac̄ure nanocari jire”, ni yahuga masare. 14 M̄sa ã ni yahuch̄u Pilato sehe m̄sa carñ̄ yuh̄duarire t̄horocaboca. To ã t̄hoch̄u, “M̄sare tuhtiri”, nina m̄sare yahubasanahca sã tirore —niha tina surarare.

15 Ti ã niri baharo surara sehe niñerure ñ̄aha, tinare ti mahño dutiriro seheta masare yahua wahaha tina. ã jia tó sehe Jesu to masa copare wijaarire yahurucura judio masa. Mip̄u c̄uh̄ure ãta ni yahura tina.

### Jesu buhe dutiro to c̄urinare dutiha

(Mr 16.14-18; Lc 24.36-49; Jn 20.19-23)

16 ã yoa sã Jesu buheina once buheina t̄uc̄up̄u Galileai jid̄up̄u Jesu to waha dutid̄up̄u wahi sã. 17 Tórp̄u s̄u, Jesure ñ̄una, ño payoi tirore. ã ño payoina jipanahta, sã cãina “Ahriro Cohamac̄u mac̄no jieraboca”, ni t̄hotumai. 18 Sã ã ño payoch̄u tiro sehe sã cahap̄u wihi, õ sehe nire:

—Ahri yahpap̄ure, m̄ano c̄uh̄ure Cohamac̄u jipihtinare dutiriro waro jich̄u yoare ȳuh̄ure. 19 To ã yoach̄u õ sehe dutija m̄sare: Jipihtiro macainare ȳu yare buhena wahaga. Ȳu yaina ti wahahto sehe buhena wahaga. ã yoana ȳu P̄uc̄u to wama mehne, ȳu wama mehne, Esp̄iritu Santo to wama mehne tinare bautisaga. 20 ã jina m̄sare ȳu dutirire ti yoa pahñohti cjihtire buhega tinare m̄sa. ã yoana ahrire ȳu nihtire wac̄uga: Jipihtia dachoripe ahri yahpa to jiro puro m̄sa mehne ã jirucuihca. M̄sa mehne ȳu ã jirucuhtore wac̄uga m̄sa —ni yahure sãre Jesu.

# San Marcos

**João masare bautisariro buhe dũcaha**

*(Mt 3.1-12; Lc 3.1-9, 15-17; Jn 1.19-28)*

**1** Ahri tjuí Jesucristo Cohamacũ macũno to yoaare noaa buheare yahu dũcaja.

**2** Cohamacũ yare yahu mũhtariro cjiro Isaia to joariro seheta ahri yahua jira. Õ sehe ni joaha tiro:

“Cohamacũ to macũnore ò sehe niha:

‘Mũ pano mũhũre yahuyũhtirore warocai nija.

**3** ã jiro tiro masa marienopũ waharohca.

Tirore tũhoinare yahuro saũurucurohca:

“Mari pũhtoro to tahto pano mũsa ñaa

tũhotuare cohtota, cahno mũhtagã mũsa”,

ni saũurucurohca’, niha Cohamacũ”,

ni joaa tiha Isaia cjiro João cjihtore.

**4** João masare bautisariro masa marienopũ masare buhea tiha:

—“Sã noaina jija”, ni mũsa tũhotumari cjiire duhu, mũsa ñaa buhirire cahya, Cohamacũ sehẽre cahmaga mũsa. ã jina bautisarina jiga. Mũsa ã yoachũ ñũno Cohamacũ mũsa ñaa buhirire borohca —ni buhea tiha tiro.

**5** ã yoa jipihtina Judea yahpa macari macaina, Jerusalẽ macaina mehne tiro cahapũ ti sũchũ ñũno João sehe Jordão wama tiri mapũ bautisaha tinare. Tinare to bautisahto pano tina sehe ti ñaa yoarire yahu yũhdũha Cohamacũre.

**6** Tiro João sehe camello pjoari suhtirore sãariro wahiquiro cahsaroreta tũã dihõro jija. Poreroare, macaroca macaina miquina mi cũhũre chũã tiha. **7** ã yoa ò sehe ni buhea tiha:

—Yũ baharo yũ yũhõro tuariro tarohca. Noa yũhdũariro jira tiro. Tiro yoaro sehe jieraja yũhũ sehe. ã jicũ tirore tũhotucũ, “Wiho jiro jija yũhũ”, ni tũhotuja yũhũ. **8** Mũsare bautisacũ co mehne yoamahi. Tiro sehe yũ yũhõro yoarohca. Espĩritu Santore mũsa mehne jirucuchũ yoarohca —ni buhea tiha João.

**João Jesure bautisaha***(Mt 3.13-17; Lc 3.21-22)*

9 Ñ yoa tí pjare Jesu Nazarepũ Galilea yahpai jiri macapu jiriro Jordão wama tiri mapũ sũha. Tópũ to sũchũ João bautisaha tirore. 10 To ã bautisa tuhsũchũ Jesu diapũ ducuriro sũrucũ sũro mũano to parĩ mũaa wahachũ ñũha tiro. To parĩ mũachũta Espĩritu Santo buja yoaro sehe Jesu bui duji pja sũha.

11 To ã duji pja sũchũ mũanopũ durucuro coa taha:

—Mũhũ yũ macũ yũ cahĩriro jira. Mũhũ mehne tuaro wahcheja —nino coa taha mũanopũ.

**Satana ñaare yoa dutimaha Jesure***(Mt 4.1-11; Lc 4.1-13)*

12 Tĩ pjare Jesure masa marienopũ Espĩritu Santo naaha. 13 Tópũre sũro cuarenta dachori waro jiha. Watĩno sehe Jesu to ñaare yoachũ ñũ duaro, ñaare yoa dutimaha tirore. Tuhsũ, Jesu wahiquina nũcũ macaina mehne jiha. Tói to jichũ ñũ anjoa sehe tirore yoadohoa, chũare waha.

**Jesu Galilea yahpai buhe dũcaha***(Mt 4.12-17; Lc 4.14-15)*

14 Ñ yoa Joãoire peresupũ ti biha dapori baharo Jesu sehe Galilea yahpapũ noaa buheare pũhtoro Cohamacũ to sũho jiare yahuro wahaha. 15 Õ sehe ni yahuha:

—Mĩpũre õ sehe jira. Pũhtoro Cohamacũ mũsare to noano sũho jihto mahanocã dũhsara. Ñ jina “Sã noaina jija”, mũsa ni tũhotumari cjirire duhuga. Mũsa ñaa buhirire cahya, Cohamacũ sehere cahmaga. Ahri noa buheare “Quihõnota jira”, ni tũhoga mũsa —ni buhea tiha Jesu tinare.

**Jesu pititiarore wahi wajãinare “Yũhũ mehne macaina cjihti taga”, niha***(Mt 4.18-22; Lc 5.1-11)*

16 Tĩre yahu tuhsũ, Galilea wama tiri bũcupariro dũhtũ cahapũ sito wahcãmahno ñũha Simore, to bahũro Andre mehne. Tina wahi wajãina jiha. Ñ jia ti wañũyucũrĩre bũcupariropũ doca ñoa niha. 17 Ñ yoa Jesu tinare õ sehe niha:

—Yũhũ mehne macaina cjihti taga mũsa. Yũhũ mehne mũsa tachũ mũsa wahire ñaha cahmachuina mũsa jiro seheta, Cohamacũ yaina cjihtire masare pji cahmachuina cjihtire mũsare wahachũ yoaihtja. Yũhũ mehne mũsa tachũ ã yoahtina cjihtire cũihtja mũsare —niha Jesu tinare.

18 To ã nichũ tũhoa ti wañyucũrĩre cũnoaa, tiro mehne wahaa wahaha.

19 ã yoa tina mahanocã yũhdũ wahcã, Santiagore, to bahũro João mehne boca sũha tjoa. Tina sehe Zebedeo pohna jiha. Ti yaria dohoriapũ wañyucũrĩre cahnoa niha. 20 ã yoa tiro to pjircachũ tina sehe ti pũcũrore, tiro mehne dahra cohtaina mehne dohoriapũ cũnoaa, Jesu mehne wahaa wahaha.

### Watĩa ti cohtotariro Jesure piti bocaaha

(Lc 4.31-37)

21 ã yoa tina Capernau wama tiri macapũ sũha. Tópũ sũro Sabado jichũ judio masa sã buheri wũhũpũ buhero sãaha tiro. 22 Sã judio masare buheina yoaro sehe jieraha tiro. Noano masi pahñoriro ji, noano waro buheha. To ã buhechũ tí maca macaina tũho cũaa wahaha. 23 Tí pjare cũiro tí wũhũi jiriro watĩa ti cohtotariro jiha. Tóí jiro õ sehe niha Jesure:

24 —Mũhũ Jesu Nazare macariro cariboi tjiga sãre. ¿Dohse yoai tai nijari sãre? ¿Mũhũ sãre butichũ yoai tai nijari? Cohamacũ macũno buhiri tia marieriro mũ jichũ masija yũhũ —ni sañurucuha tiro Jesure.

25 To ã nichũ tũhoro Jesu tuhtiha watĩare:

—Dihta mariaha. Wijaahga tirore —niha Jesu.

26 ã jia watĩa tirore yahpãpã doca caha sũ tunuchũ yoa, to tuaro sañurucuro watoihita wijaaha tirore. 27 ã jia jipihtina tí wũhũi dujiina ñũ cũaa yũhdũaa wahaha.

—Cue, ¿wahma buhea jijari ahri? Tiro pũhtoro yoaro seheta dutira watĩare. To dutichũ tina watĩa sehe yũhdũrũcaerara tirore —ni durucuha tí wũhũi dujiina ti basi.

28 ã jia mahaa dachoricã baharoihta dóihita jipihtina Galilea yahpa macaina tíre to yoarire tũho sahsea wahaha.

### Jesu Simo Pedro marechonore noaricoro wahachũ yoaha

(Mt 8.14-15; Lc 4.38-39)

29 ã yoa Jesu cũhũ judio masa mari buheri wũhũpũ jiina wijaaha. Ti ã wijaari baharo Jesu, Santiago, João, paina tina

mehne macaina cūhure Simo to bahuro Andre mehne ti ya wuhuru suho saa suha. **30** Ti pjare Simo marechono juaro mehne to dohatichu cama bui to coachu yahuha Jesure. **31** Ti a yahuchu turo tiro sehe ticoro caharu suro, to wamomacare naha, ticorore waja wahco dapoha. To a waja wahco dapochuta ticorore juaro surua wahaha. To a sururi baharo ticorota tinare chure payoha.

**Jesu payu dohatinare noaina wahachu yoaha**

*(Mt 8.16-17; Lc 4.40-41)*

**32** A yo sa sari baharo nahi borachuru masa payu dohatinare, wati ti cohtotarinare Jesu caharu na suha. **33** A jia jipitina ti maca macaina cahmachurucu suha ti wuhu sopacai. **34** A jiro Jesu payu dohatinare, payu soro jia dohatia cjainare noaina wahachu yoaha. Wati cūhure, masare saamarinare payu cohā wioha. A jiro wati Jesure ti masichu nno Jesu sehe tinare durucu dutieraha.

**Jesu buhe tinino wahaha**

*(Lc 4.42-44)*

**35** A yo nami curerocā wahcā, nahitia curechuta masa marienoru Cohamacure sinino wahaha Jesu. **36** To a wahari baharo Simo cūhu tirore macaa wahaha. **37** Tina tirore boca su, o sehe niha:

—Masa jipitina mūhure macaa nihre —niha tina.

**38** Ti a nichu turo o sehe niha Jesu tinare:

—Tinare buhe tuhsuhi. Pa seheru o cahacā macaa macaripu wahajihna mari. Ahri yahpa macainare yahu site pahnoi tahi. A jicu yuhu paye macari macaina cūhure buheihija —niha Jesu.

**39** A ni tuhsu, jipitia Galilei jia macaripu judio masa mari buhea wuhusepu buhero, watiare masare saamarinare cohā wioha.

**Jesu cami bariore noariro wahachu yoaha**

*(Mt 8.1-4; Lc 5.12-16)*

**40** A yo paio dohatiro cami bariro Jesure piti bocaro, na tuhcu caha su o sehe ni siniha:

—Mūhu yūhure noariro wahachu yo duacu yoaga —niha cami bariro.



41 To ã nichu tũhoro Jesu tirore pja ñũha. ã jiro to wamomacare siõroca, tirore ña payoha. ã ña payoro õ sehe niha:

—Tĩre yoa duaja. Noariro jige mũhu —ni yahuha Jesu.

42 To ã nichũta dohatiro to cami bari cjiri yati mũaa wahaha. Noariro wahaha tiro. 43 To ã wahachu ñũno Jesu tirore tuaro mehne õ sehe ni yahuha:

44 —Painare ahrire yahuecu tjiga. ã yahuerapaihta mũ pjacũre sacerdotere ñoga. Cohamacũ dutia Moise cjirore to cũriro seheta yoaga. ã yoacu minichahcare waga sacerdotere noariro mũ waharire mũ ñohti cijhtire —niha Jesu. ã ni tuhsũ “Wahaga”, niha tirore.

45 To ã yahu dutierapachũta tiro waha, jipihtia macari macainare Jesu to yoirire yahuha. To ã yahuri baharo Jesu masa payũ ti jiropũre waha masieraha. ã jiro tiro mahainacã ti jiropũ jiha. Tõpũ to jichũ payũ macari macaina tiro cahapũ sũha.

### Jesu pjacu bũharirore ducuchũ yoaha

(Mt 9.1-8; Lc 5.17-26)

2 <sup>1</sup> Mahaa dachori baharo Jesu Capernaupũ tjuaa wahaha. Wũhũi to jichũ masa tũhoaha. <sup>2</sup> ã jia tõi masa payũ cahmachu tí wũhũre wahpata wijaa surũcaha. ã jiro Jesu tinare noaa buheare yahuha. <sup>3</sup> To ã yahuro wato, pititiaro mũaa jipihtiri pjacu bũharirore na wihaha. <sup>4</sup> Ti masa payũ jichũ ñũa Jesu cahapũ sãa masieraha. ã jia tina wũhũ buipũ Jesu bui waroi mahanocã muji pahmare nawe, pjacu bũharirore to coãri cahsaro mehne duhu boroha Jesu cahai. “Jesu ahrirore to dohatiare yũhdũchũ yoarohca”, ni tũhotuha tina. <sup>5</sup> Ti ã ni tũhotuchũ masino Jesu sehe dohatirore õ sehe ni yahuha:

—Macũ, mũ ñaa yoari buhiri tiare cohã tuhsũja —niha Jesu pjacu bũharirore.

<sup>6</sup> To ã nichũ tũhoa sã coyera judio masare buheina tõpũre dujiina ti basi õ sehe ni tũhotumaha: <sup>7</sup> “Ahriro ã ni durucuro tjijaro. Cohamacũre ñano durucuro nina tiro. Tiro masũno mari yoaro seheta jirore jira tiro cũhũ. ã jiro to ñaa yoari buhiri tiare cohã masierara. Cohamacũ dihta masa ti ñaa yoari buhiri tiare cohã masina”, ni tũhotumaha tina. <sup>8</sup> Ti ã ni tũhotuchũ ñũno Jesu ti tũhotuare masino õ sehe niha:



—¿Dohse yoana m̄sa ā ni t̄hotujari? 9 “M̄s̄ n̄aa yoari buhiri tiare coh̄a tuhs̄ja”, ȳ nich̄u “Mah̄ñoriro jira”, ȳh̄are nina m̄sa masierapanahta. “Wahc̄ar̄ca, wahaga”, ȳ nich̄u to tinich̄u n̄na ȳ niri potoc̄a jia jich̄u d̄oihta masinahca m̄sa. 10 Ȳh̄u mas̄no Cohamac̄u warocariro ahri yahrap̄are masa ti n̄aa yoari buhiri tiare coh̄a masija ȳh̄u. Ahrire m̄sa masihto sehe ō sehta to wahach̄u yoaihtja —niha Jesu judio masare buheinare.

Tinare ā ninota p̄jac̄u buharitore ō sehe niha:

11 —M̄h̄are niita nija. Wahc̄ar̄caga. M̄s̄ cōari cahsarore na wahc̄aga m̄s̄ ya w̄h̄ar̄p̄ —niha Jesu tireore.

12 To ā nich̄ta p̄jac̄u buhariro c̄jiro wahc̄ar̄c̄u s̄u to cōari cahsarore na, jipih̄tina ti n̄roc̄aroi wijaa wahaha. To ā yoach̄u n̄na tina jipih̄tina n̄s̄ ca wahaha. “Cohamac̄u tuariro jira” ni, “Ne, mari ō sehe yoare n̄nera tih̄i”, niha tina ti basi.

**Jesu Levíre Mateo ti ni pisuriroro “Yũhu mehne macariro cjihto taga”, niha**

*(Mt 9.9-13; Lc 5.27-32)*

13 ã yoa pari turi Jesu bæcþpariro duhtu caharu wahaha tjoa. Tõpu sũro masa payu tiro cahai ti cahmachuchũ ñũno tiro buheha tinare. 14 ã yoa tuhsu tõpu jiriro wahamahno Levíre Alfeo macũnore to dahrari tahtiapu boca sũha. Paina mehne puhtoia ya cjihtire wapa na cohtaina jiha Leví cũhu. Tirore boca sũro õ sehe niha:

—Yũhu mehne macariro cjihto taga mũhu —niha Jesu Levíre.

To ã nichũta Leví sehe wahcã sũrucã, Jesu mehne wahaa wahaha.

15 ã yoa baharo Jesu sehe to buheina mehne Leví ya wũhũpu chũro niha. Jesu mehne wahaina sehe payu jiha. Cãina puhtoia ya cjihtire wapa na cohtaina, ã jichũ paina masa “Ñaa dihtare yoara”, ti niina mehne payu mesa cahai duji, tina cũhu tiro mehne cũnoi sũho chũa niha. 16 Tõpu ti dujiri baharo paina sã coyera judio masare buheina, fariseo masa ya curua macaina mehne Jesu to chũ dujichũ ñũha tina. ã ñua õ sehe ni sinituha:

—¿Dohsearo ñano yoaina, puhtoia ya cjihtire wapa na cohtaina mehne chũjari Jesu? —ni sinituha judio masare buheina Jesu buheinare.

17 Ti ã nichũ tũhororo piti dahre buhea mehne õ sehe ni yũhtiha Jesu:

—Dohatieraina duhturure macaerara. Dohatiina dihta duhturure macana. Ñano yoaina dohatiina yoaro sehe jira. ã jicu ñano yoainare yahui tai nihi yũhu. Ti basi “Noaina jija sã”, ni tũhotuinare yahui tai nierahi yũhu —niha tiro tinare.

**Chũ duhuare Jesure sinituha paina**

*(Mt 9.14-17; Lc 5.33-39)*

18 Tí pjare João buheina, fariseo curua macaina cũhu Cohamacũre ño payoa taa, chũera tiha. ã jia masa Jesure õ sehe ni sinituha:

—João buheina, fariseo buheina cũhu Cohamacũre ño payoa taa chũerara. ¿Dohse yoa mũ buheina sehe chũ duhuerajari? —niha tina Jesure.

19 Jesu to tũhotua mehne quitu dahre buhero tinare õ sehe ni yũhtiha:

—Õ sehe jira tí: Wamomaca dũhteriro bõse nũmũi to jichũ tiro mehne macaina cahyaro mehne jierara. Tuhsũ, chũeraina jierara. Tó seheta yũ buheina cũhũ yũhũ mehne jia, chũ duhu masierara. 20 Yũ Pũcsũ Cohamacũ yũhũre to naari baharo pinihtare yũ buheina mehne jisi yũhũ. ã jia tí pjarũta yũ buheina cũhũ chũ duhuahca —niha Jesu.

21 Panopũ macaa buhea wahma buhea mehne ti buhe more duachũ ñũno õ sehe ni namoha Jesu tinare piti dahre buhero:

—Ne, wahma cahsaro suhtiro cahsaro mehne mũnũno suhtirore sere õno cahmaerara. Mari ã yoachũ wahma cahsaro mari cosari baharo mũnũno suhtirore waja cahmachu, pjibiaro tũhnũchũ yoara. 22 ã yoa ne se co bisia core wahiquiro cahsaro wajuru mehne mũna wajuru mehne posaeraro cahmana. Mari ã yoachũ se co bisia pahmoapũ mũna wajurure tũhrũnocahna. To tũhnũchũ se co cũhũ, wajuru cũhũ cohõa wahara. ã yoa se co wahma core wahma wajurupũ posaro cahmana. Mari ã yoachũ se co cohõera, wajuru cũhũ cohõerara. (Tó seheta wahma buhea mũna buhea mehne buhe moreraro cahmana) —ni buheha Jesu tinare.

### **Sabado jichũ Jesu buheina trigo parorire pahaha**

*(Mt 12.1-8; Lc 6.1-5)*

23 Pa dacho Sabado jichũ Jesu cũhũ trigo wesepũ wahaha. To buheina sehe trigo parorire paha yũhdũ wahcãha. 24 Tĩ ã yoachũ ñũa õ sehe ni tuhtiha fariseo curua macaina Jesure:

—Tũhosiniga sãre. ¿Dohse yoa tina Sabado mari sori nũmũ to jipachũta dahrajari? Marine dutiare yũhdũrũcaa nina —niha tina Jesure.

25-26 Tĩ ã nichũ tũhoro Jesu tinare yũhtiha. “Yũ buheina yũhdũrũcaa nierara”, nino taro õ sehe niha:

—Davi cjiro tiro mehne macaina mehne jũca baaro, Cohamacũ wũhũpũ sãa, Cohamacũ ya pãore chũha. ã chũro tiro mehne macaina cũhũre tí pãore waha. Tĩ pãore sacerdotea dihtare chũ dutira. Cohamacũ dutia ti joari tjui painare tí pãore chũ dutierara. Tĩ pjare Abiata wama tiriro sacerdotea pũhtoro jiha. ¿Davi cũhũ tíre ti yoari cjirire Cohamacũ yare ti joari tjui buherari mũsa? (Tĩ pãore chũro Cohamacũre

yuhdũrũcaro nieraha. Michare ahri yaparire chũa yũ buheina cũhũ Cohamacũre yuhdũrũcaa nierara) —niha Jesu tinare.

27 ã ni tuhsũ õ sehe ni namoha:

—ã yoa Cohamacũ Sabado dachore ti sori nũmũ cũno masa ya dacho cjihto cũno nire dahra wahyarinare so dutiro. Tĩ dachore ño payohtina cjihtire cũno nierare masare Cohamacũ.

28 ã jicũ yũhũ masũno Cohamacũ warocariro ahri dacho Sabado dachore masa ti yoahrire yahurirota jicũ pũhtorota jija —niha Jesu tinare.

### **Wamomaca bũhariro quti jira**

(Mt 12.9-14; Lc 6.6-11)

**3** 1 ã yoa Jesu sã judio masa buheri wũhũpũ sũro sãaha tjoa. Tĩ wũhũi cũiro wamomaca bũhariro dujiha.

2 Sabado jichũ Jesu wamomaca bũharirore to noariro yoachũ ñũ duaha cãina tí wũhũi dujiina. To ã yoachũ ñũa tirore yahusã duamaha. “Mari sori nũmũi Jesu dahraro nina”, ni yahusã duamaha tina. ã jia Jesu to sãa tachũ ñũa, tirore yahusã duaina sehe tiro dihtare ñũroca õha. 3 Tirore ti ã ñũroca õpachũta Jesu sehe wamomaca bũharirore õ sehe niha:

—Wahcã sũrũcaga jipihtina ti ñũrocaroi —niha.

4 ã ni tuhsũ tí wũhũi dujiinare õ sehe ni yahuha:

—¿Sabado jichũ noaare yoachũ noaerajari? ¿O ñaare yoachũ sehere noajari, mũsa tũhotuchũ? Sabado jichũ masũnore masochũ noa nina. Masũnore wajãchũ sehere noaerara —ni yahuha Jesu tinare.

To ã nipachũta tina yũhtieraha. 5 Ti ã yũhtierachũ ñũno Jesu tina mehne suaha. Ti tũho duaerachũ ñũno Jesu cahyaha.

—Mũ wamomacare siõrocaga —niha tiro wamomaca bũharirore.

To ã nichũ tũhoro tiro to wamomacare siõrocaha. To ã yoachũta noari wamomaca wahaha. 6 To ã noari wamomaca wahachũ ñũa, fariseo curua macaina wijaa wahaha. Wijaa, Herode mehne macaina mehne cahmachu, “¿Dohse yoa Jesure wajãnahcari mari?” niha tina ti basi.

### **Masa payũ bũcũpariro dũhtũ cahapũ jiha**

7-8 ã yoa pari turi Jesu to buheina mehne bũcũpariro cahapũ wahaha tjoa. Ti ã wahachũ ñũa Galilea macaina masa payũ to baharo sũha. ã jia Judea yahpa macaina, Jerusalẽ

macaina, Idumea yahpa macaina, Jordão wama tiri ma sie coa macaina, Tiro wama tiri maca macaina, tó cahai jiina, Sidõ wama tiri maca macaina, tó cahai jiina mehne masa payu jipihitina to yoarire tuhoa, tiro cahapu suha. **9-10** Tóru sua, payu masa jiha. Payu dohatiinare noaina to yoachu tuhoa, paina dohatiina cūhu Jesure piha dua, tju bihsarucu suha. Ti ã tju bihsarucu suchu ñno, Jesu busocare cahnopohobasa dutiha to buheinare. **11** Æ yoa paina watia ti cohtotarina sehe Jesure ñna tiro cahai na tuhcu caha suha.

—Mūhu Cohamacu macno jira —ni sañurucuha tina tire.

**12** Ti ã sañurucuhu tuho tina Cohamacu macno to jiare tuaro mehne ni dutieraha Jesu.

### **Jesu to buheinare doce to warocahtinare bese dapoha**

*(Mt 10.1-4; Lc 6.12-16)*

**13** Æ yoa Jesu tūcupu mūja, to cahmainare pjirocaha. To pjirocachu tuhoa, tiro cahapu mūja suha tina. **14** Ti mūja sari baharo doce mūare tiro mehne macaina cjihtire, paye macaripure to yare buhe duti to warocahtinare, bese dapoha Jesu. **15** Æ yoaro dohatiinare ti yūdohti cjihtire, watiare ti cohā wiohti cjihti cūhure cūha tina. **16-19** Ahrinare doce mūare Jesu bese dapoha: Simo, Santiago Zebedeo macno, João to bahuro, Andre, Felipe, Bartolomé, Mateo, Toma, Santiago Alfeo macno, Tadeo, Simo cananista ya curua macariro cjiro, Juda Iscariote, tina jiha to bese daporina. Jesu Simore Pedro ni wama pisuha. Santiagore, João mehne Boanerges ni wama pisuha. Boanerges “Wupo yoaro sehe jiina tuaro bisiina jira”, nino nina. Juda Iscariote Jesure ñ tuhtiinare ñohtiro jiha. Tinare bese dapo tuhsu, dujiaa, Jesu to buheina mehne wūhuru sãa wahaha.

### **“Jesu watino tuaare cjuara”, ni yahusāha masa**

*(Mt 12.22-32; Lc 11.14-23; 12.10)*

**20** Æ yoa tói pari turi masa payu cahmachua bihsa niha. Ti ã bihsachu ñno Jesu chu masieraha. Tuhsu, to buheina cūhu chu masieraha. **21** Æ jia paina Jesu coyeyá ture tuhoa, tiro cahapu sua, tire ñahamaha.

—Tiro tuho masierariro waharo nina —nimaha tina.

**22** Paina õ sehe niha:

—Beelzebú tirore ã wahachũ yoaro nica. Tiro watĩare cohãno Beelzebú watĩa puhtoro to tuaa mehne tinare cohãna —niha Jerusalẽpu tarina sã judio masare buheina.

23 Ti ã nichũ tũhoro Jesu sehe tinare pjiroca, to tũhotua quitu mehne piti dahre yahuha tinare:

24 —Watĩno ya tuaa mehne watĩare cohãi nieraja. Watĩa ti basi cohã masierara. Cũ yahpa macaina ti basi cahma wajãa, tí yahpa macaina yaria pihtia wahaboa. 25 Cũ wũhũ macaina ti basi cahmachea tí wũhũ macaina waha pihtia wahaboa.

26 Tuhsũ, Satana watĩa puhtoro sehe watĩare cohãno ti basita cahmachea niboa. ã jia tina waha pihtia wahaboa.

27 'Õ seheta jira mari piti dahre buhechũ. Tuariro ya wũhũpu paio sãa sũ yaca masierara. Tuarirore dũhteraro to ya wũhũpu sãa sũ yaca masierara. Tuarirore to dũhteri baharo sãa sũ yaca masina —ni yahuha Jesu. (Õ sehe ni yahuha watĩnore to yũhdũrucarire yahuro. Watĩno tuariro to jipachũta Jesu tirore yũhdũrucara watĩare cohãno.)

28 Æ ni tuhsũ õ sehe ni yahu namoha Jesu:

—Potocã niita nija mũsare. Jipihtia ñaare masa ti yoachũ ti durucuchũ cũhũre Cohamacũ bo masina. 29 Æ boparota Espĩritu Santore ti ñano durucuchũ tí pinine ne bosì. Ti ã niri buhiri ã buhiri tirucuina jiahca —niha Jesu tinare.

30 Jesu Espĩritu Santo to tuaa mehne watĩare to cohãpachũta “Tiro watĩno to tuaa mehne watĩare cohãno nina”, nimaha masa. Ti ã nichũ tũhoro tí quitire Espĩritu Santo quitire yahuha Jesu tinare.

### **Jesu coyea tirore pjiha**

*(Mt 12.46-50; Lc 8.19-21)*

31 Æ yoa Jesu bahana to pocoro mehne wihiha. Æ wihiha sopacaru jia, painare pji dutiha tirore. 32 Æ jia masa tiro caharu dujiina yahuha tirore:

—Mũ poco, mũ bahana mehne sopacaru pjiã nina mũhũre —niha tina.

33 Ti ã nichũ tũhoro õ sehe niha Jesu tinare buhero taro:

—¿Noa jijari yũ poco, yũ bahana cũhũ, mũsa ñũchũ?  
—niha tiro tinare buhero taro.

34 Æ nino to cahai dujiinare ñũno õ sehe niha:

—Ahrina jira yu poco yu bahana yoaro sehe jiina. Cohamacu cahmaare yoara ahrina. <sup>35</sup> Tó seheta yoaina yu bahu, yu baho, yu poco yoaro seheta jira —ni buheha Jesu tinare.

### Jesu wesere toari masuno quitire buheha

(Mt 13.1-9; Lc 8.4-8)

**4** <sup>1</sup> Ñ yoa pari turi bucupariro dũhtũ cahapũ Jesu masare buhe dũcaha tjoa. Ñ tũpũre buhe dũcaro masa payũ tiro cahapũ ti cahmachuchũ ñũno Jesu sehe dohoriapũ samu wijaa, pahsaha. Ñ jia masa sehe bucupariro dũhtũ cahai ducuha.

<sup>2</sup> Ñ jiro Jesu payũ to tũhotua mehne quiti dahre yahuha tinare buhero taro:

<sup>3</sup> —Ahri quitire tũhoga mũsa —niha tiro tinare.

—Toari masuno toaro, to toaa yaparire doca site cũno wahara. <sup>4</sup> To ñ doca site cũ wahcũchũ paye yapari mahai bora caha sũha. Ñ bora caha sũare tí yaparire minichahca duji ta, chũnocaha. <sup>5</sup> Ñ yoa paye yapari sehe tãa wapa bui dihta se mininocã bui bora caha sũha. Tãa wapa buicã dihta mariea curoeroi bora caha sũ, dói dumaha. <sup>6</sup> Ñ dói duri jipahta, nũhcori mariaa, sũ to tuaro sichũ, ñaia wahaha. <sup>7</sup> Paye yapari sehe tja watoi bora caha sũha. Tja sehe dia yũhdũa waha, toaa sehere wajãnocaha. Ñ jia tja watoi jiare dicha mariachũ yoaha. <sup>8</sup> Paye yapari sehe noari yahpai bora caha sũha. Noano du, noano dicha tiha. Paye yucũ treinta yapari, paye yucũ sesenta yapari, paye yucũ cien yapari dicha tiha. <sup>9</sup> Ahrire tũho duaina noano tũhoga mũsa —niha Jesu.

### Jesu quiti mehne to buherire yahuha

(Mt 13.10-17; Lc 8.9-10)

<sup>10</sup> Ñ yoa ti sahsero jia doce to buheina, paina Jesu mehne jiina cũhũ tí quitire masi duaa, Jesure sinitu ñũha. <sup>11</sup> Ti ñ sinitu ñũri baharo Jesu õ sehe ni yahuha:

—Cohamacu masa bui pũhtoro masare to noano sũho jiare, panopũ paina ti masierari cjirire mũsare masichũ yoara Cohamacu. Paina sehere ñ yoerara tiro. Ñ jicũ tinare quiti mehne dihta buheihũtja. <sup>12</sup> Ñ jia tina ñũpahta ñũeraina cjiri yoaro sehe tjuara. Ñ jia tũhopahta tũho ñaha masisi. Tina tũho ñahaina jia, ti ñaa yoarire cahya, Cohamacũre macaboa. Ti ñ macachũ ñũno, tiro sehe ti ñaa yoari buhirire bonocaboa. Ñ jipachũta tina sehe ne tũho duaerara —niha Jesu.



### Jesu wesere toari masuno quitire yahu pahñoa

(Mt 13.18-23; Lc 8.11-15)

13 To ã niri baharo õ sehe ni yahu namoha tinare:

—¿Ahri quitire tũhoerasinjari m̃sa? ¿M̃sa ahri quitire tũhoerana, dohse paye quitire tũhonahcari m̃sa? —niha Jesu tinare.

Ã ni tuhsũ tiro õ sehe ni yahuha tinare:

14 —Toari masuno toaro, to doca site cũa yapari noaa buhea yoaro sehe jira. 15 ã yoa mahai bora yapari noaa buhea yoaro sehe jira. Cãina noaa buheare ti tũhochũ ñũno Satana sehe ta, tí buhea noaa buheare ti tũho ñahamarire bochũ yoara tinare, minichahca tí yaparire ti chũro seheta yoaro. 16 ã yoa tãa wapa bui dihta se mininocã bui bora yapari noaa buhea yoaro sehe jira. ã jia paina noaa buheare tũho, wahchea mehne dóih̃ta tíre tũho nũnũ wahcãna. 17 ã tũho nũnũ wahcãpahta tãa wapa buicã jia yucũ nũhcori mariea yucũ yoaro sehe ahрина masa cũhũ yoari pja cũno pjaerara. ã cũno pjaeraa, yũ yare ti cahmari buhiri paina tinare ti ñano yoachũ, ñano yũhdũa, yũ yare duhunocahna. Paina tinare ti ñano yoachũ tíre cũno pjaeraa, yũ yare duhunocahna. 18 ã yoa tja watoi bora yapari noaa buhea yoaro sehe jira. 19 ã jia paina sehe noaa buheare tũhoa, ahri yahpa macaare wacũ nũnũ yũhdũara. Niñerure bũjũa cahma, paye baro cũhũre payũ cahma, tíre goa pja yũhdũara tina. Ti ã tũhtotuchũ tí sehe noaa buheare dũcatara. Ti ã dũcatachũ masa noaa sehere yoaerara. Dicha maria yucũ yoaro seheta jira. 20 ã yoa noari yahpai bora yapari noaa buhea yoaro sehe jira. ã jia paina sehe noaa buheare tũhoa tíre cahmana. Tíre masiina jia, Cohamacũ to cahmano seheta noaare yoara tina. Cãina mahanocã noaare yoara treinta yapari dicha tiro seheta. Paina bui curero noaare yoara sesenta yapari dicha tiro seheta. Paina pjíro noaare yoara cien yapari dicha tiro seheta —ni yahuha Jesu tinare.

### Jesu sihãria quitire buheha

(Lc 8.16-18)

21 ã ni tuhsũ õ sehe ni yahu namoha Jesu:

—Ne, sihãriare ti sihãri baharo tiare dihi biato docapũ cũerara. ã jia tiare coãri casario docapũ cũerara. Mũanopũ duhu payora noano buhria dutia. 22 Jipihti ti masierari cjirire

baharo masa masiahca. Sihãria to buhriachũ mari ñũ masino seheta panopũre ti masierari cjirire masiahca masa. <sup>23</sup> Ahrire noano tuhoga mũsa. <sup>24</sup> Mahanocã masi duana mahanocã masinahca. Pjĩro masi duana pjĩro masinahca. ã jina mũsa tuhona noano tũho nũnũga. <sup>25</sup> Noano tũho nũnũriro noano masinohca. Tũho nũnũrerariro “Mahanocã tũhoja”, to nipachũta tí sehe butia waharohca —niha Jesu tinare.

### **Jesu trigore toariro quitire buheha**

<sup>26</sup> ã ni tuhsũ õ sehe ni yahu namoha:

—Cohamacũ masa bui pũhtoro to sũho jia trigore toariro yoaro sehe jira. <sup>27</sup> Toa tuhsũ bohrearo to toari duare ñũna tiro. “¿Dohse du wijaa ta bũcũajari tí?” ni ñũ masierara toariro to basi. <sup>28</sup> Tí toari ti basi dichã tira. Pari pũca ji mũhtana. Baharo pari paro wijaa bũcũara. <sup>29</sup> Tí parori bũcũa tuhsũchũ ñũno pahara. Pahari pja jira. (To toaa ti bũcũarire to masieraro seheta Cohamacũ yaina masa ti wahachũ cũhũre yahu pahũo masierara masa) —ni buheha Jesu.

### **Mostaza yapa quitire yahuha Jesu**

*(Mt 13.31-32; Lc 13.18-19)*

<sup>30</sup> ã ni tuhsũ õ sehe ni buhe namoha Jesu piti dahre buhero:

—¿Ne Cohamacũ masa bui pũhtoro to sũho jia yaba baro yoaro sehe jijari, mũsa tũhotuchũ? ¿Di quiti mehne tíre yahunahcari? <sup>31</sup> Mostaza yapacã yoaro sehe jira pũhtoro Cohamacũ to sũho jia. Tí yapacã to toachũ mahabiari yapacã jira. <sup>32</sup> ã jiparota tí yapacã noano dura. ã jiro pjibiadũ wahara. ã jia tũ dũpũri bũjua dũpũri bũcũachũ ñũna minichahca peri tũ dũpũripũ suhti suhara. (Pjibiadũ to wahariro seheta mũano macarirore mari pũhtoro masiina mahainacã ti ji mũhtapachũta baharopũ tina payũ wahaahca) —niha Jesu.

### **Quiti mehne to buherire yahuha Jesu**

*(Mt 13.34-35)*

<sup>33</sup> ã ni tuhsũ, tí quiti ti niriro seheta payũ quitire tũho ti cũno pjaro puro noaa buheare buheha tinare. <sup>34</sup> Quiti marieno yahueraha tinare. Tuhsũ, ti sahsero jiinare Jesu noano yahu pahũoha to buheinare.

### Jesu wihnonore yusu dutiha

(Mt 8.23-27; Lc 8.22-25)

35 Ñ yoa tí dachoreta nahi borachurp Jesu to buheinare ñ sehe niha:

—Basa, sie coarp pahãjihna —niha tinare.

36 To ã nichu tuhoa Jesu to jiriarp dohoriarp samu, masare yahpapu ducuinare toíhta cū, to buheina dihta Jesure na pahãa wahaha. Ñ yoa paye buso mehne paina cūhu tinare piti ti pahãa wahaha. 37 Ti ã pahãchu wihnono tuaro taha. Ñ taro dohoriare pahcōri tuaro cjã sãaha. Mahanocã dñhsamaha ti miniboro. 38 To ã waharo watoi Jesu sehe dohoria oturopu suhti puti mehne to dapu ño tu tjiãhno carĩno niha. Ñ jia tina tirore wahcōha.

—Buheriro, mari mini yariana tana nija. ¿Ñ jica niera putiajari mūhu? —niha tina tirore.

39 Ti ã nichuta Jesu sehe wahcã, wihnonore:

—Tó purota wã duhuga —niha. Ñ ninota pahcōri cūhure:

—Yusua wahaga —niha bucuparirore.

To ã nichuta wihnono yūhdua wahaha. Ñ jia pahcōri cūhu yusu boraahaha.

40 —¿Dohse ni cuimacanocana nijari mūsa? ¿Mūsa yūhure wacū tuaerasinijari? —niha Jesu.

41 To ã yoachū ñua tina cūa yūhdua wahaha.

—Cue, ¿dohse jiriro baro masuno jijari ahriro? Ahri wihnono, pahcōri cūhu to dutichu yūhdurcaerara tirore —niha tina ti basi.

### Watia ti cohtotarirore noariro wahachu yoaha Jesu

(Mt 8.28-34; Lc 8.26-39)

5 1-2 Ñ yoa tina sie coarp Gerasa macaina ya yahpapu pahã suha. Pahã su, Jesu sehe dohoriarp sãariro maja surucaha. To ã maja surucari baharocãta, watia ti cohtotariro tãa copari, masa copari watoi jiriro wija ta, tiro caharp taha. 3 Tiro watia ti cohtotariro masa copari watoi jiriro jia tiha. Tirore ne cūiro coma da pjiri da mehne ñaha dūhte cūno bihoeraha. 4 Payu tahari masa tirore dahpori wupōa sorori mehne comaa dari mehne dūhte timaha. To wamomacari cūhure dūhte timaha. Wiho mejeta tiro sehe comaa darire nuha, dahpori wupōa sorori cūhure nuha site mūjaha. Ñ jia tiro tuariro to jichu ñua

masa sehe tirore cɟaa bihoeraa tiha. <sup>5</sup> Ñamine, dachore tã yucɟripɟ jia copari tãa copari watoi ã sañurucua tiha tiro. ã yoa tãa mehne to basi to pɟacɟre cɟãye mɟjaa tiha tiro. <sup>6</sup> ã yoa Jesu to maja sɟrɟcachɟ yoaropɟ Jesure ñuroca, tiro cahapɟ mɟroca ta, na tuhcuca caha sɟha, tirore ño payoro taro.

**7-8** —Watã wijaahga tirore —niha Jesu.

To ã nichɟ tɟhoro watã ti cohtotariro ò sehe ni sañurucuha:  
—Jesu, Cohamacɟ Jipihina Bui Jiriro macɟno, ɟyabare yoai tai nijari mɟhɟ yɟhɟre? Cohamacɟ to ñurocaroi sinija yɟhɟ mɟhɟre. Yɟhɟre ñano yoai tjiga —ni sañurucuha watã ti cohtotariro Jesure.

<sup>9</sup> —ɟYabariro wama tijari mɟhɟ? —niha Jesu tirore.

—Sã payɟ jija. ã jina “Payɟ watã”, wama tija. <sup>10</sup> Ahri dihtapɟ jiinare sãre pa yahpɟpɟ waha dutiecɟ tjiga —ni payɟ tahari siniha watã ti cohtotariro.

<sup>11</sup> Tí pɟare ti cahacãi tɟcɟ dahpotoi yesea nuina payɟ chɟa niha. <sup>12</sup> Tói ti chɟrucuchɟ ñha ò sehe ni siniha watã:

—Sina yesea cahapɟ warocaga sãre ti pɟacɟripɟ sã sãahto sehe —ni siniha watã tirore.

<sup>13</sup> Ti ã nichɟ tɟhoro “Jai. Wahaga”, niha Jesu. To ã dutichɟ, watã masɟnopɟ jirina cɟiri sehe wijaa, yesea pɟacɟripɟ sãaha. Tina yesea sehe payɟ waro jiha, dos mil. ã yoa tinare ti sãari baharo, yesea jipihina bɟcɟpariro dɟhtɟ cahapɟ pari cɟnɟpɟ mɟroca buha, tí taropɟ bora ñoja, mini yaria pihtia wahaha.

<sup>14</sup> Ti ã mini yariachɟ ñha yeseare ñh wihboina sehe mɟroca wahcã, pɟiri macapɟ cɟhɟre, daa macaricãpɟ cɟhɟre tíre yahu sitea wahaha. Ti ã yahuchɟ tɟhoa, masa sehe payɟ ti ã waharire ñha wahaha. <sup>15</sup> ã jia Jesu cahapɟ wihia, payɟ watã ti cohtotariro cɟiro to suhti tiri, tɟho masiriro to dujichɟ ñha, cui niha. <sup>16</sup> Watã ti cohtotariro cɟirore, yesea cɟhɟre ti ã waharire ñhina sehe paina masa ti cahai wihiinare noano yahu pahñoa. <sup>17</sup> Ti ã yahu pahñoachɟ tɟhoa, Jesure tuaro mehne pa seherɟ waha dutiha.

<sup>18</sup> ã yoa dohoriapɟ Jesu to samuchɟ ñhno, “Mɟhɟ mehne waha duaja” ni, tuaro sinimaha watã ti cohtotariro cɟiro sehe Jesure. <sup>19</sup> To ã nichɟta Jesu tirore ò sehe ni yahuha:

—Yɟhɟ mehne taecɟ tjiga. Mɟ ya wɟhɟpɟ mɟ coyea cahapɟ yɟhɟ mɟ pɟhtoro mɟhɟre yɟ yoarire yahui wahaga. Mɟhɟre yɟ pɟa ñhrire yahuga tinare —niha tirore.

20 To ã nichu watía ti sãanoriro cjiro sehe Decapoli wama tiropu jia macaripu Jesu tirore to yoari cjirore yahu dũcaha. To ã ni yahuchũ tũhoa jipihtina masa cãaa wahaha.

**Jairo maconore yũhdũchũ yoa, cahã ñũricoro  
cũhũre yũhdũchũ yoaha Jesu**

*(Mt 9.18-26; Lc 8.40-56)*

21 Ñ yoa pari turi Jesu to majare pahã sũchũ masa payũ tiro cahapu bũcũpariro dũhtũ cahapu cahmachuha. 22 Ti ã cahmachuchũ sã judio masa buheri wũhũre ñũ wihboriro Jairo wama tirore wihi, Jesure ñũ, to dahpori cahapu na tuhcuca caha sũro, 23 õ sehe niha:

—Yũ macocã yariaro nihre. Ñ jicu ticorore mũ wamomaca mehne ña payo, noaricoro yoai taga. Mũ ã yoachũ ticoro masanohca —niha tiro Jesure.

24 To ã nichu Jesu cũhũ sehe tiro mehne wahaha. Mahai to wahachũ payũ masa tirore nũnũ ti wahcã bihsaro sũrucũ sũha tirore. 25 To ã bihsaro wahachũ numino doce cũhmari waro dachoripe cahã ñũrucuricoro tói jiha. Tó pano payũ duhturuu ticorore ñano yũhdũchũ yoaha. 26 Ñ yoa duhturuare jipihtia to niñeru mehne wapamaha ticoro co tiro. Ti ã yoapachũta ticoro mũnanota jirucuha. Ñ jiro ticoro tó pano to jiriro yũhoro ñano wahaha. 27 To ã ñano yũhdũricoro to jichũ masia Jesu to yoirire tũhoa paina tíre yahuha ticorore. Ñ ti yahuchũ tũhoro ticoro Jesu baharo masa payũ watoi wihi, Jesu suhtirore ñaha ñũha. 28 “Yũhũ to suhtiro dihtare ñaha ñũco noaricoro wahacohca”, ni tũhotuha. 29 Ñ jiro ticoro to ñaha ñũri baharo to cahã ñũare duhuro to pjacũre noari pjacũ tũhotuha. 30 Ñ jiro Jesu to tuua mehne dohatiare to cohãrire masino, masa watoi majare ñũha.

—¿Noa yũ suhtirore ñaha ñũri? —niha tiro.

31 To ã nichu tũhoa to buheina õ sehe niha:

—Bihsa nina. Ñ jia masa payũ mũhũre pihanocahna. “¿Noa yũhũre ñaha ñũri?” nicũ, ¿dohseacũ ã nijari mũhũ? —niha tina sehe tirore.

32 Ñ jiro Jesu tirore ñaha ñũricorore macaha. 33 To ã macano watoi ticoro sehe to pjacũ noano wahachũ tũhoturo cui, tetere na tuhcuca caha sũha to panoi tirore ño payoro. 34 Ñ jiro ticoro potu yahu pahũoha tirore. To ã ni yahuri baharo Jesu ticorore õ sehe ni yahuha:

—Maco, yũhũre mũ wacũ tuaa mehne noaricoro tjuara mĩpũre. Wahchea mehne wahaga. Dohatia marienicozo jiga —niha Jesu ticorore.

35 To ã ni durucuro watoi judio masare buheri wũhũre ñũ wihboriro ya wũhũ macaina yahua wihaha:

—Mũ maco yariaa wahahre. ã jicũ buherirore pji tai tjiga —niha tina.

36 Ti ã nipachũta ã tũhotunocahno, Jesu ñũ wihborirore õ sehe ni yahua:

—Cahya tũhotui tjiga. Yũhũre wacũ tuaga. Tĩ dihtare yoaga —niha ñũ wihborirore.

37 ã ni tuhsũ Santiago, to bahũro João, Pedro tina dihtare “Yũhũ mehne taga”, niha Jesu. 38 ã pji wahcãno sã judio masa buheri wũhũre ñũ wihboriro ya wũhũpũ sũha tina. Tĩ wũhũpũ masa payũ ñano bisi, ñahacaha tiia ti saũurucuchũ ñũha Jesu.

39 —Ñano ni, ñahacaha tiiena tjiga mũsa. Maharicorocã mũsa ã ni tiichũ yariaerara. Carĩno nina —niha Jesu tinare.

40 To ã nichũ tũhoa “ã nimacanocano nina ahriro”, ni bũjũha tina sehe tirore. Ti ã yoachũ tiro tinare sopacapũ wio pahũonocaha. ã wio tuhsũro maharicorocã pũcũsumare, tiro mehne macaina cũhũre ticorocã cahapũ naaha Jesu.

41 ã naa tuhsũro Jesu ticorocãre to wamomacare ñaha:

—Talita cumi —niha tiro. (“Talita cumi” nino, “Maharicorocã wahcãga’, nija yũhũ”, nino nina.)

42 To ã nichũta ticorocã wahcãrũcũ sũ, tiniha. Doce cũhmari cjuaricoro jiha ticoro. Ticorore to ã yoachũ ñũa tina cũa yũhũua wahaha. 43 Ti ã yoachũ ñũno, Jesu tuaro mehne tíre to yoarire yahu site dutieraha. ã yoa tuhsũ ticorore chũa wa dutiha.

### Nazare macaina Jesure cahmaeraha

(Mt 13.53-58; Lc 4.16-30)

**6** 1 ã yoa tũpũ jiro waha, Jesu to buheina mehne to ya dihtapũ tju sũha. 2 ã tju sũro Sabado jichũ sã judio masa buheri wũhũi buhe dũcaha Jesu. To ã buhechũ masa payũ tirore tũhoa, cũaa wahaha.

—Cue, ¿ahrero nohopũ tũhoari ahri buheare? ¿Dohsearo noano masi pahũonocajari ahrero? Cohamacũ tuua mehne yoa ñona tiro to basi. 3 Ahrero taboa dahrari masũno María macũno,

Santiago, José, Juda, Simo ti wahmino jimanaro. Ñ yoa to bahana numia mari ya macai jisininanabũ. Ñ jiro tiro mari yoaro sehe jiro tĩra —niha tina Jesure tũhmarina.

Ñ jia Jesure ñũ tuhtia, tirore cahmaeraha. <sup>4</sup> Ti ã cahmaerachũ ñũno õ sehe niha Jesu:

—Cohamacũ yare yahu mũhtarirore paina ño payora. Ti ã ño payopachũta to ya maca macaina, to coyera, to ya wũhũi jiina ño payoerara tirore. Ñ jina yũhũre ño payoerara mũsa õi yũ bũcũariro jichũ —niha Jesu tinare.

<sup>5</sup> Ñ jiro tí macai jiro Jesu Cohamacũ tuua mehne yoa ño masieraha. Ñ yoeraparota cãina dohatiina bui to wamomacare duhu payo, noaina wahachũ yoaha tiro. <sup>6</sup> Ñ jiro tó macaina Jesure ti quihõno tũhoerachũ ñũno cũaa wahaha tiro. Ñ jiro Jesu tó cahai jia macaripũ buhero wahaha.

### **Jesu doce buheinare buhe dutiro warocaha**

*(Mt 10.5-15; Lc 9.1-6)*

<sup>7</sup> Ñ yoa Jesu doce to buheinare pjiroca, pũaro dihta warocaha tinare macaripũre buhe dutiro. Ñ jiro to tuaare waha tinare watĩare ti cohã wiohto sehe. <sup>8</sup> Ñ warocaro pãore, wajure, niñerure tiro naa dutieraha tinare. Ti tjuayucũ dihtare naa dutiha. <sup>9</sup> Ñ ni tuhsũ, dahpori tũ cũa cahsarire sãa dutiha tinare. Cũnota suhtirore sãa dutiha tinare. Pũaro sãa dutieraha.

<sup>10</sup> Ñ jiro õ sehe ni yahuha tinare:

—Jipihtia macaripũ mũsare ti carĩno wachũ tí wũhũihta tjuasiniga. Coã wahanapũ wijaahga tí wũhũre. <sup>11</sup> Ñ jina pa maca macaina mũsare ti cahmaerachũ, ti tũho duaerachũ tí macare yũhdũana dahpori macaa dihta pohcari mene wajã site cũga mũsa tinare ti ya buhirire masichũ yoana —ni yahuha Jesu tinare.

<sup>12</sup> Ñ jia tina doce buheina masare ti ñaa tũhotumari cjirire tũhotu cohtota duti, Cohamacũre maca duti, buhea wahaha.

<sup>13</sup> Ñ wahaa payũ watĩare cohã wio, dohatiinare se mehne wisõa, noaina wahachũ yoaha.

### **João masare bautisarirore paina wajãha**

*(Mt 14.1-12; Lc 9.7-9)*

<sup>14</sup> Ñ yoa Jesure masa payũ masiha. Ñ jiro to yoarire pũhtoro Herode tũhorocaha. Ñ tũhorocarõ õ sehe ni tũhotumaha tiro paina mehne:

—João masare bautisariro yariariro cjiro pari turi bajoaro nica. Ñ bajoariro jiro to tuaa mehne tíre yoaro nica —ni durucumaha Herode paina mehne. (“Jesu Joãoota jira”, ni tũhotumaha.) <sup>15</sup> Paina sehe õ sehe ni tũhotumaha:

—Elia jira —ni tũhotumaha.

Paina sehe:

—Cohamacu yare yahu mũhtariro panopu macaina cjiri yoaro sehe jira tiro —ni tũhotumaha Jesure.

<sup>16</sup> Ti ã ni tũhotupachuta Herode sehe Jesu to yoarire tũhoro õ sehe ni tũhotumaha:

—João dapure yu cja ta dutiriro cjiro bajoaro nica —ni tũhotumaha.

<sup>17-18</sup> Joãoire ti wajãhto pano Herode tirore ñaha duti, peresu yoa dutiha. Tó pano Herode to bahuro Felipe namonore Herodiare namo tiha.

—Mu bahu namonore namo ticu Cohamacu dutiare yũhdũrcucai nica mũhu —ni yahumaha João Herodere.

To ã niri buhiri to namono Herodia Joãoire peresu ti yoachu cahmaha. <sup>19</sup> Ñ jiro ticoro sehe Joãoire ñu tuhtiro, tirore wajã duti duamaha. Ñ yoa duaparota ticoro tirore wajã duti masieraha. <sup>20</sup> Herode Joãoire cuiro, “João noaare yoariro, ñaa buhiri marieriro jira”, ni tũhotuha. Ñ jiro Herodere cariboro yoaha João sehe tirore yahuro. Ñ to caribopachuta tiro wahchea mehne tũhomaha Joãoire. <sup>21</sup> To ã wahchea mehne tũhopachuta Herodia tirore to wajã dutihtu dacho mu sũha. Tí pjare Herode to masa bajoari dacho jichu tiro bese mũmũ dahreha. Ñ jia to gobierno macaina, to surara puhto, Galilea macaina puhto cũhu to ya bese mũmũre ñua wihaha. <sup>22</sup> Ti ã wihiri baharo Herodia macono bese mũmũ ñũno wihiro ti ñũrocaroi basa ñoha. To ã basa ñochu ñua Herode to pjirocaina mehne wahcheha. Ñ jiro õ sehe niha Herode ticorore:

—Mu cahmaare siniga yũhũre. Ñ jicu waihtja mũhũre mu cahmaare. <sup>23</sup> Cohamacu mehne potocã nii nija mũhũre. Mu sinino puro yu yare dacho macai waihtja mũhũre —niha tiro ticorore.

<sup>24</sup> To ã nichu tũhoro ticoro Herodia macono sehe to pocoro cahapu waha, õ sehe ni sinituha:

—¿Yabare sinicohcari yũhũ? —ni sinituha ticoro to pocorore.

—João masare bautisariro dapure siniga —niha to pocoro.



25 To ã nich̃ta ticoro Herodia macono ño duaro mehne p̃htoro Herode cahap̃ waha, siniha:

—João masare bautisariro dapure waparo mehne waga ỹh̃re —niha ticoro.

26 To ã nich̃ t̃horo p̃htoro Herode sehe tuaro cahyaha. Masa ti ñ̃urocaroi “Waihtja m̃h̃re”, ni tuhs̃ha tiro. ã jiro b̃o tiro “M̃h̃re waeraja”, ni masieraha tiorore. 27 ã jiro dóihta surarare peresup̃ jinare cohtarirore João dapure c̃ã ta, na ta dutiha. 28 To ã dutich̃ t̃horo surara sehe waha, to dapure c̃ã ta, waparo mehne na taha. Na ta tuhs̃, nuhminore Herodia maconore waha. To ã wach̃ ticoro to dapure ñaha, to pocorore ỹhdoha.

29 ã jia João buheina sehe tíre t̃hoa tópr̃e waha, to pjac̃ cjirore na wahc̃, t̃cap̃ ti sahari copap̃ na s̃a duhu payoha.

### Jesu cinco mil bui masare chua waha

(Mt 14.13-21; Lc 9.10-17; Jn 6.1-14)

30 ã yoa Jesu to warocarina to cahap̃ tju s̃a, ti yoarire ti buherire yahuha tirore. 31 Tí pjare masa paỹ ã majarerucua, tinare ch̃ro waeraha. ã jiro ò sehe niha Jesu tinare:

—Masa marienop̃ mari sahsero sosinina wahajihna —niha tinare.

32 ã jia tina ti sahsero dohoria mehne masa marienop̃ wahaha. 33 Ti ã wahach̃ ñ̃a masa paỹ tinare masiha. ã masia paỹ macari macaina mahap̃ waha, Jesu to s̃htop̃ tina masa sehe m̃roca wahc̃ s̃ m̃htaha. 34 Ti ã s̃ch̃ Jesu wahã s̃, b̃sopap̃ s̃ariro majano, tiro masa paỹ jinare ñ̃ha. Oveja p̃a marieina yoaro sehe jiha tina masa, to ñ̃ch̃. ã jiro Jesu tinare pja ñ̃no, paỹ noaare buhea tiha tinare.

35 Ñ̃amichahap̃ doce buheina Jesu cahap̃ s̃ ò sehe niha:

—Ò masa marienop̃ jira. Ñ̃amichahap̃ jira. 36 Ò cahac̃i jia macarip̃ daa macaric̃p̃, b̃j̃na macarip̃ ti ch̃htire nuch̃ dutiga masare ti puhi tíhti cjihtire —niha tina Jesure.

37 —Ch̃are waga tinare —nimaha Jesu to buheinare.

To ã nich̃ ò sehe ni ỹhtiha:

—¿Dos cientos dachori dahrari wapa niñeru mehne ti ch̃hti p̃ore nuch̃bocari s̃a? —niha tina Jesure.

38 —¿Nohope curiri p̃o curiri jijari? Ñ̃na wahaga —niha tiro.

To ã nich̃ tina sehe ch̃are boca ò sehe niha:



—Cũ wamomaca pihtia curiri pão curiri, p̃aro wahi jira  
—niha tina.

39 Ti ã nichũ t̃horo Jesu sehe pja curuari tja bui duji dutiha masare. 40 To ã duji dutiri baharo tina pja curuari dujiha. Cãa curuari cincuenta masa jiha. Paye curuari sehe cien masa jiha. 41 Ti ã duji tuhsũchũ ñũno Jesu sehe cũ wamomaca pihtia curiri pão curirire, p̃aro wahi mehne na, мѡноρѡ ñũha. ã ñũno Cohamacũre “Noana”, niha. To ã niri baharo pão curirire nuha, to buheinare masare witi dutiro waha. ã yoa tuhsũ, p̃aro wahire witi dutiha jipihtinare. 42 ã jia jipihtina chũ, yapi yũhdũa wahaha. 43 Ti yapi wahyorire doce p̃hũse waro pãore, wahi cũhũre na cahmachu wahpo dapoha tina. 44 ã yoa pãore chũina m̃a dihtare ti quihõchũ cinco mil m̃a jiha. (Numia cũhũ, macanacã cũhũ tói chũina jiha.)

### Jesu co bui ducu wahcãha

(Mt 14.22-27; Jn 6.16-21)

45 Tí pjata Jesu to buheinare dohoriap̃ samu duti, sie coap̃ Betsaidap̃ to pano pahãyu dutiha. ã jiro ti pahãri baharo Jesu sehe masare coha sitiha. 46 Coha siti tuhsũ tũc̃ap̃ Cohamacũre

sinino wahaha. 47 Baharo ñamipɩ dohoriai bɩcɩpariro dacho macai ti pahārucuchɩ Jesu cāirota ti pahā tariropɩ jiha. 48 Tópɩ jiro, tina ñano yɩhdɩ ti wajachɩ ti panoi wihnono tachɩ ñɩrocacha tiro. Ā jiro bohrea mɩja tahto pano tina cahapɩ waharo co bui ducu wahcāha. Tinare tiro yɩhdɩ wahcā duamaha. 49 To yɩhdɩ wahcā duapachɩta tirore co bui to tachɩ ñɩa, “Yariariro cjiro jiboca”, ni tɩhotumaha tina. Ā ni tɩhotua tina sañurucuha. 50 Jipihtina tirore ñɩa, ñɩ cɩa waha, sañurucuha. Ti Ā ñɩ cɩachɩ ñɩno Jesu tinare ō sehe ni yahuha: —Ne, yɩhɩre cuiena tjiɩa. Yɩhɩta jija —niha tinare. 51 Ā ni tuhsɩ tiro tina mehne dohoriapɩ samua wahaha. To samuri baharocāta wihnono yɩhdɩa wahaha. To ā wahachɩ tina sehe cɩa yɩhdɩa wahaha. 52 To pāo payɩ yoarire wacɩeraha tina. Tua yɩhdɩariro to jiare noano tɩho ñahaeraha.

**Jesu Genesare macainare, dohatiinare noaina wahachɩ yoaha**  
(Mt 14.34-36)

53 Ā yoa tina pahā sɩ, Genesare dihtapɩ wahā sɩ, tia dohoriare dɩhte poho, dɩhtɩ cahapɩ pahsaha. 54 Ā yoa tina dohoriapɩ jiina ti majachɩta masa sehe Jesure ñɩ masiha. 55 Ā ñɩ masia jipihtiro ti ya yahpapɩ mɩroca maja, dohatiinare ti coāa cahsari mehne yo wahcā, sɩha Jesu cahapɩ. “Jesu tópɩ jihre”, masa ti nichɩ tɩhoa to cahapɩ sɩha tina. 56 Ā jia jipihtia macari to sɩa macaripɩ, bɩjɩa macaripɩ, daa macaricāpɩ, pache duaina cahapɩ, masa dohatiinare ti cɩnopɩ Jesure to suhtiro dɩhtɩ cahare ñaha ñɩ dua tuaro siniha tina: —Mɩ suhtiro dɩhtɩ caha dihtare sãre ñaha ñɩ dutiga —ni siniha.

Ā jia to suhtirore ñaha ñɩinape tópeinata noaina wahaa tiha.

**Masa ñaina wahachɩ yoare yahuha Jesu**  
(Mt 15.1-20)

**7** 1 Ā yoa Jerusalēpɩ tarina sã coyey judio masare buheina, fariseo curua macaina cɩhɩ Jesu cahapɩ cahmachuha. 2-4 Fariseo curua macaina jipihtina paina judio masa cɩhɩ ti ñɩchɩsɩma cjiripɩ ti yoa dutiriro seheta wamo cosaro marieno chɩera tiha. Ā jia pache duaina cahapɩ waha, sɩ, majare tju wihiina cɩhɩ ti yoa dutiriro seheta wamo cosaro marieno chɩera tiha. Payɩ paye dutia cɩhɩre ti ñɩchɩsɩma cjiripɩ ti

yoa dutiare yoaa tiha. Tasa waparire cosaa, dihi biatorire cosaa, comaa biatorire cosaa, yoaa tiha tina judio masa, “Cohamacu ã cahmana”, nia. Ñ jia sã coyee judio masare buheina, fariseo curua macaina cũhũ Jesu cahapũ cahmachua, Jesu buheina wamo cosaro marieno ti chũchũ ñũha. <sup>5</sup> Ñ ñũ tuhsua Jesure õ sehe ni sinituha:

—Mũ buheina chũa, mari ñũchũsuma cjiri ti yoa dutiriro cjiro seheta ti wamomacarine wamo cosaerara. ¿Dohse yoa mari dutiare yoaerajari? —niha tina Jesure.

<sup>6</sup> Ti ã nichũ tũhoru Jesu õ sehe ni yahuha tinare:

—Masa ti baharo bũhũsehei ñano yoa cohtaina jira mũsa. Panopũre Cohamacu yare yahu mũhtariro cjiro Isaia potocãta yahuro niri jira mũsa yoaro sehe tũhoerainare. Õ sehe ni yahu, joaa tiha tiro:

“Ahrina masa yũhũre noano durucupahta ti tũhotuapũ yũhũre ne ño payoerara.

<sup>7</sup> Ñ jia yũhũre ti ño payoa yaba cjihti jierara.

‘Cohamacu ya dutia jira ahri’, ni mahũo buhera ti ya buhea sehere”,

ni joaha Isaia cjiro. <sup>8</sup> Tĩ potocã tjira. Cohamacu ya dutia sehere duhu, masa ti yoa dutia sehere cohtota yoa yũhdũrucũ sua tira mũsa. <sup>9</sup> Cohamacu ya dutiare cohãna, mũsa coyee ya dutia sehere yoara mũsa. <sup>10</sup> Õ sehe yoana Cohamacu ya sehere yũhdũrucũna nina mũsa: Panopũre õ sehe niha Cohamacu Moise cjiro to joariro seheta: “Mũsa pũcũsumare ño payoga. Cũiro to pũcũsumare ñano quiti dahreriro jiro tí buhiri ti wajãhtiro cjihto jirohca”, niha Cohamacu Moise cjirore to cũri dutiai. <sup>11</sup> To ã nipachũta õ sehe yoa dutira mũsa ti pũcũsumare yoadoho dutierana: Ti pũcũsumare ti waborire Cohamacu sehere wa dutira mũsa. Ñ ni buhemana mũsa. <sup>12</sup> Ñ buhena ti pũcũsumare ño payochũ yoaerara mũsa tinare. <sup>13</sup> Ñ yoana Cohamacu dutiare yũhdũrucũna nina mũsa mari ñũchũsuma cjiri ya dutia sehere yoana. Painare mũsa buhea dihtare tũho dutira mũsa. Payũ tó sehe jiare yoara mũsa —niha Jesu tinare.

<sup>14</sup> Ñ ni tuhsũro paina cũhũre pjirocaha tiro. Õ sehe niha tinare:

—Mũsa jipihtina yũhũre tũhona taga. Tuhsũ yũ niare noano tũho ñahaga mũsa. <sup>15</sup> Mũsa dũserire sãa sehe mũsa chũa sehe mũsare buhiri tichũ yoaerara. Ñaare mũsa tũhotua sehe

músare ñaina jichu yoara. 16 [Yuhure noano tuhoga musa] —niha Jesu.

17 Tinare ã ni yahu tuhsu Jesu masa cahapu jiro cjiro waha, wuhuru sã wahaha. Ñ to sã suchu ñua to buheina sehe to buherire sinitu ñua. Ti ã sinitu ñuchu tuhoro õ sehe niha tiro:

18 —¿Musa cūhu ne tuho ñahaerasinijari tíre? Musa duserire sã sehe musa chua sehe músare ñaina jichu yoaerara, Cohamacu to ñuchu. 19 Tí musa tuhoutuapure sãerara. Musa pjaropu sã su, yuhdu wijaa wahara —niha Jesu.

Ñ nino “Jipihtia chua noaa jira”, nino niha. 20 Ñ yoa õ sehe ni namoha tjao:

—Musa ñaa durucua sehe musa duseri wijaa sehe músare ñaina jichu yoara, Cohamacu to ñuchu. 21-22 Ñano tuhouta, numia mehne ñano yoarucua, yaca, masare wajãa, namo tiriropu jiparota pacorore manu tiricorore wana tia, paio yare tuaro cjoa, ñano yoaa, mahñoa, buo tiro marieno ñaa yoaa, paina ti cjuare ñu yabia, ñano quiti dahrea, “Painare yuhducaja”, ni tuhouta, tuho masieraina jia, tí jipihtia músare musa tuhoutuapu tara. 23 Jipihtia ahri ñaa musa tuhoutuapu taa, músare ñaina jichu yoara, Cohamacu to ñuchu —niha Jesu.

### **Judio masono jieraricoro Jesure wacū tuaha**

*(Mt 15.21-28)*

24 Ñ ni tuhsuro Tiro wama tiri maca cahapu, Sidõ wama tiri maca cahapu suro tó macari wuhuru sã wahaha. Ñ sãhno painare to jiri wuhure yahu dutieraha. Ñ yahu dutieraparota tinare tiro duhti masieraha. 25 Tí pjareta numino to macono watino to cohtotaricoro to cahai jia. Ñ jia Jesu yoirire ñua paina to pocorore yahuha. Ti ã yahuri baharo to pocoro sehe waha, Jesu dahpori cahapu na tuhcuca caha suha tirore ño payoro. 26 Ticoro Sirofenicia wama tiri yahpa macaricoro jia.

—Watínore cohã wiosiniga yu macore —ni siniha ticoro Jesure.

27 To ã sinichu tuhoro õ sehe niha Jesu:

—Wahmanore wuhu puru pohna ya chware dieyacãre yu wa mughtachu tó wahaerara. Israe masa yare pa yahpa macainare yu wa mughtachu tó wahaerara —niha Jesu ticorore piti dahre yahuro.

28 —Ã tjira pũtoro. Ã jipachũta dieyacã cũhũ mesa docai ti pohna ti chũ site boroare chũ cohtara tinacã cũhũ. (Pa yahpa macaricoro yũ jipachũta yũhũ cũhũre yoadoho masina mũhũ) —ni yũhtiha ticoro.

29 —Mũ ã ni yũhtichũ mũ macore watĩno wijaa tuhsũhre. Ñũco wahaga —niha Jesu ticorore.

30 To ã nichũ tũhoro majare tjuaa, to wũhũpũ tju sũro, to maconore watĩno marienicorore camapũ jiricorore ñũha.

### **Cahmono tũhoerarirore, durucu masierarirore noariro wahachũ yoaha Jesu**

31 Tĩ pjare Jesu Tiro wama tiri maca cahapũ jiriro waha, Sidõ wama tiri macare sũ yũhdũ wahcã, Decapoli wama tiropũ jia macarine sũ yũhdũ wahcã, Galilea wama tiri bũcũpariropũ sũha jũna. 32 ã jia cahmono tũhoerarirore, noano durucu masierarirore Jesu cahapũ na wihaha paina.

—Mũ wamomaca mehne ña payoga tirore —ni siniha tina tirore.

33 Ti ã nichũta Jesu sehe tũhoerarirore na wahcã, masa marienopũ sũho sũha. Ti sahsero jiha. Tuhsũ, Jesu to wamo picari mehne tũhoerariro cahmo coparire be sõha. ã yoa tuhsũ, chahcho puti, to ñahmanore ña payoha.

34 ã yoa tuhsũ mũanopũ ñũ mũo, yajeri na, õ sehe niha:  
—Efata —niha Jesu. (“Efata” nino, “Pjõohga”, nino nina. ã nino tirore tũho dutiro niha. ã nino noano durucu dutiro niha.)

35 To ã nichũta tiro sehe tũho boca, to ñahmano bidaro wahachũ tũhoturo noano durucuha. 36 ã jiro Jesu tinare tíre painare yahu site dutieraha. To ã yahu site dutierachũ tũhopahta tina sehe painare yahu site namoha. 37 ã jia masa tũho cũa yũhdũa waha, õ sehe niha:

—Jipihtiare tiro noano yoara. Tũhoerainare noano tũhochũ yoara. Durucu masieraina cũhũre noano durucuchũ yoara Jesu —niha masa.

### **Cuatro mil bui masare chũare waha Jesu (Mt 15.32-39)**

**8** 1 Tĩ pjare pari turi masa payũ ti cahmachuri baharo chũa maeraina ti jichũ ñũno Jesu to buheinare pjirocaha:

2 —Ahrina masa tia dacho waro yũhũ mehne ji tuhsũra. ã yoa tinare puhĩ mariahna. Ti puhĩ maerachũ ñũcũ tinare

pja ñaja yuhũ. <sup>3</sup> Paina tina mehne macaina yoaropũ tahre. “Tinapũ jũca baaina mahai borari”, nicũ tinare chũa marieno ti wuhũsepũ waha duti duaeraja. <sup>4</sup> Ñ jicũ tinare puhi wa duaja —niha Jesu to buheinare.

<sup>4</sup> —¿Dohse yoa mari õre masa marienopũre pãore boca wabocari mari? —niha to buheina sehe Jesure.

<sup>5</sup> —¿Nohope curiri pão curirire cjuajari mũsa? —ni sinituha Jesu.

—Siete curiri jira —niha tina.

<sup>6</sup> Ti ã ni yũtichũ tũhoro, tiro masare yahpai duji duti, siete curirire pão curirire na, Cohamacũre “Noana”, niha. Ñ ni tuhsũ, tí curirire nuha, to buheinare wa, masare witi dutiha. To ã dutiri baharo to buheina sehe pãore masare witiha. <sup>7</sup> Ñ jia wahi cũhũre mahainacã cjuaha tina. Ñ jiro tinare Cohamacũre “Noana” ni, wahi cũhũre witi dutiha. <sup>8</sup> Ti witi tuhsũchũ tina chũa, yapi yũhdũa wahaha. Ti yapi wahyorire siete pũhũse waro wahpo dapoha tina. Tina cuatro mil bui masa jiha. <sup>9-10</sup> Ñ yoa tuhsũ Jesu masare coha sitiha. Coha siti tuhsũ to buheina mehne dohoriapũ samuha. Samu tuhsũ Dalmanuta wama tiro cahapũ wahaha.

**Fariseo curua macaina Jesure Cohamacũ  
tuaa mehne yoa ño dutiha**  
(Mt 16.1-4; Lc 12.54-56)

<sup>11</sup> Ñ yoa fariseo curua macaina wihi, Jesu mehne cahma sayoha. Tina Jesure Cohamacũ tuaa mehne yoa ño dutia, to yoa ño masierachũ ñũ duamaha. <sup>12</sup> Ti ã dutichũ tũhoro Jesu cahyaro mehne yajeri sãano, õ sehe niha:

—¿Mũsa mipũ macaina dohse yoana mũsa Cohamacũ tuaa mehne yoa ñoare ñũ duajari? Potocã niita nija mũsare. Mipũ macainare mũsare Cohamacũ tuaa mehne ne yoa ñosi yuhũ —niha Jesu.

<sup>13</sup> Ñ ni tuhsũ waha, pari turi dohoriapũ samu, sie coapũ pahãa wahaha.

**Fariseo curua macaina, Herode mehne macaina  
cũhũre ñaare ti buheare yahuha Jesu**  
(Mt 16.5-12)

<sup>14</sup> Ñ wahaa, pãore boa waha, dohoriã cũ curita pãore cjuaha tina. <sup>15</sup> Ñ yoa Jesu cuaro mehne yahuha tinare:

—Noano yoanohbũ. Fariseo curua macaina, Herode mehne macaina cũhũ ti pão bũcũarore ñũna noano yoaga. Cua nina tí —ni yahuha.

16 To ã nichũ tũhoa tina to buheina sehe tíre ti basi õ sehe ni durucuha:

—Mari pãore mari na taerachũ ñũno ã nino nica ahriro —nimaha tina ti basi.

17 Ti ã nirire masino tinare õ sehe ni sinituha Jesu:

—¿Dohse yoana mũsa pão borire wacũjari mũsa? ¿Mũsa masierasinihari? ¿Tũho ñahaerasinihari? ¿Tũho duaerajari mũsa? 18 ¿Capari tiina jipanahta ñũerajari mũsa? ¿Ã jina cahmori tiina jipanahta tũhoerajari mũsa? ¿Mũsa ahrire wacũerajari? 19 ¿Yũhũ cũ wamomaca pihtia pão curirire nuha, cinco mil bui masare yũ warire wacũerajari mũsa? ¿Ti yapí wahyorire nohope pũhũsere pão curirire wahpo dapori mũsa? —niha Jesu tinare.

—Doce pũhũse —ni yũhtiha tina tirore.

20 —¿Ã yoa yũhũ siete curirire pão curirire cuatro mil bui masare yũ wari baharo nohope pũhũsere pão curiri wahpo dapori mũsa? —niha Jesu.

—Siete pũhũse —ni yũhtiha tina tirore.

21 —¿Ã ñũpanahta noano tũho ñahaerasinihari mũsa? —niha Jesu tinare.

### Jesu capari ñũerarirore ñũchũ yoaha

22 ã yoa tina Betsaidapũ ti sũchũ ñũa, masa sehe capari ñũerarirore na wihiha.

—Tirore ña payoga —ni, tuaro siniha tina Jesure.

23 Ti ã sinichũ tũhoro, Jesu capari ñũerariro wamomacare ñaha, tí maca dũhtũ cahapũ tirore tũã wahcãha. Tórpũ na sũ, to caparire chahcho puti, to wamomacari mehne tirore ña payoha.

—¿Mũ ñũchũ bajujari? —ni sinituha Jesu.

24 To ã nichũ tiro sehe ñũno, õ sehe niha:

—Mũare ñũja. Yũ ã ñũpachũta tina yucũri tinia yucũ yoaro sehe bajura —niha capari ñũerariro cjiro.

25 To ã nichũ tũhoro Jesu sehe to wamomacari mehne to caparire ña payoha tjoa. To ã ña payori baharo capari ñũerariro cjiro tuaro to ñũchũ to capari noano bajuha. ã yoaro jipihtiare



noano ñuha tiro. <sup>26</sup> To ã ñu masichu ñuno, Jesu tirore to wuhuru warocaha.

—Macapu pinihtare wahai tjiga —niha Jesu tirore.

**“Jesu potocã Cristo, Cohamacu to warocariro jira”, ni yahuha Pedro**

*(Mt 16.13-20; Lc 9.18-21)*

<sup>27</sup> Ñ yoa Jesu to buheina mehne Cesarea Filipino wama tiri maca cahai jia macaripu waha namoha. Tõpu ti waharo wato, Jesu õ sehe ni sinitu ñuha to buheinare:

—¿Diro baro jicari yuhu masa yuhure ti tãhotuchu? —ni sinitu ñuha tiro tinare.

<sup>28</sup> To ã sinitu ñuchu tãhoa õ sehe ni yãhtiha tina:

—“João masare bautisariro cjiro jira”, nina paina. Paina “Elia jira”, nina. Paina “Cohamacu yare yahu mãhtaina cjiri mehne macariro jira”, nina mãhure —ni yãhtiha to buheina tirore.

<sup>29</sup> Ti ã ni yãhtiri baharo Jesu õ sehe ni sinitu namoha tinare:

—¿Musa sehe musa tãhotuchu diro baro jicari yuhu? —ni sinitu ñuha tjoa.

—Muhu Cristo Cohamacu masare yãhdo duti to warocariro jira —ni yãhtiha Pedro.

<sup>30</sup> To ã nichu tãhoro Jesu õ sehe niha:

—Yuhure “Cristo jira tiro”, ni yahu sitesiniena tjiga painare —niha tinare.

**Jesu to yariahtore, to masa wijaahito cãhure yahuha**

*(Mt 16.21-28; Lc 9.22-27)*

<sup>31</sup> Tinare to ã ni sinitu ñuri baharo, õ sehe ni buhe dũcaha tiro:

—Yuhu masuno Cohamacu warocariro jija. Ñ jicu tuaro ñano yãhdũcũhca. Ñta waharo cahmana yuhure. Mari coyeya judio masa, bũcũna, sacerdotea pãhtoã, mari judio masare buheina yuhure cahmaeraa, yuhure wajã dutiahca. Ti ã wajãchũ tia dacho wahaboroi masa wijaaĩhca —niha Jesu tinare.

<sup>32</sup> Ñ nino ne tãho wisiachũ yoaro marieno yahuro niha tinare. To ã nichu tãhoro Pedro sehe pa sehe curerocã Jesure

narucu su, tireo ã ni dutieraha. <sup>33</sup> To ã ni dutierachu tuhoro Jesu to buheinare majare nu, tuhtiha Pedrore:

—Satana yoaro sehe durucui nina muhu. Ñ nii tjiga. Mu tuhotua masa ya jira. Cohamacu ya jierara —niha tiro Pedrore.

<sup>34</sup> Ñ ni tuhsu masare to buheina mehne tiro cahapu pjiroca, õ sehe niha:

—Cũiro yu yairo ji duaro, to cahmano yoa duamarire duhunocanohca. Ñ jiro crusapu yu ñano yuhduhtiro seheta tiro yu yairo to jiri buhiri ñano yuhduparota yuhure duhusi. Ñ jiro yu yare yoarucuro jirohca. <sup>35</sup> Masuno to mu sũro to cahmano seheta yoariro pichacapu tiro waharohca. Ñ yoa masuno yu yare ã yoarucuro, noaa buheare ã yoarucuro, jipihtia dachoripe yuhu mehne manopu jirucurohca. <sup>36</sup> ¿Cũiro masuno ahri yahpa macaare jipihtiare cjuariro pichacapu waharo yabare wapatajari tiro? Ñ jiro ne wapataerara. <sup>37</sup> Pichacapu to wahachu ne dohse wapa wiohto basioerara. Masuno to jia tia wiho waro jierara. <sup>38</sup> Mipure ñaina, Cohamacure cahmaeraina ti mu sũro ti yoari dacho jiro nina. Cãina yu wamare, yu buheare ni dua buo tiboca. Ti ã yoachu nuhu yuhu masuno Cohamacu warocariro noaina anjoa mehne yu Pucu to si sitero mehne tjua tacu yu wamare ni duapahta buo tiinare buo tisãihca yuhu cũhu —ni yahuha Jesu.

**9** <sup>1</sup> Ñ ni tuhsu õ sehe ni namoha Jesu:

—Potocãta niita nija musare. Cãina musa õpũre jiina musa yariahto pano puhtoro Cohamacu to sũho jiropũre yu sãachu yuhure nuhahca —niha Jesu tinare.

### Jesu to pjacure cohtotaha

(Mt 17.1-13; Lc 9.28-36)

<sup>2</sup> Ñ yoa seis dachori baharo Jesu Pedrore, Santiagore, ã yoa Santiago bahuro João cũhure mudu tũcupu tina dihtare pji mujaha. Manopu ti muja sũri baharo ti nuocaroi to pjacure cohtotaha. <sup>3</sup> To suhtiro noano si sitero, noano yehseri suhtiro wahaha. Ahri yahpa macaa numia suhti cosaa numia ã yehsechu yoa masierara. <sup>4</sup> Ñ jia Elia cjiro, ã jichu Moise cjiro mehne Jesu mehne ti sũhuduchu nuha tina tiaro Jesu buheina. <sup>5-6</sup> Ñ jia tina tuaro cuiha. Ñ cuiro dohse ni masieramahno õ sehe nimaha Pedro:

—Pũhtoro, mari õi jichũ noa duara. Tia wũhũcã yoanahtja sã. Mũ ya wũhũcã, Moise ya wũhũcã, Elia ya wũhũcã yoanahtja —nimaha tiro Jesure.

7 To ã niri baharocãta, me curua ti bui duji pja sũha. To ã duji pja sũchũta, me curua watoi õ sehe nino coa taha:

—Ahriro yũ macũ yũ cahĩro jira. Tũhoga tirore —nino coa taha.

8 Æ nino coa tachũta Pedro cũhũ ñũrocamaha. Jesu dihtare ñũha. Ti ñũrina cjiri sehe mariaha jũna. 9 Æ jiro tũcũpũ ti duji tachũ Jesu tinare õ sehe ni yahuha:

—Michapucacã yũhũre ã waharire painare yahuena tjiga. Yũhũ masũno Cohamacũ warocariro yũ yaria masa wijaari baharo tíre painare yahuga mũsa —ni yahuha tiro.

10 Æ jia to dutiriro seheta tina ti ñũrire yahueraha painare. Æ jia tina ti basi õ sehe ni sinitu durucuha:

—“Yũ yaria masa wijaari baharo” nino, ¿dohsearo ã niri tiro? —ni durucuha tina.

Æ jia Jesure õ sehe ni sinituha:

11 —“Cristo to tahto pano Eliare ta mũhtano cahmana”, nina mari coyea judio masare buheina. ¿Dohse jiro baro ã nijari tina? —ni sinituha tina tirore.

12-13 Jesu õ sehe ni yũhtiha:

—Potocã tjira. Eliare ta mũhta dutire Cohamacũ, jipihtiare cahno mũhtahtiro cjihtore. Yũhũ masũno Cohamacũ warocariro payũ tahari ñano yũhdũihca. Paina yũhũre cahmaeraa, ñano yoaaahca. ¿Tí cũhũre masijari mũsa? Æ jicũ ahrire nihtja mũsare: Elia wihi tuhsũre. To ã wihipachũta tina ti cahmariro seheta tirore ñano yoaha. Æta ni joaha tirore —niha Jesu tinare.

### **Jesu wahma wahmũa tarirore noariro wahachũ yoaha**

*(Mt 17.14-21; Lc 9.37-43)*

14 Æ yoa duji ta, paina buheina cahapũ sũ, payũ masare ñũha Jesu. To buheina sehe judio masare buheina mehne cahma sayoa niha. 15 Æ jia Jesu cũhũ ti duji tachũ ñũa, jipihtina masa cũaa waha, tiro cahapũ mũrocaa wahaha. Tiro cahapũ sũa:

—¿Tamajari? —niha tirore.

16 —Tamaja —ni tuhsũ—, ¿dohse ni cahma sayona niri mũsa tina mehne? —ni sinituha Jesu to buheinare.

17 To ã ni sinituchũ tũhoro, masa watoi ducuriro ò shehe ni yahuha tirore:

—Buheriro, yũ macũre watĩno to cohtotarirore mũhũre na tamahi. Watĩno shehe tirore durucu dutierara. 18 Yũ macũre to ñahachũ yahparũ bora, bahca diho, bũhaa wahaa tire tiro. ã waharo sahpo tua tire. ã jicũ mũ buheinare watĩnore cohã wio dutimahi. Yũ ã dutipachũta tina shehe cohã wio masierare watĩnore —ni yahuha Jesure.

19 To ã nichũ tũhoro Jesu ò shehe niha tinare:

—Ne, yũhũre wacũ tuaerara mũsa. Yoabiari pja mũsare buhemaja yũhũ. ¿Noho puro yoari pja yũhũre mũsa caribobocari? Tirore na tahga yũhũre —niha Jesu.

20 To ã nichũ tũhoa watĩno to cohtotarirore Jesu cahai na taha. Ti na wihichũ ñũno watĩno shehe wahma wahmũa tarirore yahparũ doca caha sũ, tunu teterechũ yoaha. ã yoa sahpo tua wahaha.



21 —¿Noho puro yoari pja watĩno to cohtotariro jijari ahriro? —ni sinituha Jesu shehe to pũcũrore.

—Wihãrirocã jiroputa tiro watĩno to cohtotariro jira. 22 ã cohtotaro payũ tahari watĩno shehe tirore pichacarpũ, copũ cũhũre cohã wajãmaha. ã jicũ mũhũ yoa masicũ sãre pja ñũ, yoadohoga —niha to pũcũro Jesure.

23 To ã nichũ tũhoro ò shehe niha Jesu:

—¿Dohsea jiro baro “Mũhũ yoa masicũ”, nijari mũhũ yũhũre? Yũhũre mũ wacũ tuachũ ñũno, Cohamacũ jipihtiare yoa pahño masina mũhũre yoadohobasaro —niha Jesu.

24 To ã nichũta wahma wahmũa tariro pũcũro ò sehe ni sañurucuha:

—Mũhũre wacũ tuaja. Yũ wacũ tuaerachũ ñũcũ yũhũre yoadohoga mũhũre yũ noano wacũ tuahto sehe —niha tiro.

25 Æ jiro masa payũ tina cahapũ mũroca ta, ti cahmachuchũ ñũno, Jesu watĩnore ò sehe ni tuhtiha:

—Mũhũ durucu dutierariro, tũho dutierariro ahrirore cohtotariro wijaahga. Æ wijaacũ tirore pari turi cariboi tjiga —niha Jesu.

26 To ã nichũ tũhoro watĩno sañurucu, wahma wahmũa tarirore yahpapũ doca caha sũ tunu teterechũ yoa, wijaaha. To ã wijaachũ wahma wahmũa tariro yariariro yoaro sehe wahaha.

27 —Tiro yariaa wahara —nimaha masa payũ.

Ti ã nipachũta Jesu sehe to wamomacare ñaha, tirore wahcõha. To ã wahcõchũ wahcãha tiro sehe. 28 Baharo Jesu cũhũ wũhũpũ ti sãa sũchũ to buheina tirore ò sehe ni sinitu ñũha:

—¿Dohseana sã sehe watĩnore cohã wio masierari, mũ tũhotuchũ? —ni sinitu ñũha tina.

29 —Ahriro baro watĩnore cohã wio duana Cohamacũre tuaro sinino cahmana mũsare. [Æ yoa duana chũ duhuro cahmana mũsare Cohamacũre sinina tana] —ni yũhtiha Jesu tinare.

### **Pari turi Jesu to yariahtore, to masa wijaahatore yahuha**

*(Mt 17.22-23; Lc 9.43-45)*

30 Æ yoa tórpũ jiina waha, Galilea yahpapũ sũ, yũhdũaha. Tórpũ ti waharire paina ti masichũ cahmaeraha Jesu to buheinare buhe duaro. 31 Tórpũ sũro to buheinare buhea tiha. Ò sehe ni buheha:

—Yũhũ masũno Cohamacũ warocariro jija. Masa yũhũre ñaha, painapũre yũhũre waahca. Ti ã wari baharo yũhũre wajãahca tina. Ti ã wajãricũ tia dacho wahaboroi masa wijaaihca —niha tinare.

32 To ã nichũ tũhoa tina noano tũhoeraha. Æ jia cuia tirore tíre sinitu ñũ namoeraha.

**Jesu buheina tina mehne macarirore pũhtoro sũ duaa nimaha***(Mt 18.1-5; Lc 9.46-48)*

33 Ñ yoa tina Capernaupũ ti sũri baharo wũhũpũ ti jichũ Jesu sehe õ sehe ni sinituha tinare:

—¿Mahapũre tana, dohse ni durucu tana niri mũsa? —ni sinituha tinare.

34 To ã nichũ tina yũhtieraha. Mahapũre taa, cahma õ sehe ni durucu taa niha:

—¿Mari mehne macarirore diro sehere mari pũhtoro sũnahcari mari? —ni durucua niha mahai tarucua.

35 Ñ jia ti ã nirire bũo tia Jesure yũhtieraha. Ti ã yũhtierachũ ñũno Jesu nuju sũ, to buheinare doce buheinare pjiroca õ sehe niha:

—Mũsa pũthoa ji duana jipihtina masa ti cahamaca jiro cahmana mũsare. Tuhsũ, wiho jiina jipihtina docai jinahca mũsa —niha Jesu tinare.

36 Ñ nino nijinocãre tina watoi duhu dapoha. Duhu dapu tuhsũ tirocãre na wũa, õ sehe ni yahuha:

37 —Yũ yare yoa duana ahrirocãre mũsa cahmana, yũhũ cũhũre cahmana mũsa. Ñ yoa yũhũre cahmana, yũhũre warocariro mari Pũcũ cũhũre cahmana mũsa —niha Jesu tinare.

**Marine ñũ tuhtiriro jieraro, mari mehne macariro jira***(Mt 10.42; Lc 9.49-50)*

38 Baharo João õ sehe niha Jesure:

—Buheriro, mũ wama mehne mũ tuaa mehne watĩare cohã wiorirore sã ñũhi. Tiro mari mehne macariro to jierachũ ñũna tíre tirore yoa dutiera tihi sã —niha tina.

39 Ti ã nichũ tũhoro Jesu tinare õ sehe ni yahuha:

—Ñ niena tjiga mũsa tirore. Cãiro yũ wama mehne Cohamacũ tuaa mehne yoaro, baharo yũhũre ñano ni durucu masierara. 40 Marine ñũ tuhtiriro jieraro, tiro mari mehne macariro jira. 41 Mũsare potocãta nii nija. Yũ yaina mũsa jichũ ñũa paina mũsare ti yoadohochũ ñũno Cohamacũ tinare noano yoarohca. Core mũsare ti sihõchũ mahanoã ti wapachũta tinare noano yoarohca Cohamacũ ti ã yoari wapa —niha Jesu tinare.

## Ñaare yoachũ cua nina

(Mt 18.6-9; Lc 17.1-2)

42 Ñ yoa Jesu õ sehe ni yahu namoha:

—Ahrirocã sehe jirirore yũhũre wacũ tua dũcarirore yahuihtja mũsare. Pairo ahrirocã sehe jirirore ñaare yoa dutiro tiro ñabiaro yũhdũrohca. Cũirore to wamũapũ pjiria tãcare dũhte yo, pjiri mapũ tirore ti cohãchũ ñano wahaboa tiro. Ñ jiro ahrirocã sehe jirirore ñaare yoa dutiriro tiro sehe pjiri mapũ ti cohãriro yũhdoro ñano yũhdũrohca.

43-44 'Mũ wamomaca mehne ñano yoacũ tí wamomacare mũ dũte cohãboro seheta tí mũ ñaa yoaa sehere duhuga. Tíre duhueracũ pichacapũ wahaihca. Tópũre ne pichaca yatierara. [Ñ yoa dachoa ne yarierara.] Mũ wamomacare mũ cohãchũ tí si dihta butiboa. Tuhsũ, mũhũ sehe ã si jipaihta baharo Cohamacũ mehne jiihca. Pũa wamomaca mehne pichacapũ wahacũ mũ ã wahachũ ñaa yũhdũaboa mũhũre. Ñ jicũ tí mũ ñaa yoaa sehere duhuga.

45-46 'Mũ dahporo mehne ñano yoacũ tí dahporo cũhũre mũ dũte cohãboro seheta tí mũ ñaa yoaa sehere duhuga. Tíre duhueracũ pichacapũ wahaihca. [Tópũre ne pichaca yatierara. Ñ yoa dachoa ne yarierara.] Mũ dahporore mũ cohãchũ tí si dihta butiboa. Tuhsũ, ã si jipaihta baharo Cohamacũ mehne jiihca. Pũa dahporo mehne pichacapũ wahacũ mũ ã wahachũ ñaa yũhdũaboa mũhũre. Ñ jicũ tí mũ ñaa yoaa sehere duhuga.

47-48 'Mũ capariaca mehne ñano yoacũ tiare orewe mũ cohãboro seheta tí mũ ñaa yoaa sehere duhuga. Tíre duhueracũ pichacapũ wahaihca. Tópũre ne pichaca yatierara. Ñ yoa dachoa ne yarierara. Tiare mũ cohãchũ tia dihta butiboa. Cũ bũhũsehe capariaca mariapaihta baharo Cohamacũ mehne jiihca. Pũa capariaca mehne pichacapũ wahacũ mũ ã wahachũ ñaa yũhdũaboa mũhũre. Ñ jicũ tí mũ ñaa yoaa sehere duhuga.

49 'Ahri yahpai jina ñano yũhdũnahca mũsa. Pichacapũ mari jũchũ marine purĩno seheta ñano yũhdũnahca mũsa.  
50 Moa noano coara. Moa coerachũ, coa yoahito basioerara. Moa coeraro tí moa ne noerara. Tí moare dohseahito basioerara. Moa noano to coaro seheta mũsa cũhũ ji coaina jiga. Tuhsũ, paina mehne noano mehne jiga —ni yahuha Jesu tinare.

### Ti namosãnumiare cohãare yahuha Jesu

(Mt 19.1-12; Lc 16.18)

**10** <sup>1</sup> ã yoa tiro tópru jiriho waha, Judea yahpa caharu su, Jordão wama tiri ma pa buhusehe coaru suha. Tópru to suchu ñua masa payu tiro caharu cahmachuha tjoa. Ti ã cahmachuchu ñuno tó pano to buheriro seheta pari turi buheha tjoa. <sup>2</sup> To ã buhero watoi fariseo curua macaina wihiha. Jesure ñano to durucuchu tãho duamaha tina tirore yahusa duaa. ã tãho duaa tina Jesure õ sehe ni sinitu ñuha:

—¿Mari namore cohãchu noabocari? ¿Mari dutia sehe tó seheta yoa dutijari, mu tuhutuchu? —ni sinitu ñuha tina.

<sup>3</sup> —¿Dohse yoa dutiri Moise cjiro musare? —ni yũtiha Jesu.

<sup>4</sup> —“Mu namore cohã duacu papera pũ tĩre joaga. ã joacu tí pũre mu namore mu wari baharo ticorore cohã masina mũhu”, ni joaa tiha Moise cjiro —ni yũtiha fariseo curua macaina sehe.

<sup>5</sup> Ti ã nichu tuhoro õ sehe ni yahuha Jesu:

—Cohamacu dutiare musa yoa duaerachu ñuno ã ni joaa tiha Moise cjiro. <sup>6</sup> To ã ni joariro jipachuta ahri yahpare bajumehneriro muno, numino cũhure yoaha. <sup>7</sup> ã jiro muno to pũcũmare cohã wijaa, to namono mehne jirohca. <sup>8</sup> ã jia tina pũaro jipahta cũ pjacu yoaro sehe jira. Tina pũaro yoaro seheta jierara. Cũ pjacu yoaro sehe jia nina. <sup>9</sup> Cohamacu to wamomaca dũhte dutiina jira. ã jia tinare duhueraro cahmana —niha Jesu tinare.

<sup>10</sup> ã ni tuhsu tiro to buheina mehne wũhũru sãa wahaha. Wũhũru sãa sua, ti namosãnumiare cohãare to buheina sinitu ñuha tjoa tirore. <sup>11</sup> Ti ã sinitu ñuchu tiro õ sehe ni yũtiha:

—To namonore cohãriro pacorore namo tiro, pacoro mehne ñano yoariro jira. ã jiro to cohãricorore ñano wahachu yoaro nina. <sup>12</sup> ã yoa numino sehe to manũnore cohãno, paire manũ tiro, tiro mehne ñano yoaricoro jira —niha Jesu tinare.

### Macanacã ya cjihtire Cohamacure sini payoha Jesu

(Mt 19.13-15; Lc 18.15-17)

<sup>13</sup> ã yoa macanacãre Jesure ña payo dutia taa tinacãre Jesu caharu na taa tiha. Ti ã na tachu ñua to buheina sehe tinacãre na tainare tuhtiha. <sup>14</sup> Ti ã tuhtichu ñuno Jesu suaha tina mehne. ã suaro õ sehe niha tinare:



—Macanacã yu cahapũ tajarõ. “To cahai wahaena tjiã”, niena tjiã tinacãre. Tinacã Cohamacũre ti pũhtoro tũhotura. Pũhtoro Cohamacũ to sũho jiina ahrinacã yoaro sehe tũhotuina baro dihta jira. 15 Potocã niita nija mũsare. Ahrinacã Cohamacũ ti pũhtoro cjihtore cahmana. Ti yoaro sehetã mũsa cũhu Cohamacũ mũsa pũhtoro cjihtore cahmaerana, pũhtoro Cohamacũ to sũho jihtina ne jisi mũsa —niha Jesu.

16 Æ ni tuhsũ Jesu macanacãre na wũa tjiãhno, tinacãre ña payoro, õ sehe niha:

—Ahrinacã noainacã wahajaro —ni sini payoha Cohamacũre.

### **Pache pũro Jesure sinitu ñũha**

*(Mt 19.16-30; Lc 18.18-30)*

17 Æ yoa Jesu mahai to waharucuchũ paio sehe mũroca wihi, to dahpori cahapũ na tuhcuã caha sũha tirore ño payoro.

—¿Ne, noariro buheriro, yũhu jipihtia dachoripe Cohamacũ mehne ã jirucu duacu dohse yoacũhcari yũhu? —niha tiro Jesure.

18 To ã nichũ Jesu õ sehe ni yũhtiha:

—¿‘Noariro’ ni pisujari mũhu yũhũre? Noariro sehe Cohamacũ dihta jira. 19 Ahri Cohamacũ dutiare masina mũhu: Masare wajãena tjiã. Namo tiriropũ paye numia mehne jiena tjiã. Yacaena tjiã. Mahũoa mehne paioire yahusãena tjiã. Paina yare mahũo naena tjiã. Mũsa pũcsũmare ño payoga. Ahri dutiare yoaihca mũhu —ni yahuha Jesu tirore.

20 —Buheriro, yũhu tí jipihtiare wahma wahmũa tariro jiiipũta yũhdũrucaera tihĩ yũhu —niha tiro Jesure.

21 To ã nichũ tũhoro Jesu sehe tirore cahĩa mehne ñũroca õre. Æ ñũroca õno, õ sehe niha:

—Mahanocã dũhsara mũhũre mũ yoa pahũohto. Jipihtiare mũ yare duai wahaga. Æ yoacu jipihtia mũ wapatari niñerure pjasũoinare waga. Mũ ã yoachũ payũ mũ ya noaa mũanopũ, Cohamacũ cahapũ jiyuahca. Mũ ã yoari baharo yũhu mehne macariro cjihto taga —niha Jesu tirore.

22 To ã nichũ tũhoro tiro sehe payũ pache cjuariro jiro tíre pjasũoinare wa duaeraro, cahya, jicoaeraa, wahaa wahaha.

23 To ã cahyachũ ñũno Jesu majarencũ sũro, to buheinare ñũroca õ, õ sehe niha:

—Pache pua puhtoro Cohamacu to suho jiropure ti waha duachu mijobiara —niha tinare.

24 To ã nichu tuhoa tina sehe tîre tuho cuaa wahaha. ã ni tuhsu Jesu pari turi õ sehe ni yahu namoha tinare:

—Coyea, jipihtina [Cohamacure wacûno marieno “Mari mu suro mari cjuaa mehneta noano yuhdunahca”, ni tuhoutuina pache pua] puhtoro Cohamacu to suho jiropure ti waha duachu mijobiara. 25 Camello sehe awicã copacãre to sãa nuhri wijaa duachu basioerara. To ã jiro yuhdoro pache puro puhtoro Cohamacu to suho jiropure to waha duachu nu mijobiara —ni yahuha Jesu tinare.

26 To ã nichu tuhoa tina sehe tuho cua yuhdua waha, ti basi õ sehe niha:

—Cue, to nino seheta potocã jichu ne cûiro masunore yuhdoeraboca Cohamacu —niha tina ti basi.

27 Ti ã nichu tuhoro Jesu tinare ñuroca õ, õ sehe niha:

—Masa ti basi ti mu suro yuhdu masierara. Wiho mejeta Cohamacu sehe masare pichacapu wahaborinare yuhdo masina. Tiro jipihtiare noano yoa masi pahñoriro jira —niha Jesu tinare.

28 To ã nichu Pedro tirore õ sehe niha:

—Tuhosiniga. Sã sehe jipihtia sã yare cûnocaa tii muhu mehne tana —niha tiro Jesure.

29 To ã nichuta Jesu õ sehe niha:

—Potocã niita nija musare. Noaa buheare, yu yare yoana tana yuhure ño payona tana musa wuhusere, musa bahanare, musa pocosãnumiare, musa pohñare, musa weserire cûnocarina jina, pjîro wapatanahca musa mipure. 30 ã yoana musa wuhuserire, musa bahanare, musa pocosanumiare, musa pohñare, musa weserire, tó pano musa cjuariro yuhdoro mipure payu cjuanahca musa. ã yoa paina musare ñano yoaahca. ã jina baharopure pa turupu jipihtia dachoripe Cohamacu mehne jinahca. 31 Mipure payu puhtoa jirina cjiri tí pjarure wiho jiina tjuanocaahca. ã yoa mipure payu wiho jiina jirina cjiri tí pjarure puhtoa cohtotaahca tjoa —ni yahuha Jesu tinare.

**Pari turi Jesu to yariahtore, to masa wijaahtore yahuha**

*(Mt 20.17-19; Lc 18.31-34)*

32 ã yoa tina maharu maja, Jerusalëpu mujaa niha. Jesu ti panocã mu tâha. ã to mu tâchu ñua to buheina ñu cuaa

wahaha. Ñ yoa ti baharo nũnũ tiina sehe cuiro mehne nũnũ tiha. Ñ yoa Jesu doce to buheinare ti sahsero naaha tjoa. Ñ naa tuhsũ, masa tirore ti dohse yoachtire Jesu yahu dũcaha tinare:

33 —Tũhoga yũhũre. Mipũre Jerusalẽpũ wahana nija mari. Tõpũ masa yũhũre masũnore Cohamacũ warocarirore ñaha, painapũre yũhũre waahca. Sacerdotea pũhtoare, mari coyea judio masare buheina cũhũre yũhũre waahca. Ñ jia yũhũre wajã dutiahca tina. Ñ wajã dutia judio masa jieraina sehere yũhũre waahca. 34 Ti ã wari baharo tina sehe yũhũre bũjũpe, chahcho puti sihõ, tjana, wajãahca. Ñ yoa yũ yariari baharo tia nũmũ wahaboroi masa wijaaĩhca —ni yahuha Jesu tinare.

### Santiago João mehne Jesure siniha

(Mt 20.20-28)

35 Ñ yoa Santiago, João mehne Jesu cahapũ sũa, siniha tirore. Tina Zebedeo pohna jiha. Ñ jia õ sehe ni siniha:

—Buheriro, sã sinino seheta sãre yoaga mũhũ —niha tina Jesure.

36 —¿Dohse yũ yoachũ cahmajari mũsa? —niha Jesu tinare.

37 —Jipihtina bui pũhtoro jicũ sãre mũhũ mehne duji dutiga. Cũiro mũ potõ bũhũsehei paio mũ cõ bũhũsehei duji dutiga sãre, mũhũ mehne pũhtõa sã jihto sehe —niha tina Jesure.

38 Ti ã nichũ tũhoro õ sehe ni yahuha Jesu tinare:

—Mũsa ñano yũhdũhtore masierapanahca ã sinina yũhũre. ¿Mipũre yũ ñano yũhdũhto seheta ñano yũhdũna cũno pjabocari mũsa cũhũ? —ni sinituha tinare.

39 To ã sinituchũ tũhoa tina õ sehe ni yũhtiha:

—Cũno pjanahca —ni yũhtiha tina.

Ti ã nichũ Jesu õ sehe ni yahuha:

—Yũ ñano yũhdũhto seheta ñano yũhdũnahca mũsa cũhũ.

40 Mũsa ã yũhdũhtina mũsa jipachũta, yũhũ mehne dutihtinare, yũhũ mehne dujihtinare bese masieraja yũhũ. Ahrire yũ Pũcũ sehe cahno tuhsũre. Ñ jia to besehtina dihta yũ potõ bũhũsehei yũ cõ bũhũsehei dujiahca —niha Jesu tinare.

41 Ñ jia paina diez buheina Santiago, João ahrina pũaro mehne susiniha ti ã sinirire tũhoa. 42 Ti ã susinichũ ñano Jesu to buheinare pjiroca, õ sehe niha:

—Cohamacure masieraina puhtoa sehe ti masare dutia, purino mehne dutira. <sup>43</sup> Musa sehe ne a yoasi musa basi. Diro musa mehne macariro musa bui puhtoro ji duaro, jipihtina tiro mehne macaina cahamacuno yoaro sehe jia tiro cahmana tirore. <sup>44</sup> A yoa diro musa mehne macariro musare dutiriro ji duariro musa cahamacuno yoaro sehe jia tiro cahmana tirore. <sup>45</sup> To seheta jiriro jija yuhu cuhu. Yuhu masuno Cohamacu warocariro jipacuta ahri yahpapure yuhure musa yoadohohtire musare sinii tai nierahi. Musa sehere yoadohoi tai nii. A yoacu payu masa ya buhirire yaria, wapabasai tai nii. Yu a yariaro mehne payu masare pichacaru wahaborinare yuhduchu yoai tai nii —niha Jesu tinare.

### **Bartimeore, capari nuerarirore nuchu yoaha Jesu**

*(Mt 20.29-34; Lc 18.35-43)*

<sup>46</sup> A yoa baharo tina Jericoru suha. Jesu to buheina mehne, a jichu paina masa payu mehne ti macai jiina ti wahachu ti macare ti yuhdu wahcachu waro, Bartimeo sehe ti wahari maha duhtu cahai dujiha. Tiro Timeo macuno capari nuerariro jiro, masare niherucare a sinirucuriro jiha. <sup>47</sup> Ti wahari maha duhtu cahai dujiro, “Jesu Nazare macariro tara”, ti nichu tuhoro, Bartimeo sehe o sehe ni sanurucuha:

—Jesu, Davi cjiro panamino masare yuhdohtiro, pja nuga yuhure —ni sanurucuha Jesure.

<sup>48</sup> To a nichu tuhoa masa payu Bartimeore “Dihta mariaha”, ni tuhtiha tina tirore. Ti a ni tuhtichu tuhoro Bartimeo to pano to sanurucuriro yuhdo curero sanurucu namoha tjoa:

—Jesu, Davi cjiro panamino masare yuhdohtiro, pja nuga yuhure —ni sanurucuha tiro.

<sup>49</sup> To a ni sanurucuchu tuhoro Jesu sehe tjuarucu su, “Pjirocaga tirore”, niha. To a nichu tuhoa tina sehe capari nuerarirore o sehe ni yahuha:

—Wahchega. Wahcarucaga. Tiro muhure pjira —niha tina Bartimeore.

<sup>50</sup> Ti a nichu tuhoro to bui macari suhtirore tjuwe cu, pu wahcarucu su, Jesu caharu surucu suha. <sup>51</sup> A jiro, Jesu sehe o sehe ni sinituha tirore:

—¿Dohse yu yoachu cahmajari muhu? —niha Jesu tirore.

—Yu puhtoro, yuhure nuchu yoaga —niha capari nuerariro Jesure.

52 —Wahaga mũhũ. Mũhũ yũhũre wacũ tuacũ noariro wahara —niha Jesu tirore.

To ã nichũta capari ñũerariro ñũa wahaha. Ñ noariro waharo Jesu mehne mahapũ wahaa wahaha.

### Jerusalẽpũ sũha Jesu

(Mt 21.1-11; Lc 19.28-40; Jn 12.12-19)

**11** <sup>1</sup> Ñ yoa tina Jerusalẽpũ ti sũhto panocã tũcũ Olivo wama tidũ dũhtũ cahai jiri maca Betfagẽ wama tiri maca cahai, ã jichũ Betania wama tiri maca cahai sũ mũhtaha. Tĩ macari pũa maca cahai Jesu sũro, to buheina pũarore warocarõ taro, õ sehe ni yahu quihõha:

<sup>2</sup> —Sĩ macapũ wahaga. Tõpũ sũna dõihũta burrocãre ti dũhte daporirocãre boca sũnahca. Tiro ne cũiro ti pisamahnoerarirocã jica. Tirocãre bocana, yuta dare pjã, na tabasaga yũhũre.

<sup>3</sup> Mũsa tirocãre pjãchũ ñũno cũiro dohse jiriro, “¿Dohse yoana tana burrocãre dũhte daporĩ dare pjãjari mũsa?”, to nichũ tũhona, õ sehe ni yũhtiga tirore: “Mari pũhtoro burrocãre cahmarocasinire. Michapucacãta wiarohca tiro”, ni yahuga tirore —ni yahu duti warocaha to buheina pũarore.

<sup>4</sup> To ã nichũ waha, tĩ wũhũ sopaca cahai burrocãre ti dũhte daporirocãre bocaha. Boca, tirocãre pjãha. <sup>5</sup> Tirocãre yuta dare ti pjãchũ ñũa tõi ducuína õ sehe ni sinituha tinare:

—¿Dohse yoana tana burrocãre dũhte daporĩ dare pjãjari mũsa? —ni sinituha tina.

<sup>6</sup> Tĩ ã nichũ tũhoa, tina sehe Jesu to niriro seheta yahuha tõi ducuína. Tĩ ã ni yahuchũ tũhoa tõi ducuína sehe “Naahga”, niha tinare. <sup>7</sup> Ñ jia tina burrocãre Jesu cahapũ na sũha. Tĩ na sũri baharo tirocã bui ti bui sãa suhtire ti pjũpaha payo tuhsũchũ ñũno, Jesu sehe tirocã bui mũja pja, wahaha. <sup>8</sup> Tirocã bui to wahachũ ñũa, masa payũ ti bui sãa suhtire tjuwe na, to wahahti mahai saño cũ mũhtaha, Jesure ño payoa. Paina sehe campopũ pũri tia dũpũrĩre yucũ dũpũrĩre dũte na ta, to wahahti mahai duhu cũha.

<sup>9</sup> Ñ jia to pano wahaina, to baharo nũnũ tiina mehne õ sehe ni saũurucuha:

—Ahrĩrore wahche payojihna. Ahrĩro Cohamacũ to warocarĩro noano jijaro. <sup>10</sup> Mari ñũchũ Davi cjiro pũhtoro to noano sũho jiriro seheta, ahrĩro marine to sũho jĩhto cũhũ

noano jijaro. Mũano macariro Cohamacu, mũhũ tuariro waro jira —ni sañurucuha tina.

11 Ti ã yoari baharo Jesu sehe Jerusalẽpu sũha. Sũ, Cohamacu ya wũhũpu sãa sũro, tí wũhũi jiare jipihtiare ñũ pahñonocaha. Ñũ tuhsũ “Ñamichahapu waro jira marine” nia, Jesu to buheina doce buheina mehne Betaniapu wahaa wahaha.

### **Jesu higueraçure yaria dutiha**

*(Mt 21.18-19)*

12 Ñ yoa pa dachoi tina Betaniapu jiina wahaa wahaha. Ñ jiro Jesu sehe jũca baa, yoaropũ higuera wama tidũre noano pũri tidũre ñũno tũ dichare macano wahamaha. 13 Dicha mariaha. Dicha tiri pja jieraro pũri dihta jiha. 14 Ñ jiro dicha mariachũ ñũno õ sehe niha:

—Ahdũ dichare masa ne pari turi chũea tjiijaro. Ne dicha tiero tjiijaro —niha Jesu.

To ã nichũ to buheina sehe tũhoha.

### **Jesu Cohamacu wũhũre Cohamacu mehne durucuri wũhũre yoa dutiha**

*(Mt 21.12-17; Lc 19.45-48; Jn 2.13-22)*

15 To ã yoari baharo tina Jerusalẽpu sũha. Tõpu sũro, Jesu Cohamacu ya wũhũpu sãa sũro pache duainare, nuchũina cũhũre cohã wioha. Ñ yoaro niñeru cohtotaa mesarire yo wahcõ na majare cũ mũjaa tiha. Bujaare duaina ti dujia pahtari cũhũre ãta yoaha. 16 Ñ yoaro paye barore na sãa dutieraha masare. 17 Tõ sehe yoa tuhsũ, Jesu õ sehe ni buheha tinare:

—Õ sehe nina Cohamacu yare ti joari pũi: “Yũ wũhũ Cohamacu mehne durucuri wũhũ wama tirohca. Ñ jiro jipihtiro macaina ya wũhũ cjihto jirohca”, ni joa tiha Cohamacu yare ti joari pũi. To ã nipachũta mũsa sehe ahri wũhũi duana, mũsa basi cahma yacara mũsa —ni buheha tinare.

18 To ã ni buhechũ jipihtina masa sehe tũho cũaa wahaha. Ñ jia sacerdotea pũthoa, sã judio masare buheina mehne tirore cui niha. Ñ jia tina tirore ti wajãhti cjihtire wacũ macamaha. 19 Ti ã yoachũ ñamichahapu Jesu to buheina mehne tí macapu jirina cjiri wahaa wahaha.



### Higueracü ñaia wahaha

(Mt 21.20-22)

20 Ñ jia bohrearo maharü maja taa, higueracüre ñüha. Tü ñühoripü ñai düca, ñaia wahaha tü. 21 Türe ñüno Pedro sehe wacüno õ sehe niha:

—Buheriro, ñüga. Higueracü mü yaria dutidü yaria wahari jira —niha Pedro.

22 To ã nichüta Jesu õ sehe ni yahuha tinare:

—Cohamacüre wacü tuaga müsa. 23 Potocã niita nija müsare. Ahdü tücüre pjiri marü müsa cohã dutichü müsa niriro seheta ã waharohca. Cohamacüre noano müsa wacü tuachü “Yü siniriro seheta ã waharohca”, müsa ni tühotuchü müsa niriro seheta ã waharohca. 24 Ñ jicü ahrire yahuihtja müsare. Cohamacü mehne durucuna, tirore sinina, “Yü siniriro seheta warohca yühüre”, ni tühotuga. Müsa ã ni tühotuchü ñüno Cohamacü müsa siniare warohca. 25 Ñ yoana Cohamacü mehne müsa durucuhto pano müsare paina ti ñano yoachü müsa suari cjiire duhuga. Müsa ã yoachü ñüno Cohamacü müano macariro müsa ñaa buhirire tiro cühu sua duhurohca. 26 [Müsare ñano

yoainare m̄sa sua duhuerach̄a mari P̄ac̄a c̄uh̄a m̄ano macariro m̄sa ñaa buhiri sehere bosì tiro c̄uh̄a] —niha Jesu.

**Sacerdotea p̄h̄toa, judio masare buheina,  
b̄ac̄na mehne Jesu mehne cahma sayoha**  
(Mt 21.23-27; Lc 20.1-8)

27 To ã niri baharo tina Jerusalēp̄a wahaha tjoa. ã jia Jesu Cohamac̄a w̄h̄ui to tinich̄a ñaa sacerdotea p̄h̄toa, sã judio masare buheina, b̄ac̄na mehne tiro cahap̄a s̄aa tirore ò sehe ni sinitu ñ̄ha:

28 —¿Dohseac̄a can̄re ã yoari m̄uh̄? ¿Noa m̄uh̄re tíre ã yoa dutiri? —ni sinitu ñ̄ha tina Jesure.

29 Ti ã nich̄a Jesu ò sehe ni ȳhtiha:

—M̄sa sehere sinitu m̄htait̄ja. Noano ȳh̄re m̄sa ȳhtich̄a m̄sare yahuiht̄ja ȳh̄a c̄uh̄a. 30 ¿Joã masare to bautisach̄a diro baro sehe tirore bautisa dutia tiari, m̄sa t̄hotuch̄a? ¿O Cohamac̄a dutiera tiari? ¿O masa sehe tirore dutia tiari, m̄sa t̄hotuch̄a? —ni sinituha tinare.

31 To ã nich̄a tina sehe ti basi ò sehe niha: “¿Dohse ni ȳhtinahcari mari? ‘Cohamac̄a Joãore dutia tiri jire’, mari nich̄a, ‘¿Dohseana Cohamac̄a Joãore to dutipach̄ta tirore t̄hoerari m̄sa?’ niboca Jesu marine. 32 ã yoa, ‘Joã to bautisach̄a Cohamac̄a sehe tirore dutierari jire’, mari nich̄a masa sehe suaahca mari mehne”, niha tina ti basi. “Potocãta Joã Cohamac̄a yare yahu m̄htariro jira”, ni t̄hotua tiha masa sehe. Ti ã ni t̄hotuch̄a masia, Joãore doca dahre duaeraha sacerdotea p̄h̄toa c̄uh̄a, “Masa suari”, nia. 33 ã jia tina Jesure ò sehe ni ȳhtiha:

—Joãore bautisa dutirirore sã masieraja —niha tina Jesure.

—Tí p̄ja pinihta ȳh̄a c̄uh̄a ahrire ȳa yoare dutirirore yahueraja m̄sare —niha Jesu tinare.

**Ñaina dahra cohtaina quitire yahuha Jesu**  
(Mt 21.33-46; Lc 20.9-19)

**12** 1 ã yoa Jesu to t̄hotua mehne ò sehe ni piti dahre buhe d̄ac̄a tinare:

—Wese p̄ro se dari c̄jhtire toaha. Toa tuhs̄, sahr̄nore dapo, sere ti t̄ m̄tohti copare saha, m̄ari w̄h̄cã dahreha tiro. Tuhs̄, tí wesere painare c̄u b̄h̄sehe coa pahma c̄no, tí wesere ñ̄a wihbo dutiha. Ñ̄a wihbo duti tuhs̄, pa yahp̄a



wahaha tiro. <sup>2</sup> Baharo se ñiri pja jichu wese puro tirore dahra cohtaritore wese macaa to ya coa macaa dichare na dutiro warocamaha. <sup>3</sup> Ñ jia tí wesere ñu wihboina sehe tirore dahra cohtaritore ñaha, cjāha. Ñ yoa tuhsu tirore dahra cohtaritore se tōhorine waerapahta tjuaa dutiha tirore. <sup>4</sup> Ñ jiro wese puro paio tirore dahra cohtaritore warocamaha tjoa. Ñ jia wesere ñu wihboina sehe tirore dahra cohtariro dapure cami dahre, ñano yoaha tina tirore. <sup>5</sup> Tuhsu, paio sehere to warocachu ñu wihboina tirore wajāha. Payu paina cūhure ã dihta yoa mujaha. Paina sehere cjā, paina sehere wajāha tina.

<sup>6</sup> Ñ jiro wese puro macuno dihta dūhsaha. Tiro to cahīro jija. Ñ jiro to macunore warocaha juna, “Yu macu sehere ño payoahca”, nino. <sup>7</sup> To ã ni tūhotupachuta tina ñu wihboina ti basi õ sehe ni durucuha: “Wese puro macuno baharo ahri wesere cjuah tiro jira ahriro. Tirore wajājihna mari. Ñ jiro ahri wese mari ya wese tjuarohca”, nimaha tina ti basi. <sup>8</sup> Ñ nia tirore ñaha, wajā, wese dūhtu caharu na wahcā, cohānocahna tina tirore.

<sup>9</sup> ¿Ne wese puro taro dohse yoarohcari tiro wesere ñu wihboinare? Õ sehe yoarohca tinare: Tiro tinare wajāno, paina sehere wesere ñu wihbo dutirohca. <sup>10-11</sup> ¿Cohamacu yare ti joari pūre ahrire buherari musa? Õ sehe ni joaa tiha: “Ahriro Cristo tāca yoaro seheta jira.

Tācare wūhu dahreina ti cohāno seheta masa tirore cohāahca.

Ti ã yoapachuta mipure wūhu dahreina wūhure yoaa ti cū mūhtari tācare ti cūno seheta Cohamacu tirore pūhto sōre.

Cohamacu sehe ahrire yoare.

To ã yoachu ñuna, ‘Noa yūhdūara’, ni tūhotuja mari”, ni joaa tiha panoru. ¿Tíre ne buherari musa? —niha Jesu tinare.

<sup>12</sup> To ã nichu tūhoa sacerdotea pūhto, sã coyera judio masare buheina, bucuna mehne õ sehe ni tūhotuha: “Jesu wesere ñu wihboina quiti mehne marine tuhtiro nina”, ni tūhotuha. Ñ ni tūhotua Jesure ñaha duamaha. Ñ ñaha duapahta masare cui niha. Ñ cuia tirore cohā wahcā wahaha.

**Fariseo curua macaina, Herode ya curua macaina  
mehne gobierno macaa wapare sinituha Jesure**

*(Mt 22.15-22; Lc 20.20-26)*

13 Waha, tina fariseo curua macainare, Herode ya curua macaina cūhure Jesure sinitu dutia warocaha tjoa. Jesu ñano to yuhtichu yoa duamaha tina, tirore yahusāa taa. 14 Ñ jia Jesu cahapɛ sua, tirore mahño cū sinitu ñɛmaha:

—Buheriro, potocā durucuriro, mahñoa marieriro mɛ jichu masija sã. Cohamacu yare quihõno mɛ yahuchu cūhure masija sã. Ñ yoa cūiro pũhtoro waro to jipachuta tiro cūhure dórero marieno potota yahura mɛhɛ. Ñ jicu sãre yahuga. ¿Roma macariro jipihtina bui pũhtoro jirirore gobierno macaare marine waparo cahmajari, mɛ tũhotuchu? ¿Mari dutia tirore wapa dutijari, mɛ tũhotuchu? —ni sinitumaha tina Jesure.

15 Ti ã sinituchu tũhoro ti yahusā duaare masino õ sehe ni sinituha tinare:

—¿Dohseana yu ñano durucuchu tũho duajari mɛsa? Mipɛre niñeru tũre na tahga. Tí tũre ñũjihna —niha Jesu tinare.

16 To ã nichu tũhoa tina sehe cū tũre na taha. Ti na wihichu Jesu õ sehe ni sinituha tinare:

—¿Diro baro masu wahājari ahri tũre? ¿Diro baro wama wahājari? —ni sinituha tiro.

—César, masa bui pũhtoro masu, to wama cūhu wahāna —ni yuhtiha tina.

17 Ti ã nichu Jesu õ sehe ni yahuha tinare:

—Tí pja pinihta masa bui pũhtoro yare tiro sehere waga. Cohamacu yare Cohamacu sehere waga —ni yahuha Jesu.

To ã nichu tũhoa, tũho cɛaa wahaha.

**Saduceo curua macaina Cohamacu to masoare sinituha Jesure**

*(Mt 22.23-33; Lc 20.27-40)*

18 Ñ yoa cãina Saduceo curua macaina Jesu cahapɛ wihiha. Saduceo curua macaina sehe “Cohamacu yariainare masosi”, ni tũhotuina jimaha. 19 Ñ jia tina õ sehe niha tirore:

—Buheriro, õ sehe ni buhea tiha Moise cjiro: “Cūiro to wahmino namo tirore pohna mariaparota to yariachu ñũno to bahũrore to wahmino namono cjirore nɛoano cahmana. Ñ yoaro to wahmino mɛnana to pohna tiboro seheta pohna tiro

cahana to bahærore. ã jia to pohna to wahmino mnana pohna yoaro sehe jiahca”, ni joaa tiha Moise cjiro —niha tina Jesure.

**20** Tre ni tuhs, ahri quitireta yahu namoha Jesure:

—Ciro masno jiha. Seis to bahana jiha. Ti wahmino sehe namo ti, pohna mariaparota yariaa wahaha. **21** Tuhs, paio to bahæro ch to wahmino namono cjirore camaha. To ã noari baharo to wahmino yoaro seheta pohna mariaparota yariaa wahaha tjoa. ã jiro ahriro bahæro to wahmino mnana yoaro seheta pohna mariaparota yariaa wahaha tjoa. **22** ã dihta wahaha ciro pohna waro. Ne pohna mariapahta yaria pihtia wahaha tina. Ti namono cjiro ch ti baharota yariaa wahaha. **23** ¿Ne, Cohamac jipihtinare yariaina cjirire to masoch diro namono sehe jirohcari ticoro? Tina jipihtina ticorore namo tirina cjiri jiha. ¿ã jiro diro namono sehe jibocari ticoro pototi? —ni sinituha tina.

**24** Jesu õ sehe ni yhtiha tinare:

—Cohamac yare ti joari pre, to masia chre ne masierara msa. ã jia msa thotua sehe ne quihno jierara. **25** Yariarina cjiri ti masa mjari baharo tina anjoa yoaro sehe jira. Tina ma namo tierara tpre. **26** Yariarina cjiri ti masa wijahto sehere msare yahuihtja: Tre Moise cjiro noano yahu pahoha. To mahadc jri quitire õ sehe ni yahuha tiro: “Yh Abrah, Isaa, Jacobo ti phtoro tjija”, ni yahure Cohamac yhre”, ni joaa tiha Moise cjiro to joari tjui. **27** Ti yariari baharo “Ti phtoro tjija”, ni yahuha Cohamac. ã niparota yariarina cjiri phtoro jierara Cohamac. “Ti phtoro tjija”, to nia mehne catiina ti jich masija mari. Tiro catiina phtoro jira. ã jina “Yariaina masasi”, ni thotuna quihno thotuerara msa —niha Jesu tinare.

### **Cno noa yhdro to dutiare yahuha Jesu**

*(Mt 22.34-40)*

**28** ã yoa ciro s coyea judio masare buheina mehne macariro tina cahap wihi, ti cahma durucuch thoha. Jesu to noano yhtiare thoro õ sehe ni sinituha tirore:

—¿Cohamac ya dutia noa yhdro di baro sehe jijari, m thotuch? —ni sinituha tiro Jesure.

**29** Jesu tirore õ sehe ni yahuha:

—Ahri dutiata paye dutia yũdoro noa yũhdũara: “Israe masa tũhoga. Cohamacũ mũsa pũhtoro yũhũ cũirota jija.  
 30 Tuaro mũsa yajeripohnari mehne, noano mũsa wacũa mehne, mũsa tuaa mehne yũhũre cahĩga”, nina Cohamacũ.  
 31 Ahri dutia baharo paye dutia noa yũhdũara: “Mũ basi mũ cahĩno seheta mũ cahai jiina cũhũre cahĩga”, nina Cohamacũ.  
 Ahri pũaro dutia jipihtia paye dutia yũdoro jira —ni yahuha Jesu tirore.

32 To ã nichũ tũhoro judio masare buheriro õ sehe niha:

—Ã tjira. Buheriro, potocã nina mũhũ. Cohamacũ cũirota jira. Pairo tiro yoaro sehe jiro mariahna. Mũ nia potocã tjira.  
 33 Cohamacũre tuaro mari yajeripohnari mehne, mari wacũa mehne, mari tuaa mehne tirore cahĩno cahmana marine. Yũ cahai jiinare yũ basi yũ cahĩno seheta tina cũhũre cahĩno cahmana yũhũre. Wahiquinare wajã jũ mũo mari wari mehne mari ño payochũ noa nimana. Ahri yũdoro Cohamacũre masa cũhũre mari cahĩa noa yũhdũara. Mũ ã nia potocã tjira —niha judio masare buheriro Jesure.

34 To ã noano yũhtichũ tũhoro Jesu õ sehe ni yahuha tirore:

—Mahanocã dũsara mũhũre Cohamacũre mũ noano masihto —niha tirore.

To ã nichũ tũhoa paina cuia, ne sinitu ñũeraha tirore.

### ¿Diro baro coyero jijari Cristo?

(Mt 22.41 -46; Lc 20.41 -44)

35 ã yoa Cohamacũ wũhũi buhero õ sehe niha Jesu:

—“Cristo Davi cjiro panamino jira”, ni buhera mari coyera judio masare buheina. ¿Dohse yoa ã ni buhejari tina? 36 Davi cjiro to basi Espĩritu Santo to dutiriro seheta õ sehe ni yahua tiha:

“Cohamacũ yũ pũhtoro õ sehe nire:

‘Õi yũ poto bũhũsehei dujiga.

Ã jicũ mũhũre ñũ tuhtĩnare mũhũre  
 yũhdũrũcabasaihca yũhũ’,  
 nire Cohamacũ yũ pũhtoro”,

ni joaa tiha Davi cjiro. 37 ã ni joaro Davi cjiro pũhtoro tia tiha Cristore. ¿Davi cjiro Cristo ñũchũno cjiro jiparota dohsearo Davi sehe pũhtoro tiari Cristore? Cristo Davi cjiro pũhtoro jira —ni yahuha Jesu.

To ã ni buhechũ payũ masa wahchea mehne tũhoha tirore.

### Jesu judio masare buheina ti ñaare yahuha

(Mt 23.1-36; Lc 11.37-54; 20.45-47)

38 Ñ yoa tiro buhe namono ò sehe niha:

—Mari coyea judio masare buheina ti ñaa yoaare noano ñnga. Ñ jina ti yoaro sehe yoaena tjiga. Tina yoaa suhti sãa, masa ti ñurocaroi majarea, pache duaropu paina puhtoare noano ño payo ti sinino sehe ti piti bocasinichu cahmana tina. 39 Ñ cahmaina jia, mari judio masa buhea wuhusei noaa dujia dihtare duji duara. Tuhsu, bose numu jichu tó cūhure noaa dujia dihtare cahmana tina. 40 Tina wapewahya numia ya wuhusere ti ya cūhure mana tí numiare. Ñ yoaina jia, tina masa ti ñurocaroi yoari pja Cohamacu mehne durucumana masare ñ dutia. Ti ñ yoari buhiri paina bui curero tinare Cohamacu pjíro buhiri dahrerohca —niha Jesu tinare.

### Wapewahyoro to warire yahuha Jesu

(Lc 21.1-4)

41 Ñ yoa Jesu niñeru wihbori caro cahapu dujiha. Tí caropu masa ti niñeru duhu sãachu ñu dujiro niha. (Tí niñeru Cohamacu wuhure ti cahnochū ti wapahti jiha.) Ñ jia pache pu ti caropu pjíro duhu sãaha. 42 Ñ yoa wapewahyoro pjacuricoro tí caropu ta, pu tucãre duhu sãaha. Pu tu cū centavo posa jira. 43 Tí turire to duhu sãachu ñno to buheinare pjirocaha:

—Potocã niita nija musare. Ahricoro wapewahyoro pjacuricoro sehe niñeru wihbori caropu duhu sãano paina jipihtina ti wari yuhdoro wahre ticoro sehe. 44 Paina pache pu pjíro ti wapachuta ti ya pjíro duhsara. Ahricoro sehe pjacuricoro jiparota jipihtia to chutire to nuchuboacãre wa pahñohre —ni yahuha Jesu.

### “Cohamacu wuhu cohãri wuhu jirohca”, niha Jesu

(Mt 24.1-2; Lc 21.5-6)

**13** 1 Ñ yoa Cohamacu wuhupure ti wijaachu cūiro buheina mehne macariro ò sehe niha:

—Buheriro, ñnga. Ahri wuhuse noaa tãa mehne ti yoaa wuhuse noaca wuhuse jijari —niha tiro.

2 To ñ nichu Jesu ò sehe ni yahuha tinare:

—Ahri jipihtia mari ñari wuhuse cjiri, ahri tãa cũhu cohõ pihtia wahaahca. Ne cãria tãca tjuasi —niha Jesu tinare.

### Pihtiri dacho cjihtore yahuha Jesu

(Mt 24.3-28; Lc 21.7-24; 17.22-24)

3 ã yoa Jesu Olivo wama tidu tãcũpũ Cohamacũ wũhu potoi jidũpũ sũha. Tũ bui dujiha. Tõí Pedro, Santiago, João, Andre mehne ti sahsero jia, tina tirore õ sehe ni sinituha:

4 —Yahuga sãre. ¿Dohse jichũ ã waharohcari mũ niriro sehe waharo? ¿Pihtiri dacho panocã to jichũ dohse to waha dũcachũ ñũnahcari sã? —ni sinituha tina Jesure.

5 Jesu õ sehe ni yũhtiha:

—Noano yoaga mũsa. Tuhsũ, paina ti mahñoare tũhoena tjiga mũsa. 6 Payũ masa “Cristo jija yũhũ”, ni mahñoina taahca. Ti ã mahñochũ tũhoa payũ masa Cohamacũ yare duhuaahca.

7 Mũsa cahacãi masa paina ti cahma wajãchũ tũhonahca mũsa. Tuhsũ, yoaropũ cũhũre ti cahma wajãchũ tũhorocanahca mũsa. ã tũhorocapanahca ne tíre pjíro tũhotuena tjiga. ã waharohca. Ti ã yoachũ pihtiri dacho cjihto dũhsasininohca mini. 8 Tí pjare cũ yahpa macaina pa yahpa macaina mehne cahma wajãahca. ã yoa cũiro pũhtoro yaina paio pũhtoro yaina mehne cahma wajãahca. Tuhsũ, pjaró yahpa ñuhminohca. ã yoa payũ masa jũca mehne yariaahca. To ã wahachũ ahri yahpa macainare ti ñano yũhdũ namohto dũhsasinina mini. Ñano yũhdũsiniahca.

9 To ã wahachũ ñũna mũsa basi noano yoaga. Paina mũsare ñaha, ñano yoa dutia waahca paina pũhtoapũre. ã yoa judio masa mari buhea wuhusei mũsare cjãahca. Ti ã yoachũ bujũa macari macaina pũhtoa, ti bui pũhtoa cũhũ mũsare buhiri dahrea taa sinituahca mũsare. Yũ yaina mũsa jiri buhirire paina mũsare yahusãhca. ã jina yare yahunahca mũsa tinare. 10 ã jia pihtiri dacho pano noaa buheare jipihtiro yahpari macainare yahua buhea jahca. 11 ã jina mũsare buhiri dahre dutia, buhiri dahre dutiriro cahapũ ti naachũ tirore mũsa nihtire “Yahu masieraboca”, ni tũhotuena tjiga mũsa. Tí pjare mũsa nihtire mũsare Espíritu Santo yahurohca. To ã yahurire yahuga mũsa. Mũsa mũ sũro durucusi mũsa. Espíritu Santo sehe mũsare durucubasarohca. 12 Tí pjare cũiro to bahũrore wajã dutiro warohca. Pairo sehe to wahminore wajã dutiro warohca. Ti pũcũro to pohnare wajã dutiro warohca. ã yoa ti

pohna sehe ti p̄c̄s̄m̄are wajā dutia waahca. **13** Ȳu yaina m̄sa jiri buhiri m̄sare masa jipih̄tina ñ̄u tuhtiaha. Ā ñ̄ano ȳhd̄p̄anahta ȳu yare m̄sa ne coh̄erach̄u pihtiri dacho jich̄u m̄sare ȳhd̄oihca.

**14** Ā yoa ñ̄abiarire Cohamac̄u yare ñ̄ano yoarire ñ̄nahca m̄sa. Cohamac̄u ya w̄h̄ūi to ducuch̄u ñ̄nahca. Tóí tire jieraro cahmana. [Panop̄u Cohamac̄u yare yahu m̄htariro Daniel cjiro tire yahuro joaa tiha.] Tóí to ducuch̄u ñ̄na Judea yahp̄ap̄u jiina t̄yuc̄p̄u duhti m̄roca m̄jaa wahajaro. Ahri ȳu nirire noano masiga m̄sa. **15** Soaro mehne m̄roca duhtijaro. Tí pjare ti w̄h̄useri bui macaa waparip̄u jiina w̄h̄ū puhichap̄u jiare ti yare na wahaeta t̄jijaro ti waha bahrañohto sehe. **16** Ā jia tí pjare paina ti weserip̄u jiina ti bui macaa suhtire w̄h̄p̄u jia suhtire na wahaeta t̄jijaro ti waha bahrañohto sehe. **17** Tí pjare niji pocosanumia, ti pohnare p̄ia numia c̄h̄u pjac̄oro wahaahca. **18** Ā jina õ sehe ni siniga Cohamac̄ure: “Puh̄iro jich̄u ā wahaero t̄jijaro”, ni siniga tire. **19** Tí dachorire masa nu ñ̄ano wahaahca. Ahri yahpare to bajuamehneri baharo masa ñ̄ano ti ȳhd̄na jia tiha. Ti ā jipach̄eta jipih̄tia tí pur̄ia ȳhd̄oro pihtiri dacho jich̄u masa ñ̄abiaro ȳhd̄uahca. Ā ñ̄ano ti ȳhd̄uri baharo pari turi tó sehe ñ̄abiaro ȳhd̄usi ahri yahpai j̄na. **20** Ā jiro Cohamac̄u tí dachorire mahaa dachoricā ti jich̄u yoarohca. To ā yoerach̄u ne c̄iuro mas̄no ȳhd̄eraboa. Ā jiro to beserina ti ȳhd̄uhti c̄jih̄tire mahaa dachoricā ā c̄usinohca Cohamac̄u.

**21** Tí pjare paina m̄sare “Ñ̄uga. Ōi jira Cristo”, ti nich̄u tinare t̄hoena t̄jiga. “Tóí jira Cristo”, ti nich̄u c̄h̄ure t̄hoena t̄jiga. **22** “Cristo jija”, ni mah̄oina, “Cohamac̄u yare yahu m̄htaina jija”, ni mah̄oina jahca tí pjareta. Ā jia Cohamac̄u to beserinare mah̄oa, tina bajuamehneare yoa ñ̄oahca. Ti ā yoa ñ̄och̄u ñ̄na, Cohamac̄u yaina c̄aina tinare t̄hoeta “Potocā t̄jira” nia, Cohamac̄u yare pa tehe nia duhuboca. **23** Ahrire yahuyuja m̄sare to ā wahahto pano. Ā jina noano yoaga m̄sa —ni yahua Jesu.

### Jesu yahp̄ap̄ure to t̄jua tahtore yahua

(Mt 24.29-35, 42-44; Lc 21.25-36)

**24** Ā ni tuhs̄u õ sehe ni yahu namoha Jesu:

—Tí dachori ti ñ̄ano ȳhd̄uri baharo s̄u dacho macariro, ñ̄ami macariro c̄h̄u buhria duhua wahaahca. **25** Ti ā wahach̄eta

ñahpichoha poca muanopu jia poca bora wahaahca. Ñ jia muanop macaa yahpari tuaro ñuhmiahca. **26** Tí pjata yuhu masano Cohamacu warocariro taihtja. Yu ã tachu muanopu yu tuaa mehne yu si sitea mehne muanop macaa me bui ahri yahparure yu tjua tachu ñahca masa. **27** Ñ jicu yu yaina anjoare jipihtiorpu ahri yahparu warocaihtja. Ñ jia jipihtiorpu yu yaina yu beserinare tina naahca.

**28** 'Mipure higueraçure tãhotuga musa. Tu quiti mehne musare piti dahre buheihtja. Tu yucucu pũri tichu ñna, cũhma mahanocã dũhsachu masina musa. **29** Tó seheta ahri jipihtia yu niri cjiire ti ã wahachu ñna, yu tjua tahto mahanocã dũhsachu masinahca musa. **30** Potocã niita nija musare. Tí pja macaina ti yariahto panore jipihtia yu niriro seheta ã waharohca. **31** Muanop, ahri yahpa cũhu pihtia wahaahca. Yu durucua sehe ne cohtotasi. Jipihtia yu niriro seheta ã waha sohtori tiarohca.

**32** 'Tí dachore yu tjua tahti dachore, tí hora cũhure masieraja yuhu. Anjoa cũhu tíre masierara. Masa cũhu ne masierara. Yu Pucu dihta tíre masina.

**33** 'Musa cũhu tí dachore masierara. Ñ jina noano yoaga. Noano cohtaga. (Cohamacure siniga musa.) **34** Ñ sehe cohtaga musa. Ahri quiti mehne musare piti dahre buheihtja. Wuhu puero yoaropu to tinino seheta jira ahri. Tiro to wahahto pano to cahamacare wuhure cohta dutiha. Cãinare ti dahrahtire cũha. Ñ jiro wuhure ñ wihborirote tirore to tjua tahtore cohta dutiha. **35** Ñ jina musa cũhu noano wacu masi cohtaga. Wuhu puero to tjua tahtore tina ti masieraro seheta yuhu musa puhtoro yu tjua tahti dachore masierara musa cũhu. Ñamichahapu, ñami dacho macapu, caraca to duri pja jichu, bohrearopu taboca. **36** Yu ã wacũenoca yu wihitore masina, yu yare ã yoarucuina jiga musa. Ñ yoa yuhure noano cohtaga. **37** Ñ jicu musare yu nino seheta jipihtinare ã nija musare: Noano wacu masi cohtaga —niha Jesu tinare.

**Sacerdotea puhtoa, judio masare buheina  
mehne Jesure wajã duaha**

(Mt 26.1-5; Lc 22.1-2; Jn 11.45-53)

**14** <sup>1</sup> Ñ yoa tí pjare pascua wama tiri bose namu cjihto bucuaerari paore ti chuhti numari cjihto pu dacho dũhsasiniha. Tí pjare sacerdotea puhtoa, ã jichu sã coyea



judio masare buheina mehne dohse yoa ti mahñoa mehne Jesure ñaha ti wajãhtore cahma sũhũdua niha:

2 —Mari bõse nãmũri yũhdoro puro tirore ñahasiniena tjijihna, “Masa sua sañurucuri”, nina —niha tina ti basi.

### **Numino me sitia se mehne Jesure pio payoha**

*(Mt 26.6-13; Jn 12.1-8)*

3 ã yoa Jesu cũhũ Betaniapũ, Simo cami bũcũ baariro cjiro ya wũhũpũ jiha. Tõpũ ti chũro watoi numino sehe alabastro mehne ti yoariare me sitia nardo wama tia sere posa tiriare na wihiha. Tí se sehe wapa bũjũ niha. ã na wihiro, ticoro tiare poharoca, Jesu dapu bui pio payoha. 4 To ã yoachũ ñũa paina suaa waha, ti basi õ sehe niha:

—¿Dohse yoaro ahricoro ahri me sitia co wapa bũjũare ã yoa sitejari? 5 Tíre ticoro duaboa. Tíre duaro tres cientos niñeru pũrine wapataboa. ã wapataro, tí niñerure pjacũoinare waboa ticoro —ni cohtaha paina sehe ticoro to ã yoachũ ñũa.

ã jia tina ticorore tuhtiha.

6 Tí ã nichũ tũhoro Jesu tinare õ sehe ni yahuha:

—ã niena tjiga ticorore. Yũhũre ticoro noano yoaro nina. 7 Pjacũoina sehe mũsa mehne ã jirucuahca. ã jina mũsa cahmari pja tinare wa masina. Yũhũ sehe ahri yahpare mũsa mehne ã jirucusi. 8 To cjuaro puro mehne ticoro yũhũre ã yoahre. Yũhũre ti yahto pano yũ pjacũre cahnoyuro, me sitiare pio payohre ticoro. 9 ã jicũ potocã niita nija mũsare. Jipihtiro ahri yahpapũ noaa buheare ti yahuropũ ahricoro mipũre to yoarire yahuahca. Tí ã yahuchũ tũhoa ticorore masa payũ wacũahca —ni yahuha Jesu.

### **Juda Iscariote Jesure ñũ tuhtiinare to ñohtore yahuha sacerdotea pũhtoare**

*(Mt 26.14-16; Lc 22.3-6)*

10 Tí pjareta Juda Iscariote wama tiroiro doce to buheina mehne macariro Jesure to ñohtire yahuro wahaha tirore ñũ tuhtiinare, sacerdotea pũhtoare. 11 To ã ni yahuchũ tũhoa, sacerdotea pũhtoa tíre tũhoa wahcheha.

—Mũhũre niñerure wanahtja —niha tina Judare.

Tí ã nichũ tũhoro, tiro Jesure ñũ tuhtiinare to dohse yoa ñohto cjihtore wacũ macaha.

**Jesu to buheina mehne to chũ batoari nũmũ jiha**  
(Mt 26.17-29; Lc 22.7-23; Jn 13.21-30; 1Co 11.23-26)

12 Bũcũaerari pãore ti chũa nũmũri dũcari nũmũ sehe oveja pascua macaina cjihtire ti wajãhti nũmũ jiha. Tí nũmũ to buheina sehe õ sehe ni sinitu ñũha Jesure:

—¿Mari pascua macaa chũhtire noho baroi cahnoyu dutirocaijari mũhũ sãre? —niha tina tirore.

13 Ti ã nichũta Jesu sehe pũaro to buheinare õ sehe ni yahu warocaha:

—Jerusalẽpũ wahaga. Tópũ mũsa sũchũ co situ wũariro mũsare piti bocarohca. To piti bocachũ tiro mehne wahaga. 14 ã wahana tiro to sũho sãari wũhũpũ sũna, tí wũhũ pũrore õ sehe niga: “¿Dí tahtiai yũhũ yũ buheina mehne pascua macaa chũare chũnahcari?” ni sinitu dutirocahre buheriro”, niga tí wũhũ pũrore. 15 Mũsa ã nichũ tũhoro, tópũ mũano macari tahtiare pjiri tahtiare, noano ti cahnoyuri tahtiapũre mũsare ñonohca wũhũ pũro. Tói mari chũhti cjihtire dahrega mũsa —niha Jesu tinare.

16 To ã nichũ tũhoa tina to buheina tí macapũ wahaha. Tópũ ti sũchũ tinare to niriro seheta ã wahaha. ã jia tina pascua macaa chũare dahreha.

17 ã yoa nahitia bora tachũ Jesu doce to buheina mehne tí wũhũpũre sũha. 18 Tí wũhũpũ ti sũri baharo, tina mehne mesapũ chũro Jesu tinare õ sehe ni yahuha:

—Potocã niita nija mũsare. Cãiro mũsa mehne macariro yũhũ mehne chũrirota yũhũre ñũ tuhtiinare ñonohca yũhũre —ni yahuha Jesu tinare.

19 To ã nichũ tũhoa tina sehe cahyaha.

—¿Yũhũta jijari mũhũre ñohtiro? —ni sinitu pihtiaha tina cãina jipihtina Jesure.

20 —Mũsa mehne macarirota jira tiro. Yũ chũri wapai yũhũ mehne soha chũriro tjira yũhũre ñũ tuhtiinare ñohtiro. 21 Panopũ yũhũre ti yahu joariro seheta yũhũ masũno Cohamacũ warocariro yariailhca. Yũhũre ñũ tuhtiinare ñoriro pjacũoro yũhdũrohca. Tiro to masa bajuerachũ noaboa —niha Jesu tinare.

22 ã ni yahu tuhsũ, to buheinare sũho chũro, Jesu pãore na, Cohamacũre “Noana”, niha. ã ninota, tí curire nuha, witiha tinare.

—Ahrire na chuga. Ahri yu pjacu jira —niha tiro tinare.

23 Æ ni tuhsu tiro sihnia posa tiri wahware na, Cohamacure “Noana” ni tuhsu, waha tinare. To wachu tina jipihtina tîre sihni pihtiaha.

24 —Ahri yu di jira. Payu masa ti ñaa yoari buhirire cohâcu tacu yariaihca. Æ yariacu yu dire cohâihca. Cohamacu “Mûsare yûhdoihtja”, to ni cûriro mu sûchu yu ã yariaro mehne to niriro sohtori tirohca. 25 Potocã niita nija mûsare. Mîpûre ahri co, se core ne sihni namosi yûhu. Pu pûhtoro Cohamacu mûsare to sûho jichûpu ahrire coã pari turi sihniihca tjoa —niha Jesu tinare.

### **Pedro Jesure to cohãhtore yahuha Jesu**

*(Mt 26.30-35; Lc 22.31-34; Jn 13.36-38)*

26 To ã ni tuhsûchu tina Cohamacure ño payoa cño basaare basaha. Ti basa pahñori baharo, tûcu Olivo wama tidûpu tina wahaahahaha. 27 Tôpu sûho sûro Jesu tinare õ sehe ni yahuha:

—Mîpûre mûsa jipihtina yûhure cohãnahca. Õ seheta nina Cohamacu yare ti joari pûi yûhure yahuro: “Ovejare ñu wihboriro yoaro sehe jirirore Cohamacu cohãnohca. Æ to cohâchu to yaina oveja yoaro sehe jiina duhti site wahcãa wahaahca”, nina Cohamacu yare ti joari pûi. 28 Æ yoa Cohamacu yûhure to masori baharo mûsa pano Galileapu wahayuihca yûhu —niha Jesu tinare.

29 To ã nichu Pedro sehe õ sehe niha:

—Yûhu mehne macaina jipihtina ti cohã wahcãpachûta yûhu sehe mûhure ne cohâsi —nimaha Pedro tirore.

30 Jesu õ sehe ni yûhtiha:

—Potocã niita nija mûhure. Micha ñami pinihtare caraca pu taha to duhto pano “Yûhu Jesure masieraja”, niihca mûhu. Tia taha ã niihca mûhu —niha Jesu Pedore.

31 To ã nipachûta Pedro õ sehe ni tuaro bisiro yûhtiha:

—Mûhu mehne yûhure ti wajã duapachûta “Jesure masieraja”, ne nisi yûhu —ni yûhtimaha tiro Jesure.

Pedro to ã nichu tûhoa tiro mehne macaina cûhu ã dihta ni yûhtiha.

### Getsemaní wama tiropu Jesu Cohamacure siniha

(Mt 26.36-46; Lc 22.39-46)

32 Ñ yoa tina Getsemaní wama tiropu wahaha. Tópu suro, ñ sehe niha Jesu:

—Cohamacure yu sinino watoi ñi dujiyusiniga musa —niha to buheinare.

33 Ñ ni tuhsu Pedrore, Santiagore, Joãore tina tiarore pji wahcãha. Tinare ñ pji wahcãno, pjíro tuhotu dũcaha tiro. Ñ yoa ñano yajeripohna tiha.

34 Ñ cahyaro tó mehne macainare to pji wahcãinare ñ sehe niha:

—Yũhu ñano yajeripohna tii nija. Ñano purĩnore tuhotui nija. Tí mehne yariahto cua yũhdũaro coa taca yũhure. Ñi tjuaga. Yu cũno potoriga catiga musa cũhu —niha Jesu tinare.

35-36 Ñ ni tuhsu tiro tópu mahanocã waha namo, yahpai caha suro, Cohamacure ñ sehe niha:

—Mai, mũhu jipihtiare yoa masina. Ñ jicu yu ñano yũhdũhtire yoa duaeracu yoi tja. Yu ñ nipachũta yu cahmano sehe yoi tja. Mũhu sehe masina. Mu cahmano seheta yoaga yũhure —ni siniha tiro Cohamacure.

37 Ñ ni tuhsu, tiaro to buheina cahapu wihiro, carĩinare boca wihiha tiro. Tinare ñno Pedrore ñ sehe niha:

—Simo, ¿carĩi nijari mũhu? ¿Cũ hora waro yu cũno potoriga cati masierari mũhu? 38 Noano yoaga musa. Musa mu suro quihõno yoa duamana musa. Wiho mejeta musa basi tíre bihoerara. Ñ jina Cohamacure siniga ñano musa yoerahto sehe —niha Jesu Pedrore.

39 Ñ ni yahu tuhsu pari turi waha, Cohamacure siniha. Tó pano to siniriho seheta siniha tjoa. 40 Ñ sini tuhsuro pari turi tina cahapu wihiha tjoa. Ñ wihiro carĩinare boca wihiha tjoa. Wũjo caha yũhdũaha tina. Ñ jia tina Jesure dohse ni masieraha. 41 Ñ yoa pari turi Cohamacu mehne to durucuro sũri baharo tina cahapu wihi, tinare ñ sehe niha:

—¿Carĩ, sosinina nijari musa? Tó puro carĩga musa. Michapucacã yũhure Cohamacu warocarirore ñano yoainare ti wahti pja mu su tuhsura. 42 Wahcãga. Basa wahana. Ñũga. Yũhure ñ tuhtiinare ñohtiro ñi tara —niha Jesu tinare.

### Jesure ñu tuhtiina tirore peresu yoaha

(Mt 26.47-56; Lc 22.47-53; Jn 18.2-11)

43 To ã nino watoihita Juda, doce buheina mehne macariro cjiro wihiha. Tiro mehne masa payu ñosaa pjĩni, yucu siri cjuaina cũhu wihiha. Sacerdotea puhto, sã judio masare buheina, ã jichu bucuna, ti warocarina jiha masa sehe.

44 Wahmanore Jesure ñu tuhtiinare ñohtiro sehe tiro mehne tahtinare õ sehe ni yahu quihõ tuhsuha:

—Yu wahsupu wihmiriro tirota jirohca musa ñahahtiro. Tirore yu wihmiri baharo ñahaga tirore. Ñ yoana tirore noano ñahaga to duhtierahto sehe —ni yahu quihõ tuhsuha Juda sehe.

45 Ñ yahu quihõ tuhsuro wihirota Jesu cahapu dóihita waha bahrañoa.

—Yu puhtoro —ninota wahsupu wihmiha tirore.

46 To ã yoachu ñua tina Jesure ñahaha.

47 Ti ã yoachu ñuno cũiro Jesu cahapu ducuina mehne macariro to ñosari pjĩne tuawe naroca, sacerdotea bui puhtoro cahamacunore to cahmonore dute pahrēnocaha.

48 To ã yoachu Jesu õ sehe niha:

—¿Dohse jiro baro musa ñosaa pjini mehne, yucu tiri mehne tajari? ¿Yaca bucunore musa ñahano seheta yuhu cũhure ñahana tana nijari? 49 Dachoripe Cohamacu wuhupu musare yu buhe dujichu, musa yuhure ne ñahaerare. Musu ã ñahachu ahri jipihtia ã waharo nina Cohamacu yare ti ni joariro seheta —niha Jesu masare.

50 To ã ni tuhsuchu, Jesu buheina tirore cohã wahcã, jipihtina muroca site wahcãa wahaha.

51 Ñ yoa cũiro wahmuno suhti marieriro cūno coma yosaro dihta comariro Jesu baharo ñu nunu timaha. To ã ñu nunu tichu ñua tirore ñahamaha. 52 Tirore ti ñahachu ñuno to coma yosarore cohānoca, suhti marieriro murocaa wahaha.

### Puhto cahapu naaha Jesure

(Mt 26.57-68; Lc 22.54-55, 63-71; Jn 18.12-14, 19-24)

53 Ñ yoa sacerdotea bui puhtoro cahapu Jesure na wahcãha. Ti na suri baharo sacerdotea puhto, bucuna, sã coyera judio masare buheina cũhu jipihtina cahmachuha. 54 Tiro Pedro sehe Jesu baharo yoropu nunu tiha. Ñ nunu tiro sacerdotea

bui pũtoa ya wũhũ cahapũ sũha. ã sũro tiro tí wũhũre cohtaina surara mehne pichaca dũhtũ cahai sohma dujiha.

55 Sacerdotea pũtoa, jipihtina paina pũtoa cũhũ Jesure wajã dutia taa, Jesu to quihõno yoerarire ti yahusãhtire wacũ macamaha. Wiho mejeta tíre bocaeraha.

56 ã wacũ bocaerapahta payũ masa tirore ã yahusãmacanocaha. Ti ã yahusãa potocã jieraha. Pairo soro ni, paio soro niha. 57 ã yoa paina wahcãrũcũ sũ, Jesure õ sehe ni yahusãha tjoa:

58 —Ahriro õ sehe nire: “Yũhũ ahrĩ wũhũre Cohamacũ wũhũre masa ti dahreri wũhũre cohãihtja. ã cohãcũ tia nũmũ wahaboroi tí wũhũre pari turi yoaihtja. Tí wũhũ masa ti dahreri wũhũ jisi”, to nichũ sã tũhohi —niha tirore yahusãina.

59 Ti ã ni yahusãpachũta ti yahusãa cũhũ potocã jieraha. Pairo soro ni, paio soro niha tjoa.

60 Ti ã nichũ tũhoro sacerdotea pũhtoro ti watoi ducuriro wahcãrũcũ sũ, Jesure õ sehe ni sinituha:

—¿Ahrina mũhũre ti yahusãpachũta tinare yũhti cahmaerajari mũhũ? ¿Mũhũre ti yahusãrĩre dohse ni yũhti cahmajari mũhũ? —niha tiro Jesure.

61 To ã nichũ tũhoparota Jesu ãta tũhotunocaha. To ã yũhtierachũ ñano sacerdotea bui pũhtoro tirore sinituha tjoa:

—Cristo, ¿Cohamacũ warocarirota jijari mũhũ? ¿Noariro Cohamacũ macũno warota jijari mũhũ? —niha tiro Jesure.

62 —Tiro tjija. ã jina yũhũre masũnore Cohamacũ warocarirore yũ Pũcũ jipihtina bui Jiriro to poto bũhũsehei yũ dujichũ ñũnahca mũsa. ã yoa mũano macaa me watoi yũ tachũ cũhũre ñũnahca mũsa —niha Jesu tirore.

63-64 To ã nichũta sacerdotea bui pũhtoro sehe to sãari suhtirore to basi tũhrẽnocaha painare “Sua yũhdũara”, ni ñũ masi dutiro.

—Cohamacũre ñano durucuro nina ahriro. To ñano durucure tũho tuhsũja mari. ã jia tópeinata yahusãjaro ahrĩrore. ¿ã jina dohse yoanahcari mari mipũre ahrĩrore? —niha sacerdotea bui pũhtoro paina pũtoare.

—Cohamacũre to ñano durucuri buhiri wajãnocano cahmana tirore —ni yũhtiha paina pũtoa.

65 ã ni yũhti tuhsũ, cãaina tina mehne macaina Jesure chahcho puti sihõ mũja, to caparire dũhte dũcata, tirore cjã, dota mũjaha. Cjã tuhsũ õ sehe ni bũjũpeha:

—¿Noa jijari mũhũre dotaro? Ñũerapaihta yahuga sãre  
—ni bũjupeha tina.

Ti ã cjã dotari baharo pũhtoro yaina surara sehe tirore na  
wahcã, tina cũhũ tirore ti wamomacari mehne ñano cjã namoha.

**“Tirore masieraja”, niha Pedro Jesure**

(Mt 26.69-75; Lc 22.56-62; Jn 18.15-18, 25-29)

66 ã yoa wũhũ cahai jiri wapai noari wapai Pedro to jichũ  
sacerdotea bui pũhtoro cahamacono wihiha. 67 Ticoro Pedro  
to sohmachũ ñũno tiro dihtare ñũrucuha.

—Nazare macariro mehne, Jesu mehne mũhũ cũhũ jihre  
—niha ticoro Pedrose.

68 To ã nichũ tũhoro tiro õ sehe niha:

—¿Dohse nimacanocaco nijari mũhũ? Mũ nirirore ne  
masieraja yũhũ —niha Pedro ticorore.



To ã niri baharo Pedro sahrĩno sopaca macari maharũ wahaha. Tói to ducuchũ caraca duha. **69** Tói to jichũ ñũno cahamacono sehe ticoro caharũ ducuinare yahurocaha tjoa.

—Ahrro cãhũ Jesu buheina mehne macariro jira —niha ticoro.

**70** To ã nichũ tũhoro Pedro pari turi õ sehe niha tjoa:

—Tirore masieraja yũhũ —niha tjoa.

Baharo curero tói ducuina Pedrore õ sehe niha:

—Potocã tjira. Mũhũ Galilea macariro jira. ã jicũ tina mehne macarirota jira mũhũ —niha tina tirore.

**71** Ti ã nichũ tũhoro tiro õ sehe ni yũhtiha:

—Potocãta Cohamacũ mehne nii nija mũsare. Potocãta yũ nierachũ Cohamacũ yũhũre buhiri dahrejaro. Tirore mũsa nirirore ne masieraja yũhũ —ni yũhtiha Pedro tinare.

**72** To ã nichũta caraca duha tjoa. To ã duchũ tũhoro Jesu tirore to nirire wacũha: “Caraca pũa taha to duhto pano mũhũ yũhũre ‘Jesure masieraja’, niĩhca mũhũ. Tia taha ã niĩhca mũhũ”, Jesu to nirire wacũha Pedro sehe. To ã nirire wacũno, tuaro tiirucuha Pedro.

### Pilato Jesure sinituha

(Mt 27.1-2, 11-14; Lc 23.1-5; Jn 18.28-38)

**15** <sup>1</sup> ã yoa bohrearopũ sacerdotea pũhto, bũcũna, sã judio masare buheina, jipihtina paina pũhto mehne cahmachu, durucuha Jesure ti yoahire masia taa. Tirore ti wajãhtore durucu cahno tuhsũ, Jesure dũhte, na wahcã, Pilatore waha tirore. <sup>2</sup> Tirore ti na sũ wachũ ñũno Pilato tirore õ sehe ni sinituha Jesure:

—¿Potocãta judio masa ti pũhtoro tjijari mũhũ? —ni sinitu ñũha tiro Jesure.

—ãja. Mũ nino seheta tirota jija —ni yũhtiha Jesu.

<sup>3</sup> ã yoa sacerdotea pũhto payũ ni yahusãha tirore. <sup>4</sup> Ti ã ni yahusãchũ tũhoro Pilato tirore õ sehe ni sinituha tjoa:

—Ahrina mũhũre payũ yahusãa nina. ¿Ti ã yahusãpachũta dohse yoacũ ne yũhtierajari mũhũ tinare? —niha tiro.

<sup>5</sup> To ã nipachũta Jesu ne pari turi yũhti namoeraha. ã jiro Pilato cũaa wahaha.



### Jesure wajã dutiha

(Mt 27.15-31; Lc 23.13-25; Jn 18.38-19.16)

6 Cũhmaripe pascuaripe masa yairo cjihtore cũiro peresupũ jirirore, masa ti wio dutirirore Pilato ã wiobasa mũjaa tiha.

7 Tí pjare Barrabá wama tirore peresupũ jiha. Tiro pũhtoare cohã duaina, masare wajãina mehne macariro jiha. 8 ã jia masa payũ Pilato cahapũ sũa, tirore õ sehe ni siniha:

—Cũhmaripe sãre mũ yoarucuriro seheta yoaga sãre. Cũiro peresupũ jirirore sãre wiobasaga —niha tina.

9 Ti ã nichũta Pilato tinare õ sehe ni sinitu ñũha:

—¿Ahiro Jesure mũsa judio masa pũhtoro yũ wiobasachũ cahmajari mũsa? —ni sinitu ñũha masare Jesure wio duaro.

10 Jesure masa ti cahĩchũ ñũa sacerdotea pũhtoa cũhũ tirore ñũ tuhtiha. ã ñũ tuhtia tirore waha Pilatopũre. ã jiro masa ti cahĩri buhiri sacerdotea pũhtoa ti ñũ tuhtirire ti peresu yoa dutichũ masino Jesure wio duamaha Pilato. 11 To ã wio duapachũta sacerdotea pũhtoa masare Jesu mehne suachũ yoaha. Õ sehe ni dutiha tinare: “Jesu wijaachũ cahmaeraja. Barrabá sehere wioga”, ni dutiha masare. 12 ã jiro Pilatore Barrabáre ti wio dutiri baharo Pilato sehe tinare õ sehe ni sinituha tjoa:

—¿Ahiro judio masa ti pũhtoro mũsa niriro sehere dohse yoaihcarĩ yũhũ mũsa ã nichũ? —ni sinituha tiro.

13 —Crusapũ cjã puha wajãga tirore —ni sañurucuha masa.

14 —¿Yaba barore ñaare yoari ahiro mũsa ã ni sañurucuchũ? —ni sinitu namoha tinare.

To ã nichũ tũhoa tina sañurucu namoha tjoa:

—Crusapũ cjã puha wajãga tirore —ni sañurucuha tina.

15 Ti ã ni sañurucuchũ tũhoro Pilato sehe masare wahchechũ yoa duaro Barrabáre peresupũ jirirore wio dutiha masa ti wio dutirirore. Tirore to wio dutiri baharo, Jesu sehere ñano tjanaye dutiha. Tirore ti tjanayeri baharo, tirore surarare wiaha, crusapũ cjã puha wajã dutiro.

16 ã yoa surara Pilato ya wũhũ puhichapũ pretorio wama tiri wũhũ puhichapũ tirore na sãa sũha. Na sãa sũ tuhsũ, tina mehne macaina surarare pjiroca, cũnoi cahmachu dutiha.

17 Cahmachu tuhsũ, tina pũhtoro ya suhtiro yoaro sehe bajuri suhtirore Jesure sãa, pota sorore yoa, tí sorore to dapu bui duhu payoha. 18 ã yoa tuhsũ õ sehe ni bũjũpeha tina tirore:

—Noano tagú. Judio masa pũhtoro noano tagú —ni bũjũpeha.

19 Ñ niata yucũcũ mehne to dapure cjã mũja, tirore chahcho puti sihõ mũjaha tina. Tuhsũ, cua pisaro yoaina yoaro seheta tirore na tuhcuca caha sũ, ño payoro sehe yoaa, bũjũpeha tirore.

20 Ñ yoa bũjũpe tuhsũ ti sãari suhtirore tjuwe naroca, to ya suhti sehere tirore sãa, tirore crusapũ cjã puha wajãa waha, naa wahaha tina.

### **Tina Jesure crusapũ cjã puha, wajãha**

*(Mt 27.32-44; Lc 23.26-43; Jn 19.17-27)*

21 Jesure ti ã naano watoi, tõi wahariro Simo Cirene macariro campopũ sũriro, tina cahapũ to wihichũ ñũa surara sehe tirore Jesu to wũari crusare wũa wahcã dutiha. Alejandro, Rufo pũaro pũcũro jiha Simo sehe.


22 Baharo, Gólgota wama tiropũ Jesure na sũha. Gólgota nino, “Dapu cohã”, nino nina. 23 Tópũ tirore ti na sũri baharo, se core, mirra wama tidũ co mehne ti morea core Jesure wamaha. Wiho mejeta tiro sehe tí core sihni duaeraha.

24 Baharo tina Jesure crusapũ cjã puha dapoha. Cjã puha dapu tuhsũ, to sãa suhti cjirire ti basi cahma witia taa, “¿Noa yaro jirohcari õ?” ni masia taa, docapea poca mehne docape mũjaha tina.

25 Jesure crusapũ ti cjã puhachũ tia hora waro dũhsasiniha cohari pja to sũhto. 26 Ñ yoa crusapũ õ sehe ni joari pjĩne duhu õha tina tirore ti yahusãrire yahu duaa. “Ahiriro judio masa bui pũhtoro jiriro jira”, ni joaha tina tí pjĩne. 27 Ñ yoa pũaro yaca bũcũna Jesu cahai paye pjĩnipũ crusaripũ ti cjã puha daporina jiha tina. Cũiro to poto bũhũsehei, paio to cõ bũhũsehei cjã puha dapoha tina cũhũre. 28 [Ti ã yoachũ panopũ Cohamacũ yare ti yahu joariro seheta ã waharo niha. Ñ sehe ni joaa tiha: “ ‘Dutiare yũhdũrucaina mehne macariro jira’, ni tũhoture masa tirore”, ni joaa tiha panopũ.]

29 Ñ yoa crusari cahai yũhdũ wahcãina Jesure ñũ, ti dapu pocare yurerũca, tirore ñano ni durucuha:

—Noana. Noana. ¿Cohamacũ wũhũre cohã, tia dacho wahaboroi pari turi tí wũhũre dahrehtiro jijari mũhũ? 30 Ñ jiriro jicũ, mũ basi dujiaga. Ñ jicũ mũ basi yoadohoga. Ñ jii yũhdũ witiihca mũhũ —ni bũjũpeha tina.



31 Ti yoaro seheta sacerdotea pũhtoa cũhũ sã judio masare buheina cũhũ tirore ã ni bũjũpeha. ã ni bũjũpea õ sehe niha ti basi:

—Tiro painare yũhdoriro jiparota to basi yũhdo masierara:  
32 “Cristo, Cohamacũ warocariro Israe masa pũhthora jija”,  
nimana tiro. ã jina to basi to duji tachũ ñũna tirore wacũ  
tuana hca —ni bũjũpeha tina.

ã yoa yaca bũcũna tiro cahai ti cjã puha õrina cjiri cũhũ tó  
seheta tirore ñano ni bũjũpeha tina cũhũ.

### Jesu yariaa wahaha

(Mt 27.45-56; Lc 23.44-49; Jn 19.28-30)

33 ã yoa cohari pja jichũ tia hora waro jipihtiropũ nahitiano  
wahaha. 34 To nahitia duhuchũ waro Jesu tuaro sañurucuha:

—Eloi, Eloi, ¿lama sabactani? —niha tiro.

ã nino õ sehe nino niha. “Yũ Cohamacũ, yũ Cohamacũ,  
¿dohseacũ yũhũre cohãri mũhũ?”, nino niha.

35 To ã nichũ tũhoa cãina tói ducuina õ sehe nimaha:

—Tũhoga mũsa. Cohamacũ yare yahu mũhtarirore Elia  
cjirore pjirocaro nina —nimaha tina.

36 Ñ jiro cūiro tina mehne macariro wihmi nari sũhtere vino sũea core to sohari sũhtere na mũroca, yucũcũ sohtoapũ dũhte õ, Jesure wihmi dutiha. Ñ wihmi dutiro, õ sehe nimaha:

—Depũsinia. Elia cjiro wihi ahrirore to na bororo tachũ ñũsinijihna mari —nimaha tiro painare.

37 To ã niri baharo Jesu sehe tuaro sañurucu, yariaa wahaha. 38 To yariachũta Cohamacũ wũhũ macari suhtiro tũrore to jiri tahtia waropũ ti dũcatari suhtiro dacho macai bui sehe tũhnũ bora ta, pũa cahsaro tũhnũroca yoja sũa wahaha. 39 To ã yariachũ ñũno surara pũhtoro Jesu to wahãno potoi ducuriro õ sehe niha:

—Potocã tjiri jimana. Ahriro Cohamacũ macũnota jiri jira —niha tiro.

40 Ñ yoa yoaropũ ducua numia cũhũ Jesure ñũrocarucua niha. Tí numia mehne María Magdalena jiha. Pacoro María wama tiricoro cũhũ jiha. Ticoro sehe José, to bahũro Santiago ti pocoro jiha. Pacoro Salomé jiha. 41 Tí numia Jesu yahuare quihũno tũhoa numia jia, Galilea yahpai to jisinchũ tirore piti ti, yoadohoa tiha. Tí numia mehne payũ paye numia cũhũ Jerusalẽpũ Jesu to sũho tarina numia jiha.

### Jesu pjacure masa copapũ cũha

(Mt 27.57-61; Lc 23.50-56; Jn 19.38-42)

42-43 Ñ yoa tí dacho to yariari dacho Sabado pano judio masa sã sori nũmũ pano jiri dacho jiha. Ñ yoa Pascua macaa cjihtire ti cahnoru dacho jiha. Tí ñamiihta José Arimatea macariro cuuro marieno Pilato cahapũ sũha Jesu pjacure sinino sũro. José judio masa sã pũhtoa mehne macariro, pũhtoa ti cua pisaro ñũriro waro jiha. Tiro pũhtoro Cohamacũ masare to sũho jihtore cohtaro niha. 44 Ñ yoa José Pilatore to ã sinichũ tũhoru, tũho cũaa wahaha Pilato sehe. “¿Jesu yaria tuhsũari?” ni tũhoturo, cũaa wahaha. Ñ jiro surara pũhtoro pjiroca õ sehe niha tirore:

—¿Potocãta Jesu yariaa wahari? —ni sinituha tirore.

45 To ã nichũ surara pũhtoro õ sehe ni yũhtiha:

—Ñja. Yariaa wahahre —niha.

To ã nichũ tũhoru, Pilato Jesu pjacure wa dutiha Josére.

46 To ã wa dutiri baharo José noari suhtirore nuchũbasaha. Nuchũbasa tuhsũ, Jesu pjacũ cjirore na boro, suhtiro mehne wahma, masa copapũ tãcai ti sahari copapũ to pjacure siõ sãa

payoha. Siō sãa payo tuhsu, tí copa cahai jiria tãcare pjiria tãcare tju turẽ wahcã, tí copare biha dapoha. <sup>47</sup> María Magdalena, ã jichu María José pocoro Jesure ti na sãa duhu payorirore ñuha.

### Jesu masa wijaaha

(Mt 28.1-10; Lc 24.1-12; Jn 20.1-10)

**16** <sup>1</sup> ã yoa Sabado dacho yũhduri baharo, sũ sãari baharo, María Magdalena, Salomé, ã jichu María Santiago pocoro, tina tiaro numia wisõa me sitia core nuchuha Jesu pjacure wisõa taa. <sup>2</sup> ã jia domingo bohrea mũa tachu Jesure ti duhu payori coparu ñua wahaha tina. <sup>3</sup> Tí copa caharu waharucua, õ sehe niha tina ti basi:

—¿Tí copare bihari tãcare noa marine pjõobasarohcari na? —niha tí numia ti basi.

<sup>4</sup> Baharo tí copa caharu sãa, tí copare bihari tãcare, pjiria tãcare ti nawe cũriare ñuha tina. <sup>5</sup> ã ñua tí coparu sãa wahaha. Tõru sãa, cũiro wahmũnore ti poto bũhusehei dujirirore, yehseri suhtiro sãarirore ñua, cãaa wahaha tina. <sup>6</sup> Ti ã cũachũ ñũno, tiro sehe õ sehe niha tí numiare:



—Yũhũre ñũ cñaena t̃jiga. Jesu Nazare macariro, crusapũ ti cjã puha wajãriro cjirore m̃sa macana nimana. Wiho mejeta tiro sehe masa wijaa tuhsũhre. Ōre mariahna. Tirore ti duhu payoro cjirore ñũga. <sup>7</sup> “Tiro m̃sa pano Galileapũ wahayuhto jiyuhti. Tóí to niriro seheta m̃sa tirore ñũhtina jiyuhti”, ni yahuna wahaga to buheinare, Pedro cũhũre —ni yahu dutiha wahm̃no tí numiare.

<sup>8</sup> To ã nichũ tũhoa tina cui, tetere, masa copa cahai jirina m̃rocaahahaha. Æ cuia painare yahueraha.

### **Jesu María Magdalenare bajuaha**

*(Jn 20.11-18)*

<sup>9</sup> [Æ yoa Jesu sehe domingo ñamicunucã to masa wijaari baharo, María Magdalenare to siete watã to cohãnohricorore tiro bajuah m̃htaha. <sup>10</sup> Jesu mehne macaina cjiri sehe to yariachũ ñũa, tuaro cahya, tiia niha. Æ ti tiuro watoi, María Magdalena sehe Jesure to ñũrire tinare yahuro samaha.

<sup>11</sup> “Jesu catihre. Ñũhi yũhũ”, ni yahumaha ticoro. To ã ni yahupachũta, tina sehe ticorore ne tũho duaeraha.

### **Jesu to buheinare bajuaha**

*(Lc 24.13-35)*

<sup>12</sup> Baharo p̃aro tina mehne macaina masa marienopũ ti tinichũ Jesu soro bajuriro tina cũhũre bajuaha tjoa. <sup>13</sup> To ã bajuachũ ñũa tina tjua waha, paina Jesu yainare tíre yahuha. Ti ã ni yahupachũta tina cũhũre tũho duaeraha.

### **Jesu to yare buhe dutiro warocaha to buheinare**

*(Mt 28.16-20; Lc 24.36-49; Jn 20.19-23)*

<sup>14</sup> Baharo to buheina oncere mesa cahapũ ti chũ dujiro wato, tinare bajuaha tjoa Jesu. Tirore ñũrinare ti yahuchũ ti tũho duaerari buhiri, tirore ti noano wacũ tuaerari buhirere masino, tiro tuhtiha tinare. <sup>15</sup> Æ tuhti tuhsũ, tinare õ sehe niha:

—Ahri yahpa jipihtiropũre ahri yũ ya quiti noaa buheare jipihtina ahri dacho macainare noano yahu site pahñona wahaga. <sup>16</sup> Yũhũre wacũ tuainare ti bautisarinare pichacapũ wahaborinare yũhdorohca Cohamacũ. Tuhsũ, yũhũre wacũ tuaeraina Cohamacũ to buhiri dahrehtina pichacapũ wahahtina jiahca. <sup>17</sup> Æ jia yũhũre wacũ tuaina yũ tuaa mehne õ sehe yoahca: Yũ tuaa mehne, yũ wama mehne watãre cohã



wioahca. Tuhsu, wahmaa duserire durucuahca. **18** ã yoa agãare ti ñahachu, jipihtia ñima dohse jia ñimare ti sihnichu, tinare ne purisi. ã yoa dohatiina bui ti wamomacarine ti ña payochu tina noaina wahaahca —ni yahuha Jesu to buheinare.

**Jesu manopu mujaa wahaha**

*(Lc 24.50-53)*

**19** ã ni yahu tuhsu mari puhtoro Jesu manopu mujaa wahaha. Tõpu sũro Cohamacu poto buhusehei dujiha tiro mehne puhtoro jiro. **20** ã jia tina jipihtiropu noaa buheare Cohamacu masare to yuhduchu yohti buheare buhea wahaha. Ti ã buhechu mari puhtoro tinare yoadohoha. To tuua mehne yoa ño masichu yoaha tinare, masare to ya buheare tuho dutiro. Tõ puro tjira.]

# San Lucas

**1** <sup>1-3</sup> Pũhtoro Teófilo, ahrire mũ buhehti cjihtire mũhũre joarocai nija. Jesu sã mehne jisninino to yoari cjiřire payũ paina joa dũca tuhsũre. Wahmanopũre Jesure ñũina cjiri, to yare buheina cjiri ti ni yahuriro seheta paina tíre joa dũca tuhsũre. ã jicũ ahri jipihtiare noano masi pahũno duacũ buhei. ã jicũ yũhũ cũhũ tíre noano joa duaja mũ buhehti cjihtire yoacũ tacũ. <sup>4</sup> Jesu yare yahuina mũhũre buhe tuhsũre. Tíre noano mũ masi namohto sehe ahri tjure mũhũre joarocai nija.

## João masare bautisahtiro to masa bajuahtire anjo yahuha

<sup>5</sup> Herode Judea yahpa macaina pũhtoro to jichũ cũiro sacerdote Zacaria wama tiroto jia tiha. ã jiro Zacaria to ya curua macaina sehe sacerdotea curua Abías cjiro ya curua jiha. Zacaria namono cũhũ sacerdote Aarõ cjiro panamañono ji turiaricoropũ jiha. Ticoro Elisabe wama tiricoro jiha. <sup>6</sup> Tina pũaro Cohamacũ dutiare noano yoa pahũoina ti jichũ ñũno, “Ahrina yũ cahmano seheta ã jia tirucura”, ni ñũha Cohamacũ tinare. <sup>7</sup> Ticoro Elisabe ne pohna marienicoro jiha. ã jia tina pũaro ne pohna marieina ji, bũcũna waro jiha.

<sup>8</sup> ã yoa sacerdotea ti dahraare dahraa taa, õ sehe yoaa tiha: Dahra mũhtari curua cjiro pa curua mehne cahma cohtota mũjaa tiha. ã jia Zacaria ya curua macaina dahrahti dachori jichũ, tina dachoripe sacerdotea ti dahraa tirucuriro seheta Cohamacũ ya wũhũpũ dahraa taa niha. <sup>9</sup> Sacerdotea Cohamacũre ti ño payori mesapũ inciensore me sitia pohcare jũhtiro cjihtore besea taa, docapea mehne besea tiha. ã yoa ti quihõri dacho jichũ Zacaria ya curua macaina me sitiare jũhtirore besea taa docapeha. ã docapea Zacariare beseha. ã jiro tiro pũhtoro Cohamacũ ya wũhũpũ sãa wahaha me sitiare jũno waharo. <sup>10</sup> Tí wũhũpũ tíre to jũno watoi jipihtina masa sehe sopacapũ Cohamacũre sinia tiha. <sup>11</sup> Tí pjare Cohamacũ yairo anjo Cohamacũre ño payori mesa poto bũhũsehei bajuarũcũ sũha Zacariare. <sup>12</sup> To ã bajuachũ ñũno Zacaria tirore ñũ cũa yũhdũa wahaha. <sup>13</sup> To ã cũachũ ñũno anjo tirore õ sehe ni yahuha:



—Zacaria, cuii tjiga. Cohamacu mu sinirire tuhore. Ñ jina mipure musa pohna tinahca. Musa macu cjihto masa bajuarohca. To bajuachu “João” ni wama pisuga tirocãre. 14-17 “Tiro yu tuaa mehne payu noaare yoarucuriro jira”, ni ñnohca Cohamacu mu macure. Tiro to masa bajuari baharo vinore, sihbiori cũhure sihnisi. Ñ jiro tiro to masa bajuahto pano Espiritu Santo to niriro sehe yoariro jirohca tiro. Espiritu Santo tiropure sãarucu su tuhsu ã baju yoarucurohca tiro mehne. Ñ yoa payu Israe masare Cohamacu mari pũhtorore cahmaeraina cjirire noano cahmachu yoarohca mu macu. Mari pũhtoro to tahto pano Elia cjiro Cohamacu yare yahu mũhtariro to buheriro seheta Espiritu Santo to yoadohoro mehne Cohamacu to tuaa mehne mu macu cũhu buherohca. Ñ buhero ti pũcusuma ti pohna mehne ñano jimarinare ti noano cahma cahĩ jichu yoarohca. Ñ yoa Cohamacure yũhdũrcaina cjiri cũhure noano ño payoa mehne yũhtichu yoarohca. Ñ buhero mari pũhtoro Cohamacu yaina cjihtire yoarohca tiro. Ñ jicu to masa bajuari baharo mũhu wahcheihca. Payu paina cũhu wahcheahca —niha anjo Zacariare.

18 To ã nichu tuhoro Zacaria sehe õ sehe ni sinituha anjore: —Sã bucuna jija. ¿Ñ jicu mu niri potocã jichu dohse masicũhcaru yũhu? —niha tiro.

19 To ã nichu anjo sehe tire õ sehe ni yahuha: —Yũhu Gabrie wama tiro jija. Cohamacu cahamacu no to cahai ducuriro jija yũhu. Cohamacu ahri noaa quitire yahu dutiro, mu cahai yũhure warocare. 20 Yu yahuriro seheta potocãta waharohca. Yu ã nipachũta yũhure mũhu potocã tuhoerare. Ñ jicu mipure mũhu durucu masierariro wahaihca. Mu macu to bajuari baharo durucuihca tjoa —niha anjo Zacariare.

21 Sopacaru jiina masa Zacariare cohtaa niha. “¿Dohse jiro baro tiro Cohamacu wũhũru jiro, so wijaa taerajari?” ni, cohtaa niha masa tire. 22 Tuhsu, tiro wũhũru jiro wijaa wihi, tina mehne durucu masieraha. “Tiro Cohamacu wũhũ bajuaire ñno niboca”, ni tuhutu masiha tina. Ñ jiro tiro durucu masierariro jiro to wamomacari mehne yoa cayoha masa ti masihtu sehe.

23 Cohamacu wũhũ to dahraa pihtichu, tiro to namono mehne tjuaa wahaha ti wũhũru. 24 Ti ã tju sũri baharo to namono Elisabe niji pocoro jiha. Ñ jiro ticoro cinco sũri waro

masa cahai wahaeraha. <sup>25</sup> Õ sehe ni tũhotuha ticoro: “Mipũre yũhũre Cohamacũ yoadohore jũna. Pohna marienicoro jico bũobiario yũhdũhi yũhũ. Cohamacũ to yoadohoro mehne mipũre nijinocãre bocaia yũhũ”, ni tũhotuha ticoro.

### Jesu to masa bajahtore yahuha anjo

<sup>26-27</sup> Elisabe cinco sũri niji pocoro to ji wahcãchũ waro Cohamacũ sehe anjore Gabriele wama tirirore nuhmino, ne mũa mehne jieraricoro caharũ warocaha. Ticoro María wama tiricoro Nazarei Galilea yahpai jiri macai jia tiha. José wama tiroiro jiha to manũno cjihto. Tiro panorũ macariro Davi cjiro panamino ji turiarirorũ jiha. <sup>28</sup> ã to warocachũ María caharũ sũro, anjo õ sehe ni yahuha:

—María, ¿jimajari mũhũ? Cohamacũ mũhũre yoadohoro nina. Mũhũre noano yoaro nina —niha anjo ticorore.

<sup>29</sup> To ã nichũ tũhoro, ticoro tuaro wacũ tũhotuha. Anjo to yahurire tũhoturo “¿Dohse nino baro yũhũre ã nicari?” ni wacũha ticoro. <sup>30</sup> To ã ni tũhotuchũ masino anjo õ sehe ni yahu namoha ticorore:

—María, Cohamacũ mũhũre tuaro cahĩna. ã jico mũhũre yũ yahuhtire tũho cũaeco tjiga. <sup>31</sup> Noano tũhoga. Cũiro nijinocãre pohna tichocã mũhũ. Tirocã to masa bajuari baharo, “Jesu” ni wama pisucõhca mũhũ tirocãre. <sup>32-33</sup> Tiro tua yũhdũariro jirohca. ã jia tirore “Cohamacũ Jipihtina Bui Jiroiro macũnota jira”, ni masiahca masa. Mũ macũ ñũchũno mũnanorũ Davi cjiro Israe masa ti pũhtoro to jia tiroiro cjiro seheta mũ macũ cjihto cũhũre cũnohca Cohamacũ. ã jiro jipihtia dachoripe tiro Israe masare dutirohca. Pũhtoro to jihto ne pihtisi —niha anjo.

<sup>34</sup> To ã nichũ tũhoro María sehe õ sehe ni sinituha:

—¿Dohse yũhũ manũ mariapacohta pohna tibocari yũhũ? —niha ticoro.

<sup>35</sup> To ã nichũ tũhoro anjo õ sehe ni yũhtiha:

—Espĩritu Santo to tuua mehne mũhũre nijinocãre bocachũ yoarohca. ã jiro Cohamacũ Jipihtina Bui Jiroiro to tuua mũhũre to masũrũca caharo seheta bajaeraparota tarohca mũhũre. ã jia “Cohamacũ macũno, ñaa buhiri tia marieriro jira”, niahca masa mũ macũre. <sup>36-37</sup> Cohamacũ jipihtiare yoa masina. ã jiro mũ coyecoro Elisabe cũhũ bũcoro waro jiparota mipũre niji pocoro jira ticoro. Ticoro pohna tirohca mũnocãre. Masa

ticorore “Nijinocã boca masienicoro jira”, ti niricoro cjiro mipũre nijinocãre to bocari baharo seis sũri waro wahara —niha anjo Maríare.

**38** To ã nichũ María õ sehe ni yũhtiha:

—Yũhũre tũhoga. Mari pũhtoro to cahamacono jija yũhũ.

Mũ niriro seheta yũhũre ã wahajaro —niha ticoro.

To ã niri baharo anjo wahaa wahaha.

### María Elisabere ñũno wahaha

**39** To ã niri baharo María tũyucũri jiri yahparũ Judea yahpai jiri macarũ ño duaro wahaa wahaha. **40** Tópũ sũro, Zacaria ya wũhũrũ sãano, “¿Jimajari?”, niha ticoro Elisabere.

**41** To ã nichũ Elisabe to tũhochũta, to macũno sehe niji suhtiorũ jirocã ñũhmiha. Elisabe Espĩritu Santo to dutiriro seheta yoa pahñoricoro jiro, to tuaare cjuaricoro jiha. **42** ã jiro tuaro wahchea mehne ticoro bisiro durucuha:

—Jipihtia numia yũhdoro mũhũre noano yoahre Cohamacũ. Mũ macũ cũhũre noano yoahre Cohamacũ. **43** Cue, yũ pũhtoro pocoro yũ cahai mũ tachũ noano yoara yũhũre Cohamacũ.

**44** Mũ yũhũre “¿Jimajari?” mũ nichũ yũ macũ sehe niji suhtiorũ jirocã wahchea mehne ñũhmihti yũhũre.

**45** Cohamacũ to niriro seheta yoarohca. ã jico to yahurire tũhoricoro jico wahchericoro jira mũhũ —niha Elisabe Maríare.

**46** To ã nichũ María õ sehe ni yũhtiha:

“ ‘Cohamacũ noariro, tuariro jira’, nija. Yũhũ noano yajeripohna tija.

**47** Cohamacũ yũhũre pichacarũ wahaboricorore yoadohoriro jira.

ã jiro mipũre yũhũre noano wahchea mehne jichũ yoara.

**48-49** Tiro yũhũre to cahamaconore wacũri jira.

Cohamacũ tua yũhdũariro noaa dihtare yũhũre yoadohohre.

ã jia mipũre ‘Ticorore Cohamacũ noano yoahre’, jipihtina masa ã ni, durucuahca yũhũre.

Cohamacũ ñaa marieriro jira.

**50** Jipihtia dachoripe jipihtina tirore ño payoinare tiro pja ñũriro jira.

**51** Cohamacũ to tuaa mehne yoaha. ‘Painare yũhdũrũcaja’, niinare yũhdũrũcaha tiro.

52 Pũhtoare cohãha tiro. Ñ jiro cahamaca sehere tiro pũhtoa yoaro seheta cũha tinare.

53 Јѳса баина cјirire tiro noaa chũare waha. Tuhsѳ, payѳ cјuaina cјirire paye baro cјuаeraina yoaha tiro.

54-55 Mari ñuchѳsѳma cјirire to yahu cũriro seheta yoa pahũoha Cohamacѳ.

To cahamaca Israe masare tiro yoadohoha.

Abrahã cјirore mari ñuchѳsѳma cјirire jipihtina to coyea to baharo jiina cũhũre Cohamacѳ jipihtia dachoripe ã pja ñѳrucuriro jia tiha.

Tinare to yahu cũrire boeraha Cohamacѳ”,

niha María.

56 Tia sѳ waro Elisabe mehne jiha ticoro. Tó puro to jiri baharo to ya macapѳ tјuaa wahaha María.

### João masa bajuaha

57 Elisabe to niji wahcõri baharo to macѳno masa bajuaha.

58 Ñ jia Cohamacѳ ticorore to ã noano yoachѳ to ya maca macaina to coyea cũhũ ticoro mehne wahcheha. 59 Ocho dachori to masa bajuari baharo, to pѳcѳsѳma tirocãre mahanocã to pјacѳ cahsarocãre yihso dutia taa niha. Ñ jia tina mehne macaina ti cahapѳ sѳha ti yihsochѳ ñѳa taa. Tina mehne macaina Zacaria to pѳcѳro wamare tirocãre wamoa duamaha. 60 Ti ã wamoa duapachѳta to pocoro õ sehe niha:

—To pѳcѳro wamare wamoeraja. João wamoanahca tirocãre —niha ticoro.

61 —Mѳ coyea ne cũriro João wama tiroiro mariahna —niha tina ticorore.

62 Ñ jia ti wamomacari mehne yoa ño, Zacariare õ sehe ni sinitu ñѳha tina:

—¿Mѳhũ waro dohse wamoa duajari mѳ macũre? —ni sinitu ñѳha tirore.

63 Ti ã nichѳ tiro sehe joahti pјĩne siniroca, ñaha, joaha: “Yѳ macѳ João wama tirohca”, ni joaha Zacaria. To ã ni joachѳ tina sehe cѳaa wahaha. 64 To ã ni joari baharo tirore durucuchѳ yoaha Cohamacѳ. Ñ jiro tiro durucua wahaha јna:

—Cohamacѳ tuariro, noariro jira —niha tiro.

65 To ã ni durucuchѳ tũhoa tó macaina cѳaa wahaha. Ñ jia ahri jipihtiare Judea yahpa macainare tѳyucѳ watoi јinare

masa yahu siteha. Ñ jia masa tó macaina noano masi pihtia wahaha. 66 Jipihtina tíre tũhoa wacũha. “Cohamacũ tuaare ahrirocã cjũara. Ñ jiro wiho jiriro jierara ahrirocã”, ni tũhotuha masa.

### Zacaria Cohamacũre ño payoha

67 Ñ yoa to pũcũro Zacaria sehe Espĩritu Santo to dutiriro seheta yoa pahñoriro jiro to tuaare cjũariro jiro Cohamacũ yare õ sehe ni yahuha:

68 “Mari Israe masa Cohamacũre, mari pũhtorore wahche payojihna mari. To yaina jija mari.

Ñ jiro tiro mari cahapũ wihiro, marine yoadoho, noano yũhdũchũ yoaro taro nina.

69 Cohamacũ marine, pichacapũ wahaborinare yũhdũchũ yoahitire, tua yũhdũaritore warocara.

Ahriro marine yũhdũchũ yoahitiro cjihto sehe Cohamacũre dahra cohtariro Davi cjiro panamino ji turiariro jira.

70 Panopũre to yaina waro, to yare yahu mũhtaina cjirire ahri õ sehe wahahto cjihtore yahu cũ mũhta tuhsũa tiha.

71 ‘Mũsare ñũ tuhtiinare, jipihtina mũsare ñano yoainare dũcataihtja’, ni cũha Cohamacũ marine.

72 Mari ñũchũsuma cjiripũre ‘Mũsare pja ñũi, yoadohoihtja.

Mũsare yũ yahu cũrire wacũihtja’, niha Cohamacũ.

Tĩ pjarũre to ni cũriro seheta mipũre marine sohtori tiro taro nina.

73-75 Panopũre õ sehe ni cũa tiha Cohamacũ Abrahãre: ‘Potocã niita nija mũhũre.

Mũ coyea baharopũ ji nũnũhtinare paina tinare ti ñũ tuhtichũ, yũhũ sehe tinare dũcataihtja.

Ñ jia mũ coyea sehe ne cuiro marieno yũ dutiare yoa, yũhũre ño payoahca.

Tina ti catiro puro yũ ñũrocaroi buhiri marieno, quihõno jia tiina jirucuahca’, ni yahu cũa tiha Cohamacũ mari coyeiro Abrahã cjirore”,

niha Zacaria. Ñ ni tuhsũ tiro to macũno cũhũre õ sehe niha tjoa:

76-77 “Macu, mũhũre õ sehe niahca masa: ‘Cohamacu Jipihtina Bui Jiriro yare yahu mũhtarirota jira’, ni masiahca mũhũre.

Mũhu mari pũhtoro Cristo to tahto panore masare yahuyui wahaihca.

Ã yahuyui wahacu, õ sehe ni yahuyuihca tinare: ‘Mari pũhtoro tarohca.

Tiro mũsa ñaa yoari buhiri tiare cohã, pichacaru wahaborinare yũhdorohca mũsare’, ni yahuihca mũhu.

Ã ni yahucu, mari pũhtoro to tahtore cahnoyu dutii niihca mũhu tinare.

78 Cohamacu sehe marine tuaro pja ñũriro ji, marine noano yoariro jitjiãno, tiro marine pichacaru wahaborinare yũhdũchũ yoa duara.

Ã jiro tiro Cristore buhriaro yoaro sehe jirirore mari caharu warocara.

79 Tiro mari cahai wihiro marine pichacaru wahaborinare nahitiano waroru jimarinare buhriaro marine to noano ñũ bocachũ yoaro sehetã Cohamacu ya potocã ni yahuaire masichũ yoarohca tiro.

Ã yoa mari tiro mehne cũno mehne mari noano ji masihtõ cjihto cũhũre yahurohca marine”,

niha Zacaria.

80 Ã yoa Zacaria macũno noano pjacu tiriõ bũcũaha. Ã bũcũaro, Cohamacũre tuaro ñõ payoriro jiha. Tuhsũ, yoari pja masa marienoru jia tiha. Israe masare buhe dũcaro tũpũta to jiriro cjiroi jia tiha.

### Jesu masa bajuaha

(Mt 1.18-25)

**2** <sup>1</sup> Tĩ pjare jipihtia yahpari macaina bui pũhtoro Augusto jia tiha. Ã jiro jipihtinare quihõ dutiha. <sup>2</sup> Ahrina masare ti coã quihõ dũcachũ Siria yahpa macaina pũhtoro Cirenio wama tiriõ jiha. <sup>3</sup> Ã jia jipihtina ti ñũchũsuma panoru macaina ya macaripu ti wamare joa õa wahaha. <sup>4</sup> Josẽ cũhu Nazarepu Galilea yahpai jiri macaru jiina waha, Judea yahparu Belẽ wama tiri macaru sũha. Pũhtoro Davi cjiro panoru macariro to masa bajariro jiha Belẽ. Josẽ Davi cjiro panamino ji



turiariro jiro p̄h̄toa masare to quihō dutich̄u t̄h̄oro Belēp̄u to wamare joa ò dutiro wahaha. <sup>5</sup> Ā jiro tiro María to namono c̄jih̄to mehne t̄óp̄u to wamare joa ò dutiro s̄uha. Ticoro sehe wih̄āriroc̄āre c̄j̄uaro caharicoro jiha. <sup>6</sup> Ā jiro Belēp̄u s̄uro ticoro n̄iji wahc̄ōha. <sup>7</sup> T̄óp̄ure masa ti car̄iri w̄h̄u ne m̄u s̄ueraha tinare. Ā jiro ticoro pohna ti tuhs̄u, tiroc̄āre suhtiro mehne coma, wach̄ua ti ch̄uri wahwai, t̄ja bui tiroc̄āre duhu payoha. Tiroc̄ā wahma to pohna ti m̄h̄tariroc̄ā jiha.

#### Anjoa ovejare ñu wihboinare bajuaha

<sup>8</sup> Tí ñamine cam̄op̄u ovejare ñu wihboina ti yaina ovejare ñu wihboa niha. <sup>9</sup> T̄óp̄u ti jich̄u Cohamac̄u warocariro anjo tinare bajuaha. To ã bajuach̄u Cohamac̄u to si sitea tinare buhriaha. To ã si sitech̄u ñua, ovejare ñu wihboina cuia wahaha. <sup>10</sup> Ti ã wahach̄u anjo tinare ò sehe ni yahuha:

—Noaa quitire m̄sare yahui taja. Jipihtinare masare wahchech̄u yoarohca ahri quti. Ā jina ȳh̄ure cuiena t̄jiga m̄sa. 11 Micha ñamine p̄htoro cjiro Davi ya macap̄u m̄sare pichacap̄u wahaborinare ȳh̄dohtiro, Cristo Cohamac̄u warocariro mari p̄htoro masa bajua tuhs̄h̄re. 12 Suhtiro mehne comariro wach̄na ch̄uri wahwa bui ti duhu payoriro m̄sa ñ̄htiro tiro t̄jirohca —ni yahuha anjo tinare.

13 To ā nich̄ta paȳu m̄ano macaina ji m̄htariro anjo mehne Cohamac̄ure wahche payoha. Ō sehe ni wahche payoha tina:

14 “Cohamac̄ure m̄ano macarimore ño payojihna.

Ā jia Cohamac̄u to cah̄ina cuiro marieno  
cahmacheno marieno noano jijaro”,

ni wahche payoha anjoa peri.

15 Ā ni wahche payo tuhs̄u m̄anop̄u ti m̄jari baharo ovejare ñ̄u wihboina sehe ti basi cahma durucuha:

—Ahrire Cohamac̄u marine to yahurire Bel̄ep̄u basa ñ̄ujihna —niha tina ti basi.

16 Ā nia ño duaro wahaa wahaha tina. Maríare, Josére boca s̄u, wih̄ariroc̄are wach̄na ch̄uri wahwai ti duhu payoriroc̄are ñ̄uha tina. 17 Ovejare ñ̄u wihboina tiroc̄are ñ̄u tuhs̄u anjo wih̄ariroc̄are to yahurire yahu turiaha painare. 18 Ti ā ni yahu turiach̄u jipihtina tinare t̄ho c̄uaa wahaha. 19 Ahri jipihtiare María wac̄u t̄hoturucuha. 20 Ā yoa ovejare ñ̄u wihboina sehe anjo to yahuriro seheta jich̄u ñ̄ua, “Cohamac̄u tuariro jira”, ni wahcheha. Ā ni wahche, majare t̄juaa wahaha.

### **Cohamac̄u wuh̄up̄u Jesu p̄c̄us̄uma tiroc̄are naaha**

21 C̄u somana baharo wih̄ariroc̄a to pjac̄ure mahanoc̄a cahsaroc̄are yihso na tuhs̄u tiroc̄are tina Jesu wamoaha. Jesure wahma to bocahto pano anjo sehe “ ‘Jesu’ ni wama pisuga tiroc̄are”, ni yahu tuhs̄uha. Ā jia tiroc̄are “Jesu” ni wama pisuha.

22 Cohamac̄u dutia Moise to yahuriro seheta yoa taa José, María mehne Jerusal̄ep̄u wahaha. Tóp̄u wahaha María to pohna tiri baharo to noaricoro to wahari baharo to ā waharire ñono taro. Ā wahaa, tina Jesuc̄are naa wahaha. Tiroc̄are Cohamac̄ure “Ahriroc̄a m̄u yairo cjihto jira”, ni ñoa wahaha. 23 Ō sehe yoaha Cohamac̄u yare ti joari p̄ui to yoa dutiriro seheta. “Jipihtina m̄sa pohna wahma bajua m̄htainac̄are



Cohamacure ñoga. ‘Ahrirocã m̄ yairo cjihto jira’, ni ñoga”, ni dutia tiha Cohamacu. 24 Ñ ño tuhsu Cohamacu to yoa dutiriro seheta tina minichahcare waa wahaha Cohamacure ño payoa. Ñ sehe dutia tiha Cohamacu: “Bujaa p̄aro waga yũhũre. O tina mariachũ urítua wihãinacã p̄aro waga yũhũre ño payona”, ni dutia tiha Cohamacu. To yoa dutiriro seheta yoaha tina ticoro pjacu noari pjacu to waharire ñoa taa.

25 Jerusalëi Simeo wama tiro jira. Tiro quihõno yoiriro, Cohamacure ño payoriro jiro, Cohamacu Israe masare to yoadohohtire cohtariro jira. Tiro Espiritu Santo to nino sehe yoiriro jira. 26 Ñ jiro tiro to yariahto pano Cohamacu to warocahtirore Cristore to ñũhti cjihtire tó pano yahu tuhsuha Espiritu Santo tirore Simeore. 27 Ñ jiro Espiritu Santo tirore to dutichũ Cohamacu wũhũpũ sãa wahaha. To sãa sũri baharo Jesu p̄cusũma ti macũnocãre na sãaha. Cohamacu to dutiriro seheta yoaa niha. 28 Simeo sehe tirocãre w̄a na, Cohamacure ño payo, “Noana” ni, tiro mehne durucuha.

Ñ sehe niha tiro Cohamacure:

29-32 “Mipũ pinihtare p̄htoro, m̄ niriro seheta jipihtina  
masare pichacapũ wahaborinare yũhdũchũ  
yoahtiro cjihtore warocahre m̄hũ.

Tiro judio masa jierainare buhero m̄hũre noano  
masichũ yoarohca tinare.

Masare yũhdohtiro Israe masũnore m̄hũ cũha.

Sã coyeyirore Israe masũnore m̄ cũchũ jipihtina  
masia, ‘Israe masare noano yoara Cohamacu’,  
niahca masa.

Ahrirocã sãre yũhdũchũ yoahtiro jira.

Ñ jicu ahrirocãre ñũ tuhsũcũ, mipũre noano  
wahcheriro yariaihca”,

niha Simeo.

33 Simeo tirocãre to ã nichũ Jesu p̄cusũma sehe tũho cũaa wahaha. 34 Ñ jiro Simeo tinare “Noano jiga m̄sa” nino, tiro María Jesu pocorore ñ sehe ni yahuha:

—Cohamacu ahrirocãre beseha. To ã beseriro to jipachũta judio masa payũ tirore yũhdũrũcaahca. Ñ yoaa tina pichacapũ wahaahca. Judio masare payũ yũhdohtirore Cohamacu beseha tirocãre. Tiro Cohamacu yare yahuriro to jipachũta masa payũ tirore ñano ni yahu wajaahca. 35 Ti ã yoachũ paina ti ñano

wacũare masiaha. ã jico mũhũ tuaro cahyacohca —niha Simeo Mariare.

**36** Tói Cohamacũ yare yahu mũhtaricoro Ana wama tiricoro jiha. Ticoro Fanuel macono jiro, Aser cjiro ya curua macaricoro jiha. Bũcoro waro jiha. Ticoro nuhmino jiro manũ tiha. ã yoa siete cũhmari to manũno mehne jiha. Tó puro to jiri baharo to manũno yariaha. **37** ã jiro ochenta y cuatro cũhmari waro wapewahyoro jia tiha ticoro. ã jiro ticoro dachorũ cũhũre ñamipũ cũhũre Cohamacũ yare yoaro taro chũaeraro, Cohamacũ mehne durucu, Cohamacũ wũhũre ne wijaaera tiha. **38** Simeo to durucuro watoi ticoro tina cahai wihiro, wahchero Cohamacũre “Noana”, niha. ã jiro Jerusalẽ macainare pichacapũ wahaborinare yũhdohtirore cohtainare ticoro Jesucãre yahuha tina jipihtinare.

**José, María, Jesu mehne Nazarepũ tjuaa wahaha tjoa**

**39** Cohamacũ to dutiriro seheta yoa tuhsũa, tina ti ya macapũ Nazarepũ tjuaa wahaha. Galilea yahpai jiha tí maca Nazare. **40** Jesu sehe noano bũcũa, tuariro wahaha. ã jiro tiro noano tũho masiriro bũcũaha. Cohamacũ tirore noano yoaha.

**Jesu wahma wahmũa tariro jiro, Cohamacũ ya wũhũi judio masare buheina mehne sũhũduro niha**

**41** Cũhmaripe Jesu pũcũsũma Jerusalẽpũ pascua nũmũrine bose nũmũrine yũhdoa wahaa tiha. **42** ã jia Jesu doce cũhmari to cjuachũ waro ti yoarucuriro seheta tina jipihtina Jerusalẽpũ bose nũmũrine yũhdoa wahaha tjoa. **43** Tí macapũ sũ, tí bose nũmũrine yũhdo tuhsũ tina ti ya macapũ majare tjuaa wahaha tjoa. Wiho mejeta Jesu sehe ti ã majare tjuapachũta, Jerusalẽpũ tjuanocaha. To pũcũsũma sehe tíre to tjuarire masieraha. **44** “Paina mari mehne macaina mehne taca mari macũ”, ni tũhotumaha tina. ã jia tina cũ dacho waro noano Jesu marieno waharucumaha. Tí dacho pihtichũ waro tina Jesure ti coyey watoi ã jichũ ti ñũ masiina watoi cũhũre macamaha. **45** Wiho mejeta ne bocaeraha. ã jia tina pari turi Jerusalẽpũ majare tjuaa wahaha tjoa, tirore macaa wahaa.

**46** Tia dacho baharo Cohamacũ wũhũ wijaroi tirore boca sũha. Tói Jesu judio masare buheina watopũ duji, tinare tũho, tinare sinituro niha. **47** Tina jipihtina Jesure to quihũno yũhtichũ tũhoa noano masirocã to jichũ ñũa, tina cũaa

wahaha. 48 Jesu p̄c̄s̄uma c̄h̄u tirore ñ̄a, tina c̄h̄u c̄aa wahaha. Ñ̄ jiro to pocoro tirore ò sehe niha:

—Mac̄, ¿dohseac̄ ã yoari m̄h̄u s̄are? Sã m̄ p̄c̄s̄uma pj̄iro t̄hotu, cahya, macana nihi m̄h̄ure —niha ticoro to mac̄nore.

49 To ã nich̄u t̄horo tiro to p̄c̄s̄umare ò sehe ni ȳhtiha:

—¿Dohseana ȳh̄ure macari m̄sa? Ȳ P̄c̄u waro ya w̄h̄i ji to dutiriro seheta yoai nija. ¿T̄ire masierajari m̄sa? —niha tiro tinare to p̄c̄s̄umare.

50 To ã ni yahupach̄ta tina to yahuare t̄ho ñ̄ahaeraha.

51 Ñ̄ yoari baharo, Jesu to p̄c̄s̄uma mehne Nazarep̄ t̄jaa wahaha. T̄ju s̄, to p̄c̄s̄umare ne ȳhd̄r̄caerariro jia tiha tiro. Ahri jipihtia to yoarire ñ̄no María noano t̄hotu, wac̄rucua tiha. 52 Ñ̄ yoa Jesu b̄c̄a, noano t̄ho masiriro wahaha. Tó sehe jiriro to ji b̄c̄ach̄ ñ̄no, Cohamac̄ sehe tirore noano ñ̄ ji coa, tuaro cah̄a tiha. Masa c̄h̄u tirore tó seheta noano ñ̄ ji coa, tuaro cah̄a tiha.

### João masare bautisariro masare Cohamac̄ yare yahuha

(Mt 3.1-12; Mr 1.1-8; Jn 1.19-28)

**3** 1 Tí pjare ti bui p̄htoro jiriro Tiberio wama tiroto to p̄htoro jiri baharo quince c̄hmari wahaha. Tuhs̄, Poncio Pilato wama tiroto sehe Judea yahpa macaina p̄htoro jiha. Ñ̄ yoa Herode wama tiroto sehe Galilea yahpa macaina p̄htoro jiha. To bah̄ro Felipe sehe Iturea yahpa macaina, Traconite yahpa macaina c̄h̄u ti p̄htoro jiha. Tuhs̄, Lisancias wama tiroto Abilinia yahpa macaina p̄htoro jiha. 2 Tí pjare Ana, Caifa mehne jipihtina sacerdotia bui p̄htoa jiha. Ahri jipihtina ti jiri pjare João Zacaria mac̄no masa marienop̄ jirirore Cohamac̄ sehe tiroto to yare buhe dutiha. 3 Ñ̄ jiro Jordão wama tiri ma d̄ht̄ cahai jiri yahpai jipihtior̄p̄ João buhero wahaha:

—“Noaina jija sã”, ni m̄sa t̄hotumari c̄jire t̄hotu cohtota, Cohamac̄re cahmaga m̄sa. Ñ̄ yoana t̄re m̄sa yoarire ñ̄ona tana, bautisaina jiga. M̄sa ã cohtoch̄ ñ̄no Cohamac̄ m̄sa ñ̄a buhirire borohca —ni buhea tiha tiro.

4 Isaia c̄jio panop̄ macariro Cohamac̄ yare yahu m̄htariro to joariro seheta ahriro Joã yoaro niha. Ñ̄ sehe ni joaa tiha Isaia c̄jio João to buhehtore:

“Masa marienopu durucu sañurucuro ò sehe ni buherohca: ‘Mari puhtoro to tahto pano “Noaina jija sã”, ni msa tuhutumari cjirire tuhutu cohtota, Cohamacure cahmaga msa.

5 Pja wuhtari, pja buri cãhure noari wapa mari yoariro seheta, tuhcu maharine potoa mahari mari yoariro seheta, ñaa maharine noaa maharine mari yoariro seheta, wetere msa cosariro seheta msa ñaa tuhutare cohtota, cahno muhtaga msa.

6 Msa ã yoachu Cohamacu msare pichacaru wahaborinare to yuhduchu yoachu ñahca jipihti ahri yahpa macaina’, ninohca tiro sañurucu yahuriro sehe”,

ni joaa tiha Isaia cjiro panopure.

7 Masa payu João cahai wihia tiro tinare bautisachu cahmaha tina. ã jiro tiro tinare ò sehe ni yahuha:

—Agã ñima tiina yoaro seheta masare dojomehneina, cui duhti duaina jira msa. Msa ñaa yoarire msa cahya, duhu duaerari buhiri Cohamacu to buhiri dahrehto pano duhti masierara msa. 8 Potocãta msa ñaa tuhutumarine cohtotaina jina, Cohamacure cahmaina jina, tíre msa yoaa mehne ñoga. Ò sehe ni tuhutu wisiena tjiga. “Panopu macariro Abrahã mari ñuchu cjiro jia tiha. ã jina to panamana jina mari Cohamacu yaina jija”, ni tuhutu wisiena tjiga msa. Msare niita nija. Abrahã panamana msa jiina jimana msa. Msa ã jipachuta tí msa ã jia yaba cjihti jierara. Cohamacu sehe ahri tãa mehne Abrahã coyeare dahre masina. ã jiro Abrahã coyea msa jia wiho waro jira tãa ti wiho waro jiro seheta. 9 Ò sehe jira: Masa yucuri yoaro seheta jira. Cohamacu sehe coma mehne yucurire cã cohãriro yoaro sehe jira. ã jiro noaa dicha maria yucure nuhcõri mehnepata cã cohãnohca tiro. Tíre to cã cohãri baharo, pichacaru jũ cohãnohca tiro. (ãta yoaro taro nina masa cãhure tirore cahmaerainare) —ni yahuha João masare.

10 To ã nichu tuhoa masa sehe tirore ò sehe ni sinitu ñuha: —¿Dohse yoanahcari sã? —niha tina João.

11 —Pua suhtiro cjuariro suhti marierirore cõno waga. ã yoa msa chua cjuana paina cãhure waga —niha João.

12 Mahainacã pũhtoa ya cjihtire wapa na cohtaina cũhũ tinare to bautisachũ cahmaha. ã jia João cahai wihia, tirore õ sehe ni sinituha:

—¿Buheriro, sã sehe dohse yoanahcari sã? —niha tina tirore.

13 —Mũsa pũhtoa ti wapa na dutiro purota masare wapa naga. Mahño na namoena tjiga —ni yahuha João tinare.

14 Paina surara tirore õ sehe ni sinituha tjoa:

—¿Sã sehe dohse yoanahcari? —niha tina tirore tjoa.

—Masa ti niñerure maena tjiga. ã yoana mahñoa mehne ti niñerure naena tjiga. Mũsare ti waparo purota wahchega —ni yahuha João.

15 Masa Cristore Cohamacũ to warocahtirore cohtaa niha. ã jia õ sehe ni tũhotu dũcaha tina Joãore. “Ahiri João sehe Cristo jiboca”, ni tũhotumaha tina. 16 Ti ã nichũ tũhoro João jipihtinare õ sehe ni yahuha:

—Yũ baharo yũ yũdoro tuariro tarohca. Noa yũhdũariro jira tiro. Tiro yoaro sehe jieraja yũhũ sehe. ã jicũ tirore tũhotucũ, “Wiho jiriro jija yũhũ”, ni tũhotuja yũhũ. Yũhũ sehe mũsare bautisacũ co mehne yoamahi. Tiro sehe yũ yũdoro yoarohca. Espiritu Santore masa mehne ã jirucuchũ yoarohca. Wiho mejeta paina sehere ti ñaare tũhotumari cjirire tũhotu cohtota duaeraina sehere tiro pichaca mehne buhiri dahrerohca.

17 Yũ baharo tariro cahsarire cohãriro yoaro sehe jira.

Cahsarire cohãriro to batiro mehne jipihtia to trigo yapari cahsarire putiwera. ã yoa tuhsũ trigo sehere to wihbori wũhũni cũnohca. Tó seheta yoarohca ti tirore cahmainare yũ baharo tariro. To putiwea cahsari sehere tiro jũnohca. Tí cahsarire to jũri pichaca ne yatisi. (ãta yoarohca tiro yũ baharo tariro tirore cahmaerainare) —ni yahuha João.

18 Payũ to ã ni yahua mehne masare noaa buheare yahuha João.

19 Tuhsũ, pũhtoro Herode sehe to bahũro Felipe namonore to namo tiri buhiri, pjíro ñaare to yoari buhiri cũhũre João tirore yahumaha. 20 To ã ni yahuri buhiri Herode sehe ñaare yoa namoha, Joãore peresu yoaro.

### João Jesure bautisaha

(Mt 3.13-17; Mr 1.9-11)

21 Joãore ti peresu yoahto pano paina masare João sehe bautisaro niha. Tinare bautisaro Jesu cũhũre bautisaha. To ã

bautisachũ, Jesu diapũ ducuriro Cohamacũre to sinino watoi mũano parĩ mũa wahaha. **22** To parĩ mũari baharo Espiritu Santo buja yoaro sehe Jesu buipũ duji taha. To ã duji tachũ mũanopũ durucuro coa taha:

—Mũhũ yũ macũ yũ cahĩriro jira. Mũhũ mehne wahcheja —nino coa taha mũanopũ.

**Jesu coyea panopũ macainare yahua jira ahri**

*(Mt 1.1-17)*

**23** Jesu to buhe dũcari cũhmare treinta cũhmari cjũaha tiro. “Tiro José macũno jira”, ni tũhotumaha masa. José sehe Elí macũno jiha. **24** Elí Matat macũno jiha. Matat Leví macũno jiha. Leví Melqui macũno jiha. Melqui Jana macũno jiha. Jana José macũno jiha. **25** José Matatías macũno jiha. Matatías Amós macũno jiha. Amós Nahum macũno jiha. Nahum Esli macũno jiha. Esli Nagai macũno jiha. **26** Nagai Maat macũno jiha. Maat Matatías macũno jiha. Matatías Semei macũno jiha. Semei Josec macũno jiha. Josec Joiadá macũno jiha. **27** Joiadá Johanán macũno jiha. Johanán Resa macũno jiha. Resa Zorobabe macũno jiha. Zorobabe Salatie macũno jiha. Salatie Neri macũno jiha. **28** Neri Melqui macũno jiha. Melqui Adi macũno jiha. Adi Cosam macũno jiha. Cosam Elmodam macũno jiha. Elmodam Er macũno jiha. **29** Er Josué macũno jiha. Josué Eliezer macũno jiha. Eliezer Jorim macũno jiha. Jorim Matat macũno jiha. **30** Matat Leví macũno jiha. Leví Simeo macũno jiha. Simeo Juda macũno jiha. Juda José macũno jiha. José Jonan macũno jiha. Jonan Eliaquim macũno jiha. **31** Eliaquim Melea macũno jiha. Melea Mená macũno jiha. Mená Matatá macũno jiha. Matatá Natán macũno jiha. **32** Natán Davi macũno jiha. Davi Jesé macũno jiha. Jesé Obed macũno jiha. Obed Booz macũno jiha. Booz Sélah macũno jiha. Sélah Nahasón macũno jiha. **33** Nahasón Aminadab macũno jiha. Aminadab Admín macũno jiha. Admín Arní macũno jiha. Arní Esrom macũno jiha. Esrom Fares macũno jiha. Fares Juda macũno jiha. **34** Juda Jacobo macũno jiha. Jacobo Isaa macũno jiha. Isaa Abrahã macũno jiha. Abrahã Taré macũno jiha. Taré Nahor macũno jiha. **35** Nahor Serug macũno jiha. Serug Ragau macũno jiha. Ragau Péleg macũno jiha. Péleg Éber macũno jiha. Éber Sélah macũno jiha. **36** Sélah Cainán macũno jiha. Cainán Arfaxad macũno jiha.

Arfaxad Sē mac̃no jiha. Sē Noé mac̃no jiha. Noé Lame mac̃no jiha. 37 Lame Matusalē mac̃no jiha. Matusalē Enoco mac̃no jiha. Enoco Jared mac̃no jiha. Jared Mahalaleel mac̃no jiha. Mahalaleel Caina mac̃no jiha. 38 Caina Eno mac̃no jiha. Eno Sete mac̃no jiha. Sete Adão mac̃no jiha. Adão Cohamac̃u to yoariro jiha.

### Watĩno ñaare yoa dutimaha Jesure

(Mt 4.1-11; Mr 1.12-13)

**4** 1 Jesu Espĩritu Santo to dutiro sehetã yoa pahñoriro jiro, tiro Jordão wama tiri map̃u jiro tjuaa wahaha. To ã tjuaa wahach̃u Espĩritu Santo sehe tirore masa marienop̃u naaha. 2 Tóp̃u sũro cuarenta dachori waro jiha. Tóp̃u to jiro wato watĩno sehe Jesure ñaare yoach̃u cahmamaha. ã jiro ñaare yoa dutimaha tirore. Tí dachorire Jesu ch̃eraha. ã jiro tí dachori pihich̃u waro tiro j̃ca baaha.

3 To ã j̃ca baach̃u ñ̃no watĩno õ sehe nimaha Jesure:  
—M̃h̃u Cohamac̃u mac̃no jic̃u, ahria tãcare ch̃u dojomehnega —nimaha Jesure.

4 Jesu õ sehe ni yũhtiha:  
—Yoaeraja. Cohamac̃u yare ti joari p̃i õ sehe nina: “Masare ch̃u mehne dihta catieraro cahmana. [Jipihtia Cohamac̃u ya yahua mehne jiro cahmana]”, nina Cohamac̃u —ni yũhtiha Jesu watĩnore.

5 To ã niri baharo watĩno sehe tirore tũc̃u m̃uadu buip̃u na m̃ja sũrota jipihtia macari perire ño bahrañoha Jesure.

6 ã ñono Jesure õ sehe ni yahuha:

—Jipihtia ahri macari yũh̃re to wari cjiri jira. ã jic̃u yũ cahmarirore wa masija. ã jic̃u ahri macarine, ti cj̃aa mehne m̃h̃re waihtja. (Yũ ã wach̃u ahri macari macainare m̃h̃u dutiilha.) 7 Yũh̃re m̃u ño payoch̃u ahri macari jipihtia macarine m̃h̃re waihtja —niha watĩno Jesure.

8 Jesu õ sehe ni yũhtiha tirore:  
—M̃h̃re ño payoeraja. Õ sehe nina Cohamac̃u yare ti joari p̃i: “M̃u p̃ntoro Cohamac̃u dihtare ño payoga. To ya dutia dihtare yoaga”, ni joaa tiha Cohamac̃u yare —niha Jesu watĩnore.

9-11 To ã niri baharo Jerusalēp̃u watĩno sehe tirore na wahc̃ã, Cohamac̃u w̃h̃u bui na s̃ha tirore. Na s̃u tuhs̃u tirore õ sehe nimaha:

—Cohamacu yare ti joari pũ ò sehe nina:

“Cohamacu yaina anjoare mũhũre ñũ wihbo dutirohca.  
 Æ jia tina sehe mũhũre ñũ wihboahca, ‘Mũhũpũ  
 tãcarũ pũha tu mũari’ nia”,

ni joaa tiha Cohamacu yare ti joari pũi. To ã niri quihõno  
 jichũ mũhũ Cohamacu macũno jicũ, yahrapũ pju bora ño  
 ñũjũta yũhũre. Mũhũre yoadohochũ ño ñũjũta yũhũre —niha  
 watĩno Jesure.

12 Jesu pju bora ño duaeraro ò sehe ni yũhtiha tirore:

—Cohamacu yare ti joari pũi ò sehe nina: “Mũsa pũhtoro  
 Cohamacu to niri cjiire ‘¿Potocã tjiari?’ ni masi duana,  
 Cohamacure yoa ño duti macaena tjiga”, nina Cohamacu yare  
 ti joari pũi —niha Jesu watĩnore.

13 Æ jiro watĩno jipihtia ñaare Jesure yoa dutimaha. Æ duti  
 tuhsũro mahanocã duhu wahcãsiniha.

### **Galilea yahpai Jesu buhe dũcaha**

*(Mt 4.12-17; Mr 1.14-15)*

14 Baharo Jesu Galileapũ tjuaa wahaha. Æ jiro, tiro Espĩritu  
 Santo tuua mehne yoaha. Tói jipihtiropũ masa tirore quiti  
 tiha. 15 Judio masa buhea wũhũsei tiro buhea tiha. Æ jia  
 jipihtina masa tirore noano durucuha.

### **Nazare macaina Jesure ne cahmaeraha**

*(Mt 13.53-58; Mr 6.1-6)*

16-17 Baharo Nazarepũ Jesu to bũcariorũta tju sũha.  
 Tópũ tju sũro, Sabado jichũ to ã yoarucuriro seheta tiro judio  
 masa ti buheri wũhũpũ sãa sũha. Tói tiro Cohamacu yare ti  
 joari pũre buhero taro ducuha. To ã ducuchũ ñũa tó macaina  
 sehe Cohamacu yare yahu mũhtariro Isaia cjiro to joari pũre  
 tirore waha. Tí pũi Jesu ahri yahuare bocaro buheha:

18 “Cohamacu to Espĩritu yũhũ mehne jiro, yũhũre  
 dutira.

Tiro pjasũoinare noaa buheare yahu dutiro  
 warocare yũhũre.

Æ yoa peresupũ jiina cũhũre tinare to yũhdohtore  
 yahu dutiro warocare yũhũre.

Capari ñũeraina ti noano ñũhto cjihtore, painare ti  
 ñano ti yoapeinare wiohtiro cjihtore yũhũre  
 warocare.





19 Mari puhtoro Cohamacu to yainare pichacapu wahaborinare to yuhdohtore yuhure yahu dutiro warocare”,

ni buheha Jesu.

20 ã ni buhe tuhsu Jesu ti pure noari tia turēnoca, wahu macarimore wia tuhsu, dujiha. To dujichu ñua tói jiina jipihtina tiro dihtare ñuha. 21 Ti ã yoachu tiro tinare õ sehe ni yahu dũcaha:

—Ahri michapucacã yu buheriro seheta Cohamacu to niriho mu sũro nina —niha Jesu.

22 To ã nichu tũhoa “Ahriro noariro jira”, ni tũhotuha tina. ã jia tina to noano buhechu tũhoa, cũaa wahaha. ã cũaa waha, õ sehe niha tina ti basi:

—Cuenah, ¿José macũno jierajari ahriro? —niha tina ti basi.

23 Ti ã nichu masino Jesu õ sehe ni yahuha tinare:

—Yu buheare tũho duaerana, õ sehe ni tũhotura mũsa yuhure: “Duhturu dohatiro to basi co ti masina duhturu waro

to jiare ñono. Mũhũ cũhũ duhturu to yoa ñono sehetã mũ niriro sehe jiriro jicũ Cohamacũ tuaa mehne yoa ñoga sãre. Capernaupũre Cohamacũ tuaa mehne yoa ñoyuhti mũhũ. Sã cũhũre ã yoa ñoga, mũ buheare ‘Potocã tjira’, sã ni masihtõ sehe”, ni duara mũsa yũhũre.

24 'Ahrire yahuihtja mũsare. Cohamacũ yare yahu mũhtarirore to ya macã macaina cahmaerara. ã jina yũhũre cahmaerara mũsa õi yũ bũcũariro jichũ. 25 Yũhũre tũhoga mipũre. Panopũ Elia to jiri pjapũre tia cũhma noano pa cũhma dacho macã waroi ne corõ taeraha. ã jiro jipihtiropũta ne chũa mariaha. Tĩ pjare payũ wapewahya Israe yahparũ ti jipachũta Cohamacũ Elia cjirore tinare yoadoho dutiro warocaeraha. (Eliare, Cohamacũ ya cũhũre ti cahmaerachũ ñũno tinare yoadoho dutiro warocaeraha.) 26 To ya macare ã yoa dutieraparota pa yahpai Sidõ cahai jiri macai Sarepta wama tiri macã macaricoro wapewahyorore yoadoho dutiro Elia cjirore warocaaha Cohamacũ.

27 Baharo Cohamacũ yare yahu mũhtariro Eliseo cjiro to jiri pjapũre Israe yahparũ payũ camĩ baina ti jipachũta cũiro Israe masũnore ne noariro wahachũ yoaeraha Eliseo cjiro. To ya yahpa macainare yoaeraparota Naaman wama tirirore Siria yahpa macariro dihtare noariro wahachũ yoaha tiro. ã yoaro Israe masare yoadohoeraro, Israe masũno jierariro sehere yoadohõha Cohamacũ —niha Jesu tinare.

28 To ã nichũ tũhoa jipihtina tĩ wũhũi jiina sua yũhdũa wahaha. 29 ã jia tina wahcãrũca, Jesure na wijaa, tĩ macã dũhtũ cahai jiri cũnpũre tirore tjuroca boro duamaha. 30 Tĩ ã yoa duapachũta Jesu ti watoihã wahaa wahaha.

### Watĩno to cohtotariro Jesure piti bocaaha

(Mr 1.21 -28)

31 Baharo Jesu Galilea yahpai jiri macapũ Capernaũ wama tiri macapũ sũ, Sabado jichũ masare buheha. 32 Tiro noano masi pahũoriro to buhechũ tũhoa masa tũho cũaa wahaha. 33 Tĩ wũhũi watĩno to cohtotariro jiro, õ sehe ni tuaro saũurucuha:

34 —Mũhũ Jesu Nazare macariro sãre cariboi tjia mũhũ. ¿Dohse yoai tai nijari sãre? ¿Mũhũ sãre butichũ yoai tai nijari? Yũhũ masija Cohamacũ macũno, ñaa marieriro mũ jiare —ni saũurucuha Jesure.

**35** To ã nichu tũhoro Jesu tuhtiha watĩnore:

—Dihta mariaha. Wijaaha tirore —niha Jesu.

To ã niri baharo masunore watĩno sehe yahpapũ doca caha su tunuchũ yoaro, tirore wijaaha. To ã yoari baharo tiro sehe noariro tjuaha. **36** Tói jiina jipihina to ã wahachũ ñũ cãa wahaha. ã jia ti basi õ sehe ni durucuha:

—¿Yaba baro buhea jijari ahri ã wahachũ yoaa? Cuenah. Tuario mehne pũhoro yoaro seheta ahriro watĩare dutira. ã jia to dutiro seheta tina masare wijaara —ni durucuha tina ti basi.

**37** To ã yoachũ ñũa tí yahpapũ jipihitopũ masa Jesu yoarire yahu siteha.

### **Jesu Simo Pedro marechonore noaricoro wahachũ yoaha**

*(Mt 8.14-15; Mr 1.29-31)*

**38** Judio masa ti buheri wũhũre wijaa, Simo ya wũhũpũ sãa sũha Jesu. Tói Simo marechono dohati, tuaro juaro tiha. ã jia tina ticoro to dohatichũ yahuha Jesure. **39** Ti ã yahuri baharo tiro ticoro cahai su, juarore suru dutiha. To ã suru dutiri baharo ticorore juaro surua waha, dóihta noaricoro wahaha. Ticoro ã waharo wahcã nuju su, tinare chũare payoha.

### **Payũ dohatiinare noaina wahachũ yoaha Jesu**

*(Mt 8.16-17; Mr 1.32-34)*

**40** Sũ sãari baharo jipihina masa tó cahai jiina dohatiinare Jesu cahapũ na sũha. Dohatiina payũ soro jia dohatiare cjuaha. ã jiro Jesu to wamomacari mehne tina bui ña payo, jipihinare ti dohatiare noano yũhdũchũ yoaha. **41** Watĩa cũhũre Jesu to wijaa dutichũ tina wijaa waha, õ sehe ni saũurucuha:

—Mũhũ potocãta Cohamacũ macũno jira —niha tina Jesure.

Jesu Cohamacũ warocariro to Cristo to jichũ watĩa masiha. ã jiro Jesu tinare durucu dutieraha, “ ‘Cristo jira’, ni yahu siteri”, nino.

### **Galilea yahpai buheha Jesu**

*(Mr 1.35-39)*

**42** Bohrea mũja tachũ Jesu tí macai jiro waha, masa marienopũ sũha. To ã sũri baharo masa tirore maca, boca sũa õ sehe niha:

—Sã ya macai tjuaga. Wahai tjiga —nimaha tina Jesure.

43 Ti ã nipachuta tiro sehe õ sehe ni yũhtiha:

—Cohamacu masare puhtoro to noano suho jiare noaa buheare paye macaripu cũhure buhero cahmana yũhure. Cohamacu yũhure warocare tĩre yahuhtirore —niha Jesu tinare.

44 Ñ ni tuhsuro judio masa ya yahpa macaa wũhusei, judio masa ti buhea wũhusei tiro buhe tiniha.

### Jesu to buheinare payu wahire bocachu yoaha

(Mt 4.18-22; Mr 1.16-20)

**5** <sup>1</sup> Pa nũmu Jesu Genesare wama tiri bucũpariro dũhtu caharu suha. Tói to jichu ñna payu masa Cohamacu yare tuho duaa tirore nũnu ti suha. Noano wahpa tarucu suha masa peri. <sup>2</sup> Pũaria buso paduroi pahsaa busore Jesu ñuha. Tĩ buso macaina wahi wajaina maja sũrucu, ti wañuyucũre cosaa niha. <sup>3</sup> Ñ jiro Jesu Simo yariaru samua wahaha. Samu tuhsu tia dohoriare dia dũhtu cahai coãriare siõ buhu dutiha. Tuhsu, dohoriaru duji, masare buheha. <sup>4</sup> Buhe tuhsu, Jesu Simore õ sehe niha:

—Dacho maca cureroi siõ wioga. Ñ jina mũhu mehne macaina mehne mũsa wañuyucũre doca ñoga wahi ñahana —niha Jesu.

<sup>5</sup> To ã nichu tuhororo Simo Jesure õ sehe ni yũhtiha:

—Puhtoro, wahi maca bohreamahi sã micha ñamine. Bohreapanahta ne cũirocã wajãerahti sã. Ñ wajãerapanahta mu dutiro seheta doca ño ñnahtja —ni yũhtiha Simo.

<sup>6</sup> Ñ ni tuhsu tina doca ñoha. Ñ ti doca ñochu ti wañuyucũre payu wahi sãaha. Payu ti sãachu wañuyucu tuhnna wahamaha. <sup>7</sup> Ñ wahachu ñna tina paria macainare tina mehne macainare pjirocaha:

—Mũsa cũhu yoadohona tagú sãre —ni pjirocaha Simo cũhu.

Tina ti ã yoadohori baharo pũria buso noano minipahro bocaha wahire. <sup>8</sup> Simo Pedro ã wahi payu ti sãachu ñũno, Jesu panoi na tuhcuca caha su, tirore õ sehe ni yahuha:

—Yu puhtoro, mũhu mehne jiboriro jieraja yũhu. Ñariro jija yũhu. Ñ jicu mu cahai ji masieraja —niha Simo Pedro Jesure.

<sup>9</sup> Tiro, jipihtina tiro mehne macaina cũhu payu wahi sãachu ñna, sũaa wahaha tina cũhu. <sup>10</sup> Pũaro Simo Pedro mehne macaina Zebedeo pohna Santiago to bahuro João mehne, tina

cũhũ ñũ cũaa wahaha. Ti ã cũachũ ñũno Jesu Pedrore õ sehe ni yahuha:

—Cũaecũ tjiga. Mipũre mũhũ wahire ñaha cahmachuriro mũ jiro seheta Cohamacũ yaina cjihtire pji cahmachuriro jiihca mũhũ —niha Jesu Simo Pedrore.

11 To ã niri baharo tina ti bũsore bũcũpariro dũhtũ cahapũ waja mo cũnoca, ti ya jipihtiare tõihta cũnoca, Jesu mehne wahaa wahaha.

### **Jesu camĩ barirore noariro wahachũ yoaha**

*(Mt 8.1-4; Mr 1.40-45)*

12 ã yoa Jesu pa macai to jichũ camĩ bariro tirore piti bocaha. ã piti bocaro tiro Jesure ñũ, na tuhcuca caha sũ, õ sehe ni tuaro siniha:

—Pũhtoro, mũhũ yoa duacũ yũhũre noariro yoa masina mũhũ —ni siniha.

13 To ã niri baharo Jesu tirore ña payoro õ sehe niha:

—Tĩre yoa duaja. Mipũre noariro jiga mũhũ —niha.

To ã nichũta to camĩ bari cjiiri yati mũaa wahaha. 14 ã jiro Jesu tirore õ sehe ni dutiha:

—Ahri yũ õ sehe yoirere painare yahui tjiga. Sacerdote cahaĩ wahaga mipũre. ã jicũ mũ pjacũre noari pjacũ to waharire ñoga tirore. Cohamacũ dutia Moiserere to cũri to niriro seheta yoaga. ã yoacũ sacerdotere pũaro minichahcare waga noariro mũ waharire sacerdotearere ñoi tai —niha camĩ bariro cjirore.

15 “Yahui tjia”, to nipachũta jipihtiropũ masa tirore yahu site namoha. Ti ã yahu sitechũ tũhoa masa payũ tiro cahapũ sũha. Dohatiina noaina waha dua, tina cũhũ tiro cahapũ sũha. 16 Ti ã sũpachũta Jesu masa marienopũ Cohamacũre sinino wahaha.

### **Jesu pjacũ bũharirore noariro wahachũ yoaha**

*(Mt 9.1-8; Mr 2.1-12)*

17 Pa dachoi Jesu to buhechũ fariseo curua macaina, judio masare buheina cũhũ tõi dujiha. Tina jipihtina Galilea yahpai jia macari macaina, Judea yahpai jia macari macaina, Jerusalẽ macaina jiha. Ti ã jichũ ñũno Jesu Cohamacũ tuaa mehne dohatiinare noaina wahachũ yoaha. 18 Mahainacã mũaa pjacũ bũharirore to coãri cahsaro mehne yo wũa wihiha. ã jia tirore

Jesu cahai cū duaa, wuhupɛ yo sãa duamaha tina tirore. 19 Ñã sãa duapahta masa payɛ jichɛ tina tirore yo sãa masieraha. Ñã jia tirore wuhɛ buipɛ yo mɛjaha. Yo mɛja sɛ, mahanocã muji pahmare nawe, tí copai pjacɛ buharitore to coãri cahsaro mehnetã duhu boroha Jesu cahai jiina watoí. 20 “Jesu ahriore to dohatiare yuhduchɛ yoarohca”, ni tũhotuha tina. Ti ã ni tũhotuchɛ masino Jesu pjacɛ buharitore õ sehe ni yahuha:

—Coyeiro, mɛ ñãare yoari buhiri tiare yuhɛ cohã tuhsɛja —niha Jesu tirore.

21 To ã nichɛ tũhoa fariseo curua macaina, judio masare buheina cũhɛ ti basi õ sehe ni tũhotumaha: “Ahriro ã ni durucuero tɛjijaro. Tiro masɛno mari yoaro sehe jiro, ñãare to yoari buhiri tiare cohã masierara. Cohamacɛ dihta masa ti ñãare yoari buhiri tiare cohã masina”, ni tũhotumaha tina.

22 Jesu ti ã ni tũhotuare masino, õ sehe niha:

—¿Dohse yoana ã ni tũhotujari mɛsa? 23 “Mɛ ñãare yoari buhiri tiare yuhɛ cohã tuhsɛja”, yɛ nichɛ, “Mahñoriro jira”, yuhɛre nina mɛsa noano masierapanahta. “Wahcãrucã wahaga”, yɛ nichɛ yɛ niri potocã jia jichɛ dóihta masinahca. 24 Yuhɛ masɛno Cohamacɛ warocariro ahri yahpai ti ñãare yoari buhiri tiare cohã masija yuhɛ. Masa ti ñãare yoari buhiri tiare cohãhtiro cjihtore cũre Cohamacɛ yuhɛre. Yɛ ã cohãrine mɛsa masihto sehe õ seheta yoa ñoihtja mɛsa ñũhti cjihtire —niha Jesu.

Ñã ni tuhsɛ pjacɛ buharitore õ sehe niha:

—Mũhɛre niita nija. Wahcãrucaga. Mɛ coãri cahsarore na wahcãga mɛ ya wuhupɛ —niha tirore.

25 To ã nichɛ tũhorota jipihina ti ñũrocaroi wahcãrucã, to coãri cahsarore na, to ya wuhupɛ tɛjaa wahaha. Ñã waharo tiro Cohamacɛre ño payoro, wahchea mehne noano durucuha. 26 To ã yoachɛ ñãa masa sehe jipihina cɛaa wahaha. Tina cɛaa waha, Cohamacɛre ño payoa, wahchea mehne noano durucuha:

—Michare soro jiare ñũhi sã —niha tina.

### Jesu Levíre piha (Mt 9.9-13; Mr 2.13-17)

27 Ñã yoa tuhsɛ waha, Leví wama tiritore to dahrari tahtiapɛ jiritore boca sũha Jesu. Leví sehe puhtoã ya cjihtire masare wapa na cohtariro jiha. Ñã boca sũro tirore õ sehe niha:

—Yũhũ mehne macariro cjihto taga mũhũ —niha tiro Levíre.

28 To ã nichũ Leví sehe jipihtia to dahraare duhunoca, Jesu mehne wahaa wahaha.

29 Baharo Leví ya wũhũi bose nũmũ Jesure yoa payoro niha. Tóí payũ wapa na cohtaina, paina cũhũ Leví mehne dujiha.

30 Tina mehne Jesu cũhũ ti dujichũ ñũa mahainacã fariseo curua macaina, judio masare buheina mehne sua, Jesu buheinare õ sehe ni sinitu ñũha:

—¿Dohseana ñano yoaina, wapa na cohtaina mehne chũjari mũsa? —ni tuhtiha tina.

31 Ti ã nichũ tũhoro Jesu yũhtiha tinare. Õ sehe ni piti dahre buheha:

—Dohatieraina duhturure macaerara. Dohatiina dihta duhturure macana. Ñaare yoaina dohatiina yoaro sehe jira.

32 ã jicũ ñaare yoainare yahui tai nihi yũhũ Cohamacũre cahma duticũ. Ti basi “Noaina jija sã”, ni tũhotuinare yahui tai nierahi yũhũ —niha Jesu.

### **Chũ duhuare Jesure sinituha paina**

*(Mt 9.14-17; Mr 2.18-22)*

33 ã yoa mahainacã masa Jesure õ sehe ni sinitu ñũha:

—Joã buheina payũ tahari Cohamacũre ño payoa taa chũ duhura. ã yoaa, tina payũ tahari Cohamacũre sinina. Fariseo buheina cũhũ ti yoaro seheta yoara. Ti ã yoapachũta mũ buheina sehe Cohamacũre ño payoa taa chũ duhuerara. ¿Dohse yoa ã yoaerajari tina? —niha tina Jesure.

34 Ti ã nichũ Jesu to tũhotua mehne quti dahre buhero taro tinare õ sehe ni yũhtiha:

—Õ sehe jira ti: Wamomaca dũhteropũ ti pjirocaina wamomaca dũhteriro mehne jia, chũ duhu masierara. Tó seheta yũ buheina cũhũ yũhũ mehne jia, chũ duhu masierara. Yũhũ wamomaca dũhteriro yoaro sehe jija. Wamomaca dũhteriro bose nũmũ to yoachũ tiro mehne macaina chũeraina jierara.

35 Yũ Rũcũ Cohamacũ yũhũre to naari baharo pinihtare yũ buheina mehne jisi yũhũ. ã jia tí pjarũta yũ buheina cũhũ chũ duhuahca —niha Jesu.

36 Ранорũ macaa buhea wahma buhea mehne ti buhe more duachũ ñũno õ sehe ni namoha Jesu tinare piti dahre buhero:

—Ne wahma suhtirore mahari cahsarocã tũhrẽ na, mũnano suhtirore sere õno cahmaerara. Mari ã sere õna wahma cahsarore tũhrẽ cohãna nija. Æ yoa wahma cahsaro mũnano suhtiro mehne cũno potori bajuerara. (Tó seheta mũna buhea wahma buhea mehne piti dahre buheraro cahmana.)

37 Æ yoa ne se co bisia core wahiquiro cahsaro wajuru mehne mũna wajuru mehne posaeraro cahmana. Mari ã yoachũ se co bisia pahmoapũ mũna wajurure tũhrẽnocahna. To tũhnũchũ se co cũhũ, wajuru cũhũ cohõa wahara. 38 Æ yoa se co wahma core wahma wajurupũ posaro cahmana. Mari ã yoachũ se co cohõera, wajuru cũhũ cohõerara. (Tó seheta wahma buhea mũna buhea mehne buhe moreraro cahmana.) 39 Mũna core masa ti sihniri baharo, wahma core cahmaerara tina. Õ sehe nia tire masa: “Mũna co wahma co bui curero noaa jira”, nia tire masa —niha Jesu tinare.

**Sabado jichũ Jesu buheina trigo parorire paha yũhdũ wahcãha**  
(Mt 12.1-8; Mr 2.23-28)

**6** 1 Pa dacho Sabado jichũ Jesu cũhũ trigo wesepũ sũha. Tópũ sũ, to buheina sehe trigo parorire paha, tí pohcarire sahã site boro, tí yaparire chũ wahcãa niha. 2 Ti ã yoachũ ñna mahainacã fariseo curua macaina tinare õ sehe ni sinituha:

—¿Dohse yoana mũsa Sabado mari sori nãmũ to jipachũta dahrajari? Marine dutiare yũhdũrucana nina mũsa —niha fariseo curua macaina Jesure.

3-4 Ti ã nichũ tũhoro Jesu tinare yũhtiha, (“Yũ buheina yũhdũrucãa nierara”), nino taro:

—Davi cjiro tiro mehne macaina mehne jũca baaro, Cohamacũ wũhũpũ sãa, Cohamacũ ya pãore chũha. Æ chũro tó mehne macaina cũhũre tí pãore chũ dutiro waha. Tí pãore sacerdotea dihtare chũ dutira. Cohamacũ dutia tí pãore painare chũ dutierara. ¿Davi cjiro tíre to yoari cjirire buherari mũsa? (Tí pãore chũro Cohamacũre yũhdũrucaro nieraha. Michare ahri yaparire chũa yũ buheina cũhũ Cohamacũre yũhdũrucãa nierara.) 5 Yũhũ masũno Cohamacũ warocariro ahri dacho Sabado dachore masa ti yoahire yahurirota jicũ pũhtorota jija —niha Jesu.



### Wamomaca bũhariro quti jira

(Mt 12.9-14; Mr 3.1-6)

6 Pa dacho Sabado jichũ Jesu judio masa ti buheri wũhũpũ sãa sũro, buheha masare. Tói wamomaca poto bũhũshe bũhariro jiha. 7 Mahainacã judio masare buheina, fariseo curua macaina cũhũ Jesure yahusã duamaha. “Sabado dachoi masũnore noariro wahachũ yoaboca Jesu” ni, ñũ nũnũ yahusã duamaha tina Jesure. 8 Jesu ti tũhotuare masino, bũharirore õ shehe niha:

—Wahcã sũrũcaga jipihtina ti ñũrocaroi —niha tirore.

To ã niri baharo bũhariro shehe wahcãrũcũ sũ, tói ducuha.

9 ã jiro Jesu tinare õ shehe ni sinituha:

—Mũsare sinituihtja: ¿Sabado jichũ yabare yoa dutijari Cohamacũ dutia? ¿Noaare yoachũ noaerajari? ¿O ñaare yoachũ sehere noajari, mũsa tũhotuchũ? Sabado jichũ masũnore masochũ noa nina. Sabado jichũ masũnore wajãchũ sehere noerara —niha Jesu tinare.

10 ã nino Jesu tinare ñũroca õ pahño, bũharirore õ shehe niha tjoa:

—Mũ wamomacare siõrocahga —niha tiro.

To ã nichũta bũhariro shehe siõroca, noari wamomaca wahaha. 11 To ã yoachũ ñũa tina Jesu mehne tuaro suaha.

ã suaa õ shehe niha:

—¿Dohse yoanahcari mari ahrirore? —niha tina ti basi.

### Jesu to buheinare doce to warocahtinare bese dapoha

(Mt 10.1-4; Mr 3.13-19)

12 Tí dachorire Jesu tũcũpũ Cohamacũre sinino mũjaa wahaha. Tópũ jiro, ñamine Cohamacũ mehne durucu bohreaaha. 13 Bohrearopũ to buheinare to cahapũ pjirocaha. Pjiroca tuhsũ, tina mehne macainare doce waro to warocahtinare bese dapoha. 14-15 Ahrina jiha Jesu to bese daporina: Simo jiha. Simore Pedro ni pisuha Jesu shehe. Simo bahũro Andre, Santiago, João, Felipe, Bartolomé, Mateo, Toma, Santiago jiha. Santiago shehe Alfeo macũno jiha. ã jia Simo cananista ya curua macariro cjiro, 16 Juda Santiago macũno, Juda Iscariote tina jiha to bese daporina. Juda Iscariote shehe Jesure ñũ tuhtiinare ñohtiro jiha.

### Jesu payu masare buheha

(Mt 4.23-25)

17 Ñ yoa Jesu to buheina mehne tãcu buipũ jirina duji taa, payu paina to buheina mehne duji wihirũca, noari wapai ducuha tina. Jipihtiro Judea yahpa macari macaina, Jerusalẽ macaina, Tiro wama tiri maca macaina, Sidõ wama tiri maca macaina, pjiri ma dũhtũ cahai jia macari macaina masa payu tiro cahapũ wihaha. 18 Tina Jesu buheare tũhoa taa, ti dohatiare cohãchũ cahmaha tina. Watĩa ti cohtotarina cũhũ tiro cahapũ wihi, noaina wahaha. 19 Jesu to tuaa mehne noaina wahachũ yoaha tinare. Ñ jia tina jipihtina tirore dahra ñũa taha.

### Jesu wahcheare, cahyaa cũhũre buheha

(Mt 5.1-12)

20 Baharo Jesu to buheinare ñũ, õ sehe ni yahuha:

—Mũsa pjacũoina, pũhtoro Cohamacũ to sũho jiropũ wahanahca mũsa. Ñ jina mũsa wahchenahca.

21 'Mipũre mũsa jũca baaina yapiina jinahca. Ñ jina wahchenahca.

'Mipũ tiina jina, baharo mũsa bujũnahca. Ñ yoa mũsa wahchenahca.

22 'Yũhũ masũno Cohamacũ to warocariro jija. Ñ jina yũ yare yoaina mũsa jiri buhiri paina mũsare ti ñũ tuhtipachũta wahcheina jira mũsa. Mũsare ti cohãpachũta wahchenahca. Mũsare ti ñano durucupachũta “Ñaina jira”, mũsare ti nipachũta mũsa sehe wahchenahca. 23 Mũsare ti ã yoachũ ñũno mũnopũ mũsa sũchũ pjiro noano yoarohca Cohamacũ mũsare. Ñ jina tuaro wahcheina jiga. Noano yajeripohna tiina jiga. Mũsare ñũ tuhtiina ti coyera panopũ macaina tó seheta ñano yoaha Cohamacũ yare yahu mũhtaina cjiri cũhũre.

24 'Ñ yoa mũsa mipũ payũ cjuaina ahri yahrapũ mũsa noano jinoca tuhsũre. Ñ jina ñano yũhdũina jinahca mũsa.

25 'Mipũ yapiina mũsa jũca banahca. Mũsa ã jina ñano yũhdũnahca.

'Mipũre mũsa bujũina jina baharopũ mũsa cahya, tiinahca. Ñ jina mũsa ñano yũhdũnahca.

26 ' “Cohamacũ yare yahu mũhtaina jija”, ni mahñoinare “Noaina jira”, nimaha payũ panopũ macaina. Ñ nimarina ti coyera mipũ macaina cũhũ ãta “Noaina jira”, niboca cãina

musa mehne macainare. Ti ã nimarina musa jina ñano yũhdũnahca musa cũhu —ni buheha Jesu.

**Musare ñu tuhtiina ti jipachuta tina cũhure cahĩga**

(Mt 5.38-48; 7.12)

27 Ñ yoa õ sehe ni buhe namoha Jesu:

—Yũhure tuho duainare, musareta nii nija. Musare ñu tuhtiina ti jipachuta tina cũhure cahĩga. Musare ñu tuhtiinare noano yoaga. 28 Musare “Ñano yũhdũjaro”, niina ti jipachuta noa dutiga tinare. Musare ñano yoaina ti jipachuta “Tina cũhu noano jijaro”, ni sini payoga Cohamacũre. 29 Cũiro musa wahsupure to cjãchũ, pa buhusehe cũhure cjã dutiga tirore. Musa bui macari suhtirore to machũ musa camisa cũhure ã wanocahga tirore. 30 Musare sinirirore to sinino purota waga tirore. Musa yare to nachũ tirore sinituena tjia pari turi tíre.

31 Paina musare ti noano yoachũ cahmana musa. Tinare musa noano yoachũ cahmano seheta musa cũhu noano yoaga tinare. Musare ti noano yoerapachuta musa sehe tinare noano yoaga.

32 Musare cahĩina dihtare musa cahĩchũ tí ne yaba cjihti jierara paina sehene musa cahĩerachũ. Ñaina cũhu tinare cahĩina dihtare cahĩna. 33 Ñ jina musare noano yoaina dihtare musa noano yoachũ tí cũhu ne yaba cjihti jierara paina sehene musa noano yoerachũ. Tíre ñaina cũhu yoa tire. 34 Ñ yoa “Yũhure wiaa tire”, musa niina dihtare musa wasochũ ne tí yaba cjihti jierara. Ñaina cũhu painare “Yũhure wiaa tire”, ti niinare wasoa tire. 35 Ñ jina musa sehe musare ñu tuhtiina cũhure cahĩga. Ñ yoa, tinare noano yoaga. Pairore wasona “Yũhure ne wiasi ahriro”, ni tuhotuenata tirore wasoga.

Cohamacũ sehe tirore ji coaeraina cũhure, ñaina cũhure noano yoara. To yoaro seheta yoaga musa cũhu. Musa ã yoachũ Cohamacũ pjíro noano yoarohca musare. Musa ã yoana Cohamacũ tua yũhdũariro mũano macariro pohna jinahca.

36 Mari Pũcũ mũano macariro to pja ñũrigo seheta musa cũhu masare pja ñũga —ni yahuha Jesu.

**Paina cũhure “Ñaina jira”, niena tjiga**

(Mt 7.1-5)

37 Ñ yoa tinare õ sehe ni yahu namoha:

—Painare “Ñaina jira”, niena tjiga musa. Musa ã nierachũ Cohamacũ musa cũhure “Ñaina jira”, nisi. Paina musare ti

ñano yoarire ti ñano niri cūhure boga mūsa. Mūsa ã bochu ñño Cohamacu mūsa cūhure mūsa ñaa yuari buhirire borohca. 38 Paye barore cjuana painare waga. Mūsa ã wachu Cohamacu mūsare warohca. ã waro noano quihōno mūsare pjíro warohca. Wahpa yūhdūaro warohca. Painare mūsa wariro purota Cohamacu mūsa cūhure warohca —niha Jesu tinare.

39 ã ni tuhsu Jesu quitu mehne piti dahre buhero õ sehe ni yahu namoha:

—Capari ñueraina sahsero ti basi noano tuã wahcã masierara. ã tuã wahcã, tina pūaro doca wahã su bora sãa wahaahca coparu. (Tó sehetá Cohamacu yare masieraina painare buhe masierara. ã jia tina jipihtina pichacaru wahaahca.)

40 Buheina tinare buherirote masi yūhdūarūcaerara. ã jipahta jipihtina buheina ti noano buhe pahñori baharo tinare buheriro yoaro sehetá jiaha —niha Jesu.

41 ã ni tuhsu paye quitu mehne yahu namoha:

—Mari piti dahre buhechu õ sehe yoaina jira mūsa: Mūsa coyeiro to capariacaru mahari pohcarocã to sãachu tí pohcarocãre noano ñña mūsa. Mūsa ya capariacare pjiri pjí to jipachuta tí pjíne ne ñuerara mūsa. (Mahari pohcarocãre mūsa ñño sehetá mūsa coyeiro to ñano yoaa sehere noano ñña mūsa. Mūsa basi mūsa ñaare tuaro yoapanahta tíre masierara mūsa pjiri pjíne mūsa ñueraro sehetá.) ¿Dohse jiro baro ã jijari mūsa? 42 Õ sehe niina yoaro sehe jira mūsa: “Coyeiro, mūhu ñaare yoai nica mūhu. ã jicu tíre duhuga”, niina yoaro sehe jira mūsa. ã niina jipanahta pjíro ñaare yoara mūsa sehe. ¿Dohseana mūsa ñaare yoapanahta tíre masierajari mūsa? Masa ti baharo buhusehei ñano yoaa cohtaina jira mūsa ã yoaina. Pjiri pjíne mūsa capariacai jiri pjíne mūsa na mūhtaboriro sehetá mūsa ñaa yoaa sehere duhu mūhtaga. Mūsa ã yuari baharo mūsa coyeiro to ñano yoaa duhuchu yoaa masiboca mahari pohcarocãre mūsa naboro sehetá —ni buheha Jesu.

### **Masa ti durucuare tuhona ti jia tiare masija mari**

*(Mt 7.17-20; 12.34-35)*

43 ã yoaa piti dahre buhero õ sehe ni yahu namoha tinare:

—Noadu yucucu ñaare dicha tierara. ã yoaa ñadu noaare dicha tierara. 44 Yucucu dichare masina ture masina. Pota tidu higuera pocare dicha tierara. ã yoaa agã potacu se tōhorine

dicha tierara. <sup>45</sup> Tó seheta jira masa cūhū. Noariro to tūhotuapū noaa jira. Ā jiro tiro noaare yoara noadū to noano dicha tiro seheta. Ānariro to tūhotuapū ñaa jira. Ā jiro tiro ñaare yoara ñadū ñaare to dicha tiro seheta. Mari tūhotuapū marine ti jiro seheta durucuja mari —ni yahuha Jesu.

### **Pua wūhū yoaina quitire yahuha Jesu**

*(Mt 7.24-27)*

<sup>46</sup> Ā yoa tinare ō sehe ni yahu namoha:

—Musa yūhūre “Pūhtoro”, nina. Ā nipanahta yū dutia sehere yoerara mūsa. ¿Dohse jiro baro ā yoajari? <sup>47</sup> Jipihtina yūhūre cahmaina yū yahuare tūhora. Ā jia yū dutiare yūhdūrcāerara. Ō seheta jira yūhūre yūhdūrcāeraina: <sup>48</sup> Wūhū dahreriro yoaro sehe jira tina. Tiro cūāa coparire tāa wapai to sūchūpū saha, wūhūre noano dapo dūcaha. Tí wūhū noano to yoari wūhū jiro dia to minichū tuaro to cotiāpachūta tí wūhū noano tjuaha. <sup>49</sup> Ā jia yū dutiare tūhōpahta yūhdūrcāina sehe wūhūre noano yoerariro yoaro sehe jira. Tí wūhūre buicā dapo, noano dahre dūcaeraha. To ā cūri wūhū jiro dia minino to cotiāchū dōihta tí wūhū būrūa wahaha. Ā jiro tí wūhū tuaro bora sū cahaa wahaha —niha Jesu.

### **Surara pūhtoro cahamacūnore to dohatichū**

**Jesu noariro wahachū yoaha tirore**

*(Mt 8.5-13)*

**7** <sup>1</sup> Tí quitire masare yahu tuhsū Jesu cūhū Capernaupū sūha. <sup>2</sup> Tóji jiroiro cien surara pūhtoro to cahamacūnore tuaro cahīha. To cahamacūno sehe dohatiriro jiro, yariaro cahariro jimaha. <sup>3</sup> Ā jiro Jesu to yoaare tūhoro, judio masa būcūnare Jesu cahapū warocaha pūhtoro sehe.

—Dohatirirore noariro wahachū yoai taga —ni yahu dutiro warocaha pūhtoro būcūnare.

<sup>4</sup> Tina Jesu cahapū sūa, ō sehe ni tuaro mehne yahuha tirore:

—Surara pūhtoro sāre warocahre. To cahamacūnore dohatirirore to yūhdūchū cahmahre tiro. Tiro pūhtoro sehe noariro jira. To ā jichū yoadohoga tirore. <sup>5</sup> Mari ya maca macainare tiro cahīna. Ā jiro tiro sā buheri wūhūre ti yoari wapa wapare —niha būcūna Jesure.

6 Ti ã ni yahuchũ tũhoru Jesu sehe tina mehne wahaha. Surara pũhtoro ya wũhũ cahacãi to sũro cahachũ pũhtoro sehe tiro mehne macainare Jesure õ sehe ni yahu dutiro warocaha:

—Pũhtoro, noanohca. Tai tjiga. Noariro jieraja yũhũ. Ya wũhũi mũhũre sãa ta dutiboriro jieraja yũhũ. 7 ã jicũ mũ cahai wahaeraja. Yũ ã jipachũta mũ masia mehne noariro wahachũ yoaga mũhũ tirore. Mũ ã yoachũ yũ cahamacũno noariro waharohca. 8 Yũhũre yũ bui jiina paina pũhtoa dutira. ã jicũ yũhũ cũhũ surarare dutija. Cũirore “Wahaga”, yũ nichũ tiro wahara. Pairore “Taga”, yũ nichũ tiro tara. Yũ cahamacũnore “Ahrire yoaga”, yũ nichũ tíre tiro yoara. (Mũhũ cũhũ dutirirotã jira. ã jiro mũ dutirirotã seheta tiro dohatirirotã yũhdũrohca) —ni yahu dutiha surara pũhtoro.

9 To ã nichũ tũho cũaa waharo, payũ masa tiro mehne jĩinare majarerũcũ sũ, õ sehe ni yahuha:

—Mũsare niita nija. Tiro surara pũhtoro Israe masũno jierariro Cohamacũre tuaro wacũ tuara. To cahamacũnore yũ noariro wahachũ yoachtire masi tuhsũra. Israe masare ne ahriro yoaro sehe jĩinare ñũerasinija —niha Jesu.

10 To ã niri baharo surara pũhtoro Jesu cahai to warocarina sehe ti pũhtoro ya wũhũrũ tjuaa wahaha. Tju sũ dohatirirotã to noariro jichũ ñũha tina.

### Jesu wapewahyoro macũnore masoha

11 To ã yoari baharocã Nai wama tiri macarũ Jesu to buheina mehne payũ masa mehne wahaha. 12 Tĩ macare sãari sopaca cahai to sũchũ yariarirore masa na wijaa taa niha. Yariariro pocoro wapewahyoro jiha. Cũirota jirirotã yariaha. ã jia tó macaina masa payũ ticoro mehne wahaha. 13 To ã wahachũ ñũno Jesu ticorore pja ñũha.

—Tĩieco tjiga —niha Jesu ticorore.

14 ã nino yariariro to masa putihi ña payoha. To ã ña payochũ ñũa tí putire wũaina sehe sũrũcaha.

—Macũ, yũhũ mũhũre õ sehe nija. Wahcã nuju sũga —niha Jesu.

15 To ã niri baharo yariariro cjiro wahcã nuju sũ, durucuha. ã jiro Jesu tirore to pocorore waha. 16 To ã yoachũ ñũa tina jipihũtina cuia wahaha. ã jia tina Cohamacũre ño payoa, õ sehe niha:

—Cohamacu yare yahu mũhtariro masi yũhdũariro mipũ pinihtare mari watoi jira —niha tina.

—Cohamacu marine to yainare yoadohoro wihi tuhsũhre —niha paina.

17 ã jia jipihtina Judea yahpa macainare tó dũhtũ cahai jia macari macainare Jesu to yoarire masa yahu site pahũoha.

**João masare bautisariro to buheinare Jesure sinitu dutiha**

*(Mt 11.2-19)*

18-19 ã yoa Jesu to yoarire ñũa Joãore yahuha to buheina. ã ti yahuchũ tũhoro pũarore tiro cahai pjiroca, Jesure sinitu dutiro warocaha Joã. Õ sehe ni sinitu dutiha:

—¿João “Yũ baharo paio tarohca”, to niriro tjijari mũhũ? ¿To niriro mũ jierachũ paire cohtanahcari sã? —ni sinitu dutiha Joã pũaro to buheinare.

20 ã yoa tina Jesu cahai sũ, sinituha tirore:

—João masare bautisariro mũhũre sinitu dutiro warocahre sãre. ¿João “Yũ baharo paio tarohca”, to niriro tjijari mũhũ? ¿To niriro mũ jierachũ paire cohtanahcari sã? —ni sinituha tina Jesure.

21 Tí pjata payũ dohatiinare, watĩa ti cohtotainare, capari ñũerainare noaina wahachũ yoaha Jesu. 22 ã jiro Joã warocainare Jesu õ sehe ni yũhtiha:

—Mipũre mũsa ñũrire mũsa tũhorire Joãore yahuna wahaga: Õ sehe niga: “Capari ñũeraina ñũna. Tini masieraina tinina. Cami bũcũ baaina noaina wahara. Tũho bocaeraina tũhoa wahara. Yariaina masaa wahara. Tina jipihtinare noaina wahachũ yoahi yũhũ. ã yoa pjacũoinare noaa buheare yahuja. 23 Yũhũre tũhoriro ‘Potocã tjira’, niriro tiro wahcheriro jira”, Joãore ni yahuna wahaga —niha Jesu.

24 Joã buheina ti wahari baharo Jesu sehe Joã to jia tiare yahu dũcaha payũ masare:

—Masa marienopũ sũna tjare wihnono to wãroca cohtotachũ yoariro seheta to buheare cohtota mũjarirore ñũna sũerare mũsa. ã yoariro jierare Joã. 25 “Noa suhti tirirore ñũna wahajihna”, nierare mũsa masa marienopũ wahana. Noaa suhti tiina wapa bũjũare cjuaina pũhtoa ya wũhũsepũ jira. Masa marienopũ jierara. 26 Masa marienopũ sũna Cohamacu yare yahu mũhtarirore ñũna sũhre mũsa. Potocã tjira. Joã Cohamacu yare yahu mũhtariro jira. Paina Cohamacu yare

yahu m̄h̄taina ȳh̄doro jiriro jira tiro. 27 Panop̄ Cohamac̄u yare ti joari p̄i Joãore ò sehe ni yahu joaa tiha:

“Mari P̄c̄u to mac̄nore ò sehe niha: ‘M̄ pano m̄h̄ure yahuyuh̄tirore warocai nija’, niha Cohamac̄u”,

ni yahu joaa tiha panop̄are Joãore. 28 M̄sare potocã niita nija. Paina jipih̄tina bui jira João. Ahri turup̄are to ã jipach̄ta m̄anop̄are Cohamac̄u masare p̄h̄toro to noano s̄ho jirop̄are jipih̄tina docap̄ jiriro pinihta João bui jira —niha Jesu masare.

29 To ã nich̄ t̄hoa jipih̄tina masa, p̄h̄toa ya cjihtire wapa na cohtaina mehne João to bautisarina jia ò sehe ni t̄hotuha Cohamac̄ure. “Cohamac̄u quih̄ono yoariro jira”, ni t̄hotuha tina. 30 Fariseo curua macaina sehe judio masare buheina c̄h̄h̄ João to bautisanohrina ji duaeraha. ã jia tinare Cohamac̄u to yaina to yoa duach̄ cahmaeraha.

31 ã yoa Jesu pari turi ò sehe ni yahuha:

—¿Mip̄ macaina masa yabaina yoaro sehe jijari tina, m̄sa t̄hotuch̄? 32 Tina macanacã yoaro sehe jira. Paina ti cahmano sehe ti yoerach̄ tó wahaerara tinacãre. Pache duarop̄ pape dujia, ò sehe ni pisurucura tinacã ti basi: “M̄sa basahti cjihtire sã putipemahi. ¿Dohseana m̄sa basaerari sã tíre putipech̄? Sã tuaro ñahacaha tiipe, sañurucumahi. ¿M̄sa sehe dohseana sã mehne tiiperari?” nirucuina yoaro seheta jira mip̄ macaina c̄h̄h̄. (Mip̄ macaina ti cahmano seheta sã yoerach̄ ñ̄a tó wahaerara tina c̄h̄h̄ure.) 33 João bautisariro Cohamac̄ure ño payoro taro ne ch̄eraro, vinore sihnierare. To ã sihnierach̄ ñ̄na “Wat̄ino to cohtotariro jira”, nimahre m̄sa tirore. 34 Ȳh̄h̄ mas̄no Cohamac̄u warocariro jic̄, ȳh̄h̄ ch̄ sihnija. Ȳ ã yoach̄ ñ̄na ò sehe nina m̄sa ȳh̄h̄ sehere. “Ñ̄ga. Ahriro p̄j̄ro ch̄riro, cahariro jira. P̄h̄toa ya cjihtire wapa na cohtaina, ñ̄ano yoaina c̄h̄h̄ ti piti tiriro jira ahriro”, nina m̄sa ȳh̄h̄ure. ã nina macanacã yoaro sehe durucuina jira m̄sa. (M̄sa cahmano sehe sã yoerach̄ tó wahaerara m̄sare. Ne wahcherara m̄sa.) 35 ã masierapanah̄ta sã yoa ñ̄ore ñ̄na, Cohamac̄u yare sã masich̄ masinahca m̄sa —ni yahuha Jesu.

**Simo wama tiriro fariseo curua macariro ya w̄h̄h̄i jiha Jesu**

36 Fariseo curua macariro to w̄h̄h̄p̄ ch̄ dutiro p̄j̄iha Jesure. To ã p̄j̄ich̄ Jesu to ya w̄h̄h̄p̄ s̄, ti ch̄ri mesa cahai nuju s̄ha. 37-38 Tí macap̄are ñ̄aare ñ̄aare yoarucuricoro c̄j̄iro



jiha. Jesu fariseo curua macariro ya wuhurp̄ to dujich̄a ticoro tuhoha. Ā tuho tuhsu alabastro mehne yoariare me sitia posa tiriare na ta, Jesu baharo buhusehei wihi taruca, tiha. Ā tiro Jesu dahporire to yahco co mehne wayo, to pjoari mehne pahã cohãha. To dahpori wach̄a ña ticoro to dahporire wihi, me sitia mehne pio payoha. <sup>39</sup> To ã yoach̄a ñno fariseo curua macariro Jesure pjiriro to basi õ sehe ni tuhutumaha: “Ahricoro tirore ñaha ñaricoro ñaare yoarucuricoro jira. Ahriro Jesu Cohamacu yare yahu muntariro jiro tíre masiboa”, ni tuhutumaha. <sup>40</sup> To ã ni tuhutuare masino Jesu õ sehe ni yahuha tirore:

—Simo mip̄a pinihtare mure yahu duaja —niha Jesu.

—Buheriro, ¿yuhure dohse ni yahu duajari mure? —ni yuhtiha Simo.

<sup>41</sup> To ã nich̄a Jesu õ sehe ni piti dahre buhe yuhtiha:

—Puhtorore p̄aro wapamoina jiha. Cũiro wapamoriro quinientos niñeru tũre wapamoha. Pairo sehe cincuenta niñeru tũre wapamoha. <sup>42</sup> Ā jia tina ti wapamoare ti wapa bihoerach̄a ñno puhtoro ti wapamoare wapa dutieraha. ¿Mip̄a pinihtare diro sehe wapamoriro sehe to puhtorore cahĩ yuhd̄urohcari? —ni sinituha Jesu.

<sup>43</sup> Simo õ sehe ni yuhtiha:

—Buah, pjiro wapamoriro mahanocã wapamoriro yuhdoro to puhtorore cahĩ yuhd̄uboca —niha Simo.

—Potocã ni yuhtihre mure yuhure —niha Jesu.

<sup>44</sup> Ā ni tuhsu tirore pio payoricorore majare ña, Jesu Simore õ sehe ni yahu namoha:

—Ahricorore ñuga mure. Mu ya wuhurp̄ yu sãa wihiri baharo yu dahporire cosahti core yuhure waerare mure. Ahricoro sehe to yahco co mehne yu dahporire wayo, to pjoari mehne pahã cohãhre yuhure. <sup>45</sup> Mure sehe yuhure piti boca wihmierare. Ahricoro sehe õi yu dujiro puro yu dahporire wihmihre. <sup>46</sup> Mure sehe yu dapure se mehne pio payoerare. Ticoro sehe yu dahporire me sitia mehne pio payohre. <sup>47</sup> Ā nicu mureta yahui nija. Ahricoro to ñaa yoari cjiri payubia jira. Ā jiricoro jiparota ticoro tuaro cahĩhre yuhure. Ā jicu ñaare to yoari buhirire cohãhi. Ā jia ñaare ti yoari buhirire mahanocã yu cohãnohrina mahanocã cahĩna yuhure —niha Jesu Simore.

48 Ñ ni tuhsu tiro ticorore õ sehe ni yahuha:

—Mipũ pinihtare ñaare mũ yoari buhirire boja —niha Jesu.

49 To ã nichu tũhoa Jesu mehne dujiina ti basi õ sehe ni durucuha:

—¿Dohse jiriro baro jijari ahriro ñaa buhirire boriro?

—niha tina ti basi.

50 Ñ ni tuhsu, Jesu numinore õ sehe ni yahuha:

—Yũhũre mũ wacũ tuachũ mũhũre pichacaru wahaboricorore yũhdoja. Cuiro marieno mũ wũhũru tjuaa wahaga —niha Jesu ticorore.

### Numia Jesure yoadohoha

**8** 1 Baharo bujũa macaripũ daa macaricãpũ cũhũre sũ, Cohamacũ masare pũhtoro to noano sũho jiare noaa buheare yahuha Jesu. Doce to buheina sehe tiro mehne jiha. 2 Ñ yoa numia cũhũ watĩa ti cohtotari numia cjiri, dohatia numia cjiri Jesu noaa numia to yoari numia tiro mehne tiniha. “María”, ti nimaricorore “Magdalena”, ni pisua tiha ticorore. Ticorore siete watĩare Jesu cohã wioha tó pano. Ñ jiro ticoro cũhũ Jesu mehne tiniha. 3 Cuza wama tiriro Herodere dahra cohtaina pũhtoro cjiro namono Juana cũhũ Jesu mehne tiniha. Susana wama tiricoro cũhũ paye numia mehne payũ ti cjũaa mehne tirore yoadohoha.

### Jesu wesere toari masũno quitire yahuha

(Mt 13.1-9; Mr 4.1-9)

4 Ñ yoa payũ macari macaina Jesu cahapũ cahmachuha. Ti ã cahmachuri baharo Jesu to tũhotua mehne qiti dahre tinare õ sehe ni yahuha buhero taro:

5 —Toari masũno toaro, to toaa yaparire doca site cũno wahaha. To ã doca site cũ wahcãchũ paye yapari mahai bora caha sũha. Ti ã bora caha sũchũ paye yaparire masa tũ diho cũha. Ñ jia paye yaparire minichahca duji ta, chũnocaha. 6 Ñ yoa paye yapari sehe tãa wapa bui dihta se mininocã bui bora caha sũha. Tĩ yahpapũ co mariaha. Ñ jia tí yapari du wija tarucuma ñaia wahaha. 7 Paye yapari sehe tja watoi bora caha sũha. Tja sehe tí toaa mehne duha. Tja sehe dia yũhdũa waha, toaare wajãnocaha. 8 Paye yapari noari yahpai bora caha sũha. Noano dua jia noano dicha tiha. Ñ jia payũ dicha tiha —niha Jesu.

Ã ni tuhsu õ sehe tuaro ni namoha:

—Ahrire tuho duaina noano tuhoga musa —niha tiro.

**Jesu quiti mehne to buherire yahuha**

*(Mt 13.10-17; Mr 4.10-12)*

**9** Baharo to buheina tí quitire masi duaa, Jesure õ sehe ni sinituha:

—¿Ahri quiti mehne dohse ni yahui nijari mũhu? —ni sinituha tina.

**10** Ti ã nichu Jesu õ sehe ni yũtiha:

—Cohamacu masa bui puhtoro to noano suho jiare panoru paina ti masierari cjrيره musare masichu yoarohca Cohamacu. Paina sehere ã yoerara tiro. Tinare quiti mehnetu buheihija. Yu ã yoachu tina yu buheare tuhopahta masisi —niha Jesu to buheinare.

**Jesu wesere toari masuno quitire yahu pahnoha**

*(Mt 13.18-23; Mr 4.13-20)*

**11** Ã ni tuhsu tinare õ sehe ni yahu namoha:

—Õ sehe ni yahura ahri quiti: Toaa yapari noaa buhea yoaro sehe jira. **12** Ã yoa maha dũtu cahai bora yapari sehe noaa buhea yoaro sehe jira. Cãina masa noaa buheare ti tuhochu ñno wafino sehe ta, tí buheare masi dutierara masare, minichahca tí yaparire ti chu cohãno seheta yoaro. To ã yoerachu tina Cohamacure wacũ tuaboa. Ti ã wacũ tuachu ñno Cohamacu sehe tinare pichacapu wahaborinare yũduboa. **13** Ã yoa tãa wapa bui dihta se mininocã bui bora yapari noaa buhea yoaro sehe jira. Ã jia masa noaa buheare tuho, wahchea mehne tíre tuho nũnũ wahcãna. Ã tuho nũnũpahta tãa wapa buicã jia yucu nũhcori mariea yucu yoaro seheta ahrina masa cũhu yoari pja cũno pjaerara. Ã cũno pjaeraa yu yare ti cahmari buhiri paina tinare ti ñano yoachu ñna yu yare duhunocahna. **14** Ã yoa tja watoi bora yapari noaa buhea yoaro sehe jira. Ã jia masa noaa buheare tuhopahta, ahri yahpa macaare wacũ nũnũ yũdũara. Niñerure bujua cahma, paye baro cũhure payu cahma, tíre goa pja yũdũara tina. Ti ã yoachu tí sehe noaa buheare dũcatara. Ti ã dũcatachu masa noaa sehere yoerara. Dicha maria yucu yoaro seheta jira. **15** Ã yoa noari yahpai bora yapari noaa buhea yoaro sehe jira. Ã jia masa noaa buheare tuho, noano mehne tí buheare yũdũaracaerara.

Ã jia yucꞥꞥu dica tiro seheta noaa buheare tũhoina sehe Cohamacu to cahmano seheta noare yoara —niha Jesu.

### Jesu sihãria quitire buheha

(Mr 4.21 -25)

16 Ã ni tuhsu paye qiti mehne piti dahre buheha tiro:

—Ne sihãriare ti sihãri baharo tiare dihi biato docai cũerara masa. Ã yoa tiare coãri casario docai cũerara. Mũanopũ tiare duhu payora wũhũpũ sãa taina ti noano ñũ sãahto sehe.

17 Jipihti ti masierari cjirire baharo masa masiahca. Sihãria to buhriachũ mari ñũ masino seheta panopũ ti masierari cjirire masiahca masa.

18 'Ã jina mũsa tũhona noano tũho nũnũga. Noano tũho nũnũriro, noano masinohca. Tũho nũnũerariro “Mahanocã tũhoja”, to nipachũta tí sehere boa waharohca —niha Jesu.

### Jesu coyea tirore pjihã

(Mt 12.46-50; Mr 3.31-35)

19 Baharo Jesu bahana ti pocoro mehne tiro cahapũ wahaa nimaha. Masa payũ jichũ to cahapũ sũeraha. 20 Ã jiro cũiro Jesure õ sehe ni yahuha:

—Mũ poco mũ bahana mehne sopacapũ ducuhre. Mũhũre ñũa taa niyuhti —niha tiro Jesure.

21 To ã nichũ Jesu õ sehe ni yahuha jipihtinare:

—Cohamacu ya buheare tũhoina, tíre yũhdũrũcaeraina tinata yũ poco yũ bahana yoaro sehe jira —niha Jesu tinare.

### Jesu wihnonore yũsu dutiha

(Mt 8.23-27; Mr 4.35-41)

22 Pa dachoi Jesu to buheina mehne dohoriapũ samu:

—Basa, pahãjihna —ni, tina jipihtina tia mehne bũcũpariropũ pahãa wahaha.

23 Ã pahãno carĩa wahaha Jesu. Ti ã pahãrucuchũ waro tuaro wihnono taha. Wihnono to tachũ bũjũa pahcõri wahcã, tinare mionocamaha. Ã to wahachũ minihto cua yũhdũaha tinare. 24 Ã wahachũ ñũa Jesu cahai waha, tirore wahcõha.

—Buheriro, mari mini yariana tana nijũ —niha tina.

Ti ã nichũ Jesu sehe wahcã, wihnonore “Tó purota wã duhuga”, niha. Ã ninota pahcõri cũhũre “Yũsua wahaga”, niha. To ã nichũta wihnono yũhdũa wahaha. Ã yoa pahcõri



cũhũ yũsũ boraah wahaha. <sup>25</sup> ã wahari baharo Jesu tinare õ sehe niha:

—¿Mũsa yũhũre wacũ tuaerasinijari? —niha tiro.

To ã nichũ tina sehe cui, cũaa waha, ti basi õ sehe ni durucuha:

—Cue, ¿dohse jiro baro masũno jijari ahriro? Ahri wihnono, pahcõri cũhũ to dutichũ yũhdũrũcaerara tirore —niha tina ti basi.

### Watĩa ti cohtotarirore noariro wahachũ yoaha Jesu

(Mt 8.28-34; Mr 5.1-20)

<sup>26</sup> ã yoa tina sie coapũ Gerasa macaina ya yahpapũ pahã sũha. Tĩ yahpa Galilea yahpa potoihta jiha. <sup>27</sup> Tõi Jesu to maja sũrũcũ sũchũ waro tó macariro watĩa ti cohtotariro tiro cahapũ taha. Tiro yoari pja suhti marieriro jiro, to wũhũpũre ne jieraha. ã yoa masa copari tãa copari watoi jia tiha tiro. <sup>28-29</sup> ã jia payũ tahari watĩa tirore ñahaha. ã jiro tiro peresui to jichũ to wamomacarine dahporire comaa dari mehne dũhteriro jiparota, tiro tí darire nuha mũjaha. ã yoa watĩa sehe tirore masa marienopũ na wahcãa tiha. ã yoa tiro Jesure ñũroca õ tuaro saũrũcu, Jesu panoi na tuhcuca caha sũha. To ã yoachũ ñũno Jesu sehe tirore õ sehe ni dutiha:

—Watía, duhuga ahrirore —niha Jesu.

To ã nichu tuhoro watía ti cohtotariro tuaro sañurucu, ò sehe ni sinituha Jesure:

—Jesu, ¿Cohamacu Jipihtina Bui Jiro macuno yabare yoai tai nijari muhu yuhure? Yuhure, ñano yoai tjiga —niha watía ti cohtotariro.

**30** To ã nichu Jesu sehe ò sehe ni sinituha tirore:

—¿Yabariro wama tjari muhu? —niha.

Payu watía tiro mehne jiha. Ñ jiro ò sehe niha watía ti cohtotariro:

—Watía payu wama tija sã —ni yuhtiha watía ti cohtotariro tiro.

**31** —Cuãri copapu sãre waha dutiecu tjiga —ni, tuaro siniha watía sehe.

**32** Tí pjare tói tucu dahpotoi yesea payu chua niha. Ti tói chuchu ñua watía ò sehe ni siniha Jesure:

—Sina yesea cahapu warocaga sãre ti pjacuripu sã sãahto sehe —ni siniha watía.

Ti ã sinichu tuhoro “Jai. Wahaga”, niha Jesu. **33** To ã dutichu, watía masuno mehne jirina cjiri sehe waha, yesea pjacuripu sãa wahaha. Ñ yoa tinare ti sãari baharo, yesea jipihtina bucupariro duhtu cahapu pari cunupu muroca buha, tí taropu bora ñoja, mini yaria phtia wahaha.

**34** Yeseare ñu wihboina yesea ti ã minichu ñua, cui, muroca wahaha. Ñ muroca wahcã pjiri macapu cuhure, daa macaricapu cuhure tíre ti ñurire yahu sitea wahaha. **35** Ti ã yahuchu tuhoa, masa sehe payu ti ã waharire ñua wahaha. Ñ jia Jesu cahai su, watía ti cohtotariro cjirore to suhti tirore, tuho masiriro to dujichu ñua tina. Tí jipihtiare ñua, tina cui niha. **36** Watía ti cohtotariro cjiro noariro to waharire ñuina, ti ñurire painare noano yahu pahñoa. **37** Tí pjata Gerasa yahpa macaina payu Jesure tuaro cuia, tirore pa sehepu waha dutiha. Ti ã waha dutichu Jesu dohoriapu samu, waharo taro niha. **38** Watía ti cohtotariro cjiro Jesu to wahahto pano tuaro siniha tirore:

—Muhu mehne waha duaja —ni sinimaha.

**39** To ã nichuta Jesu tirore ò sehe ni yuhtiha:

—Mu ya macapu wahaga. Ñ wahacu Cohamacu muhu to yoirire yahuga painare —niha Jesu.

To ã niri baharo waha to ya macapɛ sũro watĩa ti cohtotariro cjiro sehe Jesu tirore to yoarire jipihtina to ya maca macainare yahuha.

**Jairo maconore yũhdũchũ yoa, cahã ñũricoro  
cũhũre yũhdũchũ yoaha Jesu**

(Mt 9.18-26; Mr 5.21-43)

40 Pari turi Jesu tí bũcũpariropɛ pahãa wahaha tjoa. To pahã tariropũta masa payũ tirore cohtaa niha. ã cohtaa, tirore piti bocasiniha wahchea mehne. 41-42 Tói judio masa buheri wũhũ pũhtoro Jairo wama tiriro Jesu cahai sũ, to dahpori cahai na tuhcuca caha sũha tirore ño payoro. To macono yariaro niha. Ticoro cũcorota jiricoro doce cũhmari cjuaricoro jiha. ã jiro tiro to ya wũhũpɛ Jesure pji wahcãha. “Jai” ni, tiro mehne wahaha Jesu cũhũ.

Mahai ti ã wahachũ payũbia masa tirore nũnũ ti wahcã, bihsaro sũrũcũ sũha tirore. 43 To ã bihsaro wahachũ numino doce cũhmari waro ã cahã ñũrucuricoro tói jiha. Tó pano duhturuare jipihtia to niñeru mehne wapamaha ticoro co wa dutiro. Ti ã co wapachũta mũnanota jirucunocaha ticoro. 44 ã jiro ticoro Jesu baharo masa payũ watoi wihi, Jesu suhtirore to ñaha ñũchũta to cahã ñũa pihtia wahaha. 45 To ã ñaha ñũchũ tũhoturo Jesu õ sehe ni sinituha:

—¿Noa yũ suhtirore ñaha ñũri? —niha tiro.

Jipihtina “Yoerahi”, niha. ã jia Pedro cũhũ õ sehe niha:

—Buheriro, bihsa nina. ã jia masa payũ mũhũre pihanocahna. ¿Dohseacũ ã ni sinitujari mũhũ? —niha tina Jesure.

46 Ti ã nichũ Jesu õ sehe ni yũhtiha:

—Michapucacã yũhũ noaricoro wahachũ yoahi cũcorore. ã jicu yũhũre to ñaha ñũchũ masija —niha tiro.

47 To ã nichũ tũhoro ticoro duhti masieraro, teterericoro Jesu cahai na tuhcuca caha sũha tirore ño payoro. ã jiro jipihtina masa ti tũhoro to dohatiare, Jesure to ñaha ñũrire to noaricoro to waharire yahuha ticoro. 48 To ã ni yahu tuhsũchũ Jesu ticorore õ sehe ni yahuha:

—Maco, yũhũre mũ wacũ tuua mehne noaricoro tjuara mipũre. Wahchea mehne wahaga —niha ticorore.

49 To ã nino watoi Jairo ya wũhũi jiriro yahuro wihiha:

—Mɛ macocã yariaa wahahre. Ñ jicɛ buherirore pji tai tjiga —niha tiro.

<sup>50</sup> To ã nichɛ tɔhoro, Jairore ò sehe ni yahuha Jesu:

—Cahya tɔhotui tjiga. Yɔhɔre wacũ tuaga. Tí dihtare yoaga. Mɛ ã yoachɛ ticorocã masaa waharohca —niha Jesu.

<sup>51</sup> Ñ ni tuhsɛ to wɔhɔpɛ sɛ, Pedro, João, Santiago, dohatiricoro pɔcɔsɔma tópeinata na sãaha. Paina sehere Jesu sãa dutieraha. <sup>52</sup> Tóí jipihtina masa ti ñahacaha tiiro watoi sãa sɔha Jesu.

—Tiiena tjiga. Ticorocã yariaerare. Carĩno nica —niha tiro.

<sup>53</sup> To ã nichɛ tɔhoa tina sehe ticoro yariaricoro to jichɛ masia, Jesure bɔjɔha. “Ñ nimacanocano nina”, ni bɔjɔha.

<sup>54</sup> Ñ yoa Jesu ticorocã wamomacare ñaha, ò sehe ni pisuha:

—Maharicorocã wahcãga —niha.

<sup>55</sup> To ã nichɔta yariaricoro masaa waha, tí pjata wahcãrɔcɔ sɔha ticorocã. To wahcãri baharo Jesu ticorore chɔare wa dutiha. <sup>56</sup> To ã masachɛ ñha to pɔcɔsɔma ñɛ cɔaa wahaha. Ñ jiro Jesu tíre painare yahu dutieraha.

### Jesu doce to buheinare buhe dutiro warocaha

(Mt 10.5-15; Mr 6.7-13)

**9** <sup>1</sup> Ñ yoa Jesu doce to buheinare pjiroca, to tuaare waha tinare. Watĩare ti cohãhti cjihtire, dohatiinare noaina ti yoahiti cjihtire to tuaare waha tinare. <sup>2</sup> Ñ yoa tuhsɛ tinare Cohamacɔ masare pɔhtoro to noano sɔho jiare buhe dutiro, dohatiinare noaina wahachɛ yoa dutiro warocaha tinare.

<sup>3</sup> Ñ sehe ni dutiha Jesu tinare:

—Mɔsa wahana paye barore naaena tjiga. Tjuadɔre, wajure, chɔare, niñerure naaena tjiga. Mɔsa sãano dihtare sãa wahcãga. Paye suhtire naaena tjiga. <sup>4</sup> Jipihtia macaripɛ mɔsare ti carĩno wachɛ tí wɔhɔihta jinocasiniga. Coã wahanapɛ wijaahga tí wɔhɔre. <sup>5</sup> Paye macari macaina mɔsare ti cahmaerachɛ ñha tí macarine yɔhdɛ wahcãa wahaga. Ñ wahana mɔsa dahpori macaa dihta pohcari mene wajã site cɔga mɔsa tinare ti ya buhirire masichɛ yoana —niha Jesu.

<sup>6</sup> To ã niri baharo to buheina sehe waha, jipihtia macaripɛpɛ noaa buheare yahu tinia tiha. Ñ yoa dohatiinare noaina wahachɛ yoaa tiha.



### Jesu to yoarire Herode tũhoha

(Mt 14.1-12; Mr 6.14-29)

7 ã yoa Herode Galilea yahpa macaina pũhtoro Jesu yoarire tũhorocaha. “¿Diro baro jijari tiro Jesu?” niparota ne masieraha. Cãina õ sehe nimaha Jesure: “João masare bautisariro cjiro pari turi bajuaro nica. ã jiro ‘Jesu’, ti niriro tiro tjira”, nimaha cãina. Ti ã nichũ tũhoro Herode Jesure dohse ni masieraha. 8 Paina “Tiro Elia cjiro mipũ bajuaro nina”, nimaha. Paina sehe “Cohamacũ yare yahu mũhtaina panopũ macaina mehne macariro cjiro mipũ bajuaro nica”, nimaha Jesure. 9 Ti ã ni durucupachũta õ sehe ni tũhotuha Herode sehe: “João dapure dũte ta duti tuhsũhi yũhũ. ¿Mipũre jiri masa ti yahuriro diro baro jibocari tiro sehe?” ni tũhoturo tiro Jesure ñũ duamaha.

### Jesu cinco mil bui masare chũa waha

(Mt 14.13-21; Mr 6.30-44; Jn 6.1-14)

10 ã yoa Jesu to warocarina tiro cahapũ tju sũa, ti yoarire yahuha Jesure. Ti yahu tuhsũchũ Jesu tina dihtare Betsaida wama tiri macapũ sũho wahamaha. 11 Ti waharire masia, masa payũ tinare nũnũ ti wahcãha. Jesure ti mũ sũchũ ñũno piti bocasiniha Jesu tinare. ã jiro tiro Cohamacũ masare pũhtoro to noano sũho jiare tinare yahu, dohatiinare noaina wahachũ yoaha.

12 Ñamichahapũ doce to buheina tiro cahapũ sũ, Jesure õ sehe ni yahuha:

—Õ masa marienopũ jira. Õ majano macaa macaripũ, daa macaricãpũ cũhũre ahrina masare warocaga. Carĩa ti chũhti cjihtire maca dutiga tinare —niha tina Jesure.

13-14 Ti ã nichũ Jesu õ sehe ni yũhtiha tinare:

—ã nienata chũare waga tinare —niha.

To ã nichũ tũhoa tina õ sehe ni yũhtiha:

—Cũ wamomaca pihtia pão curiri, pũaro wahi tó purocãta cjuaja mari. ¿Ahrina payũ masa ti chũhti cjihtire nuchũbocari sã? —niha to buheina.

Payũ masa ti jichũ ñũa ã niha to buheina. Tópũre cinco mil mũa jiha. (Numia, macanacã cũhũ jiha.) ã jiro Jesu õ sehe ni yahuha to buheinare:

—Cincuenta masare cũ curuai duji dutiga. Paye curuari cũhũre tópeinata duji dutiga —niha Jesu to buheinare.

15 To ã nichu to buheina to dutiro seheta yoa, jipihtina masare duji dutiha. 16 Duji duti tuhsu Jesu cũ wamomaca pihtia pão curirire pũaro wahi mehne na, mũanopũ ñũha. ã ñũno Cohamacũre “Noana”, niha. To ã niri baharo pão curirire nuha, to buheinare masare witi dutiro waha. 17 Ti ã witi tuhsũchũ, tina jipihtina masa chũ, yapi yũhdũa wahaha. Ti yapi wahyorire doce pũhũse waro wahpo dapoha to buheina.

**Jesu potocã Cristo to jiare Cohamacũ  
warocariro to jiare yahuha Pedro**

*(Mt 16.13-19; Mr 8.27-29)*

18 Cũ dacho Jesu cũirota jiro, Cohamacũre sinino niha. To ã sinino watoi to buheina tiro cahapũ sũha. ã jiro Jesu õ sehe ni sinitu ñũha tinare:

—¿Diro baro jicari yũhũ masa yũhũre ti tũhotuchũ? —ni sinitu ñũha.

19 To ã sinituchũ tũhoa to buheina õ sehe ni yũhtiha:

—“João masare bautisariro jira”, nina mũhũre. Paina “Elia cjiro jira”, nina. Paina “Panopũ macariro Cohamacũ yare yahu mũhtariro cjiro masa wijariro cjiro jira”, nina mũhũre —ni yũhtiha to buheina sehe tire.

20 Ti ã niri baharo Jesu tinare õ sehe ni sinitu ñũha tjoa:

—¿Mũsa sehe mũsa tũhotuchũ diro baro jicari yũhũ? —ni sinitu ñũha tjoa.

—Mũhũ Cristo Cohamacũ warocariro jira —ni yũhtiha Pedro.

**Jesu to yariahto cjihtore yahuha**

*(Mt 16.20-28; Mr 8.30-9.1)*

21 ã yoa Pedro “Cristo jira mũhũ”, to nirire painare Jesu yahu site dutieraha to buheinare. 22 ã ni yahu site dutiera tuhsũ õ sehe ni namoha:

—Yũhũ masũno Cohamacũ warocariro tuaro ñano yũhdũihca. ãta yũhdũro cahmana yũhũre. ã jia mari coyeya judio masare buheina, bũcũna, sacerdotea pũhtoa mehne yũhũre cahmaeraa, yũhũre wajãahca. Ti ã wajãri baharo tia dacho wahaboroi masa mũjaihca —niha Jesu tinare.

23 Baharo jipihtinare õ sehe ni yahuha Jesu:

—Cũiro yũ yairo ji duaro, to cahmano yoa duamarine duhunocanoahca. ã yoa crusapũ yũ ñano yũhdũhtiro seheta yũ

yairo to jiri buhiri ñano yũhdũparota yũhũre duhusi. Ñ jiro yũ yare yoarucuriro jirohca. <sup>24</sup> Masũno yũhũre wacũno marieno to mũ sũro to cahmano seheta yoariro pichacaru tiro waharohca. Ñ jiro yũ yare ã yoarucuriro jipihtia dachoripe yũhũ mehne mũanopũ jirucurohca. <sup>25</sup> ¿Cũiro masũno ahri yahpa macaare jipihtiare cjuariro Cohamacũre cahmaeraro pichacaru waharo yabare wapatajari tiro? Ñ jiriro ne wapataerara. <sup>26</sup> Cãina yũhũre, yũ buheare bũo tiboca. Ti ã yoachũ ñũcũ yũhũ cũhũ yũhũre ã yoinare bũo tisãaihca. Yũhũ masũno Cohamacũ warocariro noaina anjoa ti si sitea mehne, yũ si sitea mehne, yũ Pũcũ to si sitea mehne tjua tacũ tinare bũo tisãaihca. <sup>27</sup> Potocã niita nija mũsare. Mipũre cãina mũsa õpũre jiina mũsa yariahto pano Cohamacũ jipihtina bui pũhtoro noano to sũho ji dũcachũ ñũnahca —niha Jesu tinare.

### Jesu pjacũ cohtotaha

(Mt 17.1-8; Mr 9.2-8)

<sup>28</sup> Ñ yoa ocho dachori tíre to yahuri baharo Jesu Pedrore, Joãore, Santiagore tina dihtare pjiha. Ñ yoa waha, Cohamacũre sinia waha, tũcũrũ mũjaa wahaha tina. <sup>29</sup> Cohamacũre to sinino watoi Jesu wũhdũna cohtotaha. To ã cohtotachũ to suhtiro minoari suhtiro noano yehseri suhtiro wahaha. <sup>30</sup> To ã waharo watoi pũaro mũa tiro mehne durucua niha. Durucuina sehe Elia cjiro, Moise cjiro jiha. <sup>31</sup> Tina mũano macaa si sitea mehne bajuaha. Jesu baharocãta Jerusalẽpũ to yariahtore tina Jesu mehne durucua niha. <sup>32</sup> Pedro cũhũ wũjo caha yũhdũaha. Ñ carĩpahta cãa wahcã wihi Jesu to si siteare ñũa, pũaro tiro mehne ducuina cũhũre ñũa. <sup>33</sup> Moise cjiro cũhũ ti wahahto panocã Pedro Jesure õ sehe nimaha:

—Pũhtoro, mari õre jichũ noa duara. Tia wũhũcã yoanahtja. Mũ ya wũhũcã, Moise ya wũhũcã, Elia ya wũhũcã yoanahtja —nimaha Pedro.

Ñ niparota to nirire ne masieraha. <sup>34</sup> To ã ni durucuro watoi tinare me curua duji boro pja sũha. To ã duji boro pja sũchũ ñũa tina cuia wahaha. <sup>35</sup> Tuhsũ, me curua puhicharu õ sehe ni durucuro coa taha:

—Ahriro yũ macũ, yũ beseriro jira. Noano tũhoga tirore —nino coa taha me curua puhicharu.

<sup>36</sup> To ã nino coa tari baharo Jesu dihtare ñũa tina. Baharo ti ñũrĩre painare yahueraha. Ne cãirore yahueraha.

**Jesu watĩno to cohtotarirocãre noariro wahachũ yoaha**

*(Mt 17.14-21; Mr 9.14-29)*

37 Pa dachoi tina tũcũpũ ti duji tachũ payũ masa Jesure piti boca. 38 ã jiro tina mehne macariro Jesure õ sehe ni pisuha:

—Buheriro, mũhũre tuaro ahrire sini duaja yũhũ. Yũ macũ cãirota jira. ã jicũ tirore ñũbasaga mũhũ. 39 Watĩno tirore ñaha, sañurucuchũ yoa, tunu teterechũ yoa, sahpo tua wahachũ yoaa tihre. ã yoaro watĩno yũ macũre ñano yũhdũchũ yoa, ne duhu duaerara. 40 Mũ buheinare watĩnore cohã wio duticũ tuaro sinimahi. Yũ ã sinipachũta tina sehe tirore cohã wio masierare —niha tiro Jesure.

41 To ã nichũ Jesu sehe õ sehe niha:

—Mĩpũ macaina mũsa ñaina jira. ¿Yũhũre ne wacũ tuaeraputajari? Yoabiari pja mũsare buhemaja yũhũ. ¿Noho puro yoari pja yũhũre mũsa caribobocari? —ni tuhtiha Jesu.

ã ni tuhsũ watĩno ti cohtotariro pũcũrore õ sehe niha:

—Mũ macũre na tahga —niha.

42 To ã niri baharo to macũno Jesu cahapũ to taro watoi watĩno sehe tirore yahpapũ doca caha sũ, tunu teterechũ yoaha. To ã yoachũ Jesu watĩnore wijaa dutiha. To ã wijaa dutichũ watĩno sãarirocã noariro wahaha. ã jiro Jesu sehe tirocãre wiaha to pũcũrore. 43 Cohamacũ tuaa mehne noariro to wahachũ ñha, jipihitina masa cãaa wahaha.

**Pari turi Jesu to yariahtore, to masahtore yahuha**

*(Mt 17.22-23; Mr 9.30-32)*

Masa Jesu to yoarire ti ñũ, cãaa wahachũ Jesu sehe to buheinare õ sehe ni yahuha:

44 —Michapucacã yũ yahuhtire boena tjiga mũsa. Yũhũre Cohamacũ to warocarirore paio yũhũre ñaha dutiro warohca masare —niha Jesu.

45 To ã nipachũta tina sehe to yahware noano tũho ñahaeraha. To yahurire tinare masihtõ basioeraha. Tĩ pjata Cohamacũ tinare tĩre tũho ñaha dutierasiniha. ã jia tina cuia, tĩre tirore sinitu ñueraha.

**Jesu buheina tina mehne macarirore puhtoro sō duamaha**

*(Mt 18.1-5; Mr 9.33-37)*

46 Baharo Jesu buheina durucu sayoa niha:

—¿Mari mehne macariro diro sehe puhtoro ti cohtotacari?  
—ni sayoa niha tina ti basi.

47 Ti ã nichu Jesu sehe ti tũhotuare masino, nijinocãre to cahai duhu dapo, to buheinare õ sehe ni yahuha:

48 —Yũ yare yoana tana ahrirocãre cahmana yũhu cũhũre cahmana mũsa. Æ yoa yũhũre cahmana, yũhũre warocariro cũhũre cahmana mũsa. Mũsa mehne macariro mũsa cahamacũno jiro tiro cũhu puhtoro tjirohca —niha Jesu.

**Marine ñu tuhtiriro jieraro, mari mehne macariro jira**

*(Mr 9.38-40)*

49 Baharo João Jesure õ sehe ni yahuha:

—Buheriro, mũ wama mehne wafiare cohãrironẽ sã ñũhi. Tiro mari mehne macariro to jierachu ñũna tíre tirore yoa dutiera tihĩ sã —niha João Jesure.

50 To ã nichu Jesu Joãoire paina buheina cũhũre õ sehe ni yahuha:

—Ã niena tjiga mũsa tirore. Marine ñu tuhtiriro jieraro, tiro mari mehne macariro jira —niha Jesu to buheinare.

**Jesu Santiagore, João cũhũre tuhtiha**

51 Tĩ pjare Jesu mũanopũ to wahahto panocã, “Jerusalẽpũ wahahtja”, niha tiro. Æ nino tõpũ waharo niha. 52 Æ jia Jesu to panoi warocaina waha, Samaria yahpa macari macapũ sũ, tõi Jesu to jiltore cahno duamaha. 53 Jesu Jerusalẽpũ waharo taro niha. Tõpũ wahahtiro to jichũ tũhoa, tõi macaina tirore cahmaeraha. 54 Tĩre tũhoa Santiago, João mehne õ sehe ni yahuha Jesure:

—Puhtoro, mũ cahmachũ mũano macari pichaca mehne tinare wajã dutinahca —niha tina tirore.

55 Ti ã nichu Jesu majare ñũ, tuhtiha tina puarore.

[—Espĩritu Santo yaina jira mũsa. Mĩpũ mũsa tũhoturo seheta tiro sehe tũhotuerara. Yũhu masũno Cohamacũ warocariro ahri yahparũ tacũ pichacapũ wahaborinare yoadohohtiro tai. Masare butichũ yoacũ tacũ nierahi —ni yahuha Jesu.]

56 Æ tuhti tuhsũ, pa macapũ Jesu cũhu waha waha.

**Paina Jesu mehne wahamaha***(Mt 8.19-22)*

57 Tina mahai ti wahachũ, masũno Jesure õ sehe ni yahuha:

—Mũhũ mehne waha duaja nohoi mũ waharoi —niha tiro.

58 To ã ni tũhsũchũ Jesu õ sehe ni yũhtihã:

—Cãina macaroca macaina wahiquina ti copari cjuara.

Minichahca cũhũ ti suhti cjuara. Yũhũ masũno Cohamacũ warocariro sehe yũ carĩri wũhũ maeraja —niha Jesu.

59 Baharo paioire Jesu pjiha:

—Yũhũ mehne macariro cjihto taga —niha.

To ã nichũ tiro õ sehe ni yũhtihã Jesure:

—Pũhtoro, yũ pũcũ to yariachũ yasinii wahaihtja. ã ya tũhsũcũ pinihta mũhũ mehne wahaihtja —niha tiro.

60 To ã nichũ Jesu õ sehe ni yahuha:

—Yũhũre cahmaeraina yariaina yoaro seheta jira. Tina sehe yariainare yajaro. ã jicũ mũhũ sehe Cohamacũ masare pũhtoro to noano sũho jiare noaa buheare buhei taga —niha Jesu tirore.

61 ã yoa paio Jesure õ sehe niha:

—Pũhtoro, mũhũ mehne wahaihtja. Wahmanore yũ coyeare coha sitisiniĩ wahaihtja —niha tiro Jesure.

62 To ã nichũ Jesu õ sehe ni yahuha tirore:

—Wachũ sahãri pjiã tũã puriro mehne dahrariro noari dare saha duara. ã dahrariro to baharo bũhũsehere majare ñũno, noano potori da saha masierara. (Tó seheta Cohamacũ yare yoaro taro, dahrariro tó pano to jia tiare tuaro wacũboca tíre duhu duaeraro, dahrariro to majare ñũno seheta.) ã wacũriro Cohamacũ mari pũhtoro yare dahraboriro jierara —niha Jesu.

**Jesu setenta y dos buheinare buhe dutiro warocaha**

**10** <sup>1</sup> Baharo Jesu paina buheinare setenta y dos buheinare bese, macariperũ to wahahto pano warocayuha. Cãa macaripũre pũaro dihta warocaha tiro. <sup>2</sup> ã warocarõ õ sehe ni yahuha tinare piti dahre buhero:

—Trigo payũ ti bũcũa tũhsũchũ payũ jichũ dahraa pjíro jira. Wiho mejeta dahraina sehe mahainacã jira. Tó seheta noaa buheare tũhohtina payũ jichũ pjíro jira mari dahraa. To ã jipachũta mahainacã dahrari masa yoaro seheta noaa buheare buhehtina cũhũ mahainacã jira. ã jina noaa buheare

buhehtinare painare to warocahtore siniga Cohamacure mûsa. 3 Wahaga mûsa. Mûsare yu warocachu mûsa oveja pohna yaya watoi ti jiro seheta mûsa cûhu ñaina suaina watoi jinahca. 4 Niñeru wajure, bujwawacûa waju cûhure, dahpo suhtire naaena tjiga. Mûsa mahai tinina painare boca sê durucuena tjiga. Poto wahaga. 5 Jipihtia mûsa sãa wuhusepu sãahna “Ahri wuhû macaina noano jijaro”, ni muhtaga. 6 Tí wuhû macaina noano mehne jiina cahmachea marieina ti jichû, tíre niga tinare. Noano mehne ti jierachû ñûna tí wuhû macainare ã niena tjiga. 7 Cû wuhûi sãa surucana ti noaina jichû ti wuhûihta tjuaga. Tóti ti duhu payorire chû, sihnituga. Dahrainare ti wapataare nano cahmana. Á jina ti wapataare ti nano seheta ti duhu payorire naga mûsa cûhu. Á jina cû wuhûihta mûsa suri wuhûihta jina, tí maca macaa wuhusepu ji tiniena tjiga. 8 Macapure mûsa suna tó macaina sehe mûsare ti cahmaina jichû ti chûa ti duhu payorire chûga. 9 Tó macaina dohatiinare noaina wahachû yoaga. Á jina õ sehe niga tinare: “Cohamacu mipure mari puhtoro noano to sũho jihtore yahuna nija mûsare”, niga tinare. 10 Pa macapu mûsa sũchû tina sehe mûsare cahmaeraboca. Ti ã cahmaerachû ñûna tí maca dacho macapu waha, õ sehe niga tinare. 11 “Ahri maca macaa dihta pohcari mene wajã site cûna nija sãre mûsa cahmaerari buhiri ñona. Á jina ahrire wacûga. Cohamacu mari puhtoro mipure to noano sũho jihtore yahuna nija mûsare”, niga tinare. 12 Mûsare potocã niita nija. Sodoma macaina ñabiaina jiha. Ti ã jipachuta pihtiri dacho jichû Cohamacu to buhiri dahreri dacho jichû Sodoma macaina yũhdoro mûsare cahmaeraina sehere buhiri dahrerohca —niha Jesu.

**Paye macari macaina Cohamacure yũhdurucaina jira**

*(Mt 11.20-24)*

13 Baharo Jesu õ sehe niha macari macainare:

—Corazí macaina, mûsa ñano yũhdunahca. Betsaida macaina, mûsa cûhu ñano yũhdunahca. Mûsa ya macaripure Cohamacu tuaa mehne yoa ñomahi. Tiro wama tiri macare, Sidõ wama tiri maca cûhure to tuaa mehne yu yoa ñochû ñûa tó macaina sehe ti ñaare cahyaboa. Á yoa “Noaina jija”, ni ti tuhutumari cjirire tuhotu cohtotaboa. Dóihita tina duji, cahyaa suhtire sãa, ti basi niti pohcare ti bui dahra site payoboa ti ñaare cahyaare ñoa. 14 Cohamacu to buhiri dahreri dacho

jichu Tiro macaina, Sidõ macaina yuhdoro ñaa buhiri tiina musa jiri buhiri musare ñano waro buhiri dahrerohca tiro. 15 Capernau macaina, musa mu sũro mũanopũ waha duamana. Musa ã waha duapachũta musa ñaa buhiri tiina musa jiri buhiri musare Cohamacũ pichacapũ cohãnohca —niha Jesu.

16 Ñ ni tuhsũ Jesu to buheinare õ sehe ni yahuha:

—Musare tuhõina yuhũ cũhũre tuhõra. Musare cahmaeraina, yuhũ cũhũre cahmaerara. Ñ jia yuhũre cahmaeraina, tina yuhũre warocariro cũhũre cahmaerara —niha Jesu tinare.

### Setenta y dos buheina tju wihaha

17 Baharo setenta y dos buheina wahchea mehne tju wihaha:

—Pũhtoro, mu wama mehne mu tuaa mehne watĩare sã dutichũ tina sehe sãre yuhdũrucãerare —niha tina Jesure.

18 Ti ã nichũ Jesu õ sehe ni yũhtiha tinare:

—Mũanopũ to oroca site bora taro seheta, watĩno to bora tachũ ñũhi. 19 Noano tuhõga. Musare yũ tuaare wahi yuhũ. Ñ jina agãare, pichõno soroare, watĩnore marine ñũ tuhtirirore musa yuhdũrucãhtire wahi yuhũ. Ñ jia tina musare ñano yoa masierara. 20 Yũ ã wapachũta watĩa musare ti yuhdũrucãerachũ ñũna tí dihtare wahchena tjiga. Ahri sehẽre wahchega. Mũanopũ Cohamacũ yaina ti wamare to joa õri tjui musa wamare to joa õchũ ñũna, tí sehẽre wahchega musa —niha Jesu tinare.

### Jesu wahcheha

(Mt 11.25-27; 13.16-17)

21 Tí pjare Espĩritu Santo Jesure tuaro wahchechũ yoaha. Ñ jiro Jesu õ sehe niha:

—Mai, mũhũ mũanopũ cũhũre yahrapũ cũhũre pũhtoro jira. Masi yuhdũrucũ sũinare mu yahuerari cjirire wiho jiina sehẽre yahure mũhũ. Mu ã yoachũ ñũcũ “Noa yuhdũara”, nija. Ñ tjira, Mai. Mu yoa duariro seheta, mu cahmariro seheta tinare mu yare yahure —niha Jesu.

Ñ ni tuhsũ painare õ sehe niha:

22 —Yũ Pũcũ jipihtiare yuhũre ware. Yũ Pũcũ dihta yuhũre masina. Yuhũ cũhũ tirore masija. Yũ beserina cũhũ tirore masina, yũ masi dutiina jia. Tõpeinata yũ Pũcũre masija sã —niha Jesu.



23 To ã niri baharo ti sahsero ti jichu Jesu to buheinare õ sehe niha:

—Ahri jipihtiare musa ñuna wahcheina jira. 24 Potocã tjira. Payu Cohamacu yare yahu mughtaina cjiri, yahpari macaina pũhtoã cũhu mipu musa ñurire ñu duamaha tina cũhu. ã jia musa tũhori cũhure tũho duamaha —niha Jesu.

### Noariro Samaria macariro quitire yahuha Jesu

25 Tí pjata judio masare buheriro Jesu cahai wihi, Jesure ñano to durucuchu yoa duamaha tirore yhusã duaro:

—¿Buheriro, yũhu jipihtia dachoripe Cohamacu mehne ji duacu dohse yoahcari yũhu? —ni sinituha tiro Jesure.

26 To ã nichu Jesu õ sehe ni yũhtiha tirore:

—¿Dohse ni yahujari Cohamacu yare ti joari pũi? ¿Cohamacu to ni joari cjirire dohse ni tũhotujarita mũhu? —niha Jesu tirore.

27 To ã nichu tiro õ sehe ni yũhtiha:

—Õ sehe niha Cohamacu: “Tuaro musa yajeripohnari mehne, noano musa tuua mehne, musa wacũa mehne Cohamacure cahĩga. ã yoa mu basi mu cahĩno seheta mu cahai jiina cũhure cahĩga” —niha tiro Jesure.

28 To ã nichu Jesu õ sehe ni yahuha:

—Quihõno nire mũhu. Tĩre yoaga. ã yoacu jipihtia dachoripe Cohamacu mehne jiihca mũhu —niha tirore.

29 “Ahriro Cohamacu dutiare yoa pahñoriro jira”, masa tirore ti ni tũhotuchu cahmaha judio masare buheriro. ã cahmano tiro Jesure õ sehe ni sinituha:

—¿Yabariro baro jicari yũhure mu cahĩ dutiriro? —niha tiro.

30 To ã nichu

Jesu õ sehe ni piti dahre quiti mehne yũhtiha:

—Cũ dacho Jerusalẽpu tariro Jericõpu wahariro mahai to tinichu yacaina tirore ñahaha. ã ñahaa, to suhtirore tjuwe na, tirore tuaro cjãha.



Ñ tuaro cjãa, mahano to yariaro cahachũ waro duhuha tina tirore. **31** Tí pjata sacerdote tí mahapũ taha. Ñ taro ti cjãriro cjirore ñũparota maha pa bũhũsehe dũhtũ cahai do yũhdũ wahcã, yũhdũa wahaha. **32** Ñ yoa Cohamacũ wũhũi dahrariro cũhũ pjacũoriro cahai sũ, tirore ñũ, maha pa bũhũsehe coai do yũhdũ wahcãa wahaha. **33** Ñ yoa Samaria macariro sehe tói waha, yoa cureropũ pjacũorirore ñũ, tirore pja ñũha. **34** Ñ pja ñũno, tiro pjacũoriro cahai sũ, se, vino mehne morea core to camine pio sihõha. Pio sihõ tuhsũ suhtiro cahsaro mehne dũhtehta to camine. Tuhsũ, pjacũorirore to burro bui duhu payo, carĩni wũhũpũ na sũha tirore. Tói jiro, Samaria macariro noano ñũ wihboha tirore. **35** Pa dachoi tiro carĩni wũhũ pũrore pũa tũ niñeru tũrire wa, õ sehe niha: “Ahriroro ñũ wihboga. Ahri mũ sũerachũ pari turi tjuwa tacũ wapa pahñoihtja”, niha Samaria macariro wũhũ pũrore —niha Jesu.

**36** Ñ ni tuhsũ judio masare buherirore õ sehe ni sinituha Jesu:

—¿Ahrina tiaro mũa diro sehe jijari pjacũorirore cahĩriro?  
 —niha Jesu.



37 To ã nichu tãhoro buheriro sehe Jesure õ sehe ni yũhtiha:  
—Pjacuorirore yoadohoriro jica tirore cahĩro —niha tiro  
Jesure.

—Wahaga. Mũhu cũhu masare tó seheta yoai wahaga  
—niha Jesu buherirore.

### Marta, María cũhu cahai Jesu tiniha

38 Æ yoa Jesu to buheina mehne ti wahachu, pa macaru ti  
tinichu, Marta wama tiricoro tinare to wũhuĩ sãa ta dutiha.

39 To bahoro María to dahpori cahai duji, to buheare tãhoha.

40 To ã yoachu ñũno Marta to dahraa pjĩro jichu suaha. Æ jiro  
ticoro Jesure õ sehe ni sinituha:

—Pũhoro, ¿yũhu cũcoro yũ dahrachu yũhũre yũ baho to  
yoadohoerachu mũhũre noajari, mũ ñũchũ? Ticorore yũhũre  
yoadoho dutiga —niha Marta Jesure.

41 To ã nichu Jesu õ sehe ni yũhtiha:

—Marta, dahraa pjĩro cjuaco pjĩro tũhotura mũhu.

42 Cohamacu to yare tũho dutira. María noare yoaro taro tíre  
cahmahre. Æ jicu yũhũre to tũhochu “Dahradohoco wahaga”,  
nieraja ticorore —niha Jesu Martare.

### Jesu Cohamacure siniare buheha

(Mt 6.9-15; 7.7-11)

**11** 1 Cũ dacho Jesu Cohamacure sinino niha. To sini  
tuhsũchũ, cũiro to buheina mehne macariro tirore õ  
sehe niha:

—Pũhoro, João to buheinare to buheriro seheta  
Cohamacure siniare sã cũhũre buhega mũhu —niha tiro  
Jesure.

2 To ã nichu tãhoro Jesu tinare õ sehe ni yahuha:

—Õ sehe ni Cohamacure siniga:

“Sã Pũcu, mũhu ñaa marieriro ã jirucura.

Mĩpũre jipiltina bui pũhoro jiga.

3 Æ yoa dachoripe sã chũhtire warucuga sãre.

4 Paina sãre ti ñano yoarire sã boja.

Æ jicu mũhu cũhu sã ñaa yoarire boga.

Tuhsũ, sã ñaare yoa duana sã goa pjachũ ñũcu tíre  
sãre yoa duaerachu yoaga”,

ni siniga Cohamacure —niha Jesu tinare.

5 Baharo Jesu qiti mehne to buheinare õ sehe ni buheha:

—Cũiro ñami dacho macai to coyeiro ya wũhũpũ waha, tireo õ sehe ni siniha: “Coyeiro tia curi pão curi waga yũhũre. 6 Pairo yũ coyeiro tinino tariro michapucacãta ya wũhũi wihihre. ã yoa tireo yũ chũa waboa mariahna”, niha tiro to coyeirore. 7 To ã nichũ to coyeiro wũhũ puhichapũ jiriro yũhtiha: “Yũhũre cariboi tjiga. Sopa pahma bihariro jira. Yũhũ yũ pohna mehne carĩna nija. Wahcãno pjaeraca yũhũre. Mũhũre chũare waboricũ jieraja”, niha to coyeiro. 8 ¿Dohse waharohcari sinirirore? Potocã niita nija mũsare. To coyeiro jiparota, chũa waboriro wahcã duaeraha. Wahcã duaeraparota chũa siniriro sehe bũo tiro marieno to yoari pja sinirucuchũ tũhoro jipihtia to siniriro sehetã warohca. 9 ã jicũ ahrire mũsare ni yahui nija: Cohamacũre siniga. ã sinina mũsa sinirire ñahanahca. Mũsa sinirire bocanahca. Tireo ã sinirucuga. Mũsa ã yoachũ tiro mũsare warohca. 10 Jipihtina Cohamacũre siniina ti sinirire naahca. ã yoa ti sinirire bocaahca. ã jiro jipihtina Cohamacũre ã sinirucuinare tiro tinare warohca.

11 ¿Mũsa pohna mũsare wahire ti sinichũ agã sehere wabocari mũsa tinare? 12 ¿Mũsa pohna caraca diecare ti sinichũ pichõno soro sehere wabocari mũsa tinare? Ne wasi. 13 Mũsa ñaina jipanahta mũsa pohñare noaare wa masina mũsa. ã yoa Cohamacũ sehe mũsa wari yũhdoro noaare wara mũsare. Tiro mari Pũcũ mũano macariro to Espĩritu Santore warohca tireo siniinare —niha Jesu to buheinare.

**“Jesu watĩno tuaare cjuara”, ni yahusãha masa**

*(Mt 12.22-30; Mr 3.19-27)*

14 Tĩ pjare Jesu watĩnore cohã wioro niha. Watĩno sehe durucu masierariro jichũ yoaha masũnore. ã jiro watĩno masũnore to duhuri baharo masũno sehe durucu dũcaha. To durucuchũ tũhoa masa payũ cũaa wahaha. 15 Ti ã cũapachũta paina sehe õ sehe niha:

—Ahriro Jesu watĩare to cohã wiochũ Beelzebú wama tiriro watĩa pũhtoro sehe tireo yoadohora —niha paina.

16 Paina “¿Jesu Cohamacũ to warocariro jijari?” ni masi duaa tireo Cohamacũ tuaa mehne yoa ño dutimaha. 17 Ti ã dutichũ tũhoro “Watĩno tuaa mehne watĩare cohã wiora”, ni ti tũhotuare masino, tinare õ sehe ni yahuha Jesu:

—Watĩno ya tuaa mehne watĩare cohã wioi nieraja. Cũ maca macaina ti basi cahma wajãa, tí maca macaina yaria pihtia

wahara. Ñ jia cū wuhū macaina ti basi cahmachea, tí wuhū macaina waha pihtia wahara. **18** Ñ yoa watīno yaina watīa ti basi cahmachea, tina watīa cūhū waha pihtia wahaboa. Cū curua ji masieraboa. Mūsa yūhūre ò sehe nina. “Tiro watīno tuaa mehne watīare cohā wiora”, mūsa yūhūre nina nica. **19** ¿Yūhūre mūsa niri potocā jichū mūsa mehne macaina watīare cohā wioa, watīno tuaa mehnetā cohā wiojari tina cūhū, mūsa ñuchū? Mūsa mehne macaina watīare cohā wioa, watīno tuaa mehne cohā wioa nierara. Ahrire masina watīno to tuaa mehne watīare yū cohā wioerachū masinahca mūsa. **20** Ñ jicū yūhū sehe watīare cohā wiochū Cohamacū tuaa mehne cohā wioja. Ahrire masina, Cohamacū mūsa pūhtoro to noano sūho ji dūcaare masinahca mūsa.

**21** Tuariro to wamoa mehne to wūhūre to ñū wihbochū to yare paina na masierara. **22** To ñ ñū wihbopachūta paio tua yūhdūriro tiro mehne cahmache, tirore yūhdūrūca, to wamoare manoca, to yare manocahna. (Ñ sehetā yoa yūhdūrūcaro cahmana watīare.) **23** Cūiro yūhūre cahmaeraro, yūhūre ñū tuhtiriro jira. Cūiro yūhūre yoadohoeraro yūhūre ñano yoaro nina —ni buheha Jesu.

**Watīno pari turi masūnore to sāari quitire yahuha Jesu**  
(Mt 12.43-45)

**24** Ñ yoa to tūhotua mehne ò sehe ni piti dahre buheha tinare:

—Watīno masūnore duhuro tiro co marieni yahpai tinino, to sohto cjiltore macamaha. Bocaeraro, ò sehe ni tūhotuha: “Masūno yū duhuriro mehne pari turi jii wahaihtja”, ni tūhotuha tiro. **25** Ñ nino tiro tjua waha, masūnore bocaha. Ñ to bocachū masūno sehe noariro jimaha. **26** Tuhsū, watīno paina siete watīare tiro bui ñaa yūhdūinare nano wahaha. Na wihi, tina jipihtina watīa masūno mehne jiha. Ñ jiro masūno sehe tó pano cūiro watīnore cūaro, ñariro jimaha. Mipū sehere payū watīa ti cohtotariro jiro, tó pano to jiriro yūhdoro ña yūhdūriro jiha —niha Jesu.

**Jesu wahcheare yahuha**

**27** Tíre to ñ nichū masa watoi jiricoro numino Jesure ò sehe ni yahuha:

—Mũhũre pohna tiricoro, mũhũre pũricoro wahchericoro jira —niha Jesure.

**28** To ã ni tuhsũchũ tũhoro Jesu ticorore ò sehe ni yũhtiha:

—Cohamacũ durucuarẽ tũhoina to dutiare yoaina tina tjica wahcheina —niha Jesu ticorore.

**Masa ñaina Jesure Cohamacũ tuaa mehne yoa ño dutiha**

*(Mt 12.38-42; Mr 8.12)*

**29** Ñ yoa payũ masa Jesu cahai ti wihichũ, tiro tinare ò sehe ni yahu namoha:

—Mipũ macaina nu ñaina jira. Cohamacũ tuaa mehne yũ yoa ñochũ ñũ duamana. Ti ã ñũ duapachũta Jona panopũ macariro Cohamacũ tuaa mehne to yoari dihtare ñonohca Cohamacũ tinare. **30** Jona Cohamacũ yare yahu mũhtariro jiro, tiro Nínive macainare Cohamacũ yare to masichũ yoariro seheta yũhũ masũno Cohamacũ warocariro masichũ yoaja mipũ macainare. **31** Buhiri dahrehti dacho jichũ pũhtorocoro sur macaricoro panopũ macaricoro ducu, mipũ macainare “Ñaina jira”, ni yahusãnohca ticoro. Ticoro Salomo panopũ macariro to masiare tũho duaro yoaropũ ahri yahpa pa seherũ jiricoro Salomore tũhoro taha. Ñ yoaro noano yoaro niha mipũ macaina yũhdoro. Ñ jiro ticoro yahusãnohca mipũ macainare. Ñ nicũ mũsare potocã niita nija. Mipũ mũsare yũ buhea Salomo to buheri yũhdoro jira. **32** Buhiri dahrehti dacho jichũ Nínive macaina cũhũ ducu, mipũ macainare “Ñaina jira”, ni yahusãahca tina. Jona tinare Cohamacũ yare to yahuchũ tũhoa, ti ñaare tũhotumarire tũhotu cohtota Cohamacũre cahmaha tina sehe. Ñ cahmaa noano yoaa niha mipũ macaina yũhdoro. Ñ jia tina cũhũ mipũ macainare “Ñaina jira”, ni yahusãahca. Mũsare potocã niita nija. Mipũ mũsare yũ buhea Jona to buheri yũhdoro jira —ni yahuha Jesu.

**Masa ti tũhoturo seheta yoara**

*(Mt 5.15; 6.22-23)*

**33** Ñ ni yahu tuhsũ, piti dahre buhero ò sehe ni yahu namoha tinare:

—Masa sihãriare sihãa nũoerara. Tiare sihãa dihi biato docapũ duhu dapoerara. Tiare mũanoi duhu payora wũhũpũ sãa taina ti noano ñũ sãahto sehe. **34** Sihãria to noano buhriachũ mari noano ñũ masino seheta noaare tũhotua

mehne noaare yoa masinahca m̄sa. M̄sa t̄hoturo seheta yoara m̄sa. Noaare t̄hotuna noaare yoara m̄sa. Noaare t̄hotuerana ñaare yoara m̄sa. <sup>35</sup> Ña jina noano yoaga. M̄sa t̄hotuap̄ ñaa jiero tjijaro. Ñaare goa pjaena tjiga. <sup>36</sup> Tuhs̄ m̄sa t̄hotuap̄ noaa jich̄, ñaa ne mariach̄ noaa dihtare t̄hotunahca —ni buheha Jesu.

**Fariseo curua macaina, judio masare  
buheina c̄h̄re Jesu tuhtiha**

*(Mt 23.1-36; Mr 12.38-40; Lc 20.45-47)*

<sup>37</sup> Jesu to buhe tuhs̄ch̄ ñ̄ fariseo curua macariro tirore to ya w̄h̄p̄ ch̄ dutiro pjiha. Ñ̄ jiro Jesu tiro ya w̄h̄p̄ s̄a s̄, ti ch̄roi tina mehne nuju s̄ha. <sup>38</sup> To ã nuju s̄ch̄ fariseo curua macariro sehe Jesure ñ̄ n̄n̄no judio masa ti wamo cosarucuro seheta to wamo cosaerach̄ ñ̄no ò sehe ni t̄hotuha: “Cuenah. ¿Ahiro dohsearo wamo cosaerajari mari yoaro sehe?” ni t̄hotuha. <sup>39</sup> To ã ni t̄hotuch̄ masino Jesu tirore ò sehe ni yahuha:

—M̄sa fariseo curua macaina sihnia wahwarire, wapari c̄h̄re bui sehe dihtare m̄sa cosaro seheta noaare yoa ñona m̄sa buicã warohna. Ñ̄ yoapanahca Cohamac̄ yare quih̄no yoerara. Paina yare maina jina, ñaa dihtare t̄hotura m̄sa. <sup>40</sup> T̄ho masieraina jira m̄sa. Cohamac̄ m̄sa pjac̄r̄re yoariro m̄sa t̄hotuhti c̄h̄re yoaha. ¿T̄re masierajari m̄sa? <sup>41</sup> Ñ̄ jina m̄sa yare pjac̄oinare waga m̄sa. M̄sa ã yoana noaare t̄hotuina jinahca.

<sup>42</sup> M̄sa fariseo curua macaina ñano ȳh̄d̄nahca. Moa yoaro sehe jiare ch̄are coach̄ yoare c̄jana mahanocã wamana m̄sa. Cohamac̄re ño payona tana sacerdoteara wamana m̄sa. Ñ̄ wapanahta noaare yoerara m̄sa. Ñ̄ jina masare pja ñ̄erara m̄sa. Ñ̄ yoa Cohamac̄re ño payoerara m̄sa. Toaa dichacãre m̄sa narire mahanocã Cohamac̄re m̄sa wach̄ noa nina. Ñ̄ wana ò sehe yoa namoga: Noaare yoaga. Ñ̄ yoa pja ñ̄ga m̄sa masare. Tuhs̄, Cohamac̄re ño payoga m̄sa.

<sup>43</sup> M̄sa fariseo curua macaina ñano ȳh̄d̄nahca. Buheri w̄h̄p̄ jina, noaa dujia dihtare duji duara m̄sa. Pache duarop̄ masa m̄sare p̄htoare noano ño payo ti sinino sehe ti piti bocasinich̄ cahmana m̄sa.

44 'Ñano yũhdũnahca m̄sa. Masa copa n̄ori copa yoaro seheta jira m̄sa. Tí copa cahai masa jia, puhicha macariro baarirore ñ̄erara tina. Tó seheta masa m̄sa cahai jia, m̄sa tũhotuap̄ ñ̄aa jiare masierara tina —niha Jesu tinare.

45 To ã nich̄a tũhoro judio masare buheina mehne macariro Jesure õ sehe ni yahuha:

—Buheriro, tíre nic̄a s̄ã cũh̄ere ñ̄ano nii nica m̄h̄a —niha tiro Jesure.

46 To ã nich̄a Jesu õ sehe ni yũhtiha:

—Potocã tjira. Judio masare buheina m̄sa cũh̄u ñ̄ano yũhdũnahca. M̄sa painare ti bihoeraare yoa dutira tinare. Æ dutipanahta m̄sa sehe tinare ne mahanocã yoadohoerara tí dutiare ti yoah̄to sehe.

47 'Æ jina m̄sa ñ̄ano yũhdũnahca. Cohamac̄u yare yahu m̄htaina panop̄ macaina ti masa coparire noano cahnomana m̄sa tinare ñ̄o payoro sehe yoana. M̄sa ã yoapach̄ta panop̄ macaina m̄sa coyea sehe tinare waj̄aha. 48 Tina sehe Cohamac̄u yare yahu m̄htaina cjirire ti waj̄ariro seheta m̄sa cũh̄u yoaboa. Æ jina mip̄re ti masa coparire cahnomana m̄sa. Æ cahnona m̄sa coyea tinare ti waj̄ari cjirire wacũ bajuro wana nica m̄sa. Æ ti waj̄arire wacũna “Noa nina”, nina nica m̄sa.

49 'Cohamac̄u to masia mehne õ sehe ni yahuha: “Ȳu yare yahu m̄htaina cũh̄ere ȳu buhe duti c̄irina cũh̄ere warocaiht̄ja tinare. Æ jia tina ȳu warocainare painare waj̄ã, painare ñ̄ano yoaāhca”, niha Cohamac̄u. 50-51 Ahri yahpare Cohamac̄u to bajuamehneri baharo Caĩ sehe Abere waj̄aha. Tuhs̄u, Cohamac̄u yare yahu m̄htaina cjirire Abe baharo jiina cũh̄ere ñ̄aina waj̄aha. Baharo Zacariare Cohamac̄u w̄h̄ui Cohamac̄ure ñ̄o payori mesa cahai m̄sa coyeata waj̄aha. Jipihtina tinare ti waj̄ari buhiri mip̄ macainare Cohamac̄u buhiri dahrerohca. Æ tjira. M̄sareta nii nija. Jipihtina tinare ti waj̄ari buhirire mip̄ macainare Cohamac̄u buhiri dahrerohca.

52 'M̄sa judio masare buheina, ñ̄ano yũhdũnahca. Cohamac̄u masiare ti joaa p̄irine cj̄apanah̄ta painare yahuerara m̄sa. M̄sa basi Cohamac̄u yare tũhoerara. Tuhs̄u, paina to yare ti tũho duapach̄ta tíre m̄sa tinare tũho dutierara —niha Jesu tinare.

53-54 To ã nich̄u tũhoa judio masare buheina fariseo curua macaina cũh̄u tiro mehne sua tirore ñ̄ano ni durucuha. Æ jia



Jesu to ñano ni yũhtichũ tũho duaa, tina payũ mahño cũ sinitu ñũmaha tireore, tireore yahusã duaa.

**Fariseo curua macaina ti ã mahñorucurire Jesu yahuha**

**12** <sup>1</sup> Ñ yoa Jesu cahai masa payũ cahmachua, bihsa yũhdũaha. Tói Jesu to buheinare õ sehe ni yahu dũcaha:

—Noano wacũ masiga mũsa. Fariseo curua macaina ti pão bũcũarore ñũna noano wacũ masiga. Ti mahñorucurire nii nija “Pão bũcũaro”, nicũ. <sup>2</sup> Jipihtia ñaare paina ti masierari cjrĩre baharo masiahca. <sup>3</sup> Ñ yoa ñamipũre ti pjiroca durucuri cjrĩre buhriaroi to bajuro waro seheta masiahca jipihtina. Bihari tahtiapũ paioire yaroca ti nimari cjrĩre masa payũ masiahca —ni yahuha Jesu.

**Masa ti cuihtirore yahuha Jesu**

*(Mt 10.28-31)*

<sup>4</sup> Ñ ni tuhsũ Jesu õ sehe ni yahu namoha tinare:

—Potocã niita nija mũsare. Masa wajãina wajã tuhsũ pari turi ti wajãrina cjrĩre ñano yoa namo masierara. Ñ jina mũsare wajã duainare cuiena tjiga. <sup>5</sup> Mipũre mũsa cuihtirore mũsa ño payohtirore yahuihtja. Cohamacũ sehere cui, ño payoga. Tiro mũsa yariari baharo pichacapũ cohã masina mũsare. Ñ tjira. Potocã nii nija. Cohamacũ sehere cui, ño payoga.

<sup>6</sup> Cũirocãre Cohamacũ ne boerara. <sup>7</sup> Ñ yoa mũsa pjoarire ne cũ pjoa da dũhsaro marieno masi pahñona Cohamacũ. Tó seheta mũsa jia tia cũhũre masi pahñona Cohamacũ. Ñ masino mũsare ñũ wihborucura. Siripiare to cahĩno yũhgoro mũsa sehere cahĩna Cohamacũ. Ñ jina tireore ño payona cuiena tjiga mũsa —niha Jesu.

**Jesu yaina mũsa jiare yahuga masare**

*(Mt 10.32-33; 12.32; 10.19-20)*

<sup>8</sup> Ñ yoa Jesu õ sehe ni yahu namoha:

—Mũsare niita nija. Cũiro “Jesu yairo jija”, masare to nichũ ñũcũ, yũhũ masũno Cohamacũ warocariro “Tiro yũ yairo jira”, ni yahuihtja Cohamacũ yaina anjoare. <sup>9</sup> Cũiro “Jesu yairo jija”, masare nierariro sehere yũhũ “Tiro yũ yairo jierara”, ni yahuihtja Cohamacũ yaina anjoare.

10 'Cũiro yũhũre ñano to ni durucuchũ tí ñaa buhirire Cohamacũ bo masina. Å boparota cũiro Espĩritu Santo sehere to ñano ni durucuchũ tí ñaa buhirire ne Cohamacũ bosi.

11 'Mari judio masa buheri wũhũpũ pũtoa cahai paina mũsare na sãa yahusãahca. Ti ã yahusãchũ mũsa ni dũcatahti cjihtire “Cue, masieraboca”, ni tũhotuena tjiga. 12 Tĩ pjaihta Espĩritu Santo mũsa yahuhti cjihtire yahurohca —niha Jesu.

### Pache pũro quitire yahuha Jesu

13 Å yoa masa mehne macariro Jesure õ sehe ni yahuha:  
—Buheriro, sã pũcũ to yariari baharo to ya cjiri sãre tjuara. Å jicũ yũ wahmine tíre yũhũ cũhũre quihõno tju wa dutiga —niha tiro Jesure.

14 To ã nichũ Jesu õ sehe ni yũhtiha:

—Ne tí barore tju waboricũ jieraja yũhũ —niha Jesu tirore.

15 Å ni tuhsũ Jesu jipihtinare õ sehe ni yahuha:

—Noano yoaga mũsa. Pachere, paye baro cũhũre cahĩena tjiga. Payũ cjuapanahca tí mehneta wahche tuhsũeraja mari —niha Jesu.

16 Å ni tuhsũ Jesu quiti mehne õ sehe ni yahuha tinare:

—Pache pũro noari yahpare cjuaha. Å jia tí yahpũpũ to toaa noano dicha tiha. 17 Å jiro tiro to basi õ sehe ni tũhotumaha: “Dicha wihboa wũhũse ne mũ sũerara. 18 Mipũre õ sehe yoaihtja: Mipũ yũ wihboa wũhũsere cohãnoca, mũna wũhũse cjiri yũhũdoro wahma wũhũse yoaihtja. Tĩ wũhũsei yũ toaa dichare, jipihtiare yũ yare wihboihtja. 19 Yũ ã yoari baharo, õ sehe ni tũhotuihtja yũ basi: ‘Yũhũ jiape cjuariro jija. Noano soihtja. Å jicũ chũ, sihni, wahcheihtja’, ni tũhotuihtja yũ basi”, ni tũhotumaha tiro. 20 To ã ni tũhotuchũ Cohamacũ tirore õ sehe ni yahuha: “Mũhũ ne tũho masierariro jira. Micha ñamiihta mũhũ yariaihca. Mũ ã wahachũ mũ ya mũ cahĩri butia wahaahca”, niha Cohamacũ tirore —niha Jesu masare.

21 Tĩre nino, masare õ sehe ni yahuha Jesu:

—Åta wahaahca pache pũa Cohamacũre wacũeraina. Payũ pachere, niñerure to ya cjihti dihtare wihboriro, Cohamacũre wacũeraro tiro pjacũoriro jirohca, Cohamacũ to ñũchũ. Å jiro Cohamacũ tirore ñũ jicoaerara —niha Jesu.

### Cohamacu to pohñare ñu wihbora

(Mt 6.25-34)

22 Ñ yoa Jesu to buheinare õ sehe ni yahuha:

—Ahñire mäsare nii nija: Mäsa chuhti cjihtire, mäsa suhti säahtire pjíro cahya tñhotuena tjiga. 23 Cohamacu mäsare bajuamehñeno, chuhtina cjihti dihtare yoeraha mäsare. Tuhsu, suhti säahtina cjihti dihtare yoeraha tiro mäsare.

24 Minichahca perire Cohamacu to ñu wihboare masiga. Tina weseri maeraina jira. Ñ jia chüare ti wihboa wñhuse tinare mariahna. Ti ñ jiina jichu ñño tinare Cohamacu ti chuhtire wara. Minichahca yñdoro mäsa sehene cahña Cohamacu.

25 Pjíro mäsa tñhotua mehne cñ hora waro mäsare cati namochu yoa masierara mäsa. Ñ jiro mäsa pjíro tñhotua yaba cjihti jierara. 26 ¿Ñ yoa pjíro mäsa tñhotua ti yaba cjihti jierapachuta dohse yoana mäsa chuhtire, mäsa sihñihtire, mäsa säahtire pjíro cahya tñhotujari?

27 Macaroca macaa cohore tñhotuga. Tí cohori ti basi suhtire yoerara. Ñ yoerapahta noaa suhti tiina yoaro sehe noaa bajura tí cohori. Salomo cjiro noaa suhtire säariro to jipachuta tí cohori sehe tiro yñdoro noabiaa cohori waro jira.

28 Cohore noaa cohori yoara Cohamacu sehe. To ñ yoapachuta cohori sehe mahaa dachoricã jirucuma ñai boraahara.

Mahanocã ji, pa dachoi pichacapu jñu wahara. Ti ñ jipachuta cohore noaa cohori jichu yoara Cohamacu. Ñ jiro Cohamacu cohore to noaa cohori to yoariro yñdoro mäsa cñhure noano yoarohca. Suhtire warohca. Mahanocã Cohamacure wacñ tuara mäsa.

29 Ñ jina mäsa chuhtire, mäsa sihñihtire pjíro cahya tñhotuena tjiga. 30 Cohamacure cahmaeraina sehe ahñi yahpa macaina sehe tíre ñ macarucua nina. Mari Pñcu mñano macariro jipihtia mäsa cahmaare masina. To ñ masichu pjíro cahya tñhotuena tjiga. 31 Cohamacu mäsa pñhtoro to jihto cjihtore cahma mñhtaga. Jipihtia paye baro yñdoro tireore cahmaga mäsa. Mäsa ñ yoari baharo Cohamacu sehe mäsa cahmaa dñhsachu warohca —ni yahu namoha Jesu.

### Mñaporu mari payu cñu masija

(Mt 6.19-21)

32 Ñ ni tuhsu, tinare õ sehe ni yahu namoha:

—Yũ cahĩina, mahainacã jipanahta, cuiena t̃jiga m̃sa. Cohamacũ m̃sa p̃htoro to noano sũho jirop̃re tiro mehne m̃sa jichũ cahmana tiro. <sup>33</sup> ã jina m̃sa yare dua pah̃oga. Tĩre duanoca tí niñerure na, p̃jacuoinare waga. Tó sehe m̃sa yoachũ m̃ano macaa m̃sa wapataa ne pihtisi. M̃sanop̃ũ m̃sa ya jia ne pihtierara. Tó̃p̃re m̃sa yare na masierara yacariro. ã yoa machũ cũhũ tíre t̃ua masierara. <sup>34</sup> M̃sanop̃ũ m̃sa ya jichũ m̃ano macaa dihtare t̃hotunahca m̃sa —niha Jesu.

### **Jesu to t̃jua tahtore cohta dutiha to yainare**

**35-36** ã ni tuhsũ tinare õ sehe ni yahu namoha:

—M̃sa yare cahnoyu tuhsũina yoaro sehe yũ yare ã yoarucuina jina cohtaga yũh̃re. Dahra cohtaina ti p̃htoro wamomaca d̃hteri bose ñm̃p̃ũ to wahachũ to t̃jua tahtore tina cohtara. Tina ti ã cohtariro seheta yũ t̃jua tahtore cohtaga m̃sa cũhũ. P̃htoro to w̃h̃p̃ũ wihi, sopacare to dotachũ t̃hoa tina d̃ihta p̃jõ s̃hna tire. <sup>37</sup> Dahra cohtaina ti p̃htoro to wihihũ to cahmano seheta yoarucuina jia, wahcheina jiahca. Ti ã yoachũ ñ̃no p̃htoro sehe dahra cohtariro yoaro sehe cohtotarohca. ã yoaro dahra cohtainare duji dutiro, tiro ti ch̃are duhu payorohca. <sup>38</sup> Tiro to wihihti p̃ja ñ̃ami dacho macap̃ũ, o bohrearop̃ũ to jipach̃ta dahra cohtaina sehe to wihihti p̃jare tire noano cohtaina jia, wahcheina jiahca tina. <sup>39</sup> Ahrire wacũga m̃sa. Yacariro w̃h̃p̃ũ to wihihto pano tí w̃hũ p̃ro masierara. W̃hũ p̃ro yacariro to wihihtore masino, tiro yacarirore s̃ã dutieraboã. ã jiro wacũenoca tara yacariro. <sup>40</sup> ã jina m̃sa cũhũ cohtaga. Yũhũ mas̃no Cohamacũ warocariro wacũenoca taihca. ã jina yũ yare ã yoarucuina jina cohtaga m̃sa —niha Jesu tinare.

### **Dahra cohtariro to p̃htorore ñ̃o payorirore, ñ̃o payoerariro cũh̃re yahuha**

*(Mt 24.45-51)*

**41** To ã nichũ Pedro sehe õ sehe ni sinituha Jesure:

—¿Ahri quitire yahucũ s̃ãre nii nijari? ¿O jipihtinare ã nii nijari? —niha Pedro.

**42** To ã nichũ Jesu to t̃hotua mehne õ sehe ni piti dahre buheha tinare:

—Dahra cohtariro to p̃htorore ñ̃o payorirore t̃ho masirore õ seheta jira. P̃htoro tinino waharo, dahra cohtarirore to

wuhure cūna. To cūriro sehe dutiriro jirohca. Ñ jiro tiro chūri pja jichū paina dahra cohtainare chūare witira. **43** Baharo pūhtoro to wihichū dahra cohtariro sehe to pūhtoro to dutiriro seheta yoa pahñoriro jiro, tiro wahcheriro jirohca. **44** Potocā niita nija mūsare. To ã yoachū to pūhtoro jipihtia to yare ñū wihboriro cūnohca tire. **45** To ã cūpachūta dahra cohtariro “Yū pūhtoro yoari pja bajuerara”, niboca. Ñ nino paina dahra cohtainare mūare, numia cūhure cjāpe, payū chū, sihni, cahaboca. **46** To ã yoari baharo wacūenoca to pūhtoro wihirohca. Ñ wihiro tire ñano buhiri dahrerohca. Ñ jiro Cohamacūre yūhdūrucainare to cohāriropū tireore cohānohca.

**47** Ñ yoa dahra cohtariro to pūhtoro cahmaare masiriro jiparota tīre to yoaerachū, tiro to noano dahraerachū to pūhtoro sehe tireore yuta da mehne tuaro tjananohca. **48** Pairo sehe dahra cohtariro to pūhtoro cahmaare masierariro jiro to noano yoaerachū ñūno to pūhtoro sehe pjiroca dero tireore tjananohca. Cohamacū to cahmaare masichū yoara masare. Ñ jiro masirirore yūhtiro cahmana. Tuhsū, noano masirirore noano yūhtiro cahmana —niha Jesu.

### Jesu masare cahma tju wachū yoara

(Mt 10.34-36)

**49** Ñ ni tuhsū Jesu tinare ō sehe ni yahuha tjoa:

—Pichaca to jūwero seheta yūhū ahri yahpapūre Cohamacū tireore cahmaerainare to buhiri dahrehtore tinare masichū yoai tai nii. Mipū pinihta tīre ti masichū tuaro cahmaja yūhū.

**50** Yūhū ñano yūhdūihca. Yū ã ñano yūhdūhtire cohtacū, ñano yajeripohna tija yūhū. **51** ¿Dohse ni tūhotujari mūsa yūhūre?

“Tiro masare to buheri baharo paina tinare ñū tuhtisi”, ¿ni tūhotujari mūsa yūhūre? Ñ jierara. Masare yū buheri baharo cāina yū yare tūhoahca. Paina sehe tinare ñū tuhtiahca. Cūno potori waro jisi masa. Mūsare nii nija. Masa yū buheare tūhoa, pūa curua cahma tju waahca. **52** Mipūre cū wūhū macaina cinco masa yū buheare tūhoa, pūa curua ti basi cahma tju waahca. Cū curua tiaro, pa curua pūaro jiahca. **53** To pūcūro to macūnore ñū tuhtirohca yū yairo to jiri buhiri. Tuhsū, pairo macūno cūhū to pūcūrore ñū tuhtirohca to pūcūro yū yairo to jiri buhiri. Ñ yoa to pocoro to maconore ñū tuhtirohca yū yacoro to jiri buhiri. Tuhsū, pacoro macono cūhū to pocorore ñū tuhtirohca to pocoro yū yacoro to jiri buhiri. Ñ yoa to

marechono to macu namonore ñu tuhtirohca yu yacoro to jiri buhiri. Tuhsu, pacoro macu namono cūhu to marechonore ñu tuhtirohca yu yacoro to jiri buhiri. Āta waharohca, yu buheare ti tuhochu —niha Jesu.

**Noari dacho cjihtore, ñari dacho cjihtore  
masa ti masiare yahuha Jesu  
(Mt 16.1-4; Mr 8.11-13)**

54 Ā yoa Jesu masare õ sehe ni yahuha tjoa:

—Ahrie sheperu coru siterire ñuna, dóihta “Coro tarohca”, nina mūsa. Mūsa ã niri baharo coru tara. 55 Ā yoa surpu wihnono tachu “Siri dacho jirohca”, nina mūsa ahri yahpai jiina. Mūsa ã niri baharo dacho sira. 56 Mūsa mahñoperucuina jira. Mūsa ahri yahpare mūano cūhure ñuna, noari dacho cjihtore, ñari dacho cjihto cūhure masina mūsa. ¿Ā jina mipu macaa dachore masipanahta dohseana ahri yahpa macaina mipure mūsa dohse wahahtore masierajari mūsa? —niha Jesu.

**Mūsare ñu tuhtiro mehne mūsa cahmacherire cahma pjāga  
(Mt 5.25-26)**

57 Ā ni tuhsu õ sehe ni yahu namoha:

—¿Mūhu quihōno mu yoahtere masierajari mūhu mipu?  
58 Pairo mūhure yahusāno waharo buhiri dahre dutiri wūhuru waha dutiboca. Tópu wahana “Pari turi mūhure ã yoasi”, nicu cahma pjāga. Mu ã cahma pjāerachu tiro buhiri dahre dutiro caharu naaboca mūhure. Tuhsu, buhiri dahre dutiro sehe mūhure surarare to wachu, mūhure surara peresu yoahca. 59 Mūhure nii nija. Tópu jisinihca mūhu. Pu ti wapa dutire mu wapa pahñoi pu wijaaihca mūhu —niha Jesu.

**“Noaina jija”, ni mūsa tuhotumarine tuhotu  
cohtota, Cohamacure cahmaga**

**13** <sup>1</sup> Tí pjare mahainacã masa Jesure õ sehe ni yahua tiha:

—Galilea macaina wahiquirore wajã jũ muo Cohamacure ti ño payoro watoi Pilato sehe tinare wajãha. To ã wajãchu wahiquiro di mehne masa di moreha —ni yahuha tina Jesure.

<sup>2</sup> Ti ã ni yahu tuhsuchu Jesu õ sehe ni yahuha:

—¿Galilea macaina Pilato to wajārina cjrيره dohse ni tūhotujari mūsa? ¿Tí ā yariachū paina Galilea macaina yūhdoro ñaina ti jiri buhiri ā yoa dutiri Cohamacū tinare, mūsa tūhotuchū? <sup>3</sup> Jierara. Mūsare niita nija. Mūsa sehe “Noaina jija” ni, mūsa tūhotumari cjrيره tūhotu cohtotaerana, Cohamacūre cahmaerana, mūsa cūhū yariana pichacapū wahanahca. <sup>4</sup> Ā yoa sohō jirina diez y ocho masa Siloé wama tiri wūhū mūari wūhū ti bui bora pja wajā pahñoha. ¿Ā waha yariaa, paina Jerusalē macaina yūhdoro ñaina jiri tina, mūsa tūhotuchū? <sup>5</sup> Jierara. Mūsare niita nija. Mūsa ñaa tūhotumari cjrيره tūhotu cohtotaerana, Cohamacūre macaerana, mūsa cūhū yarianahca. Ā jina pichacapū wahanahca —niha Jesu tinare.

### Higueracū dicha mariedū quitire yahuha Jesu

<sup>6</sup> Ā ni tuhsū quiti mehne piti dahre yahuha tinare:

—Wese pūro to wesepū higueracūre cjuaha. Ā jiro tiro tū dichare macano wahamaha. Bocaeraha. <sup>7</sup> Bocaeraro tiro wese dahrarire yahuha. “Tūhoga yūhūre. Tia cūhma waro higueracū dichare macamaja. Dicha mariahna. Tū dicha mariachū tūre cĵā cohānocahga. Tū yū wesei jichū padūre yūhū toa masieraja. Yū wesei jiri yahpa macaare wiho waro nana tū”, niha wese pūro tirore dahra cohtarire. <sup>8</sup> To ā nichū tūhoro dahra cohtariro ō sehe niha: “Pūhtoro, ahdu cū cūhma waro ducusinijaro. Tū dahpotoi yūhū sahaihtja. Tuhsū, wahiquire tū mehne tí copare yaihtja. <sup>9</sup> Yū ā yoari baharo tū pa cūhmai dicha tiboca. Tū dicha tierachū mūhū cĵā cohā dutiuhca”, niha dahra cohtariro wese pūrore —ni yahuha Jesu.

### Sabado dachoi Jesu dohatiricore noaricoro wahachū yoaha

<sup>10</sup> Tí pjare Sabado dachoi Jesu judio masa buheri wūhūi buhero niha. <sup>11</sup> Tóí watīno to cohtotaricoro jiha. Watīno sehe diez y ocho cūhmari waro dohatichū yoaha ticore. Ā jiro pari muti ducuricoro jiro, poto ducu masieraha. <sup>12</sup> To ā jichū ñūno Jesu ticore ñū, ō sehe ni pisuha:

—Numino, mū dohatia pihtia wahahre —ni pisuha Jesu.

<sup>13</sup> To ā pisuri baharo ticore to ña payochū dóihita ticoro noano poto ducuricoro wahaha. Ā waharo “Cohamacū tuariro, noariro jira”, ni ño payoha ticoro. <sup>14</sup> Jesu ticore Sabado

dachoi to noaricoro yoachũ ñũno judio masa buheri wũhũ pũhtoro sehe tiro mehne suaha. Å suaro tiro masare õ sehe niha:

—Seis dachori jira mari dahraa dachori. Å jina mũsa dohatiinare noaina wahachũ yoa duana, tí dachorire tíre yoaga. Sabado dachore mari sori dachore tíre yoaena tjiga —niha wũhũ pũhtoro.

15 To ã nichũ Jesu õ sehe ni yũhtiha:

—Mũsa ã mahñorucuina jira. Mũsa wachũre, burro cũhũre cjũana Sabado dachoi ti dũhteri dare pjã, tinare na buha, sihni dutiboa. 16 Mĩpũ ahricorore Abrahã cjiro coyeacorore watĩno diez y ocho cũhmari waro ticorore dohatichũ yoahre. ¿Sabado dachoi ticorore noaricoro wahachũ yoa dutierajari mũsa? —niha Jesu.

17 To ã nichũ tũhoa, tina bũoro wahaha. Å jia paina sehe jipihitina Jesu yoarire ñũa, wahcheha.

### Mostaza yapa quitire yahuha Jesu

(Mt 13.31-32; Mr 4.30-32)

18 Å yoa Jesu quiti mehne piti dahre buheha masare:

—¿Ne Cohamacũ masa bui pũhtoro to noano sũho jia yaba baro yoaro sehe jijari, mũsa tũhotuchũ? Ahri quiti mehne tíre pũhtoro to sũho jiare yahuihtja yũhũ. 19 Mostaza yapacã yoaro sehe jira. Tí yapacãre toari masũno to wesei toaha. To toari baharo tí yapacã duha. Å jia tũ bũcũachũ minichahca peri tũ dũpũripũ suhti suhaha. (Tó seheta mũano macarirore mari pũhtoro masiina mahainacã ti ji mũhtapachũta baharopũ tina payũ wahaahca) —niha Jesu.

### Pão bũcũaro quitire yahuha Jesu

(Mt 13.33)

20 Å ni tuhsũ, pari turi Jesu õ sehe ni piti dahre buheha:

—¿Ne Cohamacũ masa bui pũhtoro to noano sũho jia yaba baro yoaro sehe jijari, mũsa tũhotuchũ? 21 Pão bũcũaro yoaro sehe jira. Tíre numino cã wajuru trigore co mehne noano tíre dahra morena pão bũcũahore. To ã yoachũ pão bũcũaro sehe trigore noano sahserũcũ sũra. (To sahserũcũ sũro seheta mũano macarirore mari pũhtoro payũ masa masiahca) —niha Jesu.



### Mahari sopacacã quitire yahuha Jesu

(Mt 7.13-14, 21-23)

22 Ñ yoa Jesu bujña macaripũ, daa macaricãpũ cũhũre buhe wahcã, Jerusalẽpũ sũro taro niha. 23 To ã waharo watoi cãiro Jesure õ sehe ni sinituha:

—Pũhtoro, ¿mahainacã masare pichacapũ wahaborinare yũhdorohcari Cohamacũ? —ni sinituha tiro Jesure.

To ã nichũ Jesu piti dahre buhero õ sehe ni yahuha:

24 —Payũ masa Cohamacũ cahapũ waha duaa, sãa duamana. Mahari sopacacãre mũsa sãa duachũ mijo curera. Tó sehetã Cohamacũ cahapũ mũsa waha duachũ mijo nina. Masa ã sãa duapahta sãa masierara. Ñ jina mũsa sehe mahari sopacacãre mũsa tuaro sãa duaboro sehetã Cohamacũ sehere tuaro masiga. 25 Õ sehe yoarohca Cohamacũ payũ masare. Tiro wũhũ pũro yoaro sehe jira. Wũhũ pũro wahcã, sopacacãre biharohca. To ã yoachũ sopacacãpũ ducuna, sopa pahmare dotanahca. Ñ dotana õ sehe ninahca: “Pũhtoro, sopa pahmare pjõohga”, mũsa nichũ wũhũ pũro sehe õ sehe ni yũhtirohca. “Mũsare ne masieraja yũhũ. Nohoi mũsa tariro cũhũre masieraja”, ni yũhtirohca. 26 To ã nichũ mũsa õ sehe ni yũhtinahca: “Mũhũ mehne sã chũ, sihnihi. Sã ya macai buhere mũhũ”, ninahca mũsa. 27 Mũsa ã nichũ tiro sehe õ sehe ni yũhtirohca: “Mũsare ne masieraja. Nohoi mũsa tariro cũhũre masieraja. Jipihtina mũsa ñaa buhiri tiina yũ cahai taena tjiga”, ninohca wũhũ pũro. 28 Ñ yoa Abrahã cjirore, Isaa cjirore, Jacobo cjirore, jipihtina Cohamacũ yare yahu mũhtaina cjirore Cohamacũ masare pũhtoro to noano sũho jirore ti jichũ ñũna, mũsa sehe sopacapũ cohãrina jina tuaro tiinahca. Ñ tiina jina, mũsa tuaro cahyaro mehne piri bahca dihonahca. 29 Tí pjare jipihtiro macaina pũhtoro Cohamacũ to noano sũho jiropũre sũ, tiro mehne chũ dujiahca. 30 Mipũre wiho jiina jirina cjiri tí pjare pũhtoa jiahca. Ñ jia mipũre pũhtoa jirina cjiri tí pjare wiho jiina jiahca —niha Jesu.

### Jerusalẽ macainare tuaro cahĩha Jesu

(Mt 23.37-39)

31 Tí pjare mahainacã fariseo curua macaina Jesu cahapũ sũa, tirore õ sehe ni yahuha:

—Herode m̄hure wajā duara. Ā jic̄u pa seher̄u wahaga m̄h̄u —niha tina tirore.

**32** Ti ā nich̄u Jesu sehe ò sehe ni ȳhtiha:

—Herode mah̄noa paȳriro jira tiro. Ò sehe ni yahuga tirore: “Jesu wat̄iare coh̄ā wiro nina. Tuhs̄u, dohatiinare noaina wahach̄u yoaro nina. T̄ire michare, ñamichaca c̄h̄ure yoarohca. Ñamichaca bohrearo dahra batoarohca”, ni yahuga Herodere. **33** Ā jic̄u michare waha, ñamichaca c̄h̄ure waha, ñamichaca bohrearo c̄h̄ure waha, Jerusal̄p̄u s̄ihca. Cohamac̄u yare yahu m̄htaritore ȳh̄ure wajāhca masa. Cohamac̄u yare yahu m̄htainare ti wajāch̄u Jerusal̄p̄u jiro cahmana tinare. Ā jic̄u ȳh̄u c̄h̄ure Jerusal̄p̄u jiro cahmana.

**34** 'Cue Jerusal̄ macaina. M̄sa Cohamac̄u yare yahu m̄htaina cjirire wajā, m̄sa cahai to warocainare t̄ā mehne doca wajāre m̄sa. M̄sa coyea panop̄u macaina c̄h̄u āta yoarina cjiri jiha. Caracacoro to pohnare to cjāp̄u d̄p̄uri mehne to moha coāno seheta paȳu tahari m̄sare cah̄rucumahi.

M̄sare cahmamahi. M̄sa sehe ȳh̄ure ne cahmaerare. **35** M̄p̄ure m̄sa jiro coh̄ari maca jirohca. Potocā niita nija m̄sare. Cohamac̄u mari p̄htoro to tuaa mehne taihca ȳh̄u. Ȳu ā tach̄u ñ̄na m̄sa ȳh̄ure “Cohamac̄u tuaa mehne tariro noajaro”, ninahca. Ȳh̄ure m̄sa t̄ire nihto pano pari turi ȳh̄ure ñ̄si m̄sa —niha Jesu tinare.

### Dohatiritore noariro wahach̄u yoaha Jesu

**14** <sup>1</sup> Pa dacho Sabado dacho jich̄u fariseo curua macaina p̄h̄toa mehne macariro ya w̄h̄up̄u Jesu ch̄aro wahaha. Tí w̄h̄u jina tiro dihtare ñ̄roca òha. <sup>2</sup> Ti ā ñ̄roca òno watoi yach̄uri wipiriro, ñ̄ch̄ua wipiriro tiro cahap̄u s̄ha. <sup>3</sup> Ā jiro Jesu judio masare buheinare, fariseo curua macaina c̄h̄ure ò sehe ni sinituha:

—¿Sabado dachore dohatiritore noariro wahach̄u yoa dutijari Cohamac̄u yare ti joari p̄i? —ni sinituha Jesu.

<sup>4</sup> To ā ni sinitupach̄ta tina ȳhtieraha. Ti ȳhtierach̄u ñ̄no Jesu dohatiritore noariro wahach̄u yoa, “Wahaga”, niha tirore. <sup>5</sup> Ā yoa tuhs̄uro, tinare ò sehe ni sinituha tjoa:

—“¿C̄i m̄sa mehne macariro to mac̄no Sabado dachoi mari sori dachoi copap̄u to bora s̄ach̄u na wioerabocari?” m̄sa ā nina. “¿To wach̄u c̄h̄ure na wioerabocari?” m̄sa ā nina —niha Jesu.

6 To ã nipachuta tina to sinituare yuhti masieraha tjoa.

### **Wamomaca dũhteropũ pjirocainare yahuha Jesu**

7 Fariseo curua macariro ya wũhũi jiro tí wũhũ macariro to pjirocaina noaa dujiare ti besechũ ñaha Jesu. ã ñũ tuhsũ õ sehe ni yahuha jipihtinare:

8 —Wamomaca dũhteri bese ñũmũi mũsare to pjirocachũ, noaa dujiare bese dujiena tjiga. Mũsa yũhdoro cua pisainare pjirocaboca ahri wũhũ pũro. 9 To ã yoachũ mũsa noaa dujiai dujichũ, “Ahrina cua pisainare mũsa dujiare waga”, niboca wũhũ pũro mũsare. To ã nichũ mũsa sehe bũo tina, ñaa dujiai dujiboca. 10 ã jina wũhũ pũro mũsare to pjirocachũ, ñaa dujiai duji mũhtaga. Mũsa ã yoachũ wũhũ pũro mũsare “Noaa dujia sehere dujina taga”, ninohca mũsare tiro. Mũsa ã wahachũ paina to pjirocaina sehe mũsare ño payoa mehne ñũahca. 11 Cũiro to basi “Pũhtoro tjija”, ni tũhoturiro cahamacũno jirohca. Pairo “Cahamacũno jija”, ni tũhoturiro painare yũhdũrũca duaerariro tiro sehe pũhtoro jirohca —niha Jesu tinare.

12 ã ni tuhsũ Jesu wũhũ pũrore õ sehe ni yahuha:

—Mũhũ bese ñũmũ dahrecũ mũ cahai jiinare, mũ bahanare, mũ coyeare, pache pũare pjiesũ tjiga. Mũ tinare pjichũ mũhũ cũhũre tina cũhũ pji cahmaahca tjoa. ã pji cahmaa mũhũre ti waramoare wapaahca. 13 Mũhũ bese ñũmũ dahrecũ pjasũoinare, tini masierainare, cũ bũhũsehe dahporo dojori tiinare, capari ñũerainare pjirocaga. 14 Mũ ã yoachũ ñũno Cohamacũ mũhũre noano yoarohca. Tina sehe mũhũre ti waramoare wapa masierara. ã jiro noaina yariaina ti masa mũjari pja jichũ Cohamacũ sehe noaare mũ yoari wapa mũhũre noano yoarohca —niha Jesu wũhũ pũrore.

### **Pjiri bese ñũmũ quitire yahuha Jesu**

15 To ã nichũ tũhoro paio chũri mesa cahai dujiriro, Jesure õ sehe ni yahuha:

—Cohamacũ masare pũhtoro to noano sũho jiroi to chũri mesa cahai dujiina tuaro wahcheina jahca —niha tiro Jesure.

16 To ã nichũ Jesu ahri quitire yahuha tiore:

—Pjiri bese ñũmũ dahreriro payũ masare pjirocaha.

17 To pjirocari baharo bese ñũmũ dachoi to cahamacũnore to pjirocainare yahu dutiro warocaha. “Ma, jipihtiare bese ñũmũ

macaa cjihtire cahno tuhsühre. Ñ jiro müsare pjirocahre”, ni yahu dutiha to cahamacunore. **18** To cahamacuno to ñ ni yahupachuta, to pjirocaina sehe “Waha masieraja”, niha tina. To pjiroca mühtariro ò sehe ni yahuha to cahamacunore: “Michapucacã yahpare nuchühi. Ñ jicü tí yahpare ñüi wahi tai nija. Ñ yoacü waha masieraja. Ño payo curea yühure. Yühure basioerahca”, niha to pjiroca mühtariro sehe to cahamacunore. **19** Pairo sehe ò sehe niha: “Wachüare pua wamomaca pihtiinare michapucacãta nuchühi. Ñ jicü wachüare buhe cayo ñüi wahi tai nija ti waja wahcãhtore. Ñ yoai wahaeraja. Yühure basioerahca”, niha tiro cühü. **20** Pairo sehe ò sehe niha: “Yühü michapucacã wamomaca dühtehi. Ñ jicü bose nümüpü waha masieraja”, niha tiro to cahamacunore. **21** To ñ nichü to cahamacuno sehe tjua waha, to pühtoropüre ti niri cjirire yahu pahñoha. To ñ ni yahuchü to pühtoro tuaro susini, ò sehe niha to cahamacunore. “Macari macaa maharipü pjacüoina ti ducua maharipü wahaga. Ñ jicü pjacüoinare, tini masierainare, capari ñüerainare, cü buhusehe dahporo dojori tiinare cjero na tahga tinare”, niha pühtoro. **22** Baharo curero to cahamacuno yahuha to pühtorore: “Pühtoro, mü dutiriro seheta yoahi. Yü ñ yoapachuta paina cühü mü süahca”, niha to cahamacuno. **23** To ñ nichü pühtoro tirore ò sehe ni dutiha: “Camporü wahaga. Tói büjua maharipü jiiinare, daa maharicãpü jiiina cühüre masare yü wühüpü ta dutiga, ya wühü to noano wahpahto cjihto sehe. **24** Potocã nii nija mühure. Ahirina yü pjiroca mühtarina yü chüare ne mahanocã chüsi”, niha pühtoro —ni yahuha Jesu.

### Jesu mehne wahachü mijo nina

**25** Tí pjare payü masa Jesu mehne wahaha. Ñ jiro Jesu tinare majare ñü, ò sehe ni yahuha:

**26** —Cüiro yü buheriro ji duaro painare to cahñiro yühdoro yühü sehene cahño cahmana. To pücürore, to pocorore, to namonore, to pohnare, to bahanare, to pjacü cühüre to cahñiro yühdoro yühü sehene cahño cahmana. Ñ yoaeraro yü buheriro ji masierara. **27** Cüiro yü buheriro ji duaro yü yare ñ yoarucuriro jirohca. Ñ yoa crusapü yü ñano yühdütiro seheta yü yairo to jiri buhiri ñano yühdü duaeraro yü buheriro ji masierara. **28** Ahrire masiyuro cahmana müsare. Ò sehe jira tí: Wühü dahreriro to müari wühüre yoahito pano wühü wapa tihtire

quihō cū m̄htana. Ñ yoaro to w̄hure to pahñohtore masina tiro. <sup>29</sup> Wapa tihtire quihōeraro to w̄hure yoaro pahñoeraboa. Ñ jia tirore ñ̄ina b̄j̄peboa. <sup>30</sup> “Ahr̄iro to w̄hure yoaro bihoerare”, ni b̄j̄peboa. <sup>31</sup> P̄htoro paio p̄htoro yaina mehne ti cahma waj̄hto pano, to yaina surarare to cahma waj̄ dutihto pano, to surarare quihōnohca. “¿Ȳh̄ diez mil surara mehne paio veinte mil surara c̄uar̄iro mehne cahma waj̄c̄ bihobocari ȳh̄?” ni t̄hoturo quihōnohca tiro. <sup>32</sup> Ñ quihōno, to bihoerahtore masinohca. Ñ masino paio p̄htoro to surara mehne cahma waj̄no tariro yoarop̄ to jich̄ta, bihoerar̄iro sehe “Cahma waj̄ena tjijihna”, ni dutiro warocaboa dahra cohtar̄irore. <sup>33</sup> Ñ jina ȳ buheina ji duana, m̄sa yoahtire m̄sare masino cahmana. M̄sa yoa duari sehere coh̄ duaerana, ȳ buheina ji masierara —ni yahuha Jesu.

### Moa coaerare yahuha Jesu

(Mt 5.13; Mr 9.50)

<sup>34</sup> Ñ ni tuhs̄ tinare ò sehe ni yahu namoha:  
—Moa noano coara. To coaerach̄ coa yoahto basioerara.  
<sup>35</sup> Moa coaerach̄ tí moa ne noaerara. Tí moare dohseah̄to basioerara. Tí ñ jich̄ tí moare coh̄no cahmana. Ne yaba c̄j̄hti jierara ti coh̄a. (Ti yaba c̄j̄hti jieraro seheta jiena tjiga m̄sa. Moa noano to coaro seheta m̄sa c̄h̄ ji coaina jiga. Tuhs̄, paina mehne noano mehne jiga.) Ahr̄ire noano t̄hoga m̄sa —niha Jesu.

### Oveja butir̄iro quitire yahuha Jesu

(Mt 18.10-14)

**15** <sup>1</sup> Ñ yoa pa dachoi paȳ p̄htoa yare wapa na cohtaina paina “Ñaare yoaina”, ti niina mehne Jesure t̄hoah̄ taha. <sup>2</sup> Ti ñ yoach̄ ñ̄na fariseo curua macaina, judio masare buheina c̄h̄ Jesure ñ̄ tuhtia, ò sehe niha ti basi:

—Ahr̄iro ñ̄inare piti tira. Ñ jir̄iro jirota tina mehne ch̄ra —ni durucuha tina ti basi.

<sup>3</sup> Ti ñ ni durucuch̄ Jesu to t̄hotua mehne ò sehe ni piti dahre buheha tinare:

<sup>4</sup> —¿Cien oveja p̄ro c̄iro oveja butich̄ ñ̄no dohse yoarohcari tiro? Ò sehe yoarohca. Tiro noventa y nueve ovejare ti ch̄ri campop̄ cū, butir̄irore macano waharohca. Ovejare bocarop̄ duhurohca. <sup>5</sup> Tirore bocaro wahcherohca. Ñ jiro to

comapariaca buipũ tirore cjã payo, to wũhũpũ na tjuaa waharohca. <sup>6</sup> Na tju sũ, to cahai jiinare, to coyeare pji cahmachunohca. “Yũ oveja butirirore boca tuhsũhi. Å jina yũhũ mehne wahchega”, ninohca tiro tinare. <sup>7</sup> Potocã niita nija mũsare. Noventa y nueve oveja payũ ti jiriro seheta, payũ masa õ sehe ni tũhotura: “Ñano yoaeraja. Å jicũ yũ ñaare cahya, yũ tũhotumari cjirire tũhotu cohtotasi yũhũ”, ni tũhotura payũ masa. Ti ã ni tũhotuchũ ñũa mũano macaina Cohamacũ cahai jiina wahcherara. Pairo sehene wahchera. Butiriro oveja cũirota to butiriro seheta to pũro tirore to bocariro seheta cũiro ñariro to ñaare cahyachũ, “Ñano yoaeraja”, ni to tũhotumari cjirire tũhotu to cohtotachũ, Cohamacũre to cahmachũ ñũa, Cohamacũ cahai jiina tuaro wahchera —niha Jesu.

### Niñeru tũ butiri quitire yahuha Jesu

<sup>8</sup> Å ni yahu tuhsũ, paye quiti mehne piti dahre yahu namoha tjoa:

—¿Diez niñeru tũri cjũaricoro cũ tũ butichũ ñũno dohse yoarohcari ticoro? Õ sehe yoarohca ticoro. Sihãriare sihã, wũhũre coha, noano maca pahñonohca. Tí tũre bocaropũ duhurohca. <sup>9</sup> Tí tũre boca tuhsũ, to cahai jiinare, to coyeare pji cahmachunohca. “Niñeru tũ ya tũ yũhũre butiri tũre bocahi. Å jina yũhũ mehne wahchega”, ninohca ticoro. <sup>10</sup> Potocã niita nija mũsare. Tó seheta cũiro ñariro to ñaare cahyachũ, “Ñano yoaeraja”, ni to tũhotumari cjirire tũhotu to cohtotachũ Cohamacũre to cahmachũ Cohamacũ yaina anjoa sehe tuaro wahcheahca —niha Jesu.

### To macũno butiri quitire yahuha Jesu

<sup>11</sup> Å ni yahu tuhsũ Jesu paye quiti mehne piti dahre yahu namoha tjoa:

—Bũcũro pohna pũaro mũa jiha. <sup>12</sup> Dũhsariro sehe õ sehe niha to pũcũrore: “Mai, mũ yariari baharo yũhũre mũ wahtire yũhũre wa bahrañoga”, niha tiro to pũcũrore. To ã nichũ ti pũcũro pũaropũreta to pohñare witira to cjũari cjirire. <sup>13</sup> Mahaa dachoricã baharo dũhsariro to yare jipihtiare na, yoaropũ pa yahparũ wahaa wahaha. Tórpũ sũro tũho masierariro seheta yoa, to niñerure to yare yoa site pahñonocaha. <sup>14</sup> To yoa site pahñori baharo tí yahparũre ne chũa marieni pja ji

dũcaha. ã jiro tiro jũca baaha. 15 ã jiro tí yahpa macaa dahraare macaha. To bocachũ to puhtoro yesea cohtariro sũha tirore. 16 ã jiro tiro yeseare nu, ti chũare chũ duamaha. To ã chũ duapachũta tí chũare tó macaina waeraha tirore. 17 ã yoa tirore tói wacũa taha jũna. “Yũ pũcũre dahra cohtaina sehe bũjũa chũare chũca. Ti chũ dũhaa cũhũ bũjũa dũhsaca. Ti ã noano yũhdũro watoi yũhũ sehe õi jicũ, jũca yariai nija. 18 Mĩpũre yũ pũcũ cahapũ tjuaihtja. Yũ pũcũ cahapũ sũcũ õ sehe nihtja tirore: ‘Mai, Cohamacũre ñano yoahi. Mũhũ cũhũre ñano yoahiti. 19 Ñariro jija. Mũ macũ jiboriro jieraja yũhũ. Mũhũre dahra cohtaina seheta yoaga yũhũre’, nihtja yũ pũcũre”, ni tũhotuha tiro. 20 ã ni tũhoturota wahcãrũca, to pũcũro cahapũ tjuaa wahaha. Tópu to sũriro tjuatachũ to pũcũro sehe yoaropũta to macũnore ñũha.

’To ã wihichũ ñũno to macũnore pja ñũha. ã pja ñũno to cahai mũroca wahcã tirore cjã suhsu mũa, to wahsupui wihmiha to pũcũro to macũnore. 21 “Mai, Cohamacũre ñano yoahi. Mũhũ cũhũre ñano yoahiti. Ñariro jija yũhũ. Mũ macũ jiboriro jieraja yũhũ”, niha tiro to pũcũrore. 22 To ã nichũ tũhoro to pũcũro sehe dahra cohtainare pjiha: “Cjero, noa yũhdũri suhtirore na tahga. ã jina yũ macũre sãaga. Sãa tuhsũ, to wamomaca sãari sorore sãa, to dahporire dahpo suhti cũhũre sãaga. 23 Sãa tuhsũ, dihi tirirocã wachũcãre wajãga. Bose nũmũ yoajihna. 24 Ahriro yũ macũ yariariro seheta wahare. ã wahaparota mĩpũre catira tiro. To butiboriro seheta jirirore mĩpũre bocahi. ã jina bose nũmũ yoajihna”, niha to pũcũro. To ã niri baharo bose nũmũ dahre dũcaha tina.

25 ’Tí pjare to wahmino sehe wesepũ jiha. Wesepũ jiriro coha tjuataro wũhũ cahai sũro, ti basaare tũhorocaha tiro. 26 ã tũhorocarũ, cũiro dahra cohtarirore pjiroca, tirore sinitu ñũha tiro: “¿Dohse yoa basaa niri?” ni sinitu ñũha tiro dahra cohtarirore. 27 “Mũ bahũ tju wihihre. Tiro noariro, catiriro to tju wihichũ mũ pũcũ dihi tiriro wachũcãre wajã dutihre”, ni yũhtiha dahra cohtariro. 28 To ã ni yahuchũ to wahmino sehe tuaro suaro, wũhũpũ sãa taeraha. To sãa taerachũ ñũno to pũcũro sopacapũ wijaa ta, “Sãa taga” ni, tuaro pjimaha to macũnore. 29 “Tũhoga, Mai. Yoari pja mũhũre dahra cohtariro seheta mũhũre yoadohomahi. ã jicũ mũ dutiare ne cũ taha yũhdũrũcaera tihi. Yũ mũhũre dahra cohtapachũta yũhũre ne waerare mũhũ. Ne cũiro wahiquirocãre ne waera tire mũhũ

yũhũre yũ piti tiina mehne yũ bose nũmũ dahrehti cjihtire. 30 Wiho mejeta ahriro mũ macũ sehe ñaina numia mehne mũ yare yoa site pahñoyuhti. Tíre yoa site pahño tuhsũ, tiro wũhũpũ to tju wihichũ dihi tiriocãre wachũcãre wajã dutiyuhti mũhũ to chũhtiro cjihtore”, niha to wahmino to pũcũrore. 31 “Macũ, yũhũ mehne jipihtia dachoripe mũ jichũ jipihtia ya mũ ya cũhũ jira. 32 Mũ bahũ sehe yariariro seheta wahare marine. ã yoa mipũre tiro catiriro jira. Tiro butiboriro seheta jire. To ã wahari baharo mipũre tirore bocahi. ã jina to tju wihichũ mari bose nũmũ yoa wahchechũ noana”, niha tiro to macũnoe —niha Jesu tinare.

**Niñeru ñũ wihbo cohtariro tũho masiro quitire Jesu yahuha**

**16** 1 ã yoa ahri quitire to buheinare õ sehe ni yahuha Jesu:

—Pache pũro ya niñerure ñũ wihbo cohtariro niñerure noano to ñũ wihboerachũ ñũno paio sehe yahusãha pache pũrore: “Tiro mũ niñerure yoa sitero nina”, ni yahusãha tirore. 2 To yahusã tuhsũri baharo niñeru ñũ wihbo cohtarirore pjirocaha. ã pji tuhsũ, to wihichũ ñũno, tirore pũhtoro õ sehe niha: “Pairo yũ niñerure mũ yoa siterire yũhũre yahure. ã jicũ mipũre yũ yare ñũ wihboriro jisi mũhũ. ã jicũ yũ yare mũ yoari cjiire yahu pahño joaga. Mũhũre cohãi nija”, niha to pũhtoro tirore. 3 To ã niri baharo õ sehe ni tũhotuha ñũ wihboriro to basi: “Yũ pũhtoro yũhũre cohãno taro nica. Yũhũ tuaeraja. ã jicũ tuaro dahraare bihoeraja. Tuhsũ, painare yũhũ niñerure sinicũ bũobiario yũhdũboca yũhũ. ¿Dohse yoaihcarì yũhũ? 4 Mipũ pinihtare yũ yoachtire masija yũhũ jũna. Õ sehe yũ yoachũ yũ dahraa maerachũ yũ pũhtoro wapamoina yũhũre cahãhca. ã jia ti wũhũsepũ sãa dutiahca yũhũre”, ni tũhotuha tiro. 5 ã ni tũhoturo tiro jipihtina to pũhtoro wapamoinare pjirocaha. Pjiroca tuhsũ, cohtaha. ã cohtarò wihi mũhtarirore õ sehe ni sinituha tiro: “¿Yũ pũhtoro noho puro wapamojari mũhũ?” niha tiro. 6 To ã nichũ wapamoriro sehe õ sehe ni yũhtiha: “Cien tambores sere olivo dicha mehne ti yoari sere wapamoja tirore”, ni yũhtiha tiro. To ã ni yahuchũ niñeru ñũ wihboriro sehe õ sehe ni yahuha: “Õi jira mũ wapamonore joa õri pũ. Dujiga. ã jicũ mũ wapamonore dacho macai na, dacho macai joa cahnoga”, niha ñũ wihboriro wapamorirore. 7 ã ni tuhsũ paio wapamorirore sinituha tiro: “¿Mũhũ waro, noho



puro wapamojari?” niha tjoa. “Cien waju trigo yapari wajure wapamoja yũhũ”, niha wapamoriro niñerure ñũ wihborirore. “Ōi jira mũ wapamonore joa ōri pũ. Mũ wapamonore ochenta joa cahnoga”, niha ñũ wihboriro. **8** To ã noano mahño mihnichũ ñãno “Ahriro mahñoriro noano masiro jica”, ni tũhotuha to pũhtoro niñerure ñũ wihborirore. Ahri dacho macaina, Cohamacũre cahmaeraina ti yare cahnorire ti niñeru ti ñũ wihborire Cohamacũ yaina yũhgoro masica tina —niha Jesu.

**9** ã ni tuhsũ Jesu ō sehe ni yahu namoha:

—Ahri quitire ã ni yahucũ, mũsare ō sehe niita nija. Mũsa cjuãare, pjasuoinare mũsa wachũ, tina sehe mũsare cahĩahca. Mũsa ã yoachũ mũsa cjuãa pihtiaro baharo mũsa mũanopũ sũchũ mũsare cahĩahca tóprẽ.

**10** ’Wiho jiina ya dahraare quihõno yoana, pũhtoa ya dahraa cũhũre quihõno yoanahca. Wiho jiina ya dahraare quihõno yoerana, pũhtoa ya dahraa cũhũre quihõno yoasi mũsa. **11** ã jina ahri yahpai mũsa cjuãa mehne mũsa noano yoerana Cohamacũ mũsare to yoa dutia cũhũre noano yoasi mũsa. **12** ã jiro paio yare mũsa noano yoabasaerachũ ñũno mũsa ya cjihtire wasi mũsare.

**13** ’Cũiro Cohamacũ sehere wacũno, tuabiaro niñeru sehere wacũerara. Niñeru sehere tuabiaro wacũno Cohamacũ sehere wacũerara. Niñeru dihtare cahmariro jiro Cohamacũre wahchechũ yoerara. Cohamacũ cũhũre, niñeru cũhũre pũarore cahma yũhdũrucahto basioerara mũsare. Niñerure cahma yũhdũariro Cohamacũre noano ño payo masierara —niha Jesu.

**14** To ã nichũ tũhoa fariseo curua macaina sehe tirore bũjũpeha. Tina sehe niñerure cahĩha. ã jia bũjũpeha. **15** Ti bũjũpechũ tũhoro Jesu tinare ō sehe ni yahuha:

—Masa ti ñũrocaroi mũsa noano yoamana. Mũsa ã yoachũ “Noaina, quihõno yoaina jira”, nimana masa mũsare. Cohamacũ sehe mũsa tũhotuare masina. Masa “Noa yũhdũara”, ti nirire Cohamacũ sehe soro ni tũhotu, tíre ñũ yabira —niha Jesu.

**Cohamacũ to dutiare, pũhtoro to sũho jiare yahuha Jesu**

**16** ã ni tuhsũ ō sehe ni namoha Jesu:

—João masare bautisariro to jihto pano Moiserere to cũri dutia mehne Cohamacũ marine dutire. Cohamacũ yare yahu

mũhtaina cjiri ti joari cjiri mehne cũhũre marine dutire. Mipũ sehere João to buhe dũcari baharo noaa buheare, Cohamacũ masare pũhtoro to noano sũho jia cũhũre masi dũcara masa. ã masia masa ti mũ sũro ti tuaa mehne Cohamacũ masare pũhtoro to noano sũho jirore sãa duamana.

17 'Moisere to cũri dutiai Cohamacũ to niriro seheta yoa pahñonohca tiro. Cohamacũ yare yahu mũhtaina cjiri ti joari cjiripũ cũhũre to niriro seheta yoa pahñonohca tiro. Mũano cũhũ ahri yahpa cũhũ ti pihtia wahapachũta Cohamacũ to niriro seheta yoa pahñonohca —niha Jesu.

### **Namonore cohãare yahuha Jesu**

*(Mt 19.1-12; Mr 10.1-12)*

18 ã ni tuhsũ õ sehe ni namoha Jesu:

—Masũno to namonore cohãno, pacorore namo tiro, tiro ticoro mehne ñano yoaro nina. Tuhsũ, masũno paio to cohãricorore namo tiro, tiro cũhũ ticoro mehne ñano yoaro nina —niha Jesu.

### **Pache pũro cũhũre, Lázaro cũhũre to yahuri quitire buheha Jesu**

19 ã yoa paye qiti mehne piti dahre yahuha Jesu:

—Tí pjarũre pache pũro jiha. To suhti sehe wapa bũjũbiaha. Tuhsũ, dachoripe tiro noaa dihtare chũro, payũ cjuaha tiro. 20 ã yoa tí pjare paio pjacũoriro, Lázaro wama tirore jia tiha. Tiro to pjacũ payũ cami tirore jiha. To ã jiriro jichũ paina sehe tirore pache pũro ya wũhũrũ na sũha. 21 ã jiro pjacũoriro sehe pache pũro to chũri mesa docai yahpai dujoro to chũ site boroare chũmaha. “To chũ site boroare chũcũ yapicũhca yũhũ”, ni tũhotumaha tiro. ã jia dieya to camine nehnea taa tiha. 22 Baharo pjacũoriro to yariaa wahachũ, Abrahã caharũ paraíso wama tirore anjoa tirore naa mũjaha. Pache pũro cũhũ to baharocãta yariaa wahaha. To yariachũ tirore yaha. 23 ã yoa pache pũrore tuaro pichaca jũha. To ã tuaro jũchũ, pichacarũ jiro mũanorũ jirirore Abrahãre ñũha. Lázaro cũhũre ñũha. 24 Ñũ tuhsũ, tiro Abrahãre pisurocaha: “Coyeiro Abrahã, pja ñũga yũhũre. Pichacarũ yũhũ ñano yũhdũi nica. Yũ ã wahachũ Lázaro yũhũre warocaga. Tiro core to wamo picarũ soha, yũ ñahmanore co mehne nehõjaro. Tõre yũsũojaro tiro”, niha pache pũro. 25 To ã nichũ Abrahã tirore õ sehe ni

yahuha: “Coyeiro, catiriro jicũ jipihtiare mũhũ noaare cjuhahre. Lázaro sehe dachoripe ñano yũhdũhre. Mipũ sehere mũhũ ñano yũhdũchũ tiro sehe õpũre wahchea mehne jinocahno nina. 26 ã yoa mari watoi cũãri copa jira. ã jia õre jiina tórũre waha masierara. Tuhsũ tóre jiina õpũ ta duaina ta masierara”, niha Abrahã pache pũrore. 27 To ã nichũ pache pũro õ sehe ni namoha: “Coyeiro, tuaro sinija mũhũre. Lázaro yũ pũcũ ya wũhũpũ warocaga. 28 Yũhũ cũ wamomaca pihtiina bahana tija. Lázaro tinare yahujoaro. Tina õre ñano yũhdũropũre taea tjiaro”, niha tiro. 29 To ã nichũ Abrahã sehe õ sehe ni yũhtiha: “Cohamacũ dutiare Moise marine to cũri cjiire, Cohamacũ yare yahu mũhtaina ti joari cjiire cjuara mũ bahana. ã jia mũ bahana tíreta tũhojaro”, niha Abrahã. 30 To ã nichũ pache pũro sehe yũhtiha: “Coyeiro Abrahã, tíre cjuapahta noano tũhosi. Lázaro yariariro masariro tina cahapũ to sũchũ ñũa tina sehe ti ñaare cahya, noaare cohtotaahca. ã jia noaare yoaahca yũ bahana sehe”, niha pache pũro cjiro. 31 To ã nichũ Abrahã sehe õ sehe ni yahuha: “Mũ bahana Moise to cũri pũ to yahuare, Cohamacũ yare yahu mũhtaina cjiire ti yahuare tũhoeraina jira. ã jia Lázaro yariariro cjiro masariro to jipachũta tina Cohamacũre tũho duasi”, niha Abrahã —ni yahuha Jesu.

### Ñaare yoachũ cua nina

(Mt 18.6-7, 21-22; Mr 9.42)

**17** <sup>1</sup> ã yoa Jesu õ sehe ni yahuha to buheinare: —Masare ñano yoachũ yoaa payũ jira. ã jia masa ñaare yoara. Ti ã jipachũta masũnore ñaare yoachũ yoariro sehe ñabiario yũhdũrohca. <sup>2</sup> Masũnore to wamũai pjiria tãca dũhte yo, pjiri mapũ tirore ti cohãchũ ñano wahaboa tiro. Pairo sehe ahrinacã mehne macarirocãre ñaare yoachũ yoaro pjiri mapũ ti cohãriro yũhdoro ñano yũhdũrohca. Tirore tuaro buhiri dahrero cahmana. <sup>3</sup> Noano yoaga mũsa. Mũsa coyero ñano to yoachũ ñũna “Yoai tjiga”, niga tirore. ã jina tiro to ñaare cahyachũ, noaare to cohtotachũ mũsa sehe to ñaa yoare boga. <sup>4</sup> ã yoa mũsa coyero cũ dachoihta siete tahari mũsare ñano to yoachũ tópe tahari mũsare, “Yũ ñaare cahyaja. Pari turi ã yoasi”, to nichũ tópe taharita to ñaa yoare boga —niha Jesu.

### Cohamacure wacũ tuaare yahuha Jesu

5 Ñ yoa Jesu buhe duti to cũina tirore ò sehe niha:

—Cohamacure sãre noano wacũ tua namochũ yoaga  
—niha tina Jesure.

6 Ti ã nichũ Jesu ò sehe ni yũhtiha:

—Mostaza yapacã mahari yapacã jiparota duropũ pjiđu wahara. To ã wahariro seheta Cohamacure pjíro wacũ tuana, ò sehe wahachũ yoa masinahca mũsa. Ahdu sicómoro wama tidũre ò sehe ni masina: “Mũhũ yucũcũ mũ basi duhtu wahcã, pjiri mapũ bora ñojaga”, ni masina mũsa. Mũsa ã nichũ tũ yucũcũ sehe mũsa dutiro seheta waharohca —niha Jesu.

### Dahra cohtariro to dahraare yahuha Jesu

7 Baharo ò sehe ni buheha Jesu:

—Mũsare dahra cohtariro jiro wesepũ tjana, ovejare ñũ wihbora. ¿Dahra cohtariro to tju wihichũ dohse nibocari mũsa tirore? “Cjero taga. Mũ chũa òi jira”, ¿nibocari mũsa? 8 Ñ nierara mũsa. Tirore ò sehe nina mũsa: “Yũ chũare doha cahnoga. Ñ jicũ yũ chũ sihnichũ yũhũre cohtaga. Yũ baharo mũhũ cũhũ chũ sihniga”, nina mũsa dahra cohtarirore. 9 Dahra cohtariro mũsa dutiare to yoachũ tirore “Noana”, nierara mũsa. To dahraa dihtare yoaro nica tiro. 10 Mũsa cũhũ tiro yoaro sehe tjira. Cohamacũ to dutiro seheta yoa pahñona ò sehe ni tũhotuga mũsa: “Sã cũhũ dahra cohtaina dihta jija. Wiho jiina jija sã. Sã dahraa dihtare yoaja sã”, ni tũhotuga mũsa —niha Jesu to buheinare.

### Diez cami baainare noaina wahachũ yoaha Jesu

11 Pa dacho Jerusalẽpũ Jesu waharo niha. Tópũ waharo Samaria yahpa, Galilea yahpa dacho macai yũhdu wahcãha. 12-13 Pa macapũ wahari mahapũ to tinichũ diez cami baaina sehe tirore piti boca. Ñ jia tina yoa cureropũ ducuata pisuha:

—Jesu, pũhtoro, sãre pja ñũga —niha tina.

14 Ti ã nichũ tinare ñũ, ò sehe ni yahuha Jesu:

—Sacerdotere mũsa pjacũrire noaa pjacũri ti waharire ñona wahaga —niha tinare.

To ã niri baharo ti waharo watoi tina ti pjacũri noaina wahaha. 15 Ñ jiro cũiro tina mehne macariro noano to pjacũ

wahachũ ñũno, Jesu cahapũ majare tjuaha. Ñ tjuaro tuaro mehne Cohamacũre ño payoha. “Cohamacũ tuariro, noariro jira”, tuaro ni, ño payoha tiro. **16** Ñ nino tiro Jesu dahpori cahai na tuhcuca caha sũ, “Noana”, niha tiro. Tiro sehe Samaria macariro jiha. **17** To ã yoari baharo Jesu õ sehe ni yahuha:

—Diez jihre masa noaina wahaina. ¿Paina nueve dũhsaina sehe nohopũ jicari tina? **18** Ahriro pa yahpa macariro dihta Cohamacũre “Noana”, nino taro tjua tahre. ¿Dohse yoa paina taerari? —niha Jesu.

**19** Ñ ni tuhsũ Jesu õ sehe ni yahuha na tuhcuca caha sũrirore:

—Wahcãrucaga. Wahaga. Mũhũ Cohamacũre wacũ tuacũ, noariro wahahre mũhũ —niha Jesu tireore.

**Cohamacũ masare pũhtoro to noano sũho jihtore yahuha Jesu**  
(Mt 24.23-28, 36-41)

**20** Tí pjare mahainacã fariseo curua macaina Jesure õ sehe ni sinituha:

—¿Dohse jichũ pũhtoro Cohamacũ masare sũho ji dũcarohcari? —niha tina.

Ti ã nichũ Jesu õ sehe ni yũhtiha:

—Cohamacũ masare pũhtoro to noano sũho ji dũcachũ masa ñũ masierara. **21** “Cohamacũ masare pũhtoro to noano sũho jia õi jira”, ni masierara. “Sohõpũ jira”, ni masierara. Cohamacũ masare pũhtoro to noano sũho jia masa ti tũhotuapũ jira —niha Jesu fariseo curua macainare.

**22** Ñ ni tuhsũ Jesu to buheinare õ sehe ni yahuha:

—Baharo yũhũ masũno Cohamacũ warocariro ahri yahrapũ yũ tjua tahtore tuaro cahmanahca mũsa. Cũ dachoihta yũhũre ñũ duapanahta yũhũre ñũsi mũsa. Mũsa yũhũre ã ñũ duapachũta tí pjare tasi yũhũ. **23** Paina mũsare õ sehe niahca: “Tirore ñũga. Tiro Cristo jira. Ahrirore ñũga. Ahriro Cristo jira”, niahca mũsare. Ti ã nipachũta tinare tũhoena tjiga. **24** Oroca sitero wacũenoca to oroca sitero seheta yũhũ cũhũ masũno Cohamacũ warocariro wacũenoca tjua taihca. **25** Ñ yũ tjua tahto pano yũhũ tuaro ñano yũhdũihca. Ñ jia yũhũre mipũ macaina cahmasi. **26** Noé to jiri pja macaina ti jiriro seheta yũhũ masũno Cohamacũ warocariro yũ tjua tachũ tó seheta jiahca masa. **27** Noé to jiri pjare jipihitina masa ã chũrucua tiha. Ñ yoa sihnirucua tiha. Ñ jia mũa numiare namo tia tiha.

Noé pjiria dohoriapɛ to samuhto pano Cohamacɛ tinare to miohto pano tí jipihtiare masa yoarucua tiha. Tó seheta jirohca pari turi yɛ tɟua tachɛ cũhɛre. **28** Lote to jia tiri pɟa macaina ti jiroto seheta yɛ tɟua tachɛ jiahca masa. Lote to jia tiri pɟare masa chɛ, sihni, nuchɛ, dua, weserire toaa, wũhɛse yoaha. **29** Ti ã yoaro watoi Sodoma wama tiri macai jiroto Lote to wahari dachoi mũano macaa pichaca, picha sohãa poca tãa peri cũhɛ coroto taro seheta tina bui bora ta, tinare wajã pahñonocaa tiha. **30** Yũhɛ masũno Cohamacɛ warocariro wacũenoca yɛ tɟua tachɛ tina yoaro seheta yoaina jiahca masa tí pɟare.

**31** 'Tí pɟare cũiro to wũhɛ bui macari wapapɛ jiroto wũhɛ puhichapɛ to ya jichɛ tíre nano sãaeno tɟijaro to waha bahrañohto sehe. Tuhsɛ, wesepɛ jiroto cũhɛ tí pɟare to wũhɛpɛ piha taero tɟijaro to waha bahrañohto sehe. **32** Lote namono to waharire wacũga mũsa. **33** Masũno yũhɛre wacũno marieno to mũ sũro to cahmano seheta yoaro pichacapɛ waharohca. Yũ yare ã yoarucuriro sehe jipihtia dachoripe yũhɛ mehne mũanopɛ jirucurohca.

**34** 'Tí ñamine pũaro cũ casario bui carĩinare cũiro yũhɛre cahmarirore naaihca. Tuhsɛ, yũhɛre cahmaerariro tói tɟuarohca. **35** Tí pɟare pũaro numia cũnoi ti trigore arẽa numiare cũcoro yũhɛre cahmaricorore naaihca. Tuhsɛ, yũhɛre cahmaeraricoroto tóihta tɟuarohca. **36** [Ã yoa wesepɛ pũaro dahraina ti jichɛ cũirota naihca. Cũiro tói tɟuarohca] —niha Jesu.

**37** To ã nichɛ to buheina sehe õ sehe ni sinituha tireore:

—¿Nohopɛ ã waharohcari? —ni sinituha tina.

Ti ã nichɛ Jesu õ sehe ni yũhtiha:

—Yucaare mari ñũna, yariariro to pɟacɛ cɟiro jichɛ mari noano masinahca. (Tó seheta ahri mũsare yɛ yahuyurire mũsa ñũna noano masinahca ahri yahpapɛ yɛ tɟua tahto mahanoã to dũhsachɛ cũhɛre) —niha Jesu.

### Wapewahyoro to buhiri dahre dutia quitire yahuha Jesu

**18** <sup>1</sup> ã yoa Jesu tinare Cohamacɛre siniare yahuro õ sehe niha:

—Mũsa Cohamacɛre sinina, cohtaga to yũhtihtore. Yoari pɟa cohtapanahca cahyaena tɟiga. Tireore sinina duhuena tɟiga —niha Jesu.

**2** To ã nirire buhero taro ahri quiti mehne piti dahre yahuha tinare:

—Pa macapɛ ti buhiri dahre dutiriro jiha. Tiro Cohamacɛre ño payoeraha. ã yoa masa cũhɛre ño payoeraha. **3** Wapewahyoro cũhɛ tɔrɛ jiha. Ticoro tiro cahapɛ sɔroca majareno ɔ sehe niha: “Yũhɛre ñɛ tuhtirirore buhiri dahre dutiga mũhɛ. Yũhɛre ni dɛcataga”, ni sinirucuha ticoro tirore. **4** To ã nichɛ payɛ tahari tiro “Yoasi yũhɛ”, nimaha ticorore. To ã nipachɛta ticoro payɛ tahari ã sinirucuro tirore caribobiario yoaha. To ã caribochɛ, tiro ɔ sehe niha to basi: “Yũhɛ Cohamacɛre, masa cũhɛre ño payoeraja. **5** Yũ ã ño payoerariro yɛ jipachɛta ahricoro sehe yũhɛre caribobiara. Yũhɛre ã cariboro yũhɛre pomea wahachɛ yoarohca ticoro. To ã ni yahusãrucuchɛ ticorore ñɛ tuhtirirore buhiri dahre dutihtja”, niha buhiri dahre dutiriro —niha Jesu.

**6** ã nino Jesu tinare ɔ sehe ni yahu namoha:

—ã niha tiro ñariro buhiri dahre dutiriro. To niri cjirire wacũga mɛsa. **7** Tiro yũhɛdoro Cohamacɛ sehe to yainare to beseinare ñamipɛ cũhɛre, dachopɛ cũhɛre tirore sinirucuinare yũhtiro, yoadohorohca. **8** Mɛsare niita nija. Cohamacɛre ti siniriro seheta dɔicãta tinare yoadohorohca. ¿To ã yũhtiriro to jipachɛta yũhɛ masɛno Cohamacɛ warocariro ahri yahrapɛ tɟua tacɛ Cohamacɛre wacũ tuainare bocabocari yũhɛ? —niha Jesu.

### **Pɛaro Cohamacɛre ti sinia quitire yahuha Jesu**

**9** ã yoa pari turi piti dahre buhero ɔ sehe ni yahuha Jesu: “Sã sehe noaina jija. Paina sehe ñano yoaina jira”, ni tũhotuina barore Jesu ɔ sehe ni yahuha:

**10** —Cohamacɛ ya wũhɛrɛ pɛaro mɛa Cohamacɛre sinia wahaha. Cũiro fariseo curua macariro jiha. Pairo pũhtoa yare wapa na cohtariro jiha. **11** ã yoa fariseo curua macariro sehe wahcãrɛcɛ sɛ, ɔ sehe ni yahuha Cohamacɛre: “Cohamacɛ, yũhɛ paina yare mahũopea mehne nariro, ñano yoariro, paina namosãnumia mehne wũana tiriro ne jieraja. Paina yoaro sehe ñariro jieraja. Ahriro wapa na cohtariro yoaro sehe ñariro ne jieraja yũhɛ. ã jicɛ mũhɛre ‘Noana’, nija Cohamacɛ. **12** Yũhɛ somanaripe pɛa dachore ne chɛeraja, mɛ yare yoacɛ tacɛ.



Tuhsu jipihtia dohse jiape yu wapataa cūhure mahano \*(diezmo) wa mɔjaja yuhu mūhure ño payocu”, niha fariseo curua macariro Cohamacure. 13 Å yoa wapa na cohtariro sehe yoa cureroru muhri yo dæcu su, muanorure ñu mæoeraha.

---

\* (diezmo) Cūiro diez niñeru tūri wapataro, Cohamacure cū tu waro, tiro diezmo waro nina. Tiro cien tūri wapataro, Cohamacure diez tūri waro, tiro diezmo waro nina. Tó purota jira cū diezmo.



Ã ñu m̄oeraro, to p̄ebuhui c̄jāroca õ, õ sehe ni siniha Cohamac̄re: “Cohamac̄u, ȳuh̄u ñaare yoariro jija. Å jic̄u m̄uh̄u p̄ja ñ̄uga ȳuh̄ure”, niha tiro Cohamac̄re. 14 M̄usare niita nija. Ahriro wapa na cohtariro sehe Cohamac̄u to ñ̄uch̄u buhiri marieriro to ya w̄h̄ar̄u t̄juaa wahaha. Wiho mejeta pairo fariseo curua macarirore “M̄u ñaa buhirire cohāhi”, nieraha Cohamac̄u. “Ȳuh̄u noariro waro jija”, ni t̄hoturirore Cohamac̄u b̄oro dahrerohca. Wiho mejeta “Ȳuh̄u ñaare yoariro jija. Å jic̄u tíre tuaro cahyaja” nirirore Cohamac̄u wahchech̄u yoarohca tiro sehere —niha Jesu.

**Macanac̄a ya c̄jhtire Cohamac̄re sini payoha Jesu**  
(Mt 19.13-15; Mr 10.13-16)

15 Å yoa masa ti pohnare wihānac̄are Jesure ña payo dutia ta, to cahar̄u na wihimaha. Ti ã yoach̄u ñ̄ua Jesu buheina tinac̄are na wihiinare tuhtiha. 16 Ti ã tuhtich̄u ñ̄uno Jesu wihānac̄are p̄jirocaha to cahar̄u. P̄jiroca tuhs̄u õ sehe niha tiro to buheinare:

—Macanac̄a ȳu cahar̄u tajaro. “To cahai wahaena t̄jiga”, niena t̄jiga tinac̄are. Tinac̄a Cohamac̄re ti p̄htoro t̄hotura. P̄htoro Cohamac̄u to s̄ho jiina ahrinac̄a yoaro sehe t̄hotuina baro dihta jira. 17 Potoc̄a niita nija m̄usare. Ahrinac̄a Cohamac̄u ti p̄htoro c̄jhtore cahmana. Ti yoaro sehet̄a m̄usa c̄uh̄u Cohamac̄u m̄usa p̄htoro c̄jhtore cahmaerana, p̄htoro Cohamac̄u to noano s̄ho jihtina ne jisi m̄usa —niha Jesu.

**Pache puro Jesure sinitu ñ̄uha**  
(Mt 19.16-30; Mr 10.17-31)

18 To ã niri baharo judio masa p̄htoa mehne macariro Jesure õ sehe ni sinitu ñ̄uha:

—¿Ne noariro, buheriro, jipih̄tia dachoripe Cohamac̄u mehne ji duac̄u, dohse yoaih̄cari ȳuh̄u? —niha tiro.

19 To ã nich̄u Jesu õ sehe ni ȳht̄iha:

—¿“Noariro”, ni pisujari m̄uh̄u ȳuh̄ure? Noariro sehe Cohamac̄u dihta jira. 20 Ahri Cohamac̄u dutiare masina m̄uh̄u. “Numia mehne ñ̄ano yoac̄u t̄jiga. Masare wajãec̄u t̄jiga. Yacaec̄u t̄jiga. Mahñoa mehne pairore yahusãec̄u t̄jiga. M̄u p̄nc̄s̄um̄are ño payoga”, ni dutira Cohamac̄u —niha Jesu.

21 To ã nich̄u tiro Jesure õ sehe ni ȳht̄iha:



—Tíre jipihtiare yu wahma wahmua tariro jiputa yuhdurucaera tihi yuhu —niha tiro.

22 To ã nichu tũhoro, Jesu tirore õ sehe ni yahuha:

—Mahanocã dũsara mũhũre mũ yoa pahũohto. Jipihtiare mũ yare duai wahaga. ã yoacu jipihitia mũ wapatari niñerure pjasuoinare waga. Mũ ã yoachu pjiro mũ wapataa mũaporũ, Cohamacũ caharũ jiyuahca. Mũ ã yoari baharo yuhu mehne macariro cjihto taga —niha Jesu tirore.

23 To ã nichu tũhoro tiro sehe payũ pache cjuariro jiro tíre pjasuoinare wa duaeraro, tuaro cahya, waha wahaha. 24 To ã cahyachu ñũno Jesu õ sehe ni yahuha painare:

—Pache pua Cohamacũ masare pũhtoro to noano sũho jiorũre ti wahachu basioera curera. 25 Camello sehe awicã copacãre to sãa nuhri wijaa duachu basioerara. To ã jiro yũdoro pache pũro pũhtoro Cohamacũ noano to sũho jiorũre to waha duachu nu mijobiara —niha Jesu.

26 To ã nichu tirore tũhoina õ sehe niha:

—Cue, mũ nino seheta potocã jichu, ne cũiro masũno Cohamacũ caharũ waha masieraboca —niha tina Jesure.

27 Ti ã nichu Jesu õ sehe ni yũhtiha:

—Masa ti basi ti mũ sũro yũhdu masierara. Wiho mejeta Cohamacũ sehe masare pichacaru wahaborinare yũhdo

masina. Tiro jipihtiare noano yoa masi pahñoriro jira —niha Jesu tinare.

**28** To ã nichu Pedro tirore õ sehe niha:

—Tuhosiniga. Sã sehe jipihitia sã yare cūnocaa tii mūhu mehne wahana —niha tiro Jesure.

**29** To ã nichu Jesu õ sehe niha:

—Potocã mūsare niita nija. Mūsa Cohamacu yare yoana tana mūsa wūhūserē, mūsa namosānumiare, mūsa bahanare, mūsa pūcūsumare, mūsa pohñare cūnocarina jina, pjīro wapatanahca mūsa mipūre. **30** Mūsa cūriro yūhdoro wapatanahca. ã jina mūsa yariari baharo jipihitia dachoripe Cohamacu mehne jirucunahca mūsa —niha Jesu tinare.

**Pari turi Jesu to yariahtore, to masa wijaahtore yahuha**

*(Mt 20.17-19; Mr 10.32-34)*

**31** ã yoa Jesu doce to buheinare ti sahsero naaha. ã naano tinare õ sehe ni yahuha:

—Tuhoga yūhūre. Mipūre mari Jerusalēpu wahana nija. Tópu yūhūre masūnore Cohamacu warocarirore Cohamacu yare yahu mūhtaina cjiri panopu ti yahuriro cjiro seheta paina ã yoaahca yūhūre. **32** Tópu masa yūhūre ñahaa, judio masa jieraina sehere waahca yūhūre. Yūhūre ti wari baharo tina yūhūre bājūpe, ñano ni, yūhūre chahcho puti sihōahca. **33** Tuhsu, yuta dari mehne tjana tuhsu wajāahca yūhūre. Ti ã wajāri baharo tia dacho wahaboroi masa wijaaahca yūhu —niha Jesu tinare.

**34** To ã nichu to buheina to yahuare noano tūho ñahaeraha. Cohamacu tīre tinare noano tūho ñahachu yoerasiniha.

**Capari ñuerarirore ñuchu yoaha Jesu**

*(Mt 20.29-34; Mr 10.46-52)*

**35** ã yoa Jesu cūhu Jericó wama tiri maca cahacāpu sūha. Tóipari capari ñuerariro maha dūhtu cahai duji, niñerure sinino niha. **36** ã jiro masa payu to cahai ti yūhdūachu tūhoro tiro sinituha tinare:

—¿Dohse yoaa payu masa yūhdūjari? —ni sinituha tiro.

**37** —Jesu Nazare macariro waharo nina —ni yahuha paina tirore.

**38** Ti ã ni yahuchu tūhoro tiro õ sehe ni sañurucuha:

—Jesu, Davi cjiro panamino masare yũhdohtiro, yũhure pja ñũga —ni sañurucuha Jesure.

39 To ã nichũ to pano waha mũhtaina sehe, “Dihta mariaha”, ni tuhtiha tirore. Ti ã ni tuhtipachũta tó pano to sañurucuro yũhdo curero sañurucu namoha tjoa:

—Davi cjiro panamino masare yũhdohtiro, yũhure pja ñũga —ni sañurucuha tiro.

40 To ã ni sañurucuchũ tũhoro, Jesu sehe tjuarũcũ sũ, “Pjirocaga tirore”, niha. To ã nichũ tina sehe capari ñũerarirore pji wahcãha. Ti ã pji wahcãchũ tiro Jesu caharũ to sũchũ Jesu sehe tirore õ sehe ni sinituha:

41 —¿Dohse yũ yoachũ cahmajari mũhũ? —niha Jesu tirore.

—Yũ pũhtoro, yũhure ñũchũ yoaga —ni yũhtiha capari ñũerariro.

42 —Ñũga. Yũhure wacũ tuacũ, noariro wahara mũhũ —niha Jesu tirore.

43 To ã nichũta capari ñũerariro ñũa wahaha. ã noariro waharo, tiro Jesu mehne waha, “Cohamacũ tuariro jira”, niha tiro. ã jia masa payũ capari ñũerariro to ñũchũ ñũa “Cohamacũ noariro, tuariro jira”, niha tina cũhũ.

### Zaqueo Jesure piti bocaha

**19** 1 ã yoa Jesu Jericóũ sũ, tí macarũ yũhdũ wahcãno taro niha. 2 Pache pũro Zaqueo wama tiriro pũhtoa ya cjihtire wapa na cohtaina pũhtoro tói jiha. 3 ã jiro tiro Jesure “¿Diro baro jicari?” ni ñũ masino taro Jesure ñũ duamaha. ã to ñũ duapachũta yahparirocã to jichũ masa payũ tirocãre dũcataha. 4 ã jiro tiro masare mũroca yũhdũa waha, sicómoro wama tidũ yucũcũrũ mũjaha Jesure ñũno taro. Baharo curero tũ cahai Jesu yũhdũaro taro niha. ã jiro Zaqueo tũ cohtaro niha. 5 To ã cohta pisaro watoi Jesu sehe tũ dahpotoi sũrũca, Zaqueore ñũroca mũo, tirore õ sehe niha:

—Zaqueo mipũre mũ wũhũi tjuasinihtja yũhũ. ã jicũ cjero duji taga —niha Jesu tirore.

6 To ã nichũ Zaqueo sehe soaro mehne duji ta, tuaro wahchea mehne to wũhũrũ pji wahcãha Jesure. 7 To ã ni piti bocachũ ñũa, jipihtina masa ti basi õ sehe ni durucuha:

—Ahriro Jesu ñaare yoariro ya wũhũrũ tinino waha duara —ni durucuha jipihtina ti basi.

8 Zaqueo sehe piti boca tuhsu tói ducu, Jesure ò sehe ni yahuha:

—Pũhtoro tũhoga yũhũre. Jipihtia yũ yare dacho macai pjasœoinare waihtja. Ā jicu yũhũ pairore cien niñeru tũrire mahño mariro jicu, cuatro cientos niñeru tũrire wapa bui payoihtja tirore —niha Zaqueo Jesure.

9 To ā nichũ Jesu sehe ò sehe ni yahuha tirore:

—Michare mũhũre mũ wũhũi jiina cũhũre pichacaru wahaborinare Cohamacu yũhdo tuhsũra. Mũhũ cũhũ Abrahã cjiro coyero jira. 10 Yũhũ masũno Cohamacu warocariro pichacaru wahaborinare macai tai nii. Tópũ wahaborinare noano yũhdoi tai nii —niha Jesu Zaqueore.

### Niñeru tũri uru tũri quitire yahuha Jesu

(Mt 25.14-30)

11 Ā yoa tirore tũhoinare Jesu paye quiti mehne piti dahre yahuha. Mahanocã dũhsaha Jerusalẽpu to sũhto. Ā jia tirore tũhoina ò sehe ni tũhotuha: “Pũhtoro Cohamacu mipũre sũho ji dũcaro taro nina”, ni tũhotuha tina. 12 Ti ā ni tũhotuchũ Jesu ò sehe ni yahuha tinare:

—Cũiro pũhtoro sãhtiro to ya yahpa macaina bui pũhtoro jihtiro yoaropũ waharo taro niha. Tópũre to sũchũ ñũno ti bui pũhtoro tirore pũhtoro sũno taro niha. Pũhtoro sãhtiro ya maca macaina bui pũhtoro sũno taro niha tirore. Baharo to ya wũhũpu tju wihiro taro niha. 13 Wahmanore to wahahto pano pũhtoro diez dahra cohtainare pjirocaha. Ā pjirocaro, tiro tinare cãinare típe tũri niñeru tũri wapa bũjũa tũri uru tũrire waha. Wa tuhsũ, ò sehe ni yahuha tinare: “Yũhũ yũ mariachũ ahri niñeru mehne mũsa wapata namohtire macaga”, niha tiro dahra cohtainare. 14 Pũhtoro sãhtiro to jipachũta to ya maca macainata tirore cahmaeraha. Ā cahmaeraa, ti warocahtinare tirore pũhtoro sũhtirore yahu dutia warocaha. “Ahriro sã pũhtoro jichũ cahmaeraja sã”, niha tina ti yahu duti warocaina sehe. 15 Ā ti cahmaerapachũta baharo ti pũhtoro sãaha tiro. Ā pũhtoro sãa tuhsũro tiro to wũhũpu tju taha. Ā tju wihiro tiro dahra cohtainare to niñeru mehne ti wapata namoare masino taro, tinare pjirocaha. 16 To pjirocari baharo, wihi mũhtariro tirore yahuha: “Pũhtoro mũ niñeru tũ, yũhũre mũ wari tũ mehne diez tũri wapata namohi yũhũ”, niha dahra

cohtariro to pũhtorore. 17 “Noano yoari jire mũhũ. Mũhũ noariro dahra cohtariro jira. Mũhũ mahanocã mehne yũ dutiriro seheta yoa pahñoriro jicũ mipũ diez macari macaina ti pũhtoro cjihto wahaihca mũhũ”, niha pũhtoro dahra cohtarirore. 18 To baharo wihiriro tiro mehne macariro õ sehe niha: “Pũhtoro, mũ niñeru tũ, yũhũre mũ wari tũ mehne cinco tũri wapata namohi yũhũ cũhũ”, ni yahuha to pũhtorore. 19 “Cinco macari macaina pũhtoro cjihto wahaihca mũhũ”, niha pũhtoro tirore. 20 To ã niri baharo paio dahra cohtariro wihi, õ sehe ni yahuha: “Pũhtoro, mũ niñeru tũ õi jira. Suhtiro cahsaro mehne coma, tí tũre wihbohi. 21 Mũhũ tuaro dahra dutiriro jira. Paina yare mana mũhũ. Tuhsũ, tuaro dahra dutiriro jicũ dahraerariro jipacũta mũhũ paina ya dahrari wapare nana. ã yoa toaerariro jipaihta dichare nariro jira mũhũ. ã jicũ mũhũre cui nihi”, niha to pũhtorore “Wapataerahi yũhũ”, ni yahuro. 22 “Mũhũ ã nicũ ñano yoariro jira mũhũ. Yũhũre mũ ã niri buhiri mũhũre buhiri dahreihitja yũhũ. Yũhũ mũhũre tuaro dahra dutiriro yũ jichũ masina mũhũ. Paina yare yũ nachũ toaerariro jipai dichare nariro yũ jichũ masina mũhũ. 23 Yũ ã jiriro jichũ ñũpacũta ya tũre niñeru wihbori wũhũrũ cũerare mũhũ. Tíre ti wasori wapa wapata namoboa mũhũ. ¿Dohseacũ ã yoaerari mũhũ? Tíre mũ yoachũ tju wihicũ wapata namoboa yũhũ”, niha ti pũhtoro. 24 ã ni tuhsũ tiro cahai ducuinare dutiha: “Niñeru tũre maga tirore. Diez tũrire cjuarirore waga”, niha pũhtoro. 25 To ã nichũ tina sehe õ sehe ni yahuha tirore: “Pũhtoro, diez tũri cjuariro payũ cjuũ tuhsũra”, niha tina. 26 Ti ã nichũ pũhtoro õ sehe ni yũhtiha: “Mũsare niita nija. Jipihtina cjuainare wa namoihtja. Cjuæarariro sehere mahanocã to cjuapachũta tíre maihtja. 27 Mipũ pinihta yũhũre ñũ tuhtiinare yũhũre ti pũhtoro ji dutierainare yũ cahai na tahga. ã yoana yũ ñũrocaroi wajãga tinare”, niha pũhtoro dahra cohtainare —ni buheha Jesu.

### Jerusalẽpũ sũha Jesu

(Mt 21.1-11; Mr 11.1-11; Jn 12.12-19)

28 ã ni tuhsũ Jesu paina pano Jerusalẽpũ wahaha. 29 ã yoa tina Jerusalẽpũ ti sũhto panocã tũcũ Olivo wama tidũ dũhtũ cahai jiri maca Betfagẽ wama tiri maca cahai, ã jichũ Betania wama tiri maca cahai sũ mũhtaha. Tí macari pũa maca cahai

Jesu sũro, to buheina pũarore warocaró taro, ò sehe ni yahu quihõha:

30 —Sí macapũ burrocãre nana wahaga. Tópũ sũna, burrocãre ti dũhte daporirocãre boca sũnahca. Tiro ne cũiro ti pisamahnoerarirocã jica. Tirocãre bocana, yuta dare pjã, na tabasaga yũhũre. 31 Tirocãre mũsa pjãchũ ñũno, cũiro dohse jiro “¿Dohse yoana tana burrocãre dũhte daporí dare pjãjari mũsa?” to nichũ tũhona ò sehe ni yũhtiga tirore: “Mari pũhtoro burrocãre cahmarocasinire”, ni yahuga tirore —ni yahu duti warocaha to buheina pũarore.

32 To ã nichũ tina pũaro sehe to niriro pũ sũha. Ti ã sũchũ jipihtia Jesu to niriro seheta wahaha. 33 Æ jia tina tirocãre ti pjãchũ ñũna tirocã pũna tinare ò sehe ni sinituha:

—¿Dohse yoana tana burrocãre dũhte daporí dare pjãjari mũsa? —ni sinituha tina.

34 —Mari pũhtoro burrocãre cahmarocasinire —ni yũhtiha tina.

35 Æ ni yahu tuhsũ tirocãre Jesu cahapũ na sũha. Na sũ tuhsũ ti bui sãa suhtire tirocã bui pjũpaha payo tuhsũchũ ñũ, Jesu sehe tirocã bui to mũja pjachũ yoadohoha tina. 36 Jesu tirocã bui to pisachũ to wahahto pano masa ti bui sãa suhtire tjuwe na, to wahahti mahai saño cũ mũhtaha, Jesure ño payoa. 37 Tina Jerusalẽ cahacãpũ sũ, Olivo wama tidũi dujiari mahapũ sũha. Tópũ Jesu to buhechũ tũhoina payũ jipihtia Cohamacũ tuua mehne to yoa ñorire, noaa to yoarire ti ñũri cjiire wacũa, Cohamacũre “Noariro, tuariro jira”, ni sañurucuha. Æ yoa Cohamacũre ño payoa, ò sehe ni sañurucuha:

38 —Ahiro Cohamacũ to warocariro, mari pũhtoro noano jijaro. Mũano macaina noano jijaro. Mũano macariro Cohamacũ, mũhũ tuariro waro jira —ni ño payoha tina.

39 Ti ã nichũ tũhoa fariseo curua macaina mahainacã ti watoi jiina Jesure ò sehe ni yahuha:

—Buheriro, mũ buheinare dihta mariea dutiga —niha tina.

40 —Mũsare niita nija. Tina ti sañurucuerachũ tãa peri sehe sañurucuboa —niha Jesu fariseo curua macainare.

41 Æ ni tuhsũ Jesu Jerusalẽ cahacãpũ sũ, tí macare ñũrocaro, tiha. 42 Ò sehe niha tiro:

—Jerusalẽ macaina mipũ pinihtare mũsare pichacapũ wahaborinare Cohamacũ to yũhdohtore mũsa masichũ noa yũhũnaboa. Æ jipachũta mipũre mũsa tíre ne tũho duaerare.

Ã jiro Cohamacu tíre mʉsare masi dutierare. <sup>43</sup> Mʉsare ñu tuhtiina mʉsa jiri macare soroahca. Ã yoaa mʉsare tina wijaaro wasi. <sup>44</sup> Tí pjata tina mʉsa ya macare cohã pahñoahca. Mʉsa cãhure wajãahca. Mʉsare ñu tuhtiina noano cohã pahñoahca mʉsa ya macare. Cohamacu pichacaru wahaborinare mʉsare to yũdohtore mʉsa masi duaerare. Mʉsa masi duaerari buhiri mʉsare ñu tuhtiinare Cohamacu mʉsare cohã dutirohca —niha Jesu Jerusalẽ macainare.

### **Cohamacu wũhuru Jesu sũha**

*(Mt 21.12-17; Mr 11.15-19; Jn 2.13-22)*

<sup>45</sup> Ã yoa Jerusalẽru sũro, Jesu Cohamacu wũhuru sãa wahaha. Ã yoaro pache duainare tí wũhuru jinare boca sũro, tinare cohã wionocaha. <sup>46</sup> Õ sehe niha tiro tinare:

—Õ sehe nina Cohamacu yare ti joari pũi: “Yũ wũhu Cohamacu mehne durucuri wũhu wama tirohca”, niha to yare ti joari pũi. To ã nipachuta mʉsa sehe ahri wũhu duana, mʉsa basi cahma yacara mʉsa —niha Jesu.

<sup>47</sup> Ã yoa dachoripe Cohamacu wũhuru Jesu buheha. Ã jia sacerdotea pũtoa, judio masare buheina, masa pũtoa cãhu tirore ti wajãhti cjihtire wacũ macaha. <sup>48</sup> Masa jipihtina tirore ã tũhorucua, to buheare noano tũho nũnũina jiha. Ti ã noano tũho nũnũchũ ñua, Jesure wajã duaina sehe tirore ti wajãhtire bocaerasiniha.

### **Sacerdotea pũtoa, judio masare buheina, bũcũna mehne Jesure sinitu ñũha**

*(Mt 21.23-27; Mr 11.27-33)*

**20** <sup>1</sup> Pa dachoi Cohamacu wũhu Jesu masare noaa buheare buhero niha. To ã buhechũ sacerdotea pũtoa, judio masare buheina, bũcũna mehne tiro caharu wihia, tirore õ sehe ni sinitu ñũha:

<sup>2</sup> —Yahuga sãre. ¿Dohseacu canure ã yoari mũhu? ¿Noa mũhure tíre ã yoa dutiri? —niha tina Jesure.

<sup>3</sup> Ti ã nichũ Jesu õ sehe ni yũhtiha tinare:

—Mʉsa sehene sinitu mũhtaitja. Yahuga yũhure. <sup>4</sup> ¿João masare to bautisachũ diro baro sehe tirore bautisa dutia tiari, mʉsa tũhotuchũ? ¿O Cohamacu dutiera tiari? ¿O masa sehe dutia tiari, mʉsa tũhotuchũ? —ni sinituha Jesu tinare.

<sup>5</sup> To ã nichũ tina sehe ti basi õ sehe niha:



—¿Dohse ni yuhtinahcari mari? “Cohamacu Joãore dutia tiri jire”, mari nichu, “¿Dohseana Cohamacu Joãore to dutipachuta tire tũho duaerari musa?” niboca Jesu marine. ã jina “Cohamacu Joãore dutia tiri jire”, ni yuhti masieraja mari. <sup>6</sup> Ahrina masa sehe “Potocãta João Cohamacu yare yahu mũhtariro jira”, ni tũhotura tina. ã ni tũhotua “João to bautisachu Cohamacu tire dutierari jire”, mari nichu tũhoa marine tãa mehne docaboca masa. ã jina tí cũhũre yahu masieraja mari —ni durucuha tina ti basi.

<sup>7</sup> ã ni durucu tuhsua tina Jesure õ sehe ni yuhtiha:

—Joãore bautisa dutirirore sã masieraja —niha tina.

<sup>8</sup> Ti ã nichu Jesu õ sehe ni yuhtiha:

—Tí pja pinihta yũhũ cũhũ musa sinitu mũhtarire yahueraja musare. Ahrire yũ yoarire dutirirore yahueraja musare —niha tiro tinare.

### **Ñaina dahra cohtaina quitire yahuha Jesu**

*(Mt 21.33-44; Mr 12.1-11)*

<sup>9</sup> ã yoa Jesu to tũhotua mehne piti dahre õ sehe ni buhe dũcaha masare:

—Wese pũro se dari cjihtire toaha. Toa tuhsu, tí wesere painare cũ bũhũsehe coa pahma cũha. Pahma cũno tí wesere tinare ñũ wihbo dutiha. ã duti tuhsu pa yahpũ waha, yoari pja bajueraha. <sup>10</sup> Tuhsu, se ñiri pja jichũ wese pũro to cahamacũnore wesere ñũ wihboina cahapũ warocaha. Wese macaa to toaa dichare to ya coa macaare na dutiro warocamaha. ã jia ñũ wihboina sehe to cahamacũnore wiho piti boca cjãnocaha tire. ã cjãnoaa, tina tire dichare waerapahta tjuaa dutiha tire. <sup>11</sup> ã jiro wese pũro paio to cahamacũnore tí wese macaa toaa dichare na dutiro warocamaha tjoa. ã jia wesere ñũ wihboina tiro cũhũre cjã, ñano yoaha. ã yoa tuhsu tire tí dichare waerapahta tjuaa dutiha tjoa. <sup>12</sup> Tire ti ã yoari baharo wese pũro paio cahamacũnore warocamaha tjoa. To ã warocachũ ñũa, wesere ñũ wihboina sehe tiro cũhũre cami dahre, tí wese dũhtũ cahai cohãnocaha tire.

<sup>13</sup> 'Tí ã yoari baharo wese pũro õ sehe ni tũhotumaha: “¿Dohse yoaihcarĩ yũhũ? Õ sehe yoaihtja. Yũhũ yũ macũre yũ cahĩrĩrore warocaihtja. Tina tire ño payoboca”, ni tũhotumaha wese pũro sehe. <sup>14</sup> ã jia to macũnore to

warocaritore to sũchũ ñũa ñũ wihboina sehe ti basi õ sehe ni durucuha: “Ahriro wese pũro macũno jira. Baharo ahri wesere cjuãhtiro jira. Tirere wajãjihna. Mari ã yoachũ ahri wese mari ya wese tjuarohca”, nimaha tina ti basi. 15 Ñ ni tuhsũa wese pũro macũnore wese dũhtũ cahai cohã, wajãnocaha tirere. ¿Ti ã yoachũ ñũno dohse yoarohcari wese pũro wesere ñũ wihboinare? —niha Jesu.

16 —Tiro wesere ñũ wihboinare wajãno taro, paina sehere wesere ñũ wihbo dutirohca —ni yũhtiha Jesu to basi.

To ã nichũ tũhoa masa sehe õ sehe niha:

—Marine ã wahaero tjjaro —niha tina.

17 Ti ã nichũ Jesu sehe tinare õ sehe ni sinituha:

—¿Cohamacũ yare ti joari pũre õ sehe ni durucua, dohse nino nijari, mũsa tũhotuchũ?:

“Ahriro Cristo tãca yoaro seheta jira.

Tãcare wũhũ dahreina ti cohãno seheta masa tirere cohãahca.

Ti ã yoapachũta mipũre wũhũ dahreina wũhũre

yoaa ti cũ mũhtari tãcare ti cũno seheta

Cohamacũ tirere pũhto sũhre”,

ni joaha. 18 Jipihtina tia tãca bui bora pjainare payũ dihicã peri yihsorohca tia tãca. Tuhsũ, tia tãca masũno bui bora pjaro, tahãnocanohca tirere. Ñ tahãno to pjacũ cjirore daa manaricã wahachũ yoarohca. (Tó seheta yũhũre cahmaeraina, yũ buhiri dahrehtina ñano yũhdũahca) —niha Jesu.

### **Pũhtoa ya wapare paina sinituha Jesure**

*(Mt 21.45-46; 22.15-22; Mr 12.13-17)*

19 To ã nichũ tũhoa judio masare buheina sacerdotea pũhtoa cũhũ, “Jesu wesere ñũ wihboina quiti mehne marine tuhtiro nina”, ni tũhotuha tina. Ñ ni tũhotua tina Jesure ñaha duamaha. Ñ ñaha duapahta tina masare cui niha. 20 Ñ cuia, Jesure ti ñahahtí pjare cohtasiniha tina. Ñ jia tina quihõno yoina yoaro sehe ji mahõno dutiha painare. To ñano ni yũhtichũ yoa duaa nimaha tirere yahusã duaa. Ñ jia Jesure sinitu dutia warocaha mahõnoinare. Jesu ñano to ni durucuchũ tũhoa tí yahpa macaina bui pũhtoro peresu yoa dutia taa nimaha. 21 Ñ jia tina Jesure mahõno cũ õ sehe ni sinitu ñũmaha:

—Buheriro, potocã durucuriro, mahõno marieriro mũ jichũ sã masija. Ñ jicũ wiho jĩinare, pũhtoa cũhũre cũno potori yoara

mũhũ. Mũhũ Cohamacũ yare potocã mũ buhechũ cũhũre sã masija. 22 Yahuga sãre. ¿Ne, Roma macaritore jipihtina bui pũhtoroore gobierno macaare marine waparo cahmajari, mũ tũhotuchũ? ¿Mari dutia wapa dutijari, mũ tũhotuchũ? —ni sinituha tina Jesure.

23 Ti ã nichũ tũhoro Jesu ti ñano yoa duaare masino, tinare õ sehe ni yũtiha:

24 —Mipũre niñeru tũre na tahga. Tí tũre ñũjihna —niha.

Tí tũre ti na wihichũ ñũno õ sehe niha Jesu:

—¿Diro baro masũ wahãjari ahri tũre? ¿Diro baro wama wahãjari? —niha Jesu tinare.

—César, masa bui pũhtoro jiriro ya masũ, to wama cũhũ wahãna —ni yũtiha tina.

25 Ti ã nichũ Jesu õ sehe ni yahuha:

—Tí pja pinihta masa bui pũhtoro yare tiro sehere waga. Cohamacũ yare Cohamacũ sehere waga —niha Jesu tinare.

26 ã to noano yũhtichũ, masa ti ñũrocaroi Jesure ñano ni durucuchũ yoa masieraha tina. ã jia Jesu yũhtiare tũhoa, tina cũaa waha, dihta mariea wahaha.

**Saduceo curua macaina Cohamacũ to masoare sinituha Jesure**  
(Mt 22.23-33; Mr 12.18-27)

27 ã yoa mahainacã saduceo curua macaina Jesu cahapũ wihaha. “Cohamacũ yariainare masosi”, ni tũhotuina jiha saduceo curua macaina. ã jia tina õ sehe niha tirore:

28 —Buheriro, õ sehe ni buhea tiha Moise cjiro: “Cũiro to wahmino namo tirore pohna mariaparota to yariachũ ñũno to bahũrore to wahmino namono cjirore ñũoano cahmana. ã yoaro to wahmino mũnana to pohna tiboro seheta pohna tiro cahmana to bahũrore. ã jia to pohna to wahmino mũnana pohna yoaro sehe jiahca”, ni joaa tiha Moise cjiro —niha tina.

29 Tíre ni tuhsũ ahri quitire yahu namoha tjoa Jesure:

—Cũiro masũno jiha. Seis to bahana jiha. Ti wahmino sehe namo ti, pohna marieriro yariaa wahaha. 30 ã jiro paio to bahũro cũhũ to wahmino namono cjirore ñũoaha. To ã ñũoari baharo to wahmino yoaro seheta pohna mariaparota tiro cũhũ yariaa wahaha. 31 ã jiro ahriro bahũro cũhũ to wahmino mũnana yoaro seheta pohna mariaparota yariaa wahaha. ã dihta wahaha cũiro pohna waro. Ne pohna mariapahta yaria pihtia wahaha. 32 Ti namono cjiro cũhũ ti baharota yariaa wahaha.

33 ¿Ne Cohamacu jipihtinare yariaina cjirore to masochu diro namono sehe jibocari ticoro pototi? Tina jipihtina ticorore namo tirina cjiri jiha. ¿Ã jiro diro baro namono jirohcari? —ni sinituha tina.

34 Ti ã nichu Jesu õ sehe ni yuhtiha:

—Mipru macaina wamomaca duhtera. 35 Ti ã duhtepachuta paina sehe pa turu macaina sehe ã jierara. Paina mure, numia cuhure to yainare Cohamacu ñaa marieina jichu yoarohca. Tina ti yariari baharo masa mijaahca. ã yoa tina toru wamomaca duhterara. 36 ã jia tina anjoa yoaro sehetu ne yariasi. Tina Cohamacu to masorina jia, Cohamacu pohna jira. 37 Mipure yariarina cjiri ti masa wijaahca sehere musare yahuihtja. Tíre Moise cjiro noano yahu pahnoa tiha. To mahaducã juri quitire õ sehe ni yahua tiha tiro: “Yuhu Abrahã, Isaa, Jacobo ti puhtoro tjija’, ni yahure Cohamacu yuhure”, ni joaa tiha Moise cjiro. 38 Ti yariari baharo “Ti puhtoro tjija”, ni yahua tiha Cohamacu. ã niparota yariarina cjiri puhtoro jierara Cohamacu. “Ti puhtoro tjija”, to nia mehne catiina ti jichu masija mari. Tiro catiina puhtoro jira. Jipihtina masa catira Cohamacu to ñuchu —niha Jesu tinare.

39-40 To ã nichu tina sehe pari turi Jesure sinitu duaeraha. ã jia mahainacã judio masare buheina õ sehe niha:

—Buheriro, mahu noano yuhtihre —niha tina Jesure.

### ¿Diro baro coyero jijari Cristo?

(Mt 22.41-46; Mr 12.35-37)

41 Baharo Jesu õ sehe ni yahuha tinare:

—“Cristo Davi cjiro panamino jirohca”, ni buhera paina. ¿Dohse yoa tina ã ni buhejari? 42 Davi cjiro to basi Salmoru to joari tjupe õ sehe ni joaa tiha:

“Cohamacu yu puhtorore õ sehe nire: ‘Õi yu potu buhusehei dujiga.

43 ã jicu mure ñu tuhtinare mure yuhducabasaihca yuh’, nire Cohamacu yu puhtorore”,

ni joaa tiha Davi cjiro. 44 ã ni joaro Davi cjiro puhtoro tiha Cristore. Davi cjiro Cristo ñuchuno cjiro jiparota Cristore puhtoro tiha. ¿Davi cjiro Cristo ñuchuno cjiro jiparota dohse jiro baro tiro puhtoro tiari Cristore? —ni yahuha Jesu. (Cristo sehe Davi cjiro puhtoro jira.)

### Judio masare buheina ti ñaa yoare yahuha Jesu

(Mt 23.1-36; Mr 12.38-40; Lc 11.37-54)

45 Masa payu Jesure ti tuhoru watoi Jesu sehe to buheinare ò sehe ni yahuha:

46 —Mari judio masare buheina ti ñaa yoare ñña noano wacũ masiga. Ñ jina ti yoaro sehe yoarena tjiga. Tina yoaa suhti sãa, masa ti ññurocaroi majarea, pache duaropu paina puhtoare noano ño payo ti sinino sehe ti piti bocasinichu cahmana tina. Ñ cahmaina jia, tina mari judio masa buhea wuhusei noaa dujia dihtare bese duji duara. Tuhsu, bese namu jichu tó cũhure noaa dujia dihtare cahmana. 47 Tina wapewahya numia ya wuhusere ti ya cũhure mana tí numiare. Ñ yoaina jia, tina masa ti ññurocaroi yoari pja Cohamacure sinimana masare ññ dutia. Ti ñ yoachu tinare Cohamacu pjíro buhiri dahrerohca —niha Jesu tinare.

### Wapewahyoro Cohamacu wuhui to warire yahuha Jesu

(Mr 12.41-44)

**21** 1 Ñ ni yahu tuhsu niñeru wihbori caroi pache puã ti niñerure ti duhu sãachu ññ dujiro niha Jesu. Tí niñeru Cohamacu wuhure ti cahnochũ ti wapahti jiha. 2 Ñ ñño wapewahyoro pjasuoricoro to puã tucãre to duhu sãachu cũhure ñña. 3 Tíre ññ tuhsu ò sehe ni yahuha:

—Potocã niita nija musare. Ahricoro wapewahyoro pjasuoricoro sehe niñeru wihbori caropu duhu sãano paina jipihtina ti wari yuhdoro wahre ticoro sehe. 4 Paina pache puã pjíro ti wapachuta ti ya pjíro dũhsara. Ahricoro sehe pjasuoricoro jiparota jipihtia to chuhtire to nuchuboacãre wa pahñohre —ni yahuha Jesu.



**“Cohamacu wuhu cohãri wuhu jirohca”, niha Jesu**

(Mt 24.1-2; Mr 13.1-2)

5 ã yoa paina Cohamacu wuhure õ sehe ni ñua niha:

—Noaa tãa mehne yoari wuhu, noacari wuhu jijari. Masa Cohamacu ya wuhu cjihtire ti wari cjiri cũhu tí wuhupure noaca cũri jira —ni durucua niha.

Ti ã nichu Jesu õ sehe ni yahuha tinare:

6 —Ahri jipihtia mari ñuri cjiri wuhuse, ahri tãa cũhu cohõ pihtia wahaahca. Ne cãria tãca tjuasi —niha Jesu tinare.

**Pihtiri dacho cjihtore yahuha Jesu**

(Mt 24.3-28; Mr 13.3-23)

7 To ã nichu tũhoa tina sehe õ sehe ni sinituha tirore:

—Buheriro, ¿dohse jichu mu niriro sehe waharo ã waharohcari? ¿Pihtiri dacho panocã jichu dohse to waha dũcachu ñunahcari sã? —ni sinituha tina Jesure.

8 Jesu õ sehe ni yũtiha tinare:

—Noano yoaga m̄sa. ã jina m̄sare paina ti mahñoare tũhoena tjiga. Payu masa “Cristo jija yũhu”, niina taahca. ã nia, “Mipure pihtiri dacho cjihto mahanocã dũhsara”, niahca. Ti ã nichu tinare tũhoena tjiga. 9 ã yoa paina “Cahma wajãa nina”, m̄sare niahca. “Mipure pũhtoare masa cohãa nina”, niahca. M̄sa tíre tũhona cuiena tjiga. Pihtiri dacho pano õ sehe waha mũhtanohca. To ã wahachu pihtiri dacho cjihto dũhsasininohca mini —niha Jesu.

10 ã ni tuhsu õ sehe ni yahu namoha:

—Cũ yahpa macaina pa yahpa macaina mehne cahma wajãahca. 11 Tuhsu, tuaro yahpa ñuhmi, masa payu jũca mehne yaria, jipihtiro macaina dohatiahca. ã yoa m̄ano macaa bajuamehneare masa ñua, ñu cãaa wahaahca.

12 Ahri jipihtia ti ã wahahto pano, paina m̄sare ñaha, ñano yoahca. Tuhsu, mari judio masa buhea wuhusei tina m̄sare yahusã, peresu yoahca m̄sare. Ti ã yoachu yahpari macaina pũtoa panoi, macari macaina pũtoa panoi ducunahca m̄sa ti yahusãhtina. Yu yaina m̄sa jiri buhiri ã yoahca. 13 Ti ã yahusãchu m̄sa sehe noaa buheare tinare yahunahca. 14 Tí pjare m̄sare ti yahusãchu pũtorore m̄sa yũtihtore “Yahu masieraboca”, ni tũhotuena tjiga m̄sa.

15 Yũhu m̄sare yahubasaihtja. M̄sare ã yoadohocu tũho

masiare, noaa durucua cūhure mūsare yahuchū yoaihtja. Mūsa ā yoachū mūsare ñū tuhtiina sehe mūsa durucua tūho, “Tí potocā jierara”, ni yūhti masisi. 16 Tí pjare mūsa p̄c̄s̄uma, mūsa bahana, mūsa coyea, mūsa mehne macaina cūhū mūsare ñū tuhtiinare waahca mūsare yū yaina mūsa jiri buhiri. Tí ā yoachū mūsare ñū tuhtiina mūsa mehne macainare painare wajāahca. 17 Ā yoa yū yaina mūsa jichū ñūa, jipihtina mūsare ñū tuhtiahca. 18 Mūsare ā ñū tuhtipahta ne mahanocā mūsare ñano yoasi. 19 Ā jina Cohamacure wacū tuaina jiga mūsa. Mūsa ā yoana, Cohamacū mehne ā jirucunahca.

20 Ā yoa payū surara Jerusalēpū ti soroachū ñūna, Jerusalēne ti cohāhto to mahanocā dūhsachū masinahca mūsa. 21 Tí ā yoachū ñūa Judea yahpai jiina tūyucū cahapū m̄roca duhtijaro. Ā yoa Jerusalēi jiina wahajaro. Ā yoa campoi jiina Jerusalēpū wahaeta t̄jijaro ti waha bahrañohto sehe. 22 Tí dachorihī buhiri dahrea dachorihī jipihtia Cohamacū yare ti joari pū to niriro cjiro seheta ā waharohca. 23 Jipihtiropū ahri yahpai ñano yūhdūahca. To ā wahachū, niji wahcōa numia, ti poh̄nare pūina numia cūhū pjac̄oro wahaahca. 24 Paina ahri maca Jerusalē macaina mehne cahma wajāahca. Ā cahma wajāa, paina ahri maca macainare jipihtia yahparipū na wahcā, peresu yoahca. Ā jia judio masa jieraina Jerusalēne ñano yoa, tinare yūhdūcaahca. Judio masa jieraina ya dacho to pihtichūpū Jerusalē macainare ñano yoa duhuahca —ni yahuha Jesu.

### **Jesu yahpapū to t̄jua tahtore yahuha**

*(Mt 24.29-35, 42-44; Mr 13.24-37)*

25 Ā ni yahu tūhsū, tinare ō sehe ni yahu namoha:  
—Tí pjare sū dacho macariro, ñami macariro, ñahpichoha cūhū cohtotaahca. Jipihtina ahri yahpa macaina “Cue, yarianahca”, ni tūhotuina pjiri ma macaa pahcōri cuaro choro ti bisiro coa tachū tūhoa tuaro cuiahca. 26 Tí pjare m̄ano macaa yahpari, ñahpichoha cūhū tuaro ñuhmiahca. Tí ā wahachū ñūa, masa sehe ahri yahpa to pihtit̄ore cohtaa, tuaro cuiahca. 27 Tí pjata yūhū mas̄no Cohamacū warocariro Cohamacū tuaa mehne to si sitea mehne yū tachū ñūahca masa. 28 Ahri ti ā waha dūcachū ñūna, wacū tuaina jiga. Ā jina m̄anopū ñūga. Tí pjare Cohamacū mūsare pichacapū wahaborinare to yūhdohto mahanocā dūhsarohca —niha Jesu.

29 Ñ ni tuhsu ahri quitu mehne piti dahre buheha Jesu:

—Higueracure, paye yucu cūhure tūhotuga mūsa. 30 Tí yucuri pūri tichu ñna, cūhma cjihto to mahanocā dūhsachu masina mūsa. 31 Tó seheta ahri jipihtia yu niri cjirire ti ã wahachu ñna, Cohamacu masare pūhtoro to noano sūho jikti pja mahanocā dūhsachu masinahca mūsa.

32 'Mūsare potocā niita nija. Tí pja macaina ti yariahto pano jipihtia yu niriro seheta ã waharohca. 33 Mūano, ahri yahpa cūhu pihtia wahaahca. Yu durucua sehe ne cohtotasi. Jipihtia yu niriro seheta ã waha sohtori tiarohca.

34 'Yu tjua tahti dachore ne masierara mūsa. Ñ jina noano yoaga. Bose nūmūrine bujua yoarucuena tjiga. Ñ jina cahaena tjiga. Ahri yahpa macaare pjíro tūhotuena tjiga. Mūsa yu niriro seheta yoana, wacūenoca ahri yahrapu yu tachu mūsa ne cūasi. 35 Wahiquirore yurida wahiquirore wacūenoca to tūā suhoro seheta wacūenoca taihca yūhu. Jipihtina ahri yahpa macaina ti masieraro watoi tí dachoi wacūenoca ã waharohca. 36 Noano wacū masi cohtaga. Ñ jina Cohamacure ahrire ã sinirucuga: “Ahri pihtiri dachore ã wahachu yūhure yoadohoga. Tūaare waga yūhure ahrire noano yu yūhdūhti cjihtire. Tuhsu, Cristore mū warocarirore cuiro marieno yūhure piti bocachu yoaga”, ni siniga Cohamacure —niha Jesu.

37 Ñ yoa tí dachore Cohamacu wūhūi Jesu buheha tiha. Ñaminipe buhe tuhsuro Olivo wama tidu tūcūpu waha, tópu ji bohrea tiha. 38 Bohrea taharipe jipihtina masa Cohamacu wūhūpu tirore tūhoa waha tiha.

### Sacerdotea pūhtoa, judio masare buheina mehne wajā duaha Jesure

(Mt 26.1-5, 14-16; Mr 14.1-2, 10-11; Jn 11.45-53)

**22** 1 Ñ yoa tí pjare bucaerari pāore ti chūhti bose nūmūri mahanocā dūhsaha. Tí bose nūmūri pascua wama tiha. 2 Ñ jia sacerdotea pūhtoa, judio masare buheina mehne Jesure wajā duaa, ti wajāhtore wacū macaha. Jesure wajā duapahta, masa sehene cuiha, “Suari”, nia.

3 Ñ yoa watīno Juda Iscariotere ñano to yoa dutichu Juda sehe yūhtiha tirore. Juda doce buheina mehne macariro jimaha. 4 Ñ yoa tiro sacerdotea pūhtoare, Cohamacu wūhu macaina surara pūhtoa mehne cūhure sūhūduro wahaha.



Ti cahapɛ sɛ, tinare Jesure to ñohtore sɛhɛduha tina mehne. 5 To ă nichɛ tɛho, tina wahche, “Mɛhɛre niñerure wapanahɛja”, niha tina Judare. 6 Ti ă nichɛ Juda “Jai, tirore mɛsare ñoihtja”, ni masa ti ñneraro watoi Jesure ñɛ tuhtiinare to ñohti ñamine cohtasiniha.

**Jesu buheina mehne to chɛ batoari nɛmɛ jiha**

(Mt 26.17-29; Mr 14.12-25; Jn 13.21-30; 1Co 11.23-26)

7 Bɛcaerari pão bose nɛmɛri ti ji dɛcari dacho jiha. ă jiro pascua macaina cjihtire ovejare ti chɛhtinare ti wajãhti nɛmɛ jiha. 8 Tí pjata Pedrore, João cɛhɛre Jesu ẽ sehe ni yahuha:

—Bose nɛmɛri mari chɛhtire cahnoyuna wahaga —niha Jesu tinare.

9 —¿Mari pascua macaa chɛhtire noho baroi cahnoyu dutirocaijari mɛhɛ sãre? —ni sinituha tina tirore.

10 Ti ă nichɛ Jesu ẽ sehe ni yãhtiha:

—Jerusalẽpɛ mɛsa sɛchɛ co situ wɛariro mɛsare piti bocarohca. To piti bocachɛ tiro mehne wahaga. 11 ă wahana tiro to sɛho sãari wɛhɛpɛ sɛna tí wɛhɛ pɛrore ẽ sehe ni yahuga. “¿Dí tahtiai yɛhɛ yɛ buheina mehne pascua macaa chɛare chɛnahcari?” ni sinitu dutirocahre buheriro”, niga tí wɛhɛ pɛrore. 12 Mɛsa ă nichɛ tɛhor, tópɛ mɛano macari tahtiare pjiri tahtiare, noano ti cahnoyuri tahtiapɛre mɛsare ñonohca wɛhɛ pɛro. Tói mari chɛhti cjihtire dahrega mɛsa —niha Jesu tinare.

13 To ă nichɛ tina tí macapɛ wahaha. Tópɛ ti sɛchɛ tinare to niriro seheta wahaha. ă jia tina pascua macaa chɛare dahreha.

14 Ti chɛri pja jichɛ Jesu doce to buheina mehne chɛ dujiha. 15-16 Tópɛ ti chɛropɛ dujiro Jesu tinare ẽ sehe ni yahuha:

—Mɛsare niita nija. Ahri pascua bose nɛmɛrine mari dahreja Cohamacɛ to yainare to yɛhdohtore wacɛna. Baharo Cohamacɛ masare pɛhtoro to noano sɛho jiropɛ to yainare yɛhdo tuhsɛrohca. To ă yɛhdohto pano ahri nɛmɛri baro macaare pari turi chɛeraja yɛhɛ. ă jicɛ mipɛre ñano yɛhɛ, yɛ yariahto pano ahri pascua macaa chɛare mɛsa mehne tuaro chɛ duaa tihi —niha Jesu.

17-18 ă ninota Jesu sihniri wahware na, Cohamacɛre “Noana”, ni sini, tinare ẽ sehe ni yahuha:

—Músare niita nija. Cohamacu jipihina bui pũhtoro to noano sũho jihto pano ahri vinore ne pari turi sihnisi yũhũ. ã jina ahri vinore na, mũasa basi witi, sihniga —niha Jesu.

19 ã ni tuhsũ pão curire na, Cohamacure “Noana”, niha. ã ninota, tí curire nuha, witiha tinare. Tí curire witirota, tinare õ sehe ni yahuha:

—Ahri yũ pjacu jira. Yũ pjacu yũhũre ñũ tuhtiinare ti wari pjacu jirohca. Mũasa ñaa yoari buhirire cohãcu tacu yariaihca yũhũ. ã jina yũhũre mũasa wacũhti cjihtire ahrire chũga —niha Jesu.

20 ã chũ tuhsũ tó seheta tiro tinare sihniri wahwa cũhũre waha. ã waro, tinare õ sehe ni yahuha:

—Mũasa ñaa buhirire cohãcu tacu yariaihca. ã yoacu yũ dire cohãihca. Cohamacu “Músare yũhdoihtja”, to niriro mũasuchũ ã yũ yariaro mehne to niriro sohtori tirohca.

21 Mĩpũre tũhoga mũasa. Yũhũre ñũ tuhtiinare yũhũre ñohtiro mipũre yũhũ mehne õi dujira. 22 Cohamacu to dutiriro seheta yũhũ masũno Cohamacu warocariro yariaihca. To ã yaria dutipachũta yũhũre ñũ tuhtiinare ñoriro pinihta ñabiaro yũhdũrohca —niha Jesu tinare.

23 To ã nichũ tina sehe ti basi õ sehe ni sinituha:

—¿Jesure ñũ tuhtiinare ñohtiro mari mehne macariro diro baro jicari na? —ni durucuha tina ti basi.

**“¿Mari mehne macariro diro sehe jicari na pũhtoro?”  
ni durucuha Jesu buheina ti basi**

24 Baharo Jesu buheina õ sehe ni durucuha:

—¿Mari mehne macariro diro sehe jicari na pũhtoro? —ni durucuha ti basi.

25 Ti ã ni durucuchũ tũhoro Jesu tinare õ sehe ni yahuha:

—Cohamacure cahmaeraina pũhtoa sehe ti masare dutia, purĩno mehne dutira. ã jia pũhtoare “Tina masare yoadohoina jira”, nimana paina masa tinare. 26 Mũasa sehe tó sehe yoasi mũasa basi. Mũasa mehne macariro mũasa wahmi sehere to bahũro yoaro sehe jiro cahmana. Mũasa mehne macariro pũhtoro ji duaro cahamacũno yoaro sehe jiro cahmana tirore. 27 ¿Diro jijari pũhtoro? ¿Chũ dujiriro sehe pũhtoro jijari? ¿O chũare duhu payoriro sehe pũhtoro jijari? Chũ dujirirota jica pũhtoro. To ã jipachũta yũhũ sehe cahamacũno yoaro seheta músare yoadohoi tai.

28 'Masa yũhũre ti ñano yoapachũta mũsa sehe yũhũre duhuerare. 29 Ā jicũ yũ Pũcũ yũhũre to pũhtoro sũriro seheta mũsa cũhũre pũhtoa sũihtja yũhũ. 30 Yũhũ pũhtoro yũ jichũ yũ chũri mesai mũsa cũhũ chũ, sihninahca. Ā yoana mũsa pũhtoa dujiare dujinahca. Mũsa tũi dujina Israe masare doce curuari macainare besenahca mũsa ñaina, noainare —niha Jesu to buheinare.

### **Pedro Jesure to cohãhtore yahuha Jesu**

*(Mt 26.31-35; Mr 14.27-31; Jn 13.36-38)*

31 Ā ni tuhsũ Pedrore Jesu õ sehe ni yahuha:

—Simo Pedro yũhũre tũhoga. Mũsare jipihtinare yũhũre cohãchũ yoa duara watĩno. Trigo wese pũro to trigore to wã site cohãriro seheta mũsare jipihtinare watĩno ñano yoa duara “Ñaaare yoajaro”, nino. Ā yoa duaro, Cohamacũre sinihre.

32 To ã sinichũ ñũcũ yũhũ sehe Cohamacũre sini payohi mũhũre. Yũhũre mũ wacũ tua duhuerahiti cjihtire sini payohi mũhũre. Ā jicũ mũhũ yũhũ mehne macariro pari turi jicũ mũ coyeare yũ yainare yoadohoga mũhũ —niha Jesu Pedrore.

33 To ã nichũ Pedro õ sehe ni yũhtiha:

—Pũhtoro, yũhũre ti peresu yoapachũta, yũhũre ti wajã duapachũta mũhũ mehne macariro jiihtja —nimaha Pedro.

34 Jesu õ sehe ni yũhtiha:

—Pedro mũhũre niita nija. Micha ñami caraca to duhto pano “Jesure masieraja”, niihca mũhũ painare. Tia taha ã niihca mũhũ —niha Jesu Pedrore.

### **Jesure ti ñano yoa dũcahto mahanocã dũhsaha**

35 Ā ni tuhsũ Jesu to buheinare õ sehe ni yahuha:

—¿Sohõ jiri pja mũsa niñeru wajuru marieina, pjiri wajuru marieina, dahpo suhti marieina mũsare yũ warocachũ paye baro dũhsari mũsare? —ni sinitu ñũha Jesu.

—Ne sãre yaba dũhsaerare —ni yũhtiha tina.

36 —Tĩ pjare mũsare dũhsaerapachũta mipũ sehere niñeru wajurure cjuana tíre naga. Pjiri wajurure cjuana cũhũ naga. Ā jina mũsare ñosari pjĩ mariachũ mũsa suhtire duana tí pjĩne nuchũga. 37 Ahrire mũsare nii nija. Cohamacũ yare ti joari pũi ti niriro seheta yũhũre ã waharo cahmana. Ō sehe niha tí pũi: “Tiro dutiare yũhdũrcaina mehne macariro jira’, niahca masa”, ni joaa tiha —niha Jesu.

38 —Ñuga puhtoro. Pua pjí ñosaa pjíinine cjuaja sã —niha to buheina.

—Tó puro tjica —ni yuhtiha Jesu.

### **Getsemaní wama tiropu Jesu Cohamacure siniha**

*(Mt 26.36-46; Mr 14.32-42)*

39 Ñ yoa Jesu to ã yoarucuriro seheta Olivo wama tidu tũcũpu wahaha. To ã wahachu to buheina tiro mehne wahaha.  
40 Tópu sũro tiro tinare õ sehe ni yahuha:

—Cohamacure siniga ñano m̄sa yoaerahto sehe —niha Jesu tinare.

41 Ñ ni tuhsu tiro to sahsero mahanocã waha namo, na tuhcuca caha sũ, 42 Cohamacure õ sehe ni siniha:

—Mai, yu ñano yũhdũhtire yoa duaeracu yoai tjia. Yu ã nipachũta yu cahmaa sehere yoai tjia. Mũhu sehe masina. Mũ cahmano seheta yoaga yũhũre —ni siniha Jesu Cohamacure.

43 [To ã sinichu m̄anopu duji tariro anjo Jesure bajua, yoadohoha tirore. 44 Tuhsu, Jesu ñano yajeripohna ti, tuaro mehne Cohamacure siniha. Ñ jia to so witia di yahpari yoaro sehe jia tirore wijaa, yahpau bora caha sũha.]

45 Cohamacure sini batoa wahcãrucu sũ, tiro to buheina cahapu wihiha. Ñ to wihichu to buheina tuaro cahyaina jia, carĩa niha. 46 Ñ jiro Jesu tinare õ sehe ni yahuha:

—¿Dohseana carĩna nijari m̄sa? Wahcãga. Cohamacure siniga ñano m̄sa yoaerahto sehe —niha Jesu tinare.

### **Jesure ñu tuhtiina tirore peresu yoaha**

*(Mt 26.47-56; Mr 14.43-50; Jn 18.2-11)*

47 To ã ni durucuro watoi masa payu wihiha. Juda doce buheina mehne macariro cjiro masare m̄ tã tariro jiha. Ñ jiro tiro Jesu cahi wihi, wahsupu wihmiha tirore. 48 To ã wihmichu Jesu tirore õ sehe ni sinituha:

—Judá, ¿yũhu masũnore Cohamacu warocarirore yũhũre ñu tuhtiinare ñocu yũhũre wahsupu wihmijari mũhu? —niha Jesu.

49 To ã niri baharo Jesu buheina masa Jesure ti ñahahtire masia, tirore sinituha:

—Puhtoro, ¿sã ñosaa pjíni mehne tina mehne cahmachema? —niha tina.

50 Ti ã niri baharo cãiro Jesu buheina mehne macariro sehe sacerdotea bui puhtoro cahamacunore to ñosari pjĩ mehne to cahmonore poto buhusehei jiri cahmonore cjã pahrënocaha.

51 To ã yoachũ ñũno Jesu tirore õ sehe niha:

—Ã yoai tjiga —niha.

Ni, cahamacuno cahmono jiroiro cjiroi ña payoha. To ã ña payochuta cahmono munano seheta jiha tjoa. 52 Æ yoa tuhsũ sacerdotea puhtoare, Cohamacũ wũhũ macaina surara puhtoare, bucũna cũhũre tirore ñaha tainare Jesu õ sehe ni sinituha:

—¿Dohse jiro baro mũa ñosaa pjĩni, yucũ tiri mehne yacarirore ti yoariro seheta mũa yũhũre ñahana tajari? 53 Dachoripe Cohamacũ wũhũpũ mũa mehne yũ jichũ, mũa yũhũre ne ñahaerare. Æ jipachuta mipũre mũa ya dacho yũhũre mũa ñano yoahiti dacho jira. Mipũ watĩno to ñano yoahiti dacho cũhũ jira —niha Jesu.

#### “Tirore masieraja”, niha Pedro Jesure

(Mt 26.57-58, 69-75; Mr 14.53-54, 66-72; Jn 18.12-18, 25-27)

54 Tina Jesure ñaha tuhsũ sacerdotea bui puhtoro ya wũhũpũ naaha tina tirore. Ti tórpũ naachũ Pedro yoaropũ tinare ñũ nũnũ tiha. 55 Puhtoro wũhũpũ sũ, tói wũhũ cahai jiri wapai, noari wapa dacho macai pichaca wijãha paina. Ti ã wijãchũ ñũno Pedro pichaca cahai dujiina mehne dujiha. 56 To ã dujiri baharo cãcoro cahamacono tirore noano ñũ, painare õ sehe ni yahuha:

—Ahriro cũhũ tiro mehne jihre —niha ticoro.

57 To ã nichũ tũhoro Pedro õ sehe ni yũhtiha:

—Numino, tirore ne masieraja yũhũ —nimaha tiro.

58 Ticoro to ã niri baharocãta paio Pedroro ñũ, õ sehe niha tjoa:

—Mũhũ cũhũ tina mehne macariro tjira —niha tiro.

—Ne jieraja —nimaha Pedro.

59 Cã hora baharo paio painare õ sehe ni yahuha:

—Potocã tjira. Ahriro Galilea macariro jira. Æ jiro potocãta Jesu mehne jihre ahriro cũhũ —ni yahuha tiro painare.

60 To ã nichũ Pedro õ sehe ni yũhtiha:

—Ne, mũ nirirore masieraja yũhũ —ni yũhtiha Pedro.

To ã ni durucuro watoĩ caraca duha. 61 To ã duchũta Jesu wũhũ cahai jiroiro Pedroro majare ñũrocaha. To ã yoachũ

Pedro sehe Jesu to yahurire wacūha. “Micha ñami caraca to duhto pano, ‘Yũhũ Jesure masieraja’, niihca mũhũ. Tia taha ã niihca mũhũ”, Jesu to niri cjirire wacūha Pedro. <sup>62</sup> ã wacūno Pedro tóprũ jiriwo wijaa ta, tuaro tiirucuha.

### Jesure bujũpe, cjãha tina

(Mt 26.67-68; Mr 14.65)

<sup>63</sup> ã jia Jesure cohtaina surara tirore bujũpe, cjã mũjaha. <sup>64</sup> ã cjã mũja, to caparire dũhte dũcata, tirore õ sehe ni sinituha:

—¿Diro mũhũre cjãjari? Ñũerapailta yahuga sãre —ni sinitu, bujũpeha tina.

<sup>65</sup> ã jia payũ ñano ni durucuha tina tirore.

### Jesure pũhtoa sinituha

(Mt 26.59-66; Mr 14.55-64; Jn 18.19-24)

<sup>66</sup> Bohrearoï judio masa bucũna, sacerdotea pũhtoa, judio masare buheina cũhũ cahmachuha. Ti ã cahmachunoi paina tina cahapũ Jesure na taha.

<sup>67</sup> —Yahuga sãre. ¿Cristota jijari mũhũ? —ni sinituha tina Jesure.

Ti ã nichũ Jesu õ sehe ni yũhtiha:

—Mũsare yũ yahuchũ, yũhũre tũhosi mũsa. <sup>68</sup> Mũsare yũ sinituchũ yũhũre yũhtisi mũsa. <sup>69</sup> Mũsa yũhtierapachũta baharo curero jipihtia dachoripe yũhũ masũno Cohamacũ warocariro Cohamacũ tua yũhdũariro to poto bũhũsehei dujiihtja —niha Jesu.

<sup>70</sup> To ã nichũ tina jipihtina sinituha tjoa pari turi:

—¿ã nicũ Cohamacũ macũnota jijari mũhũ? —niha tina.

—Tirota jija mũsa nino seheta —ni yũhtiha Jesu tinare.

<sup>71</sup> To ã nichũ tũhoa, tina õ sehe ni durucuha ti basi:

—Ahriro Cohamacũre pjíro to ñano durucuchũ mari basi tũhohi. ã yoa ahrirore yahusãina tópeina tjijaro. (Tópeina mehne tirore mari wajã duti masija) —niha tina ti basi.

### Pilato Jesure sinituha

(Mt 27.1-2, 11-14; Mr 15.1-5; Jn 18.28-38)

**23** <sup>1</sup> ã ni tuhsũ tina jipihtina wahcãrũca, Jesure Pilato cahapũ naaha. <sup>2</sup> To cahapũ na sua, Jesure yahusã dũcaha:

—Ahriro mari ya yahpa macainare to ñano yoa dutichu sã tũhohi. Mari bui pũtorore ahriro wapa dutierara. Tuhsu, tiro “Pũtoro jija. Cristo masare yũdohtiro jija yũhu”, ni durucure to basi —ni yahusãha tina Jesure.

**3** Ti ã ni yahusãri baharo Pilato Jesure õ sehe ni sinituha:

—¿Judio masa pũtorota jijari mũhu? —niha tiro Jesure.

—Mũ nino sehetã tiro tjija —ni yũhtiha Jesu.

**4** To ã nichu Pilato sacerdotea pũtoare, masa cũhũre õ sehe ni yahuha:

—Ahriro yaba buhiri mariahna —niha tiro.

**5** To ã nipachũta tina tuaro yahusã namoha:

—Tiro to buhea mehne masare cahmachechu yoara.

Galilea yahpai tiro tíre yoa dũcare. ã yoa dũca tuhsu jipihtiro Judea yahpau tíre tiro yoare. Mipũ õpũ cũhũre tíre yoaro taro nina —ni yahusãha tina.

### Herode Jesure sinituha

**6** Ti ã ni yahusãchu tũhoro Pilato sehe õ sehe ni sinituha:

—¿Ahriro Galilea macariro jijari? —niha tiro.

**7** —Tó macariro tjira —ni yũhtiha paina.

Ti ã ni yũhtichu tũhoro Pilato sehe Jesu to jiri yahpare masino pũtoro Herode ya yahpa macariro Jesu to jichu masiha. Tíre masino Jesure Herode cahai warocaha. Tí pjare Herode Jerusalẽi jia tiha. **8** Tó panopũ Herode Jesure tũhoa tiha. To ã tũhori baharo yoari pja baharo tirore ñũ duaha. Jesu Cohamacu tuua mehne to yoa ñochu ñũ duamaha tiro.

ã jiro tiro Jesure ñãno, wahcheha. **9** ã jiro payũ tahari sinituha Jesure. To ã sinitupachũta Jesu ne yũhtieraha tirore.

**10** Sacerdotea pũtoa, judio masare buheina cũhu Herode cahai wahcãrũca, tuaro Jesure yahusãha. **11** Ti yahusãri baharo, Herode to surara mehne bũjũpe, Jesure ñano yoaha. ã bũjũpea, noari suhtirore pũtoro to sãari suhtiro yoaro sehe bajuri suhtirore sãaha tina Jesure. ã bũjũpe tuhsu, tirore Pilato cahapũ warocaha tjoa. **12** Tí dachore Herode, Pilato mehne noano ti basi cahma yoaina ji dũcaha. Tó panore ti basi cahma ñũ tuhtiina jisnimaha.

### Masa Jesure wajã dutiha

(Mt 27.15-26; Mr 15.6-15; Jn 18.39-19.16)

13 Ñ yoa Pilato sacerdotea pũhtoare, paina pũhtoare, masa cũhũre to pjirocachũ, cahmachuha. 14 Ti cahmachu pihtichũ ñũno õ sehe niha Pilato tinare:

—Ahrirone yũhũre na tana, “Tiro masare ñano yoa dutira”, nimahre mũsa yũhũre. Mipũ mũsa ñũrocaroi ahrirone noano sinitu pahũohi tjoa. Yũ ã sinituri baharo mũsa tirore ã yahusãrucuchũ tirore ñaa buhiri ne mariahna, yũ ñũchũ.

15 Herode cũhũ tirore “Ne, ñaa buhiri mariahna”, nihre. Ñ nino ahrirone pari turi sãre wa majare tjuhre tjoa. Ñ jina ahrirone to ñaa buhiri mariachũ tirore mũsa wajã duti masierara. 16 Ñ jicũ tirore yuta dari mehne tjana dutiilhca yũhũ. Ñ ti tjanari baharo tirore wioihtja —nimaha Pilato masare.

17 [Cũhmaripe pascua bose nũmũrine masa yairo cjihtore cũiro peresupũ jirirore Pilato wiobasa mũjaa tiha.] 18 Ñ jia Pilato “Jesure wioihtja”, to nichũ tũhoa jipihtina masa õ sehe ni saũurucuha:

—Tirore Jesure wajãga. Sã yairo cjihtore Barrabá sehere sãre wiobasaga —ni saũurucuha masa.

19 Tí pjare Barrabá wama tiroiro Jerusalẽpũ pũhtoare cohã duaina mehne macariro, masũnore wajãriro peresupũ jiha. Ñ jia tirore masa wio dutia niha. 20 Pilato Jesu sehere wio duamaha. Ñ jiro tiro masare sinitu ñũha tjoa. 21 To ã wio duapachũta tina tirore õ sehe ni saũurucuha tjoa:

—Crusapũ cjã puha wajãga tirore. Wajãga tirore —ni saũurucuha tina.

22 Ti ã nichũ Pilato tia taha waharoi õ sehe nimaha tinare:

—¿Yabare ñano yoari tiro mũsa ã ni saũurucuchũ? Ne tirore ñaa buhiri mariahna. Ñ jicũ tirore wajã duti masieraja. Tirore yuta da mehne tjana dutiilhca. Tó purota yoa dutiilhca. Ñ yoacũ wioihca tirore —niha Pilato.

23 To ã nipachũta tina tuaro mehne saũurucu namo, Jesure crusapũ wajã dutiha. Ti ã ni saũurucuchũ tũhoro ti cahmariro seheta Pilato yoaha. 24 Tirore ti siniriro seheta Pilato Jesure wajã dutiha. 25 Ñ dutiro tiro peresupũ jirirore masare cahmachechũ yoarirore, masare wajãrirore masa ti siniriro seheta Pilato Barrabá sehere wioha. Tuhsũ, Pilato Jesure crusapũ wajã dutiha.





### Tina Jesure crusapũ cjã puha, wajãha

(Mt 27.32-44; Mr 15.21-32; Jn 19.17-27)

26 To ã wajã dutichũ tina Jesure wajãa wahaa, naaha. Tí pja ti ã yoaro watoi Simo wama tirore Cirene macariro campopũ sũriro wihiha. Jerusalẽpũ to wiwichũ ñha Jesure naaina tirore piti boca, ñaha, Jesu to wũari crusare tirore wã wahcã dutiha Jesu baharo.

27 ã yoa masa payũ Jesure ñũ nũnũ tiha. ã jia masa watoi jia numia tirore ti ã yoachũ ñha tuaro tiha. 28 Tí ã tiichũ tũhoro, tí numiare Jesu majare ñũ, õ sehe niha:

—Jerusalẽ macaa numia, yũhũre tiiena tũjiga. Mũsa basi, mũsa pohna mũsa ñano yũhdũhtire masina, tiibasaga. 29 Paye dachori jichũ ñabiaro yũhdũnahca mũsa. Tí pjare masa õ sehe niahca: “Pohna mariea numia, pohna tierari numia, pũera numia mipũ mari jichũ noabiaboa”, niahca masa. 30 Tí pjare tũcũre õ sehe ni durucuahca masa. “Mũhũ tũcũ sã buipũ bora

pjaga. Sãre dũcatahga”, niahca masa cuia. **31** Masa buhiri marierirore yũhũre õ sehe ti yoachũ, ñaa buhiri cjuaina sehe ñabiaro wahaahca —niha Jesu.

**32** Paina pũaro, dutiare yũhdũrucaina ti jichũ tina cũhũre Jesu mehne ti wajãhtinare naaha tina. **33** Tinare naa, “Dapu cohã”, wama tiropũ sũ, crusapũ Jesure cjã puha õha. Pũaro yũhdũrucaina cũhũre paire to poto buhũsehei, paire to cõ buhũsehei cjã puha õha. **34** [Ti ã yoachũ Jesu õ sehe niha:

—Mai, ahrina mipũ ti ñaa yoarire boga tinare. Tina ti dohse yoarire masierara. ã jicũ ti ñaa yoari buhirire boga —niha Jesu.]



ã yoa Jesu suhtire cahma witia tina docapeha. To suhti cjiire “Noa yaro jirohcarĩ õ”, ni cahma docapeha tina.

**35** Tuhsũ, masa tõi ducuina ti ñũrucuro watoi judio masa pũhtoa Jesure õ sehe ni bũjũpeha:

—Tiro paina masare yariaborinare yoadohoyumahtiro.

ã jiro tiro Cristo Cohamacũ to beseriro jiro, mipũ yariaboriro jiro, to basi yoadohojaro —ni bũjũpeha tina.

**36** Surara cũhũ tirore bũjũpeha. Jesu cahai sũa, tina tirore ñaa co vinore wamaha. **37** Tĩre waa, õ sehe niha tina:

—Mũhũ judio masa ti pũhtoro jicũ mũ basi yoadohoga.

ã jii yũhdũ witiĩhca mũhũ —ni bũjũpeha tina.

**38** ã yoa tiro bui ti cjã puha õri pjĩne õ sehe ni joaha: “Ahrĩro judio masa bui pũhtoro jiro jira”, ni joaha. (Griego

ya mehne, Roma macaina ya mehne, judio masa ya mehne ã ni joaha.)

39 Pairo tiro mehne ti cjã puha daporiro yũhdũrũcariro sehe õ sehe ni, ñano durucuha Jesure:

—¿Mũhũ Cristo masare yũhdoriro jierajari? Mũ basi, sã cũhũre yoadohoga —niha tiro Jesure.

40 To ã nichũ tũhoro pairo yũhdũrũcariro Jesu potu bũhũsehei ti cjã puha daporiro sehe tirore õ sehe niha:

—Mari cũhũre cũno potori buhiri dahrera tina. ¿Dohseacũ Cohamacũre ne ño payoerajari mũhũ? 41 Marine ñaa buhirire yoaa, quihõno yoaa nina tina. Ñaare mari yoari buhiri marine buhiri dahrera tina. Ahriro sehe ñaare yoarerare —niha tiro pairo yũhdũrũcarirore.

42 Æ nino, tiro Jesure õ sehe niha:

—Jesu, mũhũ pũhtoro jicũ, tjua tacũ, yũhũre wacũga —niha tiro Jesure.

43 To ã nichũ tũhoro, õ sehe niha Jesu:

—Mũhũre ahrire nii nija. Michare paraíso wama tiropũ mũhũ yũhũ mehne jiihca —niha Jesu tirore.

### Jesu yariaa wahaha

(Mt 27.45-56; Mr 15.33-41; Jn 19.28-30)

44 Æ yoa cohari pja jichũ sũ si duhua wahaha. Æ jiro jipihtiro tí dihtarũre tia hora waro noano nahitiano jiha. 45 Nahitiano to jiro watoi, Cohamacũ wũhũ macari suhtiro, dũcatari suhtiro dacho maca waroi bui sehe tũhnũ bora ta, pũa cahsaro tũhnũroca yoja sũa wahaha. 46 Æ jiro Jesu õ sehe ni tuaro sañurucuha:

—Mai, yũ catiare mũhũre wiaja mũ ñũ wihbohto cjihtore —ni sañurucuha Jesu.

Æ ni tuhsũ yariaa wahaha.

47 To ã yariachũ ñũno, surara pũhtoro sehe “Cohamacũ tuariro jira”, nino: “Ahriro Jesu cjiro potocãta noariro jiri jimana”, niha surara pũhtoro.

48 Æ jia ti wajãchũ ñũa tarina Jesu to yariachũ ñũa, ti wũhũsepũ tjuaa wahaha. Tjuaa waha, ti ñaa yoarire cahyaa mehne ti pẽbuhui cjã õ wahcãha. 49 Jipihtina Jesu yaina tiro mehne macaina, Galileapũ tiro mehne tari numia cũhũ Jesure yoaropũ ñũrocarucua niha.

### Jesu pjacure masa copapɛ na sãa duhu payoha

(Mt 27.57-61; Mr 15.42-47; Jn 19.38-42)

50-51 Tí pjare José wama tiroto tói jiha. Judea yahpai jiri maca Arimatea wama tiri maca macariro jiha. Tiro noariro, quihõno yoariro jiro, Cohamacɛ to pũhtoro ji dũcahtore cohtariro jiha. 52 Ɔ jiro tiro judio masa pũhtoa mehne macariro jiparota Jesure ti wajã dutichɛ cahmaeramaha tiro. 53 Ɔ jiro Pilato cahapɛ sɛ, Jesu pjacure siniha. 54 Sini tuhsɛ, Jesu pjacure na boro, noari suhtiro mehne to pjacure wahmaha. Ɔ wahma tuhsɛ, masa copapɛ tãcai ti sahari copapɛ na sãa duhu payoha to pjacure. Tí copare ne paina yariainare duhu payoerasiniha mini. 55 Tí dacho Sabado dacho macaa cjihtire ti cahnoyuri dacho jiha. Sabado judio masa ti sori nɛmɛ cjihto mahanocã dũhsaha.

55 Ɔ jia Galileapɛ Jesu mehne tari numia masa copapɛ José mehne wahaha. Masa copapɛ sɛ, tí copare ñɛ, Jesu pjacure ti duhu payorire ñɛha. 56 Baharo ti wũhusepɛ tjuua waha, me sitia mehne wisõa co mehne cahnoha tina. Tuhsɛ, Sabado jichɛ Cohamacɛ to dutiare Moise cjirore to cũri to dutiro seheta tina soha.

### Jesu masa wijaaha

(Mt 28.1-10; Mr 16.1-8; Jn 20.1-10)

**24** 1 Domingo jichɛ bohrearopɛ tí numia ti me sitia ti cahnoyumarire Jesu masa copapɛ na wahcãmaha. 2 Tí copapɛ sɛ, tí copare bihari tãca pjõo ti duhu cũri tãcare ñɛha. 3 Ɔ ñɛha tina tí copapɛ sãa wahaha. Jesu pjacure bocaeraha tina. 4 To pjacure bocaeraa, “¿Dohse wahapjɛ?” ni tũhotuha tina. Ti ã ni tũhotu durucu coãno watoi pũaro mɛa si sitea suhti tiina tina cahai ducuha. 5 Tói ti ducuchɛ ñɛ, numia cuia na tuhcuca caha sũha. Tuhsɛ, mɛa sehe tí numiare õ sehe ni yahuha:

—¿Dohseana yariariro to jirore cjirore tirore macajari mɛsa? Mipɛre tiro catiriro jira. 6 Tiro õre mariaha. Masa wijaa tuhsũhre. ¿Sohõ jiri pjare Galileapɛ mɛsa mehne jiro mɛsare to niri cjirore wacũjari mɛsa? 7 “Yũhure Cohamacɛ warocarirore paio warohca ñainare. To ã wari baharo yũhure crusapɛ cjã puha wajãahca tina. Ɔ jicɛ yɛ yariari baharo tia dacho

wahaboroi masa wijaaihca yũhũ”, ¿mũsare to nirire wacũjari mũsa? —niha mũa sehe.

8 Ti ã nichũ tũhoa, numia sehe Jesu to nirire wacũha. 9 Ti ã niri baharo tina tjuaa waha, once buheinare paina cũhũre tíre yahu pahũoha. 10 Tí numia sehe María Magdalena, Juana, María Santiago pocoro jiha. Tí numia mehne paye numia cũhũ jiha Jesu buheinare yahua numia. 11 Ti ã ni yahupachũta Jesu buheina sehe “Potocã nia nieraca. Mahũnopea nica ahri numia”, ni tũhotumaha. ã jia tí numiare tũho duaeraha.

12 Ti ã nichũ tũhororo, Pedro sehe masa copapũ mũroca wahcã, ñũno wahaha. Tí copapũ sũ, tiro muhri caha, ñũroca sũha. Jesure ti wahmari suhtiro dihtare ñũha. “¿Dohse wahari na?” ni tũhotu, tiro wũhũpũ tjuaa wahaha.

### **Emau wama tiri macapũ wahari mahapũ Jesu bajuaha**

*(Mr 16.12-13)*

13 Tí dachoihta pũaro Jesu buheina mehne macaina Emau wama tiri macapũ wahaa niha. Jerusalẽ once kilómetro yoaro jira Emaupũ sũhto. 14 Emaupũ wahaa, jipihtia Jerusalẽi tí pjare to ã waharire Jesure ti ñano yoarire durucu wahcãa niha. 15 Ti ã ni durucuro watoi Jesu sehe ti cahapũ sũ, tina mehne wahaha. 16 Tirore ñũpahta tina tirore “Jesu jira”, ni ñũ masieraha.

17 —¿Dohse ni cahya durucu wahcãna nijari mũsa? —ni sinituha Jesu.

18 To ã nichũ tũhoa tina cahyaro mehne sũrũca, Cleofa wama tiroiro sehe Jesure õ sehe ni yũhtiha:

—¿Mipũre Jerusalẽi tiniriro jipaihta mũhũ dihta ti yoari cjirire masierajari? —ni sinituha tiro.

19 —¿Dohse wahari Jerusalẽi? —niha Jesu.

To ã nichũ tina õ sehe ni yũhtiha:

—Jesure Nazare macarirore ti yoarire nina nija. Tiro Cohamacũ yare yahu mũhtariro jimahre. ã jia to durucurire tũhoa to yoari cũhũre ñũa, “Tuariro jira”, ni tũhotuhre masa. Cohamacũ cũhũ ãta ni tũhotuca. 20 Mari sacerdotea pũhto, paina pũhto mehne tirore wajã dutia, painare wahre. Ti ã wachũ paina sehe tirore crusapũ cjã puha wajãhre. 21 “Roma macainare cohãhtiro Israe masa pũhtoro cjihto jira”, ni tũhotumahi sã tirore. Micha mehne tia dacho wahara tiro to yariari baharo. 22-23 Mahainacã numia sã mehne macaa

numia sãre sũachũ yoahre. Bohreapopũ Jesu to masa copapũ tí numia sũ, to pjacũre bocaerayuhti. To pjacũre bocaeraa, tina tju wihi yahuhre. “Sãre anjoa bajuahre. Jesu catiyuhti”, ni yahuhre numia sehe. **24** Ti ã nichũ paina sã mehne macaina tí copapũ sũ, numia ti niriro seheta ñũyuhti. Tina cũhũ Jesure ñũerayuhti —niha tina Jesure.

**25** Ti ã niri baharo Jesu õ sehe ni yahuha tinare:

—Mũsa ne tũho masiera cureina jira. ¿Cohamacũ yare yahu mũhtaina cjiri ti nirire noano tũhoerari mũsa?

**26** Cristore to pũhoro jihto pano mũanopũ to mũjahto pano tirore ñano yũhdũro cahmare. ¿Tĩre masierasinihari mũsa? —niha Jesu tinare.

**27** Æ nino Cohamacũ Cristore to ni yahu ti joari cjirire Jesu yahu pahñonocaha tinare. Moise cjiro to joari cjirire Jesu yahu dũcaha. Tuhsũ, jipihtina Cohamacũ yare yahu mũhtaina cjiri Cristore ti joari cũhũre yahu pahñonocaha tiro.

**28** Tina ti wahari macapũ ti sũa cahachũ, Jesu sehe tinare yũhdũ wahcãno sehe yoaro nimaha. **29** To ã yoapachũta tina tirore waha dutieraha:

—Sã mehne tjuaga. Ñamichahapũ jira. Nahinopũ nina —niha tina tirore.

Æ jiro Jesu tina mehne wũhũpũ sãa wahaha. **30** Wũhũpũ sãa sũ, tiro tina mehne ti chũri mesapũ nuju sũ, pãore na, Cohamacũre “Noana”, niha. Æ nino tí pãore nuha na, tinare waha. **31** To ã yoachũ ñũa tina Jesure ñũ masiha. Ti ñũ masi mũari baharo tiro buti mũa wahaha. **32** To ã buti mũa wahachũ ñũa tina ti basi õ sehe ni durucuha:

—Mahai tiro marine to durucuro watoĩ Cohamacũ to joari cjirire to yahuro watoĩ tuaro mari wacũ tũhotua mehne noano wahchea mehne tũhotuhi mari —niha tina ti basi.

**33** Æ ni tuhsũ tina dóicãta Jerusalẽpũ majare tjuaa wahaha tjoa. Tópũ sũa, once buheinare paina mehne cahmachuinare boca. **34** Æ ti sũchũ, once buheina õ sehe niha:

—Potocãta mari pũhoro masa wijaayuhti. Simo Pedro tirore ñũyuhti —niha once buheina.

**35** Ti ã nichũ pũaro Emau macaina mahai Jesure ti ñũrĩre yahuha:

—Jesu to pãore to nuhachũ sã ñũ masihi tirore —ni yahu pahñoha tina painare.



### Jesu to buheinare bajuaha

(Mt 28.16-20; Mr 16.14-18; Jn 20.19-23)

36 Ti ã ni yahuro watoi ti cahai ji tuhsuha Jesu sehe.

—¿Jimajari mûsa? Noano jiga mûsa —niha tiro tinare.

37 To ã nichu tuhoa tina “Mari yariariro cjirore ñuna nija”, ni tûhotua, tuaro cuiha. 38 Ti ã cuichu ñuno tiro tinare õ sehe ni yahuha:

—¿Dohseana cuijari mûsa? ¿Dohseana “Ahri potocã jierara”, nijari mûsa? 39 Yu wamomacarine, yu dahpori cûhure ñuga. Mûsa yûhure ñuna, ñu masinahca. Yûhure ñaha ñuga. Ñaha ñuna, masinahca mûsa. Yariariro cjiropu pjacu mariahna. Yûhu sehe pjacu tija —niha Jesu.

40 ã nino to wamomacari cûhure, to dahpori cûhure ñoha tinare. 41 To ã ñopachuta tina tuaro wahche, cûaa waha, “Ahri potocã jieraca”, ni tûhotusinimaha. Ti ã tûhotuchu masino Jesu tinare sinitu ñuha:

—¿Õi chûa jijari? —niha tiro.

42 To ã nichu tũhoa wahi doharirore mi cũhũre waha tirore. 43 Tĩre na, ti ñũrocaroi Jesu chuha. 44 Chu tuhsu, Jesu yahuha tinare:

—Sohõ jiri pja mũsa mehne jicu mũsare yu yahuriro seheta mipu yũhu ã wahahi. Cohamacu dutia Moise cjiro marine to cĩri cjiro to ã ni joariro seheta yũhũre ã wahahre. Cohamacu yare yahu mũhtaina cjiro, Salmo joari tjure joaina cũhu panopu yũhũre ti ni yahuriro seheta mipure yũhũre ã wahahre. Åta waharo cahmahre —niha Jesu.

45 ã ni tuhsu Cohamacu yare ti yahu joari cjirore to buheinare masichu yoaha Jesu:

46 —Cohamacu yare ti joari cjiro õ sehe niha: “Cristore ñano yũhdũro cahmana. Å jiro tia dacho wahaboroi to yariari baharo tiro masa wijaarohca. 47 To masa wijaari baharo jipihtia yahparipu to yaina Cristo yare yahuahca. Masa ti ñaa yoarire ti cahyahti cjihtire, “Ñano yoaeraja” ni, ti tũhotumarire ti cohtotahti cjihtire, Cohamacure ti cahmahti cjihtire, ti ñaa buhiri tiare to cohãhti cjihtire yahuahca to yaina. Å yahua taa, Jerusalẽpu yahu dũcaahca”, niha Cohamacu yare ti joari pũi —niha Jesu.

48 ã ni tuhsu õ sehe ni yahu namoha:

—Mũsa sehe ahri jipihtiare ñũrina jira. ã jina painare yahunahca. 49 Cohamacu “Tirore mũsare warocaihtja”, to nirirore yũhu sehe mũsare warocaihtja. Å jina Jerusalẽpu ahri mũano macaa tuua mũsare to wihiltore cohtaga mũsa —niha Jesu to buheinare.

### **Jesu mũanopu mũjaa wahaha**

*(Mr 16.19-20)*

50 ã ni tuhsu Jesu tinare Jerusalẽi jĩnare Betania cahapu naaha. Tõpu su, Jesu to wamomacari mehne ñui mũo, “Noano jiga”, niha tinare. 51 ã ni tuhsu, tinare cũ, mũanopu mũjaa wahaha. 52 To mũjari baharo tina tirore ño payo, Jerusalẽpu tuaro wahchea mehne tjuaa wahaha. 53 Tõi jia, dachoripe tina Cohamacu wũhũ Cohamacu mehne durucu, “Noana”, ni ño payoha tina tirore.



# San Juan

## Cohamacu ya duserore yahuriro masunota ji ducaha

**1** <sup>1</sup> Dóiputa ahri yahpa to jihto panoputa Cohamacu ya duserore yahuriro Cristo masare yuhdũchũ yoahtiro dóihta ji tuhsua tiha. Tiro Cohamacu mehne jiha. ã yoa tirota Cohamacuta jinocahno niha. <sup>2</sup> Dóiputa wahmanoputa Cristo Cohamacu mehne jiha. <sup>3</sup> ã yoa wahmanopure ne mariahri cjrيره bajuamehneha. Ahri yahpare, mũanore, jipihtiare, jipihtina cũhũre bajuamehne dutiha Cohamacu tirore. ã jiro ahrire bajuamehne pahũoha tiro. Ahrire mipũre mari ñũare, mari ñũera cũhũre to bajuamehnerachũ ne mariaboa. <sup>4</sup> Cristo catiare wariro jiro nina. Buhriaro marine to noano ñũ masichũ yoaro sehetã tiro to Pũcũro mũano macarimore noano masichũ yoara. ã yoaro to Pũcũro mũano macarimore masichũ yoara masare. <sup>5</sup> Ahri yahpa macaina ñaare ti wacũ ti goa pjaa nahitiano yoaro sehe jia nina. Cohamacu ya duserore yahuriro buhriaro noano marine to ñũ masichũ yoaro sehetã masare masichũ yoara. ã yoa nahitiano buhriarore to yuhdũrũcaeraro sehetã Cristore ñaa ne yuhdũrũcaerara.

<sup>6-7</sup> Cohamacu João wama tiriro sehere warocaha, Cristore buhriaro yoaro sehe jirirore masare yahu mũhta dutiro. To ã warocachũ João sehe masare yahuro tare to yahuriore Cristore jipihtina ti wacũ tuahti cjihtire. <sup>8</sup> João sehe Cristo jierare. ã jieraro tiro Cristo sehere masare yahu mũhtano tare. <sup>9</sup> Cristo buhriaro yoaro sehe jiriro jipihtina masare Cohamacure masichũ yoahtiro sehe ahri yahpapũ tari jire. Potocã tjira ahri. Tiro buhriaro yoaro sehe jiriro waro tjira.

<sup>10</sup> Cristo ahri yahpai jia timare. Ahri yahpare bajuamehneriro jiri jimare. To ã jipachũta ahri yahpa macaina sehe tirore ne masierare. <sup>11</sup> To ya yahpai tiro masa bajuari jimare. To ya yahpai masa bajuariro to jipachũta to ya yahpa macaina sehe ne tirore cahmaerare. <sup>12</sup> Ti ã cahmaerapachũta, tirore cahmaina sehere, tirore wacũ tuaina sehere Cohamacu to pohna jichũ yoari jire. <sup>13</sup> Tina Cohamacu pohnata jia nina. ã jia masa ti masa bajuariro sehetã jierara, Cohamacu pohna ti wahachũ.

Tuhsu, masa ti cahmariro seheta jierara, Cohamacu pohna ti wahachu.

14 Ñ jiro Cristo masuno to ji ducari baharo mari mehneta jire tiro. To ñ jichu ñuna masare cahiro, potocã jiare yahuriro to jichu sã masii. Tiro dihta Cohamacu macuno jiro tuariro noariro jire. To ñ jiriro jichu sã masii. 15 João Cristore yahu muhtano ò sehe ni sañurucure masare yahuro:

—Siro tara yu ò sehe ni yahuriro: “Tiro yu baharo tariro jira. Ñ jiparota tiro yu yuhdoro tuariro jira. Tiro yu masa bajahto panoputa ji tuhsuha. Ñ jiro tiro yu yuhdoro tuariro jira”, masare yu ni yahuriro ahriro tjira —nire João Cristore masare yahuro.

16 Tiro Cristo sehe noariro tuaro masare cahiro jiro marine jiphtinare noano yoarucure. 17 Cohamacu dutiare Moise cjiro sehe cūbasa muhtaa tiha marine. Jesucristo sehe Cohamacu masare to cahiare buhero tare. Cohamacu to potocã durucua cūhure buhero tare tiro. 18 Masa ne Cohamacure ñnerara. Tirore mari ñnerapachuta to macuno to tuaro cahiro cūirota jiriro sehe to Pucurore marine masichu yoare.

### **Paina João masare bautisarirore sinituha**

*(Mt 3.11-12; Mr 1.7-8; Lc 3.15-17)*

19 Sã coyea judio masa puhto Jerusalēi jinare sacerdotiare, Cohamacu wuhui dahraina cūhure João caharu warocari jire. “¿Diro baro jijari muhu?” ni sinitu dutia warocari jire tinare. Ti ñ ni sinituchu ò sehe ni yahure João sehe. 20 Ne yaro marieno yahure. Potota yahure:

—Yuhu Cristo Cohamacu masare yuhduchu yoa dutiro to warocariro jieraja —nire tiro.

21 To ñ nichu tina sehe tirore pari turi siniture tjao:

—¿Muhu Cristo jieracu, Elia sehe jijari muhu? —nire tina.

—Jieraja yuhu —nire tiro.

—¿Sã cohtariro Cohamacu yare yahu muhtariro sehe jijari muhu? —nire tina.

—Tiro jieraja yuhu —nire João sehe.

22 To ñ nichu tina tirore pari turi ò sehe ni siniture tjao:

—Sãre sinitu dutiare sã noano yahuhto sehe poto sãre yahu bahrañoga. ¿Diro baro sehe jijari muhu? ¿Mu basi muhu sehe dohse jiriro baro “Jija yuhu”, nijari muhu? —nire tina João.

23 Ti ã nichu õ sehe ni yũhtire tiro:

—Masa marienopu õ sehe ni sañurucuriro jija yũhu Cohamacu yare yahu mũhtariro Isaia cjiro to ni yahuriro seheta: “Mari pũhtoro to tahto pano masa ñaa tũhotuare cohtota, cahno mũhtaga masa”, ni masare yahu sañurucuriro jija yũhu —nire João tinare.

24 Joãore sinituina fariseo curua macaina ti warocarina jire. 25 ã jia tina Joãore õ sehe ni siniture tjoa:

—¿Mũhu Cristo, Elia, Cohamacu yare yahu mũhtariro sã cohtariro jierapacũta dohseacu masare bautisajari mũhu? —nire tina.

26 Ti ã nichu tũhoro õ sehe ni yũhtire tiro:

—Yũhu co mehne masare bautisaja. Pairo sehe masa masierariro masa watoi ji tuhsũra. 27 Tiro sehe yũ baharo tariro yũ yũhgoro tuariro jira. Noa yũhduariro jira. Tiro yoaro sehe jieraja yũhu sehe. ã jicu tirore tũhotucu, “Wiho jiriro jija yũhu”, ni tũhotuja yũhu —nire João tinare.

28 ã ni durucure tina, Betaniapu Jordão wama tiri ma pa bũhũsehe coapu, João masare to bautisariropu.

### Jesu Cohamacu to warocariro to oveja yoaro sehe jiriro jira

29 Pa dachoi Jesu João cahai cahacã curero to tachũ João tirore ñũno õ sehe nire:

—Ñũga. Ahriro Cohamacu to warocariro to oveja yoaro sehe jiriro jira. Ovejare mari wajãriro seheta masa ahriro cũhũre wajãahca. ã yariaro ahri yahpa macainare ti buhiri tiare cohãnohca tiro. 30 Ahrirota jira yũ õ sehe niriro: “Yũ baharo tariro yũ yũhgoro tuariro jira. Yũ masa bajuahito pano tiro ji tuhsũha. ã jiro tiro yũ yũhgoro tuara”, yũ niriro ahrirota jira. 31 Yũhu sehe ahrirore noano waro masiera tih. ã masierapaihta co mehne bautisai tai nii yũ coyea Israe masa ahrirore ti masihtõ sehe —nire João.

32 ã ni tuhsũ João to ñũri cjirire õ sehe ni yahu namore tjoa:

—Espĩritu Santo mũanopu buja yoaro sehe duji ta, Cristo mehne to tjuachu ñũhi. 33 Cohamacu yũhũre to yahuerachu tirore ne masieraboa yũhu. Wiho mejeta tiro yũhũre masare co mehne diapũ bautisa duti warocariro Cohamacu sehe õ sehe ni yahu mũhta tuhsũre yũhũre: “Espĩritu Santo duji ta to bui to tjuaracu sũriro tirota jirohca. Tiro sehe Espĩritu Santore to

yaina mehne ã jirucuchũ yoarohca”, nire Cohamacũ yũhũre.  
 34 Mipũ pinihtare to ã ni yahurirore ñũ tuhsũhi yũhũ. Æ ñũcũ  
 “Ahriro potocãta Cohamacũ macũno jira”, ni yahuja yũhũ  
 musare —ni yahure João sãre.

### Jesu buheina to pji mũhtaina jira

35-36 Pa dachoi João mehne sã pũaro to buheina sã  
 ducuchũ, Jesu sã cahai yũhdũ wahcãno nire. To ã yũhdũ  
 wahcãchũ João tirore ñũno, pari turi õ sehe nire sãre:

—Ñũga. Ahriro Cohamacũ to oveja yoaro sehe jirore jira  
 —nire João.

37 To ã nichũ sã pũaro to buheina sehe tíre tũhona Jesu  
 baharo wahahi. 38 Sã ã wahachũ ñũno Jesu sãre majare ñũ,  
 õsehe ni siniture:

—¿Nohopũ wahajari mũsa? —nire tiro.

To ã nichũ sã cũhũ õ sehe ni sinitu ñũi tirore:

—Rabi, ¿nohopũ jijari mũhũ? —nihi sã tirore. (Rabi sã ya  
 mehne nina “buheriro”, nina nija.)

39 —Yũhũ mehne tatjiãhna ñũna taga —nire Jesu sãre.

To ã nichũ sã sehe to jirore ñũna wahai. Tí pjare  
 ñamichahapũ cuatro hora jire. Æ jina tí dachore tiro mehne  
 tjuai sã.

40 Sã pũaro Joãore tũhoina, Jesure nũnũ ti wahcãina yũ  
 piti Andre mehne jii. Andre sehe Simo bahũro jire. 41 Æ jiro  
 tiro dõihita to wahminore Simore maca, boca, tirore õ sehe ni  
 yahuha:

—Mesiare Cohamacũ marine yũhdũchũ yoa dutiro to  
 warocarirore sã bocahi —niha Andre Simore. (Mesia sã ya  
 mehne nina “Cristo”, nina nija.)

42 Æ ni tuhsũ tiro Simore Jesu cahai naahre. To cahai ti  
 sũchũ ñũno Jesu sehe Simore õ sehe nire:

—Mũhũ Simo wama tirore, Jona macũno jira. Mipũre  
 mũhũre Cefa ni wama pisuihtja —nire Jesu Simore. (Cefa sã  
 judio masa ya mehne nina “Pedro”, nina nija.)

### Felipere, Natanae cũhũre pjiha Jesu

43 Pa dachoi Jesu Galilea yahpapũ waha duare. Æ jiro to  
 wahahto pano tiro Felipere piti boca, õ sehe nire:

—Yũhũ mehne macariro cjihto taga —nire Jesu.

44 Felipe sehe Betsaida macariro jire. Tiro, Andre, Pedro mehne cū maca macaina jire tina. 45 ã yoa Felipe Natanaene maca, tirore bocaro ò sehe ni yahure:

—Cohamacu dutiare Moise cjiro to joari pūpu to yahurirore paina Cohamacu yare yahu mūhtaina cjiri cūhu ti yahurirore sã bocahi. Jesu Nazare macariro, José macuno tjira —nire tiro Natanaene.

46 —Nazarepūre ne cūiro noariro mariahna —nire Natanae.  
—Ñui taga mūhu —nire Felipe.

47 ã yoa Jesu cahai to sūchu ñuno Jesu sehe ò sehe nire Natanaene:

—Ahriri mipu tariro potocāta noariro judio masuno waro jira. Tirore mahñoa ne mariahna —nire Jesu Natanae sehere.

48 To ã nichu tūhoro Natanae sehe tirore ò sehe ni siniture:  
—¿Dohseacu yūhure noano masijari mūhu? —nire.

—Felipe mūhure to pjihto pano, higeracu docai mū jichu ñuhi yūhu mūhure —nire Jesu.

49 To ã nichu Natanae sehe tirore ò sehe nire tjoa:

—Buheriro, potocāta mūhu Cohamacu macuno jira. Mūhu Israe masa sã Pūhtoro cjihto jira —nire Natanae.

50 To ã nichu tūhoro ò sehe ni yūhtire Jesu:

—Higeracu docai mūhure yu ñurire masicu yūhure “Cohamacu macuno jira”, ni wacū tuara mūhu. ¿Tita mūhure ã masichu yojari? Ahri mūhure yu ñuri yūhoro Cohamacu tuaa mehne yoa ñoihca yūhu. Yu ã yoa ñochu ñuihca mūhu —nire Jesu Natanaene.

51 ã ninota ò sehe ni yahu namore:

—Potocāta mūhure niita nija. Yūhu masuno Cohamacu warocariro tjija. Muanopu parī mūachu Cohamacu to yaina anjoa yu bui ti duji tachu, ti mūjachu cūhure ñuihca mūhu —nire Jesu tirore.

### Caná wama tiri macapu ti wamomaca dūhteropu Jesu wahaha

**2** <sup>1</sup> Tia dacho baharo Canái Galilea yahpai jiri macai wamomaca dūhteri bose numu jire. ã jiro Jesu pocoro tí wūhuru jire. <sup>2</sup> Jesu mehne sãre to buheina cūhure wamomaca dūhteropu pjirocare tina. <sup>3</sup> Ti bose numu macaa vino pihtichu Jesu pocoro tirore ò sehe ni yahure:

—Mipure vino pihtia wahare —nire ticoro Jesure.

4 To ã nichu tūhoro Jesu ò sehe nire:



—Îñõ, ¿dohseaco taco tíre yũhũre yahujari mũhũ? Masa yũhũre ti masihtõ dũhsasinina mini —nire Jesu to pocorore.

<sup>5</sup> To ã niri baharo to pocoro sehe ti cahamacare õ sehe ni dutire:

—Yũ macũ to dutiriro seheta yoaga —nire ticoro.

<sup>6</sup> Tí pjarũre sã coyea judio masa Cohamacũ yare yoaa taa masare ti pjacũrire ã cosarucunoca dutia tire. Æ yoa tí wũhũ seis situ pari tãa mehne ti yoaa situ pari co posa tia situ pari jire. Tí situ pari Cohamacũ yare yoaa taa ti cosaa co posa tia pari cjiri jire. Tí situ parire cincuenta a setenta litro posa mũ sũre. <sup>7</sup> Tõi ti jichũ ñũno tí wũhũ macaina cahamacare õ sehe ni dutire Jesu:

—Ahri situ parire co mehne pio sãa namoga wahpaa pari ti wahahto sehe —nire Jesu.

To ã nichũ tina sehe noano wahpo dapo pahñonocare ti parire.

<sup>8</sup> Ti ã yoari baharo Jesu tinare õ sehe ni dutire tjoa:

—Mipure tí core wa na, wuhũ macarirore waga —nire.

To ã nichũ tuhoa tí core wa na, wuhũ macarirore ware.

9 Ti ã wachũ tiro sehe tí core vino to wahachũ yoaa core sihni ñure. Tí core nohoi to tarirore masierare tiro. To ã masierapachũta to cahamaca tí core waina sehe masire. Wuhũ macariro ã masieraro wamomaca dũhterirore pjiroca, 10 ò sehe ni yahure:

—Paina masa noaa core vinore wa muhtana. Masa ti noano sihñiri baharo ña curea core wara tina. Mũhũ sehe noaa core wihbo, baharo curero tí core ware sãre —nire wuhũ macariro wamomaca dũhterirore.

11 Canái Galileai jiri macai Jesu core vino to wahachũ yoari cjiri coã to bajuamehne dũcari jire. Æ yoaro painare to tuaare ñore Jesu. To ã ñori baharo sã to buheina tirore wacũ tuai.

12 Baharo Jesu to pocore, to bahanare, sãre to buheina cũhũre Capernaupũ suho sure. Tópũ suna, mahaa dachoricã tjuasinii sã.

### **Jesu Cohamacũ wuhũpũre suha**

*(Mt 21.12-13; Mr 11.15-18; Lc 19.45-46)*

13 Pascua jichũ judio masa sã bose nũmũri cjihti mahanocã dũhsatjiãhre. Æ jiro Jesu Jerusalẽpũ sure. 14 Tópũ sũro tiro Cohamacũ wuhũpũ sãa sũro, wachũare, ovejare, bujaare duainare boca sure. Tuhsũ, niñerure cohtotaina ti mesaripũ ti dujichũ tina cũhũre boca sure. 15 Æ boca sũro yuta dari mehne tjanari da yoa, tinare jipihtinare sopacarpũ tjana nũnũ wionocare. Oveja, wachũa cũhũre tjana nũnũ wionocare tiro. Æ yoa niñeru cohtotaina ti mesarire na majareroca doca cũnocare. Ti niñeru tũri cũhũre doca sitenocare. 16 Æ yoa tuhsũ bujaare duainare ò sehe nire:

—Musa bujaare na wijaahga. Yũ Pũcũ ya wuhũre pache duari wuhũ yoarena tjiga —nire Jesu tinare.

17 To ã yoachũ ñũna sã to buheina sehe Cohamacũ yare ti joari pũi to niri cjirire wacũi: “ ‘Cohamacũ, mũ wuhũre tuaro cahĩja. Æ cahĩcũ mũ wuhũre ñano ti yoachũ ñũcũ tuaro cahyaja yũhũ’, ni joaa tiha Cohamacũ yare ti joari pũi”, ni wacũi sã Jesu buheina.

18 Jesu to ã yoari baharo sã coyera judio masa pũhũa tirore ò sehe ni siniture:

—¿Dohseacu m̄h̄u ahrinare Cohamacu w̄h̄ur̄e jinare cohã wiori? Cohamacu m̄h̄ure tíre yoa dutiuro to jichu Cohamacu tuaa mehne yoa ñoga m̄h̄u sã ñ̄hti cjihtire —nire tina Jesure.

19 Tí ã nichu Jesu õ sehe ni yãhtire:

—Ahri w̄h̄ure masa cohãchu tia dacho wahaboroi tuhsũhtja ȳh̄u —nire Jesu tinare.

20 —Tia dacho mehne ahri w̄h̄ure tuhsusi m̄h̄u. Cuarenta y seis c̄hm̄ari waro ti yoari w̄h̄u jira ahri w̄h̄u —nire tina Jesure.

21 To ã nichu tina tirore noano t̄hoerare. Jesu “Ahri w̄h̄ure” nino, to pjac̄ure nino niri jimare.

22 Æ yoa to yariari baharo, to masa wijaari baharo sã to buheina sehe to niri c̄jirire wac̄una, Cohamacu yare ti joari p̄ire Jesu to yahuri c̄h̄ure “Tí potocã tjira”, ni wac̄u sã.

### Jipihtina ti wac̄ure Jesu masina

23 Pascua bose n̄m̄uri jichu Jesu Jerusal̄ep̄u jire. Tóti to jichu masa payu Cohamacu tuaa mehne to yoa ñochu ñ̄u tirore wac̄u tuare. 24 Tí ã wac̄u tuapach̄ta Jesu masa ti wac̄ure noano masino, “Ȳh̄ure ã wac̄u tuarucuahca”, ni t̄hotueraha. 25 Tiro masa ti t̄hotuare noano masire. Æ masino masa ti t̄hotuare painare ne sinitu ñ̄erare.

### Jesu Nicodemore yahuha

**3** 1 Tí macai Nicodemo wama tiro, judio masa p̄h̄toa mehne macariro jire. Tiro fariseo curua macariro jire.

2 Cũ ñami tiro Jesu cahai ta, tiro mehne õ sehe ni s̄h̄uduri jire:


—Buheriro, m̄h̄u Cohamacu to buhe dutiro to warocariro m̄u jichu sã masija. M̄h̄u payu tahari Cohamacu tuaa mehne yoa ñona. Cohamacu m̄h̄ure to yoadohoerach̄u, m̄h̄u sehe to tuaa mehne ne ã yoa ñoaeraboa —niri jire Nicodemo Jesure.

3 To ã nichu t̄horo Jesu sehe õ sehe ni yahuri jire:

—Potocã m̄h̄ure niita nija. Pari turi masa bajaruro yoaro sehe waharuro dihta mari p̄htoro Cohamacu mehne ji masina —niha Jesu.

4 —Cuenah. ¿Buc̄uro sehe dohse yoa pari turi masa bajarobocari tiro? To pocoro niji suhtirop̄u majare sã, pari turi baja masieraboca tiro —niri jire Nicodemo.





To ã nichu tãhoro Jesu õ sehe ni yãhtiri jire tjoa:

5 —Potocã niita nija mũhũre. Co mehne, Espĩritu Santo to tuaa mehne pari turi masa bajuariro dihta mari pũhtoro Cohamacũ mehne ji masina. 6 Numia nijipocosanumia jia, macanacãre masa bajuachu yoara. Espĩritu Santo sehe masare Cohamacũ pohna jichũ yoara. 7 “Pari turi masa bajuariro yoaro sehe wahariro dihta mari pũhtoro Cohamacũ mehne ji masina”, yũ nichũ, tũho wisiecu tjiga. 8 Espĩritu Santo masare Cohamacũ pohna to yoachu wihnono yoaro sehe jira. Wihnono to tariropũ tara. To taro coa tachũ mari tũhoja. Æ tũhopenahta to tarirore, to waharirore ne masieraja. Tó seheta yoara Espĩritu Santo masare Cohamacũ pohna jichũ yoaro —niri jire Jesu Nicodemore.

9 —Mũ niare noano masieraja —niri jire Nicodemo.

10 To ã nichu tuhoro õ sehe niri jire Jesu:

—Muhu judio masare buheriro jipaihta, ¿dohseacu yu niare tuhoerajari? 11 Potocã mûhure niita nija. Sã masirire, sã ñûrîre sã yahuja. Sã ã yahupachuta ne mûsa sã coyeya judio masa ne tuho duaerare. 12 Ahri yahpa macaa mehne masa ti masa bajuari mehne mûhure piti dahre yu buhe mûhtarire “Potocã tjira”, nierara mûsa. ã nierana piti dahre buhero marieno Cohamacu yare yu yahuchu cûhure “Potocã tjira”, nisi mûsa.

13 'Ne cûiro mûanorû Cohamacu caharû wahariro ne pari turi tjua tasi. Yuhu masûno Cohamacu warocariro yuhu dihta mûanorû jiriro ahri yahparû tahi. (ã jicu yuhu dihta Cohamacu yare mûsare yahu masija.) 14 Panorûre masa marienorû Moise cjiro bronca wama tiri comaa mehne ti yoarîrore agãre yucûcu ti dapodû sohtoapû duhu õ dapoha. Yuhu cûhure masûno Cohamacu warocarîrore tiro agãre to duhu õ daporîro seheta yuhu cûhure duhu õ dapoahca. 15 Yuhure ti ã yoari baharo jipihtina yuhure wacû tuaina jipihtia dachoripe Cohamacu mehne ã jirucuahca —niri jire Jesu.

### Cohamacu jipihtinare cahîna

16 ã ni tuhsu õ sehe ni namori jire Jesu:

—Cohamacu jipihtina ahri yahpa macainare tuaro cahîna. ã jiro yuhure to macûnore cûirota jirîrore Cohamacu warocare jipihtina yuhure wacû tuaina pichacapû ti wahaerahto cjihtore. ã jia Cohamacu ya catia mehne ã catirucuahca tina.

17 Cohamacu yuhure to macûnore masare buhiri dahre dutiro warocaerare ahri yahparûre. Masare pichacapû wahaborinare yuhûchû yoahûro cjihto sehene yuhure warocare.

18 'Yuhure Cohamacu macûnore wacû tuainare ne buhiri dahresi Cohamacu. Yuhure wacû tuaeraina pinihtare Cohamacu buhiri dahre duti tuhsure. Masa yuhure Cohamacu macûnore cûirota jirîrore ti wacû tuaerari buhiri buhiri dahrerohca tinare.

19 Yuhu Cohamacu macûno ahri yahparû tacû buhriaro to noano marine to ñû masichû yoaro seheta Cohamacu yare noano masichû yoaja. Yu ã masichû yoapachuta, yuhure wacû tuaeraina sehe yuhure cahmaerara. Ti ñaa yoaa sehene noano cahmana. Ti ã cahmari buhiri tinare buhiri dahre duti tuhsure. 20 Jipihtina ñaare ã yoarucuina baro ti ñaa yoaa duhu duaerara. ã jia buhriaro to bajuro dahrero seheta ti ñaa yoarîre

“Bajuro dahreri” nia, yũhũre cahmaerara tina. **21** Quihõno yoaina sehe yũhũre, yũ buhea cũhũre cahmana. Cohamacũ yoadohoro mehne to yare ti yoaaare yũ noano bajuro dahrechũ bũo tierara tina. ã jia yũhũre buhriaro yoaro sehe jirirore cahmana —ni yahuri jire Jesu.

### **Pari turi João masare bautisariro Jesure yahuha**

**22** Baharo Jesu sãre to buheinare Judea yahpapũ sũho wahare. Tópũ sũro tó macaina mehne mahaa dachoricã tjua, tinare bautisare. **23** João cũhũ masare bautisaro niha Enón wama tiri macai. Enón Salim wama tiri maca cahai jire. Tói dia jire. Tói dia jichũ João bautisaro niha masare. **24** Tirore ti peresu yoahito pano Enóni masare bautisaro niha João.

**25** Tí pjare João buheina mehne macaina mahainacã judio masũno mehne bautisaa macaare durucua niha. **26** ã jia tina João cahapũ sũa, tirore õ sehe ni yahuha:

—Buheriro, Jordão sie coapũ mũhũ mehne jiriro “Tiro tjica”, mũ niriro sehe mipũre masare bautisaro nina. To ã yoachũ jipihtina tiro cahapũ dihta wahara —niha tina Joõore.

**27** Ti ã nichũ tũhoro João õ sehe ni yũhtiha:

—Tiro tuariro to jichũ Cohamacũ sehe tirore ã jichũ yoariro jira. **28** “Cristo jieraja”, yũ nichũ tũhore mũsa. ã jierapaihta to pano to waroca mũhtariro jija yũhũ. **29** Cristo mehne masa ti wahachũ ñũcũ tuaro wahcheja. Õ sehe jira tí: Wamomaca dũhtericoro to manũno mehne jiro wahara. Wamomaca dũhtehtirore cohtariro sehe dũhtehtiro to namo tichũ ñũno to durucuchũ tũhoro tuaro wahchera. ã jicũ yũhũ wamomaca dũhtehtirore cohtariro to wahcheriro seheta Cristo mehne masa ti wahachũ ñũcũ tuaro wahcheja. **30** Cristo sehere wacũ tuaro cahmana masare. Yũhũ sehere wacũ tuaeraro cahmana masare —ni yũhtiha João.

### **Cohamacũ macũno mũanopũ tariro jira**

**31** ã ni tuhsũro õ sehe ni namoha João:

—Mũanopũ tariro jipihtina yũhdoro tuariro jira. Ahri yahpapũ jiina jina ahri yahpa macaina jija mari. ã jina ahri yahpa macaare durucuja mari. Mũanopũ tariro sehe jipihtina yũhdoro tuariro jira. **32** To ñũri cjirire, to tũhori cjirire tiro yahura. To ã yahupachũta to yahuaire masa sehe ne tũho duaerara. **33** Mũanopũ tariro to yahuaire masa tũhoa, tíre

cahmaa, “Cohamacu potocã niriro jira”, nia nina tina. <sup>34</sup> Ahriro Cristore Cohamacu warocaritore Espíritu Santo ya tuaare cū pahñona Cohamacu. ã jiro tiro Cohamacu ya durucuare yahura. <sup>35</sup> Cohamacu to macunore tuaro cahina. ã jiro jipihtina bui ti pũhtoro ji dutire to macunore. Jipihtia pũro ji dutire tirore. <sup>36</sup> Cohamacu macunore wacũ tuaina sehe Cohamacu catia mehne ã catirucuahca. To macunore cahmaeraina sehe Cohamacu catia mehne jisi. ã jiro Cohamacu tinare tuaro buhiri dahrerohca —niha João.

### Jesu Samaria macaricoro mehne durucuha

**4** <sup>1</sup> Jesu João yũdoro payu buheinare to cjuachu João yũdoro masare to bautisachu fariseo curua macaina tũhorocaha. <sup>2</sup> Ti ã tũhorocapachuta Jesu sehe to basi masare bautisaerare. Sã to buheina sehe masare bautisahi. <sup>3</sup> Fariseo curua macaina ti ã masichu tũhoro Jesu sehe Judea yahpai jiro Galilea yahparu sãre sũho tjuua wahare.

<sup>4</sup> Tõpu wahana Samaria yahpare su yũhdu wahcãna tana nihi sã. <sup>5</sup> ã yũhdu wahcãna Samaria yahpai jiri macapu Sica wama tiri macapu sũhi. Tí maca cahai panopu macariro Jacobo cjiro to macuno José cjirore to wari yahpa jire. <sup>6</sup> Tói Jacobo cjiro co to naari copa jire. ã yoa Jesu sehe yoaropu tariro cjiro jiro, tiro wahya yũhduaro tí copa duhtu cahai nuju sũre. Tí pja tói to so nuju sũri pja cohari pja waro jire. <sup>7-8</sup> Sã to buheina sehe macapu chũare sã nuchuna wahari baharo cãirota tiro tói tjuua nuju sũre. ã so nuju sũro Samaria macaricoro tí copapu co waro to wihichu Jesu ticorore core siniha:

—Core waga yũhure —niha.

<sup>9</sup> —Mũhu judio masuno jira. Yũhu sehe Samaria macaricoro jija. ¿Dohseacu yũhure core sinijari mũhu? —niha ticoro Jesure. Judio masa Samaria macainare ñu tuhtiina jira. ã jiro ticoro ã niha.

<sup>10</sup> To ã niri baharo Jesu ticorore õ sehe ni yahuha:

—Mũhure Cohamacu to yoadoho duarire masico, mũhure core sinirirore masico, mũhu yũhu sehene siniboa. Mũ ã sinichu paye co sehene waboa yũhu. Tí co sehe catichu yoara —niha Jesu ticorore.

<sup>11</sup> To ã nichu tũhoro ticoro õ sehe ni yũhtiha tirore:

—Ne mũhũre situ mariahna. Wiho mejeta ahri copa cũãri copa jira. ¿Ã jicũ ahri catichũ yoaa core nohorũ wabocari mũhũ? **12** Mari ñũchũ cjiro Jacobo panorũ macariro ahri copare marine cũa tiha. Tiro, to pohna, to nuina cũhũ ahri core sihnia tiha. “Paye core waboa yũhũ” nicũ, ¿Jacobó yũhdoro masiro jijari mũhũ, ã ni tũhotucũ? —niha ticoro.

**13** To ã nichũ Jesu õ sehe ni yũhtiha:

—Jipihtina ahri core sihniina, pari turi ñahma yapioahca. **14** Ya co sehere sihniina ne pari turi ñahma yapiosi. ã jia ya core sihniina Cohamacũ mehne ã jirucuahca. Ma pohtarũ co to ã wijaarucuro sehetã ya co ne pihtisi —niha Jesu.

**15** To ã nichũ tũhoro numino sehe õ sehe niha:

—Ne pari turi yũ ñahma yapioerahto sehe tí core waga yũhũre. ã jico pari turi ne õpũre co wasi —niha ticoro.

**16** To ã nichũ Jesu ticorore õ sehe ni yahuha:

—Tí pja pinihta mũ manũre pjico wahaga. Pji tuhsũ õpũ taga tiro mehne —niha Jesu ticorore.

**17-18** —Manũ marienicoro jija yũhũ —niha ticoro.

—Potocãta nimana mũhũ. Mũhũ cinco tahari manũ ti tuhsũmare. Tuhsũ, mipũre mũhũ mehne jiro mũ manũ jierara. ã yoã “Manũ marienicoro jija” nico, potocãta nimana mũhũ —niha Jesu ticorore.

**19** To ã nichũ tũhoro õ sehe niha ticoro:

—Ne, Cohamacũ yare yahu mũhtariro jira mũhũ, yũ tũhotuchũ. **20** Sã ñũchũsuma cjiri ahdu tũcũpũ Cohamacũre ño payoa tiha. ã jina mũsa sehe judio masa “Jerusalẽi Cohamacũre ño payoro cahmana masare”, nia tire mũsa judio masa —niha ticoro.

To ã nichũ Jesu õ sehe ni yũhtiha:

**21** —Numino yũhũre tũhosiniga. Baharorũ ahdu tũcũi, Jerusalẽpũ cũhũre mari Pũcũre ño payosi mũsa. **22** Mũsa sehe mũsa ño payorirore masierara. Masare yũhdũchũ yoah tiro judio masũnota jira. ã jina sã judio masa sehe sã ño payorirore masija. **23** Mipũre baharorũ cũhũre Cohamacũre potocã ño payoina ti noano tũhotua mehne tirore ño payoahca. Tó sehe mari ño payochũ cahmana Cohamacũ. **24** Cohamacũ pjacũ marieriro to jichũ masa tirore ñũerara. ã jia tirore ño payoa, ti noano tũhotua mehne tirore noano potocã ño payoro cahmana masare —niha Jesu.

**25** To ã nichũta ticoro õ sehe ni yũhtiha:

—Mesia, “Cristo” ti niriro sehe masare yuhdũchũ yoah tiro, to tahti cjihtire masija yũhũ. Tiro taro, marine jipihtiare buhe pahñonohca —niha ticoro.

26 —Yũhũta jija Cristo —niha Jesu ticorore.

27 To ã ni yahuchũ waro wihina sã to buheina sehe Jesu numino mehne to durucuchũ ñũna, sũaa wahai. Ñ sũapanahũta “¿Dohse cahmajari mũhũ? ¿Dohse nii nijari mũhũ ticorore?” ni sinitu ñũerahi. 28 Ñ jiro numino to siture tói duhu daponoca, macapũ waha, masare yahuro, õ sehe niha:

29 —Yũ yoari cjihtire yahu pahñorirore ñũna taga mũsa. Tiro potocãta Cristo jiboca pa tehe nino —niha ticoro.

30 To ã nichũ tũhoa tí maca macaina sehe Jesure ñũna taa nire. 31 Tí pjare sã Jesu buheina sehe tirore tuaro chũ dutimai:

—Buheriro, chũga —nimai sã.

32 —Soro jia chũare cjuaja yũhũ. Tíre mũsa masierara —nire tiro.

33 To ã nichũ tũhona sã basi õ sehe ni durucui:

—¿Paina tirore chũare wa tuhsũari? —nii sã basi.

Sã ã nichũ Jesu õ sehe ni yahure:

34 —Masa sehe chũ ji coara. Yũhũre warocariro to cahmaare yoacũ ji coaja yũhũ sehe to yoa dutiriro seheta yoa pahñocũ tacũ. 35 “Cuatro sũri dũhsara dicha naahũto”, wese pũro to niriro seheta mũsa sehe ni tũhotuena tũga. “Cohamacũ yare sã yahuhto dũhsasinina”, ni tũhotuena tũga. Potocã niita nija mũsare. Mipũ pinihtare masare ñũga. Dicha tichũ mũsa naari pja to jiro sehetã, mipũ pinihta masa yũ buheare ti tũhohti pja jiro nina. 36 Toaa dichare naainare ti wapariro seheta yũ yaina cjihti naainare yũ yare buheinare ti ã yoari wapa tinare noano yoaihtja yũhũ. Ti ã buhechũ tũhoa yũ buheare tũhoina yũ yaina sehe Cohamacũ mehne jipihtia dachoripe jirucuahca. Ñ jia tinare buhe mũhtaina, baharo yũ yaina jichũ yoaina cũhũ cũno potori wahcherucuahca. 37 “Cũiro toa mũhtariro jira. Pairo sehe toaa dichare nariro jira”, nia tiha panopũ. Tí potocã tũga. Ti ã niriro seheta cãina yũ yare yahu mũhtaina jira. Paina sehe yũ yare buhea yũ yaina jichũ yoaina jira. 38 Wese pũro to yaina dahraina toaeraina ti jipachũta to toaa dichare tinare naa dutiro warocara. Tó seheta masare buhe mũhtaeraina mũsa jipachũta yũ yaina cjihti yoa duticũ warocaja mũsare. Paina sehe tinare buhe mũhta tuhsũre. Ti buherinapũre pari turi buhe namona, yũ yaina jichũ yoanahca

musa sehe. Ñ jina buhe muhtaina sehe ti yoadohoro mehne painare yu yaina jichu yoanahca musa —nire Jesu.

39 Tí pjare Samaria macaricoro “Yu yoari cjirire tiro yahu pahñore”, to ñ nichu tũhoa Samaria macaina payu Jesure wacũ tua, tirore cahmaha. 40 Ñ jia Samaria macaina Jesu cahai sua, “Sã mehne tjuasiniga”, nire tirore. Ti ñ nichu sã cũhu tiro mehne pua dacho tói tjuasinii. 41 Paina cũhu payu Jesure tũhoa cahmare tirore. 42 Õ sehe nire masa numinore:

—Wahmanopure mu yahurire tũhona, Jesure cahmahi. Mipru pinihtare Jesu to durucuare tũhona tirore wacũ tuana, tirore cahmaja. Ñ jina tiro sehere tũhona ahri yahpa macainare pichacaru wahaborinare yũhdũchu yoariro potocã to jichu mipru sã masija —nire masa Samaria macaricore.

### **Pũhtoro macunore dohatirirore noariro wahachu yoaha Jesu**

43 Pua dacho baharo Jesu sãre Galilea yahparu sũho wahare. 44 Wahmanopure õ sehe nia tire tiro: “Cohamacu yare yahu muhtarirore to ya yahpa macaina tirore ño payoerara. Ñ jia yũhure ño payoerara õ macaina õi yu bucũariro jichu”, nia tire Jesu. 45 Ñ jia Galilearu to sũchu tó macaina tirore noano piti bocare. Tó pano Jerusalẽi bose numui Jesu Cohamacu tuaa mehne to yoachũ ñurina jire tina.

46 Ñ yoa Canãru Galileai jiri macaru core vino to wahachu yoari macaru wahaah wahi sã tiro mehne. Canã cahai jiri macai Capernau wama tiri macai jipihtina bui pũhtoro docai jiriro pũhtoro macuno dohatiro niha. 47 Tuhsu, Jesu Judearu jiriro Galilearu to sũchu pũhtoro tũhoha. Tíre tũhoro Jesu caharu wihire:

—Yu macu yariaro nihre. Ñ yoa tirore noariro wahachu yoai taga —ni tuaro mehne pjire tirore.

48 To ñ nichu tũhoro Jesu õ sehe ni yũhtire:

—Cohamacu tuaa mehne yu yoachũ ñuerana, ne yũhure wacũ tuaerara musa —nire Jesu tirore.

49 To ñ nichu pũhtoro sehe õ sehe nire:

—Pũhtoro, yu macu to yariahto pano taga —nire tiro Jesure.

50 —Tjuaaahga. Mu macu catica —nire Jesu.

To ñ nichu tũhoro, “To niriro seheta catirohca yu macu” nino, pũhtoro tjuaa wahare. 51 Ñ tjuaarucirirore to cahamaca tirore piti boca, õ sehe ni yahuha:

—Mu macu catihre —ni yahuha tina tirore.

52 —¿Noho waroi sã jichũ noariro wahari tiro? —ni sinituha tiro to cahamacare.

—Canũre cohari pja baharocã juaro suruhre tirore —niha tina.

53 Tĩ ã nichũ tũhoro õ sehe ni tũhotuha tiro: “Jesu yũhũre to ã ni yahuri pjaihta juaro surua wahari jire”, ni tũhotuha pũhoro sehe. “Potocãta nino niri jira yũhũre” nino, tiro jipihtina to coyea mehne Jesure wacũ tuaha.

54 Jesu Judea yahpapũ jiri Galilea yahpapũ to sũri baharo pũhoro macũnore noariro to waharire mari quihõchũ pũa taha Cohamacũ to tuaa mehne yoa ño tuhsũre Jesu.

### Tini masierarirore noariro wahachũ yoaha Jesu

**5** 1 Baharo judio masa Cohamacũre sã ño payori bose nũmũri jichũ Jesu Jerusalẽpũ sũre tjoa. 2 Tõĩ oveja wama tiri sopaca cahai cuhsũri copa jihre. Sã judio masa ya mehne nia Betesda wama tiri copa jihre. Tĩ copa cahai cinco tihamahnoera tahti poca jihre. 3 Tĩ tahti pocaĩ payũ dohatiina coãre. Capari ñũeraina, cã bũhũsehe dahporo ñaina, pjacũ bũhaina tina tĩ copa cahai jia, [co ñuhmi mũa mũjanore cohtaa nire. 4 Tõpũ buharo tĩ copa macaa core cãa tahari ñuhmichũ yoa mũjare anjo. Tĩ copa macaa co ñuhmiri baharo ña mio mũhtariro sehe dohse jiare dohatiare cjuariro noariro wahare.] 5 ã yoa tõi treinta y ocho cũhmari waro dohatiriro jire. 6 Tõi to coãchũ ñũno to ã yoari pja dohatiriro jichũ masire Jesu tirore. ã masino tirore õ sehe ni siniture:

—¿Pjacũ dohatia marieriro ji duajari mũhũ? —nire Jesu.

7 To ã nichũta dohatiriro õ sehe ni yũhtire:

—Tĩ co to ñuhmichũ yũhũre co jiri copapũ naboriro mariahna. Tĩ copapũ yũ ña mio duapachũta paina sehe yũ pano ã ña mio mũhtarucura —nire tiro Jesure.

8 —Wahcãrũcaga. Mũ coãri cahsarore naa, wahaga —nire Jesu tirore.

9 To ã nichũta dohatiriro sehe to coãri cahsarore naa, ducu dũcare. Tĩ dacho Sabado judio masa sã sori nũmũ jire. 10 Tĩ dachoi Jesu to ã yoachũ ñũa judio masa sã pũhtoa sehe dohatiriro cjirore õ sehe ni yahuha:

—Michare Sabado dacho mari sori nũmũ jipachũta mũ coãri cahsarore naahna mũhũ. ã yoacũ mari dutiare yũhdũrũcai nina mũhũ —niha tina tirore.



11 —Yũhũre yũ dohatiare cohãiro sehe õ sehe nire yũhũre: “Mũ coãri cahsarore na, wahaga”, nire tiro yũhũre —ni yũhtiha dohatiriro cjiro.

12 —¿Tĩre mũhũre ã niriro sehe diro baro jijari tiro? —ni sinituha tina.

13 Tõi masa payũ ti jichũ ñũno Jesu sehe waha tuhsũha. ã jiro dohatiriro cjiro sehe tirore noariro wahachũ yoarirore to wamare masieraha. 14 Baharo Cohamacũ wũhũi Jesu tirore piti boca, õ sehe ni yahure:

—Tũhosiniga mũhũ yũhũre. Mipũre noano pjacũ tira mũhũ. Ñaare yoa namoi tjiga. Pari turi ñaare yoa namocũ mũ dohatiriro yũhdoro wahaihca mũhũ —nire Jesu tirore.

15 To ã niri baharo dohatiriro cjiro sehe sã judio masa pũhtoa tirore sinituina cjiri cahapũ sũro, õ sehe ni yahuha tinare:

—Jesu wama tirore yũhũre noariro wahachũ yoahre —ni yahuha tiro.

16 ã yoa Sabado jichũ Jesu dohatirirore to dohatiare to cohãchũ masia judio masa sã pũhtoa sehe tirore ñũ tuhtia, yahusãa dua dũcare.

17 ã tirore ti yahusãa duachũ masino Jesu sehe õ sehe ni yahure tinare:

—Yũ Pũcũ mipũre dahrasinina. Yũhũ cũhũ dahrasinii nija —ni yahure tirore yahusãa duainare.

18 To ã nichũ judio masa sã pũhtoa sehe tiro mehne tuaro suaa, tó pano ti niriro yũhdoro tirore wajã duare. Sabado dachore sã sori nũmũre cũirore to noariro yoachũ ñũa tina suare. ã suaa tiro Cohamacũre “Yũ Pũcũ” to nichũ tũhoa, tina sehe tó pano ti niriro yũhdoro sua namoha tjoa. “ ‘Yũhũ Pũcũ’ nino, Jesu to basi ‘Cohamacũ mehne cũno potori jija’, ni wacũca tiro”, ni tũhoture judio masa sã pũhtoa.

### **Jesu Cohamacũ to warocariro jira**

19 ã yoa Jesu tinare õ sehe ni yahure:

—Potocã mũsare niita nija. Yũhũ, Cohamacũ macũno, yũ mũ sũro yoaeraja. Yũ Pũcũ to yoarire ñũcũ, tĩre yoaja. 20 Yũ Pũcũ yũhũre, to macũnore, cahĩna. ã jiro to yoarire yũhũre ño pahũona. Ahri mipũ to tuaa mehne yũ yoari yũhdoro tiro payere yoa dutirohca yũhũre. To ã yoa dutichũ to tuaa mehne

yoa ñoihca yũhũ. Ñ jina ñũ cãanahca mũsa. 21 Yũ Pũcũ yariarinare to masoriro seheta yũhũ cũhũ yũ cahmainare masoihtja. 22-23 Ne yũ Pũcũ sehe masa ti ñaa buhirire buhiri dahreriro jierara. Yũhũ sehene tíre ti ñaa buhirire buhiri dahrehtirore cũre yũ Pũcũ. Jipihtina masa tirore ti ño payoriro seheta yũhũ cũhũre ti ño payohti cjihtire buhiri dahrehtirore cũre yũhũre. Yũhũre to macũnore ño payoerana yũ Pũcũ cũhũre ño payoerara mũsa. Tiro jira yũhũre warocariro —nire Jesu.

24 Ñ ni tuhsũ õ sehe ni yahu namore:

—Potocãta mũsare nii nija. Yũ durucuare tũhoina yũhũre warocarirore wacũ tuaina jipihtia dachoripe mũanopũ ã jirucuahca. Ñ jicũ tinare buhiri dahresi yũhũ. Ñ jia tina pichacapũ wahaborina yũhdũahca. 25 Potocã mũsare niita nija. Pichacapũ wahahtina yũhũre Cohamacũ macũnore ti tũhohti pja mirũ jira. Baharopũ cũhũre yũhũre tina tũhoahca tjoa. Ñ tũhoa tũho nũnũina sehe Cohamacũ mehne ã jirucuahca. 26 Cohamacũ yũ Pũcũ sehe ã jirucuchũ yoariro jira. Ñ jiro yũhũre to macũnore ã jirucuchũ yoah tiro ji dutire tiro yũhũre. 27 Ñ jicũ yũhũ masũno Cohamacũ to warocariro yũ jichũ tiro masare buhiri dahrehtirore cũre yũhũre. 28 Ahrire tũhona, tũho cãaena tjiga mũsa. Pa dachopũre jipihtina yariaina masa coparipũ jiina yũ durucuchũ tũhoahca. 29 Ñ tũhoa, noare yoaina cjiri jipihtia dachoripe Cohamacũ mehne jihtina cjihti masa mũjaahca. Ñaare yoaina cjiri sehe ñaare ti yoari buhiri pichacapũ wahaahca —ni yahure Jesu.

30 Ñ ni tuhsũ õ sehe ni yahu namore:

—Yũhũ yũ mũ sũro ne yoaeraja. Ne yũ basi yũ cahmano yoa duaeraja. Yũhũre warocariro to dutirore seheta yoa duaaja. Ñ jicũ to niriro seheta buhiri dahreja. Tuhsũ yũhũ masare buhiri dahrecũ quihõnota yoaja. 31 “Yũhũ tuariro jija”, yũ ni yahuchũ “Mũ yahua ne quihõno jierara”, ni masiboca mũsa. 32 Pairo jira yũhũre yahuriro. Tiro João sehe masare yahure yũhũre. Masare yũhũre to yahuri cjiri quihõno tjira. Tíre yũhũ noano masija. 33 Mũsa paina sehene Joãopũre yũhũre sinitu dutina warocare. Ñ jiro potocãta yahure tiro mũsare. 34 “Cohamacũ macũno jira ahriro”, yũhũre ni yahuhinare macaeraja. Ñ macaerapacũta João masũno to jipachũta yũhũre “Cohamacũ macũno jira”, to ni yahurire yahui nija. Mũsa

yũhũre wacũ tuahti cjihtire, mũsa pichacapũ wahaborina mũsa yũhdũhti cjihtire yũhũre João to yahurire yahui nija. 35 Sihãria mahaa dachoricã to ñũ masichũ yoaro seheta João mũsare buhe mũhtano mahanocã to catiro puro mũsare masichũ yoare. To ã buhechũ tũhona mahaa dachoricã wahchere mũsa. 36 Yũ jia tiare to ã buhepachũta Cohamacũ sehe yũ jiare noano yahura. To ã yahuchũ João yũ jiare to yahua yũhũdoro jira Cohamacũ ya yahua. ã jicũ Cohamacũ to tuaa mehne yũhũre to yoa dutiri cjihtire mipũ yoai nija. Ahrire yũ yoachũ ñũna potocãta Cohamacũ to warocariro yũ jiare masina mũsa. 37 ã yoa yũ Pũcũ yũhũre warocariro to basi “Tiro yũ warocariro jira”, ni yahura mũsare. To ã ni yahupachũta to durucuare ne tũhoerare mũsa. ã jina mũsa tirore ne masierare. 38 Yũhũre Cohamacũ warocarirore mũsa ne tũho duaerare. ã jina mũsa Cohamacũ yare ne cahmaerare. 39 Cohamacũ yare ti joari pũre mũsa buhena, “Mari ahri pũre buhena jipihtia dachoripe Cohamacũ mehne ã jirucunahca”, nina mũsa. Tí pũita yũhũre yahura. 40 Tí pũ yũhũre to yahupachũta mũsa sehe yũhũre cahmaerara. Jipihtia dachoripe Cohamacũ mehne mũsa ã jirucuhti cjihtire yũhũre sini duaerara mũsa —ni yahure Jesu.

41 ã ni tuhsũ õ sehe ni namore:

—Yũhũre mũsa ño payoerachũ ñũcũ suaeraja yũhũ sehe.

42 Mũsa sehe Cohamacũre mũsa cahĩerachũ masija yũhũ.

43 Cohamacũ yũ Pũcũ yũhũre to dutiriro seheta yũ tapachũta mũsa yũhũre cahmaerare. Pairo sehene Cohamacũ tirore

warocaerariro to jipachũta to mũ sũro to tapachũta tiro

sehene cahmanahca mũsa. 44 Paina masa mũsare ti ño

payochũ cahmana mũsa. Cohamacũ mũsa mehne to ji

coachũ cahmaerara mũsa. Tiro dihta Cohamacũ waro jira.

ã cahmaerana yũhũre tũhoerara mũsa. Yũhũre wacũ

tuaerara. 45 Mũsare yũ Pũcũpũre ne yahusãsi yũhũ. Tíre

masiga mũsa. Moise cjiro to joari pũ sehe mũsare yahusãnohca.

“Tí pũ macaa dutiare mari yoa pahũona, Cohamacũ cahai

wahanahca”, mũsa niri pũ sehe mũsare yahusãnohca. 46 Moise

cjiro to joari pũi yũhũ sehene yahua. ã jina tí pũre “Potocã

tjira” nina, yũ yahua cũhũre “Potocã tjira”, niboia mũsa.

47 Moise cjiro to joari pũre “Potocã tjira” nierana, yũ ya

durucua cũhũre “Potocã tjira”, nisi mũsa —nire Jesu tinare.

**Cinco mil bui masare chua waha Jesu**

(Mt 14.13-21; Mr 6.30-44; Lc 9.10-17)

**6** <sup>1</sup> Ñ to buheri baharo yoa cureri pja baharo Galilea wama tiri bucupariro pa buhusehe coapu sa to buheinare Jesu suho pahaa wahare. Ti taro pjiri taro pa wama Tiberia wama tire. <sup>2</sup> To pano Galilea yahpai Jesu Cohamacu tuua mehne yoa ño, dohatiinare ti dohatiare to cohachu masa ñua tire. Ñ jia Jesu to pahachu ñua, masa payu tirore nunu ti pahare. <sup>3</sup> Ñ yoa baharo ti taro duhtu cahapu Jesu sare suho pah sa, tucuru muja, tu buiru sare suho dujire. <sup>4</sup> Ti dachore Pascua wama tiri bose numu cjihto, sa judio masa ya bose numu suhti dacho cjihto mahaa dachoricã duhsare. <sup>5-6</sup> To pu dujiro, Jesu payu masa to cahapu ti tarucuchu ñure. Ñ ñuno Felipe ñ sehe ni sinitu ñure:

—¿Ahrina masa ti chuhti cjihtire nohoru nuchunahcari mari? —nire Felipe.

Jesu to basi to yoahire masiparota Felipe ñ sinitu ñure “¿Dohse ni yuhtirohcari?” nino. <sup>7</sup> To ñ sinitu ñuchu tuhoru Felipe sehe ñ sehe ni yuhtire:

—Ocho sãri posa dahra wapataa niñeru mehne chũare mari nuchupachuta masare cãinare daacã chũare mari witipachuta ne mu susi —nire Felipe Jesure.

<sup>8</sup> Ñ yoa paio, sa mehne macariro Andre, Simo Pedro bahuro sehe Jesure ñ sehe ni yahure:

<sup>9</sup> —Ahriri wahma wahmu taro cinco paõ curirire, ñ jichu wahi puarocã cũhure cjuara. Wiho mejeta masa sehe payubia jira. Ñ jiro ahri mahanocã chua ne mu susi —nire Andre.

<sup>10</sup> To ñ niri baharo:

—Masare duji dutiga musa —nire Jesu sa to buheinare.

Toi daacã tja jiro jire. Sã duji dutichu masa nuju su pihtiare tja bui. Tina mu dihtare sa quihochu cinco mil wahtaroi jire.

<sup>11</sup> Ti ñ nuju suchu ñuno Jesu sehe paõre na, Cohamacure “Noana”, nire. Ñ ni tuhsurota sare to buheinare witi dutire. To ñ dutichu sa sehe toi dujiinare witi wahcã. Tuhsu, puaro wahi cũhure witihi tinare. Jipihtinare noano ti chu duaro puro chũare tinare witihi. <sup>12</sup> Baharo masa sehe yapi yuhduu wahare. Ti ñ yapi yuhduachu ñuno Jesu sare ñ sehe ni yahure:

—Ti chu duharire noano saa cahmachu pahõoga. Ñ yoana ti chu duhare ne bosi —nire.



13 To ã nichu tãhona sã sehe cinco pão curiri dũhsarire sã saa cahmachuchũ doce pũhũse waro wijare. 14 ã jia Jesu tíre to tuaa mehne to yoa ñochũ ñũa, masa sehe õ sehe nire:

—Potocãta jira. Ahriro Cohamacũ yare yahu mũhtariro ahri yahrapũ “Tarohca”, ti niriro mari cohtariro tjira —nire tina.

15 ã jia tina Jesure ti pũhtoro jĩhtiro cjĩhtore ñaha sõ duamare. Jesu ti ã ni tãhotuare masino pari turi cũirota tũcũrũ wahaa wahare.

### Jesu co bui ducu wahcãha

(Mt 14.22-27; Mr 6.45-52)

16 Ñamichahapũ sã to buheina bũcũparirorpũ buhai. 17 Tõrũre buhu sũ, dohoriapũ samu, Capernau wama tiri macapũ majare pahãi. Tí pjare sã majare pahãri pjare ñamipũ jire. Jesu sehe sã cahapũ tju wihierasiniire mini. 18 Sã ã majare pahãno watoi wihnono tuaro sãre tachũ, pahcõri bũjũa pahcõri wahcãre. 19 Sã cinco kilómetro sũboro waroi sã sũchũ waro Jesu sãre mũ sũre. Co buipũ to tachũ ñũi sã. ã sã cahai to tachũ ñũna, sã sehe cũa yũhdũa wahacũrũ. 20 Sã ã cũa yũhdũachũ ñũno tiro sãre õ sehe ni yahure:

—Cuiena t̄jiga. Yuh̄uta jija —nire Jesu.

21 To ã nichu tuhona sã wahchea mehne tirore piti boca samu dutihi. To samuri baharocãta wacüenoca sã wahari yahparure pahã su tuhsühi.

### Masa sehe Jesure macaha

22 Æ yoa tí ñamine masa bucupariro pa buhusehe coaru tjuaina sehe sã yaria busoca, sã pahãntia cüria to jichu ñure. Tia mehne sã sahsero sã pahã wahachu cühure ñure tina. Tuhsu Jesu sã mehne to pahãerachu ñure tina. Æ jia pa dachoi tirore tói cohtaa niri jimare tina. 23 Ti ã cohtaro watoi, paye buso, Tiberia wama tiri macaru taa buso Jesu Cohamacure “Noana”, to niriro cahacã cureropu, masare to chua witiro cahacã cureropu wahã suri jire tí buso. 24 Æ yoa sãre Jesu to süho jimarirore to mariachu ñua, masa tí busopu samu, Capernaupu sãre nunu ti pahã tari jire, Jesure maca taa.

### Jesu catichu yoaa chua yoaro sehe jiriro jira

25 Ti pahã wihiri baharo, Jesure boca wihi, tina masa õ sehe ni sinitu ñure tirore:

—Buheriro, ¿dohse jichu tari muhu õpüre? —ni sinitu ñure tina.

26 Ti ã ni sinitu ñuchu, Jesu tinare õ sehe ni yahure:

—Potocã niita nija musare. Yuhu musare Cohamacu tuaa mehne yu yoa ñopachuta yuhure sehere wacü tuaerara musa. Yuhure wacü tuaerapanahta yuhure macana musa. Yuhu mehne bujua chu, musa yapirina cjiri jina yuhure maca tari jira musa. 27 Wiho mejeta chua ne ã jirucuerara. Baharopu pihtia wahara. Æ jina tíre ã macarucuenta t̄jiga musa. Paye baro chua soro jia chure macaga musa. Tí soro jia chure bocana jipihtia dachoripe Cohamacu mehne jirucunahca. Æ jia tí chua pinihta ne pihtisi. Tí chure yuhu masuno Cohamacu warocariro musare waihtja. Cohamacu yu Pucu yuhure tí baro chure wa dutiriro jira. Tirota to warocariro yu jiare ño tuhsure musare —nire Jesu.

28 To ã nichu tuhoa tina õ sehe ni sinitu ñure tirore:

—¿Cohamacu to yoa dutiare yoana tana dohse yoanahcari sã? —ni sinitu ñure tina.

Jesu sehe ti ã nichu tuhero, õ sehe ni yuhtire tinare:



—¿Ahriri Jesu José macño jierajari? To p̄ac̄ero, to pocoro cūh̄ere mari masija. Tuhsu mari yoaro sehe pjac̄u tiriota jira. ¿Ā jiparota dohsearo “M̄uanop̄u tahi”, nijari tiro? —ni suare tina.

43 Ti ā nich̄u t̄uhoro Jesu ō sehe ni yahure tinare:

—Musa yūh̄ere ñano ni durucuena t̄jiga. 44 Yū P̄ac̄u yūh̄ere warocariro sehe masare yūh̄u sehene cahmach̄u yoara. To ā yoerach̄u masa sehe yū yaina ji masierabo. Pihtiri dachoi yū yainare masoihca yūh̄u. 45 Cohamac̄u yare yahu m̄htaina cjiri sehe ō sehe ni joaa tiha: “Cohamac̄u tinare buherohca”, ni joaa tiha Cohamac̄u yare yahu m̄htaina cjirip̄u. Jipihtina yū P̄ac̄u to buheare t̄uhoina, tireo yūhtiina yūh̄ere cahmana. Ā jia yū yaina jira.

46 'Yū P̄ac̄ure ne c̄airo mas̄no ñ̄erare. Yūh̄u Cohamac̄u warocariro dihta yū P̄ac̄ure ñ̄hi. 47 Potocā niita nija m̄sare. Yūh̄ere wac̄u tuariro jipihtia dachoripe yū P̄ac̄u mehne ā jirucurohca. 48 Yūh̄u catich̄u yoaa ch̄ua yoaro sehe jiriro jija. 49 Musa ñ̄uch̄usuma cjiri masa marienop̄u manáre ch̄ua tiha. Ā tíre ch̄upahta yariaa wahaa tiha. 50 M̄uanop̄u taa ch̄uare yū nia ch̄uare mas̄no ch̄uro, ne p̄ichacarp̄u wahasi. 51 Yūh̄u m̄uanop̄u taa ch̄ua catich̄u yoaa ch̄ua yoaro sehe jiriro jija. Ahri ch̄uare ch̄uro jipihtia dachoripe yū P̄ac̄u mehne ā jirucurohca. Ahri ch̄ua catich̄u yoaa ch̄ua yoaro sehe jia yū pjac̄uta jira. Jipihtiri yahpa macaina Cohamac̄u mehne ti ā jirucuhti c̄ihtire yū pjac̄ure waihtja. Ā wac̄u yariaihca —nire Jesu.

52 To ā nich̄u t̄uhoa s̄a coyea judio masa sehe tíre ō sehe ni durucure ti basi:

—¿Ahriri dohse yoa to pjac̄ure ch̄uhti c̄ihtire warohcari? —nire tina ti basi.

53 Ti ā nich̄u t̄uhoro Jesu ō sehe ni yahure:

—Potocā niita nija m̄sare. Yūh̄u mas̄no Cohamac̄u warocariro jija. Yū pjac̄ure ch̄erariro, yū dire sihnierariro Cohamac̄u ya catia mehne ā jirucusi. 54 Yū pjac̄ure ch̄uro, yū dire sihniriro yū ya catia mehne ā jirucurohca. Ā jic̄u pihtiri dachoi tireo masoihtja. 55 Yū pjac̄u potocāta ch̄ua waro yoaro sehe jira. Yū di potocāta sihnia waro yoaro sehe jira. 56 Yū pjac̄ure ch̄uro yū dire sihniriro yūh̄u mehne wahchea mehne jirucura. Yūh̄u cūh̄u tiro mehne wahchea mehne jirucuja. 57 Yū P̄ac̄u yūh̄ere warocariro ā jirucura. Ā jirucuro, yūh̄u



cũhũre ã jirucuchũ yoara. ã jia yũhũre ã jirucurirore masa chũa, Cohamacũ mehne mũanopũ ã jirucuahca tina cũhũ.  
 58 Ahrita jira mũanopũ taa chũa. Mari ñũchũsuma cjiri manã wama tia ti chũri cjiri yoaro sehe jierara ahri chũa. Tina sehe tí chũare chũpahta yariaa wahaa tiha. Ahri chũa sehere chũriro mũanopũ ã jirucurohca —nire Jesu.

59 Capernaupũ judio masa sã buheri wũhũi Jesu buhero, ãta ni yahure.

### **Jesu buheare tũhona mũanopũ ã jirucunahca mari**

60 Payũ Jesure cahmaina to ã ni buheare tũhoa, õ sehe ni durucure:

—Ahri buhea nucu mijona. ã jina mari tũho duaera cureja —ni durucure tina ti basi.

61 Ti ã nichũ Jesu sehe ti durucure masire. ã masino tiro õ sehe ni siniture tinare:

—¿Ahri buheare tũhona suajari mũsa? 62 ¿Yũhũ masũno Cohamacũ warocariro mũanopũ yũ tjuaa wahachũ ñũna dohse ni tũhotubocari mũsa? 63 Espĩritu Santo masũnore catichũ yoara. Masa sehe ti basi catichũ yoaerara. Espĩritu Santo masare to catichũ yoariro seheta yũ buhea sehe mũsare Cohamacũ mehne ã jirucuchũ yoara. 64 Cãina mũsa mehne macaina ne yũhũre wacũ tuaerara —nire Jesu.

Wahmanopũre Jesu tirore wacũ tuaerainare masire. Tirore ñũ tuhtiinare ñohtiro cũhũre masi tuhsũre. ã tirore wacũ tuaerainare masino “Cãina mũsa mehne macaina yũhũre wacũ tuaerara”, nire Jesu.

65 ã ni tuhsũ õ sehe ni namore:

—Õ sehe ni yahumahi mũsare: “Yũ Pũcu sehe masare yũhũ sehere cahmachũ yoara. To ã yoaerachũ masa sehe yũ yaina ji masieraboa”, mũsare nii nimahi —nire Jesu.

66 To ã ni buhechũ tũhoa payũ Jesure cahmamarina cjiri tirore cohã, tiro mehne pari turi wahaerare. 67 Ti ã yoachũ ñũno Jesu sãre doce to buheinare õ sehe ni siniture:

—¿Mũsa cũhũ yũhũre cohãnahcari? —ni siniture sãre.

68 To ã nichũ Simo Pedro õ sehe ni yũhtire tirore:

—Pũhtoro, sãre paio buheriro mariahna. Mũ ya buheare tũhona Cohamacũ mehne ã jirucunahca sã. Mũ ya buhea dihta tíre yahura sãre. 69 ã jina sã mũhũre wacũ tuaja. ã yoa mũhũ

noairi, Cohamacu macuno to warocariro mu jichu sa masija. A jina mure cohasi sa —nire Simo Pedro Jesure.

70 To a nichu thoro Jesu o sehe ni yahure sare:

—Yuhu sehe musare doce besehi. Wiho mejeta curo musa mehne macariro watino yairo cjihto jira —nire sare to buheinare.

71 A nino Judare Simo Iscariote macunore nino niri jire. Juda sehe doce buheina sa mehne macariro Jesure nu tuhtiinare nohtiro jire.

### Jesu bahana tirore “Cohamacu macuno jira”, ni masieraha

**7** 1 Baharo Jesu Galilea yahpai tinino wahare. Judea yahpai judio masa tirore waja duare. Ti a waja duachu masino tiro ti yahpachu wahaerare. 2 Judio masa daa wuhuseca sa yohti numari bese numari mahanoca dhasatjiahre. 3 A jia Jesu bahana tirore o sehe ni yahure:

—Judeachu wahaga. Toi mu yainare Cohamacu tuua mehne mu nohtiro cjihto wahaga mhu. 4 Masare yoa no duacu yaeraro cahmana mhure. Yoa nono cahmana. Potocata Cohamacu tuua mehne yairi jicu tere masare noga —nimare tina.

5 To bahana jipahta Jesure “Cohamacu macuno jira”, nierare. A jia, a nire tina tirore. 6 Ti a niri baharo Jesu o sehe ni yahure tinare:

—Masa yuhure ti noano masihti pja dhasasinina mini. Musa sehe nu duana bese numari jichu waha masina. 7 Ahri yahpa macaina musare nu tuhtierara. Yuhu ti naa buhirire yu yahuchu tina yuhu sehere nu tuhtira. 8 Bese numu jichu wahaga musa sahsero. Yuhure yu wahahto dhasasinina mini. A jicu yuhu sehe bese numurine nu wahaerasinija —nire Jesu tinare.

9 A nino tiro Galileai tjuare.

### Jesu daa wuhuserica ti yoari numari bese numari jichu wahaha

10 Bese numuripu Jesu bahana ti nu wahari baharo Jesu chu ti baharo wahare. A waharo masa ti neraro watoi wahare. 11 Bese numurihu jiina judio masa sa pautoa tirore macare:

—¿Nohopu jicari tiro? —ni sinituha tina.

12 Ñ jia masa cūhũ Jesure payũ yahuwajaha. Paina “Tiro noariro jira”, niha. Paina sehe “Tiro ñariro jira. Masare mahñoriro jira”, ni yahuwajaha tina.

13 Ñ nipahta judio masa sã pũhtoare cuia, masa ti ñũeragorũ Jesure yahuwajaha.

14 Bose nũmũri dacho macai Cohamacũ wũhũrũ Jesu sãa sũro, buhere. 15 To ã buhechũ sã coyeya judio masa tũho cũaa waha, õ sehe nire:

—¿Ahriro buherorũ buhemahnoerariro jiparota dohsearo noano masi pahñonocajari? —nire tina tireore.

16 Ti ã nichũ Jesu õ sehe ni yahure tinare:

—Yũ buheri cjiri yũ ya durucua jierara. Yũhũre warocariro ya durucua sehe jira ahri buhea. 17 Cohamacũ cahmaare yoa duaina yũ buhea sehere Cohamacũ ya durucua ti jichũ masiahca. Yũ mũ sũro yũ buherachũ cũhũre masiahca tina.

18 Cũiro to mũ sũro to masia mehne buheriro jiro “Yũhũ dihtare ño payoga”, niriro jira tiro. Wiho mejeta yũhũre warocariro sehere mũsa ño payochũ cahmaja yũhũ sehe. Yũ ã nichũ tũhona “Potocã durucuriro jira tiro. Ne mahñoerara”, ni masinahca mũsa.

19 ‘Cohamacũ dutiare Moise cjiro sehe cũa tiha mũsare. To ã cũpachũta mũsa jipihtina tí dutia sehere ne yũhtierare. ¿Dohseana yũhũre wajã duajari mũsa? —nire Jesu sã coyeya judio masare.

20 —Mũhũ tũho masierariro, watĩno to cohtotariro jira. Mũhũre wajã duaina mariahna —ni yũhtire tina Jesure.

Ti ã nichũ Jesu õ sehe ni yũhtire:

21 —Sori nũmũ Sabado jichũ cũ tahata Cohamacũ tuaa mehne dohatiriro to dohatiare yũ cohãchũ mũsa ñũ cũaa wahare. 22 Mari ñũchũsũma cjiri panorũ macaina sehe ti pjacũre mahanocã cahsarocãre yihsoina ti yoariro seheta Moise cjiro yihso dutiha. To ã dutichũ Sabado mari sori nũmũ jipachũta masũnore to pjacũre mahanocã cahsarocãre yihSORA mũsa. 23 Sabado jichũ masũnore to pjacũre mahanocã cahsarocãre yihSORA mũsa, Moise cjiro dutiri cjirire yoana tana. ¿Mũsa cũhũ Sabado dachoi tíre yoapanahata tí dachoi dohatirirore jipihtia to pjacũre noariro yũ yoachũ ñũna dohseana yũhũ mehne suari mũsa? 24 Yũ yoirire mũsa noano masierapanahata, yũhũre ñano tũhotuena tũjiga. Mũsa noano masiri baharo yũhũre mũsa tũhotua potocã tũjahca —nire Jesu.

### Jesu wahmanopu to tarirore yahuha

25 To ã ni yahuri baharo mahainacã Jerusalẽ macaina tirore õ sehe ni yahuwajare:

—¿Ahiro judio masa puhto ti wajã duariro jierajari? 26 Ñã tirore ti wajã duapachuta jipihtina panoi masare buhero nina tiro. Wiho mejeta tirore wajã duaina jipahta ã ñnocahna.

“Tiro potocãta Cristo jira”, ¿ni tãhotubocari puhto sehe?

27 Wiho mejeta ahiro Jesu to tarirore sã masija. Cristo sehe masare yũhdũchũ yoahtiro to tachũ to tariro sehere masimahnoerara. Ñã jiro masare yũhdũchũ yoahtiro Cristo waro jierara Jesu —ni yahuwajare tina Jerusalẽ macaina.

28 Ti ã niare masino, Jesu õ sehe ni tuaro sañurucu buhere Cohamacu wũhũi:

—Yũhũre õ sehe ni tãhotura mũsa: “Tirore masija. Ñã jina to tariro cũhũre masija”, ni tãhotumana mũsa. Mũsa ã ni tãhotupanahta yũhũre warocarirore ne masierara mũsa. Yũhũre warocariro potocã niriro, potocã yoariro jira. Tirore ne masierara mũsa. 29 Tirota yũhũre warocare. Ñã jicũ tiro cahapũta tahi. Ñã jicũ yũhũ sehe tirore masija —nire Jesu judio masare.

30 To ã nichũ tũhoa tirore ñaha duamare. Ti ã ñaha duapachuta Jesu to ñano yũhdũhti pja dũhsasinire. Ñã jia tina tirore ñaha masierare. 31 Paina masa sehe payũ tirore wacũ tua, õ sehe nire:

—Ahiro Jesu sehe payũ tahari Cohamacu to tuaa mehne yoa ño tuhsũre. Jipihtina paina yũhũdo Cohamacu tuaa mehne yoa ñohna tiro. Ñã yoarota Cristo Cohamacu to warocariro tjira ahiro Jesu —nire Jesure wahma wacũ tua dũcaina.

### Fariseo curua macaina Jesure peresu yoa dutiha

32 Masa Jesure ti ã ni durucuchũ tũhoa sacerdotea puhto, fariseo curua macaina mehne Jesure ñaha dutia warocaha surarare.

33 Ñã jiro Jesu judio masare õ sehe nire:

—Mahaa dachoricã mũsa mehne jisiniihca. Ñã jicũ baharocãta yũhũre warocariro cahapũ wahaihca. 34 Yũ jiptopũ mũsa waha masierara. Ñã jina yũhũre macapanahata ne bocasi mũsa —nire Jesu judio masare.

35 To ã nichu tũhoa tina ti basi õ sehe ni durucure:

—¿Ahriro ã nino nohopu wahabocari, m̄sa tũhotuchu? ¿Griego masa cahai judio masa waha siteina ti jia macari cjiripu griego masapũre buhero wahabocari ahriro? 36 “Yũ jih̄topu m̄sa waha masierara. ã jina m̄sa yũhũre macapanahta ne bocasi”, to nichu ¿dohse nino baro ahriro ã nijari? —ni durucure judio masa ti basi.

### Caticu yoaa m̄arine yahuha Jesu

37 Bose n̄m̄uri pihtiri dacho tí dacho waro jiro nire. Tí dachoi Jesu tói ducuro, tuaro mehne sañurucu õ sehe ni yahure:

—Ñahma yapioina core ti tuaro cahmano seheta jipihtia dachoripe Cohamacu mehne m̄sa jih̄tire tuaro cahmaina yũhũre siniga. M̄sa ã sinichu Cohamacu yaina m̄sare ji dutihtja. 38 Yũhũre wacũ tuainare õ sehe ni joaa tiha Cohamacu yare ti joari tjui: “M̄ari pohtaripu caticu yoaa co to ã wijaarucuro seheta Cohamacu yaina mehne caticu yoariro ã jirucurohca”, ni joaa tiha Cohamacu yare ti joari tjui —ni yahure Jesu judio masare.

39 ã caticu yoarirore wama payo yahuro “Yũhũre wacũ tuainare Esp̄ritu Santo s̄aarucu s̄u m̄a waharohca”, nino nire Jesu. Tiro m̄anopu to m̄jaerasinichu Esp̄ritu Santo sehe wihierasiniha.

### Judio masa p̄ua curua tju waha

40 Jesu to ã nichu tũhoa, masa payu õ sehe ni durucure:

—Ahriro potoc̄ata Cohamacu yare yahu m̄htariro mari cohtariro jira —nire masa.

41 Õ sehe nire paina sehe:

—Ahriro Cristo marine yũhd̄uchu yoah̄tiro jira —nire.

Paina sehe õ sehe nire tjoa:

—Cristo taro, Galilea yahpa macariro jisi tiro. Ahriro Jesu sehe tó macariro tjira. 42 Cristo Davi cjiro panamino ji turiariro jirohca. ã jiro Davi ya maca cjiroi Bel̄ei Cristo masa bajuarohca. Õ seheta ni yahura Cohamacu yare ti joari p̄ui. Ahriro Jesu sehe Bel̄ei masa bajueraha. ã jiro tiro Cohamacu to warocariro Cristo waro jierara —nire tina.

43 Ñ jia Jesure tũhmarina cjiri tju ware ti basi pũa curua.  
 44 Mahainacã masa sehe Jesure ñaha duamare. Ñ ñaha duapahta tirore ñahaerare.

### Judio masa pũtoa Jesure ne wacũ tuaeraha

45 Ñ yoa surara sacerdotea pũtoa cahapũ fariseo curua macaina cahapũ tjuaa wahaha. Ti tju sũchũ ñua tina surarare sinituha:

—¿Dohseana Jesure ñahaerari mũsa? —ni sinituha tina sehe.

46 —Tiro noaputiaro durucuro jihre. Paina tiro yoaro sehe durucuina ne mariahna —ni yũhtiha surara tinare.

47 Ti ã nichũ fariseo curua macaina sehe õ sehe ni yahuha:

—¿Mũsare to mahũochũ “Potocã nino nica”, niri mũsa cũhũ? 48 Mari pũtoa Jesure wacũ tuaeraina jia ne tirore cahmaerare. Sã cũhũ ã jina tirore cahmaeraja. 49 Ahrina masa sehe Cohamacũ dutiare Moise cjirore to cũrire masierara. Ñ masieraina jia Jesure wacũ tuaina jia tirore cahmana. Ti ã cahmari buhiri tinare Cohamacũ buhiri dahrerohca —niha fariseo curua macaina.

50 Fariseo curua macariro Nicodemo Jesure sũhũduro sũriro cjiro tõi jiha tina mehne. Ti ã nichũ tũhoro õ sehe niha tiro cũhũ tinare:

51 —Jesu to ñano yoirire masieraja mari. Ñ masierana tiro marine to yahuhto pano tirore buhiri dahre masieraja mari. Ñ masierapanahata tirore buhiri dahrena, mari ya dutiare yũhdũrucana nija mari —niha Nicodemo tinare.

52 To ã nichũ tũhoa õ sehe ni yũhtiha tina:

—¿Mũhũ cũhũ tiro yoaro seheta Galilea macariro tjijari? Cohamacũ yare ti joari tjure buhe pahũoga. Ñ buhecũ, “Cohamacũ yare yahu mũhtaina ne cũiro mariahna Galileare”, ni buhe masiihca mũhũ. Ñ jiro ã nimacanocano nina Jesu —ni yũhtiha tina Nicodemore.

53 [Ti ã niri baharo ti ya wũhũsepũ tjuaa wahaha.

### Mũno mehne ñano yoiricorore judio masa pũtoa wacũenoca sũ pjaha

8 1 Jesu tũcũpũ Olivo wama tidũpũ wahare. 2 Ñ yoa pa dachoi bohrearo jichũ Cohamacũ wũhũpũ tiro sũre tjoa. To ã sũchũ ñua masa payũ tiro cahai cahmachure. Ti ã cahmachuchũ ñũno tiro sehe dũjitjiãhno tinare buhe dũcare.

3 To ã buhero watoi sã coyea judio masa buheina, fariseo curua macaina mehne tí wuhupũ numinore na tare. Ticoro mũno mehne to ñano yoachũ waro wacũenoca sũ pja sũha tina ticorore. ã sũ pja sũha ticorore Cohamacũ wuhupũ na sãare tina. Na sãa sũ tuhsũ jipihitina panoi ticorore duhu dapo, 4 õ sehe nire:

—Buheriro, ahricoro mũno mehne ñano to yoachũ waro wacũenoca ticorore sũ pja sũhi. 5 Cohamacũ dutiare Moise cjiropũ marine to cũri õ sehe nina: “Mũno mehne ñano yoaricorore tãa mehne doca, wajãga”, nia tiha Cohamacũ dutia. Mũhũ waro, ¿dohse ni tũhotujari ahrire? —ni siniture tina Jesure.

6 Jesu to ñano nichũ tũho duaa nimare tina tirore yahusã duaa. Ti ã sinitupachũta Jesu sehe puhsa nuju sũ, yahpapũ to wamo pica mehne joare. 7 ã jiro ã ti ni siniturucuchũ Jesu sehe wahcãrũca, tinare õ sehe ni yahure:

—Mũsa mehne macariro ñano yoaerario sehe ticorore tãa mehne doca mũhtajaro —nire Jesu.

8 ã ni tuhsũ pari turi tiro puhsa nuju, yahpapũ joare tjoa. 9 Tĩre tũhoia ti ñaa yoarire wacũa, ti wahmisũma sehe wijaa mũhtare. Ti baharo tina mehne macaina cũhũ wijaa pihtia wahare. ã ti wijaa pihtiaro baharo numino tói ducuricoro Jesu mehne tjuare. 10 ã jiro Jesu wahcã nuju sũ, ticorore õ sehe ni sinitu ñũre:

—¿Nohopũ wahari tina? ¿Mũhũre buhiri dahre duamarina mariajari mipũre? —nire ticorore.

11 —Mariahna, pũhtoro —ni yũhtire ticoro.

—Yũhũ cũhũ buhiri dahreraja mũhũre. Wahaga. ã jico ñaare yoa namoeco tjiga —nire Jesu ticorore.]

**Buhriaro marine to ñũ masichũ yoaro seheta Jesu ahri  
yahpa macainare Cohamacũre masichũ yoara**

12 Pari turi Jesu tí wuhupũ jiinare õ sehe ni yahure:

—Buhriaro marine to ñũ masichũ yoaro seheta yũhũ ahri yahpa macainare Cohamacũre masichũ yoaja. Yũhũre wacũ tuariro jipihitia dachoripe Cohamacũ mehne ã jirucurohca. ã jiro tiro noaare wacũnohca. ã yoa tiro ñaare wacũ duasi —ni yahure Jesu.

13 To ã nichũ tirore fariseo curua macaina õ sehe nire:

—Mũhũ mũ basi mũ jia tiare ã ni durucui nina. ã jia mũ õ sehe ni, mũ mũ sũro mũ nimacanocachũ tí yaba cjihti jierara —nire tina Jesure.

14 Ti ã nichũ Jesu õ sehe ni yũhtire:

—Yũ tarirore masija yũhũ. Yũ wahahto cũhũre masija yũhũ. Mũsa sehe ne tíre masierara. Mũsa õ sehe nipachũta yũ jia tiare mũsare yũ yahuri potocã tjira. 15 Mũsa mũ sũro mũsa ñũri dihtare masina mũsa. ã jina noano masierara mũsa. ã masierapanahta yũhũre ñano ni durucura mũsa. Yũhũ sehe yũ mũ sũro masare ne ã nieraja. 16 ã jicũ masa ti jia tiare ñũ masicũ yũ mũ sũro ñũ masieraja. Yũhũ pini yũ Pũcũ yũhũre warocariro mehne ñũ masija. ã jicũ masa ti jia tiare yũ ñũ masia tí potocã tjira. 17 Mũsare dutia ti joari pũi õ sehe ni yahura: “Pũaro masa cũno potori ti yahuchũ ti yahua potocã tjira”, ni yahu joari jira. 18 Yũhũre yahuriro mehne sã pũaro tjija. Yũhũ yũ jia tiare yahuja. Tuhsũ, yũ Pũcũ cũhũ yahura yũhũ sehere. Tirota jira yũhũre warocariro —nire Jesu.

19 —¿Nohorũ jicari mũ Pũcũ? —ni siniture tina.

—Yũhũre mũsa masierara. Yũ Pũcũ cũhũre masierara mũsa. Yũhũre masina, yũ Pũcũ cũhũre masiboa mũsa —ni yũhtire Jesu tinare.

20 Jesu tinare buhero ã ni durucure Cohamacũ wũhũi ti niñeru duhu sãa caa poca cahai. To ñano yũhdũhti pja dũhsasinire. ã jia tina mehne to jipachũta tina tirore ñahaerare.

**“Yũ wahahtopũre mũsa sehe waha masisi”, niha Jesu**

21 Pari turi Jesu tinare õ sehe ni yahure tjoa:

—Yũ tariropũ wahaihca. Yũ wahari baharo yũhũre macanahca mũsa. ã jina mũsa ñaa buhiri tiina yarianahca. Yũ wahahtopũre mũsa sehe waha masisi —ni yahure Jesu.

22 —“Yũ wahahtopũre mũsa sehe waha masisi”, ¿to nichũ tũhoa ahriro to basi wajã yariarohcari ã nino? —nire sã coyeca judio masa ti basi.

23 Ti basi ti ã nichũ masino õ sehe ni yahure Jesu tinare:

—Mũsa sehe ahri yahpa macaina jira. Yũhũ sehe mũano macariro jija. Ahri yahpai bajuarina jira mũsa sehe. Mũanorũ tariro jija yũhũ sehe. 24 Mũsa yũ jia tiare yũ nirire “Potocã jierara” nina, mũsa ñaa buhiri tiina yarianahca mũsa. ã jicũ “Mũsa ñaa buhiri tiina yarianahca mũsa”, nimahi mũsare —nire Jesu tinare.



25 —¿Noa baro jijari m̄h̄h̄? —ni siniture tina.

—Wahmanop̄ure ȳu nirucuriro seheta jija ȳh̄h̄. 26 M̄sare ȳu yahuhti p̄j̄iro d̄h̄sasina. Tuhs̄, m̄sa ñano yoari buhirire m̄sare ȳu yahuhto cjihto p̄j̄iro d̄h̄sasina mini. Ñ̄ jic̄u ȳh̄h̄re warocariro to yahuri cjiire ahri yahpa macainare yahuja. To yahuri potoc̄ã t̄jira —nire Jesu tinare.

27 “Ȳh̄h̄re warocariro”, to nich̄u t̄h̄oa “Mari P̄c̄u jica”, ni t̄hotuerare tina. 28 Ti ã ni t̄hotuerach̄u ñ̄no Jesu ò sehe ni yahure tinare:

—Ȳh̄h̄re mas̄nore Cohamac̄u warocarirore m̄sa yuc̄c̄u taño mehne wahc̄õ daponahca. M̄sa ã yoana, “Tiro Cohamac̄u warocariro t̄jira”, ni masinahca. Ñ̄ jina ȳu m̄ s̄ro ȳu yoerariro ȳu jia tiare masinahca m̄sa. Ñ̄ jina ȳu P̄c̄u ȳh̄h̄re to buheri dihtare yahuriro ȳu jia c̄h̄h̄re masinahca m̄sa. 29 Ȳh̄h̄re warocariro sehe ȳh̄h̄ mehne jira. To cahmaare jipihtia dachoripe yoarucuja. Ñ̄ jiro ȳh̄h̄re tiro ne coh̄erara —nire Jesu tinare.

30 To ã nich̄u t̄h̄oa, tirore masa paȳu wac̄ũ tuare.

**Cohamac̄u poh̄nare, ñ̄are yoaina c̄h̄h̄re yahuha Jesu**

31 Ñ̄ jia paina judio masa Jesure wac̄ũ tuare. Ñ̄ jiro Jesu tinare ò sehe ni yahure:

—Ȳu d̄tiare yoa pah̄noina jina, potoc̄ãta ȳu buheina jira m̄sa. 32 Ñ̄ jina potoc̄ã masinahca m̄sa. Potoc̄ã jiare masina, ñ̄aa yoaare duhu masinahca. Ñ̄ jina cahamaca yoaro sehe ji namosi m̄sa —nire Jesu tinare.

33 To ã nich̄u t̄h̄oa tina ò sehe ni ȳh̄t̄ire:

—S̄a sehe panop̄u macariro Abrah̄ã c̄j̄iro panamana ji turiaina jija. Ñ̄ jina ne paina ti cahamaca jieraja s̄ã. Ñ̄ jic̄u “Cahamaca yoaro sehe ji namosi” nic̄u, ¿dohse jiro baro s̄ãre ã nijari m̄h̄h̄? —ni siniture tina Jesure.

34 Ti ã nich̄u t̄h̄oro ò sehe nire tiro:

—Potoc̄ã m̄sare niita nija. Jipihtina ñ̄are yoaina sehe ti ñ̄aa yoaare duhu masierara. Ñ̄ jia tí ñ̄aa sehe ti p̄h̄toro yoaro sehe jira. Ñ̄ jiina jia cahamaca yoaro sehe jira tina. 35 Cahamac̄uno sehe to p̄h̄toro ya curua macariro jipihtia dachoripe jirucuerara. Ñ̄ jiro painare dutiriro jierara. Tí w̄h̄h̄ macariro sehe to mac̄uno sehe jipihtia dachoripe potoc̄ãta tí curua macariro jira tiro. (Ȳh̄h̄ sehe Cohamac̄u mac̄uno jija.

Ã jicũ dutiriro jija. Mũsa ñaa yoaare duhu dutihtja.) 36 Ã jina yũhũ Cohamacũ macũno ñaare yũ duhuchũ yoarina jina potocãta ñaare duhurina jira mũsa. (Ã jina tí ñaa cahamaca yoaro sehe ji namoerara mũsa.) 37 Abrahã cjiro panamana ji turiaina mũsa jichũ masija. Ã jipanahta yũ yahua sehere tũho duaerara mũsa. Ã jina yũhũre wajã duara mũsa. 38 Yũ Pũcũ yũhũre to masichũ yoari cjirore yahuja mũsare. Yũ ã yahupachũta mũsa pũcũ watĩno mũsare to dutiare yoara mũsa cũhũ —nire Jesu tinare.

39 —Abrahã cjiro panopũ macariro sã ñũchũ cjiro jia tiha. Ã jiro watĩno sã pũcũ jierara —ni yũhtire tina.

Ti ã nichũ Jesu õ sehe ni yũhtire:

—Abrahã panamana jina, to yoariro seheta yoaboa mũsa.

40 Cohamacũ yũhũre potocã to yahuaare mũsare yũ yahupachũta yũhũre wajã duara mũsa. Abrahã cjiro sehe ne ã yoaera tiha.

41 Mũsa pũcũ to yoariro seheta yoara mũsa —nire Jesu tinare.

To ã nichũ tina õ sehe ni yũhtire:

—Wamomaca dũhtemahnoeraina pohna jieraja sã. Cũirota jira sã Pũcũ. Tirota jira Cohamacũ —nire tina.

42 Ti ã nichũ Jesu õ sehe ni yũhtire:

—Cohamacũ mehne macariro jicũ, õpũre tahi. Ã jina Cohamacũ mũsa Pũcũ to jichũ yũhũre cahĩboa mũsa. Yũ mũ sũro taerahi yũhũ pinihta. Cohamacũ to warocachũ tahi õpũre.

43 ¿Dohseana yũ durucuare tũhoerajari mũsa? Yũ yahuaare tũhona bihoerara mũsa. Ã jina tũho duaerara mũsa. 44 Mũsa pũcũ sehe watĩno jira. Ã jina watĩno cahmaa sehere yoa duara mũsa. Ahri yahpa wahmanopũ to ji dũcachũpũ, mipũ cũhũre tiro masare wajãrucuriro jira. Tirore potocã durucua mariaha. Ã jiro tiro potocã ne durucuerara. Tiro wahmanopũre mahũno mũhta dũcariro jia tiha. Ã jiro tiro ã mahũnucuriro jiro, mahũnoare yahura. 45 Yũhũ sehe mũsare potocã yahuja. Ã yũ yahuchũ yũhũre tũhoerara mũsa. 46 “Mũhũ ñano yoariro jira”, yũhũre ni masierara mũsa. ¿Potocã mũsare yũ yahupachũta dohseana tũhoerajari mũsa? 47 Cohamacũ pohna sehe to durucuare tũhora. To pohna jierana, to durucuare tũho duaerara mũsa —nire Jesu tinare.

**Abrahã cjiro to jightho pano Cristo sehe ji mũhta tuhsua tiha**

48 To ã nichũ tũhoa judio masa tirore õ sehe nire:

—“Mũhũ Samaria macariro jira. Ā jicũ tũho masierariro watĩno to cohtotariro jira mũhũ”, sã niri potocã tjira —nire tina Jesure.

49 Ti ã nichũ tũhoro õ sehe ni yũhtire Jesu:

—Tũho masierariro, watĩno to cohtotariro jieraja yũhũ. Yũ Rũcũre ño payoja. Mũsa sehe yũhũre ño payoerara. 50 Yũhũre masa ti ño payohtire macaeraja yũhũ. Yũ Rũcũ sehe masare yũhũre ño payo dutira. Tiro pinihta yũ jia tiare noano ñũ masino, ãta ño payo dutira. Tuhsũ, yũhũre ti cahmaerari buhiri buhiri dahreriro jirohca tiro. 51 Potocãta mũsare nii nija. Yũ dutiare yoariro jipihtia dachoripe Cohamacũ mehne ã jirucurohca —nire Jesu.

52 To ã nichũ tũhoa õ sehe nire tina:

—Mipũ pinihtare tũho masierariro, watĩno to cohtotariro mũ jichũ sã noano masija. Abrahã cjiro yariaa wahaha. Cohamacũ yare yahu mũhtaina cjiri cũhũ yaria pihtia wahaha. Ā jicũ “Yũ dutiare yoariro jipihtia dachoripe Cohamacũ mehne ã jirucurohca” nicũ, ¿dohse nicũ ã nijari mũhũ? 53 ¿Sã ñũchũ cjiro Abrahã yũhdoro tuajari mũhũ? Tiro cjiro, Cohamacũ yare yahu mũhtaina cjiri cũhũ yariaa wahaha. ¿Mũhũ sehe diro baro jijari mũhũ ã ni durucucũ? Mũhũ ã niboriro jierara —nire tina.

54 Ti ã nichũ tũhoro Jesu õ sehe ni yahu namore:

—Yũhũ yũ basi “Tuariro jija yũhũ” nicũ, tuariro jieraboca yũhũ. Yũ Rũcũ sehe “Tiro tuariro jira”, nina yũhũre. “Sã yairo Cohamacũ”, mũsa niriro sehe yũ Rũcũ tjira. 55 Mũsa sehe yũ Rũcũre ne masierara. Yũhũ sehe tiore masija. “Tirore masieraja” nicũ, mũsa yoaro sehetã mahũoa payũriro jiboa yũhũ. Potocãta tiore masija. Ā jicũ to dutiare yoaja. 56 Ahri yahpũpũ yũ tahtore mari ñũchũ cjiro Abrahã cjiro masia tiha. Ā masino tiro wahchea tiha —nire Jesu.

57 To ã nichũ tina õ sehe ni yũhtire:

—Mũhũ cincuenta cũhmari cjuærasinica. Abrahã cjiro paũpũ macariro jira. ¿Mipũre tiro cjiore mũhũ dohsea masiboari? —nire judio masa Jesure.

58 —Potocã mũsare niita nija. Abrahã to jihto pano yũhũ sehe ji mũhta tuhsũa tiĩ —nire Jesu tinare.

59 To ã nichũ tũhoa tina sehe tãare na, tiore doca duamare. Ti ã doca duapachũta Jesu sehe Cohamacũ wũhũi jiriro duhti wijaa wahare.

### Capari ñuerarirore ñuchũ yoaha Jesu

**9** <sup>1</sup> Ñ yoa Jesu sã to buheina mehne mahai wahana paireo capari ñuerarirore boca sũi. Tiro wahma masa bajaropũta capari ñuerariro jia tiha. <sup>2</sup> Sã cũhũ tirore ñũna, õ sehe ni sinitu ñũhi Jesure:

—¿Buheriro, ahriro dohsearo capari ñuerariro masa bajua tiari? ¿Ñaaare yoaa tiari ã waharo? ¿O to pũcũsuma sehe ñaaare yoaa tiari to ã wahachũ? —ni sinitu ñũhi sã sehe Jesure.

<sup>3</sup> Sã ã nichũ tũhoro õ sehe ni yũhtire tiro:

—Ahriro to ñaaare yoari buhiri capari ñuerariro wahaerare. To pũcũsuma cũhũ ñaaare ti yoari buhiri capari ñuerariro wahaerare. Cohamacũ sehe tirore capari ñuerachũ yoare tirore ñuchũ yoaro taro masare to ñohtire. <sup>4</sup> Yũhũre warocariro to cũrire mipũre yoaro cahmana yũhũre. Ñamipũ mari dahra masieraro seheta baharopũ yũhũre warocariro to cũrire yoa masieraja yũhũ. <sup>5</sup> Ahri yahpũpũ buhriaro marine to ñũ masichũ yoariro seheta jiro jicũ ahri yahpa macainare Cohamacũ yare masichũ yoaja yũhũ —nire Jesu.

<sup>6</sup> Ñ ni tuhsũrota yahpũpũ chahcho puti cũre. To ã chahcho puti cũrire dahra more, capari ñuerarirore to caparire wisõre. <sup>7</sup> Ñ wisõno õ sehe nire Jesu:



—Siloé wama tiri copai cuhsuri copai m̄ caparire cosai wahaga —nire Jesu. (Siloé sã ya dusero mehne nia “Warocari copa”, nia nire.)

Jesu to caparire cosa dutihiro sehe waha, cosa, capari ñ̄rirop̄ tju wihire. <sup>8</sup> To tju wihichu tiro cahai jiina tirore ñ̄re. Tó pano niñeru siniriro cjiro to jichu ñ̄rina tirore ò sehe nire ti basi:

—¿Ahriri sohõ jiriro niñeru siniriro cjiro jierajari? —nire tina.

<sup>9</sup> —Tirota jira wiho —nire paina sehe.

—Tiro jierara. Ñ̄ jieraparota tiro yoaro sehe bajuriro jira —nire paina.

Ti ã nichu tuhoro capari ñ̄erariro cjiro sehe ò sehe nire:

—Tiro tjija ȳh̄u —nire tinare.

<sup>10</sup> To ã nichu masa tirore ò sehe ni siniture:

—¿Capari ñ̄erariro cjiro jicu dohse waha ñ̄ri m̄h̄u? —ni siniture tina tirore.

<sup>11</sup> —Jesu wama tirihi dihta sohãare dahra more, yu caparire wisõre. Yuhure wisõ tuhsu “Siloé wama tiri copap̄ m̄ caparire cosai wahaga”, to nichu cosai s̄hi ȳh̄u. Yu ã cosari baharo yu capari noano bajure yuhure —ni yahure tiro masare.

<sup>12</sup> —¿Muh̄re ã yoariro nohop̄ jicari tiro? —nire tina.

—Buh. Nohoi jiro jica —nire tiro.

### Capari ñ̄erariro cjirore fariseo curua macaina sinituha

<sup>13</sup> Ñ̄ ni durucu tuhsu tina capari ñ̄erariro cjirore fariseo curua macaina cahap̄ naahre. <sup>14</sup> Tí dacho Jesu dihta sohãare dahra more capari ñ̄erarirore noariro to yoari dacho Sabado dacho jire. Tí dacho sã sori n̄m̄ jire. <sup>15</sup> Ñ̄ jia fariseo curua macaina sehe tirore ò sehe ni sinituha tjoa:

—¿Dohse yoa m̄h̄u ñ̄ri? —ni sinituha tina.

—Dihta sohãa mehne yu caparire wisõhre. Ñ̄ jicu yu caparire yu cosari baharo ñ̄ d̄cahi ȳh̄u —ni yahuha tiro tinare.

<sup>16</sup> —Tiro Sabado dacho mari sori n̄m̄i mari dahra dutierari n̄m̄i dahrahe. Ñ̄ jiro tiro Cohamacu yairo jierara —niha paina fariseo curua macaina sehe.

Paina sehe ò sehe niha:

—Ñ̄aare yoariro ò sehe noariro wahachu yoa masierara. Ñ̄ jiro tiro noariro jiboca —niha paina.

Ã jia tina pua curua ti basi tju waha. 17 Ã jia pari turi tina capari ñnerariro cjirore õ sehe ni sinituha tjoa:

—¿Muhure mu caparire noano yoarirore muhu waro dohse ni tuhutujari Jesure? —niha tina tirore.

—Tiro potocãta Cohamacu yare yahu muhtariro jira —niha capari ñnerariro cjiro.

18 Wahmanopure judio masa õ sehe ni tuhutumaha: “Ahiro capari ñnerariro cjiro jierara”, ni tuhutumaha tina. Ã ni tuhutua capari ñnerariro cjiro pucsumare pjirocaha tina. 19 Pjiroca tuhsu, to pucsumare õ sehe ni sinituha fariseo curua macaina puhto:

—¿Ahiro potocãta musa macu jijari? ¿Dõhta tiro capari ñnerariro masa bajuari? ¿Potocãta capari ñnerariro cjiro jiparota dohsearo ñjari mipure? —ni sinituha tina to pucsumare.

20 —Ahiro sã macuta jira. Ã yoa dõhta capari ñnerariro masa baja tire tiro. 21 Tire masipanahta to ñerire, tirore ñchũ yoariro cũhure masieraja sã. Sã macure sinituga. Bucuro jira tiro. Tiro to basi yahu masina —niha to pucsuma.

22 Judio masa sã puhtoah wahmanopure õ sehe nia tiha:

—“Jesuta Cristo Cohamacu warocariro jira”, niinare mari buhea wuhusepu sãa dutisi sã —nia tiha judio masa puhto.

Ti ã nichu tuhoa capari ñnerariro cjiro pucsuma sehe judio masa puhtoare cui niha. 23 Ã cuia, “Bucuro jira tiro. Tiroreta sinituga”, niha tina judio masa puhtoare.

24 Baharo judio masa sã puhtoah pari turi capari ñnerariro cjirore pjirocaha tjoa. Pjiroca tuhsu, õ sehe niha tirore:

—Cohamacu mehne poto yahuga muhu. Jesure mahñoriro to ñaa yoariro jichu sã masija. Ã jicu poto yahuga sãre —niha judio masa capari ñnerariro cjirore.

25 Ti ã nichu tuhorõ õ sehe ni yuhtiha tiro:

—Jesure to ñaa yoariro to jichu masieraja yuhu. Cũnota masija yuhu. Panopure capari ñnerariro jia ticuru yuhu. Mipu sehere ñja yuhu. Tí dihtare masija yuhu —ni yuhtiha capari ñnerariro cjiro tinare.

26 —¿Dohse yoari muhure tiro? ¿Mu capari ñuhto cjihtore dohse yoari tiro muhure? —ni sinituha tina tjoa.

27 —Tíreta musare yahu tuhsamahicu yuhu. Yu ã ni yahupachuta musa ne tuho duaerare yuhure. ¿Dohse yoa

duana pari turi yu yahuchu tuho duajari musa? ¿Musa cūhu to buheina ji duajari? —niha tiro tinare.

28 To ā nichu tuhoa tina tuhtiha tirore:

—Mūhu Jesu buheriro jira. Sā sehe Moise cjiro buheina jija. 29 Potocāta Cohamacu Moise cjirore durucua tiha. Jesu to tarirore sā masieraja —niha tina capari ñerariro cjirore.

30 Ti ā nichu ō sehe ni yuhtiha tiro:

—¿Tiro to tarirore musa masierachu yūhure ñuchu yoariro jiro Cohamacu warocariro jierabocari tiro? 31 Cohamacu ñaa yoainare ti siniare tuhoerara. Tí pinihtare mari masija. Tinare tuhoeraparota Cohacure ño payorirore, to dutiare yoarirore to siniare tuhora Cohamacu. 32 Wahmanopure ahri yahpa to ji ducachupure ne coā masa bajaropu capari ñerarirore ne cūiro baro ñuchu yoariro mariea tiha. 33 Ā jiro Jesu Cohamacu warocariro jieraro yūhure ñuchu yoaeraboa tiro —niha tiro tinare.

34 —Mūhu dóihta ñariro jia tiha. ¿Ā jipacuta sāre buhe duajari mūhu? —niha judio masa sā puhto tirore.

Ā ni tuhsuata tina tirore cohā wionocaha.

**Jesu yare cahmaeraina capari ñeraina ti ñu  
masieraro seheta Cohacure masierara**

35 Ā yoa capari ñerariro cjirore ti cohā wiorire Jesu tuhore. Ā tuhoro capari ñerariro cjirore boca sūro, tirore ō sehe ni siniture:

—¿Masunore Cohamacu warocarirore wacū tuajari mūhu? —nire Jesu.

36 —¿Puhtoro, noa jijari tiro? Tirore masicu wacū tuaihtja tirore —nire capari ñerariro cjiro Jesure.

37 —Tirore ñu tuhsure mūhu. Mipure mūhu mehne durucuriro tiro tjija yūhu —nire Jesu capari ñerariro cjirore.

38 —Puhtoro, mūhure wacū tuaja —nire capari ñerariro cjiro.

Ā ninota tiro Jesu panoi na tuhcuca caha sū, tirore ño payore.

39 To ā ño payochu ñuno ō sehe nire Jesu:

—Noaina, ñaina cūhu ti yoarire masichu yoai tai ahri yahrapure tahi. Capari ñeraina ti ñu masieraro seheta tina yoaro sehe jiina yu Pucure masierara. Ā masierainare yu Pucure masichu yoai tai tahi yūhu. “Sā noano masija”, ni

tũhotumarina noano ti masierarire masichũ yoai tai tahi yũhũ —nire Jesu.

40 To ã nichũ tũhoa mahainacã fariseo curua macaina tirore õ sehe nire:

—“Capari ñũeraina ti ñũ masieraro seheta noano masierara mũsa cũhũ”, ¿nii nijari mũhũ sãre? —nire fariseo curua macaina Jesure.

41 Ti ã nichũ Jesu õ sehe nire:

—Capari ñũeraina ti ñũ masieraro seheta potocã mũsa noano masierachũ, mũsare buhiri mariaboa. “Sã noano masiina jija”, mũsa niri buhiri buhiri tiina jisinina mũsa mipãre —nire Jesu tinare.

### Ovejare ñũ wihboriro quitire yahuha Jesu

**10** <sup>1</sup> Baharo quititi mehne piti dahre buhero taro õ sehe nire Jesu:

—Potocãta nii nija mũsare. Ovejare wihbori sahrĩno sopacai sãaerariro, sopaca marienopũ sãariro sehe yaca bũcũro jira.

<sup>2</sup> Sopacai sãariro sehe ovejare ñũ wihboriro jira. <sup>3</sup> Sopacare cohtariro sopacare pjõohna ovejare ñũ wihboriro to sãahto

sehe. Ovejare ñũ wihboriro to durucuchũ tũho tara to nuina oveja perĩ. Tinare pjirocaro, ti wama mehne pisurocarucura tiro. Æ yoaro tinare sahrĩnopũ jiinare pji wiorucura sopacarpũ.

<sup>4</sup> To yainare jipihtinare pji wio tinare mũ tãrucura. Oveja sehe to durucuaire masia, to baharo nũnũ tirucura. <sup>5</sup> Pairore ti masierarirore nũnũ tierara tina. Æ jia paina ti durucuaire tũhoa, cui mũrocaa wahara —nire Jesu tinare.

<sup>6</sup> Ahri quitire to ã yahupachũta to yahuaire tũho ñahaerare tina.

### Jesu ovejare noano ñũ wihboriro yoaro seheta to yainare noano ñũ wihbora

<sup>7</sup> Pari turi Jesu tinare õ sehe ni yahure tjoa:

—Potocãta mũsare nii nija. Ovejare wihbori sahrĩno sãari sopaca yoaro sehe jija yũhũ. <sup>8</sup> Jipihtina yũ pano tarina

quihõno yũ durucuaire buheraina, ovejare ñũ wihbo mahñoina yacaina yoaro sehe jira. Ti ã jipachũta yũ yaina sehe oveja

yoaro sehe jiina painare ne tũho wahcãerara. <sup>9</sup> Yũhũ ovejare wihbori sahrĩno sãari sopaca yoaro sehe jija. Tĩ sopacai sãaina

yoaro sehe tjira yũhũre wacũ tuaina. Æ jicũ yũhũ tinare



pichacapu wahaborinare yuhduchu yoaihtja. Oveja sehe tinare nu wihboriro mehne ti cahmaare bocaro yoaro seheta yu yuhduchu yoaina cuhu yuhu mehne ti cahmaare bocaahca. Yuhu tinare noano ducata, noano nu wihboihca —nire Jesu.

10 A ni tuhsu o sehe ni namore:

—Musare mahnoare buheina, ovejare nu wihbo mahnoina sehe ovejare yacaina yoaro sehe jira. Yaca taa, wajaa taa, dojomehnea taa tara tina. Wiho mejeta yuhu sehe yu yainare, oveja yoaro sehe jiinare, tuaro waro ti wahchea mehne a catirucuchu yoai tahi. 11 Ovejare noano nu wihboriro yoaro sehe jija yuhu. Ovejare noano nu wihboriro tinare noano ducata, to yariahtore ne cuierara. To yoaro seheta yuhu cuhu yainare noano ducata, yariahca, tinare ne soro wahaerahto sehe. 12 Oveja puo cahamacuno sehe potocã ovejare nu wihboriro jierara. A jia oveja to yaina jierara. A jiro yairo ovejare to churo tachu nuho to cahamacuno sehe ovejare cohã cunoca, muroca wahara. To a cohã curi baharo, yairo ovejare to nahachu nuhã oveja peri muroca site wahcãa wahara. 13 To cahamacuno sehe to wapataa dihtare cahmana. A jiro tiro ovejare noano nu wihbo ji coerara —nire Jesu.

14 A ni tuhsu o sehe ni namore:

—Ovejare noano nu wihboriro yoaro sehe jija yuhu. A jicu yu yainare masija yuhu. A jia yu yaina sehe yuhure masina. 15 To seheta yu Pucu cuhu yuhure masina. A jicu yuhu cuhu yu Pucure masija. Oveja yoaro sehe jiina yu yaina Cohamacu mehne ti a jirucuhti cjihtire yariaihca yuhu. 16 Paina oveja pa sahrino macaina yoaro sehe jiina paina masa cuhu yu yaina jahca. Tina cuhure naaihca. A jia yu durucuchu tuho wahcãahca tina cuhu. A jia yu yaina jipiltina cu curuata jahca. A jicu yuhu dihta yu yainare nu wihboihca —nire Jesu.

17 A ni tuhsu o sehe ni namore:

—Yu yaina Cohamacu mehne ti a jirucuhti cjihtire yariaihca. Yu yariari baharo masa mujaihca. Yu a yoah tiro jichu yu Pucu yuhure cahina. 18 Yu waja dutierachu yuhure waja masieraboa tina. Yu cahmano seheta yuhure wajaahca. A jicu yu yaina Cohamacu mehne ti a jirucuhti cjihtire yariaihca. Yaria masija yuhu. A yoa masa mija masija. Yu Pucu yuhure treta yoa dutire —nire Jesu.

19 To a nichu tuhoa judio masa puu curua tju ware. Paina soro tuhotu, paina cuhu soro tuhoture:

20 —Tiro watĩno to cohtotariro jira. Ñ jiro tũho masierariro jira. ¿Dohseana tirore pari turi tũhojari masa? —nire paina payu judio masa.

21 Paina sehe õ sehe nire:

—Watĩno to cohtotariro jiro ã ni durucueraboa. Capari ñnerarirore ñuchũ yoa masierara watĩno to cohtotariro. Ñ jiriro jiro tiro watĩno to cohtotariro jierara —nire paina judio masa.

### Judio masa Jesure cahmaeraha

22 Pa dachoi sã coyera judio masa Jerusalēi bose numuri yoaa nire pari turi. Cohamacu wũhure panopu tirore ti wari cjirire ti wacũhti dachori jire. Tí pjare puhiro jire. 23 Tí dachoi Salomo wama tiri tahtiapu Cohamacu wũhũ jiri tahtiapu Jesu ñũ tinino nire. 24 Tí tahtiapu to jichũ ñũa sã coyera judio masa tiro cahapu cahmachu, tirore õ sehe ni siniture:

—Yoaputiaro pja sãre noano yahueraca mũhũ. Poto sãre noano yahu bahrañoga mũhũ. ¿Cristo Cohamacu to warocariro tjijari mũhũ? —nire tina Jesure.

25 Ti ã nichũ tũhorõ õ sehe ni yũhtire Jesu:

—Mũsare yahu tuhsũmajacu yũhũ. Yu ã yahupachũta yũhure tũho duaerare masa. Yu Pũcu yũhure to dutiriro seheta to tuua mehne yoa ñoja. Ñ yoacu yu Cristo jiareta mũsare ñoi nija. 26 Yu ã ñopachũta yũhure tũho duaerara masa. Mũsa sehe yu yaina jierara. Ñ jina paio yaina oveja yoaro sehe jiina jina, yũhũ sehẽ tũhoerara masa. 27 Ovejare ñũ wihborirore to yaina ti tũhoriro seheta yũhũ cũhure yu yaina tũhora. Ñ jicu yu yainare masija yũhũ. Ñ jia tina yũhũ mehne wahara. 28 Ñ jicu jipihtia dachoripe Cohamacu mehne ã catirucuchũ yoaja tinare. Ñ jia tina sehe pichacapu ne wahasi. Ñ jia yu yainare yu ñũ wihbochũ paina sehe ne cũirore yũhure ma masierara tinare. 29 Ñ yoa yu Pũcu yu yainare yũhure wariro jipihtina yũhoro tuariro jira. Ñ jiro yu Pũcu sehe yu yainare to ñũ wihbochũ, ne cũiro tiro cũhure ma masierara tinare. 30 Yũhũ yu Pũcu mehne cũirota jija —nire Jesu judio masare.

31 To ã nichũ tũhoa judio masa sehe tirore ti doca wajãhti tãare pari turi namare tjoa. 32 Ti ã yoachũ ñũno Jesu õ sehe ni siniture tinare:

—Yu Pũcu ya tuua mehne payu tahari yoa ñomahi mũsare. ¿Di baro sehẽre yu yoari buhiri yũhure tãa mehne doca wajã duajari masa? —ni siniture Jesu.

33 To ã nichu tuhoa õ sehe nire tina:

—Cohamacu tuaa mehne mu yoa ñori buhiri mũhure tãa mehne doca wajã duaeraja sã. Cohamacure mu ñano durucuri buhiri mũhure tãa mehne doca wajã duaja sã. Masuno jipaihta “Cohamacu jija yuhu”, mu nia buhiri mehne mũhure tãa mehne doca wajã duaja sã —ni yũhtire tina.

34 Ti ã ni yũhtichu tuhoro Jesu tinare õ sehe ni yahure:

—Musa cũhure “Cohamana”, ni pisure Cohamacu. Æta ni joaa tiha to dutiare ti joari pũ. 35 Cohamacu yare ti joari pũ quihõno to jichu mari masija. “Mahñoa jira”, tí pũre ni masieraja mari. Æ jiro to yare masiinare potocãta tiro “Cohamana”, ni pisura. 36 Cohamacu yuhure besetjiãhno, ahri yahrapure warocare. Æ jicu yuhu “Cohamacu macno jija”, yu niri buhiri “Cohamacure ñano durucuro nina Jesu”, nina musa yuhure. ¿Dohseana yuhure ã nijari musa? 37 Yu Pucu to cahmariro seheta to tuaa mehne yu yoa ñoerachu pinihtare yu buherire “Potocã tjira”, nieraboca musa. 38 Yu Pucu to tuaa mehne yu yoa ñopachuta yuhu sehere tuho duaeraboca musa. Æ tuho duaerapanahta to tuaa mehne yu yoa ñochu ñna yu yoarire “Potocã tjira”, niga musa. Musa ã nina, yu Pucu mehne sã cũno potori sã jichu masinahca musa. Æ jina yuhu yu Pucu mehne cũno potori yu jichu masinahca musa. Æ jina tuho ñahanahca musa —nire Jesu tinare.

39 To ã nichu tina pari turi tirore ñaha duamare. Ti ã ñaha duachu ñno tiro duhti wijaa wahare.

40 Æ wijaariroputa João masare to bautisa mũhtariopu Jordão sie seheru pari turi wahare tjoa. Tõpu sũro tjuanocare tiro. 41 Æ jia masa payu tirore ñua sure. Õ sehe nire tina ti basi:

—João sehe Cohamacu tuaa mehne yoa ñoerare. Æ to yoa ñoerapachuta jipihtia Jesure to yahuri cjiri sehe potocãta jira —nire masa ti basi.

42 Æ jia tõpũre masa payu wacũ tua dũcare Jesure.

### Lázaro wama tiro yariaa wahaha

**11** 1 Æ yoa cũiro Lázaro wama tiro to wahmiosãnumia María, Marta cũhu mehne Betania wama tiri macai jia tire. Tiro cũ numu dohatia wahari jire. 2 Tiro wahmiono María sehe baharo Jesu to dahporire me sitia wisõ, to pjoari mehne tirore pahã cohãhticoro jiri jire. 3 Æ yoa to dohatia

wahachũ ñña, to wahmiosãnumia sehe painare Jesure yahu dutirocari jire:

—Pũhoro, mũ cahĩriro dohatiro nina —ni yahu dutirocari jire Lázaro wahmiosãnumia.

4 Tí quitire tũhoro õ sehe nire Jesu:

—Mipũre Lázaro to dohatia to variahti cjihti jierara.

Cohamacũ tuaare masare ñohti cjihtire mipũre tiro dohatira. Ñ jia yũhũ to macũno tuariro yũ jia cũhũre ñũahca masa —nire Jesu.

5 Jesu Martare, to bahoro cũhũre, Lázaro cũhũre tuaro cahĩa tire. 6 Ñ nino Lázaro dohatiriro to jichũ tũhoparota tói Jesu sehe pũa dacho tjuasinire. 7 Pũa dacho baharo Jesu õ sehe nire sãre to buheinare:

—Pari turi Judea yahpũpũ tjuaa wahajihna tjoa —nire sãre.

8 —Buheriro, canũpũcãta judio masa tó macaina mũhũre tãa mehne doca wajã duamare. ¿Dohseacũ tórpũ pari turi tjuaa waha duajari mũhũ? —nihi sã to buheina.

9 Sã ã nichũ tũhoro, tirore ti wajã masierasininore yahuro, piti dahre buhero sãre õ sehe nire:

—Pjĩro tũhotuena tjiga. Cũ dachore doce horari waro jira.

Sũ dacho macariro to jisnichũ, noano ñũja mari. Ñ jina dachore tinina ne pũha tu mũa boraeraja mari. 10 Wiho mejeta nahitianoĩ tiniina sehe pũha tu mũa boraahaca. Sũ dacho macariro mariachũ noano ñũerara tina —nire Jesu. (Ñ nino õ sehe nino niri jimare: “Mipũre yũ Pũcũ yare yũ yahu pahũohto dũhsasinina. Ñ jia yũhũre wajã masierasininina”, nino niri jimare.)

11 Ñ nino sãre õ sehe ni yahu namore tjoa:

—Mari mehne macariro Lázaro, carĩno nica. To ã carĩpachũta yũhũ tirore wahcõĩ wahaihtja —nire sãre.

12 —Pũhoro, Lázaro carĩriro jiro, yũhdũrohca —nimahi sã.

13 Sã ã nipachũta Jesu “Carĩno nica” nino, “Yariaa wahaca”, nino niri jimare. To ã nichũ tũhona “Lázaro soro nica”, ni tũhotumai sã sehe. 14 Sã ã ni tũhotuchũ masino Jesu pota yahure sãre:

—Lázaro yariaa wahaca. 15 Yũ marieno to yariachũ, noa nina. Ñ jina mũsa yũhũre wacũ tua namonahca. Mũsa yũ jia tiare masi namo, mũsa yũhũre wacũ tua namohti cjihti jiahca ahri. Ñ yoana basata. Mari ñũna wahajihna to cahapũ —nire Jesu.

16 Toma sũhũduariro wama tirore õ sehe nire sãre:  
—Mari cũhu Jesu mehne wahajihna. Tirore wajãa, mari  
cũhũre wajãjaro —nire Toma.

**Jesu ã jirucuchũ yoariro masare masoriro jira**

17 ã yoa sã tũpũre sã sũna cahachũ waro tó macaina õ sehe  
ni yahure Jesure:

—Pititia dachori wahara Lázaro cjirore masa copapũ ti siõ  
sãari baharo —ni yahuha tirore.

18 Betania wama tiri maca sehe Jerusalẽ cahacãi tia  
kilómetro yoaro jire. 19 ã jia Lázaro to yariari baharo, payũ  
Jerualẽ macaina sã coyera judio masa Martare, María cũhũre  
ñahacaha tiia taa tari jire. 20 Tũpũre sã sũna cahachũ tũhoro,  
Marta sehe sãre piti bocaro wihire. Wiho mejeta to bahoro  
María sehe to ya wũhũpũ tjuari jire. 21 Marta sehe Jesure piti  
boca wihĩ, õ sehe nire tirore:

—Pũhoro, yũ bahũ to yariahto pano mũ õi jichũ, tiro  
yariaeraboa. 22 Mipũ cũhũre Cohamacũre mũ sini payochũ,  
tiro mũ sinino seheta yoarohca —nire Marta Jesure.

23 —Mũ bahũ masa wijaarohca —nire Jesu tiorore.

24 —ãja. Ahri yahpa to pihtiri dachoi yariarina cjiri ti  
masa wijaahiti dachoi to masa wijaahitore masija yũhũ —nire  
ticoro sehe.

25 To ã nichũ Jesu õ sehe ni yahure tjoa:

—Yũhũ masa wijaachũ yoariro jija. Yũhũ ã jirucuchũ  
yoariro jija. Yũhũre wacũ tuariro yariaparota ã catirucurohca.

26 ã jia jipihtina Cohamacũ mehne ã catirucuina, yũhũre  
wacũ tuaina pichacapũ ne wahasi. ¿Ahrire masijari mũhũ?  
—nire Jesu tiorore.

27 —Pũhoro, masija yũhũ. Cristo Cohamacũ macũno,  
masare yũhdũchũ yoariro “Ahri yahpapũ tarohca”, ti niriro  
mũ jichũ masija yũhũ —nire Marta Jesure.

**Lázaro to masa copa cahai Jesu tiuha**

28 Marta ã ni tuhsũ to bahoro Maríare pjiro wahare:

—Marine buheriro mari ya macai taro nina. Mũhũre pjihre  
—ni yaroca yahuri jire Maríare.

29 To ã nichũ tũhoro María ño duaro wahcãrũca, sã cahapũ  
tari jire Jesure ñũno taro. 30 Ti ya macapũ sũerasinihi sã. Marta  
sãre to piti bocaroihita jisinihi sã. 31 Judio masa tí wũhũi

Maríare ñahacaha tiia niha. Ñ jia ticoro to wahachũ ñña, tina ticorore nũnũ ti tari jire. “To wahmino cjirore ti siõ sãari copapũ tiiro waharo nina ticoro”, ni tũhoturi jimare tina. Ñ ni tũhotua ticorore nũnũ ti tari jire.

32 Ñ yoa María sã cahapũ wihiro, Jesure ñũ, to dahpori cahai na tuhcuca caha sũre.

—Puhtoro, yũ bahũ to yariahto pano mũ õi jichũ tiro yariaeraboa —nire ticoro Jesure.

33 Ñ jiro ticoro judio masa ticoro mehne tarina cũhũ ti tiichũ ñño Jesu sehe tuaro cahya ñano yajeripohna tire.

34 —¿Lázaro cjirore nohopũ siõ sãari mũsa? —ni siniture Jesu.

—Ñũi taga —ni pji wahcãre tina.

35 Ti ã nichũ tũhoro Jesu tiia wahare.

36 —Lázaro cjirore Jesu tuaro cahĩri jira —nire judio masa ti basi.

37 Wiho mejeta paina tina mehne macaina sehe õ sehe nire:

—Capari ñũerarirore ñũchũ yoariro jira ahriro Jesu. ¿Ñ jiro Lázaro cũhũre to yariaborore yũhdũchũ yoaeraboari ahriro? —nire tina ti basi.

### Lázaro masa wijaaha

38 Ñ jiro pari turi Jesu tuaro cahya namore. Ñ jina sã jipihtina to masa copapũ sũhi. Tí copa tãcapũ ti sahari copa jire. Tí copapũ to pjacũ cjirore siõ sãa, tãca pjiria mehne tju biha cũri jire tina.

39 —Tãcare na pjõohga —nire Jesu.

To ã nichũ tũhoro Marta yariariro cjiro wahmiono õ sehe nire:

—Puhtoro mipũ pititia dachori waha tuhsũra to yariari baharo. Ñ jiro to pjacũ cjiro Ƴrĩbiahca —nire Jesure.

40 —“Yũhũre wacũ tuaco Cohamacũ tuaare ñũcohca”, mũhũre nimahi —nire Jesu Martare.

41 To ã niri baharo tina tãcare na pjõohre. Ñ ti na pjõori baharo Jesu sehe mũanopũ ñũ, Cohamacũre õ sehe nire:

—Mai, yũhũre mũhũ tũho tuhsũhũre. Tíre mũ yoachũ masicũ wahcheja mũhũre. 42 Ñ yoa yũhũre mũhũ dachoripe ã tũhorucura. Tíre masija. Ñ masipaihta yũhũ mũ warocariro yũ jiare õre ducuina ti masihti cjihtire mũhũre ã nii nija. Tíre



“Potocã tjira”, ti nihti cjihti cũhure ã nii nija —nire Jesu to Pucurore.

43 Æ ni tuhsu Jesu tuaro sañurucure:

—Lázaro, wijaa tagá —ni sañurucure tiro.

44 To ã nichu yariariro cjiro to wamomacarine to dahpori cũhure suhti cahsari mehne ti wahmariro cjiro, to dapure suhtiro mehne ti wahmariro cjiro, masa coparu wijaa tare juna.

—Ti wahmari cjirore pjãga —nire Jesu.

### Judio masa pũhtoa sehe Jesure ñaha duamaha

(Mt 26.1-5; Mr 14.1-2; Lc 22.1-2)

45 To ã masochũ ñha, payũ judio masa Maríare ñha tarina mehne macaina Jesure wacũ tuare. 46 Wiho mejeta paina sehe, tina mehne macaina sehe fariseo curua macaina cahapũ waha, sũ, Jesu to yoarire yahuri jire tinare. 47-48 Æ jia sacerdotea pũhtoa, fariseo curua macaina pũhtoa cũhũ cahmachũ, ti basi õ sehe ni durucuha:

—Jesu payũ tahari Cohamacũ tuaa mehne yoa ño mũjana. To ã yoa ñoare mari tirore ã ñũnoca mari dũcataerachũ, jipihtina masa tirore wacũ tua, tiro mehne waha pihtiaboca. Æ yoa tiro Jesure ti pũhtoro cjihto ti sõchũ ñha, Roma macaina pũhtoa sehe “Marine cohãa nina”, ni sua, ñano yoaaahca marine. Tuhsũ, Cohamacũ wũhũre cohã duti warocaahca ti yaina surarare. Mari ya dihta cũhũre maahca tina. ¿Æ jina dohse yoanahcari mipũre? —ni durucuha tina ti basi.

49 Ti ã nipachũta paio Caifa wama tirore, tí cũhmare sacerdotea bui pũhtoro jiriho tinare õ sehe ni yahuha:

—Mũsa sehe ne masierara. 50 Judio masa jipihtina mari ya cjihtire cũiro masũno to yariachũ noana. To yariaerachũ mari jipihtina judio masare cohã pahũnocaboa. Tíre mũsa masierara —niha Caifa tinare.

51 Æ nino to mũ sũro ã nino nieraha. Sacerdotea bui pũhtoro to jichũ judio masa ya cjihtire Jesu to yariahtore Cohamacũ sehe Caifare ã ni yahu dutiha. 52 Jesu yariaro judio masa dihtare yũhdũchũ yoaro taro nierare. Æ yariaro jipihtina Cohamacũ pohna ahri yahpapũ ji siteina cũhũ cũ curuata ti jihti cjihtire yariahtiro jire Jesu. 53 Æ jia tí dachoihta tina “¿Jesure dohse yoa wajãnahcari mari?” ni durucua, tirore wajã taa nimaha.

54 Tirore ti ã wajã duachũ masino Jesu payũ judio masa watoi pari turi tinino wahaerare. Æ jiro masa marieno cahacãi Efraĩ wama tiri macapũ sãre sũho wahare. Sãre tí macai sũho tjuasinire Jesu.

55 Tí pjare pascua bose nũmũri sã judio masa sã bose nũmũri cjihto mahanocã dũhsatjiãhre. Æ jia bose nũmũri panocã masa payũ paye macari macaina Jerusalẽpũ cahmachure. Pascua macaare ti chũhto pano Cohamacũ yare yoaa taa ti ñaa buhiri cosaa taa nire. 56 Tí pjare tina Jesure



macaa niri jire. Ñ jia Cohamacu wuhurpu jiina õ sehe ni durucuha:

—¿Bose numurine ñno taerabocari Jesu, musa tuhotchur?  
—ni durucuha tina ti basi.

57 Ñ jia sacerdotea puhto, fariseo curua macaina cñhu õ sehe ni yahu dutiha masare:

—Jesu to jirore musa masina, yahuga sãre. Tirore ñahana tana nija —niha puhto masare.

### María Jesu dahporire me sitia mehne pio payore

(Mt 26.6-13; Mr 14.3-9)

**12** <sup>1</sup> Jesu sã to buheina mehne Betaniapu sã suri baharo pascua dachori seis dachori waro duhsasinire. Lázaro Jesu to masoriro cjiro tí maca macariro jire. <sup>2</sup> Sã suri baharo Jesu cñhu ya chua cjihtire yoare paina. Ñ yoa Lázaro, Jesu, sã mehne mesai nuju suhi. Sã ã nuju suri baharo Marta chure payore sãre. <sup>3</sup> Tuhsu, María me sitia sere nardo wama tidu macaa sere cñ kilo dacho macai na ta, Jesu dahporire pio payore. Pio payo tuhsu to pjoari mehne tju cosare. To ã pio payori baharo tí wuhu noano me siti sahsea wahare. <sup>4</sup> Sã mehne macariro, Jesure ñu tuhtiinare ñohtiro Juda Iscariote sehe õ sehe nire:

<sup>5</sup> —¿Dohse yoaro ahricoro ã yoa sitejari? Tíre ticoro duaboa. Ñ duaro tres cientos dachori posa dahrari wapa wapataboa. Ñ jiro ticoro tí niñerure pjacuinare waboa —nire tiro.

<sup>6</sup> Juda sehe pjacuinare yoadoho duaerare. Tiro sã niñerure wihbobasariro jiparota yacariro jire. Tuhsu, tiro sã niñerure cãa tahari na mujare. Ñ jiro “Tí niñerure naihtja” nino, ã nire Maríare tiro.

<sup>7</sup> To ã nichu tuhoro õ sehe nire Jesu:

—Ñ niecu tjiga ticorore. To me sitiare yuhure to duharire yuhure pio payore, yuhure masa copapu ti siõ sãahto pano yu pjacure cahnoyuro. Pjacuina sehe musa mehne ã jirucuahca. Ñ jina tinare wa masina musa. <sup>8</sup> Yuhu sehe ahri yahparure musa mehne ã jirucusi —nire Jesu.

### Sacerdotea puhto Lázarore wajã duaha

<sup>9</sup> Ñ yoa Jesu Betaniapu to jichu tũho sã coyera judio masa payu tirore ñua tare. Tiro dihtare ñua taa nierare. Lázaro yariariro cjirore Jesu to masorirore tiro cñhure ñua taa nire.

10 Ti ñua sũrire masia sacerdotea pũthoa Lázaro cũhure wajã duare. 11 Lázaro yariariro cjiro Jesu to masoriro jichũ ñua payũ masa Jesure wacũ tuare. To ã masochũ ñua payũ judio masa ti sacerdotea ya buhea sehere duhunocari jire. ã ti duhuchũ ñua sacerdotea pũthoa sehe sua yũhdũa Lázarore wajã duare.

### Jerusalẽpũ sũha Jesu

(Mt 21.1-11; Mr 11.1-11; Lc 19.28-40)

12 Pascua bose nũmũrine ti yoachũ payũ masa Jerusalẽpũ ñua wahari jire. Pa dachoi Jerusalẽpũ Jesu to tahto cjihtore masa tũhori jire. 13 ã jia pja pũ sahnarine na wahcã, tireore piti bocaã wahare. ã piti bocaã õ sehe ni sañurucure tina:

—Ahrirore wahche payojihna. Ahriro Cohamacũ to warocariro noano yũhdũjaro. Ahriro Israe yahpa macaina mari pũthoro tjira —ni sañurucure tina.

14 Jesu burrocã to bocariro bui pisare. “Õ seheta yoarohca”, ni joaã tiha Cohamacũ yare ti joari tjui:

15 “Jerusalẽ wama tiri maca macaina, cuiena tjiga mũsa.

Ñũga. Mũsa pũthoro burrocã bui pisa tara”, ni yahuha Cohamacũ yare ti joari tjui.

16 “To ã ni joari Jesure nino nica” ni, sã to buheina noano masierasinihi. ã masierasinipanahta mũanopũ Jesu to mũjari baharo sã ti joari cjiire wacũ boca tũho ñaha masihi. Õ sehe ni tũhotuhi: “Cohamacũ yare ti joari tju sehe Jesure yahuro nimaha. ã jia Cohamacũ yare ti joari tju to niriro seheta yoare masa Jesure”, ni tũhotu, sã masihi.

17 Lázarore ti siõ sãari copapũ jirirore Jesu to pisuchũ tireore to masochũ ñũrina cjiri yahure masare. 18 ã jia Lázarore Jesu masorire ti tũhori baharo masa payũ Jesure ñua tare. 19 Ti ã tachũ ñua fariseo curua macaina ti basi õ sehe niri jire:

—Jipihtina Jesu yaina dihta wahaa nina mipũre. ã jina mari dohse yoa masieraãa tinare —niri jire fariseo curua macaina ti basi.

### Mahainacã griego masa Jesure maca taha

20 ã yoa bose nũmũri Cohamacũre ño payoa taina mehne macaina mahainacã griego masa jire. 21 ã jia tina Felipe cahapũ wihiri jire. Felipe sehe Betsaida wama tiri maca Galilea



yahpai jiri maca macariro jire. Ñ jia tiro cahapũ wihirina õ sehe niri jire tirore:

—Jesure ñũ duaja sã —niri jire tina.

22 Ti ã nichũ tũhoro Felipe Andrepũre tíre yahuro wahari jire. Ñ jia tina pũaro Jesure yahure. 23 Ti ã yahuri baharo Jesu tinare õ sehe ni yahure:

—Yũhũ masũno Cohamacũ warocariro jija. Yũhũre jipihtina ti ño payohti pja mipũre jirota nina. Mipũre yũ yariahti pja jirota nina. 24 Potocãta mũsare yahui nija. Toari yapare yahrapũ mari yaerachũ, tí yapare mari toaerachũ cũ yapata tjuarohca. Ñ jiro tí yapare mari yari baharo dicha tirohca. (Tó seheta yũ yariari baharo yũhũre masa copapũ ti siõ sãari baharo payũ masare Cohamacũ mehne ã jirucuhtina jichũ yoaihca yũhũ.) 25 Ahri yahpai mũsa jiare pjiro tũhotuboca mũsa. Ñ tũhotuna Cohamacũre wacũerana, pichacapũ wahanahca mũsa. Ahri yahpai mũsa jiare ã tũhotunocahna, Cohamacũ mehne ã jirucunahca. 26 Yũ yare yoa duana, yũ buheare noano tũhoga mũsa. Mũsa ã yoana mũsa cũhũ yũ jihtopũre jinahca. Yũ yare yoarirore yũ Pũcũ sehe wahchea mehne ñũnohca —nire Jesu.

### Jesu to yariahtore yahuha

27 Ñ ni tuhsũ õ sehe ni namore:

—Mipũre yũhũ ñano yajeripohna tija. ¿Yũ Pũcũre dohse niihcari yũhũ? “Mai, yũ ñano yũhdũhtore yoai tjia yũhũre”, ¿nibocari yũhũ? Tíre nieraja yũhũ. Ñano yũhdũhtiro cjih tota ahri yahrapũre tahi. Ñ yoa yũ ñano yũhdũhti pja mipũre jiro nina —ni yahure Jesu sãre to buheinare.

28 Ñ yoa õ sehe nire to Pũcũrore:

—Mai, mũ tuariro jiare mipũre ñoga masare —nire Jesu to Pũcũrore.

To ã nichũ mũanopũ durucuro coa tare:

—Tuariro yũ jiare masare ño tuhsũhi. Mipũre ã jicũ pari turi ñoihca masare —nino coa tare.

29 To ã nino coa tachũ tũhoa tói ducuina masa payũ õ sehe nire:

—Wũpo jica ã coa taro —nire masa.

—Anjo Jesure yahuro nire —nire paina masa.

30 Ñ sehe nire Jesu sehe:

—Muanopu yuhure tuho dutiro ã nino coa taerare. Mûsa sehere tuho dutiro ã nino coa tare. **31** Mipure ahri yahpa macaina ti ñano yoari buhirire buhiri dahrerohca tinare. Ahri yahpa macaina ti puhtore watinore cohãnohca Cohamacu. **32** Æ jicu yuhure crusapu ti wahcõ dapochnu payu masare yuhu mehne macaina ti wahachu yoaihca yuhu —nire Jesu.

**33** Æ nino “Crusapu to variahtore”, yahuro nire Jesu masare. **34** To ã nichu tuhoa masa sehe tirore õ sehe nire:

—Cohamacu yare ti joari tjui õ sehe nina: “Cristo jipihitia dachoripe jirohca”, ni joaa tiha. ¿To ã ni joachu mûhure masunore Cohamacu warocaritore dohse jiro baro mûhure crusapu wahcõ dapoahcari masa? ¿Masuno Cohamacu warocariro noa jijari tiro? —ni siniture tina.

**35** Ti ã nichu õ sehe ni yuhtire Jesu:

—Buhriaro to ñu masichu yoaro seheta jicu masare Cohamacu yare noano masichu yoaja yuhu. Baharo curerocã mûsa mehne jisi yuhu. Mûsare yu buhechu mipure tuhoga ñaare mûsa yoerahti cjihtire Cohamacu mehne mûsa ã jirucuhti cjihtire. Yu buheare tuhoeraina nahitianoï tiniina yoaro seheta ti wahahtore masierara. **36** Yuhu buhriaro yoaro sehe jiro tjija. Æ jicu mûsare buhecu Cohamacu yare noano masichu yoaja mûsare. Mipure yu wahahto pano yuhure wacũ tuaga. Æ wacũ tuana yu yaina jinahca mûsa —nire Jesu.

Æ ni yahu tuhsu duhti wahcãa wahare.

### Judio masa Jesure cahmaeraha

**37** Payu tahari Cohamacu tuua mehne tinare Jesu to yoa ñopachuta judio masa payu tirore ne tuho duaerare.

**38** Cohamacu yare ti joari tjui Isaia cjiro to joariro seheta ã yoaa nire tina. Õ sehe ni joaa tiha Isaia cjiro:

“Cohamacu, mû buheare sã yahuchu masa tuho duaerare.

Mû tuare tinare mû yoa ñopachuta, tíre ‘Potocã jierara’, nire tina”,

ni joaa tiha Isaia cjiro.

**39** Ti ã tuho duaerachu ñuno Cohamacu tinare masierachu yoare. Tí cûhure Isaia cjiro õ sehe ni joaa tiha tjoa:

**40** “Capari ñueraina yoaro sehe jiina jichu yoaa tiha Cohamacu tinare.

Æ yoa to yare masierachu yoaa tiha tinare.

ã jia to tuaare ñupahta tina ti ñurire tũho ñahaerara.  
 ã jia to buheare tũhopahta tíre tũho ñahaerara tina.  
 Cohamacu ya buheare masia, ti ñaa yoari buhirire  
 cohã dutiboa.

ã jiro tinare yũhdũchũ yoaboa tiro”,  
 ni joaa tiha Isaia cjiro Cohamacu yare ti joari tjui. <sup>41</sup> ã ni  
 joaro Isaia cjiro Cristo tuaare masino to niriro seheta Cristore  
 yahu joaa tiha tjoa.

<sup>42</sup> Paina Jesure ti cahmaerapachũta judio masa, sã pũhtoa  
 mehne macaina cũhũ payũ Jesure wacũ tuaa, tirore cahmare.  
 ã cahmapahta tina fariseo curua macainare cuia painare  
 “Jesu mehne sãahi”, ni yahu duaerare. Tíre ti yahuchũ tũhoa  
 Jesure ti cahmari buhiri judio masa sã buheri wũhũpũ tinare  
 sãa dutieraboa fariseo curua macaina sehe. <sup>43</sup> Cohamacũre  
 wahchechũ yoa duapahta tí yũdoro fariseo curua macaina  
 sehene wahchechũ yoa duare Jesure cahma dũcaina. ã jia tina  
 “Jesu yaina wahahi”, ni painare yahu duaerare.

#### **Jesu yahuare ti tũho duaerari buhiri masa buhiri tiahca**

<sup>44</sup> ã yoa Jesu tuaro sañurucu, õ sehe ni yahure:

—Yũhũre wacũ tuariro, yũhũ dihtare wacũ tuaerara.  
 Yũhũre warocariro cũhũre wacũ tuara tiro. <sup>45</sup> Tuhsũ, yũhũre  
 masiina yũhũre warocariro cũhũre masina. <sup>46</sup> Buhriaro to ñũ  
 masichũ yoaro seheta ahri yahpũ Cohamacu yare masichũ  
 yoai tai nihi yũhũ. ã jicũ Cohamacu yare masare masichũ  
 yoaja. Nahitianoi wahariro yoaro sehe jiriro ñaare yoarucura.  
 Yũhũre wacũ tuariro tiro yoaro sehe yoasi. Yũhũre wacũ  
 tuariro quihõno tũhorohca. <sup>47</sup> Paina yũ yahuare tũhopahta  
 yũ niriro seheta yoaerara. Ti ã yoaerapachũta yũ yahuare  
 ti yoaerari buhirire buhiri dahresi yũhũ sehe tinare. Ahri  
 yahpũre buhiri dahrei tai nierahi yũhũ. Ahri yahpa  
 macainare pichacũpũ wahaborinare yũhdũchũ yoahitiro cjihto  
 tai nihi yũhũ. <sup>48</sup> Yũhũre cahmaerainare, yũ yahua cũhũre  
 cahmaerainare buhiri dahrea jiahca. Tina yũ yahuare ti  
 tũhoerari buhiri ahri yahpa pihtiri dachoi buhiri tiahca.  
<sup>49</sup> Yũhũ yũ mũ sũro yahueraja. Yũ Pũcũ yũhũre warocariro  
 sehe yũhũre yahu dutire. ã jia yũ yahua sehe to ya durucua  
 jira. <sup>50</sup> To ya durucua “Quihõno jira” nina, Cohamacu  
 mehne ã jirucunahca mũsa. ã jicũ yũ Pũcũ to yahu dutiriro  
 seheta yahuja mũsare —nire Jesu.

### Jesu to buheina dahporire cosaha

**13** <sup>1</sup> Ñ yoa pascua bose nũmũri panocã ahri yahpare to cohã wahcãhto cjihtore to Pũcũro cahapũ to wahahto cjihtore masire Jesu. Tuhsũ, ahri yahpa macainare to yainare tiro tuaro cahĩre tina mehne to jiro puro. Ñ cahĩrucura to yainare.

<sup>2</sup> Tĩ ñamine Jesu sã to buheina mehne sã chũchũ Juda Iscariotere Simo macũnore Jesure ñũ tuhtiinare ño duti tuhsũri jire watĩno sehe. <sup>3</sup> Tuhsũ, to Pũcũro Cohamacũ Jesure jipihtina bui to pũhtoro sũrire masire Jesu. Ñ yoa Cohamacũ cahapũ to tari cjirire, baharo mũanopũ to mũjahti cũhũre masire. <sup>4</sup> Ñ masino wahcãrũca, to suhtiro bui macanore tjuwe na, tũre cũ tuhsũ, suhtiro cahsaro mehne to pjaro yũjũi dũhtere. <sup>5</sup> Dũhte tuhsũ, waparoĩ core pio sã, sã to buheinare sã dahporire cosa dũcare. Sãre cosa tuhsũ to dũhteri cahsaro mehne pahã cohãre sã dahporire.



6 Paina buheinare cosa wahcã, Simo Pedropure sare. To dahporire to cosahto pano Pedro sehe tirore õ sehe nire:

—Pũhtoro, ¿yũ dahporire cosai tai nijari mũhũ? —nire Jesure Pedro.

7 —Michapucacã mũhũre yũ yoahtire masierara mũhũ. ã masierapacũta baharo masiĩhca mũhũ —nire Jesu.

8 —Yũ dahporire ne cosasi mũhũ —nire Pedro.

—Mũhũre yũ cosaerachũ yũ yairo jisi mũhũ —nire Jesu.

9 —Pũhtoro, yũ dahpori dihtare cosai tjiga. Yũ dahporire, yũ wamomacarine, yũ dapu cũhũre cosaga —nire Pedro.

10 To ã nichũ Jesu piti dahre buhero õ sehe nire:

—Cũiro masũno cuhsũro to pjacũre noano tju cosa pahũona. ã jiro pari turi tirore tju cosaro cahmaerara. To dahpori dihtare cosaro cahmana. Jipihtina mũsa ñaa yoari buhirire cosarina cjiri mũsa jipachũta cũiro mũsa mehne macariro to ñaa yoari buhirire cosamahnoerariro jira —nire Jesu.

11 Jesu tirore ñũ tuhtiinare ñohtirore masire. ã masino “Cũiro mũsa mehne macariro to ñaa yoari buhirire cosamahnoerariro jira”, nire.

12 Sã dahporire cosa tuhsũ, to suhtirore sãa tuhsũ, nuju sare to dujiriroihata.

—¿Michapucacã mũsare yũ yoarire tũho ñahajari mũsa?

13 Mũsa yũhũre “Buheriro”, ni pisuna, “Pũhtoro”, ni pisuna potocãta nina nica yũhũre. Mũsare buheriro, mũsa pũhtoro potocãta jija yũhũ. 14 ã jina yũhũ mũsare buheriro, mũsa pũhtoro jipaihta mũsa dahporire cosariro yũ jichũ ñũna mũsa cũhũ mũsa mehne macaina dahporire cosaga. 15 Michapucacã mũsare cosacũ, baharo mũsa yoahiti cjihtire mũsare ñoi nija. Mũsa mehne macainare mũsa yoadohohtire ñoi nija. Mũsare yũ yoariro seheta mũsa cũhũ yoaga. 16 Potocã mũsare niita nija. Mũsa yũ cahamaca yoaro sehe jiina yũ bui jierara. Mũsare buhe duti yũ warocarina jira mũsa. ã jina yũ bui jierara mũsa. ã jicũta “Yũ yoariro seheta yoaga”, nihi mũsare. 17 Ahrire masina, yũ dutiare yoana, wahcheina jinahca mũsa.

18 Mũsare jipihtinare ã nieraja. Yũ beserinare masija yũhũ. Cohamacũ to yare ti joari tjuui to ni joariro seheta ã waharohca. “Yũhũ mehne chũrirota yũhũre wajã duare”, ni joaa tiha Cohamacũ yare ti joari tjuui. 19 To ã yoahito pano ahrire yahuyui nija mũsare. Yũhũre to ã yoari baharo “Jesuta Cristo Cohamacũ warocarirota jira”, mũsa nihti cjihtire ahrire mũsare yahuyui



nija yũhũ. **20** Potocã m̄sare niita nija. Yũ warocainare cahmariro yũhũ cũhũre cahmana tiro. Tuhsũ, yũhũre cahmariro yũhũre warocariro cũhũre cahmana tiro —nire Jesu sãre to buheinare.

### **Juda Jesure ñũ tuhtiinare to ñohtore yahuha Jesu**

*(Mt 26.20-25; Mr 14.17-21; Lc 22.21-23)*

**21** Æ ni yahu tuhsũ Jesu tuaro cahyare. Æ cahyaro õ sehe ni yahure tiro sãre:

—Potocãta m̄sare nii nija. Cãiro m̄sa mehne macariro yũhũre ñũ tuhtiinare yũhũre ñonohca —nire Jesu.

**22** To ã nichũ tũhona Jesure ñohtirore masierana, sã basi cahma ñũroca õi. **23** Cãiro Jesu to buheina mehne macariro yũhũ, Jesu to cahĩriro sehe to pari wahpa dujihi. **24** Yũ ã dujichũ ñũno Simo Pedro yũhũre to wamomaca mehne yoa ño, siniture:

—¿Jesure ñohtirore diro sehere nino nibocari Jesu? Yahuga sãre —ni to wamomaca mehne yoa ño, sinitu ñũre Pedro.

**25** To ã nichũ yũhũ sehe Jesu cahacã dujiriro jicũ sinitu ñũhi tirore:

—Pũhtoro, ¿dirore nii nijari mũhũ? —ni sinitu ñũhi yũhũ.

**26** —Ahri pãore dahra waha na, soha yũ wahtiro sehe tirota jira yũhũre ñohtiro —nire Jesu.

Æ ni tuhsũ ti pão to dahra waha narirore soha tuhsũ tíre Judare Simo Iscariote macũnore ware. **27** Æ yoa pãore to ñahari baharo watĩno sehe Judare ñano yoa dutiri jire. Æ jiro Jesu tirore õ sehe nire:

—Mũ yoahto cjihtore cjero yoa bahrañoga mũhũ —nire Jesu Judare.

**28** To ã nichũ tũhona sã mesapũ dujiina, Jesu Judare to nirire noano tũho ñahaerahi. **29** Cãina õ sehe ni tũhotumahi: “Judá sã niñerure wihboriro jira. Æ jiro bose nũmũi sã chũhti cjihtire nuchũ dutiro warocare Jesu Judare. O pjacũoinare niñerure wa dutiro niboca Jesu”, ni tũhotumahi sã cãina. **30** Æ yoa Juda tí pãore ñaha tuhsũ, wijaa wahare. To wijaaari pja ñami jire.

### **Wahma dutiare yahuha Jesu**

**31** To ã wijaaari baharo õ sehe nire Jesu:

—Mipɔ pinihtare yɔhɔ masɔno Cohamacɔ warocariro yɔ tuariro yɔ jia tiare ñonohca Cohamacɔ masare. ̃ jicɔ Cohamacɔ to tuariro to jiare ñoihca yɔhɔ sehe. 32 ̃ jiro Cohamacɔ to tuaare yɔ ñochɔ tiro sehe yɔ ya tuaa cɔhɔre mipɔ pinihtare ñono taro nina. 33 Yɔ pohna yɔ cahĩina, yɔhɔre tɔhoga. Mahaa dachoricã mɔsa mehne jisiniihca. Yɔ wahari baharo yɔhɔre macanahca mɔsa. ̃ jicɔ mari coyea judio masare yɔ niriro seheta mɔsa cɔhɔre nija. “Yɔ wahahtore mɔsa sehe waha masierara”, tinare yɔ niriro seheta mɔsa cɔhɔre ̃ ni yahuja. 34 Wahma dutiare mɔsare yahuihtja. Mɔsa mehne macainare cahĩga mɔsa. Mɔsare yɔ cahĩriro seheta, mɔsa mehne macainare cahĩga. 35 ̃ jina mɔsa mehne macainare mɔsa cahĩchɔ ñɔa yɔ yaina mɔsa jiare masiahca paina —nire Jesu sãre.

**“Jesure masieraja”, Pedro to nihto cjihtore yahuha Jesu**  
(Mt 26.31 -35; Mr 14.27-31; Lc 22.31 -34)

36 To ̃ nichɔ Simo Pedro Jesure ̃ sehe ni sinitu ñɔre:

—Pɔhtoro, ¿nohorɔ wahaihcaro mɔhɔ? —nire Pedro.

—Yɔ wahahtopɔre mipɔre yɔhɔ mehne waha masierara mɔhɔ. Mipɔre waha masierapaihta baharo yɔ cahai wahacɔhca —nire Jesu Pedore.

37 —Pɔhtoro, ¿dohseacɔ mipɔre mɔhɔ mehne waha masierabocari yɔhɔ? Yɔhɔre ti wajã duapachɔta mɔhɔre ne duhɔsi yɔhɔ —nire Pedro Jesure.

38 —¿̃ tjijari? ¿Mɔhɔre ti wajã duapachɔta, mɔhɔ yɔhɔre duhueraihcaro? Potocãta mɔhɔre nii nija. Caraca to duhto pano “Jesure masieraja”, niihca mɔhɔ painare. Tia taha ̃ niihca mɔhɔ —nire Jesu Pedore.

**Jesu Cohamacɔ cahapɔ wahari maha yoaro sehe jira**

**14** <sup>1</sup> Baharo Jesu sãre ̃ sehe ni yahure:  
—Ne cahya pjiro tɔhotuena tjiga. Cohamacɔre wacɔ tuaga. ̃ jina yɔhɔ cɔhɔre wacɔ tuaga. “Cohamacɔ mehne yɔhdɔnahca”, ni tɔhotuga tirore. Yɔhɔ cɔhɔre ̃ta ni tɔhotuga mɔsa. <sup>2</sup> Yɔ Pɔcɔ to jiropɔre payɔ wɔhɔse jira. Mɔsa jihto cjihtore cahnoyui wahai nija. Tí potocã tjira. ̃ jicɔ mɔsare tíre yahuja. <sup>3</sup> ̃ jicɔ mɔsa jihto cjihtore cahno tuhsɔ, ̃pɔta pari turi majare tjua taihtja yɔhɔ. ̃ jina tói yɔ jiroita mɔsa

cũhũ jinahca tjoa. 4 Mipũre yũ sũhtopũre wahari mahare masi tuhsũra mũsa —nire Jesu sãre to buheinare.

5 —Pũhtoro, mũ sũhtore masieraja sã. ¿Ã jina dohse yoa mũ wahari mahare masinahcari sã? —ni sinitu ñũre Toma Jesure.

6 To ã ni sinituchũ tũhoro Jesu sehe õ sehe ni yũhtire:

—Yũhũ Cohamacũ cahapũ wahari maha yoaro sehe jiriro jija. Cohamacũ cahapũ wahachũ yoariro, potocã yahuriro, ã catirucuchũ yoariro jinocaita nija yũhũ. ã jia yũ yaina dihta yũ Pũcũ cahapũ wahaahca. 7 Panopũ yũhũre masina, yũ Pũcũ cũhũre masiboa mũsa. Mipũre tirore ñũre mũsa. ã jina tirore masi tuhsũra mũsa —nire Jesu sãre.

8 To ã nichũ Felipe sehe õ sehe nire:

—Pũhtoro, mari Pũcũre ñoga sãre. Tó purota ñũ duaja sã —nire tiro.

9 To ã nichũ Jesu õ sehe ni yahure:

—Felipe, ¿yoari pja yũhũ mehne jipaihta, mũhũ masierasinihari yũhũre? Yũhũre ñũriro yũ Pũcũ cũhũre ñũ tuhsũre. ã jicũ “Mari Pũcũre ñoga sãre” nicũ, ¿dohseacũ ã nijari mũhũ yũhũre? 10 Yũhũ yũ Pũcũ mehne pũaro jipanahta cũirota jija. ¿Tĩre “Potocã jierara”, niimeje nijari mũhũ? Mũsare yahucũ yũ mũ sũro yahui nieraja. Yũ Pũcũre yahubasai nija. ã jiro tiro yũhũ mehne jiriro to tuaa mehne yoa ñona. 11 Yũhũ yũ Pũcũ mehne pũaro jipanahta cũirota jija. Tĩre “Potocã tjira”, ni wacũga mũsa. Tĩre “Potocã tjira” nierana, Cohamacũ tuaa mehne yũ yoa ñoare wacũna, yũ Pũcũ mehne yũ cũirota jiare “Potocã tjira”, ni wacũga mũsa. 12 Potocãta mũsare nii nija. Yũhũre wacũ tuariro yũ yoariro seheta yoarohca. ã yoa tiro yũ yũhũdoro yoarohca. Yũ Pũcũ cahapũ tjuaai tai nija mipũre. ã jiro yũhũre wacũ tuariro yũ yũhũdoro Cohamacũ tuaa mehne yoa ñonohca. 13 ã jicũ yũhũre wacũ tuaina ti sinino purota yoaihca. ã yoacũ yũ Pũcũ to tuariro jiare ñoihca. 14 Yũhũre wacũ tuaina mũsa jichũ mũsa sinino purota yoaihtja —nire Jesu.

**“Espíritu Santore mũsare warocaihtja”, ni yahuha Jesu**

15 ã ni tuhsũ õ sehe ni namore:

—Yũhũre mũsa cahĩna, yũ dutiare noano yoanahca. 16 Yũ Pũcũre sinibasaihtja. Yũ ã sinibasachũ yũ Pũcũ sehe paioore mũsare yoadohohtirore mũsare warocarohca. ã jiro tiro mũsare

yoadohohtiro sehe jipihtia dachoripe m̄sa mehne ã jirucurohca. 17 Tiro potocãta yahuriro Espíritu Santo tjira. Ahri yahpa macaina yũhũre cahmaeraina sehe tirore masierara. Æ jia tirore cjũa masierara. Tirota m̄sa mehne ã jirucurohca. Æ jina tirore masina m̄sa.

18 'M̄sare cohãsi yũhũ. M̄sa mehne jihtiro cjihto tjua taihca yũhũ tjoa. 19 Wiho mejeta mahanocã dũhsara yũ wahahto cjihto. Yũ wahari baharo ahri yahpa macaina yũhũre wacũ tuaeraina yũhũre pari turi ñũsi. M̄sa sehe yũhũre ñũnahca. Yũ catiriro jichũ m̄sa cũhũ jipihtia dachoripe Cohamacũ mehne catirucunahca. 20 Tí dachoi yũ tjua tahti dachoi yũhũ yũ P̄scũ mehne cũirota sã jichũ masinahca m̄sa. Æ jina yũhũ mehne macaina m̄sa jichũ m̄sa mehne macariro yũ jichũ cũhũre masinahca m̄sa. 21 Yũ dutiare yoariro yũhũre cahĩirota jira. Æ jiro yũhũre cahĩirore yũ P̄scũ sehe cahĩohca. Æ jicũ yũhũ cũhũ yũ dutiare yoarirore cahĩihca. Æ yoa yũ jia tiare noano masichũ yoaihca tirore —nire Jesu sãre to buheinare.

22 Sã mehne macariro paio Juda wama tiroro jire. Juda Iscariote Jesure ñũ tuhtiinare ñohtiro jierare tiro. Pairo Juda jire. Æ jiro tiro Jesure õ sehe ni siniture:

—Pũhtoro, ¿dohse yoajjari mũhũ tinare ã nicũ? ¿Ahri yahpa macainare mũhũre masichũ yoeracũ, dohse yoacũ sã dihtare mũhũre masichũ yoaihcarĩ mũhũ? —ni siniture Juda.

23 To ã nichũ tũhoro Jesu tirore õ sehe ni yahure:

—Yũhũre cahĩina, yũ dutiare noano yoaa nina. Ti ã yoachũ yũ P̄scũ sehe tinare cahĩohca. Æ jina tina mehne jina tanahca sã. 24 Yũhũre cahĩerariro yũ dutiare yoerara. Tuhsũ, yũ yahua m̄sa tũhori cjiri sehe yũ ya yahua jierara. Yũhũre warocariro ya yahua sehe jira. Tiro yũ P̄scũ tjira.

25 'M̄sa mehne jisinicũ ahrire m̄sare yahusinii nija.

26 Baharo yũ sinibasachũ yũ P̄scũ Espíritu Santore warocarohca m̄sare. Tiro Espíritu Santo sehe m̄sare yoadohohtiro jiro, m̄sare buhe pahĩonohca tiro. Æ yoa m̄sare yũ yahuri cjirire m̄sare wacũchũ yoarohca tiro.

27 'M̄sare noano jichũ yoaihca yũhũ. Yũhũ yũ noano jiriro seheta noano jichũ yoaihca m̄sare. Ahri yahpa macaina ti mahĩoperiro seheta yoasi yũhũ m̄sare. Yũhũ pinihta potocãta noano jichũ yoaihca m̄sare. Cahya pjíro wacũena tjiga m̄sa. Æ jina cuiena tjiga m̄sa. 28 “Yũhũ wahaihca. Æ jicũ m̄sa

mehne jihtiro cjihto tjua taihtja tjoa”, mäsare yu ã ni yahuchu tuhoh tuhsure mäsä. Tíre tuhona, wahcheboa mäsä. Yuhure mäsä potocã cahĩrina jina, wahcheboa mäsä. Yu Pucü sehe yu yuhdoro tuara. ã jina tiro cahapü yu wahahto cjihtore mäsä masiri baharo yuhure cahĩna, wahcheboa mäsä. <sup>29</sup> Yuhure mäsä wacü tuahti cjihtire yu wahahtore yahuyui nija mäsare.

<sup>30</sup> 'Ahri yahpa macaina pũhtoro wafino sehe tara mipure. To ã tachü yuhü mäsä mehne yu durucu batoahti pja mahanocã dũhsara. Tiro sehe yuhure yuhduruca masierara. <sup>31</sup> Wiho mejeta yuhure yu Pucü to dutiriro seheta yoaja yuhü. ãta yoaja yuhü yu Pucure yu cahĩare ahri yahpa macaina ti masihti cjihtire. Wahcãrucaga. Basa wahana —nire Jesu säre to buheinare.

### Jesu secü yoaro sehe jiriho jira

**15** <sup>1</sup> Baharo piti dahre buhero säre õ sehe nire Jesu: —Yuhü potocãta secü yoaro sehe jiriho jira. Yu Pucü sehe secure ñu wihboriro yoaro sehe jiriho jira. <sup>2</sup> Yu yaina secü dũpũri yoaro sehe jiina yuhü mehne macainata jira. Dicha mariea dũpũrire secure ñu wihboriro to paha cohãriro seheta yu Pucü to cahmaare yoaerainare cohãna. Dicha tia dũpũrire secure ñu wihboriro to cahnoriro seheta yu Pucü to cahmaare yoinare yoadohorohca tiro “Yu cahmaare yoa namojaro”, nino. <sup>3</sup> Yu yahuaire tuhona, “Potocã tjira”, nire mäsä. ã jiro yu Pucü mäsä ñaa yoari buhirire cohã tuhsure. <sup>4</sup> Yuhü mehne macaina jiga mäsä. ã jii mäsä mehne jiihca. Secü dũpũri secü mehne wahã sũera dũpũri jia, tí dũpũri sehe dicha mariaha. Tó seheta yuhü mehne macaina jierana yu Pucü cahmaare yoa masierara mäsä.

<sup>5</sup> Yuhü secü yoaro sehe jiriho jira. Mäsä sehe tü dũpũri yoaro sehe jiina jira. Yuhü mehne macariro mehne yu jichü dicha tia dũpũri yoaro sehe tiro yu Pucü cahmaare yoara. Yuhü mehne macaina jierana yu Pucü cahmaare yoa masierara mäsä. <sup>6</sup> Ñaa dũpũrire to cohãboriro seheta yuhü mehne macaina jierainare yu Pucü cohãnohca. Tí dũpũri ñaia wahachü secure ñu wihboriro tí dũpũrire na cahmachu pichacapü jũ cohãnohca. ãta yorohca Cohamacü yuhü mehne macaina jierainare.

<sup>7</sup> Yuhü mehne macaina jina, yu buheare boeraboca mäsä. ã boerana, mäsä cahmano purota siniga. ã jicü mäsä sinio

purota yoabasaihtja. **8** Yɛ Pɛsɛ cahmaare yoaina mɛsa jichɛ ñɛa “Jesu yaina jira ahrina”, ni masiahca masa. **Ǻ** jia mɛsare ñɛa yɛ Pɛsɛre ño payoahca. **9** Yɛ Pɛsɛ yɛhɛre to cahĩro sehetɛ mɛsare yɛhɛ cɛhɛ cahĩa tihi. Yɛ cahĩina jirucuga mɛsa. **10** Yɛ cahĩina jirucuina yɛ dutiare yoara. Yɛ Pɛsɛ to dutiare yoaja yɛhɛ. **Ǻ** yoacɛ to cahĩro jirucuja yɛhɛ. Tó sehetɛ mɛsa cɛhɛ yɛ dutiare yoana yɛ cahĩina jirucunahca mɛsa.

**11** 'Ahrire mɛsare yahuhi yɛhɛ mehne mɛsa noano wahchehto cjihtore. **Ǻ** jina tuaro wahchenahca mɛsa. **12** Ǿ sehe dutija mɛsare: Mɛsare yɛ cahĩro sehetɛ mɛsa mehne macaina cɛhɛre cahĩga. **13** Cɛiro masɛno tiro mehne macariro yaro jiborirore yariaro tiro mehne macarirore tuaro cahĩna, paina ti cahĩro yɛhdoro. **14** **Ǻ** jina yɛ dutiare yoana yɛhɛ mehne macaina jira mɛsa. **15** Potocáta yɛhɛ mehne macaina waro jira mɛsa. Mɛsa **Ǻ** jiina jichɛ jipihtia yɛ yoarire yahuja mɛsare. Cahamacɛno to pɛhoro yoarire masierara tiro. **Ǻ** jicɛ “Yɛ cahamaca wiho jiina jira mɛsa”, mɛsare nieraja. Yɛ Pɛsɛ yɛhɛre to yahurire mɛsare yahu pahñohi. **Ǻ** yahucɛ “Yɛhɛ mehne macaina jira mɛsa”, mɛsare nija mipɛre. **16** Mɛsa sehe yɛhɛre ne beserare. Yɛhɛ sehe mɛsare besei yɛ Pɛsɛ cahmaare mɛsa yoachtina cjihtire. Mɛsa **Ǻ** yoachɛ mɛsa yoaa ne wiho waro jisi. **Ǻ** jia mɛsa yoaa **Ǻ** jirucuahca. Mɛsa **Ǻ** yoachɛ yɛhɛre mɛsa wacɛ tuachɛ yɛ Pɛsɛre mɛsa sinino purota tiro mɛsare warohca. **17** Ahrire mɛsare dutija yɛhɛ: Mɛsa mehne macainare cahĩga mɛsa —ni yahure Jesu.

### **Jesure to yaina cɛhɛre ahri yahpa macaina ñɛ tuhtira**

**18** **Ǻ** yoa tiro Ǿ sehe ni yahu namore:

—Ahri yahpa macaina mɛsare ti ñɛ tuhtichɛ ñɛna ahrire wacɛga mɛsa: Mɛsare ti ñɛ tuhtihto pano yɛhɛ sehere ñɛ tuhti dɛcare tina. **19** Cohamacɛre cahmaeraina mɛsa jisnichɛ, tina mehne macainare ti cahĩro sehetɛ mɛsa cɛhɛre cahĩboa tina. Ahri yahpa macaina mɛsa jisnichɛ mɛsare besei. **Ǻ** jina mipɛre ahri yahpa macaina waro jierara mɛsa. Mɛsa **Ǻ** jierachɛ ñɛa ahri yahpa macaina mɛsare ñɛ tuhtira. **20** “Yɛ yaina jina mɛsa yɛ bui jierara”, mɛsare yɛ niri cjirire wacɛga mɛsa. **Ǻ** yɛ docai jiina jina yɛ ñano yɛhdɛro sehetɛ ñano yɛhdɛnahca mɛsa cɛhɛ. Yɛhɛre ñano yoarinata mɛsa cɛhɛre ñano yoahca. Yɛ buhechɛ yɛhtirinata mɛsa buhechɛ cɛhɛre yɛhtiahca tiɛa. **21** Ahri yahpa macaina yɛhɛre warocarirore masierara. **Ǻ** jia

yũhũre wacũ tuaina mũsa jichũ ñna tina ñano yoahca mũsa cũhũre.

22 ʼTinare yũ buhei taerachũ yũhũre ti cahmaerari buhiri buhiri mariaboa. Mipũre tinare yũ buheri baharo “Ñaa buhiri mariahna sãre”, ni masierara tina. 23 Yũhũre ñũ tuhtiro yũ Pũcũ cũhũre ñũ tuhtira. 24 Cohamacũ to tuaa mehne paina ti ne yoaerarire yoa ñohi. ã yoa tinare tíre yũ yoa ñoerachũ tinare ñaa buhiri mariaboa. Cohamacũ tuaa mehne yũ yoa ñoare ti ñũri baharo yũhũre yũ Pũcũ cũhũre ñũ tuhtira tina. 25 ã ñũ tuhtia Cohamacũ yare ti joari tjuí dóipũta to ni joariro seheta yoaa nire tina. Õ sehe ni joaa tiha: “Tinare yũ ñano yoaerapachũta yũhũre ñũ tuhtire tina”, ni joaa tiha dóipũta Cohamacũ yare ti joari tjuí.

26 ʼYũ baharopũ mũsare yoadohohtiro, yũ Pũcũ mehne jiriro mũsare yũ warocahtiro Espíritu Santo tjira. Tiro potocãta yahurohca jira. ã jiro tiro taro yũ jia tiare yahurohca mũsare. 27 Masare yũ buhe dũcachũpũta mũsa cũhũ dachoripe yũhũ mehne ã jirucure. ã jina mũsa cũhũ yũ jia tiare yahunahca painare —ni yahure Jesu.

**16** <sup>1</sup> ã ni tuhsũ sãre õ sehe ni yahu namore: —Baharo yũ buheare yũhũ cũhũre mũsa cohãerahti cjihtire ahrire jipihtiare yahuhí mũsare. <sup>2</sup> Judio masa mari buhea wũhũsepũ mũsa sãa duachũ sãa dutisi mũsare yũ yaina mũsa jiri buhiri. ã jia pa teherũ mũsare wajãa, “Cohamacũ cahmaare yoana nija”, ni tũhotuahca paina. <sup>3</sup> Yũ Pũcũre, yũhũ cũhũre tina masierara. ã masieraa mũsare ñano yoahca tina. <sup>4</sup> ã jina mũsare ñano ti yoachũ ñũna, “Ti õ sehe yoahito panota Jesu yahu tuhsũre sãre”, ni wacũnahca mũsa. Mũsa ã ni wacũhti cjihtire mipũre ahrire yahu mũhtai nija mũsare —ni yahure Jesu.

### Espíritu Santo to yoahitire yahuha Jesu

ã ni tuhsũ õ sehe ni yahu namore Jesu:

—Wahmanopũre mũsa mehne jicũ ahrire mũsare yahuerahi. <sup>5</sup> Mipũ sehere yũhũre warocariro cahapũ wahaihca wahai tai nija. “¿Nohopũ wahaihcarí mũhũ?” yũhũre ni, ne cũiro barota sinitu ñũerara mũsa. <sup>6</sup> ã sinitu ñũerapanahta yũ wahahtore mũsare yũ yahu mũjachũ mũsa ñano yajeripohna tira. <sup>7</sup> Mũsare potocãta yahuhí nija. Yũ wahari baharo mũsare noanocanhca. Yũ mũanopũ wahaerachũ mũsare yoadohohtiro sehe taeraboa.

Wahacũ m̄sare tirore warocaihtja yũhũ. **8** Yũ ã warocachũ tiro tarohca. ã wihiro ahri yahpa macaina ñaa yoaina ti ñaa buhiri tiare tinare masichũ yoarohca tiro. Noano jia tia cũhũre buherohca tiro masare. Tuhsũ, Cohamacũ masare to buhiri dahrehto cũhũre masichũ yoarohca masare yoadohohtiro sehe. **9** Yũhũre wacũ tuaeraina jira ahri yahpa macaina. ã jiro yoadohohtiro sehe masa ñaa yoaina ti ñaa buhiri tiare tinare masichũ yoarohca. **10** Yũ Pũcũ cahapũ wahaihca. Yũ ã wahari baharo m̄sa yũhũre ne ñũsinisi. ã jiro noano jia tia cũhũre masichũ yoarohca yoadohohtiro sehe. **11** Ahri yahpa macaina pũhtoro wafĩnore Cohamacũ buhiri dahre duti tuhsũre. ã jiro Cohamacũ masare, wafĩno mehne macainare to buhiri dahrehti cũhũre masichũ yoarohca yoadohohtiro sehe.

**12** Pjĩro jira m̄sare yũ yahuhti cjihti. Wiho mejeta m̄sa sehe yũ yahu pahñochũ, tũho ñaha pahñorerabo. **13** ã jiro potocã jiare yahuriro Espĩritu Santo sehe m̄sare quihõno jiare yahu pahñono tarohca. Tiro to m̄sũro m̄sare yahusi. Yũ Pũcũ tirore to yahu dutirire tiro yahurohca m̄sare. ã yoa “Baharopũ õ sehe waharohca”, ni yahuyurohca tiro sehe m̄sare. **14** ã yoa yũ yare m̄sare tiro yahurohca. ã yahuro yũhũre ño payochũ yoarohca m̄sare. **15** Jipihtia yũ Pũcũ ya yũ ya cũhũ jira. ã jicũ “Espĩritu Santo sehe yũ yare yahurohca m̄sare”, nihi m̄sare —ni yahure Jesu.

**“Cahyaina jipanahta baharo wahchenahca m̄sa”,  
ni yahuha Jesu**

**16** ã ni tuhsũ õ sehe ni yahu namore:

—Mahanocã baharo yũhũre ñũsi m̄sa. ã jina baharocãta m̄sa yũhũre ñũnahca tjoa —nire Jesu sãre to buheinare.

**17** To ã nichũ tũhona, sã sehe mahainacã õ sehe ni durucui sã basi:

—“Mahanocã baharo yũhũre ñũsi m̄sa. ã jina baharocãta m̄sa yũhũre ñũnahca tjoa” nino, ¿dohse nino ã niri marine? ã yoa “Yũ Pũcũ cahapũ wahaihca” nino, ¿dohse jiro baro marine ã niri tiro? **18** “Mahanocã” nino, ¿dohse nino ã niri tiro? To yahurire noano tũho ñahaeraja mari —ni durucui sã basi.

**19** Sã ã ni durucuchũ Jesu tirore sã sinitu duarire masino, sãre õ sehe ni yahure:



—“Mahanocã baharo yũhũre ñũsi mũsa. Ñ jina baharocãta yũhũre ñũnahca tjoa”, ¿yũ niri cjiire sinitu duajari mũsa? ¿Tĩre yũ nirire tũho ñahaerajari mũsa? <sup>20</sup> Potocãta mũsare nii nija. Yũ yariachũ ñũna mũsa tiinahca. Tuhsũ, tuaro cahyanahca. Ñ jia yũhũre ño payoeraina sehe wahcheahca. Mũsa sehe cahyaina cjiri jipanahta, baharo wahchenahca mũsa. <sup>21</sup> Ñ sehe jira tí: Numino niji wahcõno, to ñano yũhdũhto pano jira. Ñ jiro ticoro tuaro cahyara. Ñ cahyaparota to pohna tiri baharo ticorore purĩrire wacũerara ticoro. Wihãrirocã ahri yahparũ to masa bajuachũ ticoro wahchera. Ñ jiro ticorore purĩrire wacũerara ticoro. <sup>22</sup> Tó seheta mũsa mipũre cahyanahca. Baharo mũsare ñũihca tjoa. Yũhũre ã ñũna mũsa tuaro wahchenahca. Mũsa ã wahchechũ paina mũsare cahyachũ yoa masisi.

<sup>23</sup> ’Tí dachoi yũhũre mũsa ñũri dachoi yũhũre sinitu ñũsi mũsa. Masi tuhsũrinapũ jinahca. Potocãta mũsare nii nija. Yũhũre mũsa wacũ tuachũ ñũno yũ Pũcũre mũsa siniare tiro mũsare warohca. <sup>24</sup> Yũhũre wacũ tuaina jina, Cohamacũre sini masina mũsa. Ahri dacho panoi tirore ã sinierasiniire mũsa. Yũhũre wacũ tuatjiãhna Cohamacũre siniga. Mũsa ã sinichũ mũsa sinirire mũsare warohca, mũsa wahche pahñohti cjihtire —nire Jesu sãre.

### Ñainare Jesu yũhdũrucaha

<sup>25</sup> Ñ ni tuhsũ ñ sehe ni namore:

—Quití mehne mũsare yahua tihi. Ñ yahupaihta baharo mũsare quití mehne yahusi yũhũ. Ñ yahueracũ yũ Pũcũ sehere noano poto yahuihtja mũsare. <sup>26</sup> Tí dachore mũsa ya cjihtire yũ Pũcũre sini payosi yũhũ. Yũhũre wacũ tuana, mũsa basi tirore sininahca. <sup>27</sup> Mũsa yũhũre cahĩna. Ñ jina yũ Pũcũ caharũ yũ tariro jichũ “Potocã tjira”, nina mũsa. Ñ niina mũsa jichũ ñũno, yũhũre cahĩina mũsa jichũ ñũno yũ Pũcũ sehe mũsare cahĩna. To ã cahĩchũ tirore mũsa sininahca. <sup>28</sup> Yũ Pũcũ cahai jiro jicũ ahri yahparũre tai yũhũ. Ñ jicũ mipũre ahri yahparũ jiro jisinicũ yũ Pũcũ caharũ wahaihca —nire Jesu.

<sup>29</sup> To ã nichũ sã to buheina ñ sehe nii:

—Mipũ pinihta quití marieno durucui noano poto yahui nina mũhũ sãre. <sup>30</sup> Mũhũ noano masi pahñoriro mũ jichũ mipũ pinihtare sã masija. Ñ jia paina mũhũre buhe masierara.

Tíre mipũre sã noano masija. Sã noano masiina jina, Cohamacu cahapu tariro mu jichu “Potocã tjira”, nija sã —nii sã Jesure.

**31** Sã ã nichu Jesu õ sehe ni yũhtire sãre:

—¿Mipũre “Potocã tjira”, nijari musa juna? **32** Baharo curero jipihtina musa wũhũsepũ waha siteina jina, yũhũre cohãnahca musa. Musa ã cohãpachũta yũ Pũcu sehe yũhũ mehne jira. ã jicu yũhũ cũirota jieraja. **33** Ahrire musare yahu mũhtahi, yũhũre musa wacũ tuaa mehne musa noano jihto sehe. Cohamacũre cahmaeraina cahapu musa jichu ñano yoaaahca musare tina. Ti ã yoapachũta wahchega musa. Ahri yahpa macaina ñaa buhiri tiinare, ti pũhtoro watĩno cũhũre yũhdũrucariro jija yũhũ. ã jina yũhũre wacũ tuana wahchega musa —nire Jesu sãre to buheinare.

### Jesu to buheina ya cjihtire Cohamacũre sini payoha

**17** <sup>1</sup> ã ni yahu tuhsu Jesu mũanopũ ñũroca mũo, Cohamacũre õ sehe ni durucure:

—Mai, mipũre mu yahu quilhõriro seheta yũhũre ñano ti yoahiti pja mu sũrota nina. Yũhũre mu macũre masare ño payochu yoaga. Mu ã yoachũ mũhũre masare ño payochũ yoaihca yũhũ cũhũ. <sup>2</sup> Jipihtina bui pũhtoro yũhũre cũre mũhũ. ã jicu yũhũre mu warinare mũhũ mehne ã jirucuchũ yoaihca yũhũ. Tuhsu, mũhũre masare ño payochũ yoaihca yũhũ. <sup>3</sup> Mũhũ dihta Cohamacu waro jira. Yũhũ Jesucristo mu warocariro jija. ã jia jipihtina mũhũre masiina, yũhũ cũhũre masiina mũanopũ mari mehne ã jirucuahca —nire Jesu.

<sup>4</sup> ã ninota õ sehe ni namore Cohamacũre:

—Ahri yahpũre mu yoa dutiri cjirire yoa pahũoja yũhũ. ã yoacu mũhũre masare ño payochũ yoaja yũhũ. <sup>5</sup> Ahri yahpa to jihto pano mũhũ mehne yũ jichũ jipihtina yũhũre ti ño payo mũhtariro seheta mipũre yũhũre ti ño payochũ yoaga tjoa.

<sup>6</sup> Ahri yahpai jiinare yũhũre mu warinare mũhũre masichũ yoahi. Mu warina mu yaina jira. ã jicu tinare ware mũhũ yũhũre. ã jia mu dutiare yoare tina. <sup>7-8</sup> Yũhũre mu yahurire tinare buhehi. Yũ ã buhechũ tũhoa yũ buheare cahmare tina. ã jia potocãta mu cahai tariro yũ jichũ masina tina. Tuhsu, mu warocariro yũ jichũ “Potocã tjira”, ni tũhotura tina. ã yoa jipihtia yũ ya mu ya ti jichũ masina tina.

<sup>9</sup> Ti ya cjihtire mũhũre sini payoi nija. Paina ya cjihti sehẽre sini payoi nieraja yũhũ. Yũhũre mu warina mu yaina jira. ã

jicü ti ya cjihtire sini payoi nija mûhure. **10** Tina jipihtina mü yaina jira. Æ jia mü yaina sehe yû yaina jira. Yûhure wacû tuaa yû tuariro jiare masichü yoara tina masare.

**11** 'Mipûre ahri yahparûre tjuasi yûhü. Mü cahapû wahai tai nija. Yû ã wahapachûta mipûre yûhure mü warina ahri yahpare tjuaahca. Mai, mûhü noariro jira. Yûhure mü warinare mü tuaa mehne ñû wihbobasaga. Mü ã ñû wihbochü mari cûirotâ mari jiro seheta tina cûhü cû curuata jiahca. **12** Tina mehne jicü mü tuaa mehne tinare noano ñû wihbohi. Cûiro pinihta pichacapû waharohca mü yare ti joari tjui to yahuriro seheta.

**13** 'Mipûre mü cahai wahai tai nija. Æ jicü ahri yahpai ahri jipihtiare yû yainare yahuja yûhü mehne ti noano wahchehto cjihtore. **14** Mü yare yahui tinare. Tina yû yoaro seheta ahri yahpai ji dojahtina jierara. Æ jia ahri yahpa macaina sehe tinare ñû tuhtira. **15** "Ahri yahpai jiinare, yû yainare naaga", nieraja. Æ nierapaihta tinare noano ñû wihboga "Watîno ñaare yoa dutiri", tinare nicü. **16** Ahri yahpa macariro jieraja. Tina cûhü yû yoaro seheta ahri yahpai ji dojahtina jierara. **17** Yû yainare mü buhea mehne noaina wahachü yoaga tinare. Mü yahua sehe potocã tjira. **18** Ahri yahparûre yûhure mü warocariro seheta yûhü sehe yû yaina cûhure mü yare buhe duticü warocahi. **19** Mü cahmaare yoah tiro cjihtore yariahtiro jicü yû pjacûre waja. Æ waja yûhü yû yaina cûhü mü cahmaare potocã ti noano yoah ti cjihtire.

**20-21** ' "Yû yaina mipûre jiina dihtare yoadohoga", ni sini payoeraja yûhü. Yû yaina painare yû yare ti buheri baharo paina cûhü yûhure wacû tuaahca. Tina cûhure yoadohoga, yû yaina jipihtina cû curuai ti jihto cjihto sehe. Yûhü mûhü mehne mari pûaro jipanahta cûiro tjija. Mari cûirotâ mari jiro seheta tina cûhü mari mehne cû curuaihta jijaro. Cû curuaita jijaro mü warocariro yû jiare jipihtina masa "Potocã tjira" ti nihto sehe. **22** Yûhure mü masichü yoariro seheta yû yainare yû jia tiare masichü yoai. Tinare yû ã masichü yoachü cûirotâ mari jiriro seheta tina cûhü cû curuaita jiahca. **23** Yûhü tina mehne jija. Tuhsü, mûhü yûhü mehne jira. Mari ã jiina jichü yû yaina potocãta cû curuaita noano jiahca. Cû curuaita ti jichü ñûa mü warocariro yû jiare ahri yahpa macaina masiahca. Tuhsü, yûhure mü cahîriro seheta yû yaina cûhure mü cahîare masiahca masa.

24 'Mai, ahri yahpa to ji dũcahto pano yũhũre cahĩa tire mũhũ. Ā cahĩcũ yũ masi pahñoriro, si siteriro yũ jichũ ñore mũhũ. Ā jicũ yũhũre mũ warina yũhũ mehne ti jichũ cahmaja masi pahñoriro, si siteriro yũ jichũ ti masihtĩ cjihtire. 25 Mai, mũhũ noariro jira. Ahri yahpa macaina ñaina mũhũre masierara. Yũhũ sehe mũhũre masija. Ā jia mũ warocariro yũ jichũ masina yũ yaina. 26 Mũhũre tinare masichũ yoai. Baharopũ cũhũre mũhũre tinare masichũ yoaihtja yũhũre mũ cahĩriro seheta painare ti cahĩhti cjihtire. Ā jicũ yũ yaina mehne jiihca —nire Jesu Cohamacũre.

### Jesure peresu yoaha

(Mt 26.47-56; Mr 14.43-50; Lc 22.47-53)

**18** 1 To ã niri baharo Jesu sã cũhũ to buheina Cedrõ wama tiri mare pahã, olivo wama tia yucũri ti toari wesepũ sui. 2 Payũ tahari tí wesei, tí yucũ docai sã Jesu mehne cahmachua tii. Ā jiro Juda Jesure ñũ tuhtiinare ñohtiro tí wesere masire. 3 Ā masino pũa curua surarare mũ tã tare tí wesepũ Jesure ñono taro. Cũ curua surara waro jire. Pa curua surara Cohamacũ wũhũre cohtaina jire. Tina sacerdotea pũhtoa, fariseo curua macaina ti warocaina jire surara, Cohamacũ wũhũre cohtaina mehne. Ā taa sihãa pocare, sihãa yucũri cũhũre sihã tare. Ti wamoa cũhũre cjuare tina. 4 Tí wesepũ ti wihiri baharo Jesu to ñano wahahtore masino, tinare piti boca, õ sehe ni siniture:

—¿Noare macana nijari mũsa? —nire Jesu.

5 —Jesu Nazare macarirore macaja sã —ni yũhtire tina.

—Tiro tjija yũhũ —nire Jesu.

Juda sehe, Jesure ñaha dutiro ñoriro tina mehne jire.

6 Ā jia “Tiro tjija yũhũ”, Jesu to nichũta tina sehe cũaa waha, yahrapũ du siti mũa bora caha sũre. 7 Ti ã wahachũ ñũno tinare pari turi õ sehe ni siniture Jesu:

—¿Noare macana nijari mũsa? —nire.

—Jesu Nazare macarirore macana nija sã —ni yũhtire tina tjoa.

8 —“Tiro tjija”, ni tuhsũmahicũ yũhũ mũsare. Ā jina yũhũre ñahana, ahrinare yũhũ mehne macainare peresu yoarena tjiga mũsa —nire Jesu.

9 Ñ sãre cahĩno ne cũirore butichũ yoerare. Ñ yoaro tó pano Cohamacũre to niriro seheta yoaro nire tiro. “Yũhũre mũ warinare ne cũirore boerahi”, to niriro seheta yoaro nire Jesu. 10 Ñ yoa Simo Pedro ñosari pjĩne cjũaro, tí pjĩne tuã we naroca, sacerdotea bui pũhtoro cahamacũno Malco wama tiriro cahmonore cjã pahrẽnocare. To poto bũhũsehe macari cahmonore cjã pahrẽnocare. 11 Ñ to cjã pahrẽchũ ñũno Jesu tirore õ sehe nire:

—Mũ ñosari pjĩne wihboga. Yũ Pũcũ yũhũre to ñano yũhdũ dutiriro seheta ñano yũhdũihtja yũhũ —nire Jesu Pedrore.

### **Sacerdotea bui pũhtoro cahapũ Jesure naaha tina**

*(Mt 26.57-58; Mr 14.53-54; Lc 22.54)*

12 To ã ni tuhsũchũta surara, ti pũhtoro mehne, Cohamacũ wũhũre cohtaina surara cũhũ Jesure ñaha, tirore dũhtere.

13 Dũhte tuhsũ Ana cahapũ naa mũhtare tina. Ana sehe Caifa marechũno jire. Caifa sehe tí cũhmare sacerdotea bui pũhtoro jire. 14 “Judio masa ya cjihtire cũiro masũno yariachũ noana”, niriro cjiro jire Caifa sehe.

### **“Jesure masieraja”, niha Pedro**

*(Mt 26.69-70; Mr 14.66-68; Lc 22.55-57)*

15 Ñ jina yũhũ Simo Pedro mehne Jesure yoa curerorũ ñũ nũnũ tii. Yũhũ sehe sacerdotea bui pũhtoro to ñũ masiriro jicũ Jesu baharo pũhtoro wũhũi jiri sahrĩnorũ sãa wahaĩ. 16 Yũ ã sãachũ Pedro sehe sahrĩno sopacai tjuarũcũ sũre. Ñ jicũ majare wijaa ta, sopacare cohtaricorore sinitu ñũi “Ahrĩro Pedro sãa ta masijari”, nicũ. Yũ ã sinitu tuhsũchũ ticoro Pedrore sãa ta dutire. To sãa ta dutiri baharo yũhũ Pedrore na sãa wahaĩ. 17 Yũ ã na sãachũ ñũno sopacare cohtaricoro sehe Pedrore õ sehe ni siniture:

—¿Jesu buheina mehne macariro jierajari mũhũ? —nire ticoro Pedrore.

—Jieraja yũhũ —ni yũhtire Pedro sehe.

18 Sã sũhto pano tó macaina cahamaca, surara mehne ti sohmahti pichacare wijã tuhsũri jire. Yũsũa nire. Ñ jia tina tí pichaca dũhtũ cahai ducua, sohmaa nire. Ti ã sohmachũ ñũno, Pedro cũhũ waha, sohmare.

**Sacerdotea pũhtoro Jesure sinituha**  
(Mt 26.59-66; Mr 14.55-64; Lc 22.66-71)

19 Ñ yoa sacerdotea bui pũhtoro Jesu buherire, sãre to buheina cũhũre sinitu ñãri jire Jesure. 20 To ã sinituchũ Jesu sehe õ sehe ni yũhtiri jire tirore:

—Jipihtinare buhecũ ti panoi ducuhi. Ñ buhecũ judio masa mari buhea wũhũsei Cohamacũ wũhũ cũhũre ã buherucuhi. Mũsa ñũenoi buherahi yũhũ. 21 ¿Dohseacũ yũhũre sinitujari mũhũ? Sinitu duacũ yũ buheinare sinitu ñũga. Yũ buherire tina masina —ni yũhtiri jire Jesu.

22 To ã nichũ tũhoro tõi ducuriro surara sehe to wamomaca mehne Jesure cjãri jire.

—Ñ nii tjiga sacerdotea bui pũhtorore —niri jire surara sehe Jesure.

23 To ã nichũta Jesu õ sehe niri jire:

—Ñnano yũ ni durucurire yahuga yũhũre. ¿Potocãta mũsare yũ yahupachũta, dohseacũ yũhũre cjãjari mũhũ? —niri jire Jesu surarare.

24 Baharo Ana Jesure paina ti dũhterirore Caifa sacerdotea bui pũhtoro cahapũ warocari jire.

**“Jesure masieraja”, pari turi niha Pedro**  
(Mt 26.71-75; Mr 14.69-72; Lc 22.58-62)

25 Ñ yoa Simo Pedro pichaca dũhtũ cahai ducuro, sohmano nire. Ñ to sohmarucuchũ ñũa, tó macaina tirore õ sehe ni siniture:

—¿Mũhũ cũhũ Jesu buheina mehne macariro jierajari mũhũ? —nire tina Pedrore.

—Jieraja yũhũ —ni yũhtire Pedro.

26 Tuhsũ, sacerdotea bui pũhtoro cahamacã mehne macariro, Pedro to cahmono cjã pahrẽriro coyeyiro sehe Pedrore õ sehe ni siniture:

—¿Jesure ti ñahari wesei yũ jichũ mũhũ cũhũ tiro mehne jierapahte? —ni siniture tiro Pedrore.

27 —Yũhũ tiro mehne jierahi —nire Pedro. To ã nichũta caraca dure.

### Jesure Pilato sinituha

(Mt 27.1-2, 11-14; Mr 15.1-5; Lc 23.1-5)

28 Ñamiwacũnu jichũ Caifa ya wũhũpũ jirina Jesure naa wijaa, tí maca macaina pũhtoro Pilato ya wũhũpũ naa wahare tina. ã wahapahta to ya wũhũpũ sãaerare. Pascua dachori jichũ tina tí bose nũmũri macaare chũhtina jia õ sehe nire: “Judio masũno jierara Pilato. To ã jiriro jichũ to ya wũhũre sãana, mari dutiare yũhdũrũcana niboca. ã jina mari sãachũ marine bose nũmũri macaa chũare chũ dutierahca”, nire tina. ã nia pũhtoro Pilato ya wũhũre sãaerare Jesure naahrina sehe. 29 Ti ã sãa taerachũ ñũno Pilato tina cahapũ, wũhũ sopacapũ sũrũcũ sũro, tinare õ sehe ni siniture:

—¿Yaba buhirire ahrirore yahusã duajari mũsa? —nire Pilato tinare.

30 —Ahriro to noariro jichũ mũhũre sã waeraboa. Ñariro jira tiro —ni yũhtire tina.

31 Ti ã nichũ Pilato õ sehe nire:

—Mũsa sehe tirore naahga. ã jina mũsa ya dutia ti niriro seheta tirore buhiri dahrega —nire Pilato tinare.

—Mũsa Roma macaina ya dutia sehe sãre masũnore wajã dutierara —nire tina Pilatore.

32 ã nia Jesure judio masa ti wajã duarire masichũ yoaa nire. Jesu sehe crusapũ to yariahtore tó pano to yahuriro seheta ã waharo nire. 33 Ti ã ni durucuri baharo Pilato sehe wũhũpũ majare sãa, Jesure pjirocari jire. Pjiroca tuhsũ, tirore õ sehe ni sinituri jire:

—¿Judio masa ti pũhtoro tjijari mũhũ? —ni sinituri jire Pilato.

34 —¿Mũ mũ sũrota ã sinitui nijari mũhũ yũhũre? ¿O paina sehe yũhũre ti yahusãri baharo tíre sinitu ñũjari mũhũ? —niri jire Jesu Pilatore.

35 —Judio masũno jieraja yũhũ. Mũ ya yahpa macaina, sacerdotea pũhtoa cũhũ mũhũre ware sãre. ¿Yabare ñano yoari mũhũ ti ã buhiri dahre duachũ? —niri jire Pilato.

36 —Ahri yahpa macariro pũhtoro jieraja yũhũ. Ahri yahpa macariro pũhtoro yũ jichũ yũ buheina yũhũre yoadohoboa. Judio masare yũhũre ñaha dutieraboa. Yũ pũhtoro jia ahri yahpa macaa jierara —niri jire Jesu Pilatore.

37 —¿Ã jicũ pũhtoro jijari mũhũ ã nicũ? —niri jire Pilato.

—Mũ nino seheta pũhtoro tjija. Masa ti pũhtoro jihtiro cjihto masa bajuai yũhũ. Ā jicũ ahri yahpapũ tai ti pũhtoro jicũ tacũ, potocã jiare yahucũ tacũ. Jipihtina potocã jiare tũho duaina, yũ yahuare tũhora —niri jire Jesu.

**38** —¿Yaba baro jijari potocã jia? Potocã jiare masihto basioerara —niri jire Pilato.

### Judio masa Jesure wajã dutiha

(Mt 27.15-31; Mr 15.6-20; Lc 23.13-25)

Ā ni tuhsũ Pilato judio masa cahai majare tjua waha, tinare õ sehe ni yahure:

—Ahriro Jesure yaba buhiri mariahna. **39** Cũhmaripe pascua jichũ cũiro peresui jirirore mũsa wio dutirucura. ¿Ā jicũ ahriro Jesureta mũsa pũhtoro cjihto mũsare wiobasabocari yũhũ?  
—nire Pilato judio masare.

**40** To ã nichũ tũhoa judio masa õ sehe ni saũurucure:

—Tirore wioi tjiga. Barrabá sehere sãre wiobasaga —ni saũurucure judio masa Pilatore.

Barraba sehe yaca bũcũro jire.

**19** <sup>1</sup> Ti ã ni saũurucuri baharo Pilato Jesure tjana dutiri jire. To ã dutichũ to mũa sehe tirore tjanari jire.

<sup>2</sup> Tjana tuhsũ tina pota soro dahre tuhsũ, Jesu dapu bui duhu payori jire. Duhu payo tuhsũ, pũhtoa ya suhti barore tirore sãa, payũ tahari tiro cahacãi sũrucã, õ sehe ni bũjũperi jire tina:

<sup>3</sup> —Noano tagũ. Judio masa pũhtoro noano tagũ —ni bũjũpe, Jesu wũhũhũhi cjã mũjari jire.

<sup>4</sup> Ā yoa pari turi Pilato judio masa cahapũ waha, tinare õ sehe ni yahure:

—Tũhoga mũsa. Ahrirore ñaa buhiri mariahna. Ā jicũ tíre mũsa masihti cjihtire mũsa cahai tirore na tai tai nihi —nire tiro.

<sup>5</sup> To ã ni tuhsũchũta Jesu pota soro pisariro, pũhtoa ya suhti barore sãariro, wũhũi jiriro wijaa tare. To ã wijaa tachũ Pilato tinare õ sehe nire:

—Ñũga. Ahriro tjira tiro —nire Pilato.

<sup>6</sup> To ã ni tuhsũchũ tũhoa, sacerdotea pũhtoa, Cohamacũ wũhũ cohtaina surara cũhũ Jesure ñũa, saũurucure:

—Crusapũ cjã puha wajãga tirore. Crusapũ cjã puha wajãga tirore —ni saũurucure tina.





—Tirore ne ñaa buhiri mariahna. Ñ jina m̄sa basita tirore naaga. Ñ jina m̄sata tirore crusap̄ c̄j̄ puha waj̄aga —nire Pilato tinare.

7 —Tiro to basi “Cohamac̄ mac̄no jija”, nia tire. Tíre to ã nich̄ s̄a dutia sehe tirore waj̄a dutira —nire tina Pilatore.

8 Ti ã nich̄ t̄horo tó pano to cuiro ȳhdoro cuia wahare Pilato sehe. 9 Ñ jiro pari turi to w̄h̄p̄re majare s̄aa, Jesure ò sehe ni sinituri jire t̄joa:

—¿Noho macariro jijari m̄h̄? —niri jire Pilato Jesure.

To ã ni sinitupach̄ta Jesu tirore ȳhtierari jire.

10 To ã ȳhtierach̄ ñ̄no Pilato tirore ò sehe ni sinitu namori jire:

—¿Ȳh̄re ȳhtierajari m̄h̄? Ȳh̄ m̄h̄re peresui jirirore wio masija. Ñ yoa m̄h̄re crusap̄ c̄j̄ puha waj̄a duti masija ȳh̄. ¿Tíre masierajari m̄h̄? —niri jire Pilato Jesure.

11 —Cohamac̄ m̄h̄re to dutierach̄ ȳh̄re ñ̄ano yoape dutieraboa m̄h̄. Ȳh̄re ñ̄ tuhtiinare ñoriro sehe m̄ ȳhdoro ñ̄ano buhiri tira —niri jire Jesu Pilatore.

12 To ã nich̄ t̄horo Pilato sehe tirore wio duari jimare. To ã wio duapach̄ta pari turi judio masa ò sehe ni sañurucure:

—Jesu “P̄htoro jija” nino, mari jiphtina bui p̄htoro jirirore Roma macarirore ñ̄ tuhtiriro jira tiro. Ñ jic̄ tirore

wiocu m̄h̄u c̄h̄u mari bui p̄htoro jirirore ñu tuhtiriro jiihca —ni sañurucure judio masa Pilatore.

13 Ti ã nichu t̄horo Jesure w̄h̄u jirirore na wijaa ta, buhiri dahre dutiro taro to dujiri pahtai nuju sure Pilato sehe. Tóito buhiri dahre dutiri wapa, t̄aa mehne ti yoari wapa judio masa s̄a ya mehne Gabatá wama tire. 14 Tí dacho pascua dacho bose numu s̄a chuhti cjihtire s̄a cahnori dacho jire. Tí pjare cohari pja waro jire. Nuju su tuhsu Pilato masare õ sehe ni yahure:

—Ahriri tjira musa p̄htoro —nire tiro.

15 To ã nichu t̄hoa judio masa õ sehe ni sañurucure:

—Yariajaro tiro. Yariajaro tiro. Crusapu c̄j̄a puha wajãga tirore —ni sañurucure tina.

—¿Musa p̄htoro to jipachuta tirore crusapu c̄j̄a puha wajã dutijari musa? —nire Pilato.

To ã nichu t̄hoa õ sehe ni yuhtire sacerdotea p̄htoa:

—Mari jipihtina bui p̄htoro Roma macarirota s̄a p̄htoro jira. Pairo p̄htoro s̄are mariahna —ni yuhtire sacerdotea p̄htoa.

16 Ti ã ni durucuri baharo Pilato Jesure crusapu c̄j̄a puha wajã dutiro, tirore ware tinare, tirore wajãhtinare.

### **Jesure c̄j̄a puha wajãha tina**

*(Mt 27.32-44; Mr 15.21-32; Lc 23.26-43)*

17 Ñ jia tina Jesure naa wijaare. Ti naa wijaachu Jesu sehe to crusare to basi wua naa, dapu cohã wama tiropu sure. Sã judio masa ya mehne dapu cohã Gólgota wama tire. 18 Tóropu sua tina Jesure c̄j̄a puha õre. Tuhsu, paina p̄arore c̄uero to poto buhusehei, pairo to cõ buhusehei c̄j̄a puha dapore tina. Ñ jiro Jesu ti dacho macai jire. 19 Ti c̄j̄a puha tuhsuchu, Pilato taboa pjine joa, Jesure ti c̄j̄a puha õri crusai c̄j̄a puha õ dutire tí pjine. Ñ sehe ni joare tiro: “Ahriri Jesu Nazare macariro, judio masa bui p̄htoro jira”, ni joare Pilato tí pjine. 20 Tí pjine joaro judio masa ya dusero mehne, Roma macaina ya dusero mehne, griego masa ya dusero mehne joare tiro. Ñ yoa Jesure crusapu ti c̄j̄a puha daporiro maca cahacã jire. Tó cahacã jiina payu judio masa Pilato joarire ñu, buhere. 21 Ñ buhe tuhsu judio masa s̄a sacerdotea p̄htoa õ sehe nire Pilatore:

—“Ahriri judio masa p̄htoro jira”, ni joai tjiga. Sã p̄htoro jierara ahriri. Ñ jicu õ sehe ni joa cahnoga m̄h̄u. “Ahriri



‘Judio masa pũthoro jija’, ni cũirota to basita ã ni tãhoturiro jira”, ni joa cahnoga —nire sacerdotea pũthoa.

22 —Yũ joa mũhtariro seheta jirohca —nire Pilato tinare.

23 Jesure ti cjã puhari baharo pititiaro surara sehe Jesu suhtire ti basi witi. Ti ã witi duapachũta cũ suhtirota yoari suhtiro dohori marieni suhtiro jire. Tĩ suhtiro suhari suhtiro jire. 24 Tĩ suhtiro to ã jichũ õ sehe nire tina ti basi:

—Ahri suhtirore tũhrẽna tjiijhna. Ahri suhtirore nahtiro cjihtore masi duana, docapejihna mari —nire tina ti basi.

Ã docapea, Cohamacũ yare ti joari tjuí ti ni joariro seheta yoaa nire tina. “Yũ suhtire tina ti basi witi. ã jia yũ suhtire nahtiro cjihtore masi duaa, docapere tina”, ni joaa tiha Cohamacũ yare ti joari tjuí. To ã ni joariro seheta ã yoaa nire tina.



25 Surara ti ã yoachũ Jesu pocoro, Jesu mũono, María Cleofa namono, María Magdalena mehne Jesu crusa cahacãi ñũrucure tina. 26 ã jiro to pocoro yũhũ to cahĩro cũhũ to cahacãi sã ducuchũ ñũno to pocorore õ sehe ni yahure Jesu:

—Mĩpũre ahrĩro mũ macũ cjihto jira —nire Jesu to pocorore.

27 ã ni tuhsũ, yũhũre õ sehe ni yahure tiro:

—Mĩpũre ahrĩcoro mũ poco cjihto jira —nire Jesu yũhũre. To ã niri baharo Jesu pocorore yũ ya wũhũpũ ji dutii.

### Jesu yariaa wahaha

(Mt 27.45-56; Mr 15.33-41; Lc 23.44-49)

28 To ã ni yahuri baharo õ sehe ni tãhotu masiri jire Jesu: “Jipihtia Cohamacu yũhũre dahra dutiro to cũrĩre yoa pahũohi”, ni tãhotu masiri jire Jesu. ã masino Cohamacu yare ti joari tju to ni yahuriro seheta õ sehe nire Jesu:

—Ñahma yapioca yũhũre —nire Jesu.

29 ã yoa tói vino sũẽa core posa tiri situ dujire. ã jiro tói jiriro wihmi nari sũhtere sũẽa co mehne ti sohari sũhtere yucucu hisopo wama tidu sohtoai dũhte õre. Dũhte õ tuhsu, Jesu dũseroi siõ mũo, siõ õre. 30 Tí core Jesu wihmi tuhsu õ sehe nire:

—Tó puro tũica —ninota to dapure muhrirũca, yoja su, yariaa wahare.

### Surara Jesu patipahma batoĩ ñosaha ñosadu mehne

31 Tí dacho pascua bose numu pano jire. Tí bose numu macaare sã chũhti cjihtire sã cahnorĩ numu jire. ã jia pa dacho Sabado jichu tí bose numu jichu crusaripu ti wajãrinare cũ duaerare judio masa. Tí dacho Cohamacu ti ño payori dacho bose numu jire. ã jia tí dachoi ti cã puharina cjirire crusapu ti jichu cahmaerare tina. ã jia ti cã puharina cjirire ti ñũchua cohãrine cã nuha dutia taa judio masa siniha Pilatore, ti yaria mũrocahto cjihto sehe. Ti ã yoari baharo ti pjacuri cjirire na boro bahrañoa taa nire. 32 Ti ã dutichu surara sehe crusari cahapu su, cũiro yacariro cjiro ñũchua cohãrine cã nuhare. Pairo cũhũre ãta yoare tina. 33 ã jia Jesu ñũchua cohãrine cã nuha tamaa, to yariariro jichu ñua, cã nuhaerare.

34 ã cã nuhaeraa cũiro surara to patipahma batoĩ ñosadu mehne ñosare. To ã ñosachu dóihta to di, co mehne wijaare. 35 To ã wahachu ñni yũhũ. Yũhũ ahri tjure joariro mũsare potocã yahuja. Potocã yũ yahua jichu masija yũhũ. Mũsare yahuja mũsa cũhũ Jesure mũsa wacũ tuahto sehe. 36 Cohamacu yare ti joari tju to niriro seheta ã wahare: “To cohãrine ne cũ cohãre cã nuhaerare”, to ni joariro seheta Jesu ñũchua cohãrine ne cũ cohãre cã nuhaerare. 37 ã yoa pa tju Cohamacu yare ti joari tju õ sehe nina: “Tĩrore ti ñosariro cjirore ñũahca tina”, ni joaa tiha Cohamacu yare ti joari tju.

**Jesu pjacure masa sorapu cūha**  
*(Mt 27.57-61; Mr 15.42-47; Lc 23.50-56)*

38 To yariari baharo José Arimatea macariro Jesu pjacu cjirore na bororo taro, Pilatore siniri jire. José sehe paina judio masare cuiro, Jesure wacū tuariro to jiare yahu duaerari jire. To pjacu cjirore to siniri baharo Pilato sehe to pjacure naa dutiri jire. To ã na dutichu José crusa cahai su, Jesu pjacu cjirore naa wahari jire. 39 Nicodemo cūhu me sitiare yucucu di pohca, mirra wama tia me sitia yucucu pohca mehne dahra



moreare na tari jire. Jesu pjacu cjirore masa copapu ti siõ sãahto pano ti cahnohti jiri jire tí me sitia. Ti na tari cjirore treinta kilo nucuri jire. Nicodemo sohõ jiri pja Jesu mehne to coã durucuri pja ñamipux Jesu cahai sũriro jiri jire. <sup>40</sup> Ñ jia tina pũaro Jesu pjacu cjirore naa, judio masa sã yariainare sã yoarucuriro seheta to pjacu cjirore me sitia mehne suhtiro cahsaro mehne wahmari jire. <sup>41</sup> Crusapux Jesure ti wajãno cahai wese jire. Tí wesepux masa copa tãcapux wahma ti sahari copa jire. Tí copai ne yariariro cjirore siõ sãaerasinire. <sup>42</sup> Pascua dacho bose numui judio masa sã bose numui sã chũhti cjihtire sã cahnoru dacho jire. To ã jiri dacho jichu tí copa cahacã to crusa jichu, tói siõ sãari jire tina Jesu pjacu cjirore.

### Jesu masa wijaaha

(Mt 28.1-10; Mr 16.1-8; Lc 24.1-12)

**20** <sup>1</sup> Domingo ñami curero jichu, bohreahto panocã María Magdalena Jesu masa copapu sũri jire. Tõpux sũro tí copare ti tju bihari tãcare ti pjõo cũria tãcare ñũri jire ticoro. <sup>2</sup> Ñ ñũricoro jiro sã cahapux mũrocaa tare ticoro. Simo Pedro mehne yũhũ sã pũaro jii. Wihi, õ sehe ni yahure sãre ticoro:

—Mari pũhtoro pjacu cjirore naanocari jihre. Ñ jina tiro cjirore ti cũrire mari masieraja —nire ticoro sãre.

<sup>3</sup> To ã nichu tũhona, Pedro mehne masa copapu ñũna wahaĩ sã. <sup>4</sup> Ñ ñũna wahana sã pũaro mũroca wahcãĩ. Ñ mũrocana, yũhũ Pedrore mũroca yũhdũ wahcãcũ masa copapu sũ mũhtai. <sup>5</sup> Tõpux sũcũ muhri caha ñũroca sõi tí copapũre. Muhri caha ñũroca sõcũ tirore ti wahmari suhtiro cjiro dihtare ñũĩ. Ñ jii tí copare sãaerahi. <sup>6</sup> Yũ ã ñũri baharopũ Simo Pedro yũ baharo wihire. Wihi, masa copapu sãa, to pjacu cjirore ti wahmari suhtiro cjirore ñũre tiro. <sup>7</sup> Jesu dapure ti wahmari cahsaro cũhũre ñũre tjoa. Tí cahsaro soro coãno to turẽri cahsaro jire. <sup>8</sup> Ñ jicũ yũhũ cũhũ masa copapu sũ mũhtaruro tí copapu sãai. Jesure to ã mariachũ ñũcũ “Potocãta Jesu masa wijaari jira”, ni tũhotui yũhũ. <sup>9</sup> Tí copapu sã wahahto pano Cohamacũ yare ti joari tjui Cristo to yariahtore yahurire, to masa wijaahore yahuri cũhũre sã noano tũho ñahaerasinimai. Tí copare yũ ñũri baharo, “Potocãta Jesu masa wijaari jira”, ni tũhotui yũhũ. <sup>10</sup> Ñ ñũ tuhsũna sã wũhũsepũ tjuua wahaĩ.



### Jesu María Magdalenare bajuaha

(Mr 16.9-11)

11 Ñ yoa masa copapũ María majare tjua ta tí copa sopacapũ wihi, ducuro, tiiro niri jire. Ñ tiiparota ticoro muhi caha ñũroca sōri jire masa copapũre. 12 Ñ ñũroca sōno pũaro anjoare, yehsea suhti tiinare Jesu cjiro to coãriro cjiropũ ti dujichũ ñũri jire ticoro. Cãiro to dapu coãriro cjiroi dujiri jire. Pairo to dahpori coãriro cjiroi dujiri jire. 13 Tinare to ñũchũ tina sehe ticorore ò sehe ni sinituri jire:

—Numino, ¿dohse jiro baro tiico nijari mũhũ? —niri jire tina.

—Yũ pũhtoro pjacũ cjirore naanocari jihre. Ñ jico to pjacũ cjirore ti cũrire masieraja yũhũ —niri jire ticoro.

14 Ñ ni tuhsũ, majarerũcũ sũmahno Jesure tói ducurirore ñũri jire ticoro. Ñ ñũparota Jesure ñũ masierari jire ticoro.

15 —Numino, ¿dohse jiro baro tiico nijari mũhũ? ¿Noare macaco nijari? —niri jire Jesu ticorore.

“Ahriri ahri wesere ñũ wihboriro jira”, ni tũhotumari jire ticoro Jesure. Ñ ni tũhoturo, ò sehe niri jire ticoro:

—Mũhũta to pjacũ cjirore naariro jicũ to pjacũre mũ cũrirore yahuga yũhũre. Mũ yahuri baharo to pjacũ cjirore naaco wahacohtja —niri jire ticoro tirore.

16 To ã niri baharo Jesu ò sehe niri jire:

—María —niri jire.

To ã ni pisuchũ tũhoro majare ñũroca, ticoro hebreo ya mehne sã judio masa ya mehne ò sehe niri jire:

—Raboni —niri jire ticoro Jesure. (Raboni nino “Buheriro”, nino nina.)

17 —Yũ Pũcũ cahapũ mũjaerasinija yũhũ. Yũ ã mũjaerasinichũ yũhũre ñahaeco tjiga. Tuhsũ, paina yũ yaina cahapũ wahaga. Ti cahapũ sũco ò sehe ni yahuga tinare: “Yũ Pũcũ cahapũ wahai tai nija. Mũsa Pũcũ cũhũ jira tiro. Yũ yairo Cohamacũ cahapũ wahai tai nija. Mũsa yairo Cohamacũ cũhũ jira tiro’, nihre Jesu”, ni yahuga tinare —niri jire Jesu Mariãre.

18 To ã niri baharo María Magdalena sã Jesu buheina cahapũ wihi, yahure sãre:

—Mari pũhtorore ñũhi yũhũ —ni, Jesu ticorore to yahu dutirire yahure sãre ticoro.





### Jesu to buheinare bajuaha

(Mt 28.16-20; Mr 16.14-18; Lc 24.36-49)

19 Tí dacho domingoi ñamichahai sã Jesu buheina sã coyea judio masare cuina, wãhɛɾɛ biha sãa, dujii sã. Sã ã dujichu Jesu sã watoi bajuarɛɛ sũro, sãre õ sehe nire:

—¿Jimajari mɛsa? Noano jiga mɛsa —nire.

20 ã ni tuhsɛ, to wamomacarine, to patipahma bato cũhɛre sãre ñore. ã jina sã tirore sã pũtorore ñna, wahchei. 21 Pari turi Jesu sãre õ sehe nire:

—Noano jiga m̄sa. Ȳn P̄sc̄u ȳh̄ure to warocariro seheta, m̄sa c̄h̄ure ȳn ya buheare buhehtinare warocaja —nire Jesu s̄are.

22 Ñ̄ ni tuhs̄u tiro s̄are puti s̄are. Ñ̄ puti s̄ano Esp̄ritu Santo s̄are to s̄ar̄sc̄u s̄u m̄a wahahtore ñono nire s̄are. Ñ̄o tuhs̄u ò sehe nire:

—M̄ip̄u Esp̄ritu Santore ñahaga m̄sa, m̄sa mehne jihtirore.

23 Paina ti ñaa yoarire m̄sa boch̄u, ãta jahca. Ñ̄ jia paina ti ñaa yoarire m̄sa boerach̄u tí bori jisi —nire Jesu s̄are to buheinare.

### Jesure masa wijaarirore Toma ñ̄ha

24 Jesu s̄a watoi to bajuach̄u Toma s̄h̄d̄ariro ti ni pisuriro s̄a mehne mariahare.

25 To ã mariach̄u s̄a mehne macaina tirore yahumare:

—Mari p̄htoro s̄a ñ̄hi —ni yahumai s̄a Tomare.

S̄a ã ni yahupach̄uta ò sehe nire Toma:

—To wamomacarine ti c̄j̄a puhaa coparire ñ̄erac̄u tí coparire ȳn wamo pica mehne be ñ̄erac̄u, “Potoc̄ãta masa wijaari jira”, nisi ȳh̄u. Ñ̄ yoa to patipahma batoi jiri copare ȳn wamomaca mehne siõ s̄erac̄u, “Potoc̄ãta masa wijaari jira”, nisi ȳh̄u tirore —nire Toma.

26 Ocho dachori baharo pari turi s̄a to buheina s̄a w̄h̄ur̄u jii. Tí pjare Toma s̄a mehne jire j̄na. Tí w̄h̄u bihari w̄h̄u jire. Bihari w̄h̄u to jipach̄uta Jesu w̄h̄ur̄u s̄a taro, s̄a watoi bajuar̄sc̄u s̄uro ò sehe nire:

—¿Jimajari m̄sa? Noano jiga —nire.

27 Ñ̄ ni tuhs̄u, tiro Tomare ò sehe ni yahure:

—Ñ̄ga ȳn wamomacarine. Ñ̄ yoa m̄ wamo pica mehne ȳn wamomacarine ti c̄j̄a puhaa coparire be ñ̄ga. Tuhs̄u, m̄ wamomaca mehne ȳn patipahma batoi jiri copare siõ s̄õ ñ̄ga. “Potoc̄ã jierara”, nii tjiga. “Potoc̄ã tjira”, niga m̄h̄u, —nire Jesu Tomare.

28 To ã niri baharo Toma ò sehe ni ȳhtire:

—M̄h̄u ȳn p̄htoro jira. M̄h̄u ȳn yairo Cohamac̄u jira —nire Toma Jesure j̄na.

29 —Ȳh̄ure m̄ ñ̄ri baharo ȳh̄ure wac̄i tuara m̄h̄u. Paina sehe ȳh̄ure ñ̄erapahta ȳh̄ure wac̄i tuaahca. Ñ̄ jia tina m̄ ȳhdoro wahcheahca —nire Jesu Tomare.

### Jesure masa ti masihti cjihtire ahri tjure joaha João

<sup>30</sup> ã yoa payu paye cũhure Cohamacu to tuaa mehne yoa ñore Jesu sã mehne jiro. Tíre to yoare ahri tjuí joa pahñoerati yũhũ. <sup>31</sup> ã joa pahñoerapaita ahri tjuí yũ yahuare joahi “Jesuta Cristo Cohamacu to warocariro jira. Tiro potocãta Cohamacu macũno jira”, mũa ni masihti cjihtire. ã jina mũa tirore wacũ tuaina Cohamacu mehne mũa ã jirucuhti cjihtire joahi ahri tjure.

### Jesu siete to buheinare bajuaha

**21** <sup>1</sup> Baharo Tiberia wama tiri bũcũpariro dũhtũ cahai sãre to buheinare Jesu pari turi bajuare tjoa. Sãre bajuaro õ sehe yoare tiro tjoa. <sup>2</sup> Simo Pedro, Toma sũhdũariro ti niriro, Natanae Galilea yahpai jiri maca Caná wama tiri maca macariro, Zebedeo pohna sã pũaro, paina pũaro buheina sã õpeinata cahmachui.

<sup>3</sup> Sã ã cahmachuri baharo Simo Pedro sãre õ sehe nire:

—Wahi wajãí wahi nija —nire tiro.

—Sã cũhũ mũhũ mehne wahanahãta —nii sã tirore.

ã ni tuhsũ buhaa wahai. ã jina dohoria mehne wahai.

Wiho mejeta tí ñamine sã noano maca bohreapanahta ne cũiro wahi wajãerahi. <sup>4</sup> Bohrea parĩ cahachũ Jesu padũroi to ducuchũ tirore ñũmai sã. ã ñũpanahta tirore “Jesu jira”, ni ñũ masierahi sã. <sup>5</sup> ã jiro sãre tiro õ sehe ni siniture:

—¿Ne, wahi wajãri mũa? —nire Jesu.

—Ne wajãeraputiati sã —ni yũhtii sã.

<sup>6</sup> —Dohoria poto bũhũsehe sehe doca ñoga. Tie sehe doca ñona wahi wajãnahca mũa —nire sãre.

To ã nichũ tũhona sã to niriroihãta doca ñoi. Sã doca ño tuhsũchũ payũ wahi sãare. Payũ wahi sãachũ wañũnore dohoriapũ waja sãana bihoerahi sã. <sup>7</sup> ã jicũ yũhũ Jesu cahĩriro Pedre õ sehe ni yahui:

—Mari pũhtorota jira siro padũroi ducuriro —nii Pedre.

Yũ ã nichũ tũhoro Jesuta to jichũ masino, Simo Pedro to suhtirore sãare. Wahi wajãno taro to suhtirore tjuweriro jisinare. To suhtirore sãa tuhsũ, diapũ pjuroca ñojare. <sup>8</sup> Sã paina buheina dohoriai jina, cien metro yoaro diapũre pahsai sã. ã jina wañũnore wahi payũ sãadũre dohoria mehne waja nũjai sã. <sup>9</sup> Dũhtũ cahai wahã sũna pichaca niti dihta si coãri

pichaca bui Jesu to pũhõ cūrirore wahire ñwi sã. Pão cūhure ñwi sã.

10 Sã ã ñũchũ ñũno Jesu sãre õ sehe nire:

—Michapucacã mũsa wajãrinare mahainacã na tahga  
—nire sãre.

11 To ã nichũ Simo Pedro sehe Jesu mehne jiro dohoriarũ samu, wañũnore, bujũina wahi ciento cincuenta y tres wahi sãadure waja majare. Payũ wahi sãapahta wañũnore tũhrẽrare.

12 —Chũsinina taga —nire Jesu sãre.

“¿Noa baro jijari mũhũ?” ni sinitu ñũerahi sã tirore. Sã pũhtoro to jichũ masii sã. 13 ã yoa Jesu pichaca caharũ sũro, pãore na, sãre witire. Wahi cūhure witire.

14 ã jiro Jesu to masa wijaari baharo padũroi bajuaro tia taha sãre to buheinare bajuaro nire.

### Jesu Simo Pedro mehne sũhũduha

15 Sã chũri baharo Jesu Simo Pedore õ sehe ni siniture:

—Simo Jona macũno, ¿ahrinare mũ cahĩro yũdoro yũhure cahĩjari mũhũ? —nire Simo Pedore.

—Pũhtoro, mũhure cahĩja yũhũ. Mũhure yũ cahĩchũ masina mũhũ —ni yũhtire Simo Pedro.

—ã jicũ ovejacãre ti nuriro seheta yũ yainare buhega mũhũ —nire Jesu.

16 ã ni tuhsũ pari turi tiro Simo Pedore õ sehe ni siniture:

—Simo Jona macũno, ¿yũhure cahĩjari mũhũ? —nire Jesu.

—Pũhtoro, mũhure cahĩja yũhũ. Mũhure yũ cahĩchũ masina mũhũ —ni yũhtire Simo Pedro.

—Ovejare ñũ wihboriro ovejare to noano ñũ wihboriro seheta, yũ yainare noano buhe ñũ wihboga —nire Jesu Pedore.

17 ã ni tuhsũ pari turi tiro Simo Pedore õ sehe ni siniture:

—Simo Jona macũno, ¿potocãta yũhure cahĩjari mũhũ?  
—nire Jesu tjoa.

Tia taha ã ni to sinituchũ tũhoro Simo Pedro tuaro cahyare.

—Pũhtoro, mũhũ masi pahũona. Mũhure yũ cahĩchũ masina mũhũ —ni yũhtire Simo Pedro.

—Ovejare ti nuriro seheta yũ yainare buhega mũhũ.

18 Potocã mũhure niita nija. Mũhũ wahmũno jicũ mũ suhtire sãa, mũ cahmariorũ tinia tiri jire mũhũ. ã jiricũ mũ jipachũta baharo mũ bũcũro jichũ, mũ wamomacarine mũ siõrocachũ

pauro m̄hure suhtire s̄ānohca. Tuhs̄u, m̄u waha duaerarop̄u m̄hure naanohca —nire Jesu Simo Pedrore.

19 ã nino Simo Pedrore dohse waha to yariahtore yahuro nire. ã jiro Simo Pedro yariaro Cohamac̄ure “Noariro, masi pah̄ñoriro jira”, masa ti nich̄u to yoah̄tore yahuro nire Jesu. ã Pedro mehne s̄uh̄adu tuhs̄uro ò sehe ni namore Jesu tirore:

—Quih̄ono ȳu buheriro seheta yoaga m̄h̄u —nire Jesu Pedrore.

### Jesu to cah̄iro buheriro ahri tjure joariro jira

20 To ã nich̄ata Pedro sehe majare ñ̄uroca, ȳh̄ure Joãore Jesu to cah̄iro buherirore tinare ȳu n̄n̄u tich̄u ñ̄no Pedro Jesure siniture. Ȳh̄u sehe to ñ̄riro tó pano ò sehe niriro jii: “P̄h̄toro, ¿m̄h̄ure ñ̄u tuhtiinare ñ̄ohtiro sehe diro baro jicari tiro?” ni, Jesure sinitu ñ̄riro jii ȳh̄u. Tí pjare Jesu to pari wah̄pa ch̄u dujii ȳh̄u sehe. 21 ã jiro ȳh̄ure ñ̄no Pedro Jesure ò sehe ni siniture:

—P̄h̄toro, ¿ahriro sehe dohse waharohcari? —ni siniture.

22 —Tíre m̄h̄ure yahueraja. Ahri yahpap̄u ȳu tjua tahto pano ahrirore jirucuch̄u ȳu yoach̄u tíre masierara m̄h̄u. ã jic̄u m̄h̄ure yahueraja. Quih̄ono ȳu buheriro seheta yoaga m̄h̄u —nire Jesu Pedrore.

23 Tíre to yahurire jipihtina Jesu yaina ti basi yahu sitemare. Tíre yahu sitea ò sehe nimare tina sehe: “Jesu to cah̄iro buheriro yariasi”, ni yahu sitemare ȳh̄ure Jesu yaina ti basi. Ti ã nipach̄ata “Tiro yariasi”, nino nierari jimare Jesu. “Ahri yahpap̄u ȳu tjua tahto pano ahrirore jirucuch̄u ȳu yoach̄u tíre masierara m̄h̄u. ã jic̄u m̄h̄ure yahueraja”, nire Jesu Pedrore.

24 Jesu buheriro ahrire yahuriro, ahri tjure joariro jira ȳh̄u. ã jina ahri ȳu yahua quih̄ono jich̄u masija mari.

25 Paȳu paye c̄uh̄ure Jesu yoare. To yoarire mari joa pah̄ñoch̄u tí tjuri joa tjuri paȳbia wahaboa. ã jia tí tjurire mari wih̄och̄u m̄u s̄eraboa ahri yahpa. Wahpaa ȳh̄d̄ua wahaboa, ȳu t̄hotuch̄u. Tó puro tjira.

# Hechos

## “Espíritu Santo tarohca”, niha ahri tjure joariro

**1** 1-2 Teofilo, ahri quitire m̄h̄ure joarocai nija. Pano ȳa joa m̄htari p̄ire Jesu to yoaare, to buheare m̄h̄ure yahu tuhs̄ui. P̄a m̄anop̄a to m̄jarire yahu batoai. To m̄jahto pano Jesu Esp̄ritu Santo mehne dutiha to bese c̄rinare. <sup>3</sup> ã yoa Jesu crusap̄a to yariari baharo paȳa tahari pjac̄u tiroto baja m̄jaha to c̄rinare, tina “Potoc̄ata tiro catira”, ti ni masihto sehe. Cuarenta dachori waro tiro baja m̄jaha tinare. ã bajuaro tiro to basi to catiriro jiare ñono niha tinare. ã bajuaro p̄htoro Cohamac̄u to s̄ho jiare yahuha tinare.

<sup>4</sup> Jesu to c̄rina mehne jisinino tinare ò sehe ni yahuha:

—Jerusal̄ita jisiniga mip̄are. “Esp̄ritu Santore m̄sare warocaihtja”, ȳa P̄ac̄u to nirirore cohtasiniga. T̄ire to nirire m̄sare yahui ȳh̄u. <sup>5</sup> João m̄sare bautisaro co mehne yoamare. Ȳh̄u sehe tí ȳhdoro yoaihtja m̄sare. Maha dachoric̄a baharo ȳh̄u sehe Esp̄ritu Santore m̄sa mehne jirucuch̄u yoaihtja m̄sare —niha Jesu.

## Jesu m̄anop̄a m̄jaa wahaha

<sup>6</sup> ã yoa tina t̄c̄u Olivo wama tid̄up̄a Jesu mehne cahmachuina sehe ò sehe ni sinitu ñ̄ha tirore:

—P̄htoro, ¿mip̄are s̄are Israe yahpare pari turi c̄u, mari coyeȳa warore p̄hto s̄ilh̄cari m̄h̄u? —ni sinitu ñ̄ha to yaina.

<sup>7</sup> Ti ã nich̄u t̄horo Jesu ò sehe niha:

—M̄sa p̄hto s̄ahti pjare yahu quih̄oriro, ã wahach̄u yoariro ȳa P̄ac̄u dihta jira. M̄sa sehere t̄ire ne masihto basioerara. <sup>8</sup> Wiho mejeta m̄sare Esp̄ritu Santo to wihich̄u Cohamac̄u ya masiare c̄janahca m̄sa. Tí masiare m̄sa c̄jana Jerusal̄e macainare, jipihtina Judea yahpa macainare, Samaria yahpa macainare, ã yoa jipihtina ahri dacho m̄ s̄ro macainare noaa buheare buhenahca m̄sa. Ȳa yariarire, ȳa masa m̄jarire tinare buhenahca m̄sa —ni yahuha Jesu tinare.

<sup>9</sup> To ã ni tuhs̄ari baharota, Cohamac̄u Jesure m̄anop̄a m̄jach̄u yoaha j̄na. Tina tirore ti ñ̄u n̄n̄u m̄och̄ata me



curua watorɸ sãa, buti mɸjaa wahaha. **10** To ã buti mɸjari baharota tina Jesu to mɸjarimore ti ñɸ mɸono watoi pɸaro anjoa yehsea suhti tiina Jesu to cɸrina watoi bajuarɸcɸ sɸha. **11** ã bajuarɸcɸ sɸ, tinare õ sehe niha:

—Mɸsa Galilea macaina, ¿dohse jiro baro ñɸ mɸogucuna nijari mɸsa? Ahriro Jesu, mɸsa mehne jiro cjirota, Cohamacɸ mɸanorɸ to mɸjachɸ yoarirota, mipɸre to mɸjachɸ mɸsa ñɸriro seheta, pari turi duji tarohca tjoa —ni yahuha anjoa tinare.

### **Jesu to cɸrina Juda cjirore cohtotahtirore beseha**

**12** ã yoa Jesu yaina tɸcɸ Olivo wama tidɸɸ jiina duji taa, Jerusalɸɸ tju sɸha. Tɸ tɸcɸ cɸ kilómetro bui curero yoaro jira Jerusalé dɸhtɸ caharɸre. **13** Tju sɸ, tina mɸanorɸ ti jiri tahtiarɸ mɸjaa wahaha. Ahrina jiha: Pedro, João, Santiago, Andre, Felipe, Toma, Bartolomé, Mateo, Santiago, Simo, Juda jiha. Santiago sehe Alfeo macɸno jiha. Simo sehe cananista wama tiri curua macariro jimaha. Juda sehe Santiago macɸno jiha. **14** Payɸ tahari ahrina jipihtina, to cɸrina, ã jichɸ numia, María Jesu pocoro, ã yoa Jesu bahana mehne cɸhɸ noano cahmachu, Cohamacɸre ã sinirucua tiha.

15 Ñ yoa tí dachorire masa payu cahmachuha. Ciento y veinte jia jiboa. Ñ jiro Pedro sehe tiro mehne macaina Cristo yaina watoi ducu, ñ sehe ni yahuha tinare:

16 —Yu coyea, Cohamacu panopu to niriro seheta ñ waharo nihre. Tíre Espíritu Santo Davi cjirore yahu dutiha Juda cjirore. Juda cjiro Jesure ñahahtinare ñoriro jihre. 17 Ñ yoah tiro jiparota mari mehne Jesu yare yoariro jimahre. Ñ jiro sã mehne macarirota jimahre —niha Pedro.

18 Juda cjiro sehe Jesure ño dutia ti waparire to wiari baharo to basita wajã yariaha. Ñ yoaro bora waha, to tu misida tuhna waha, yariaa wahaha. To wiari cjiri mehne paina mahancã yahpare nuchuha. 19 Jipihtina Jerusalẽ macaina masi pihtinocari jire Juda cjiro to ñano yoarire. Ñ masia ti ya dusero mehne to niñeru mehne ti nuchuri yahpa cjirore Acéldama wamoari jire. Acéldama nia, “Di yahpa”, nia nina. 20 Baharo ñ sehe ni namoha Pedro:

—Panopu to joariro seheta ñ wahahre Juda cjiro. Salmo to joari tjuí ñ sehe ni joaa tiha:

“Tiro to jiri wuhu masa marieni wuhu tjuarohca.

Ne noa jisi tí wuhure”,

ni joaa tiha. Ñ cuhure ñ sehe ni joaa tiha:

“Pairo to dahraa cjirore cohtotariro jirohca”,

ni joaa tiha Salmopu.

21-22 Ñ jina mari cãiro besejihna. João masare bautisariro cjiro masare to buhero watoi cãina Jesu yaina mari mehne wahare. Tina mehne macarirore cãiro bese nano cahmana mari mehne macariro cjihto. Jesu mehne mari jichu mari mehne ñ jirucurirore besero cahmana. Ñ mari beseri baharo Jesu to masa mujarire mari mehne buherohca —ni yahuha Pedro to coyeare Cristo yainare.

23 To ñ nichu tuhoa puarore bese dapoha tina. Cãiro José Justo wama tirirore beseha. Tiro Barsaba ti ni pisuriro jiha. Bese tuhsu, paire Matia wama tirirore beseha. 24-25 Tinare bese dapo tuhsu, tina Cohamacure ñ sehe ni siniha:

—Muhu sã puhtoro jipihtina masa ti tuhutuare masina. Ahrina puaro sã beseina jira. Juda cjirore cohtotahtirore diro mu cahmarirore besega. Jesure cohãtjiãhno Juda cjiro sehe pichacapu wahaha. Tirore cohtotahtiro Jesu to cãiro jirohca. Ñ jiro sã mehne noa buheare buherohca —ni siniha tina Cohamacure.



26 Ñ niata tãa mehne doca mājaha besea taa. Matia yaro to noano quihõno wijachũ, tiro sehe Jesu to cūrina once cūrina mehne macariro tjuaha.

### Espíritu Santo Jesu yaina mehne ji ducaha

**2** 1 Ñ yoa Pentecoste wama tiri dacho jichũ tina jipihtina cũ wũhũ cahmachuha. 2 Tí pjareta wihnono to tuaro taro seheta mũanopũ bisiro coa taha. To ã bisiro coa tachũ tũhoja jipihtina tí wũhũpũ jiina. 3 Ñ yoa picha pohna yoaro sehe jia tina jipihtina dapu poca bui bajuaha. Tí picha pohnaricã ñahmanoricã yoaro sehe bajuha. 4 Ñ yoa Espiritu Santo tinapũre sãarũcũ sũa wahaha. Tinapũre to sãarũcũ sũa wahachũ, paina ya durucuarẽ to durucuchũ yoaa mehne tina sehe paina ya durucuarẽ noano durucuha.

5 Tí dachorire Jerusalẽpũ payũ judio masa, cũ curua macaina masa jipahta, paró paye yahpari macaina jiha. Cohamacũre ño payoina jiha. 6 Ñ yoa mũanopũ coa tachũ tũhoja tina Jesu buheina cahapũ payũ cahmachu wahcãha. Cahmachuina masape ya durucuarẽ Jesu buheina ti durucu pahñochũ tũhoja, tina tũho cũaa wahaha.

7-8 —Cuenah. ¿Dohse yoaa ahrina Galilea macaina jipahta mari ya durucuarẽ noano durucujari? Tina mari ya yahparũ taina yoaro seheta durucua nina —niha tina sehe.

9-10 —Jipihtina mari durucuarẽ mipũre durucua nina: Õpe yahpari macaina mari õre cahmachuina jija: Partia macaina, Media macaina, Elam macaina, Mesopotamia macaina, Judea macaina, Capadocia macaina, Ponto macaina, Asia macaina, Frigia macaina, Panfilia macaina, Egipto macaina, Libia yahpai Cirene cahapũ jiina, Romapũ taina jija mari. Cãina judio masa waro jija mari. Paina judio masa dojoina jija mari. 11 Creta macaina cũhũ, Arabia macaina cũhũ jira mari mehne. Mari payũ paró macaina soro durucua tiina mari jipanata ahrina sehe mari masape curuari macaina durucuarẽ ti durucuchũ tũhoja mari. Tina mari ya durucua mehne Cohamacũ tuaa mehne to yoirẽ yahua nina —ni durucuha masa ti basi.

12 Ñ niata tina cũaa waha, ti ñũri cũhũre ti tũhori cũhũre noano tũho ñahaeraha.

—¿Ahrina dohse jiro baro paina ya mehne Cohamacũ yare ã noano durucujari, mũsa tũhotuchũ? —ni cahma sinitu ñũha tina ti basi.

13 Wiho mejeta paina Jesu yaina ti durucuchũ tũhoina mehne macaina sehe tinare õ sehe ni bujũpeha:

—¿Dohse ahrina sihbiori sihni cahaa nijari? —ni bujũpeha paina tinare Jesu yainare.

### Pedro masare yahuha

14 ã jiro Pedro once Jesu to cũrina mehne wahcãrucũ sũ, tuaro durucutjĩãhno masare õ sehe ni yahuha:

—Mũsa Judea yahpa macaina, jipihtina Jerusalẽpũ jiina, ahrire masiga mũsa. Yũ yahuchũ tũhoga mũsa. 15 Mũsa tũhotua quihõno jierara. Nueve hora jira mipũta. Mari chũ sihnini hora jierasínica. ã jia ahrina cahaina jierara. 16 Ahrina Cohamacũ panopũ to niriro seheta yoaa nina. Tí pjarũre Joere Cohamacũ yare yahu mũhtariro cjirore, ahrire yahu dutia tiha Cohamacũ sehe:

17 “Sohtori tia dachori jichũ õ sehe jirohca: ‘Yũ yairo Espĩriture masare jipihtinare warocaihtja.

ã jia mũsa pohnapũ yũ yare yahuahca.

ã yoa mũsa mehne macaina wahma yapia bajuamehneare ñũahca.

ã jia mũsa mehne macaina bũcũna cahãnopũ cahãahca.

18 ã jicũ yũ cahamacare, mũare, numia cũhũre yũ yairo Espĩriture warocaihtja.

ã jia tina yũ yare yahuahca.

19 Tuhsũ, yũ tuaa mehne bajuamehneare yoaa ñoihca mũanopũ.

Yahrapũ cũhũre yũ bajuamehneare ñoihca:

Dire, pichacare, mene ñoihca.

20 Tuhsũ, sũ dacho macariro nahitianore cohtotarohca.

Ñami macariro di yoaro sehe sohãriro cohtotarohca.

Õ sehe waharohca Cristo mũsa pũhtoro to tahti dacho, yũ niri dacho panoi.

Tí dachoi ñũ cũaa wahaahca masa.

ã jiro wiho jiri dacho jisi.

Tí dacho noari dacho jirohca.

21 ã jiro õ sehe jirohca.

Jipihtina masa Cristore ti ñaa buhirire cohã duti siniinare tiro tinare pichacapũ wahaborinare yũhdorohca’, nina Cohamacũ”,

ni joaha Joe.

22 'Musa Israe masa yu yahuchu tuhoga: Jesu Nazare macariro sehe Cohamacu to warocariro jihre. Jesure to warocarire masa ti masihto sehe Jesu to Pucuro ya tuaa mehne yoa ñohre musare. Musa tíre masina. 23 Jesure wajã dutina judio masa jierainare wahre musa. Cohamacu panopu to cahmariro seheta, "Ã waharohca", to niriro seheta ã yoahre. Ñ jina musa Jesure crusapu wajã dutihre Cohamacu dutiare cjaerainare. 24 Musa ã yoapachuta Cohamacu sehe Jesure yariariro cjirore masohre. Pari turi ne yariasi tiro. Tiro yaria dojoaerara. Ñ catirucutihiro jira. 25 Õ sehe nia tiha Davi cjiro panopu macariro Cristo to ni durucuboriro seheta:

"Yu puhtoro yuhu mehne jira mahu.

Jipihtia dachoripe Cohamacu yu puhtoro yu cahai mu jichu ñua tihí yu cuierahto sehe.

26-27 Muhu Cohamacu yuhure yariaina ti jiropure ne cohãsi.

Yuhure mu cahirore ñanopu cohãsi mahu.

Yuhu mu cahamacuno muhure ño payoriro jija.

Yu pjacure baa dutisi mahu.

Ñ jicu tuaro wahcheja.

Wahchea mehne durucuja.

Ñ jicu muhure Cohamacure noano wacũ tuariro jicu ñaa buhiri marieriro jicu cuiro marieno noano jinocaja.

28 Yuhure pari turi catichu yoaihca mahu.

Yuhu mehne mu jichu tuaro wahcheja",

ni joaa tiha Davi cjiro Cristo to ni durucuboriro seheta.

29 'Coyea, õ sehe noano yahuihtja musare Davi cjirore mari coyeiro, panopu macarirore. Tiro yariaa wahaha. Ñ jiro tiro to masa copa mipure jisinina. (Ñ jiro "Yu pjacure baa dutisi mahu", ni joaro to basi wama payo yahuro nieraha.) 30-31 Panopu Cohamacu Davi cjirore õ sehe niha: "Potocã nii nija. Mu panamana ji turiaina mehne macariro mu yoaro seheta ahri yahpa macaina bui puhtoro jirohca", nia tiha Cohamacu Davi cjirore. Davi Cohamacu yare yahu muhtariro cjiro jija. Ñ jiro Cristore Cohamacu to puhto sõhtore masino, Cristo to masa mujahtore yahu muhta tuhsuha Davi sehe. Õ sehe niha: "Tiro yariaina ti jiropure ji dojoasi. To pjacu tói baasi", nia tiha Davi cjiro. 32 Ahriro Jesureta Cohamacu masohre. Sã jipihtina

tirore ññhi. <sup>33</sup> Mipure Cohamacu poto buhuseheru jira dutihiro jiro. Tó panopu to Pucuro “Espíritu Santore mu yainare warocaihtja”, to ni cūriro seheta wari jire Jesure. Ñ jiro Jesu sehe ahrinare Espiritu Santore warocari jira. Ñ jina mipure Espiritu to yoare musa ññ, tuhona nina. <sup>34</sup> Davi cjiro sehe Jesu to mujariro seheta manopu mjaeraa tiha. Ñ jiro tiro to basi ò sehe nia tiha:

“Cohamacu ò sehe nire yu pūhtorore: ‘Yu poto buhusehei dujiga mññ.

<sup>35</sup> Mūhure ññ tuhtiinare mūhure cūihtja mu cahamaca yoaro sehe jhtinare’, nire Cohamacu yu pūhtorore”,

nia tiha Davi cjiro.

<sup>36</sup> Ñ jina jipihtina Israe masa ahrire noano masiga musa: Ahriro Jesure musa crusapu wajāriro cjirore musa pūhtoro sōhre Cohamacu sehe. Tirore musare yūhdohtirore Cristore cūre Cohamacu —ni yahuha masare Pedro.

<sup>37</sup> To ã nichu tuhoa tuaro cahya, pjiro tuhotua, masa sehe Pedro cūhure ò sehe ni sinitu ññha:

—¿Sã coyea, dohse yoanahcari sã? —ni sinitu ññha tina.

<sup>38</sup> Ti ã ni sinitu ññchu ò sehe ni yūhtiha Pedro:

—Musa ñaa yoari buhirire cahyaga. Musa ñaa tuhotumari cjirore tuhotu cohtota, “Ñ tjiri jira” ni, Cohamacureta maca, tuhoga. Ñ yoa Jesu yaina jina, bautisarina jiga musa jipihtina. Jesure musa wacū tuachu ñño, musa ñaa yoari buhirire borohca Cohamacu. Tó sehe musa yoachu Espiritu Santore warohca musare. <sup>39</sup> Musare, musa pohñare, musa panamana ji turiainare, yoaro macainare, ã yoa jipihtina Cohamacu mari pūhtoro to beserinare, “Potocāta yūhdoihtja musare”, ni cūha Cohamacu —niha Pedro.

<sup>40</sup> Tuhsu, tuaro mehne ò sehe ni yahu quihōha tinare:

—Ahri yahpa macaina, Cohamacure ji coerainare buhiri dahrerohca Cohamacu. Wiho mejeta musa sehe, tina watoi jiina, Cohamacu yahurire, “Ñ tjira”, ni bahrañoga musa yūhduhto sehe —yahu quihōha Pedro masare.

<sup>41</sup> To ã nichu tuhoa tina payu to yahuare noano tuhoaha. Ñ jiro tinare tiro bautisa dutiha. Tí dachore Cohamacu yaina mehne macaina tres mil masa waha namoha. <sup>42</sup> Ñ yoa tina masa Cristo to cūrina mehne dachoripe cahmachu, tí buheare

tũho nũnũ, tíre yũhti mũjaa tiha. Tina pãore nuha, cahma witi, Cohamacũre sini, Cristo to cũrina mehne noano jinocaa tiha.

### Jesu yaina wahma ji dũcaina ti jia tiare yahuha

43 ã yoa Cohamacũ to tuaa mehne yoa ño mũjaha to cũrina. Ti ã yoachũ ñũa masa jipihtina ñũ cũaa wahaa tiha. 44 Jipihtina Jesure wacũ tuaina cahmachu, noano jinocaa tiha. ã jia ti yare cahma witi tiha. 45 Ti yare dua, jipihtinare paye baro maerainare cãina ti cahmaare waa tiha tina. 46 ã jia dachoripe tina Cohamacũ wũhũ wijaaroi cahmachua tiha. ã yoa cãa wũhũse, ti ya wũhũsepũ cũhũre nohopeina cahmachu, pãore nuha, wahchea mehne tina cũnoi chũa tiha. 47 Ti ã cahmachuno watoi “Cohamacũ noariro jira”, ni ño payoa tiha. Paina masa tinare ji coa yũhdũa tiha. ã yoro dachoripe Cohamacũ painare to yaina to yũhdohtina wahachũ yoa tiha.

### Tini masieraritore noariro wahachũ yoaha Cohamacũ

**3** 1 Cũ nũmũ ñamichahapũ tres jichũ Cohamacũ mehne durucuri pja jichũ Pedro, João mehne Cohamacũ wũhũpũ wahaa niha. 2 Dachoripe tí wũhũre ti sahrĩ sãari sahrĩno tãa mehne ti yori sahrĩno macari sopaca cahai paina cũiro masũnore na ta duhu dapoa tiha. Tí sopaca noari sopaca wama tiha. Tiro masũno sehe wahma masa bajuaropũta dojori wahiro jiro tini masierariro jiha. ã jiro tiro tí sopaca cahai niñerure sini dujia tiha tí sopacai sãainare. 3 ã yoa Pedro, João mehne tí sopacare ti sãa cahachũ tini masierariro sehe tinare ñũ, niñerure siniha. 4 ã jia tina pũaropũta tirore ñũ, Pedro sehe õ sehe niha:

—Sãre ñũga mũhũ —niha Pedro tirore.

5 To ã nichũ tũhoro “Ahrina mahanocã yũhũre niñerure waahca”, ni tũhoturo ñũroca õ tũhoaha tinare. 6 To ã ni tũhotupachũta Pedro tirore õ sehe ni yahuha:

—Niñerure cjueraja yũhũ. Cjueraapaihta, ahrire yoaihtja mũhũre. Jesucristo Nazare macariro to tuaa mehne wahcãrũca, tiniga mũhũ —niha Pedro tini masieraritore.

7 ã ninota to wamomacare poto bũhũsehe macari wamomacare ñaha, tirore waja wahcõ dapoha. To ã yoachũta tini masieraritore to ñũchũa tuaa wahaha. 8 To ã wahachũta tiro wahcãrũca purũcũ sũ, tini dũcaha. ã tini dũcaro tiro waha, pu tini “Cohamacũ noariro jira”, to ni wahcheriro mehne tina

mehne Cohamacu wuhu macari sahrino puhichapu sãa wahaha. 9 To ã tinichu “Cohamacu noariro jira”, to nichu masa jipihtina tirore nhu. 10 Ñ jia masa tirore nu masiha. Tiro Cohamacu wuhu macari sahrino tãa mehne to yoari sahrino macari sopaca noari sopaca cahai niñerure to sini dujirire masiha masa. Ñ jia tiro to tinichu nu, nu caaa wahaha.

### Cohamacu wuhui Pedro masare buheha

11 Ñ yoa tini masierariro cjiro Pedro cuhure to siõ suha mujano watoi, masa jipihtina nu caaa waha, noari warapu Salomo wama tiri warapu muroca wahcã, cahmachuha. 12 Ti ã cahmachurucu suchu ñno, Pedro sehe õ sehe ni yahuha tinare:

—Musa Israe masa, ¿dohseana ahrirore nu cuajari? ¿Dohseana sare musa nu nunajari? Sã sehe sã ya tuaa mehne noaina sã jia tia mehne sã mu suro ahrirore tinichu yoerahi sã. Jesu sehe tıre yoahre. 13 Abrahã, Isaa, Jacobo mari nuhchusuma, panopu macaina ti yairo Cohamacu sehe to cahamacuno Jesure Jipihtina Bui Jiro cuhre. Wiho mejeta musa sehe tó sehe jirore tirore nu tuhtiinare wahre. Baharo puhtoro Pilato tirore to wio duapachuta, musa sehe tirore to wiochu cahmaerare. 14 Pilato tirore wio duamahre. Wiho mejeta musa Jesure ñaa buhiri marierore, quihõno yoarirore cahmaerana, paire masa wajãiro sehere wio dutihre musa. 15 Ñ yoana Jesure marine catichu yoarirore wajãchu yoare musa sã coyea judio masa. To yariachu Cohamacu tirore masohre. Tıre sã nuhi. 16 Ñ jina Jesu pjiriro to jia tiare wacũ tuaina jija. Tirore sã ã wacũ tuachu ñno ahrirore musa mipu ñurire musa nu masirire Jesu sehe to tuaa mehne tinichu yoahre.

17 'Yu coyea, musa puhtoa mehne Jesure noano masierapanahta tirore wajãchu yoare musa. Tıre masija yuhu. 18 Wiho mejeta panopu macaina Cohamacu yare yahu muhtaina cjiri Cohamacu tinare to yahu dutiriro sehetã, yahua tiha tina. “Cristo ñano yuhdu, yarirohca”, ni yahua tiha tina. Ti ã ni yahuriro sehetã ã wahahre mipure. 19 Ñ jina musa ñaare yoari buhirire cahyaga. Musa tuhutumari cjirire tuhutu cohtota, ñaare musa goa pjarire duhu, Cohamacureta majareruca, to ya sehere quihõno tuhoga. Musa tirore majareruca, quihõno tuhochu ñno, Cohamacu musa ñaare yoari buhirire borohca. Ñ boro, musare wahchehti dachorire cũ, musare noano yajeri sãachu yoarohca

tiro. 20 Ñ yoa tiro m̄sa p̄htoro cjihtore to beseriro Cristore m̄sare warocarohca tjoa. Tiro Cristo sehe Jesuta jira.

21 Cohamac̄ cahap̄ jisininohca Jesu, p̄ Cohamac̄ ahri yahp̄ jipihtiare wahma to cohtota pahñoch̄p̄. To ã cohtota pahñoh̄tore Cohamac̄ yare yahu m̄htaina cjiri, to yaina waro panop̄ yahu quih̄ tuhs̄a tiha. 22 Moise cjiro tíre yahuro ò sehe ni m̄htaha: “C̄iuro mari mehne macarimore mari coyeiroreta Cohamac̄ yare yahu m̄htahtiro cjihtore Cohamac̄ mari p̄htoro warocarohca m̄sare. Ȳh̄re to warocariro seheta warocarohca tiro c̄h̄re. Ñ jina m̄sare to yahuch̄ t̄hona, ‘Jai’, ni ȳhti pihtinocaga m̄sa. 23 Ò sehe jirohca. Jipihtina tiore ȳhtieraina to coh̄htina jiahca. Cohamac̄ yaina mehne macaina jisi tina”, ni m̄htaa tiha Moise cjiro.

24 ‘Jipihtina Cohamac̄ yare yahu m̄htainape Samue, ã yoa to baharo jiina c̄h̄ m̄ip̄ jia dachori cjihtire yahu m̄htaa tiha. 25 Mari ñ̄ch̄s̄ma cjiire, Cohamac̄ yare yahu m̄htaina cjiri c̄h̄re panop̄ macainare yahua tiha Cohamac̄. Mari c̄h̄re ã ni yahuro nia tiha. Abrah̄re to niriro seheta mari c̄h̄re ni yahuro nia tiha. Ò sehe ni yahua tiha Cohamac̄ Abrah̄re: “Jipihtiro ahri yahpa macainare noano yoaihtja. Ò sehe tíre yoaihtja: M̄ coyeiro baharo jiriro sehe masare noano yoabasrohca ȳh̄re”, nia tiha Cohamac̄ Abrah̄re. 26 Cohamac̄ to mac̄nore masa wijach̄ yoaro mari cahap̄ waroca m̄htare mari ñ̄aa yoare duhuch̄ yoahtirore. Ñ yoaro marine tiro noano yoare —niha Pedro tinare.

### Pedro, João mehne p̄htoa mehne s̄h̄duha

**4** 1-3 Pedro, João c̄h̄ masa mehne ti durucuro watoi sacerdotea, Cohamac̄ w̄h̄re cohtaina surara p̄htoro, saduceo curua macaina c̄h̄ tinare t̄hoha. Ò sehe ni buheha Pedro João mehne masare:

—Jesu to yariari baharo masa m̄jaa wahahre. To ã masa m̄jarire ñ̄na mari c̄h̄ baharo to yaina mari masa m̄jahtore masija mari —ni yahua Pedro c̄h̄.

Ti ã nich̄ t̄hoa p̄htoa sehe tina mehne suaha. Ñ suaa nahi cahach̄ ñ̄a tina Pedrore, João c̄h̄re ñ̄aha, peresu yoaha. 4 Ñ tinare peresu ti yoapach̄ta paȳ ti yahua t̄hoina sehe “Potoc̄ta jira”, ni t̄hotuha. Ñ jia Jesu yaina paȳ waha, tí dachoi wahma to yaina ji d̄caina, ã yoa tó panop̄ Jesure

wacũ tua tuhsurina mehne m̄sa sahsere mari quihõchũ, cinco mil masa sũro cahai jiha.

5 ã yoa pa dachoi tí maca macaina pũtoa, bũcũna, ã yoa judio masa buheina cũhũ Jerusalẽpũ cahmachuha. 6 Tĩ ã cahmachunoi sacerdotia bui pũtoro, Ana wama tiro cũhũ tói jiha. ã yoa to coyea cũhũ jiha. Caifa, João, Alejandro, paina mehne Ana coyea cũhũ jiha. To coyea to dahraare dahraina jiha tina cũhũ. 7 ã jia tina Pedro cũhũre ti cahmarocachũ, surara sehe pũtoa watopũ tinare naa wihi dapoha. Ti ã na wihi dapochũ, tina pũtoa õ sehe ni sinitu ñũha Pedro cũhũre:

—¿Noa ya tuua mehne m̄sa tirore noariro yoari? ¿Noa jijari m̄sare tíre yoa dutiriro? —ni sinitu ñũha tina.

8 Tĩ ã nichũ tuhoro Espĩritu Santo to yoa dutiriro seheta to tuua mehne yahuha Pedro tinare:

9 —M̄sa pũtoa, ¿m̄sa bũcũna, sã dohse yoa ahriro tini masierarirore sã tinichũ yoarire masi duana, sãre sinitu ñũna nijari m̄sa? 10 Tĩ pja pini ahrire masiga m̄sa jipihtina, Israe masa. Jesucristo Nazare macariro, m̄sa crusapũ wajãriro, Cohamacũ to masoriro tiro sehe ahriro tini masierarirore noariro wahachũ yoahre. ã jina ahrirore mipũre m̄sa ñũrocaroi to tinichũ ñũna m̄sa. Õ sehe nina Cohamacũ yare ti joari pũi Jesu cjihtore yahuro: 11 “Ahriro tãca yoaro sehe jiro jira. Tãcare wũhũ dahreina wiho jiriare ti cohãriro seheta m̄sa judio masa tirore cohãhre. M̄sa ã yoapachũta mipũre wũhũ dahreina wũhũre yoaa ti cũ mũhtari tãcare ti cũriro seheta Cohamacũ tirore pũtoro sõhre. Tiro Cristo mariachũ Cohamacũ yaina wahaeraboa masa. (To ã wiho jiro jierapachũta m̄sa mari pũtoa mehne tirore cahmaerare. M̄sa ã cahmaerapachũta Cohamacũ sehe tirore mari pũtoro sõhre)”, ni joaha panopũ. 12 Ne, paio masare pichacapũ wahaborinare yũhdoriro ne mariahna. Ahri yahrapũre Jesu dihta masare yũhdoriro jira. Ne paina tiro yoaro sehe jiina mariahna —ni yahuha Pedro tinare.

13 To ã ni yahuri baharo Pedro, João mehne buhemahnoeraina jipahta cuiro marieno ti buhechũ ñũa, pũtoa, bũcũna, judio masa buheina mehne ñũ cũaa wahaha. ã jia Jesu yoaro sehe ti buhechũ ñũa, õ sehe masiha tina: “Potocã Jesu mehne macaina tjira ahrina”, ni masiha tina.

14 ã yoa tini masierariro cjiro Pedro cũhũ mehne jiha. Tiro to noariro jichũ ñũha pũtoa, bũcũna, judio masa buheina mehne.





Ã jia tina Pedro chre “Ñano yoaa nina”, ni yahus masieraha.  
 15 Ã yahus masieraa pthoa ti cahmachuri tahtiap jianare  
 Pedro chre wijaa dutiha. 16 Ti wijaari baharo pthoa sehe ti  
 basi  sehe ni shduha:

—¿Ahrinare dohse yoanahcari mari? —ni durucuha tina ti  
 basi.

 sehe ni durucu namoha:

—Pedro, Joo Cohamac tuua mehne tini masieraritore  
 tinich yoari jire. Ã jia Jerusal macaina jipihtina ti  yoarire  
 masica. Ã jina mari sehe “ yoerare tina” ni masieraja mari.  
 17 Ã jina Jesu to buheri cjirire painare buhe dutiena tjijihna  
 tinare, “Paina t buheare cahmari”, nina —ni durucuha tina ti  
 basi.

18 Ã ni durucu tuhsa Pedro chre pjiroca,  sehe niha:

—Jesu to buheri cjirire ne buhena tjiga painare. Tre ne  
 durucu namoena tjiga —ni yahumaha tinare.

19 Ti ã ni yahuchũ tũhoa tina Pedro João mehne õ sehe ni yũhtiha tinare:

—Mũsa õ sehe ni dutichũ mũsare yũhtina, Cohamacũ sehere yũhdũrucana niboca sã. ¿Diro ya sehere sã yoachũ quihõno jijari Cohamacũ to ñũrocarore? ¿Mũsa ya sehere sã yoachũ quihõno jijari? ¿Cohamacũ ya sehere sã yoachũ quihõno jierajari, mũsa tũhotuchũ? 20 Sã sehere sã ñũrire, sã tũhorire sãre yahto basioerara —ni yũhtiha Pedro, João mehne.

21 Ti ã nichũ tũhoa pũthoa sehe pari turi dutimaha tjoa tinare:

—Jesu to buherire mũsa buheri buhiri ñano yũhdũnahca mũsa —niri jimare pũthoa tinare.

“João, Pedro mehne ñano yoaa nina”, ni masierari jire tina. ã jia masa sehe tini masierariro to noariro wahachũ ñũa, “Cohamacũ potocãta noariro jira”, niha masa. Ti ã nichũ tũhoa pũthoa sehe Pedro cũhũre ti dohse yoa buhiri dahreboare bocaeraa, tinare wioha. 22 Tini masierariro, noariro ti yoariro cuarenta cũhmari bui cjuariro jiha.

### Jesu yaina ti cuierahto cjihtore siniha Cohamacũre

23 ã yoa, Pedro João mehne ti wiori baharo tina mehne macaina cahapũ sũ, sacerdotea pũthoa, bũcũna jipihtia tinare ti niri cjirire yahuha. 24 Ti ã ni yahuchũ tũhoa tina jipihtina cũno potori Cohamacũre siniha:

—Sã pũhtoro mũhũ mũanore, yahpare, mări cũhũre yoariro jipihtina catinane bajuamehneriro jira mũhũ. 25 Mũ Espĩritu Santo sã ñũchũ cjirore Davire mũ cahamacũnore ahrire yahu dutia tiha mũ niriro seheta:

“¿Dohse yoa Israe masa jieraina suajari?

¿Dohse yoa Cohamacũre ti yũhdũrucãhtire wiho waro durucujari tina?

26 Payũ yahpari macaina pũthoa cahmachu, mari pũhtoro Cohamacũre, to pũhtoro sũriro Cristo cũhũre ñũ tuhti, ñano yoa duara tinare”, ni yahua tiha Davi cjiro mũ ni dutiriro seheta.

27 ã tjiira. Ahri macai Herode, Poncio Pilato, judio masa jieraina, ã yoa judio masa cũhũ cahmachuhre, mũ beserirore Jesure noariro mũ cahamacũnore wajãa taa. 28 Tĩ pja mũ cahmariro seheta “ã waharohca”, mũ niriro seheta yoahre tina. Mũ masia mehne ã ni yahuha mũhũ. 29 ã jicũ mipũre sã

pũtoro, tina sãre purĩno mehne mũ jia tiare ti yahu namo dutierachũ wacũ payoga mũhũ. Sãre mũ cahamacare cuiro marieno mũ buheare yahuchũ yoaga sãre. **30** Mũhũ mũ tuaa mehne dohatiinare noaina yoaga. ã jicũ mũ buheare cuiro marieno yahu dutiga sãre. ã yoa Jesu noariro mũ cahamacũno to tuaa mehne yoa ño masichũ yoaga sãre. ã jicũ dohatiinare noaina sã waha dutichũ to tuaa mehne yoadohoga sãre —ni siniha tina Cohamacũre.

**31** Ti ã ni siniri baharo, ti cahmachuri wũhũ ñuhmi mũaa wahaha. To ã ñuhmichũta Espĩritu Santo to tuaa mehne wacũ tua namoina wahachũ yoaha tinare. Tinare ã wahachũ Espĩritu Santo to dutiriro seheta yoaa, cuiro marieno Cohamacũ yare yahu namoha tjoa tina.

### Jesu yaina ti yare tju waa tiha

**32-33** ã jia Cohamacũ to tuaa mehne tina Jesu to cũrina õ sehe ni yahua tiha masare: “Jesu yariariro to masarire sã ñũhi”, ni yahua tiha tina masare. ã jiro tinare jipihtinare Cohamacũ noano yoadohorucua tiha. ã yoa Jesure wacũ tuaina payũ jia, tina cũno potori tũhotuina jia tiha. ã jia tina ti yare ti cjuare “Yũ ya dihta jira”, ne niera tiha. Tina jipihtina ti yare paye baro maerainare tina mehne macainare tju waa tiha. **34** ã jia tina mehne macaina pjacũoina mariea tiha. Tina mehne macaina yahpari cjuaina, wũhũse cjuaina ti yare duaa tiha. **35** ã duaa ti wapa narire tina na ta, Jesu to cũrinare waa tiha. ã jia tina sehe tíre tina mehne macainare tju waa tiha. Jipihtina cjuarainare tju waa tiha. **36** Tí pjare cũiro tina mehne macariro José wama tiro jia. Jesu to cũrina Josére Bernabé ni wama pisuha. To wama Bernabé “Masare wahchechũ yoariro jira”, nia nina. Tiro Leví ya curua macariro Chipre nũco macariro jia. **37** ã jiro tiro yahpare cjuariro jiro tíre duaha. ã duaro to wapa narire Jesu to cũrinare waha tiro painare witi dutiro.

### Anania to namono Safira mehne mahñoaha

**5** **1** Paina cũhũ Bernabé yoaro sehe yoaa timaha. Tina Anania wama tiro, to namono Safira wama tiricoro jia. Ti ya yahpare duaha tiro. **2** ã duaparota tiro to wapatarire to basi naha. To namono cũhũ to ã yoirire masiha. ã jiro ti wapataa ti dũharire na ta, Jesu to cũrinare waha Anania sehe.

Ã waro “Wa pahñoi nija”, nimaha tiro. <sup>3</sup> To ã yoachũ ñũno Pedro tirote õ sehe ni yahuha:

—Anania, watĩno mũhũre mahño dutiri jire Espĩritu Santore. ã jicũ mũ ya yahpare dua, mũ wapatarire mũ basi nari jire mũhũ. <sup>4</sup> Mũ duahto pano mũ ya yahpa jihre. ã jiro mũ duari baharo mũ ya wapataa jihre. ¿Ã yoacũ dohse jiro baro ã mahñori mũhũ? Mũhũ sã dihtare mahñoerare. Cohamacũ cũhũre mahñohre mũhũ —niha Pedro tirote.

<sup>5</sup> To ã nichũ tũhorota, Anania sehe doca caha sũ, yariaa wahaha. ã jia jipihtina tiro to ã wahachũ masia, tuaro cuiha. <sup>6</sup> To yariari baharo wahma yapia ta, to pjacũre suhtiro cahsaro mehne wahma, sopacaru na wijaa, masa coparu cohãnocaha tirote.

<sup>7</sup> ã yoa tia hora baharo Anania mũnano namono, to yariarire masieraro Pedro caharu sãaha. <sup>8</sup> ã jiro Pedro ticorore õ sehe niha:

—¿Mũsa ya yahpare duatjiãhna noho puro wapatarĩ mũsa? —niha tiro.

ã jiro ticoro to manũno mũnano to niriro purota, “Tó purota wapatahi sã”, ni yũhtimaha ticoro.

<sup>9</sup> To ã ni yũhtichũ tũhoro Pedro õ sehe ni yahuha ticorore: —¿Dohse yoana mũsa cũno potori Cohamacũ Espĩriture mahño duajari? “¿Potocãta marine buhiri dahrebocari?” nina. Tũhoga mipũre. Mũ manũ cijorore yarina tara. Mũhũ cũhũre mũ pjacũre naa taa nina —niha Pedro.

<sup>10</sup> To ã ni yahuchũta ticoro doca caha sũ, yariaa wahaha. ã jia wahma yapia tí wũhũre sãa wihi, ticoro pjacũre na wijaa wahaha. Na wijaa, to manũno mũnano pari wahpa ticoro pjacũre masa coparu cohãha. <sup>11</sup> ã jia Jesu yaina jipihtina paina tíre tũhoa cui yũhdũa wahaha.

### **Jesu to cũrina Cohamacũ tuaa mehne yoa ñoha**

<sup>12</sup> ã yoa masa watoĩ Jesu to cũrina payũ tahari Cohamacũ tuaa mehne yoa ñoa tiha. ã yoa tina Salomo wama tiri tahtiarũ tihamahnoeni tahtiarũ cahmachua tiha. <sup>13</sup> ã jia paina Jesu yaina jieraina sehe cui curea, tina caharu wahaera tiha. ã cuiпахта tinare Jesu yaina warore “Noaina jira ahrina”, nia tiha masa. <sup>14</sup> ã jia mũa, numia payũ Jesure wacũ tua dũcaa tiha. <sup>15</sup> ã jia tina dohatiinare na ta, coma yosaa mehne pjũpaha duhu cũa tiha maharu tinare. ã yoa Pedro tinare to ña

payochu cahmaha tinare na taina sehe dohatiina ti noaina wahachu cahmaa. Tinare to ña payoerachu Pedro ti bui masurca cūchu cahmaha tina. Tí dihtare cahmaa tiha ti noaina wahahto sehe. **16** ã jia Jerusalē cahai jia macari macaina cūhu dohatiinare, watia ti saina cūhure na taa tiha. Ti ã na tachu tina jipihina ti pjacuri noaina wahaha.

### Jesu to cūrinare paina ñano yoaa tiha

**17** Ti ã yoachu ñua sacerdotea bui puhtoro, tiro mehne macaina mehne Pedro cūhure ñu tuhtiha. Sacerdotea puhtoro mehne macaina saduceo curua macaina jiha. **18** ã ñu tuhtia tina sua yūhūa Jesu to cūrinare ñaha, peresu yoaha. **19** ã jiro ñamiru Cohamacu yairo anjo pjōoha tinare peresui dujiinare. ã yoa tinare wijaa ta dutiro ò sehe ni yahuha anjo:

**20** —Cohamacu wuhuru wahaga. Tí wuhuru jina Cohamacu to masorire ahri noaa buheare yahuga masare —niha anjo tinare.

**21** To ã nichu tūhoa, ñamiwacūnu jichu Cohamacu wuhuru sãa, masare buhea tiha tina. Tí dachoihta sacerdotea puhtoro, tiro mehne macaina, Israe masa puhtoa mehne cahmachu, Jesu to cūrinare peresuru jiiinare na ta dutimaha surara puhtoare. **22** Wiho mejeta surara puhtoa peresu ti yoari wuhuru waha, ñamaha. Tinare bocaeraha. Bocaeraa tjuaa wahaha. Tju su ò sehe ni yahuha ti puhtoare:

**23** —Peresuru jia pahmari bihaa pahmari jihre. ã jia tí pahmari cahai ti peresu yoinare cohtaina ti ducuchu ñuhi sã. Wiho mejeta pjō sã, sã ñuchu, ti peresu yoina mariahre —ni yahuha tina.

**24** Ti ã nichu tūhoa, surara Cohamacu wuhure cohtaina puhtoro, sacerdotea puhtoa mehne tíre tūho, caaa waha, “¿Dohse waha sohtori tiahcu tina ã yoaa?” ni tūhotuha tina. **25** ã jiro tina caharu paio su, tinare ò sehe ni yahuha:

—Musa peresu yoina Cohamacu wuhuru jihre. Ñua waha wiho. Tí wuhuru masare buhea nihre tina —ni yahuha.

**26** To ã nichu tūhoro, surara puhtoro, to surara mehne waha, Jesu to cūrinare pari turi ñaha taha tjoa. Wiho mejeta tinare surara tuhtieraha. ã jia tinare cjāborina jipahta, masare cuia cjāeraha tinare. “Ahrinare mari cjāchu paina masa sehe tãa mehne docaahca marine”, ni tūhotuha tina surara sehe.

27 Ñ jia tinare na ta, pũhtoa panoi duhu dapoha tina. Ti ã na wihi dapochũ sacerdotea pũhtoro tinare õ sehe ni tuhtiha:

28 —Mũsare sã tuaro dutimahi. “Jesu yare buhena tũga”, nimahi sã mũsare. Sã ã nipachũta mũsa sehe jipihtina Jerusalẽ macainare buhehre mũsa. Jesu to yariari buhiri, sãre buhiri tichũ yoa duana nica mũsa —niha pũhtoro sehe.

29 To ã nichũ tũhoro Pedro sehe paina Jesu to cũrina mehne õ sehe ni yũhtiha:

—Cohamacũ to dutiri sehere yoa mũhtanahtja. Ñ jina baharo Cohamacũ cahmachũ masa ti dutiare yoanahtja.

30 Cohamacũ, mari coyea panopũ macaina pũhtoro, Jesure masori jire. Tirota jira mũsa crusapũ cjã puha wajã dutiriro.

31 Jesure “Noariro jira” ni, to poto buhũsehei duji dutihre Jesure Cohamacũ sehe. Ñ jiro Jesu masa pũhtoro, masare masoriro jiro, Israe masare ti ñaa yoarire cahyaina ji dutiro, ti ñaa yoari buhirire cohã duara Jesu. 32 Ñ jina sã sehe Jesu to yoarire ñũrina jina tíre yahuja sã. Espíritu Santo tíre ñũriro jiro yahura tiro cũhũ. Tirore Espíritu Santore Cohamacũ warocahre. Jipihtina Cohamacũ dutiare yoainare tiro Espíritu Santore wahre —ni yahuha tinare.

33 To ã nichũ tũhoa pũhtoa sehe sua yũhdũaha. Ñ suaa, tina Jesu to cũrinare wajã duamaha. 34 Wiho mejeta Gamalie, fariseo curua macariro tói jiro tinare wajã dutiro taro nieraha. Tiro pũhtoa mehne macariro, dutiare buheriro to jichũ, masa tirore ño payoa tiha. Tiro Jesu to cũrinare mahanocã cohta dutiro pa sehepũ tinare naa wahcã dutiha surarare. 35 Ti ã naari baharo tiro õ sehe ni yahuha masare:

—Mũsa Israe masa, ahrinare mũsa yoahĩre noano tũhotuga “Mũsapũ wajãri”, nina. 36 Wacũga Teuda cjirore. Tiro to basi “Masare yũhdũrucariro jija yũhũ”, nire masare. To ã yoachũ ñũa, masa payũ cuatro cientos masa tiro mehne macaina tjuare. Baharo paina sehe tirore wajãri jire. To buheare buherina cjiri sehe waha sitea wahari jire. Ñ jia tina cjiri mipũre mariahna. 37 Baharo masare ti quihõri pja jichũ Galilea macariro Juda wama tirore cjiro masare to buhechũ tiro mehne masa payũ tjuare. Tiro cũhũ yariaa wahari jire. Ñ yoa to yaina jipihtina waha sitea wahari jire. 38 Ñ nicũ mũsare mipũ ahrire nii nija. Ñ ñũnocahga ahrinare Jesu yare yahuinare. Ñ yoa ahri buhea, ahrina ti ya buhea Cohamacũ ya buhea jieraa, phtia wahaahca Teuda cũhũ ti ya buhea ti phtiriro seheta. 39 Wiho mejeta

ahri Cohamacu ya buhea jia, ne pihtisi. Ahri buhea Cohamacu ya jichu ne ahrire butichu yoa masierara musa. Musa ahrire butichu yoa duana Cohamacu mehne cahmachena niboca musa —niha Gamalie tinare.

<sup>40</sup> To ã ni yahuchu tũhoa, “Potocã tjira”, ni tũhotuha masa. Ñ jia tina Jesu to cũrinare pjiroca, ti wihichu ñña, tinare tjanaha. “Jesu yare buhe namoena tjiga musa”, ni tuhsu, tinare waha dutiha. <sup>41</sup> Ti ã waha dutichu tũhoa tina pũthoa cahapu jirina cjiri wahaa wahaha. Jesu yare ti yoari buhiri ñano yũhdũa tuaro wahcheha Jesu to cũrina. <sup>42</sup> Ñ jia dachoripe Cohamacu wũhu cahai jia waparihi, ti ya wũhũsei Cristo yare buhea, yahua tiha tina.

### Siete yoadohinare beseha Jesu yaina

**6** <sup>1</sup> Tĩ dachorire Jesu yaina payu wahaha. Wiho mejeta ti ã waharo wato, cũ curua macaina judio masa jipahta, pa seheru masa bajuaina griego ya durucuina jiha. Ñ jia tina tóita masa bajuaina hebreo ya durucuinare õ sehe ni tũhotu, nureha: “Dachoripe masare yoadohoare ti witichu, mari griego ya durucuina wapewahya numia sehere daacã waro wara”, ni tũhotu, nure cohtaha. <sup>2</sup> Ti ã nurechu masia, Jesu cũrina, doce jiina sehe jipihtina Jesu yainare ti cahapu pjiroca, õ sehe ni yahua tinare:

—Sã Cohamacu yare buheina jija. Tĩre duhu, masare yoadohoare witiborina sã jirucuchu tó wahaerara. <sup>3</sup> Musa sã coyera, siete mũare, paina noina ti niinare Espĩritu Santo to dutirire yoainare, noano tũho masiinare macaga. Tinare ahri dahraare cũga musa. <sup>4</sup> Wiho mejeta sã sehe dachoripe Cohamacure sini mũja, Cohamacu yare painare buhenahca —ni yahua tina Jesu to cũrina.

<sup>5</sup> Ti ã nichu tũhoa, “Jai. Ñta yoajihna”, niha tina jipihtina Jesu yaina. Baharo Estebãre Cristore wacũ tuarirore, Espĩritu Santo to dutiare yoarirore beseha tina. Ñ jichu Felipere, Prócorore, Nicanore, Timore, Parmenare, Nicola cũhũre Jesu yainare yoadohohtinare beseha tina. Nicola sehe Antioquía macariro, judio masũno jierariro, judio masa ya buheare cahmano, tina mehne sãariro jiha. <sup>6</sup> Tinare bese tuhsu, ti beserinare Jesu cũrina cahai na wihaha tina. Ti ã na wihichu ñña, tina Jesu cũrina sehe tinare Cohamacure sini payo tuhsu, ti dapu poca bui ti wamomacarine duhu payoha.

7 Ñ yoa Jesu yaina painapũre Cohamacũ yare yahu site pahñoa wahaha. Ñ jia Jerusalẽpũ jiina paina Jesu yaina payũ waha namoha. Sacerdotea cũhũ payũ Jesu yaina wahaha.

### Paina Estebãre ñahaha

8 Ñ yoa cũiro masare yoadohoare witi cohtariro Estebã sehe Cohamacũ to noano yoariro ji, Cohamacũ tuaare cjũariro jiha. Ñ jiro tiro Cohamacũ tuaa mehne yoa ño mũjaha masa ti ñũrocaroi. 9 Wiho mejeta judio masa buheri wũhũ macaina tirore ñũ tuhti, to yahuchũ, tirore soro ni cohtaha. Tina soro ni cohtaina “Cahamaca ji, wjjarina cjiri”, wama tiri curua macaina sehe jiha. Ñ jia Cirene macaina, Alejandría macaina, Cilicia macaina, ã jichũ Asia macaina cũhũ jiha tina. 10 Tirore soro ni cohtapahta, Espĩritu Santo to masia mehne Estebã to durucu mihnichũ, tina to buheare ti dohse soro ni yũhtiboare wacũ bocaeraha. 11 Ti soro ni yũhtiboare wacũ bocaeraa, tina painare mahño dutia, wapaha tinare. Ti ã mahño dutichũ õ sehe ni yahusãmaha tina:

—Ahriro Cohamacũre, ã jichũ Moise cjirore Cohamacũ to cũri dutia cũhũre to ñano durucuchũ sã tũhohi —ni yahusãmaha tina mahñoina Estebãre.

12 Ti ã nichũ tũhoa masa, judio masa buheina, bũcũna cũhũ tiro mehne suaha. Ñ jia tina Estebãre ñaha, ti pũhto cahapũ naaha tirore. 13-14 Ñ yoa tina painare mahño dutiha:

—Ahriro dachoripe Cohamacũ wũhũre, to dutia cũhũre ñano durucuriro jira. Tũhohi sã tirore to õ sehe nichũ: “Jesu Nazare macariro Cohamacũ wũhũre cohã, ã yoa Moise dutiri cjiri, marine to yahu cũri cjirire cohtotarohca”, nihre Estebã sã tũhochũ —ni mahño yahusãmaha tina.

15 Ñ jia jipihtina tói dujiina Estebãre noano ñũroca õ, to wũhdũare ñũha tina. Anjo yoaro sehe bajuha to wũhdũa.

### Estebã Jesu yare yahuha

**7** 1 Ñ yoa sacerdotea bui pũhtoro õ sehe ni sinitu ñũha Estebãre:

—¿Ahrina ti nia potocã tjjjari? —ni sinitu ñũha tiro Estebãre.

2 To ã nichũ tũhoro, Estebã sehe tinare õ sehe ni yũhtiha:

—Coyea, bũcũna sã pũcũsuma tũhoga. Abrahã mari ñũchũ cjiro panopũ macariro Mesopotamiapũ to jisnichũ, Harãpũ to jihto pano, Cohamacũ tuariro si siteriro sehe tirore Abrahãre



bajuaa tiha. <sup>3</sup> Ñ bajuario, Cohamacu ò sehe ni yahua tiha tirore: “Mũ ya yahpare, ã jichũ mũ coyea poto cũhũre duhunoca, wahaga. Pa yahpa, yũ mũhũre ñohti yahparũre wahaga”, nia tiha Cohamacu Abrahãre. <sup>4</sup> To ã nichũ tũhoro Abrahã cũhũ Caldea yahpai jiina wijaa, Harãpũ sũ, jisinia tiha. Abrahã pũcũro to yariari baharo, tiro cũhũ tí macai wijaa, ahri yahpa, mipũ mũsa jiri yahparũ Cohamacu yoadohoro mehne taa tiha. <sup>5</sup> Cohamacu Abrahãre òpũ sũho na taparota, tirore dói “Ahri yahpa pũro jiga”, ni cũerasinia tiha. Ne mahanocã ahri yahpare, “Pũ tiga mũhũ”, ni dutierasinia tiha tiro. Wiho mejeta Abrahã pohna marieriro to jipachũta, Cohamacu sehe tirore ò sehe ni yahu mũhtaa tiha. “Mũhũre ã jichũ mũ panamana, pa tjuru macainapũ cũhũre ahri yahpare waitjta”, nia tiha Cohamacu Abrahãre. <sup>6</sup> Ñ ninota ò sehe ni yahu namoa tiha Cohamacu. “Mũ panamana pa tjuru macaina pa yahparũ waha, tórpũ paina cahapũ jia, ti cahamaca jiahca tina. Tuhsũ, cuatro cientos cũhmari waro tó macaina ñano yoapeahca mũ panamanare. <sup>7</sup> Ñ jicũ tó macainare ti ã yoari buhiri buhiri dahreihjtja yũhũ. Yũ ã yoari baharo mũ panamana ji turiaina ahri yahparũ wihi, yũhũre ño payohtina jiahca tina”, nia tiha Cohamacu Abrahãre. <sup>8</sup> To ã ni yahu cũare ti noano wacũrucuhto sehe, ò sehe yoa turia wahcã dutiha tirore. Mũno pjacũre mahanocã cahsarocãre yihso na dutia tiha tirore. Ñ jiro ocho dachori to macũno Isaare to pohna tiri baharo, mahanocã cahsarocãre yihso naa tiha tiro Isaa pjacũre. Baharo Isaa Jacobore pohna ti, to pjacũ cũhũre mahanocã cahsarocãre yihso naa tiha. Baharo Jacobo cũhũ doce to pohñare ã dihta yoaa tiha ti pjacũrĩre. Tina doce mũa sehe tópe curuari, mari masa curuari dahpoto macaina cjihti jia tiha.

<sup>9</sup> Ñ yoa baharo, tina Jacobo pohña, mari ñũchũsũma cjiiri, ti bahũro Josere pahsu tia, paina ti cahamacũno cjihtore duanocaa tiha Egiptopũ wahainare. Ti ã yoapachũta, Cohamacu Josere yoadohoa tiha. <sup>10</sup> Jipihti tí to ñano yũhdũare Cohamacu tirore noano yũhdũchũ yoaa tiha. Cohamacu tirore noano tũho masichũ yoaa tiha. Ñ yoa faraõ Egipto macaina pũhtoro sehere Josere ñũ ji coachũ yoaa tiha. Ñ jiro faraõ sehe Josere pũhto sãa tiha, tiro mehne masare dutihtiro cjihtore. Tirore faraõ ya wũhũ cũhũre pũhtoro cũa tiha.

<sup>11</sup> Ñ yoa tí pjarũre Egiptopũ, Canapũ cũhũre paró ne coro taeraa, yahpa sehe wũaa sãa wahaa tiha. To ã wũa sãa

wahachũ, masa ti toamari cũhu ñai pihitia wahaa tiha. Ñ jia mari ñuchusuma cjiri ñano yũhdũa, ti chũboare ne bocaeraa tiha. 12 Wiho mejeta Egiptopũ “Trigo jiyuhca”, ti nichũ tũhoro, Jacobo sehe to pohñare, mari ñuchusuma cjirire tórpũ coã warocaa tiha. 13 Baharo pari turi to warocarina cjiri Egiptopũ ti sũchũ tjoa, José to wahmisũmare “Mũsa bahũta jija yũhu”, ni yahu, tinare masichũ yoaa tiha. Tí pja pũhtoro faraõ sehe José coyeare coã ñũno nia tiha. 14 Baharo José to wahmisũmare, ti pũcũro Jacobore, ã jichũ jipihtina ti coyea cũhũre cahmarocaa tiha. To coyea setenta y cinco masa jia tiha. 15 To macũno to pjirocachũ tũhoro Jacobo cjiro wahaa tiha Egiptopũ to macũno cahapũ. To macũno cahapũ jiro, tiro yariaa wahaa tiha. Ñ yoa to pohña, mari ñuchusuma cjiri cũhu tórpũ yaria pihitia wahaa tiha. 16 Tina ti yariari baharo, ti coyea ti pjacũri cjirire Siquẽ wama tiropũ naa tiha. Tórpũ na sũ, tãa coparipũ Abrahã Hamor pohñare niñeru mehne to nuchũri yahparũ tina ti pjacũri cjirire cũa tiha.

17 Ñ yoa Cohamacũ Abrahãre “Canaa yahpare waihtja mũhũre”, to ni cũriro cjiro mũ sũro cahachũ, Abrahã panamana, Israe masa, Egiptoi jisinia payũ wahaa tiha. 18 Ti ã payũ wahari baharo, paio faraõ, Egipto masa pũhtoro José cjirore masierariro sãa tiha. 19 Tiro mari coyeare mahño, ñano yoa, ti pohñare mũa pohñare wajã dua, cohãnocã dutia tiha tinacãre. Wahma bajuainacãre cohã dutia tiha “Tinacã yariajaro”, nino. 20 To ã yoaro watoi Moise cjihto sehe masa bajuua tiha. Tirocã noariro, Cohamacũ to noano ñũ jicoariro jia tiha. Tia sũ waro to pũcũsũma tirocãre noano ñũ wihboa tiha. 21 Ñ jiro Moiserẽ nũo namo masieraa, diapũ tirocãre pũhũroi comape mehne ti bihari pũhũroi poho bũroha. Ti ã yoachũ faraõ macono tirocãre ñũ boca, na maja, to macũnore yoaro seheta cjũaa tiha tirocãre. 22 Ñ jia tina Egipto macaina, noano masiina ya jipihtiare Moiserẽ buhe bũcũoa tiha. Baharo, ne cuiro marieno durucuriro, pũhtoa jia tia cũhũre mihni yũhdũrũcũ sũriro wahaa tiha Moise.

23 Ñ yoa tiro cuarenta cũhmari cjũaro to coyea Israe masare ñũ duaro ti cahapũ ñũno wahaa tiha. 24 Tórpũ ñũno sũro, Egipto macariro cũiro Moise coyeirore to ñano yoachũ ñũa tiha. Tiro to ñano yoaborirore dũcata duaro, Egipto macariro sehere wajã cohãnocaa tiha. 25 Ñ wajã cohãno, Moise õ sehe ni tũhotua timaha. “Yũ coyea ti coyeirore yũ yoadohochũ ñũa ‘Cohamacũ marine noano yũhdũchũ yoa dutiro warocare

ahrirore', ni tūhotuahca yū coyea", ni tūhotua timaha Moise. Wiho mejeta tina sehe ne ã ni tūhotueraa tiha. **26** Pa dachoi Moise to coyeare p̄aro ti basi cahmacheinare boca s̄ua tiha. ã boca s̄uro, tinare yahu duaro tinare õ sehe ni yahua timaha: "¿M̄sa basi jipanahta cahmachejari m̄sa?" ni yahua timaha Moise tinare. **27** To ã ni yahuch̄u tūhoro, c̄uro to coyeirore ñano yoiro sehe Moisere tjuroca tiha. "M̄h̄u s̄a p̄h̄toro jierara. S̄are yahuboriro jierara m̄h̄u. **28** ¿Can̄re Egipto macarirore m̄ waj̄ãriro seheta ȳh̄u c̄h̄ure waj̄ã duacu nijari m̄h̄u?" nia tiha tiro Moisere. **29** To ã nich̄u Moise tūho c̄ua waha, m̄roca duhti wahc̄ã, Madiã yahp̄u waha waha tiha. T̄p̄re pa sehe macariro jiparota, numino boca, p̄aro pohna tia tiha.

**30** 'Ã yoa Moise cuarenta c̄hmari waro t̄oi to jiri baharo, Sinaí wama tid̄u t̄c̄u cahai masa marienop̄u to jich̄u anjo tirore bajuaa tiha. Anjo sehe mahad̄c̄ã j̄ri picha pohnai bajuaa tiha. **31** T̄u yuc̄c̄c̄ãp̄u to j̄rucuch̄u ñ̄no, Moise ñ̄u c̄ua waha tiha. Tí pichacare cahac̄ã noano to ñ̄u wahc̄ãch̄u waroi Cohamac̄u to durucuch̄u t̄hoa tiha. **32** "Cohamac̄u jija ȳh̄u. M̄ ñ̄ch̄us̄ma cjiri, Abrahã cjiro, Isaa cjiro, Jacobo cjiro ti ño payoriro jija", nia tiha Cohamac̄u Moisere. To ã nich̄u tūhoro Moise sehe tetere, ne ñ̄u wahc̄õeraa tiha. **33** Cohamac̄u õ sehe ni durucu namoa tiha tirore. "Ȳh̄u ñ̄a marieriro ȳ õi jiro wato, m̄ ducuri yahpa sehe wiho jiri yahpa jierara. ã jic̄u m̄ dahpo suhtire tjuwe c̄uga. **34** ã yoa ȳ yaina masa Egiptop̄u ti ñano ȳhd̄ch̄u ñ̄ja. Ti tiich̄u t̄hoja. ã jic̄u õp̄re wihija ȳh̄u, tinare ȳhd̄u witich̄u yoai tai. Ti ã wahach̄u, ñ̄c̄u wahaga m̄h̄u c̄h̄u. Egiptop̄u m̄h̄ure warocaiht̄ja. Tinare na wioi wahaga", nia tiha Cohamac̄u Moisere.

**35** 'Tó panop̄u tina sehe mari coyea, Israe masa Moisere cahmaeraa tiha. "M̄h̄u s̄a p̄h̄toro jierara. M̄h̄u s̄are yoadohoboriro jierara", ni tuhtia tiha tina tirore. Wiho mejeta baharo, Cohamac̄u ti ã niriro cjirore Egiptop̄u warocaa tiha, mari coyea Israe masare ȳhd̄u witich̄u yoah̄tiro, ã jich̄u ti p̄h̄toro jihtiro cjihtore. ã yoa anjo, tirore j̄d̄p̄u bajariro sehe to ã yoah̄tire yahua tiha tirore. **36** Moise jia tiha mari coyea, Israe masare Egiptop̄u j̄inare na wioriro. Tinare na wioro, Egiptop̄u Cohamac̄u tuua mehne tiro sehe yoa ño d̄ca tiha t̄op̄u j̄inare. Pjiri ma soh̄ri map̄u ãta yoa ñoa tiha t̄joa. Baharop̄u masa marienop̄u c̄h̄ure cuarenta c̄hmari waro

Cohamacu tuaa mehne yoa ño mɔjaa tiha tiro to masare. 37 Æ yoa Moise cjiro jia tiha mari coyea, Israe masare õ sehe ni yahuriro: “Cohamacu cɔiro mɔsa coyeiro, to yare yahu mɔhtahtiro, yu yoaro sehe jiriore warocarohca mɔsare”, nia tiha Moise tinare. 38 Moise masa marienopu mari coyea Israe masa mehne jia tiha. Tuhsu, Sinaí wama tidu tɔcupu ti cahmachuchu tiore yahuriro anjo mehne jia tiha. Æ yoa mari ñuchusuma panopu macaina cjiri mehne jia tiha tiro. Cohamacu to dutiare cɔiro jia tiha Moise.

39-40 Æ jia tí dutiare tɔcui Moisere to cɔno watoi mari ñuchusuma cjiri Egiptopu tjua dua Moisere yuhduruca tiha. Tina tiore cahmaeraa tiha. Æ cahmaeraa tina Moise cjiro wahminore Aarõ wama tiriro cjiore õ sehe nia tiha: “Paina cohamanare yoaga mari yaina cjihti. Tina mari wahahti mahare marine suho naahca. ¿Wiho mejeta marine Egiptopu jiinare na tariro Moise dohse wahari tiro? Masieraja sã”, nia tiha tina. 41 Æ jia tí dachorire tina wachu masure uru mehne yoaa tiha. Æ yoa tuhsu, tina wahiquinare wajã, ti yoariro cjiro cahai na ta, ño payoa tiha tiore. Æ jia tina ti yoariro cjiore wachure ñu, wahche, bose numu yoaa tiha. 42 Wachure ti ño payochu ñuno, Cohamacu tinare cohã wahcã waha timaha. “Yuhure cohã, muanopu bajuua, sũ dacho macariro, sũ ñami macariro, ã yoa ñahpichoha poca cɔhure ño payowahnojaro”, nino cohã wahcã waha timaha. Cohamacu yare yahu mɔhtaina cjiri ã ni joaa tiha:

“Mɔsa Israe masa, yuhure nu ñano yoare.

Masa marienopu cuarenta cɔhmari waro jina wahiquinare mɔsa wajãinare mɔsa wajã, jũ wa mɔpanahta, yuhure mɔsa ño payoboriro seheta yoamare mɔsa.

Wiho mejeta yuhu sehere mɔsa ño payoerare.

43 Æ jina mɔsa Molo wama tiri masure ño payoina jiina, tí masure ño payori wuhure cɔure mɔsa. Æ yoa paio cohamacu ñahpichohaca Refã wama tiria to masure mɔsa yoariare mɔsa cɔure tjao. Tí masurine mɔsa yoarire mɔsa ño payore. Mɔsa ã yoiari buhiri mɔsare Babilonia sie seheru cohãrocahtja yuhu”,

ni yahu joaa tiha Cohamacu yare yahu mɔhtaina cjiri.

44 'Ã jia masa marienopu Cohamacu masa mehne to jiri wuhure wahiquina cahsari mehne ti yoari wuhure cjuaa tiha mari nuhchusuma cjiri panopu macaina. Ti wuhu Cohamacu masa mehne to durucuri wuhu jia tiha. Ti wuhuru Cohamacu dutia to joaa pjini taã pjini jia tiha. Ti wuhure Cohamacu Moisere to ñoriro seheta, "Õ sehe yoaga", to ni yoa dutiriro seheta yoaa, ti wuhure cjuaa tiha tina. 45 Ñ yoa ti panamanapu cihu cjuã turia nunu tia tiha ti wuhure, wahiquina cahsari mehne ti yoari wuhure. Baharo mari nuhchusuma cjiri Josué mehne Cohamacu mari coyea Israe masare to cühti yahparure, ahri yahparure pu tia taha. Ti pu tia tachu ahri yahpai ji mughtaina cjirire Cohamacu cohãnocaa tiha. Ti pjare Cohamacure ti ño payori wuhure na taa, cjuaa tiha tina ahri yahparu, mipure mari jiri yahparu. Pu Davi cjiro to jiri tjurupu cjuã batóa tiha ti wuhure. 46 Tiro Davi cjiro sehe Cohamacure wahchechu yoariro jia tiha. Cohamacu ya wuhu cjihtore pa wuhu tiro yoa duaro, sinia timaha Cohamacure. 47 To ã sinipachuta Salomopu Cohamacu ya wuhu sehene yoaa tiha. 48 To ã yoapachuta Cohamacu Jipihtina Bui Jiriro sehe masa ti yoari wuhurure jierara. Õ sehe nia tiha Cohamacu yare yahu mughtariro cjiro:

49 " 'Mũano yu dujuro jira.

Tói dujicu dutija yuhu.

Ñ jiro yahpa sehe yu dahporire duhu payoro yoaro sehe jira.

Yuhu tua yuhduariro jija.

Yu ya wuhu cjihtore yoa masierara musa.

Cohamacu yu jichu yu jihti wuhure musa yoa masierara.

50 Yu basi ahri yahpare jipihtiro yoahi yuhu',  
ni durucua tiha Cohamacu",

ni joaa tiha Cohamacu yare yahu mughtariro cjiro.

51 'Musa Cohamacu yare tuhpanahta, tirore yuhti duaerara. Cohamacure masieraina yoaro sehe tuhutuina baro jira musa. Espiritu Santore yuhduruca yuhduara musa. Musa nuhchusuma cjiri ti yoariro cjiro seheta yoara musa cihu. 52 Musa nuhchusuma cjiri jipihtina Cohamacu yare yahu mughtaina cjirire ñano yoaa tiha. Tina Cohamacu yare yahu mughtaina cjiri "Baharo cüiro ñaa buhiri Marieriro tarohca", ti ni yahu quihõ mughtachu tuhoa, musa nuhchusuma cjiri sehe tinare wajãa tiha. Ñ yoa mipu cühure tiro "Ñaa buhiri Marieriro", tó panopu ti niyuriro

sehe õpɾɿ to wihichɿ, “Mũhũ mehne macaina jija”, ni ji mahño, tirore wajähre. <sup>53</sup> Cohamacɿ dutiare anjoa sehe yahu turia timaha mʉsare. Ti ã yahu turiachɿ mʉsa tí dutiare cɿɿamaha. Wiho mejeta tí dutiare yũhdɿɾucara mʉsa —niha Estebã.

### Tina Estebãre tãa poca mehne doca wajãha

<sup>54</sup> To ã nichɿ tũhoa tina sehe tuaro suaha. ã tuaro suaa, cuaina wahaha. <sup>55</sup> Ti ã suapachɿta Estebã sehe Espíritu Santo mehne wacũ tuariro to tuaa mehne mʉanopɾɿ ñɾoca mʉo, Cohamacɿ si siteare ñũha. ã yoaro Cohamacɿ poto bũhũsehei Jesu to ducuchɿ cũhũre ñũha tiro. <sup>56</sup> ã ñɾoca mʉono, õ sehe niha:

—Ñhũ mʉoga mʉsa. Mʉanopɾɿ mahanocã to tjuwe mʉachɿ, Jesu Cohamacɿ to warocariro Cohamacɿ poto bũhũsehei to ducuchɿ ñũja yũhũ —niha Estebã tinare.

<sup>57</sup> To ã nichɿ tũhoata tina tuaro sañurucu, ti cahmo coparire bihanoca, cũno potori tiro cahapɿ mʉroca wahcã, tirore ñahaha. <sup>58</sup> Ñaha tuhsɿ, tirore na wahcã, tí maca dũhtɿ cahapɿ cohãha tirore. ã jia tãa poca mehne doca wajãha tirore. Ti ã wajãhto pano tirore yahusãrina tirore tãa poca mehne docahtina ti bui sãa suhtire tjuwe na, wahmʉnore Saulo wama tirirore ti suhtire cɿɿabasa dutiha. <sup>59</sup> Estebãre ti tãa docaro watoi, sinino sehe õ sehe niha tiro:



—Jesu, yu puhtoro yu catiare naga —niha tiro.

**60** Ni tuhsu, tiro na tuhcuca caha su, o sehe ni tuaro sañurucuha:

—Puhtoro Jesu, ahrina mipu yuhure ti wajari buhiri tinare buhiri dahrei tjia —ni sañurucuha Estebã.

Ã ni sañurucu batoarota, yariaa wahaha tiro.

### Saulo Jesu yainare ñano yoaha

**8** **1** Estebã to ã yariachu ñano, “Noana”, niha Saulo sehe. Tí dachoreta Jesu yainare Jerusalẽ macainare ñano yoa dũcaha Saulo mehne macaina sehe. Ti ã yoa dũcachu Jesu yaina Judea yahparu, Samaria yahparu yoaropu duhti site wahcãa wahaha. Ti puhtoa, Jesu to cũrina dihta wahaeraha. **2** Ã yoa paina Cohamacure ño payoina Estebã pjacu cjirore tãca coparu, duhu sãa, tiro cjirore tuaro tii payoha tiro cjirore tina. **3** Wiho mejeta Saulo sehe Jesu yainare ñabiaro yoaa timaha. Tiro ti wuhusepu sãa, mure, numiare ñaha wahcã, peresupu biha dapoa tiha.

### Samariai Jesu yare buheha Felipe

**4** Ã yoa yoaropu waha siteina cjiri nohoi ti waharoi Jesu yare buhea tiha. **5** Cũiro tina mehne macariro Felipe cũ maca, Samaria wama tiri yahpai jiri macaru su, Cristo masare yuhdoriro ya quitire buheha tí maca macainare. **6** To ã buhechu, tó macaina sehe tirore tũho cahmachu, Cohamacu to tuaa mehne to yoa ñochu ñua tina. Ã jia tina jipihina cãno potori to yahuare noano tũho nũna tiha. **7** Payu masa watia sãanohrina tiro caha ti wihichu ñano, watia sehere tiro wijaa dutia tiha masaru jirinare. To wijaa dutichu, tina watia sehe tuaro sañurucu, wijaa wahaha. Tuhsu payu pjacu buhainare, pari yuri tiniina cũhure pjacu noaina wahachu yoaa tiha.

**8** To ã yoa ñochu ñua tí maca macaina payu masa wahchea tiha.

**9** Tí pjare Simo wama tiriro tí maca macariro yairo jiha. Ã jiro yaya ti yarire yoa ñoa tiha Samaria macainare. To ã yoa ñochu ñua, tó macaina ñu cuaa waha, tirore cua pisaro ñuina jiha.

—Yuhu masi pahñoriro jija —nimaha Simo sehe tinare.

**10** To ã yoachu ñua masa sehe o sehe nia timaha:

—Ahriro Cohamacu ya tuaare cjuariro jira. Cohamacu yoaro sehe tuariro jira —nia timaha tirore masa, puhtoah mehne. Tina jipihtina noano tuho nunuha tirore.

11 Tiro yaya ti yoaa mehne yoari pja yoa ñoa tiha tinare. To ã yoa ñochu ñua tina cuaa wahaha. Ñ cuaa waha, tina tirore ño payoa tiha. 12 Wiho mejeta ti ã ño payopachuta Felipe sehe puhtoro Cohamacu to suho jiare, Jesucristo yare noaa buheare yahuha. To ã yahuchu tina tirore noano tuhoha. Ti ã noano tuhochu ñuno mware, numia cuhure bautisaha Felipe. 13 Ñ jiro Simo cuhu Felipere noano tuhoa tiha. Ñ jiro tiro cuhure bautisaha. To ã yoari baharo Felipe mehne tjuaa tiha tiro. Felipe sehe Cohamacu tuaa mehne to yoa ñochu ñuno Simo ñu cuaa waha tiha.

14 Ñ yoa Samaria yahpa macaina Cohamacu yare ti tuaro cahmachu tuhoa Jerusaleru jiina tuhorocaa tiha tinare. Ñ ti cahmachu tuhoa Pedre, João cuhure warocaa tiha Samaria yahparu. 15 Toru sua Pedro cuhu Cohamacure siniha: “Ahrina Samaria yahpa macaina mure ño payoinare mu Espiritu Santo saajaro”, ni sini payoha tina Cohamacure. 16 Tina Samaria yahpa macaina Jesucristo yaina jia to bautisarina jiha. Ti dihtare masiha tina. Ñ jiro Espiritu Santo tinare saerasiniha. 17 Ñ jia Pedro, João mehne Samaria yahpa macainare ti wamomacarine ti dapupoca bui ti duhu payori baharo Espiritu Santo tinare saari jire.

18 Ñ yoa Pedro cuhu ti wamomacari mehne ti duhu payochu ñuha Simo. Espiritu Santo tinare to saachu cuhure ñuha tiro. Ñ ñuriro jiro, ti tuaare cahmano niñeru mehne wapa duamaha. 19 Ñ sehe nimaha Simo:

—Yuhu cuhure waga ahri tuaare. Yuhu cuhu yu wamomacari mehne masa dapupoca bui duhu payoi tai nija Espiritu Santo tinare to saahito sehe. Ñ jicu ahri yu yoahiti wapare wapa duaja —nimaha Simo tinare.

20 To ã nichu tuhoru Pedro ñ sehe niha:

—Muhu niñeru mehne Cohamacu ya tuaare mu nuchu duari buhiri mu niñeru mehmeta pichacaru wahaga muhu. Cohamacu mu tuhutare masina. Muhu ñariro jisinina. 21 Ñ jicu ahrire sa yoare yoa masierara muhu. Ahri mu yoaa baro jierara. 22-23 Paina ti cjuare ñucu suariro jira muhu. Ñ jicu ñaa yoare ne duhu masierara muhu. Ñ jicu ahrire mu ñaa yoarire cahyaga muhu. Cohamacure mu ñaa tuhutare to bohto sehe siniga



mũhũ. Mũ ã yoachũ ñũno tiro mũ ñaa buhirire boboca, pa tehe nino —ni yahuha Pedro tirore.

24 To ã nichũ tũhoro Simo õ sehe ni yũhtiha tirore:

—Yũhũre sini payoga mũsa Cohamacũre mũ niriro sehe yũ wahaerahto sehe. Tĩ buhiri pichacapũ waha duaeraja yũhũ —niha Simo tirore.

25 Baharo Pedro João mehne Cohamacũ yare yahuha:

“Jesu to masa mũjachũ ñũhi sã”, ni payũ Samaria yahpai jia macari macainare noaa buheare buheha. Tinare Cohamacũ yare buhe tuhsũ, Jerusalẽpũ tjuaa wahaha.

### Felipe Etiopía yahpa macarirore buheha

26 ã yoa Cohamacũ yairo anjo Felipere õ sehe ni yahuha:

—Mĩpũre sur sehepũ wahaga. Jerusalẽ cahai jiri mahapũ Gazapũ wahari mahapũ, masa marienopũ jiri mahapũ wahaga —ni yahuha anjo Felipere.

27 To ã nichũ tũhoro tiro sehe tí mahapũ wahaa tiha.

Baharo tí mahapũ cũiro masũnore piti bocaro taro niha. To piti bocahtiro jiha Etiopía yahpa macariro pũhtoro. Tiro numiare cahmaerariro eunuco masũno jiha. ã jiro Candace wama tiricoro Etiopía macaricoro pũhtorocoro yare niñerure jipihtiare ñũ wihboriro jiha. Wiho jiro jieraha. Tiro Jerusalẽpũ Cohamacũre ño payoro waha tuhsũha. 28 To ya macapũ tunuria mehne tjua taro tiapũ wahaparota buhero niha. Cohamacũ yare yahu mũhtariro Isaia cjiro to joari pũre buhero niha. 29 ã jiro Espĩritu sehe Felipere õ sehe ni yahua tiha:

—Siro tunuriapũ wahariro cahapũ wahaga —niha Espĩritu tirore.

30 To ã nichũ tũhoro Felipe sehe tunuria cahapũ mũroca wahcã, Isaia cjiro to joarire Etiopía macariro to buhechũ tũhoha. ã tũhoro Felipe õ sehe ni sinituha tirore:

—¿Mũ buheare tũho ñahajari mũhũ? —niha tiro.

31 To ã nichũ tũhoro Etiopía macariro õ sehe ni yũhtiha:

—Pairo yũhũre yahu yũhdoriro mariachũ noano masieraja yũhũ. Õi yũhũre yahu dujii taga yũ pari wahpa —ni yũhtiha tiro Felipere.

—Jai —ni nuju sũha to cahai.

32 ã yoa Cohamacũ yare Etiopía macariro to buheri pũ õ sehe niha:

“Ovejare ti ñaha wajāriro seheta tiro cūhure ñaha wajāahca masa.

Ā jiro ovejacā to pjoare ti sachu to sañurucueraro seheta tiro masuno cūhu dihta marieriro jirohca.

33 Tirore tina bujupeahca.

Ā jia tiro to ñano yoerapachuta tina sehe ñano yoahca tirore.

Tiro ahri yahparu to jichu tina tirore wajāahca.

Ā jiro tiro pohna marieriro yariaa waharohca”,

ni joaha tí pūpūre.

34 Tí pū to ā ni yahuchu ñhno, Etiopía macariro õ sehe ni sinituha:

—Yahuga yuhure. ¿Õ sehe Isaia cjiro to niriro diro baro jicari ahriro? ¿Isaia cjiro to basi yahuro nicari? ¿O pairore yahuro nicari? —ni sinituha Etiopía macariro.

35 To ā ni sinitu ñuchu tñhoro Felipe sehe tí pūre ñh, Jesu yare yahuha Etiopía macarirore. 36 Ā yoa tina tia mehne waha, mácaru sūha.

—Ñuga, õi máca jira. Ahri mácaru yuhure bautisaga —niha Etiopía macariro.

37 [—Jesure mu noano wacū tuachu ñhcu mñhure bautisaihtja —niha Felipe tirore.



—Jesure wacũ tuaja yũhũ. Tiro Cristo Cohamacu macũno jira. Tíre noano masija yũhũ —niha Etiopía macariro.]

**38** Ñ ninota tiro tunuria uturirore yũsũ dutiha. Tia to yũsũ caha sũri baharo wijaaha tina. Wijaa, tí macarũ sũ, ñumurũcũ sũha tina. Tóí ñumurũcũ sũ, Felipe sehe tirore bautisaha.

**39** Bautisa tuhsũ ti maja sũrũcũ sũchũ Cohamacu to Espiritu Felipere naa wahaha. To ã wahari baharo Etiopía macariro noano wahcheriro to ya yahparũ tjuaa wahaha. To ã yoari bato tichũ ne pari turi Felipere ñũeraha. **40** Ñ yoa tuhsũ Azotopũ sũha Felipe sehe. Tuhsũ, payũ macarine noaa buheare buheha masare. Pũ Cesarearũ buhe batoa tiha.

### Saulo Jesucristore ñũno tirore wacũ tua dũcaha

(Hch 22.6-16; 26.12-18)

**9** <sup>1</sup> Wiho mejeta tí pjare Saulo Jesu yainare ã ñũ tuhtirucusinino, “Tinare wajãihtja” nino, tiro sacerdotea pũhtoro caharũ wahaha. <sup>2</sup> Tórpũ sũro tiro joaa pũrine õ sehe ni siniha sacerdotea pũhtorore:

—Joaa pũrine waga yũhũre yũ tuahti pũri cjihtire. Tí pũripũ mũ wama mũ joa payochũ, yũhũ sehe tí pũri mehne, mũ dutiro mehne Damascopũ wahaihtja. Tórpũ sũ, judio masa mari buhea wũhũserũ Jesu yaina mũa, numía cũhũre boca sũcũ, tinare ñaha dũhte, õpũ Jerusalẽpũ na majare tjuaa taihtja —ni siniha Saulo sacerdotea pũhtoare.

<sup>3</sup> Tí pũrine na tuhsũ, tiro waha, Damasco cahai to sũro cahachũ waro mũanopũ wacũenoca si siteroca boroha tirore. <sup>4</sup> Wacũenoca to ã si siteroca borochũta tiro yahparũ bora caha sũro, õ sehe ni durucuchũ tũhoha:

—Saulo, Saulo, ¿dohseacũ mũhũ yũhũre ñano yoajari? Mũhũ yũhũ mehne suacũ yũhũre yũhtieracũ, mũ basita ñano yũhdũra —nino coa taha.

<sup>5</sup> —Pũhtoro, ¿diro baro jijari mũhũ? —ni sinitu ñũha Saulo sehe.

—Yũhũta jija Jesu, mũ ñano yoarucuriro —niha Jesu Saulore. <sup>6</sup> [To ã nichũ õ sehe ni sinituha Saulo:

—Pũhtoro, ¿dohse yũ yoachũ cahmajari mũhũ? —niha Saulo.]

—Wahcãrũcaga mũhũ. Macarũ wahaga. Tí macarũ mũ sũchũ tó macariro mũ yohtire yahurohca mũhũre —niha Jesu Saulore.

7 To ã nichu Saulo mehne macaina sehe to durucua dihtare tuhoha. Wiho mejeta Jesu sehere ñueraha. To ã wahachu ñua, cuia, tina durucu masieraha. 8 Æ jiro Saulo yahparu coãiro wahcãruca, to ñuchu to capari bajueraha. Æ jia tina to wamomacare ñaha, Damascoru tuã wahcãa wahaha tirore. 9 Tõru sũro, tiro tia dacho waro ne ñuera, chuera, ne sihniera tiha.

10 Æ yoa cũiro Jesu to buheriro Anania wama tiriro Damascõi jiha. Æ jiro Jesu bajua tiha Ananiare. Æ bajuaro õ sehe ni pisuha tirore:

—Anania, ¿jimajari mũhu? —niha Jesu.

—Jimajú —ni yuhtiha Anania tirore.

11 To ã nichu Jesu sehe õ sehe ni yahuha tirore:

—Potori Maha wama tiri maharu wahaga. Æ wahacu Juda ya wuhuru cũiro Tarso macariro Saulo wama tirirore macaga. Tiro Cohamacure sinino nica. 12 Tiro cahãnopure tirore mũ yoahire ño tuhsuhi yuhu. Õ sehe jiare ñuhre tiro: Mũhu mũ wamomacarine tiro bui duhu payo, to capari noaa wahachu ñuhre tiro to cahãnopure —niha Jesu Ananiare.

13 To ã nichu tuhoro Anania sehe õ sehe ni yuhtiha:

—Puhtoro, tiro mũ yainare, noainare Jerusalẽ macainare nu ñano yoa mũjajuhti. Payu masa yuhure ã ni yahure. 14 Æ yoa õ cũhure tiro jipihtina mũhure cahmainare peresu yoaro taro niyuhti. Sacerdotea puhtoa tirore ã yoa dutiyuhti —ni yuhtiha Anania Jesure.

15 To ã nichu Jesu sehe õ sehe ni yahuha tirore:

—Tiro Saulo sehe yu beseriro jira. Tiro yu ya buheare judio masa jierainare, ti puhtoare, ã jichu Israe masa cũhure buherohca. Æ jicu wahaga mũhu. 16 Payu tahari yu yare yoaro tiro ñano yuhdurohca. Tíre tirore masichu yoaihtja —niha Jesu Ananiare.

17 To ã niri baharo Anania sehe waha, su, Saulo to jiri wuhuru sãaha. Sãa su, to wamomacarine Saulo bui duhu payo, õ sehe ni yahuha tirore:

—Coyeiro Saulo, mũ capari mũ ñuhto sehe, Espíritu Santo mũhu mehne to jihto sehe, to dutiriro seheta mũ yoahito sehe, mari puhtoro Jesu sehe maharu mũhure bajariro yuhure warocahre —ni yahuha Anania Saulore.

18 To ã nichuta to caparire wahi nuturi yoaro sehe bajua to capariru wahãa pahna borachu ñuha Saulo. To ã ñu tuhsuri

baharo to wahcāruc̄ s̄uch̄u paio sehe tirore bautisaha.  
 19 Tirore to bautisa tuhs̄uch̄u, tiro sehe ch̄u, tuariro wahaha.

### Saulo Damascoi Jesu yare buhe d̄ucaha

Ã yoa Saulo mahaa dachoricã Damasco macaina Jesu yaina mehne jiha.

20 Dói tí dachorita tiro judio masa buhea w̄h̄usep̄u s̄u, Jesu Cohamac̄u mac̄uno to jiare yahu d̄ucaha masare. 21 To ã yahuch̄u ñ̄ua jipihtina tirore t̄uhoina c̄uaa wahaha.

—Cho, ahriro Jerusalēp̄ure Cohamac̄u yainare Jesure cahmainare ñ̄ano yoiro cjiro jira. ã yoa tirota jimana õ macaina Jesure cahmaina c̄uh̄ure ñ̄aha, d̄uhte, sacerdotea p̄h̄toare wiaboriro. ã yoa duaro õp̄ure tari jimahre tiro —niha masa tirore t̄uhoina.

22 Wiho mejeta Saulo sehe cui t̄uhoturo marieno buhe mihni wahcãa tiha. “Ahriro Jesu potocãta Cristo, marine ȳh̄dohtiro jira”, to ni yahu mihnich̄u, tó macaina judio masa ti ni ȳhti ȳh̄d̄ur̄caborirore bocaeraha.

23 ã jia paȳu dachori baharo judio masa tirore wajã duaa, ti basi durucua tiha. 24 Wiho mejeta Saulo tirore ti wajã duach̄u masiha to basi. Tina tí macare sahr̄ino tãa mehne ti yoiro sahr̄ino macaa sopacarire dachop̄ure ñ̄amip̄u c̄uh̄ure cohtaa tiha tirore wajã duaa. 25 Ti ã wajã duach̄u ñ̄ua ñ̄amip̄u Saulo buheina tirore p̄h̄uro pjiri p̄hi na sãa, tí maca macari sahr̄ino baharo b̄h̄usehei duhu boroha tirore. Tó sehe ti yoach̄u ȳhd̄uha tiro.

### Saulo Jerusalēi jiha

26 ã yoa Saulo Jerusalēp̄u s̄uro, tópu Jesu yaina mehne tiro ji duamaha. Wiho mejeta tina tirore “Jesu buheriro jierara ahriro” nia, tirore cui niha. 27 Ti ã cuipach̄uta Bernabé sehe tirore na wahcãha Jesu to c̄urina cahap̄u. ã jiro Saulo mahai Jesure to ñ̄urire, Jesu Saulore to durucurire, ã jich̄u Damascop̄u cuiro marieno Jesu yare to buhe d̄ucarire yahuha Bernabé sehe. 28 To ã ni yahuri baharo Saulo sehe tina mehne sãano, Jerusalēp̄u tina mehne jia tiha. 29 Tiro cuiro marieno judio masare Jesu yare yahu ȳh̄d̄ur̄caro niha. Tina judio masa griego masa yare durucuina jiha. ã yoa Saulo to ã yahu ȳh̄d̄ur̄cach̄u, tina tirore wajã duamaha. 30 Ti ã wajã duach̄u ñ̄ua, Saulo mehne macaina Jesu yaina sehe tirore Cesareap̄u

na duhti wahcāa wahaha. Tóꝑu tirore sũho jirucuma Tarsopũ warocaha tirore.

**31** ã yoa jipihtiropũ, Judea yahparũ, Galilea yahparũ, Samaria yahparũ cũhũre Cohamacũ yaina noano jia tiha. Tí pjare ne masa ñano yoaera tiha tinare. ã jia noano buheha tina. Tina Cohamacũ yare buhe, tirore masi namo, noano yũhtia tiha. ã yoa Cohamacũre cua pisaro ñaa tiha. Espíritu Santo tinare to yoadohochũ tina sehe payũ wahaa tiha.

### **Pedro Eneare noariro wahachũ yoaha**

**32** ã yoa Pedro jipiehtia macaripũ waharo, Jesu yaina Lida macaina caharũ cũhũre sũha tiro. **33** Tóꝑu sũro Enea wama tirirore boca sũha. Enea pjacũ buhariro jiro, ocho cũhmari waro ti pũpaha cũriro coãa tiha. **34** ã jiro Pedro sehe tirore õ sehe niha:

—Enea, Jesucristo mũhũre noariro wahachũ yoara. Wahcãrucaga. Mũ pũpaha coãri cahsarore cahnoga —niha Pedro tirore.

To ã nichũta tiro wahcãrucaha. **35** ã jia jipiehtina Lida macaina, Sarón macaina tirore ñaa, tina ti ñaa yoaare duhu, Jesure wacũ tuaa tiha.

### **Dorca wama tiricorore masoha Pedro Jesu to tuaa mehne**

**36** ã yoa Jope wama tiri macai Jesure ño payoricoro Tabita wama tiricoro jiha. To wama Tabita griego ya dũsero mehne Dorca jira. Ticoro noaare yoaro payũ waa tiha pjacũoinare. **37** ã jiro tí pjare ticoro dohati wahcõ, yariaa wahaa tiha. To yariachũ ñaa, tina ticorore noano cosa, mũano macari tahtiarũ cũa tiha ticorore. **38** Lida wama tiri maca Jope cahai jire. To ã jichũ Jesu buheina Jope macaina Pedro Lidapũ to jichũ tũhorocaa tiha. ã tũhorocaa, pũaro warocaha Pedro caharũ. Tiro caharũ sũa Pedore õ sehe ni yahuha tina:

—Soaro mehne sã jiropũ wahaga —ni yahuha tina.

**39** Ti ã nichũ tũhoro tina mehne wahaa wahaha tiro. Tóꝑu tirore ti na sũri baharo mũano macari tahtiarũ na mũjaa wahaha tirore. ã jia jipiehtina wapewahya tiro cahai sũrucã, tiia tiha. Tabita tina mehne jisininopũ payũ suhtire yoaa tiha. ã jia tina to yoiari suhti cjirire ñoha Pedore. **40** Wiho mejeta Pedro tinare tí tahtiarũ jĩinare wijaa dutiha. Ti wijaari baharo

tiro na tuhcuca caha sũ, Cohamacure ticorore sini payoha.

Å jiro to pjacu cjirore majare ñũ:

—Tabita wahcãga —niha tiro.

To ã nichuta ticoro sehe ñũ wahcõ, Pedroro ñũ, wahcã nuju sũha. <sup>41</sup> To wahcã nuju sũchũ ñũ, tiro to wamomacare ñaha, tuã wahcõ dapoha ticorore. Å jiro tiro tó macainare Jesu yainare, wapewahyare pjiroca, ticorore catiricorore wiaha tinare. <sup>42</sup> To ã yolari baharo jipihtina Jope macaina tíre masia, payũ masa Jesure wacũ tua dũca tiha. <sup>43</sup> Baharo Joperũ Simo wahiquina cahsarire cahnoriro mehne payũ dachori Pedro tiro mehne jia tiha.

### Pedro Corneliore Jesu yare yahu dũcaha

**10** <sup>1</sup> Ti pjare Cesareapũ cũiro Cornelio wama tiriho jiha. Tiro cien surara pũthoro jiha. Tina surara sehe ti ya curua Italiano wama tiha. <sup>2</sup> Cornelio to ya wũhũ macaina mehne judio masa jieraina jipahta, Cohamacure ño payoina, cua pisaro ñũina jiha. Tiro judio masa pjacũoinare yoadohoro payũ waha. Å yoa dachoripe tiro Cohamacure siniha. <sup>3</sup> Cũ nũmũ ñamichahapũ tres jichũ Cohamacũ yairo anjo tirore bajuaha. Å bajuaro Cornelio cahapũ sãaha.

—Cornelio —niha anjo tirore.

<sup>4</sup> To ã nichũ tũhoro Cornelio tirore ñũ, cuiro õ sehe niha:

—Pũthoro, ¿yabare cahmajari mũhũ? —niha tiro.

—Masa pjacũoinare mũ warire, Cohamacure mũ sinirire Cohamacũ noano ñũno nina. <sup>5</sup> Å jicu Joperũ mũ mũare warocaga. Tórpũ Simo Pedro wama tiriho jira. Tirore na ta dutiga mũ mũare. <sup>6</sup> Tiro paio Simo wahiquina cahsari cahnoriro cahai, pjiri ma dũhtũ cahai jiri wũhũ jira —niha anjo Corneliore.

<sup>7</sup> Anjo ã ni tuhsũ, wijaa wahaha. To wijaari baharo Cornelio pũaro tirore dahra cohtainare, ã yoa cũiro to surara mehne macarirore pjirocaha. Surara sehe Cohamacure ño payoriro jiro, dachoripe Corneliore yoadohoa tiha. <sup>8</sup> Å jiro Cornelio tinare anjo to yahuri cjirore yahu pahũ, Joperũ warocaha tinare.

<sup>9</sup> Å yoa pa dachoi Joperũ ti waharo watoi cohari pja jichũ Pedro sehe wũhũ buipũ Cohamacure sinino wahaha. <sup>10</sup> To mũja sũri baharocã tirore jũca purĩchũ chũ duaha. Wiho mejeta paina to chũare ti dahrero watoi, tiro sehe õ sehe bajuachũ

ñuha. **11** Muanore parĩ mũachũ, p̄jiri cahsaro pititia sohtoarire dũhteri cahsaro to duji tachũ ñuha. **12** Tí cahsaro puhichapũre payũ wahiquina bũa tiniina, chihchõina, wũina peri cũhu jiha. **13** Tíre to ñũri baharo, Pedro durucuro coa tachũ tũhoha:

—Pedro, wahcãrucaga. Ahrinare wajã chũga —nino coa taha tirore.

**14** To ã nipachũta Pedro õ sehe niha:

—Pũhtoro, ne tina barore chũeraja yũhu. Ñainare, Cohamacũ to chũ dutierainare ne chũera tihĩ yũhu —niha Pedro.

**15** To ã niri baharo Pedro pari turi durucuro coa tachũ tũhoha:

—Cohamacũ “Noaina jira”, to nirinare “Ñaina jira”, nii tjia mũhu tinare —nino coa taha Pedrore.

**16** Ñ yoa tia taha ti ã ni durucuri baharo tí cahsaro muanopũ mũjaa wahaha tjõa. **17** To ã mũjaa wahari baharo, Pedro tuaro wacũ “¿Dohse ni duaro nijari ã bajuaro?” ni tũhotuha tiro to basi. To ã ni tũhoturo watoĩ Cornelio mũa to warocaina sehe Simo ya wũhũpũ sũha. “¿Simo ya wũhũ nohopũ jijari?” ni, ti sinituri baharo to ya wũhũpũ sũha tina. **18** Sũ, tina sinitu ñũ bahrañoha. “¿Simo Pedro wama tiriro ahri wũhũi jijari?” ni sinitu ñuha tina. **19** Ñ jiro Pedro to tũhoturo watoĩ Espĩritu Santo tirore õ sehe ni yahuha:

—Ñũga. Tiaro mũa mũhũre macaa nina. **20** Wahcãrucaga. Dujiaga. Tina mehne wahaga. Jiape ni tũhotuecũta wahaga noano mehne. Yũhu sehe tinare õpũre warocahi —niha Espĩritu Santo Pedrore.

**21** To ã nichũ tũhoro Pedro ti cahapũ dujia wahaha.

—Ñũga. Õi jija yũhu mũsa maca tariro. ¿Dohse yoana tana niri mũsa yũ cahai? —niha Pedro tinare.

**22** To ã nichũta tina sehe õ sehe niha:

—Cornelio cien surara pũhtoro, noaare yoariro, Cohamacũre cua pisaro ñũriro, jipihtina judio masa “Noariro”, ti niriro mũhũre p̄ji ta dutiro warocahre sãre. Cohamacũ yairo anjo Corneliore mũhũre p̄ji dutiyuhti. Õ sehe niyuhti: “Pedrore mũ wũhũpũ na ta dutiga mũ mũare. Ñ yoa tiro mũhũre to yahuchũ, noano tũhoga tirore”, ni p̄ji dutiyuhti anjo Corneliore —ni yahuha Cornelio Pedrore to p̄ji dutirina sehe.

**23** Tĩ ã nichũ Pedro sehe tinare sã ta duti, chũa wa, to jiri wũhũpũ carĩ dutiha tinare. Pa dachoi Pedro wahcã, tina mehne



wahaa wahaha. Ñ yoa paina Cristo yaina Jope macaina Pedrore piti ti wahcãha.

24 Pa dachoi tina Cesareapũ sũha. Ti sũhto panocã Cornelio sehe to coyeare, tiro mehne macaina cũhũre pji cahmachu, Pedrore cohtaa niha. 25 Ñ jiro Pedro Cornelio ya wũhũ cahapũ to tachũ ñũno Cornelio sehe tirore piti boca wijaa, to dahpori cahai caha sũha. 26 Wiho mejeta Pedro tirore na wahcõ õ sehe niha:

—Ducuga mũhũ. Yũhũ cũhũ mũ yoaro seheta jiriro jija —niha Pedro tirore.

27 To ã ni tuhsũri baharo Cornelio tirore na sãa wahaha to ya wũhũpũ. Tõpũ sãa sũro masa peri tí wũhũpũ cahmachu tirore cohtainare ñũha Pedro. 28 Tinare ñũno õ sehe ni yahuha tinare:

—Judio masũno jipaihta pa curua macaina mũsa mehne jicũ, mũsa wũhũsepũ sãacũ, judio masa sã dutiare yũhdũrũcai nija yũhũ. Tĩre noano masina mũsa. Wiho mejeta pa curua macainare “Ñaina jira”, yũhũre ni dutierare Cohamacũ. Tĩre ni yahuhre yũhũre tiro. 29 To ã nichũ tũhocũ õpũre mũsa cahapũre tahi. Mũsa yũhũre pjirocachũ “Ne wahaeraja”, nierahi. ¿Dohse jiro baro yũ õpũ tachũ cahmari mũsa? —niha Pedro tinare.

30 To ã nichũ tũhorõ Cornelio sehe õ sehe niha:

—Pititia dachori wahara, Cohamacũ yairo anjo yũhũre to bajuari baharo. Tĩ dachore tres jichũ, ahri hora waroihta Cohamacũre yũ sinino watoĩ anjo minoa suhti tiroro yũ cahai ducuhre. 31 Ñ ducuro tiro yũhũre õ sehe nihre: “Cornelio, mũhũ Cohamacũre mũ sinichũ tiro tũhohre. Ñ yoa pjacũoinare ti cahmaare mũ wachũ noano masino, Cohamacũ mũhũre yoadohorohca. 32 Ñ jicũ Jopepũ mũ mũare warocaga, Simore, Pedro wama tirirore mũ cahapũ ti na tahto sehe. Tiro paio Simo wahiquina cahsari cahnoriro ya wũhũi, pjiri ma dũhtũ cahai jiri wũhũi jira tiro. Mũ cahapũ wihiro mũhũre yahurohca”, ni yahuhre yũhũre tiro. 33 To ã nichũ tũhocũ dõicãta yũ mũare mũhũre na ta duticũ warocahi yũhũ. Ñ jicũ noano yoacũ tari jira mũhũ sã cahapũre. Ñ jina sã jipihtina õre Cohamacũ to ñũrocarõĩ jina nija sã. Jipihtiare Cohamacũ mũhũre to yahu dutirore tũho duana, cohtahi sã —niha Cornelio Pedrore.

### Pedro Jesu yare yahuha

**34** To ã nichu tũhoro, Pedro õ sehe ni yahuha:

—Mipũ masija. Potocã tjira. Cohamacu cũno potori noano yoara marine. **35** ã jiro jipihtia macari macaina Cohamacure cua pisaro ti ñũchũ, noaare ti yoachũ Cohamacu sehe tinare ñũ wahchera. **36** Cohamacu sã judio masa cahai Jesucristore noaa buheare yahuhtirore warocare. Masa Cohamacu mehne noano ji masica Jesu to yaria masa mũjano mehne. Tí buheare mũsa masina. Jesucristo sehe jipihtina masa pũhtoro jira. **37** João bautisariro masare, “Mũsa ñaa yoari buhiri tiare masiga”, ni yahu, to bautisari baharo, Galileapũ noaa buheare Jesu sehe yahu dũcare. Baharo Judea yahpũ cũhũre tí buheare yahu pahũore. **38** Ahriro Jesu Nazare macarirore Cohamacu sehe to tuaare Espĩritu Santo mehne to yoa masihtire ware Jesure. ã jiro Jesu noano yoaro wahare. ã waharo watĩa sãanohrinare, ñano yũhdũinare jipihtinare noaina wahachũ yoare. Cohamacu Jesu mehne jiri jire. **39** Judea yahpai, Jerusalẽ cũhũre jipihtia to yoarire sã ñũhi. Baharo tina crusapũ cjã puha wajãhre tirore. **40** Wiho mejeta tia dacho wahaboroi Cohamacu tirore masori jire. Maso, Jesure sãre bajuachũ yoari jire Cohamacu. **41** Tí pjare Jesure jipihtina ñũerare. Sã dihtare bajuahre tiro. Cohamacu to cahmainare, Jesure ñũ, painapũre yahuhtinare panopũ sãre beseha. Sã sehe Jesu to masari baharo tiro mehne chũ, sihnihi. **42** ã jiro tiro sãre õ sehe ni dutihre. “Masare õ sehe ni yahuga. Yũhũ Jesu jipihtina catiinare, yariaina cjiri cũhũre ti ñaa yoari buhiri tiare yahuhtiro buhiri dahrehtiro yũ jichũ yoare yũhũre Cohamacu. ã jina tíre masare yahuga”, ni dutihre Jesu sãre. **43** Dohse jiina baro Jesure ti wacũ tuachũ ñũno Cohamacu ti ñaa yoari buhiri tiare borohca. Tíre jipihtina Cohamacu yare yahu mũhtaina cjiri panopũ macaina yahuyuha —ni yahuha Pedro.

### Judio masa jierainapũ cũhũre Espĩritu Santo sãarũcu sua wahaha

**44** Tí jipihtiare to ã ni yahuro watoi, jipihtina tíre tũhoinapũre Espĩritu Santo sãarũcu sua wahaha. **45-46** Tinapũre to sãarũcu sua wahachũ, tũho mahnoeraa dũseri mehne wahchea mehne durucu dũcaha tina. Tí dũseri mehne Cohamacure “Tuariro, noariro jira mũhũ”, nia niha. Ti ã nichu tũhoha Pedro mehne

tarina judio masa, Jesu yaina. Ñ tũhoa Espíritu Santo judio masa jierainapũ cũhũre to sãarũcũ sũ yoadohochũ ñũa, judio masa sehe cũaa wahaha. Ñ jiro Pedro õ sehe ni yahuha judio masare:

47 —Mari yoaro seheta Espíritu Santore cjuara ahrina cũhũ. Ñ jina tina bautisa duaa ti sinichũ, tinare, dũcataena tjijihna —niha Pedro tinare.

48 Ñ ni tuhsũ judio masa jierainare Jesu yaina ti jiare ñohto sehe bautisa dutiha Pedro. Ti ã yoari baharo “Sã mehne mahaa dachoricã tjuasiniga”, niha tina Pedro cũhũre.

### Pedro Jerusalẽ macainare Jesu yainare yahuha

**11** 1 Ñ yoa judio masa jieraina cũhũ Cohamacũ yare ti noano cahmachũ Jesu to cũrina sehe ti coyera Judeapũ jiina mehne tũhorocaha. 2 Ñ jia Pedro Jerusalẽpũ to tju sũchũ ñũa judio masa Jesu yaina mahainacã tirore õ sehe ni tuhtiha:

3 —¿Judio masa jierainare dohse jiro baro ñũi sũri mũhũ? ¿Dohse jiro baro tina mehne chũri mũhũ? —ni tuhtiha Pedrore tina.

4 Ti ã nichũ tũhoro Pedro to yoari cjirire yahu pahũoha tinare. Õ sehe ni yahuha:

5 —Yũhũ Joperũ jicũ Cohamacũre sinii nihi. Ñ jiro yũhũre õ sehe bajuahre. Pjiri cahsaro pititia sohtoarire dũhteri cahsaro mũanopũ yũ cahai to duji tachũ ñũhi. 6 Ñ jicũ tí cahsarore noano ñũhi “¿Yaba baro tí cahsaropũre jijari?” nicũ. Ñ jicũ ñũhi tí cahsaropũre jiinare: Tí cahsaro puhichapũre payũ wahiquina, bũa tiniina, chihchõina, waina peri cũhũ jire. 7 Ñ jicũ yũhũre to durucuchũ tũhohi. “Pedro, wahcãrucaga. Wajã chũga ahrinare”, nino coa tahre yũhũre. 8 To ã nichũ tũhocũ õ sehe nihi yũhũ: “Pũhtoro, ne tina barore chũeraja yũhũ. Ñainare, Cohamacũ to chũ dutierainare ne chũera tihi yũhũ”, nihi yũhũ. 9 Wiho mejeta mũanopũ pari turi yũhũre durucuro coa tahre tjoa. “Cohamacũ ‘Noaina jira’ to niinare, ‘Ñaina jira’, nii tjia mũhũ”, nino coa tahre yũhũre. 10 Ñ jiro tia taha sã ã ni durucuri baharo tí cahsaro mũanopũ mũjahre tjoa. 11 Yũ ã ñũno watoi tiaro mũa sã jiri wũhũpũ sũri jihre. Tina Cesarea macariro to warocarina jiri jihre. 12 Ñ jiro Espíritu Santo sehe yũhũre tina mehne waha dutiro, “ ‘Tina ñaina jira’, nii tjia tinare”, ni yahuhre yũhũre tiro. Ñ jia ahrina seis mehne yũ coyera Jesu yaina mehne Cesarea macariro ya wũhũpũ sãahi

sã. 13 Ñ jiro tiro sãre õ sehe ni yahuhre: “Anjo yu wuhui ducuchu ñuhi yuhu. Õ sehe ni yahuhre yuhure: ‘Joperu Simore Pedro wama tirirore na ta dutiga. 14 Tiro muhure mu coyea mehne musare jipihtinare pichacaru wahaborina musa yuhduhtore yahurohca’, nihre anjo yuhure”, ni yahuhre Cesarea macariro yuhure. 15 Ñ yoa yu durucuro watoi Espiritu Santo sehe tinapure saarucu sahare, marine to yoa muhtariro seheta. 16 Ñ jicu Jesu to yahurire wacuhi yuhu. Õ sehe ni yahuhre tiro: “João musare bautisaro, copu yoamahre. Yuhu sehe ti yuhdoro yoaihtja musare. Baharo Espiritu Santore musa mehne jirucuhu yoaihtja musare”, ni yahuha. 17 Ñ jiro Jesucristo mari puhtore mari wacu tuachu ñno Cohamacu to Espiritu Santore wahre marine. Ñ jiro Cohamacu marine to Espiritu Santore to wariro seheta judio masa jieraina cuhure tiro wahre. Cohamacu to ñ yoachu ñucu tirore yuhduruca masieraja yuhu —niha Pedro tinare, judio masare Jesu yainare.

18 To ñ nichu tuhoa, tina tirore ne ni namoeraha. Ñ ni namoeraa, Cohamacure wahche payo, tina õ sehe niha:

—Tí pja pini judio masa jieraina cuhure Cohamacu cahiri jira. Ti ñaa yoari buhiri tiare masi, Cohamacure cahma, tina cuhu Cohamacu mehne ñ catirucuahca —niha tina.

### Antioquíai paina Jesu yaina jiha

19 Ñ yoa Estebãre ti wajãri baharo masa Jesu yainare ñno yoaha. Ti ñ yoachu ñua Jesu yaina duhti sitea wahaha. Ñ jia tina Feniciaru, Chiprepu, Antioquíaru cuhure waha site, tãpuru judio masa dihtare Cohamacu yare yahua timaha tina. 20 Wiho mejeta paina Jesu yaina mehne macaina Chipre macaina, Cirene macaina, Antioquíaru su, judio masa jierainare Jesu yare buheha Cohamacu tinare to yuhdohto sehe. 21 Ti ñ buhechu, Cohamacu tinare yoadohoha. Ñ jia masa payu Cohamacure cahma dũca, mari puhtoro Jesure wacu tuaha.

22 Ñ yoa “Antioquía macainaru Jesure cahmaca”, ni tuhorocaha Jerusalẽ macaina Jesu yaina. Ti ñ tuhorocari baharo Jerusalẽ macaina Bernabẽ wama tirirore Antioquíaru warocaha. 23 Tãpu sũro, Cohamacu yoadohoha mehne judio masa jieraina to yaina ti wahachu ñno, tuaro wahcheha. Tuaro wahche, tiro tã macainare õ sehe ni yahuha:

—Jesure ñ wacu tuarucuga. To yare ne duhuena tjiga —ni yahuha tiro jipihtina tinare.

24 Bernabé noariro jiro, Espíritu Santo dutiare yoariro Jesure noano wacū tuaha tiro. Ā jia to buheri baharo Jesure wacū tuaina payu waha namoha tjoa.

25 Baharo tiro Tarso wama tiri macapu Saulore macano wahaha. 26 Tópu tirore boca sūha. To boca sūri baharo Antioquíapu na majare tjuaaha Saulore. Tópu ti sūri baharo cū cahma waro tina Cohamacu yaina mehne cahmachu, payu masare buheha tina. Ā jia Antioquíapu Cristo yaina Cristiano wama ti dūcaha.

27 Tí pjare Cohamacu yare yahu mūhtaina Jerusalēpu jiina cjiri waha, Antioquíapu sūha. 28 Ā ti sūri baharo tina mehne macariro Agabo wama tiroro Jesu yaina watoi ducuro, Espíritu Santo to tuaa mehne yahuha tinare. “Jipihtiro yahparure tuaro jūcaro waharohca”, ni yahuyuha tiro. Tí pjare chūa marieni pja jichū jipihtina bui pūhtoro Claudio jiha. 29 Ā jia Cristo buheina, jipihtina ti cjūaro puro ti coyeare wa duaa ti basi cahma durucuha. “Judea yahpa macaina Jesu yainare niñerure warocajihna”, niha tina ti basi. 30 Ti ā niri baharo Bernabé Saulo mehne tí niñerure na wahcābasaha. Tópu sūa Judea yahpa macainare Jesu yaina pūhtoare waha tí niñerure pja cūoinare tju wa dutia.

### Pedrore peresu yoaha

**12** 1 Tí pjare pūhtoro Herode cāinare Jesu yainare ñano yoa dūcaha. 2 Tiro João wahminore Santiago sehere yoari pjī mehne to wajā dutichū paio sehe tirore wajāha. 3 Santiagore to wajāchū judio masa wahcheha. Ti wahcheare Herode masino, “Ā dihta cahmana tina”, nino Pedro cūhure peresu yoaha. Tí dachorire būcūaerari pāore ti chūhti bōse nūmūri pascua jiha.

4 Ā jiro Herode Pedrore ñaha, peresu yoaha. Peresu yoa diez y seis surarare cohta dutiha tirore. Pititiaro surara cohtaha tirore. Baharo pititiaro ti cohtotaina tirore cohta mūjaa tiha. Āta yoaha tina diez y seis surara. Herode sehe pascua baharo Pedrore peresupu jirirore masa panoi duhu dapo duamaha tirore wajā dutiro taro. 5 Ā jiro Pedro peresupu jiha. Tópu to jichū Jesu yaina sehe Cohamacure tuaro sini payorucua niha tirore.

### Cohamacu peresupu jirirore Pedrore wioha

6 Ñ yoa ñamine Pedro puaro surara mehne comaa dari mehne ti dũhteriro jiha. Ñ ti dũhteriro jiro, ti watoi carĩno niha. Ñ yoa paina surara sopacai cohtarucua niha tirore. Tĩ ñami bohrearo Herode Pedrore judio masa panoi duhu dapu duamaha tirore wajã dutiro taro. 7 Wacũenoca Cohamacu yairo anjo Pedro cahai to ducuchũ to peresu jiri tahtia buhria pihtia wahaha. Ñ jiro anjo Pedro cahai ducuro Pedro patipahmai be careha, tirore wahcõno.

—Cjero wahcãrucaga —niha tiro Pedrore.

To ã nichũta to wamomacarine ti dũhtea dari comaa dari parĩ site boraah wahaha. 8 Ñ yoa anjo tirore õ sehe ni yahuha:

—Tũã dihoga mũ tũã dihori dare. Mũ dahpo suhti cũhũre sãaga —niha tiro.

To ã nichũ Pedro sehe to niriro seheta yoaha.

—Mũ bui macari suhtirore sãa, yũhũ mehne wahaga —niha anjo.



9 To ã nichũ tí tahtiapũ jiriro wijaa, anjo baharo wahaa wahaha tiro. Ñ wahaparota õ sehe ni tũhotumaha tiro. “¿Ahri potocã jieracari? ¿Cahãi nicari yũhũ?” ni tũhotumaha tiro.

10 Ñ yoa tina to jiri tahtia sopacai ducuína surarare yũhdũ wahcã, paina yoawacũno ducuína cũhũre yũhdũ wahcã, pjiri sopacaru sũha. Tĩ sopa pahma, comaa pahma macaru wahari mahare dũcatari pahma jiha. Tĩ sopa pahma to mũ sũro

parĩchũ tina wijaa wahaha. Wijaa waha, tina mahapũ mahano wahachũta, anjo sehe buti mũa wahaha. 11 Ǻ jiro Pedro cũirota tjuaha. 11 Ǻ tirore anjo to wahari baharo to yoirire Pedro masiha. Ǻ sehe ni tũhotuha tiro. “Potocǻ tjira. Anjo Cohamacũ to warocariro peresupũ jirirore yũhũre wioro wihihre. Mĩpũ tíre masija to ǻ yoirire. Judio masa sehe yũhũre ti ñano yoaborire Cohamacũ sehe tinare yoa dutierare. Ǻ jiro yũhũre, Herode to peresu yoirirore wiohre”, ni tũhotuha Pedro.

12 To ǻ ni tũhoturi baharo María João pocoro ya wũhũpũ sũha Pedro. João sehe pa wama Marco wama tira. Tí wũhũpũ masa payũ cahmachu, Cohamacũre sinia niha. 13 Tí wũhũpũ sũro, Pedro sopa pahmare dotaha. Cũcoro ti cahamacono Rode wama tiricoro to dotachũ tũhoro, ñũno sũha ticoro. 14 Ǻ yoro Pedro ticorore to pisuchũ tũhoro to durucuare tũho masi, tuaro wahche, sopa pahmare pjõoboricoro pjõoeraha. Pedro tói to ducuchũta ticoro majaregũca mũroca sãa wahaha painare yahuro waharo.

—Pedro sopacapũ wihihre —ni yahuro sãaha.

15 To ǻ nichũ tũhoa, tí wũhũi jiina sehe:

—Ǻ ninocaco nica mũhũ —niha tina ticorore.

—Potocǻ tjira. Potocǻ nicota nija —niha ticoro.

To ǻ nichũ tũhoa:

—Tiro jieraca. To yairo anjo wihiro nica —nimaha tina sehe.

16 Ti ǻ nino watoi Pedro sopa pahmare ǻta dotarucuro niha. To ǻ yoachũ tũhoa, tina sopacare pjõo, tirore ñũ, cũaa wahaha. 17 Ǻ jiro tiro Pedro to wamomaca mehne “Dihta mariaha” ni, Cohamacũ peresupũ tirore to wiorire yahuha tinare:

—Ahrire yahuga mũsa pũhtoro Santiagore, paina Jesu yaina cũhũre —niha tiro.

Ǻ ni yahu tuhsũ tiro pa sehẽpũ yũhdũ wahcãa wahaha.

18 Ǻ yoa bohrea bora tachũ surara Pedro to dohse yoa wijaarire ne masieraha. Ǻ masieraa cũaa wahaha. 19 Ǻ jiro Herode Pedore maca dutimaha. Ǻ dutiro tiro surarare peresu cohtainare to sinituri baharo tinare wajã dutiha Herode sehe. Ǻ jiro Herode Judeapũ jiriro waha, Cesareapũ jiro wahaha.

### Herode yariaa wahaha

20 Ǻ yoa Tiro wama tiri maca macaina mehne, Sidõ macaina mehne Herode sehe suaha. To ǻ suachũ ñũa tí macari macaina

sehe Herode tina mehne to suarire cahnoa waha, tiro mehne durucua wahaha. Ñ jia to docai jiro puhtorore Blasto wama tirirore piti tiha. Ñ jia tina Blasto to yoadohoro mehne Herode cahapũ sũha. Tiro cahapũ sũa, õ sehe niha:

—Mari noano jijihna. Mari basi ñũ tuhtiena tjjihna —ni siniha tina Herodere.

Tina ya yahpa macaina Herode ya yahpai chũare boca tiha. Ñ jia Herode tinare ñũ tuhtichũ cahmaeraha tina. **21** Ñ yoa Herode to quihõri dachoi, puhtoro to sãa suhti noaa suhtire sãa tiha tiro. Ñ sãano tiro to dujiroi dujitjiãhno, masare durucu ñoa tiha. **22** To ã durucu ñochũ tũhoa masa sehe õ sehe ni sañurucuha:

—Ahiro durucuro masũno jierara. Cohamacũ jira —ni sañurucu payomaha tina Herodere.

**23** Ti ã nichũta Cohamacũ yairo anjo Herodere dohatichũ yoaha. Cohamacũre ño payoeraro, “Cohamacũ jieraja yũhũ”, ne nieraha Herode. To ã nierari buhiri anjo tirore dohatichũ yoaha. To ã dohatichũ tirore dachoa chũ wajãnocaha.

**24** Ñ yoa Jesu yaina payũ masare Jesu ya buheare buhe tiha.

**25** Ñ jia Bernabé, Saulo mehne buhe tuhsũ, Jerusalẽpũ tjuaa wahaha. Ñ jia João Marco wama tirirore tina na wahcãha tina mehne.

### Jesu yaina Bernabére Saulo cũhũre Cohamacũ yare buhe dutia warocaha

**13** <sup>1</sup> Tí pjare Antioquíapũ Cohamacũ yaina mehne macaina Cohamacũ durucua yahu turiaina jiha. Ñ yoa Cohamacũ to joa na dutiri cjirire, Jesu yaina ti yoaa tiare yahuina cũhũ jiha. Bernabé, Simo Negro wama tirore, Lucio Cirene macariro, Menahem, Saulo mehne tina jiha. Menahem sehe puhtoro Herode cjiro mehne tina puaro cũno potori bũcũaina jimaha. <sup>2</sup> Cũ nũmũ tina Jesu yaina chũ duhu, Cohamacũ yare ti buhero watoi Espiritu Santo õ sehe ni yahuha tinare:

—Bernabére, Saulo mehne cũga yũ cahmano sehe yoahinare. Tíre yoahinare bese cũi nija tinare —niha Espiritu Santo.

<sup>3</sup> To ã nichũ tina sehe chũ duhu namo, Cohamacũre sini, Bernabé dapu bui Saulo dapu bui ti wamomacarine duhu payoha. Ñ duhu payoa tinare buhe dutia warocaha.



### Chiprepu Jesu to cūrīna buheha

4 Ñ jia tina Espírītu Santo to warocaina jia, Seleuciapu su, tí macare dohorīapu samu, Chipre wama tiri nūcopu pahāha tina. 5 Ñ pahāa, Salamina wama tiri pitamahapu wahā sūha. Tí macai judío masa buhea wūhūsepū, Cohamacu yare yahu dūcaha tina. Ñ yoa João Marco cūhū tina mehne jiro, tinare yoadohoha. 6 Tuhsu, tina tí nūco sohtoai maja, tí nūco topai jiri macapu Pafu wama tiri macapu sūa, yairore boca sūha tina. Tiro judío masūno, Barjesu wama tiro jia. Barjesu griego ya mehne nia Elima ti ni pisuriro jia. “Cohamacu yare yahu mūhtarīro jija yūhū” ni, masare mahñoperucuriro jia tiro. 7 Ñ yoa tiro Sergio Paulo wama tiro mehne macariro jia. Sergio Paulo sehe tí nūco macaina pūhtoro masi pahñoriro jia. Ñ jiro Cohamacu yare tūho duaro tinare Bernabé, Paulo mehne pjirocaha tiro. 8 Wiho mejeta Elima yairo sehe tinare buhe dutieraha. Tiro Sergio Paulo Jesu yare to ño payochū cahmasāaeraha yairo sehe. Ñ jiro Sergio Paulore Cohamacu yare cohā dutiro nimaha. 9-10 To ã dutipachūta Saulo, Paulo ti niriro Espírītu Santo dutiare yoariro jiro yairore noano ñū diho cū tirore ò sehe ni yahuha:

—Mūhū mahñoa payūriro, ñariro, watīno to dutiare yoariro, noare ñū yabiriro jira mūhū. ¿Dohseacu Cohamacu yare “Ñaa jira. Mahñoa jira”, ã nirucujari mūhū? 11 Mūhū ã yoariro jicu Cohamacu mūhūre to pihachū capari bajuerariro jiihca mūhū. Ñ jicu mahaa dachoricā mūhū ahri dachore ñūsinisi —niha Paulo.

To ã nichūta tiro yairo sehe me yoaro sehe jiare ñū mūhtano, baharo nahitiano dihtare ñūha. Ñ jiro tirore tūāhtirore macaha tiro. 12 To ã wahachū ñūno, Sergio Paulo sehe Jesu yare “Potocā tjira”, ni masiha. Mari pūhtoro yare tiro tūho, cūaa waha, Jesure wacū tua dūcaha.

### Paulo Bernabé mehne Antioquíai Pisidia yahpai jiri macai jia

13 Ñ yoa Paulo cūhū Pafopu jiina dohoria mehne pahā turia waha namo, Pergepu sūha. Perge Panfilia yahpapu jira. Tópu su, João Marco tinare cohā wahcā, Jerusalēpu majare tjuaa wahaha. 14 To ã wahapachūta tina sehe Pergepu jiina waha namo, Antioquíapu sūha. Antioquíai Pisidia yahpapu jira. Tópu sūa, Sabado dacho jichū tina judío masa buheri wūhūpu sūa

sɛ, tóprɛ dujiha. <sup>15</sup> Tí wɛhɛ macaina pɛhtoa Cohamacɛ dutiare, Moise cjiro masare to cūrire, ã yoa Cohamacɛ yare yahu mɛhtaina cjiri ti joari cjirire ti buhe ñori baharo tina pjirocaha Paulo cūhɛre:

—Coyea, ¿masare wahchechɛ yoahiti cjihti mɛsa yahu duaa jijari? Tíre yahu duana, yahuga michapucacã —niha tí wɛhɛ macaina pɛhtoa.

<sup>16</sup> Tí ã nichɛ tɛhoro, Paulo wahcãrɛcɛ sɛ, “Durucuena tjiga”, nino to wamomaca mehne cã tuha. Tí dihta mariachɛ ñɛ, tiro õ sehe niha:

—Israe masa, ã yoa mɛsa Israe masa jieraina, Cohamacɛre ño payoina, tɛhoga mɛsa. <sup>17</sup> Mari ñɛchɛsɛma cjiri Cohamacɛre ño payoa tiha. Tina cjirire Cohamacɛ besea tiha. Æ jia mari ñɛchɛsɛma cjiri yoari pja Egiptopɛ jia tiha paina jipahta. Tóprɛ ti jichɛ Cohamacɛ noano yoaa tiha tinare. Æ jia payɛ masaputia tiha tina. Õ sehe yoaa tiha tinare. Tinare Egiptopɛ jiiinare to tuaa mehne wioa tiha Cohamacɛ. <sup>18</sup> To ã wiori baharo tina cuarenta cɛhmari waro masa marienopɛ tinia tiha. Tóprɛ tirore ti yɛhdɛrɛcachɛ Cohamacɛ ãta tɛhotunocaa tiha. <sup>19</sup> Tuhsɛ, Canaa wama tiri yahpɛrɛ siete curuari macainare cohã tuhsɛ, Cohamacɛ tí yahpare waa tiha Israe masa sehere. <sup>20</sup> Israe masa Egiptoi ti ji dɛcachɛ, pɛ Cohamacɛ ahri yahpare to wachɛpɛ cuatrocientos cincuenta cɛhmari waro yɛhdɛa tiha. Baharo Israe masare dutihtinare cūa tiha Cohamacɛ tinare. Pɛ, Cohamacɛ to cūrina Samue to jichɛpɛ ji batoa tiha. Samue sehe Cohamacɛ yare yahu mɛhtariro cjiro jia tiha.

<sup>21</sup> Baharo Israe masa sehe ti pɛhtoro cjihtore macaa tiha. Æ jia Cohamacɛre sinia tiha. Tí ã sinichɛ ñɛno Cohamacɛ Saulo cjirore cūa tiha tinare. Saulo cjiro Cis macɛno jiro, Benjami ya curua macariro jia tiha. Æ yoa cuarenta cɛhmari waro ti pɛhtoro jiltiro cjihtore cūa tiha Cohamacɛ tiro cjirore.

<sup>22</sup> Cohamacɛ Saulo cjirore to cohãri baharo Davi cjirore cūa tiha tiro. Õ sehe nia tiha Cohamacɛ Davi cjirore: “Davi Jesé macɛnore bocahi yɛhɛ. Tiro mehne wahcheja yɛhɛ. Tiro yɛ cahmaare yoarohca”, nia tiha Cohamacɛ. <sup>23</sup> Ahriro Davi cjiro to panamino ji turiariro jira Jesu. Cohamacɛ Jesure cūri jire Israe masare yɛhdohtiro cjihto. “Masare noano yoaihca”, niha Cohamacɛ. To niriro seheta yoare tiro. <sup>24</sup> To ã yoahito pano Jesu to tahto pano João cjiro õ sehe ni buheri jire: “Mɛsa ñaa tɛhotumari cjirire tɛhotu cohtota, Cohamacɛre macaga.

Ã yoana bautisarina jiga”, ni buheri jire Joã cjiro jipihtina Israe masare. 25 Joã cjiro to buhe batohto pano, to yariahto pano õ sehe ni yahua tiri jire: “¿Diro baro jijari yũhũ, mũsa tũhotuchũ? Cristo jieraja yũhũ. Pairo jija. Ã jipachũta tũhoga yũhũre. Yũ baharo yũ yũhdoro tuariro tarohca. Tiro noa yũhdũariro jira. Tiro yoaro sehe jieraja yũhũ”, ni yahuha Joã cjiro masare.

26 'Coyea, Abrahã panamana, jipihtina Cohamacũre cua pisaro ñũina marine ahri to yũhdohtore yahua buheare warocari jire Cohamacũ. 27 Jerusalẽ macaina ti pũhtoa mehne Sabado dachori jichũ Cohamacũ yare yahu mũhtaina cjiri ti joarire buhepahta noano tũho ñahaerari jire. Ã tũho ñahaera, Jesu tinare yũhdohtiro to jichũ cũhũre masierari jire. Tina ã masierapahta Jesure wajã dutiha. Ã yoaa Cohamacũ yare yahu mũhtaina cjiri ti joariro seheta yoaa niha. 28 Tirore ti wajãhto pano tina Jesure yahusãmaha. Wiho mejeta to ñaa yoerapachũta tina Pilatore Jesure wajã dutia taa, siniha. 29 Ã yoaa, panopũ ti joariro seheta Jesure yoa tuhsũ, tirore crusapũ jirirore na boro, masa copapũ tãcai ti sahari copapũ na sãa, duhu payoha tirore. 30 Tirore ti ã wajãpachũta tiro to yariari baharo Cohamacũ masori jire tirore. 31 Ã jia Galileapũ taina Jerusalẽpũ tiro mehne sũina payũ dachori tirore yaria masa bajuarirore ñua tiri jire. Ã jia mipũre tirore ti ñũire masare yahuhre tina.

32-33 'Ã jina noaa buheare yahuja sã mũsare. Cohamacũ mari ñũchũsũma cjirire “Masare noano yoaihca”, panopũ to niriro seheta mipũre marine tinare ji nũnũ ti turiainare yoahre. Tĩre to yahuri cjirire õ sehe yoahre tiro. Cohamacũ Jesure masori jire. Ã jina Jesure to masorire yahuja mũsare. Salmo capítulo dosre panopũ to joariro seheta ã wahari jire: “ ‘Mũhũ yũ macũ jira. Michare mũhũre yũhũ mũ Pũcũ jiare masichũ yoahi’, nina Cohamacũ to macũnore”, ni joaa tiha panopũ. 34 Ã jiro Cohamacũ Jesure to masohtire pari turi to yariaerahtore yahuyuro õ sehe ni yahu joaa tiha Salmo joariro. “ ‘Davire yũ pja ñũriro seheta tirore yũ niriro seheta potocãta noano yoaihtja mũsa cũhũre’, nire Cohamacũ”, ni joaa tiha. 35 Tuhsũ, pa Salmo cũhũre õ seheta ni yahua tiha: “Cohamacũ mũ yairo ñaa buhiri marieriro to pjacũre baa dutierara mũhũ”, ni joaa tiha. 36 Ã jiro Davi Cohamacũ to cahmariro seheta to jisiniri pja macainare yoadohoha. Baharo

tiro yariaa wahaha. To yariari baharo to p̄c̄s̄um̄are ti yoariro seheta masa copap̄ siō s̄āaha tiro c̄ūh̄ure. ã jiro tiro baa wahaha. 37 To ã baapach̄ta ahr̄iro, Cohamac̄u to masor̄iro sehe ne baaerare. 38 ã jina m̄sa ȳu coȳea ahr̄ire mas̄iga: Jesu to yariaro mehne Cohamac̄u mari ñaa yoari buhiri tiare to coh̄āht̄ore m̄sare yahuja s̄ā. 39 ã jiro Jesure wac̄ū tuinare Cohamac̄u ti ñaa ñano yoaa, buhiri tiare bonocanohca. Wiho mejeta Moise c̄jiro to c̄ūri dutiare m̄sa yoari mehne m̄sa ñaa yoari buhiri tiare ne coh̄āsi Cohamac̄u. 40 ã jina noano yoaga. M̄sa noano yoaerach̄u Cohamac̄u yare yahu m̄ht̄aina c̄jiri ti joariro seheta m̄sare wahaboca. Õ sehe ni joaa tiha:

41 “T̄uhoga m̄sa.

Cayōa paȳuina, ȳuh̄ure ñ̄u tuhtiina jira m̄sa.

Ȳu ò sehe yoach̄u cuiga m̄sa.

ã jina p̄chac̄ap̄u wahaga.

M̄sa jia dach̄or̄ire m̄sare yoa ñoiht̄ja.

Ȳu ã yoa ñoch̄u ñ̄up̄anahta ‘Potoc̄ã t̄jira’, nisi m̄sa.

Pair̄o tíre m̄sare to noano yahupach̄ta ‘Potoc̄ã t̄jira’, nisi m̄sa”,

ni joaa tiha Cohamac̄u yare yahu m̄ht̄ar̄iro c̄jiro —ni yahuha Paulo tinare.

42 To ã ni yahuri baharo judio masa buheri w̄uh̄up̄u ti wijaari baharo, masa sehe tinare ò sehe ni siniha:

—Pa somanap̄u Sabado jich̄u s̄āre ahr̄ire buhega t̄joa —ni siniha tina Paulore.

43 ã yoa tí w̄uh̄up̄u jirina wijaa, judio masa paȳu, judio masa jieraina c̄ūh̄u Paulo c̄ūh̄u mehne wahaha. Judio masa jieraina sehe judio masa yare Cohamac̄u warore ti ño payoa tiare buheina jiha. Ti ã wahach̄u Paulo, Bernabé mehne noano yahuha tinare: “Cohamac̄u m̄sare cah̄ina. ã jina tirore ño payoina, wac̄ū tuaina ã jirucuga m̄sa”, ni buheha tina.

44 ã yoa pa somanare Sabado jich̄u jipiht̄ina Jesu yare t̄ho duaina cahmachuha. 45 Wiho mejeta judio masa sehe paȳu masare Jesu yare t̄ho duinare ñ̄ua pahsu tia wahaha. ã pahsu tia tina soro ni durucu, Paulore ñano quit̄i dojomehneha. “M̄sare to buhea potoc̄ã jierara”, niha tina. 46 Ti ã nich̄u t̄ho, Paulo, Bernabé mehne tinare quit̄i dojomehnerinare cuiro marieno ò sehe ni yahuha:

—Cohamac̄u to dutir̄iro seheta m̄sare buhe m̄ht̄amahi s̄ā. Wiho mejeta m̄sa sehe tíre cahmaera tuhs̄uh̄re. Cohamac̄u

catia mehne ã catirucua cũhũre cahmaera tuhsũhre mũa. Æ jina sã sehe judio masa jieraina sehere buhe dũcanahca. 47 To joa dutiri cjiri mehne õ sehetã dutiha Cohamacũ sãre:

“Mũa judio masa jierainare buhena tinare yũ yare noano masichũ yoanahca mũa.

Æ jicũ ahri yahpa mũ sũro macainare mũa buhechũ, noano yũhũre wacũ tuaina sehere pichacarpũ wahaborinare yũhdoihca yũhũ”,

ni yahu dutiha sãre Cohamacũ —ni yahuha Paulo, Bernabé mehne.

48 Ti ã nichũ tũhoa judio masa jieraina sehe wahcheha. “Cohamacũ ya sehe noaa jira”, niha tina. Tópeina Cohamacũ to cahmaina, to catia mehne ã catirucua to wa duarina Jesure wacũ tua dũcaha. 49 Æ jia mari pũhoro Cristo yare tí yahparũre yahu site pahũoha. 50 Ti ã yahu site pahũochũ ñũa judio masa ji coaeraha. Æ jia tina Paulo cũhũre ñãno durucuha. Tórpũ Cohamacũre ño payoa numia, masa ti cua pisaro ñũa numia jiha. Æ jia judio masa Paulo cũhũre ñãno durucuha. Ti ã ni durucuchũ tũhoa tí numia Paulo mehne, Bernabé mehne cũhũre suaha. Æ yoa tí maca macaina pũhtoa cũhũ tina mehne suaha. Æ suaa tó macaina ñãno yoaha Paulo cũhũre. Ti ã yoari baharo Paulo cũhũre ti ya yahpai jiiare cohã wioha. 51 Ti ã yoachũ ñũa Paulo, Bernabé mehne ti dahpori macaa dihta pohcarire cjã site boro cũha tí maca macaina ti ñãa yoari buhiri tiare ñoa. Æ yoa tuhsũ tina Iconiopũ wahaa wahaha. 52 Æ yoa tina Jesu yaina pjíro wahchea, Espíritu Santo dutiare yoaina jiha.

### Paulo, Bernabé mehne Iconioi jiha

**14** 1 Æ yoa Iconiopũ sũ, Paulo Bernabé mehne judio masa buheri wũhũrpũ sãa, Jesu yare noano durucu mihnia mehne yahuha. Æ jia payũ masa Jesure wacũ tua dũcaha, judio masa cũhũ, judio masa jieraina cũhũ. 2 Wiho mejeta judio masa Jesure cahmaeraina cũhũ tina mehne jiha. Tina judio masa jierainare Jesu yaina mehne ti suachũ yoaha tjoa. Ti ã yoachũ judio masa jieraina ñãno tũhotuha Jesu yainare. 3 Ti ã tũhotuchũ ñũa Paulo, Bernabé mehne tórpũ yoari pja jia, cuiro marieno mari pũhoro Jesu yare noano buheha. Cohamacũ masare to cahĩare buheha. Æ buhea Cohamacũ to tuua mehne yoa ñoha tina, “Ahri buhea potocã tjira”, nia. 4 Wiho mejeta tí

maca macaina dacho macai judio masa ya buheare cahmaina tjuaha. Dacho macaihta Jesu ya buheare cahmaina cūhũ tjuaha. Tina p̄na curua tjuaha. <sup>5</sup> ã jia judio masa jieraina, judio masa ti p̄h̄toa mehne Jesu to cūrinare ñano yoa duama, tãa mehne doca wajã duamaha tinare. <sup>6</sup> Ti ã yoa duarire masia, Paulo Bernabé mehne Licaonia yahpap̄ duhti wahcãa wahaha. Tí yahpai jia macarip̄ Lистра, ã yoa Derbep̄ sũha. <sup>7</sup> Tóp̄ sũa, noaa buheare buheha tjoa tí macari macainare, tó cahai jiina cūh̄ure.

### Listrai Paulore tãa mehne docaha

<sup>8</sup> ã yoa Listrai tini masierariro jiha. Tiro wahma masa bajarop̄ta tini masierariro jiro ne tinieraa tiha. <sup>9-10</sup> ã jiro tiro Paulo to buhechũ tũhoha. To tũhoro watoi Paulo sehe tiro dihtare ñũha.

—Ahr̄iro Jesure wacũ tuara. ã jiro tiro noariro waha duara —ni tũhotuha.

ã ni tũhoturo tuaro mehne durucut̄jiãhno ò sehe niha Paulo tirore:

—Wahcãrucaga —niha Paulo tirore.

To ã nichũ tũhorota tini masierariro sehe pu s̄rucũ sũ, wahaa wahaha. <sup>11</sup> Paulo to ã yoachũ ñũa masa ti ya mehne, Licaonia ya mehne ò sehe ni sañurucuha:

—Ahr̄ina cohamana, m̄na yoaro sehe bajuina m̄nanop̄r̄ jiina mari cahap̄ duji tari jira —ni sañurucuha tina.

<sup>12</sup> ã jia tina cohamanare ti ni pisua wamari mehne tinare ni wama pisuha. Tina Bernabé “Zeus”, ni pisuha. ã yoa Paulo buhe m̄htariro to jichũ ñũa, “Hermes”, ni pisuha tina tirore. <sup>13</sup> ã jiro Zeusre ño payoina ya wũhũ tí maca dũhtũ cahai jiha. ã jiro Zeus yaina ti sacerdote sehe wachũare cohor̄i mehne macap̄r̄ sãa tari sopaca cahap̄r̄ na taha. Zeusre ño payo duaro to wachũare jũ m̄nono, Paulore, Bernabé wa duamaha tiro, to masa mehne. <sup>14</sup> Ti ã yoachũ ñũa Paulo, Bernabé mehne ti basi ti ya suhtire tũhr̄erocaha tí cahyaare masare ñoa. Tũhr̄eroca tuhsũ masa watoi m̄urocaa, ò sehe ni sañurucu wahcãha tina:

<sup>15</sup> —M̄sa ò sehe yoaena tjiga. Sã cūhũ m̄sa yoaro seheta masa jija. Ò sehe m̄sa yoaa ne yaba cjihti jierara. ã jina m̄sare buhena tahi m̄sa ò sehe yoare duhu dutina tana. Ahri cohamana m̄sa niare, m̄sa yoaa, wiho jia mas̄ri jira. Tí mas̄rine cohãga. ã jina Cohamac̄ure catiriro sehene ño

payoga. Cohamacu sehe muanore, yahpare, pjiri mare, jipihtiare yoariro jira. **16** Panopure tiro jipihtia macari macaina ti yoarire ã ñnocaha. **17** Wiho mejeta tiro to jia tiare ñona masare. Tiro masare noaare yoa, coro tachu yoa, dichare wa, masare chure ã warucura. To ã wachu masa wahchera. Tó seheta tiro to jia tiare ñona masare —niha Paulo, Bernabé mehne.

**18** Wiho mejeta ti ã nichu tuhopahta masa wachure waja jũ muo tinare ño payo duamaha. Tó sehe ti ño payo duachu ñna tinare ã yoa dutieraha Paulo cãhu. Ti ã yoare duhu duaerapahta duhuha tó macaina sehe.

**19** ã yoa paina judio masa Antioquia macaina, Iconio macaina cãhu Listrapũ suha. Tópũ su, Paulore ñano durucuha tjoa judio masa. Ti ã ni durucuchu tuhoa masa tiro mehne suaha. ã suaa tãa mehne docaha tireore. Tãa mehne tireore doca tuhsu “Ahriri yariaa wahara” nia, tí maca dũhtu cahapũ tireore waja su cũnoca, waha wahaha. **20** Ti ã yoari baharo Jesu yaina Paulore ñna wahaha. Tiro cahai ti cahmachurucu sũchu waro Paulo wahcãruca, tina mehne macapũ waha wahaha. ã yoa pa dachoi tiro Bernabé mehne Derberũ wahaha.

**21** Tópũ su, tina noaa buheare tó macainare ti yahuri baharo, payu masa Jesure wacũ tuaina ji dũcaha. ã yoa baharo tina ti su macaripe Listra, Iconio, Antioquiapũ majare tjuaa wahaha. **22** Tí macaripũ su tí macari macainare Jesu yainare noaa buheare yahua, tinare noano yajeripohna tichu yoaha. ã Jesure wacũ tuarucu dutia õ sehe ni yahuha tinare:

—Cohamacu to jiropure mari suhto pano, tuaro marine ñano yũdũro cahmana —ni yahuha.

**23** ã jia macaripe macainare Jesu yainare ti puhto cjihtire cũha Paulo Bernabé mehne. Cũ tuhsu, ti chu duhuri baharo Cohamacure õ sehe ni sini payoha:

—Puhtoro, ahrina mu yainare ñu wihboga —ni sini payoha tina Cohamacure ti wacũ tuaritore.

**Paulo Bernabé mehne Antioquiapũ ti  
ji muhtari macapũ tjuaa wahaha**

**24** Ti ã yoari baharo tina Pisidia yahrapũ jirina cjiri waha wahaha Panfilia yahrapũ. **25** Tópũ su, Pergepure tina buhe tuhsu Atalia wama tiri macapũ waha wahaha. **26** Tí macapũ su, Antioquiapũ tjuaa, dohoría mehne pahã wahaha. Tí

macaihta panopu ti jisnichu Jesu yaina Cohamacu yare buhe dutia Paulo cūhure warocaha. Æ warocaa:

—Cohamacu mu cahia mehne ahnare nu wihboga —ni warocaha tina.

Æ tju sua tinare ti buhe dutirire buhe tuhsuha Paulo, Bernabé mehne. <sup>27</sup> Antioquiapu ti tju suri baharo Jesu yaina mehne cahmachu, Cohamacu to tuua mehne ti yoirire yahu pahnoha tina. Judio masa jieraina cūhu Cohamacu yaina ti waharire yahuha tina. <sup>28</sup> Æ jia Paulo cūhu tópru Jesu yaina mehne yoari pja jiha.

### Jerusalēpu Jesu yaina cahmachuha

**15** <sup>1</sup> Æ yoa Judea yahpa macaina mahainacā Antioquiapu sua, Jesu yainare õ sehe ni buhe dūcaha tina:

—Cohamacu to dutiare Moise cjirore cūno õ sehe ni cūha. Jipihtina ti pjacure mahari cahsarocāre ti yihsohtore yahu cūha Moise cjirore. Musa tíre yoerachu Cohamacu musare yuhdosi —ni buheha tina tó macainare.

<sup>2</sup> Ti ã ni buhechu tuhoa Judea yahpa macaina sehe cahma sayoha Paulo cūhure Bernabé mehne. Ti ã cahma sayori baharo Jesu yaina sehe Paulore, Bernabére paina tó macaina cūhure Jerusalēpu warocaha. Judea yahpa macaina ti buherire Jesu to cūrinare Jesu yaina puhtoah cūhure sinitu nu dutia warocaha Paulo cūhure.

<sup>3</sup> Æ jia Jesu yaina tinare ti warocachu waha, Fenicia yahpare su, yuhdu wahcā, Samaria yahparu suha. Tí macaripu sua, judio masa jieraina Cohamacu yare ti cahma dūcarire yahuha tina tó macainare. Ti ã yahuchu tuhoa tó macaina Jesu yaina tuaro wahcheha.

<sup>4</sup> Æ yoa tina Jerusalēpu ti sachu nuha tó macaina Jesu yaina, Jesu to cūrina, to yaina puhtoah mehne wahchea mehne noano piti bocaah tinare. Ti ã piti bocachu Paulo, Bernabé mehne Cohamacu to tuua mehne ti yoirire yahuha tina Jerusalē macainare. <sup>5</sup> Wiho mejeta tópu fariseo curua macaina Jesu yaina mahainacā jiha. Æ jia tina tópru wahcārca, õ sehe ni yahuha:

—Tinare judio masa jierainare ti pjacure mahari cahsarocāre yihsoro cahmana. “Cohamacu Moise cjirore to dutirire yoaga musa cūhu”, nino cahmana tinare —niha tina fariseo curua macaina cūhu.



6 Ti ã nichu tãhoa Jesu to cõrina, to yaina puhto mehne ti ã nirire cahnoa taa, cahmachuha. 7 Æ cahmachua tina payu ti durucuri baharo Pedro wahcãruca, õ sehe ni yahuha tinare:

—Coyea, panopu yuhure musa mehne jirirore Cohamacu õ sehe yoa dutiro yuhure cõre. Tiro yuhure noaa buheare judio masa jierainare yahu dutiro cõre. Tinare Jesure wacũ tua dutiro yuhure tinare buhe dutire. 8 Cohamacu masa ti tãhotuare masina. Æ jiro tiro judio masa jierainare to yaina to yoirire ñono taro tiro Espõritu Santore ware tinare, marine to yoiriro seheta. 9 Æ waro tiro marine tina cõhure cõno potori noano yoare. Tina tirore ti wacũ tuachu ti ñaa buhirire bore tiro. 10 Mari sehe Cohamacu Moise cjirore to cõri dutiare cõno pjaeraja. Mari ñuchusuma cjiri cõhu cõno pjaeraha. ¿Æ mari cõno pjaerapachuta dohse yoana Jesu yainare judio masa jierainare tãre yoa duti duajari musa? Æ yoa dutina Cohamacu tinare to yoirire “Quihõno wahaerara”, nina nica musa. 11 Wiho mejeta õ sehe sã tãhotuja. Mipure judio masa jieraina yoaro seheta mari cõhure mari puhtoro Jesu cahã mehne Cohamacu yãhdorohca. Dutiare mari yoaa mehne marine yãhdosi —niha Pedro tinare.

12 To ã nichu tãhoa jipihtina dihta mariea wahaha. Ti ã dihta mariachu Paulo, Bernabé mehne judio masa jieraina watoi Cohamacu tuaa mehne ti yoa ñorire yahuha tinare.

13 Æ ti yahu tuhsuri baharo Santiago õ sehe ni yahuha:

—Coyea, tãhoga yuhure. 14 Cohamacu judio masa jierainare to yaina cjihtire to coã yoirire yahu tuhsure Pedro. 15 Panopu macaina Cohamacu yare yahu mũhtaina cjiri ti yahuro seheta ã wahare judio masa jierainare. Õ sehe ni Cohamacu yare joaa tiha tina:

16 “Panopu Davi cjiro ya curua macaina ti puhto jiri cjiri pihtia wahare.

Baharo tjua taihca yuhu.

Æ jicu pari turi to ya curua macarirore puhtoro sõihca.

17 Yu ã yoi baharo jipihtina paina judio masa jieraina yuhure puhtoro tiahca tina.

‘Yu yaina jiga’, yu ni pjirocarina sehe yuhure cahmaahca.

18 Æta nina mari puhtoro.

Panopu tiro ahrire masare yahua tiri jire”, ni joaa tiha Cohamacu yare yahu mũhtaina cjiri.

19 'Á jicü õ sehe ni tũhotuja yũhũ. Judio masa jierainare Cohamacü yare wahma cahma dũcainare payü yoa dutiena tjjijhna mari. 20 Wiho mejeta tinare joa, warocajihna mari. Õ sehe ni joarocajihna: “Ñaa chũare, ‘Cohamacü jira’, ti nia masũrine ti waa chũare chũena tjiga. Tuhsũ, numia mehne ñano yoaena tjiga. Numia cũhũ mũa mehne ñano yoaena tjiga. Á yoa wamũa ti ñaha wajãinare wahiquinare chũena tjiga. Dire sihniena tjiga”, ni yahu joarocajihna. 21 Yoari pja judio masa buhea wũhũsepũ Sabado jichũ Cohamacü Moise cjirore to cũri dutiare buhea tire masa. Á yoa jipihtia macaripũ Moise cjiro to yahuare buhea tire. (Á jina yũ niriro seheta judio masa jierainare Jesu yainare joarocajihna, judio masa sehe tina mehne “Suari”, nina) —niha Santiago.

22 Tí pjare Jesu to cũrina, Jesu yaina pũhtoa, jipihtina Jesu yaina mehne pũaro tina mehne macainare beseha ti warocahtinare. Antioquíapũ Paulo, Bernabé mehne ti wahachũ wahahtinare tinare bese warocaha. Á jia tina Judare, Sila mehne warocaha. Juda sehe Barsaba pũaro wama wama tiha. Ti coyea Jesu yaina tinare ño payoha. 23 Tinare ti beseri baharo Jesu yaina joarocari pũre warocaha tina mehne. Õ sehe ni joaha tina:

“Jesu to cũrina, to yaina pũhtoa, mũsa coyea Jesu yaina mehne sã noa dutija mũsare. Jipihtina judio masa jierainare Antioquíapũ, Siriapũ, Ciliciapũ jiinare mũsare Jesu yainare noa dutija sã. 24 Sã mehne macaina mũsa cahapũ sũa, mũsare payü dutiare yoa dutiyuhti. Á yoaa mũsare cariboyuhti. Tina Cohamacü dutiare Moise cjirore to cũri cjiropũre, mahari cahsarocãre yihsoa cũhũre yoa dutiyuhti. Wiho mejeta sã sehe tinare tíre buhe dutina warocaerahi. 25-26 Á jina sã jipihtina cũno potori mũsa cahapũ warocahtinare sã besehi. Mari cahĩinare Paulo, Bernabé mehne Cristo Jesu mari pũhoro yare cuiro marieno ti buhechũ payü tahari paina tinare wajãmoñoha. Ti ã wajãmoñochũ mahanocã mehne yũhdũha tina. Tina mehne sã beserinare mipũre warocaja. 27 Á jina Judare, Sila mehne mũsa cahapũ warocaja. Sã joarocarire tina sehe mũsare yahuahca. 28 Espíritu Santo to wacũno seheta sã cũhũ tũhotuja. Õ sehe jira tí: Paye dutiapũre cũeraja mũsare. Ahri dutia dihtare cũnahca mũsare: 29 Ñaa chũare, ‘Cohamacü jira’, ti nia masũrine ño payo ti duhu payoa chũare chũena

tjiga. Dire sihniena tjiga. Wamũare ti ñaha wajãinare wahiquinare chũena tjiga. ̂ jina numia mehne ñano yoarena tjiga. Numia cũhũ mũa mehne ñano yoarena tjiga. Ahri yũ yoa dutierare yoerana noaare yoana nica mũa. Tó puro tjira mũsare sã yahu duaa”, ni joarocaha Jesu yaina Jerusalẽpũ jiina.

30 Tí pũre joa tuhsũ, waha Antioquíapũ wahainare. Ti wari baharo waha, Antioquíapũ sũha. Ti tópũ sũri baharo payũ masare cahmachu duti, ti joari pũre wiaha tinare. 31 Tí pũre ti buheri baharo tina yajeri sãa, noano wahcheha. 32 ̂ jia Juda, Sila mehne Cohamacũ yare yahu mũhtaina jia, yolari pja Jesu yainare Cohamacũ yare yahuha. Ti ̂ yahuchũ tũhoa, Jesu yaina sehe wahche, noano tũhotuha. 33 ̂ jia Juda, Sila mehne tópũ mahaa dachoricã ti jiri baharo Jerusalẽpũ ti tjuaa wahachũ tó macainare ti coha sitichũ, “Noano wahaga mũa”, niha Antioquía macaina. ̂ jia Juda cũhũre warocarinare noa dutirocaha. Ti ̂ niri baharo Juda sehe tjuaa wahaha. 34 [Wiho mejeta Sila sehe tópũta tjuanocaha Antioquíapũta.] 35 ̂ jia Paulo Bernabé cũhũ mahaa dachoricã tjuasiniha tí macai tjoa. Tóí tina paina payũ mehne Jesu yare buheha.

### **Pari turi Paulo noaa buheare buhe tinino wahaha**

36 ̂ yoa mahaa dachoricã baharo Paulo õ sehe ni yahuha Bernabére:

—Jipihtinare mari buhe dũcarinare “¿Dohse jijari tina?” ni, ñũna wahajihna tjoa —niha Paulo cũhũ ti basi.

37 ̂ ni tuhsũ, Bernabé sehe João Marcove tina mehne naa duamaha. 38 To ̂ naa duapachũta tó pano tiro tina mehne Panfiliapũ sũro tina mehne tjuaeraha. Ti yoaaare cũno pjaeraro tjuaa wahaha. ̂ jiro Paulo pari turi tirore naa duaeraha. 39 To naa duaerachũ ñũno Bernabé Paulo mehne pũaro ti basi cahma durucu cahno masieraa, soro dihta wahaa wahaha. Bernabé sehe Chipre wama tiri nũcopũ Marcove na pahãa wahaha.

40 Paulo sehe Silare piti ti wahcãa wahaha. Ti buhea wahahto pano Jesu yaina tinare waroca, “Cohamacũ mũsare noano ñũ wihbojaro”, niha. Ti ̂ niri baharo Paulo Sila mehne wahaa wahaha. 41 ̂ wahaa, Siria yahrapũ, Cilicia yahrapũ cũhũre sũa, tópũ Jesu yainare noano yajeripohna ti, Jesure wacũ tua namochũ yoaha tinare.

### Timoteo Paulo mehne wahaha

**16** <sup>1</sup> Ti ã yoari baharo Paulo cũhũ Derberũ, Listrapũ sũa, Timoteore boca sũa. Timoteo Jesu yairo jiro, judio masono macũno jiha tiro. To pocoro cũhũ Jesu yacorota jiha. To pũcũro sehe griego masũno jiha. <sup>2</sup> ã jia Litra macaina, Iconio macaina Jesu yaina, “Timoteo masa noariro jira”, ni yahua tiha. <sup>3</sup> ã jiro Paulo Timoteore naa duaha. Wiho mejeta tí yahpa macaina judio masa sehe Timoteo pũcũro griego masũno to jichũ masiha. ã jiro Paulo judio masare “Suari” nino, Timoteo pjacũre mahari cahsarocã yihso naha. Judio masa ti dutia ti niriro seheta yoaha. <sup>4</sup> To ã yoari baharo tina ti sũa macari macainare ti joarocari pũ macaare yahuha. Tí pũ Jesu to cũrina, to yaina pũhtoa mehne Jerusalẽpũ jiina ti joarocari pũ jiha. ã jia tí dutiare noano yahu turiaha tó macainare Jesu yainare. <sup>5</sup> Ti ã yahuchũ tũhoa Jesu yaina sehe Jesure wacũ tua namoha. ã yoa Jesure wahma wacũ tua dũcaina dachoripe payũ waha namoha.

### Paulo cahãnopũ Macedonia macarirore ñũa

<sup>6-7</sup> ã yoa Asia yahpũ sehere noaa buheare buhe dutieraha Espĩritu Santo tinare. ã jia tina Frigia yahpare yũhdũa Galacia yahpare yũhdũa, Misia yahpa dũhtũ cahai sũa. Tórupũ sũa, Bitinia yahpa sehe waha duamaha tina. Wiho mejeta Espĩritu Santo sehe tinare tóprẽ waha dutieraha. <sup>8</sup> To ã niri baharo tina sehe Misia yahpare yũhdũa, Tróaderũ buhtũ wihire. <sup>9</sup> Tórupũ ti buhtũ wihiri baharo, tí ñamine õ sehe cahãri jire Paulo. Macedonia yahpa macariro to cahai ducuchũ ñũri jire tiro. “Sãre Macedonia yahpa macainare yoadohoi taga” ni, pjiri jire tiro Paulore. <sup>10</sup> To cahãri baharo wahcã wihi, sã yare cahno tuhsũ, Macedoniapũ waha wahai sã. “Cohamacũ tí yahpũre noaa buheare buhe dutiro nina marine”, ni tũhotui sã.

### Paulo, Sila mehne Filipopũ jiha

<sup>11</sup> ã jina sã Tróaderũ jiina dohoria mehne Somatracia wama tiri nũcopũ pahã sũi sã. ã yoa pa dachoi Neapolipũ pahã wahai sã. <sup>12</sup> Tí macare yũhdũana, Filipopũ Roma macaina ya macapũ sũi sã. Tí maca Macedonia yahpai jiri maca jire. Wiho jiri maca jierare. Tóprẽ mahaa dachoricã sã jii. <sup>13</sup> Tórupũ jina

Sabado jichu sã tí maca dũhtu cahapũ, dia dũhtu cahapũ sui. Tói Cohamacu mehne ti durucuro jire. Tói dujina tói cahmachua numia mehne sũhũdui sã. **14** Cãcoro sãre tũhoricoro Tiatira wama tiri maca macaricoro Lidia wama tiricoro jire. Ticoro noaa suhti wapa tia suhtire duaricoro, Cohamacure ño payoricoro jire. ã jiro Paulo to yahuare noano tũhochu yoare Cohamacu ticorore. **15** To quihõno tũhochu ñũno ticorore to wũhu macaina mehne bautisare Paulo. To ã bautisari baharo õ sehe nire ticoro:

—“Jesu yacoro tjira mũhu cũhu”, nina mũsa yũhũre. ã jina ya wũhui sãa tasinia mũsa. Yũhu mehne tjuasinia —nire ticoro sãre.

To ã nichu tũhona to wũhui tjuasinii sã.

**16** Pa dacho Cohamacu mehne ti durucuropũ sã wahachu watĩno to cohtotaricoro piti bocare sãre. Ticoro paina cahamacono jire. Ticoro watĩno yoadohoro mehne masare “Õ sehe waharohca mũsare”, ni yahuyuricoro jire. ã yahuro pjĩro wapatabasare to pũhtoare. **17** ã jiro Paulo mehne sã wahachu, sãre nũnũ ti, saũurucure ticoro:

—Ahrina Cohamacu Jipihtina Bui Jiriro to yoadohoina jira. Cohamacu marine to noano yũhdohtire yahura tina —ni saũurucure ticoro.

**18** Payũ dachori ã ni cariborucure Paulore. To ã ni saũurucuchũ Paulo majare ñũ, õ sehe nire watĩnore:

—Jesucristo tuaa mehne dutija mũhũre. Ticorore wijaahga. Waharisa mũhu —nire Paulo.

To ã nichũta watĩno sehe waha wahare.

**19** To ã wahari baharo ticoro pũhũa sehe niñeru to wapataeraricoro to wahachu ñũa, tina Paulore, Sila cũhũre ñahare. Ñaha tuhsũ, tinare naahre tí maca dacho macapũ jiina pũhũa cahapũ. **20** ã naa wahcã, buhiri tiare cahnoina cahapũ tinare cũre tina.

—Ahrina judio masa mari ya macare cariboa nina. **21** Tina mari dutiare cohã dutia, paye buheare buhea nina. Mari ya dutiare yũhdũrucachũ yoa duaa nina. Mari Roma macaina jina ahrina ti yahua sehere yoa masieraja mari. ã jina ti buheare mari cahmaeraja —nire ticoro pũhũa buhiri tiare cahnoinare.

**22** Ti ã nichũ tũhoa masa payũ Paulo cũhu mehne sua yũhũa wahare. ã jia buhiri tiare cahnoina sehe Paulo cũhu suhtire ti tũhrẽ cohãri baharo, yucũri wasõri mehne tjana

duitire tinare. **23** Tuaro tjana tuhsu peresu yoare tinare. Ti ã peresu yoari baharo peresure cohtaritore noano ñu wihbo dutiha tina. **24** Ti ã dutiri baharo tinare cohtariro sehe tí wuhu puhicha macari tahtiapu tinare cû, taboa pahtari mehne ti dahporire biha dapoha.

**25** Ñami dacho macai Paulo, Sila mehne Cohamacure sini, tirore basa payoha. Ti ã basachu tuhoha paina peresupu jiina. **26** Ti ã ni basachuta tí wuhu tuaro ñuhmiha. To ã ñuhmichu cûno potori jipihtia sopa pahmari parí mu, peresupu jiinare ti dhteate dari comaa dari nuhnu site boraa wahaha. **27** To ã wahachu tí wuhure cohtariro sehe wahcã wihi, “Peresu jiina duhti tuhsuri jire”, ni tuhutumaha. Ñ ni tuhuturo to ñosari pjine naroca, to basi ñosamaha. **28** To ã yoachu ñano Paulo tirore tuaro sañurucu õ sehe niha:

—Mu basi ñano yoai tjiga. Jipihtina õre jija sã —niha tiro tinare cohtaritore.

**29** To ã nichu tuhoro tinare cohtariro sehe sihã buhria duti, tina cahapu muroca wahcã Paulo, Sila ti dahpori cahapu tetere, caha suha tiro. **30** Tuhsu, tiro tinare tí tahtiapu jiinare na wijaa, sinituha tinare:

—¿Dohse yoaicari yuhu Cohamacu yairo ji duacu, to yuhdohtiro ji duacu? —ni sinituha tiro.

**31** —Jesucristore wacû tuaga muhu. Mu coyea cûhu tirore wacû tuajaro. Musa ã yoachu musare pichacapu wahaborinare Cohamacu yuhdorohca —ni yahuha tina.

**32-33** Ti ã niri hora ñami dacho maca baharocã jiha. Ti ã niri baharo tinare cohtariro to ya wuhupu naaha tinare. To ya wuhupu na su ti camine cosaha tiro. To ã cosa tuhsuri baharo to coyea mehne Cohamacu yare buheha Paulo cûhu. Ti buheri baharo bautisaha tinare. **34** Ti bautisa tuhsuri baharo tinare cohtariro cjiro Paulo cûhure chure payoha. Ñ jia tiro to coyea mehne noaa buheare ti tuhori baharo tuaro wahcheha, Cohamacure masi dca.

**35** Bohrea parí cahachu ña puhtoa sehe surarare peresupu warocaha Paulo cûhure wio dutia. **36** Ti ã wio dutiri baharo tí wuhure cohtariro Paulo cûhure yahuha:

—Puhtoa musare wio duitire. Ñ jina cuienata wijaahga —niha tiro Paulo cûhure.

**37** Ti ã wio duapachuta Paulo õ sehe ni yahuha surarare:

—Sã ñano yoaerahi. Ñ jina sã ne buhiri cjueraja. Wiho warota tina puhto sehe masa ti ñurocaroi yucuri wasõri mehne tjanahre sãre, Roma macaina sã jipachuta. Tjana tuhsu peresu yoahre sãre. Ñ jia mipu masa ti ñereroi wio duara sãre, sãre ñano ti yoarire “Buoro yuhduri”, ñia. Puhto ta, wioa tajaro sãre —niha Paulo surarare.

**38** To ã nichu tuhoa surara sehe puhtoare yahua wahaha. Ti ã ni yahuri baharo Paulo, Sila mehne Roma macaina ti jichu masia puhto sehe cui niha. **39** Ñ jia tina Paulo cõhu cahai su, õ sehe niha:

—Ñano yoahiti sã musare. Ne pari turi ã yoasi —niha puhto Paulo cõhure.

Ñ ni tuhsu puhto tinare peresupu jinare wio, tinare pa sehepu waha dutiha. **40** Ti ã niri baharo Paulo, Sila mehne peresupu jiina wijaa, Lidia wama tiricoro ya wuhupu wahaha. Ti wuhupu ti suri baharo Jesu yainare piti boca. Ñ jia tina Jesu yainare noano buhea, noano yajeripohna tichu yoaha tinare. Ti ã yoari baharo Paulo, Sila mehne waha wahaha.

### Tesalónica macaina suaha Jesu yaina mehne

**17** <sup>1</sup> Ñ yoa tina Anfipolipu su, yuhdua, Apoloniapu su, yuhdua, Tesalonicapu suha tina. Tõi judio masa buheri wahu jiha. <sup>2</sup> Somanaripe to yoiro sehta Paulo buheri wuhupu waha tiha. Tõpu su, tia somana waro sabado dachoripe tiro panopu macaa ti joari cjiire Cohamacu yare masare buhe, tãre tina mehne suhdua tiha Paulo. <sup>3</sup> Ñ yoaro tiro Cohamacu yare õ sehe ni yahuha:

—Judio masa, musa puhtoro musa cohtariro Cristo tari jire ñano yuhduhtiro. Cohamacu to ni cõiro cjiro sehta tiro yariaa wahaha masa mujano taro. Ñ jiro ahiro Jesu, yu yahuriro, tiro Cristo warota jira marine yuhdohtiro. Tirota jira musa cohtariro. Ñ sehta nina Cohamacu yare ti joari pu —ni yahuha Paulo.

<sup>4</sup> To ã nichu tuhoa, cãina tõi jiina “Potocã tjira”, niha. Ñ jia tina Paulo cõhu mehne wahaha. Ñ jia paina cõhu griego masa payu Cohamacure ño payoina sehe Paulore quihõno tuhoa, ñ yoa tina mehne macaa numia cõhu payu puhto numia masa ti cua pisaro ñua numia cõhu tirore quihõno tuhoa Jesu yaina tjuaha. Ñ jia tina cõhu Paulo cõhu mehne wahaha. <sup>5</sup> Wiho

mejeta judio masa sehe ti ã wahachũ ñna, pahsu tiha. Ñ jia tina ñaina dahraerainare payũ pji cahmachu õ sehe ni dutiha: “Ahrina ñano yoaa nina”, ni sañurucu dutiha tinare. Ñ sañurucua jipihtina tí maca macainare suachũ yoaha Paulo cũhũ mehne. Ñ jia judio masa Jasõ ya wũhũpũ sãa, Paulo cũhũre macamaha, tinare masapũre waa taa. <sup>6</sup> Wiho mejeta tinare bocaeraha. Ñ jia Jasõre, paina Jesu yaina cũhũre ñaha, waja wijaa wahaha tinare. Pũhtoa cahapũ na sũ õ sehe ni yahusãha tina:

—Paulo cũhũ masare jipihtipũre caribobiara. Ñ jia mipũre tina mari ya macare wihi tuhsũhre. <sup>7</sup> Ñ jiro ahriro Jasõ tinare to ya wũhũpũ sãa ta dutihre. Tina jipihtina mari bui pũhtoro Roma macariro to dutiare yũhdũrucara. “Pairo mũsa pũhtoro jira. Jesu tirota jira” nia, mari pũhtoro dutiare yũhdũrucara tina —ni yahusãha judio masa sehe pũhtoare.

<sup>8</sup> Ti ã ni yahusãchũ tũhoa, jipihtina masa, pũhtoa cũhũ sua, tuaro sañurucuha. <sup>9</sup> Wiho mejeta pũhtoa Jasõre, tiro mehne macaina cũhũre, niñerure wapa duti, wioha.

### Paulo Sila mehne Bereapũ sũha

<sup>10</sup> Tí pjata ñamipũ Paulo cũhũre Jesu yaina nũo warocaha Bereapũ. Tórpũ sũa tina judio masa buheri wũhũpũ sãa wahaha. <sup>11</sup> Berea macaina sehe Tesalónica macaina yũhdoro Jesu yare noano tũhoina jiha. Ñ jia tina Jesu yare ti tũhori baharo “¿Potocã tjjjari?” ni masi duaa, dachoripe Cohamacũ yare ti joari pũre ã buherucua tiha tina. <sup>12</sup> Ñ jia tina payũ Jesure wacũ tua dũcaha. Griego masa cũhũ, mũa, pũhtoa numia mehne Jesure wacũ tuaina jiha. <sup>13</sup> Wiho mejeta Paulo Bereapũ Cohamacũ yare to buhechũ cũhũre tũhorocaa Tesalónica macaina judio masa tórpũ sũha. Tórpũ sũa, Berea macainare quiti dojomehnea, Paulo cũhũ mehne suachũ yoaha tina. <sup>14</sup> Ti ã yoachũ ñna Jesu yaina Paulore soaro mehne pjiri ma dũhtũ cahapũ warocaha. Wiho mejeta Sila, Timoteo mehne Bereapũ tjuaha. <sup>15</sup> Paina sehe Paulore Atenapũ na wahcã soha. Tirore so tuhsũ majare tjuaa wahaha Bereapũ tjoa.

—Soaro mehne waha, piti tina wahaga Paulore —ni yahuha Silare, Timoteo cũhũre.

Ñ ni yahu dutiha Paulo tinare.



### Paulo Atenai jiha

16 Ñ jiro Paulo Atenapɯ cohtaro niha Sila, Timoteo cũhɯre. Tinare cohtaro Atena macaina ti “Cohamana jira”, ti nia masɯrine payɯ ti cjuachɯ ñɯno Paulo tuaro cahyaha tina mehne. 17 Ñ cahyaro, judio masa buheri wuhɯpɯ judio masa mehne, ã yoa judio masa jieraina mehne cũhɯre durucuha tiro. Judio masa jieraina sehe Cohamacɯre ño payoina jiha. Ñ yoa Paulo tí maca dacho macai dachoripe tiro cahapɯ ã tini majare sãaina mehne durucuha. 18 Paina Epicureo yare buheina, Estoico yare buheina cũhɯ Paulo mehne durucuha:

—¿Ahriro durucua pihrierariro dohse ni durucuro nijari tiro? —niha tina.

Paulo Jesu yare, to masa mɯjarire to yahuchɯ tũhoa ò sehe ni tũhotumaha masa: “Tiro paina cohamanare yahuro nica”, ni tũhotumaha tina. 19 Ti tũhori baharo tina Areópago wama tiropɯ Paulore naaha.

—Ahri buhea, wahma buheare mɯ mipɯ yahurire masi duaja sã. 20 Mɯ buhea soro sehe jira. Ñ jina sã tíre masi duaja —niha tina Paulore.

21 Jipihitina Atena macaina, ã yoa paye yahpari macaina cũhɯ Atenapɯ jiina dachoripe wahma buheare durucurucu duaha. Ñ jia Paulo to yahuare tũho duaha tina.

22 Ñ jiro Paulo Areópago wama tiroi wahcãrɯca ò sehe ni yahuha:

—Atena macaina, payɯ mɯsa cohamanare mɯsa tuaro ño payoina mɯsa jichɯ masija yũhɯ. 23 Ahri maca mɯsa ya macare cohamanare mɯsa ño payoa altarire ñɯ tinihi yũhɯ. Ñ ñɯ tinicɯ yũhɯ cũ altarpɯ, cohamanare ño payona mɯsa waare mɯsa cũnoi ahrire buhehi. “Cohamacɯ, mari masimahnoerariro ya altar jira”, ni joari jire mɯsa tíre mɯsa cũnoi. Mɯsa tirore masierapanahta tirore ño payori jire mɯsa. Tiroreta mɯsa masierarirore yahu potoi nija yũhɯ mɯsare.

24 Cohamacɯ jipihitiri yahpare, jipihitiare bajuamehneriro jira. Tiro mɯanore, yahparɯre pũhtoro jiro, tiro masa ti yoaa wuhɯsei jierara. 25 Ñ jiro tiro mari jiare, mari yajeri naare, jipihitia marine paye barore wariro jiro, mari yoadohoare cahmaerara. Tiro pjacɯoriro jierara.

26 Tiro cũiro mɯnore yoa dɯcaha. Tiro mehneti jipihitia yahpari macaina cjihitire masare yoaha. Ñ masare yoaro

jipihtiro yahparære marine cūha tiro. “Õ puro yoari pja ðpære jiahca”, nino quihõ cūha marine. <sup>27</sup> “Tina yũhure maca, bocaboca”, ni tũhotuha Cohamacũ. Wiho mejeta Cohamacũ yoaropũ jierara. Mari mehneta jira. Õ sehe ni joaa tiha paina: <sup>28</sup> “Marine jichũ yoara tiro. Mari masapere catiina, ñuhmiina jichũ yoara tiro”, ni joaa tiha. Mũsa mehne macaina panopũ macaina basaare noano joaina quti yahuina cjiri ti joariro seheta nii nija. “Mari cũhũ Cohamacũ pohna jija”, ni joaa tiha tina. <sup>29</sup> Æ jina mari to pohna jina õ sehe ni tũhotuena tjiga mũsa. Masurine, uru, plata, tãa mehne mũsa mũ sũro mũsa yoari masurine “Cohamana jira”, ni tũhotuena tjiga mũsa. <sup>30</sup> Panopũ masa ti masieraina jisinchũ ti ñaare yoapachũta Cohamacũ ã ñnocasiniha. Wiho mejeta mipære jipihtiri yahpa macainare ti ñaa yoari buhiri tiare masi, cahya dutira Cohamacũ. <sup>31</sup> Baharo Cohamacũ to quihõri dachoi jipihtiri yahpa macainare potocã beserohca noaina, ñainare. Tiro to bese duti to cũriro Jesu sehe beserohca. Jesure yariarirore masoha tiro. Æ masono “Ahriro yũ cũriro jira” ni, ñono niha Cohamacũ masare —ni yahuha Paulo Atena macainare.

<sup>32</sup> To ã nichũ masa mũjarire to durucuchũ tũhoa paina tire bũjũpeha. Wiho mejeta paina sehe õ sehe niha:

—Pari turi ahrire mũ yahuchũ sã tũho duaja —niha tina Paulore.

<sup>33</sup> Ti ã niri baharo Paulo wahaa wahaha. <sup>34</sup> To ã wahachũ, cãina tiro mehne waha, Jesure wacũ tua dũcaha. Dionisio Areópago macariro pũhtoa mehne macariro Jesure wacũ tua dũcaha. Æ yoa Damari wama tiricoro cũhũ, paina mehne Jesure ãta wacũ tua dũcaha.

### Paulo Corinto wama tiri macai jiha

**18** <sup>1</sup> Æ yoa, Paulo Atenapũ jiro waha, Corinto wama tiri macapũ sũha. <sup>2</sup> Tópũ sũro, judio masũno Aquila wama tirirore boca sũha tiro. Jipihtina bui pũhtoro Claudio wama tiro judio masare Romapũ jinaro to cohãchũ Aquila sehe to namono Priscila mehne waha, Corintopũ sũha. Aquila sehe Ponto wama tiri yahpai masa bajariro jiha. Æ jia tina Corinto ti jichũ, Paulo tina cahapũ sũha. <sup>3</sup> Aquila cũhũ suhti wũhũsere yoaina jiha. Paulo cũhũ suhti wũhũsere yoarirota jiha. Æ jiro tiro tina mehne dahra, tói tjuaha. <sup>4</sup> Æ jiro Paulo sabado jichũ somanaripe judio masa ti buheri wũhũpũ judio masare, judio

masa jieraina cūhure Cohamacu yare yahuha. To ã ni yahuchu tūhoa, “Potocã tjira”, niha tina cãina.

<sup>5</sup> Æ yoa Sila, Timoteo mehne Macedoniapu jiina, Paulo cahapu sūha. Tópu ti sūri baharo Paulo sehe jipihtia dachoripe judio masare noano buhea tiha.

—Jesu, Cristo masare yūhdohtiro mari cohtariro jira —ni yahua tiha.

<sup>6</sup> To ã ni buhepachuta, judio masa sehe tirore tūho duaeraha. Æ jia tina ñano ni quitu dojomehneha tirore. Ti ã yoachu Paulo tinare to tuhtiboriro seheta, to suhti macaa mene cã siteroca cūha.

—Musa ya buhiri pichacapu wahanahca. Cohamacu to dutiriro seheta musare buhemahi yūhu. Wiho mejeta musa yūhure tūho duaerare. Mipure judio masa jieraina sehere buhei wahaihtja —niha Paulo judio masare.

<sup>7</sup> To ã niri baharo tiro tópu jiriro waha, Ticio Justo wama tiroiro ya wūhupu sūha. Justo Cohamacure ño payoriro jiha. To ya wūhu sehe judio masa buheri wūhu cahai jiha. <sup>8</sup> Æ jia Crispo wama tiroiro buheri wūhu pūhtoro, to namono, ti pohna cūhu Jesure wacū tuaina jiha. Æ yoa paina Corinto macaina payu Cohamacu yare tūhoa, Jesure wacū tuaha. Ti ã wacū tuaina jichu tinare bautisaha. <sup>9-10</sup> Cū ñami Cohamacu cahānopu ò sehe ni yahuha Paulore:

—Mūhu mehne jija. Ahri maca macaina yu yaina masa payu jira. Æ jia paina masa mūhure ñano yoa masierara. Æ jicu cuiecu tjiga mūhu. Wiho mejeta yu yare tuaro yahu namoga mūhu. Yahu duhuecu tjiga —ni yahuha Cohamacu Paulore.

<sup>11</sup> Æ yoa cū cūhma noano, pa cūhma dacho maca waroi Paulo Corintopu ji, tó macainare Cohamacu yare buhea tiha.

<sup>12</sup> To ã buhero watoi Galiō wama tiroiro Acaya yahpa macaina pūhtoro to jichu, judio masa jipihtina cūno potori Paulore yahusāa taa, tirore buhiri tiare cahnoina cahapu naaha tina.

<sup>13</sup> —Ahriro Paulo masare Cohamacure ño payo dutiro ahri yahpa macaa dutia sehere cohā dutiro nina —ni yahusāa judio masa buhiri tiare cahnoinare.

<sup>14</sup> Ti ã ni yahusāchu tūhoro Paulo sehe tinare yahu duamaha. Wiho mejeta Galiō sehe judio masare ò sehe ni yahuha:

—Ahriro sã Roma macaina ya dutiare yūhdurucariro to jichu, musare yūhtiboa yūhu. <sup>15</sup> Wiho mejeta musa judio masa ya dutia sehere ahriro yūhdurucariro to jichu musa basi ahrire

cahnoga. Ahrire masieraja yũhũ mũsa mehne —ni yahuha tiro judio masare.

16 Ñ ninota tinare judio masa Paulore yahusãmarina cjiire to ya tahtiapũ jiiinare cohã wioha tiro. 17 To ã cohã wiori baharo jipihtina tí wũhũ jiiina Sostenere judio masa buheri wũhũ pũhtorore Jesu yairore ñaha, buhiri tiare cahnoina cahapũ cjãha tirore. Ti ã cjãchũ ñũno Galiõ ã ñũnocaha.

### Paulo Antioquíapũ tjuaa wahaha

18 Ñ yoa Paulo Corintoi yoari pja jiro “Wahai nija”, ni coha sitiha tiro Jesu yainare. To ã niri baharo tiro Priscila, Aquila mehne Siria yahpapũ pahãa taa niha. Ti pahãhto pano Cencrea wama tiri macapũ sũ, tórpũ jisino Paulo Cohamacũre “Õ sehe mũhũre yoabasaihtja”, to nirire yoa tuhsũriropũ jiha. Ñ jiro tó sehe yoaina judio masa ti yoarucuro seheta to pjoarire waha pahõo dutiha. 19 Tíre to yoari baharo tina Efeso wama tiri macapũ pahã sũ, Priscilare, Aquila cũhũre cũ, judio masa ti buheri wũhũpũ wahaha Paulo. Tí wũhũpũ sũ, Cohamacũ yare yahuha. Ñ yahuro judio masa mehne sũhũduha. 20 To ã sũhũduri baharo tirore tina mehne tjua dutimaha.

—Tjuajeraja mũsa mehne. 21 Wiho mejeta Cohamacũ cahmachũ, pari turi tjuaa taihtja —niha tinare Paulo.

Ñ ni tuhsũ, Efesopũ jiro cjiro pahãa wahaha tiro.

22 Pahãa, Cesareapũ pahã sũ, yũhdũ wahcã, Jerusalẽpũ sũha. Tórpũ sũ, tó macaina Jesu yainare “¿Ne jimajari mũsa?” ni, tinare ñũ yũhdũa Antioquíapũ sũha. 23 Tóí mahaa dachoricã jiha. Tóí jiro cjiro yũhdũha. Galacia yahpai jia macaripũ, Frigia yahpai jia macaripũ pari turi sũ, tí macari macainare Jesu yainare buhero, Jesure wacũ tua namo wahchechũ yoaha tiro.

### Apolo wama tiro Efeso buheha

24 Tí pjare, judio masũno Apolo wama tiro, Alejandría macariro Efesopũ sũha. Tiro noano yahu mihniro jiha. Ñ jiro tiro Cohamacũ to joari cjiire noano masiha. 25 Pairo tirore Cohamacũ yare yahu tuhsũa tiha. Ñ jiro tiro João masare bautisariro to buheha dihtare masiha. Ñ jiparota tiro tuaro wahcheha mehne Cohamacũ yare noano buheha. 26 Ñ jiro judio masa ti buheri wũhũpũ tiro cuuro marieno tinare buhe dũcaha. To ã buhechũ ti tũhori baharo Priscila, Aquila mehne

tirore tina mehne naaha. Cohamacu yare to quihõno yahu pahñoerachu ñña quihõno yahu pahñoaha tina tirore. 27-28 Ñ jia tiro Apolo sehe Acaya yahpapu to waha duachu Jesu yaina tirore “Noano wahaga”, ni joaa pūrine waha tirore. Tí pūri Acayapu jiina Jesu yainare Apolore noano piti boca dutia pūri jiha. Ñ jiro Apolo tōpu sūro, tó macainare noano yoadohoha. Tó macaina Cohamacu cahña mehne Jesure wacū tuaina jiha. Judio masare tí macai jiiinare ò sehe ni yahuha:

—Cohamacu to warocariro mūsa cohtariro jira Jesu. Cristo waro jira tiro —ni yahuha Apolo judio masare paina masa ti ññocaroi.

Cohamacu yare ti joari cjiri mehne to noano quihõno yahuchu tūhoa tina “Potocã jierara”, ni masieraha.

### Paulo Efesopu wahaha

**19** <sup>1</sup> Corintopu Apolo to jiro watoi, Paulo sehe tūyucupu mūja yūhdūa, Efesopu sūha. Tōpu sūro cāina Jesu yainare bocaha. <sup>2</sup> Tinare boca sūro tiro tinare ò sehe ni sinitu ññaha:

—¿Mūsa Jesure wacū tuari baharo mūsa sehe Espiritu Santore cjuā ducari? —ni sinitu ññaha Paulo.

To ã nichu tūhoa tirore ò sehe ni yahuha tina:

—“Espiritu Santo jira”, ni yahuerare sāre —ni yahuha tina.

<sup>3</sup> Ti ã ni yahuri baharo Paulo tinare ò sehe ni sinitu ññaha tjoa:

—¿Noa ya buheare mūsa tūhori baharo bautisari mū sare? —niha tiro tjoa.

—João ya buheare sã tūhori baharo bautisahre sāre —ni yahuha tina.

<sup>4</sup> Ti ã nichu tūhoro ò sehe niha Paulo:

—Masa ti ñaa yoarire cahya, tīre ti duhuchu ñño bautisaha João. Ñ jiro to bautisari cjiri sehe ti ñaa yoarire ti duhurire masare ti ñohti cjihti jira. Wiho mejeta paye baro cūhure yahu namoha João. “Yū baharo tariro sehere wacū tuaga mūsa”, ni yahuha tiro. Ñ nino Jesure yahuro niha —ni yahuha Paulo tinare.

<sup>5</sup> To ã nichu ti tūhori baharo, Jesu wama mehne to tuaa mehne bautisaha tinare. <sup>6</sup> Ñ to bautisachu, Paulo tina cāina bui to wamomaca to duhu payochu, Espiritu Santo sehe

wihiha tinapũre. To ã wihiri baharo tina sehe tũhomahnoera dũseri mehne durucu, Cohamacũ yare yahuha. **7** Tina jipihtina doce mũa jia jiboa.

**8** Baharo Paulo judio masa ti buheri wũhũpũ sãa, tia sũ waro cuiro marieno pũhtoro Cohamacũ to sũho jiare yahu, durucuha tina mehne. Tirore ti ã tũhori baharo “Ahri potocã jira”, niha tina. **9** Wiho mejeta paina sehe tũho duaeraha. ã jia tina masa ti tũhoro noaa buheare ñano ni ñoha. Ti ã nichũ tũhoro Paulo sehe Jesu yainare pji wijaa, pa sehepũ wahaha. Waha, Tirano wama tirore to buheri wũhũpũ dachoripe masare Cohamacũ yare yahuha Paulo. **10** Pũa cũhma waro buhea tiha tinare. To ã buhechũ jipihtina Asia yahpa macaina judio masa, judio masa jieraina mehne mari pũhtoro Jesu yare tũhoha. **11** ã yoa Cohamacũ tuaa mehne Paulo masare ñũ cũa yũhdũachũ yoaa barore yoa ñoha. **12** Masa sehe suhti cahsari Paulo to pjacũre pihaa cahsari cjirire, ã yoa tirore pihaa suhti cũhũre naa, dohatiinare pihoha masa. Tí suhtire dohatiinare ti pihochũ noaa wahaha. ã jichũ watĩa tinapũre jirina cjiri wijaa wahaha, tí suhtire ti pihori baharo.

**13** Wiho mejeta paina judio masa, ã tinirucuina, watĩare cohãina jiha. ã yoa pũhtoro Jesu wama pisuro mehne watĩare cohã duamaha. ã jia watĩare õ sehe ni dutimaha tina:

—Paulo to yahuriro Jesu to wama mehne dutija mũsare. Wijaaahga. Ahriro mehne pari turi jiena tjiga —nimaha tina watĩare warocaa.

**14** Esceva wama tirore siete to pohna sehe ãta yoamaha. Esceva sehe judio masũno sacerdotia pũhtoro jiha. **15** To pohna watĩnore ti wijaa dutiri baharo, watĩno sehe õ sehe niha tinare:

—Jesure masija. Paulo cũhũre masija. ã masipacũta mũa sehere masieraja —niha watĩno tinare.

**16** To ã nichũta watĩno to cohtotariro sehe tuaro mehne tinare ñaha mũaa wahaha. Tinare ñaha, ñaabiaro yoa, yũhdũrucanocaha. To ã yoachũ Esceva pohna sehe suhti marieina, cami tiina mũroca wijaa wahaha tina tí wũhũre. **17** Ti ã yoari baharo jipihtina Efeso macaina, judio masa, judio masa jieraina mehne tíre tũhoa, cui yũhdũaha tina. ã jia pũhtoro Jesu yare bũjũpero marieno durucuha masa sehe.

**18** ã yoa masa payũ Jesure wacũ tuaina ti ñano yoari buhirire yahu yũhdũa taha. **19** Tina mehne macaina payũ yaya

puti siteina jiha. Ñ jia tina ti joaa tjurire yaya ti yoaa yahua tjurire tóꝑꝰ na ta, masa ti ñurocaroi tí tjurire jũ cohānocaha tina. Tí tjuri ti wapa tirire tina ti quihōchꝰ, jipihtia tjuri cincuenta mil tũri plata mehne ti yoaa tũri posa waro wapa timaha tí tjuri. **20** Ñ jia Cohamacꝰ yare cahmaina payꝰ wahaha. Cohamacꝰ tuaa mehne to yaina wahaha.

**21** Ti ã wahari baharo Paulo õ sehe ni tũhotuha: “Macedonia yahparꝰ sꝰ mũhta, tí yahpare yũhdꝰa Acaya yahpare sũihtja. Tí yahpare yꝰ sũri baharo Jerusalēꝰ wahaihtja. Tí macare yꝰ sũri baharo Romarꝰ wahaihtja”, ni tũhotuha Paulo. **22** Pũaro tire yoadohoinare to pano waroca mũhtaha Macedonia yahparꝰ. Timoteo, Erasto cũhꝰ jiha tina. Ñ jiro Paulo sehe cũirota tjua nꝰnꝰ tisiniha Asia yahparꝰ.

### Efesoï masa sua, sañurucuha

**23** Tí pjare Efesoï Jesu yare paina cahmaeraa, Paulo cũhũre payꝰ masa tuhti, sañurucuha. **24** Cũiro platare dahrariro Demetrio wama tiriro plata mehne cohamaco Artemisa wama tiricoro ya wũhꝰ masũri yoiriro jiha. Ñ jiro tiro paina plata dahraina mehne tí masũrine dua, pjĩro wapataha tina. **25** Ñ jiro Demetrio paina plata dahrainare pji cahmachu õ sehe ni yahua tinare:

—Tũhoga mũsa. Ahri dahraa mehne pjĩro mari wapatarire masina mũsa. **26** Ahriro Paulo to yoirire to buheri cũhũre masina mũsa. Õ sehe ni buhera tiro: “Cohamana masũri masa ti yoari catiina jierara”, ni yahua tire tiro. To ã nichꝰ tũhoa payꝰ Efeso macaina, jipihtiroi paina Asia yahpa macaina cũhꝰ tí buheare “Potocã tjira”, nia tire. **27** Ñ nia mari dahraare masa ñano durucuhto cua yũhdũara. Ñ yoa masa mari cohamaco Artemisa ya wũhũre “Wiho jiri wũhꝰ jira”, ni cohãboca. Ti ã cohãchꝰ ticoro jipihtina Asia yahpa macaina, jipihtiri yahpa macaina ti ño payoricoro to jipachũta to tuaa butiarohca. Ñ jia masa baharopꝰ jiina ticorore masieraboca —niha Demetrio tinare.

**28** To ã nichꝰ tũhoa tina sehe tuaro sua, sañurucuha:

—Artemisa Efeso macaina mari yacoro cohamaco tuaricoro jira —ni sañurucuha tina.

**29** Ñ jia Efeso macaina jipihtina sañurucu yũhdũa, tũho masia pihtia wahaha. Ñ wahaa, Gayore, Aristarco cũhũre ñaha, masa

ti cahmachunopɛ tinare waja wahcāha. Gayo, Aristarco mehne Macedonia macaina jia, Paulo mehne tiniina jia tiha. **30** ã jia Paulore masa cahai to waha duachɛ, Jesu yaina sehe tirore waha dutieraha. **31** ã jia paina tí yahpa macaina pɛhtoa, Paulo mehne macaina jia, ti cahamacare yahu dutiha Paulore:

—Masa ti cahmachunopɛ wahai tjiga —ni yahu dutiha pɛhtoa Paulore.

**32** ã jia tói cahmachuina mehne macaina sehe payɛ “¿Dohseana tana mari cahmachuna nijari?” ni masieraha. ã jia tina sañurucu namoha. Ahrie sehepɛ jiina soro ni, sañurucuha. Paina cūhɛ soro ni sañurucuha. **33** ã jia judio masa sehe Alejandro wama tirirore masare yahu dutimaha. ã jiro Alejandro “Dihta mariaha”, nino to wamomaca mehne cjātuha. “Ahrina sãre judio masare tuhtia nina”, ni tɛhoturo judio masare dɛcata duaro, durucumaha. **34** Wiho mejeta tiro judio masɛno to jichɛ ñɛa masa jipihitina cãno potori pɛa hora waro sañurucuha:

—Artemisa, Efeso macaina mari yacoro cohamaco tuaricoro jira —ni sañurucuha tina.

**35** Ti ã ni sañurucuchɛ ñɛno, Efeso macaina pɛhtoare yoadohoriro masare, “Dihta mariaha”, ni yahuha tinare.

—Musa Efeso macaina tɛhoga. Efeso macaina tuaricoro cohamaco Artemisa ya wɛhɛ cohtaina mari jichɛ jipihitia yahpari macaina masina. ã jia mɛanopɛ bora tari masɛre ñɛ wihboina mari jichɛ cūhɛre masina masa. **36** ã jia paina “Ahri potocã jierara”, ni masierara. ã jina suaena tjiga mɛsa. Noano tɛhotuga mɛsa. **37** Ahrina mɛsa ñaha taina mari cohamacore ñano ni durucuerare. ã yoa tina cohamana wɛhɛsepɛre sãa, yacaerare. ã jina noano yoaga mɛsa. **38** ã jia Demetrio, plata dahraina mehne ahrinare mɛsa ñahainare yahusã duaa, buhiri tiare cahnoina sehere yahusãjaro tina. **39** Pari turi cahmachuna noano mehne cahmachuga. Mɛsa yoariro sehe yoaena tjiga.

**40** Michare mɛsa sua, sañurucurire mari pɛhtoa tɛhoa, “Marine cohãa nica”, ni tɛhotuahca tina. ã jina mɛsa ni sañurucurire tinare noano poto yahu masieraja mari —niha pɛhtoare yoadohoriro masare.

**41** ã ni yahu tuhsɛ, “Tó puro tjira. Wahaga”, niha tiro masare.



**Macedonia yahpapu cūhure,  
Grecia yahpapu cūhure Paulo sūha**

**20** <sup>1</sup> Ti ã wahari baharo, Paulo sehe Jesu yainare pji cahmachu yahu quihōha. Yahu quihō tuhsu, tinare wahchechu yoa, tinare coha sitiha. Coha siti tuhsu, Macedonia yahpapu waha wahaha. <sup>2</sup> Tópū sū buhe, tí yahpai jia macari macainare Jesu yainare wahchechu yoaha tiro. Tinare buhe tuhsu, Grecia yahpapu sūha tiro. <sup>3</sup> Tóí tiro tia sū waro jiha. Tóí jirucuma, Siria yahpapu pahāa waha duamaha. Wiho mejeta judio masa cohtamaha tirore ñaha duaa. Ñ jiro Paulo pa maharu, Macedoniaru wahari maharu mnanoputa majare tjuaa wahaha tjoa.

<sup>4</sup> Ñ waharo Asiaru sūha. Tóí Berea macariro Sópatro wama tiroiro Pirro macuno Paulore piti ti wahcāha. Ñ yoa Tesalónica macaina Aristarco, Segundo cūhu tirore piti ti wahcāha. Tuhsu, Derbe macariro Gayo wama tiroiro Timoteo cūhu tiro mehne wahaha. Asia macaina Tíquico, Trófimo cūhu Asiaru tirore piti ti wahcāha. <sup>5</sup> Tiro mehne macaina to pano waha, Tróade wama tiri macaru tirore cohtari jire. <sup>6</sup> Ti ã cohtachu bucuaerari pāore ti chua bose numari baharo sã sehe Filipoi jiina dohoría mehne waha, cinco dachori pahā, Tróaderu sã tinare mu sui. Siete dachori waro jii tōpūre.

**Tróaderu Paulo tinino wahaha**

<sup>7</sup> Domingo jichu Jesu yaina cahmachu pāore duhu payore Santa Cena yoaa taa. Ti ã yoahito pano Paulo tinare buhere. Ñ yoaro Paulo pa dachoi wahahtiro jiro yoari pja tiro buhere. Ñami dacho macaru buhe duhuro taro nimare. <sup>8</sup> Ñ jina mñano macari tahtiai payu poca sihāa poca jiri tahtiai cahmachui sã. <sup>9</sup> Paulore to tuhoro watoi, cūiro wahmuno Eutico wama tiroiro mahari sopaca cahai mña jja dujire. Duji, Paulo tinare yoari pja to buhe namochu wahmūnore wūjo tare. Wūjo ta, tiro carī mña, tia casario buiru dujiriro majare boraahare. Boraahare waha, yaria yūhdūa wahare. To yariari baharo tina tirore yariariro cjiropūre na wahcō dapore. <sup>10</sup> Ti ã yoachu ñūno Paulo dujia, wahmūnore cja suhsure. To ã yoari baharo Jesu yainare ō sehe ni yahure tiro:

—Yajeripohna ñaena tjiga. Yarierara ahriro. Catira —nire Paulo sehe.

11-12 To ã nichu wahmno yariariro cjiro masaa wahare. To ã masachu ñua tina wahche yuhduare. Ñ wahchea muano macari tahtiaru mja, paore duhu payore Santa Cena yoaa taa. Ti ã yoari baharo yoari pja Paulo tinare buhe namore tjoa. Pu bohreahto panocaru tinare buhe duhure. To buhe tuhsachu wahaa wahi sa.

### Paulo Tróade ru jiro waha, Mileto ru suha

13 Paulo pano dohoria mehne Asoru sa sehe su muhtai. Paulo sehe maharu waha duare. Paulo to niriro seheta Asoru tirore sa piti bocai. 14 Tirore sa piti bocachu, sa mehne tiro samure dohoriaru. Tia mehne waha, Mitileneru sa sui. 15 Torure su yuhdu pa dachoi Quio wama tiri ncore yuhduai sa. Pa dachoi Samoru sui sa. Pa numu sehere Mileto ru sui sa. 16 Paulo Pentecoste dacho waroi Jerusaleru su duare. Ñ jiro Asia yaharu yoari pja ji duaerare. Ñ jiro Efesore potu yuhdu, Mileto ru waha sui sa.

### Paulo Efeso macainare Jesu yainare puhtoare yahuha

17 Ñ jiro Paulo Mileto ru jiro, Efeso macainare Jesu yaina puhtoare pjirocare tiro. 18 Ñ to pjirocari baharo tina Paulo caharu wihire. Ti wihichu ñno tinare Paulo o sehe ni yahure: —Asiaru coa wihicu musa mehne yu yoarire masina musa. 19 Musa mehne jicu ne soro nino marieno Jesu, mari puhtoro yare yoaa tii yuhu. Ñ yoacu musare pja ñui. “Musare yuhdurucaja”, nierahi yuhu. Judio masa yuhure ñano ti yoapachuta Cohamacu yare yoaa tii yuhu. 20 Musa noano wahahtore cahmacu musare buhe pahonocai yuhu. Masa ti ñnrocaroi, ñ yoa musa wuhuseru cuhure buhei yuhu. 21 Ñ yoa judio masare, judio masa jieraina cuhure cño potori buhei yuhu. “Musa ñaa yoari buhiri tiare masi, Cohamacu mehne tjuahga. Ñ yoa Jesu mari puhtoro wacu tuaga”, ni yahui yuhu. 22 Ñ yoa mipure Espiritu Santo to dutiriro seheta Jerusaleru wahi nija. Yuhu toru wahacu yu dohse wahahtore masieraja yuhu. 23 Espiritu Santo to yahuri dihtare masija. O sehe nihre Espiritu Santo yuhure: “Nohoi mu sua macariperu muhu ñano yuhduihca. Ñ jia muhure peresu yoahca”, nihre Espiritu Santo yuhure. 24 To ñ nipachuta noaa buheare, Cohamacu masare to cahia buheare yahuhtiro cjihto jija. Jesu

mari pũhtoro to yoa dutirire yoa pahño duaja. Ahrire yoiriro jicũ, yũ yariahtore cuieraja yũhũ.

25 'Mũsa mehne jicũ pũhtoro Cohamacũ to sũho jiare yahua tii yũhũ mũsare. Mipũre ne mũsare pari turi ñũsi yũhũ. Ahrire masija yũhũ. 26-27 Ā masicũ michare ahrire yahuja mũsare. Jipihtia Cohamacũ yare yahui yũhũ mũsare. Ā jiro jipihtina mũsa mehne macaina Cohamacũ yare cahmaeraina ti jichũ ya buhiri jierara. 28-29 Mũsa basi noano yoaga. Ā jina Jesu yainare Espĩritu Santo mũsare to ñũ wihbo dutiinare ñũ wihboga. Ovejare ñũ wihboina ovejare ti ñũ wihboro seheta Jesu yaina cũhũre ñũ wihboga mũsa. Cohamacũ macũno to yariaro to di cohãno mehne Cohamacũ tinare to yaina cjihti yoare. Yũ õre wahari baharo paina ñaina sehe yairo ovejare to chũ cohãno seheta Jesu yare mũsa yoaborire dojomehneahca. Ā jina Jesu yainare noano ñũ wihboga. 30 Baharopũre paina mũsa mehne macaina sehe Jesu yainare mahño, paye buheare tũho dutiahca. Ti Ā dutichũ tina tũhohto cua yũhdũara. 31 Ā jina noano yoaga mũsa. Tia cũhma waro dachoripe, ñaminipe pja ñũa mehne buhei yũhũ mũsa jipihtinare. Tĩre noano wacũga mũsa.

32 'Mipũre yũ wahari baharo, Cohamacũ mũsare ñũ wihborohca. Masare to cahĩa buheare mũsa basi cahma buhena, noano jinahca mũsa. Cohamacũ to buhea mehne mũsare wacũ tua namochũ yorohca. Baharopũre to yainare "Noano yoaitja", to niriro seheta mũsa cũhũre noano yorohca. 33 Mũsa niñerure, mũsa suhti cũhũre "Yũhũre waga", nierahi mũsare. 34 Yũ basi dahra wapatai yũ ya cjihtire. Ā yoa yũ cahmaare, yũhũ mehne macaina ti cahmaa cũhũre yũ dahraa wapatai mehne nahi. Yũ Ā yoirire masina mũsa. 35 Mari õ sehe tuaro dahrana paye baro cjuærainare yoadohoro cahmana marine. Ahrire mũsare yoa ñoi yũhũ. Jesu mari pũhtoro to niri cjirire wacũga mũsa. "To wachũ ñahariro yũhdoro wariro sehe wahchera", niri jire Jesu to basi —ni yahure Paulo Jesu yainare.

36 Ā ni batoa Paulo tina mehne na tuhcuca caha sũ, Cohamacũre sinire. 37 To Ā sini batoachũ tina jipihtina Paulore cjã suhsu, wahsupu wihmi, tiihre. 38 "Mũsare pari turi ñũsi yũhũ", pano to nichũ tũhoa tuaro cahyare tina. Ā jia tirore tju nũnũ ti buhare pũ pitamaharũ. Tõpũ sãre ñũ nũnũ tire sã wahachũ.

### Paulo Jerusalēpū pari turi wahaha

**21** <sup>1</sup> Jesu yainare “Wahana nija” ni, dohoria mehne Cos wama tiri n̄cōpū poto waha, pahã sui sã. Pa dachopū Roda wama tiri n̄cōpū pahã sū, yūhdūa, Pátara wama tiri macapū sui sã. <sup>2</sup> Pátarai jina, Feniciapū wahahtiare, dohoriare bocai sã. Ā jina tia mehne wahi sã. <sup>3</sup> Ā wahana Chipre wama tiri n̄cōre poto ñū yūhdūai sã. Cō b̄hūsehe sehe jire tí n̄cō. Tí n̄cōre yūhdūa, Siria wama tiri yahrapū sui sã. Ā jina dohoria macaa pachere dohoria macariro Tiro wama tiri macai to dure mochū, tói pahsasini. <sup>4</sup> Tói Jesu yainare ñūna, siete dachori waro tjuasinii sã tí macai. Ā jia tó macaina Jesu yainare Espíritu Santo to yahuriro seheta tina Paulore Jerusalēpū waha dutieramare. <sup>5</sup> Ti ã nipachūta tí macare siete dachori sã jiri baharo, wahi sã. Sã wahahto panocã jipihtina Jesu yaina, ti namosãnumia mehne, ti pohna mehne, tí maca dūhtū cahai sãre ñū tjuaa wahare. Ā jina jipihtina sã padūroi sū, na tuhcuca caha sū Cohamacūre sinii. <sup>6</sup> Sã ã siniri baharo, “Wahana nija” ni, tinare cjã suhsu batoa, wahi sã. Sã wahachū ñū n̄nū ti, tina sehe majare majaa wahare ti ya wūhūsepe.

<sup>7</sup> Tiro wama tiri macai jiina wahana Tolemaidapū wahã sui sã. Tóih̄ta pjiri mare waha batoai sã. Tí macai sū, Jesu yainare “Coyea, ¿jimajari?” ni, cū dacho sã tina mehne jisini. <sup>8</sup> Ā yoa pa dachoi tjoa Cesarea wama tiri macapū sui sã. Tópū sū, noaa buheare yahuriro Felipe wama tiroiro ya wūhūpū sui. Ā jina tiro mehne tjuai sã. Felipe Jesu yaina ti siete beseina mehne macariro jire. <sup>9</sup> Tuhsū, tiro pititiaro numia p̄nc̄ro jire. Tí numia sehe Cohamacū yare yahua numia jire. Nuhmia jire. <sup>10</sup> Tópū sã mahaa dachoricã sã jiri baharo, Agabo wama tiroiro Cohamacū yare yahu turiariro Judeapū jiriro sãre ñūno wihire. <sup>11</sup> Ā wihiro tiro Paulo ya dare tūã dihiri dare na, to basi to dahporire, to wamomacarine dūhte cayō ò sehe ni yahure:

—Ō sehe nire Espíritu Santo: “Ahri dare cjuariro Jerusalēpū to sūchū, judio masa āta dūhteahca tirore. Dūhte tuhsū, judio masa jierainare waahca tina tirore”, nire Espíritu Santo —ni yahure Agabo.

<sup>12</sup> To ã nichū tūhona, sã Cesarea macaina mehne Paulore tuaro cahī sã. Tirore Jerusalēpū waha dutieramai. <sup>13</sup> Sã ã nichū Paulo sehe ò sehe ni yūhtire:

—¿Dohse ni tiina nijari mûsa? Yũhũ sehere cahyachũ yoaca mûsa. Tina yũhũre peresu ti yoachũ noanohca. Yũhũ Jerusalẽpũ Jesu mari pũhtoro yare yũ yoari buhiri yũ yariachũ noanohca —nire Paulo sãre.

14 “Wahaeraja”, to nichũ tũho duana nimai sã. To “Wahaihtja” to nichũ, ã tũhotunocahi sã. Õ sehe nii:

—Mari pũhtoro to cahmano seheta yoajaro —nii sã.

15 Tĩre sũhũdu batoa, sã yare cahno, wahaahawai sã Jerusalẽpũ wahana. 16 Tópũ sã wahachũ mahainacã Cesarea macaina Jesu yaina sehe sã mehne wahare. ã yoa tina mehne macariro Chipre macariro Mnasõ wama tiriro ya wũhũpũ sũi sã. Tiro yoari pja Jesu buheriro jire. ã jiro to ya wũhũ sã carĩhti wũhũ jire. Tĩ wũhũi sã carĩni baharo, Jerusalẽpũ sũi sã.

### Paulo Santiagore ñũno wahaha

17 Jerusalẽpũ sã sũchũ, tó macaina Jesu yaina sehe “¿Wihimajari?” ni, wahchea mehne piti bocare sãre. 18 Pa nũmũi Paulo sã mehne Santiagore ñũno sũre. Sã tópu sũchũ tói jipihtina Jesu yaina pũhtoa jire. 19 Tói ti jichũ ñũno Paulo tinare to wamomaca ñahari baharo judio masa jierainare to buherire yahu pahũore Jesu yainare. Cohamacũ to yoadohoa mehne to yoarire yahu pahũore. 20 To ã ni yahuchũ tũhoa, “Cohamacũ noariro, tuariro jira”, ni ño payore tina sehe. ã ni tuhsũ tina Paulore õ sehe ni yahure:

—Coyeiro, mipũre payũ judio masa Jesure wacũ tuaina jira. Tĩre masina mũhũ. ã jia tina õ sehe ni tũhotura: “Cohamacũ to dutiare, Moise cjiropũ marine to cũrire marine yoa pahũono cahmana”, nia nina. 21 Õ sehe ni namona tina. “Pa sehẽpũ jĩinare judio masa jieraina watoi jĩinare judio masare Cohamacũ Moise cjirore to cũri cjirore cohã dutiha Paulo”, nimare õ macaina judio masa mũhũre. “Paulo judio masa pohñare mahari cahsarocãre yihso na dutierara”, nimare mũhũre tina. “Judio masa ti yoaa tiare Paulo duhu dutira”, ni ahri cũhũre ni yahuwajara mũhũre. 22 ã jia mũ õre wihichũ tũhoa tina cahmachuahca mũhũre tuhtia taa. ã jicũ õ sehe yoaro cahmana mũhũre. 23 Mũhũre sã dutiro seheta yoaga. Mipũre õre pititiaro mũa Cohamacũre wacũina “Õ sehe yoanahtja”, niina jira. 24 Tina mehne wahaga. ã jia Cohamacũ Moise cjirore to dutiriro seheta ti basi Cohamacũ yare yoaa taa ti dutiare

yũhdũrũcaare cosaa nina. Mũhũ cũhũ ãta yoaga. ã yoacũ ti ã yoahũ wapare wapaga mũhũ sehe. Mũ ã wapari baharo ti pjoarire wũha duti masina tina. Mũ ã yoachũ ñũa masa mũhũre ti nia mahñori jichũ masiahca jipihtina. Cohamacũ Moise cjirore to cũri dutiare yoariro mũ jichũ masiahca tina. <sup>25</sup> Wiho mejeta judio masa jieraina Jesu yaina sehere sã joari pũre waroca tuhsũ. Õ sehe ni, joai sã. “ ‘Cohamacũ jira’, ti nia masũrine ño payo ti duhu payoa chũare, dire, wamũa ti ñaha wajãinare wahiquinare chũena tjiga mũsa. ã jina numia mehne ñano yoaena tjiga. Numia cũhũ mũa mehne ñano yoaena tjiga”, ni yahu joahi sã joari pũpũre —nire tina Paulore.

### **Cohamacũ wũhũpũ judio masa Paulore ñahaha**

<sup>26</sup> Ti ã ni durucuri baharo pa dacho Paulo sehe pititiaro mũa mehne ti basi Cohamacũ yare yoaa taa ti dutiare yũhdũrũcaare cosaa taa, Cohamacũ wũhũpũ sãa wahaha. Tĩ wũhũpũ sãa sũro, tinare yahuha Paulo: “Õpe dachori dũhsara mũsa cosahto”, ni yahuha tiro pititiarore. ã jia ti cosa batoari dachoi tina cãina Cohamacũre wahiquinare ti wahti dacho jire.

<sup>27</sup> ã yoa ti cosa pahñoboriro mahanocã dũhsachũ waro Cohamacũ wũhũpũ Paulo to jichũ Asia yahpa macaina judio masa sehe ñũha tirore. ã ñũa Paulore quitĩ dojomehne, tí wũhũpũ jiina jipihtinare tiro mehne suachũ yoaha tina. ã suaa judio masa Paulore ñaha, <sup>28</sup> õ sehe ni sañurucuha:

—Mũsa sã coyera Israe masa sãre yoadohona taga. Ahriro jira marine dojomehneriro. Ahriro Cohamacũ Moise cjirore to cũri dutiare ahri wũhũ cũhũre “Wiho jia jira”, ni buhe sito tara jipihtinare. ã yoa tiro Cohamacũ wũhũpũre judio masa jieraina cũhũre na sãare. ã yoaro ahri wũhũre ñaa marieni wũhũre tiro dojomehnere —ni sañurucuha judio masa Asia yahpa macaina tó macainare.

<sup>29</sup> Tó pano Jerusalẽi Paulo Trófimo wama tiriro mehne to jichũ judio masa ñũa tiha. Trófimo sehe Efeso macariro judio masũno jierariro jire. To ã jichũ masia õ sehe ni tũhotuha tina: “Paulo Trófimore Cohamacũ wũhũre na sãano nica”, ni tũhotumaha judio masa.

<sup>30</sup> Masare ã ni yahu ti sañurucuri baharo tí maca macaina payũ tuaro suaha. Payũ mũroca ta, Cohamacũ wũhũi jirirore Paulore ñaha waja wijaa wahaha. ã wijaa tuhsũ, tí wũhũ

sopacarire bihaha tina. <sup>31</sup> Ñ yoa tina tirore wajãa taa nimaha. Ti ã yoachũ ñña paina sehe “Jipihtina Jerusalẽ macaina sua, sañurucua nire”, ni yahua wahaha surara pũtorore. <sup>32</sup> Ti ã nichũ tũhoro surara pũtoro sehe to surarare, ti dutiina cũhũre cahmachuroca, tina mehne Paulore wajã duaina cahapũ mũroca wahcã, sũha. Surara ti sũchũ ñña Paulore cjãmaina cjã duhunocaha. <sup>33</sup> Ñ jiro surara pũtoro Paulo cahapũ sũ, tirore ñaha, pña da comaa dari mehne tirore dũhte dutiha. Ti dũhte tuhsũchũ ññ, surara pũtoro Paulore cjãmmainare sinitu ññha:

—¿Diro baro jijari ahriro? ¿Yaba buhiri tirore ã yoari mũsa? —ni sinitu ññha tiro tinare.

<sup>34</sup> To ã sinituchũ tũhoa masa sehe “Õ sehe yoare tiro” ni, paina cũhũ soro ni sañurucu, yahua surara pũtorore. Ñ ni ti sañurucuchũ surara pũtoro noano tũhoeraha. Ñ jiro tiro surara ya wũhũpũ Paulore naa dutiha. <sup>35</sup> Tí wũhũpũ sũ, Paulo mũjari escadai to mũjano cahachũ masa sehe tirore cjã dua nimaha. Ti ã yoachũ surara sehe tirore na wña, na mũjaa wahaha. <sup>36</sup> Masa tinare payũ nũnũ ti, sañu nũnũ tihaa:

—Tirore wajãnocahga —ni sañurucuha tina Paulore.

**Paulo “Ne masare ñano yoeraja yũhũ”, ni yahuha**

<sup>37</sup> Ñ yoa Paulore tí wũhũpũ ti peresu yoahito pano, Paulo sehe surara pũtorore õ sehe ni siniha:

—Yũhũ mũhũ mehne sũhũdu duaja —ni siniha Paulo.

—¿Mũhũ griego masa yare durucujari? <sup>38</sup> ¿Sohõ jiri, Egipto macariro jierajari mũhũ? Tiro masare ti pũhtoare cohã dutiro, cuatro mil pũhtoare cohã duaina sehere masa marienopũ naari jire. ¿Tiro jierajari mũhũ? —niha surara pũtoro Paulore.

<sup>39</sup> To ã nichũ tũhoro Paulo õ sehe ni yũhtiha:

—Tiro jieraja yũhũ. Judio masũno jija. Tarsoi Cilicia yahpai jiri macai masa bajuai yũhũ. Wiho jiri maca macariro jieraja yũhũ. Yũhũ ahriina masa mehne durucu duaja yũhũ —niha Paulo tirore.

<sup>40</sup> To ã nichũ tũhoro surara pũtoro sehe tirore durucu dutiha masa mehne. Ñ jiro Paulo mũjari escadai ducuro to wamomacari mehne “Dihta mariahga”, niha masare. To ã yoachũ ñña, dihta mariea pihtia wahaha. Ti dihta marieachũ ññ, Paulo judio masa ya mehne yahua tinare.

**22** <sup>1</sup>—Yũ coyea, yũ yoarire yahuihtja m̄sare. Yũ yahuchũ tũhoga m̄sa —niha Paulo.

<sup>2</sup> To ã nichũ Paulo judio masa ya mehne to durucuchũ tũhoa masa sehe dihta marieina tjuaha. ã jiro Paulo tinare õ sehe ni yahuha:

<sup>3</sup>—Yũhũ judio mas̄nota jija. Tarso wama tiri macai, Cilicia yahpai jiri macai masa bajuai yũhũ. Wiho mejeta ahri maca Jerusal̄ihta b̄s̄cai yũhũ. Tuhsũ, yũhũre Gamalie wama tiro buhea tire. ã jicũ yũhũ mari ñ̄ch̄s̄ma cjiri dutiare noano buhei. Mip̄re Cohamac̄re m̄sa yoaro sehetã yũhũ c̄h̄hũ ño payoa timai. <sup>4</sup> ã jicũ Jesu yainare ñano yoaa tic̄rũ yũhũ. Cãina tinare wajãa tic̄rũ yũhũ. M̄are, numia c̄h̄hũre ñaha, peresu yoaa tii yũhũ. <sup>5</sup> Sacerdotea bui p̄htoro, judio masa b̄s̄c̄na mehne yũ tuhti p̄ri cjihtire Jesu yainare ñaha dutia p̄rine yũhũre joabasare. Mari coyeare Damasco macainare tí p̄rine ñoi tai nimai Jesu yainare ñahai tai. Tinare ñaha, na ta peresu yoai tai nimai. Jerusal̄p̄rũ tinare na ta duamai buhiri dahrei tai. Õ sehe yũ nichũ sacerdotea bui p̄htoro, judio masa b̄s̄c̄na c̄h̄hũ noano masina —ni yahuha Paulo.

**Paulo Jesu yairo to waha d̄carire yahuha**

*(Hch 9.1-19; 26.12-18)*

<sup>6</sup> ã ni tuhsũ õ sehe ni yahu namoha:

—ã yoa cohari pja jichũ, Damascop̄rũ yũ s̄i cahachũ waro m̄anop̄rũ wac̄enoca si siteroca boroa tire yũhũre. <sup>7</sup> To ã si siteroca boroch̄ta yũhũ yahp̄rũ bora caha s̄ai yũhũ. Yũ bora caha s̄ri baharo durucuro coa tare yũhũre. “Saulo, Saulo ¿dohseacũ yũhũre ñano yoajari?” ni durucuro coa tare yũhũre. <sup>8</sup> “P̄htoro, ¿diro baro jijari m̄hũ?” ni sinitui yũhũ. “Yũhũ Jesu Nazare macariro, m̄ ñano yoariro jija yũhũ”, ni yũhtire yũhũre tiro. <sup>9</sup> Yũ ã wahachũ yũhũ mehne macaina buhriarore ñ̄re. Wiho mejeta yũhũ mehne to durucuchũ tũhoerare tina. <sup>10</sup> “P̄htoro, ¿dohse yoaihcarĩ yũhũ?” ni sinitui Jesure. “Wahc̄r̄caga. Damascop̄rũ wahaga. Tói m̄ wahachũ, m̄hũre jip̄htia yũ yoa dutihtire paio yahurohca m̄hũre”, nire tiro yũhũre. <sup>11</sup> Tuario to minoa siterocachũ, yũ capari waroa wahare yũhũre. ã jia, yũhũ mehne macaina yũ wamomacare ñaha, Damascop̄rũ tũã wahc̄re yũhũre.



12 Tóí Anania wama tiro, Cohamacure ño payoriro, marine Cohamacu dutiare yoa pahñoriro jire. Tó macaina judio masa jipihtina ti ño payoriro jire. 13 Ñ jiro tiro yu cahai wihi taruca yuhure yahure. “Coyeiro Saulo, ñuga pari turi tjoa”, nire tiro. To ñ niri baharo pari turi ñni yuhu. Ñ ñni ducacu tirore ñni yuhu. 14 Yu ñ ñuchu tiro Anania yuhure yahure: “Cohamacu to cahmaare noano masihtirore panopu bese tuhsuyuhti muhure. Ñ jiro ‘Yu macu noarirore ñu, tuhoroheca’, ni yahuyuhti muhure Cohamacu panopu. Tiro jira mari ñuchusuma muna ti ño payoriro. 15 Ñ jicu muhu mu ñure, mu tuhore yahuhca muhu jipihtinare. 16 Ñ jina mipure yoari pja jiena tjijihna. Wahcârucaga. Ñ jicu bautisariro jiga. Jesure mu sinichu mu ñaare yoari buhirire cohânohca”, nire yuhure tiro —niha Paulo.

### Paulo judio masa jierainare to buherire yahuha

17 Ñ ni tuhsu Paulo õ sehe ni yahu namoha:

—Ñ yoa tuhsu yuhu Jerusalêpu tjua ta, Cohamacu wuhupu Cohamacure sinii sui. 18 Yu tóí jichu Jesu yuhure bajua tire. Ñ bajuaro yuhure yahure. “Jerusalê macaina yu yare mu yahuchu tuho duaerara. Ñ jicu cjero pa shepu wahaga”, nire Jesu yuhure. 19 To ñ nichu tuhocu yahui tirore: “Puhoro, mu yainare judio masa buhea wuhusei jinare yu ñaha, cjari cjirire masina Jerusalê macaina. 20 Ñ jicu muhure yahurire Estebã sehere ti wajachu ñucu ‘Noano yoa wajana’, nimai. Tirore ti wajachu ti suhtire cjuabasai yuhu. Tí cuhure masina ahri maca macaina. Ñ jia yu yahuchu tuhoboca yuhure”, ni yahui yuhu Jesure. 21 Yu ñ nichu tuhoro Jesu yuhure õ sehe ni yahure: “Yoaropu judio masa jierainare buhehtirore warocaihtja muhure. Ñ jicu wahaga muhu”, nire yuhure yu puhoro —niha Paulo masare.

### Surara puhoro Paulo mehne durucuha

22 To yahu muhtari dihtare noano tuhomaha masa. Wiho mejeta judio masa jieraina cahai Jesu Paulore to warocahure to yahuchu tuhoa tina sañurucu ducaha tjoa:

—Ahriro mipu pinihtare yariawahnojaro —ni sañurucuha tina.

23 Ñ jia tina sañurucu namo, sua mehne ti suhtire wahba siteruca, dihta mehne docaha. 24 Surara puhoro surara ya

wǎhǎpǎ Paulore na sǎa dutiha to surarare. Ǽ jiro surara pǎhtoro “¿Dohse yoa Paulo mehne sua ǎ ñaca sañurucua nijari masa?” ni sinitu duamaha. Paulore tíre sinituro taro, yuta dari mehne tjana dutimaha tirore. <sup>25</sup> Wiho mejeta tirore ti dǎhteri baharo, tiro cahai jiriore surara pǎhtore ò sehe ni yahuha Paulo:

—Yǎhǎ Roma macariro jija. Ǽ jina “Ñano yoariro jira ahriro”, yǎhǎre ni yahusǎ masierara mǎsa. Ǽ yahusǎ masierana yuta dari mehne yǎhǎre tjana masierara mǎsa —niha Paulo tirore.

<sup>26</sup> To ǎ nichǎ tǎhoro surara pǎhtoro, to bui pǎhtore ò sehe ni yahuro wahaha:

—Ahriro Roma macariro jira. Ǽ jicǎ noano yoaga tirore —ni yahuha tiro to pǎhtore.



27 To ã niri baharo surara bui pũhtoro sehe Paulore sinituro wahaha:

—¿Potocãta mũhũ Roma macariro jijari? Yahuga yũhũre tíre —niha tiro.

—Tiro tjija yũhũ —ni yũhtiha Paulo.

28 To ã nichũ tũhoro surara bui pũhtoro sehe tirore õ sehe ni yahuha:

—Yũhũ Roma macariro ji duacũ niñeru pjíro wapai —niha tiro.

—Yũhũ Roma yahpa macari macapũ masa bajuai. ã jicu Roma macariro jija —niha Paulo.

29 To ã nichũ tũhoa tirore tjanaborina wahaa wahaha.

ã jiro Paulo Roma macariro to jiriro jichũ masino, tirore comaa dari mehne ti dũhteri cjirire wacũno, cui niha surara pũhtoro sehe.

### Paulo judio masa pũhtoro yahuha

30 ã yoa surara pũhtoro judio masa Paulore ti yahusãrire noano masi duaha. ã masi duaro pa dachorũ comaa darire tirore to pjã dutiri baharo, sacerdotea pũhtoare, judio masa bũcũna mehne cahmachu dutiha surara pũhtoro. To ã cahmachu dutiri baharo tiro tórpũ Paulore na wahcã, ti pano duhu dapoha tirore.

**23** <sup>1</sup> ã jiro Paulo judio masa bũcũnare ñũ piti boca, õ sehe ni yahuha:

—Coyea, Cohamacũ to ñũrocaroi jipihtia dachoripe noano yoarucuja yũhũ —niha Paulo.

<sup>2</sup> To ã nichũ tũhoro jipihtina sacerdotea bui pũhtoro jiriro Anania sehe Paulo dũserore cjã dutiha. <sup>3</sup> To cahai ducuinare cjã dutiha. Tirore ti cjãri baharo Paulo Ananiare tuhtiha:

—Masa ti ñũrocaro dihtare noano yoiro jira mũhũ. Masa ti baharo bũhũsehei ñano yoa cohtariro jira mũhũ. “Cohamacũ dutiare yũhdũrũcai nina”, yũhũre nipaihta yũhũre cjã dutira mũhũ. ã cjã duticũ mũhũ sehe dutiare yũhdũrũcai nica —niha Paulo tirore.

<sup>4</sup> To ã nichũ tũhoa Paulo cahai ducuína õ sehe niha tirore: —Cohamacũ to beseriro sacerdotea bui pũhtoro ñano durucuí tjija mũhũ —niha tina Paulore.

<sup>5</sup> Ti ã nichũ tũhoro Paulo õ sehe ni namoha tjoa:

—Coyea, tiro to sacerdotea bui pũhtoro to jiare masierahi yũhũ. Ñ jii ã nimacanocati yũhũ. Cohamacũ yare ti joari cjiri õ sehe ni yahura tirore: “Mũ ya maca macaina pũhtoro ñano ni, durucui tjiga”, ni joaa tiha —niha Paulo tinare pjãno.

6 Ñ yoa tói pũa curua macaina jiha. Cũ curua saduceo curua macaina jiha. Pa curua sehe fariseo curua macaina jiha. Pũa curua ti jichũ masino, Paulo judio masa bũcũnare tuaro saũurucu õ sehe ni yahuha:

—Coyea, yũhũ fariseo curua macariro jija. Fariseo curua macariro macũno tjija yũhũ cũhũ. “Yariaina masa mũjaahca”, yũ ã niri buhiri yũhũre ñano yoa duara mũsa —niha Paulo.

7 To ã nichũ tũhoa fariseo curua macaina, saduceo curua macaina ti basi cahma tuhtiha. Ñ jia ti basi pũa curua tju waha. 8 Saduceo curua macaina õ sehe niina jiha: “Yariaina masa mũjasi. Espiritua, anjoa cũhũ ne mariahna”, niina jiha. Wiho mejeta fariseo curua macaina sehe tina yoaro sehe nieraha. Ñ jia Paulo “Yariaina masa mũjaahca” to nichũ tina ti basi cahma tuhtiha. 9 Ñ cahma tuhtia, tuaro saũurucuha. Ñ yoa fariseo curua mehne macaina judio masa buheina wahcãrũca, tuhti, õ sehe ni yahuha:

—Ahriro Paulo ñano yoarare. Ñ jiro espĩritu o anjo, potocã tiro mehne durucuriro jiboca. [Ñ jina ahrirore buhiri dahrena, Cohamacũre ñũ tuhtiina jiboca mari. Ñ yoaina jiena tjiga mũsa] —niha tina.

10 Ti ã niri baharo, tina jipihina cahma tuhti, tuaro suaha. “Ti basi cahma sua sayo, tirore wajãboca”, ni cuisãaha surara pũhtoro sehe. Ñ jiro Paulore, masa watoĩ ducurirore na wio, to ya wũhũrũ na ta dutiro warocaha to surarare.

11 Pa ñamihi pũhtoro Jesu Paulo cahai ducuro, õ sehe ni yahuha tirore:

—Wacũ tuaga. Mipũre õre Jerusalẽi yũ ya buheare yahure mũhũ. Tó seheta Romarũ cũhũre yahui wahaihca mũhũ —niha pũhtoro Jesu Paulore.

### Judio masa Paulore wajã duamaha

12-13 Pa dacho bohrearoi judio masa cahmachu, ti basi õ sehe ni cahma durucuha:

—Õ sehe yoajihna. Paulore wajãjihna. Cohamacũre õ sehe ni yahu cũjihna. Ne mari sihnisi. Ne chũsi, pũ tirore mari wajãri

baharopu. Tirore mari wajãerachu, mari sehere Cohamacu buhiri dahrejaro —niha tina ti basi.

Tina cuarenta bui curero judio masa jiha. 14 Ti ã niri baharo tina sacerdotea puhtoare, bucuna cùhure yahua wahaha:

—Paulore sã wajãhto pano chuare sã chueraja. “Tirore sã wajãerachu Cohamacu sã sehere buhiri dahrejaro”, nihi sã.

15 Æ jina msa, bucuna mehne ò sehe ni pjirocaga. “Paulore pari turi sinitu duaja”, niga surara bui puhtorore. Msa ã niri baharo surara bui puhtorore na ta dutiga Paulore. Wiho mejeta Paulo to òre to wihiro cahachu waro tirore wajãnahca sã —niha tina sacerdotea puhtoare.

16 Wiho mejeta Paulo pjacamacuno ti ã ni durucuchu tuhoha. Ti ã nichu tuhoro waha, surara ya wuhupu Paulore yahuro sãaha. 17 To ã yahuri baharo Paulo sehe cãiro surarare pjiroca, ò sehe ni yahuha tirore:

—Ahriro wahmunore puhtoro cahapu naahga. Ahriro mu puhtorore yahu duaro nina —niha Paulo.

18 To ã nichu tuhoro surara sehe Paulo pjacamacunore to puhtoro cahapu na su, ò sehe ni yahuha:

—Peresupu jiriro Paulo sehe yuhure pjiroca, ahriro wahmunore mu cahapu naa dutihre. Ahriro mähure yahuro taro nihre —niha surara to puhtorore.

19 To ã nichu tuhoro puhtoro sehe wahmuno to wamomacare ñaha tuã wahcã, masa marienopu tirore sinitu ñaha:

—¿Dohse nii tai niri mähü yuhure? —niha tiro Paulo pjacamacunore.

20 To ã sinituchu tuhoro ò sehe ni yahuha:

—Judio masa cãno potori, “Ò sehe yoajihna” ni, ñamichapü judio masa bucuna cahapu mähure Paulore naa dutiahca. “Bucuna Paulore pari turi sinitu duara”, ni mahñoahca.

21 Wiho mejeta cuarenta bui curero mua tirore wajã duaina bucuna caha duara. Tina tirore ti wajãhto pano chuare chusi. Æ yoa sihnisi. “Tirore mari wajãerachu, Cohamacu mari sehere buhiri dahrejaro”, nire tina ti basi. Æ jia mipu mähure Paulore na ta dutia tina sehe duhti cohta tuhsuhre, Paulore wajãa taa. Æ jicu ti yahua wihihu tinare yuhtii tjiga mähü —ni yahuha wahmuno surara puhtorore.

22 To ã nichu tuhoro surara puhtoro ò sehe niha:

—Yuhure mu yahurire painare yahui tjiga —ni yahuha wahmunore.

Ã ni tuhsu wahmunore “Wahaga”, niha tiro.

**Paulore puhtoro Feli wama tiriro cahapu warocaha**

23 Ã ni tuhsu, surara puhtoro puaro to surarare pji wahca, tinare o sehe ni dutiha:

—Dos cientos surarare, setenta cawaloa bui pisainare, dos cientos doca yucu cjuaina mehne ti yare cahno dutina wahaga. Micha nãmi nueve jichu Cesareapu wahanahca musa. 24 Paulore cawaloare to pisahtinare cahnobasaga. Cesareapu puhtoro Feli cahapu, noano nu nunu sogã tireore —niha surara puhtoro.

25 Ã ni tuhsu paperã joaro, o sehe ni joaha tiro:

26 “Yuhu Claudio Lisiã mũhũre tuãriro puhtoro Felire noã dutija. 27 Judio masa ahriro Paulore nãha, wajãmare. Ã jicu tiro Roma macãriro to jichu masicu, yu surara mehne tireore yoadohoi sũhi. 28 Ã jicu tireore ti yahusãire masi duacu judio masa bucũna cahã nãhi tireore. 29 Ã jicu tiro judio masa ya dutia dihtare to yũhdũrucachũ mari ya dutiare to yũhdũrucaerachũ nuũ, tireore peresupu cũ duaerahi. Yaba buhiri yãriro mariahna tireore. 30 Ã jiro judio masa tireore wajã dua, ti bucũna cahachũ tũhoro paio yahure yũhũre. To ã yahuri baharo Paulore mipũre mũ cahapu warocã nija. Ã jicu tireore yahusãrinare to nãã yãrire mũhũre yahu duti tuhsũhi yũhũ”, ni joaha surara puhtoro.

31 Ã yoa surara ti puhtoro to dutiriro sehetã yoa. Tĩ nãmine Antipãtri wama tiri macapu Paulore na sũha. 32 Pa dachoi paina surara cawaloa bui pisaeraina tĩ macã tjuã taha ti ya macapu. Paina surara cawaloa bui pisaina dihta tireore na yũhdũ wahcãha. 33 Pu Cesareapu na sũha Paulore. Ã jia surara puhtoro to warocari pũre puhtoro Felire waha. Ã jia Paulore na sũha puhtoro cahapu. 34 Ti ã wãri baharo puhtoro tĩ pũre to nuũri baharo tiro painare sinitu nuũha:

—¿Di yahpa macãriro jijiã ahriro Paulo? —ni sinitu nuũha tiro.

—Cilicia yahpa macãriro jira —ni yahuha tireore.

35 Tinare sinitu tuhsu, Feli Paulore o sehe ni yahuha:

—Mũhũre yahusãrina õre ti wihichũ mũ yahuchũ tũhoihtja —niha Feli Paulore.

To ã niri baharo Herode ya wũhũpu tireore cũha. Ã jiro to mũãre tireore cohta dutiha puhtoro.

Paulo “Ñano yoerahi yũhũ”, ni yahuha Felire

**24** <sup>1</sup> Cinco dachori baharo, Anania sacerdotea bui pũhtoro, paina judio masa bũcũna, dutiare mihniro Tértulo wama tiroiro mehne Cesareapũ sũha. <sup>2</sup> ã jia tina Paulore yahusã dua, pũhtoro Feli cahapũ sũha. <sup>3</sup> ã jiro Paulore tóprẽ ti na sũri baharo Tértulo tirore yahusã dũcaha. ã yahusã dũcaro õ sehe ni yahusãha Felire:

—Mũhũ noano masiriro, sã pũhtoro mũ noano dutichũ sã ahri yahpa macaina noano jinocaja sã cahmacheno marieno. Mũ dutia mehne noaa sehere cohtotaro nina ahri yahpa. <sup>3</sup> ã jina sã noano jinocahna wahcheja. ã jina mũhũ mehne noano wahcheja. <sup>4</sup> Mipũre mahanocã mũhũre cariboihtja yũhũ. Mahanocã mũhũ mehne sũhũdu duaja. Sãre tũhorocasinia mũhũ. <sup>5</sup> Ahriro sãre caribobiara. Jipihtia yahpari macainare judio masare ti sua sañurucuchũ yoara ahriro. ã jiro masa ti basi cahma tuhtichũ yoara ahriro. ã jiro nazareno wama tiri curua pũhtoro jira. <sup>6</sup> ã jina Cohamacũ wũhũre ñano to yoa duachũ ñũna sã ñahahi ahrirore. [Sã ñahari baharo sã ya dutiare to yũhdũrcariro jichũ tirore buhiri dahre duamahi sã. <sup>7</sup> Wiho mejeta surara pũhtoro Lisia wama tiroiro tirore sãre tuaro mehne manocahre. <sup>8</sup> Baharo tirore yahusãrinare mũ cahapũ waha dutihre Lisia. To ã nichũ tũhona tahi sã.] Mũhũ pinihta ahrirore sinitucũ, jipihtiare to ya buhirire masicũhca mũhũ —niha Tértulo Felire.

<sup>9</sup> To ã niri baharo paina judio masa “Tértulo to niriro sehetã potocã tjira”, niha tina cũhũ. <sup>10</sup> Ti ã ni yahusãri baharo pũhtoro Feli Paulore yahu dutiha. Õ sehe ni yahuha Paulo:

—Payũ cũhmari ahri yahpa macainare mũ dutirire masija yũhũ. ã jicũ yũ yoarire mũhũre yahucũ wahcheja. <sup>11</sup> Doce dachorita wahara Jerusalẽpũ Cohamacũre yũ ño payori baharo. Mũhũ ahri potocã ti jichũ masi duacũ painare sinitu ñũga. <sup>12</sup> Judio masa yũhũre Cohamacũ wũhũpũre boca ti ñahachũ masare ñano ni sañurucui nierahi. ã yoa masare sua sañurucuchũ yoai nierahi. ã yoacũ judio masa buhea wũhũsere, ti ya macã cũhũre ne ti nino sehe ñano yoerahi. <sup>13</sup> ã jia yũhũre yahusãrina sehe ti yahusãri cjirire “Õ sehe yoare ahriro”, ni yahu masierara mũhũre. <sup>14</sup> Mipũ yũ yoarire yahuihtja mũhũre. Dóihã sã ñũchũsuma ti ño payorirore Cohamacũre ño payoja yũhũ cũhũ. ã jicũ to yare yoaja Jesu ya noaa buhea

ti nino seheta. Ahrina “Jesu ya mahñopea jira”, ni durucura ahrina judio masa. Wiho mejeta Cohamacu dutia, Moise cjiropure to cūri cjirire tí cūhure ño payoja yuhū. Cohamacu yare yahu mūhtaina cjiri ti joari cūhure ño payoja yuhū. 15 Ahrina paina judio masa ti tūhoturo seheta Cohamacu jipihtina masare yariainare noaina, ñaina mehne ti masa mūjachū yoarohca. Yuhū cūhū āta ni tūhotuja. 16 Ā jicu buhiri mariaja yuhū. Cohamacu yuhure tíre masina. Ā yoa masa cūhū tíre masina. Ā jii potocāta yahuja yuhū mūhure. Ā jicu noano tūhotunocaja.

17-18 'Paye cūhmarine pa sehēpū tiniriro jicu Jerusalēne tju wihi, yū coyeare judio masa pjasuoinare niñerure wai tai nihi. Tju wihi Cohamacure ño payoi tai to ya wūhupū sumahi. Ā jicu Cohamacu to cosa dutiriro seheta yū basi yū yūhdurucarire yū cosari baharo wahiquirore wa duamahi tirore ño payoi tai. Tópū yū jichū ahrina judio masa yuhure bocahre. Ti bocachū paina yuhū mehne mariahre. Sua, sañurucuina mariahre. 19 Wiho mejeta paina judio masa Asia yahpa macaina tói jihre. Tina yū ñano yoachū ñurina jia yahusāa tajaro. 20 Ahrina ōpū jiina sehe judio masa bucuna mehne yū jichū ñūina yū ñano yoarire masia, tina cūhū yahusājaro. 21 Cūnocā pinihtare yuhure tina yahusā masina: Pano tina mehne jicu ō sehe ni tuaro sañurucuhi yuhū: “ ‘Yariaina masa mūjaahca’, yū niri buhiri, buhiri dahrera mūsa”, nihi tinare —ni yahuha Paulo Felire.

22 To ā ni yahuri baharo Feli ō sehe ni yahuha Paulore:

—Mipū tó puro tjira. Surara pūhtoro Lisia to wihiri baharo mūhure yū yoahore masiihca yuhū —niha Feli Paulore.

Feli sehe Jesu yaina ti yoarire noano masi pahñoriro jiha.

23 Ā ni tuhsū, Paulore cohtariro surarare Feli noano ñū nūnū dutiha “Peresupū jiriro duhtiri”, nino. Wiho mejeta mahanocā ware to tinihtore. Paulo mehne macainare tirore peresupū jirirore yoadoho dutiro ā dutiha Feli.

24 Mahaa dachoricā baharo Feli to namono Drusila wama tiricoro mehne ta, Paulore pjiha. Feli namono sehe judio masono jiha. Paulore ti pjiri baharo, Jesucristore to wacū tuaare Paulo sehe yahuha tinare. 25 Ā yahuro quihōno yoaaare, ñaaare yoa duaparota yoaaare, pihtiri dacho jichū Cohamacu masare to buhiri dahrehtore yahuha Paulo. To ā ni yahuchū tūhoro Feli cuiro, Paulore ō sehe ni yahuha:



—Mipure wahaŕisa. Baharo yuhure dahraa mariachu muhure pjihtja tjoa —niha Paulore.

26 Ñ nino Paulo to niñeru wachu cahmamaha Feli. Ñ jiro tiro niñerure cahmano, payu tahari Paulore pji, tiro mehne durucua timaha Feli. 27 Pua cñhma baharo Porcio Festo wama tiro pñhtoro Felire cohtotariro jiha. Wiho mejeta Feli sehe judio masare tiro mehne wahchechu yoa duaha. Ñ jiro pñhtoro Feli to pñhtoro wijaahito pano, tiro Paulore peresui ji dutisiniha.

### Paulo Festore to yoarire yahuha

**25** 1 Ñ yoa Festo tí yahparu tia dacho to jiri baharo, Cesarearu jiro waha, Jerusaleru suha. 2 Tói to jichu sacerdotea pñhtoa, judio masa pñhtoa mehne Paulore ti yahusãre yahuha Festore. 3 Paulo to maharu wahachu tirore bucua caha, wajã duaa nimaha tina. Ñ jia tina Festore tuaro sinimaha:

—Paulore Jerusaleru warocaga —ni sinimaha tina Festore.

4 Ti ã nichu tuhoro, Festo õ sehe ni yahuha tinare:

—Mipure Paulo Cesarearu peresu jira. Yuhu tóru wahi tai nija. 5 Paulo to ñano yoiriro jichu, masa pñhtoa Cesarearu yuhu mehne waha, tirore yahusãga —niha Festo.

6 Ñ jiro Festo ocho o diez dachori tina mehne to jiri baharo Cesarearu tjuaa wahaha. Pa dachoi tiro buhiri tiare cahnoru wñhu dujiro, Paulore na ta dutiha. 7 Ñ jia Paulo Festo caharu to wihichu, judio masa Jerusaleru tarina sehe Paulo cahai ducu, tirore tuaro mehne yahusã ducaha. Ñ yahusãpahta “Ahrro to ñano yoachu ññhi”, ni yahu masieraha. 8 Ti ã ni yahusãri baharo Paulo to yoarire yahuha:

—Judio masa ti dutiare, Cohamacu wñhu macaa dutiare, Roma pñhtoro to dutiare yñdñrucarahi —niha Paulo.

9 Festo sehe judio masare wahchechu yoa duaro, Paulore õ sehe ni sinituha:

—¿Jerusaleru waha duajari mñhu? Mñ yoarire yuhure tóru yahuihca mñhu —niha Festo Paulore.

10 To ã nichu tuhoro Paulo õ sehe ni yahuha:

—Jipihtina bui pñhtoro César to ya wñhu buhiri tiare cahnoru wñhu jija mipure. Ahri wñhu baroi yu yoarire tuhoga. Judio masare yu ñano yoarerire noano masina mñhu.

11 Dutiare yñdñrucariro yu jichu, yuhure wajãchu noaboa. Wiho mejeta ahri ti yahusãri sehe mahñoa ti jichu yuhure

yahusārinare yuhure wiho waro wia masierara m̄h̄h̄. Ȳu  
 yoirire jipihtina bui p̄htorore Césare yahu duaja. Tiro sehe  
 ȳu buhiri tiare to cahnoch̄u cahmaja —niha Paulo.

12 To ã nich̄u t̄horo Festo sehe noano masi yahuinare  
 sinitu tuhs̄u, ò sehe ni yahuha Paulore:

—M̄h̄h̄ jipihtina bui p̄htorore m̄u yoirire m̄u yahu  
 duach̄u, tiro cahap̄u warocanaht̄ja sã m̄h̄ure —niha Festo  
 Paulore.

### Paulo p̄htoro Agripare to yoirire yahuha

13 Baharop̄u p̄htoro Agripa, Berenice wama tiricoro mehne  
 Cesareap̄u Festore ñ̄na s̄ha.

—¿Ne, wihimari m̄h̄h̄ c̄h̄h̄? —niha tina Festore piti  
 bocasinia.

14 Tó̄i paȳu dachori ti jiri baharo Festo ò sehe ni yahuha  
 Agripare Paulore:

—Õre Feli to peresu yoiriro jira. 15 ã jia Jerusalēp̄u ȳu  
 wahach̄u judio masa ti sacerdotea p̄htoa, ti buc̄na mehne  
 ahrirore yahusāhre. “To ya buhirire wajāga tirore”, ni sinihre  
 tina yuhure. 16 Ti ã nich̄u t̄hoc̄u ȳh̄u tinare ò sehe ni yahui:  
 “Roma macaina sehe peresu ti yoinare masare waerara. ã jicu  
 tirore waeraja m̄sare. Sã ñ̄aharirore tirore yahusārinare to  
 ñ̄hto pano tirore buhiri dahre masieraja sã. To basi to yoirire  
 to yahuerasinich̄u tirore buhiri dahre masieraja sã”, nihi tinare.  
 17 ã jicu tina õre ti wihich̄u ñ̄c̄u yoari p̄ja yoaerahi ȳh̄u.  
 Wiho mejeta pa dachoi buhiri tiare cahnor̄i w̄h̄ūi d̄ujic̄u, ti  
 yahusārirore p̄jirocahi. 18 ã jia tí w̄h̄ūi to wihich̄u ñ̄na tirore  
 ñ̄h̄ tuhtiina wahc̄ar̄ucare. Ti ã wahc̄ar̄ucach̄u ñ̄c̄u “Ñ̄biario  
 ni yahusāhca”, ni t̄hotumahi ȳh̄u tinare. Tirore yahusā  
 duapahta yahusā masierare tina. 19 Wiho mejeta ahrirore  
 Cohamac̄u yare to yahuri buhiri judio masa tirore tuhtihre.  
 Jesu wama tiro yariariro c̄jiro to masa m̄jarire to yahuri  
 buhiri yahusāhre ahrirore. Ahri dihtare yahusāhre. 20 Ahrire  
 masierac̄u tirore noano sinitu ñ̄h̄i. “¿Jerusalēp̄u waha duajari  
 ȳh̄u mehne? Tó̄p̄u yahuga m̄u yoirire yuhure”, nimahi tirore.  
 21 Wiho mejeta tiro waha duaerare. “Ȳu yoirire jipihtina bui  
 p̄htorore Césare yahu duaja”, nire tiro yuhure. To ã niri  
 baharo õihta tirore cohta dutihi jipihtina bui p̄htoro cahai  
 tirore ȳu warocahto pano —niha Festo Agripare.

22 —Ȳu basi t̄ho duaja tirore —niha Agripa Festore.

—Ñamichacapu tirore tuhoga muhu —ni yuhtiha Festo.

23 Pa dachoi Agripa, Berenice mehne ti buhiri tiare cahnori wuhuru su, “Puhtoia jia sa”, nia cua pisaro yoa noha tina, surara puhtoia, ti maca macaina puhtoia mehne. To sehe yoa sa tih ti wuhuru sa. Ti sa sari baharo Paulore pjirocaha Festo. 24 A jiro Festo o sehe ni yahuha:

—Puhtoro Agripa, musa jipihtina ahri wuhure cahmachuina tuhoga. Ore ahriro payu judio masa ti yahusariro jira. Jerusaleru, Cesarepu cuhure tina tirore yahusahre. “Tirore wajaga”, a nirucua nina tina. 25 Ti a nipachuta o sehe tuhoutuja yuhu. Ahriro ne nano yoariro jierara. ¿Yaba buhiri wajabocari mari tirore? A jicu jipihtina bui puhtorore Cesar Augustore ahriro to yoarire to yahu duachu jipihtina bui puhtoro cahapu warocaihtja tirore. 26-27 A jicu ahriro to yoarire noano masierasiniya yuhu. A masierasiniyu mari puhtorore yahu joa masieraja. A jicu musare to yahuchu tuho dutii nija mipure. Puhtoro Agripa mipu pinihtare ahriro jira mu sinitu nuhtiro. Mu sinitu nu tuhsuchu mari masiri baharo ahrirore ti yahusarire noano yahu joaihtja. Ahriro to nano yoarire yu masierapachuta mari puhtoro cahapu tirore yu warocachu noaerara. A jicu mipure ti yahusarire noano masi duai nia —niha Festo tinare.

#### Paulo Agripare to yoarire yahuha

**26** 1 To a niri baharo Agripa Paulore o sehe ni yahuha: —Mu basita yahuha —niha tiro Paulore.

To a niri baharo Paulo sehe, “Dihta mariaha”, nino to wamomacarine wahcaruca, to yoarire yahuha:


2 —Puhtoro Agripa, yuhure judio masa ti yahusarire, yu yoarire muhure yahucu, mipure noano yajeripohna tija.

3 Muhu judio masa sa yoaa tiare, sa buhea cuhure mu noano masichu pinine wahcheja yuhu. A jicu muhu yuhure noano tuhoga —ni ducaha Paulo.

#### Paulo Jesu yairo to jihto pano to jia tirire yahuha

4 A ni tuhsuro o sehe ni namoha tiro:

—Wahmuo yu jia tia cjirire jipihtina judio masa masina. Jipihtia dachoripe yu masa bajuari baharo yu ya dihtapure, Jerusaleru cuhure yu jiri cjirire masina tina. 5 Fariseo curua macaina paina yuhdoro sa dutiare yuhduruca dutieraina jira.



Wahmanopære fariseo curua macariro jimai. ã jicũ fariseo curua macaina ti dutiare, ti yoaa barore yoa pahñoriro yũ jichũ tina masina. Tina mũhũre yahu duaa, tíre yahu masina tina. <sup>6</sup> Ahri buhirita yũhũre yahusã mũjana. Sã ñũchũsuma cjirire “Yariainare masoihtja”, Cohamacũ to ni cũrĩre “Potocã tĩira”, yũ niri buhiri ahrina yũhũre yahusã mũjana. <sup>7</sup> Yũ coyeya judio masa jipiltina doce curuari macaina Cohamacũ masare to masohtore wahche cohtarucura. ã yoa Cohamacũre ño payorucura. ã cohtarucuina jia sã yoaro sehetã yoara tina. Pũhtoro Agripa, ã cãno potori yoaina sã jipachũta tina sehe to masohtore yũ cohtari buhiri yũhũre yahusã mũjana judio masa. <sup>8</sup> ¿Dohse yoana Cohamacũ to masorire sã yahuchũ tũho duaerajari mũsa judio masa? —ni yahuha Paulo.

**Paulo Jesu yainare to ñano yoari cjirire yahuha**

<sup>9</sup> ã ni tuhsũ ò sehe ni yahu namoha:

—Jesure Nazare macarirore ñũerasinichũ, ñaa dihtare yoa duamai to yainare. <sup>10</sup> ã jicũ Jerusalẽpũ ã yoaa timai yũhũ. Sacerdotea pũhtoã yũhũre ti dutiri baharo payũ Jesu yainare

peresu yoaa tii. Ñ jicü pũhtoa tinare ti wajã dutichü, wajã dutii yũhü cũhü. 11 Payü tahari jipihtia judio masa buhea wũhũsei Jesu yainare ñano yoa dutia tii. Ñ yoacü Jesu yaina Jesure ti cohãchü yoa duai nimai. Tina mehne tuaro suai yũhü. Ñ jicü paina masa ya macaripü cũhũre tinare ñano yoai sũa tihi yũhü —ni yahuha Paulo.

### Paulo Jesu yairo to waharire yahuha

12 Ñ ni tuhsü õ sehe ni yahu namoha:

—Damasopü Jesu yainare ñano yoa duacü sũmai. Tinare ñano yü yoa duachü ñna sacerdotea pũhtoa yũhũre waha dutire. 13 Ñ sehe jire pũhtoro Agripa: Cohari pja jichü waroi mahai yü wahachü müano macaa si sitea, sũ dacho macariro yũhũdoro, yũhũre yũhü mehne wahaina cũhũre si sitere. 14 Sã jipihtina yahpã bora caha sũ, judio masa ya mehne yũhũre to durucuchü tũhoi. “Saulo, Saulo, ¿dohseacü mühü yũhũre ñano yoajari? Mühü yũhü mehne suacü yũhũre yũhtieracü, mü basi ñano yũhdũra”, nire yũhũre. 15 “Pũhtoro, ¿diro baro jijari mühü?” ni sinitui. “Yũhü Jesu, mü ñano yoariro jija. 16 Wahcãrũcaga mühü. Mühũre yü cahamacüno cjihto yoai tai mipü bajuaja yũhü. Michare yũhũre mü ñũrيره, baharo mühũre yü ñohti cũhũre painare yahuihca mühü. 17 Judio masare judio masa jieraina cũhũre mühũre buhe duticü, warocaihtja. Ti cahai mü jichü, mühũre ti ñü tuhtichü mühũre yoadohoihtja. 18 Yü yare tinare masichü yoaga mühü. Ñ jicü nahitianopü tiniina yoaro sehe jĩinare ti ñaare duhuchü yoaga. Buhriaropü tiniina yoaro sehe noaa sehere cohtotachü yoaga tinare. Watĩnore cahmaerachü yoaga mühü. Ñ yoacü Cohamacü ya sehere yũhtichü yoaga mühü tinare. Mü ã yoachü tina yũhũre wacũ tuaahca. Ti ã wacũ tuachü ñũcü ti ñaa yoari buhirire boihca. Ñ jia tina Cohamacü to beserina mehne macaina jiahca. To wahtire cjuahtina jiahca tina”, nire Jesu yũhũre —ni yahuha Paulo.

### Paulo to yoarire to dahraare yahuha

19 Ñ ni tuhsü õ sehe ni yahu namoha:

—Pũhtoro Agripa, müano macaa yü tũhoare yũhdũrũcaerahi. 20 Damascoi buhe mühtai. Baharo Jerusalẽi buhei tjoa. Baharo Judea yahpai, judio masa jieraina cahapü cũhũre masare “Ñaano yoaeraja sã”, ni ti tũhotumari cjirire tũhotu cohtota

duti, Cohamacu yare cahma dutii. “Noaare m̄sa yoach̄u ñ̄ca ‘Noaina jija s̄a’ ni, m̄sa t̄hotumari cjirire m̄sa t̄hotu cohtotarire paina masiahca” nic̄u, tinare noaare yoa dutic̄u buhei. **21** Cohamacu ya w̄h̄ūi ȳu jich̄u ȳu ã ni yahuri buhiri judio masa ȳh̄ūre ñ̄aha, wajã duamare. **22** Wiho mejeta dachoripe Cohamacu to yoadohoro mehne ã buherucuja. ã jic̄u mip̄ure m̄sa jipihtina p̄htoare wiho jiina c̄h̄ūre to yare yahui nija. Panop̄u macaina Cohamacu yare yahu m̄htaina cjiri, Moise cjiro mehne ti yahu m̄htariro seheta yahuja ȳh̄ū c̄h̄ū. Õ sehe ni yahu m̄htaa tiha tina: **23** “Cristo Cohamacu warocariro sehe ñ̄ano ȳhd̄rohca. ã jiro yariaro masa m̄ja m̄htariro waharohca tiro. ã jiro masare to ȳh̄dohtore judio masare, judio masa jieraina c̄h̄ūre masich̄u yoarohca”, ni yahu m̄hta joaa tiha panop̄u macaina cjiri. Ȳh̄ū c̄h̄ū ti yoaro seheta yahuja —ni yahuha Paulo Agripare.

### Paulo Agripare Jesu yairo cjihto yoa duamaha

**24** To ã ni yahuri baharo Festo tirore tuaro sañurucu ò sehe ni durucuha:

—Paulo, m̄h̄ū t̄ho masierariro jira. M̄h̄ū paȳu buhec̄u t̄ho masierariro wahara —ni sañurucuha tiro Paulore.

**25** To ã nich̄ū t̄horo Paulo ò sehe ni ȳhtiha Festore:

—P̄htoro t̄ho masierariro jieraja ȳh̄ū. Ȳu yahua potocã tjira. ã jic̄u ȳh̄ū ahrire cua pisaro mehne nija. **26** P̄htoro Agripa sehe, ahri ȳu yahurire noano masina. ã jic̄u ȳh̄ū tirore cuiro marieno yahuja. Ahri yahuare jipihtina masa masina. ã jic̄u jipihtia ahrire ȳu nirire p̄htoro Agripa to masich̄u masija ȳh̄ū —niha Paulo Festore.

ã ni tuhs̄u ò sehe niha Agripare:

**27** —P̄htoro Agripa, Cohamacu yare yahu m̄htaina cjiri ti yahuri cjirire t̄hora m̄h̄ū. Ti yahuare m̄ t̄hoch̄u masija ȳh̄ū —niha Paulo Agripare.

**28** —¿Ahrire ȳh̄ūre yahuc̄u mahanocã m̄ yahua mehne Jesu yairo ȳu wahach̄u yoa duai nijari m̄h̄ū? —niha Agripa Paulore.

To ã nich̄ū Paulo ò sehe ni ȳhtiha:

**29** —Mahanocã durucuc̄u o yoari pja durucuc̄u m̄sa, jipihtinare “Ȳu jiro seheta Jesu yaina jijaro”, ni sini payoja Cohamacure. Wiho mejeta ȳu yoaro sehe peresup̄u m̄sa jich̄u cahmaeraja ȳh̄ū —niha Paulo Agripare.

30-31 To ã niri baharo Agripa, Festo, Berenice jipihtina paina mehne wahcârũca, wijaa, ti basi õ sehe ni durucuha:

—Ahiro to yoari buhiri ne peresu yoa masieraja mari. ¿Ã jina mari yaba buhiri tirore wajãbocari? —ni durucuha tina ti basi.

32 —Ahiro “Jipihtina bui pũhtorore Césare yũ yoarire yahu duaja”, to nierachũ mari wioboa tirore peresupũ jirirore —niha Agripa Festore.

### Paulo tirore ti yahusãire Romapũ yahuro wahaha

**27** 1 Paulore Italiapũ dohoria mehne warocaa taa, tirore paina mehne ti peresu yoarina mehne Julio wama tiriore cũre tina. Julio cien surara pũhtoro jiro, to ya curua “César yaina surara”, wama tire. 2 ã jina Adramitio wama tiro macaria dohoriai samui sã. Tia Asiapũ wahahtia jire. Samu tuhsũ, tia mehne waha. Aristarco Tesalónica wama tiri maca macariro sã mehne wahare. Tesalónica Macedonia yahpai jira. 3 Pa dachoi sã Sidõpũ sui. Tõpũ sũro Julio Paulore noano yoare. ã yoaro Paulore tó mehne macaina cahapũ ñũno waha dutire. ã jiro Paulo mehne macaina tirore to cahmaare ti wachũ “Noanohca”, nire Julio. 4 Dohoria mehne sã pahãchũ tuaro wihnono sãre pa seherũ wãroca pjohõre. ã jina Chipre wama tiri nũco dũcataroi poto bũhũsehei waha sã. 5 Pũ Ciliciare yũhdũa, Panfilia cũhũre yũhdũa, Mira wama tiri macapũ Licia yahpai jiri macapũ wahã sui.

6 Tõpũ suna, Alejandríapũ tariare, Italiapũ wahahtiare dohoriare bocai. ã jiro sãre tiapũ surara pũhtoro naare. 7 Payũ dachori pjiro dero waha, “Nu warũoca” ni, waha, Gnido wama tiri maca potoi sui sã. Tõpũ sũ yũhdũa, wihnono tuaro wã, sã waha duariroi sãre wãrocaerare. ã jina sã cõ bũhũseherũ majare paa waha. ã jina Creta wama tiri nũco to dũcatari pahrẽ sehe sã pahãa waha, Salmo wama tiri ñoacare yũhdũai sã. 8 Tõpũ yũhdũ, tí nũco dũhtũ cahai waha, “Nu warũoca” ni, waha, Noari Pitamaha wama tiropũ wahã sui. Pitamaha Lasea wama tiri maca cahapũ jira.

9 Tõpũ yoari pja sã jiri baharo, sã wahahto sehe cuabiare. ã jiro ti chũ duhuri dacho bõse nũmũ yũhdũari baharo, Paulo tinare õ sehe ni yahure:

10 —Tũhoga mũsa. Chũ duhuri dacho bõse nũmũ baharo mari wahachũ marine minihto cuabiara. Ahria dohoria,

dohoria macaa, m̄sa pache c̄h̄n̄ mari mehne macaina c̄h̄n̄ mari butiboca wahana —nire Paulo.

11 Wiho mejeta surara p̄h̄toro dohoria p̄rore t̄h̄oro, oturiro c̄h̄n̄re t̄h̄oro, Paulo to yahua sehere t̄h̄o duaerare waha duaro. 12 Ti p̄hsari pitamaha noari pitamaha puhiro jich̄n̄ ti p̄hsari pitamaha jierare. To ã jiri pitamaha jich̄n̄ dohoria macaina paȳn̄ waha dua, Fenicep̄n̄ yoja duamare. Fenice Creta wama tiri n̄co macari pitamaha jiro, wihnono to tarirop̄n̄ s̄ m̄ja taro seher̄n̄ c̄ b̄h̄useher̄n̄, poto b̄h̄useher̄n̄ c̄h̄n̄re ñroca, wihnono tach̄n̄ noano d̄catari maca jire. To ã jiri pitamaha jich̄n̄ masia tina t̄p̄n̄ c̄ puhiro ji duamare.

### Pjiri map̄n̄ wihnono, coro pj̄iro taha

13 Ñ yoa sur sehe pj̄iroca wihnono ta d̄care. “Michare noari dacho mari wahahti dacho jira”, ni t̄hotumaha tina. Ñ ni t̄hotua tina comaa tañore t̄ã wahc̄o, Creta n̄co d̄ht̄a caha cahi yojai s̄. 14 Wiho mejeta baharo curero wihnono noreste wama tiri wihnono tuaro w̄re. 15 Ñ jiro dohoriare wihnono tuaro wahã wihire. Wihnono to w̄r̄carore waha masierana, majare paha, wihnono mehne wahi s̄. 16 Cauda wama tiri n̄cocã cahap̄n̄ sur seher̄n̄ waha, tí n̄cocã s̄re mahanocã d̄catate. “Marine nu war̄oro wahara”, nina t̄ore pj̄iria dohoria macaria mahariacã b̄socare noano waja payo d̄hteí s̄. 17 Tiare dohoriái s̄ waja payo d̄hteri baharo pj̄iria dohoriap̄n̄ pj̄iri da mehne tina wahma ñaha payore. Sirte wama tiri pad̄re “Dohoria doca wahã s̄ri”, nia cui nire tina. Ñ jia tina co turre ti duhu miori baharo dohoria dihtare wihnono w̄rocare. 18 Wihnono, coro mehne tuaro tare. Pa dacho c̄h̄n̄re wihnono m̄nanota t̄joa to tach̄n̄ ñ̄a tina ti pachere diap̄n̄ dureroca ño tuhs̄n̄ pahã wahi s̄. 19 Pa dacho dohoria macaare diap̄n̄ coh̄re tina ti basi. 20 Paȳn̄ dachori ñichua dachori jich̄n̄, s̄ dacho macariro ñahpichoha poca c̄h̄n̄ ne bajuerare. Ñ jiro tuaro wihnono tare. Ñ jina “Minia wahaja mari. Ñ jina yariaa wahanahca”, ni t̄hotumai s̄.

21 Ñ jia tina yoari p̄ja ti ch̄n̄ duhuri baharo Paulo ti pano ducu, ñ sehe ni yahure tinare:

—Pano m̄sare ȳn̄ yahuch̄n̄ t̄hoerare m̄sa. “Cretap̄n̄ jiina mari wahach̄n̄ cua nica”, ȳn̄ nich̄n̄ t̄hoerare m̄sa. Ȳh̄n̄re t̄h̄ona, ahria macaa jipihtiare boeraboa m̄sa. 22 Wiho mejeta mip̄n̄ m̄sare yahuja. Cuiena t̄jiga. Jipihtina mari ȳh̄d̄nahca.





Ahria dohoria dihta marine wahtiabasarihca. <sup>23</sup> Micha ñamine Cohamacu yairo anjo yũhũre bajuahre. Cohamacu yairo jija yũhũ. Ā jicu tirore dahra cohtariro jija yũhũ. Anjo sehe yũ cahai taro, õ sehe ni yahuhre: <sup>24</sup> “Paulo, cuiescũ tjiga. Jipihitina bui pũhtore mũ yoari cjrĩre mũhũre yahuro cahmana. Cohamacu noariro jira. Ā jiro tirore mũ siniriro seheta mipũre mũhũ mehne macaina cũhũre yoadohorohca”, nihre yũhũre anjo. <sup>25</sup> Ā jina cuiena tjiga mũsa. Anjo yũhũre to niriro seheta waharohca. Cohamacũre wacũ tuaja yũhũ. Ā jicu to yahuriro seheta “Potocã tjira”, ni tũhotuja yũhũ. <sup>26</sup> Wiho mejeta marine nũcorũ wihnono wãroca, cohãnohca —ni yahure Paulo tinare.

27 Cũ ñami p̄na somana baharo pjiri ma Adriático wama tiri mai wihnono sãre tuaro wãre. Tí pjare ñami dacho macai dohoria macaina m̄ua sehe “Dũhtũ cahapũ jija mari”, ni tũhoture tina. 28 Æ ni tũhotua nũcũri taño comaa tañore yuta da mehne dũhte, duhuroca mio, quihõre. Treinta y seis metro waro cũãre. Mahanocã waha, quihõre tjoa. Tí pjare veintisiete metro waro cũãre. 29 Æ jia tãare “Doca wahã sũri”, nia dohoria oturopũ pititia tañori comaa tañorine yuta dari mehne dũhte, duhuroca miore diapũ. Æ jia “Cjero bohreajaro” ni, tuaro sinire tina. 30 Dohoria macaina m̄ua sehe duhtimare. Tina mahariacãre dohoria macariare diapũ waja boro, dohoria quenoĩ comaa tañorine ti boroboriro seheta yoare tina mahariacãre “Marine ñũri”, nia. 31 Wiho mejeta Paulo surara pũhtorore, to surara mehne yahure:

—Ahrina m̄ua mahariacã bũsocai ti wahachũ m̄usa yarianahca —nire Paulo.

32 To ã nichũ tũhoa surara sehe mahariacãre dũhtea darire yihso ta, tiare cohãre.

33 Bohreahto panocã Paulo tinare tuaro chũ dutire.

—P̄na somana waro ne chũerare m̄usa. 34 Æ jina mipũre chũna taga. Tuaro m̄usare chũ dutija. M̄usa cati duana chũga. Jipihtina m̄usa yũhdũnahca —nire Paulo tinare.

35 To ã niri baharo Paulo pãore na, jipihtina ti pano Cohamacũre “Noana” ni, duhu payo, tíre chũ dũcare tiro.

36 To ã chũchũ ñũa tina cuiro marieina waha, jipihtina tina cũhũ chũre. 37 Sã jipihtina doscientos setenta y seis masa dohoriapũ jii sã. 38 Tina jipihtina yapia waha “Ahria dohoria nũcũ nica” ni, payũ trigo chũare diapũ cohãre.

### Dohoria padũropũ doca pja sũha

39 Bohreachũ dohoria macaina m̄ua nũcore ñũa, “Õ sehe wama tiri nũco jira ahri nũco”, ni ñũ masierare. Wiho mejeta tina pari tucũi padũro jichũ ñũa, “Mari tí tucũpũ wahana, tũpũre doca pja sũboca padũroi”, nire tina. 40 Æ nia, comaa tañorine dũhtea darire yihso taroca mioha. Oturi pjĩ dũhtea dari cũhũre yihso tanocare tina. Ti ã yuari baharo dohoria queno macari suhtirore wahcõ dapore poto wihnono wãrocachũ cahmaa. 41 Wiho mejeta dohoria queno sehe pa padũropũ caha sũ, nũja masierare. Æ jiro oturore tuaro pahcõri

cjã wahcõchũ tia oturo wahtia wahare. 42 To ã wahachũ ñña õ sehe nire surara:

—Ahria minichũ mari peresu yoaina dũhtũ cahapũ ba wahã sũ duhtinocaahca. ã jina tinare wajã pahñonocajihna —nire surara.

43 Wiho mejeta surara pũhtoro sehe Paulore wajã duaeraro, jipihtina peresu jinare wajã dutierare. ã jiro jipihtina ba masiinare surara pũhtoro poto dũhtũ cahapũ ba wahã sũ dutire. 44 ã jia paina dohoria macaa pjĩni wahti sitea pjĩni mehne bora ñoja, tí pjĩni bui pisa ba nũjare. Sã tó sehe yoana sã jipihtina dũhtũ cahai wahã sũi.

### Paulo Malta wama tiri nũcoi jiha

**28** 1 ã yoa tí nũcorũ sã jipihtina maja sũrucũ sũna tí nũco wamare masii. Malta wama tiri nũco jire. 2 Tí nũco macaina masa sãre noano yoare. ã jina sã coro waari baharo yũsũa yũhdũare sãre. ã jia tó macaina sehe pichaca wijã tuhsũ, sãre sohma dutire. 3 Paulo pichare na ta, na tiãre. To na tiãri baharo tí picha puhichapũ sãariro agã tuaro sichũ tũhoturo wijaa taro, Paulo wamomacai bahca wãha sũre yahawero marieno. 4 To bahca wahã sũchũ ñña tí nũco macaina ti basi õ sehe ni durucure:



—Ahriri masa wajāriro jiboca. Ā yoaro tuaricoro buhiri dahrerico ro m̄ano macaricoro tirore buhiri dahrero, cati dutierara. Tiro p̄jiri map̄ minino ȳhdu tuhs̄ri jimare. Mip̄re ticoro sehe tirore cati dutierara —nimare tina ti basi.

<sup>5</sup> Wiho mejeta Paulo agāre pichacap̄ wajā siterocare. Tirore agā pur̄ierare. <sup>6</sup> “Wipirohca” nia, cohtamare tina. Ne wipierare tirore. “Tiro yariaa waharohca” nia, tina cohtamare. Tirore pur̄ierare. Yoari p̄ja baharo to wipierach̄ ñ̄a, to pur̄ierach̄ ñ̄a, soro t̄hoture tina. “Ahriri cohamana mehne macariro jiboca”, nimare tina.

<sup>7</sup> Ti ba wahā s̄riro cahacāi Publio wama tiroro ya weseri jire. Tiro tí n̄co macariro p̄htoro jire. Ā jina tiro s̄re to noano yoach̄, tia dacho waro to ya w̄h̄i jii s̄. <sup>8</sup> Publio p̄c̄ro yojaro ti, juaro tiroro jire. Ā jiro tiro camai coāre. Ā jiro Paulo dohatiroro ya tahtiap̄ s̄a, Cohamac̄re sini, to wamomacarine tiro bui duhu payo, noariro wahach̄ yoare tirore. <sup>9</sup> To noariro wahach̄ ñ̄a jipih̄tina paina tí n̄co macaina dohatiinare Paulo cahap̄ na tare. Ti ā na tach̄ ñ̄no Paulo noaina wahach̄ yoare tina c̄h̄re. <sup>10</sup> Baharo tina paȳ s̄re wapa marieno ware. S̄a wahahto panocā jipih̄tia s̄a cahmaare, s̄a wahana s̄a ch̄htire dohoriap̄ dure s̄are tina.

### Paulo Romap̄ s̄ha

<sup>11</sup> Tia s̄u tí n̄cop̄ s̄a jiri baharo dohoria mehne wahai s̄a. Tia dohoria queno i p̄aro cohamana Cástor, Pólux wama tiina ti mas̄ ducure. Alejandriap̄ taria jire tia. Puhiro puro tí n̄cop̄ tia dohoria pahsare. <sup>12</sup> Waha, Siracusa wama tiri macap̄ s̄na, tia dacho waro tí macare jii s̄. <sup>13</sup> Tí macare wijaa, waha, Regio wama tiri macap̄ s̄ sui. Pa dachoi surp̄ wihnono ta, s̄are wārocure. P̄a dacho baharo Puteoli wama tiri macap̄ sui. <sup>14</sup> Tórp̄ Jesu yaina mahainacā s̄are piti bocare.

—C̄u somana waro s̄a mehne tjuaga —nire tina s̄are.

Ti ā nich̄ t̄hona c̄u somana waro tina mehne tjuasini. Baharo mahai maja, Romap̄ sui s̄. <sup>15</sup> Tó macaina Jesu yaina sehe Romap̄ s̄a s̄htire t̄hoa, Apio wama tirop̄ pache duarop̄ s̄are piti bocare. Paina Jesu yaina Tia W̄h̄ wama tirop̄ s̄are piti bocare. Ti ā piti bocach̄ ñ̄no Paulo wahchea mehne Cohamac̄re “Noana” ni, noano yajeri s̄a wahare. <sup>16</sup> Romap̄ s̄a s̄ri baharo ti peresu ti yoinare tó macarirore

peresu cohtaina pũhtore yahure. Wiho mejeta Paulo sehere cũirota cũre tó macaina pũtoa. ã jiro tirore cũirota surara cohtare.

### Paulo Romai buheha

17 Tia dacho baharo Paulo judio masa pũtoa mehne cahmachuno taro, tinare pjire. Ti cahmachuri baharo tiro tinare õ sehe ni yahure:

—Coyea, mari coyeare soro yoaerahi yũhũ. ã yoa mari ñũchũsuma cjiri ti yoaa tirire, marine ti buheri cũhũre yũhdũrũcaerahi yũhũ. ã yũ yũhdũrũcaerapachũta Jerusalẽpũ yũhũre ñahahre judio masa. Ti ñahari baharo Roma macainare yũhũre peresu yoa dutihre tina. 18 Ti ã yoachũ Roma macaina yũhũre sinitu, yũ ñano yoarerariro yũ jichũ yũhũre “Buhiri tiroiro jira”, ni masierare. “¿Ne yaba buhiri wajãbocari mari tirore?” nihre yũhũre tina. ã jia yũhũre sinituina sehe yũhũre wio duamahre. 19 Wiho mejeta judio masa sehe yũhũre wiochũ cahmaerare. Yũ coyeare judio masare yũhũre ti yoarire yahusã duaeraja. Wiho mejeta yũhũre ti wio duaerachũ ñũcũ, “Jipihtina bui pũhtoro Césare yũ yoarire poto yahu duaaja yũhũ”, ni sinihi. 20 ã jicũ mũsare ahrire yahu duacũ pjihĩ. Cristo marine yũhdohtiro judio masa mari cohtariro to yare yũ yahuri buhiri yũhũ peresupũ jija. ã jicũ tíre mũsare yahui tai pjihĩ —nire Paulo judio masa pũhtoare.

21 To ã nichũ tũhoa tina sehe tirore õ sehe ni yahure:

—Judea yahpa macaina Judio masa mũhũre quiti yahua pũrine sãre ne warocaerare. ã yoa tórpũ tarina cũhũ mari coyea sãre mũ ã waharire yahuera tire. Tina “Tiro ñano yoariro jira” ni, mũhũre yahuera tire. 22 Wiho mejeta Jesu yare mũ yahuri curua macainare jipihtiropũ masa ñano ti durucuchũ sã masija. ã masina mũ buheare mũ yahuchũ tũho duaaja sã —nire tina tirore.

23 ã ni tuhsũ, “Pa dachopũ jijihna”, nire tina. Pa dachopũ Paulo mehne cahmachu mũhtaina yũhdooro masa payũ to jiropũ wihire. Ñami curerocã pũhtoro Cohamacũ to sũho jiare noaa buheare tiro buhe dũca, pũ, ñamipũ Moise cjirore Cohamacũ to cũri dutiare, ã yoa Cohamacũ yare yahu mũhtaina cjiri ti joari cjiri cũhũre buhere. ã buhero, tinare Jesure “Tiro tjica mari cohtariro”, ni masichũ yoa duaro nimare Paulo. 24 Cãina to buherire noano mehne tũhore. Wiho mejeta paina sehe

tũho duaerare. **25** ã jia tina ti basi p̄na curua tju wa, wahaa taa nire. Ti wahahto pano Paulo Isaia cjiro to durucuri cjiire tinare yahure. Õ sehe nire tinare:

—Isaia Cohamacu yare yahu mũhtariro cjiro to yahuri potocãta jira. Mari ñuchusuma cjiire yahuro taro Espiritu Santo Isaia cjirore ò sehe ni yahu joa dutiha:

**26-27** “Ahrire ahrinare yahui wahaga:

‘Dapu b̄tiina jira m̄sa.

Yũ yare tũho duaerara m̄sa.

Cahmo copari susueraina yoaro seheta tũho duaerara m̄sa.

ã jina yũ yare tũhopenahta tũho ñahasi m̄sa.

M̄sa ã jieraina jina, noano tũho ñahaboa m̄sa.

ã jina yũhure cahmaboa m̄sa.

ã jicu m̄sare pichacap̄ wahaborinare yũhdoboa yũhũ’, niha Cohamacu Isaia cjiro to joari tjuřũ”

—nire Paulo tinare. **28** ã ni tuhsũ, Paulo ò sehe ni yahu namore:

—Ahrire masiga m̄sa. Cohamacu ya buheare masare to noano yũhdoare judio masa jierainare buhenahca sã. Tina sehe tũhoahca —nire Paulo judio masare.

**29** [To ã nichũ tũhoa judio masa tíre ti basi tuaro cahma sayo, wijaare.]

**30** P̄na cũhma waro Paulo to ã waparucuri wũhũřũ jire. Tói jiro, jipihtina to wũhũřũ wihiinare wahchea mehne piti bocare tiro. **31** ã jiro tiro cuiro marieno pũhtoro Cohamacu to sũho jiare, pũhtoro Jesucristo ya cũhure buhea tire. To ã buhechũ ne paina tirore “Buhei tjiga”, nierare.

# Romanos

## Paulo Roma macainare Jesu yainare joarocaha

**1** 1 Yũhũ Paulo mũsare Roma macainare joarocaja. Yũhũ jija Jesucristo cahamacũno. Tiro yũhũre beseri jire. To ya noaa buheare buhe duti warocahtiro cjihtore yũhũre cũri jire tiro.

2 Tĩ buheare noaa buheare panopũ Cohamacũ “Yahui tai nija”, nia tiha. To ã ni yahuriro seheta to yare yahu mũhtaina cjiro panopũ macainare to yahuhtire to ya pũi joa dutiha. 3 Tĩ buheata to macũnore yahua jira. Tiro masũno waro jiro taro, Davi cjiro panamino ji turiariro jiha tiro. 4 Jesucristo mari pũhtoro Cohamacũ macũno ñaa buhiri marieriro to jiare õ sehe ñori jire Cohamacũ. To yariari baharo Cohamacũ to tuaa mehne tirore masa wijaachũ yoari jire. ã yoaro Jesucristo potocãta Cohamacũ macũno to jiare ñori jire Cohamacũ masare. 5 Tirota sãre pja ñũno sãre to yare buhe dutiro warocare jipihtina Jesucristore wacũ tua ti ño payohti cjihtire. 6 ã jiro mũa cũhũre Jesucristo yaina cjihtire beseha tiro.

7 Mũsare, Cohamacũ to cahĩinare, Roma macainare, to yaina cjihti yoare mũsare tiro. Mũsare jipihtinare ahri pũre joarocaja. ã jicũ Cohamacũ mari Pũcũ, mari pũhtoro Jesucristo mehne mũsare noa dutija. Tina ti yoadohoa mehne noano jiga mũa.

## Paulo Romapũre ñũno waha duaro nimaha

8 Ahrire yahu mũhtaihtja mũsare: Jipihtia macari macaina Jesucristore mũa wacũ tuarire masa yahuhre yũhũre. Ti ã ni yahuchũ tũhocũ “Noana”, nija Cohamacũre. Jesucristo to yoadohoro mehne ã nija tirore. Cohamacũre sini payocũ mũa ya cjihti cũhũre ã sini payorucuja. 9 Tiro yũhũre to dutichũ to macũno ya buheare noaa buheare tuaro buhecũ to cahamacũnota jija yũhũ. ã jiro mũa ya cjihtire Cohamacũre yũ ã sini payorucuchũ tiro masina. 10 ã sini payocũ Cohamacũ cahmachũ mipũ pinihtare mũa cahapũ yũ ñũi wahahto cjihto cũhũre sinija. Yoari pja mũsare ñũ duacũ yũ wahahtore cohtai yoanocamaja yũhũ. 11 Espĩritu Santo yũhũre to buheri cjirire

mūsare buhe turia duaja Jesure mūsa wacū tua namohto cjihto sehe. Ā jicū mūsare tuaro ñu duaja yūhū. **12** Jesure wacū tuaja mari. Ā jicū mūsare ñu duaja Jesure mari wacū tuaa mehne pū buhūseheri mari cahma wahchechū yoahito cjihto sehe.

**13** Yū coyea, ahrire mūsa masichū cahmaja. Noaa buheare yū buheri baharo paye macari macaina mūsa coyea judio masa jieraina cūhū Jesure wacū tuare. Ā jicū payū tahari mūsa cahapū waha duamahi tina, Jesure ti wacū tuariro seheta mūsa mehne macaina cūhū ti wacū tuahto cjihto sehe. Ā waha duapaihta waha masiera tihi yūhū. **14** Jipihtinare noaa buheare buhero jiro nina yūhūre. Buheinare, buhemahnoeraina cūhūre, masiinare, masieraina cūhūre buhehtiro cjihto jii nija yūhū. **15** Ā jiriro jicū mūsare Roma macainare noaa buheare tuaro buhe duaja.

### **Noa buheare masa tūhoa Jesure wacū tua dūcara**

**16** Noaa buheare tūhoa Jesure wacū tua dūcara masa. Ā jiro jipihtinare Jesure wacū tuainare Cohamacū to tuaa mehne pichacapū wahaborinare yūhdora. Ti ā yūhdūchū masicū ahri buheare noaa buheare buo tiro marieno yahuja. Ahri buheare judio masa tūho mūhtari jire. Ti baharo, judio masa jieraina cūhū tūho turiari jire. **17** Ahri buhea ō sehe ni yahura: Jesure wacū tuainare “Ñaa buhiri marieina, noaina jira”, ni ñūna Cohamacū. Tirore wacū tuaina dihtare ā ni ñūna Cohamacū. Ahri panopū ti ni joariro seheta jira: “ ‘Noaina jira’, to ni ñūina Cohamacūre wacū tuaina dihta jira. Ā wacū tuaa, to ya catia mehne ā catirucuahca tina”, ni joaa tiha.

### **Masa ti ñaa yoari buhirire yahuha Paulo**

**18** Cohamacū mūanopū jirirore masa ti yūhdūrucarire, ti ñaa yoari cūhūre ñūno, ti ā yoari buhiri tina mehne suara. Tó sehe jiina barore to buhiri dahrehtore masichū yoara tiro. Masa ti ñaa yoaa mehne painare noaa buheare tūhoerachū yoara tina sehe. **19** Cohamacū to basi to jia tiare masichū yoaha. To ā yoachū Cohamacūre masichū mijoerara masare. **20** Cohamacūre mari ñūerapachūta mūano macariro to jia tiare, tuariro to jia cūhūre to basi masichū yoara tiro. Ahri yahpare to bajuamehneri baharo jipihtia to bajuamehnerire ñūa “Cohamacū to yoari cjiri jira ahri” nia, Cohamacū to jia tiare masina masa. Ā jia masa Cohamacūre masipahta ā ñaare yoarucua, buhiri tira.



“Mũhũre masierahi. Ā jicũ ñaare yoahi”, ni masisi Cohamacũre. 21 Ā jia Cohamacũ to jia tiare masipahta tina tirore ño payoerara. Ā jia tiro tinare to noano yoapachũta tina sehe “Noana”, nierara tirore. Ā tũho masieraina jia, wiho jia macaare, ñaa dihtare tũhoturucuina baro jira tina. 22 “Tũho masiina jija”, nipahta tũho masieraina wahara tina. 23 Ā wahaa Cohamacũre ā jirucurire tina ño payoerara. Ā ño payoeraa, ti ño payoboriro sehere cohtota, wiho jia masũri sehere “Cohamacũ jira”, ti nia masũri sehere ño payora. Wiho jia masũri sehere yariahtina masa masũrine, ā yoa minichahca masũrine, chihchõina masũrine, wahiquina masũri cũhũre “Cohamacũ jira”, ni ño payora tina.

24 Ti ā yoachũ ñũno “Ti mũ sũro ñaare goa pja, yoawahnojaro”, nino Cohamacũ cohãnocare tinare. To ā cohãri baharo tina ñabiario, pjiro bũoro wahachũ yoaare cahma yoarucura ti basi. 25 Ā jia Cohamacũ ya sehere cahmaeraa, mahñoa sehere noano tũhora tina. Cohamacũ ya sehere mahñoa yoaro sehe jichũ yoara tina. Potocãta Cohamacũ warore jipihtiare bajuamehnerirore jipihtia dachoripe noano ño payoro cahmana. Wiho mejeta tina sehe tirore ño payoerara. Ā tirore ño payoeraa, Cohamacũ to bajuamehneri cjiri, wiho jia sehere ño payora tina.

26 Ti ā ño payochũ ñũno “Ti mũ sũro goa pja, yoawahnojaro”, nino Cohamacũ cohãnocare tinare. Ā jia tina numia mũa mehne manũ tiboina cohtota, ti basi numia dihta ñano yoara ti pjacũri mehne. 27 Ti yoaro seheta jiina mũa cũhũ numia mehne namo tiboina jipahta, tíre cohtota, mũa ti basita ti pjacũri mehne ñabiario yoara. Ā yoaa, ti basita ti ñano yoari buhiri ti pjacũri sehe ñano yũhdũra.

28 Ā Cohamacũre ti cahmaerari buhiri Cohamacũ tinare cohãre. To ā cohãchũ tina sehe ñano wacũrucu, ñano yoarucura. 29 Ā jia tina tuaro ñano yoarucura. Numia mehne ñano yoarucuina, mũa mehne ñano yoarucua numia, ñaare goa pjarucuina, paina yare tuaro cahmaina, painare ñano yoarucuina, paina paye baro ti cjuachũ ñũa goa pjaina, masare wajãina, cahma sayoina, mahñoina, masare ñũ tuhtiina, ñaa quiti dahreina, 30 paina ti yoerapachũta ñano ni yahuwajaina, Cohamacũre ñũ tuhtiina, painare purĩno yũhtiina, “Sã sehe masi yũhdũrucũ sũja”, ni tũhotuina, painare ā ni yahuina, paye ñaare yoa dũcaina, ti pũcũsumare

yũhtieraina, <sup>31</sup> tuho masieraina, ti nino seheta yoaeraina, masare ne cahieraina, ti basi cahma susini duhueraína, ne pja ñneraina jira tina. <sup>32</sup> Ñ nano yoarucuinare Cohamacu pichacapu cohãnohca. To ã cohãhtire masipahta tina tí ñaare ã yoarucura. Ñ jia paina tinare ñu cũ ti yoaro seheta ñano ti yoachu ñua, “Mari yoaro seheta ñano yoara”, ni wahchera tina.

**Masare buhiri dahre dutiro tíre quihõno yoarohca Cohamacu**

**2** <sup>1</sup> “Tina ñabiaina jira”, ni yahuwajaena tjiga painare. Mũsa cũhu ti yoaro seheta yoara. “Ñaare yoaraja sã. Ñ jina buhiri maeraja”, ni masierara mũsa. Mũsa yahu wajaina yoaro seheta ñaare yoana, mũsa cũhu mũsa basita buhiri dahre dutina nica. <sup>2</sup> Tó sehe yoainare Cohamacu to buhiri dahrechũ potocãta quihõno to buhiri dahrechũ masija mari. <sup>3</sup> Painare “Buhiri tiaha”, ni yahu waja ti yoaro seheta mũsa yoachu, mũsa cũhure buhiri dahrerohca. Ñ jina “Sãre buhiri dahresi”, ni tuhotuboca mũsa. Jierara. Mũsa cũhure buhiri dahrerohca tiro. <sup>4</sup> Mũsa ñano yoapachũta Cohamacu mũsare pja ñno, dói waro buhiri dahrerara. Ñ jina “Cohamacu yũhu mehne suasi”, ni tuhotuboca mũsa. Jierara. Cohamacu mũsare pja ñno, dói waro buhiri dahrerara mũsa ñaa buhiri tiare cahyachu ñu duaro, tirore mũsa yũhtichũ cahmano. <sup>5</sup> Ñ buhiri dahre duaeraparota, mũsa Cohamacure yũhti duaerachu, mũsa ñaa buhiri tiare mũsa cahyaerachu, buhiri dahrerohca mũsare. Tó pano mũsare to buhiri dahreboriro yũhdoro tí to buhiri dahrehti dacho waropure ñano, tuaro waro mũsare buhiri dahrerohca Cohamacu. Quihõno buhiri dahrerohca. <sup>6</sup> Cãinare ti yoa wapataro seheta yoarohca Cohamacu. <sup>7</sup> Cãina noaare yoarucuina jira. Tina Cohamacure noano wahchechũ yoa duaina, jipihtia dachoripe Cohamacu mehne ji duaina jira. Tina pinihtare dachoripe tiro mehne jirucuchũ yoarohca Cohamacu. <sup>8</sup> Wiho mejeta paina sehe tina yoaro sehe jierara. Tina ti mũ sũro jia ti, ñaare goa pja yoarucuina baro jira. Cohamacu ya warore cahmaerara. Tina mehne Cohamacu tuaro sua, buhiri dahrerohca. <sup>9</sup> Jipihtina ñano yoaina ñano yũhdũahca. Judio masare ãta waha mũhtanohca. Tuhsũ, judio masa jieraina cũhure ãta waharohca. <sup>10</sup> Jipihtina noaare yoaina sehere Cohamacu “Noana”, ninohca. Ñ jia masa tinare ño payoahca. Ñ jiro tinare noano jichũ yoarohca Cohamacu.

Judio masare ãta waha mũhtanohca. Tuhsu, judio masa jieraina cũhũre ãta waharohca.

11 Cohamacu judio masare, ã jichu judio masa jieraina cũhũre jipihtinare cũno sehe ñna. Mari yoarire ñno, quihõno besera jipihtinare, ñaina, noaina cũhũre. 12 Paina Cohamacu Moise cjirore to dutia cjirire masieraina sehe buhiri tiare ti yoachu, to dutiare ti masierapachuta tinare buhiri dahrerohca Cohamacu. Æ yoa tí dutiare masiina cũhũre buhiri tiare ti yoachu, tí dutiare ti yũhdũrucari buhiri buhiri dahrerohca Cohamacu. 13 Cohamacu dutiare tũhopahta yũhtierainare “Buhiri marieina, noaina jira ahrina”, ni ñnerara Cohamacu. To dutiare yoaina sehere “Noaina jira”, ni ñna tinare Cohamacu. 14 Judio masa jieraina Cohamacu Moise cjirore to cũri dutia maerapahta, ti mũ sũro noaare yoaa, Cohamacu dutiare yoaa nina. Æ yoaa Moise cjirore to dutiare joari pũre cjuerapahta tina ti mũ sũro to dutiare masina. 15 Æ jia to dutiare ti tũhotuapũ potocãta cjuara tina. Æ cjuaa ñaare yoaa dóicãta ti ñaa yoarire masina tina. Æ jiro ñaare yoiro “¿Dohse jiro baro ñaare yoiari yũhũ?” ni tũhotura tiro. Æ jiro noaare to basi to yoiari cũhũre masina tiro. 16 Æ jiro Cohamacu Jesucristore to warocahti dachoi masa ti yoarire ti yahu duaerarire Jesucristo masi pahõno, tiro tinare beserohca noaina, ñaina cũhũre. Tó sehe yorohca tiro noaa buhea to nino sehetã. Ahrita jira masare yũ buhea.

### **Cohamacu Moise cjirore to dutirire yahuha Paulo**

17 Mũsa sehe judio masa jina, Cohamacu Moise cjirore to dutiare ño payoina jina, “Cohamacu to yaina jija”, ni tũhotumana mũsa. 18 Æ jina Cohamacu dutiare masiina jina, to cahmaare masina mũsa. Æ masiina jina, “Noaare sã yoahore bese masija sã”, ni tũhotumana mũsa. 19 Æ ni tũhotuna õ sehe ni tũhotu namona mũsa: “Painare ne masierainare noano masichu yoaja sã. Tinare sã buherachu ne Cohamacu masieraboã tina. Æ jia ñaare duhueraboã”, ni tũhotumana mũsa. 20 Æ jina “Tũho masierainare noaare yoa dutiina, macanacã cũhũre buheina jija sã”, ni tũhotumana mũsa. Æ jina “Cohamacu dutiare cjuana, potocã jiare masi pahõja sã”, ni tũhotumana mũsa. 21 ¿Æ jina painare buheina jipanahta, dohse yoana mũsa sehe mũsa buheriro sehe yoerajari? ¿Painare yaca dutieraina jipanahta dohseana mũsa sehe

yacajari? <sup>22</sup> ¿Pairo namono mehne ñano yoa dutieraina jipanahta dohseana m̄sa sehe pairo namono mehne ñano yojari? “Cohamac̄u jira”, ti nia mas̄urine ñ̄u yabiina jira m̄sa. ¿Ã ñ̄u yabiina jipanahta dohseana tí mas̄urine ti ño payoa w̄h̄usep̄u s̄aa yacajari m̄sa? <sup>23</sup> “Cohamac̄u Moise c̄j̄irote to dutiare c̄j̄uaja s̄a”, niina jipanahta to dutiare ȳhd̄ur̄ucara m̄sa. Ã ȳhd̄ur̄ucana Cohamac̄ure ño payoerach̄u yoana nica m̄sa painare. <sup>24</sup> Ãta nina Cohamac̄u yare ti joari p̄ui: “Cohamac̄u dutiare m̄sa ȳhd̄ur̄ucari buhiri judio masa jieraina sehere Cohamac̄ure ti ñano durucuch̄u yoara m̄sa judio masa”, ni joaa tiha Cohamac̄u yare ti joari p̄ui.

<sup>25</sup> “Cohamac̄u yaina jija”, ni t̄hotura c̄aina judio masa mahanoc̄a cahsaroc̄are yihsoina. Cohamac̄u yare ti yoach̄u judio masa ti jich̄u noa nina. To yare ti yoerach̄u judio masa ti jia tia yaba c̄jihti jierara. Yihsoina ti jia tia c̄h̄u yaba c̄jihti jierara. <sup>26</sup> Ã jiro judio masa jieraina mahanoc̄a cahsaroc̄are yihsoeraina ti jipach̄uta, Cohamac̄u dutiare ti yoach̄u ñ̄no “Ȳu yaina masata jira”, ni ñ̄na Cohamac̄u tinare. Judio masa sehere to ã ni ñ̄boriro seheta judio masa jieraina sehere ã ni ñ̄na. <sup>27</sup> Paȳu judio masa Cohamac̄u Moise c̄j̄irote to dutiare c̄j̄uapahta tíre yoerara tina. Ã jia paina judio masa jieraina sehe mahanoc̄a cahsaroc̄are yihsoeraina jipahta to dutiare yoara. Ã yoaina jia judio masa ti ñano yoarire masich̄u yoaa nina. <sup>28</sup> M̄ip̄ure judio mas̄no waro to jiare yahuiht̄ja m̄sare. To p̄jac̄ure mahanoc̄a cahsaroc̄are yihsoiro jiparota Cohamac̄ure ño payoeraro potoc̄ata judio mas̄no waro jierara. <sup>29</sup> Cohamac̄u yairo Esp̄ir̄iture c̄j̄uaro tirore ȳht̄irote tiro t̄jira judio mas̄no waro. Ã yoa to p̄jac̄ure mahanoc̄a cahsaroc̄are to yihso coh̄airo seheta to ñaa yoare duhura tiro. To m̄u s̄uro dutiare yoariro jieraparota Esp̄ir̄itu Santo to yoadohoa mehne to ñaa yoare duhura. Tó sehe yoarirore “Noariro jira”, ni ñ̄na Cohamac̄u sehe. Masa sehe tirore ti ã nierapach̄uta, ã nina Cohamac̄u sehe.

**3** <sup>1</sup> ¿Ȳu ã nich̄u judio masa ti jia tia wiho waro jijari, m̄sa t̄hotuch̄u? Ne wiho waro jia nierara. ¿Cohamac̄u judio masare to dutirote seheta ti p̄jac̄urire mahanoc̄a cahsaroc̄are ti yihso coh̄aa wiho waro jijari, m̄sa t̄hotuch̄u? Ne wiho waro jia nierara. <sup>2</sup> Judio masa ti jia tia wiho waro jierara. Cohamac̄u yare ti joari p̄ure judio masare c̄u m̄ht̄aha. Ã jia judio masa ti jich̄u noa nina tinare. <sup>3</sup> Ã jia c̄aina judio masa Cohamac̄ure ti

tũhoerapachũta to niri c̃jiri potocãta jira. ã jiro to ni cũriro seheta yoarohca tiro. <sup>4</sup> Æta jira. Jipih̃tina masa mah̃ñoina ti jipachũta Cohamacũ sehe ne mah̃ñoerara. Panopũ to yare yahu mũhtariro c̃jiro to ni joariro seheta ne mah̃ñoerara Cohamacũ. Õ sehe ni joaa tiha:

“Potocã niriro jira mũhũ Cohamacũ.

Mũhũre ã jia masa ‘Cohamacũ quih̃ño yoaerara’,  
ni masierara mũhũre”,

ni joaa tiha panopũ.

<sup>5</sup> Õ sehe ni tũhotuboca masa: “Mari ñaare yoana Cohamacũ noare to yoariro jichũ masichũ yoaja. ã jiro ñaare mari yoachũ noa nina. ¿To ã noaa jipachũta dohsearo tiro mari ñaare yoari buhiri buhiri dahremacanocajari?” ni tũhotuboca masa. Masa ti tũhotuboriro seheta ã nii nija. <sup>6</sup> Tó jierara ti ã ni tũhotuchũ. Mari ñaa yoari sehe noaa jichũ Cohamacũ mari ñaare yoari buhiri buhiri dahre masieraboa.

<sup>7</sup> Masa sehe mah̃ñoina jira. Cohamacũ sehe ne mah̃ñoerara. Æ jina masa ti mah̃nochũ ñũna Cohamacũ sehe ne mah̃ñoerariro to jichũ noano ñũ masija mari. Æ jia masa mah̃ñoa, Cohamacũ to mah̃ñoerariro to jiare ñoa niboca tina. Æta ni tũhotumana cãina. Æ ni tũhotua ò sehe ni tũhotu namomana tina: “Sã mah̃ñoa mehne Cohamacũ to mah̃ñoerariro jiare ñona nija. Æ ñona noano yoana nija. Æ jia sã mah̃ñoa noa nina. ¿Sã mah̃ñoa noaa nichũ dohse jiro baro sã mah̃ñori buhiri sãre buhiri dahremacanocabocari Cohamacũ?” ni tũhotumana cãina masa. <sup>8</sup> Æ jia ò sehe ni mah̃ñoa cãina sãre: “ ñNano yoana Cohamacũ to noariro jichũ ñona nica. Æ jina ñano yoajihna’, nihre Paulo cũhũ”, ni mah̃ño yahusãna sãre cãina. Ti ã niri buhiri tinare Cohamacũ buhiri dahrerohca. Æta yoaro cahmana tinare.

### Jipih̃tina buhiri tiina jija mari

<sup>9</sup> ¿ã yoa dohse ni tũhotujari mũsa? ¿Mari judio masa paina yũdoro noaina jijari mari? Jieraja mari. Judio masa, judio masa jieraina cũhũ ñaa buhiri tia c̃jũaina dihta jija mari. Æ jina jipih̃tina buhiri tiina jija mari. Æta jira. Jipih̃tinare yũ buheriro seheta jira. <sup>10</sup> Panopũ to ni joariro seheta jira ahri: Õ sehe ni joaa tiha:

“Ne cũriro masũno noariro mariahna, Cohamacũ to  
ñũchũ.

- 11 Jipihtina masa tũho ñahaeraina dihta jira.  
Tuhsũ, jipihtina masa ne Cohamacũre macaeraina  
jia, tirore wacũ payoerara.
- 12 Tina Cohamacũ yare cohãa jipihtina ñaare yoaina  
wahare.  
Ne cũiro noaare yoariro pinihta mariahna.
- 13 Ti dũseri masa copari ti pjõo dapori yoaro sehe jira.  
Ti durucuchũ, masa copari ƣrĩa wijaaro sehe  
mahñoa dihta ti dũserire wijaara.  
Ã durucua agã dũseroi to ñima purĩa wijaaro seheta  
purĩno ti durucua wijaara ti dũserire.
- 14 Tina painare ñano durucuina, purĩno durucuina jira.
- 15 Ã jia sua ñaina dóicãta masare wajãina jira.
- 16 Nohoi ti waharoi tina masare ñano yoa,  
ñano yũhdũchũ yoara tinare.
- 17 Tó sehe jia paina masa mehne tina noano jierara.
- 18 Ã yoa Cohamacũre ne ño payoerara”,

ni joaa tiha panopũre.

19-20 Cohamacũ jipihtiare to joa na dutiri cjirire sãre judio  
masare cũha. Ã jiro tó sehe to ni joariro cjiro mari cũhũre  
dutisinina. “Buhiri mariahna sãre”, ni masieraja mari. Ã jina  
mari jipihtiro macaina judio masa, ã jichũ judio masa jieraina  
cũhũ to buhiri dahrehtina mari jia tiare masija mari. Ã jina  
buhiri tiina mari jiare masina, “Noaina jija sã”, ni masieraja  
Cohamacũre. Cohamacũ to yoa dutia sehere ne mari yoeraja.  
Ã jiro to dutia sehe buhiri tiina mari jia tiare masichũ yoara  
marine. Ã masina, õ sehe ni masieraja mari: “Cohamacũ dutiare  
yoa pahñohi. Ã jiro Cohamacũ marine ‘Noaina jira’, ni ñũna”,  
ne ni masieraja mari jipihtiro macaina.

### **Cohamacũre noano mari wacũ tuana to yaina wahaja mari**

21 Wiho mejeta mipũre Moise cjirore to dutiri cjirire yoa  
pahñoño marieno masare ti ñaa buhirire to cohãrre masichũ  
yoara marine Cohamacũ. Moise cjiro to joari cjiri mehne,  
Cohamacũ yare yahu mũhtaina cjiri ti joari cjiri mehne yahu  
cũ mũhta tuhsũha ahrire. 22 Jipihtina Jesucristore wacũ  
tuainare, tirore tũhoinare “Noaina jira”, ni ñũna Cohamacũ.  
Tó sehe cũno potori ñũna tiro jipihtina dohse jiina Jesucristore  
wacũ tuainare. 23 Mari jipihtina ñaare yoaina buhiri tiina  
dihta jija. Ã jina Cohamacũ to cahmano sehe mari jiboriro

dũhsa yũhdũara. <sup>24</sup> Mari ã jiina jipachũta Cohamacũ marine pja ñũna. Æ jiro Jesucristo sehe mari ñaa buhirire wapabasari jire. To ã wapabasaro mehne “Buhiri marieina noaina jira”, ni ñũna Cohamacũ marine. <sup>25</sup> Panopũ macaina cjiri buhiri tiina ti jipachũta Cohamacũ dóicãta buhiri dahreraha tinare. Æ buhiri dahreraro ti buhiri tiare wiho waro ã tũhotunocano nieraha. Baharo tiro Jesucristore warocari jire mari ñaa buhiri yariahtiro cjihtore, to di mehne mari ñaa yoarire wapabasahtiro cjihtore. Jesucristore mari wacũ tuachũ Cohamacũ sehe mari ñaa yoari buhirire borohca. Ahrire yoaro, quihõno yoariro to jia tiare masichũ yoaro niha. <sup>26</sup> Æ yoa mipũ cũhũre quihõno yoariro to jia tiare masa ti masichũ cahmana tiro. Quihõno yoariro jira tiro. Æ jiro Jesure warocari jire masa ti ñaa buhiri yariahtiro cjihtore. Æ jiro Jesure wacũ tuainare, “Buhiri marieina, noaina jira”, ni ñũno, quihõno yoaro nica.

<sup>27</sup> ¿Mipũre “Noaina jija mari”, ni masicari mari mũsa tũhotuchũ? Tĩre ne ni masieraja mari. ¿Dohseana ã ni masieracari mari? ¿Cohamacũ to dutiare yoana, “Noaina jija”, ni masibocari mari? Jierara. Tĩ cũhũre ni masieraja mari. Mari ã ni masierapachũta Jesure mari wacũ tuachũ “Noaina jira”, ni ñũnohca marine Cohamacũ. <sup>28</sup> Õ sehe masija mari: Jesure mari wacũ tuachũ ñũno marine ñũ jicoara Cohamacũ. Æ jiro marine “Buhiri marieina, noaina jira”, ni ñũna tiro. To dutiare mari yoari wapa ã ni ñũerara. Tĩrore mari wacũ tuachũ ã ni ñũna.

<sup>29</sup> Tuhsũ, Cohamacũ judio masa pũtoro dihta jierara. Judio masa jieraina pũtoro cũhũ jira tiro. <sup>30</sup> Æ jiro Cohamacũ cũirota jiro jiro, jipihtina bui pũtoro jira. Æ jiro jiro judio masare, ã jichũ judio masa jieraina cũhũre Jesure ti wacũ tuachũ, tinare cũno potori “Buhiri marieina, noaina jira”, ni ñũnohca Cohamacũ. <sup>31</sup> ¿Æ jina Jesure wacũ tuana Cohamacũ Moise cjirore to dutiare cohãna nibocari mari? Cohãeraja mari tĩre. Jesure wacũ tuaina jina, Cohamacũ dutiare yoa pahõna nija mari.

### Abrahã Cohamacũre to wacũ tuarire yahuha Paulo

**4** <sup>1</sup> Mari ñũchũ cjiro panopũ macariro Abrahã cjirore Cohamacũ õ sehe yoaha: <sup>2</sup> Abrahã cjiro noaare to yoapachũta “Noariro jira”, ni ñũeraha Cohamacũ tĩrore. Æ jiro noaare yoaparota ñariro jisninino “Yũhũ pini noariro jija”, ni

masieraha Abrahã, Cohamacu to ñuchu. <sup>3</sup> Cohamacu yare ti joari pũ õ sehe nina: “Abrahã Cohamacu to nirire to quihõno tũho ñaha, tirore to wacũ tuachu ñuno Cohamacu tirore ‘Potocãta noariro jira’, ni ñuha”, ni yahura Cohamacu yare ti joari pũi. <sup>4</sup> Pũtoro dahrainare waparo, wiho waro to pja ñha mehne waparo nierara. Ti dahrari wapa tinare waparo nina. <sup>5</sup> Wiho mejeta Cohamacure wacũ tuinare dahrainare ti waparo sehe yoaerara Cohamacu. Cohamacure wacũ tuarirore “Noariro jira”, ni ñuna Cohamacu. To ã ni ñuchu tí noaa to yoari wapa jierara. Cohamacu sehe tirore cahmaeraina cjiirire tirore ti cahmachu ñuno buhiri marieina, noaina wahachu yoara. ã jiro masuno Cohamacure to wacũ tuachu ñuno “Noariro jira”, ni ñuna Cohamacu tirore. <sup>6</sup> Åta niha panopu macariro Davi cjiro. Masuno noaare to yoapachuta Cohamacu tirore “Noariro jira”, ni ñueraca. Tirore to wacũ tuachu ñuno pini Cohamacu tirore “Noariro jira”, ni ñuna. Cohamacu to ã ni ñuriro wahcheare yahuha Davi cjiro. Õ sehe niha:

<sup>7</sup> “Cohamacu ti ñaa yoarire to cohãchu masiina sehe tuaro wahchera.

<sup>8</sup> ‘Noaina jira. Mũsa buhiri tiare wacũsi yũhu’,  
to nichu tũhoina tuaro wahchera”,

niha Davi cjiro.

<sup>9</sup> ¿Judio masa ti pjacure mahanocã cahsarocãre yihsorina dihtare ti ñaa yoarire boari Cohamacu? Jierara. Judio masa jieraina yihsoeraina cũhure ti ñaa yoarire bora tiro. Pari turi Abrahãre wacũga mũsa. Tiro Cohamacure to wacũ tuachu ñuno “Noariro jira”, ni ñuha Cohamacu. <sup>10</sup> ¿Dohse jichu ã yoari Abrahã, mũsa tũhotuchu? To pjacure mahanocã cahsarocãre to yihsohto panoputa tirore “Noariro jira”, ni ñuha Cohamacu. ã jiro yihsoho, to ñaa yoarire cohã tuhsuriropu yihsoha. <sup>11</sup> ã jiro dóihta Cohamacure wacũ tua mũhtaha Abrahã. To ã wacũ tuachu ñuno “Noariro jira”, ni ñuha Cohamacu tirore. ã to wacũ tuaare, to yairo to jiare to ñohto cjihtore Cohamacu tirore to pjacure mahanocã cahsarocãre yihso dutiha. ã jiro Abrahã to yihsohto pano Cohamacu sehe “Noariro jira”, ni ñu tuhsuha tirore. Tiro to yihsohto pano to ã ni ñuriro seheta jipihtina Cohamacure wacũ tuinare judio masa jieraina yihsoerainare “Noaina jira”, ni ñuna Cohamacu. To ã ni ñuina ti jichu Abrahã ti ñuchuno cjiro waro yoaro sehe wahara. <sup>12</sup> Tí yoaro seheta masa, yihsoina Cohamacure ti wacũ tuachu ti ñuchuno cjiro



waro jia tiha Abrahã. Tiro to yihsohto pano Cohamacure wacũ tuaha. ã jia tiro yoaro sehta wacũ tuaina judio masa Abrahã panamana ji turiaina jira.

**Cohamacu Abrahãre to ni cõrõre “Potocã tjira”, niha Abrahã**

13 Панорп õ sehe niha Cohamacu Abrahãre: “Ahri yahpare mũhure, mũ panamana ji turiainapũ cũhure waihtja”, ni yahu cũha Cohamacu Abrahãre. To dutiare to noano yoari wapa ã nieraha Cohamacu tirore. Abrahã Cohamacure to wacũ tuari wapa sehere ã niha Cohamacu tirore, “Noariro jira”, tirore to ni ñari baharo. 14 “Cohamacu Moise cjirore to cõri dutia dihtare yoaro cahmana”, nina judio masa. Tõ sehe niina Cohamacure wacũ tuaro marieno ahri yahpa jipihtirore na duara. Wacũ tuaro marieno ti nachũ mari sehe Cohamacure mari wacũ tuaa yaba cjihti jieraboa. ã jiro Cohamacu marine to ni cõri cjiro yaba cjihti jieraboa. 15 Moise cjirore to cõri dutia sehere yoaerara masa. ã jiro to dutiare ti yũhdũrucari buhiri masare buhiri dahrerohca Cohamacu. Wiho mejeta to dutia mariachũ to dutiare yũhdũrucaro cũhũ mariaboa.

16 ã yoa Cohamacure wacũ tuaina dihta to wahtore naahca. Abrahã cjiro Cohamacure wacũ tuaha. ã jiro jipihtina tiro yoaro sehe Cohamacure wacũ tuaina ti ñuchũno waro yoaro sehe tjuara Abrahã cjiro. ã jiro “Ahrõre mũsare waihtja”, Cohamacu nino jipihtinare tirore wacũ tuaina pinihtare nino niha. ã jia Cohamacu Moise cjirore to dutiri cjirore yoaina Cohamacure wacũ tuaina Cohamacu to wahtore naahca. Tina dihta nasi. Jipihtina Abrahã cjiro yoaro sehe Cohamacure wacũ tuaina cũhũ tinare to wahtore naahca. 17 Tõre Abrahã cjirore to niriro sehta joaa tiha panorpũre: “ ‘Payũ macari macaina ti ñuchũno cjihto cũhi mũhure’, ni cũa tiha Cohamacu Abrahã cjirore”, ni joaa tiha panorpũ. ã jiro tiro Cohamacure wacũ tuaa tiha. ã to wacũ tuachũ mari ñuchũ cjiro yoaa tiha Cohamacu tiro cjirore. Cohamacu sehe yariainare masoriro, jipihtinare, jipihtia cũhure bajuamehneriro jira.

18 “Payũ yahpari macaina mũ panamana ji turiaina jiahca”, Cohamacu to ã ni cũchũ Abrahã cjiro sehe pohna marieriro jiparota, “Potocãta jira”, ni tũhotua tiha. ã ni tũhoturo payũ yahpari macaina mari ñuchũ cjiro yoaro sehe wahaha tiro Cohamacu tirore to ni cõriro sehta.

19 Ñ jiro cien cūhmari cjuariro jiparota “Bucuro waro jija”, ni tūhotuparota, Sara to namono ne pohna marienico to jipachuta “Pohna ti masieraja sã”, ni tūhotueraa tiha Abrahã cjiro. Ñ jiro Cohamacu to ni cūrire “Potocãta jira”, nia tiha Abrahã cjiro. 20 “To niriro seheta yoeraboca”, ne ni tūhotueraa tiha Abrahã cjiro. Ñ jiro tiro Cohamacu to ni cūrire noano tūhoa tiha. To ã niare tūhotjiãhno “Cohamacu tuariro jira”, ni ño payoro nia tiha. Ñ jiro Cohamacure wacū tua namoa tiha tiro. 21 “Cohamacu to niriro seheta noano bihorohca”, ni tūhotu noano masia tiha Abrahã cjiro. 22 To ã masichu Cohamacure to wacū tuachu Cohamacu sehe “Noariro jira”, ni ñua tiha Abrahã cjirore. Ñta ni joaa tiha Cohamacu yare ti joari pūi.

23 Ñ yoa Abrahã cjiro dihtare ã ni joeraa tiha. 24 Tíre mari masihtu cjihtire mari cūhure ã ni joaa tiha. Ñ jiro Cohamacure mari wacū tuachu “Noaina jira”, ni ñnohca mari cūhure Cohamacu. Tiro pini mari pūhtoro Jesu to yariachu masori jire tirore. 25 Jesu sehe mari ñaa buhiri yariari jire. To yariari baharo masa wijaari jire tiro Cohamacu marine “Noaina jira”, to ni ñũhto cjihtore.

“Noaina jira”, Cohamacu to ni ñuchu ò sehe waharohca marine

**5** 1 Jesucristore mari wacū tuachu ñno “Buhiri marieina, noina jira”, ni ñna marine Cohamacu. To ã ni ñuchu Cohamacu mehne macaina marine jichu yoara mari pūhtoro Jesucristo. 2 Ñ jina mari tirore wacū tuachu ñno Cohamacu marine cahño, pichacapu wahaborinare yūhdore tiro mehne mari jightho sehe. Cohamacu pinihta noa yūhdariro jira. Ñ jiro tiro yoaro seheta jiina wahachu yoarohca marine tiro. To ã yoahiti cjihtire noano masi, wahcheja. 3 Ñ yoa ñano yūhduna cūhu wahcheja mari. Ñano yūhduna, tíre cūno pja masija mari. Ñ cūno pjana, ñano yūhdpanahta noano Cohamacure wacū tuaina waha namoja mari. Ñ jina Cohamacu yare duhueraja mari. 4 Mari ã yoachu ñno “Noana”, ni ñnohca Cohamacu marine. Ñ jina marine to yūhdohtore noano masi, wacū cohtana nija mari. 5 Ne wiho waro wacū cohtana nieraja. Cohamacu marine to Espíritu Santore warocare mari mehne jithirore. Ñ jiro Espíritu Santo sehe mari mehne jiro Cohamacu marine to ã cahíruicare masichu yoara. To ã masichu yoachu marine to yūhdohto noano waro jiro nina. Potocãta yūhdnahca mari.

6 Tó pano mari ñaa yoarire mari basi mari yũhdũ masierachũ ñũno, to quihõriro mũ sũchũ, Cohamacũre cahmaeraina mari jipachũta, Cristo sehe mari ñaa buhirire yariabasaha. 7 Cãiro masũno noariro jiparota yariahtiro to jichũ paio sehe to yariaborirore cohtota, to yariabasa duachũ mijo yũhdũara. Noaa dihtare yoariro yaro jiborirore paio yariabasaboca pa tehe nino. 8 Wiho mejeta Cohamacũ sehe õ sehe yoara. Buhiri tiina mari jisipachũta mari yaro jiborirore Cristo yariaha. To ã yoachũ Cohamacũ marine to tuaro cahĩare masija mari. 9 Mari yaro jiborirore to ñano di wijaa, yariachũ Cohamacũ sehe marine “Buhiri marieina, noaina jira”, ni ñũna. To ã ni ñũri baharo mipũ pinihtare marine pichacapũ wahaborinare yũhdorohca Jesu. Marine to yaina wahachũ to yoari baharo marine buhiri dahresi pichacapũ Cohamacũ. 10 Cohamacũre ñũ tuhtiina mari jipachũta, to macũno sehe yariaro, mari ñaa buhiri tiare cohãno, Cohamacũre mari ñũ tuhtirire duhuchũ yoare. To ã yoaro mehne Cohamacũ mari buhiri tiare bora. Tuhsũ marine to yaina wahachũ yoara. Mipũ pinihtare tí yũhdo curero yorohca marine. To yaina mari jichũ Jesu to masa mũjari mehne marine pichacapũ wahaborinare noano yũhdorohca tiro. 11 ã jina baharopũ mari yũhdũhtore masina wahcheja mari. Mipũre ahri cũhũre wahcheja. Mari pũhtoro Jesucristo mari ñaa yoari buhirire to yariari baharo Cohamacũ yaina jija mari. ã jina wahcheja.

### **Adãore, Cristore yahuha Paulo Roma macainare**

12 Adão cjiro Cohamacũre to yũhdũrũcari baharo ahri yahpare ñaa buhiri tia ji dũcaha. Ñaa buhiri tia ji dũcaro mehne masa yaria dũcaha. Jipihtina mari ñaaare buhiri tiare yoaja. ã jina jipihtina ñaina mari jiri buhiri yariaja. 13 Cohamacũ to dutiare Moise cjirore to cũhto pano potocãta ahri yahpa macaina ñaa buhiri tiare yoaa tiha. Ti ã yoapachũta to dutia mariachũ to dutiare ti yũhdũrũcari buhiri buhiri dahre masieraha. 14 To ã buhiri dahre masierapachũta Adão cjiro cũhũ to baharo jiina cũhũ tí dutia mariasinipachũta yariaa tiha. Moise cjiro to jihto pano tí dutia mariasinipachũta masa yariaa tiha. Paina ñano yoaa Adão cjiro ñano to yoariro sehe waro yoaera timaha. ã jipahta tina cũhũ yariaa tiha. ã jiro Adão cjiro ñaaare to yoa dũcaro seheta yoari pja baharopũ ahri yahparũ tariro noaare yoa dũcari jire.

15 Adão cjiro to yũhdũrucari Cohamacũ masare to pja ñña yoaro sehe jierara. Cohamacũ to pja ñña sehe noa yũhdũara. Adão cjiro cũirota jiparota ñaare to yoa dũcari buhiri payũ masa yariaa tiha. Cohamacũ sehe marine pja ñño, Jesucristore warocari jire. To ã warocachũ tiro cũirota jiroto pichacaruũ wahaborinare masare payũ yũhdora. 16 ã jiro Cohamacũ masare to pja ñña Adão cjiro to yũhdũrucari yoaro seheta jierara. Adão cjiro sehe cũirota jiroto ñaare to yoari buhiri jipihitina masa ñña buhiri tiina jira. ã ti buhiri tiina jipachũta masa pjiro ti ñaare yoapachũta mipũre masare pja ñño Cohamacũ ti ñaare bora. ã boro “Noaina jira”, ni ñña tiro tinare. 17 Adão cjiro cũirota jiroto ñaare to yoa dũcachũ jipihitina masa yariarucura. Tí potocã tjira. To ã jipachũta ahri sehere wahchenahca mari. Mipũre Cohamacũ masare pja ñño Jesucristo cũirota jiroto yariaro mehne ti ñaare boro, tinare “Noaina jira”, ni ñña. ã jia jipihitina to ã ni ñña mũanopũ Cristo mehne pũhtoia jahca.

18 Adão cjiro cũirota to jipachũta to yũhdũrucari buhiri jipihitinarũ buhiri tiina waha dũcaha. ã jia Cohamacũ to buhiri dahrehtinarũ tjuaha tina. Tó yoaro seheta Jesu cũhũ cũirota jiparota noano yoaro jipihitina ti buhiri tiare cohã masina. Ti buhiri tiare to cohãchũ, “Buhiri marieina, noaina jira”, ni ñña tinare Cohamacũ. ã jia to ya catiare cjũaa, ã catirucuahca tina.

19 Adão cjiro cũirota Cohamacũre yũhdũrucaha. To ã yũhdũrucachũ, payũ masa ñña buhiri tiina wahaha. Tó yoaro seheta Jesu cũhũ cũirota Cohamacũre yũhtiha. ã yũhtiro, payũ masa ti buhiri tiare cohã masina tiro. To ã cohãchũ “Ñaare ti yoari buhiri tia mariena, noaina jira”, ni ñña Cohamacũ tinare.

20 Cohamacũ to dutiare Moise cjirore cũa tiha tí mehne jipihitina masa ti ñña buhiri tiare ti noano masihtõ cjihtore. ã jia masa ti ñña buhiri tiare masia tí yũhdoro Cohamacũ tinare tuaro to cahĩa tia cũhũre masiahca. Tiro marine cahĩ yũhdũara. 21 Buhiri tiina ti jiri buhiri masa yariahtina jira. Ti yariari baharo, pichacaruũ wahaahca. Wiho mejeta Cohamacũ masare cahĩ yũhdũara. ã tuaro cahĩno, mari pũhtoro Jesucristo masare to yariabasaro mehne masare "Buhiri marieina, noaina jira", ni ñña. To ã ni ñña sehe to ya catia mehne ã catirucuahca.

**Yariaina cjiri ti ñaare yoeraro seheta  
Cristo yaina cūhũ ñaare yoarucuerara**

**6** <sup>1</sup> ¿Dohse yoanahcari mari mipũre, mũsa tũhotuchũ?  
Cãina õ sehe niboca: Ñaare mari yoachũ ñãno Cohamacũ  
mari ñaa buhirire borohca. ¿Cohamacũ marire to cahĩ namochũ  
ñũ duana ñaare yoa namobocari mari? <sup>2</sup> Jierara. Ñaare yoena  
tjijihna mari. Yariaina cjiri ñaare ti yoeraro seheta Cristo yaina  
jina mari cūhũ ñaare yoarucu masieraja mari. <sup>3</sup> Jesu yaina mari  
jia tiare masa ti ñũ masihtõ cjihtore copũ bautisare marine  
paina. ã jina mari pũhtoro Jesucristo to yariachũ, mari cūhũ  
tiro mehne yariaina seheta wahahi. ¿Tĩre masierajari mũsa?  
<sup>4</sup> ã bautisarina wahana Cristo pjacũre masa copapũ ti siõ sãa  
payo cohãriro seheta pano mari ñaa yoirire duhuja. ã jina  
Cohamacũ to tuaa mehne Cristo to masa mũjariro seheta mari  
cūhũ to tuaa mehne mari jia tia cūhũre, mari tũhotua cūhũre  
cohtotaja. ã cohtotana to yare wahma yoarucaina wahaja mari.

<sup>5</sup> Cristo yaina jina, tiro mari pũhtoro mehne yariaina seheta  
jina, to masa mũjariro seheta mari cūhũ masa mũjanahca. Tĩ  
potocãta jira. <sup>6</sup> Cristo yaina ji dũcana crusapũ tiro mehne  
yariaina seheta wahai pari turi mari ñaare yoarucuerahõ sehe.  
ã waharina jina ñaare yoarucuina ji namo duasi mari. Tĩre  
mari masija. <sup>7</sup> Yariariro cjiropũre ñaare goa pjaa mariahna. ã  
jiro tiro cjiro ñaare to yoa duhuriro seheta tí ñaa sehe tireto to  
dutipe namoeraboro seheta tí ñaare duhura tiro. <sup>8</sup> Cristo mehne  
yariaina yoaro sehe jina, to masa mũjariro seheta mari cūhũ  
masa mũjanahca. “Tĩ potocã tjira”, ni tũhotuja mari. ã jina  
tĩre mari masa mũjahtire wacũ cohtaja mari. <sup>9</sup> Cristo to yaria  
masa mũjari baharo ne pari turi yariasi. ã catirucuriro jira  
tiro. Tĩre mari masija. <sup>10</sup> ã jiro Cristo cũ tahata yariaro, masa  
ti ñaa yoari buhirire cohãno taro yariaha. To masa mũjari  
baharo Cohamacũ to cahmano seheta yoarucuhtiro jira tiro.  
<sup>11</sup> Tiro yoaro seheta mũsa cūhũ õ sehe ni tũhotuga: “Yariaina  
cjiri ti yoeraro seheta mari cūhũ ñaare yoa duaeraja. Jesu  
yaina jina Cohamacũ to cahmano seheta yoahõta cjihtita jina  
nija mari cūhũ”, ni tũhotuga mũsa.

<sup>12</sup> ã jina mũsa yariahtina jina ñaare yoarucuina jiena tjiga.  
ã jina mũsa ñaa yoare goa pjapanahõta tĩre ã tũhotunocahga.  
<sup>13</sup> Ñaare yoaina jiena tjiga. Mũsare pichacapũ wahaborinare  
Jesu to yũhdorina jira mũsa. To ã yoarina jina Cohamacũ

cahmaa dihtare yoaina jiga m̄sa. Ñ jina noaare yoaina jiga m̄sa. 14 Mip̄re Cohamac̄ Moise cjirore to dutia mehne marine dutierara. Cohamac̄ marine cah̄no tiro sehe marine dutira. Ñ jina to yoadohoro mehne ñaare yoa duasi mari.

**M̄sa ñaare yoarucuch̄ tí ñaa m̄sa p̄htoro yoaro sehe jira**

15 ¿Ȳ ã nich̄ dohse ni t̄hotujari m̄sa? ¿Cohamac̄ sehere ȳhtihtina jina Moise cjirore to dutiare ȳhtihtina jierana, ñaare yoarucubocari mari? Jierara. 16 ¿Ahr̄re masierajari m̄sa? M̄sa noano ȳhtiriro m̄sa p̄htoro jira. Ñ jina to cahamaca jira m̄sa. M̄sa ã ȳhti m̄sa p̄htoro tiro sehta ñaare yoarucuina m̄sa jich̄ tí ñaa yoaa m̄sa p̄htoro yoaro sehe jira. Ñ jina ñaare duhu masierara m̄sa. Ñ jiina jina pichac̄p̄ wahahtina jira m̄sa. Cohamac̄re noano ño payoina jina pinihta, to cahamaca jira m̄sa. Ñ jina to yaina noaina jira m̄sa. ¿T̄re masierajari m̄sa? 17 Panop̄ ñaare yoarucuina m̄sa jich̄ tí ñaa yoaa m̄sa p̄htoro yoaro sehe jimare. Mip̄ sehere noaa buheare t̄hona Jesure wac̄ tuana Cohamac̄re noano ño payoina wahare m̄sa. M̄sa ã wahach̄ ñ̄na Cohamac̄re “Noana”, nija. 18 Ñ wahana mip̄re ñaa ti dutiriro cjiro sehta yoerara m̄sa. Ñ jina Cohamac̄ cahamaca jina noaa sehere yoara m̄sa. 19 Cahamaca ti p̄htoare ti noano ño payoare masi pah̄ona m̄sa. Ñ jic̄ tí m̄sa masiri mehne tí mehne piti dahre buhehi m̄sare ahri buheare noano masieraina m̄sa jich̄ ñ̄sc̄. Panop̄ ñaare yoarucuina jimare m̄sa. M̄sa ã yoarucuriro sehta mip̄ sehere noaare yoarucuina jiga m̄sa. Ñ jina Cohamac̄ cahmaa dihtare yoanahca m̄sa.

20 Panop̄ ñaa dihtare yoaina jina, noaa sehere yoaera tire m̄sa. 21 ¿T̄ p̄j̄re ñaa dihtare yoana dohse jirore wapatar̄ m̄sa? T̄ m̄sa ñaa yoarire wac̄na mip̄re b̄o tica m̄sa. T̄ ñaare m̄sa yoari buhiri pichac̄p̄ wahaboa m̄sa. Ñ jina ñaare yoana ne wapataerara. 22 Mip̄ sehere m̄sa ñaa yoarire duhuna Cohamac̄ cahamaca wahare m̄sa. Ñ jina Cohamac̄ cahmaa dihtare yoaina jinahca. Ñ jina jipihtia dachoripe Cohamac̄ mehne jirucunahca. 23 Ñaare mari yoari buhiri pichac̄p̄ wahahtina jija jipihtina mari. Mari ã jipach̄ta mari p̄htoro Jesucristore mari wac̄ tuach̄ ñ̄no, jipihtia dachoripe tiro mehne marine jirucuch̄ yoarohca. Mari ã jirucuh̄toe ã wanocanohca.

### Cohamacu Moise cjirore to dutiare yahu namoha Paulo tjoa

**7** <sup>1</sup> Yu coyea, Cohamacu Moise cjirore to dutirire noano masina musa. Masuno to catisinichu ti dutiare yuhduruca dutierara. To yariari baharo pinihtare ti dutiare yoaro mariaha. Ti cuhure masina musa. <sup>2</sup> O sehe jira: Numinore to manuno to catiro puro tiro mehne dihta ji dutira Cohamacu Moise cjirore to dutiri sehe. To a dutipachuta to manuno to yariari baharo ticoro sehe paire manu ti masina. Ticoro ti dutia mehne ji namoerara. <sup>3</sup> A jiro to manuno to jipachuta ticoro paire manu tiro, nano yoaricoro jira. Wiho mejeta to manuno to yariari baharopu paire manu tiro, Cohamacu dutiare yuhdurucaerara ticoro a yoaricoro. A yoaro nano yoaricoro jierara ticoro.

<sup>4</sup> Musa cuhu yu coyea Jesu yaina wahana, Jesu to yariachu, musa cuhu tiro mehne yariaina seheta wahare. A jina yariaina cjirore dutia ti marieno seheta Moise cjirore to dutia to curi cjirore musa cuhure mariaha. Ti dutia musare dutierara. To manuno to yariari baharo, paire manu tiricoro yoaro seheta musa cuhu panopu musare dutimarire duhu, Cristo mehne jira, ticoro paio mehne to jiro seheta. A jina mipure to yaina jira musa. Tiro sehe to yariari baharo masa mujari jire Cohamacu cahmaare mari yoalto cjihtore. <sup>5</sup> Panopu naare mari mu saro yoaa timai. A jina Cohamacu Moise cjirore to dutirire mari masiri baharo ti dutiare yuhduruca duamai. Ti dutia mariachu yuhduruca duaerabo. A jina ti dutiare mari masiri baharo naare tuaro yoamai mari. A mari naare yoana mari pichacapu wahahtinata jia timai. <sup>6</sup> A wahaborina jipanahta Cristo yaina jina mipure ti dutia mehne jieraja mari. A jiro Espiritu Santo mari mehne jiro marine noaa sehere cohtotachu yoara. To a yoachu panopu macaa dutia muna dutia to joari cjirore ti mehne jieraja mari mipure.

### To naa yoari cjirore yahuha Paulo

<sup>7</sup> ¿A jina Cohamacu Moise cjirore to dutirire dohse nibocari mari? ¿Ti to dutia naa jicari, musa tuhutuchu? Jierara. Ti yuhure to dutiri mehne naare masii. A jicu to dutia mariachu naare masierabo yuhu. To dutia o sehe jira. “Paina yapure tuaro cahmaena tjiga”, niha to dutia. Ti a nierachu paina yapure tuaro ti cahmari ti naa jichu masierabo yuhu. <sup>8</sup> A jicu ti dutiare yu masiri baharo paina yapure tuaro cahmaa tii

yũhũ. Tí dutiare masierasinicũ paina yapũre tuaro yũ cahmari ti ñaa jichũ masieraboa yũhũ. <sup>9</sup> To dutiare yũ noano masihtõ pãno ã tũhotunocai. To dutiare yũ masiri baharo pinihta tuaro ñaare yoa duamai. ã jicũ pichacarpũ yũ wahahtore masia tii. <sup>10</sup> ã jia Cohamacũ dutiare yũhdũrũcaeraa masa tiro mehne noano jirucuboa. ã jia tí dutia sehe noano jirucuchũ yoabori dutia jipahta yũ yũhdũrũcari buhiri yũhũre pichacarpũ waha dutimare. <sup>11</sup> ã jicũ ñaare yoacũ Cohamacũ Moise cjirore to dutiare yũhdũrũca duamai. Ñaare goa pjariro jicũ noaare masierahi. Tí ñaa yũhũre dojomehnere. ã jicũ noano masierahi. ã masieracũ Cohamacũ dutiare yũhdũrũcai. ã jicũ to dutiare yũ masiri baharo yũ ñaa buhirire pichacarpũ yũ wahaborirore masii. To dutia mehne ã masii.

<sup>12</sup> ã jia Moise cjirore Cohamacũ to cũri dutia noata jira. ã jia quihõno jiata nina tí dutia. <sup>13</sup> ¿ã jipahta marine tí noaa dutia sehe pichacarpũ wahachũ yoajari? Jierara. Tõrpũ wahachũ yoerara. Mari ñaa yoaa sehe marine pichacarpũ wahachũ yoara. To dutiare mari masiri baharo tí dutiare yũhdũrũcana ñaare yoana masija mari. ã jina mari ñaina mari jiare masina mari pichacarpũ wahahto cũhũre masija mari. ã jina to dutiare masina mari yũhdũrũcarire ti ñaa yũhdũca jichũ masija mari.

<sup>14</sup> Cohamacũ to dutiare Moise cjirore cũha. Tí to cũa noaa ti jichũ masija mari. Wiho mejeta yũhũ sehe paina yoaro seheta ñariro jija. ã jicũta ñaare yoarucuca yũhũ. <sup>15</sup> ¿Dohse waharo nijari yũhũre? Ne noano masieraja yũ yoaaare. Yũ yoa duaa sehene ne yoaera, yũ tuaro yoa duaeraa sehene yoaja yũhũ. <sup>16</sup> Ñaare yoa duaerapãihta ñaare yoaja yũhũ. Tíre yoacũ Cohamacũ dutia noaa dutia ti jichũ masija yũhũ. <sup>17</sup> ã jicũ mipũre yũhũ waro tí ñaare yoeramaja. Wiho mejeta yũ tũhotuarpũ jia ñaa tí sehe yũhũre ñaare yoachũ yoara. <sup>18</sup> Noaare tuaro yoa duapãihta ne bihoeraja. Ahri yahpa macariro jicũ yũ tũhotuarpũ ñaa dihta jira. Ne noaa mariaputiara. ã jicũ noaare tuaro yoa duapãihta ne bihoeraja. Ñaa sehe yũhũre dojomehne mũjana. <sup>19</sup> Noaa yũ yoa duaa sehene yoeraja yũhũ. Ñaare yũ yoa duaeraa sehene yoaja. <sup>20</sup> Yũ yoa duaeraare yoacũ mipũre yũhũ waro tíre yoeramaja. Yũ tũhotuarpũ jia ñaa tí sehe yũhũre ñaare yoachũ yoara.

<sup>21</sup> ã jiro yũhũre õ sehe wahara: Noaare yũ yoa duapachũta yũ tũhotuarpũ ñaa jira. ã jicũ noaa sehene ne yoa masieraca. <sup>22</sup> Cohamacũ Moise cjirore to dutirire yũ tũhotua mehne tuaro



cahma, quihõno yoa duamaja. <sup>23</sup> Ñ jicũ yũhũ ahrire yũ basi masija: Yũ tũhotua mehne noare Cohamacũ dutiare yoa duaja. Ñ yoa duapaihta yũ basi ñaare tuaro yoa duaca. Yũ mũ sũro ñaare duhu masieraja yũhũ.

<sup>24</sup> Ñ ñaare duhu masieracũ pjacũoriro jija yũhũ. Ñaare yoacũ pichacarpũ wahaihca yũhũ. Cuenah. ¿Yũhũre pichacarpũ waha dutia ñaare noa yũhũre yũhdobasabocari? <sup>25</sup> Jesucristore yũ wacũ tuachũ tiro sehe ñaa yũ yoari buhirire yũhdobasarohca. To ã yoachũ Cohamacũre “Noana”, nija yũhũ. Ñ jicũ mipũre yũhũ yũ basi yũ tũhotua mehne Cohamacũ dutiare quihõno yoa duamaja. Ñ yoa duariro jipacũta yũ pjacũ mehne yũ mũ sũro ñaare duhu masieraja.

### Espíritu Santore cjuaina ti jia tiare yahuha Paulo

**8** <sup>1</sup> Mipũre Jesucristo yainare ti buhiri tiboro mariahna. <sup>2</sup> Ñ jiro Jesucristo yairo yũ jichũ Espiritu Santo ã catirucuchũ yoariro ñaare yũhdũrucachũ yoara yũhũre. Ñaare yũhũre yũhdũrucachũ yoaro yũhũre pichacarpũ wahaborirore yũhdore tiro. <sup>3</sup> Cohamacũ Moise cjirore to dutiare mari mũ sũro ne yoa pahñosi. Ñ yoa pahñoerana yũhdũrucaina jija mari. Ñ jina tí dutia yoaa mehne ne yũhdũsi mari. Mari ã jiina jipachũta õ sehe Cohamacũ marine yũhdorohca. To macũnore mari yoaro seheta pjacũ tihtirore warocaha, mari buhiri tiare buhiri tihtiro cjihtore, marine yariabasahtiro cjihtore. Ñ jiro mari tũhotuarpũ jia ñaare tiro duhuchũ yoari jire. <sup>4</sup> Ñta yoare Cohamacũ dutiare to tuaa mehne mari bihohto cjihtore. To dutiare bihoina jina mari mũ sũro jieraja. Espiritu Santo to yoadohoa mehne to dutiro seheta yoaja mari.

<sup>5</sup> Ñaare yoa duaina, tí dihtare goa pjara. Espiritu Santo to dutiro seheta yoarucuina sehe tí to dutia dihtare wacũ nũnũ, yoa duara tina. <sup>6</sup> Ñaa dihtare goa pjaa, wacũ nũnũina pichacarpũ wahaahca. Espiritu Santo to cahmano seheta tuaro yoa duaina sehe jipihtia dachoripe Cohamacũ mehne ã catirucuahca. Ñ jia tina Cohamacũ mehne noano jinocaahca. <sup>7</sup> Ñaa dihtare goa pja, wacũ nũnũina Cohamacũre ñũ tuhtira. Tina Cohamacũ dutiare ne yũhtierara. To dutiare yũhti duaerara. Yũhtia cũhũ bihoeraboa tina. <sup>8</sup> Ñ jia ti mũ sũro yoina Cohamacũre wahchechũ yoa masierara.

<sup>9</sup> Wiho mejeta mũsa sehe mũsa tũhotuarpũ jia ñaare yoerara. Espiritu Santo mũsa mehne to jichũ to cahmano seheta yoara

musa. Ñ jia Espíritu Santore cjuæarina sehe Cristo yaina jierara. 10 Musa sehe to yaina jira. Musa ñaa buhirita musa pjacuri yariara. Ñ musa pjacuri yariahtina jipanahta Cristo musa mehne to jichu tiro mehne to ya catia mehne ñ catirucunahca musa. Cohamacu musare “Buhiri marieina, noaina jira”, to ni ñuchu musa tiro mehne ñ jirucunahca. 11 Cohamacuta Jesure masori jire. Ñ masoriro jiro Espíritu Santo mari mehne to jirucuchu mari yariari baharo Cohamacu mari cūhure masonohca. Ñ masono wahmaa pjacuri wahachu yoarohca marine. Jesure to masoriro seheta masonohca mari cūhure.

12 Yu coyea, to ñ yoachu ñna ñaa mari goa pjarire yoaena tjijihna. 13 Mari ñaare yoaina jina, pichacaru wahahtinata jinocanata nija. Espíritu Santo to yoadohoa mehne ñaa yoare duhuna, jipihtia dachoripe Cohamacu mehne jirucunahca.

14 Jipihtina Espíritu Santore yuhtiina Cohamacu pohna jira. 15 Espíritu Santo mari mehne to ji ducachuta Cohamacu pohna ji ducái. Wiho mejeta tiro marine dutipe, dahrachu yoah tiro jierara. Ñ jina panoru mari cuiriro sehe mipu sehene mari cuieraja. To pohna jina, Espíritu Santo to yoadohoa mehne mipure “Yu Rucu”, nija mari Cohacure. 16 Ñ jiro Espíritu Santo mari wacuparu marine ñ sehe ni masichu yoara: “Potocáta Cohamacu pohna jija mari”, ni masichu yoara. 17 Ñ jina to pohna jina, Cohamacu jipihtiare to pohnare “Waihtja”, to nirire mari sehe cjuanahca. Jesucristo cūhu cju, mari cūhu cjuanahca tíre. Cristo yare mari yoari buhiri ñano yuhduna jina mari tiro mehne manoru noano wahchea mehne jinocanahca. Ñ jina Cohamacu to pohnare to “Waihtja”, to nirire cjuanahca mari Cristo mehne.

18 Mipure ahri yahpai ñano yuhdusiniya mari. Baharopure mari manoru noano jinocanahca. Ñ jina mipure ñano yuhduna, pjíro cahya tuhoutuena tjijihna. Ahri mari ñano yuhduna wiho waro jira. Baharo noano jinocanahca Cohamacu mehne. Ñ jina tuaro wahchenahca. Ahri pini wiho waro jierara. 19 Cū namu Cohamacu to pohnare cohtotarohca. Buhiri marieina, yariaerahtina, noaina waro jichu yoarohca marine. Mari ñ wahachu jipihtia Cohamacu to bajuamehneri cji cūhu wahma dihta cohtota pihtia wahaahca. 20 Jipihitropure to bajuamehneri noa ti jiborire dojomehneha masuno ñano yoa ducaro. Ti mu suru ñ wahaeraha. Masuno Cohacure to yuhdurucaro mehne to bajuamehneri ñ wahaha. Ñ jiro Cohamacu to bajuamehneri

cjirire ãta ñano ji dutisiniha. Baharo to bajuamehneri cjirire noaa wahachũ yoarohca tjoa tiro. **21** Æ jiro Cohamacũ to bajuamehneri cjirire baa pihtiborire noaa wahachũ yoarohca tjoa. Cohamacũ pohnare noaina to wahachũ yoiaro seheta, tinare noano to yũhdoriro seheta noaa wahachũ yoarohca Cohamacũ to bajuamehneri cjirire cũhũre. **22** Jipihtia Cohamacũ to bajuamehneri cjiri ñano ti ji dũcari baharo ñano yũhdũa tiha. Numino niji wahcõno to ñano yũhdũro seheta to bajuamehneri cũhũ dachoripe ñano yũhdũrucura. Tĩre mari masija. **23** Æ yoa mari cũhũ to bajuamehneri cjiri yoaro seheta ñano yũhdũja. To yaina mari wahachũ, Cohamacũ to yairo Espĩritu Santore dõilhta ware marine. Æ jina “ ‘Waihtja’, to niriro seheta sohtori tirohca”, ni masija mari. Æ jina noaa sehene marine to cohtotahtore tuaro waro cohtaja. Æ yoa to pohna mari tiro mehne mari noano jihto cũhũre tuaro cohtaja mari. Tuhsũ, wahma pjacũre marine to wahto cũhũre tuaro cohtaja. **24** Mari ã cohtaina jichũ, tirota marine pichacapũ wahaborinare yũhdore. Tiro cahapũ jirina jina tiro cahapũre mari wahahtore cohtaeraboa mari. Marine to yũhdo tuhsũri baharo tĩre cohta namoeraboa. **25** Æ jina to wahtire ñũerapanahta Cohamacũ marine to yũhdohtore cohtana, noano mehne ã cohtarucuja.

**26** Æ yoa Cohamacũre wacũ tuaera cureina to cahmaare noano masieraina jija mari Æ jina tirore quihõno siniina cũhũ jieraja mari. Wiho mejeta mari ã jiina jipachũta, Espĩritu Santo sehe marine yoadohora. Marine tuaro pja ñũno mari ya cjihtire durucuro marieno to tũhotua mehne tiro Cohamacũre tuaro sini payobasara. **27** Cohamacũ to cahmano seheta mari Jesu yaina ya cjihtire sini payobasara tiro Espĩritu Santo. To ã sini payobasachũ Cohamacũ mari tũhotuare masi pahñoriro jiro, Espĩritu Santo to sini payobasaare masina.

### **Cristo to tuaa mehne ñaa yoare yũhdũrucanahca mari**

**28** Ahrire yũ yahuhtire masija mari: Jipihtina Jesure cahĩina mari jichũ to cahmaare yoahinare besere marine tiro. Æ jiina mari jichũ ñũno Cohamacũ ã yoadohorucura marine. Æ jina mari ñano yũhdũpanahta ñano yũhdũrucu dojoeraja. Æ jina Cohamacũ yoadohoro mehne noano jinahca mari. **29** Cohamacũ marine to yaina cjihtire dõipũta masi, bese tuhsũha. Æ besero to macũno Jesu to yoaro seheta jihtina cjihtire marine cũha,

payu masa to macunore mari wahmi tihto cjihtore. <sup>30</sup> Panopu to yaina to ji dutirina mari jichu, to pohna mari jihtina cjihti cūhure beseha marine. Ā jiro marine to beserinare tiro “Buhiri marieina, noaina jira”, ni ñure. Marine to ā niinare tiro yoaro sehe jihtina cjihtire tiro mehne mũanopu noano jichu yoarohca Cohamacu.

<sup>31</sup> Tíre masina ō sehe tūhotuja mari: Cohamacu marine to cahīinare ne paina ñu tuhtia bihosi. <sup>32</sup> Cohamacu mari ya buhirire yariahtirore to macunore warocaha. “Yu macure cahija. Ā jicu tirore warocaeraja”, nieraha tiro. Marine ā tuaro yoadohoriro jiro, jipihtia marine dūhsarire wa pahñonohca. <sup>33</sup> Cohamacu to beseina mari jichu, tiro marine “Ñaa buhiri marieina, noaina jira”, ni ñure. Mari ā jiina jichu paina marine “Ñaina jira”, ne ni yahusā masierara. <sup>34</sup> Cristo mari ya buhirire yaria masa mũjaha. Mipure Cohamacu poto bũhusehe sehei jira pũthoro jiro. Ā jiro tiro mari ya cjihtire potocāta sini payoro nina Cohamacure. Ā jia paina sehe marine ne buhiri dahre duti masierara Cohamacure. <sup>35</sup> Cristo marine to tuaro cahīchu paina tirore “Cahī tija”, ne ni masierara. Cahī duhusi tiro. Mari ñano yūhdũpachũta, mari cuipachũta, paina marine ti ñano yoapachũta, mari jũca baapachũta, suhti marieina mari jipachũta, nu cuaroī mari jipachũta, marine ti wajāpachũta Cristo marine ā cahīrucurohca. <sup>36</sup> Cohamacu yare ti joari pũi mari ñano yūhdũhtore yahuro, ō sehe nina:

“Mũ yaina sã jichu masa ñu jicoaeraa, ti wajāhtina ā jirucunata nija.

Oveja ti wajāhtina ti jiro sehetã sã cūhure ā wahara”,

ni joaa tiha Cohamacu yare ti joari pũi.

<sup>37</sup> Ā jina mari ñano yūhdũpanahta Cristo marine cahīriro to yoadohoro mehne tí jipihtiare yūhdũ witinahca. Ā yūhdũna to yare ne duhusi mari. <sup>38-39</sup> Jesucristo yaina mari jichu ñuno Cohamacu sehe marine tuaro cahīna. Ā jiro tiro marine ne cahī duhusi. Mari yariachũ cūhure, mari catichũ cūhure, mipure, baharopũ cūhure, tiro marine cahī duhusi. Ā yoa anjoa, watĩa pũthoa, ahri yahpa macaina pũthoa, mũano macaina, ahri yahpa macaina cūhu marine Cohamacure “Mũ yainare cahī tija”, nia bihosi tina. Cohamacu to bajuamehneri cjiiripure tirore marine ne cahī duhuchũ yoaa mariahna. Marine ne tiro cahī duhusi.

### Israe masa Cohamacu to beserina jira

**9** <sup>1-2</sup> Yũ coyeya Israe masare wacũcu tuaro cahyaja. Cristore cahmaerara tina. ã jicu ñano cahya yajeripohna tija yũhũ. Tí yũ ã ni yahua potocãta jira. Yũhũ Cristo yairo tjija. ã jicu musare “Cahyaja”, yũ nia sehe potocãta jira. Musare ã nicu mahñoi nieraja. Espĩritu Santo yũ ã mahñoerachũ masino, yũhũre “Quihõno mũ cahyarire yahure mũhũ” ni, yũhũre masichũ yoare. <sup>3</sup> Israe masa yũ coyeya yũ ya yahpa macaina pichacapũ wahaahca. Cohamacũre tinare yũhdo duti duacu õ sehe ni duamaca yũhũ sehe: “Ti ya buhirire yũhũ sehe pichacapũ wahaihtja. ã jiro ti yaro jiborirore yũhũ sehene buhiri dahrejaro Cristo”, ni duamaca yũhũ. <sup>4</sup> Tina yũ coyeya Israe cjiro panamana ji turiaina jira. Tinare to pohna cjihtire cũha Cohamacũ. Tuhsũ, to si sitea mehne ti watoi jia tiha. Tinare jipihtinare to noano wahachũ yoaa cũhũre yahu cũ mũhtaa tiha. Tuhsũ, Moise cjirore to dutiri cũhũre dóipũta tinare Israe masareta cũ mũhtaa tiha. Tirore ti ño payohti macaa cũhũre tinareta cũ mũhtaa tiha. Tuhsũ, masare to yũhdohto cũhũre yahu cũa tiha tinare Cohamacũ. <sup>5</sup> Sã ya curuari waro doce curuari waro jira. Sã ñũchũsũma ji mũhtarina cjiropũ ti panamana jia tiha. Ti panamana ji turiainapũ jija sã Israe masa. ã jiro mari yoaro sehe pjacu tirore taro, sã coyeyo Israe masũno waro jire Cristo. Tiro Cohamacũta jira. ã jiro tiro jipihtina bui pũhtoro jira. Jipihtia dachoripe tirore noano ño payojihna mari. ã ño payorucujihna.

<sup>6</sup> Paina Israe cjiro panamana ji turiaina jipahta Cohamacũ yaina waro jierara. ã jina tina to yaina ti jierachũ ñũna õ sehe ni tũhotuboca mũsa: “ ‘Israe masare yũ yaina jichũ yoaihtja’, niparota cãinare Cohamacũ to niriro seheta yoerara”, ni tũhotuboca mũsa. ã ni tũhotuena tjiga. <sup>7</sup> Õ sehe jira: Paina Abrahã panamana ji turiaina ti jipachũta “Abrahã panamana ji turiaina waro jira”, ni ñũerara Cohamacũ tinare. ã jiro õ sehe nia tiha Cohamacũ: “Mũ macũ Isaa panamana ji turiaina tina pinihta potocãta mũ panamana ji turiaina waro jiahca”, ni yahu cũa tiha Cohamacũ Abrahãre. <sup>8</sup> To ã ni yahu cũchũ ahrire masinahca mari: Abrahã cjiro panamana jipihtina waro Cohamacũ pohna jieraca. Cohamacũ to ni cũrre noano tũhoina tirore wacũ tuaina sehe tinata jica Cohamacũ pohna. ã jia tinata jira Abrahã cjiro panamana ji turiaina waro.

9 Õ sehe niha Cohamacu Abrahã cjirore: “Pa cūhma ahri pja baroihta yu tjuu tachu mu namo Sara wihãrirocãre cjuarohca mu macure”, nia tiha Cohamacu Abrahã cjirore. ã nino Cohamacu Abrahã cjiro macuno to masa bajuahutore yahu cūyuro nia tiha.

10 Baharo Isaa cjiro namono Rebeca wama tiricoro puaro pohna tia tiha. Ti puuro Isaa sã nuhu cjiro jia tiha. 11-12 ã jia ti pohna ti masa bajuerasinipachuta, noaare, ñaa cūhure ti yoerasinipachuta Cohamacu ti pocoro cjihtore ò sehe nia tiha: “To bahuro sehe to wahminore dutirohca. ã jiro to puhtoro jirohca”, nia tiha ticorore. Cohamacu to cahmano seheta besera tiro. ã jiro jiro cūirocãre besero ticorore ãta ni yahua tiha. ã jiro masa ti yoare nueraparota to cahmano seheta tiro to yaina cjihtire besera. 13 ãta ni joaa tiha to yare ti joari pui: “ ‘Jacobo sehene cahia tih. Esau sehene cahiera tih’, niha Cohamacu”, ni joaa tiha panoru.

14 ¿Tire wacuna dohse ni tuhotubocari mari? ¿Ti yoahtere nueraparota cūiroke ã besero Cohamacu quihono yoaro nierabocari, musa tuhotuchu? Jierara. 15 Õ sehe nia tiha Cohamacu Moise cjirore: “Diro yu pja nu duarirore pja nuhtja”, nia tiha tiro Moise cjirore. ã jiro cūiroke ã besero quihono yoaro niha Cohamacu. 16 ã jina mari mu suro mari cahmano sehe Cohamacure marine pja nuhu yoeraja mari. Tuhsu, ne mari noaare mari yoari wapa cūhure marine pja nuerara tiro. To mu suro to pja nu duaina sehene pja nu. 17 Egipto macaina puhtoro faraõ cūhure to cahmano seheta yoaa tiha tiro. Õ sehe nia tiha Cohamacu faraõre: “Egipto macaina puhtoro cjihtore cui nii muhure yu tuare jipihtinare yu nohto cjihtore. Tuhsu, jiphtia yahpari macaina yuhure ti masihto cjihtore puhtoro soi nii yuhu muhure”, nia tiha Cohamacu faraõre. Tó seheta nina Cohamacu yare ti joari pui. 18 ã jiro to pja nu duinare to mu suro pja nu tiro. Tuhsu, paina sehene to mu suro yuhtierachu yoara tiro. To cahmano seheta yoara tiro.

19 To ã yoariro jichu nu yuhu sehene ò sehe niboca musa: “Cohamacu marine to cahmano seheta to yoachu mari sehene tiroke yuhdurucana bihosi. ¿Mari ã yuhdurucana bihoerapachuta dohse jiro baro marine buhiri dahre duajari tiro?” ni susini sinituboca musa yuhure. 20 Tire ò sehe ni yuhtija musare: ¿Masa wiho jiina jipanahta Cohamacure tuhtijari musa? Dihi

biato dahrerirore “¿Dohseacũ yũhũre õ sehe jiri biato yoari mũhũ?” tí biato to ni sinituboriro seheta nina nica mũsa Cohamacũre. Tó sehe ni masierara mũsa. **21** Dihi biato dahreriro dihi mehne to yoa duaro seheta yoara. ã yoaro cũria dihica mehne noaare cũhti biatore yoa masina tiro. Tia dihica mehneti wiho jiare cũhti biato cũhũre yoa masina tiro. Tiro yoaro seheta Cohamacũ cũhũ to yoa duaro seheta yoara.

**22** ã jiro Cohamacũ pichacapũ to cohãhtinare ti ñaa yoarire to ñũ yabiare, to tuaa cũhũre ñono taro, tinare dói buhiri dahre duamaha. ã dói buhiri dahre duaparota, yoari pja ti ñaa yoare ã ñũnocasiniha. ã jiro tinare buhiri dahrerasiniha. **23** ãta yoaha Cohamacũ noabiariro to jiare, to tuaa cũhũre mari masihto cjihtore. Panopũ marine to pja ñũina cjihtire tiro beseri jire jipihtia to tuaare to noaa cũhũre mari cjuãhto cjihto sehe. **24** ã jina mari sehe to beserina jinata nija. ã jia to beserina sehe cãina judio masa dihta jierara. Cãina judio masa jieraina cũhũ jira to beserina. **25** ãta nina judio masa jierainare Cohamacũ yare Osea cjiro to joariro seheta:

“Pano yũ yaina jieraina cjiro cũhũre baharopũ tinare  
‘Yũ yaina jira’, nihtja.

ã yoa pano yũ cahĩeraina cjiro cũhũre baharopũ  
tinare ‘Yũ cahĩina jira mũsa’, nihtja”,  
nia tiha Cohamacũ.

**26** “ ‘Yũ yaina jierara mũsa’, Cohamacũ to nia yahpari  
macaina tina Cohamacũ catiriro pohmata  
jiahca”,

ni joaa tiha Osea cjiro panopũre. **27** Tuhsũ, panopũ macariro Isaia cjiro cũhũ Israe masare õ sehe ni yahua tiha: “Pjiri ma macaa padũ yaparicãre mari quihõna bihoeraja. Israe masa tí yaparicã peri payũ ti jiro sehe jiina ti jipachũta mahainacã Cohamacũ yũhdorohca tinare. **28** Cohamacũ ahri yahpa macainare payũ masare to nino seheta cjero mehne potocãta buhiri dahre bahrañonohca”, nia tiha Isaia cjiro. **29** ã yoa pari turita Isaia cjiro õ sehe ni joaa tiha tjoa:

“Mari pũhtoro jipihtina bui pũhtoro mahainacã mari  
mehne macainare yũhdoeraro, marine judio  
masare jipihtinare butichũ yoaboa tiro.

Sodoma macainare, Gomorra macaina cũhũre to  
butichũ yoariro seheta mari cũhũre butichũ  
yoaboa tiro”,

ni joaa tiha Isaia cjiro yu coyea Israe masare.

### Judio masa noaa buheare cahmaeraha

30 Ñ tjira. Ñ jina ahrire masi namoga musa: Judio masa jieraina Cohamacure macaerapahta tirore bocare. Jesucristore ti wacũ tuachũ ñũno, “Buhiri marieina, noaina jira”, ni ñære tinare Cohamacũ. 31 Wiho mejeta judio masa sehe “Cohamacũ dutiare mari yoachũ tiro marine yũhdorohca”, nia Cohamacũ Moise cjirore to dutiare yoapahta, bihoerare. Ti ã bihoerachũ ñũno, Cohamacũ “Noaina jira”, ni ñærare tinare. Ñ jia noaina ji duapahta bihoerare. 32 Õ sehe yoaa, tina bihoerare: Tina Cohamacure wacũ tuaro marieno ti mũ sũro Moise cjirore to dutirire yoa duamare, to yaina ji duaa. Mari piti dahre buhechũ Cristo tãca yoaro sehe jiriro jira. Ti mũ sũro yoainare Cristo pũha tu borachũ yoari tãca yoaro sehe jiriro jira. Mũroca wahcãriro sehe tãcapũ pũha tu, bora sũ caharo to wacũ wahcãnopũre ne sũerara. (Pũha tu borariro yoaro seheta tina Cristore tãca yoaro sehe jiriore cahmaeraina Cohamacũ cahapũ ne sũsi.) 33 Æta ni joaa tiha Cohamacũ yare ti joari pũi:

“Jerusalẽ wama tiri macai pũha tu borachũ yoari tãca yoaro sehe jiriore cũja.

Mari piti dahre buhechũ õ sehe jira: Mũroca wahcãriro tãcapũ doca wahã sũ bora sũ caharo to wacũ wahcãnore sũerara.

Tãca yoaro sehe jiriore cahmaeraina sehe tiare pũha tu bora, ti wacũ wahcãnopũre ti sũeraro seheta Cohamacũ cahapũ sũsi.

Wiho mejeta tirore wacũ tuaina sehe tiro mehne ã wahcherucuahca”,

ni joaa tiha.

**10** 1 Yu coyea, Israe masare pichacapũ wahaborinare Cohamacũ to yũhdohtore, tuaro yu yajeripohna mehne cahmasãamaja yũhũ. Ñ jicu Cohamacũ tinare to yũhdohto cjihtore sini payoja yũhũ. 2 Potocãta tina Cohamacũ cahmaare tuaro yoa duamana. Ñ yoa duapahta to cahmaa warore masierara. 3 Tuhsũ, tinare Cohamacũ to noaina wahachũ yoaborire tina tũho ñahaerare. Ñ tũho ñahaeraa, ti mũ sũro noaare yoa duapahta bihoerare. Ti ã yoachũ tinare Cohamacũ to wacũ tua dutiriro seheta ti yoerachũ ñũno, tiro sehe tinare “Noaina jira”, ni ñærare. 4 Wiho mejeta Cristore wacũ tuaina



sehene “Noaina jira”, ni ñña Cohamacu. Ñ jina dutia yoaa mehne yũdũeraja mari. Cristo mehne yũdũja.

**5** Moise cjiro panopu macariro õ sehe ni joaa tiha: “Cohamacu to dutirire ne cũno dũhsaro marieno mari yoa pahũochu Cohamacu yũdũrohca marine”, ni joaa tiha tiro. **6-7** To ã ni joapachũta mipũre masa Cristore ti wacũ tuachũ ñño Cohamacu tinare “Noaina jira”, ni ñña. Tí buhea noaina ti wahachũ yoari buhea õ sehe ni yahura: Cristo to basi ahri yahpau wihi tuhsũri jire. Tuhsũ, masa mũja tuhsũri jire. Ñ jina õ sehe ni tũhotuena tjiga mũsa: “¿Diro sehe mũanopu Cristore na tabasaro wahabocari marine to yũdũhto sehe? ¿Diro sehe yariaina cahapu Cristore masobasa na tabocari? Tirore na taboriro mariaha”, ni tũhotuena tjiga mũsa. **8** Õ sehe ni yahura Cohamacu yare ti joari pũi: “Cohamacu ya buheare mari macachũ to buhea õi jira. To buheare masi tuhsũra mũsa. Ñ yoa to buheareta durucua tire mũsa”, ni joaa tiha. Tí buheare Cristore wacũ tuaa buheare masare yahuja sã. **9** Tí buhea õ sehe ni yahura: “Jesu mari pũtoro jira”, ni mari yahuchũ, “Cohamacu Jesure yariariro cjirore potocãta masore”, ni mari wacũ tuachũ, Cohamacu marine pichacapũ wahaborinare yũdũrohca. **10** Jesure mari wacũ tuachũ Cohamacu sehe marine “Noaina jira”, ni ññoohca. Jesure mari wacũ tuaare painare mari yahuchũ tiro marine pichacapũ wahaborinare yũdũrohca.

**11** Õ sehe nina Cohamacu yare ti joari pũi: “Cohamacure wacũ tuaina tirore ti wacũ tuaa mehne ne cahyasi”, niha Cohamacu yare ti joari pũi. **12** Judio masare, judio masa jieraina cũhũre Cohamacu cũno pоторita yoadohora. Mari pũtoro jipihtina bui pũtoro jira tiro. Ñ jiro tirore to yoadohoare siniinare jipihtinare noano waro yoadohorohca tiro tinare. **13** Õ sehe ni joaa tiha panopũre: “Yũ buhiri tiare cohãbasa, yũhũre yũhdoga’, ni mari pũtorore masa ti sinichũ tinare pichacapũ wahaborinare mari pũtoro yũdũrohca”, ni joaa tiha Cohamacu yare. **14** Wiho mejeta masa sehe Cristore wacũ tuaeraa, tirore ã ni sini masierara tina. Tuhsũ, to buhea cũhũre tũhoeraa, tirore wacũ tua masierara. Ñ yoa to buheare yahuriro mariachũ cũhũre tíre tina masisi. **15** Tuhsũ, to buheare yahuhtinare Cohamacu sehe to warocaerachũ to buheare yahu masierara. Ñ ni joaa tiha Cohamacu yare ti joari pũi: “Noa

buheare yahuhtina ti tachu noano wahcheja mari”, ni joaa tiha panopure.

16 Tí ã ni joari jipachuta masa payu noaa buheare tuho duaerara. Áta ni joaa tiha Isaia cjiro: “Yu ruhtoro, tinare mari yahurire tina ne tuho duaerare”, ni yahua tiha Isaia cjiro Cohamacu. 17 Ñ jia masa noaa buheare tuhoa Cristore wacu tuare. Ti tuhoa sehe noaa buhea sehe Cristo ya buhea waro jira.

18 Ñ jicu ahrire õ sehe ni sinitu ñu duaja musare: ¿Israe masa Cohamacu yare tuhoerari, musa tuhotuchu? Potocãta tina tuhoa waro tuhomare. Áta nina Cohamacu yare ti joari pu cihu:

“Cohamacu noa putiariro to jia tiare yahuina jipihtiropu yahu sitea wahare.

Ñ jia jipihtiro macainapu to yare tuho sahseare”, ni joaa tiha panopure. 19 Pari turi musare õ sehe ni sinitu ñu duaja tjoa: ¿Israe masa tuhopahta noano masierari tina, musa tuhotuchu? Masia timaha tina. Ahrire yahu namocu Moise cjiro to nirire yahu muhtaihtja. Õ sehe ni joaa tiha tiro:

“Õ sehe ni yahura Cohamacu Israe masare: ‘Tuho masieraina, ñaina jira’, ni musa ñuina sehere yu yaina cjihti wahachu yoaihtja.

Yu ã yoachu musa sehe tina mehne sua, tinare ñu tuhtinahca.

Ñ yoacu musare suachu yoaihtja yuhu’, ni yahure Cohamacu Israe masare Israe masa jierainare to yaina jichu yoaro taro”,

ni joaa tiha Moise cjiro. 20 Tuhsu, Isaia cjiro cihu cuiro marieno õ sehe nia tiha:

“Õ sehe nina Cohamacu: ‘Yuhure macaeraina sehe yuhure bocahre.

Ñ jicu yuhure cahmaerainare tinare yuhure masichu yoahi yuhu’, nire Cohamacu”,

ni joaa tiha Isaia cjiro judio masa jierainare. 21 Tuhsu, Israe masa sehere õ sehe ni joaa tiha Isaia cjiro: “Õ sehe nina Cohamacu: ‘Tina yuhure yuhdurucaina, yuhure cahmaeraina jira. Ñ jicu tinare ti ñaare cahya duticu “Yu yaina wahaga”, ñ nirucumai tinare. Wiho mejeta tina sehe yuhure ne yuhti duaerare’, nire Cohamacu”, ni joaa tiha Isaia cjiro.

**Mahainacã Israe masare pichacapũ wahaborinare  
yũhdorohca Cohamacũ**

**11** <sup>1</sup> ¿Ã jiro Israe masare Cohamacũ to beseina cjiire cohãno niri tiro, mũa tũhotuchũ? Jierara. Tinare cohãerare tiro. Yũhũ cũhũ Israe masũno, Abrahã panamino ji turiarirorpũ jija. Benjami ya curua macariro jija yũhũ. <sup>2</sup> Panorpũre Israe masare to ya curua macaina cjihtire Cohamacũ besea tiha. To ã beserinare cohãerare. Cohamacũ yare ti joari pũi Elia cjiro ya quitire yahura. ¿Elia cjiro Cohamacũre sinino, Israe masare to yahusãrire masierajari mũa? Õ sehe ni yahusãha tiro: <sup>3</sup> “Yũ pũhtoro Cohamacũ, tina Israe masa mũa yare yahu mũhtainare wajãre. Tuhsũ, tinata paina mũhũre ño payoa taa, wahiquinare wajã jũ mũoa tuhuri cũhũre cohãre. ã jicũ yũhũ dihta mũa yairo dũhsaja mipũre. Yũ ã jichũ tũhoa yũhũ cũhũre wajã duara tjoa, mipũre”, niha Elia cjiro Cohamacũre. <sup>4</sup> To ã nichũ tũhoro Cohamacũ sehe õ sehe ni yũhtiha Elia cjirore: “Siete mil waro mũa yũ yaina jira mipũre. Tinare wihboi yũhũ. Tina yũ yaina sehe Baal wama tiri masũre ne ño payoera tire tina. ã jicũ cuii tjiga mũhũ”, nia tiha Cohamacũ Elia cjirore panorpũre. <sup>5</sup> Tĩ pjare Elia cjiro to jia tiri pjarũre to yaina masare to beseriro seheta mipũ cũhũre mahainacã Israe masare to yaina cjihtire besere Cohamacũ. Cohamacũ tinare cahmano tinare pja ñũno besere. <sup>6</sup> Noaare ti yoari wapa tinare besero nierare. Tinare ã cahmano, pja ñũno besere. “Noaare mũa yoari wapa mũsare beseihtja” nino, tiro tinare potocãta pja ñũno nieraboa.

<sup>7</sup> ã yoa õ sehe jira: Israe masa Cohamacũ tinare “Noaina jira”, to ni ñũchũ yoa duapahta tina cũno pjaerare. Wiho mejeta Cohamacũ to basi to beserina sehe noaina to yaina wahare. Tirore cũno pjaeraina sehe to yare tũho duaerare.

<sup>8</sup> ãta nia tiha Cohamacũ yare ti joari pũi:

“Cohamacũ tirore cahmaerainare to yare tũho ñahaerachũ yoare.

ã jiro potocã jiare ti tũhopachũta tinare ne noano tũho ñahaerachũ yoare Cohamacũ.

ãta jirucura tina mipũ cũhũre”,

ni joaa tiha panorpũre. <sup>9</sup> ã yoa panorpũ macariro Davi cjiro Israe masa Cohamacũre ti cahmaerari buhiri õ sehe nia tiha Cohamacũre:

“Tina Israe masa ti bose n̄m̄uri, ti wahchea n̄m̄uri  
ti ȳhdoro wato, yurica ñahñoriro to ñano  
ȳhd̄ero seheta tina c̄h̄ure ñano ȳhd̄uch̄u  
yoaga.

Tó sehe yoainare tinare ñano buhiri dahrega m̄h̄u.

**10** Tuhs̄u, m̄u yahuare tinare ne t̄ho ñahaerach̄u  
yoaga m̄h̄u.

Ã buhiri tirucuina ji, ã cahyarucuina jijaro tina”,  
nia tiha Davi cjiro Cohamac̄u.

### **Judio masa jierainare pichacap̄u wahaborinare ȳhdorohca Cohamac̄u**

**11** ¿Judio masa Cristore ti cahmaerach̄u ñ̄no, Cohamac̄u  
tinare cohãno warota nibocari, m̄usa t̄hotuch̄u? Cohãsi tinare.  
Ã cohãeraparota tina Cristore ti cahmaerach̄u mip̄ure judio  
masa jieraina sehere Cohamac̄u ȳhdorohca. Mip̄ure tinare  
to yaina jich̄u yoare Cohamac̄u. To ã yoach̄u ñ̄na cãina judio  
masa sehe tina mehne sua sayo, Cohamac̄u yainata ji duaahca.

**12** Judio masa ti ȳhd̄ur̄ucach̄u ti noano yoaerach̄u paina  
sehere ahri yahpa macainare cãinare Cohamac̄u ȳhdore. To ã  
ȳhdoch̄u tina sehere noano wahare. To ã yoariro ȳhdoro,  
baharo judio masa sehe Cristore ti noano wac̄u tua d̄ucach̄u  
pinihtare ahri yahpa macainare jipihtip̄ure noaputiaro  
waharohca.

**13** Mip̄ure m̄usare judio masa jierainare yahui tai nija.  
Cristo c̄ure ȳh̄ure judio masa jierainare buhehtiro cjihtore.  
Ã jia ȳ dahraa sehe wiho jia jierara. **14** To c̄uro seheta ȳh̄u  
m̄usare buheja, ȳ coyea judio masa sehere m̄usare ti ñ̄ c̄uch̄u  
yoa duac̄u. Cohamac̄u ȳhdorina m̄usa jich̄u ñ̄na tina c̄h̄u  
Cristore cahmaa, to ȳhdoina wahaboca. **15** Judio masare  
cohãbo curero, judio masa jieraina sehere noaa buheare  
Cohamac̄u yahu dutire. Tí buheare ti t̄hori baharo Jesure ti  
wac̄u tuari baharo cãina judio masa jieraina, jipihtiro ahri  
dacho macaina Cohamac̄u yaina wahare. Ã jiro judio masare  
to cohãbo curech̄u noano wahare paye yahpari macaina sehere.  
To ã yoariro ȳhdoro judio masa to cohãbo cureina cjiire pari  
turi to yaina cjihti to yoach̄u pinihtare jipihtinap̄ure ahri yahpa  
macainare noaputiaro waharohca. To yaina cjihti pari turi ti  
wahach̄u, jipihtinap̄u to yaina yariaina cjiri sehe pari turi ti  
masaboro seheta jirohca.

16 Õ sehe jira: Trigo yubũ mehne wahma pãoca ti yoarìa Cohamacũ yaria cjihto Cohamacũre ti wachũ, tiare ti yoa dũhari yubũ cũhũ to yariata jira. Tuhsũ, yucũcũ nũhcori cũhũ Cohamacũ ya nũhcori cjihti jia, tũ dũpũri cũhũ Cohamacũ yata jira. Õ sehe mari ni piti dahre buhechũ Abrahã sã ñũchũ cjiro Cohamacũ yairo to jiro sehetã to panamana ji turiainarũ cũhũ Cohamacũ yaina jiahca Cristore wacũ tuaina jia. Yoa dũhari yubũ cũhũ to yariata jica. Tuhsũ yucũcũ nũhcori cũhũ Cohamacũ ya nũhcori cjihti jia, tũ dũpũri cũhũ Cohamacũ yata jica. Õ sehe mari ni piti dahre buhechũ, Abrahã sã ñũchũ cjiro Cohamacũ yairo to jiro sehetã to panamana ji turiainarũ cũhũ Cohamacũ yaina jira, Cristore wacũ tuaina jia.

17 Ti ã jihtina jipachũta cãinare ti coyea sehere judio masare Cohamacũ cohãre. Olivo wama tidũ dũpũrire cãa dũpũrire to dũte cohãboro sehetã cãina judio masa sehere Cohamacũ cohãre. ã yucũcũ dũpũrire cohãno to cohãri dũpũri jiro cjiroi paye dũpũrire nũcũ macadũ olivocũ dũpũrire cohtota duhu õhre. Tó yoaro sehetã Cohamacũ mũsare judio masa jierainare Abrahã panamana ji turiaina cohtotare mũsare, mũsa cũhũre yũhdoro taro. 18 Mũsare to ã cũchũ “Judio masa yũhdoro noaina jija sã”, ni tũhotuena tjiga. Ahrire yũ yahuhtire wacũga mũsa: Judio masa sehere bese mũhtaha Cohamacũ. ã besero ti coyeiro cjihtore cũha Cristore, mũsare yũhdoro taro. ã jina “Judio masa yũhdoro noaina jija”, ni tũhotuena tjiga mũsa.

19 Mũsa judio masa jieraina sehe õ sehe niboca: “Cãa ñaa dũpũrire to cohãboro sehetã Cohamacũ cãina judio masare cohãre. Paye dũpũrire cohtota to õno sehetã to yaina marine cũno taro ã cohãre tinare”, niboca mũsa judio masare yũhdũrũca duana. 20 Tí mũsa nia potocãta jira. To ã jipachũta tina Jesure ti wacũ tuaerari buhiri Cohamacũ cohãre tinare. ã jiro mũsa cũhũre Jesure mũsa wacũ tuaerachũ to yaina cjihti mũsare cũeraboa. ã jina “Judio masa yũhdoro noaina jija sã”, niena tjiga mũsa. ã nieranata “Cohamacũ cua pisariro jira”, ni tũhotuga mũsa. 21 Olivocũ ji mũhtaa dũpũri waro yoaro sehe judio masa sehe Cohamacũ yaina ji mũhtaha. To cohtotaa dũpũrire to õboro sehetã Cohamacũ to yaina mũsa sehere cohtota cũha. Wiho mejeta to yaina ji mũhtaina judio masa tirore ti wacũ tuaerachũ, cãinare cohãre. Tinare to cohãriro sehetã mũsa cũhũre cohãnohca, tirore mũsa wacũ tuaerachũ. 22 Cohamacũ mũsare noano yoariro to jichũ masiga mũsa. Tuhsũ, cua pisaro

mehne buhiri dahreriro to jichu cūhure masiga mūsa. Tirore ño payoerainare tiro buhiri dahrerohca. Ā jiro tirore mūsa ño payoerachū olivocū dūpūri warore to cohāriro cjiro seheta mūsa cūhure cohānohca Cohamacū. <sup>23</sup> Ā yoa judio masa to cohābo curerina cjiri Cristore ti wacū tua dūcachū ñūno, olivocū dūpūri warore pari turi to duhu ōno seheta Cohamacū to yaina cjihti yoarohca tinare. Cohamacū to ā yoa masihti cjihtireta tuaare cjuara tiro. Ā jiro tiro tinare cāinare to yaina cjihti yoarohca. <sup>24</sup> Mūsa judio masa jieraina jina, nūcū macadū olivocū dūpūri yoaro sehe jira mūsa. Ā jiina mūsa jipachū olivocū toadūi nūcū maca dūpūrire to na ta ōboro seheta, Cohamacū mū sare to yaina cjihti yoahre. To ā yoachū, ne mijoerare tirore. Judio masa Cohamacū to bese mūhtarina jira. Olivocū toadū dūpūri waro yoaro sehe jira tina. Ā jiro ti jidū waro cjiropūre pari turi to duhu ōboro seheta to yaina cjihti pari turi judio masare to yoachū, ne mijoerara tirore.

**Baharo judio masare pichacapū wahaborinare  
yūhdorohca Cohamacū**

<sup>25</sup> Yū coyea, ahrire masa ti masieraare mū sare yahuihtja. “Mipūre sā dihtare besere Cohamacū. Cohamacū sā masi yūhdūnūcū sūchū ñūno, tiro sāre besere”, mūsa ni tūhotuerahto sehe ahrire yahuihtja mū sare. Ō sehe jira: Mipūre payū judio masa Cohamacūre tūho duasi. Wiho mejeta payū judio masa jierainare Cohamacū to quihōriro puro to yaina to yoari baharo judio masa cūhū tirore cahma dūcaahca. <sup>26</sup> Ti ā cahmachū judio masa payū warore pichacapū wahaborinare Cohamacū yūhdorohca. Cohamacū yare ti joari pūi āta ni yahu joaa tiha:

“ ‘Jerusalē wama tiri macai judio masa ya macai tinare yūhdohtiro tarohca.

Jacobō panamana ji turiainare ti ñaa yoari buhirire tiro cohānohca.

<sup>27</sup> Tinare yūhdocū panopū tinare yū ni cūriro seheta yoai nija’, nire Cohamacū”, ni joaa tiha Cohamacū yare ti joari pūi.

<sup>28</sup> Mipūre tina judio masa Cristo yare ño payoeraina Cohamacūre ñū tuhtira. Ti ā yoachū mipūre mūsa sehe judio masa jieraina Cristore wacū tua dūcare. Judio masa sehere Cohamacū bese mūharti jire. Judio masa ñūchūsumā cjiri to beserina ti jichū mipū jiina judio masa cūhūre tiro cahīna.

29 Cohamacu to ni cūriro seheta tinare to beseriro seheta quihōno yoarohca tiro. To nirire ne bosiro tiro. 30 Panopure mūsa cūhu Cohamacure yūhdurucari jire. Mipure judio masa Cohamacure ti yūhdurucachu ñano tiro mūsa sehere pja ñano yūhdore. 31 Mipure judio masa tirore yūhdurucare. Ti ā yoapachuta Cohamacu mū sare to pja ñuriro seheta tina cūhure baharopure pja ñanohca. 32 Ō sehe jira: Jipihtina masare “Yūhure yūhdurucaina jira”, nina Cohamacu. Ā jiro jipihtina tirore yūhdurucaina ti jichu ñano jipihtinare pja ñu masina tiro.

33 Cohamacu tua yūhdurucu suriro jira. Noano masi pahñoriro jira tiro. Ā jiro to tūhotuare, to yoirire marine noano masihtō basioerara. 34 Ō sehe ni joaa tiha Cohamacu yare: “Cohamacu mari pūhtoro to tūhotuare ne masa noano masierara. Ā jia masa tirore ‘Ō sehe yoaga’, ni masierara. 35 Ā jia masa Cohamacure paye barore ti wari baharo ‘Tiro marine wapamona’, ni masierara masa”, ni joaa tiha panopure. 36 Cohamacu jipihtiare yoaa tiha. Tuhsu, to tuua mehne jipihtiare jisinichu yoara tiro. Ā jia jipihtia to ya jira. To ā jiriro jichu jipihtia dachoripe tirore ño payojihna mari. Āta yoarucujihna.

### Cohamacu cahmaare marine yoarucu dutiha Paulo

**12** 1 Cohamacu marine tuaro pja ñure. To ā pja ñuriro to jichu ñuna, yu coyea, mūsa sehe oveja noarirore ti jū wa mūoriro seheta Cohamacure ti ño payoriro seheta mūsa cūhu tirore ño payorucuga, to yare mūsa noano yoarucuhto sehe. Mūsa ā yoachū, tiro wahcherohca. Āta yoaro cahmana marine, Cohamacure quihōno ño payona tana. Ā jicu mū sare tíre tuaro yoa dutija. 2 Ahri yahpa macaina ñaare yoaina yoaro sehe yoarena tjiga mūsa. Ā yoa mūsa tūhotuapure Cohamacu noaa tūhotua sehere to cohtota, cūchu, yūhtiga mūsa. Ā yūhtina, noaa sehere tūho cohtotarina jinahca mūsa. Ā yoana noaare, Cohamacu cahmaare, ñaa mariare, potocā jiare masinahca mūsa.

3 Cohamacu yūhure to yare yoa masichu yoariro buhe dutiro beseri jire yūhure. Ā jicu jipihtina mū sare ō sehe ni tūhotu dutieraja yūhu. “Noabiaina ji yūhdurucaja sā”, ni tūhotuena tjiga. Ā tūhotunocahga. Jesure mūsa wacū tuari baharo, Cohamacu mūsa cāinare noaare yoa masihtire to cūchu, “To yoadohoro mehne ahri noaare yoaja”, ni tūhotuina jiga mūsa.

4 Õ sehe ni yahu namoihtja yũhũ mũsare. Mari wamomacari, mari dahpori, mari capari jipihtiro mari pjacũ jia payũ jira. Mari pjacũ jia cũ pjacũ jiparota soro jia dahraa cjuara. 5 Tí jiro sehetã soro sehe jia dahraare cũna Cohamacũ marine. ã jina payũ masa jipanahta Cristore wacũ tuaina jina, to pjacũ cũ pjacũ yoaro sehetã cũ curuata jija mari.

6 Cohamacũ marine to yoadohoro purota to tuaa mehne yoa dutira. ã yoaro marine cãinare soro jia mari yoahtere cũna tiro. To ã yoachũ marine to cũrire mari sehe noano yoajihna. ã jia Jesu yaina õ sehe yoajaro. Cãinare Cohamacũ to yare yahuhtinare cũna. ã jia tina Cristore ti wacũ tuaro puro to yare noano yahujaro. 7 Cãinare Cohamacũ mũsare yoadohohtinare cũna. ã jia tina mũsare noano mehne yoadohojarõ. Cãinare Cohamacũ mũsare buhehtinare cũna. ã jia tina mũsare noano buhejarõ. 8 ã yoa paina cũhũ mũsare sũho wahchechũ yoahtere jia, mũsare noano sũho wahchechũ yoajaro. Tuhsũ, paye barore wahtina jia, ti wahtire noano mehne yajeripohna ti, wajaro. ã yoa paina cũhũ mũsare sũho ji mũhtahtina jia, noano mehne sũho jijaro. ã yoa pjacũoinare yoadohohtina jia, wahchea mehne yoadohojarõ.

### Jesu yaina jina õ sehe yoaina jiga

9 “Sã basi cahma cahĩja”, ni mahũono marieno mũsa basi cahma cahĩga. ã yoana ñaare ñũ yabiina jiga mũsa. Tuhsũ, noaa sehere ã cahmarucuga. 10 Tuhsũ mũsa bahana warore mũsa cahĩno sehetã Jesu yainare mũsa mehne macainare cahĩga. ã yoana mũsa basi noano cahma ño payoga mũsa.

11 Cohamacũ cahmaare yoana, ne caparo marieno yoaga. ã yoana mari pũhtoro to dutiro sehetã noano wahchea mehne yoaga.

12 Cohamacũ mũsare pichacapũ wahaborinare to yũhdorinapũ jira mũsa. ã jiro mũsa wahahto noaputiarõ jira. Tĩre masina wahchega mũsa. ã yoa ñano yũhdũna, cũno pjaga “Cristo yare duhuri”, nina. Tuhsũ, Cohamacũre ã sinirucuga.

13 Paye barõ Jesu yainare dũhsachũ waga tinare. ã yoa mũsa ya wũhũsepũ cũhũre masa ti sũchũ noano yajeripohna tiro mehne tinare piti bocaga.

14 Mũsare ñano yoainare “Noano wahajaro tinare”, ni sini payoga. Tinare ã sini payona, “Tina ñano yũhdũwahnojaro”, niena tjiga.



15 Ñ yoa paina wahcheina mehne jina, m̄sa c̄h̄h̄ tina mehne wahchega. Tuhs̄ paina ñano cahyaro mehne tiina mehne jina, m̄sa c̄h̄h̄ cahya, tiidohoga tinare.

16 M̄sa mehne macaina mehne noano jiga m̄sa. Ñ jina “Paina ȳh̄doro noaina jija”, ni t̄hotuena t̄jiga. Ñ sehe ni t̄hotuga: “Wiho jiina jija”, ni t̄hotuga. Ñ jina “Masi ȳh̄d̄r̄caina jija s̄a”, ni t̄hotuena t̄jiga.

17 Paina m̄sare ti ñano yoapach̄ta, tinare ñano yoa cahmaena t̄jiga. Noaa sehere yoaga, noaina m̄sa jia tiare jipih̄tina masa ti masiht̄i c̄jht̄ire. 18 M̄sa bihoro puro jipih̄tina mehne noano jinocahga m̄sa. 19 M̄sa ȳ cah̄ina, ȳ coyea paina m̄sare ti ñano yoapach̄ta tina yoaro sehe ñano yoa cahmaena t̄jiga. Cohamac̄ sehe m̄sare ti ñano yoari buhiri buhiri dahrejaro tinare. Cohamac̄ yare ti joari p̄i ãta ni joaa tiha: “Ȳh̄h̄ sehe m̄sare ti ñano yoari buhiri buhiri dahreriro jija. Ñ jic̄ potoc̄ta buhiri dahreiht̄ja’, nina mari p̄h̄toro”, ni joaa tiha panop̄re. 20 Ñ jina ñ sehe yoaga m̄sa: M̄sare ñ tuht̄iro to j̄ca baach̄ ñ̄na nuga tirore. To ñahma yapioch̄ c̄h̄h̄re ñ̄na tirore sih̄ga. M̄sa ã yoach̄ ñ̄no m̄sare to ñano yoari buhiri b̄o tirohca. 21 Ñ jina paina m̄sare ti ñano yoapach̄ta m̄sa sehe tinare ñano yoa cahmaena t̄jiga. Tinare noaa sehere yoaga m̄sa. Ñ yoana ñaa sehere cahmaerana nica m̄sa.

**13** 1 Jipih̄tina m̄sa bui p̄h̄toa c̄jht̄ire Cohamac̄ dihta bese c̄na. Ne c̄iro p̄h̄toro Cohamac̄ to bese c̄erariro mariahna. To ã c̄rina ti jich̄ ñ̄na jipih̄tina m̄sa tinare noano ȳht̄iga. 2 Mari p̄h̄toare noano ȳht̄ierana Cohamac̄ to bese c̄rinare ȳh̄d̄r̄cana nija mari. Ñ ȳh̄d̄r̄cainare Cohamac̄ sehe buhiri dahrerohca. 3 Noainare cuich̄ yoah̄tina jierara p̄h̄toa. Ñaare yoaina sehere cuich̄ yoah̄tina jira tina. Noaare yoaga m̄sa p̄h̄toare m̄sa cuierahto c̄jht̄o sehe. Ñ yoana cuisi m̄sa. Noaare m̄sa yoach̄ p̄h̄toro sehe “Noaare yoare m̄sa”, m̄sare ni ñ̄nohca. 4 M̄sa p̄h̄toa Cohamac̄ to c̄no seheta m̄sare yoadohoht̄inata jira m̄sa noano jinocah̄to c̄jht̄o sehe. Wiho mejeta m̄sa ñaare yoana pini tinare cuiga. Tina m̄sare buhiri dahreht̄ina c̄jht̄ita jira. Jipih̄tina ñaare yoainare buhiri dahre dutiro Cohamac̄ tinare besere. 5 Ti ã buhiri dahreht̄ina ti jich̄ ñaare yoana m̄sa p̄h̄toare cuiga. Ñ jina ño payoa mehne “Noaare yoaro cahmana ȳh̄h̄re”, ni t̄hoturo mehne noano ȳht̄ijih̄na. 6 M̄sa p̄h̄toa ti dahrahti

cjih̄tire Cohamacu cūre. Ā jina ti dahraare ti yoachu ñna m̄sa p̄htoare wapa nabasainare wapara m̄sa.

7 Jipih̄tinare m̄sa p̄htoare noano yuhtiga. Tuhsu, p̄htoare wapa nabasaina cūhure wapaga m̄sa. Ā yoa p̄htoa sehe payere ti wapa dutichu cūhure wapaga. Ā jina jipih̄tina p̄htoare noano ño payoga. 8 Tuhsu, paina masare wapamoena tjiga. Tinare cah̄no cahmana. To cahai jinare cah̄riro Cohamacu dutiare yoa pah̄no tuhsuriro jira. Ā jina m̄sa cahai jiina cūhure cah̄ga. 9 Ō sehe nina Cohamacu dutia: “Pairo namonore w̄ana tiena tjiga. Numia cūhu pacoro man̄nore w̄ana tiena tjiga. Masare waj̄ena tjiga. Yacaena tjiga. Paina yare goa p̄jaena tjiga”, ni yahura to dutia. Paye dutia cūhu jira. Ti ā jipach̄ta cūno dutiare m̄sare yahui tai nija. Tí dutia cūno dutia to jipach̄ta tí dutiare yoana Cohamacu dutiare yoa pah̄nona nija mari. Tí dutia ō sehe nina: “M̄ basu m̄ cah̄no seheta m̄ cahai jiina cūhure cah̄ga”, nina. Tí dutiare yoana Cohamacu dutiare yoa pah̄noina jina nina. 10 M̄sa cahai jinare cah̄na, tinare ñano yoasi. Ā jina tinare cah̄na, Cohamacu dutiare yoa pah̄noinata jira m̄sa.

11 Ā jina car̄ina yoaro sehe jiena tjiga m̄sa. Noano wacū masiga. Jesure noano wacū cohtaga. Jesu marine to tjua ta naahto mahanocā d̄hsatjiāna. Tirore mari coā wacū tua d̄cachu Jesu marine to yūdoro tahto mahanocā d̄hsamare. Mip̄ pinihtare cahacā waro jira to tahto. Ahri yu nirire masina m̄sa. 12 Mip̄ure ñaina ya dacho jira. To tahto mahanocā d̄hsara. Tíre masina, buhiri tichu yoaare, nahitiano yoaro sehe jiare duhu pah̄nojihna mari. Ā jina Cohamacu cahmaa sehene yoajihna mari. Ā Cohamacu yare yoana, ñaare duhu pah̄nonahca mari. Ahri dachore payu ñaa baro jichu, ñami yoaro sehe jira. Wiho mejeta Cristo to tachu, ñami yoaro sehe jiro pihtia waha, pa dacho, buhria m̄ja taro yoaro sehe waharohca. Surara coma suhtiro to s̄a d̄cataro seheta Cohamacu ñaare to d̄cataare noano c̄ua pah̄nojihna mari. Ā tíre c̄uana ñaare duhu, Cohamacu cahmaa sehene mari yoajihna. 13 Ā jina Jesu to tahtore wacū cohtaina jina, noaa sehene yoajihna. Bose num̄urine yoana ñano yoaena tjijihna. Tuhsu, cahaena tjijihna. Ā jina numia mehne ñano yoaena, paina mehne ñano yoaena, cahma sayoena jiena tjijihna. M̄sa numia cūhu m̄a mehne ñano yoaena tjiga. 14 Wiho mejeta Jesucristore p̄htoro tina, tirore yuhtiga m̄sa. Ā yuhtina to

jiro seheta jiga m̄sa. Ā jina ñaare m̄sa goa pjaā sehēre yoaena tjiga.

**M̄sa coyeare Jesu yainare “Ñano yoaa nina”,  
ni yahuwajaena tjiga**

**14** <sup>1</sup> Jesure wacū tuarirore to noano wacū tuaro d̄hsasinich̄ ñ̄na tirore ji coaro mehne cahmaga. To ā jiriro jich̄ ñ̄na “Ne masierara m̄h̄” ni, tiro mehne cahmasayoena tjiga. <sup>2</sup> “Jipihtiare ch̄ masija ȳh̄”, ni t̄hotura paina. Paina sehe Jesu yare noano masierasinia wahiquinare ch̄eraina, toaa dicha dihtare ch̄ra. <sup>3</sup> Jipihtiare ch̄ina sehe toaa dicha dihtare ch̄inare ñ̄ tuhtiea t̄jijaro. Ā yoa toaa dicha dihtare ch̄ina c̄h̄ jipihtiare ch̄inare “Ñano yoaa nina”, ni cahma yahuwajaea t̄jijaro. Jipihtiare ch̄ina sehe Jesure wacū tuaina ti jich̄ Cohamac̄u tinare to yaina yoa tuhs̄re. To yaina ti jich̄ ñ̄na wahiquinare ch̄eraina sehe tinare yahuwajaea t̄jijaro. <sup>4</sup> Jesure wacū tuaina Cohamac̄ure dahra cohtaina dihta jira. Ti ā jich̄ ñ̄na m̄sa tinare yahuwaja masierara. Jesure wacū tuaina to cahmano sehe ti quih̄no yoaerach̄ ñ̄no tiro dihta ti p̄htoro jiro, tíre yahu poto masina. To cahmaare quih̄no ti yoach̄ c̄h̄re tíre yahu masina tiro. Ā jiro tiro sehe to yainare “Ñano yoare m̄h̄”, ni yahuhtiro jirohca. Ā jiro tirore dahra cohtainare noaa dihtare yoarucu masich̄ yoariro jira Cohamac̄u.

<sup>5</sup> C̄ina c̄a dachori cua pisaro mehne Cohamac̄ure ti ñ̄o payohti dachori c̄jhtire c̄j̄ara. Paina sehe, “Dohse jiri dachore Cohamac̄ure ñ̄o payoch̄, noana”, ni t̄hotu, ñ̄o payoina jira. Tina c̄no potori ā yoaeraina jipahta jipih̄tina ō sehe ni t̄hotujaro: “Jesu to cahmano seheta noano yoana nija”, ni t̄hotu masijaro. <sup>6</sup> C̄iro c̄a dachori cua pisaro mehne Cohamac̄ure ti ñ̄o payoa dachorih̄ Cohamac̄ure ñ̄o payoro, tiro c̄h̄ quih̄no ñ̄o payoro nina. Tuhs̄u jipihtiare ch̄ur̄o ch̄rota, Cohamac̄ure “Noana”, ni wahche payora tiro. Ā jiro tiro c̄h̄ Cohamac̄ure ñ̄o payorota nina. Ā yoa paio sehe c̄a ch̄are ch̄erara, Cohamac̄ure ñ̄o payoro. Tiro c̄h̄ Cohamac̄ure “Noana”, ni wahche payora.

<sup>7</sup> Tuhs̄u, mari cahmaa dihtare yoaina ne ji masieraja mari. Cristo jira mari p̄htoro. Ā jiro mari catich̄ mari yariach̄ c̄h̄re mari p̄htorota jira. <sup>8</sup> Mip̄re mari catisinino puro Cristo yare yoah̄tina jija mari. To yaina jija. Mari yariari baharop̄

cũhũre to yainata jinahca. ̃ jiro mari catichũ mari yariachũ cũhũre Cristo mari pũhtoro jira. 9 ̃ta jira. Cristo yaria masa mũjaha catiinare, ̃ jichũ yariaina cũhũre ti pũhtoro jiro taro.

10 ¿Dohseana tana mũsa coyeyirore Jesu yairore “̃Nano yoaro nina”, ni yahuwaja duajari mũsa? ¿Dohseana tana mũsa coyeyirore tũ diho cũ duajari mũsa? Mari jipihtina Cristo panoi mari ducuchũ tiro sehe mari yoarire masi pahñonoriro jiro, marine beserohca noainare, ñainare. To ̃ besehtiro to jichũ mũsa coyeyirore “̃Nariro jira”, ni yahuwajaena tjiga.

11 Cohamacũ yare ti joari pũi õ sehe ni joaa tiha:

“õ sehe nire mari pũhtoro: ‘Yũhũ catiriro jija.

̃ jicũ õ sehe ni quihõno warota yahuja mũsare.

Jipihtina yũ panoi na tuhcuca caha sũahca.

̃ na tuhcuca caha sũ, “Noariro, tuariro jira mũhũ”

ni, yũhũre ño payoahca’, nire mari pũhtoro”,

ni joaa tiha. 12 ̃ jiro jipihtina mari yoarire Cohamacũ siniturohca marine. “¿Dohse yoana ̃ yoari?” ni siniturohca. To ̃ sinituchũ yũhtiro jica marine.

### **Mũsa coyeyirore ñano yoachũ yoarena tjiga mũsa**

13 ̃ jina mari mehne macainare “̃Naina jira mũsa”, ni cahma yahuwajaena tjijihna. ̃ yoana mari coyeyirore Jesu yairore dojomehnena tjijihna “Jesure wacũ tua duhuri”, nina.

14 Yũhũ Jesucristo yairo jicũ, ahri yũ nihtire noano masija yũhũ. Yũhũ sehe jipihtia chũare yũ chũchũ yũ chũri buhiri, buhiri mariahna. Wiho mejeta paio sehe “Ahri chũare chũcũ buhiri tii nica yũhũ”, ni tũhoturiro sehe chũro, potocãta buhiri tiriro jira. 15 Tĩ potocã tjira. Paina ti sio, chũera barore mũsa chũchũ ñũno, mũsa coyeyiro ñũ cũ chũro, “Cue, ñano yoai nica yũhũ”, ni pjĩro tũhotuboca tiro. Tirore ̃ ñũ cũ chũchũ yoana, tirore cahĩna nieraca mũsa. To sio, chũera barore mũsa chũchũ, tiro cũhũ ñũ cũ chũboca. ̃ chũro “̃Nano yoai nija”, ni tũhoturo Cristore duhuboca. Mũsa coyeyiro yaro jiboriro cũhũre yariari jire Cristo. ̃ jina “Cristore duhuri”, nina tirore ñũ cũ chũchũ yoarena tjiga. 16 ̃ jia “Ahri sã yoari noa nica”, mũsa ni tũhotuchũ paina mũsare yahuwajaboca. Ti ̃ yahuwajachũ ñũna mũsa ̃ yoarire yoa namoena tjiga, “Yahuwaja namori”, nina. 17 Cohamacũ sehe mari pũhtoro jira. To ̃ jichũ mari chũa, mari sihnia cũhũ ̃ jinocaa nina. Wiho warota jira. ̃ jia mari pũhtoro to dutiare, noaa cũhũre mari yoachũ tí waro jia

nina. Paina mehne mari noano jinocachũ cũhũre noaa waro jia nina. Tuhsũ, Espíritu Santo yoadohoa mehne mari wahchechũ noaa waro jia nina. **18** Tó seheta Cristo yare yoarirore ñña Cohamacũ, masa cũhũ “Noano yoare mũhũ”, niahca.

**19** Tó seheta yoajihna mari pinihta noano mari jinocahto cjihtore, mari basi mari cahma yoadohohto cjihtore. ã yoana Jesure wacũ tua namonahca. **20** Pairo Jesu yairo to chũ dutierari cjirire mũsa chũchũ ñño tiro sehe ñũ ji coarero Cohamacũ yare cohãboca. ã jina tíre chũena tjiga. Potocãta jipihtia chũa noaa chũata jira. Tí ã jipachũta paye barore mari chũchũ pairo “Ñaa chũa jica ahri”, niriro jiparota ñũ cũ chũboca. ã chũro ñano yoaro nica tiro. ã jina marine to ñũ cũ chũchũ, mari cũhũ ñano yoana nija. **21** Wahiquina dihire mũsa chũchũ ñño, vinore mũsa sihnichũ ñño, pairo Jesu yairo “Tíre chũcũ ñano yoai nica yũhũ”, ni tũhoturiro jiparota tiro cũhũ ñũ cũ, chũ sihniboca. ã ni tũhoturiro pinihta chũ sihnino ñano yoaro nina. ã jina tiro to ñano yoaerahto sehe Jesure to wacũ tua duhuerahũto sehe wahiquina dihire, vino cũhũre mũsa sehe mũsa duhuchũ noa nina. **22** “Jipihtiare chũ masija”, ni tũhotuna, tíre Cohamacũ dihtare yahuga. Ñaare yoarerariro, “Noano yoai nica yũhũ”, ni tũhoturiro wahcheriro jira. **23** Pairo sehe “Ahri chũare chũcũ ñano yoai niboca yũhũ”, ni tũhoturiro jiparota tí chũare chũro, buhiri tiriro jira tiro. “Ahrire chũcũ potocãta noaare yoai nija”, ni tũhotuerara tiro. ã ni tũhotueraro tíre chũro, to chũri buhiri buhiri tira tiro. “Noaare yoai nija”, ni tũhotueraro tíre yoaro, buhiri tira tiro.

### Mari cahai jiinare noano yoajihna

**15** **1** Mari Cohamacũre noano wacũ tuaina sehe wacũ tuaera cureinare yoadohojihna. ã yoana mari ya cjihti dihtare yoarena tjijihna. **2** ã jina mari cahai jiinare Jesu yainare noano yoajihna ti noano jinocahto cjihtore, Cohamacũre ti noano wacũ tua namohto cjihtore. **3** Cristo sehe to ya dihtare yoeraha. ãta nina Cohamacũ yare ti joari pũi. Õ sehe ni joaa tiha: “Cristo õ sehe nire Cohamacũre: ‘Mũhũ sehene ñano durucuborina yũhũ sehene ñano durucure’, nire Cristo Cohamacũre”, ni joaa tiha panopũre. ã ñano ti durucuriro jiro Cristo to Pũcũro ya sehene yoaro niha. **4** Panopũ Cohamacũ yare ti joari pũi tina joaa tiha mari noano buhehto cjihtore. ã jina tí pũre buhena wahcheja. ã buhena mari ñano yũhdũna

cũno pjana, noano mari yũhdũhtore cohtanahca. <sup>5</sup> Cohamacũ musare tuachũ yoariro wahchechũ yoariro musare jipihtinare cũno potori noano jichũ yoajaro, Cristo to cahmano seheta. <sup>6</sup> Āta yoajaro tiro mũa jipihtina cũno potori Cohamacũre mari pũhtoro Jesucristo Pũcũrore “Noariro, tuariro jira”, ni mũa ño payohto cjihtore.

### Judio masa jierainare noaa buheare yahu dũcaha

<sup>7</sup> Cristo marine to yoariro seheta mũa mehne macainare noano cahma piti bocaga. Mũa ã yoachũ ñũa “Potocãta Cohamacũ noariro jira”, ni ñũahca masa sehe. <sup>8</sup> Musare ahrire niita nija: Judio masare yoadohohtiro cjihto taha Cristo. Cohamacũ tireore warocaro judio masa sã ñũchũsuma cjiropũre to ni yahuriro cjiro seheta yoaro niha. Tĩre to yoari cjirore masare masichũ yoahitiro cjihto taha Cristo. <sup>9</sup> Masare Cristo to yoadohochũ Cohamacũ pja ñũno nire tinare. To ã pja ñũchũ judio masa jieraina cũhũ Cohamacũre “Noariro, tuariro jira” ni, ño payora mipũre. Tina cũhũre to yaina jichũ yoaro taha Cristo. Cohamacũ yare ti joari pũĩ Āta ni joaa tiha:

“Cristo õ sehe niha Cohamacũre: ‘Judio masa jieraina cahai mũhũre “Cohamacũ noariro, tuariro jira”, ni ño payoihtja.

Ā jicũ tina cahai basacũ mũ ya cjihtire basaihtja’, niha Cristo Cohamacũre”,

ni joaa tiha panopũre. <sup>10</sup> Tuhsũ, õ sehe ni joaa tiha tjoa:

“Cohamacũ to beserina judio masa mehne cahma wahchega mũa cũhũ judio masa jieraina”,

ni joaa tiha panopũre. <sup>11</sup> Tuhsũ, õ sehe ni joaa tiha tjoa:

“Judio masa jieraina jipihtina Cohamacũre ño payojaro.

Ā jia jipihtiro macaina tireore ‘Noariro, tuariro jira’, ni ño payojaro”,

ni joaa tiha. <sup>12</sup> Ā yoa Isaia cjiro cũhũ õ sehe ni joaa tiha:

“Jesé panamino ji turiariro tarohca.

Ā taro judio masa jieraina bui pũhtoro jirohca tiro.

Ā jia tina sehe tireore wacũ tuaa, tinare pichacapũ wahaborinare to yũhdohtore masiahca tina”,

ni joaa tiha panopũre.

<sup>13</sup> Cohamacũ marine baharopũ to yũhdohtore wacũ cohtachũ yoariro noano musare wahchechũ yoajaro. Tuhsũ,

mũsare Jesure wacũ tuainare noano jinocachũ yoajaro tiro. Mũsare to ã yoachũ mũsare to yũhdohtore Espíritu Santo to tuaa mehne wahchea mehne wacũ cohta namochũ yoajaro.

14 Ahrire mũsare yũ yahuhtire noano masija. Mũsa sehe noaina jira. Tuhsũ, Jesu yare noano masina mũsa. ã masina mũsa basi noano cahma yahu, buhe masina mũsa. 15 Mũsa ã masiina mũsa jipachuta cãa tahari ahri pũpũre mũsare cuiro marieno noano yahu pahño joahi tíre mũsa boerahto sehe. Cohamacũ yũhũre cahĩno mũsare buhe dutiro cũre yũhũre. ã jicũ to cũriro seheta yoaja, mũsa tíre boerahto sehe. 16 Yũhũre to ã cũchũ, sacerdote to yoaro sehe yoaja yũhũ. ã yoacũ, Jesucristo yare noaa buheare judio masa jierainare buheja yũhũ. Yũ ã buhechũ tũhoa, tina Jesure wacũ tuara. Tina Jesure wacũ tuainare yũhũ sehe sacerdote wahiquinare wajã jũ mũo Cohamacũre yũ waboriro seheta, tinare “Mũ yaina jira”, nija Cohamacũre. Yũ ã niinare Espíritu Santo sehe tinare Cohamacũ yaina cjihti jichũ yoara. Ti ã jiina jichũ ñũno, Cohamacũ sehe ji coaro mehne tinare ñahanohca.

17 Cohamacũ to buhe duti cũriro jicũ Jesucristo to yoadohoa mehne yũ yoari cjrيره wahchea mehne yahuja mũsare. 18-19 Tuhsũ, ahri pinihtare mũsare pototi yahu duahi. Yũ yahua yũ mũ sũro yũ yahua ne jierara. Paina judio masa jierainare Cristo to yoadohoa mehne tinare yũ buhechũ tũhoa, yũ yoarire ñũa, ã jia Jesu tuaa mehne yũ yoa ñorire ñũa, Espíritu Santo to tuaa mehne tina Cristore wacũ tuare. Jerusalẽpũ wahma yũ buhe dũcari baharo jipihtia macariperũ buhe wahcãhi. Pũ Ilirico yahparũ cũhũre Cristo ya buhea noaa buheare buhei sũi. 20 Cristo yare masieraina dihtare noaa buheare tuaro buhe duahi, yũhũ mehne macaina ti buherinapũre buhe duaeracũ. 21 Æta ni joaa tiha Cohamacũ yare ti joari pũi:

“Panopũ tirore ne tũhoeraina cjiri tirore masiahca.

ã yoa tirore ne tũhoeraina cjiri to yare noano tũhoahca”,

ni joaa tiha Cohamacũ yare ti joari pũi.

### Paulo Romapũ to wahahtore yahuha

22 Æ jicũ jipihtiro macainare buheriro jicũ payũ tahari mũsa cahai waha duapaihta waha masiera tihĩ. 23 Mĩpũ pinihtare ahri yahparipũre yũ dahraa pihtia wahahre. Æ jicũ

payu cūhmari mūsa caharu waha duariro jicu mūsa caharu wahahtja. **24** España ru wahacu, mū sare tōi ñu yūhdūaihtja. Ā yoacu mūsa mehne wahcheihtja. Tuhsu, mūsa mehne mahanocā yu jiri baharo yūhure mūsa yoadohoa mehne España ru yūhdū wahcāihtja. **25** Mipare Jerusalē ru wahasinii tai nija. Tō macainare Jesu yainare yu coyeare niñerure naasinii wahi nija. **26** Macedonia yahpa macaina, Acaya yahpa macaina cūhu noano mehne Jesu yainare Jerusalē ru jiiinare pjasuoinare niñerure warocahre tinare yoadohoa. Ā jicu tinare tīre wai wahi nija. **27** Tī niñerure waa, noano mehne wahre tina. Ti ā yoachu noa nina, yu tūhotuchū. Tinare judio masa jierainare judio masa sehe Cohamacu yare buhe mūhtare. Ā jia tinare to yūhdōhto cūhure buhe mūhtare judio masa. Ti ā buhechū ñucū Macedonia macaina Acaya macaina mehne judio masare ti yoadohochū noa nina yūhure. Tinare ti buheri wapa yoaro sehe jira tī, yu tūhotuchū. **28** Ā jicu Jerusalē macainare tī niñerure wa tuhsucu España ru wahahtja. Tō ru wahacu mū sare ñu yūhdūaihtja. **29** Ā yo mūsa caharu yu wahachu Cristo yare mū sare yu buhechū tiro mū sare noano yajeripohna tichū yoarohca.

**30** Yu coyea, mari pūhtoro Jesucristore wacū tuara mūsa. Ā yoa Espiritu Santo to tuaa mehne painare cahīna mūsa. Ā jina jina yūhu cūhure tuaro sini payoga Cohamacure. **31** Ō sehe ni sini payoga: Judea yahpa macaina Jesure ño payoeraina yūhure ti ñano yo duachu Cohamacu yūhure to ñu wihbohto sehe sini payoga. Tuhsu, Jerusalē macaina Jesu yainare niñerure yu wabasachu tina tīre wahchea mehne ti ñahahto sehe sini payoga. **32** Mūsa ā sinichū Cohamacu cahmachū wahchea mehne mūsa caharu wahahtja. Ā jicu mūsa mehne jicu wahchea mehne soihtja. **33** Cohamacu marine noano jinocachu yariro mūsa mehne jirucujaro.

### Paulo noa dūtiha

**16** <sup>1</sup> Mari coyeacoro Febe wama tiricoro mūsa caharu waharo taro nina. Ticoro Cencrea wama tiri macai Jesu yainare cahmachuinare yoadohoricoro jira. <sup>2</sup> Ā jiro payure yoadohoricoro yūhu cūhure yoadohoricoro jihre ticoro. Tuhsu, mari pūhtoro Jesu yacoro jira. Ā jina ticorore noano mehne mūsa mehne ji dutiga. Tō seheta yoaro cahmana



marine Jesu yainare. Ñ yoana ticorore paye baro to maerachũ ñũana ticorore waga mũasa.

**3** Aquila, to namono Priscila cũhu noajaro. Jesucristo yare yũ buhechũ tina cũhu yũhu mehne dahrare. **4** Tinare mahano wajãmoñore paina yũhure ti wajã duachũ ti yoadohori buhiri. Ñ jicu tina mehne wahcheja yũhu. Tuhsũ, judio masa jieraina Jesu yaina jipihtina tina cũhu tina mehne wahchera. **5** Aquila ya wũhũ cahmachuina cũhu Jesu yaina noajaro. Yũ cahĩriro Epeneto cũhu noajaro. Tiro Asia yahpa macariro tói jiro Cristore wacũ tua mũhtariro jire. **6** María cũhu noajaro. Ticoro mũasa mehne tuaro dahrahe. **7** Yũ coyeyo Andrónico, Junia cũhu noajaro. Peresui yũ jichũ tinata yũhure piti tiina jihre. Ñ jia yũ pano Cristore wacũ tua mũhtare tina sehe. Paina Jesu to cĩrina sehe tinare “Potocãta noaina jira”, ni durucura.

**8** Ampliato cũhu yũ cahĩriro Jesu yairo jira. Tiro noajaro. **9** Urbano cũhu noajaro. Tiro cũhu mari mehne Cristo yare dahrahe. Ñ yoa yũ cahĩriro Estaqui noajaro. **10** Apele cũhu noajaro. Tiro potocãta noano Jesure wacũ tuara. To yoarire ñũana tíre masija mari. Tuhsũ, Aristóbulo ya wũhu macaina jipihtina to namono to pohna cũhu noajaro. **11** Yũ coyeyo Herodiõ noajaro. Ñ yoa Narciso ya wũhu macaina Jesu yaina noa pihtinocajaro. **12** Ñ yoa Trifena, Trifosa cũhu noajaro. Tí numia mari pũhtoro Jesu ya dahraare yoara. Mari cahĩricoro Pérside cũhu noajaro. Ticoro mari pũhtoro yare tuaro yoara. **13** Rufo mari pũhtoro Jesure noano wacũ tuariro, to yare noano yoiro noajaro. To pocoro cũhu noajaro. Ticoro yũ poco yoaro sehe jiricoro jira. **14** Asíncrito, Flegonte, Herme, Patroba, Herma, paina Jesu yaina tina mehne macaina cũhu noajaro. **15** Tuhsũ, Filólogo, Julia, Nereo, to bahoro cũhu, Olimpa, paina tina mehne macaina cũhu Jesu yaina noajaro.

**16** Ñ yoa mũasa mehne macainare piti bocana, noano mehne piti bocaga. Jipihtina Jesu yaina jipihtiro macaina mũsare noa dutira.

**17** Yũ coyeyo, mũasa mehne macaina cãina mũsare cahma ñũ tuhti, cahma tju wachũ yoaina jira. Ñ jia mũsare Jesu ya buheare dojomehna. Ñ jina tó sehe yoainare ñũana noano yoanohbũ, “Dojomehneri”, nina. Ñ yoainare piti tiena tjiga.

**18** Tó sehe yoaina mari pũhtoro Jesucristo yare yoerara. Ñaare ti goa pjaa dihtare yoara. Tuhsũ, noano tũho ji coaro dero mahño buhera noano masierainare. Ti ã mahñochũ tinare

noano tãhõra. ã jina ã yoainare piti tienã tãiga mãsa. **19** Mãsa sehe Jesure noano yãhtiina jira. Tíre jipihtina masina. ã noano yãhtiina mãsa jichũ wahcheja yũhũ. ã jicũ noano mãsa yoahõre mãsa masichũ cahmaja yũhũ. ã yõa ne ñãare yoeraina mãsa jichũ cãhãre cahmaja yũhũ. **20** ã jiro Cohamacũ marine noano jinocachũ yoariro mahanocã baharo watĩno Satanare yãhdãrucachũ yoarõhca mãsare. ã yõa mari pũhtoro Jesucristo mãsare noano wahachũ yoajaro.

**21** Timoteo yũ piti mãsare noa dutira. Yũ coyẽa judio masa cãhũ, Lucio, Jasõ, Sosípatro mãsare noa dutira.

**22** Yũhũ Tercio ahri pũre Paulore joabasariro jija. Yũhũ Jesu yairo jicũ mãsare Jesu yainare noa dutija.

**23** Gayo ya wũhũi jinocai nija yũhũ Paulo. To ya wũhũi Jesu yaina cahmachuna. Tiro cãhũ mãsare noa dutira. ã yõa Erasto ahri maca macaina pũhtoare niñerure ñũ wihbobasariro mãsare noa dutira. Mari coyẽiro Jesu yairo Cuarto cãhũ mãsare noa dutira.

**24** [Yũ coyẽa mari pũhtoro Jesucristo mãsare jipihtinare to cahã mehne noano yoajaro. ãta yoajaro.]

### **Paulo Cohamacũre ñõ payoro joa batoara**

**25-27** Mari pũhtoro Jesucristo ya buhea mehne noa buhea mehne Cohamacũ mãsare tirore wacũ tua namochũ yõa masina. Panõrũre tí buhea noa buhea ne masare yahuerari buhea jimaha. Mipũre Cohamacũ yare yahu mũhtaina cjiri tí joari cjiri mehne tí buheare yahua jira. Yũhũ cãhũ tíreta buheja. Tí buheare Cohamacũ ã jirucuriro to yahu site dutiro seheta jipihtiro macainapũ mipũre masina. Tí buheare tirota yahu dutiha masa tirore yãhti, tí wacũ tuahto cãhõto sehe. ã jina tirore “Potocãta noariro, tuariro jira mũhũ”, ní wahche payojihna. Tiro cãhõro Cohamacũ dihta noano masi pahñõriro jira. Jesucristo to yoadõhoa mehne Cohamacũre ã ñõ payorucujihna mari. ãta yoarucujihna.

# 1 Corintios

## Paulo Cohamacu yainare Corinto macainare joarocaha

**1** 1-2 Yũhu Paulo, Jesucristo yare buhe duti to cũriro jija. Cohamacu to cahmano seheta Jesu to cũhtiro cjihtore beseri jire yũhure tiro. Sostene wama tiriro mehne musare Cohamacu yainare Corinto macainare joarocaja sã. Ahriro cũhu mari coyeiro Jesu yairo jira. Jesucristo mehne macaina musa jichu Cohamacu yaina cjihti beseri jire Jesu musare. ã yoa jipihtina paina mari puhtoro Jesucristore siniina jia, tina cũhu Cohamacu yainata jira. Ti ã jichu Jesucristo sehe mari jipihtina puhtoro jira. ã jina musare jipihtinare joarocaja sã. **3** ã yoa Cohamacu mari Pucu mehne, mari puhtoro Jesucristo mehne musare noa dutija. Cohamacu to yoadohoa mehne noano jiga musa.

## Jesucristo sehe musare noano yoabasaha Cohamacure

**4** Jesucristo yaina musa jiri baharo tiro sehe musare noano yoabasari jire Cohamacure. To ã yoabasachu ñucu, Cohamacure “Noana”, nirucuja yũhu dachoripe. **5** Cristo yaina musa jichu ñuno Cohamacu sehe musare noano jichu yoari jire. Tuhsu, to yare musare painare noano yahuhtina cjihtire yoari jire tiro. ã jiro tiro to yare noano masichu yoari jire musare. **6** Cristo yare musare sã buheriro seheta ã yoari jire musare, Cristo yaina musa wahachu. **7** ã yoa Cohamacu musare noano yoadoho pahñocanohca. Mari puhtoro Jesucristo ahri yahpau to tjua tahtore musa cohtaro watoi Cohamacu musare ã yoadohorucurohca. **8** Cohamacu musare yoadohorohca to yare musa ne duhuerahito sehe. To ã yoachu musa sehe dachoripe, ahri dacho pihtichupu cũhure ñaa buhiri marieina jirucunahca, Cohamacu to ñuchu. ã jina Jesucristo mari puhtoro to tjua tachupure ñaa buhiri marieina jinahca musa. **9** Tĩre Cohamacu to niriro seheta tiro yoara. Tiro to macuno mari puhtoro Jesucristo yaina cjihtire marine beseri jire. To ã beserinare Jesu yaina jichu yoare marine.

### Jesu yaina Corinto macaina cahmachua cahma sayoha ti basi

10 Yɛ coyea, mari puhtoro Jesucristo to dutiro mehne musare tuaro mehne yahui tai nija ahrire: Musa basi cahma sayoena tjiga. ã yoa musa basi cahma tju wa dapo jiena tjiga. Cũ curuaihta jiga musa. ã jina jiape ni durucuena tjiga musa basi. ã yoana musa yoahito cjihtore tuhotuna, cũno poterita yoaga musa. 11 Yɛ coyea, musa basi cahma sayona niyuhca musa. ã ni yahure cãina Cloé ya wɛhɛ macaina yɛhɛre.

12 Cãina musa mehne macaina õ sehe ni cahma sayoyuhca: “Paulo ya curua macaina jija sã”, ni cahma sayoyuhca cãina musa. ã yoa paina “Apolo ya curua macaina jija sã”, niyuhca tina cũhɛ. Paina sehe tjoa “Pedro ya curua macaina jija sã”, niyuhca tina cũhɛ. Paina sehe tjoa “Cristo ya curua macaina jija sã”, niyuhca tina cũhɛ. 13 Musa ã nipachuta Cristo yaina cũ curuaihta jija mari. Mari basi cahma tju wa dapo masieraja mari. Cũ curuaihta jija mari. Yɛhɛ Cristo jieraja. Tiro yoaro sehe musa ya buhirire crusapɛ yariariro cjiro jieraja. Tuaa maeraja. ã jicɛ wiho jiriro jija. ã yoa musare paio bautisaro, Cristo yaina musa jichɛ musare bautisari jire. Yɛ yaina musa jichɛ sehere musare bautisaerari jire. (ã jina yɛhɛ sehere ñɛ wahãena tjiga musa.)

14 Musare, musa mehne macaina cũhɛre bautisaerahi yɛhɛ. Crispore, Gayo cũhɛre tina dihtare bautisahi. Paina sehere bautisaerariro yɛ jichɛ noana, yɛ tuhotuchɛ. 15 Payɛ masare bautisariro yɛ jichɛ “Paul yaina sã jichɛ bautisare sãre”, ni ñɛ wahãboa musa yɛhɛre. ã jicɛ tíre musa yoachɛ cahmaeraja. 16 Estéfana ya wɛhɛ macaina cũhɛre bautisahi yɛhɛ. Tópeinata bautisahi yɛhɛ. Yɛ bautisarinare painare wacũeraja yɛhɛ. 17 Cristo yɛhɛre warocaro, masare bautisahtirore cũerare yɛhɛre tiro. Noaa buheare buhehtiro sehere yɛhɛre cũre. Cristo crusapɛ to yariarire mari buhechɛ tí buhea marine noaina wahachɛ yoara. To ã yoapachuta noaa buheare yɛ mɛ sɛro yɛ buhechɛ yɛhɛ sehere ñɛ wahãboa musa. Musa ã ñɛ wahãna noaa buhea sehere ño payoeraboa musa. Tuhsɛ noaina wahaeraboa. ã jicɛ Jesu ya buheare buhecɛ yɛ mɛ sɛro yɛ masia mehne buheraja yɛhɛ.

### Cohamacu to tuaa cūhure to masia cūhure cjuariro jira Cristo

18 Pichacapu butihtina sehe Cristo crusapu to yariarire mari yahuri buheare “Tūho masieraina ya buhea jira tí”, nimana butihtina sehe. Mari sehe Cristo to yūhdūchū yoahntina cjihti jina ō sehe nija: “Crusapu to yariarire mari yahuri buhea tí waro jia nina. Tí buhea Cohamacu to tuaare yahura marine”, nija mari. 19 Cohamacu sehe to yare ti joari pūi ō sehe nina:

“Ahri yahpa macainare ‘Noano masiina jira’,  
ti niinare ti masia yaba cjihti jierachū  
yoaihca yūhū”,

nia tiha Cohamacu to yare ti joari pūi.

20 Ā jia ahri yahpa macaina noano masiina ti masia yaba cjihti jierara. Sā coyeya judio masare buheina cūhū ti masia yaba cjihti jierara. Mipure ahri yahpa macaare durucu sayo mihniina cūhū ti masia yaba cjihti jierara. Ahri yahpa macaina noano masiina ti jipachūta quihōno masieraina ti jirire masichū yoare Cohamacu. 21 Cohamacu pinihta noano masiriro jira. To ā jichū ahri yahpa macaina ti ya masia mehne Cohamacure ne masierara tina. Cohamacu to masi dutieraro seheta ā wahare tinare. Cohamacure cahmaeraina sehe ō sehe nina noaa buhea warore: “Tūho masieraina ya buhea jira”, nimana. Ā jia noaa buheare “Tūho masieraa buhea”, ti nia buheare tūhoa Cristore masi dūcara masa. Ti ā masi dūcachū Cristore ti wacū tuachū ñūno tinare pichacapu wahaborinare yūhdūchū yoara Cohamacu.

22 Judio masa Cohamacu to tuaa mehne to yoa ñorire ñū duaa nina. Ā yoa griego masa judio masa jieraina sehe noano ti masihti cjihtire macaa nina. 23 Mari sehe Cristo crusapu to yariarire yahuri buheare buheja mari. Tí buheare judio masa sehe ñū yabira. Ā yoa tí buheare judio masa jieraina sehe “Tūho masieraina ya buhea jira”, ni tūhotura. 24 Ti ā ni tūhotupachūta Cohamacu to yaina cjihti to beserina sehe tí buheare ō sehe nina. “Cristo ya buhea Cohamacu to tuaare, to noano masiare masichū yoara marine”, nina tina ahri buheare. Tina judio masa, judio masa jieraina jipahta, ā nina Jesu yaina. 25 Cohamacu masi pahñoriro jira. “Tiro tūho masierariro jira”, masa ti ni tūhotupachūta ahri yahpa macaina yūhoro noano masi pahñoriro jira tiro. Tuhsū Cohamacure “Tuaerariro jira”, masa ti ni tūhotupachūta ti bui tua yūhdūrucū sūriro jira tiro.

26 Yũ coyeyá, Cohamacũ mũsare to yaina yoachũ mũsa payũ wiho jiina mũsa jirire wacũga mũsa. Ahri yahpa macainare “Noano masiina”, ti niinare mahainacã Jesu yaina cjihtire beseri jire Cohamacũ. Tuhsũ pũhtoá cũhũre mahainacã Jesu yaina cjihtire beseri jire tiro. 27 “Tũho masieraina jira”, ti niinare Cohamacũ beseri jire “Noano masiina jira”, ti niina ti bũoro wahahto cjihto sehe. Tuhsũ “Yaba cjihti jierara”, ti niinare Cohamacũ beseri jire, “Wiho jiina jierara”, ti niina ti bũoro wahahto cjihto sehe. 28 Masa ti ñũ yabiinare “Yaba cjihti jierara”, nina masa. Ti ã nirinare Cohamacũ to yaina cjihtire beseri jire tinare. 29 To ã besero “Pũhtoá waro jira”, ti niinare wiho jiina ti jiare masichũ yoari jire Cohamacũ tinare. 29 To ã yoachũ ñũa ahri yahpa macaina ne cãiro “Tuariro, noano masiro jija”, ne ni yũhdũrũca masierara, Cohamacũ to ñũchũ.

30 Cohamacũ sehe marine Jesu yaina jichũ yoare. To yaina jina marine to yũhdũchũ yoari baharo jipihtia dachoripe Cohamacũ mehne jirucunahca mari. Jesucristo sehe Cohamacũ yare noano masichũ yoara marine. Tuhsũ mari ñaa buhirire cohãna. 30 Yoaro mari ñaa yoari buhirire cosaro, marine “Noaina jira”, to ni ñũchũ yoara Cristo Cohamacũre. 30 Yoaro marine pichacapũ wahaborinare yũhdũchũ yoara. 31 To ã yoachũ Cohamacũ yare ti joari pũi to ni joariro seheta ã wahara: “Yũ mũ sũro masi pahũoriro jija”, niriro tíre nieno tjijaro. 31 Sehe nijaro: ‘Mari pũhtoro Cristo sehe marine yũhdũchũ yoariro jira’, nijaro tiro”, nina Cohamacũ yare ti joari pũi.

### **Cristo crusapũ to yariarire sã yahuri buhea jira ahri**

2 1 Yũ coyeyá, mũsa cahapũ sũcũ “Noano masi pahũoja”, mũsare ni buherahi. Cohamacũ yare mũsare buhecũ, tó sehe ni buhecũ nierahi. 2 “Õ sehe ni buheihtja”, nicũ mũsa mehne jicũ Jesucristo ya dihtare crusapũ to yariari dihtare wacũcũ, tí buheare buhei yũhũ. 3 Tuhsũ, mũsa mehne jicũ wiho jiriro yoaro sehe jii yũhũ. 3 ã jicũ Cohamacũ yare quihõno buhe duariro jicũ cuiriro tetereriro yoaro sehe jii yũhũ. 4 ã jicũ Cohamacũ yare buhecũ, “Masi pahũoja”, ni buherahi. Mijoa durucua mehne yũ mũ sũro buherahi. To yare yũ buhecũ Espíritu Santo to tuua mehne yũ buhecũ ñũre mũsa. 5 Õ seheta

ni buhei yũhũ mʉsare masa ti mʉ sũro ti buhea sehere mʉsa cahmaerahto sehe. Cohamacũ sehere mʉsa wacũ tuahtore ă ni buhei yũhũ.

**Espíritu Santo sehe Cohamacũ to jia tiare buhera marine**

6 ă jina Cohamacũ ya buheare mʉsare Jesure noano masinare yahuja sã. Masa ti mʉ sũro ti buhea yoaro sehe jierara ahri mʉsare sã buhea. Ti pũhtoa ya buhea cũhũ jierara. Tina sehe pihtia wahaahca. 7 Paina ti masierari cjirire Cohamacũ ya durucua cjirire yahuja sã sehe. Panopũre ahri buheare Cohamacũ yaina cjiri noano masi pahñoerari jire. Ahri yahpa to jihto pano ahri buhea ti niriro seheta “Ăta wahajaro”, ni tuhsũa tiri jire Cohamacũ. Marine pichacapũ wahaborinare to yũhdũchũ yoahito cjihtore, tiro mehne mari jirucuhto cjihtore, tiro yoaro seheta mari wahahto cjihto cũhũre. “Ăta wahajaro”, nia tiri jire tiro. 8 To ă nichũ Cohamacũre cahmaeraina pũhtoa ne to buheare tũho duaeraa, masierari jire. Tíre noano masia, mari pũhtore Cohamacũ macũno warore crusapũ cjã puha wajãeraboa tina. 9 Cohamacũ yare ti joari tjui õ sehe nina:

“Jipihtina Cohamacũre cahĩina ya cjihtire  
Cohamacũ noano cahnobasa tuhsũha.

Noa yũhdũara tí to cahnobasari.

Tí to cahnobasarire mari ne ñũerana, tũhoerahi.

Ă jina ‘Õ sehe yoarohca Cohamacũ’ ni, dohse  
masiyu pahñohto basioerara marine”,

nina Cohamacũ yare ti joari pũi. 10 To ă nipachũta Espíritu Santo Cohamacũ yare masichũ yoare marine. Jipihtia Cohamacũ yare Espíritu Santo masi pahñoa. ă masino tiro marine tíre masichũ yoara.

11 Ne paina sehe masũno to masiare masierara. Wiho mejeta masũno sehe to basi to wacũapũ to tũhotuare masina. Tó seheta paina Cohamacũ to masiare ne masierara. Cohamacũ to Espíritu Santo díhta to masiare masina, masũno to basi to tũhotuare to masino seheta. 12 ă yoa mari sehe Jesu yaina jina masa ti mʉ sũro ti buheare cjueraja. Cohamacũ to Espíriture ware marine masichũ yoaro taro. Tiro marine to noano yoahitore masichũ yoara Espíritu Santo sehe. 13 Cohamacũ yare mʉsare buhena, masa ya masia mehne sã mʉ sũro buheraja sã. Espíritu Santo to buhea sehere mʉsare buheja. ă buhena Espíritu Santore cjuainare Cohamacũ yare noano buheja sã.

14 Espíritu Santore cjuæraina sehe Espíritu Santo yare ne cahmaerara. “To ya wiho warota jira”, nimana tina. Espíritu Santo to yoadohoro marieno ne to yare masihtó basioerara masare. ã jia tina to yare ne masierara. 15 Espíritu Santore cjuæraina sehe Cohamacu yare noano masina. ã jia jipihtiare noano bese masina. Paina sehe tinare “Noaina jira. Ñaina jira”, ni bese masierara Espíritu Santore cjuæraina. 16 Õ sehe nina Cohamacu yare ti joari pui: “Mari puhtoro Cristo to tuhotuare masiina ne mariahna. ã yoa tirore masa ne ‘Õ sehe yoaga’, ni masierara”, nina to yare ti joari pui. Mari sehe Cristo yaina jina, Cristo yoaro seheta masija mari.

### Jesu yaina cãno potori Cohamacure dahra cohtaina jira

**3** 1-2 Yu coyea, musare buhecú Espíritu Santore noano yuhtiinare yu buheriro seheta buhe masierahi musa sehere. Cristo yaina jipanahta, wihainacã ti wahiquiro dihirore ti chu masierariro seheta Cohamacu yare noano masierare musa. Mipú cùhure noano masierasiniyuhca musa. ã jina wihainacã pèchore ti pũno seheta mijoera curea buhea dihtare tuhoiyuhca musa. ã jicu tó sehe jia buhea dihtare buhei musare. Cristo yaina jipanahta wihainacã ti chu masierariro seheta Cristo yare noano masierayuhca musa. 3 Musa sehe musa mehne macainare ti noano wahachú ñuna ñu tuhtina, cahmachena, musa basi cãa curuari tju warucu suna, Espíritu Santore cjuæraina yoaro sehe yoana niyuhca musa. ã yoana ahri yahpa macaina Cristore cahmaeraina yoaro sehe yoayuhca musa. 4 Õ sehe niyuhca musa: “Paulo mehne macaina jija sã”, niyuhca cãina musa. ã jia paina musa mehne macaina sehe “Apolo mehne macaina jija sã”, niyuhca. Musa ã ni durucuna Espíritu Santore cjuæraina yoaro sehe ni durucuna nica musa.

5 ¿Yuhú Paulo, Apolo mehne dohse yoahatina cjihti jijari sã, musa tuhotuchú? Õ sehe yoahatina jina nija sã: Cohamacu to dutiriro seheta tirore dahra cohtaina wiho jiina jija sã. ã jina musare sã buhechú tuhona Jesucristore wacú tua ducare musa. 6 Noaa buheare buheina wesepú dahraina yoaro sehe jira mari piti dahre buhechú. Wese pũro to toa muhtariro seheta yuhú cùhú musare buhe muhtahi. Tuhsú, paio wesere to cure nunu tirore seheta Apolo sehe yu baharo musare buhe namo nunu tire. Sã ã buhepachuta wese macaa toaare bucua namochú to yoariro seheta Cohamacu sehe musare to yare masi namochú



yoahre. 7 Ñ jicu yũhũ buhe mũhtariro jipaihta wiho jiro jija. Ñ jiro Apolo yũ baharo buhe nũnũ tiro cũhũ wiho jiro jira. Cohamacũ pinihta toaare to bũcũa namochũ yoariro sehta to yainare tirore masi namochũ yoara. Ñ jiro Cohamacũ sehe wiho jiro jierara. 8 Toa mũhtariro, baharo cure nũnũ tiro cũno potori dahra cohtaina wiho jirinata jimana tina. Ñ jia ti dahrariro purota wapatara tina. Tó sehta jija sã, Apolo mehne. 9 Ñ jina sã Cohamacũ yare dahra cohtaina jija. Ñ yoa Apolo yũ piti jira. Sã ã jichũ mũsa sehe Cohamacũ ya wese yoaro sehta jira. Mũsa ã jichũ Cohamacũ wese macaa toaare to bũcũa namochũ yoariro sehta mũsare to yare masi namochũ yoarohca tiro.

Ñ yoa Cohamacũ mũsare to yainare noari curua yoaro nina. Ñ jina tãa mehne ti yoari wũhũ yoaro sehe jira mũsa to ya curua macaina mari piti dahre buhechũ. 10 Mũsa ã jichũ Cohamacũ yũhũre to dutiriro sehta yũhũ sehe wũhũ dahre mihniriro tãare to cũ mũhtariro sehta Jesucristo yare mũsare buhe mũhtai. Ñ jiro tí tãa bui paio to yoa namo mũjariro sehta paio yũ baharo buhe namo nũnũ tiro nina. Ñ buhe namono noano yoaro cahmana. Ne papero marieno noano buhejaro tiro. Cristo ya dihtare buhejaro tiro. 11 Wũhũre ti dahre dũca ti cũ mũhtari tãa yoaro sehe Cristo jira. Ñ jina tí tãare sã noano cũ mũhtariro sehta Cristo yare buhe tuhsũi. Pairo ya buhea sehere mari buhechũ tó wahaerara. 12-15 Uru mehne, plata mehne, wapa bũjũa tãa mehne mari yoari wũhũre mari jũ ñũchũ jũerara. Tó sehta Jesucristo yare mari noano yoari baharo pihtiri dacho jichũ Cohamacũ mari yoarire to jũ ñũno sehta yoarohca mari yoarire masino taro. Tó sehe to yoachũ noari wũhũ to jũerario sehta mari yoarire ti noaa jichũ masinohca. Ñ yoaro mari noano yoarina mari jichũ masichũ yoarohca tiro. Noaare mari yoari wapa noano yoarohca marine. Yucũri mehne, tja mehne, ñaia pũri mehne mari yoari wũhũre mari jũ ñũchũ jũa waharohca. Tó sehta Jesucristo yare mari noano yoerari baharo pihtiri dacho jichũ, Cohamacũ mari yoarire jũ ñũno sehe yoarohca mari yoarire masino taro. Tó sehe to yoachũ ñari wũhũ to jũa wahariro sehta mari yoarire ñaa ti jichũ tiro masinohca. Ñ yoaro mari noano yoeraina mari jichũ marine masichũ yoarohca tiro. Noano yoeraina mari jichũ ñũno noaare mari yoamari wapare noano yoasi. Tó sehe jainare Cohamacũ

yũhdũchũ yoarohca. To ã yũhdũchũ yoapachũta tó sehe noano yoaeraina mahanocã cohõbo cure yũhdũahca.

16 Mũsa sehe Jesu yaina Cohamacũ ya wũhũ yoaro sehe jira. Mũsa ã jichũ ñũno tí wũhũi to jiboro seheta Espíritu Santo sehe mũsa mehne jira. ¿Tíre masierajari mũsa? 17 Cohamacũ ya wũhũ ñaa marieni wũhũ jira. Ñ jina mũsa cũhũ tí wũhũ yoaro sehe jina to yaina warota jira. Ñ jiro to yainare cũiro to dojomehnechũ Cohamacũ pichacapũ cohãnohca tiro sehere.

18 Mahñoare tũhotuena tjiga mũsa. “Mípũ macaina ya masiare noano masija”, ni tũhoturiro mũsa mehne macariro jiro Jesu ya sehere noano masijaro. To ã masichũ ñũa paina tirore “Tũho masierariro jira”, niahca. Ñ jiro Jesu yare masino, potocãta noano masiro waharohca. 19 Masa ti mũ sũro ti basi ti masiare “Wiho warota jira”, ni tũhotura Cohamacũ. Ñta nina Cohamacũ yare ti joari pũi: “Ti mũ sũro masiina ti masia yaba cjihti jierara Cohamacũ to ñũchũ. Ñ jiro ti yoa duaare dũcatara tinare”, nina Cohamacũ yare ti joari pũi. 20 Ñ yoa pa pũpũ õ sehe nina: “Masa ti mũ sũro masi pahñoina ti tũhotua yaba cjihti ti jierachũ masina mari pũhtoro Cohamacũ sehe”, nina Cohamacũ yare ti joari pũi. 21-22 Ñ jina “Sã mũ sũro yoahi”, ni masieraja mari masa jina. Ñ jina yũhũ Paulo, Apolo, Pedro mehne sã jipihtina Cohamacũ mũsare to yoadoho dutiina jina, mũsare dahra cohtaina jija sã. Jipihtia mũsa ya jira. Cohamacũ to bajuamehnerire, catia cũhũre ware mũsare. Tuhsũ, pichacapũ wahaerachũ yoarohca mũsare. Mípũ jiare baharopũ jihti cũhũre mũsare warohca. Ñ jia jipihtia mũsa ya jira. 23 Ñ yoa mũsa sehe Cristo yaina jira. Cristo sehe Cohamacũ yairo jira.

**Cristo to yare buhe duti to cũrina ti dahraare yahuha Paulo**

**4** 1 Ñ sehe ni tũhotuga mũsa yũhũre Apolo cũhũre: “Tina sehe Cristore dahra cohtaina jira. Ñ jia masa ti masierari cjirire Cohamacũ yare buheina jira”, ni tũhotuga mũsa sãre. 2 Dahra cohtaina ti pũhtoro to dutiro seheta yoa cohtara. 3 Wiho mejeta yũhũre mũsa yahuwajapachũta ã tũhotunocaja yũhũ. Paina pũhtoa yũhũre ti yahuwajachũ cũhũre ã tũhotunocaja yũhũ. Yũ yoare ñũna “Ahri noaa jira. Ahri ñaa jira”, ni masierara mũsa. Yũhũ cũhũ masũnota jija. Ñ jicũ yũ yoare noano masi pahñoeraja yũhũ cũhũ. 4 “Cristo yare yũ yũhdũrucari yũhũre mariahna”, ni tũhotumaja yũhũ. Yũ õ

sehe ni t̄hotupach̄ta buhiri tia jisiniboca ȳh̄re. Mari p̄h̄toro Cristo dihta ȳ yoaare ñ̄no, noano masina. <sup>5</sup> ã jina mari p̄h̄toro to t̄jua tahto pano masare ñ̄ano ni yahuwajaena t̄jiga m̄sa. Tiro t̄jua taro masa ti yoarire, panop̄ paina ti masierari cjirire Cristo masich̄ yoarohca. ã jiro mari yoa duarire, mari t̄hotuare tiro masich̄ yoarohca. ã yoaro to yare yoainare Cohamac̄ “Noano yoare m̄sa”, ninohca.

<sup>6</sup> Ȳ coyeya, ȳh̄ Apolo mehne s̄ buheri cjirire yahuh̄i ȳh̄ m̄sare buhec̄ tac̄, s̄re m̄sa ñ̄ c̄h̄to sehe. ã yahuh̄i ȳh̄ Cohamac̄ to yare ti joari p̄i to niriro seheta quih̄no m̄sa yoarucuhto sehe. ã yoana m̄sa mehne macainare c̄no potori ñ̄o payoga. C̄ioret̄a ñ̄o payoena t̄jiga. <sup>7</sup> M̄sa sehe paina ȳhdoro noaina jierara. Masi ȳhd̄rc̄aina jierara m̄sa. Cohamac̄ m̄sare to wari cjiri dihtare c̄j̄ara m̄sa. ã c̄j̄ana m̄sare to yahuri cjiri dihtare masina m̄sa. ¿M̄sa m̄ s̄ro c̄j̄aina, m̄sa m̄ s̄ro masiina jierapanahta, dohse yoana “Masi pah̄noina jija”, nijari m̄sa? ã nina “S̄ m̄ s̄ro masija s̄”, niborina seheta yoara m̄sa.

<sup>8</sup> M̄sa sehe “Cohamac̄ yare masi pah̄noja s̄. S̄re yaba waro d̄hsaerara”, nimana m̄sa. Tuhs̄, m̄sa cahai s̄ jierach̄ m̄sa ò sehe ni t̄hotumana: “P̄h̄toa yoaro sehe masiina jija s̄”, ni t̄hotumana m̄sa. Potoc̄ta Cohamac̄re masi pah̄noina p̄h̄toa yoaro sehe masiina m̄sa jich̄ m̄sare noabiaboa. M̄sa ã jich̄ m̄sa mehne s̄ c̄h̄ p̄h̄toa yoaro sehe masiina jiboa.

<sup>9</sup> Ò sehe ni t̄hotuja ȳh̄ pinihta: S̄re Jesu to yare buhe dutiro c̄no, masape doca macari curua c̄re s̄re. Paina ti waj̄htina yoaro sehe ñ̄na masa s̄re. Ahri yahpa macaina masa, anjoa c̄h̄ wapanañ̄oina yoaro sehe ñ̄na s̄re. <sup>10</sup> Cristo yare s̄ buhec̄ ñ̄na “T̄ho masieraina jira”, ni ñ̄na masa s̄re. ã jia Cristo yare s̄ yoach̄ ñ̄na, s̄re ñ̄ tuhtira. M̄sa sehere ñ̄na, “Noano masiina jira”, ni t̄hotumana masa. “Cohamac̄re wac̄ tuaeraina jira”, ni t̄hotumana masa s̄re. M̄sa sehere ñ̄na, “Noano wac̄ tuaina jira”, ni t̄hotumana tina. M̄sa sehere masa ñ̄o payora. S̄ sehere tina ne ñ̄o payoerara. <sup>11</sup> S̄ sehere mip̄re ñ̄ano ȳhd̄ina, j̄ca baaina, ñ̄ahma yapioina, ñ̄ano suhti maeraina, w̄h̄se maeraina jija. Tuhs̄, paina s̄re ñ̄o payoeraa, s̄re ñ̄ano yoara. <sup>12</sup> ã yoa s̄ tuaro dahraja. Tuhs̄, paina s̄re ñ̄ano ni ti durucupach̄ta s̄ sehe t̄nare “Noano jiga”, nija s̄. ã yoana paina s̄re ñ̄ano ti

yoapachuta ã tũhotunocaja sã. 13 “Ñano yoaina jira”, sãre ti nipachuta sã sehe noano mehne tinare yoaja. Панорч, мипч cũhũre ñaa wete tiina yoaro sehe masape curuari doca macari curua yoaro sehe ñũna masa sãre.

14-15 Mũsare noaa buheare buhe mũhtacũ mũsa рсчũ yoaro seheta wahai yũhũ. Payũ mũsare Cristo yare buheina ti jipachuta mũsare buhe mũhtariro cũirota jija yũhũ. ã jiriro jicũ mũsare бнo tichũ yoai tai ahrire joai nieraja yũhũ. Yũ pohna warore, yũ cahĩinare yũ dutiboriro seheta mũsare noano mehne duticũ tacũ ahrire joaja yũhũ. 16 ã jicũ ahrire mũsare tuaro mehne dutii tai nija yũhũ. Yũhũre ñũ cũga mũsa.

17 Ahrire yoa duticũ tacũ mũsa cahai Timoteore warocahi. Tiro yũ cahĩiro mari рũhtoro Jesu yairo jira. ã jiro Cristo yare yoarucura tiro. Cristo yare mari yoahrire jipihtina Jesu yaina cahapũ buhei yũhũ. Timoteo tíre mũsare wacũrucuchũ yoarohca. ã jicũ Cristo yare yũ yoariro seheta mũsa ñũ cũhto sehe Timoteore warocahi yũhũ. 18 Timoteore yũ warocachũ cãina mũsa mehne macaina рũhtoa ji duaina õ sehe nimana: “Paulo marine cuiro, mari cahapũ tasi”, ni tũhotumana tina. 19 Cohamacũ cahmachũ mũsa cahapũ michapucacãta sũihca. ã sũcũ рũhtoa ji duainare mũsa mehne macainare ti durucua quihõno jichũ masiiltja yũhũ. ã yoa Cohamacũ tuaare potocãta ti cũachũ cũhũre masiiltja yũhũ. 20 “Cohamacũ sã рũhtoro jira”, mari ni yahupachuta to yare mari yoaerachũ tí mari ã nimari cjiri yaba cjihti jierara. Cohamacũ to tuaa mehne to cahmano sehe yoa masija. Tí pinihta wiho waro jierara. 21 ¿Mũsa cahapũ mũsare buhiri dahrehtiro mũsare tuhtihtiro yũ wahachũ cahmajari mũsa yũhũre? ¿O mũsare cahĩiro mũsare wahchehtiro yũ wahachũ cahmajari mũsa yũhũre? ¿Dohse jiriro yũ wahachũ cahmajari mũsa?

### Corinto macaina ti wũana tirire yahuha Paulo

**5** 1 Potocãta õ sehe quti tira sãre paina: Cũiro mũsa mehne macariro to рсчũro namonore wũana tiyuhca. ãta ni yahura masa sãre. Paina Cohamacũre cahmaeraina jipahta tina sehe tó sehe yoaina jierara. 2 Mũsa mehne macariro to ã yoapachuta mũsa sehe “Quihõno yoana nija sã”, ni tũhotumana. ¿Dohse yoana to ñaa yoarire masipanahta cahyaerajari mũsa? ã jina ã ñano yoarirore mũsa mehne Jesu yaina mehne jirirore cohã wioboa mũsa. 3 Yũhũ mũsa mehne jierapaihta yũ

wacũarũ mũsa mehmeta jija yũhũ. ã jicũ mũsa mehne jicũ yũ niboriro seheta ñano yoarirore to ã ñano yoari buhiri buhiri dahre duti tuhsũja yũhũ. 4 Jesu to dutiro mehmeta ã yoa dutija. ã jina mũsa cahmachuna yũ wacũa mehnerũ mũsa mehne yũ jichũ to pũcũro namono mehne ñano yoarirore cohã wiona, mari pũhtoro Jesu to tuua mehne õ sehe niga ñano yoarirore: 5 “Watĩno to cahmano seheta mũhũre yoawahnojaru”, niga tirore. Æta niga tirore ñaare to goa pjaru cjirire to duhuhto sehe. Mũsa ã cohãchũ tiro ñano yũhdũrohca. Mari pũhtoro Jesu to tjua tari dachoi ñano yoariro cjiro Jesu mehne to noano yũhdũhto sehe mipũre tirore ã niga.

6 “Quihũno yoana nija sã”, nipanahta ñano yoana nica mũsa. Ñano yoarirore mũsa ã ñũnocahna, tí ñaare mũsa jipihtina piha pihtia wahanahca. Pão bũcũaro trigore to noano sãarũcũ sũriro seheta tí ñaa mũsare piha, noano sãarũcũ sũa waharohca. ¿Tĩre masierajaru mũsa? 7 Yũ coyera judio masa pascua jichũ ovejare wajã, jũ mũo, Cohamacũre ño payora. Tó seheta oveja to yariariro seheta Cristo mari ñaa buhirire yariari jire. To ã waharire masina, mũsa sehe ñano yoarirore mũsa mehne macarirore cohã wioga tí ñaa mũsare to pihaerahto sehe. Mũsa ñaa yoari buhirire cohã tuhsũre Cristo. ã jina ñano yoarirore cohã wioga “Tĩ ñaare piharu”, nina. 8 Pão bũcũaro trigore to sãarũcũ sũriro seheta panorũ ñaare ñũ cũ yoa pihtiina jimai mari. ã jina pascua bose mũmũrihi pão bũcũaro marieno pãore ti chũriro seheta mari cũhũ ñaare goa pjaru marieno ñano yoaro marieno jijihna. Panorũ mari ñaare mari yoaa tirore sehe yoarena tjijihna. ã yoana potocã noano tũhotua mehne, noano yoaina jijihna.

9 Mũsare yũ joarocari pũpũre Jesu yairo jiparota ã wũana tirucurirore ne piti ti dutieramahi. 10 Æ nicũ numia mehne ñano yoainare, mũa mehne ñano yoaa numiare, paina yare goa pjainare, yacainare, “Cohamacũ jira”, ti nia masũrine ño payoinare Jesu yaina ti jierachũ “Tina mehne jiena tjiga”, nieraja. Ahri yahpai tó sehe jiina marieno Jesure cahmaeraina marieno mari dihta ji masieraja. Jipihtiorũ jira tina sehe. 11 Æ jicũ mũsare joarocacũ õ sehe yoa dutimahi: Mũsa mehne macariro “Jesu yairo”, ti niriro to jipachũta numino mehne ñano yoariro, paye barore goa pjariro, “Cohamacũ jira”, ti nia masũrine ño payoriro, ñano quitu dahrerucuriro, cahariro, yacariro to jichũ tirore piti tiena tjiga. Æ jina tó sehe yoariro

mehne pinihtare chüena tjiga. <sup>12</sup> Jesu yainā jierainare ti ñaa yoari buhirire ne buhiri dahre dutiriro jieraja yuhü. Tó sehe buhiri dahre dutiriro jira Cohamacü sehe. Yü ã nipachüta müsä mehne cahmachuina Jesu yaina müsä basi müsä yoarire ñüna masino cahmana müsä sehere. Ñ tãhotunocaeraro cahmana. Ñ jina müsä sehe tina ti ñano yoachü ñüna buhiri dahrega tinare. <sup>13</sup> Jesu yaina jieraina sehere Cohamacü sehe buhiri dahrerohca. Ñ jina müsä sehe müsä mehne macarirore ñano yoarirore cohã wioga.

### Jesu yainare ti basi ti yahusaãrيره yahuha Paulo

**6** <sup>1</sup> ¿Müsä basi cahma ñü tuhti yahusã duana dohse jiro baro Jesu yaina jieraina cahapü müsä coyeare Jesu yainare yahusãna wahajari? Jesu yainare müsä mehne macainare yahusã duana paina Jesu yaina sehere tíre yahuro cahmana müsare. Ñ jia Jesu yainapü besejaro. <sup>2</sup> Pihtiri dacho jichü mari Jesu yaina sehe masa jipihtina ti yoarire ñüna “Ahri ñaa jira. Ahri noaa jira”, besenahca mari tinare. ¿Tíre masierajari müsä? Ñ jina pihtiri dacho jichü masa jipihtinare besehtina jina, mipü cühüre bese masija mari. Ñ jina mipüre wiho jiacã buhiri cühüre bese masija mari. <sup>3</sup> Anjoa ti yoarire ñüna tina cühüre besenahca mari. ¿Tíre masierajari müsä? Mari ã besehtina jina potocãta tí yuhdoro mipü cühüre Jesu yaina ti yoarire ñüna bese masija mari. <sup>4</sup> ¿Ñ jina dohse yoana müsä mehne macainare yahusã duana mari mehne jieraina cahapü Jesu yainare yahusãna wahajari müsä? <sup>5</sup> Ahrire nii nija müsä quihõno yoaerarire müsä cahyahto cjihtore. ¿Müsä mehne macainare müsä cahma sayochü müsare yahuhtiro müsä mehne macariro noano masiriro mariajari? Jira. <sup>6</sup> To ã jipachüta müsä mehne macariro Jesu yairo paio Jesu yairore yahusã duaro Jesure cahmaerainare yahusãno wahara.

<sup>7</sup> Masare beseina pũhtoare müsä mehne macainare yahusãna Jesu yaina jipanahta quihõno yoaerara müsä. Pairo müsä mehne macariro müsare ñano to yoachü ã ñünocaboa müsä. Jesure cahmaerainare müsä yahusãhto pano müsä coyeirore müsä ã ñünocachü noabiaboa. Jesu yairo müsare to yacachü tiore müsä yahusãhto pano tiro to yacarire müsä ã ñünocachü noabiaboa. <sup>8</sup> Ñ yoaborina jipanahta paina müsä mehne macaina Jesu yaina ti jipachüta tinare ñano yoaina, yacaina jira müsä.

9-10 Tó sehe yoaina pũhtoro Cohamacũ to sũho jiroprẽ muanopũre waha masierara. ¿Tĩre masierajari mũsa? Mahũoare tũhotuena tũga mũsa: Wũana tiina, “Cohamacũ jira”, ti nia masũrine ño payoina, numia mehne ñano yoaina, mũa mehne ñano yoaa numia, mũa sahsero ti pjacũri mehne ñano yoaina, numia sahsero ti pjacũri mehne ñano yoaa numia, yacaina, paina yare goa pjaina, cahaina, masare ñano tuhtipeina, masa ti cjũaare maina baro ne Pũhtoro Cohamacũ to sũho jiroprẽ muanopũre waha masierara. 11 Panopũre mũsa cũhũ tó sehe yoaina tũmahre. ã yoamarina mũsa jipachũta mipũre mũsa ñano yoari buhirire cosa tuhsũri jire Jesucristo sehe. ã to cosarina mũsa jichũ to yaina cjihtire yoare Cohamacũ mũsare. ã yoaro “Noaina jira”, ni ñũna mũsare tiro. ãta yoare mũsare mari pũhtoro Jesucristo, Espĩritu Santo cũhũ ti tuua mehne.

### Mari pjacũri Cristo ya pjacũri jia nina

12 “Yũ cahmano sehe yoa masija yũhũ”, niyuhca cãina mũsa. Tĩ potocã to jipachũta tĩre yoacũ noano jieraboca yũhũ. Yũ cahmano sehe yoa masija. ã yoa masipaihta cãa tahari ã yoariro jicũ tĩre duhu masieraboca yũhũ. ã jicũ tĩre pari turi yoasi yũhũ, “Tĩre duhu masieraboca”, nicũ. 13 Õ sehe nina mũsa: “Jipihtia chũa mari pjaro macaa cjihti jira. Tuhsũ mari pjaro chũa posa tihti pjaro jira”, nina mũsa. Tĩ potocã tjira. ã jiparota baharo Cohamacũ sehe mari chũare mari pjaro cũhũre ti pihtia wahachũ yoarohca. ã jia mari chũa wiho warota jia nina. Chũa mari pjaro macaa cjihti jira. ã jiparota mari pjacũri numino mehne ñano yoahiti pjacũri jierara. Mari pjacũri sehe mari pũhtoro Cristo ya pjacũri cjihti jia nina. ã jiro mari pũhtoro sehe mari pjacũrire noano yoahitiro cjihto jira. 14 Cohamacũ to tuua mehne mari pũhtoro Cristore masori jire. ã to yoariro seheta mari cũhũre masonohca tiro.

15 ¿ã jina mũsa pjacũri Cristo ya pjacũri ti jichũ masierajari mũsa? ¿Ti ã jichũ Cristo ya pjacũ mehne ñano yoaricoro mehne mari ñano yoachũ noajari, mũsa tũhotuchũ? Noaerara. 16 Ñano yoaricorore ñahariro to pjacũ sehe ticoro ya pjacũ mehne jiro, cũ pjacũ yoaro seheta jira. ¿Tĩre masierajari mũsa? ãta ni joaa tiri jire Cohamacũ yare ti joari tjuu: “Tina pũaro jipahta cũ pjacũ yoaro sehe wahara”, ni joaa tiri jire. 17 Mari

p̄h̄toro to yaina mehne jira. Ñ jiro Jesu yairo Jesu mehne p̄aro jipahta c̄no potori t̄hotuina c̄irota ti jiboro seheta jira.

18 Ñ jina numia mehne ñano yoaaere, m̄a mehne ñano yoaaere goa pjaena tjiga. T̄re m̄sa yabiro seheta t̄re yoaena tjiga. Paye ñaare mari yoana mari p̄ac̄ure dojomehneraja. Numino mehne ñano yoariro sehe to p̄ac̄ure ñano dojomehnera. 19 Esp̄ritu Santore marine ware Cohamac̄. Ñ jiro mari mehne jiro nina Esp̄ritu Santo sehe. ¿T̄re masierajari m̄sa? Ñ jia m̄sa p̄ac̄uri m̄sa catia c̄h̄u m̄sa ya c̄ihti waro jierara. Cohamac̄ yaina c̄ihti waro jira m̄sa. 20 M̄sa ñaa buhirire buhiri dahre tuhs̄ure Cristore. Ñ jina to yaina c̄ihti waro jira m̄sa. To yaina jina m̄sa p̄ac̄uri mehne Cohamac̄ to cahmano sehe yoaga. Ñ yoana Cohamac̄ure ño payona nina m̄sa.

### Namo tiare yahuha Paulo

**7** 1 Mip̄ure ȳh̄ure m̄sa sinitu m̄sa joarocari c̄jirire ȳh̄u c̄h̄u yuhti cahmai tai nija: Mas̄no namo tierach̄u c̄h̄ure, noanocahna, ȳ t̄hotuch̄u. 2 T̄i ã jipach̄uta m̄a sehe namo tijaro paina numia mehne ti ñano yoaerahto sehe. Ñ jia numia c̄h̄u man̄u tijaro paina m̄a mehne ti ñano yoaerahto sehe. 3-4 Man̄u tiricoro to p̄ac̄u to ya p̄ac̄u dihta jierara. To man̄u ya p̄ac̄u c̄h̄u jira. To man̄u c̄h̄u to p̄ac̄u to ya p̄ac̄u dihta jierara. To namono ya p̄ac̄u c̄h̄u jira. Ñ jina m̄sa m̄a sehe m̄sa namos̄anumiare noano c̄uaga. Ñ yoa m̄sa numia c̄h̄u m̄sa man̄us̄mare “Ȳ p̄ac̄ure pihaec̄u tjiga”, niena tjiga. 5 Wiho mejeta Cohamac̄ure p̄aro m̄sa sini duana “Mahaa dachoric̄a mari basi jiena tjijihna. Cohamac̄ure sinijihna”, c̄no potori ã nina, m̄sa basi wah̄a duhu masina m̄sa. M̄sa ã duhuri baharo m̄sa jiriro seheta jirucuga t̄joa, Satana ñano m̄sare to yoa dutierahto sehe. “Paina mehne ñano yoaboca” nina, m̄sa basi piti ti duhuena tjiga. M̄sa jiriro seheta jirucuga t̄joa.

6 Ahr̄ire m̄sare mip̄u ȳ niri c̄jirire yahuc̄u m̄sare dutia waro mehne nieraja. Ñ yahuta nija m̄sa yoah̄tore m̄sa masihto sehe. 7 Jipihtina m̄sa ȳ yoaro seheta namo tieraina m̄sa jich̄u noaboa ȳh̄ure. Ñ ji duapanahta mari jipihtina c̄no potori jieraja. C̄inare marine namo ti dutira Cohamac̄. C̄inare namo ti dutierara.

8 Ñ yoa namo marieinare, man̄u marieinare, wapewahya c̄h̄ure ñ sehe nija: Namu marieina, man̄u marieina ji masina,



ãta jinocahga m̄sa yu yoaro seheta. <sup>9</sup> ã ji masierana tuaro ñaare goa pjana, potota namo tiga. ã yoa numia c̄hu man̄ tiga. Ñaare m̄sa goa pjach̄ noaeraputiara m̄sare. M̄sa ã goa pjana m̄sa namo tich̄ pinihta noa nina. ã yoa m̄sa man̄ tich̄ c̄hure noana.

<sup>10</sup> M̄sa namo tiinare, man̄ tia numiare õ sehe dutija. Yu ã nipach̄ta ya dutia waro jierara ahri. Mari p̄horo Cristo ahrire dutira: M̄sa numia sehe m̄sa man̄sumare cohãena tjiga. <sup>11</sup> M̄sa man̄sumare cohãna, man̄ mariea numia sehe tjuaga. ã tjuerana pari turi tjoa m̄sa man̄suma mehne noano jiga tjoa. ã yoa m̄sa c̄hu m̄a m̄sa namosãnumiare cohãena tjiga.

<sup>12</sup> ã yoa m̄sa c̄hure painare õ sehe nija yuh̄. Mari p̄horo to dutia jierara ahri. Yuh̄ sehe õ sehe nija m̄sare: Cãina m̄sa mehne macaina Jesu yaina sehe Jesure cahmaeraa numiare namo tiina jira. ã jina m̄sa namosãnumia m̄sa mehne ti tju duach̄ tí numiare cohãena tjiga m̄sa. <sup>13</sup> ã yoa cãina m̄sa mehne maca numia Jesu yaina numia Jesure cahmaerainare man̄ tia numia jira. ã jina m̄sa man̄suma m̄sa mehne ti tju duach̄ tinare cohãena tjiga. <sup>14</sup> M̄sa man̄suma Jesure cahmaeraina jipahta Jesu yaina numiare ti namo tich̄, Cohamac̄ noaina yoaro sehe ñna tinare. ã yoa m̄sa m̄a sehe Jesu yaina m̄sa jich̄ m̄sa namosãnumia Jesure cahmaera numia jiboca. Ti ã jipach̄ta m̄sa mehne tí numia man̄ tich̄ Cohamac̄ noaa numia yoaro sehe ñna tí numia c̄hure. To ã ñerach̄ m̄sa pohna Jesure cahmaeraina pohna yoaro sehe ñboa Cohamac̄. Wiho mejeta ti pohna c̄hure noaina yoaro sehe ñna Cohamac̄. <sup>15</sup> ã yoa m̄sa m̄a sehere m̄sa namosãnumia Jesure cahmaeraa numia m̄sare cohã duaa, ãta yoajaro. M̄sa man̄suma c̄hu ã cohã duaa, ãta yoajaro. Noano mari jich̄ cahmana Cohamac̄. ã jiro tí numia m̄sare ti cohã duach̄ “Tí numia mehne jisiniga”, ni dutierara Cohamac̄. <sup>16</sup> Ti namosãnumia Jesu yaina numia sehe noano ti yoach̄ ñna baharop̄ ti man̄suma sehe Jesure cahmaboca. ã ti cahmach̄ Cohamac̄ tinare pichacap̄ wahaborinare yuh̄ch̄ yoarohca. ã yoa ti man̄suma Jesu yaina sehe noano ti yoach̄ ñna baharop̄ ti namosãnumia Jesure cahmaboca. Ti ã cahmach̄ Cohamac̄ tí numiare pichacap̄ wahabori numiare yuh̄ch̄ yoarohca. ã Jesure

cahmaborina ti jipachuta potota Jesure ti cahmahtore masiyuhto basioerara musare.

17 Ñ jina jipihtina musa mari puhtoro Cristo musare to ji dutiriro seheta yoaga. Ñ yoana Cohamacu musare to cūri cjirire yoaga musa. Tīre jipihtina Jesu yainare ñ yoa dutirucuja yuhñ. 18 Jesu yaina musa jihto pano circuncisiōre yoarina cjiri jina, ãta jirucuga. Tuhsu, Jesu yaina musa jihto pano circuncisiōre yoeraina cjiri jina mipu cūhure ãta jirucuga. 19 Mipure circuncisiōre yoarina musa jichu yaba cjihti jierara. Tīre yoeraina musa jichu cūhure yaba cjihti jierara. Wiho mejeta Cohamacu dutiare mari yoachu tí pini wiho waro jierara. 20 Ñ yoana Cohamacu Jesu yaina musare to cūri pja musa jiriro seheta tjuaga. 21 Jesu yairo mu ji dūcahto pano masunore dahra cohtariro mu jichu noanohca. Ñta tjuasiniga. Mu puhtoro mūhure to wio duachu sehene wijaga mūhū. Mu wijachu noanohca mūhure. 22 Mari puhtoro Jesu yairo cūiro jiro masunore dahra cohtariro jiparota Jesu to yuhdachu yoariro jira. Ñta paio mari puhtoro Jesu yairo jiro, masunore dahra cohtariro jieraparota Jesure dahra cohtariro jira tiro cūhū. 23 Mari ñaa buhirire buhiri ti tuhsuri jire Cristo. Ñ jina tiro dihtare “Yu puhtoro waro jira”, ni tūhotuga musa. Paina musare tīre ti ñ ni tūhotu dutierachu tinare tūhoena tjiga. 24 Ñ jina yu coyea, Jesu yaina cjihti Cohamacu musare to cūri pja musa jiriro seheta tjuaga. Ñ tjuana Cohamacu mehne macaina jiga.

25 Mipure namo marieinare, manū maria numia cūhure yahu duaja musare. Mari puhtoro ahrire “Õ sehe niga”, nierare yuhure. Yuhure to pja ñuchū yuhure to yoadohochū to cahmano seheta yoarucuriro jija yuhñ. Ñ jiriro jicu ahrire noano yahuihtja musare. 26 Mipure musa ñano yuhduna nica. Ñ jiomahchū musa namo marieina cūhū manū maria numia cūhū musa tjuachū noanohca, yu tūhotuchū. 27 Namu tiina, manū tia numia musa jina ãta tjuaga. Ñ yoa namo marieina, manū maria numia musa jina ãta tjuaga. 28 Namu tina ñano yoerara musa. Ñ yoa musa nuhmia manū tina ñano yoerara musa cūhū. Wiho mejeta namo tiina, manū tia numia musare waruro tjuarohca ahri yahpahi masa ti ñano yuhdūro seheta musa ñano yuhdūchū. Ñ jicu musare “Ñ waru tiri” nicu, “Namo marieina, manū maria numia tjuaga”, nihi yuhñ.

29 Yũ coyeya, ahrire m̄sare yahui nija. Cristo ahri yahpapũ to tjua tahto mahanocã d̄hsara. ã jia mipũre namo marieina Cohamacũ to cahmano sehe ti noano yoa masino seheta noano yoaro cahmana namo tiina cũhũre. ã yoa manũ tia numia cũhũre ãta Cohamacũ to cahmano sehe noano yoaro cahmana. 30-31 Ahri yahpa to mipũ jiro seheta baharocãta pihtia waharohca. ã pihtihti yahpa to jichũ mipũre mari ñahacaha tiia, mari wahchea, mari cjũaa pihtia wahaahca. ã jia tí wiho waro jira. Cohamacũ yare yoaa sehe wiho waro jierara. ã jia ahri yahpa macaare cjũaina, cjũaeraina yoaro sehe jijaro. Ahri yahpa macaare pjíro tũhotuea tjijaro. Ahri yahpa to mipũ jiro seheta baharocãta pihtia waharohca.

32 M̄sa ñano yũhdũerachũ cahmaja yũhũ. Pjíro m̄sa tũhotuerachũ cũhũre cahmaja. Namu marieriro Jesu yairo jiro Jesu yare wacũrucura. ã wacũrucuro Jesu cahmaare tuaro yoa duara. 33 Namu tiriro sehe to namono cahmaa sehene tuaro yoa duara. ã jiro ahri yahpa macaare pjíro tũhotura. 34 ã jiro tiro pũaro macaare yoa duara. Jesu cahmaa cũhũre, to namono cahmaa cũhũre tiro yoa duara. ã yoa bũcoro manũ marienico jiro, ticoro mari pũhoro Jesu cahmaare tuaro yoa duara. Nuhmino cũhũ ãta yoa duara. ã yoa duaro to pjacũ mehne, to wacũa mehne cũhũre ticoro tuaro Cohamacũ yacoro ji duara. Manũ tiricoro sehe ahri yahpa macaa sehene to manũno cahmaa sehene tuaro yoa duara. ã jiro ahri yahpa macaare pjíro tũhotura.

35 Ahrire m̄sare nii nija m̄sare yoadohocũ tacũ. Warpũo dutiare m̄sare cũ duaeraja. ã cũ duaerapaihta noano m̄sa yoachũ cahmaja. Jesu mari pũhoro yare m̄sa tuaro yoa duachũ cahmaja yũhũ.

36 M̄sa mehne macariro to sũhũduricoro to bũcoro curero to wahachũ ñũno namo tijaro tiro ticorore. “ãta yoaro cahmana ticorore”, ni tũhoturo to niriro seheta yoajaro tiro ticorore. Ticorore namo ti masina. ã yoaro tiro ñano yoerara. 37 Pairo sehe to sũhũduricorore namo ti duaeraro, to cahmano seheta yoajaro tiro ticorore. “Ticorore namo tieraja yũhũ”, ni tũhoturo to cahmano seheta yoa duaro, tó seheta yoajaro. ã yoariro noano yoara. 38 ã yoa to sũhũduricorore namo tiriro cũhũ noano yoara. Tuhsũ, to sũhũduricorore mipũre namo tierariro sehe paio yũhũdoro noano yoaro nina.

**39** Manꝯ tiricorore to manꝯnore cohã dutierara Cohamacꝯ. To ã cohã dutierapachꝯta to manꝯno to yariari baharo ticoro paio mehne to cahmariro mehne manꝯ ti masina. Ticoro to manꝯ tiriore Jesu yairo jiro cahmana tirore. **40** Ticoro manꝯ marienico ro tjuaro, manꝯ tiricoro yꝯhgoro noano wahchericoro jirohca ticoro. Ñta ni tꝯhotuja yꝯhu sehe. Cohamacꝯ to Espírítu Santore cꝯariro jija. (Yꝯ ã jiri ro jichꝯ masina ahri yꝯ yahurire masiga mꝯsa.)

**“Cohamacꝯ jira”, ti nia masꝯrine ño payo  
ti duhu payoa chꝯare yahuha Paulo**

**8** **1** Mipꝯre “Cohamacꝯ jira”, ti nia masꝯrine ño payo ti duhu payoa chꝯare yahu duaja. Jipihtina mꝯsa tí barore “Masija”, ni tꝯhotura mꝯsa. Ñ ni tꝯhotuna “Painare masi yꝯhdꝯrꝯcaja”, ni tꝯhotumana cãina. Ñ ni tꝯhotua painare yoadohoerara tina. Painare cahã tinare yoadohora. Ñ yoa masia yꝯhgoro painare cahã sehe wiho waro jierara. **2** “Masi pahñonocaja”, ti mꝯ sꝯro niina jia, Cohamacꝯ noare to masi dutiare masierasínica tina. **3** Wiho mejeta Cohamacꝯre ti cahĩchꝯ tinare masina tiro. (Ñ jia to yaina jira tina.)

**4** Ñ yoa “Cohamacꝯ jira”, ti nia masꝯrine ño payo ti duhu payoa chꝯare ahrireta yahuihtja: Tí masꝯri ne yaba cꝯihti jierara. Potocãta tí masꝯri yajeripohna mariahna. Cohamacꝯ sehe cꝯirola jira. Paina cohamana mariahna. Ahrire mari masija. **5-6** “Payꝯ cohamana jira. Tina mari pꝯhtoa jira”, ni tꝯhotumana masa. Ñ yoa mꝯanopꝯ, ahri yahpapꝯ cꝯhꝯre “Cohamana”, ti niina jipachꝯta mari sehere cꝯirola jira Cohamacꝯ. Tiro mari Pꝯcꝯ jipihtiare bajuamehneriro jira. Ñ yoaro to yaina cꝯihti yoari jire tiro marine. Ñ jiro mari pꝯhtoro Jesucristo cꝯirola jira. Tiro jipihtiare mari Pꝯcꝯre yoabasariro jira. To yaina cꝯihtire yoari jire tiro marine. Ñ jina tiro mehne ã jirucunahca mari.

**7** Yꝯ niriro sehe ã jipachꝯta paina Jesu yaina tíre masierara. Panopꝯ tina “Cohamacꝯ jira”, ti nia masꝯrine “Catiina jira”, ni tꝯhoturucumaha. Tí pꝯpꝯre ã yoarina jia mipꝯ cꝯhꝯre tí masꝯrine ño payo ti duhu payoa chꝯare “Cohamana ya chꝯa jira”, ni tꝯhotumana. Ñ yoaa tí chꝯare chꝯa, “Mari ñano yoana nija cohamana ya chꝯare chꝯa”, ni tꝯhotumana. Tíre ti yoirire noano masieraa, ã ni tꝯhotumana. Ñ jia tina ñano yoaa nina, ti tꝯhotuchꝯ. **8** Tí chꝯare mari chꝯchꝯ mari chꝯerachꝯ cꝯhꝯre

Cohamacu marine “Noaina jira”, ni ñuerara. Ñ yoa tí chũare mari chũchũ wiho warota jinocahno nina tí chũa. Mari tíre chũna ñano yoeraja. Tí chũare mari chũerachũ cũhũre wiho warota jinocahno nina. Ti duhu payoa chũare mari chũerana paina yũhgoro noaina jieraja mari cũhũ. **9-10** Wiho mejeta noano yoaga mũsa. Tí chũare chũrina cjiri mũsa jichũ paina mũsare, “Masija” niinare, ñũ cũ chũboca. Ñ ñũ cũ chũa ti yoarire noano masieraa, “Ñano yoana nija mari”, ni tũhotuahca tina cũhũ. Ti ã ni tũhotuchũ tina sehere ñano yoachũ yoana nica mũsa. Ñ jina noano yoaga mũsa. **11** “Mari tí chũare mari chũchũ noanohca marine”, mũsa ni tũhotuina jina paina noano masieraina cjirire ñano yoachũ yoaboca mũsa, mũsare ti ñũ cũchũ. Tina ya cjihti cũhũre yariari jire Cristo. Ñ yoana Cristo yainare mũsa coyeare ñano yoachũ yoana niboca mũsa. **12** Noano masierainare Cristo yainare mũsa ñano yoachũ yoana, Cristo cũhũre ñano yoana nica mũsa. **13** Ñ jicũ tí masũrine ño payo ti duhu payoa chũare yũhũ chũcũ Cristo yainare ñano yoachũ yoai niboca yũhũ. Cristo yaina ti ñano yoachũ cahmaeraja. Ñ jicũ “Yũhũ tinare ñano yoachũ yoari” nicũ, tí chũare ne pari turi chũsi yũhũ.

### Paulo Jesu to cũriro to jia tiare yahuha

**9** <sup>1</sup> Jesu to yare buhe dutiro to cũriro jija. Ñ jicũ paina to cũrina ti yoaro seheta yoa masija yũhũ cũhũ. Mari pũhtoro Jesure ñũriro tjija yũhũ cũhũ. Ñ jina Jesu yare yũ buhechũ mũsa sehe tíre noano tũhorina jina to yaina wahare mũsa. Ñ to yaina waharina jina Jesu to cũriro yũ jichũ masi tuhsũra mũsa. <sup>2</sup> Paina yũhũre yahuwajaa “Tiro Jesu to cũriro jierara”, niboca. Ti ã nipachũta mũsare yũ buheri baharo Jesu yaina wahana, “Jesu to cũriro jira” ni, yũhũre masi tuhsũra mũsa. Ñ jina paina ti yahuwajapachũta mũsa sehe to cũriro yũ jia tiare masina.

<sup>3</sup> Yũhũre yahuwajainare õ seheta ni yũhtihtja: <sup>4</sup> Mũsare yũ buheri baharo yũ chũhtire yũ sihnihti cũhũre yũhũre waboa mũsa yũ buheri wapa. <sup>5</sup> Ñ jicũ namo tiro jicũ yũ namo Jesu yacoro to jichũ ticoro mehne tini masiboa yũhũ. Paina Jesu to cũrina, Jesu bahana, Pedro cũhũ ti namosãnumia mehne ti tiniriro seheta yũhũ cũhũ tini masiboa. <sup>6</sup> Yũhũ Bernabé mehne mũsare noaa buheare sã buhepachũta sãre ne paye barocã waerare mũsa. Ñ jina sã basita sã chũhti cjiltire dahra

wapatai sã. ¿Sã dihtare wapataro marieno buhero cahmajari, mûsa tũhotuchũ? 7 Ahrina yũ yahuhtina sehe ti dahrari wapa wapatarã. Cũiro surara to dahrachũ to puhtoã tirore waparã. To basi wapaerara. Chuãre toariro cũhũ to toari dicha tichũ tíreta chũ masina. ã yoa ovejare ñũ wihboriro to nuina pẽchore sihni masina tiro. 8 “Ti dahrari wapare waparõ cahmana”, nicũ masa ti dutia dihtare mûsare yahueraja. Cohamacũ to dutiapũ to niri cjiri cũhũre mûsare yahui nija. 9 Moise cjirore to cũri dutiare to yare ti joari pũi õ sehe ni yahura: “Wachũ trigo yaparire to dahpori mehne suhtiwerirore to chũ duachũ to dũserore dũcataena tjiga”, nia tiri jire Cohamacũ dutia. 10 ã dutiro wachũare nino nierari jire. ã dutiro marine nino niri jire marine buhero taro. Wesere sahariro cũhũ tí dichare narina cũhũ ti dahrari baharo dicha tiri pja jichũ ti wapatahtore cohtara tina. (ã jina dahrainare ti dahrari wapare waro cahmana marine.)

11 Mûsare Cohamacũ yare noaa buheare buhei sã. ¿Sã ã buhechũ mûsa sehe sãre chũare waeraro cahmajari, mûsa tũhotuchũ? Waro cahmana. Mûsa wachũ noaboa sãre. 12 ã waerarina jipanahta paina chũare mûsare ti sinichũ mûsa tina sehere wara. Tina mûsare ti chũare sinichũ sã sehe tina yũhdoro mûsare chũare siniborina jimaja.

ã wa dutiborina jipanahta sã sehe “Sãre waga”, ne nierahi. “Cristo ya buheare mûsapũ cahmaeraboca” nina, sãre chũa mariapachũta mûsare ne sinierahi. 13 Cohamacũ wũhũ dahraina tí wũhũhta ti chũare nana. ã yoa Cohamacũre ti ñõ payori mesai cohtaina wahiquirore ti jũrirore mahanocã na chũra tina cũhũ. ¿Tíre masierari mûsa? 14 Tõ sehetã ti yoariro sehetã noaa buheare buheinare ti buheri wapare ti chũhtire tinare waro cahmana mûsare. ãta yoa dutire mari puhtoro Jesu. 15 ã jicũ mûsare siniboriro jipaihta yũhũ ne paye barore sinierahi mûsare. ã jicũ ahrire mipũre joacũ paye barore wapa cahmai tai joai nieraja. Mûsare ne wapa cahma duaeraja. Yariahtiro jipaihta ne wapa cahmasi yũhũ mûsare. Wapa marieno buhecũ ji coa yũhdũaja. ã jicũ mûsare yũ buheri wapa ne wapata chũi.

16 Noaa buheare buhe dutiro yũhũre cũre Cohamacũ. Tíre buheri masũno jinocaihta nija yũhũ. Noaa buheare buheracũ pjacũoriro jiboa yũhũ. ã jicũ tí buheare buhecũ “Painare masi yũhdũrucaja”, niboriro jieraja yũhũ. 17 Noaa buheare yũ mũ

suro buhesu yu buheri wapa wapa naboa yuhu. Cohamacu yuhure to yare buhe dutiro cure yuhure. A jicu yu mu suro buheraja. 18 ¿To yare a buhesu yaba barore wapatajari yuhu? O sehe jira yu wapataa: Noaa buheare buhesu musare ne paye barore sinieracu wapa marieno ti buheare buheja musare. Yu a nirire masicu wahcheja. Yu wahcheata jira yu wapataa.

19 Ne masare dahra cohtariro jierapaihta jipihtinare dahra cohtariro yoaro sehe jija yuhu payu paina masa Jesu yaina ti wahahto sehe. 20 A jicu yu coyea judio masa mehne jicu, ti yoaro seheta yoaja yuhu Jesu yaina ti wahahto sehe. Cohamacu to dutia cjirire Moise cjirore to cūri cjirire ño payoriro jierapaihta, ti dutia dihtare ño payoina mehne jicu ti dutiare ño payoriro baro yoaro seheta jija yuhu. Ata yoaja yuhu tina Jesu yaina ti wahahto sehe. 21 A jicu Cristo yairo jicu Cohamacu dutiare Moise cjirore to cūri cjirire yuhduruca duaeraja. Ti dutiare yuhduruca duaerapaihta ti dutia marieina mehne jicu ti dutia marieriro yoaro seheta jija. Ata yoaja yuhu tina cūhu Jesu yaina ti wahahto sehe. 22 Jesure noano masieraina mehne jicu ti yoaro seheta jija. “Masi pahñoriro jija”, nieraja yuhu. Ata yoaja yuhu tina cūhu Jesu yaina ti wahahto sehe. A jicu jipihtina masa ti jirore seheta jija yuhu cāina tina Jesu yaina to yuhdūchū yoaina ti wahahto sehe. 23 Ahrire yoaja noaa buheare jipihtina ti tūhohto cjihtore. Yu a yoachū ñūno Jesu to buheriro seheta tiro yuhu cūhure noano yoara. (A jicu masa ti jia tiro seheta jija.)

24 O seheta jira mari piti dahre buhechū. Murocapeina murocaa tina jipihtina murocara. Ti a muroca pihtipachūta muroca yuhdurucariro su muhtana. A su muhtariro wapataa. A jina ti murocariro seheta musa cūhu Cohamacu cahmaare yoaga musa wapatahto sehe. 25 Jipihtina murocaina ti pjacure dojomehneare duhunoca noano murocapora ti muroca tuahto sehe. Tuhsu, ti noano murocahto cjihtore quihōno chūa, quihōno carīa, noano yoara tina. Ata yoara tina muroca su, ti wapatahto sehe. A jia ti a yoa wapataa pūri mehne ti yoari soro jira. Ti soro ñaco baaerara. Mari sehe Cohamacu yare noano buheja to yare mari wapatahto sehe. Ti wapataa pinihta ne baaerara. 26 A jicu yuhu pa sehe murocariro yoaro sehe yoeraja. Potori da murocariro yoaro sehe yoaja yuhu. Tuhsu, cahmacheperiro pa sehe dota moñoroca mujariro yoaro sehe yoeraja. A yoa duaeracu Cristo yare quihōno yoa duaja.

27 Ñ jicũ m̃rocac̃eina, cahmachepeina cũhũ ti p̃jacũre ti buheriro seheta ti noano quihõno ti yoariro seheta yũhũ cũhũ yũ p̃jacũ mehne noaa dihtare yoapoja. Ñ yoaceracũ painare buheriro jipaihta yaba c̃jihti jieraboa yũhũ sehe.

**“Cohamacũ jira”, ti nia masũrine ño payo dutieraha Paulo**

**10** <sup>1</sup> Ñ yoa yũ coyea, ahrire masiga m̃sa. Sã Israe masa ñũchũsuma c̃jiri panopũ macaina jipihtina Cohamacũ to me curuare ñũ nũnũ ti wahcãa, wahaa tiri jire. Ñ wahaa sohãri mare co watoi jiri mahai wua cahari mahai pahã tinia wahari jire. <sup>2</sup> Ñ wahaa tina jipihtina me curua mehne sohãri ma macaa co mehne bautisarina yoaro sehe wahari jire. Bautisarina wahana Cristo yaina mari jiare ñona nija. Tó seheta tina sohãri mare bautisarina yoaro sehe wahaa, Moise c̃jiri yaina ti jiare ñoa nia tiri jire. <sup>3</sup> Ñ yoa tina jipihtina m̃mano macaa chuare chũa tiri jire Cohamacũ to waare. <sup>4</sup> Ñ chũa tina jipihtina Cohamacũ to waa co cũhũre sihnia tiri jire. Tí p̃jap̃re tí core Cohamacũ to c̃uri tãcai wijaa core sihnia tiri jire tina. Tia tãca yoaro sehe jiro, tinare co wariro Cristo jiri jire. <sup>5</sup> Tina ã waharina ti jipachũta paina tina mehne macaina ñano ti yoachũ ñũno Cohamacũ sehe payũ tina mehne macainare ñũ ji coerari jire. Ñ jiro tinare masa marienopũ yariachũ yoari jire Cohamacũ. Ñ yoaro masa marienopũ ti p̃jacũre cohã sitea wahari jire.

<sup>6</sup> Ñ ãta yoari jire Cohamacũ tinare marine buhero taro. Ñ jiro tinare ñũ cũ ñaare mari goa p̃jaerahto c̃jihtore Cohamacũ ã yoari jire tinare. <sup>7</sup> Ñ jina “Cohamacũ jira”, ti nia masũrine ti ño payoriro seheta yoarena t̃jiga m̃sa sehe. Tí masũrine ti ño payorire Cohamacũ yare ti joari p̃ũi yahuro õ sehe nina: “Tina chũ duji sihni tuhsũ, wahcãrũcũ sũ, bosc̃e nũmũ yoa dũcari jire wachũ masũre ño payoa taa”, ni joaa tiri jire panopũre. <sup>8</sup> Baharo paina sehe Israe masa numia mehne ñano yoari jire. Ti yoariro seheta yoeraro cahmana marine. Tina ti ñano yoari baharo cũ dachoihta tina veintitrés mil masa yariaa wahari jire. <sup>9</sup> Ti ã wahari baharo pari turi paina Israe masa sehe Cohamacũre tina mehne suachũ yoari jire. “Marine buhiri dahresi”, nia ñaa warore yoari jire. Ñ yoaa tirore suachũ yoari jire. Ti ã yoari buhiri Cohamacũ agãa mehne bahca wajãri jire tinare t̃joa. Ñ jina tina yoaro sehe Cristore yoarena t̃jiga m̃sa “Marine buhiri dahresi”, nina. <sup>10</sup> Pa tehe



tjoa paina ñaa quití dahre ti tuhtichu anjo masare wajãriro tinare wajãri jire. Æ jina tina yoaro sehe yoarena tjiga.

11 Æ wajã dutiri jire tinare Cohamacu marine buhero taro. Mari sehe pihtiri dacho panocã jiina jija. Mari ã jiina jichu panopu macaina ti ã waharire Cohamacu joa dutiri jire marine noano buhero taro. 12 Æ jina “Noaina jija sã, Cohamacu to ñuchu”, ni tuhoutuina jina, noano yoaga musa “Ñaaare yoari”, nina. 13 Mari jipihtina cãiro dũsaro marieno cãa tahari ñaaare wacũja. Æ wacũna tí ñaaare yoa duaja. Mari ã yoa duapachuta Cohamacu marine yoadohorucuriro jira. Æ jiro tí ñaa wacũare musa bo masierachu tiro sehe musare yoadohorohca. Æ jiro tí ñaaare musa yoa duachu ñũno Cohamacu tí ñaaare musare yoa duaerachu yorarohca. To ã yoachu tí ñaaare yoa duasi musa.

14 Æ jina yu cahĩina yũhũre tuhoga. “Cohamacu jira”, ti nia masurine ne ño payoena tjiga. 15 Musa noano masiina jichu musare yahuja. Æ jina yu nihti cjihtire quihõno ti jichu masiga musa basi. 16 Cristore ti ñahari ñamine vinore to sihnihto pano Cohamacure “Noana”, niri jire. To niriro sehetã mari cũhu tí core sihnina Cohamacure “Noana” nina, mari ya buhiri Cristo to yariarire masichu yoana nija. To di wijaarire masichu yoana nija. Tuhsu, to yaina mari jia tia cũhũre masichu yoana nija mari. Æ yoa pãore mari Cristo yaina nuha, chũna, mari ya cjihtire to pjacu crusapu to yariarire masichu yoana nija. Tuhsu, to yaina mari jia tia cũhũre masichu yoana nija. 17 Æ jina payu masa jipanahta cũ curi pão curire chũna jipihtina mari Cristo yaina cũ curuata jija.

18 Israe masa ti yoarire wacũga musa: Tina wahiquire wajãa, jũ muo waa, Cohamacure ño payora. Æ ti wari baharo cũ curuaihta ti wariro cjirore chũra. Æ chũa Cohamacure ti ño payoare masichu yoara tina. 19 Cohamacure ti waa chũare yahucu “ ‘Cohamana jira’, ti nia masurine ti waa chũa sehe tí waro jira”, nii nieraja. Tí chũa pinihta wiho waro jia nina. Tí masuri cũhu wiho waro jia nina. 20 Tí chũa ti yaba cjihti jierapachuta tí chũare chũeraro cahmana. Õ sehe jira tí. Cohamacure cahmaeraina wahiquire wajã, jũ muo, Cohamacure ño payora nierara. Æ yoaa watia sehere ño payora tina. Ti ã ño payoia jichu tina mehne chũna watino yaina yoaro sehe yoana nica musa cũhu. Musa ã yoachu pinihtare ne cahmaeraja. 21 Santa Cenare mari yoari dachoi mari puhtoro Jesure wacũna tana sihnija. Mari ã sihniina jina, watia sehere

ño payo masieraja mari. Ñ yoa Jesure wacūna tana pãore chũja. Mari ã chũina jina, watía sehere ño payo masieraja mari. **22** ¿Jesure m̄sa mehne suachũ yoa duajari m̄sa, p̄arore m̄sa ño payona? ¿Tiro yũhdoro tuaina jijari m̄sa? Jierara. (Ñ jina noano yoaga m̄sa.)

### Cohamacũ to cahmaa dihtare yoaga

**23** Õ sehe nina cãina: “Sã cahmano seheta yoa masija sã”, nina. M̄sa yoari cjiri ñaa ti jierapachuta tíre yoana painare yoadohoeraboca m̄sa. Tuhsũ, tíre yoana Jesure wacũ tua namochũ yoeraboca m̄sa painare. **24** M̄sa cahmaa dihtare yoarena tjiga. Paina sehere noano yoadohoga m̄sa.

**25-26** Chũa duarop̄re chũare nuchũna “¿Ahri chũa masurine ti duhu payoa chũa jijari?” ni sinitu ñhena tjiga. “Ñaa yoari” nina, sinitu ñboca m̄sa. Ñ ni sinitu ñhena tjiga. Ahri yahpa, ahri yahpai jia cũhũ Cohamacũ ya jira. Ñ jina tí chũare “¿Ñaa chũa jijari?” niena tjiga.

**27** Jesure cahmaerariro m̄sare chũ dutiro to pjirocachũ waha duana wahaga. Ñ wahana m̄sare to duhu payoare chũga. “¿Ahri chũa masurine ti duhu payoa chũa jijari?” ni sinitu ñhena tjiga. **28** Ñ jina paio Jesu yairo “Ahri chũa masurine ti duhu payoa chũa jira”, m̄sare to ni yahuchũ tí chũa pinihtare chũena tjiga. M̄sare ã ni yahuriro “Ñaa chũare chũra ahrina”, m̄sare to ni tũhotuerahto sehe chũena tjiga m̄sa. M̄sa cũhũ ã ni tũhoturi nina tí chũare chũena tjiga. **29** Ñ chũ dutieracũ m̄sa ya cjihtire ã nierahi. M̄sare ahrire yahuriro ya cjihti sehere tí chũare chũ dutieraja. Tirop̄a m̄sare “Ñaa chũare chũra ahrina”, niboca. “Ñ niri” nina, tí chũare chũena tjiga.

“Chũena tjiga”, yũ nichũ ò sehe ni sinitu yũhtiboca m̄sa yũhũre: “¿Dohse jiro baro paioire ‘Soro tũhoturi’ nina, chũerabocari sã? **30** ¿Cohamacũre ‘Noana’, sã niri baharo sã chũchũ dohsearo tíre sã chũri buhiri paio sãre yahuwajabocari?” ni sinitu yũhtiboca m̄sa yũhũre. **31** Ahri jipihtiare yahucũ ò sehe nii nija m̄sare: Dachoripe Cohamacũ to dutiriro seheta wahchea mehne chũ, sihnija, Cohamacũre masa ti ño payohto sehe. Ñ jina jipihtiare noano yoarucuga Cohamacũre masa ti ño payohto sehe. **32** Ne judio masare, judio masa jierainare, Cohamacũ yaina cũhũre ñano yoachũ yoarena tjiga m̄sa tinare. **33** Õ seheta yoaja yũhũ sehe. Masa jipihtinare yoadoho duaja.

Ã yoacũ ya cjihti waro sehere pjíro tũhotueraja. Yũ ñano yũhdũchũ noanohca. Payũ masa sehere yoadohoja tinare pichacaruũ wahaborinare Cohamacũ to yũhdũchũ yoahito sehe.

**11** <sup>1</sup> Ã jina Cristore yũ ñũ cũire yũ yoachũ mũsa cũhũ yũhũre ñũ cũga.

### Corinto macaina ti cahmachunoi numia ti yoahitore yahuha

<sup>2</sup> Mũsare yũ buhe turiari cjiire yũ yoari cũhũre wacũ pahñoyuhca mũsa. Ã wacũna mũsare yũ yoa dutiriro seheta yoayuhca mũsa. Ã yoana noano yoara mũsa. <sup>3</sup> Ã yoina mũsa jipachũta ahri cũhũre mũsa masichũ cahmaja: Jipihtina mũa ti pũhtoro, Cristo jira. Tuhsũ, to namono pũhtoro to manũno jira. Ã jichũ, Cristo pũhtoro to Pũcũro jira. <sup>4</sup> Cohamacũre siniriro to dapure mohariro sinino, to pũhtoro Cristore ño payoeraro seheta yoaro nina. Cohamacũ yare yahuriro cũhũ to dapure mohano ãta yoaro nina tiro cũhũ. <sup>5</sup> Tuhsũ, to dapure mohaeraricoro Cohamacũre sinino, to manũnore ño payoeraro seheta yoaro nina. Cohamacũ yare yahuricoro cũhũ to dapure mohaeraro ãta yoaro nina ticoro cũhũ. Ã yoaro to pjoarire wũha pahñoricoro yoaro seheta yoara ticoro. <sup>6</sup> To dapure moha duaeraro ticoro to pjoarire saa pahño dutijaro. To ã yoari baharo to dapure bũo tiro, ticoro mohajaro to dapure. <sup>7</sup> Mũa sehe Cohamacũ noariro, tuariro to jia tiare ñona tina sehe. Ã jia ti dapupure mohaeraro cahmana tinare. Numia sehe mũa ti pũhtoa jia tiare ñona. Ã jia tina numia sehe ti dapupure mohajaro. <sup>8</sup> Cohamacũ mũnore yoaro, numino ya pjacũ macano mehne mũnore yoerari jire. Numino sehere yoaro, mũno ya pjacũ macano mehne ticorore yoari jire. <sup>9</sup> Tuhsũ, mũnore yoaro, numino yairo cjihtore yoerari jire. Numino sehere yoaro mũno yacoro cjihtore yoari jire Cohamacũ ticorore. <sup>10</sup> Ã jia numia ti dapupure mohajaro anjoa cũhũ mũa ti pũhtoa ti jirire ti masihtõ sehe. **11-12** Cohamacũ numinore yoaro, mũno pjacũ macano mehne yoari jire. Ãta mipũre mũno masa bajuaro, numino pjacũi masa bajuara. Tuhsũ, jipihtinare Cohamacũ sehe yoari jire. Ã jiro mũno to ji mũhtaerachũ numino mariaboa. Ã yoa numino to mariachũ mũno cũhũ mariaboa.

<sup>13</sup> ¿Mũsa basi dohse tũhotujari? ¿Numino to dapu mohaeraricoro, Cohamacũre to sinichũ noajari, mũsa tũhotuchũ? Noaeraputiara. <sup>14</sup> Tuhsũ, mũno pjoa nahmo mũriro to jichũ ñaa nica. Jipihtina masa ti mũ sũro tíre masina. <sup>15</sup> Ã yoa numino

to pjoa nahmo to dapure mohari cahsaro yoaro sehe jira. Ticoro pjoa nahmo m̄uricoro jiro noaricoro bajura ticoro. Tí c̄h̄ure jipihtina masina. **16** M̄usa mehne macariro ahrire ȳu yahurire to t̄ho duaerach̄u, ò sehe ni yahuihtja tirore: “Ȳu ni yahuriro seheta mari yoaa tia jira. Paina Jesu yaina c̄h̄u āta yoarucura tina c̄h̄u. S̄ā ā yoarina jich̄u ñ̄c̄u ȳu ni yahuriro seheta yoaga m̄h̄u c̄h̄u”, ni yahuihtja ȳu yahurire t̄ho duaeraritore.

### **Santa Cenare ti ch̄uro watoi dojomehneha Corinto macaina**

**17** Mip̄ure m̄sare ahrire yahui tai, “Noano yoaina jira”, nieraja ȳh̄u m̄sare. M̄usa cahmachuna noano yoerara. Ñano yoara m̄sa. **18** Ò sehe ni yahu m̄htaihtja m̄sare: M̄usa cahmachunop̄u cahma sayona m̄sa basi c̄a curuari tju wayuhca m̄sa. Paina tíre ȳh̄ure ti yahuch̄u “Potoc̄a t̄jica”, ni t̄hotu cureja ȳh̄u. **19** Āta yoayuhca m̄sa. M̄usa ā tju warina m̄sa jich̄u ñ̄na baharo Jesu yaina waro jiina sehere masinahca mari. **20** M̄usa basi ā ñ̄ tuhtiina jina m̄sa c̄noi cahmachu ch̄uch̄u tó wahaerara. Potoc̄a Santa Cena waro yoana nierayuhca. **21** M̄usa cahmachuna c̄aina m̄sa sahsero ch̄u m̄h̄ona, paina sehere j̄ca baach̄u yoana niyuhca m̄sa. Tuhs̄u, sihni m̄htaina sehe cahaa wahayuhca. **22** ¿M̄sare m̄sa w̄h̄use mariajari? M̄sa w̄h̄usep̄ta ch̄u, sihniga. Mip̄ure Cohamac̄u yaina ti cahmachunore dojomehnena niyuhca m̄sa to yaba cjihti jieraboro seheta. Tuhs̄u, paina Jesu yaina p̄jac̄oinare ch̄u maeraina sehere m̄sa sehe b̄oro ȳhd̄uch̄u yoayuhca. ¿Dohse ni yahuihcari ȳh̄u m̄sare? “Noano yoana nina m̄sa”, nieraja ȳh̄u.

### **Santa Cenare yoaa taa, ti ch̄urire yahuha Paulo**

*(Mt 26.26-29; Mr 14.22-25; Lc 22.14-20)*

**23** Mari p̄htoro Jesu to ch̄u batoarire yahure ȳh̄ure. Ā to yahuri baharo ȳh̄u sehe m̄sare tíre yahu turiahi. Tí ò sehe jira: Tirore ñ̄ tuhtiinare Juda to ñohti ñamih̄i mari p̄htoro Jesucristo p̄ore na, Cohamac̄ure “Noana”, niyuhti. **24** To ā niri baharo tí p̄ore nuha, to buheinare witiyuhti. Ā witiro ò sehe niyuhti: “Ahrire ch̄uga. Ahri ȳu p̄jac̄u jira. M̄usa yaro jiboritore yariaihca. Ȳh̄ure m̄sa wac̄ihti cjihtire ahrire ch̄uga”, niyuhti Jesu mari p̄htoro. **25** Ā ti ch̄uri baharo tiro sihniri wahware na wahc̄ano ò sehe niyuhti: “M̄sa ñaa yoari buhirire

cohãcũ tacũ yariaihca. Ñ yoacũ yũ dire cohãihca. Cohamacũ ‘Mũsare yũhdũchũ yoaihtja’, to niriro mũ sũchũ yũ yariaro mehne to niriro sohtori tiarohca. Ahri wahwai posa tiare sihnina, yũ di cohãire wacũnahca. Ahrire sihnina, yũhũre mũsa wacũhti cjihtire sihniga”, niyuhti Jesu. 26 Ñ yoa Santa Cena macaa pãore mũsa chũna, sihniare sihnina, Jesu mari pũhtoro mari ya buhirire to yariarire ñona nina mũsa. Ñ ñorucunahca mũsa pũ ahri yahpapũ to tjuatachũpũ.

**“Santa Cenare chũ sihnina õ sehe yoaga”, ni yahuha Paulo**

27 Santa Cenare chũ, sihnina, Jesure ño payoro marieno yoana, cua pisaro yoerana, to pjacũre to di cohãri cũhũre bũjũpero sehe yoana nija mari. Ñ yoana Jesure bũjũpena nija mari. Tó sehe yoaina buhiri tiina jira. 28 Ñ jina mari yoarire, mari jia tiare noano wacũjihna. Ñ wacũna Santa Cenare chũ, sihni masija mari. 29 Mari pũhtoro mari ya cjihtire to pjacũ to yariarire wacũno marieno Santa Cenare chũ, sihnina mari buhiri tinahca. 30 Õ sehe dihta yoayuhca payũ mũsa mehne macaina. Ñ yoaa tina cãina tuaeraina, dohatiina wahayuhti. Tuhsũ, paina ti ã yolari buhiri yariaa wahayuhti. 31 Wiho mejeta Santa Cenare mari chũ, sihnina, mari yoarire, mari jia tiare noano wacũna, mari ñaa yoarire duhuna tí buhirire buhiri tisi mari. 32 Mari pũhtoro sehe marine tuhtira, tí buhirire marine buhiri ti dutieraro. Paina ñaina Jesure ño payoeraina buhiri tihtina dihta jira. Tina yoaro sehe marine buhiri tichũ cahmasãaerara mari pũhtoro.

33 Ñ jina yũ coyeyã, Santa Cenare chũna tana cahmachuna, cohtasiniga mũsa coyeyã. 34 Tuhsũ, mũsa mehne macaina jũca baa, ti ya wũhũsepũ chũsinijaro. Ñ yoana Santa Cenare chũna tana cahmachuna, cua pisaro yoeraina ya buhiri buhiri tisi mũsa. Paye barore yahu duamahi mũsare. Baharo yũ basi sũipũ mũsare yahuihtja tíre.

**Cohamacũ yare mari yoahore cũno marine  
yoa masichũ yoara Espĩritu Santo**

**12** 1 Yũ coyeyã, ahrire yahu duaja mũsare. Cohamacũ yare mari yoahore cũno marine jipihtinare yoa masichũ yoara Espĩritu Santo. Ñ jicũ tíre mũsa noano masichũ cahmaja.

2 Jesu yaina jierasina soro jia buheare tuho nũnũina jina, mũsa sehe “Cohamacũ jira”, ti nia masũrine, durucuera

masurine ño payosinimare. Tíre masina m̄sa. <sup>3</sup> ã j̄ina m̄sa jirina cjiri jich̄u mip̄ure ò sehe ni yahuiht̄ja m̄sare: “Jesu ñ̄ano wahajaro”, niina Cohamac̄u yairo Esp̄iritu to tuaa mehne ã nia nierara. Esp̄iritu Santo warore cj̄aerara tina. Tuhs̄u, “Jesu mari p̄htoro jira”, niina Esp̄iritu Santo to tuaa mehne ã niina jira tina.

<sup>4</sup> Cohamac̄u yare yoa masia paȳu jira. Ti ã jipach̄ta marine yoa masich̄u yoariro sehe c̄īrota jira. Tiro Esp̄iritu Santo jira. <sup>5</sup> ã yoa Cohamac̄u yare yoahtina paȳu jina, to yare soro sehe mari yohti c̄h̄u paȳu jira. Tí ã jipach̄ta mari p̄htoro Jesu sehe c̄īrota jira. <sup>6</sup> ã yoa Cohamac̄u yare yoa c̄h̄u paȳu jira. Ti ã jipach̄ta Cohamac̄u marine yoa masich̄u yoariro sehe c̄īrota jira. <sup>7</sup> Marine Jesu yainare Esp̄iritu Santo yoadohoro Cohamac̄u tuaare ñono nina. Ò sehta yoadohora tiro Jesu yainare jipiht̄inare mari noano yoadohohto sehe. <sup>8</sup> C̄ainare noano masi, yahuch̄u yoara Esp̄iritu Santo. Tuhs̄u, painare Cohamac̄u yare noano buhe masich̄u yoara tiro Esp̄iritu Santo pinihta. <sup>9</sup> ã yoa painare Cohamac̄ure noano wac̄u tuach̄u yoara tiro. ã yoaro painare Cohamac̄u tuaare wara tiro. Tí tuaa mehne tina sehe dohatiinare noaina wahach̄u yoara. Esp̄iritu Santo c̄īrota jiriro tí tuaare wara. <sup>10</sup> Tuhs̄u, tiro painare Cohamac̄u tuaa mehne yoa masich̄u yoara tiro. ã yoaro painare Cohamac̄u yare noano yahu masich̄u yoara tiro tinare. ã yoaro paina Jesu yainare buheare noano bese masich̄u yoara tiro. ã masia wat̄ino ya buhea ti jich̄u masina tina. Esp̄iritu Santo waro ya buhea c̄h̄ure ti jich̄u masina tina. Tuhs̄u, painare t̄homahnoeraa d̄serire ti durucu masich̄u yoara tiro. ã yoa t̄homahnoeraa d̄serire durucuina ti nino sehta yahu ȳhdo masich̄u yoara tiro painare. <sup>11</sup> Esp̄iritu Santo c̄īrota jiriro to cahmano sehta marine c̄ainare ahri jipiht̄iare ȳu yahuriro sehta yoa masich̄u yoara. C̄ainare soro yoa masich̄u yoara. Paina c̄h̄ure soro yoa masich̄u yoara.

### **Cristo yaina jina c̄u curuata jija mari**

<sup>12</sup> Ò sehe jira ahri mehne mari piti dahre yahuch̄u: Mari pjac̄u c̄u pjac̄u to jipach̄ta wamomacari, capari, dahpori, cahmori tí pinihta paȳu jira mari pjac̄u jia. ãta jija mari Cristo yaina c̄h̄u. Cristo yaina to pjac̄u yoaro sehe c̄u curuata jira. <sup>13</sup> ã jina Cristo yaina jina, to pjac̄u yoaro sehe c̄u curuata jija mari. Judio masa, judio masa jieraina, dahra cohtaina, dahra

cohtaina jieraina, payu curuari jipanahta cūirota jiriro to pjacu yoaro sehe cū curuata jia mari. Espiritu Santo cūirota jiriro to tuaa mehne bautisarina jia mari. Ā jina cūirota Espiritu Santore cjuaja mari, Cristo ya curua macaina jina.

14 Mari pjacu cū pjacu to jipachuta wamomacari, capari, dahpori, cahmori tí mari pjacu jia payu jira. 15 Mū dahporo durucuri dahporo jiro, ō sehe niboa mūhure soro ni duaro: “Wamomaca jieraja yūhū. Ā jicu pjacu macariro jieraja yūhū”, niboa. Mū dahporo ā niparota pjacu macano jirota nina. 16 Mū cahmono durucuri cahmono jiro ō sehe niboa mūhure soro ni duaro: “Capariaca jieraja yūhū. Ā jicu pjacu macariro jieraja yūhū”, niboa. Mū cahmono ā niparota pjacu macano jirota nina. 17 ¿Mari pjacu capariaca dihta jichū dohse tūhobocari mari? Basioeraboa. ¿Ā jina mari pjacu cahmono dihta jichū dohse wijī tūhotubocari mari? Basioeraboa. 18 Tó sehe jierara mari pjacu. Ō sehe jira. Mari pjacu jiare Cohamacu to cahmano seheta cūri jire mari pjacure. 19 ¿Mari pjacu jia mariachū dohse wahaboari mari pjacu? 20 Mari pjacu ō seheta jira: Cū pjacu to jipachuta mari pjacu jia payu jira.

21 “Mū yoadohochū cahmaeraja”, mū capariaca ni masierara mū wamomacare. Ā jichū, mū dapu mū dahporire “Mū yoadohochū cahmaeraja”, ni masierara. 22 Paye mari pjacu jiare “Wiho jia curea jira”, mari nia sehene pototi cahmaja mari paye mari pjacu jia yūhdoro. 23 Paye mari pjacu jiare “Soro jira”, mari ni tūhotupanahta tíre mari pjacu jiare noano yoaja. Tuhsū, paye mari pjacu jiare mari bno tiare suhti mehne njoja mari. 24 Paye mari pjacu jiare nnoeraja mari. Tí pinine ñona, bno tieraja. Ō sehe ji dutiri jire Cohamacu mari pjacure. Mari ñoeraare mari pjacu jiare mari noano ño payoa mehne cjuaja. Āta yoa dutiri jire Cohamacu. 25 Ā jia mari pjacu jia ti basi cahma yoadohora, cū pjacuta to noano jihto sehe. 26 Ā jia mari capari ñano yūhduchū paye mari pjacu jia cūhū ñano yūhdura. Tuhsū, mari capari noaa wahachū mari pjacu jia cūhū wahcheina masa yoaro seheta noano tūhotura.

27 Ā jicu ō sehe nii nija mūsare: Mūsa sehe Cristo to pjacu yoaro sehe cū curuata jira. Ā jina jipihtina mūsa to pjacu jia yoaro sehe to yaina jira. 28 Ā jiro Jesu yainare mari yoadohohti cjihtire cūri jire Cohamacu marine. Ō sehe cūri jire tiro marine. Cāinare marine buhe dutiro to cū mūhtainare cūri jire tiro. Painare to yare yahuhtinare cūri jire. Painare masare

buhehtinare, painare Cohamacu tuaa mehne yoahinare, painare dohatiinare ti yuhduchu yoahinare, painare masare yoadohohtinare, painare masa puhtoajihtinare, painare tuhomahnoeraa duserire durucuhtinare cūri jire Cohamacu marine. **29** Ñ to cūchu jipihtina cūno potori to cūrina jieraja mari. Paina Cohamacu yare yahuhtina jierara. Paina Cohamacu buhe dutiro to cūrina jierara. Tuhsu, paina masare buheina jierara. Paina Cohamacu tuaa mehne yoaina jierara. **30** Tuhsu, paina dohatiinare yuhduchu yoaina jierara. Paina sehe tuhomahnoeraa duserire durucuina jierara. Tuhsu, paina tuhomahnoeraa duseri durucuare yahu yuhdoina jierara. Ñ jiro cāinare mari yoahire cūri jire tiro. **31** Wiho mejeta Cohamacu yare yoa masi duana noa yuhduu sehere tuaro cahmaga musa. Jipihtia ahri yu niri yuhdoro musa cahmahti cjihtire mipure yahuihtja musare yahu.

### Painare noano ti cahĩhtire yahuha Paulo

**13** <sup>1</sup> Masa ya duserire durucu masipanahta, anjoa ya duserire durucu masipanahta, painare cahĩerana yaba cjihti jieraja mari. Mari durucua cūhu yaba cjihti jierara. Painare cahĩerana mari durucuna, wiho waro durucuna nija. <sup>2</sup> Cohamacu yare noano yahu masipanahta, masa ti masierari cjiire Cohamacu yare ti buheri cjiiri cūhure masi pahñopanahta, painare cahĩerana yaba cjihti jieraja mari. “Ahdū tūcu pa seheru wahajaro”, mari nichu, “Potocāta mari siniro sehetā Cohamacu yoarohca”, ni mari tuhutuchu āta yoarohca. Cohamacure ã ni tuhutuina jipanahta painare cahĩerana, yaba cjihti jieraja mari. <sup>3</sup> Jipihtia mari yare pjacuoinare wapanaha painare mari cahĩerachu tí mari wari yaba cjihti jierara. Tuhsu, Cohamacu yare yoana tana mari pjacure mari jū dutipachuta, painare mari cahĩerachu marine yaba cjihti jierara.

<sup>4</sup> Suaeraja painare cahĩna. Tinare cahĩna noano yoaja tinare. Tuhsu, painare cahĩna tinare pahsu tieraja. Mari cahĩriro mehne jina “Mu yuhdoro jiro jija”, niina jieraja mari. Painare cahĩna “Musare masi yuhdurucaja”, ni tuhutueraja mari tinare. <sup>5</sup> Ñ yoa painare cahĩna tinare ño payoro mehne yoaja mari. Painare cahĩna “Sā cahmano sehe yoaja. Musa cahmano sehe yoeraja”, nieraja mari. Tuhsu, tinare cahĩna suaeraja mari tina mehne. Painare cahĩna marine ñano ti yoachu cūhure tina mehne ã



suarucueraja mari. **6** Painare cahĩna ñaare ti yoachũ ñũa wahcheraja mari. Noaa sehere quihõno ti yoachũ ñũa tuaro wahcheja. **7** Painare cahĩna ti ya buhiri ñano yũhdũpanahta tinare ã cahĩrucuja mari. Painare cahĩna paina sehe tinare ti yahuwajachũ tũhõpanahta tíre tũho duaeraja mari. Painare cahĩna “Tina ñaare yoasi”, ni tũhotuja mari tinare. Painare cahĩna ñano yũhdũpanahta tinare cahĩ duhusi mari.

**8** Painare cahma cahĩa ne pihtisi. Cohamacũ yare masa mari yahua sehe baharo pihtia wahaahca. Tũhomahnoeraa dũserire durucua cũhũ baharo pihtia wahaahca. Cohamacũ yare masa ti buheri cjiri cũhũ baharo pihtia wahaahca. Painare cahma cahĩa sehe ne pihtisi. **9** Mipũre Cohamacũ yare mari masi pahño masieraja. ã jina to yare yahuna mari yahu pahño masieraja. Mari masi pahñohto dũhsasinina mini. **10** ã jina Cristo ñaa marieriro to tjua tari baharo mari masi pahñonahca. “Masieraja”, ni namosi.

**11** Mari masi pahñohto õ sehe jira: Nijinocã jicũ nijinocã yoaro sehe durucumai yũhũ. Nijinocã to yoaro sehe tũhoturucumai. Bũcũro wahaipũ nijinocã to yoariro seheta duhunocai. (Tó seheta mari mipũre “Masi pahñoeraja”, nipanahta baharopũre masi pahñonahca.) **12** Ñõno to noano masũ bajueraro seheta mipũre noano masi pahñoerasinija mari. Baharo paire noano mari ñũ masino seheta mari masi pahñonahca. Mipũre mari masi pahñohto marine dũhsasinina mini. Cohamacũ marine to noano masi pahñoriro seheta baharo mari cũhũ noano masi pahñonahca. **13** ã yoana tiarore mari yoa masija mipũre. Cohamacũre wacũ tua masija. ã yoa marine to yũhdũchũ yoahore masina, mari noano cohta masija. ã yoa painare cahma cahĩ masija. Ahri tiaro jira pototi mari yoahiti. Tuhsũ, painare cahma cahĩna, ahri pũaro yũhdoro yoana nija. Wacũ tuaa, to yũhdũchũ yoahore cohtaa yũhdoro jira cahma cahĩa sehe.

#### Tũhomahnoeraa dũseri durucua yahuha Paulo

**14** **1** ã jina painare cahma cahĩna jiga mũsa. ã yoa Cohamacũ yare mũsa noano yoa masihtore cahmaga mũsa. Cohamacũ yare mũsa yahuhti pinihtare tuaro cahmaga mũsa. **2** Tũhomahnoerari dũserore durucuriro Cohamacũ mehne dihta durucura. ã ni durucuro masa mehne durucuro nierara tiro. To ã ni durucuchũ tũhoa masa sehe ne tũho

ñahaerara tirore. Masa ti masierare Espíritu Santo to tuaa mehne durucuro nina tiro. **3** Cohamacu yare yahuriro sehe masa sehere yahura. Ñ yahuro tiro masare yoadohoro nina. Tinare buhero nina tiro. Tuhsu, ti ñano yũhdũchũ tiro tinare wahchechũ yoara. **4** Tũhomahnoerari dũserore durucuriro cũirota buhera. Painare buherara. Cohamacu yare yahuriro sehe painare Jesu yainare buhero, yoadohora tiro.

**5** Tũhomahnoeraa dũserire jipihtina mũsa durucuchũ noaboa, yũ tũhotuchũ. Wiho mejeta Cohamacu yare mũsa yahuchũ pinihtare tuaro cahmaja. Cohamacu yare yahuriro pinihta tũhomahnoerari dũserore durucuriro yũhoro painare yoadohora. Ñ jipachũta tũhomahnoerari dũserore durucuriro to durucuaire paio to yahu yũhdochũ tí sehe pototi painare yoadohora. To durucuaire yahu yũhdoriro jiro tiro sehe painare Jesu yainare buhero nina. **6** Tũhomahnoerari dũserore mũsa mehne durucucũ paio mũsare to yahu yũhdoerachũ mũsare yoadohoeraboca yũhũ. Ñ jicũ Cohamacu yũhũre to yahurire yahucũ, to yare yũ masiare yahucũ, payere to yare yahucũ mũsare yoadohoi nija. Tíre mũsa tũhohto sehe mũsare buhecũ mũsare noano yoadohoi nija yũhũ.

**7** Tũhomahnoerari dũserore durucuriro to durucua ti putipea ti bũapũtẽa yoaro sehe jira. Carisure putina, arpare bũapũtẽna tíre mari quihõno yoerachũ tí basaare painare masihto basioerara. **8** Ñ yoa cornetare putiriro surara jiro ti cahma wajãhto panore quihõno to putierachũ paina surara sehe ti cahma wajãhtore masisi. Ñ jia ti cahma wajãhto pano ti wajãhtire wamoare cahnoyueraina jiahca tina. **9** Tó seheta mũsa cũhũre tũhomahnoerari dũserore mũsa durucuchũ tũhoa, yahu yũhdoriro mariachũ paina tíre ne masisi. Ti ã masierachũ mũsa durucua yaba cjihti jierara. **10** Ahri yahpai payũ dũseri durucua jica. Ñ jia tí dũserire durucuína ti basi ti ã durucuaire noano tũhora. **11** To ya dũserore yũ tũhoerachũ ñũno tíre durucuriro sehe “Pa dihta macariro jira”, ni tũhoturohca yũhũre. Ñ jicũ yũhũ cũhũ ãta ni tũhotuihca tirore. **12** Ñta jire mũsa cũhũ tũhomahnoerari dũserore durucuna. Espíritu Santo to tuaa mehne tuaro yoa duamana mũsa. To tuaa mehne ã yoa duana paina Jesu yainare mũsa buhehti sehere tinare mũsa yoadohohti sehere tuaro cahmaga mũsa.

**13** Ñ jiro tũhomahnoerari dũserore durucuriro to durucuaire to noano yahu yũhdohto cjihtore Cohamacũre sinijaro tiro.

14 Tuhomahnoerari dusero mehne Cohamacure sinicu Espiritu Santo mehne sinii nija. A sinicu yu tuhoutuare masi namochu yoeraja. 15 Ahrire masina, o sehe yoanahca mari: Espiritu Santo to tuua mehne tuhomahnoerari dusero mehne Cohamacure sininahca. Tuhsu, pa tehe noano masi tuhoutu paina ti noano tuhohoto sehe ti ya durucua mehne Cohamacure sinina, ti cuhure sininahca tjoa. Espiritu Santo to tuua mehne tuhomahnoerari dusero mehne Cohamacu yare basanahca. Tuhsu, pa tehe noano masi tuhoutu paina ti noano tuhohoto sehe ti ya durucua mehne Cohamacu yare basana, ti cuhure basanahca tjoa. 16 Mari a yoerachu tuhomahnoera duseri mehne Espiritu Santo tuua mehne Cohamacure “Noariro, tuariro jira”, mari nipachuta paina ne tuhoerara. A tuhoeraa “Toihta jira”, ni masierara. 17 Tuhomahnoera duseri mehne Cohamacure “Noana”, ni masija mari. Mari a nia noaa jipachuta tire yahu yuhdoerana painare buheraja mari. A jina tinare yoadoheraja mari. 18 Jipihtina musa yuhdoro yuhu sehe tuhomahnoeraa duserire durucuja. A jicu Cohamacu yuhure a durucu masichu to yoachu tirore “Noana”, nija yuhu. 19 A durucuriro yu jipachuta Jesu yaina cahmachuina watoi yu jichu, tuhomahnoerari dusero mehne payu duserire yu nipachuta yaba cjihti jierara. Ti yuhdoro masa ti noano tuhohoto sehe mahaa duserica yu yahupachuta noa nina, yu tuhotuchu.

20 Yu coyea, macanaca tuho masieraina ti jiro sehe jiena tjiga musa. Wahma masa bajuaina naa yoare ti masieraro seheta jiga musa cuhu. Tuhsu, bucuna tuho masiina ti jiro sehe jiga musa. 21 Cohamacu yare ti joari pui o sehe nina: “Tuhomahnoeraa duserire durucuinare ahрина masare yu yare yahu dutiitja. A yoa pa dihta macaina ya durucua mehne yu yare yahu dutiitja ahрина masare. Tinare ti a yahupachuta ahрина yu yahua tuhosi’, nina Cohamacu mari puhtoro”, nina Cohamacu yare ti joari pui. 22 Tuhomahnoeraa duserire durucua Jesu yainare Cohamacu tuaare masichu yohti cjihti jierara. Ti durucua Jesure cahmaeraina sehene Cohamacu tuaare masichu yohti cjihti jira. A yoa Cohamacu yare yahua Jesure cahmaerainare Cohamacu tuaare masichu yohti cjihti jierara. Cohamacu yare yahua Jesu yaina sehene Cohamacu tuaare masichu yohti cjihti jira. 23 A yoa jipihtina musa Jesu yaina cahmachuchu tuhomahnoeraa duserire musa

durucuchũ tíre masieraina, paina Jesure cahmaeraina cũhũ sãa ta tũhoboca. ̂ tũhoa “Tina tũho masieraina jira”, niboca mũsare tina. 24 Jipihtina mũsa Cohamacũ yare mũsa yahuchũ pinihta tíre masierariro, Jesure cahmaerariro sãa ta tũhoro, to ñaa yoari buhirire masiboca tiro. ̂ masino to ñaa yoarire cahyaboca tiro. 25 ̂ jiro potocã to jia tiare to tũhotua cũhũre masiboca tiro. ̂ yoaro Cohamacũ panoi na tuhcuca caha sũro, tireore ño payorohca. Tuhsũ, “Cohamacũ potocãta mũsa mehne jira”, ninohca tiro mũsare.

### **Mũsa cahmachuna noano yoaga dojomehneneno marieno**

26 ̂ jicũ yũ coyeya, mũsare ahrire nii nija: Mũsa Jesu yaina cahmachuna cãina mũsa mehne macaina Cohamacũ yare basa duara. ̂ yoa paina mũsa buhe duara. Tuhsũ, paina mũsa Cohamacũ mũsare to buheri c̄jirire yahu duara. Paina mũsa tũhomahnoerari dũserore durucu duara. Tuhsũ, paina mũsa tí dũseri durucuare yahu yũhdo duara. Tí jipihtiare ̂ yoana mũsare tũhoina ti noano masihto sehe tíre yoaga. 27 ̂ jina tũhomahnoerari dũserore mũsa durucuna pũaro, tiaro tópeinata durucuga mũsa. ̂ yoana cãinata durucuga. Mũsa ̂ durucuchũ, cũiro mũsa mehne macariro mũsa durucuare painare yahu yũhdojaro. 28 Mũsa durucuare yahu yũhdoriro mariachũ mũsa cahmachuna jipihtina mũsa tũhomahnoeraa dũserire durucu duaina durucuena tjiga. ̂ jina masa marienoi Cohamacũ mehne durucuga mũsa. 29 ̂ yoa Cohamacũ yare yahu duana pũaro, tiaro tópeinata yahuga mũsa. Mũsa ̂ yahuchũ paina mũsare tũhoina mũsa yahurire Cohamacũ ya to jichũ noano masijaro. Cohamacũ ya to jierachũ cũhũre noano masijaro. 30 ̂ yoa Espĩritu Santo Cohamacũ yare paireore tói dujirirore to yahu dũcachũ tiro cũhũ Jesu yainare yahu duara. ̂ jiro Cohamacũ yare yahu mũhtariro sehe dihta mariajaro. 31 ̂ jina jipihtina mũsa Cohamacũ yare yahuna, cãinata yahuga mũsa jipihtina paina ti noano tũhohto sehe, ti noano wahchehto sehe. 32 ̂ jina Cohamacũ yare yahuina jina, noano tũho masi, noano tũhotu dapo, durucuina jiga. 33 Cohamacũ to yaina ti cahmachunopũ ti cahma wisiachũ cahmaerara tiro. Dojomehneneno marieno ti noano jichũ cahmana tiro.

Jipihtirorpũ Jesu yaina cahmachua, õ sehe yoara tina: 34 Ti cahmachunoi numiare masa panoi yahu dutierara. Tí numiare mari sehe durucu dutieraja. Cohamacũ to joari pũ to niriro

seheta numiare mware noano yuhtia numia jiro cahmana. Ā jia cahmachunoi numia durucuea tjjaro. **35** Jesu yaina ti cahmachunoi numia ti durucuchu ñaa nina. Ā jiro paye barore masi duaro numino to ya wuhuruta to manunore sinitujaro.

**36** Ahri yu yahuhtire noano masiga musa. Cohamacu durucuaire yahu ducaina jierara musa. Tuhsu, to yare tuhorina musa dihta jierara. Paina cuhu to ya buheare cjuara. **37** Musa mehne macariro “Yuhu Cohamacu yare yahuriro jija”, ni tuhoturiro jiro ahri musare yu joari cjiri Cohamacu to dutia jichu masijaro tiro. Tuhsu, paio “Espiritu Santo to tuua mehne yoa masija”, ni tuhoturiro jiro tiro cuhu ahri yu joari cjiri Cohamacu to dutia jichu masijaro tiro. **38** Tíre to masi duaerachu yu joari cjirire “Potocã jierara”, to nichu tireore duhunocahga. Tuhoenã tjjiga tireore.

**39** Ā jina yu coyea, Cohamacu yare yahuina musa jihtore tuaro cahmaga musa. Tuhsu, musa mehne macaina musa cahmachunoi tuhohahnoeraa duserire ti durucu duachu ā durucu dutiga tinare. **40** Ā cahmachuna noano, cahma dojomehnenno marieno yoaga musa.

### Cristo to masa mujarine yahuha Paulo

**15** <sup>1</sup> Mipure yu coyea, noaa buheare musare yu yahurire musare wacuchu yoa duaja. Tí buheare noano cahmare musa. Ā cahmana tí buheare ā yuhtirucure musa. <sup>2</sup> Musa ā cahmachu tíre musa ā yuhtirucuchu Cristo musare pichacapu wahaborinare yuhduchu yoa tuhsure. Musa ā tuhori baharo Cristo yare musa duhunocachu tí musa tuhori cjiri yaba cjihti jierara.

<sup>3</sup> Ō sehe ni yahu muhtaihtja musare. Ahri wiho waro jierara. Musare buhecū yuhure Cristo to yahuri cjirire musare ō sehe ni yahui: Cohamacu yare ti joariro seheta mari ñaa buhirire Cristo yariari jire. <sup>4</sup> Ā yoa Cohamacu yare ti joariro seheta Cristo to yariari baharo paina to pjacu cjirore copapure ti duhu payori baharo tia dacho jiboroí tiro masa wijaari jire. <sup>5</sup> Tiro to ā masa wijaari baharo Pedrore bajuari jire. To ā bajuari baharo to buheinare bajuari jire tjoa. <sup>6</sup> To ā bajuari baharo cū tahata quiniento bui jinare to yainare tiro bajuari jire tjoa. Cãina tireore ñurina cjiri mipure yariarina cjiri jira. Ti ā jipachuta payu tina mehne macaina cjiri mipure jisinina. <sup>7</sup> Baharo Cristo

Santiagore bajuari jire tjoa. Ñ to bajuari baharo jipihtina to buhe duti to cürinare bajuari jire tjoa.

8 Jipihtina painare to bajuari baharo yũhũ cũhũre bajuare tjoa. Wihãrirocã to quihõri dachoi masa bajuerarirocã to masa bajua nũnũ tiro sehta yũhũ cũhũ Jesure wacũ tua nũnũ tiro jija. Yũ ã jiro jichũ ti baharopũ bajuare Jesu yũhũ cũhũre tjoa. Yũhũreta tiro bajua batoare jũna. 9 Panopũre Jesu yainare ñano yoamai. Ñ yoariro cjiro jicũ paina Jesu to cürina jipihtina ti docapũ waro jija yũhũ. Ñ jicũ mipũ cũhũre Jesu buhe duti to cüboriro jieramaja yũhũ, yũ tũhotuchũ. 10 Ñ jipaihta Cohamacũ yũhũre to cahĩchũ mipũre Jesu to cüriro jija yũhũ. Ñ jicũ tiro yũhũre to cahĩchũ mipũre to cahmaare yoa pahũoja. Ñ jicũ yũhũre to cahĩchũ to yairo ã jinocai nieraja. Jipihtina paina to cürina yũhũdoro yũhũ sehe tuaro buhei. Ñ buhecũ yũ mũ sũro buherahi. Cohamacũ yũhũre cahĩno yũhũre yoadohore. 11 Yũhũ sehe ahri buheare yũ buhechũ tũhorina jiboca mũsa. O paina sehere tũhorina jiboca mũsa. Ñ jipachũta yũhũ, yũhũ mehne macaina cũhũ cũno potori ahri buheare buheja sã jipihtina Jesu to cürina. Ñ sã buhechũ tũhona mũsa sehe ahri buheare noano tũhore.

### Yariarina cjiri ti masa mũjarine yahuha Paulo

12 Cristo to yariari baharo to masa mũjarine sã buhepachũta “Yariarina cjiri ne masa mũjaerara”, nina mũsa mehne macaina cãina. ¿Dohse jiro baro ã nijari tina tíre? 13 Ñ jiro yariarina cjiri ti masa mũjaerachũ Cristo cũhũ ne masa mũjaeraboa. 14 Ñ yoa Cristo to masa mũjaerachũ noaa buheare sã yahuri cjiri ne yaba cjihti jieraboa. To masa mũjaerachũ tirore mũsa wacũ tuaa cũhũ yaba cjihti jieraboa. 15 Masa mũjano mariachũ sã sehe Cohamacũ yare mahũona niboa. Yariarina cjiri ti masa mũjaerachũ Cohamacũ sehe Cristore masa mũjachũ yoaeraboa. To ã yoaerachũ “Cohamacũ Cristore masa mũjachũ yoari jire”, sã nina mahũoina jiboa sã. 16 Yariarina cjirire Cohamacũ masoeraro, Cristo cũhũre tiro masoeraboa. 17 Ñ jiro Cristo to masa mũjaerachũ tirore mũsa wacũ tuaa yaba cjihti jieraboa. Ñ yoa mũsa ñaa yoari buhiri buhiri tiina jisiniboa mũsa. 18 Masa mũjano mariachũ Cristo yaina cjiri yaria mũhtaina cjiri pichacapũ waha tuhsũboa. 19 Cristore mari wacũ tuari baharo mari yariana masa mũja masierana jipihtina paina masa yũhũdoro pjacũoina jiboa mari sehe.

20 Potocãta Cohamacu Cristore masa mujachu yoari jire. Cristo to masa mujari baharo mari cuhu yarianapu masa mujahatina tjija. Tiro a masa mujano, marine suho masa mija muhtariro jira. 21 O sehta jira ahri: Adao mehne masa yaria dcaha. To sehe Jesu mehne yariarina cjiri masa mijaahca. 22 Adao yaina ji nunu tiinapu mari jipihatina yarianahca. To sehta Cristo yaina mari jichu mari yariari baharo marine masa mujachu yoarohca Cohamacu. 23 Caa curuari Cohamacu to quihõiro mu sachu masa mijaahca. Cristo marine suho ji muhtariro masa mija muhtari jire. Baharo tiro ahri yahpapu to tjua tachu mari to yaina cuhu masa mujanahca. 24 Ti pjata pihtiri dacho jirohca. A jiro jipihatina ñaina puhtoare, dutiinare, tuainare cohano Cristo yuhdurucarohca. To a yoari baharo jipihatina bui to puhtoro to jirire Cristo wiarohca Cohamacu to Pacurore. 25 To wiahto pano to Pacuro Cristore nu tuhtinare to yuhduruca pahnohto pano Cristo pinihta jipihatina bui puhtoro jirohca. A jirota jiro cahmare tirore. 26 Tirore nu tuhtinare to yuhdurucari baharo, yariaro cuhure cohã batoarohca tiro. Yariaro pihtia waharohca. Pari turi yariasi masa. 27 Jipihatina bui dutihtiro cjihtore cõri jire Cohamacu Cristore. Jipihatia puo cuhure cõri jire tirore. Ata nina Cohamacu yare ti joari puõ. Cohamacu sehe tirore cõriro jira. A jiro “Jipihatina bui dutihtiro cjihtore cõri jire tirore” nino, “Cohamacu bui dutiriro jira tiro”, nino nierari jire to yare ti joari puõ. 28 Jipihatina bui dutiriro Cristo Cohamacu macno to jichu Cohamacu tirore cõriro sehe to macno bui dutiriro jirohca. A jiro Cohamacu sehe jipihatina bui puhtoro waro jira. Jipihatia puo cuhu jira.

29 ¿Masa mujano mariapachuta dohse yoa paina masa yariarina cjiri ya cjihtire ti bautisarina jajari? Yariarina cjiri masa mjaerachu ti ya cjihtire paina bautisarina ti jichu ti yaba cjihti jieraboa.

30 Sa sehere sa buheri buhiri dachoripe paina sare ti ñano yoa duachu cua nina sa cuhure. Sare a cuapachuta masa mujano to jichu masina a buherucuja sa. 31 Yu coyea, mari puhtoro Jesucristo yaina musa jichu tirore wacu tua namoina musa wahachu yuhu sehe tuaro wahche tuhoutuja musare. Ti potocãta jira. A yoa, “Dohse jiri namui yuhure yariahto cua nina”, yu nichu ti cuhu potocãta jira. 32 Efeso macaina suaina noaa buheare yu buheri buhiri yuhure tuhti, cãhre. Masa

mujano mariachu Jesu yairo yu jierachu, yu ã ñano yuhduri yaba cjihti jieraboa. Wiho waro ñano yuhduri nibo a yuchu. Yariarina cjiri ti masa mjaerachu õ sehe nibo a mari: “Baharo curero yarianahca. Dohse wahasi mari. Ñ jina chu sihnijihna. Mari mu sro yoajihna”, nibo a mari.

**33** Mahnoare tuhoutuena tjiga musa. “Ñainare piti tina, noaa musa yoaa tiare duhunahca musa”, nina masa. Tí potocãta jira. **34** Noaare tuhoutuena jiga musa. Tuhsu, noaare yoaina jiga tjoa. Ñ yoa ñaare yoa namoena tjiga tjoa. Cãina musa mehne macaina sehe ne Cohamacure masierara. Musa buo tihto sehe musare ã nija.

### Yariarina cjiri masa mujaina ti pjacuri cjihtire yahu namoha Paulo

**35** Ñ yoa musa mehne macariro õ sehe ni sinituboca yuhure: “¿Dohse yoa yariarina cjiri masa mjaahcari? ¿Dohse jia pjacuri masa mjaahcari?” ni sinituboca. **36** Ñ sinituriro tuho masierariro seheta bisiro coa tara. Toari yapare mari toari baharo tí yapa baro cahachu waro dura. Tó sehe wahaeraro ne dusi. Tíre masina musa. **37** Bucu yucpüre toaeraja mari. Pja yapari dihtare toaja mari. Tí yapari trigo yapari jia ji, o paye yapari baro jia jiboca. **38** Tí yaparire mari toari baharo Cohamacu to cahmariro seheta tí yaparire bucua mujachu yoara. Ñ yoaro mostaza yaparire mostaza yucu wahachu yoara tiro. Trigo yaparire trigo yucu wahachu yoara. Ñta du dutira Cohamacu. **39** Jipihtina pjacuri cño potori bajuerara. Masa pjacuri sehe cño sehe jira. Wahiquina pjacuri cñhu soro sehe bajura. Minichahca pjacuri cñhu soro sehe bajura. Wahi cñhu soro sehe pjacuri tira.

**40** Ñ yoa muano macaa poca cñhu soro sehe bajura. Tuhsu, ahri yahpa macaina cñhu pjacuri tira. Ñ yoa muano macaina pjacuri soro sehe bajura. Ñ jia ahri yahpa macaa muano macaa yoaro sehe jierara. **41** Ñ seheta jira. Sũ dacho macariro si sitera. Ñ yoa ñami macariro cñhu soro jira. Potota buhriara. Tuhsu, ñahpichoha poca cñhu soro sehe bajua si sitea cjura. Ñahpichoha poca peri cñhure mari ñuchu cãa poca pjiroca sia poca bajura. Ñ yoa paye poca tuaro sia poca bajura. **42** Tó seheta jira yariarina cjiri ti masa mujachu. Masuno to pjacure mari yari baharo to pjacuri baa waharohca. Baharo pa pjacuri soro jiri pjacuri jipihtia dachoripe catihti pjacuri masa



mujanozca. 43 To pjasure mari yachun yariariro cjiro pjasno nina. Cohamacu tiore to masochun to pjasu noa yuhduari pjasu jira. Tuhsu, to pjasu mari yari pjasu wiho jiri pjasu jira. Cohamacu tiore to masochun pinihtare to pjasu wiho jiri pjasu jieraro, tua yuhduara. 44 Ahri yahpa macari pjasure mari yachun tiro yariariro cjiro to masa mujachun to pjasu muanano macari pjasu jirozca. Ahri yahpa macari pjasure mari cjuana, muanano macari pjasu cunhure cjuanahca, masa mujana.

45 O sehe ni yahura Cohamacu yare ti joari pui: "Ahri yahpai ji muntariro Adao wama tiroiro catiriro wahaa tiha", ni joaa tiha. To a jipachuta Adao yoaro sehe jiri bato tiroiro Cristo sehe catiare waro tari jire. 46 Ahri yahpa macari pjasu ji muntari pjasu jira. Baharopu muanano macari pjasu jirozca. 47 O seheta jira: Ji muntariro Adao sehe ahri yahpa macariro dihta mehne to yoari pjasure pjasu tiri jire. To baharo tariro, Cristo sehe muanopu tari jire. 48 Dihta mehne ti yoari pjasu ti muntariro to jiriro seheta jipihtina paina dihta mehne to yoari pjasu tiina jija mari. A yoa muanopu tariro yoaro seheta to yaina jipihtina to yoaro sehe pjasu tiina jinahca mari. 49 Dihta mehne to yoari pjasu tiroiro Adao yoaro sehe bajuja mari. Baharo muanano macariro Cristo yoaro sehe bajunahca mari.

50 Yu coyea, musare ahrire yahu duaja: Ahri yahpa macari pjasu di mehne, dihi mehne jiri pjasu puhtoro Cohamacu to suho jiropure muanopure ne wahasi. Mari pjasuri baahti pjasuri jira. A jia muanopu jipihtia dachoripe mari jihtopure ahri pjasuri wahasi. 51 Panopure masa ti masierari cjirire mipure musare yahu duaja: Mari mehne macaina cana yariasi. A jina dolicata, mari pjasurire cohtotaina jinahca. 52 Corneta to puti batoari dachoi ata waharohca marine. Dolicata, mari capari wihmitjia mari nu pjorocarose o sehe waharohca. Corneta to bisiri baharo yariarina cjirire Cohamacu masonohca jipihtia dachoripe mari jihtina cjihtire. Tuhsu, mari pjasurire cohtotaina jinahca mari cunu. 53 Mari pjasurire to cohtotachun to pano mari baahti pjasuri ti jipachuta mari cohtotari baharo ne baasi. A yoa mari pjasuri ti cohtotachun to pano mari yariahti pjasuri ti jipachuta ne yariasi. 54 Mari bahti pjasuri ne baerahti pjasurire cohtotarohca. A yoa mari yariahti pjasuri a jirucuhti pjasurire cohtotarohca. Marine to a cohtotachun panopu to joariro seheta a waharohca: "Naina mari jiri buhiri tiare Cristo to cohã pahñori baharo, Cohamacu yariarore cohãnocari jire.

55 Ne pari turi mari yariasi. Ñ jina yariaro mehne pari turi ñano yũhdũsi mari”, ni joaa tiri jire panopũre. 56 Mari ñaa buhiri jichũ pinihta yariaropũ ñano yũhdũnahca. Ñ yoa Cohamacũ dutia Moise cjirore to cũri cjirore mari masiri baharo, buhiri tija mari. Ñ jiro marine pichacapũ waha dutira Cohamacũ dutia. 57 To ã dutipachũta mari pũhtoro Jesucristo sehe marine pichacapũ wahaerachũ yoara. To ã yoariro jichũ masina Cohamacũ mehne wahche “Noana”, nija mari.

58 Ñ jina yũ coyeya, yũ cahĩina, Cristore wacũ tua duhuena tjiga. Ñ yoana paina mũsare noaa buheare ti cohã dutichũ, ne cohãena tjiga tíre. Ñ yoa dachoripe mari pũhtoro Jesucristo to yoa dutirire noano yoarucuga mũsa. Mari pũhtoro Jesucristo yare mari yoachũ, ahri wiho waro jierara. Ahrire masina to yoa dutirire noano yoarucuga mũsa.

### Painare Jesu yainare Corinto macaina niñeru ti wahtire yahuha Paulo

**16** <sup>1</sup> Mipũre painare Jesu yainare mũsa niñeru wahtire yahu duaja mũsare. Galacia yahpa macainare Jesu yainare yũ dutiriro seheta mũsa cũhũ yoaga. <sup>2</sup> Somanaripe domingo jichũ jipihitina mũsa Jesu yainare wahti cjihti niñerure mahanocã waga. Mahanocã cjuana mahanocã waga. Ñ yoa pji curero cjuana pji curero waga. Somanaripe mũsa ã yoachũ mũsa cahapũ yũ sũchũ mũsa warocahti cjihti niñeru ji tuhsũrohca. <sup>3</sup> Mũsa wahtire, mũsa warocahtina cũhũre yahuri pũre joaihtja. Ñ jicũ mũsa cahapũ sũcũ tí pũre Jerusalẽpũ wahahtinare mũsa beserinare waihtja. Ñ wa tuhsũcũ Jesu yainare mũsa warocari niñerure nahtina cjihtire tinare warocaihtja Jerusalẽpũ. <sup>4</sup> Tí macapũre yũ yoahti jichũ yũhũ cũhũ wahaihca. Yũ ã wahachũ yũhũ mehneta tina wahaahca.

### To tinihto cjihtore yahuha Paulo

<sup>5</sup> Macedonia yahpa macainare masa boca yũhdũihca yũhũ tinare. Yũhdũ wahcã, mũsa cahai Corintopũ sũihca. <sup>6</sup> Tópũ sũcũ mũsa mehne mahaa dachoricã jiboca yũhũ pa tehe nicũ. Yoa cureri pja puhiro puro mũsa mehne jiboca yũhũ. Ñ jina pa seherũ yũ wahachũ mũsa cũhũ yũhũre yoadohoroca masina. <sup>7</sup> Mahaa nũmũricã ji duaeraja yũhũ mũsa mehne. Ñ jicũ Cohamacũ cahmachũ yoa cureri pja mũsa mehne jiihtja yũhũ. <sup>8</sup> Ñ ji duapaihta Pentecoste bose nũmũri jichũpũ Efesoi

jisiniihca yũhũ. <sup>9</sup> Õi Efesoi mipũre mari pũhtoro Jesu yare tũho duaina payũ jira. Ti ã tũho duachũ tinare yahuja. Yũ ã yahuchũ yũhũre ñũ yabiina payũ jira.

<sup>10</sup> Timoteo yũ yoaro seheta mari pũhtoro yare yoara. To ã yoariro jichũ mũsa cahapũ to sũchũ noano mehne tirore piti boca, tiro mehne noano wahchea mehne jiga mũsa. <sup>11</sup> ã yoana tirore ñũ yabiro marieno noano mehne piti bocaga mũsa. Tuhsũ, to coha sitichũ noano mehne tirore yoadohorocaga yũ cahapũ to tjua tachũ. Tiro paina Jesu yaina mehne ti tahtore cohtana nija sã. ã jina noano mehne yoadohorocaga tinare.

<sup>12</sup> Apolo mari coyeiro Jesu yairo mũsare to ñũno wahachũ tuaro cahmamahi. ã jicũ tirore waha dutimahi paina Jesu yaina mehne to wahahto cjihtore. Yũ ã waha dutipachũta mipũre tiro waha duaerare. ã jiro baharo tirore yoaa mariachũ mũsa cahapũ waharohca tiro.

### Paulo noa duti batoaha

<sup>13</sup> Noano wacũ masiga mũsa. Cristore wacũ tua duhuena tjiga mũsa. Ne cuieraina jirucuga mũsa. ã yoa Cohamacũ tuaa mehne wacũ tuaina jirucuga mũsa. <sup>14</sup> Dohse jiare mũsa yoana, painare cahĩa mehne tíre yoaga mũsa.

<sup>15</sup> Mipũre yũ coyea mũsare ahrire yahu duaja: Estéfana ya wũhũ macaina Acaya yahpa macaina noaa buheare tũho mũhtaina, ti ya yahpai Cristore wacũ tua mũhtaina jire tina sehe. Tuhsũ, painare mari coyeare Jesu yainare noano yoadohorucure tina. Tíre mũsa masina. <sup>16</sup> Tina yoaro sehe jĩinare, paina Cristo yare yoadohoinare mũsa noano yũhtichũ cahmaja yũhũ. <sup>17</sup> Estéfana, Fortunato, Acaico cũhũ yũ cahapũ wihi tuhsũhre. Õi ti jichũ pjĩro mehne wahcheja yũhũ. Mũsa mariachũ mũsare tuaro wacũi nimahi yũhũ. ã jicũ tina ti wiwichũ wahcheja yũhũ. <sup>18</sup> Tina mehne jicũ noano yajeripohna tiriro wahahi yũhũ mũsa cũhũ tina mehne mũsa wahcheriro seheta. Tinare noano ño payoa mehne tũhoga mũsa. ã yoa paina tina yoaro sehe jĩina cũhũre ño payoa mehne tũhoga.

<sup>19</sup> Asia yahpa macaina Jesu yaina mũsare noa dutira. ã yoa Aquila, Priscila, ti ya wũhũi cahmachuina mehne Cristo to cahĩa mehne mũsare pjĩro noa dutira. <sup>20</sup> Õ macaina Jesu yaina jipihtina mũsare noa dutira. Mũsa mehne macainare noano mehne piti bocasinia.

21 Yñhñ, Paulo yñ basi ahri dihtare joaja. Məsare noa dutija.

22 Mari pñhtoro Jesucristore paio to cahñerachñ, Cohamacñ tirore buhiri dahrejaro. Mari pñhtoro cjero tjua tajaro.

23 Yñ coyea mari pñhtoro Jesucristo məsare jipihtinare to cahña mehne noano yoajaro. 24 Yñhñ Jesucristo yairo jicñ, to yaina mñsa cñhñ mñsa jichñ məsare tuaro cahña.

## 2 Corintios

### Õ sehe ni joarocaha Paulo Corinto macainare

**1** 1 Yũhu Paulo Jesucristo buhe dutiro to cũriro jija. Cohamacũ to cahmariro seheta cũre yũhũre Jesu. Yũhũ, mari coyeiro Jesu yairo Timoteo mehne mũsare Cohamacũ yainare, Corinto macainare joarocaja tjoa. Jipihtina Cohamacũ yainare Acaya macainare mũsa cũhũre joarocaja. 2 ã jina Cohamacũ mari Pũcũ, mari pũhtoro Jesucristo mehne mũsare noa dutija. Cohamacũ to cahĩa mehne to yoadohoa mehne noano jiga mũsa.

### Paulo to ñano yũhdũrĩre õ sehe ni yahuha

**3** Mari pũhtoro Jesucristo Pũcũro Cohamacũ marine pja ñũna. ã jiro tiro marine ã yoadohorucura. “Noa yũhdũariro jira tiro”, nijihna mari. **4** Mari ñano yũhdũchũ ñũno jipihtinare marine to yainare yoadohora tiro painare mari yoadohohto sehe. Cohamacũ marine to yoadohoa mehne mari cũhũ paina cũhũre yoadohonahca. **5** Cristo yaina mari jiri buhiri mari ñano yũhdũchũ tiro tuaro yoadohorohca marine. **6** Sã sehe mũsare yoadohona ñano yũhdũja. Cristo mehne mũsa yũhdũhto sehe mũsare sã yahuri buhiri ñano yũhdũja. ã yoa Cristo sãre to yoadohochũ sã sehe mũsa cũhũre yoadoho masija. ã jina sã ñano yũhdũriro seheta mũsa cũhũ ñano yũhdũna, noano mehne cũno pjanahca mũsa. **7** Noano mehne mũsa cũno pjahtore sã masija. Sã ñano yũhdũriro seheta ñano yũhdũre mũsa cũhũ. ã jina Cohamacũ to yoadohoa mehne wahche, sã cũno pjariro seheta mũsa cũhũ wahchena, cũno pjanahca.

**8** Sã coyea, mipũre ahri yũ yahuhtire mũsa noano masichũ sã cahmaja. Asia yahpai ñabiaro yũhdũi sã. Õ sehe ni tũhotumai sã: “Ne bihosi mari. Ne cũno pjasi. ã jina mari yarianahca”, ni tũhotumai sã. **9** “Marine wajãnocaaahca”, ni tũhotumai sã. ã ñano yũhdũna Cohamacũ dihtare tuaro sã wacũ tua namoi. Sãre ti ñano yoachũ cahmaha Cohamacũ tirore sã wacũ tua namohto sehe. Tiro sehe yariainare masoriro jira. ã tirore wacũ tuana sã mũ sũro sã cũno pjaerarire masija. Cohamacũ sehe

marine yoadohora. 10-11 Sãre cuabiaro jipachuta to yoadohoro mehne sã yũhdui. Baharopu cũhũre pari turi sãre yũhdorohca. Sãre Cohamacũre mũsa sini payochũ tiro sãre yoadohorohca. Sãre to yoadohohtore masija sã. ã jina sãre to yoadohochoũ ñũna, tirore “Noana”, ninahca mũsa. Payũ mũsa sini payorire to yũhtichũ ñũna wahche, “Noana”, ninahca mũsa Cohamacũre. Payũ paina cũhũ ãta niahca.

### Paulo Corintopũ to waha duamarire yahuha

12 Mũsa mehne sã jirire wacũna wahchea mehne õ sehe tũhotuja sã: Ahri yahpai Cohamacũ to yoadohoa mehne mahũono marieno noano mehne masare piti ti buhehi. Mũsa pinihtare noano piti ti buhehi. Õ sehe yoana sã mũ sũro sã masia mehne yoaerahi. Cohamacũ cahĩa mehne to tuaa mehne ã yoahi. 13-14 ã yoana noano yahu joarocahi mũsare, noano mũsa masihto sehe. Mipũ sãre mũsa masi pahũohto dũhsasinina mini. Sã jia tiare mũsa noano masichũ tuaro cahmaja sã. ã sãre noano masina, mari pũhtoro Jesu to tũja tachũ sã mehne wahchenahca mũsa. Mũsa mehne sã wahcheriro seheta mũsa cũhũ sã mehne wahchenahca.

15-16 Õ sehe nicũ Macedonia yahpapũ waha duamaja yũhũ. ã wahacũ mũsare ñũ yũhdu wahcã duamaja yũhũ. ã jicũ tũpũre sũricũ tũja tacũ pari turi mũsa mehne mahaa nũmũricã jiboca yũhũ. ã jina pũa taha mũsa mehne yũ jichũ ñũna pũro yũhũ mehne mũsa wahcheboca. Baharo mũsa cahapũ jiricũ Judea yahpapũ yũ wahachũ ñũna yũhũre yoadohoboca mũsa. 17 “Wahaihtja”, yũ nichũ tũhorina jina mũsa cahapũ yũ sũerachũ ñũna “Paulo mahũono niri jira”, ¿ni tũhotujari mũsa? “Wahaihtja”, nicũ yũ mũ sũro ã nicũ nieraja yũhũ. “To niriro seheta yoaerara”, ¿yũhũre ni tũhotujari mũsa? 18 Õ sehe ni mahũoriro jieramaja yũhũ. ã jicũ “Yoaihtja”, nicũ yũ niriro seheta yoaja yũhũ. Tĩre masina Cohamacũ. 19 Yũhũ, Sila, Timoteo mehne Jesucristo Cohamacũ macũno yare mũsare yahui sã. Cristo sehe “Yoaihtja” nino, quihũno yoariro jiro nina. Cohamacũ to niriro seheta Cristo yoara. 20 Jipihtiare Cohamacũ to yahurire Cristo yoa pahũoha. To ã yoariro jichũ ñũna Jesu yoadohoro mehne to yare sã painare “ã tũjira”, ni yahuja Cohamacũre ti ño payohto sehe. 21 Cristo yaina marine jirucuchũ yoariro Cohamacũta jira. ã jiro to yare yahuhtinare sãre besere tiro. 22 ã yoa to yaina mari jiare ñũno tĩre marine

masichu yoara tiro. Ñ yoaro, Espiritu Santore mari mehne ji dutire tiro. Mari mehne jiro tirota marine Cohamacu to yuhdohtore masichu yoara.

23 Mipure poto yahuihtja musare. Poto yu yahuerachu Cohamacu sehe musare poto yahujaro. Tirota yu tuhoutuare masina. Musare tuhti duaeracu musa cahapu wahaerahi. “Musare cahyachu yoari”, nicu musa cahapure Corintopu wahaerahi. 24 Ñ jina “Musare wacu tua dutiina jija sa”, nina nieraja. Cristore noano wacu tua tuhsure musa. Ñ jina “O sehe Cristore wacu tuaro cahmana musare”, nina nieraja sa. Musare yoadoho duaja sa musa noano wahchehto sehe.

**2** 1 Ñ jicu o sehe ni tuhoutu: “Pari turi tinare cahyachu yoa duaeraja. Ñ jicu mipure wahaeraja”, ni tuhoutu. 2 Musare cahyachu yoa duaeraja. Musa cahyachu ñucu yuhu sehe musare wahcheraboa. Ñ jina yuhure wahchechu yoahatina jieraboa musa sehe. 3 Ñ jicu musa cahapu wahaerahi. Wiho mejeta musare wiho joaroca bahrañohi. Musa yuhure wahchechu yoahatina jipanahta yuhure cahyachu yoaboa musa, musa cahapu yu suchu. Musa mehne yu wahchechu, musa cihu wahchenahca. Tíre masija yuhu. Ñ jicu mipure musa mehne cahya duaeracu wahaerahi musa cahapu. 4 Pjiro tuhoutu, ñano yajeripohna ticu, tuaro yahco mehne musare joarocapacuta musare cahyachu yoa duaerahi. Musare tuaro yu cahíre musare masichu yoa duacu musare joarocahi.

### **Tina mehne macariro to ñano yoarire bo dutiha Paulo Jesu yainare**

5 Cãiro musa mehne macariro yuhure cahyachu yoariro jire. Wiho mejeta musare to tuaro cahyachu yoariro seheta yuhu sehene pjiro cahyachu yoerare tiro. Ñ ñano yoariro cãina musa sehene tua curero cahyachu yoayuhti. “Tua curero”, nija yuhdo curero yahu duaeracu. 6 Payu musa mehne macaina tirore buhiri dahre tuhsayuhti. Tó purota buhiri dahre duhuro cahmana tirore. 7 Tirore musa buhiri dahrerucuchu tuaro cahyaboca tiro. Ñ jiro Cristo yare duhuboca. Ñ jina to ñaa yoarire boga musa. Tirore yoadohoga to wahchehto sehe. 8 Tuhsu, tirore noano yoaga musa tirore musa cahíre to masihto sehe. Musa ñ yochu tuaro cahmaja yuhu. 9 Tó pano musare joarocacu “¿Potocãta yuhure yuhtiahcari?” nicu ñ ni yahu joarocahi musare. Yuhure musa yuhtichu ñ duacu

mũsare ã ni joarocahi. **10** Mipũre to ñaa yoarire mũsa bochu ñũcu yũhu cũhu tíre boihtja. Yũhũre ñano yoerari jire tiro. Mũsa sehere ñano yoayulti. To ã jiriropũ jipachũta to ñaa yoarire boja yũhu cũhu. Mũsare noano yoadoho duacu Cristo to ñũrocaroi to ñaa yoarire boja. **11** Tíre boja Satana marine to yũhdũrucarahto sehe. Tiro marine ñaare yoachũ cahmana. Tíre noano masija mari. ã jina Jesu yaina ti ñaa yoarire wacũrucueraja mari, “Tinapũ Satana yare cahmari”, nina.

**Tróade wama tiri macai jiro Titore bocaeraro  
pjíro cahya tũhotuha Paulo**

**12** ã yoa Tróade wama tiri macapũ sui Cristo yare buhe duacu. Tórpũ yũ jichũ payũ masa noaa buheare tũho duaina jire. Mari pũhtoro to yoadohoa mehne to yare yũ buhehtina payũ masa jire. **13** ã jipachũta mari coyeirore Titore bocaeracu pjíro cahya tũhotui. ã jicũ tó macainare coha siti tuhsũcu Macedonia yahrapũ wahai.

**Cristo to yoadohoa mehne ñaare yoarucueraja mari**

**14** ã yoa Cohamacũ Satanare to yũhdũrucari baharo mari cũhũre tirore yũhdũrucachũ yoara, Cristo mehne ñaa yoare marine duhuchũ yoaro. Surara mahapũ pari pohna wahaga ti yũhdũrucarire ti yoa ñono seheta mari cũhũ Cohamacũ mehne Satanare mari yũhdũrucarire yoa ñona nija Cohamacũ mehne. ã jina “Noana”, nija tirore. ã jina Cohamacũ marine to dutichũ masina jipihtiropũ Cristore masare masichũ yoaja mari. ã tirore masia tina noano wahchera me sitiare ti wahcheriro seheta. **15** Cristo yaina jina, Cohamacũ sehere wahchechũ yoaja mari, me sitiare mari wahcheriro seheta. ã jia Cristo yaina mari jia tiare ñũ masina paina Cohamacũ to yũhdohtina. Paina ti ñaa buhiri pichacapũ wahahtina cũhũ Cristo yaina mari jia tiare ñũ masina. **16** Cristo yaina mari jichũ ñũa, ti ñaa buhiri pichacapũ wahahtina sehe pichacapũ ti wahahtore masina. Cohamacũ to yũhdohtina sehe marine Jesu yainare ñũa jipihtia dachoripe tiro mehne ti jihtore masina. ã jia Cristo ya wiho jia buhea jierara. ã jiro ahrire Cristo yare to mũ sũro buhe sohtori tiri ne mariaha. **17** Payũ paina Cohamacũ yare buhemana niñerure wapata duaa. Sã sehe tina yoaro sehe yoeraja. Mahñono marieno Cristo to tuua mehne to yare buheja sã. Cohamacũ sãre to cũchũ to ñũrocaroi noano buheja sã.



**3** <sup>1</sup> ¿Pari turi sã jia tiare m̄sare yahuna nijari sã, m̄sa t̄hotuch̄? Paina m̄sare ti buhehto pano ti jia tiare masi duana ti joari p̄re cahma m̄htare m̄sa. Sãre masi tuhs̄ra m̄sa. ¿Sãre masipanahta tí p̄ barore cahmajari m̄sa? ¿O paina cahap̄ sã buhena wahana tí p̄ barore sãre nano cahmajari, m̄sa t̄hotuch̄? <sup>2</sup> Tí p̄ barore cahmaeraja sã. M̄sa sehere jipihtina paina ñ̄a m̄sare sã noano buherire masiahca. M̄sare sã buhech̄ Cristo yaina ji d̄care m̄sa. <sup>3</sup> ã jina tí p̄ baro yoaro sehe jira m̄sa sehe. Cristo painare to joarocari p̄ yoaro sehe jira m̄sa. Tí p̄re tiro to joarocaboro seheta, Esp̄ritu Santo tuaa mehne m̄sa jia tiare noano cohtotach̄ yoari jire Cristo, painare to tuaare ñ̄ono taro. Potota tinta mehne to joarocari p̄ yoaro sehe jierara m̄sa. Cohamac̄ catihiro waro to Esp̄ritu Santo mehne m̄sare cohtotach̄ yoaro, joarocari p̄ painare to joaroca ñ̄ono seheta, m̄sa sehe Cristo yaina wahana, to yare m̄sare sã quih̄no buherire noano ñ̄ona painare. <sup>4</sup> Ahrire jipihtiare michapucacã ȳ ni joarire t̄hotuja sã Cohamac̄re noano wac̄ tuana. Cristo to yoadohoa mehne ã wac̄ tuarucuja sã. <sup>5</sup> “Sã m̄ s̄ro ahri dahraare yoaja sã”, ni masieraja sã. Cohamac̄ to yoadohoa mehne bihoja sã.

<sup>6</sup> Mip̄re to yahuare noaa buheare Cohamac̄ sehe noano sãre buhe masich̄ yoara. Ahri buhea panop̄ to dutia to joari cjiri yoaro sehe jierara. Noaa buhea sehere buheja sã. Panop̄ to dutirire mari m̄ s̄ro ne bihoeraja. ã mari bihoerari buhiri pichacap̄ wahaboa mari. Noaa buhea sehere t̄hona Esp̄ritu Santo to yoadohoa mehne Cristore wac̄ tuaja. ã wac̄ tuana jipihtia dachoripe Cohamac̄ mehne jirucunahca mari.

<sup>7</sup> Cohamac̄ to dutiare c̄no tãa p̄j̄nip̄ joa õ tuhs̄, Moise cjirore c̄ri jire. To ã c̄ri baharo to si sitea bajuari jire. Moise cjiro w̄hd̄a si siteri jire. Minoa ȳhd̄ari jire. Baharo tí si sitea pihtia wahari jire. Baharo to si sitea to pihtia wahahto to jipach̄ta wahmanore to w̄hd̄are masa ne ñ̄roca õa bihoerari jire. Tí dutiare masa ti yoa pah̄oerari buhiri pichacap̄ wahahtina jia tiri jire. ã jia tí dutia masare pichacap̄ waha dutipahta, tuaro si sitea mehne ji d̄cari jire tí dutia.

<sup>8</sup> Tí dutia ȳhdoro noaa buhea sehe noa ȳhd̄ara. Ahri buheare painare mari buhech̄ ti noano t̄hoch̄ Esp̄ritu Santo tina mehne jirohca. ã jia panop̄ macaa dutia ȳhdoro Cristo ya sehe noa ȳhd̄ara. <sup>9</sup> Cohamac̄ dutia panop̄ macaa masare

pichacapur̃ waha dutiri jire. Ñ dutipahta Cohamacu tuaa mehne to si sitea mehne ji ducari jire. Tí yũdoro noaa buhea sehe Cohamacu to tuaa mehne jira. Tí buhea mehne noaina wahara masa Cohamacu to ñuchũ. **10** Panopũ Cohamacu to dutiri cjiri sehe wiho jia dutia yoaro sehe tjuanocahna mipũre noaa buhea mehne mari ñũ piti bocachũ. Noaa buhea sehe noa yũhdũara. **11** Panopũre to dutia yoa cureri pja si sitea jirucuma, pihtia wahaha. Tí dutia yũdoro noaa buhea sehe noa yũhdũara. Tí buheare noano tũhona, Cohamacu mehne ã jirucunahca.

**12-13** Mari ã jirucuhtore masina, cuiro marieno noaa buheare noano yahu pahñonocaja sã. Moise cjiro sehe sã yoaro sehe yoerari jire. “Cohamacu to si sitea pihtiro nina’, Israe masa ni ñũri”, nino to wũhdũare ducatarari jire Moise cjiro. Sã sehe tiro yoaro sehe yoeraja. Cuiro marieno, ducataro marieno to yare noaa buheare buheja sã. **14** Tí pjarũ macaina Israe masa sehe ne masiera tiri jire. Mipũ cũhũre Cohamacu yare panopũ to joaa pũrine tina buhea, ne masierara. Moise cjiro to wũhdũare to ducatachũ Cohamacu to si siteare ti ñũroca òerariro seheta tina noaa buheare noano masierara. Cristore cahmaeraa, masisi tina. Tirore noano wacũ tuaa, tí pja pinihta to yare masiahca. **15** Mipũ cũhũre Israe masa Cohamacu dutia Moise cjirore to cũrire buhea, tinare ducataro seheta noaa buheare ti tũhoborore ducatarari. **16** Mari sehe mari pũhtoro mari cahmachũ tirota marine masichũ yoara. Moise cjiro to wũhdũa ducatarore to nanocaboriro seheta mari pũhtoro marine to yare noano masichũ yoara. **17** “Mari pũhtoro” nicũ, Espĩritu Santore nii nija. Cohamacu to Espĩritu Santo mari mehne to jichũ pichacapur̃ wahaborinare to yũhdoina jija. Ñ jina “Panopũ macaa dutia mehne mari yũhdũnahca”, nieraja mari. Ñ jina tí dutiare duhuna, Espĩritu Santo to cahmano seheta yoaja mari. **18** Ñ jina Jesu yaina jina, Cohamacu yahuare masija mari. Ti wũhdũa pocare ducataro marieina yoaro seheta Cristo to tuare ñona nija mari. Ñ jiro mari pũhtoro Espĩritu Santo marine noaa sehene cohtotachũ yoaro nina. To ã yoachũ Cristo noa yũhdũariro to jiro seheta wahana nija mari.

**4** <sup>1</sup> Ñ yoa Cohamacu sãre pja ñũno, noaa buheare yahuhinare cũre sãre. To ã cũrina sã jiare masina, to yare buhena pomerana, bũjũa witi tũhotueraja. <sup>2</sup> To yare buhena mahño cure buheraja. Tuhsũ, sã tíre cohtotaeraja. Soro curero buhena bũoro yũhdũboa. Ñ jina tó sehe yoare

cahmaeraja sã. Cohamacu to ñurocaroi jija sã. Ñ jina noaa buheare noano quihõno buheja sã. Sã ã buhechu ñua tíre noano masina sãre tuhoina. <sup>3</sup> Sã ya buheare noaa buheare buheja sã. Sã tíre buhepachuta paina ne noano tuhoerara tíre tinare ducataro seheta. Ñ tuhoeraina pichacapu wahahtina jira. <sup>4</sup> Satana ñariro ahri yahpa macaina bui puhtoro tinare masierachu yoara. Capari ñueraina ti ñu masieraro seheta masierachu yoara tinare. Noaa buheare Cristo tua yuhdurucu suriro ya buheare ti masierachu yoara tiro. Cristo sehe Cohamacu to jia tiare marine masichu yoara. Tiro Cristo Cohamacu waro jira. <sup>5</sup> Sã buhena “Sã sehere ño payoga”, ni buheraja. Ñ sehe ni buheja sã: “Jesucristo sehe jira mari puhtoro”, ni buheja sã. Sã sehe Jesure yuhtiina jina, musare dahra cohtaina yoaro sehe jina, to yare musare buheja sã. <sup>6</sup> Panopu õ sehe niha Cohamacu: “Nahitianopure buhriaro jiga”, ni dutiha tiro. Mipure tirota jira marine to tuaare masichu yoariro. Buhriarocaró marine to noano bajuchu yoaro seheta, tiro to tuaare marine masichu yoara. Cristo Cohamacu tuaare, to jia tia cühure marine masichu yoara.

### Cristo to tuaa mehne mari jija

<sup>7</sup> Ñ masiina jina, to tuaare, noa buhea cühure painare masichu yoaja. Ñ yoaina jipanahta wiho jiina jija sã. Dihi biato dóihta to wahtiro yoaro seheta sã cühu wiho jiina jija. Ñ jipanahta Cohamacu to tuaare, noa buhea cühure painare buheja sã. Sã ã buhechu ñua, wiho jiina sã jichu ñua, sãre tuhoina õ sehe ni, masiahca. “Ti mu saro ahri buheare masierara. Cohamacu sehe tua yuhduriro tinare masichu yoara”, ni masiahca paina sãre. <sup>8</sup> Jipihina paina sãre ñano yoapahta Cohamacu sãre to yoadohochu tina sãre yuhdurucaerara. Ñ jina “Ñano yuhduna nija”, ni tuhótupanahta, Cohamacu yare ne duhueraja. <sup>9</sup> Sãre ti ñano yorarucupachuta Cohamacu sãre ã yoadohorucura. Sãre ti cjãroca cü mujapachuta to yoadohoa mehne yarieraja sã. <sup>10</sup> Ti wajãhtina jinocanata nija sã, Cristo ahri yahpai to ñano yuhduriro seheta. Ñ ti wajãhtina jinata nija sã Cristo catiare wariro to jiare masa ti masihto sehe. Sã ã ñano yuhduchu ñua tíre masiahca masa. <sup>11</sup> Ñ yoa dachoripe sãre paina nu wajãhto cuara Cristo yaina sã jiri buhiri. Ñ seheta ñano yuhduja sã Cristo to catiare wariro to jiare paina ti masihto sehe. Sã pjacuri baharo yariaa wahaahca. Sã ã

wahahtina jipanahta Cristore catiare warirore masichu yoaja sã painare. 12 Ñ jia musare sã buheri buhiri sã sehere paina nu wajãhto cuara. Sã buheare musa tuhori baharo jipihtia dachoripe Cohamacu mehne jirucuhtina jira musa.

13 Cohamacu yare ti joari pui õ sehe nina: “Cohamacure wacu tuacu, to yare yahuhi”, ni joaa tiha panoru macariro. Sã cuhu to sehetã yoaja. Cohamacure wacu tuana, to yare yahuja. 14 Ñ buheja sã ahri yu nihtire noano masina: Cristo to yariari baharo Cohamacu tirore masori jire. Ñ jiro Cristo yaina mari jichu ñno tiro mari cãhure masonohca. To ã masori baharo to caharu naanohca marine. 15 Ñ jina musare yoadohona, ñano yuhduja sã. Ñ jina Cristo yaina musa payu wahana, payu musa Cohamacure wahchea mehne ño payonahca. Tirore “Noana”, ninahca.

16 Musa ã wahachu ñna, sã ñano yuhdupanahta cahyaeraja. Ñ jina Cristo yare buhe duhueraja. Dachoripe wahyarucuna nija sã. Sã ã wahyarucupanahta dachoripe wahcheina jirucuja sã. 17 Mipure ñano yuhdupanahta ñano yuhdu dojoeraja. Tí mari ñano yuhdu pihtia wahaahca. Ñ jina marine mahanocã ñano yuhduro cahmana. Ñ mari ñano yuhdurina cjiri jina, baharopure pjiro wahchea mehne jirucunahca Cohamacu mehne. Ñ jina mari ñano yuhduri yuhduro pjiro wahchea mehne jirucunahca. 18 Mari ñari cjiri baa pihtia wahaahca. Mari ñerari sehe ã jirucuahca. Ñ jina mari ñeraare Cohamacu yare ã wacurucuja mari. Ñ wacurucuna baharopu mari noano jiltore wahcheja.

**5** 1 Wuhure to cohãboriro sehetã baharo mari pjacuri sehe butia wahaahca. Ñ jiro wahma wuhure to yoaboro sehetã Cohamacu wahmaa pjacurire yoarohca. Ñ yoaro tí pjacurire marine warohca. Tí pjacuri masa ti yoaa pjacuri jierara. Ñ jina manoru ã jirucunahca tí pjacuri mehne. Tíre mari masija. 2 Ñ jina tí pjacurire mano macaa pjacurire tuaro cahmana, mari ã cohtarucuna nija. 3 Tí pjacurire tuaro cahmaja, mari yariari baharo suhti marieina mari jiboro sehetã pjacuri marieina ji duaerana. 4 Mipure ahri pjacurire cohã duaerapanahta wahmaa pjacuri sehere tuaro cohtaja mari. Mipure mari pjacurire cohã duaerapanahta jipihtia dachoripe Cohamacu mehne mari jiltore tuaro cahmaja mari. Ñ jina ahri mari pjacuri yariahti pjacuri ti jichu masina, wahmaa pjacuri mehne Cohamacu mehne ã jirucu duaja mari. 5 Mari ã jirucuhtore

cahnore Cohamacu sehe. Ñ cahnono Espíritu Santore ware marine. Ñ jiro Espíritu Santo mari mehne jiro, marine Cohamacu to yoahore “Potocã tjira” nino, marine masichu yoara tiro.

6 Ñ jina Cohamacure wacũ tuarucuja mari. Cuiro marieno jija mari. Ahri mari ji mũhtari pjacui jina, mari pũhtoro mehne jierasiniya. 7 Mũano macaare Cohamacu cũhure mari ñũerapanahta “Tí potocãta jira”, ni tũhotuja mari. Ñ jina tirore wacũ tuaja mari. 8 Ñ jina mari cuieraja. Mari pjacũrire ahri yahpai cohãna mari pũhtoro mehne mũanopũ jirucunahca mari. Ñ yoa mari yariachũ noa nina marine. 9-10 Ñ jina Cristore wahchechũ yoa duaja mari. Ahri yahpa macari pjacũ mehne jisina tirore wahchechũ yoa duaja. Mũanopũ cũhure tirore wahchechũ yoa duaja.

Jipihtina Cristo cahapũ mari wahachũ ñũno tiro mari yoarire ñũno marine beserohca. Ñnano mari yoarire masinohca tiro. Ñ masino wapa marieno to waborire marine wasi tiro. Noaare mari yoari cũhure masinohca. Ñ masino wahchero marine noano yoarohca. To ã masiriho jichũ ñũna tirore wahchechũ yoa duaja mari.

### **Cohamacu marine to ñũ tuhtichũ ñũno Cristo marine yahura**

11 Ñ jina cua pisaro mehne Cristore ño payoro cahmana marine. Ahrire masina, Cristo yare masichũ yoaja sã masare. Tinare cuisãana, tirore wacũ tuachũ yoa duaja sã tinare. Noano mehne sã tíre sã buherire Cohamacu noano masina. Sã ã buherire mũsa cũhure noano mũsa masichũ cahmaja yũhũ. 12 Pari turi noaina sã jia tiare mũsare yahuna nieraja. “Painare yũhdũrucaja”, niinare mũsa yahuhto sehe noano mehne sã buherire yahuna nija sã mũsare. Tina sehe ti tũhotuapũ ñaina jipahta masa ti ñũrocaro dihta noaina yoaro sehe yoa ñomana. Ñ jina sã mehne mũsa wahchehto sehe ahri jipihtiare mũsare yahu joana nija. “Paulo cũhũ sãre noano mehne buhere”, sãre painare mũsa ni dũcatahto sehe ahri jipihtiare mũsare yahu joana nija. 13 ¿Sã õ sehe ni yahuna tũho masieraina jijari sã, mũsa tũhotuchũ? Masa sãre ñũa, tũho masieraina yoaro sehe ñũna sãre. Cohamacu yare sã yoachũ ñũa ã ni ñũboca sãre. Ti ã ñũborina jipanahta ã jiina jieraja sã mũsare yoadoho namona tana. 14 Cristo marine to cahĩchũ ñũna mũsare ã yoadohoja. To ã cahĩchũ ñũna to yare ã yahurucuja sã. Cũirota Cristo

jipihtina mari ñaa buhirire yariari jire. To ã yariari baharo mari sehe jipihtina mari ñaa buhirire yariarina yoaro sehe jina, ñaare yoa namo duaeraja. **15** Jipihtina mari ñaa buhiri yariari jire tiro Cohamacu ya dihtare mari yoahito sehe. Mari mu sũro yoa dutieraro, to cahmaa sehere marine yoa dutiro yariari jire tiro. Tiro sehe mari yaro jiborirore yariaro, masa mujari jire. **16** Ñ jina mipũre sã mu sũro masare “Noaina jira. Ñaina jira”, ni ñũeraja sã. Panopũ sã mu sũro yoaa timai. Ñ jina Cristore masierahi. **17** Ñ jina Cristo yaina wahana wahma masa bajuaina yoaro sehe wahaja mari. Panopũre mari mu sũro mari tũhotumarire, mari yoamarire duhunocaja mari. Mipũre wahma masa bajuaina yoaro sehe jina, noaa sehere cohtotana, Cohamacu ya dihtare yoa duaja mari.

**18** Cohamacu sehe marine noaa sehere cohtotachu yoare. Cohamacure ñũ tuhtiina mari jichũ ñũno Cristo sehe mari ñaa buhiri tiare cohãre. Ñ cohãno mari ñũ tuhtirire duhuchũ yoare tiro. Ñ yoachũ yoare Cohamacu Cristore. Ñ yoaro sãre to yare buhe dutiro cũre. Ñ buhena, painare Cohamacu mehne ti ñũ tuhtirire duhuchũ yoaja sã cũhũ. **19** Õ sehe masare yahu dutire Cohamacu sãre: “Cristore mari wacũ tuachũ ñũno mari ñaa buhirire buhiri dahrerara Cohamacu marine. Ñ yoaro marine ñũ tuhtiro cjiro jiparota tiro marine to yaina jichũ yoara”, ni yahu dutire Cohamacu sãre. **20** Ñ jina Cristo yare buhehtina to cũrina jija sã. Cohamacu mũsare to yahuboriro seheta sã sehe õ sehe ni mũsare yahuja: Cristore yahubasana nija. Ñ jina mũsare bosaja. Cohamacure mũsa ñũ tuhtiare tó purota duhuga. **21** Cristo ñaare to yoerapachũta Cohamacu sehe tirore mari ñaa buhirire yaria dutiri jire. Ñ yoaro mari ñaa buhirire buhiri dahreri jire Cohamacu tirore. Ñ jiro Cristo yaina mari wahachũ Cohamacu yoaro sehe noaina jichũ yoare tiro marine.

**6** <sup>1</sup> Cohamacu yare buhedohoina jija sã. Ñ jina ahrire tuaro mũsare yoa dutija sã. Cohamacu yare noaa buheare mũsa tũhoriro seheta yoaga mũsa. Mũsa tũhoriro sehe mũsa yoerachũ tí mũsa tũhori yaba cjihti jierara. <sup>2</sup> Õ sehe nina Cohamacu:

“Yũ quihõri pjare, mũsare yũ noano yoahiti pjare  
mũsa siniare tũho, yũhtihi.

Ñ yoacũ mũsare yũ yũhdohti dachore mũsare  
yoadohohi”,

nina tiro. Tuhoga m̄sa. Mip̄re Cohamac̄ m̄sare to noano yoah̄ti p̄ja jira. Mip̄re Cohamac̄ m̄sare to yuh̄dohti dacho jira.

<sup>3</sup> Ne mahanoc̄ã painare ñano yoaeraja s̄a. Painare ne ñano ni durucueraja, “Noaa buheare m̄sare s̄a buheare cahmaerari”, nina. <sup>4</sup> ã jina Cohamac̄re dahra cohtaina s̄a jiare m̄sare masich̄u yoa duaja. Õ sehe jija s̄a: Ñano yuh̄d̄na, paina ti ñano yoarina jina c̄uh̄ ã tuh̄otunocaja. S̄are ti ñano yoapach̄ta suaro marieno jija. <sup>5</sup> Õ seheta ñano yuh̄d̄ni s̄a: Masa s̄are cj̄ach̄u, peresu ti yoach̄u, paȳu masa s̄are waj̄ã dua ti sañurucuch̄u, ñano yuh̄d̄ni s̄a. S̄a tuaro dahra wahyana, w̄jo pur̄ipach̄ta car̄erana, j̄ca baana ñano yuh̄d̄ni. <sup>6</sup> Numiare ã ñ̄nocai. ã jina ne ñano yoaerahi. ã yoa Cohamac̄u yare noano masi buhei m̄sare. Tuhs̄u, ne suaerahi s̄a. ã yoa noano niji siaro mehne yoai s̄a m̄sare. ã yoana Cohamac̄re dahra cohtaina s̄a jiare masich̄u yoana nii s̄a m̄sare. Esp̄iritu Santo to yoadohoa mehne Cohamac̄re dahra cohtaina s̄a jiare masich̄u yoana nii m̄sare. Potoc̄ã m̄sare s̄a cah̄ich̄u ñ̄na, tireore dahra cohtaina s̄a jiare masina m̄sa. <sup>7</sup> ã jina noaa buheare m̄sare quih̄õno s̄a buhech̄u ñ̄na, Cohamac̄u tuaa mehne s̄a yoach̄u ñ̄na tireore dahra cohtaina s̄a jiare masina m̄sa. Noaa sehe jipih̄tia s̄a yoari cjiri s̄a wamoa yoaro sehe jira noano s̄a d̄catahto sehe. Tí noaare yoana wat̄nore s̄a d̄catana nija. ã yoana tí noaare s̄a yoari mehne tireore s̄a yuh̄d̄ur̄c̄aja. <sup>8</sup> Paina s̄are ño payora. Paina sehe s̄are ño payoerara. Paina noano ni durucura s̄are. Quih̄õno s̄a buhepach̄ta “Mah̄noina jira”, ni yahus̄ana paina sehe s̄are. <sup>9</sup> Paina s̄are ñ̄u masiina jipahta s̄are ñ̄u masieraina yoaro sehe yoara. S̄are ti waj̄ã duapach̄ta catisinija s̄a. Ñ̄uga s̄are. Potoc̄ã tjira. S̄are buhiri dahre ti cj̄ach̄u, yarierasinja s̄a. <sup>10</sup> S̄ã c̄ã tahari cahyaina jipanahta, ã wahcherucuja. P̄jac̄oina jipanahta painare noaa buheare buhena tinare p̄j̄iro pachere s̄a waboro seheta yoana nija tinare. Paye baro c̄j̄aeraina jipanahta, potoc̄ãta Cohamac̄u yare c̄j̄a pah̄õnocaja s̄a.

<sup>11</sup> Ne Corinto macaina ȳu coyea m̄sare noano mehne yahu pah̄õ joahi s̄a m̄sare. M̄sare tuaro cah̄ina, ã yahuhi m̄sare. <sup>12</sup> S̄ã sehe m̄sare cah̄i duhueraja. M̄sa sehe s̄are cah̄iera curera. <sup>13</sup> ã yoa poh̄na tic̄u ȳu poh̄nare ȳu yahuboro seheta m̄sare yahuiht̄ja: M̄sare s̄a tuh̄oturiro seheta m̄sa c̄uh̄ ãta noano tuh̄otuga s̄are. ã jina s̄are cah̄iga m̄sa c̄uh̄.

### Cristore cahmaerainare piti ti dutieraha Paulo

14 Ñ yoana Cristore cahmaeraina mehne ã piti tirucuena tjiga. Tina mehne macaina jiena tjiga. Cũno potori jierara mŭsa. Noaare yoariro ñaare yoariro mehne noano ji masierara. Cohamacũre cahmaina Cohamacũre cahmaeraina mehne noano cahma piti ti masierara, buhriaro nahitiano mehne to ji masieraro seheta. 15 Ñ jia Cristo watĩno mehne cũno potori tũhotuerara. Ñ yoa Cristo yairo, Cristore cahmaerariro mehne noano cahma piti ti masierara. 16 Cohamacũ wũhũi “Cohamacũ jira”, ti nia masũrine mari c̃jũachũ ñaa nina. To ya wũhũi tí masũrine mari cũchũ tó wahaerara. Tó seheta Cristo yaina Cristore cahmaeraina mehne mari piti tirucuchũ cũhũre ñaa nina. Tina pũa curua cũno mehne ji masierara. Cohamacũ catiriro to wũhũ yoaro seheta jija mari. To wũhũi to jiro seheta mari mehne jira tiro. Õ seheta nina Cohamacũ:

“Tina mehne jiihtja yũhũ.

Ti watoi ã jirucuihtja.

Yũhũ Cohamacũ ti pũhtoro jiihtja.

Ñ jia tina sehe yũ yaina masa jiahca”,

nina tiro.

17 Ñ yoa ò sehe ni namona tiro mari pũhtoro:

“Ñaina mehne tjuaena tjiga.

Tinare piti tiena tjiga.

Cristore cahmaeraina ti ñaa yoaare ñũ cũena tjiga.

Mŭsa ã yũhũre yũhtichũ ñũcũ, yũhũ sehe mũsare piti tihtja.

18 Ñ jicũ mŭsa Pũcũ jiihtja.

Mŭsa sehe yũ pohna jinahca”,

nina Cohamacũ mari pũhtoro tua yũhũdariro.

**7** 1 Yũ coyey, yũ cahĩina, ahri jipihtiare Cohamacũ to ã ni yahuchũ tũhona jipihtiare ñaa yoaare duhujihna mari. Ñaa wacũa cũhũre duhujihna mari. Cohamacũre noano ño payoa mehne ñaa buhiri tia marieno jijihna mari.

### Paulo wahchea mehne yahuha Corinto macainare

2 Noano mehne jiga mŭsa sã mehne. Ne mahanocã mehne ñano yoaerahi sã mũsare. Ñ yoa tuhsũ, mũsare buhena, ne mũsare dojomehnerahi. Ne cũiro mŭsa mehne macarirore mahñoa mehne wapa cahmaerahi. 3 Ñ nicũ mũsare tuhtii



nieraja. M̄sare yahu tuhs̄hi. S̄a yajeripohnari mehne tuaro cah̄ja s̄a m̄sare. Catisinina m̄sare ã cah̄rucunahca. Mari yariari baharop̄ c̄h̄re m̄sare ã cah̄rucunahca. 4 Ȳn niriro seheta m̄sa yoarire, m̄sa yoah̄ti c̄h̄re masija ȳh̄. ã jic̄ m̄sare wac̄rocac̄ wahcheja. S̄a ñano ȳhd̄ro watoi m̄sa sehe ȳh̄re p̄j̄ro wahchech̄ yoara.

5 ã yoa Macedonia yahpap̄ s̄a s̄ri baharo t̄op̄ jina, ne soerahi s̄a. T̄op̄re ñano ȳhd̄hi s̄a. Paina s̄a mehne cahma sayo ȳhd̄r̄cah̄re. ã jina “Cristo yare duhuri”, nina Cristo yaina sehere cuis̄ahi s̄a. 6 S̄a ã ñano ȳhd̄pach̄ta Cohamac̄ s̄are wahchech̄ yoahre. Tiro cahyainare wahchech̄ yoariro jira. ã jiro Tito s̄a cahap̄ to wihiro mehne s̄are wahchech̄ yoahre Cohamac̄. 7 Tito to wihih̄ ñ̄na wahchehi. Tiore m̄sa wahchech̄ yoarire s̄are to yahuch̄ wahchehi. Ahri c̄h̄re wahchehi. M̄sare to quit̄i yahuch̄ c̄h̄re tuaro wahchehi s̄a. Ȳh̄re m̄sa ñ̄ duarire yahuhre s̄are. Ȳh̄re m̄sa cahya m̄sa p̄j̄ro t̄hoturi c̄h̄re yahuhre tiro. To ã ni yahuch̄ t̄hoc̄ p̄j̄ro wahchehi ȳh̄.

8 T̄o pano ȳ joarocari p̄ mehne m̄sare cahyach̄ yoamahi. ã yoaric̄ jipaihta cahyaeraja ȳh̄ sehe. T̄i p̄re m̄sa buheri baharo cahyayuhti m̄sa. Tuhs̄, mahanoc̄ta cahya duhyuhti m̄sa. ã jic̄ wahma joaroca m̄htac̄ cahyapaihta mip̄re cahyaeraja. 9 Mip̄ pinihtare wahcheja ȳh̄. M̄sa cahyach̄ t̄hoc̄ wahcheraja. Wiho mejeta ã cahyana, m̄sa ñ̄are t̄hotumarire cohtotayuhti m̄sa. ã m̄sa cahyach̄ ñ̄no, Cohamac̄ sehe to cahmano seheta m̄sa ñ̄are t̄hotumarire cohtotach̄ yoari jira. ã jina m̄sare cahyach̄ yoana, ñano yoa dojomehnena nierahi s̄a m̄sare. 10 ã jina Cohamac̄ to cahmano seheta cahyana, mari ñ̄are t̄hotumarire cahyanahca. Cohamac̄ to cahmano seheta cohtotannahca. T̄o sehe mari cahyach̄ ñ̄no marine pichacap̄ wahaborinare ȳhdora Cohamac̄. Mari ã cahyach̄ noa nina marine. Cristore cahmaeraina sehe ti ñ̄are t̄hotumarire cahyaerapahta, ã cahyamacanoc̄a, pichacap̄ wahahtina jisina. 11 M̄sa sehe Cohamac̄ to cahmano seheta cahyayuhti. M̄sa ã cahyana ò sehe yoayuhti m̄sa: Mip̄re ñ̄are yoainare ã ñ̄nocaerayuhti m̄sa. Tinare duhu dutiyuhti m̄sa. ã jina ti ñ̄a yoare cuiyuhti m̄sa “Tina yoaro sehe s̄a yoari”, nina. ã yoana ȳh̄re ñ̄ duayuhti m̄sa. Tuhs̄, ñ̄are yoarirore buhiri dahre duayuhti m̄sa. T̄i jipihtare m̄sa

yoana mipũre quihõno yoaina mũsa jirire masichũ yoahre mũsa sãre. **12** Panopũ ñano yoaritore mũsare yahu joarocapaihta tirore yoadohocũ tacũ ã ni yahu joarocaerahi. To ñano yoa payoriro cũhũre yoadohocũ tacũ ã ni joarocaerahi. Mũsa sehere yoadohocũ tacũ tí pũre joarocahi. Sãre noano ño payora mũsa Cohamacũ to ñũrocaroi. Tĩre mũsa ño payorire noano mũsa masihte sehe tí pũre joarocahi mũsare. Cohamacũ tíre mũsare masichũ cahmare. **13** ã jina Tito mũsa yoarire to quitĩ yahuchũ tũhona tuaro wahchehi sã.

Tito cũhũ tuaro wahchere. Tirore mũsa noano mehne mũsa piti bocachũ tũhona, mũsa mehne to wahcherire tũhona sã cũhũ noano wahchehi. **14** Wahmanopũ mũsa cahapũ to wahahto pano mũsa mehne yũ wahcherire, noaina mũsa jirire yahuhi tirore. Yũ ã yahuchũ yũ niriro seheta noano yoayuhti mũsa tirore. ã jicũ tirore yũ nirire bũo tieraja. Mũsare quihõno ã yahurucuja sã. Tó seheta Tito cũhũre quihõno sã yahuhi mũsare to ñũriro seheta. **15** Mũsa cahapũ to sũchũ ño payoa mehne tirore piti bocayuhti mũsa. Mũsa ã piti bocachũ, noano yũhtiina, yũhdũrũcaro marieina mũsa jichũ ñũyuhti tiro. ã jiro mũsare cahĩ namono nina tiro. **16** Mipũre noano yũhtiina, Cohamacũ to cahmano seheta mũsa noano yoa pahũoina mũsa jichũ noano masija yũhũ. ã masicũ tuaro wahcheja.

### **Cristo yaina jina, painare ã wanocano cahmana marine**

**8** **1** Sã coyea, ahri yũ yahũhtire mũsare masichũ cahmaja sã. Cristo yaina Macedonia yahpa macaina Cohamacũ cahĩ mehne to pja ñũa mehne ti yoarire mũsare yahũhtja. **2** Tina ñano yũhdũpahta, niñeru maeraina jipahta niñerure cahĩno marieno ã wanocahre pjacũoinare Jesu yainare. Cristo mehne tuaro wahcheina jia, tina Judea yahpa macainare noano mehne ti cjuare ã wanocahre. **3** Mũsare niita nija. Tina ti cjuaro puro wahre. Jierara. Bui curero wahre. Sã sinibasaerapachũta pjacũoinare wahre tina. **4** Cohamacũ yainare pjacũoinare tuaro yoadoho dua, “Macedonia macainare tuaro wa dua ja sã”, nire tina sãre. **5** “Õ puro waahca”, tina sã ni tũhoturiro bui curero wahre tina. Õ sehe yoahre tina: Wahmanore niñerure ti wahto pano mari pũhtoro Cristo to cahmano seheta yoa pahũori jihre tina. ã yoa tuhsũ, Cohamacũ to cahmano seheta sã cũhũre ño payoa mehne yũhtiri jihre. ã yoaina jia tina niñerure wahre. **6** Ti ã wa tuhsũchũ ñũna Titore sã sehe õ

sehe nihi: “Corinto macainare m̄ buhe d̄ucariro seheta noano mehne p̄jac̄oinare ti wahtore buhe pah̄noga”, nihi s̄a tireore. M̄sa c̄ũhũ painare p̄ja ñ̄na, m̄sa yoadohohto sehe ã nihi tireore. 7 M̄sa sehe jip̄ihtiare noano yoaina ji tuhs̄ra: Cristore potoc̄ãta noano wac̄ũ tuara m̄sa. ã jina to yare noano yahura m̄sa. ã yoa Cohamac̄ũ yare noano masina m̄sa. ã masina, Cohamac̄ũ to cahmano seheta tuaro yoa duara m̄sa. ã yoa s̄ãre cah̄na m̄sa. Õ seheta noano yoaina ji tuhs̄ra m̄sa. M̄sa ã noaina jip̄ach̄ta mahanoc̄ã d̄hs̄asinina mini m̄sare. P̄jac̄oina p̄nihtare m̄sa p̄ja ñ̄ch̄ũ cahmaja s̄ã. ã jina jiape nino marieno tinare noano mehne m̄sa p̄j̄iro wach̄ũ cahmaja s̄ã.

8 ã nic̄ũ m̄sare dutii waro nieraja. ã ni yahuita nija m̄sare. Paina p̄jac̄oinare ti tuaro yoadohore m̄sare yahui nija. “¿Potoc̄ãta p̄ja ñ̄ina j̄ijari m̄sa?” ni masi duai nija. 9 Mari p̄h̄tore Jesucristo sehe marine to p̄ja ñ̄ire masina m̄sa. Tí to p̄ja ñ̄ri potoc̄ã t̄jira. Tiro m̄anop̄ũ p̄j̄iro c̄j̄ariro jip̄arota ahri yahp̄ap̄ũ taro p̄jac̄oriro wahari jire. ã yoaro mari yaro jiborirore yariaro p̄jac̄oriro wahari jire. Õ sehe wahari jire tiro mari sehe to yare p̄j̄iro mari c̄j̄ahto sehe, tiro mehne mari ã jirucuhto sehe.

10 M̄sare ã yahuita nija noare m̄sa masihto sehe. Õ sehe ni t̄hotuja ȳh̄ũ sehe p̄ja c̄oinare m̄sa wahtire: C̄ũ c̄h̄ma wahara p̄ja c̄oinare m̄sa wahtire m̄sa wih̄bori baharo. Tí ȳh̄doro noano yoayuhti m̄sa. Paina ti wa duahto pano m̄sa sehe p̄jac̄oinare wa dua m̄htayuhti. 11 ã jina m̄sa wa dua m̄htariro seheta mip̄re noano waga tinare. ã yoana p̄j̄iro c̄j̄aina jina, p̄j̄iro waga. Mahanoc̄ã c̄j̄aina jina, mahanoc̄ã waga. 12 Tuaro m̄sa wa duach̄ũ t̄ire m̄sa warire Cohamac̄ũ wahcherohca. ã jina noho m̄sa wa duaro puro waga. M̄sa wariro purota m̄sa wach̄ũ wahcherohca Cohamac̄ũ. “P̄jac̄oinare wa ȳh̄doga”, m̄sare nino nierara tiro.

13 “P̄jac̄oinare waga”, nic̄ũ tinare p̄j̄iro c̄j̄a dutic̄ũ nieraja. ã jic̄ũ m̄sa sehere p̄jac̄oina jich̄ũ yoa duaeraja.

M̄sare c̄ũno potori c̄j̄a dutic̄ũ ã nii nija. 14 Mip̄re m̄sa sehe p̄j̄iro c̄j̄ara. ã c̄j̄ana paye baro maerainare wa masina m̄sa. Baharo m̄sare paye baro maerach̄ũ tina c̄ũh̄ũ wa masina m̄sare. M̄sa ã cahma wana c̄ũno potori c̄j̄anahca jip̄ihtina Cristo yaina. 15 Õ sehe nina Cohamac̄ũ yare ti joari p̄ũ: “P̄j̄iro nariro c̄ũh̄ũ paina bui curero c̄j̄aerare. Mahanoc̄ã nariro

cũhũre ne mahanocã dũhsaerare”, nina Cohamacũ yare ti joari pũi.

### **Tito tó mehne macaina mehne Corintopũ wahaha**

16 ã yoa mũsare yũ yoadohoriro seheta Tito cũhũ mũsare yoadoho duara. Cohamacũ sehe mũsare to yoadoho duachũ yoahre tirore. To ã yoachũ ñũcũ “Noana”, nija Cohamacũre.

17 Titore mũsa cahapũ sã waha dutichũ tiro noano mehne yũhtihre. Tirore sã waha dutihtõ panopũta to basita mũsa cahapũ tuaro waha dua tuhsũriro jire.

18 Tirore paio Jesu yairo mehne piti dahrerocahi sã tirore. Tito pitire jipihina paina Jesu yaina noano ño payora. Noaa buheare to noano yahuriro jichũ ñũa tirore noano ño payora.

19 ã jia Jesu yaina tirore cahmahre sã mehne to tinino wahahto sehe. Tí niñerure pjacũoina cahapũ sã naachũ sã mehne wahahtirore cahmahre tirore. ã jia tí niñerure sã wabasachũ ñũa “Marire yoadohoriro jira”, niahca masa Cohamacũre.

Sã ã wabasana tinare tuaro mari yoadoho duarire masichũ yoanahca tinare. 20 ã jina ahri niñerure, pjíro Jesu yaina ti warire naabasana, noano ñũ wihbonahca ti warocarire, “Sãre yahusãri”, nina. 21 Mari pũhtoro to ñũrocaroi quihõno, noano yoa duaja sã. Masa ti ñũrocaro cũhũre quihõno yoa duaja.

22 ã yoana tana pairere mari coyeirore warocanahca Tito cũhũ mehne. Sã piti dahrerocarirore payũ tahari painare to noano yoadohochũ ñũhi sã. ã jiro mipũre mũsa sehe painare mũsa yoadoho duachũ ñũno tiro tó pano to yoariro yũhdoro noano mũsare yoadoho duara. 23 Tito sehere mũsare yahuihtja. Tiro yũ piti jira. Mũsare yũ yoadohochũ tiro yũhũ mehne dahrariro jira. Paina tiro mehne wahahtina Jesu yaina ti beserina ti warocarina jira. Tina Cristo yare yoara paina tirore ti ño payohto sehe. 24 ã jina cahĩa mehne noano mehne tinare piti bocaga mũsa. Mũsa ã yoachũ ñũa paina Jesu yaina sehe mũsa cahĩare masiahca. “Noano piti bocaahca Corinto macaina”, ni yahu tuhsũhi painare. Mũsa ã noano piti bocachũ ñũa tí sã yahuri cjiri quihõno ti jichũ masiahca paina Jesu yaina.

### **Jesu yainare pjacũoinare ti wahtore yahuha Paulo**

**9** 1 ã yoana Cohamacũ yainare mũsa yoadohohtore mũsa wahtore masi tuhsũra mũsa. 2 Painare mũsa yoadoho duaare masija yũhũ. ã masicũ Macedonia yahpa macainare õ

sehe ni yahuhi: “Corinto macaina, ti ya yahpa Acaya yahpa macaina cūh̄u Jesu yaina sehe painare yoadoho dua tuhsūhre. Cū cūhma yūhd̄ura ti yoadoho duariro”, ni yahu tuhsūhi tinare mūsare. Mūsa ā yoadoho duachū tūhoā payū tina cūh̄u p̄jac̄uoinare yoadoho duahre. <sup>3</sup> Mūsare ā ni yahuriro jicū mīp̄r̄e ahrinare mari coyeare mūsa cahapū warocai tai nija, Macedonia yahpa macainare yū yahuriro seheta mūsa yoah̄to sehe. Ā jicū p̄jac̄uoinare mūsa wahtore mūsa cahmachu mūsa c̄j̄ayūhto sehe ahrinare warocai nija. <sup>4</sup> Tinare warocaeracū Macedonia yahpa macaina mehne mūsa cahapū s̄c̄c̄, mūsa wahtire mūsa c̄j̄aerachū ñ̄c̄c̄ b̄uo tisāboā yūh̄u mūsare. “P̄jac̄uoinare waahca”, mūsare yū ni tūhoturi baharo mūsa waerachū ñ̄c̄c̄ b̄uo tisāboā yūh̄u. Mūsa cūh̄u b̄uro yūhd̄uōā. <sup>5</sup> Ā jicū mūsa cahap̄re yū sūhto pano tinare mari coyeare waroca mūhtai nija. “P̄jac̄uoinare wanahca”, pano mūsa nirire mūsa c̄j̄ayūhto sehe tinare waroca mūhtai nija. Mūsa wahtire mūsa cahmachuchū tina sehe mūsare yahu quih̄ōahca. Mūsa wahtire mūsa c̄j̄ayū tuhsūchū wahchea mehne mūsa wa duarire masiahca jipihtina. Mūsare s̄ā wa dutiri jisi tí. Mūsa mū s̄uro mūsa wari jiahca.

<sup>6</sup> Ā jina ahrire wacūga mūsa: Mahaa yaparicā toariro mahaa pocacā nanohca. Payū yapari toariro payū poca nanohca. (Tó sehe jira p̄jac̄uoinare mari wachū. Mahanocā mari wachū, Cohamacū mahanocā warohca marine. P̄j̄iro mari wachū, p̄j̄iro marine warohca.) <sup>7</sup> Ā jina cāina mūsa “Ō puro wanahtja”, ni waga. Niñerure cah̄ino marieno waga. “Marine wa dutire”, nino marieno waga. Wahchea mehne wainare cah̄ina Cohamacū. <sup>8</sup> Tiro sehe mūsa cahmano yūhdoro mūsare warohca. Ā jina jipihtia mūsa cahmarire d̄hsaro marieno c̄j̄a pah̄ñonahca. Ā jia painare mūsa wachū cūh̄ure noano mū s̄ahca mūsa c̄j̄aa. <sup>9</sup> Ō sehe nina Cohamacū yare ti joari p̄i:

“P̄jac̄uoinare p̄j̄iro wara Cohamacū.

Noano mehne masare ā yoarucura tiro”,

nina to yare ti joari p̄i. <sup>10</sup> Ā jiro toaa dicha tiri baharo toariro to toah̄ti capare wara Cohamacū. Baharo to toarire dicha tichū yoara to chūhtire. P̄jac̄uoinare mūsa p̄j̄iro wachū toarirore to wariro seheta mūsa cūh̄ure p̄j̄iro warohca Cohamacū. Tó sehe dihta mūsare warohca p̄jac̄uoinare mūsa wa namohto sehe.

<sup>11</sup> Ā t̄jira. P̄j̄iro warohca mūsare painare p̄j̄iro mūsa ā warucuhto sehe. Ā jia mūsa warocari niñerure p̄jac̄uoinare s̄ā wachū payū

tina sehe Cohamacure wahchea mehne “Noana”, niahca. 12 Ñ yoana p̄jacuoinare Cohamacu yainare wana, tinare yoadohora m̄sa. Ñ yoadohona wahchea mehne Cohamacure “Noana”, ti nichu yoanahca m̄sa. 13 Ñ painare m̄sa yoadohochu ñna, Cohamacure ño payoa mehne durucuahca masa. Tinare paina c̄hure p̄j̄ro m̄sa wachu ñna Cohamacure “Noa ȳhd̄ar̄iro jira”, niahca masa. Ñ sehetā niahca Cristo ya buhea noaa buhea ti niriro sehetā m̄sa yoach̄u ñna tinare m̄sa wachu ñna. 14 Ñ jia Cohamacu m̄sare tinare to wa dutich̄u m̄sa sehe tinare m̄sa p̄ja ñuch̄u tina sehe m̄sare cah̄ña mehne sini payoahca Cohamacure. 15 Cohamacu marine noa ȳhd̄aro yoara. To ã yoir̄e masina “Noa ȳhd̄aro yoara”, nijihna mari tire.

### Jesu buhe duti to c̄ūriro to jiare yahuha Paulo

**10** 1 Mip̄re ȳhu Paulo, m̄sare yahuihtja. C̄aina m̄sa mehne macaina ñ sehe nina ȳhure: “Mari mehne jiro painare ȳhd̄ar̄uca duaerario, wiho jiriro yoaro sehe jira. Ñ jiparota pa seher̄u jiro marine cuir̄o marieno tuhtirocara”, nina m̄sa c̄aina ȳhure. Cristo sehe ne suaerario, masare noano yoar̄iro jira. Tiro yoaro sehetā ȳhu c̄h̄u ji duaia. 2 Ñ jic̄u m̄sare ahrire tuaro mehne yahuihtja: M̄sa cahar̄u ȳ s̄uch̄u noano yoaga m̄sa “Paulo s̄are tuhtiri”, nina. C̄aina ȳhure ñ sehe nina: “Tiro to m̄ s̄uro, Cohamacu to dutiro marieno yoara”, nina ȳhure c̄aina. Tó sehe niina pinihtare tuhtiboca ȳhu. 3 S̄ã c̄h̄u ahri yahpa macainata jina nija. Ñ jipanahta ahri yahpa macaina ti m̄ s̄uro ti yoaro sehe yoeraia s̄ã, Cohamacu dutiare yoana. 4 Surara cahma waj̄ã ti ȳhd̄ar̄ucar̄iro sehetā s̄ã sehe ñaare ȳhd̄ar̄uca duaia. Tí ñaare yoa duaeraia. S̄ã ã yoach̄u s̄ã wamoa ahri yahpa macaina ti wamoa yoaro sehe jierara. Surara ti wamoa ti c̄j̄aro sehetā s̄ã sehe Cohamacu to tuaare c̄j̄aja. Tí tuaa mehne Cohamacure cahma dutierainare coh̄ja s̄ã. Masa ti m̄ s̄uro ti masiare ti yaba c̄j̄hti jierach̄u masich̄u yoaja s̄ã tí tuaa mehne. 5 Tuhs̄u, jipihtina ȳhd̄ar̄uca duainare, ti m̄ s̄uro tuhotuinare, Cohamacure masi dutieraina sehere duhuch̄u yoaja s̄ã. Ñ yoa tí tuaa mehne Cohamacure cahmaerainare Cristore noano ȳhtiina ti jich̄u yoaja s̄ã. Cristo to cahmano sehetā tinare tuhotuch̄u yoaja s̄ã. 6 Ñ yoa, paina m̄sa mehne macaina

Cristore ti yũhdũrucachũ ñũna tinare buhiri dahrenahca sã. Mũsa sehe mũsa noano yũhtiri baharo Cristore yũhdũrucainare ã buhiri dahrehtinata jinahca sã.

7 Yũ pjacũ dihtare masina mũsa. Yũ jia tia sehere ne masierara mũsa. “Cristo yaina jija”, niina jina, õ sehe masiga mũsa: Sã cũhũ mũsa yoaro sehe Cristo yaina tjija. 8 “Mari pũthoro ya buheare noaa buheare buhe dutiro, cũre sãre”, nicũ payũ tahari mũsare ã ni yahupaihta bũo tieraja yũhũ. Sãre ã buhe dutiro mũsare yoadohohtinare cũre sãre. Mũsare dojomehnehtinare cũno nierare sãre. 9 Õ seheta poto ni yahuja mũsare “Cuiiri”, nicũ. Ahri yũ joarocari pũre ñũna mũsa ñũ cũachũ cahmaeraja. 10 Cãina mũsa mehne macaina õ sehe nina: “Paulo joarocaro tuhtiriyo yoaro seheta joaroca mũjana marine. ã jiriyo jiparota mari mehne jiro ne ã jica nierariro jira. Pjacũririyo yoaro sehe jira. ã jia, marine to durucua yaba cjihti jierara”, nina cãina. 11 Tó sehe niinare õ sehe ni yahuihtja: “Õ seheta yoanahca”, sã ni joarocariro seheta tó seheta yoanahca sã, mũsa cahai jina.

12 Cãina mũsa mehne macaina “Noano masi pahñoina jija”, ni durucura ti basi. Cuenah, noacaro masiina jijari tina ã ni durucua. Sã sehe ti yoaro sehe ne ã ni durucusi. Ti basi cahma ñũ piti boca “Mari sehe noa yũhdũrucaina jija”, nina tina ti basi. Tũho masieraina jira tina. 13 Sã sehe tina yoaro sehe yoasi. Cohamacũ sãre buhe dutiro to cũri dihtare yahuja sã sehe mũsare. Paina ya dahraare “Yoahi”, nina nieraja. Tiro mũsare buhe dutiro sãre cũre. 14 Õ sehe nina, mahñona nieraja sã. Noaa buheare Cristo yare mũsare buhe mũhtana sũhi sã. ã jina Cohamacũ sãre buhe dutiro to cũri dihtare buhena nija mũsare. 15 ã jina paina ya dahraare “Sã sehe tíre yoahi”, ne nieraja sã. Wiho mejeta Cristore mũsa wacũ tua namochũ cahmaja sã. ã cahmana mũsare buhe namo duaja sã. ã buhena Cohamacũ to dutiriyo purota buhe duaja mũsare. 16 ã yoa mũsa ya yahpa yũhdũropũ noaa buheare yahuna wahanahca. ã wahana paina ti buheri baharo sũna, “Sã buhehi”, nisi sã.

17 Mari yoaare “Sãta yoaja”, nieraro cahmana. Mari pũthoro Jesu to yoaa sehere ñũna wahchero cahmana. Tí sehere painare yahuro cahmana. 18 Masa ti basi “Sã sehe yoahi”, ti nichũ ji coerara Cohamacũ. Mari pũthoro Cristo “Ahrina noano yoare”, to niina sehere ji coara Cohamacũ.

“Jesu to cūrina jija sã”, ni mahñoinare yahuha Paulo

**11** <sup>1</sup> Yũ jia tiare yahucũ tũho masierariro yoaro sehe yahui nija. ã yahuriro yũ jipachũta yũhũre tũhosiniga mũsa mipũre. <sup>2</sup> Cohamacũ mũsare to cahĩno seheta tuaro cahĩja yũhũ cũhũ mũsare. Cristo yare mũsare yũ buhechũ tũhona tirore wacũ tua dũcare mũsa. ã jicũ ahrire nija mũsare: Manũ tihticoro to manũno cjihto dihtare to cahĩno seheta, Cristo sehere tuaro cahĩga painare mũsa cahĩriro yũhdoro. Tó sehe yoaina ñaa buhiri tia marieina mũsa jichũ mũsare Cristore wa duaja to yaina cjihtire. Tó sehe jiinare, “Tinare mũhũre waihtja”, nihi Cristore. <sup>3</sup> Paina ñaina mũsare mahñoa, soro jia buheare cahmachũ yoaboca mũsare. Agã Evare mahñono to masia mehne ticorore Cohamacũre to yũhdũrucachũ yoari jire panopũre. To ã yoariro seheta mipũre ñaina mũsare mahñoa, Cristore mũsare noano ño payoerachũ yoaboca. ã jicũ mũsare cuisãja. <sup>4</sup> Tina “Õ sehe jiriro jira Jesu”, ti mũ sũro soro ni ti mahño buhepachũta tũhoyuhca mũsa. Mũsare sã buheriro sehe jierapachũta mũsare mahño buheinare tũhoyuhca mũsa. Tuhsũ, “Õ sehe jiriro jira Espĩritu Santo”, ti mũ sũro soro ni ti mahño buhepachũta tũhoyuhca mũsa. Mũsare sã buheriro Espĩritu Santo waro jira. Tiro sehere quihõno ti yahuerapachũta mũsare mahño buheinare tũhoyuhca mũsa. Tina soro jia buheare ti mahño buhechũ noaa buheare ti buherapachũta tíre tũhoyuhca mũsa. <sup>5</sup> Mũsa mehne macaina “Jesu to cūrina jija”, nimarina yũhũre masi yũhdũrucãerara. Tinare docarũcaeraja yũhũ. <sup>6</sup> Noano yahu mihniro jieraboca yũhũ. Noano yahu mihnierapaihta Cohamacũ yare noano masija. Yũ ã masiare payũ tahari mũsare noano masichũ yoahi.

<sup>7</sup> Noaa buheare Cohamacũ yare mũsare buhecũ ne wapa cahmaerahi. Mũsare yoadoho duacũ wapa cahmaerahi. Wiho jiriro yoaro sehe jii yũhũ. ¿Yũ ã wapa cahmaerachũ noerajari, mũsa tũhotuchũ? <sup>8</sup> Mũsare yũ buhechũ paye macari macaina Jesu yaina yũhũre niñerure ware. Ti ã wachũ tí niñerure ñahai sinino marieno mũsare buhei tai. Mũsa sehe yũhũre mũsa waborirore tina sehe yũhũre ware. <sup>9</sup> Mũsa mehne jicũ paye baro yũhũre dũhsapachũta mũsare niñerure ne sinierahi. Mari coyea Macedonia yahpa macaina Jesu yaina jipihtia yũ cahmarire na wihire yũhũre. Panopũre mũsare ne cariboerahi yũhũ. Baharopũ cũhũre mũsare ne caribosi. <sup>10</sup> Cristo potocãta



to yahuriro seheta yũhũ cũhũ mipũre mũsare potocãta yahui nija. Jipihitiro Acaya yahpai jinare ahri mũsare yũ sinierari cjirire ã yahurucuihtja. **11** ¿Mũsare yũ sinierari cjirire painare yũ ã yahurucuchũ tũhona, dohse ni tũhotujari mũsa? “Paulo ã ni yahuro sãre cahĩeraro nina”, ¿ni tũhotujari mũsa? Jierara. Mũsare cahĩja. Mũsare yũ cahĩare Cohamacũ masina.

**12** Wapa cahmano marieno mũsare yũ buhe dũcariro seheta sohtori tihtja. Yũ buheri wapa yũ wapa nachũ ñũa tina “Jesu to cũrina jija”, ni mahñoina õ sehe niboca: “Paulo noaa buheare buhero, wapa nana. ã jina sã cũhũ to yoaro seheta yoaja”, niboca tina “Paulo yoaro sehe yoaja sã”, ni duaa. “ã niri” nicũ, wapa cahmano marieno buheihtja mũsare. **13** Tina potocãta Jesu to cũrina waro jierara. Tinare ne cũerare tiro. “Jesu to cũrina jija”, ni mahñoa, sã yoaro seheta jimana. **14** Ti ã mahñoina jichũ masi tuhsũja yũhũ. Satana cũhũ noariro yoaro sehe cohtota mũjana. Tiro anjo si siteriro yoaro sehe ji duaro cohtotamana. **15** To ã yoariro jichũ masicũ Satana yaina “Jesu to cũrina jija”, ni mahñoina Cohamacũre yoadohoina yoaro sehe ti mahñoina jichũ ñũcũ, mahñoina ti jiare masi tuhsũja yũhũ. ã mahñoina ti jichũ ñũno, pihtiri dacho jichũ jipihitia ti ñano yoari buhirire buhiri dahrerohca Cohamacũ tinare.

### To ñano yũhdũreire yahuha Paulo

**16** Pari turi ahrire mũsare yahuihtja. Ne “Tũho masierariro jira”, yũhũre niena tjiga. Yũ ã ni dutierapachũta yũhũre mũsa ã ni tũhotuchũ noanohca yũhũre. “Tũho masierariro jira”, yũhũre ni tũhotupanahta tũhosiniga mũsa yũhũre. Mahanocã yũ jia tiare yũ yahuchũ tũhoga mũsa. **17** Mũsare ã yahucũ tũho masierariro yoaro sehe yoai nija. Mari pũhtoro Jesu yũhũre “Mũ basi mũ jia tiare yahuga”, nierare yũhũre. **18** To ã nierapachũta ahrire yahuihtja mũsare. Ti mũ sũro “Noaina jija”, niina payũ paina ti jichũ ñũcũ yũhũ cũhũ yũ jia tiare mũsare yahuihtja. **19** Mũsa sehe tũho masierainare tũhona wahchea mehne ñũyuhca mũsa tinare. Noacaro masiina jijari mũsa sehe ã tũhona. **20** Mũsare cahamaca ti dahrechũ, mũsare ti wapa cahmachũ, mũsa yare ti machũ, ã ñũnocahna mũsa. ã yoa mũsare ti doca dahrechũ, mũsa wahsupurire ti cjãchũ, ã tũhotunocahna mũsa. **21** Noacaro yoajari mũsare tina. Cue,

masare yuhdurucaina jijari tina. Sã sehe tina yoaro sehe yuhdurucaina jieraja.

Ã jina tina yoaro sehe yoeraja. Tina yoaro sehe jierapaihta tina “Õ sehe jiina jija”, ti nichu tuhocu yuhu cûhu âta ni yahuboca. Pari turi tuho masierariro yoaro sehe yoacu, õ sehe ni yahuihtja musare tjoa. **22** Tina “Hebreo masa jija”, nina painare yuhduruca duaa. Hebreo masunota jimaja yuhu cûhu. “Israe masa Cohamacu to beserina jija”, nina tina tjoa. Ti yoaro seheta to beserirota jimaja yuhu cûhu. “Abrahã cjiro panamana ji turiana jija”, nina tina tjoa painare yuhduruca duaa. Ti yoaro seheta Abrahã panaminota jimaja yuhu cûhu. **23** “Cristo cahamaca jija”, nina tina tjoa. Yuhu cûhu Cristo cahamacunota jija. Tina yuhdoro Cristo yare noano yoaja yuhu. Cuenah, ã nicu tuho masierariro yoaro sehe durucui nija. Tina yuhdoro tuaro mehne dahrai yuhu Cristo yare yoacu. Payu tahari tina yuhdoro Cristo yairo yu jiri buhiri peresu yoare paina yuhure. Tina yuhdoro payu tahari tjanare yuhure masa. Tina yuhdoro Cristo yairo yu jiri buhiri payu tahari masa yuhure wajã duamare. Ti ã wajã duachu mahanocã yuhdui yuhu ti wajãboriro. **24** Cinco tahari judio masa yuhure ñahare. Yuhure ti ñahape tahari treinta y nueve tahari yuhure tjanare. **25** Tia taha paina yuhure ñahare. Ñ ñahaa tina pinihta yuhure ñano yucuri mehne cjãre. Pa tehe yuhure paina tãa mehne docare. Tia taha dohoria mehne tãcapu doca wahã su, minii. Ñ jicu cû dacho, cû ñami pjiri ma dacho macapure ba pahsai. **26** Payu tahari macaripure buhe tini sui. Yu ã buhe tinichu cua yuhduare yuhure. Yuhure nu minihto cua nire. Yuhure yacahto cua nire. Yu ya dihta macaina judio masa, judio masa jieraina cûhu yuhure ñano yoahto cua nire. Macaripu, masa marienoru, pjiri mapu cûhure yuhure nu yariahto cua nire. “Muhu mehne macaina jija”, ni mahñoina cûhu yuhure ñano yoahto cua nire. **27** Cristo yare yoacu tuaro dahraa tii. Ñ dahracu ñano wahyaa tii. Payu tahari yuhure wujo ñano puripachuta ã dahrarucua tii. Ñano juca baa tii. Ñ yoa ñahma yapioro jia tire yuhure. Payu tahari chua bocaeraa tii. Yu suhti sãaboa cûhu ne mariea tire yuhure. Ñ yoa yuhure yusua yuhdua tire.

**28** Õ sehe ñano yuhdupaihta dachoripe jipihtina paina Cristo yainare, musa cûhure pjíro wacú tuhoutuja. **29** Ñ jicu cûiro Cristo yairo to ã jinocariro to jichu ñucú cahyaja. Paina

Cristo yairore ñano yoa dutiboca. Ti ã yoachũ ñũcũ Cristo yairore cuisãacũ, tina ñaina mehne suaja. **30** Yahu duaerapailta yũ jia tiare yahui tacũ, yũ mũ sũro wiho jiro yũ jia tiare mũsare wahchea mehne yahuja. **31** Cohamacũ mari pũthoro Jesu pũcũro dachoripe mari ño payohtiro tirota mũsare yũ mahũoerachũ masina. Ahrire mũsare quihũno yahuihtja. **32** Damasco wama tiri macapũ yũ jichũ ñũno, cũiro pũthoro yũhũre ñaha duamare. Jipihtina masa bui pũthoro Areta wama tiroto docai jiro pũthoro pinihta yũhũre ñaha duamare. ã ñaha duaro tí maca macari sahrũno, tãa mehne ti yoari sahrũno macaa sopacaripe surarare cohta dutiri jire. **33** Ti ã cohtaro watoihita yũhũ mehne macaina pjiri pũhũropũ yũhũre duhu sãa, tí sahrũno macari sopacacãpũ yũhũre duhu borore. Tí sahrũno baharo bũhũsehepũ yũhũre duhu borore. Ti ã duhu borori baharo duhti wahcãa wahai.

### Cristo Paulore to ñorire yahuha Paulo

**12** <sup>1</sup> Yũ jia tiare wahchea mehne yũ yahuchũ yaba cjihti jierara. To ã jipachũta yũ jia tiare yahu namoihtja mũsare. Mari pũthoro Jesu yũhũre to ñorire to masichũ yoarire yahuihtja mũsare. <sup>2</sup> Õ sehe ño dũcare tiro yũhũre: Catorce cũhmari waro wahara yũhũre Cristo yairore mũanopũ to naa mũjari baharo. Mũanopũ ñahpichoha buipũ yũhũre naa mũjare. Yũ tũhotua dihtare to naachũ masieraja yũhũ. O yũ pjacũ cũhũre to naachũ ne masieraja. Cohamacũ dihta tíre masina. <sup>3-4</sup> ã jiro paraíso wama tiropũ naa mũjare yũhũre. Yũ tũhotua dihtare to naachũ masieraja yũhũ. O yũ pjacũ cũhũre to naachũ masieraja. Cohamacũ dihta tíre masina. To ã naa mũjachũ sũcũ tórpũre to yahuaire tũhoi. Tí yũ tũhorire masa ne masierara. Tí to yahurire marine yahu dutierara. <sup>5</sup> Tó sehe yũhũre to ñorine mũsare yahucũ, “Yũhũ cũirota painare yũhdũrũcariro jija”, niboa yũhũ. ã nieraja yũhũ. Yũ mũ sũro masierariro yũ jiare ñano yũhdũriro, wiho jiro yũ jiare wahchecũ mũsare yahuihtja. Tí dihtare wahchecũ mũsare yahuihtja. <sup>6</sup> “Painare yũhdũrũcaja”, mũsare ni yũ yahu duachũ yũ niri cjiri potocã tũjboa. Tó sehe ni yahucũ tũho masierariro jieraboa yũhũ. Wiho mejeta “Õ sehe painare yũhdũrũcaja”, ni yahusi yũhũ mũsare, “Cua pisaro choro yũhũre ñũri”, nicũ. Yũhũre ñũ masina ño payora mũsa. Mũsa ã ño payopachũta tí yũhdoro yũhũre mũsa ño payochũ cahmaeraja. Yũ yoarire ñũna, yũ

nirire tũhona quihõno mũsa ño payoriro yũhoro yũhure mũsa ño payochũ cahmasãaeraja mũsare.

7 Cristo noa yũhdũare mũanore yũhure to ñochũ ñũriro jicũ, “Painare yũhdũrũcaja”, niboca yũhũ sehe. ã yũ nierahito sehe Satana yũ pjacũre to duti dahrechũ ñãno “Noanohca”, niri jire Cohamacũ. Yũhure duti dahreri jire Satana yũhure ñãno wahachũ yoaro. Ahri dohatiro potaca sãano to purĩno seheta yũhure purĩna. 8 Õ yũ dohatirore yũhure yũhdo duticũ sinia timai Cristore mari pũhtorore. Tia taha sinia timai. 9 Õ sehe ni yũhtia tire yũhure tiro: “Õ mũ dohatiro pinihtare mũhure yũhdũchũ yoasi yũhũ. ã mũhure yũhdoerapaihita mũhure cahĩja. Yũ cahĩa mehne noano jiihca mũhũ. Dohaticũ ñãno yũhdũriro, wiho jiro jicũ yũ tuaare noano masichũ yoaihca mũhũ. Tuaina yũhoro mũhũ sehe yũ tuaare masare masichũ yoaihca”, ni yũhtia tire tiro yũhure. To ã nichũ tũhocũ ñãno yũhdũriro, wiho jiro yũ jiri cjirire masicũ wahcheja. ã jicũ ñãno yũhdũriro, wiho jiro yũ jiare mũsare wahchea mehne yahuihca. Õ seheta ni yahuihca Cristo to tuaa mehne yũ noano jiare mũsa noano ñũ masihtõ sehe. 10 ã jicũ Cristo yairo yũ jiri buhiri yũhure purĩchũ wahcheja. Paina ñãno yũhure ti ni durucuchũ, ñabiaro yũhdũcũ wahcheja. Yũhure ti ñãno yoarucuchũ, ñãno yũhdũcũ Cristo tuaa mehne cãno pjaja tirore wacũ tuacũ. ã jicũ wahcheja.

### **Corinto macainare Cristo yainare pjĩro cahya tũhotuha Paulo**

11 Yũ jia tiare yahucũ tũho masierariro yoaro sehe yoahi yũhũ. Yũ ã yahupachũta tí mũsa ya buhiri jira. Mũsa sehe yũ jia tiare painare noano yahuboa. Yũhũ yũ mũ sũro jicũ yaba cjilhti jieraboa yũhũ. ã jiboriro jipaihita “Jesu to cũrina, masi pahũoina jija”, ni mahũoinare docarũcaeraja yũhũ. 12 Potocãta ñãno yũhdũriro jipaihita Cohamacũ tuaa mehne yoa ñomai mũsare. ã ñocũ Jesu to cũriro yũ jiare ñoi nimai mũsare. 13 Õ seheta yoamai. Paye macari macainare Jesu yainare mũsa cũhure cãno potori yoaa timai yũhũ. Wiho mejeta mũsa dihtare cariboerahi. Mũsa dihtare paye barore sinierahi. ¿Yũ ã sinierachũ ñaa nijari, mũsa tũhotuchũ? Tí ñaa jichũ tí ñaare boga mũsa yũhure.

14 Pũa taha mũsa cahapũ yũ sũri baharo pari turi waha duaja tjoa. Tõpũ sũcũ mũsare caribosi yũhũ. Paye barore sinisi yũhũ mũsare. Mũsa yare cahmaeraja. Cristo ya sehere mũsa

yũhtiina jichũ cahmasãja yũhũ. Masa pohna sehe ti pũcsũmare ti cahmaare waerara. Ti pũcsũma sehe ti pohna cahmaa sehere wara. (Tó sehetã mũsa yũ pohna yoaro sehe jiina yũ cahmaa sehere wasi mũsa.) 15 ã jicũ yũhũ pinihta yũ cjuaa sehere wa duaja mũsare yoadohocũ tacũ. Mũsa cahamacũno yoaro sehe ji duaja mũsare yoadohocũ tacũ. Mũsa sehere yũ ã tuaro cahĩpachũta yũhũre mũsa sehe pjiroca cahĩna, yũ tũhotuchũ.

16 ã jicũ mũsa mehne jicũ mũsare cariboerahi. ¿Potocã tjiarita, mũsa tũhotuchũ? Wiho mejeta cãina mũsa mehne macaina õ sehe niboca: “Paulo paye baro marine na duaro mahĩore marine”, niboca. 17 ¿Mũsa ã niriro sehetã yoariro jicũ, dohse tíre yoari yũhũ, mũsa ñũchũ? ¿Mũsa caharũ yũ warocarina yaba barore yũhũre mahĩno mabasari tina mũsare, mũsa ñũchũ? Mahĩno maerari jire tina. 18 Sohõ jiri pjarũ mũsa caharũ Titore waha duti tuhsũhi tirore. ã jicũ paiore Cristo yairore tiro mehne piti dahre warocahi. ¿Tito paye barore mũsare mahĩno mari, mũsa ñũchũ? Mahĩno maerari jire. Tiro yũ yoaro sehetã Cohamacũ to cahmano sehetã yoariro jira. ¿ã jiro yũ yoaro sehe yoerari tiro, mũsa ñũchũ? Yũ yoaro sehetã yoari jire.

19 “Ñano yoeraja sã”, ni dũcatana nieraja sã. Cristo yaina jija. ã jina Cohamacũ to ñũrocaroi mũsare yahuna nija. Yũ coyea, yũ cahĩina, mũsare yahuhi mũsa sehere yoadoho duana. Mũsare yahuna, sã sehere mũsare cahmachũ yoana nierahi. 20 Tórũ yũ sũchũ yũ cahmano sehe yoaina jieraboca mũsa. ã jicũ mũsare tuaro cuisãaja. ã yoa mũsa cahmano sehe yoariro jieraboca yũhũ cũhũ, tórũ sũcũ. Soro mũsa yoachũ ñũcũ yahuihca mũsare. Tórũ yũ sũchũ mũsa sehe cahma sayoina, painare pahsu tiina, ñaco suaeraina, mũsa mũ sũro painare yũhdũrũca duaina, painare ñano durucuina, ñaa quiti dahreina, “Painare yũhdũrũcaja” niina, mũsa cahmachunore dojomehneina jiboca mũsa. ã jina mũsa jirore dojomehnena niboca mũsa. “Tíre yoari” nicũ, cuisãaja yũhũ mũsare. 21 Tórũ yũ sũchũ mũsare yũhũre bũo tisãachũ yoaboca Cohamacũ. Jipihinare panorũ ñano yoainare, ti ñaare cahyaerainare ñũcũ tuaro cahyaihca yũhũ. Numia mehne ñano yoainare, mũa mehne ñano yoaa numiare, wũana tiinare, ñaare goa pjainare ñũcũ cahyaihca yũhũ.

## Paulo yahu batoaha

**13** <sup>1</sup> Mip̄ure m̄sa cahap̄u wahac̄u tia taha s̄ihca t̄op̄ure. P̄na taha t̄op̄ure s̄u tuhs̄u. Õ sehe nina Cohamac̄u yare ti joari p̄i: “C̄iire mari buhiri dahrehto pano tiaro tire yahas̄ano cahmana. Tiaro mariach̄u p̄aro tire yahas̄ano cahmana. Ti ã yahas̄ari baharo buhiri dahre masija mari”, nina Cohamac̄u yare ti joari p̄i. <sup>2</sup> Panop̄ure ñano yoaina cjiri m̄sa jich̄u m̄sare, jipih̄tina paina c̄h̄ure ahrire cuaro mehne yahui. C̄ã taha m̄sa cahai pari turi s̄uc̄u m̄sare ahrire yahui. Mip̄ure m̄sa mehne jierac̄u pari turi m̄sare ahrire yahuroc̄aih̄tja tjoa: Mip̄ure m̄sa cahap̄ure s̄uc̄u, panop̄u ñano yoainare paina c̄h̄ure potoc̄ãta buhiri dahreih̄tja ȳh̄u. <sup>3</sup> Ȳu ã yoach̄u ñ̄na, Cristo to c̄iire ȳu jia tiare to tuaa mehne ȳu buherire masinahca m̄sa, m̄sa masi duariro seheta. Cristo sehe m̄sare dutiriro tua ȳuh̄ur̄uc̄u s̄ur̄iro jira. ã jiro to tuaare ñona m̄sare. <sup>4</sup> Mari yoaro sehe p̄jac̄u tiro, to tuaare ñoeraro tiro wiho jiriro yoaro sehe crusap̄u yariari jire. ã yariaparota Cohamac̄u to tuaa mehne catiriro jira tiro mip̄ure. Tiro crusap̄u jiro wiho jiriro to jiriro seheta s̄ã c̄h̄u wiho jiina jija. ã jipanahta Cohamac̄u tuaa mehne jinahca m̄sare yoadohona tana.

<sup>5</sup> ã yoa m̄sa sehe c̄aina m̄sa basi ò sehe ni t̄hotuga: “¿Potoc̄ãta Cristore wac̄u tuajari ȳh̄u?” ni t̄hotuga m̄sa c̄aina. “¿Potoc̄ãta Cristo to cahmano seheta jijari ȳh̄u?” ni t̄hotuga m̄sa c̄aina. M̄sa ã jierana to yaina waro jierara m̄sa. To yaina waro m̄sa jich̄u Cristo m̄sa mehne jiro nina. ¿T̄ire masierajari m̄sa? <sup>6</sup> S̄ã sehe “Jesu yaina, to yare yahu duti to c̄irina jija”, ni mah̄noina jieraja. To yaina, to c̄irina waro jija s̄ã. T̄ire m̄sa masich̄u cahmaja ȳh̄u. <sup>7</sup> ã jic̄u m̄sa ñano yoaerahto sehe Cohamac̄ure sini payoja m̄sare. ãta sini payoja s̄ã noaare, Cristo yare m̄sa yoah̄to sehe. M̄sa ã yoach̄u ñ̄na s̄ã ò sehe niboca: “Corinto macainare buhena, quih̄no buhei s̄ã”, niboca s̄ã painare s̄are ño payo dutina. ã ño payo dutieraja s̄ã. T̄i yaba c̄ih̄ti jierara. ã jina Cohamac̄ure sini payona, m̄sa ya c̄ih̄t̄ire sini payona nija. Paina s̄are “Mah̄noina jira”, ti nipach̄ta noaare, Cristo yare quih̄no m̄sa yoach̄u pinihtare cahma ȳuh̄uaja s̄ã. <sup>8</sup> Õ sehe dihta m̄sa noaare yoach̄u cahmas̄aja s̄ã. Cristo yare, potoc̄ã jiare soro ni yahu masieraja s̄ã. <sup>9</sup> “Cristo cahmaare yoerara m̄sa”,

ni m̄sare yahus̄ masierana, wiho jiina yoaro sehe jiboca s̄a, m̄sa ñuch̄. Noanohca. Noaare, Cristo yare yoana m̄sa sehe wiho jiina jierara. M̄sa ã jich̄ ñ̄na wiho jiina yoaro sehe s̄a jipanahta wahcheja. ã jina Cristore wac̄u tuaina, noano yuhtiina m̄sa wahahtore Cohamac̄re sini payona nija s̄a m̄sare. **10** ã jic̄u m̄sa mehne jierac̄u m̄sare ahri tjure joarocayui nija. M̄sa cahap̄ s̄uc̄, ñ̄ano yoaina m̄sa jich̄ ñ̄uc̄ m̄sare buhiri dahreihtja. Cristo yuh̄re to dutiriro seheta m̄sare buhiri dahreihtja. Ȳ ã buhiri dahrerahto sehe ahri tjure m̄sare joarocayui nija. Cristo yuh̄re to dutiriro seheta m̄sare yoadohohtirota jija. M̄sare dojomehnehtiro jieraja.

**11** Mip̄re ȳ coyeya, ahrire yahu batoihtja m̄sare. Noano wahcheina jirucuga m̄sa. Cristore wac̄u tua namoga. ã yoana noaina, tirore yuhtiina jiga. M̄sa mehne macaina mehne c̄no mehne jiga. M̄sa basi noano mehne jiga. M̄sa ã jich̄ ñ̄no m̄sa mehne Cohamac̄ jirohca. Tiro marine cahma cah̄ch̄ yoariro, marine noano mehne jich̄ yoariro jira. **12** ã yoana m̄sa mehne macainare noano mehne piti bocasiniga.

**13** Jipihtina ò macaina Cohamac̄ yaina m̄sare noa dutira.

**14** Mari p̄htoro Jesucristo m̄sare to cah̄a mehne, Cohamac̄ c̄h̄ m̄sare to cah̄a mehne Esp̄ritu Santo m̄sa mehne jirucuriro to yoadohoa mehne noano jiga m̄sa.

# Gálatas

## Galacia wama tiri yahpa macainare Jesu yainare joarocaha Paulo

**1** <sup>1</sup> Yũhũ Paulo, Cristo yare buhe dutiro to cũriro jija. Masa ti cũriro jieraja yũhũ. ã yoa masa sehe yũhũre Cristo buhe dutiro to cũhtore yũhũre yahuerare. Cohamacũ Jesu Pũcũro sehe Jesure yariaritore masoriro yũhũre cũre to yare buhehtitore. Jesucristo cũhũ yũhũre cũre. Ti ã cũriro jicũ ahrire joarocaja mũsare. <sup>2</sup> Yũhũ mũsare Jesu yainare Galacia yahpa macainare noa dutija. Yũhũ mehne macaina Jesu yaina cũhũ mũsare noa dutira. <sup>3</sup> Cohamacũ mari Pũcũ, mari pũhtoro Jesucristo mehne mũsare noa dutija. Cohamacũ to yoadohoa mehne noano jiga mũsa. <sup>4</sup> Tiro Jesucristo sehe mari ñaare yoari buhirire yariari jire. Mipũre masa ti ñaare yoari dacho jira. ã jiro ahri dacho baroihta tiro yariari jire Cohamacũ mari Pũcũ to cahmariro seheta marine yũhdũchũ yoaro taro. ã to yũhdũchũ yoachũ ñaare mipũre ti yoariro seheta yoa duasi mari. <sup>5</sup> ã yoa jipihtia dachoripe tirore mari Pũcũre ño payojihna. ãta yojihna.

## Cohamacũ masare to yũhdũchũ yoahiti buhea cũnota jira. Paye buheapũ mariahna

<sup>6</sup> Cristo mũsare cahũno to yaina cjihire mũsare cũre. ã jicũ mũsare cũriro yare cohãna, soro jia buhea sehere dói mũsa cahmachũ ñh cũaa wahaja yũhũ. <sup>7</sup> Paye buhea noaa buhea yoaro sehe jia buhea waro jierara. Ti ã jierapachũta cãina mũsa cahai jiina mũsare cariboa, soro jia buheare buhea, noaa buheare ni dojomehne duara. <sup>8</sup> ã yoa mũsare sã buhe mũhtari cjirire mari cohãchũ soro jia buhea sehere mari buhechũ Cohamacũ marine buhiri dahrejaro. Tuhsũ, anjo mũano macariro ã to buhechũ tiro cũhũre buhiri dahrejaro Cohamacũ. <sup>9</sup> Pano sã niriro seheta mipũre pari turi niihtja tjoa: Cũiro mũsare sã buherire cohãno, soro jia buheare to buhechũ Cohamacũ tirore buhiri dahrejaro.



10 Ñ nicu “Tiro dihta noano buheriro jira”, yũhure ni dutii nieraja. Cohamacu sehe yũhure “Noano buhere mũhu”, to nichu cahmaja. Masare wahchechu yoacu tacu soro jia buheare buheboa yũhu. Ñ buhecu ne Cristo cahamacuno jieraboia yũhu.

### **Paulo Cristo to buhe duti to cũriro to ji dũcarire yahuha**

11 Yu coyea, ahrire mũsa masichu cahmaja yũhu: Noaa buheare yu buheri cjiri masa ya buhea jierara. 12 Tĩ buhea masunore yu tũhori jierara. Ñ jia paina masa yũhure tí buheare yahuerare. Jesucristo sehe yũhure tí buheare masichu yoare.

13 Panopũre yu coyea judio masa ti yoaa tiriro sehe yu yoariro jichu masina mũsa. Ñ sehe yoaa tii yũhu: Jesu yainare tuaro ñano yoacu tinare noano wajã pahñonoca duamai. 14 Sã ñũchũsuma ti buherire tuabiaro yoa duacu yu coyea yu cũno potori bũcarina yũhoro yoa mũhtariro jia timai yũhu. 15 Yu ã jiriro jipachũta yu masa bajuahto pano Cohamacu yũhure bese tuhsũri jire. Ñ jiro yũhure cahĩno tiro to yairo cjihto, to cahamacuno cjihto cũre yũhure. 16 Ñ yoa to cahmano seheta to macunore yũhure masichu yoare to yare noaa buheare judio masa jierainare yu buhehti cjihtire. To ã yoachu “¿Dohse ni buhero cahmacari yũhure?” ni masare sinitu ñũerahi yũhu. 17 Ñ yoa Cristo to cũrina yu pano jirina cahapũre Jerusalẽpũre sinitu ñũi wahaerahi. Arabia yahrapũ wahai yũhu. Ñ jicu Damascopũ majare wihii tjoa.

18 Tia cũhma baharo Pedrore ñũcu wahai yũhu Jerusalẽpũ. Tópũre pũa somana waro jii. 19 Ñ yoacu painare Cristo to cũrinare ñũerahi. Santiago dihtare mari pũhtoro bahũrore ñũi. 20 Ñ sehe ni joarocacu Cohamacu mehne ne mahũope joeraja.

21 Baharo Siria yahrapũ, Cilicia yahrapũ cũhure wahai. 22 Tópũre yu sũchu tí pjare Judea yahrapũ jiina Jesu yaina yũhure ne ñũ masierasinire. 23 Ñ jia ahri dihtare yũhure masi dũcare tina: “Panopũre marine ñano yoariro mipũre noaa buheare to cohã duari buheare buhero nina”, ni masi dũcare tina. 24 Yũhure ã masia Cohamacure “Noa yũhdũariro jira”, nire tina.

### **Paina Cristo to cũrina Paulore piti boca dũihta cahmana**

**2** 1 Catorce cũhmari baharo pari turi Jerusalẽpũ wahacu Bernabé mehne wahai. Tito cũhu wahare yũhu mehne. 2 Cohamacu yũhure to waha dutichu tópũre wahai. Jerusalẽi

jicɔ Jesu yaina pũtoa ti sahsero ti cahmachuchɔ ñucɔ noaa buheare judio masa jierainare yɔ buherire yahui tinare. “¿Judio masa jierainare noaa buheare yɔ buhechɔ noajari, mɔsa tũhotuchɔ?” nicɔ, ã ni yahui tinare. ã ni yahui tinare panopɔ yɔ buherire mipɔre yɔ buheri cũhɔre ti noano masihto cjihtore, tíre “Noana”, ti nihto cjihtore. Ti ã nierachɔ yɔ buheri cjiri yaba cjihti jieraboa. <sup>3</sup> Yũhɔ mehne macariro Tito judio masɔno jierariro jiro, circuncisiõre yoaerariro jira. To ã yoamahnoerariro to jipachũta Jesu yaina pũtoa “Mũhɔ cũhɔ circuncisiõre yoaga”, nierare tirore. <sup>4</sup> Ti ã nierapachũta cãina “Jesu yaina jija”, ni mahñoina wacũenoca sã mehne sãa, tirore circuncisiõre ti yoachɔ cahmamare tina. Jesu yaina mari jina “Panopɔ macaare ti dutiriro sehe yoana tí mehne yũhdusi”, ni tũhotuja mari. Mari ã ni tũhotuina jichɔ mari yoaare ñũ duaa tina sehe sã mehne mahñõ sãare. ã yoaa sã ñũchɔsuma ya dutiare yoa duti duaa, tí dutiare ñõ payorucuina jichɔ yoa duamare sãre tina. <sup>5</sup> Ti ã yoa duapachũta noaa buheare quihõno mɔsa noano masihto cjihtore ne mahanocã mehne tũho duaerahi sã tinare.

<sup>6</sup> ã yoa Jesu yaina pũtoa noaa buheare yɔ buherire ti tũhori baharo “Õ sehe ni yahu namoga judio masa jierainare”, ni yahu quihõerare tina yũhɔre. Jesu yaina pũtoare wiho jiina yoaro sehetã tũhotuja tinare. Cohamacɔ sehe jipihtinare cũno potori tũhotura. ã jicɔ ãta tũhotuja yũhɔ cũhɔ. Tina sehe yɔ buheriro sohtoare buhedoho masierare. <sup>7</sup> ã jia judio masa jierainare yɔ buhehtire Cohamacɔ yũhɔre to cũrire tũhoa, “Tóihã jira”, nire tina. Judio masare buheare Cohamacɔ Pedrore to cũriro sehetã tó sehetã yũhɔ cũhɔre cũre judio masa jierainare yɔ buhehtiro cjihtore. <sup>8</sup> Judio masare Pedrore buhe dutirirota yũhɔ cũhɔre tirota buhe dutire judio masa jierainare.

<sup>9</sup> ã jia Santiago, Pedro, João mehne “Jesu yaina pũtoa”, ti niina noaa buheare buherire Cohamacɔ yũhɔre to cũrire tũhoa “Tóihã jira”, nire tina. ã niata yũhɔre Bernabé mehne noano wahchea mehne wamomaca ñahare sãre piti tia. ã jina judio masa jierainare buheina jija sã. Santiago cũhɔ sehe judio masare buheina jira. “ãta wahajaro”, nii sã sã basi. <sup>10</sup> ã nipahta tina judio masare pjacũoinare yoadoho dutire sãre. Pjacũoinare yoadohohtiro jiita nija yũhɔ.

### Antioquíai Paulo Pedrore tuhtiha

11 Ñ yoa Pedrore Antioquíapũ to sũri baharo quihõno to yoerari buhiri tuhtii tirore. 12 Õ sehe yoare tiro: Santiago to warocaina Antioquíapũ ti sũhto panocã, Pedro sehe judio masa jieraina mehne chũro nire. Santiago warocaina judio masa jierainare “Circuncisiõre yoaga” niina, judio masa panopũ macaina ya dutiare yoa dutiina jire. To ã chũro watoi tina sũre. Ñ chũriro jiparota tina to cahapũ ti sũchũ ñũno, tinare cuiro, Pedro judio masa jierainare duhunoca, pari turi tina mehne chũro wahaerare. “Mipũre wihiina yũhũre tuhtiri” nino, judio masa jieraina mehne chũ namoerare. 13 To ã mahõno cureriro seheta to yoachũ ñũa, paina judio masa cũhũ tirore ñũ cũ, tina cũhũ tó seheta yoare. Ñ jiro Bernabé masa noariro jiparota tina yoaro seheta yoare tiro cũhũ. 14 Ñ jicũ judio masa jierainare ti duhuri buhiri noaa buhea ti niriro seheta tina ti yoerachũ ñũcũ, jipihtina Jesu yaina panoi Pedrore yahui: “Judio masa ya dutiare yoa dutiina ti ñũrocaroi judio masa jieraina mehne mũ chũ duaerachũ ñũa õ sehe ni tũhotuboca tina judio masa jieraina: “Jesu yaina dihta jina judio masa yoaro sehe yoajihna mari cũhũ”, ni tũhotuboca. Ñ ni tũhotuchũ yoara mũhũ tinare. ¿Dohseacũ tinare judio masare ñũ cũchũ yoa duajari mũhũ ã piti ti duhucũ? Judio masũno jipaihta judio masa jieraina yoaro sehe yoamare mũhũ. Ñ yoacũ judio masa yoaro sehe yoerare mũhũ. ¿Ñ yoariro cjiro jipaihta dohseacũ judio masa jierainare judio masare ñũ cũchũ yoa duajari mũhũ?” nii tirore.

### Judio masare paina masa yoaro seheta

#### Jesure wacũ tua dutiha Cohamacũ

15 Sã sehe judio masa masa bajuana, paina ñnano yoina judio masa jieraina yoaro sehe jieraja sã. 16 Ñ jiina sã jipachũta Cohamacũ dutiare Moise cjirore to cũriire yoina sã jichũ “Noaina jira”, ni ñũeraboa Cohamacũ sãre. Tíre mari masija. Ñ yoa Jesucristore mari wacũ tuachũ Cohamacũ marine “Noaina jira”, ni ñũnohca. Tíre masina, sã cũhũ Jesucristore wacũ tuaja tirore sã wacũ tuari mehne sãre “Noaina jira”, Cohamacũ to ni ñũhto cjihtore. To dutia cjiire sã yoina jichũ “Noaina jira”, ni ñũeraboa Cohamacũ sãre. Ne tí dutia yoaa mehne noaina jierara masa, Cohamacũ to ñũchũ.

17 Wiho mejeta Cristore mari wacū tuaa mehne noaina Cohamacu yaina mari waha duachu, ñaina mari jiare masichu yoarohca Cristo. ¿Cristo mari ñaare marine masichu yoaro ñaina marine jichu yoajari tiro, musa tuhotechu? Ne mahanocã mehne yoerara. 18 Sã dutia yoaa mehne yũdu duamarina cjiri jipanahta tí buheare cohã. Ñ cohãpanahta pari turi tí buheare yoana tí dutiare sã yoa pahñoerari buhiri potocãta buhiri tinahca sã. 19 Cohamacu dutiare Moise cjirore to cūrire cūno pjaeraja mari. Ñ jia, tí dutia marine duti namoerara. Cohamacu to tuaa mehne to yaina jija mari. Cristo mehne crusai yariaina yoaro sehe jija mari. 20 Ñ jina yariariro to mũ sũro to yoerariro sehta mari mũ sũro yoeraja mari. Cristo ya tuaa mehne yoaja. Ñ yoa mipũre Cohamacu macũnore wacū tuaa mehne jirucuja mari. Tiro Cohamacu macũno marine cahĩre. Ñ jiro mari ya buhirire yariare. 21 To dutia yoaa mehne noaina Cohamacu yaina mari wahachu Cristo to yariari sehe ne yaba cjihti jierabo. Cohamacu marine to cahĩrre, Cristo to yariarire wiho jia yoaro sehe jichu yoa duaeraja yũhu sehe. Ñ jicu “Dutia mehne yũhdũihca”, ne nieraja yũhu.

**Cohamacu dutia Moise cjirore to cūrire,  
wacū tuaa cūhũre yahuha Paulo**

**3** 1 Yũ coyea, musa Galacia macaina tuho masieraina ji wama tira musa. Jesucristo crusai to yariari buheare jipihitina ti ñũrocaroi mũsare yahui. ¿Ñ jina mipũre to yare musa yũhdũrũcahtore paina mũsare ti dojomehnechu dohse yoana tinare yũhtiri musa? 2 Ahrireta yahu duaja mũsare: Dutiare musa yoaa mehne Espĩritu Santore cjuerara musa. Noaa buhea sehere tuhona Cristore musa wacū tuaa mehne Espĩritu Santore cjuara musa. 3 Espĩritu Santo mehne musa Cristo yaina ji dũcana mipũre musa mũ sũro musa yoaa mehne Cohamacu cahapũ musa waha duachu ña nina. Tuho masieraina jira musa, ã yoana. 4 ¿Noaa buheare musa yoari buhiri payũ tahari musa ñano yũhdũna wiho warota ñano yũhdũnocana niri musa, ã wahana? Wiho waro jierara musa ã wahari. 5 ¿Dohse musa yoari wapa Espĩritu Santore mũsare wari Cohamacu, musa tuhotechu? To dutiare musa yoari wapa waerare tiro. To buheare noano musa tuhochu ñno tirore musa wacū tuari baharopũ Espĩritu Santore ware tiro. ¿Cohamacu musa watoi to tuaa mehne yoa ñono dohse jiro

baro ã yoa ñojari tiro, m̄sa t̄hotuch̄? To dutiare m̄sa yoari wapa ã yoa ñoerare tiro. To buheare noano m̄sa t̄hoch̄ ñ̄no tirore m̄sa wac̄u tuari baharop̄ ã yoa ñore tiro.

6 Abrah̄a cjiro Cohamac̄re wac̄u tuaa tiri jire. To ã yoach̄u tirore Cohamac̄u “Noariro jira”, ni ñ̄na tiha. 7 ã jina ahri ȳu nihtire masiga m̄sa: Cohamac̄re wac̄u tuainata potoc̄ata Abrah̄a cjiro panamana ji turiaina waro pa turu macaina yoaro sehe jira. 8 Panop̄ Cohamac̄u yare ti joari p̄i ò sehe ni yahua tiha: Judio masa jieraina Cohamac̄re ti wac̄u tuach̄u ñ̄no “Noaina jira”, ni ñ̄na Cohamac̄u. To ã ni ñ̄htore Cohamac̄u pano masiyuro, tiro noaa buheare Abrah̄are pano yahu m̄hta tuhs̄a tiha. “M̄h̄u mehne ahri yahpa macainare jipihtinare noano yoaiht̄ja”, nia tiha Cohamac̄u Abrah̄are. 9 ã jiro Abrah̄a cjiro Cohamac̄re noano t̄ho wac̄u tuaa tiha. To ã wac̄u tuach̄u ñ̄no Cohamac̄u tirore noano yoaa tiha. ã yoa paina masa Cohamac̄re ti wac̄u tuach̄u, tina c̄h̄are noano yoarohca Cohamac̄u, Abrah̄a cjirore to yoariro seheta.

10 “Moise cjirore to c̄uri dutia mehne Cohamac̄u yaina wahanahca”, ni t̄hotuina buhiri tiina jira. To joari p̄i ãta nina: “Cohamac̄u dutiare to ya t̄jui ti joarire yoa pah̄noeraina buhiri tiina jira tina jipihtina”, ni joaa tiha. 11 Cohamac̄u yare ti joari p̄i ò sehe nina: “Cohamac̄re wac̄u tuinare ‘Noaina jira’, ni ñ̄na Cohamac̄u. ã wac̄u tuaa jipihtia dachoripe Cohamac̄u mehne ã jirucuahca”, nina Cohamac̄u yare ti joari p̄i. To ã nich̄u ahri ȳu nihtire mari noano masija: To dutiare ti yoaa mehne masa noaina wahaerara, Cohamac̄u to ñ̄uch̄u. 12 Dutia yoaa mehne Cohamac̄u cahap̄u waha duaina Cohamac̄re wac̄u tuaerara. Ò sehe nina Cohamac̄u yare ti joari p̄i: “Dutiarre yoaa mehne noaina waha duainare tí dutiarre yoa pah̄ono cahmana tinare, d̄hsaro marieno”, nina Cohamac̄u yare ti joari p̄i. Wiho mejeta to dutiare yoa pah̄noeraina jira masa. ã jia Cohamac̄u ñ̄rocaroi noaina waha masierara.

13 ã jia tí dutia marine buhiri tich̄u yoara. Mari ã buhiri tich̄u ñ̄no Cristo sehe to basi mari yaro jiborirore buhiri tirirowaharo, mari buhiri tiborirore tiro sehe coh̄basare marine. Cristo to buhiri tihtore yahuro ò seheta ni joaa tiha panop̄re: “Jipihtina yuc̄s̄p̄u ti duhu òina buhiri tiina jira”, ni joaa tiha panop̄re. 14 To ã ni yahu joariro seheta ã yoari jire Cristore. Cohamac̄u Abrah̄a cjirore “Ahri yahpa macainare noano yoaiht̄ja”, to niriro seheta yoaro niri jire masare. ã yoari jire

Cristo mehne. Tiro yariari jire Cohamacu judio masa jierainare noano to yoahito cjihtore. A yoaro Jesucristo mehne Cohamacu Abrahãre to niriro seheta tuhsuri jire. A yoari jire tiro tireore mari wacũ tuari baharo Espiritu Santore mari cjuahito cjihtore.

### To buherire quiti mehne yahu namoha Paulo

15 Yũ coyea, masa ya quiti mehne tí yũ nirire yahuihtja musare: Cãiro paio mehne “Õ sehe yoajihna mari”, ni cũno mehne ti joa cũpachuta paio tí pũre soro ni dojomehne joa namo masierara. A yoa tuhsũ, tí pũre “Quihõno jierara”, ni masierara tiro. 16 Tí pũre cũno potori ti joa cũriro seheta “Musare noano yoaihtja”, Cohamacu nino, Abrahãre to panamino ji turiariro cũhũre ni yahu cũno nia tiha. A ni yahu cũno paina to panamana ji turiainarũre ni yahu cũno niera tiha. Cãiroreta to panamino ji turiariro dihtare ni yahu cũno nia tiha Cohamacu. Tiro Abrahã panamino Cristo jira. 17 Mipũre noano yahuihtja musare: Abrahã cũhũre Cohamacu “Musare noano yoaihtja”, to ni cũri baharo cuatrocientos treinta cũhmari yũhdũri baharo to dutiare Moise cjirore cũa tiha. A cũno Abrahã cũhũre Cohamacu “Musare noano yoaihtja”, to yahu cũri cjirore boro taro niera tiha. 18 Cohamacu marine yũhdũchũ yoaro, dutiare mari yoaa mehne marine yũhdũchũ yoerara. Dutiare yoaa mehne mari yũhdũchũ Cohamacu “Musare noano yoaihtja”, to ni yahu cũri sehe yaba cjihti jieraboa. Wiho mejeta to dutia mariasinichũrũ Abrahãre a ni cũ mũhtaa tiha.

19 ¿A jiro dohse jiro baro to dutiare cũri Cohamacu? To dutiare cũha tí dutiare mari yũhdũrũcarire mari noano masihtõ sehe. A jiro panopũre Cohamacu “Mũ panami mehne masare noano yoaihtja”, Abrahãre to niriro to wihito pano Cohamacu to dutiare cjuaa timaha masa. Cohamacu to dutiare to cũchũ to anjoa sehe tíre duti turiaa tiha. A yoa Moise cjirore ti cũchũ, tiro sehe masare cũ turiaa tiha tjoa. 20 To dutiare Moise cjiro to cũ turiachũ Cohamacu to basita masare cũera tiha. A cũeraparota Cohamacu “Mũhũre noano yoaihtja”, Abrahã sehere ni yahu cũno, to basita a ni yahu cũa tiha.

21 Cohamacu Moise cjirore to dutiare cũno, tó pano Abrahãre to ni yahu cũrũre “Yũ niriro sehe yoasi yũhũ”, nino niera tiha tiro. Abrahãre to niriro seheta yoaro taro nia tiha. To dutia yoaa mehne Cohamacu yaina wahana tí pja pinihta

dutiare mari yoaa mehne noaina wahaboa mari. <sup>22</sup> Wiho mejeta Cohamacu to yare ti joari pũ sehe jipihtina ñaa buhiri tiina, ñaare duhu masieraina ti jirire yahua tiha. Ñ ni yahua tiha Cohamacu “Mũsare noano yoaihtja”, pano to niriro seheta to yoahito cjihtore. Ñ yoaro Jesucristore wacũ tuainare noano yoara tiro pano to niriro seheta.

<sup>23</sup> Jesucristo ya buheare mari tũhohto pano, tirore mari wacũ tuahto pano Cohamacu Moise cjirore to cũri dutia dihtare masimahi mari. Ñ masimarina jina ñaa buhiri tiina, peresupũ jiina yoaro sehe tí ñaare duhu masieraina jina, dutia dihtare masiina jimahi mari. <sup>24</sup> Ñ jia Cristo to wihihito pano Cohamacu dutia sehe marine yahure dahra cohtariro to pũhtoro pohnare to yahuriro seheta. Ñ yahure marine baharo Cristore mari wacũ tuaa mehne Cohamacu “Noaina jira”, marine to ni ñũhto cjihtore. <sup>25</sup> Mipũ pinihtare Cristore mari wacũ tuari pja jira. To ã jichũ dahra cohtariro yoaro sehe to dutia sehe marine yahu namoerara. Marine dutirucu namoerara. <sup>26</sup> Ñ jina Cristo Jesure wacũ tuaina jina Cohamacu pohna jira mũa. <sup>27</sup> Jipihtina mũa co mehne bautisarina jira Cristo yaina mũa jiare ñona tana. Ñ yoana to yaina jina, Cristo yoaro sehe jiina wahana nina mũa. <sup>28</sup> Mipũre pũa curua jierara mũa. Judio masa jieraina, judio masa mehne pũa curua jierara mũa. Dahra cohtaina, dahra cohtaina jieraina mehne pũa curua jierara mũa. Mũa, numia mehne pũa curua jierara mũa. Jipihtina mũa Cristo yaina jina, cũ curuata jira mũa. <sup>29</sup> Cristo yaina jina, Abrahã Cohamacure to wacũ tuariro seheta yoaina jina, Abrahã panamana waro jira mũa. Mũa ã jiina jichũ Cohamacu Abrahãre “Mũsare noano yoaihtja”, to ni yahu cũriro seheta mũa cũhũre noano yoarohca tiro. Cristo yaina mũa jichũ ñũno mũsare noano yoarohca.

**4** <sup>1</sup> Ñ sehe jira ahri qiti mehne yũ yahu namochũ: To pũcũro baharo to yare nahtiro wahma bũcũariro jiropũ jipihtia to ya jipachũta dahra cohtariro yoaro seheta ne paye baro maerariro yoaro seheta jira tiro. <sup>2</sup> Ñ jia tiro wahma bũcũariro to jichũ tirore ñũ wihboina to yare ñũ wihbora. Ñ yoa to pũcũro to quihõri pja mũ sũchũpũ to pũcũro yare cũarohca to macũno. <sup>3</sup> Ñ seheta wahma bũcũariro yoaro seheta jimai mari cũhũ. Ñ jiina mari jisinchũ dahra cohtainare ti dutiriro seheta Moise cjirore to cũri dutia, mari ñũchũsũma panopũ macaina ti cũri dutia cũhũ marine dutisinimare.

4 Mari ã jiina jipachuta to quihõri pja m̃ s̃uch̃ Cohamac̃ to mac̃nore warocari jire. ã to warocach̃ to mac̃no c̃ucoro numino mehne masa bajuari jire. ã jiro tiro judio mas̃no masa bajuaro Cohamac̃ dutia Moise c̃jimore to c̃uri c̃jirire yoarucuriro jiri jimare. 5 Mari c̃uh̃re tí dutiata dutisiniri jimare. ã jiro marine ỹhd̃uch̃ yoachtiro c̃jiltore warocari jire Cohamac̃ to mac̃nore, to pohna waro mari wahahto c̃jiltore.

6 ã jiro to pohna m̃sa jich̃ ñ̃no, Cohamac̃ mac̃no to yairo Esp̃ritu Santore m̃sa mehne jiltiore warocari jire Cohamac̃. To yairo Esp̃ritu sehe Cohamac̃re “Mai”, niriro jira. 7 ã jina m̃sa Cohamac̃ to yoadohoa mehne dahra cohtaina jierara m̃sa mip̃re. To pohna jira m̃sa. ã jina to pohna jina, Cohamac̃ to wahtire c̃janahca m̃sa.

### Paulo Galacia macainare Jesu yainare cuisãha

8 Panop̃ Cohamac̃re m̃sa masierasiniina jina “Cohamac̃ jira”, m̃sa nia mas̃rine ño payona tí mas̃rine dahra cohtaina jiri jimare m̃sa. M̃sa ã ño payoina potocãta cohamana waro jierari jire. 9 ã jirina c̃jiri jipanahta mip̃re Cohamac̃ warore masina m̃sa. Jierara. Tiro pinihta m̃sa sehere masina.

¿To ã masipachuta dohse yoana ahri yahpa macaina ya buhea sehere cahmajari m̃sa tjoa? Ti ya buhea mehne noano ỹhd̃u duapanahta ne ỹhd̃usi m̃sa. ã yoa baharõ Cohamac̃ jipihtia dachoripe m̃sare to wahtire c̃jasi m̃sa. ã yoana tí buhea mehne ỹhd̃u duana, pari turi ti ya dutiare dahra cohtaina yoaro sehe wahana nica m̃sa. 10 Cãa dachorire, cãa s̃urine, cãa puhib̃c̃ure, cãa c̃uhmarine bõse ñm̃urine dahre dutira m̃sa. “Mari ã yoaa mehne dutia mehne ỹhd̃nahca”, ni t̃hotumana m̃sa. 11 M̃sa ã ni t̃hotuch̃ m̃sare tuaro ỹ buheri c̃jiri yaba c̃jhti jieraboca, ỹ t̃hotuch̃.

12 Ỹ coyea ahrire tuaro dutiit̃ja m̃sare: Cristore ỹ t̃hoturiro seheta m̃sa c̃uh̃ tire t̃hotuga. Panop̃ dutia yoaa mehne ỹhd̃u duaina jierari jimare m̃sa judio masa jieraina jina. Mip̃ sehere ỹh̃ c̃uh̃ m̃sa yoaro seheta wahai dutia yoaa mehne ỹhd̃u duaerac̃. ã jina Cristore ỹ t̃hoturiro seheta m̃sa c̃uh̃ ãta tire t̃hotuga. M̃sa mehne ỹ jich̃ ne ñano yoerare m̃sa ỹh̃re. 13 Ahrire masina m̃sa. Tõp̃ dohatiro jic̃, pa seher̃ waha masierac̃ noaa buheare m̃sare buhe d̃cai. 14 Ỹ ã dohatiro jipachuta, ỹh̃re pumeborina m̃sa jipanahta, ỹh̃re yabierare m̃sa.



Ã jina yũhũre “Waharisa”, nierare mũsa. Ã jina Cohamacũ yairo anjore, Jesucristo cũhũre mũsa piti bocaboriro seheta yũhũre noano piti bocare mũsa. **15** ¿Mipũre dohse wahari yũhũ mehne mũsa wahchea? Mũsare ahrire niihtja: Cũno pjana mũsa caparire orewe na yũhũre waboa mũsa. **16** ¿Yũhũ mehne macaina jipanahta mipũre quihõno mũsare yũ yahuchũ ñũ tuhtijari mũsa yũhũre?

**17** Sohõ jiina soro ni buheina mũsare tuaro cahmasãana. Ti tũhotua soro jira. Noaa jierara. Tina mũsare yũhũre yũhdũrucachũ cahmana, tina sehene mũsa cahmahto sehe. **18** Noano mehne mũsa noano wahahto sehe mũsare ti cahmasãachũ noa niboa. Ã yoa tõpũre yũ mariachũ cũhũre ti ã cahmasãachũ noa niboa. **19** Yũ pohna, niji wahcõricoro to ñano yũhdũro seheta mũsare ñano wacũ tũhotuja yũhũ. Pũ Cristo yoaro sehe mũsa jichũpũ mũsare wacũ duhuihca. **20** Michapucacã mũsa mehne jicũ tuhtiro marieno wahchea mehne mũsa mehne yũ sũhũduchũ noaboa yũhũre. Mũsare pjĩro tũhotui nija yũhũ.

### Agar Sara mehne ti jiri cjirire yahuha Paulo

**21** Tũhoga mũsa yũhũre. Cohamacũ to dutiare yoaa mehne yũhdũ duaina jipanahta to dutia sehene noano masierara mũsa. **22** Õ sehe nia tiha Cohamacũ yare ti joari pũi: Abrahã pũaro pũcũro jia tiha. Tirore dahra cohtaricoro Agar wama tiricoro mehne cũiro pohna tia tiha. Ã yoa to namono poto Sara wama tiricoro mehne cũiro pohna tia tiha. **23** Wiho mejeta tirore dahra cohtaricoro macũno masa mari yoaro seheta masa bajuua tiha tiro. To namono poto macũno sehe Cohamacũ “Cũirocã pohna tinahca mũsa”, to niriro seheta masa bajuua tiha tiro sehe. **24** Ahri quti marine noano piti dahre yahura: Cohamacũ pũa taha masare “Mũsare yoadohoihtja”, to nia yoaro seheta jira ahri numia pũaro numia. Cũcoro Sinaí wama tidũpũ to dutiare wari yoaro sehe jira. Ticoro Agar jira. Ticoro mehne mari piti dahre buhechũ judio masa cũhũ dutiare yoarucua mehmeta yũhdũ duaina ticoro yoaro sehe jira. Tina dahra cohtaina yoaro sehe jira. **25** Ticoro Sinaí wama tidũ Arabiapũ jidũ yoaro sehe jiricoro jira. Mipũre Jerusalẽ macaina judio masa dutia yoaa mehne yũhdũ duaina dutiare dahra cohtaina yoaro sehe jira. Ã jia mari piti dahre buhechũ tina ticoro yoaro sehe jira dahra cohtaricoro to jia tiroro sehe. Tina Cohamacũ

pohna jierara. **26** Pacoro sehe Abrahã namono poto m̃anop̃u jiri maca Jerusalẽ wama tiri maca yoaro sehe jira, mari piti dahre buhech̃u. Ticoro dahra cohtaricoro jieraro, to mac̃no c̃ũh̃u dahra cohtariro jierari jire. (Ã yoa Jesucristore wacũ tuaina mari jina, Sara mac̃no yoaro sehe jija. Mari c̃ũh̃u Cohamac̃u Moise cjirore to c̃ũri dutia mehne yũhd̃u duaina jieraina jina, dahra cohtaina yoaro sehe jieraja.) **27** Cohamac̃u yare ti joari p̃ũi õ sehe ni joaa tiha Cohamac̃u pohna warore, Sara yoaro sehe jiricorore yahuro:

“Pohna marienicoro, wahchega.

Ã yoa wahchea mehne sañurucuga, niji wahcõno purĩnore masieraricoro jico.

Mũh̃u sehe mañu tiricoro yũhdoro paỹu pohna ticohca.

Ã jico wahchega”,

ni joaa tiha panop̃ure to pohna tihto pano Sara yoaro sehe jiricorore yahuro.

**28** Yũ coyea, Cohamac̃u to niriro seheta Isaa masa bajuaa tiha. Mari c̃ũh̃u tiro yoaro sehe Cohamac̃u to niriro seheta to pohna jija mari. **29** Wiho mejeta tí pjar̃ure masa yoaro sehe masa bajariro ñano yoaa tiha pairore Espĩritu Santo to niriro seheta masa bajarirore. Mip̃u c̃ũh̃ure ãta jira to jiriro seheta. **30** Wiho mejeta õ sehe nina Cohamac̃u yare ti joari p̃ũi:

“Dahra cohtaricoro mac̃no to p̃uc̃no yare c̃j̃ua masierara. To namono poto mac̃no sehe to p̃uc̃no yare c̃j̃ua masina.

Ã yoa ticorore dahra cohtaricoro cjirore to mac̃no mehnetã cohãnocahga”, ni joaa tiha. **31** Yũ coyea, ne dahra cohtaricoro pohna yoaro sehe jieraja mari. Wiho mejeta to namono poto pohna yoaro sehe jija mari.

**Jesucristo yare noano tũho ñahana, tíre duhuena t̃jiga**

**5** <sup>1</sup> Dutia yoaa mehne yũhd̃u duaina tí dutiare dahra cohtaina ti dutipeina yoaro sehe jira. Cristo yaina wahana ti dutipeina mari jiare wijaana, Cristo mehne yũhd̃j̃a mari. Ã to yũhd̃ch̃u yoarina jina, to yare ã yoarucuga, “Tí dutia yoaa mehne yũhd̃nahca”, ni tũhoturo marieno.

<sup>2</sup> Mip̃ure yũh̃u Paulo ahrire yahuiht̃ja m̃sare: “Circuncisiõre mari yoari mehne yũhd̃nahca”, m̃sa ni tũhotuna, Cristo m̃sare to yoadohorire yaba c̃jihti jierach̃u yoana nina m̃sa.

<sup>3</sup> Jipihtina circuncisiõre m̃sa yoari mehne yũhd̃u duainare

pari turi ò sehe ni yahuihtja yũhũ: Circuncisiõre mũsa yoari mehne yũhdũ duana, paye Cohamacũ dutiare yoa pahñoerana, yũhdũsi mũsa. **4** Dutia yoaa mehne yũhdũ duaina jina Cristo sehere cohãre mũsa. ã yoaina jina, Cohamacũ mũsare to cahĩre, mũsare to yũhdũchũ yoa duarire cahmaerara mũsa. **5** Wiho mejeta mari sehe Espĩritu Santo to tuaa mehne Cohamacũre wacũ tuaja. Mari ã wacũ tuachũ “Noaina, ñaa buhiri marieina jira”, ni ñũna Cohamacũ marine. To ã ni ñũchũ marine to yũhdũchũ yoahtore masija mari. **6** Cristo Jesu yaina jina circuncisiõre mari yoachũ ne yaba cjihti jierara. Circuncisiõre mari yoerachũ cũhũre ne yaba cjihti jierara. Wiho mejeta Cristo pinire wacũ tuana painare cahĩnahca mari. Tĩ wacũ tuaa sehe wiho waro jia nierara. Tĩ waro jia nina.

**7** Mũsa Cristore noano wacũ tuasinimare. ¿Diina baro noaa buheare yũhdũrũca dutiari mũsare? **8** Ti ya buhea Cohamacũ mũsare to pohñare cũriro to ya buhea jierara. **9** Ahri yũ nihtire wacũga mũsa: Mahanocã pão bũcũaro trigo yũbũre noano sahserũcũ sũra. (To ã sahserũcũ sũriro seheta yũ coyea judio masa ya buhea sehere mũsa cahmarucuchũ ñũa payũ masa mũsa mehne macaina cũhũ tĩ buheare cahmaboca tina cũhũ.) **10** Mari pũhtoro Cristore wacũ tuaja mari. ã jicũ ahri yũ nihtire masija yũhũ. Cristo to yoadohoa mehne paye buheare baharopũre cahmasi mũsa. Tĩre masija yũhũ. Mũsare dojomehne cohtaina dohse jiina jica. Tinare Cohamacũrũ buhiri dahrerohca.

**11** Yũ coyea, “Dutia yoaa mehne yũhdũnahca”, ti nia buheare yũ buheriro jichũ judio masa yũhũre ñano yoeraboa. Cristo crusai to yariari buheare yũ buheri buhiri tina ñano yoara yũhũre. Cristo ya buhea mehne judio masa ya buheare yũ buhe morechũ yũhũre ñano yoeraboa tina. **12** Mũsare dojomehne cohtaina mũsare mahanocã mũsa pjacũ macari cahsarocãre yihso dutiina ti basi dihta yihsojaro.

**13** Yũ coyea, “Dutia mehne yũhdũnahca”, ni tũhotu dutierara Cohamacũ mũsare. Wiho mejeta “Dutia mehne yũhdũnahca”, ni tũhotuina jierapanahta “To dutiare yũhdũrũcajihna”, ni wacũena tũjiga. ã yoa mũsa mehne macainare cahma cahĩna, tinare dahra cohtaina yoaro seheta yoadohoga tinare.

**14** Cũnota dutiare noano yoana, Cohamacũ dutiare yoa pahñoa nija mari. Ò sehe jira tĩ dutia: “Mũ basi mũ cahĩno seheta mũ cahai jiina cũhũre cahĩga”, ni dutia tiha. **15** ã jina

wahiquina suaina yoaro sehe m̄sa basi cahma sayoena tjiga. Tuhs̄, cahmachena tjiga. M̄sa mehne macaina jipihinare “Dojomehneri”, nina noano yoaga m̄sa.

**Masa ñaare ti goa pjaare, Espíritu Santo  
to cahmaa c̄h̄re yahuha Paulo**

16 Espíritu Santo to cahmariro seheta jirucuga m̄sa. ã jina m̄sa ñaare m̄sa goa pjaare yoena tjiga. 17 Ñaare m̄sa goa pjach̄ tíre m̄sa yoach̄, Espíritu Santo ñ̄ yabira. To ã ñ̄ yabich̄ tí ñaare duhunahca m̄sa. ã jina ñaare m̄sa goa pjana, tíre yoana, Espíritu Santore ñ̄ tuhtira m̄sa. ã ñ̄ tuhtina to cahmano sehe yoerara m̄sa. ã jina m̄sa goa pjaare m̄sa yoa duaro seheta yoa masierara m̄sa. 18 ã yoa Espíritu Santo to cahmaare yoaina jina “Dutia mehne mari ȳhd̄nahca”, ni t̄hotuerara m̄sa.

19 Masa ñaare ti yoare mari noano masi tuhs̄ja. Õ sehe jira tí: Numino mehne ñano yoaa, m̄no mehne ñano yoaa, w̄ana tia, tó sehe jia ñaare b̄o tiro marieno yoaa, 20-21 “Cohamac̄ jira” ti nia mas̄rine ño payoa, puti sitea, paye yaya ti yoaa, ñ̄ tuhtia, cahma sayoa, doaa, suaa, to basi dihta c̄ja duaa, ñ̄ tuhti cahma tju waa, c̄ curua macaina pa curuare ñ̄ tuhtia, paina yare tuaro cahmaa, cahaa, cahaa bose n̄m̄rine dahrea, tó sehe jia jira ñaare yoaa. Панор̄ m̄sare cuaro mehne ȳ niriro seheta mip̄ c̄h̄re nihtja: Tí barore yoaina p̄h̄toro Cohamac̄ to s̄ho jirop̄re m̄anop̄re ne s̄si.

22-23 Espíritu Santo sehe marine õ sehe yoaina jich̄ yoara: Masare cah̄ina, wahcheina, cuiro marieina, so suaeraina, painare noano yoaina, noaina, duhuro marieno Cohamac̄ cahmaare yoaina, painare ȳhd̄r̄ca duaeraina, noano mehne yoaina, ti ñaa goa pjaare yoeraina jich̄ yoara marine tiro. Tó sehe yoainare “ã yoena tjiga”, ne c̄iro nierara. 24 Cristo Jesu yaina jina mari ñaa goa pjaare yoa namoeraja. 25 Espíritu Santo marine Cohamac̄ mehne ã jirucuch̄ yoarohca. ã jina to cahmano seheta yoarucuina jijihna mari.

26 “Painare masi ȳhd̄r̄caja s̄”, ni t̄hotuina jiena tjijihna mari. ã jina mari mehne suach̄ yoena tjijihna painare. ã yoana mari mehne macaina noano ti wahach̄ ñ̄na tinare sua t̄hotuena tjijihna.

### Musa mehne macainare yoadohoga

**6** <sup>1</sup> Yu coyea, cūiro mūsa mehne macariro to ñaare yoachū ñūna, Cristore noano wacū tuaina jina niñi siaroca dero tirore yoadohoga noare pari turi to yoahito cjihto sehe. Ñ yoana mūsa cūhū “Ñaare goa pjari”, nina noano yoaga. <sup>2</sup> Mūsa mehne macaina ti ñano yūhdūchū cūhūre yoadohoga tinare. Mūsa ã yoana Cristo to dutiro seheta yoana nina mūsa.

<sup>3</sup> Cūiro wiho jiriro jiparota “Painare yūhdūrūcaja”, ni tūhoturo, to basi mahñoa dihtare tūhoturiro jira. <sup>4</sup> Cāina mūsa sahsero mūsa yoarire “Ahri noaa jira. Ahri ñaa jira”, ni masiga. Ñ masina mūsa yoari noaa jichū mūsa basi wahchenahca. Ñ jina “Painare yūhdūrūcaja”, nisi mūsa. Ñ nierana painare mūsa yūhdūrūcari mehne wahchesi mūsa. <sup>5</sup> Ñ jiro Jesu yairo to mū sūro Cohamacū yare yoara. Pairo masūno tirore tíre yoadoho masierara.

<sup>6</sup> Ñ jina noaa buheare buherirore paye baro mūsa cjuare tirore waga mūsa to yahuare tūhoina.

<sup>7</sup> Toari masūno ñaa yaparire toaro ñaa dichare cjuarohca. Noaa yaparire toaro noaa dichare cjuarohca. (Tó seheta mari cūhū ñaare yoana ñaare cjuanahca. Ñ jiro mari ñari buhiri buhiri dahrerohca. Noare yoana noare cjuanahca. Ñ jina noano jinahca.) Ñ jina “Sā ñaare yoachū Cohamacū sāre buhiri dahresi”, ni tūhotuena tjiga. Ñaare yoaina Cohamacūre bjupeina jira. Cohamacūre bjupeinare buhiri dahrerohca tiro. <sup>8</sup> Mari ñaare goa pjana, tíre yoana, tí mehneta yarianahca. Ñ jina pichacapū wahanahca. Espíritu Santo sehe to cahmaare mari yoachū tiro marine jipihtia dachoripe muanopū jirucuchū yoarohca. <sup>9</sup> Ñ jina noare yoana tíre pumena tjijihna mari. Cohamacū to quihōri pja jichū noare cjuanahca mari pumerana. <sup>10</sup> Ñ jina jipihtinare mari ñūinape noano yoajihna mari. Mari coyea Jesu yaina pinihtare paina yūhdoro noano yoajihna.

### Paulo yahu batoaro, noa duti batoaha

<sup>11</sup> Bjuja letrari mehne yū wamomaca waro mehne mū sare yū joarocarire ñūga mūsa. <sup>12</sup> Mū sare circuncisiōre yoa dutiina masa tinare ño payochū cahmana. Cristo crusai to yariari buheare mari buheri buhiri masa ñano yoara marine. Ti ã yoachū ñūa ahrina mū sare circuncisiōre yoa dutira “Judío

masa ya buhea sehere yoaja”, nia. Ñ ti yoa dutichu judio masa tinare ñano yoaeraboca. Ñ jia circuncisiõre yoa dutira. **13** Músare circuncisiõre yoa dutina sehe Cohamacu to dutiri cjiire yoa pahñoerara. Ñ jia circuncisiõre músare ti yoa dutiri baharo musa yuhtichu ñua, judio masa tinare músare dutinare ño payoboca. Ti ñ ño payohti cjihtire músare circuncisiõre yoa dutira tina. **14** Mari puhtoro Jesucristo crusai yariariro ya buhea dihtare jipihtinare wahchea mehne yahu duaja. Ne paye buheare ñ ni yahu duaeraja. Ñ crusai to yariachu ahri yahpa macaa ñaare watino yuhure yoa dutiro bihoerara. Ñ yariaro tí ñaare yuhure cahmaerachu yoare tiro. **15** To ñ yoachu Cristo Jesu yaina mari jichu circuncisiõre mari yoachu ne yaba cjihti jierara. Circuncisiõre mari yoerachu cühure ne yaba cjihti jierara marine. Wiho mejeta pari turi masa bajuaina yoaro sehe, Cohamacu cahmano seheta yoaina, marine to cohtotachu pinihta wiho waro jierara. **16** Jipihtina ahri yu buherire yoaina, Cohamacu yaina waro jina, cuiro marieno noano jiga musa. Ñ jina Cohamacu to pja ñua mehne jiga musa.

**17** Mari puhtoro Jesure dahra cohtariro yu jiri buhiri yu pjacure cami tija yuhu. Yu ñ jiriro jichu mipure paina yuhure cariboea tjijaro.

**18** Yu coyea mari puhtoro Jesucristo músare jipihtinare to cahña mehne noano yoajaro. Ñta yoajaro.

# Efesios

## Efeso macainare joarocaha Paulo

**1** 1 Yũhũ Paulo mũsare Efeso macainare joarocaja. Yũhũ Jesucristo yare buhe dutiro to cũriro jija. Cohamacũ to cahmano seheta Jesu yũhũre to yare buhehtirore cũre. ˆ Jicũ mũsare Cohamacũ yainare Jesucristore ˆ wacũ tuarucuinare joarocaja yũhũ. 2 ˆ joarocacũ yũhũ mũsare noa dutija. Cohamacũ mari Rũcũ, ˆ yoa mari pũhtoro Jesucristo cũhũ mũsare noano yoa, noano jichũ yoajaro.

### Cristo yaina mari jichũ ñũno Cohamacũ noano yoara marine

**3** Cohamacũ, mari pũhtoro Jesucristo Rũcũro marine noano yoarucura Cristo yaina mari jichũ ñũno. Jipiltia to ya mũano macaa noaa mehne tiro marine noano yoarucura. Espĩritu Santo mehne marine ˆ noano yoarucura. To ˆ yoariro jichũ ñũna noano ño payoa mehne tirore noano wahche payojihna. **4** ˆ sehe yoa tiri jire tiro marine to yainare: Ahri yahpare to bajuamehnehto pano mipũre to yaina jihtinare beseyu tuhsũa tiri jire tiro marine. ˆ besea tiri jire marine ñaa buhiri marieina mari jihto sehe. ˆ yoana ñaa buhiri marieina jija mari, Cohamacũ to ñũchũ. ˆ jiro marine “Ñaa buhiri tiina jira”, nisi tiro. **5** Panopũ ˆ sehe nia tiri jire tiro marine: “Yũ macũ Cristo tinare to yoabasari mehne tina yũ pohna jahca”, ni cũa tiri jire marine panopũ. To ji coariro seheta to cahmariro seheta ˆ wahachũ yoa tiri jire tiro marine. **6** Wiho jiina mari jipachũta marine to ˆ noano yoachũ ñũna ño payoa mehne tirore noano durucujihna. To macũno to cahĩriro yaina mari jichũ ñũno noano marine yoara tiro. ˆ jina tirore noano durucujihna. **7-8** Cristota jira marine pichacapũ wahaborinare yũhdũchũ yoariro. Cristo mari ñaa buhirire yariabasaro, to dire cohã, mari ñaa yoari buhirire cohãri jire. Mari ñaa yoari buhirire to cohãchũ ñũno, Cohamacũ sehe mari ñaa buhirire bonocahna. Marine ñaa dihtare yoaborinare ˆ cahmano marine noaputiario yoari jire Cohamacũ. ˆ yoa marine to ˆ yoainare noano waro tũho masiina wahachũ yoari jire. **9-10** Tũho masiina wahachũ

yoa, baharopu to yoahtore marine masichu yoare. Panopu painare tire masichu yoerari jire tiro. O sehe jira baharopu to yoahto: Tiro to cahmariro seheta to tuhoturiro seheta jipihtinare cu curuata Cristo yaina jichu yoarohca. A jiro jipihtiare to ya jichu yoarohca. To quihori pja mu sachu muanano macainare, ahri yahpa macaina cuhure, cu curuata to yaina jichu yoarohca tiro. A yoa muanano macaare, ahri yahpa macaa cuhure to ya jichu yoarohca. A jiro Cristo sehe jipihtina bui puhtoro jirohca. A yoa jipihtia puero jirohca. A jihtiro ji dutia tiha Cohamacu tire.

11 A yoaro Cristo yaina mari jhtore masino panopu Cohamacu marine bese tuhsua tiha to yaina mari jhtinare. Ahri jipihtiare to yoarire, baharopu to yoahto cuhure, "A waharohca", ni cuyua tiha tiro to tuhoturiro seheta, to cahmariro seheta yoaro taro. A yoaa tiha tiro to yare sa yoahto cjhhtore. 12 Sa sehe judio masa Cristore cahma muhtaina jina sare to yuhdachu yoahtore cohta muhtaina jija. Cohamacu sare besea tiha to yare sa yoahto cjhhtore. Cohamacu yare sa a yoachu nu, paina tire no payo, "Tuariro jira", ti nihto sehe Cohamacu sare besea tiha. 13 Msa cuhu quihono durucuaeta noaa buheare thore. Ti buhea "Cohamacu cahpu msa waha duachu, o sehe jira", ni yahura marine. Tire thona tire wacu tua, noano thona to yaina wahare msa. To yainare o sehe niri jire Cristo: "Msare Espiritu Santore warocaihtja", ni yahu curi jire. 14 A jiro tire msa wacu tua, noano thochu nu to yairo Espiritu Santore ware msare. A jiro Espiritu Santo mari mehne jiro Cohamacu yaina mari jia tiare masichu yoara tiro sehe. A yoa Espiritu Santo parore masichu yoara. Cohamacu mari naa buhirire bore marine yuhdachu yoaro. A jiro baharo to cahpu naanohca marine to yainare. Marine to naahto pano Espiritu Santo sehe Cohamacu cahpu mari sari baharo to yare mari cjahtore masichu yoara marine. Cohamacu marine a yoara tire no payoa mehne "Noariro jira", mari nihto cjhhtore.

### Paulo Cohamacure sini payoha Jesu yainare

15-16 Cristore wacu tuaina msa jichu thhorocacu Cohamacure a sini payorucuja msare. Mari puhtoro Jesucristore msa wacu tuarire, jipihtina to yainare msa cahire thhorocacu Cohamacure "Noana", nija. 17 O seheta



tirore sini payoja m̄sare: Cohamacu m̄ano macariro mari p̄htoro Jesucristo P̄curo, noa ȳhd̄uairo to yare m̄sa noano masihto sehe sini payoja. ̄ yoaro tirore m̄sa noano masihto sehe sini payoja m̄sare. 18 ̄ jicu paye yu nihti c̄h̄re m̄sa noano masihto sehe m̄sare sini payoja Cohamacure. Tiro m̄sare ȳhd̄uch̄ yoaro, to yaina c̄jhtire yoare. To ̄ yoach̄ noa ȳhd̄uara marine. T̄re m̄sa masihto sehe sini payoja m̄sare Cohamacure. ̄ yoa marine to wahtire noa ȳhd̄ua t̄i waro ti jich̄ c̄h̄re m̄sa masiyuhto sehe sini payoja m̄sare Cohamacure. 19 ̄ sehe c̄h̄re m̄sa masihto sehe sini payoja m̄sare Cohamacure. Cohamacure wac̄i tuaina mari jich̄ ñ̄no to tuaa mehne marine yoadohora tiro. Tiro sehe paina bui tua ȳhd̄uairo jira. T̄i c̄h̄re m̄sa masihto sehe sini payoja Cohamacure. 20 T̄i to masia mehne, to tuaa mehne tiro Cristo yariarirore masori jire. ̄ maso tuhsuro, m̄anopu to potu bah̄usehei Cristore dujich̄ yoari jire Cohamacu, jip̄htinare dutihtiro to j̄hto sehe. 21 T̄oi dujiro jip̄htina m̄ano macaina p̄htoa bui, ̄ yoa jip̄htina ahri yahpa macaina dutiina bui jiriro jira Cristo. Mip̄re jip̄htina ahri dacho macaina bui p̄htoro jira. Baharopu jip̄htina pa tjuru macaina c̄h̄re ti bui p̄htoro j̄htiro c̄jhtota jira tiro. 22 ̄ yoa jip̄htina bui c̄iri jire Cohamacu Cristore. ̄ yoaro jip̄htiare pu tich̄ yoari jire tirore. ̄ jiro Cristo yaina c̄i curua jiina bui p̄htoro s̄ori jire tirore. Ti dapu jira tiro sehe. 23 Cristo yaina c̄i curuata jina, to pjacu yoaro sehe jija mari. Cristo jip̄htiorpu ̄ jirucura. ̄ jina mari to yaina mehne to jirucuch̄, to jiro seheta wahana nija. ̄ wahana to jia tiare ñ̄ona nija.

**Cohamacu marine cah̄no, p̄ja ñ̄no ȳhd̄uch̄ yoaha marine**

**2** 1 Cohamacu ȳhd̄urucaina, ñ̄aa buhiri tiina yariaina c̄jiri yoaro sehe jiri jimare m̄sa, Cohamacu to ñ̄uch̄. 2 Panop̄re ahri yahpa macaina Cohamacure ȳhd̄urucaina yoaro sehe yoarucuri jimare m̄sa c̄h̄. ̄ yoana wat̄no to dutiro seheta yoarucuri jimare m̄sa. Tiro wat̄no ahri yahpai dutiriro Cohamacure ȳhd̄urucaina p̄htoro jira. Wat̄ia p̄htoro c̄h̄ jira tiro. 3 Panop̄re jip̄htina mari ̄ dihta yorarina jimai. Mari ñ̄aa dihtare goa pjamai. Mari m̄ s̄uro, mari t̄hotu, mari cahmano seheta yoamai. ̄ yoina jina jip̄htina paina yoaro seheta, mari c̄h̄ ñ̄aa buhiri tiina jirucumai. Mari ̄ jiina jiri buhiri, Cohamacu to buhiri dahreborina jimai. 4 Mari ̄ jiina

jipach̄ta, Cohamac̄ marine tuaro pja ñ̄no, noano cahĩri jire marine. 5 Ā cahĩ yũhd̄uro, Cohamac̄re yũhd̄urucaina, yariaina yoaro sehta mari jipach̄ta Cristo mehne marine catich̄ yoari jire. 6 Ā jiro Cristo yaina mari wahach̄, Cohamac̄ Cristo mehne marine maso, ã yoa mũanop̄u Cristo mehne dujihtinare marine s̄o dapor̄i jire, tiro mehne dutihtina cjihti mari jihto sehe. Cristo yaina jina, āta wahaina baro jija mari, Cohamac̄ to ñ̄ch̄. 7 Ō sehta noano yoara tiro marine to pja ñ̄r̄ire, to tuaro cahĩr̄ire baharop̄u jihtinare masich̄ yoaro taro. Cristo yaina mari jich̄ ñ̄no ã yũhd̄uch̄ yoara tiro marine. 8 Cristore wacũ tua, mari noano tũhoch̄ ñ̄no Cohamac̄ marine pichacap̄u wahaborinare yũhd̄uch̄ yoara. Marine pja ñ̄no, marine cahĩno marine yũhd̄uch̄ yoara. Mari mũ s̄uro mari noano yoaa mehne Cohamac̄ cahap̄u waha masieraja mari. Cohamac̄ sehe marine yũhd̄uch̄ yoara. Ā jiro tiro mehne mari ã jirucuh̄tore cũna marine. 9 To ã cũch̄ mari mũ s̄uro noare mari yoari wapa jierara tí.

“ Sã mũ s̄uro yũhd̄uhi’, niboca”, nino ō sehe dutiri jire tiro: Mari mũ s̄uro yũhd̄u dutierara marine. 10 Cristo yaina jich̄ yoare marine Cohamac̄ sehe noaa dihtare yoah̄tina mari jihto sehe. Panop̄u noare mari yoah̄tire cũ tuhs̄a tiri jire tiro marine.

### **Cristore c̄jana mari noano jija**

11 Ā jina panop̄u mũsa jia tirire mip̄u c̄h̄ure wacũga mũsa. Cristo yaina jieras̄inina judio masa jieraina jina mũsa coyeya yoaro sehe yoarina jiri jimare mũsa. Circuncisiõre yoaeraina jire mũsa mip̄u mũsa jiro sehta. Mũsa ã yoaeraina jich̄ ñ̄na sã judio masa sehe circuncisiõ yoaina sehe mũsare ō sehe nia tii. “Circuncisiõre yoaeraina jia, Cohamac̄ yaina jierara”, nia tii mũsare. Circuncisiõre yoaina mũa p̄jac̄r̄ire mahanocã cahsaroc̄are yihso narina jira. 12 Panop̄u Cristo yaina jierari jimare mũsa. Sã judio masa sehe Cohamac̄ to beseina jia tii. Sã ã jich̄ “Mũsare yũhd̄uch̄ yoah̄tja”, ni c̄ua tiha Cohamac̄ sãre. Mũsa sehe to ã ni c̄urina jierari jimare. Ā yoa Cohamac̄ to beserinare ñ̄n tuhtiina jis̄iniri jimare mũsa. Mũsa ñ̄aa buhirire pichacap̄u wahahtina jiri jimare mũsa. Cohamac̄ maeraina jina pichacap̄u butiborina jia tiri jimare mũsa. 13 Mip̄u sehere Cristo Jesu yaina jira mũsa. Panop̄u Cohamac̄re ñ̄n tuhtiina jipanahta, mip̄ure to yaina jira mũsa. Cristo mũsa ñ̄aa buhiri

crusapɛ to di cohãri mehne Cohamacɛ yaina jichɛ yoare mɛsare. 14 Sã judio masare cahma ñɛ tuhtiina mɛsa jichɛ ñɛno Cristo marine “Mɛsa basi cahma ñɛ tuhtiena tjiga”, ni yahure. Masare noano yahuro jira tiro. Sã judio masa, judio masa jieraina mehne pɛa curua mari jichɛ ñɛno, tiro cɛ curuata yoare marine. Dɛcatari sahrĩnore ti tju site cohãno yoaro sehe mari cahma ñɛ tuhtirire duhuchɛ yoare tiro. 15-16 Õ sehe tíre yoare tiro: Mari ñaa buhirire crusapɛ yariaro marine pichacapɛ wahaborinare yɛhdɛchɛ yoare. ã yɛhdɛchɛ yoaro to yaina jichɛ yoare marine. ã yoaro pɛa curua mari jimarire cɛ curuata wahma curua jichɛ yoare marine. ã yoaro panopɛ mari cahma ñɛ tuhtiina mari jimarire marine cɛnoĩ noano jichɛ yoare. ã yoaro judio masa sã dutia cjirire cohãre tiro. Tí dutia marine pɛa curua ji dutiri jimare. Mipɛre cɛ curuata jija mari. Cristo Cohamacɛ yaina jichɛ yoare marine. 17 ã yoa Cristo noa buheare marine yahuro tari jire. Mɛsa judio masa jieraina Cohamacɛ yare cjuæraina jiri jimare. Mɛsa ã jichɛ ñɛno mɛsare yahuro tari jire tiro. Sã judio masa sehe Cohamacɛ yare cjuai. Sã cɛhɛre yahuro tari jire. ã yahuro taro jipihtina marine cɛ curuata noano mehne ji dutiro tari jire tiro. 18 Mipɛre jipihtina mari judio masa, judio masa jieraina cɛhɛ Cohamacɛ mari Pɛcɛ mehne noano ji masija mari. Espíritu Santo to yoadohoa mehne mari Pɛcɛ mehne noano ji masija mari. Cristo sehe marine ã noano jichɛ yoari jire. 19 ã jina mipɛre pa dihta macaina yoaro sehe jierara mɛsa. Mipɛre Cohamacɛ yainare ñɛ tuhtiina jierara mɛsa. Cohamacɛ yaina mehne macaina jira mɛsa. To ya curua macaina jira mɛsa. 20 Cohamacɛ ya durucuaré yahu turiaina, sã cɛhɛ to yare buhe dutiro to cɛrina jina to ya durucuaré mɛsare yahu dɛcai sã, wahma wɛhɛre Cohamacɛ ya wɛhɛre ti dahre dɛcariro seheta. Tí wɛhɛi ti cɛ mɛhtari tãca yoaro sehe jiro Cristo sehe marine yɛhdɛchɛ yoariro mariachɛ mari ne yɛhdɛrabo. 21 ã jiro to tuaa mehne marine to yainare cɛ curuata jichɛ yoare tiro, Cohamacɛ wɛhɛre ñaa marieni wɛhɛre ti dahreboriro seheta. To ã yoachɛ to tuaa mehne noaina wahaja mari, Cohamacɛ to ñɛchɛ. Mari ã jichɛ ñɛno, tirota mari mehne jirucura. 22 ã jina Cristo yaina jina jipihtina paina to yaina mehne cɛ curua wahare mɛsa cɛhɛ. Mɛsa ã wahachɛ Cohamacɛ to Espíritu Santo mɛsa mehne jiro nina, Cohamacɛ ya wɛhɛi to jiboro seheta.

### Judio masa jierainare noaa buheare yahuriro jiha Paulo

**3** <sup>1</sup> Ñ to ya curua macaina mûsa jichû ñucû yûhû Paulo mûsare sini payoja Cohamacûre. Cristo Jesu yare mûsare jipihtina judio masa jierainare yû yahuri buhiri peresupû jija yûhû. <sup>2</sup> Cohamacû wiho jiina mari jipachûta, marine cahîno, noaa buheare mûsare judio masa jierainare yûhûre yahu dutiro cûre. Tíre masi tuhsûre mûsa. <sup>3</sup> Panopû masare to yahuerari cjirire Cohamacû baharopûre yûhûre masichû yoare. Ahrire mahanocã yahu mûsare joaroca tuhsûhi. <sup>4</sup> Yû ã joarocarire buhena Cristo to yare yûhûre to masichû yoarire masinahca mûsa. <sup>5</sup> Tí to yahuri cjirire panopû macainare tiro yahuera tiha. Mipû sehere sãre Jesu to cûrinare Cohamacû yare yahu mûhtaina cûhûre sã jipihtina tirore dahra cohtainare to yahuri cjirire masichû yoare Cohamacû. To yairo Espíritu Santo sehe sãre masichû yoabasare Cohamacûre. <sup>6</sup> Ñ sehe jira to yahuri cjiri: Sã judio masa dihtare Cohamacû yûhdûchû yoerara. Judio masa jieraina cûhûre yûhdûchû yoarohca tiro. Ñ jina sã judio masa, mûsa judio masa jieraina mehne Cristo yaina jina, cû pjacu yoaro sehe cû curuata jija mari. Ñ jina mari jipihtina Cristo Jesu yaina jina cûno potori Cohamacû “Mûsare yûhdûchû yoaihtja”, ni to yûhdûchû yoaina jija mari.

<sup>7</sup> Cohamacû yûhûre pja ñûno, yûhûre cahîno ahri noaa buheare yahuhtirore yûhûre cûre. To tuua mehne ã cûre yûhûre tiro. <sup>8</sup> Jipihtina Jesu yaina ti doca macariro waro jija yûhû. Yû ã jipachûta judio masa jierainare noaa buheare yahuhtirore cûre Cohamacû yûhûre. Tí buhea Cristo noa yûhdûariro to jiare, noa yûhdûa to cûaare to wahtire yahura marine. <sup>9</sup> Yûhûre ã cûno Cohamacû “Ñ sehe yûhdûchû yoaihtja masare”, nino to yûhdûchû yoahore noano yahu pahñohtirore cûre yûhûre tiro. Ñ jiro panopû macainare tí buheare ne yahu pahñoerasinia tiha Cohamacû. Jipihtiare bajuamehneriro jira tiro. <sup>10</sup> Mipûre noaa buheare yahu dutiro cûre marine to yainare tiro to noano masi pahñoare masichû yoaro taro. Masi pahñoriro to jia tiare mûano macaina pûhtoare masichû yoa duari jire. Ñ yoaro taro noaa buheare buhe dutire marine Jesu yainare. <sup>11</sup> Ahri yahpa to jihto panopûta “Masare pichacapû wahaborinare yûhdûchû yoaihtja”, nia tiha Cohamacû. Ñ niriro jiro mipûre mari pûhtoro Cristo Jesu yaria to masa mûjano mehne to niriro sehetã marine yûhdûchû yoara Cohamacû. <sup>12</sup> To ã yûhdûchû yoachû mipûre

Cristore wacũ tuana to yaina wahaja mari. To yaina jina wacũ tuaa mehne, cuiro marieno Cohamacu mehne durucu masija mari. **13** Noaa buheare musare yu buheri buhiri mipure peresupu jicu yu ñano yuhduchu ñana cahyaena tjiga. Noaa buheare yu yahuchu tuhona Cohamacu yaina wahare musa. Yu ã yoari buhiri peresui jija. Ñ jicu musare yu yoadohori buhiri ñano yuhdui nija. Musa noano yuhduhto sehe ã wahaja yuhu. Tíre masina wahchega musa. Tíre tuaro wahche dutija musare.

### **Cristo masare tuaro cahina**

**14** Ñ jicu ahri jipihtia Cohamacu mari Pucu to yoarire wacũcu tiro pano na tuhcuca caha sucu sini payoja musare. **15** Tiro jipihtia curuari macaina manopu jiina, ahri yahpai jiina cuhu ti Pucuro jira. Jipihtinare bajuamehneriro jira tiro. **16** Tirore õ sehe ni sini payoja musare: Tiro masi pahñoriro jira. Tua yuhduariro jira. Ñ jicu to tuaa mehne musare noano to wacũ tuachu yoahito sehe sini payoja. Espiritu Santo to yoadohoa mehne ã yoarohca. **17** Ñ sini payocu Cristore musa wacũ tua namohto sehe tiro musa mehne to noano jihto sehe sini payoja musare. Ñ jicu painare noano cahina musa jihto sehe sini payoja musare. **18-19** Jipihtina paina Cohamacu yaina cuhu musa mehne Cristo masare to tuaro cahiare musa masihto sehe sini payoja. Tiro jipihtina masare cahí yuhduariro jira. To ã cahí yuhduarire noano masi pahñohto basioerara. Ñ jipachuta to ã cahiro to jia tiare musa noano masihto sehe sini payoja musare. Ñ yoa to cahiare musa masichu cahmaja Cohamacu musa mehne to noano jihto sehe. Noa yuhduariro, ñaa marieriro to jiro sehetu musa wahahto sehe to cahiare musa masichu cahmaja. Ñ jicu to cahiare musa masihto sehe sini payoja musare Cohamacure.

**20-21** Ñ yoa Cohamacure pjíro ño payoa mehne “Tiro tuariro jira”, nijihna. To tuaa mehne noaa sehere cohtota masina marine tiro. Marine noaina jichu yoa masina. Mari siniri yuhdoro yoa masina tiro. Mari cahmaare mari tuhaturi yuhdoro yoa masina tiro. Cristo Jesu yaina to ya curua macaina jina jipihtia dachoripe jipihtina Cohamacure ño payojihna. Ñta yoajihna.

### Cristo yaina jina cū curuata jija mari

**4** <sup>1</sup> Ñ jicū yūhū, mari pūhtoro Cristo to cahmaare yū yoari buhiri peresupū jiro jicū, mūsare ò sehe ni tuaro dutija: Cohamacū to yaina cjihtire mūsare besea tiri jire. Ñ to beserina jina to cahmano seheta yoaina jiga mūsa. <sup>2</sup> “Sā pinihta masi yūhdūrcaina jija”, ni tūhotuina jiena tjiga. Painare noano mehne yoaga suaro marieno. Mūsa mehne macaina mūsare ti ñano yoapachūta tinare cahña mehne noano yoaga. <sup>3</sup> Ñ jina Espiritu Santo to yoadohoa mehne noano mehne cūno mehne jirucuga mūsa. Ñ yoana cahmachea marieno jinahca mūsa. <sup>4</sup> Cū pjacū yoaro seheta cū curuaihta jija mari. Ñ yoa Espiritu Santo cūirota jira. Cohamacū to yaina cjihti mūsare besea tiha mūsare yūhdūchū yoaro taro. Ñ jina to yūhdūchū yoahore cohtasinina mūsa. Cānota jira mūsa cohtaro. <sup>5</sup> Mari pūhtoro Cristo cūirota jira. To yahua, mari wacū tuaa cūhū cūnota jira. To yainare bautisarire yahua cūhū cūnota jira. <sup>6</sup> Ñ jiro Cohamacū cūirota jira. Tiro jipihtina Pūcūro jira. Ñ jiro jipihtina mari pūhtoro jira. Jipihtinare marine to cahmano seheta yoachū yoa masina tiro. Jipihtina mari mehne jira. Ñ yoa jipihtiropū jira tiro.

<sup>7</sup> Cū curua mari jipachūta jipihtina marine cāinare mari yoa masihtire cūre marine Cristo. Tiro to cūriro seheta yoa masija mari. Tiro marine ñ cūno paye barore to ñ wanocaboriro seheta yoaro nire tiro. <sup>8</sup> Ñta nina Cohamacū yare ti joari pūpū:

“Cohamacūre ñū tuhtiinare to yūhdūrcari baharo tiro tinare naa mūjaa wahare.

Ñ naa mūjano tiro payū ñ wanocare ahri yahpa macaina sehere”,

ni joaa tiha panopūre.

<sup>9</sup> “Tiro mūjaa wahare”, to nichū wahmanore mūanopū jiro ahri yahparūre to tari cūhūre mari masija. Ahri yahparūre to duji tarire mari masija. <sup>10</sup> Ñ jiro òpūre duji tariro tirota jira mūjaa wahariro. Jipihtiro bui mūjaa wahari jire tiro, jipihtiropū jiro taro. <sup>11</sup> Tiro jira “Ahri yahpa macainare payū ñ wanocariro”, ti niriro. Masare to ñ wanocano seheta tiro payū ti yoa masihtire cūri jire masare. Ò sehe cūri jire tiro: Cāinare Cristo to yare yahu duti to warocahtinare cūri jire. Painare Cohamacū ya durucuarē yahu turiahtinare cūri jire. Noaa buheare buhe tinihtinare painare cūri jire. Cristo yaina cahmachuinare ñū

wihboina cjihtire, noano buhehtina cjihtire cūri jire painare. 12 Tó sehe yoa, dahrahtina cjihtire cūri jire marine painare to yainare mari yoadohohto sehe Cohamacure mari masi noano namohto sehe. ã cūri jire marine to yainare tirore mari wacū tua namohto sehe. 13 ã jina mari jipihntina noano mehne cūno mehne jinahca. ãta jiro cahmana marine Cristore wacū tuaina jina. ã jina mari jipihntina Cohamacu macunore noano masinahca. ã yoana Cristo tuariro, noano masiriro to jiriro seheta mari cūhu noano masiina, Cohamacure noano wacū tuaina wahanahca.

14 Mari ã wahana macanacã yoaro sehe jisi mari. Macanacã noano tuho masierasínica. Paina ti buhechũ “Ahri potocã jira”, ni ti mahño mihnia mehne ti mahñocheũ tinacã yoaro sehe jiina soro jia buheare cahmana. ã yoa paina ti soro buhechũ tí buhea sehene cahmana tjoa. Pjiri ma macaa pahcõri ti ã cohtotarucuro seheta tó sehe ã cohtotarucuina jira tinacã yoaro sehe jiina. Tina yoaro sehe jisi mari. 15 Õ seheta yoanahca mari: Mari mehne macainare cahma cahña, potocã noaa buheare cahma yahunahca mari basi. ã yoana macanacã bucua tuho masiina ti wahariro seheta mari cūhu tuaina, Cohamacu yare noano masiina wahanahca. Cristo to jiro sehe wahanahca. Tiro jira mari dapu. 16 To yaina jina to pjacũ yoaro sehe cū curuaihta jija mari. ã jina mari capari, mari cahmori, mari dahpori cū pjacui ti noano jiro seheta mari cūhu payũ jipanahta cūno potori noano jija. Mari ã cūno potori mari jihto sehe Cristo yoadohora. ã jina mari wamomaca mari pjacure to noano yoadohoriro seheta mari noano yoadohoja paina Cristo yainare. Mari mehne macainare Cristo yainare noano cahña, tinare noano yoadohona, tuaina Cristore wacū tua namoina wahanahca mari.

**Cristo yaina wahana mari ñaa yoare duhu,  
noaa sehene cohtotaja mari**

17 ã yoa mari puhtoro Cristo to dutiro mehne õ sehe niihtja musare: Cohamacure cahmaeraina waro yoaro sehe yoana tjiga musa. Tina ti tuhotua sehe ñaa dihta jira. ã jia ti tuhotua yaba cjihti jierara. 18 ã jia nahitianoi ti ñũ masieraro seheta tina Cohamacu yare ne masieraputiara. To yare ne tuhoeraputiara. Tuho duaerara tina. ã jia Cohamacu to noano ji dutiriro seheta jierara tina. 19 ã jia tina ñaare yoaa ne buo tieraputiara. ã yoa

ne cahyaerara. Ñaare ti goa pjaa dihtare yoarucura. Jipihtia ti ñaare yoare duhu duaerara. **20** MUSA sehe ã yoaerare, Jesure masi dũcana. **21** Potocã to yare tũhoina mUSA jichũ, Jesu yare noano masiina mUSA jichũ mUSA sehere tina yoaro sehe yoa dutierara tiro. **22** Ñ jina ñano wete tia suhtire mUSA tjuwe cohãno seheta panopũ mUSA yoari cjrيره duhunocahga. Tí pjare ñaare yoarucuina mUSA jichũ tí ñaa sehe mUSA dojomehneneno niri jimare. “Ñaare yoana, noano wahchenahca”, ni tũhotuina jipanahta ne potocã wahcherare mUSA. **23** Ñ yoa mUSA tũhotuare noaa sehere Cohamacũ to cahmano seheta cohtotaro cahmana mUSA. **24** Ñ jina noaa sehere cohtotaina jiga mUSA. Tó sehe jiina Cohamacũ yoaro seheta jira. MUSA ã jiina jina, noaare yoarucunahca. Ñ yoana ñaare ñũ yabinahca.

**25** Ñ jina mahño namoena tjiga mUSA. MUSA mehne macainare quihõno yahuga, mahñono marieno. Mari cũ pjacu yoaro sehe cũ curua macainata jina nija. Ñ jina mUSA mehne macainare mahñoena tjiga.

**26** Paina mehne suana, ñaano yoana tjiga. Ñ jina suana, cũ dacho waro noano suarucuena tjiga. **27** Yoari pja suana, watĩno to cahmano sehe yoana nica. Ñ yoana tjiga watĩno mUSA “Dojomehneri”, nina.

**28** MUSA mehne macaina Jesu yaina mUSA jihto pano yacaina jirina cjiri pari turi yacaena tjiga. Ñ yoana mipũ sehere noano dahraga mUSA wapataa mehne pjacũoinare mUSA yoadohohto sehe.

**29** Ne ñano durucuena tjiga “Painare dojomehneri”, nina. Noaare durucuna painare yoadohora Cohamacũ cahmaare mUSA masi namohto sehe. Ñ jina noaa dihtare durucuga. **30** Ñaare yoana Espĩritu Santore cahyachũ yoana nica mUSA. Ñ yoana tjiga. Mipũre pihtiri dacho pano Cristo marine to naahto pano Cohamacũ to Espĩritu Santo marine ñũ wihbora ñaare mari yoerahto sehe. Ñ jiro Cohamacũ yaina mari jiare masichũ yoara tiro marine. Ñ jina tirore cahyachũ yoana tjiga.

**31** Ñ jina ne painare ñano yoa namoena tjiga. Cahma sayo namoena tjiga. Painare sua, ñano ni sañurucu namoena tjiga. Painare ñano quiti dahre namoena tjiga. Ne painare ñano ni tũhotu namoena tjiga. **32** Ñ yoa mUSA mehne macainare noano mehne noano yoaga. Cristo yaina mUSA jichũ ñũno mUSA ñaa buhirire bonocahre Cohamacũ. Tó seheta mUSA cũhũ paina mUSA ti ñano yoachũ ñũna ti ñaa yoarire bonocahga.



“Cohamacu pohnare ò sehe jiro cahmana”, ni yahuha Paulo

**5** <sup>1</sup> Ñ yoa Cohamacu pohna to cahĩina jina Cohamacu to jiro sehe jiga m̄sa. <sup>2</sup> Ñ jina painare ã cahĩrucuga. Cristo marine cahĩno, mari ñaa buhiri yariari jire. Ñ yariaro Cohamacure ji coachu yoari jire tiro. Ñ jina marine to cahĩro sehet̄a m̄sa c̄hu painare cahĩga.

<sup>3</sup> Ñ jina Cohamacu yaina jina ne numia mehne ñano yoaena tjiga. Numia c̄hu m̄sa mehne ñano yoaena tjiga. Paye ñaare tó sehe jia ñaare yoaena tjiga. Paye barore cahma ȳhd̄ruc̄aena tjiga. Ne ã yoaeraro cahmana m̄sare, Cohamacu yaina jina.

<sup>4</sup> Ñ yoana buoro durucueraro cahmana m̄sare. T̄ho masieraina yoaro sehe durucueraro cahmana m̄sare. Ñ jina ñano ni buj̄perero cahmana m̄sare. Ahri sehere yoaro cahmana m̄sare. Cohamacu mehne durucuga m̄sa. Ñ durucuna tirore “Noano yoahre m̄hu s̄re”, nino cahmana. <sup>5</sup> Paye barore goa pjana, tíre tuaro cahmana, “Cohamacu jira”, ti nia masurine ti ño payoro sehet̄a yoana nija mari tíre. Ñ yoa numia mehne ñano yoaina, ñaa dihtare t̄hotuina, paye barore goa pjaina Cohamacu Cristo mehne p̄htoro ti s̄ho jiropu ne wahasi tina. Tíre noano masija mari. <sup>6</sup> Ñ sehe yoaina ti yoari buhiri buhiri dahrerohca Cohamacu tirore ȳhd̄ruc̄ainare. Ñ jina paina m̄sare “Ahri ñaa jierara”, ti ni mah̄ochu t̄hoena tjiga. <sup>7</sup> Ñ jina tó sehe yoa ȳhd̄ruc̄ainare ne piti tiena tjiga.

<sup>8</sup> Cristo yaina m̄sa jihto pano ã jirina cjirita jire m̄sa c̄hu nahitianoi jiina yoaro sehet̄a. Mip̄u sehere to yaina jina buhriaroi jiina ti ñu masino sehet̄a, Cohamacure noano masina m̄sa. Cohamacu yaina noaare yoara. Ñ jina tó sehet̄a yoaga m̄sa c̄hu. <sup>9</sup> Ñ jina Cristo yaina jina buhriaroi jiina yoaro sehet̄a noaare, Cohamacu cahmaare, mah̄ono marieno yoarucunahca m̄sa. <sup>10</sup> Noaare mari yoach̄u ñuno mari p̄htoro Cristo wahchera. Tó sehe jiare, mari p̄htorore wahchech̄u yoaa sehere masi wahc̄aga m̄sa. Ñ masina tíre yoaga.

<sup>11</sup> Cristore cahmaeraina nahitianoi jiina yoaro sehet̄a ñaa ti yoaa, ñaa waro jira. Ñ jina tina yoaro sehet̄a m̄sa sehe yoaena tjiga. Noaa buheare Cristo yare yahuga tinare. Ñ yoa ti ñaa yoaare tinare masich̄u yoaga buhriaroi mari ñu masino sehet̄a.

<sup>12</sup> Masa ti ñuenoi tina ñano yoa cohtara. Ti ã yoir̄e durucuna mari buo tibo. Ñ yoaa ñaputiaro yoara tina. <sup>13</sup> Ñ jina tinare noaa buheare mari yahuna ñaputiina ti jia tiare masich̄u yoana

nija mari tinare buhriaroi mari ñu masino seheta. 14 Tó seheta noaa buheare tinare yahuna, ñaina ti jia tiare masi pahñochu yoana nija tinare. Ñ jia õ sehe ni yahura paina:

“Ne, carĩina ti tũhoeraro seheta yũhũre tũho  
duaeraina, tũhoga mũsa carĩina ti wahcãno  
seheta.

Ñ yoana yariaina tũhoeraina ti jiro seheta Cohamacũ  
yare tũhoeraina ji namoena tũjiga.

Mũsa ã yoachũ ñũno, Cristo buhriaro yoaro sehe  
jiriro mũsare noano masichũ yoarohca”,

ni yahura.

15 Ñ jina dachoripe noano yoaga mũsa. Tũho masieraina  
yoaro sehe jiena tũjiga. Tũho masiina jiga. 16 Mipũ macaina  
masa ñabiaro yoarucura. Ñ jina mũsa sehe noaare, Cristo yare  
mũsa yoa masino seheta ã yoarucuga mũsa. 17 Ñ yoana tũho  
masieraina jiena tũjiga. Cohamacũ to cahmaa sehene noano  
masiga. Ñ masina tĩre yoaga. 18 Ñ yoa cahaena tũjiga. Cahainare  
ñano wahahto cua yũhũdũara. Ñ jina pahmoa core pjĩro  
cahmaena tũjiga. Espĩritu Santo sehene pjĩro cahmaga mũsa  
mehne to noano jihto sehe. Tirore noano yũhtiina jiga.  
19 Mũsa basi Cohamacũre ño payoa basaare cahma durucuga.  
Ñ yoa Salmore Cohamacũ yare basaare, paye tirore ño payoa  
basaa cũhũre tirore basa payoga mũsa. Noano wacũ ño payoa  
mehne basa payoga. Ñ yoana mari pũhtoro Cristore wahche  
payoga. 20 Cohamacũ mari Pũcũ jipihitiare mũsare to warire,  
to yolari cũhũre wahchena, “Noana”, ã nirucuga mũsa tirore.  
Mari pũhtoro Jesucristo yaina jina mari Pũcũre “Noana”, ã  
nirucuga mũsa.

**“Mũsa cũhũ wũhũ macaina Jesu yaina jina,  
õ sehe yoaga”, ni yahuha Paulo**

21 Ñ yoa mũsa mehne macainare noano ño payoa mehne  
cahma yũhtiina jiga Cristore noano ño payoina jina.

22 Mũsa namosãnumiare yahuihtja mipũre. Mari pũhtoro  
Cristore mari yũhtiro seheta mũsa manũsumare noano mehne  
yũhtia numia jiga. 23 Jesucristo marine yũhdũchũ yoare to  
pjacũ yoaro sehe jiina to ya curua macaina mari jihto sehe.  
Ñ yoa mari to ya curua macaina mari pũhtoro to jiro seheta  
mũsa manũsuma mũsa namosãnumia bui pũhtoã jira. 24 Cristo

yaina jina tirore ã yũhtirucuja mari. Tó seheta m̄sa manũsumare noano yũhtirucua numia jiga.

25 M̄sa manũsumare yahuihtja tjoa mipũre. Cristo marine to yaina jichũ yoaro taro, marine cahĩno, mari yaro jiborirore yariari jire. ã Jina marine to cahĩriro seheta m̄sa cũhũ m̄sa namosãnumiare noano cahĩrucuga. 26 Cristo ya buheare tũhona Cohamacũ yaina wahahi mari. ã Jina to ya buheare “Quihõno jira”, ni mari tũhoturi baharo, mari ñaa buhirire cosawere tí buhea mehne. Co mehne marine ti bautisachũ cũhũre mari ñaa buhirire Cristo to cosawerire ñona nija mari. 27 ã cosawere tiro marine to yaina cjihti yoaro taro. To ã cosawechũ ne ñaa buhiri marieina jinahca, Cohamacũ to ñũchũ. 28 M̄sa namosãnumiare cahĩna, m̄sa basi m̄sa pjacũrire m̄sa cahĩno seheta tí numiare cahĩga. Mari namore cahĩina jina mari pjacũre cahĩina jija. 29-30 Ne mari pjacũrire ñano wahachũ cahmaeraja. Mari chũare chũna noano yoana nija mari pjacũrire. Cristo yaina jina to pjacũ yoaro sehe to ya curua macaina jija mari. ã jiro marine noano yoara tiro. Cristo marine to noano yoariro seheta mari cũhũ mari pjacũre noano yoaja. (ã Jina mari namosãnumia cũhũre ãta noano yoaro cahmana marine.) 31 ãta nina Cohamacũ yare ti joari pũi: “ã yoa m̄no to pũcũsumare wijaaro to namono mehne jirohca. ã jia tina pũaro jipahta cũiro yoaro sehe jiahca”, ni joaa tiri jire panopũre. 32 Ahri to joari cjirire paina noano tũhoerari jire. Tĩre õ sehe ni yahuihtja m̄sare. Õ sehe ni yahuro nica: “Cristo to yaina mehne cũ pjacũ yoaro seheta cũ curuata jira”, ni yahuro nica. 33 ã jicũ m̄sare õ sehe ni yahu namoihtja tjoa: M̄sa pjacũrire m̄sa cahĩno seheta m̄sa namosãnumiare cahĩga. ã yoa m̄sa manũsumare noano ño payoga m̄sa.

**6** 1 Mipũre m̄sa pohñare yahuihtja. Mari pũhtoro Cristo yaina jina m̄sa pũcũsumare noano yũhtiina jiga. M̄sa ã yoana, quihõno yoana nina. 2-3 Õ sehe nia tiri jire Cohamacũ dutia: “M̄sa pũcũsumare noano ño payoga”, ni dutia tiri jire tiro. Ahri dutia mehne Cohamacũ yahu namoa tiri jire. Õ sehe nia tiri jire: “M̄sa pũcũsumare ño payona, ahri yahpapũ yoari pja wahchea mehne jinahca m̄sa”, ni yahua tiri jire. ã ni yahuro ahri dutiare mari yũhtichũ mari noano wahahtore coã cũno nia tiri jire. ã jina to niriro seheta m̄sa pũcũsumare ño payoga.

**4** Mipære ti pæcũsumare yahuihtja: Mũsa pohnare ã tuhtirucuena tjiga, “Suachũ yoari”, nina. Mari pũtoro Cristo to cahña mehne to yoadohoa mehne tinare noano bæcũoga. ã yoa quihõno ti yoerachũ ñũna tinare noano yahuga.

**5** Mipære dahra cohtainare yahuihtja: Cua pisaro mehne, ño payoa mehne ahri yahpa macainare mũsa pũhtoare, mũsare dahra dutiinare noano yũhtiina jiga. Mahñono marieno noano yũhtiina jiga. Cristore mũsa yũhtiro seheta tinare yũhtiga mũsa.

**6** Ti ñũrocaro dihtare yũhtiina jiena tjiga. Tó sehe yoaina masa dihtare tinare ñũ jicoachũ cahmana. Mũsa sehe Cristore dahra cohtaina mũsa jiro seheta mũsa pũthoa cũhũre ã yũhtirucuga. Cohamacũ to cahmano seheta noano wahchea mehne yũhtiina jiga. **7** ã jina Cristore yũhtiina mũsa jiro seheta wahchea mehne yũhtiga mũsa pũthoa cũhũre. Masa dihtare yũhtiina jierara mũsa. **8** ã yoana ahrire wacũga mũsa: Mari jipihitina noaare mari yoachũ ñũno mari pũtoro Cristo noano yoarohca marine. Dahra cohtainare, dahra cohtaina jieraina cũhũre noano yoarohca.

**9** Mipære pũhtoare dahra dutiinare yahuihtja: Mũsare dahra cohtainare noano yoaga. Tinare noano yũ yoa dutiro seheta yoaga mũsa cũhũ tinare. Tinare noano mehne dutiga, tuhtiro marieno. Mũano macariro Cohamacũ potocãta ti pũtoro jira. Mũsa yairo pũtoro jira tiro cũhũ. ã jina jipihitina mũsa tirore dahra cohtaina dihta jira. ã jiro tiro cũno potori ñũna mũsare jipihitinare. ã jina mũsare dahra cohtainare noano mehne dutiga, tuhtiro marieno.

### **Cristo yaina watĩnore ti dũcataare yahuha Paulo**

**10** Ahrire yahu batoihtja mũsare: Cristore noano wacũ tuaina jiga mũsa. Mari pũtoro Cristo mũsa mehne jira. ã jina tua yũhdũriro to jia mehne wacũ tuaina jiga. **11** Watĩno marine mahñono, ñano yoa dutira marine. Cohamacũ marine dũcatara ñaare mari yoerahto sehe. Marine to dũcataa surara to dũcatari suhtiro, comaa suhtiro yoaro sehe jira. ã jina tí suhtirore mũsa sãano seheta Cohamacũ to dũcataare noano cjũa pahũoga. **12** Jesu yaina mari jichũ, marine ñũ tuhtiina masa waro jierara. Mũano macaina ñaina, tuaina, tina sehe jira marine ñũ tuhtiina. Watĩa ahri yahpa macaina pũthoa jira. ã jia tina cũhũ jira marine Jesu yainare ñũ tuhtiina. **13** ã jina

mĩpũre dũcatari suhtirore mũsa sãano seheta Cohamacũ mũsare to dũcatahto sehe to yare noano cjuã pahũoga. ˆ yoana watĩno mũsare to ñano yoa dutichũ, mũsare to ñano yoa duachũ, tirore dũcatanahca. ˆ yoa tirore yũhdũrucanahca. 14 ˆ yoana tuaina jiga. Cohamacũ mũsare to dũcatahto cjihtore ˆ sehe yoaga mũsa: Surara to comaa suhtirore to tuã dihori dare sari dare noano tuã diho to dũcatariro seheta, Cohamacũ yare potoca yahuare noano wacũga mũsa, watĩnore mũsa dũcatahto sehe. ˆ yoa, surara to comaa suhtiro mehne to yajeripohnare to dũcatariro seheta Cristo to yoadohoa mehne quihũno yoaina jiga mũsa, watĩnore mũsa noano dũcatahto sehe. 15 Surara to dahpo suhti mehne to dahporire to noano dũcatariro seheta noaa buheare noano masiga mũsa, watĩnore mũsa dũcatahto sehe. Tĩ buhea marine noano jichũ yoara. 16 Surara to dũcatari tu mehne to dũcatariro seheta Cristore noano wacũ tuarucuga mũsa, watĩnore mũsa dũcatahto sehe. Buea yucũ mehne mũsare to bueboro seheta watĩno mũsare ñano yoachũ yoa duara. ˆ jina Cristore noano wacũ tuana, watĩnore dũcatanahca mũsa. 17 Surara to comaa chapea mehne to dapure to dũcatariro seheta mũsare pichacapũ wahaborinare Cristo to yũhdũchũ yoarina jiga mũsa, watĩnore mũsa dũcatahto sehe. Surara to ñosari pjĩ mehne to dũcatariro seheta Cohamacũ ya buheare noano masiga mũsa, noano mũsa dũcatahto sehe. ˆ jina painare noano yahuga to yare. Tĩ Cohamacũ ya buheare Espĩritu Santo marine yahura. 18 ˆ watĩnore mũsa dũcatana Cohamacũre dachoripe ˆ sinirucuga. Espĩritu Santo to yoadohoa mehne ˆ sinirucuga. ˆ yoana noano wacũ masiga. ˆ sinina, pumena tjiga. Jipihtina Cohamacũ yainare ˆ sini payorucuga. 19 ˆ yoana yũhũ cũhũre sini payoga Cohamacũre. ˆ sehe ni sini payoga: Noaa buheare, panopũ ti masierari cjiřire noano yũ yahuhto sehe sini payoga yũhũre. ˆ jina cuiro marieno yũ yahuhto sehe sini payoga yũhũre. 20 Cristo to yare yahu dutiro yũhũre warocare. Yũ ˆ yahuri buhiri peresupũ jija mĩpũre. ˆi jipacũta cuiro marieno to yare yũ yahuhto sehe sini payoga yũhũre. To yare yahuhtiro jiita nija yũhũ.

### Paulo noa duti batoaha

21 Mĩpũre Tĩquico mũsa cahapũ sũro yũ jia tiare mũsare yahu pahũonohca. Tiro mari coyeiro mari cahĩriro jira. ˆ jiro mari pũhtoro Cristore dahra cohtariro ˆ jirucura. 22 Sã jia

tiare m̄sare yahu dutic̄u tirore warocai nija m̄sa noano wahchehto sehe.

**23** Cohamac̄u mari P̄c̄u mari p̄htoro Jesucristo c̄h̄u m̄sare Jesu yainare tirore wac̄u tuainare noano jich̄u yoajaro. ã jiro m̄sare noano cahma cah̄ich̄u yoajaro. **24** Jipih̄tina mari p̄htoro Jesucristore cohtotaro marieno cahrucuinare m̄sare noano jich̄u yoajaro.

# Filipenses

## Peresupɛ jiriro ahri tjure joarocaha Paulo

**1** 1 Yũhũ Paulo, Timoteo mehne Jesucristore dahra cohtaina jija sã. ã jina jipihtinare mʉsare Jesucristo to noaina wahachũ yoainare Filipo macainare joarocaja sã. Mʉsa pũhtoacũhũre, mʉsare yoadohoina cũhũre joarocaja. 2 Cohamacũ mari Pɛcũ, mari pũhtoro Jesucristo mehne mʉsare noa dutija. Cohamacũ to yoadohoa mehne noano jiga mʉsa.

## Paulo Jesu yainare Cohamacũre sini payoha

3-6 Cohamacũ mʉsare noaa sehere cohtotachũ yoaro nina. ã jiro mʉsare to ã yoa dũcariro seheta sohtori dahrerohca tiro. ã jina Jesucristo ahri yahpɛpɛre to wihiçhũpɛre ñaa marieina jinahca mʉsa. Wahmanopɛre Jesu yaina mʉsa jiri baharo, mipũ cũhũre yoadohora mʉsa yũhũre noaa buheare yũ buhechũ. Mʉsa ã yoaina jichũta Cohamacũre “Noana”, nija yũhũ. Mʉsare wacũcũ õ sehe dihta nija yũhũ. Mʉsare Cohamacũre sini payocũ, wahchea mehne sini payoja. 7 Mʉsare yũ ã tũhotuchũ noa nina. Noaa buheare “Potocã tjira”, pũhtoare yũ ni tua yũhdũɛcachũ mʉsa yũhũre yoadohore. Tí buheare potocã ti jiare tinare yũ yahuchũ yoadohore mʉsa. Peresui yũ jichũ cũhũre mʉsa yũhũre yoadohore. Cohamacũ marine noano yoaro, to yare cũre marine. Mʉsa yũhũre yoadohore. ã jina to cũrire mari cũno potori yoana nija. ã jicũ yũ yajeripohna mehne tuaro wacũja yũhũ mʉsare. 8 Jesucristo to cahĩa mehne tuaro mʉsare wacũja yũhũ. Yũ ã wacũchũ Cohamacũ tíre masina. 9 Mʉsare õ sehe ni sini payoja yũhũ Cohamacũre: Cohamacũ yare noano masia mehne, tũho masi pahĩoa mehne painare mʉsa cahĩ namohto cjihtore sini payoja yũhũ mʉsare Cohamacũre. 10 Noa yũhdũare mʉsa masichũ cũhũre sini payoja mʉsare. Mʉsa ã masina Cristo ahri yahpɛpɛ to tjua tachũ noaare yoaina, ñaa buhiri marieina jinahca mʉsa. 11 ã jiina jina noaare, Cohamacũ cahmaare yoanahca mʉsa. Mʉsare ã yoachũ yoarohca Jesucristo sehe. Cohamacũ

noabiariro tuariro to jiare ñono taro, jipihtina tirore ti ño payohto cjihtore to cahmaare mäsare yoachü yoarohca.

### Paulo Cristo yairo to jia tiare yahuha

12 Yü coyea, ahrire müsa noano masichü cahmaja yühü. Mipüre peresui jiriro yü jiro watoi noaa buhea sehe ã mü tärucuro nina. Paina masa tí buheare cahmaina waha namoa nina. 13 Æ yoa Cristo yairo yü jiri buhiri peresui yü jirire masi pihtira pühtoro ya wühü macaina surara. Jipihtina paina cühü òi jiina tíre masina. 14 Æ jia peresui yü jichü ñüa, payü mari coyea Jesu yaina mari pühtoro Jesure wacü tua namoa nina. Æ wacü tuaa, cuiro marieno noaa buheare painare buhera tina.

15 Cäina Cristo yare buheraborina jipahta yühüre ñü tuhtia, Cristo yare buhera paina tina sehene ñü wahächü cahmaa. Paina sehe noano mehne Cristo yare buhera. 16 Noaa buheare yü ni tua ducatahti cjihtire Cohamacü yühüre to cürire noano masina ahрина sehe. Æ masia tina cahña mehne Cristo yare buhera. 17 Paina sehe yühüre ñü tuhtia, masa tina sehene ti ñü wahächü cahmaa, Cristo yare buhera. Æ yoa peresui yü jichü tina yühüre ñano yühüchü yoa duara. 18 Noanohca. Cristo yareta buhea nina. Tina Cristore potocã cahñerapahta Cristo yareta buhera. Paina sehe noano mehne buhera. Jipihtina tina to yare ti buhechü wahcheja. Æ jicü wahche namoihca yühü.

19 Cohamacüre müsa sini payori mehne Jesucristo Espiritu to yoadohoa mehne Cohamacü to wioriro jiihca yühü peresupü jiriro. Tíre masija. Æ jicü ã wahcherucuihca yühü. 20 Ò seheta yoaihca yühü. Dachoripe yü yoariro seheta mipü cühüre cuiro marieno Cristo yare buheja masa tirore noano ti ño payohto sehe. Ò seheta yoa duaja yü yoarire yü buheri cühüre yü büoro yühüerahto sehe. Catisinicü waro ò seheta yoa duaja. Tina yühüre ti wajã duapachüta ò seheta yoa duaja. 21 Catisinicü Cristo yare yoasinihca. Yariacü pinihta tí yühüoro noano tjuaihca yühü. 22 Æ nipacüta catisinicü Cristo yare yü yoa namohto sehe cati namosini duaja. Æ nipaihta yariaa cühüre cahmaja. ¿Di baro sehene yühü cahmabocari? Masieraja yühü. 23 Yü ò sehe ni durucuchü mijo nina yühüre. Cristo mehne tuaro ji duaja. Æ jicü mipüre tiro caharü waha duaja. Catia yühüoro ahri sehe noa yühüerucara. 24 To ã jipachüta mäsare yü yoadohohto cjihto sehe catisinino cahmana yühüre. 25 Tíre masicü òi müsa mehne yü jisinihtore masija yühü. Æ jisinihca



musa Cristore wacũ tua namohto cjihtore tí wacũ tuaa mehne musa wahchehto cjihtore. **26** Ahri yahpai jisinicu musa cahapu pari turi yu wahachu musa wahchenahca. Cristo Jesu yuhure to yoadohochu masina, “Tuariro jira tiro”, ni ño payonahca musa tirore.

**27** Mipure ahri dihtare yahuihtja musare. Cristo ya buhea ti niriro seheta jirucuga musa. Wacũ tuaina jiga. ã yoa cahma tju waro marieno noaa buheare ni tuaga. Õ seheta yu mariachu cuhure yu jichu cuhure musa yoachu cahmaja. ã jiina musa jichu tuhorooca duaja yahu. **28** Musare ñu tuhtiinare cuiena tjiga. Musa ã cuierachu ñua Cohamacu yaina musa jichu masiahca tina. ã masia tina pichacapu ti wahahto cuhure masiahca. Cohamacu musare to yuhduchu yoahito cuhure masiahca. Õ seheta masichu yoara Cohamacu masare. **29** Cristore musa wacũ tuahtore Cohamacu cüha musare. Ahri cuhure cüha tiro. Cristo yare musa yoari buhiri musa ñano yuhduhto cjihto cuhure cüha Cohamacu. **30** Õ sehe jira tí. Cristo yaina musa jiri buhiri paina musare ñano yoara. Musare ti yoariro seheta yuhu cuhure ñano yoara tina. Musa mehne yu jichu yuhure ti ã yoachu ñure musa. Mipu cuhure yuhure ti ã yoachu tuhoroocayuhiti musa. ã jina mari cüno potori ñano yuhduja.

**Cristo wiho jiriro to säari baharo,  
jipihtina bui puhtoro cjihto wahaha**

**2** <sup>1-2</sup> Cristo musare noano yajeripohna tichu to yoachu Cristo to cahia mehne musa wahchena, yuhure noano wahchechu yoaga musa. ã yoa Espiritu Santo jipihtina musa mehne to jichu painare cahina, pja ñuina jina, yuhure noano wahchechu yoaga musa. Ahri yu nihtire musa yoachu wahcheihca: Cüno potori noano yajeripohna tiga musa. Tuhsu, cüno potori tuhoutuina ji, musa basi cahma cahiga. ã yoa cüno mehne noano jiga. **3** Musa ya dihtare tuhoutuina, painare yuhduruca duaina jiena tjiga. ã tuhoturucaina jiga musa. ã jina painare noano ño payo, õ sehe ni tuhotuga: “Tina sehe yu yuhdoro noaina jira”, ni tuhotuga. **4** Cüiro painare yoadoho duaeraboca. To ya cjihti dihtare tuhoturiro jiboca. Tiro yoaro sehe yoena tjiga. Paina cuhure yoadohoga.

**5** Cristo Jesu painare yuhduruca duaerariro to jiriro seheta musa cühu painare yuhduruca duaeraina jiga. **6** Tiro sehe

Cohamacu waro jiparota “Cohamacu mehne cūno potori yu jiare ne wijaasi yuhu”, ni tuhoturari jire tiro. 7 Ā ni tuhoturaro tiro Cohamacu mehne cūno potori to jiare wijaa, õpu taro, masunota masa bajuaro, tiro dahra cohtariro yoaro sehe ji ducari jire. 8 Ā jiro tiro masuno cūno potori pjacu tiri jiro, wiho jiro waro sāari jire. Ā sāano “Crusapu wajāga tirore”, ti nichu tiro yuhdurucaerari jire. Crusaputa yariahtiro jiparota tiro yuhdurucaerari jire. 9 Ā jiro Cohamacu jipihtina ti ño payohtirore cūri jire Jesure. Ā jiro jipihtina bui puhtoro sōri jire Cohamacu tirore, 10 jipihtina mūano macaina, ahri yahpa macaina, yariaina cjiri yahpa puhichapu jiina cūhu Jesu wamare tuhoina ti na tuhcuca caha su ti ño payohto sehe. 11 Ā puhtoro sōri jire tirore Cohamacu jipihtina “Jesucristo mari puhtoro jira”, ti nihtiro cjihtore. Ā nia Cohamacure mari Pucure ño payoa nina.

**Cristo yaina buhriaro yoaro sehe jia,  
noaare masare yahu, masichu yoara**

12 Ā jina yu cahīina yu coyey Jesu yaina mūsa mehne yu jichu mūsa yuhtirucurari sehetā, mipu yu yoaropu jichu cūhure pano mūsa yuhtiriro yuhdoro yuhtiga yuhure. Ā jina pichacapu wahaborina to yuhduchu yoarina jina, Cristo yoaro sehe wahana tana, Cristo to yoadohoro mehne ñaa marieina jiga. Ā jina ño payoa mehne papero marieno Cohamacu yare yoaga. 13 Cohamacu noaa sehere mūsare cahmachu yoaro nina to cahmano sehetā mūsa yoahito sehe. Ā jiro tíre mūsa yoahitore yoadohoro nina Cohamacu. (To ā yoachū tí yu niriro sehetā Cohamacu yare yoaga mūsa.)

14 Jipihtiare yoana nureno marieno, mūsa basi jiape ni durucuro marieno yoaga. 15 Cohamacu pohna jira mūsa. Ā jina nureno marieno jipihtiare yoaga mūsa ñaa buhiri marieina, ñaare yoaeraina mūsa jihto cjihto sehe. Ā yoaga mūsa masa mahñoina, ñaina watoi dojomehnenno marieno mūsa jihto cjihto sehe. Tina ñaina watoi jina buhriaro to ñu masichu yoaro sehetā noaa buheare buhena masichu yoara mūsa ahri yahpa macainare. 16 Tí buheare mūsa tūho ñahari baharo Cohamacu mehne ā jirucuhtina wahare mūsa. Tí buheare ahri yahpa macainare mūsa ā buhechu ñucu mūsa mehne wahcheihca. Ā jicu mūsare yu buherire “Wiho waro buherari jica yuhu”, niilha yuhu. Ā jicu Cristo ahri yahpapu to tjua tachu mūsa

mehne wahcheihca. Ñ jicu bñoro yñhdusi yññ. 17-18 Cristore mñsa wacũ tuachñ Cohamacñ mñsare ññ jicoarohca. To ã ññ jicoachñ masicñ mñsare Cristo yare yñ buheri buhiri yññure ti wajã duapachñta wahcheihtja. Ñ jina mari jipihtina cñno potori wahchenahca. Tó seheta mñsa cññure cahyaro marieno wahchero cahmana yññ mehne, yñ yariari baharo.

### Timoteore, Epafrodito cññure yahuha Paulo

19 Mari pñhtoro Jesu to cahmachñ soaro mehne Timoteore mñsa cahapñ waroca duaja yññ mñsa jia tiare masicñ tacñ. Ñ masiipñta wahcheihca. 20 Tiro Timoteo yñ yoaro seheta mñsa noano jihto cjihtore potocãta pjíro tñhotura mñsare. Pairo to yoaro sehe jiro mariahna yññ mehne. 21 Paina sehe jipihtina ti cahmaa dihtare yoa duaa, Cristo Jesu to cahmaa sehere yoa duaerara. 22 Timoteo sehe noano yoiro to jiare masina mñsa. Yñ macñ yoaro seheta tiro yññ mehne noaa buheare yahua tihre. 23 Ñ jicu pñhtoa yññure ti dohse yoahtore masicñta, Timoteore mñsa cahapñ waroca duaja. 24 Ñ yoacñ mari pñhtoro Jesu to yoadohoa mehne soaro mehne yññ cññu mñsa cahapñ wahaihtja.

25-26 Yññure yoadoho dutina mñsa Epafrodite warocari jire yñ cahapñ. Tiro yñ coyeiro Jesu yairo yññ mehne dahrariro, yñ piti, Cohamacñ yare buhe tuariro jira. Tiro mñsare tuaro wacũroca. Ñ jiro to dohatirire mñsa tñhochñ masino tiro sehe pjíro cahya tñhotuhre. Ñ pjíro to tñhotuchñ ññcñ “Tirore mñsa cahapñ waroca tjuro cahmana yññure”, ni tñhotuja yññ mipñre. 27 Potocãta tiro tuaro dohatihre. Mahano yariabiho yñhdññre. To ã tuaro dohatipachñta Cohamacñ tirore pja ññno, yñhdñchñ yoahre. Tiro to yariachñ yññ sehe pano yñ cahyariro yñhdoro tuaro cahyaboa. Ñ jiro Cohamacñ yññ cññure pja ñññre tirore yñhdñchñ yoaro. 28 Ñ jicu mipñ pinihtare soaro mehne tirore mñsa cahapñ waroca duaja pari turi mñsa tirore ññ, mñsa yajeri sãahto sehe. Mñsa ã wahchechñ ññcñ yññ cññu wahcheihtja. 29 Ñ jina tirore Epafrodite mari pñhtoro yairore mari coyeirore noano wahchea mehne piti bocaga. Ñ yoana painare tiro yoaro sehe jiiñare ñno payoa mehne ññga. 30 Tiro Cristo yare yoadohomahno mahano yariabiho yñhdññre. Mñsa sehe yññure yoadoho masierachñ tiro sehe yññure yoadohomahre. Ñ yoaro yariamahre tiro.

### Noano yoaa warore yahuha Paulo

**3** <sup>1</sup> Mipü pinihtare ahrire yahu batoihtja. Mari pühtoro yaina mûsa jina wahchega. Ahri buheare pano yû yahurire pari turi mûsare yahu joarocacû ji coaja yûhû. ã jicû mûsare ahrire yahucû yoadohoi nija mûsare. <sup>2</sup> Noano yoaga mûsa. Ñaare yoarucuina, dieya yoaro sehe jiina ñaina circuncisiõre yoa dutia, mûsa pjacûrre yihso duara. Noano yoaga mûsa ã yoa dutiina sehe “Soro ni buheri”, nina. <sup>3</sup> Tina circuncisiõre yoapahta Cohamacû dutiare noano yoerara. Mari sehe potocãta Cohamacû dutiare noano yoina jija mari. Espíritu Santo to yoadohoa mehne Cohamacûre ño payoja mari. ã jina Jesu yaina mari jiare wahchea mehne painare mari yahuja. “Sã mû sûro Cohamacû dutiare bihoja”, ne ni tûhotueraja. <sup>4</sup> ã ni tûhotuerariro jipaihta “Tinare doca dahrenocaja”, ti yoaro sehe niriro jicû ã tjiboa yûhû cûhû. Pairo “Tinare doca dahrenocaja”, ni yûhdûrucû duara. Yûhû sehe tiro yûhdoro ã niboa yûhû. <sup>5</sup> Õ sehe yoariro jimai yûhû: Ocho dachori yû masa bajuari baharo circuncisiõre yoari jire yûhûre. Israe masûno jicû Benjami ya curua macariro jija yûhû. Yû pûcusûma hebreo masa ti jichû potocãta hebreo masûno warota masa bajuai. Cohamacû dutiare quihõno pahño duacû fariseo curua mehne sãamai yûhû. <sup>6</sup> “Cohamacû ya jipûcû”, nicû noano yoamai. ã yoacû Jesu yaina sehere ñano yoaa timai yûhû. Potocãta Cohamacû dutiare yoacû tíre yûhdûrucaro marieno yoa pahñoi. <sup>7</sup> Panopûre “Tí noaa jipûcû”, ni tûhotumai. “Tí yû ã ni tûhoturi cjiri panopû yû jia tiri yaba cjihti jierari jira”, ni tûhotuja mipûre. Õ sehetá ni tûhotu ducái yûhû Cristore wacû tuacû tacû. <sup>8</sup> Cristo Jesu yû pûhtorore yû masichû pinihta noa yûhdûrara. ã jicû paye sehere masa “Noaa jira”, ti nirire “Tí jipihtia yaba cjihti jierari jira”, ni tûhotuja yûhû. Tí jipihtiare duhunocai Cristo ya sehere yoai tai. ã jicû tíre yû duhurire “Wiho jia waro jiri jira”, ni tûhotui Cristore noano masicû tacû tiro mehne macariro jicû tacû. <sup>9</sup> ã jiro yû mû sûro noano yû yoari wapa “Noariro jira”, ni ñûerara Cohamacû yûhûre. ã jiro Cohamacû dutia Moise cjirore to cûrre yû yoari wapa cûhûre “Noariro jira”, ni ñûerara. Cristore yû wacû tuari baharo “Noariro jira”, ni ñûna tiro yûhûre. Cohamacû sehe marine buhiri marieina jichû yoara, tirore mari wacû tuachû. <sup>10</sup> ã jicû pano yû ni tûhotu mûhtamari cjirore duhunocaja

Cristore noano masicü tacü. Cohamacü tuaa mehne Cristo masa mujari jire. Tí tuaa mehne ji duaja. Ñ yoa tí tuaa mehne noaare yoa duaja. Cristo crusapü yariari jire mari ñaa yoari buhirire cohãno taro. Ñ jicü to yare yü yoari buhiri tiro yoaro seheta ñano yuhdä duaja yuhü cühü. **11** Ñ jicü Cristo to masa mujariro seheta masa mujah tiro jiihca yuhü cühü. Cristo yuhüre to ñ masa mujachü yoah tore wacü cohtaja yuhü.

**12** Ahri jipihtiare ñ nicü, “Cristo yare yoa pahñonocaja yuhü”, ni tuhötueraja. Yü ñ ni tuhötuerapachuta Cristo sehe to yairo yoa tuhsüre yuhüre. Ñ jicü to yare tiro cühüre noano masi namo duacü tuaro mehne to yare yoaja yuhü. Ñ yoah tiro cjihtore besere tiro yuhüre. **13** Yü coyeyä, “Cristo yare noano yoa pahñonocaja”, ni tuhötueraja. Ñ tuhötuerapaihta ahri pinihtare yoaja: Pano yü yoari cjirire ñ ñnocaja. Tíre pjíro tuhötueraja. Ñ yoacü Cristo yare noano yoa pahñonoca duacü, tíre tuaro yoaja mipüre. **14** Murocaperiro to wapata duariro seheta Cristo yare tuaro yoaja yuhü yü wapatahtore yü ñahahto sehe. Cristo yairo yü jichü ñno Cohamacü tí yü wapatahtore yuhüre waro taro müanopü pjíro cara yuhüre to catia mehne yü catirucuhto sehe.

**15** Ñ sehe yü tuhöturiro seheta tuhötuga müsa cühü Cristore noano masiina jina. Wiho mejeta, ahri müsare yü yahurire müsa tuho duaerachü, soro müsa tuhötuchü Cohamacü müsare noano masichü yoarohca. **16** Ñ jina to yare mari masirire noano yoa sohtori tijihna.

**17** Yü coyeyä, müsa jipihtina yuhüre ñü cüga. Ñ jina paina sã yoaro sehe yoainare noano ñuga müsa tinare müsa ñü cühto sehe. **18** Payü tahari painare yahui yuhü müsare. Mipü cühüre tuaro cahyacü tinareta yahuja müsare. Payü tina Cristo crusai to yariari buheare ñü yabiina jira. **19** Tina pichacapü wahahtina jira. Ti ñaa goa pjaä sehère tuaro cahmana tina. Tuhsü, ti büo tiboare yoaa, tíre “Noaa jira”, nina tina. Ahri yahpa macaa dihtare noano tuhötura tina. **20** Mari sehère mari ya maca müanopü jira. Ñ jiro tóputa marine yuhdächü yoah tiro, mari pühtoro Jesucristo tarohca. Ñ jina to tahtore cohtana nija mari. **21** Tiro taro mari pjacürire wiho jia pjacürire soro sehe jia pjacüri dihta cohtotarohca tiro. Ñ yoaro to ya pjacü yoaro sehe noa yuhdüari pjacüre si siteri pjacüre warohca marine to tuaa mehne. Jipihtina bui pühtoro säari jire tiro tí to tuaa mehne. Ñ jiro jipihtia püro jira tiro tí tuaa mehne.

### Dachoripe mari pũhtoro mehne wahchega

**4** <sup>1</sup> Ñ jina yũ coyeya, yũ cahĩina, tuaro yũ wacũina, yũhũre wahchechũ yoaina, pano mũsa wacũ tuariro seheta mipũre mũsare yũ yahu joariro seheta mari pũhtoro Jesure tuaro wacũ tuana, to yare ne duhuena tũga mũsa.

<sup>2</sup> Ahrire yahuihtja mũsare Evodiare, Síntique cũhũre: Jesu yaina numia jira mũsa. Ñ jina cahma sayoro marieno noano mehne jirucuga mũsa. <sup>3</sup> Mũhũ sehe potocãta yũ piti warota jira. Mũhũ cũhũre yahuihtja: Tĩ numia yũhũ mehne, Clemente mehne, paina yũ piti tiina mehne dahrare noaa buheare sã buhechũ. Cohamacũ tina jipihtina wamare joa õha to ya tũui. Jipihtia dachoripe catiare to warina wamare to joa õri tũui joa õha. Ñ jicũ tĩ numiare “Cũno mehne noano jiga”, ni yahuga mũhũ.

<sup>4</sup> Dachoripe mari pũhtoro mehne wahchega. Pari turita yahuihtja tjoa: Wahchega. <sup>5</sup> Noano yoaga jipihtinare masa yoaro seheta. Mari pũhtoro Cristo to tahto mahanocã dũhsara.

<sup>6</sup> Ne cahya pjĩro tũhotuena tũga. Cohamacũre noano yahu pahũoga. Ñ yoana tirore siniga. Ñ sinina, “Noana”, niga tirore. <sup>7</sup> Mũsa ã yoachũ noano jichũ yoarohca mũsare Cohamacũ. To ã yoachũ noa yũhdũara. Ahri mari noano jia noa yũhdũara. Masa jina, marine to ã noano jichũ yoarire noano tũho ñaha masieraja mari. Cristo Jesu yaina mari jichũ marine noano jichũ yoaro, Cohamacũ marine noano yajeripohna tichũ yoarohca. Ñ yoaro cahya tũhotuerachũ yoarohca marine.

### Noaare tũhotuga

<sup>8</sup> Ahrire yahu batoi tai nija mũsare, yũ coyeya. Quilhõno jiare, masa ti ño payoare, noano yoaaare, ñaa mariare, ji coaare, masa “Noaa jira”, ti niare tũhotuga mũsa. Noa yũhdũa ti jichũ tíreta tũhotuga. Masa noaare ñũa ti wahchea sehere mũsa cũhũ wahche tũhotuga.

<sup>9</sup> Mũsare yũ buheriro seheta ã yoarucuga mũsa. Ñ yoana, yũhũre ñũ cũga mũsa. Mũsa ã yoachũ Cohamacũ mũsare noano jichũ joariro mũsa mehne jirohca.

### Filipo macaina Paulore ti wari cĩjire yahuha tiro

<sup>10</sup> Mipũ pinihta yoari pja baharo mũsa pari turi yũhũre wacũina mũsa yoadohoare wahcheja. Ñ wahchecũ mari

pũhtoro Cristore “Noana”, nija. “Yũhũre boaa wahare mũsa”, nieraja yũhũ. Panopũre yũhũre yoadoho duapanahta yoadoho masierare mũsa. **11** Yũhũre mũsa yoadohorire yahucũ yũhũre dũhsarire mũsare yahui tai nieraja. Mũsare paye barore cahmacũ ã nii nieraja. Yũ cjuaa mehne ji masija yũhũ. **12** Paye baro cjuaceracũ cũhũ noano ji masija yũhũ. ã yoa pjĩro cjuacũ cũhũ noano ji masija. Dachoripe jũca baacũ cũhũ jipoaja. Yapiriro jicũ cũhũ jipoaja. Pjĩro cjuacũ cũhũ jipoaja. Yũhũre paye baro mariachũ cũhũre jipoaja. **13** Cristo yũhũre tuachũ yoariro mehne jipihtiare Cohamacũ to cahmaare yoa masi pahũoja yũhũ. **14** Yũ ã jipoariro yũ jipachũta yũ ñano yũhdũchũ mũsa yoadohona yũhũre noano yoare mũsa.

**15** Noaa buheare yũ buhe dũcachũ Macedonia yahpai jiriro cjiro yũ wahachũ mũsa dihta yũhũre yoadohore. Tĩre masina mũsa. **16** ã yoa Tesalónicaĩ yũ jisnichũ ñũna yũhũre yoadohona cãa tahari warocari jire mũsa. **17** Paye barore sinicũ ã nicũ nieraja. Painare mũsa yoadohochũ Cohamacũ mũsare noano yorohca. Mũsa ã yoadohori wapa Cohamacũ mũsare to noano yochũ cahmaja yũhũ. **18** Mĩpũre yũhũre noano wa pahũohre mũsa. Yũ cahmari yũhdoro wahre mũsa yũhũre. Yũhũre Epafrodito mehne mũsa warocari baharo paye baro ne dũhsaerara yũhũre. Cohamacũ wũhũpũ inciensore jũ mũo Cohamacũre ti noano ji coachũ yoariro seheta yũhũre mũsa wari cũhũ Cohamacũre noano ji coachũ yoara. **19** Cristo yaina jira mũsa. ã jiro jipihtiare mũsare dũhsarire warohca Cohamacũ mũsare, noa yũhdũa to cjuare. **20** Jipihtia dachoripe mari Pũcũre Cohamacũre ño payojihna. ãta yoajihna.

### Paulo noa dutiha

**21** Jipihtina Cohamacũ yaina, tũpũ jiina, Jesucristo yaina noajaro. Mari coyea cũhũ Jesu yaina yũhũ mehne macaina mũsare noa dutira. **22** Jipihtina Cohamacũ yaina, õ macaina, Jesu yaina noa dutira. Roma macaina bui pũhtoro ya wũhũ macaina pinihta tuaro noa dutira.

**23** Mari pũhtoro Jesucristo mũsare to cahĩa mehne noano yoajaro.

# Colosenses

## Colosa macainare joarocaha Paulo cūhũ

**1** 1-2 Yũhũ Paulo mari coyeiro Timoteo mehne mʉsare Colosa macainare joarocaja sã. Yũhũ Jesucristo to yare buhe dutiro to cūriro jija. Cohamacũ to cahmano seheta Jesu yũhũre to yare buhehtirore cūre. ˆ Jina mʉsare sã coyea Cristore wacũ tuarucuinare joarocaja. ˆ Jina Cohamacũ mari Pʉcũ mehne mʉsare noa dutija. ˆ Jina tiro mehne noano jiga mʉsa.

## Jesu yainare Paulo sini payoha Cohamacũre

**3** Mʉsa ya cjihtire Cohamacũre sini payona “Noana”, ˆ nirucuja sã. Tiro sehe mari pũhtoro Jesucristo Pʉcũro jira. **4-5** Tirore “Noana”, nirucuja sã mʉsa jia tiare tũhorocana. To ya buhea potocã jia buheare mʉsa tũhoriro seheta jipihtia dachoripe mʉanopũ mʉsare jichũ yoarohca Cristo sehe. To ˆ yoah tiro jichũ tíre mʉsa ˆ cohtarucu wama tira. ˆ Jina Cristo Jesure wacũ tua wama tira mʉsa. Tuhsũ, to yainare cahĩ wama tira mʉsa. Mʉsa ˆ jiina jichũ Cohamacũ mehne wahche tirore “Noana”, nija sã. **6** Jipihtiropũre Jesu yaina potocã jia buheare noaa buheare ti yahuchũ tũhoa masa Cohamacũ yare cahmaa, noaa sehere cohtota namoa nina. Mʉsa cũhũ noaa buheare Cohamacũ mʉsare to cahĩare quihõno mʉsa tũho dũcari baharo tina yoaro sehe Cohamacũ yare cahmana, noaa sehere cohtota wama tira mʉsa. **7** Ahrireta mʉsa cũhũre Epaфра noaa buheare yahuri jire. Tiro sã tuaro cahĩriro sã mehne Cristore dahra cohtariro, Cristo yare ne duhuerariro jira. Mʉsare sã buhe masierachũ tiro sehe sãre cohtotariro jiro, mʉsare buheri jire. **8** Tiro jira mʉsa jia tiare sãre yahuriro. Espĩritu Santo to yoadohoa mehne Jesu yainare mʉsa cahĩire yahure sãre. **9** ˆ Jina mʉsare tũhorocana mʉsare sã tũhorocari dachoihta dõihta ˆ sini payorucuja sã Cohamacũre. Cohamacũ to cahmaare mʉsa masi pahõhto sehe tirore sini payoja sã. Espĩritu Santo yoadohoro mehne Cohamacũ yare noano masiina mʉsa jihto



sehe sini payoja sã. <sup>10</sup> Õ seheta sini payoja sã mari pũhtoro Cristo to cahmano seheta noano m̄sa yoah̄ti c̄jĩhtire. M̄sa ã yoach̄ũ ñũno tiro wahcherohca. ã jina jipĩhtia noaare m̄sa yoah̄to sehe sini payoja. Cohamacũre m̄sa masi namohto sehe sini payoja. <sup>11</sup> Ahri yũ yah̄uhti c̄ũhũre sini payoja sã. Cohamacũ ya tuaa noa yũhdũara. Cohamacũ tí tuaa mehne m̄sa tuahtore m̄sare sini payoja. Õ seheta sini payoja m̄sa ñano yũhdũpanahta wahchea mehne m̄sa c̄ũno p̄jah̄to sehe. <sup>12</sup> Cohamacũ to yaina c̄jĩhtire marine jich̄ũ yoari jire. ã yoaro to waare c̄jũah̄tina c̄ũhũre yoari jire marine tiro. To jiropũ buhriaropũ mari c̄jũah̄tire warohca tiro. To ã yoach̄ũ ñũna tirore m̄sa “Noana”, nihto c̄jĩhtore sini payoja sã m̄sare. <sup>13</sup> Tirota marine pichacapũ wahaborinare yũhdũch̄ũ yoari jire. Tó panore ñaare yoa duhu masieramai mari. Ñariro sehe nahitianoĩ jiriro marine dutiriro jisiniri jimare. Cohamacũ sehe to macũnore to cahĩrirore pũhtoro sũno m̄uanopũ marine jich̄ũ yoari jire. ã jina to macũno mehne jinahca. <sup>14</sup> To macũno mehne marine yũhdora Cohamacũ. To macũno to yariaro mehne mari ñaa yoari buhirire bori jire Cohamacũ.

**Masa Cohamacũ mehne ti cahma ti pũ buhuseheri  
ti ñũ tuhtich̄ũ ñũno Cristo bosaha**

<sup>15</sup> Jesu Pũcũrore ñũmahnoerara. To macũno sehe to Pũcũro to dohse jia tiare ñona masare. Tiro to macũno jipĩhtina pano jipĩhtia pano ji tuhsũri jire. ã jiro jipĩhtia pũro, jipĩhtina bui pũhtoro jira tiro. <sup>16</sup> Cohamacũ to dutich̄ũ to macũno sehe to Pũcũro mehne jipĩhtinare, jipĩhtiare bajuamehneri jire. M̄uanopũ jiare ahri yah̄rapũ jia c̄ũhũre bajuamehneri jire. Mari ñũrire mari ñũerari c̄ũhũre bajuamehneri jire. M̄uano macaina ñũmahnoerainare pũhtoare, dutiinare, jipĩhtinare bajuamehneri jire. ã jia jipĩhtina to yaina c̄jĩhti jimari jire. Jipĩhtia c̄ũhũ to ya c̄jĩhti jimari jire. <sup>17</sup> Jipĩhtina pano jipĩhtia pano Cristo ji tuhsũri jire. ã yoa to tuaa mehne jipĩhtia c̄ũhũ jipĩhtina c̄ũhũ mipũre jia nina. <sup>18</sup> Mari to yaina jipĩhtina to p̄jacũ yoaro seheta to ya curua macaina jija. ã jiro tiro mari dapu mari pũhtoro jira. Tiro yariaro masa m̄jũa m̄ũhtariro jira jipĩhtina bui pũhtoro, jipĩhtia pũro jiro taro. <sup>19</sup> Cristo to Pũcũro mehne c̄ũno potori to jiro seheta jira. To ã jich̄ũta cahmana Cohamacũ sehe. <sup>20</sup> Jipĩhtina to Pũcũrore cahma ñũ tuhtia tiri jire. ã ti cahma ñũ tuhtich̄ũ ñũno Cristo tinare “Ñũ tuhtiena

tjiga”, ni yahuri jire. Mũano macainare ahri yahpa macaina cũhũre to Pũcũrore “Ñũ tuhtiena tjiga”, ni yahuri jire Cristo. Ā yoa mũano macaa ahri yahpa macaa cũhũ noano ti jichũ cahmari jire tiro. Ā mari ñũ tuhtirire duhuchũ yoa duari jire tiro crusapũ yariaro to di cohãno. To Pũcũro to cahmariro seheta ā yoari jire Cristo.

21 Mũsa cũhũre āta yoari jire tiro. To Pũcũrore ñũ tuhtiina tiro mehne jieraina jimari jire mũsa cũhũ. Ñaare yoari jimare mũsa. 22 Ā jimarina mũsa jipachũta tiro to yariaro mehne to Pũcũrore mũsare ñũ tuhtierachũ yoari jire tiro. Ā yoari jire tiro noaina ñaa buhiri marieina mũsare to yoahito cjihtore. Mũsa ā jichũ tiro mũsare tó sehe jiinapũre to Pũcũrore warohca. 23 Āta warohca tiro mũsa tirore wacũ tuarucuchũ. Āta yoarohca tiro noaa buheare mũsa tũhorire mũsa boerachũ tí buheare mũsa ā yũhtirucuchũ. Tí buheare noaa buheare jipihtina ahri yahparũre jiina tũhori jire. Ā jicũ yũhũ cũhũ Paulo Cristore dahra cohtariro jicũ, tí buheareta yahuriro jija.

### **Jesu yainare tina mehne macainare yoadohtinare cũha Paulo**

24 Cristo mari ñano yoari buhirire ñano yũhdũri jire. Ā jicũ yũhũ cũhũ mũsare yũ buheri buhiri ñano yũhdũcũ wahcheja. Ā ñano yũhdũcũ Cristo marine to cũrire yoa sohtori tii nija. Ā jicũ wahcheja. Cristo yare mari yoari buhiri mari ñano yũhdũ namohto dũhsasinina mini. Ā jicũ tirore mũsa wacũ tuahtore ñano yũhdũcũ, wahcheja yũhũ. To pjacũ yoaro sehe jiina to ya curua macaina jira mũsa. 25 Jesu yainare yoadohtirore cũre Cohamacũ yũhũre. Mũsa ya cjihtire yoahirore yũhũre cũre tiro. To yare jipihtirore yahu pahũohtirore cũre yũhũre. 26 Tí to yare panopũre payũ tjururi macainare yahu pahũoera tiri jire Cohamacũ. Mipũre ahri tjuru macainare to yainare tíre noano yahu pahũonocare jũna. 27 “Judio masa jieraina ya cjihtire yũ ya buhea noa yũhdũara”, ni to yainare tíre yahuri jire. Pano to yahuerari cjirire yahuri jire. Ó sehe jira to ya: Cristo to yaina mehne jira. To ā jichũ to yaina mũanopũ Cohamacũ cahapũ noa yũhdũaropũ jiahca. Tí jira panopũ ti masierari cjiri Cohamacũ ya.

28 Cristoreta yahuja. Jipihtinare cuisãana tinare buheja sã. Noano masia mehne buheja sã noano Cristore masare masichũ yoana tana. Ā buheja sã to yare noano yoaina ñaa buhiri

marieina tinare jichu yoana tana. <sup>29</sup> Ahri jira yu dahraa. Cohamacu to ya tuaa mehne yuhure to wari tuaa mehne tuaro dahraja yuhu, to yare buhecu.

**2** <sup>1</sup> Ahrire musa masichu cahmaja yuhu. Musa ya cjihtire, Laodicea macaina ya cjihtire, jipihtina paina ya cjihti cuhure tuaro dahraja yuhu. Jipihtina musa yuhure fueraina ya cjihti cuhure tuaro dahracu musare tuaro yoadohoja yuhu. <sup>2</sup> O sehetu musare yoadohoja yuhu musa noano yajeripohna tihto cjihtore. Musa mehne macainare musa cahma cahito cjihto cuhure a musare yoadohoja yuhu. Cohamacu ya panopu to yahuerari cjiri Cristore masichu yoaa jira. To yare musa masichu noa yuhduara. Cristore musa noano masihto cjihtore, tiro mehne musa noano jihto cjihto cuhure tuaro yoadohoja musare. <sup>3</sup> Paina ti masierari cjirire, noa yuhduare Cohamacu to masiare Cristo dihta noano masichu yoara marine. <sup>4</sup> Ahrire nija musare "Paina musare tuho wisiachu yoaa durucua mehne mahñori", nicu. <sup>5</sup> Yuhu musa watoi jierapacuta yu wacino mehne musa watoi jiro yoaro sehetu tuhotuja. A jicu Cristore musa noano wacu tuarucurire, quihono musa yoari cuhure masicu wahcheja yuhu.

<sup>6</sup> A jina Cristore musa wacu tua ducariro sehetu ata tirore wacu tuaa mehne dachoripe noano jirucuga. <sup>7</sup> Tirore noano masiina jiga musa. A yoaa dachoripe tirore masi namoga pano musare paina ti buheriro sehetu. A yoaa Cristore wahche, "Noana", nirucuina jiga musa.

### **Cristo yaina jina noaa sehere cahmaja mari**

**8-10** Noano yoaga musa. Masa ti mu suro ti mahño buheare tuhoena tjiga musa. Tina panopu macaina ti mu suro ti niare buhera. Ti a nia yaba cjihti jierara. Ahri yahpa macaina ti mu suro ti tuhotuare buhe, Cristo ya sehere buherara. Cristo Cohamacu to jiro sehetu jiro jiro, ahri yahpau pjacu tiro, Cohamacu warota jirota nina. To yaina jina Cohamacu mehne noano jija mari. Tirota jira jipihtina anjoa puhto bui paina bajueraina bui puhtoro jiro. Tire masina mahñoare buheinare tuhoena tjiga. <sup>11</sup> Circuncisiore ti yoari sehetu mahanoca pjacu cahsarocare ti yihso cohariro sehetu Cristo ñaa buhiri tiina musa jia tiare cohã, duhuchu yoari jire. Ahri circuncisiõ masa ti pjacurire mahanoca cahsarocare ti cohari jierara. Ahri circuncisiõ yoaro sehe yoaro, Cohamacu sehe ñaa buhiri tiina

mari jia tiare cohãna Cristore mari wacũ tuachũ ñño. **12** To yaina jina bautisarina wahari jire m̄sa. To bautisarina wahana õ sehe ñona niri jire m̄sa: Panop̄ macaa m̄sa ñaa yoarire m̄sa duhurire ñona niri jire m̄sa. Tí m̄sa ñaa yoari buhirire m̄sa ya cūboro seheta tíre duhuri jire m̄sa. Cristo masa m̄jano noanop̄ wahari jire. To ã waharo seheta Cohamac̄ure wacũ tuana “Tiro tuariro jira”, niina jina noaa sehene cohtotari jire m̄sa. Tiro Cohamac̄u sehe Cristore masoriro jira. To bautisarina wahana noaa sehene m̄sa cohtotarire ñona nina m̄sa. **13** Panop̄ure ñaa buhiri c̄j̄arina m̄sa jiri buhiri pichac̄ap̄ wahaborina jimari jire m̄sa. ã wahaborina jimari jire m̄sa Cohamac̄u yaina jierasina. To dutiare c̄j̄aerina jimari jire m̄sa. Mip̄ure Cohamac̄u marine tiro mehne ã jiruc̄utinare yoari jire. Cristo to yariaro mehne ã yoari jire tiro marine. ã yoaro jipihtina mari ñaa yoari buhirire bonocari jire tiro. **14** Cohamac̄u to dutiare ti joari c̄j̄irire ȳhd̄ur̄caina mari jipach̄ta Cristore mari wacũ tuachũ ñño tiro marine buhiri ti dutiare. Cristo crusap̄ to yariaro mehne Cohamac̄u sehe mari ñaa buhirire cohãnocahna panop̄ to dutiare, marine buhiri ti dutiare to cohãnocaboriro seheta. Crusap̄ yariaro tí tañop̄ panop̄ macaa dutiare ti joari p̄ure to c̄j̄a puha õboro seheta tí dutiare cohãnocahna. **15** Masa ti ññocaroi watia p̄htoare Cohamac̄u ȳhd̄ur̄cari jire. Wiho jiina, tuaerina t̄juanocari jire tina sehe. ã yoaro tinare b̄oro wahachũ yoari jire, surara ti ȳhd̄ur̄cainare masare ti naa ño ti b̄oro wahachũ yoaro seheta. Crusap̄ yariaro Cristo watia ȳhd̄ur̄cari jire.

### **M̄ano macaare Cohamac̄u yare cahmaga**

**16** ã yoa paina m̄sa ch̄are m̄sa sihnia c̄h̄ure ñña m̄sare “Buhiri tiina jira”, ni ññoca. Ti ã ni ññchũ ã ññnocahga tinare. S̄ripe jia dachorire, somanaripe jia dachorire, bose n̄m̄uri m̄sa ȳhdoerachũ ñña m̄sare “Buhiri tiina jira”, ni ññoca tina. Ti ã ni ññchũ ã ññnocahga tinare. **17** Panop̄ tí ch̄aa dutiare, bose n̄m̄urine ȳhdo dutiare, paye dutia c̄h̄ure c̄uri jire Cohamac̄u marine buhero taro. Tí dutia mehne baharop̄ to dohse yoahore Cohamac̄u yoa ñño niri jire. Cristo to jia tia c̄j̄ihtire yoa ño curero niri jire masare. “Tiro õ sehe waharohca”, nino ã yoa ñño niri jire. ã yoa ñohti c̄j̄iti jiri jimare tí dutia. **18** Õ sehe nimana tí dutiare yoa dutiina.

“Soro jiare bajuachũ ñũhi sã” nia, tina Cohamacũre ti ño payoboro sehe anjoare ño payomana. Æ jiina jia “Masi pahñonocaja sã”, ni tũhotumana tina masa ti mũ sũro ti tũhoturiro sehetã. Æ jia tina painare yũhdũrũcaeraina, noaina yoaro sehe yoa ñomana mũsare. Æ yoa “Quihõno yoaerara mũsa”, ni yahusãna mũsare. Ti ã ni yahusãchũ, tinare ã ñũnocahga. <sup>19</sup> Tó sehe yoapahta mũsare yahusãina Cristo to dutiro sehe yoaa nierara. Cristo sehe to yaina dapu ti pũtoro jira. To yaina sehe to pjacũ yoaro sehe jiina to ya curua macaina jira. Mari cohãri dohsaa mari wa dari cũhũ mari pjacũre cũ pjacũ jichũ yoara. Tó sehetã Cristo sehe to yainare cũnoi noano mehne jichũ yoara. Æ yoa marine yoadohora Cohamacũ cahmaare mari noano yoahito sehe.

<sup>20</sup> Æ yoa Cristo yaina jina tiro mehne yariarina yoaro sehe jira mũsa, Cohamacũ to ñũchũ. Æ jina ñaare mũsa yoirire duhurina jira mũsa. Æ jina ahri yahpa macaa ñaa buheare, masa ti mũ sũro ti buheare cahmaeraborina jira mũsa. ¿Æ jiborina jipanahta dohse yoana masa ti mũ sũro ti dutiare yũhtijari mũsa? <sup>21</sup> Õ sehe ni dutira ti mũ sũro dutiina: Ahri barore chũena tjiga. Ahri barore ne chũ ñũena tjiga. Ahri barore pihaena tjiga. Tó sehe ni dutira tina. <sup>22</sup> Mari paye barore chũchũ dói pihtia wahara. Tó sehe jia barore pihtia barore tũhotua nina ã dutiina. Ti ã dutichũ ahri yahpa macaa dutia dihta jira tí dutia. Masa ti mũ sũro ti buhea dihta jira ahri buhea. Æ jia yaba cjihti jierara. <sup>23</sup> Tí dutiare yoina Cohamacũre ño payoina yoaro sehe jimana. Æ yoa painare yũhdũrũcaeraina yoaro sehe yoa ñomana. Ti pjacũrĩre ñano yoaa Cohamacũre ño payoina sehetã yoa ñomana tina. Ti ã yoachũ ti ya dutia sehe masi pahñoina ya dutia yoaro sehe jimana. Æ jierara. Tí dutiare yoapahta ti ñaare goa pjaare duhuerara. Æ jia tí dutia sehe yaba cjihti jierara.

**3** <sup>1</sup> Æ yoa Cristo yaina jira mũsa. Æ jina Cohamacũ tuaa mehne Cristo to masa mũjariro sehetã tí tuaa mehne pano mũsa ñaa yoirire duhu, noaa sehere cohtotare mũsa. Æ cohtotaina jina mũano macaare Cristo yare cahmaga mũsa. Tóprẽ mũanopũ Cohamacũ poto bũhũsehei dujira tiro. <sup>2</sup> Mũano macaa Cohamacũ yare noano tũhotuga mũsa. Ahri yahpa macaare ne wacũ ñũñena tjiga mũsa. <sup>3</sup> Cristo yaina jina tiro mehne yariaborina sehetã mũsa wahana ahri yahpa macaare pjĩro tũhotuena tjiga. Æ jiro Cristo mehne mũsa

jirucuhtore cahno tuhsuri jire Cohamacu. 4 Ñ yoa Cristo muanopu marine ã jirucuhtinare yoariro si sitea mehne to tachu tiro mehne wahanahca mari. Ñ wahana tiro mehne muanopu Cohamacu yare cjuanahca.

### **Cristo yaina jierasinina ñaare yoamai mari**

5 Ñ yoa ahri yahpa macaa ñaa msa yoaare duhunocahga msa: Numino mehne ñano yoaare, mno mehne ñano yoaare, ñaa yuhduaro yoaare, paio namonore goa pjaare, racoro manonore goa pjaare, ñaa goa pjaare duhunocahga msa. Paye barore tuaro cahmana jiena tjiga. Paye barore cjona, tíre tuaro cahmana “Cohamacu jira”, ti nia masurine ti ño payoro seheta yoana nija mari tíre. 6 Tí ñaare yoaina Cohamacure yuhdurucaina jira. Ti ã yoa yuhdurucachu ñno tinare buhiri dahrerohca. 7 Panopure msa sehe tí ñaare yoarina jina tina mehne macaina jiri jimare msa. 8 Wiho mejeta mipure ahri ñaare duhu pihtinocahga msa: Suaare, sua yuhduare, painare ñano ni tshotuare, painare ñano quiti dahreare, ñano durucuaré tí jipihtiare duhunocahga. 9-10 Msa sehe Jesu yaina wahana tí ñaa yoaare duhu tuhsuri jire. Ñ jina msa tshotuare cohtotaina jira msa. Msare noaa sehere cahmachu yoaro nina Cohamacu to yoaro sehe msa jihto sehe. Ñ seheta yoara tiro noano tirore msa masi namohto sehe. Ñ jiina jina msa mehne macainare mahñoena tjiga. 11 Cristo yaina jina judio masa, judio masa jieraina cñhu cño pоторita jira msa, Cohamacu to ñuchu. Circuncisiõre yoaina, yoaeraina cñhu Cristo yaina jia cño pоторita jira, Cohamacu to ñuchu. Pa yahpa macaina, masieraina, msa ya yahpa macaina cñhu Cristo yaina jia cño pоторita jira, Cohamacu to ñuchu. Dahra cohtaina, dahra cohtaina jieraina cñhu Cristo yaina jia cño pоторita jira, Cohamacu to ñuchu. Jesu jipihtina to yaina mehne jira. Wiho jiriro jierara tiro, to yaina ti ñuchu.

12 Ñ yoa Cohamacu to beserina, noaina, to cahña jina ñ sehe jiga msa: Painare pja ñña, painare noano yoaina, painare yuhduruca duaeraina, painare niji siaro dero yoaina, msare ti ñano yoapachuta ã tshotunocaina jiga msa.

13 Msa mehne macaina mehne suana, dóihta msa basi msa suarire pjága. Mari puhtoro msa ñaa yoari buhirire bohre. Ñ to boriro seheta msa cñhu msa mehne macaina msare ti

ñaa yoarire boga. **14** Ahri dutia mehne ò sehe ni dutija m̄sare: Painare cah̄ga. M̄sa ã yoana noano jipihtina mehne c̄ño mehne jinahca. **15** Cristo marine noano jich̄u yoara jiape ni durucueraina mari jihto sehe. To ã yoach̄u noano jiga m̄sa, m̄sa basi. Ò seheta jihtina cjihtire to yaina cjihtire bese c̄ñri jire Cohamac̄u m̄sare. ã jina to pjac̄u yoaro seheta c̄ñ curuata jira m̄sa. ã yoa Cohamac̄ure “Noana”, ni wahcheina jiga m̄sa Cohamac̄u mehne.

**16** Cristo ya buheare noano wac̄urucuga m̄sa. Noano masi buhega to yare. Cua pisaro mehne tíre yahuga. ã yoa tuhs̄u, Salmore, Cohamac̄u yare basaare, paye tirore ño payoa basaare tirore basa payoga. Noano wac̄u ño payoa mehne basa payoga. ã basana to yare noano wac̄uga m̄sa. ã yoana Cohamac̄ure “Noana”, ni wahcheina jiga m̄sa Cohamac̄u mehne.

**17** Jipihtia dohse jia m̄sa yoare noano yajeripohna ti yoaga mari p̄htoro Jesu to wahchehto sehe. Cristore ño payora m̄sa. ã yoa tirore ño payoa mehne noaa dihtare durucuga. ã yoana Cristo to yoadohoa mehne Cohamac̄u mari P̄c̄ure “Noana”, ni wahche payo siniga tirore.

### Jesu yainare noano mehne ti jikti dutia ò sehe jira

**18** M̄sa man̄ tia numia, m̄sa man̄sumare noano ȳhtiga m̄sa. ãta yoaro cahmana mari p̄htoro Cristo ya numia jina. **19** M̄sa namo tiina sehe, m̄sa namos̄anumiare cah̄ga. ã yoa tí numiare ne tuhtiena t̄jiga. **20** M̄sa ti pohna c̄ñh̄u, m̄sa p̄c̄sumare ȳhdur̄caeraina jiga. M̄sa ã yoach̄u ñño mari p̄htoro noano ji coara. **21** M̄sa ti p̄c̄suma c̄ñh̄u m̄sa pohnare suach̄u yoarena t̄jiga “Cahyach̄u yoari”, nina. **22** M̄sa tinare dahra cohtaina, m̄sa p̄htoare ahri yahpa macainare noano ȳhtirucuga. Ti ñurocaro dihtare ȳhtiina jiena t̄jiga. Ti mariach̄u c̄ñh̄ure ȳhtiina jiga. Mari p̄htoro Cristore cua pisaro m̄sa ññiro seheta noano mehne ȳhtiga m̄sa p̄htoa c̄ñh̄ure. **23** Potoc̄ãta Cristo yaina jina noano ȳhtira m̄sa tirore. ã jina m̄sa p̄htoare ahri yahpa macainare ȳhtina, tina dihtare ȳhtina nierara. Cristo c̄ñh̄ure m̄sa ȳhtiboro sehe ȳhtinata nina m̄sa. ã yoana m̄sa p̄htoa ti dutiro seheta tuaro mehne dahraga, Cristo ya dutia ti jiboriro seheta. **24** M̄sa ã yoach̄u Cristo m̄sare noano yorohca. “M̄sare waihtja”, to niare m̄sare warohca mari p̄htoro. Tíre masina m̄sa. Mari p̄htoro Cristore dahra cohtaina jira m̄sa. ã jiro

tiro sehe m̄sa p̄htoro waro jira. <sup>25</sup> Ñaare yoainare buhiri dahrerohca mari p̄htoro. Ñ yoainare c̄iuro d̄hsaro marieno c̄ino potori buhiri dahrerohca tiro.

**4** <sup>1</sup> M̄sa p̄htoa sehe, m̄sare dahra cohtainare potoc̄ata noano yoaga tinare. M̄sa c̄ũh̄ p̄htoro c̄j̄ara. M̄sa p̄htoro m̄sa c̄j̄ariro sehe m̄ano macariro jira.

<sup>2</sup> Dachoripe Cohamac̄re siniga m̄sa. Noano wac̄ũ t̄hotu siniga. Ñ yoana “Noana”, niga Cohamac̄re. <sup>3</sup> S̄a ya c̄jihti c̄ũh̄re sini payoga t̄joa. Cristo yare paina pano ti masierari c̄jirire buhena nija s̄a. Tinare s̄a noano masich̄ yoah̄to sehe sini payoga Cohamac̄re. Cristo yare ȳa buheri buhiri ȳh̄ m̄ip̄re peresup̄ jija. <sup>4</sup> Ñ jic̄a m̄sa ã sini payoch̄ cahmaja to yare ȳa noano yahuhto c̄jihto sehe. Cristo to dutiriro seheta ȳa yahuhto c̄jihto sehe sini payoga.

<sup>5</sup> Jesu yaina jieraina mehne jina noano yoaga m̄sa. Cristo yare yahuga tinare. Tina mehne m̄sa jiro puro ãta noano yoaga. <sup>6</sup> Paina mehne s̄h̄duna noano ji coaro mehne s̄h̄duga. Noa dihtare durucuga. Paina m̄sare ti sinituch̄ noano masi ȳhtiga tinare.

### Noa duti batoaha Paulo

<sup>7</sup> Tíquico mari coyero Jesu yairo jira. Tiro mari cah̄iuro, Cristo yare buhero, s̄a mehne dahrariro jira. Ñ jiro Cristo yare ne duhuerara tiro. Tiro ȳa jia tiare m̄sare yahurohca. <sup>8</sup> M̄sa cahap̄ tirore warocai nija ȳh̄ s̄a jia tiare m̄sa masihto sehe, m̄sare wahchech̄ yoah̄tiro c̄jiltore. <sup>9</sup> Onésimo mari coyero mari cah̄iuro mehne piti dahre warocai nija. Tiro c̄ũh̄ Cristo yare ne duhuerara. M̄sa mehne macariro jira. Tina p̄aro s̄a òre dohse s̄a ȳhd̄ire yahuahca m̄sare.

<sup>10</sup> Aristarco peresup̄ jiriro ȳh̄ mehne macariro m̄sare noa dutira. Marco c̄ũh̄ noa dutira. Tiro Bernabé tañ̄no jira. Tirore yahuroca tuhs̄i m̄sare. M̄sa cahap̄ to s̄ch̄ ñ̄na noano mehne tirore piti bocaga. <sup>11</sup> Jesu “Justo” ti ni pisuriro c̄ũh̄ noa dutira m̄sare. Ahrina tiarota ȳh̄ mehne dahrain̄a judio masa waro jira. Judio masa waro tina dihta Cohamac̄ yare ȳh̄ mehne buhera. Ò sehe buheja s̄a Cohamac̄ yaina masa ti wahahto sehe, Cohamac̄ ti p̄htoro to jihto sehe. Tina ȳh̄re noano yoadohoina jira. <sup>12</sup> Epafr̄a m̄sa mehne jiriro c̄j̄iro m̄sare noa dutira. Tiro Cristore dahra cohtariro jira. Cohamac̄re sinino, m̄sa ya c̄jiltire tuaro sini payorucura



tiro. Cohamacure noano wacũ tuarucuhina, to cahmano sehe yoahina m̄sa j̄hto sehe ã sini payorucura tiro Cohamacure. 13 Tiro m̄sa ya c̄j̄htire tuaro sini payore m̄sare p̄j̄ro t̄hoturo. Laodicea macaina ya c̄j̄htire, Hierapoli macaina ya c̄j̄hti c̄h̄ure tiro tuaro sini payore. To ã yoariro j̄ich̄ ñ̄c̄ m̄sare yahurocai nija. 14 Duhturu Luca mari cah̄iro m̄sare noa dutira. Dema c̄h̄u noa dutira.

15 Noajaro mari coyera Jesu yaina Laodicea macaina. Ninfa c̄h̄u noajaro. Jesu yaina ticoro ya w̄h̄i cahmachuina c̄h̄u noajaro. 16 Ahri p̄re ȳ joarocari p̄re m̄sa mehne macainare m̄sa buhe tuhs̄ri baharo Laodicea macaina c̄h̄ure warocaga. ã yoa tinare Laodicea macainare ȳ joarocari p̄re m̄sa c̄h̄u buhega. 17 ã yoa õ sehe niga Arquipore: “Mari p̄htoro Jesu yairo m̄ j̄ich̄ to yare buhehtiro c̄re m̄h̄ure. To ã c̄ch̄u noano buhe sohtori tiga m̄h̄u”, niga tirore.

18 Ȳh̄u Paulo, ȳ wamomaca mehne ahire joaja. M̄sare noa dutija ȳh̄u. Peresui ȳ j̄iare wacũ, sini payoga m̄sa Cohamacure. Noano j̄iga m̄sa. Cohamacu to cah̄ia mehne m̄sare noano yoajaro. ãta yoajaro.

# 1 Tesalonicenses

Paulo cūhũ joarocaha Jesu yainare Tesalónica macainare

**1** 1 Yũhũ Paulo, Silvano, Timoteo sã tiaro ahri pũ mehne mũsare noa dutija. Mũsa sehe Tesalónica macaina mari Pũcũ Cohamacũ yaina jira. Mari pũhtoro Jesucristo yaina cũhũ jira mũsa. Ā jina Cohamacũ mari Pũcũ, mari pũhtoro Jesucristo ti cahĩa mehne mũsare noa dutija. Cohamacũ yoadohoa mehne noano jiga mũsa.

**Jesu yaina Tesalónica macaina sehe Jesure noano wacũ tuaha**

**2** Cohamacũre sinina, jipihtina Jesure mũsa wacũ tuaare wacũna “Noabiara sãre”, nirucuja sã mũsare. Cohamacũre sinina, mũsa ya cjihtire ā sini payorucuna nija sã. **3** Mũsa sehe Jesucristore noano wacũ tuayuhca. Ā wacũ tuana, Jesu yare yoayuhca mũsa. Jesucristore, paina cũhũre cahĩyuhca mũsa. Ā cahĩna, Jesu yare tuaro yoana niyuhca mũsa. Jesucristore mari pũhtorore wacũ tuarucuyuhca mũsa. Ā wacũ tuarucuna mũsare to yũhdohtore masina, tíre cohtana niyuhca mũsa. Ā yoa tirore wacũ tua duhuerayuhca mũsa ñano yũhdũpanahta. Cohamacũ mari Pũcũre sinina, tíre mũsa ā yoarire wacũja sã. **4-5** Sã coyeya, Cohamacũ to cahĩina jira mũsa. Mũsare to beserire masija sã. Sohõ jiri pja mũsare noaa buheare buhena ā yahunocana nierahi mũsare. Espíritu Santo to tuaa mehne noaa buheare buhena nii mũsare. Ā buhena tí buhea quihõno jichũ noano masii sã. Ā jina mũsa watoi sã jina, sã yoarire masina mũsa. Mũsare yoadohona ā yoai sã. Mũsare buheina jina Cohamacũ to beserina mũsa jichũ masija sã.

**6** Sohõ jiri pjarũre mũsa ñano yũhdũina jina, noaa buheare cahmare mũsa. Mũsa ā cahmachũ, Espíritu Santo sehe mũsare noano wahchechũ yoare. To ā yoachũ mũsa sehe sãre ñũ cũ, sã yoariro seheta yoare. Ā yoana Jesu cũhũre ñũ cũre mũsa. **7** Ā jia Jesu yaina Macedonia yahpa macaina, Acaya yahpa macaina cũhũ Jesu yare mũsa yoarire masire. Ā masia tina cũhũ mũsare ñũ cũ, mũsa yoariro seheta yoara. **8** Macedonia yahpa macaina Acaya yahpa macaina cũhũ mari pũhtoro yare

musa buhechũ tũhorocare. Cohamacũre musa wacũ tuarire tũhorina sehe tina dihta jierare. Jipihtiro macaina musa wacũ tuarire tũhoyuhti. ã jia sã tinare yahuerapachũta tíre masi tuhsũre tina. <sup>9</sup> ã jia musa cahai sã tinirire, sãre musa noano piti bocarire yahure tina jipihtiro macainare. ã yoa Cohamacũ sehere wacũ tuana, “Cohamacũ jira”, musa nia masũrine musa cohãnocarire, Cohamacũ ya sehere musa yoarire yahure tina jipihtiro macainare. Tiro Cohamacũ sehe catiriro, Cohamacũ waro jira. <sup>10</sup> ã yoa “Cohamacũ macũnore mũanorũ tahtirore Tesalónica macaina cohtaa nina”, ni yahura masa musare. To macũnore yariariro cjirore Cohamacũ masori jire. To ã masochũ to macũno Jesu sehe marine ñabiaro to buhiri dahreborinare yũhdori jire.

### Tesalónica wama tiri macapũ to dahrarire yahuha Paulo

**2** <sup>1</sup> Musa cahai jina sã ã jinocana niera tii. Musare noano yoadohoina jia tii sã. Tíre noano masina musa, sã coyea. <sup>2</sup> ã yoa Filipoi jina ñano sã yũhdũre, sãre ñano ti yoarire potocãta masina musa. Sãre ti ã yoapachũta Cohamacũ to yoadohoa mehne cuiro marieno Cohamacũ yare noaa buheare buhei sã musa cũhũre. Sãre masa payũ ti ñũ tuhtipachũta noaa buheare buhei sã musare. <sup>3</sup> Musare buhena noano sã masirire buhei sã musare. ã buhena musare dojomehne duana nierahi. ã yoa mahñoerahi. <sup>4</sup> Cohamacũ to cahmano seheta buheja sã. Noa buheare buhehtina cjihtire Cohamacũ besere sãre. To ã beserina sã jichũ to ya buheare sã buhechũ noa nina, Cohamacũ to ñũchũ. ã jina õ seheta buheja sã. Masa ti tũho ji cohtire buhena nieraja sã. Cohamacũ sehe sãre to ñũ ji cohto cjihtore to yare buheja sã. Tiro sehe mari tũhotuare, dohse mari yoa duaare noano masina. <sup>5</sup> Noa buheare buhena tũho ji coaa dũseri mehne buhena nierahi. Ahrire masina musa. ã yoa sã buhena, musare paye barore wapa cahmana nierahi sã. Ahrire Cohamacũ masina. Potocã nii nija. <sup>6</sup> ã buhena masa sãre ti ñũ wahãhti cjihtire yoana nierahi sã. Musare paina cũhũre sãre ñũ wahã dutina tana nierahi. <sup>7</sup> ã ñũ wahã dutierapanahta Cristo to cũrina jija. ã jina musare wapa cahmaboa sã. ã yoa pũhto yaro sehe musare dutiina jiboa sã. Wiho mejeta numino wihãrirocãre to noano bũcũoriro seheta noano niji siaroca dero yoai sã musare. <sup>8</sup> ã jina musare noano cahmana, Cohamacũ yare noaa buheare buhei sã musare. ã yoana tí

dihtare yoaerai m̄sare. M̄sare noano yoadohoi s̄a catisinina waro. S̄a cah̄ina m̄sa jich̄u m̄sare ã yoadohoi s̄a. <sup>9</sup> ã m̄sare cah̄ina tuaro yoadohoi s̄a m̄sare. T̄ire wac̄una m̄sa, s̄a coyea. Cohamac̄u yare noaa buheare buhena m̄sa cj̄uaare sini cariboerai m̄sare. ã jina dachop̄u, ñamip̄u c̄uh̄ure dahrai s̄a.

<sup>10</sup> Noano, m̄sare ñano papero marieno, mah̄ono marieno m̄sare Jesu yainare s̄a yoirire masina m̄sa. Cohamac̄u c̄uh̄u t̄ire masina. <sup>11</sup> ã jina ti p̄uc̄uro to poh̄nare to noano yahu to wahchech̄u yoiriro seheta m̄sa c̄uh̄ure yahuna wahchech̄u yoai m̄sare. T̄ire masina m̄sa. <sup>12</sup> P̄uhtoro Cohamac̄u to s̄uh̄o j̄irop̄u, noa ȳuh̄duarop̄u m̄sare p̄jirocare. ã jina to yaina m̄sa jich̄u Cohamac̄u to cah̄mariro seheta m̄sare ji dutii s̄a.

<sup>13</sup> Cohamac̄u yare m̄sare s̄a yahuri cj̄irire m̄sa t̄uh̄ona, ò sehe ni t̄uh̄oture m̄sa: “Masa ti m̄u s̄uro ti buhea jierara. Cohamac̄u ya buheata jira”, ni t̄uh̄oture m̄sa. T̄ire m̄sa t̄uh̄otuch̄u masina wahcheja s̄a. ã jina Cohamac̄ure sinina “Noana”, nirucuja s̄a tirore. Tóih̄ta jira. M̄sare s̄a buhea Cohamac̄u durucua potoc̄a jiata nina. ã jiro Cohamac̄u m̄sa Jesure wac̄u tuaina jich̄u to ya buhea mehne m̄sare noaa sehene cohtotach̄u yoaro nina. <sup>14</sup> Jesucristore wac̄u tuainare Judea yahpa macainare ti yoiriro seheta m̄sa c̄uh̄ure yoare paina. Judea yahpa macainare Jesu yaina sehene judio masa ñano ȳuh̄duch̄u yoare. M̄sa c̄uh̄ure m̄sa ya dihta macaina ãta ñano ȳuh̄duch̄u yoare. <sup>15-16</sup> Judio masa sehe Cohamac̄u yare yahu m̄uh̄taina cj̄irire panop̄u macainare waj̄ã tiri jire. ã jia mari p̄uhtoro Jesu c̄uh̄ure waj̄ãri jire tina. Tuhs̄u, tina s̄ãre coh̄ãre. Cohamac̄ure tina cah̄yach̄u yoahre. ã yoaina jia, paȳu masare ñu tuhtira tina. Judio masa jierainare Cohamac̄u yare s̄a yahu duamai tina c̄uh̄ure pichacap̄u wahaborinare “Cohamac̄u ȳuh̄dojaro”, nina. S̄ã ã yahu duapach̄uta judio masa sehe s̄ãre ne Cohamac̄u yare painare yahu dutierare. ã yahu dutieraa p̄j̄iro buhiri ti namoa nina tina. Mip̄ure tinare tuaro Cohamac̄u buhiri dahrerohca j̄una.

### **Paulo Tesalónica macaina cahap̄u pari turi tini duamaha**

<sup>17</sup> S̄ã coyea, mip̄ure mahanoc̄ã m̄sa mehne jierana m̄sare wac̄una nija. ã jina m̄sare tuaro ñu duana, m̄sa cahai waha duamai. <sup>18-19</sup> C̄ã tahari ȳuh̄u Paulo m̄sare ñui waha duamai. Ȳu ã waha duapach̄uta Satana sehe s̄ã wahaborirore d̄uc̄atare. ã jina wahaerahi s̄ã. S̄ãre wahchech̄u yoaina m̄sa jich̄u

músare ñu duamai. Mari puhtoro Jesu ahri yahpau to tjua tachu musa sehe sare wahchechu yoanahca. A jina wahchea mehne musa mehne Jesu panoi ducunahca. **20** Ata jira. Musare ñano Jesu sehe “Noano buheri jira musa”, ninohca sare. A jina noano wahcheja sa.

**3** <sup>1-2</sup> A yoa musare yoari pja ñerana musare tuaro tuho duana tire wacuna, Timoteore musa cahapu warocai. Tiro mari coyero Jesu yairo Cohamacure dahra cohtariro jiro, sa mehne noaa buheare buheriro jira. A jina tirore warocai Jesucristore noano musa wacu tuahti cjihtire, musa wahchehti cjihti cuhure. Tirore warocana sa sahsero Atena wama tiri macai tjuai. <sup>3</sup> Musa ñano yuhdunahca Jesu yare musa cohærahto cjihtore warocai sa Timoteore. Jesu yaina jina ñano yuhdunahca mari. Tire masina musa. <sup>4</sup> Musa mehne to panopure jisinina mari ñano yuhdureta yahu tuhsu musare. A jina sa niriro seheta mari ñano yuhdui. Tire musa noano masina. <sup>5</sup> A jicu musare yoari pja ñeracu musare tuaro tuho duai. A jicu Jesure musa wacu tuarire masii tai Timoteore warocai yuh. “Watino musare ñano yoa dutiri” nicu, “Musare sa buheri cjihtire musapu duhuri” nicu, tirore warocai yuh.

<sup>6</sup> A yoa mipure Timoteo musa cahapu jiro sa cahapu tju wihire. A tju wihiro noaa quitire sare yahure tiro. Jesure musa noano wacu tuaare, painare musa cahia cuhure tiro yahure sare. A ni tuhsu sare musa noano wacure, musare sa ñu duariro seheta musa cuhu tuaro sare musa ñu duarire yahure sare tiro. <sup>7</sup> A jina sa coyera, mipure sa ñano yuhdunahca musa Jesure noano wacu tuachu tuhona sa wahcheja. <sup>8</sup> Jesure musa noano wacu tuarire to yare musa cohærarire tuhona noano yajeri saaja sa. <sup>9</sup> Musare a ni tuhotuna, Cohamacu to ñurocaroi sa tuaro wahcheja. A wahchena Cohamacure “Noana”, nija sa. <sup>10</sup> Dacho cuhure, ñamipu cuhure Cohamacure sinija sa musare sa ñuhti cjihtire. Jesu yare musa noano masi pahnochuh yoa duaja sa noano musa tirore wacu tua namohto sehe.

<sup>11</sup> Cohamacu mari Pacu to basi, mari puhtoro Jesu cuhu sare ti yoadohochu cahmaja sa musa cahapu sa wahahto sehe. <sup>12</sup> A yoa mari puhtoro Jesu jipihtina musa mehne macainare, jipihtina paina cuhure cahi namochu yoajaro musare. Musare sa cahiro seheta tuaro cahi namochu yoajaro musare. <sup>13</sup> Musare noano to yoadohochu, buhiri marieina, ñaa marieina jinahca musa, Cohamacu mari Pacu to ñuchu. Mari puhtoro

Jesu jipihtina to yaina buhiri marieina mehne ahri yahparu tjua taro ã jiina jichu yoajaro musare.

**“Cohamacure ji coachu yoa duana õ  
sehe yoaga”, ni yahuha Paulo**

**4** <sup>1</sup> Mipure Jesu mari puhtoro to dutiro mehne musare õ sehe ni yahu batoaja: “Cohamacure ji coachu yoa duana õ sehe yoaga”, ni buhei sa musare. Sa ã buheri baharo sa buheriro seheta yoayuhti musa. Musa ã yoiro seheta yoa namoga. Tire tuaro yoa dutija musare.

<sup>2</sup> Jesu mari puhtoro to buhe dutiro mehne musare sa buherire noano masina musa. <sup>3</sup> Ahrire musare yahu namoihtja: Musa õ sehe jichu cahmana Cohamacu: Naare yoeraina, Cohamacu yare yoaina jiga. A jina numia mehne nano yoena tjiga. Musa cuhu numia ma mehne nano yoena tjiga. <sup>4</sup> Nano yoapero marieno, no payoro mehne musa namosãnumiare cuaga. Cohamacu musa tire masichu cahmana. <sup>5</sup> Cohamacure cahmaeraina Cohamacure masieraina naare goa pja, numia mehne nano ti yoiro seheta yoena tjiga musa cuhu. <sup>6</sup> Musa ã yoachu cahmaerara Cohamacu to yairore musa coyeirore musa nano yoerahto sehe. Musa ã nano yoana musa coyeirore yuhdurucana nica. Mari puhtoro Cohamacu ti naare ti yoachu nuho buhiri dahrehtiro jinocanota nina. A jina tire yahu tuhsu musare “Ti buhirire buhiri tiri”, nina. <sup>7</sup> Naare yoantina cjihtire beserari jire marine Cohamacu. Naare yoeraina cjihtire beseri jire marine. <sup>8</sup> A jina jipihtina musa ahri sa buherire yuhdurucana, masa ya buhea sehere yuhdurucana nierara musa. Cohamacu ya sehere yuhdurucana nina. Tiro musare Espiritu Santore wariro jira.

<sup>9-10</sup> Musa coyeare Jesu yainare musa cahihtire Cohamacu musare buhe tuhsu jire. To ã buhechu potocãta Jesu yainare Macedonia macainare jipihtinare noano cahina musa. Musa ã cahichu nuha “Musa coyeare cahiga”, ni buheraja musare. Tinare cah tuhsura musa. A ni buhe namoerapanahta ahri sehere musare dutija. Mipure painare musa cahno seheta cah namoga musa. <sup>11</sup> A yoa musa basi cahma nu tuhtiro marieno jiga musa. Painare soro ni durucuena tjiga. A nuhocahga tinare. A jina musa ya dahraa sehere noano dahraga. Panoputa musare ã yoa dutii. <sup>12</sup> Ata yoaga musa, paina musare ti no payohto sehe, paina yare musa cariboerahto sehe.

### Ahri yahparure Jesu to tjua tahtore yahuha Paulo

13 Coyea, mipure yariarina cjirire yahuihtja musare: Jesure cahmaeraina Cohamacu cahapu wahasi. A jia tina mehne macaina ti yariachu ñua tuaro cahyara. Yariarina cjiri ti wahahtore quihõno noano musa masichu cahmaja sa, paina ti cahyariro seheta musa cahyaerahto sehe. 14 Jesu to yariari baharo masa mujari jire. “Ti potocata jira”, nija mari. A niina jina ahri cuhure “Potocata jira”, nija mari. Cohamacu sehe to yaina cjirire yariarina cjirire masa mujachu yoaro, baharopu Jesu mehne na tarohca. Ti cuhure “Potocata jira”, nija mari.

15 Jesu to tjua tachu to yaina yariarina cjiri catiina pano masa mija mhtaahca. Mari puhtoro Cohamacu ya yahua tjira ahri. 16 O sehe jirohca Jesu to tjua tachu: Mari puhtoro to basi tuaro sanurucu mhtanohca. A jiro to anjoa puhtoro tuaro pisurohca. A to pisuchu Cohamacu to corneta bisiro coa tarohca. Ti a yoachu Jesu yaina yariarina cjiri masa mija mhtaahca. 17 Baharo catiinare, yariarina cjiri mehne Cohamacu manopu me yehsea cururipu mujachu yoarohca. To a yoachu mari puhtoro Jesure piti bocanahca mari. A piti bocana jipihia dachoripe mari puhtoro Jesu mehne jirucunahca mari. 18 Ahri yu yahurire musa mehne macainare yahuga. A ni yahuna wahchenahca musa jipihina.

**5** 1 Yu coyea, Jesu to tjua tahti dachore “Ahri dachoi tjua tarohca” ni, musare yahu joarocaró cahmaerara. 2 Mipu musa masino seheta to tjua tahti dachore marine masihto basioerara. Yacariro ñamipu wacuenoca to yacaro taro seheta ahri yahparure mari puhtoro wacuenoca tjua tarohca. Ahrire musa basita noano masina. 3 “Mipure mari noano jinocaja. Cuaro mariahna marine”, masa ti ni wacuchu dõicata ñano waharohca tinare. To a wahachu tina duhti masisi. Niji wahcõricoro wacuenoca to purino tshoturo seheta wacuenoca a waharohca masare. 4 Yu coyea, musa sehene a wahasi. Yacariro wuhu puore to cuoriro seheta musa sehene a wahasi. Jesu taro musare cuosi. Nahitianoj jiina ti nu masieraro seheta paina Jesure ne masierara. Musa sehe tina yoaro sehe jierara. 5 Musa jipihina Jesu yaina jira. A jina buhriaroi ti nu masino seheta Jesu to tahtore masina musa. Paina nahitianoj jiina seheta tirore masieraina yoaro sehe jieraja mari. 6 A jina carina yoaro sehe Cohamacure tuho nunueraina jiena tjijihna

mari. Paina āta yoara. Tina yoaro sehe yoarena tjiijhna mari. Carīeraina yoaro sehe quihōno yoaina, noano wacū masiina jijihna mari. **7** Carīina ñamipɸ carīna. Ā jia cahaina ñamipɸ cahara. **8** Mari sehe buhriaroi jiina yoaro sehe Jesure masiina jina, noano wacū masiina jijihna. Ā yoa surara comaa suhtiro mehne to cutirote to sãa dɸcatariro seheta Cohamacɸre wacū tuaga mɸsa, watīnore to dɸcatahto sehe. Ā yoana Cohamacɸre, paina cūhɸre cahīga. Mɸsa ā yoachɸta Cohamacɸ mɸsare ñɸ wihborohca. Ā jina mɸsare pichacapɸ wahaborinare Jesu to yɸhdohtore “Potocã tjira”, niga mɸsa. Mɸsa ā niina jichɸ surara to dapure comaa chapea mehne to pisa dɸcatariro seheta watīno mɸsare to ñano yoa duachɸ Cohamacɸ tirote dɸcatarohca. **9** To buhiri dahrehtinare marine beserari jire Cohamacɸ. Jesucristo mari pɸhtoro pichacapɸ wahaborinare to yɸhdohtina cjihtire marine beseri jire tiro. **10** Jesu mari ya cjihtireta yariari jire tiro mehne mari jihto sehe. Catiina, yariaina cūhɸ tiro mehmeta jahca. Ā jina jipihtina tiro mehne jinahca mari to yaina jina. **11** Ā jina mɸsa mehne macainare mipɸ mɸsa wahchechɸ yoariro seheta mɸsa basita wahchechɸ yoaga tjoa. Ā yoana mɸsa basita Cohamacɸre wacū tua namochɸ yoaga mɸsa mehne macainare.

### Jesu yainare Paulo yahu batoaha

**12** Mɸsare buheinare, Cohamacɸ dutiare mɸsare yahuhtinare mari pɸhtoro buhe dutiro taro beseri jire. To ā ni beserinare noano ño payoga mɸsa. Mɸsa ā ño payochɸ cahmacɸ tuaro dutija mɸsare. **13** Ti dahraare ti yoachɸ tinare cahīa mehne noano ño payoga. Ā yoa mɸsa mehne macaina mehne cahmacheno marieno jiga.

**14** Mɸsare sã coyeare, ahrire tuaro dutija: Dahra duaerainare dahra dutiga mɸsa. Cahyainare wahchechɸ yoaga mɸsa. Jesure wacū tuaera cureinare yoadohoga. Tina jipihtina mehne noano suaro marieno ji coaro jiga mɸsa.

**15** Cãiro mɸsare to ñano yoachɸ ñɸna tirote ñano yoa cahmaena tjiga. Ā jina mɸsa mehne macainare, jipihtina paina cūhɸre noano yoaga.

**16** Ā yoana dachoripe ā wahcherucuga mɸsa. **17** Ā jina Cohamacɸre ā sinirucuga dachoripe. **18** Mɸsa ñano yɸhdɸpanahta Cohamacɸre wahche, “Noana”, niga. Mɸsa noano yɸhdɸri pja cūhɸre “Noana”, niga tirote. Ā nina



Cohamacu to cahmano seheta yoana nica musa. Cristo Jesu yaina musa jichu ñuno musa ã nichu cahmana tiro.

19 Espiritu Santore yuhti duaeraina jiena tjiga. 20 Espiritu Santo to masia mehne paina sehe musare buhera. Ti ã buhechu tí buheare cahmaeraina jiena tjiga. 21 Paina musare soro ti ni buhechu tí Cohamacu ya jierachu masiga musa. ã jina Cohamacu ya buhea ti jichu cùhure masiga musa. ã masina noaa buhea dihtare cahmaga. 22 ã yoana jipihtia ñaare cahmaena tjiga musa.

23 Cohamacu marine noano jichu yoariro jira. Tiro to basi musare to yainare noaina ñaa marieina jichu yoa namojaro musare. Musa pjacuri cùhure musa catia cùhure noano ñu wihbojaro. Mari puhtoro Jesucristo ahri yahpapure to tjua tahto pano musare Cohamacu noano ñu wihbojaro ñaare musa yoerahto sehe. To ã yoachu Cristo to tachu ñaa marieina jinahca musa. 24 ãta jichu yoarohca Cohamacu. Tiro musare beseriro to niriro seheta yoara.

#### **Paulo cùhu noa dutirocaha**

25 Sã ya cjihtire Cohamacure sini payoga musa, sã coyeya.

26 Musa mehne macainare noano mehne piti bocasiniga.

27 Jipihtina Jesu yainare ahri tjure buhaga musa. Jesu mari puhtoro to dutia mehne ahire musare dutija yuhu.

28 Jesucristo mari puhtoro to cahia mehne musare noano yoajaro.

## 2 Tesalonicenses

Paulo cūhũ joarocaha Jesu yainare Tesalónica macainare

**1** 1 Yũhũ Paulo, Silvano, Timoteo cūhũ ahrire mūsare joarocaja tjoa. Mũsa sehe Tesalónica macaina mari Pũcũ Cohamacũ yaina jira. Mari pũhtoro Jesucristo yaina cūhũ jira mũsa. **2** ã jina Cohamacũ mari Pũcũ, mari pũhtoro Jesucristo mehne mūsare noa dutija. Cohamacũ yoadohoa mehne noano jiga mũsa.

**Ahri yahpapũre Cristo tjua taro buhiri dahrerohca**

**3** Cohamacũre sinina Jesure mũsa wacũ tuaare wacũna “Noabiara sãre”, nirucuja sã Cohamacũre. Sã ã nichũ noa nina. Dachoripe Cohamacũre mũsa noano wacũ tua namona niyuhca. ã yoana dachoripe mũsa mehne macainare cahĩ namona niyuhca mũsa. ã jichũ Cohamacũre “Noabiara sãre”, sã nichũ noa nina. **4** Paina mūsare ñano ti yoapachũta Jesure wacũ tuarucuyuhca mũsa mipũ cūhũre. ã yoa tirore wacũ duhuerayuhca. Mũsa ã yoachũ ñũna tíre mũsa yoarire paina Cohamacũ yainare wahchea mehne yahuja sã. **5** ã wacũ tuarucuna Cohamacũ mari pũhtoro yaina mũsa jiri buhiri ñano yũhdũna niyuhca mũsa. ã jiro pũhtoro Cohamacũ to sũho jiropũre waha dutira mūsare. To ã dutichũ to quihõno yoariro jichũ masija mari.

**6** ã yoa Cohamacũ quihõno yoariro jira. ã jiro mūsare ñano yũhdũchũ yoaina sehere ñano yũhdũchũ yoarohca tiro. **7** ã yoaro mũsa ñano yũhdũrina cjiri jichũ tiro mūsare noano jichũ yoarohca. Sã cūhũre noano jichũ yoarohca. Mari pũhtoro Jesu to yaina anjoa tuaina mehne, picha pohna mehne mũanopũ bajuaro noano jichũ yoarohca marine, ñano yũhdũrina cjirire. **8** ã yoa Cohamacũre masierainare, mari pũhtoro Jesu to buheare noaa buheare yũhdũrucarinare Cohamacũ buhiri dahrerohca. **9** Cohamacũ tinare õ sehe buhiri dahrerohca: Pichacapũ tina ñano yũhdũrucuahca. ã jia tina tuariro mari pũhtoro Jesu cahai ne ji masierara. ã jia tua yũhdũariro to jiare ñũsi tina. **10** ãta waharohca tí dachoi Jesu

to tjua tahti dachoi. Tí dachoihta tiro tarohca noaina tirore wacū tuaina “Noariro, tuariro jira Jesu”, ni wahchea mehne ti ño payohto cjihtore. Mūsare sã buherire mūsa noano tũhore. (Ã jina mūsa cũhũ tiro mehne jinahca.)

11 Ã jina Cohamacũre ã sini payorucuja sã mūsa ya cjihtire. Õ sehe ni Cohamacũre sini payoja sã: To cahmano seheta yoahinare mūsare to cūriro seheta mūsa jihtina cjihtire sini payorucuja sã mūsare. Mūsa noaina ji duanata niyuhca. Ã jina Cohamacũ to tuaa mehne noaina mūsa ji duariro seheta mūsa jikti cjihtire sini payorucuja sã. Mūsa Cohamacũre wacū tuayuhca. ã wacū tuana to yare yoayuhca mūsa. Tíre mūsa noano yoa namohti cjihtire Cohamacũre sini payorucuja sã mūsare. 12 Å yoana mari pũhtoro Jesucristore painare ño payochũ yoanahca mūsa. Mūsa ã yoachũ Jesucristo yaina mūsa jichũ ñũa paina ño payoahca mūsare. Cohamacũ to cahĩa mehne, mari pũhtoro Jesucristo cũhũ to cahĩa mehne ã waharohca.

### Ñano yoarucurirore yahuha Paulo

2 <sup>1</sup> Mipũre mari pũhtoro Jesucristo ahri yahpapũre to tjua tahtore, tirore mari cahmachu mari piti bocahtore yahu namo duaja yũhũ. Õ seheta tuaro yahu duaja mūsare, sã coyeya: <sup>2</sup> Paina mūsare ò sehe niboca: “Mari pũhtoro to tjua tahti dacho, pihitiri dacho jiropũ nina”, niboca mūsare. Ti ã nichũ tũhona, tũho cũaena tjiga. Å yoa tũho wisiena tjiga. “Cohamacũ yũhũre ãta niri jire”, niboca mūsare paio. Pairo cũhũ mūsare buhero ãta niboca. Pairo cũhũ ãta ni joarocaboca, “Yũhũ Paulo tjija”, ni mahño joarocaró. <sup>3</sup> Paina mūsare ti ã mahñoachũ tũhoena tjiga mūsa. Tí dachoi ahri yahpa to pihitiro panocã payũ masa Cohamacũre duhuahca. Å jiro tí dachoi ñano yoarucuriro pichacapũ wahahtiro bajuarohca jipihtina ti ñũhtiro cjihtore. <sup>4</sup> Tiro Cohamacũ warore, paina bajueraina masa ti ño payoina cũhũre jipihtina masare ño payo dutisi ñano yoarucuriro. Tiro ò sehe ni tũhoturohca. “Ahrina jipihtina bui pũhtoro jija yũhũ”, ni tũhoturohca. Å jiro Cohamacũ wũhũi dujiro “Yũhũ sehe Cohamacũ jija”, ninohca.

<sup>5</sup> Mūsa mehne jisinicũ tíreta yahui. ¿Tíre wacũerajari mūsa? <sup>6</sup> Mipũre paio sehe ñano yoarucurirore ne ji dutierasina. Å yoa tirore ji dutierarirore masina mūsa. Tiro sehe to dutichũ to quihõri dacho jichũ ñano yoarucuriro bajuarohca. <sup>7</sup> Mipũre masa ti ñũenoi tiro yoaro seheta paina ñaare yoa tuhsũra. Ti ã

yoapachuta ñaare yoa dutierariro to wahahto pano tiro ñano  
 yoarucuriro sehe jisi. **8** To wahari baharo pinihtare ñano  
 yoarucurirota bajuarohca. Baharo mari pũhtoro Jesucristo  
 tirore yũhdũrucarohca. Ahri yahpapũ to si sitea mehne tjua  
 taro, to dũsero mehne putirocaro, tirore wajã boarohca.  
**9** Ñano yoarucuriro sehe watĩno tuaa mehne taro, payũ  
 bajuamehnerire, mahñoa bajuamehnerire yoa ñonohca.  
**10** Payũ ñaa to yoa ñoa mehne to ã mahñochũ pichacapũ  
 wahahtina sehe tirore tũhoahca. Tina sehe noaa buheare  
 cahmaerare. Ti ã cahmaerachũ Cohamacũ tinare pichacapũ  
 wahahtinare yũhdosi. Tina pinihta ñano yoarucuriro mahñoriro  
 to yoarire “Potocã tjira”, niahca. **11** ã jiro noaa buheare ti  
 cahmaerari buhiri Cohamacũ tinare wisiomehnenohca. ã  
 wisiaa mahñoare cahmaahca tina. **12** ã jiro jipihtina noaa  
 buheare tũho duaerainare, ñaa dihtare yoa ji coainare tirota  
 buhiri dahrerohca.

**“Cohamacũ mũsare beseha to yaina  
 jichũ yoaro taro”, ni yahuha Paulo**

**13** Mũsa sã coyeya, mari pũhtoro Jesu to cahĩina jira mũsa.  
 Dóiputa wahmanopũreta mũsare pichacapũ wahaborinare to  
 yũhdohtina cjihtire Cohamacũ beseri jire mũsare. Mũsare  
 beseri jire Espĩritu Santo to tuaa mehne to yaina ñaa marieina  
 mũsare jichũ yoaro taro. ã jiro noaa buheare “Potocã tjira”,  
 nihtina mũsa jichũ ñũno mũsare beseri jire. To ã beserina  
 mũsa jichũ ñũna Cohamacũre wahche, “Noana”, nirucuja sã.  
**14** Noa buheare mũsare sã buhechũ Cohamacũ mũsare beseri  
 jire mari pũhtoro Jesucristo to masa mũjariro seheta mũsa  
 cũhũ mũsa masa mũjahto cjihtore.

**15** ã jina yũ coyeya, noano wacũ tuaina jiga mũsa. ã jina sã  
 durucua mehne sã joarocaa pũri mehne mũsare sã buherire  
 noano wacũga mũsa. ã yoa tí buheare yũhdũrucacena tjiga.

**16** Mari pũhtoro Jesucristo to basi, Cohamacũ mari Pũcũ cũhũ  
 marine cahĩa, jipihtia dachoripe marine wahchechũ yoare.  
 Marine cahĩa marine pichacapũ wahaborinare yũhdoahca. ã  
 jina Cohamacũ to yũhdohtore noano masina wahcheja mari.

**17** Jesucristo, mari Pũcũ mehne mũsare noano yoajaro pjĩro  
 mũsa wahchehto sehe. ã yoa jipihtia noaare mũsa yoahito  
 sehe, mũsa noano durucuhto sehe Cohamacũre mũsare sini  
 payoja.

**“Sã ya cjihtire Cohamacure sini payoga”,  
ni joaha Paulo cũhũ**

**3** <sup>1</sup> Mipũ sã coyea, sã ya cjihtire Cohamacure sini payoga mari pũhtoro Jesu to buhea payũ masare sã buhehto sehe. To buheare mũsa noano cahmariro seheta paina cũhũ tí buheare ño payoa mehne ti cahmahto sehe sini payoga mũsa Cohamacure. <sup>2</sup> Cãinata Jesure wacũ tuara. Paina sehe to yare tũho duaeraa, Jesure wacũ tuaerara. ã jina ñaina masa sãre ti ñano yoa duachũ Cohamacure sini payoga mũsa sãre to yoadohohto sehe. <sup>3</sup> Mari pũhtoro Jesu to niriro seheta yoariro jira. ã jiro mũsare tirore wacũ tuachũ yoarohca. ã yoa tuhsũ, wafĩno mũsare to ñano yoa dutichũ tiro mũsare yoadohorohca. <sup>4</sup> Cohamacũ mũsare to yoadohorire masija sã. ã jina mũsare sã dutiriro seheta mũsa yoachũ cũhũre masija sã. ã yoa ãta yoarucunahca mũsa. Tí cũhũre masija sã. <sup>5</sup> Cohamacũ mũsare to cahĩare mũsare masichũ yoajaro. ã jina Cristo yoaro sehe ñano yũhdũpanahta cũno pjaina jichũ yoajaro mũsare mari pũhtoro.

**Marine tuaro dahraro cahmana**

<sup>6</sup> Jesucristo mari pũhtoro to dutiro mehne õ sehe ni dutija mũsare: Jesu yainare dahra duaerainare, mũsare sã buheriro seheta yoerainare, tinare piti tiena tjiga. ã ñũnocahga tinare. <sup>7</sup> Sohõ jiri pja mũsa mehne sã jichũ tuaro sã dahrachũ ñũre mũsa. ã jina sã yoariro seheta mũsa cũhũre dahraro cahmana. Tíre noano masina mũsa. <sup>8</sup> ã jina mũsa chũare wapa marieno chũerahi sã. ã yoa dachopũre, ñamipũ cũhũre tuaro dahrai sã “Mũsa chũare sã siniri”, nina. <sup>9</sup> Sã buheri wapa mũsare wapa cahmaboa sã. ã wapa cahmaborina jipanahta wapa cahmaerana tuaro dahrai sã, mũsa sehe sãre mũsa ñũ cũhto sehe. <sup>10</sup> Mũsa mehne jina, õ sehe ni buhei mũsare: “Dahraeraina chũea tjijaro”, ni buhei sã mũsare. <sup>11</sup> Cãina mũsa mehne macaina ne dahra duaerayuhca. ã dahra duaeraa, painare ã yahu wajamacanoca, caribobiaro yoayuhca tina. <sup>12</sup> Mari pũhtoro Jesucristo to dutiro mehne ã dahra duaerainare õ sehe nija: Noano wahchea mehne dahrajaro tina ti noano jihto sehe, ti ya chũare ti chũhto sehe.

<sup>13</sup> Sã coyea, mũsa sehe noaare yoarucuna pumena tjiga.  
<sup>14</sup> Cãina tó macaina ahrire sã joarocarire yũhdũrucaboca. Ti ã

yoachũ ti yoarire noano ñũga. Ñ ñũna tinare piti tiena tjiga ti bũoro wahahto sehe. **15** Ñ piti ti duhupanahta tinare ñũ tuhtiena tjiga. Tina mũsa coyey, Jesu yaina tjira. Ti ã jichũ ti yũhdũrucarire yahuga tinare tíre ti yoerahto sehe.

### **Paulo tinare noa duti batoaha**

**16** Mari pũhtoro Jesu marine noano jichũ yoariro mehne dachoripe noano jirucuga mũsa. Ñ jicũ “Mari pũhtoro mũsa jipihtina mehne jirucujaro”, nicũ mũsare noa dutija.

**17** Yũhũ Paulo, yũ wamomaca mehmeta mipũre yũ basita joa batoai nija: Ñ joacũ mũsare noa dutija. Jipihtia yũ joarocaa pũrine õ sehe dihta yũ wamomaca mehne joa batoaja yũhũ. Yũ õ sehe dihta yũ joa batoachũ ñũna yũ joarocari pũ to jichũ masinahca mũsa. **18** Mari pũhtoro Jesucristo to cahĩa mehne noano yoajaro mũsare jipihtinare.

# 1 Timoteo

## Paulo Timoteore joarocaha

**1** 1-2 Yũhũ Paulo ahrire mũhũre Timoteore joarocaja. Cohamacũ marine pichacapũ wahaborinare yũhdoriro jira. Jesucristo yare buhe dutiro to cũriro jija yũhũ. To Pũcũro, to Macũno Jesu mehne ti dutiriro seheta ti cũriro jija yũhũ. Jesuta marine yũhdora. ã Jina marine to yũhdohtore masina, tíre cohtaja mari. Mũhũre Timoteore Jesu yare buhei. Yũ ã ni buhechũ tũhocũ Jesure wacũ tua dũcare mũhũ. ã jicũ mũhũ potocãta yũ macũ yoaro sehe jicũta nina. Cohamacũ mari Pũcũ mehne, mari pũhtoro Jesucristo mehne mũhũre noa dutija. ã yoa mũhũre cahĩa, pja ñũa ti yoadohoa mehne noano jiga mũhũ.

## Paulo mahñoa buheare buhe dutieraha

**3** Sohõ jiri pjare Macedonia yahrapũ wahacũ mũhũre Efesoi cũ yũhdũ wahcãi. Tói cãina ti ya buheare mahñoa buheare buheina jire. Tí buheare mũ buhe dutierahtiro cjihtore cũi yũhũ mũhũre. **4** Tina ti mũ sũro ã buhemacanocahna. ã yoa ti coyea rapopũ macaina cjiri ti mũ sũro ti buherire ã buherucura. Tí buhea mehne paina mehne cahma sayorucura. Cohamacũ marine to dutirire noano yoachũ yoaerara tina ã buhea. Cohamacũ ya sehere yoana tirore wacũ tuaja. ã jicũ ti mũ sũro ti buherire buhe dutierahtiro cjihtore cũi mũhũre.

**5** ã cũi mũhũre Jesu yaina painare ti cahĩhti cjihtire. Ñaa buhiri mariea mehne, noaa wacũa mehne, potocã Cohamacũre wacũ tuaa mehne painare ti cahĩhti cjihtire ã cũi mũhũre.

**6** Cãina ahri noaa buheare cohã tuhsũ paye buhea sehere cahmana tjoa. ã ti cahmachũ, tí buhea sehere ti cahma sayochũ tó wahaerara. Tí buheare ti cahma sayoa yaba cjihti jierara.

**7** Tina Cohamacũ dutiare buheina ji duamana. ã buhe duapahta tí buheare tina ti basi noano masierara. Tí buheare masiina yoaro sehe buhepahta tí buheare ne masierara tina.

**8** Cohamacũ dutiare Moise cjiro marine to cũi cjiirire quihõno mari buhechũ noaa dutia jira. Tíre mari noano masija.

9-10 Tí dutiare buhena ahrire masino cahmana: Tí dutia noaare yoainare ti buhehti cjihti jierara. Ahrina sehere ti buhehti cjihti jira. Pũhtoare cohã duainare, dutiare yũhdũrũcainare, ñaa dihtare yoainare, ñano buhiri tiinare, Cohamacũre ño payoerainare, Cohamacũ yare cahmaerainare, ti pũcũsumare wajãinare, ti pocosãnumia cũhũre wajãinare, paina masare wajãinare, numia mehne ñano yoainare, mũa mehne ñano yoaa numiare, cahma numia mehne ti ñano yoariro seheta mũa sahsero o numia sahsero jipahta ti pjacũri mehne ñano yoainare, masa pohnare paina cũhũre duhti yacainare, mahñoinare, painare mahña mehne yahusãinare Cohamacũ dutia Moise cjiro marine to cũri cjiri sehe tinare buhehti cjihti jira. Å yoa paina jipihtinare noaa buheare yũhdũrũcainare buhehti cjihti jira Cohamacũ to dutia. 11 Tí buhea noaa buhea sehe noariro Cohamacũ to ya buheata jira. Tí buhea sehere yũhũre Cohamacũ buhe dutire.

### Cohamacũ Paulore to pja ñũare yahuha tiro

12 Å yũ buhechũ Jesucristo mari pũhtoro yũhũre tuaare waro yũhũre yoadohora. “Paulo noano buherohca yũ yare”, ni tũhoture Jesu yũhũre. Å jiro yũhũre besero tirore yoadohohtiro cjihtore cũre yũhũre. To ã yoachũ “Noana”, nija yũhũ tirore. 13 Tó panopũre Cristore yũ ñano durucupachũta, to yainare ñano yũ yoapachũta, tiro yũhũre beseri jire. Tirore masierasinicũ tirore ñano yoacũ “Ñano yoai nica yũhũ”, ni tũhotueracũrũ. Yũ ã masierasinicũ ñũno tiro pja ñũre yũhũre. 14 Å pja ñũno, Cohamacũ mari pũhtoro yũhũre tuaro cahño, noano yoare yũhũre. Å yoa Cristo Jesure wacũ tuachũ yoare yũhũre tiro. Å yoaro painare cahĩchũ yoare yũhũre Cohamacũ.

15 Yũhũ sehe paina yũhdoro ñaa yũhdũariro jimai. Ñaina mari jipachũta Jesucristo ahri yahpapũ tari jire ñainare pichacapũ wahaborinare yũhdohtiro cjihto. Tí potocã tjira. To ã jiro jichũ jipihtina tíre masijaro. 16 Ñaa yũhdũariro yũ jipachũta tiro yũhũre pja ñũre. Å pja ñũno Jesucristo suaro marieno yũhũre to noano yoarire masichũ yoaro nire painare baharo tirore wacũ tuahtinare masichũ yoaro taro. Å wacũ tuahtina mũanopũ ã jirucuahca. 17 Cohamacũ jipihtia dachoripe masa bui pũhtoro jira. Tiro ne yariaerara. Mari mehne to jipachũta tirore ñũeraja mari. Tiro dihta Cohamacũ



waro jira. “Potocãta noariro, tuariro jira tiro”, nijihna tire. Jipihtia dachoripe tire ño payojihna. Æta yoajihna.

**18** Timoteo, yu macu yoaro sehe jira mũhũ. Æ jicu mipũre ahrire mũhũre dutija: Mari coyea Jesu yaina Cohamacu yare yahu mũhtaina baharo mũ yoah tire ti ni mũhtariro seheta mũhũre dutija. Cristo yare noano yahurucuga. Æ yoa ñano yũhdũpaihta tire wacũ tua duhui tjiga mũhũ. Tuhsũ, to yare quihõno buherainare poto yahuga duhuro marieno. **19** Jesure ã wacũ tuarucuga. Ñaa buhiri marieriro jiga. Noa dihtare yoaga. Cãina tíre yoaeraa Jesu yare cohãna. Æ cohãa tire wacũ tua duhure. **20** Æta yoare Himeneo, Alejandro mehne. “Watĩno to cahmano seheta yoawahnojaro mũsare”, ni cũi tinare, ñano Cohamacure ti durucu namoerahto sehe.

### Cohamacure sini payoare yahuha Paulo

**2** **1** Mipũre õ sehe ni dutija mũsare. Ahri wiho waro jierara: Jipihtina ya cjihtire Cohamacure sini payoga. Æ sini payona “Noana. Wahcheja”, niga Cohamacure. **2** Pũhtoa, paina masa bui dutiina cũhũ ti ya cjihti cũhũre Cohamacure sini payoga, cahmacheno marieno Cohamacure ño payoina mari noano jihto cjihtore. Æ sini payona mari Cohamacu cahmaare, quihõno yoina noano ji masija. **3-4** Tó sehe paina ya cjihtire mari sini payochũ noa nina. Tíre mari yoachũ ñũno Cohamacu marine yũhdohtiro sehe marine noano ñũ jicoara. Jipihtina pichacapũ wahaborinare to yũhdoina jichũ cahmana Cohamacu. Æ yoa noa buheare ti masichũ cahmana tiro. Æ jiro paina ya cjihtire mari sini payochũ wahchera tiro. **5** Cũirota jira Cohamacu. Æ yoa Cohamacure mari ñũ tuhtichũ Cohamacu cũhũ marine to ñũ tuhtichũ bosariro cũirota jira. Tiro masũnota jiriro, Jesucristota jira. **6** Wapamonore waparo seheta jipihtina ti ñaa yoari buhirire yariari jire tiro. Cohamacu to quihõri pjai tíre masare masichũ yoari jire. **7** Tíre yahuhtiro cjihtore, Jesu to cũhtiro cjihtore tiro yũhũre beseri jire. Judio masa jierainare Jesure wacũ tuaare, noa buheare buhehtiro cjihtore beseri jire yũhũre. Potocãta mũsare yahui nija yũhũ. Mahñoeraja.

**8** Cohamacu yare noano yoina jipihtiro macaina sehe Cohamacure ti sinichũ cahmaja. Æ yoa tina suaro marieno, cahma sayoro marieno tiro mehne ti durucuchũ cahmaja.

**9** Æ yoa, numia sehere carera numia yoaro seheta ti suhti tiina

jichu cahmaja. Ñ jia soro bajua pjoari ti pjoarire yoaea tjjaro. Uru dari busaa darire perla yapari dari cūhure busaea tjjaro tí numia painare “Goa pjachu yoari”, nia. Ñ yoa wapa bujua suhtire sãaea tjjaro tina Jesu ya numia. Painare goa pjachu yoaa numia jiea tjjaro. **10** Ñ yoa tí numia noaa sehere yoajaro. Ñta yoaro cahmana “Cohamacu ya numia jija”, nia numiare. **11** Dihta marieno ño payoa mehne buheare tuhoharo tí numia. **12-14** Ñ jia numia mware buhea tjjaro. Ñ yoa mware dutiea tjjaro. Tí numia sehe dihta mariea numia jijaro. Adãore Cohamacu bajuamehne mwtari jire. To baharo Evare bajuamehneri jire. Ñ yoa watino to mahnochuh tuhoriro Adão jierari jire. To mahnochuh tuhoricoro sehe Eva jiri jire. Ñ to mahnochuh tuhoro, Cohamacure yuhduruaricoro wahari jire ticoro. Ñ jia numia sehe mware dutiea tjjaro. **15** Numino ji mwtaricoro to yuhduruapachuta numia ti pohna tichu ñno tinare Cohamacu yoadohorohca. Tí numia pohna tia numia sehe Cohamacure ti wacu tuarucuchu tiro yoadohorohca tinare. Ñ yoa masare, Cohamacu cūhure ti cahirucuchu, noaa numia ti jirucuchu, quihño yoaa numia ti jichu Cohamacu tinare yoadohorohca.

### Jesu yaina pũtoa ti yoahdire yahuha Paulo

**3** **1** Masa Jesu yaina pũtoa ji duaa, noare yoa duaa nica tina. Tí potocãta jira. **2** Jesu yaina pũtoare besecu õ sehe jiinare besega: Buhiri marieinare besega “Paina tinare ñano ni yahusãri”, nicu. Ñ yoa cãa numiata namo tiinare, noano tũho masiinare, quihño yoainare, paina ti ño payoina, masare wahchea mehne ti wũhure sãa ta dutiinare, painare noano buhe mihniinare besega mũhu. **3** Ñ besecu cahaerainare, cahmacherainare, masare noano yoainare, cahma sayoerainare, niñerure cahierainare besega mũhu. **4** Ñ yoa mũ beseina ti ya wũhu macainare noano yahuina, ti pohñare noano ño payoa mehne yũtichu yoaina, noano yahuina jijaro. **5** Tinare yũtichu yoa masieraa, noano yahu masieraa, Jesu yaina cūhure noano yahu, yũtichu yoa masieraboca tina. **6** Jesu yaina pũtoa ji duaina Jesu yaina wahma sãaina jia, tina pũtoa ji masierara. Wahma sãainare Jesu yaina pũtoa mũsa cūchu tina “Noa yuhduaina jija”, ni tũhotuboca. Ti ñ ni tũhotuchu Cohamacu tinare buhiri dahre dutirohca watĩnore to yoariro seheta. Watĩno cūhu ñta ni tũhotua timaha

Cohamacu yuhduruca duaro. 7 Ñ yoa puhtoia ji duaina Jesu yaina jieraina ti ño payoia jiro cahmana tinare. Noano yoaina ti jichu ñaa paina ño payoahca tinare. Ñ jia masa tinare ñano quitu dahresi. Ñ jiro watino tinare dojomehne masisi.

### **Jesu yainare yoadohoina ti yoahaire yahuha Paulo**

8 Ñ yoa Jesu yainare yoadohohtina sehere besecu õ sehe jiinare besega: Tina masa ti ño payoinare, noano potocãta durucuinare, cahaerainare, niñerure cahierainare, mahñoa mehne wapata duaerainare, 9 Cohamacu to yahuri buhea to nino sehta yoainare, ñaa buhiri marieinare besega mũhu. 10 Tinare mu besehto pano Jesu yainare yoadohoina ji duainare ti yoarire ñuga mũhu. Tinare mu ã ñuri baharo tina sehe ñaa buhiri marieina, ñaare yoeraina jia, Jesu yainare yoadohoina sãajaro tina. 11 Ñ yoa ti namosãnumia õ sehe ti jichu cahmaja mari. Masa ti ño payoa numia, masa noaa numia, ñano quitu dahrera numia, tuho masia numia, jipihtiare noaare yoarucua numia ti jichu cahmaja mari. 12 Jesu yainare yoadohohtinare besecu cãa numiata namo tiinare, ti pohnare paina ti wũhu macaina cũhure noano yũhtichu yoainare besega. 13 Ñ jia mu beseina Jesu yainare ti yoadohochu paina tinare noano ñu ji coahca. Ñ jia tina yoadohoina sehe noaa buheare, Jesucristore ti wacũ tuaa cũhure cuiro marieno buheahca tina.

### **Cohamacu ya buheare yahuha Paulo**

14-15 Mipũre mu cahapũ waha duai nimaja. Ñ waha duapaihta mipũre wahaerasinicu ahri pũi yahu, mũhure joarocai nija. Jesu yaina cahmachuina watoi mũsa dohse yoahaire mũhure yahu joarocai nija, “Michapucaca yũhu wahaerasiniboca”, nicu. Jesu yaina Cohamacu catiro yaina jira. To yaina potocã jia buheare Cohamacu ya buheare cjuara. Ñ cjuara, tíre buherucura. 16 Ahri potocã tjira. Marine Cohamacu to buheri cjiri, panopũ mari noano masierari cjiri noa yũhdũa buhea jira. Ahri buhea õ sehe jira:

Tiro Cristo mari pjacu sehta pjacu tiro masa  
bajuari jire.

Noariro, ñaa marieriro to jichu ñore Espiritu Santo  
sehe.

Anjoa cũhu tirore ñuri jire.

Ñ yoa buhe duti to cūrina paye yahpari macainare  
 to yare buhei sã.  
 Ñ jia ahri yahpai masa payu tirore wacũ tuare.  
 Baharo muanopu Cohamacu naahre tirore.  
 Tí jira noaa buhea.

### Noa buheare cohārina cjirire yahuha Paulo Timoteore

**4** 1 Espiritu Santo ahrire noano yahura: Pihitiri dacho panocã  
 cãina masa Jesu ya buheare cohãahca. Ñ cohãa mahñoa  
 buheare wafia ya buhea sehere tũho nũnũahca tina. 2 Tí  
 buheare mahñorucuina yahuahca masare. Tina mahñorucuina  
 sehe “Ñaa buhiri mariahna sãre”, ni tũhotuina jira. Ñ jia tina  
 ti ñaa yoare ne tũhotuerara. 3 Ó sehe ni buheahca tina:  
 “Namo tienã tjiga. Ahri chũare chũena tjiga”, ni buheahca tina.  
 Ti ã chũ dutierapachuta Cohamacu chũare bajuamehnenõ  
 mari chũnti cjihtire noare cūri jire tiro. Mari Cristore wacũ  
 tuaina jichũ noaa buheare mari masiina jichũ, mari ya cjihtire  
 tí chũare bajuamehnea tiri jire tiro. Tí chũare cjuana tirore  
 “Noana”, mari nichũ cahmana tiro. 4 Jipihtia Cohamacu to  
 bajuamehneri cjiri noaa jira. Ñ jina to bajuamehneri chũare  
 nana, Cohamacure “Noana” nina, tíre marine cohãeraro  
 cahmana. Tíre marine chũ ji coaro cahmana. Ñ jicu paina ti chũ  
 dutierachũ tũhocũ tjiga tinare. 5 To bajuamehnea noaa ti jichũ  
 yahu tuhsũa tiri jire Cohamacu. Ñ jia tirore “Noana”, mari ni  
 wahcheri baharo tí chũa to yoari chũa noaa waro jia nina.

### Jesucristore dahra cohtaritore noarirore yahuha Paulo Timoteore

**6** Ahri yu yahurire Jesu yainare mari coyeare buhecũ  
 Jesucristore dahra cohtariro noariro jira mũhũ. Ñ buhecũ noaa  
 buheare, quihõno mũ tũhori cjirire mũhũre ti yahuriro seheta  
 noano mũ masirire yahuriro jiihca mũhũ. 7 Ñ jicu ti mũ sũro ti  
 buherire, Cohamacu ya jieraare tũhoi tjiga. Cohamacu cahmaa  
 sehere yoaporiro jiga mũhũ. 8 Mũ mũrocachũ noa curera.  
 Mũ mũrocaporiro yũhoro Cohamacu cahmaare mũ yoapochũ  
 noa yũhũara mũhũre. Cohamacu cahmaare yoapocũ mipũre  
 noano jiihca mũhũ. Mũ yariari baharopũ cũhũre masa mũjacũ  
 noano jiihca mũhũ. 9 Tí potocãta jira. Jipihtina tíre yu nirire  
 masiinare “Potocãta jira”, nino cahmana tinare. 10 Jipihtina  
 tíre ti nihti cjihtire Cohamacu cahmaare ti yoahiti cjihtire mari

tuaro dahraja. Ñ jina ñano yũhdũja mari, paina marine ñano ti yoachũ. Cohamacũ catiriro, jipihinare pichacapũ wahaborinare yũhdoriro jira. Tirore wacũ tuaina pinihtare tiro yũhdorohca. Ñ jina to yũdhohto cjihtore masina, cohtaja mari.

11 Ahri jipihitia yũ nirire dutiga Jesu yainare. Ñ yoa tíre buhega mũhũ. 12 Wahmũno mũ jichũ ñña paina Jesu yaina mũhũre yũhdũrucã duaboca. Ti ã yoaerahto sehe õ sehe yoa ñoga tinare. Masare cahĩga. Ñ yoa Jesure wacũ tuarucu, buhiri marieriro jiga. Wahmũno jipaihta mũ ã yoachũ ñña mũhũre yũhdũrucasi tina. Ñ jia mũ durucurire tũhoa, mũ yoarire ñña mũhũre ñũ cũahca. 13 Ñ jicũ mũ caharũ yũ sũhto pano Jesu yainare Cohamacũ yare ti joari pũre buhe tuhsũ, mũsa cahmachupe tahari tinare ã yahurucuga. 14 Jesu yaina mehne macaina pũthoa Cohamacũ yare yahu tuhsũ mũ bui ti wamomacarine duhu payore. Ti ã duhu payochũ Cohamacũ ya cjihtire mũ yoa masihto sehe cũre mũhũre Cohamacũ. To ã cũirire boecũ tjiga. Ñ yoa tíre ã yoarucuga.

15 Ahri dutiare tuaro cahmaga. Ñ cahmacũ ahri dutiare ã yoarucuga mũhũ. Mũ ã yoiari baharo noaare mũ yoa namochũ jipihitina ñũahca. 16 Mũhũ sehe noano yoaga, “Soro yoiari”, nicũ. Ñ yoa noano buhega mũhũ, “Soro buheri”, nicũ. Ñ jicũ mũ basita pichacapũ wahaboriro yũhdoriro jiihca. Ñ jia mũhũre tũhorina cũhũ pichacapũ wahaborina yũhdũrina jiahca.

**“Paina Jesu yainare õ sehe yoaga mũhũ”,  
niha Paulo Timoteore**

**5** 1 Ne bũcũrore tuhtiecũ tjiga. Mũ pũcũre mũ noano yoiario seheta bũcũro cũhũre noano mehne yahuga. Ñ yoa mũ bahanare mũ noano yoiario seheta wahma yapia cũhũre noano ño payoro mehne tinare yahuga. 2 Ñ yoacũ mũ pocore mũ noano yoiario seheta bũcũ numia cũhũre noano ño payoa mehne yahuga. Mũ bahana numiare mũ noano ño payoriro seheta nuhmia cũhũre ñano goa pjaro marieno, noano ño payoa mehne yahuga tina numiare.

3 Ñ jicũ wapewahyaa numiare potocãta pjasũoa numiare ño payoa mehne yoadohoga tí numiare. 4 Wapewahyoro pohna tiricoro to jichũ, o panamana tiricoro to jichũ cũhũre tina sehe ticorore yoadohojaro. Ñ yoadohoa Cohamacũ masare ti coyeare to yoa dutirire yoaa nina tina. Ñ yoaa tina ticorore ti wapamonore wapaa nica ticoro to bũcũrori wapa. Ti ã yoachũ

ñño Cohamacu noano wahchera. <sup>5</sup> Pjacuoricoro, wapewahyoro coyea marienicoro jiro, Cohamacu ticorore to yoadohohto cjihtore cohtara ticoro. Ñ jiro ñaminipe, dachoripe ticoro Cohamacu mehne ñ durucurucura. <sup>6</sup> Pacoro sehe wapewahyoro ñ yoamacanocaricoro carericoro jiro, ticoro catiricoro jiparota pichacapu butihticoro ji tuhsura. <sup>7</sup> Ahri jipihtia yu yahurire Jesu yaina cūhure yoa dutiga mūhū, noaa dihtare ti yohti cjihtire. Ti ñ yoachū ñña paina tinare “Ñano yoaa nina”, ni masierara. <sup>8</sup> Cūiro to coyeare ññ wihboeraro, to pohna, ti pocoro cūhure noano ññ wihboeraro “Jesu yairo jija”, ni masierara. Ñ jiro Jesure cahmaeraina yūhdoro ña yūhduariro jira tiro.

<sup>9</sup> Wapewahyaa numiare yoadohonahca mūsa. Ñ sehe besega mūsa yoadohohti numiare. Ti wamare joa ōhti pūi joai tai ō sehe besega tí numiare: Sesenta cūhmari sūeraricorore to wamare joa ōi tjiga. Tuhsū, tó pano pūaro cjirore manū tiricoro wape wahyoro to wamare joa ōi tjiga. Cūirota manū tiricoro wapewahyoro wamare joa ōga. <sup>10</sup> Tí numiare, “Noaare yoaa numia jira”, masa ti nia numiare, ti pohmare noano būscūoa numiare besega. Ñ yoa tuhsū, ti wūhūsei painare noano sāa ta dutia numiare, dahra cohtaina yoaro sehe Jesu yainare yoadohoa numiare, ñano yūhdūinare yoadohoa numiare, noaa dihtare yoaa numiare besega. Tí numiare mūsa yoadohohti numiare bese tuhsūcū, ti wamare joa ōga mūhū.

<sup>11</sup> Wiho mejeta wapewahya numia nuhmia curero ti jichū tí numia sehere besei tjiga. Ñ jicū tí pūi ti wamare joa ōi tjiga. Baharo tina mūare goa pja, Cristore cohā, pari turi manū tiboca. <sup>12</sup> Tina Cristore “Pari turi manū tisi sā. Mū yainare yoadohonahtja”, niri numia jipahta baharopūre ti niriro seheta yoeraboca tí numia. Ti ñ yoerari buhiri buhiri tiahca. <sup>13</sup> Tí numia ō sehe yoaa numia jira: Dahraera numia jipora. Ñ jia paina ya wūhūsepū wahaucu, ñaa quiti dahre, tí numiare mari sinituerapachūta ti mū sūro mari jia tiare ñ yahurucura. Tuhsū, ti yahu dutierari cjirire yahura tí numia. <sup>14</sup> Ñ jicū ti ō sehe yoachū cahmaja yūhū: Wapewahya numia nuhmia curero jia numia manū tijaro. Ñ manū tia, pohna tijaro. Ti ya wūhū macainare noano ññ wihbojaro. Mari ya numia wapewahyaa numia ti ñ yoachū marine ññ tuhtiina marine “Ñaare yoaa nina”, ni tuhti masierara. <sup>15</sup> Mipū pinihtare cāa numia

wapewahya numia Cristo yare duhu, watĩno cahmaa sehere yoa tuhsura. ã jicũ ã ni yahuja mũhũre.

16 Jesu yaina ti coyeacoro wapewahyoro to jichũ tina to coyea ticorore yoadohojaro. Paina Jesu yaina sehe ticorore yoadohoea tjijaro. ã jia tina paina Jesu yaina ticorore coyea cjaricorore yoadohoeraa, paye numia wapewahya numia coyea mariea numia sehere yoadoho masina.

17 Jesu yaina pũtoa mũsare ti noano buhechũ ti dahraare ti noano yoachũ ñũna ji coaro mehne ñũga tinare. ã yoa noano wapaga tinare. Cãina tina mehne macaina Cohamacũ yare yahuina, mũsare buheina cũhũ jira. Tina pinihtare paina yũdoro ji coaro mehne ñũga. 18 Cohamacũ yare ti joari pũi õ sehe nina, dahrarirore ti wapahtore yahuro: “Wachũ trigo yaparire to dahpori mehne suhti werirore to chũ duachũ to dũserore dũcataena tjiga”, ni joaa tiri jire. ã yoa pa pũi õ sehe nina: “Dahrarirore to dahrari wapare waro cahmana”, nina Cohamacũ yare ti joari pũi. (To ã nichũ tũhona Jesu yaina pũhtoare ji coaro mehne ñũ, noano wapaga tinare.)

19 Jesu yaina pũhtoro to ñano yoachũ ñũno cũirota paina Jesu yaina cahmachuinare yahusã masierara. Pũhtoro to ñaare yahusãhtina tiaro jia, tiore yahusã masina. Tiaro mariachũ pũaro yahusã masina. 20 ã yoa ñaare yoarucurirore jipihtina mũsa watoi to jichũ tiore tuhtiga, cuia, paina ñaare ti yoerahto cjihore. 21 ã jicũ Cohamacũ, Jesucristo, to beserina anjoa cũhũ ti ñũrocaroi ahrire dutija mũhũre: Mipũ mũhũre yũ dutiri cjirire yoa pahũoga. ã yoiriro jicũ jipihtinare Jesu yainare cũno potori yoaga. Pairore soro, pairore soro yoai tjiga. 22 Painare Cohamacũ dahraare mũ cũhti cjihore ti bui mũ wamomacarine mũ duhu payohto pano soaro marieno noano tũhotu pahũo, tinare besega. Tina ñaina jiboca. ã jiinare Cohamacũ dahraare cũi tjiga. ã cũcũ mũhũ cũhũ mũ beseina ti ñaare yoaro seheta yoai nica. Tó sehe yoai tjiga. ã yoa ñaa marieriro jiga mũhũ.

23 Sũroca pjaro cariro jira mũhũ. Mipũre co dihtare sihnimana mũhũ. ã jicũ mahanocã vino cũhũre sihniga mũhũ. Co jira tí.

24 Cãina ti ñaare yoachũ mari ñũja. ã jina Cohamacũ tinare to buhiri dahrehtore masija mari. Paina sehere ti ñaa yoirire mari masieraja. Ti ñaa yoirire baharo masinahca. 25 Tó seheta cãina noare ti yoachũ tíre mari masija. Paye ti noaa ti

yoaerarire mari masierapanahta baharo masinahca mari. Tíre n̄ohto basierara.

**6** <sup>1</sup> Dahra cohtaina Jesu yaina sehe ti p̄htoare noano ño payojaro. Ti ã ño payoch̄ ñ̄a paina Cohamac̄re, mari buhea c̄h̄re ne ni dojomehne masierara. <sup>2</sup> Ti p̄htoa Jesu yaina ti jich̄ ñ̄a tinare dahra cohtaina sehe Jesu yaina jia, tinare ñ̄poa ño payoeraboca. ã yoaeraro cahmana. Ti p̄htoa Jesu yaina ti jich̄ pinihtare tinare dahra cohtaina noano ño payojaro tinare. ã ño payoa dahra cohtaina sehe Jesu yainare, ti cah̄inare ti coyeare yoadohoa nina. Ti p̄htoare Jesu yainare dahra cohtaina jia, Jesure cahmaerainare ti ño payoriro ȳhdoro Jesu yaina sehere ño payojaro p̄htoa ti cah̄ina ti jich̄. Ahri ȳ yahurire buhega. ã jic̄ ahrire dutiga.

### **Cohamac̄re ño payoa c̄h̄re noano jia c̄h̄re yahuha Paulo**

<sup>3</sup> Soro jia buheare buheriro mari p̄htoro Jesucristo ya buheare noaa buheare “Potocã t̄jira”, ni t̄ho duaerara. ã t̄ho duaeraro, mari ya buheare Cohamac̄re ño payoa buheare cahmaerara. <sup>4</sup> ã jiro tiro “Masi pah̄oriro jija”, niparota tíre ne masierara. ã masieraro, t̄ho masierariro yoaro sehetu tuaro cahma sayo duara tiro. ã yoa Cohamac̄re yare ã nimacanoca sayorucuriro t̄jira. Masa tiro yoaro sehe jiina cahma sayoa, paina ti noano wahach̄ ñ̄ tuhtia, cahma ñ̄ duaeraa, noano mehne jierara. Tuhs̄, painare ñ̄ano quitu dahre, masierapahta masare ñ̄ano ni t̄hotura tina. <sup>5</sup> Tina ñ̄a dihtare t̄hotuina, potocã jiare ne masieraina ã cahma sayorucuina jira. ã yoa “Cohamac̄re yare buhena niñerure wapatanahca mari”, ni t̄hotura tina. <sup>6</sup> Mari ya mahanocã mari c̄j̄aa mehne wahchena, Cohamac̄re ño payona, to cahmano sehetu yoana, potocãta noano jina nija. <sup>7</sup> Ahri yahp̄p̄re masa bajuana ne paye barore na taerahi mari. ã yoa mari yariari baharo wahana ne paye barore naa masieraja mari. <sup>8</sup> ã jina mari ch̄are mari suhti c̄h̄re c̄j̄ana payere cahma namoena tjijihna. Mari c̄j̄aro purota wahchejihna mari. <sup>9</sup> Pache p̄a ji duainare wat̄no ñ̄aare to yoa dutich̄ tina sehe jiape ñ̄aare yoarucuina jiboca. ã yoaa tina paȳ tahari t̄ho masieraina sehetu paye barore tuaro cahmaa, ñ̄a yoaare duhueraa, ti basita ñ̄ano ȳhd̄ra. ã duhueraa pichac̄p̄ wahaahca tina. <sup>10</sup> Niñerure tuaro cahmaa, jiape ñ̄aare yoa d̄cara masa. Cãina niñerure



cahĩa, tuaro cahmaa, Jesure wacũ tua duhua, payu tahari ñano yũhdũra tina.

### **Cohamacu yare yoana ñaare duhuga**

11 Mũhũ pini Cohamacu yairota jira. ã jicu ahri ñaare yoai tjiga. Noaa sehere cahmaga. Cohamacu yare yoaga. ã yoacu Jesure wacũ tuaga. Painare cahĩga. Ñano yũhdũpaihta cũno pjaga. ã yoa painare noano dero yoaga. 12 Surara cahmachero tuaro to yoariro sehetã, mũhũ cũhũ Cohamacure wacũ tuacu to yare tuaro yoaga. Mũanopũ ã jirucuhtiro cjihtore Cohamacu beseri jire mũhũre. ã jicu Cohamacure mũ wacũ tuaare payu masare noano yahuhre mũhũ. ã jicu ñano yũhdũpaihta tirore wacũ tua duhui tjiga. Mũanopũ ã jirucuhtiro jiga. 13 Cohamacu jipihtinare, jipihtiare jichũ yoariro jira. Jesucristo sehe Poncio Pilatore Cohamacu yare noano yahuriro jira. ã jicu tina Cohamacu, Jesucristo cũhũ ti ñurocaroi ahrire mũhũre yoa dutiĩhtja: 14 Mũhũre Cohamacu to dutirire yoa pahñonocahga. Jesucristo to tjua tahto pano masa mũhũre ñaare ti ne yahusãerahto cjihtore to dutirireta yoarucuga. 15 To quihõriroihta Cohamacu Cristore tjua tachũ yoarohca. Cohamacu noariro, tiro dihta masare dutiriro jira. ã jiro jipihtina paina pũhtoa ti bui pũhtoro jiriro jira tiro. 16 Tiro dihta ne yariaerariro jira. To si sitea mehne jiriro jira. To si sitea cahapũ waha masierara masa. ã yoa tirore masa ne ñũerare. Mipũ cũhũre tirore ñũerara. Tiro sehere ño payojihna. ã jina “Jipihtia dachoripe tuariro jira tiro”, nijihna tirore. ãta yoajihna.

17 Ahri yahpa macaina pache pũare õ sehe ni dutiga mũhũ: “Painare yũhdũrucaja”, ni ti basi tuhutuea tjijaro tina. Ti pache ti cjuua pihtia wahaahca. ã jia ti cjuua dihtare wahchea tjijaro. Cohamacu sehere tuaro wahchejaro. Jipihtia pototi mari cahmaare wariro jira tiro. Tiro sehere wacũ tuajaro tina pache pũa. 18 ã jia tina noaa sehere yoajaro pjiro noaare yoaina ti jihto sehe. ã yoa ti cjuuaare waina jijaro. 19 Ti ã yoachũ mũanopũ Cohamacu cahai ti ya jiahca. Ti ya tũpũ jia, ne butisi. ã jia tũpũ ã jirucuahca tina.

### **Paulo Timoteore duti batoaha**

20 Timoteo, mũhũre Cohamacu to cũrĩre to buhe dutirire noano yoanohbũ. Voi ninohbũ mũhũ. Cãina masa Cohamacure

cahmaeraina yoaro seheta mahñoare, tũho masieraina ya buheare durucurucura. Ñ durucua “Noano masiina ya buhea jira”, nimana tina. Ñ ti ni durucua tũho nũnũi tjiga. <sup>21</sup> Cãina tí durucua tũho nũnũina Cristo yare cohãnocare. Cohamacu to cahĩa mehne mũsare noano yoajaro.

## 2 Timoteo

### Paulo Timoteore pari turi joarocaha

**1** 1 Yũhu Paulo, ahrire mũhũre Timoteore joarocaja tjoa. “Jipihtina Jesucristore wacũ tuaina mũanopũ ã jirucuahca” ni, cũre marine Cohamacũ marine yũhdũchũ yoariro. To ã ni cũrire yahuhtiro cjihtore yũhũre bese cũre Jesu. ã cũno Cohamacũ to cahmano seheta yoaro nire yũhũre. 2 Mũhũ Timoteo yũ cahĩro jira. Mũhũre Jesu yare yũ buhechũ tũhocũ tiore noano wacũ tua dũcare mũhũ. ã jicũ yũ macũ yoaro sehe jira mũhũ. ã jicũ Cohamacũ mari Pũcũ, mari pũhtoro Jesucristo mehne mũhũre noa dutija. ã yoa mũhũre pja ñna, cahĩa tina ti yoadohoa mehne noano jiga mũhũ.

### Masare Cristo yare ti yahurire yahuha Paulo

**3** Ñamipũ dachopũ cũhũre Cohamacũ mehne durucucũ mũ ya cjihtire sini payocũ mũhũ mehne wahcheja. ã wahchecũ Cohamacũre “Noana”, nija yũhũ. Panopũ macaina yũ coyea Cohamacũ yare ti yoariro seheta yũhũ cũhũ “Buhiri tija”, ni tũhoturo marieno mipũre to yare yoaja. **4** Sohõ jiri pjare yũ wahachũ mũ tii nũnũ tirire wacũcũ mũhũre tuaro ñũ duaja mũhũ mehne noano wahche duacũ. **5** ã jicũ Jesure potocãta mũ wacũ tuarire wacũja yũhũ. Mũ ñũchocoro Loida, mũ poco Eunice cũhũ Jesure wacũ tua mũhtare mũ pano. ã yoa mipũre mũhũ cũhũ tiore mũ wacũ tuachũ noano masija yũhũ.

**6** ã jicũ ahrire mũhũre wacũchũ yoa duaja. Mũ bui yũ wamomacarine yũ duhu payochũ Cohamacũ yare mũ yoahiti cjihtire tuaare ware mũhũre. Tĩ tuaa mehne yoa namoga mũhũ. **7** Cohamacũ marine Espĩritu Santore wari jire. ã jiro masare marine cuierachũ yoara Espĩritu Santo. ã yoaro tuaina, masare cahĩina, tũho masiina marine jichũ yoara tiro. **8** ã jicũ mari pũhtoro ya cjihtire painare yahucũ, bũo tiesũ tjiga mũhũ. Yũhũ to yare yũ yoari buhiri peresui jiro jija. Peresui yũ jichũ yũhũre bũo tisãai tjiga mũhũ. Wiho mejeta noaa buheare mũ buheri buhiri ñano yũhdũcũ “Noanohca”, niga mũhũ cũhũ. Mũ ã ñano yũhdũchũ Cohamacũ mũhũre

yoadohorohca. <sup>9</sup> Cohamacu sehe marine pichacapu wahaborinare yuhdachu yoare. A yoa noaina to yaina jihtina cjihtire tiro besea tiri jire marine. Mari noano yoari mehne besera tiri jire marine Cohamacu. To mu saro to cahmariro seheta yoaro ahri yahpare to bajuamehnehto pano marine cahno, tiro marine besea tiri jire. Marine a cahno marine yuhdachu yoah tirore Jesucristore warocari jire Cohamacu. <sup>10</sup> Mipure Jesucristore marine yuhdachu yoah tirore warocaro, marine potocata to cahiare noano masichu yoaro niri jire Cohamacu. Jesu marine to yainare pichacapu wahaerachu yoare. A yoaro “Yuhure wacu tuana Cohamacu mehne a jirucunahca” nino, buhriaro marine to nu masichu yoaro seheta noaa buheare marine masichu yoaro tari jire tiro.

<sup>11</sup> Ti buhea noaa buheare yahuhtiro cjihtore to cutiro cjihtore besea tiri jire yuhure. <sup>12</sup> A to beseriro jicu mipure niano yuhduja yuhu. O sehe niano yuhdupacuta yuhu buo tieraja. Yu wacu tuarirore Jesure masija yuhu. Tuariro jira tiro. A jiro yuhure to yare buhe duti cino noano yoadohorohca yuhure. A yoa ahri yahpau to tjua tahto pano, “Muhure yuhdachu yoaihtja”, to niriro seheta sohtori tiarohca yuhure. Yuhure yuhdachu yoarohca tiro. Tire noano masija.

<sup>13</sup> Muhure noano yu yahurire yoa pahnoga. Cristo Jesu yaina jina tirore noano wacu tuaja mari. A yoa painare noano cahja. A jicu tirore a wacu tuarucuga muhu. Tuhsu, painare noano cahrucuga. <sup>14</sup> Espiritu Santo mari mehne jiriro to yoadohoro mehne noaa buheare noano yoaga. Quihono buhega. Soro ni buhec tjiga.

<sup>15</sup> Jipihtina Asia yahpa macaina Jesu yaina yuhure yoadoho duaeraa cohah wahca wahare. Tina mehne macaina puro Figelo, Hermogenes ata yoare tina cuhu. Ti a cohah wahcare masi tuhsura muhu. <sup>16-17</sup> Ti a cohapachuta Onesiforo sehe payu tahari yuhure yoadohoro noano yajeri saachu yoare. A yoaro peresui yu jichu tiro yuhure buo tisaaerare. A jiro Romai yu jichu a macarucuri jire yuhure. A macarucuro yuhure bocare. A jiro tirore, jipihtina to ya wuhu macaina cuhure pja nuhohca Jesu mari puhtoro. To a yoah to sehe tirore sini payoja. <sup>18</sup> A yoa ahri yahpau Jesu mari puhtoro to tjua tahti dachoi tirore pja nuhohca. To a yoah to sehe tirore sini payoja. Efesoi payu tahari yuhure to yoadohorire noano masina muhu.

**Ñano yũhdũparota Jesu yairore cũno pjaro cahmana**

**2** <sup>1</sup> Mũhũ sehe yũ macũ yoaro sehe jiro, Jesucristo marine noano yoiro to yoadohoro mehne tirore wacũ tuarucuga.

<sup>2</sup> ã yoaũ payũ masare yũ buherire mũ tũhorire paina cũhũre buhega mũhũ. Tina mũ buheina Cohamacũ yare yoiarucina jijaro. ã jia painare buhe turiaina jijaro.

<sup>3</sup> Surara ñano yũhdũparota to cũno pjariro seheta mũhũ cũhũ Jesu yairo jicũ ñano yũhdũcũ cũno pjaga mũhũ. <sup>4</sup> Surara to pũhtoro dutia sehere yoara tirore wahchechũ yoaro taro. ã yoaro tiro surara jieraina yoaro sehe wiho jiare yoaerara tiro. (Mũhũ cũhũ tó seheta Cohamacũ dutia dihtare yoaga.)

<sup>5</sup> Mũrocaperiro mũroca dutiina ti dutiare quihõno yoaeraro to mũroca yũhdũri wapare na masierara. (ã jicũ mũrocaperiro ti dutiare quihõno to yoiro seheta Cohamacũ dutiare quihõno yoa pahõoga mũhũ.) <sup>6</sup> ã yoa wese dahrariro wapũ tiro mehne noano dahrariro sehe tí wese maca dichare noano na mũhta, noano wapataro. (ã jicũ mũhũ cũhũ tiro yoaro sehe Cohamacũ yare mũ noano yoachũ tiro mũhũre noano yoirohca.)

<sup>7</sup> Jipihtiare noano masichũ yoirohca Jesu mari pũhtoro mũhũre. ã jicũ mipũre mũhũre yũ nirire noano wacũ tũhotuga.

<sup>8</sup> ã jicũ Jesucristore wacũga. Tiro pũhtoro Davi cjiro panopũ macariro to panamino ji turiariro jia tiri jire. ã jiro yariaro masa mũjari jire tiro. Noaa buheare buhecũ to ã waharireta buhei nija. <sup>9</sup> To yare buhecũ ñano yũhdũja yũhũ. ã jicũ tíre yũ buheri buhiri ñaare yoiro yoaro sehe peresupũ jija yũhũ. Yũ ã jipachũta Cohamacũ ya durucuaire buhe duhuchũ yoa masierara masa. <sup>10</sup> ã yoa Cohamacũ to beserinare buhecũ payũ tahari ñano yũhdũja yũhũ, tina cũhũ Jesucristo yaina ti jihti cjihtire. To yaina jia tina pichacapũ wahaborina sehe to yũhdũchũ yoahina jahca. ã jia tina Cohamacũ mehne ã jirucuahca.

<sup>11</sup> Ahri yũ yahuhti potocã tjira: Cristo crusapũ to yariariro seheta wahana, yariaina ti yoare ti duhuriro seheta mari ñaa yoirore mari duhuna, Cristo mari mehne macariro ã jirucurohca.

<sup>12</sup> ã yoa to yare mari yoiro buhiri ñano yũhdũpanahta cũno pjana pũhtoro to sũho jiropũre tiro mehne pũhtoata jinahca mari cũhũ.

“Cristore sã masieraja”, mari nichu, tiro cũhu  
marine ãta ninohca.

**13** Tirore mari yũhdũrucachũ ñũno to niriro seheta  
marine yoarohca.

To niriro seheta yoariro jira tiro.

Ne mahñoerara tiro.

**Cohamacũ to ñũ ji coinare, to yare buheinare  
yahuha Paulo Timoteore**

**14** Ahrire mũhu mehne macainare wacũchũ yoaga. Ti mũ  
sũro durucu ti yũhdũrucãa yaba cjihti jierara. ã jia tinare  
tũhoinare ñano yoachũ yoaa, tinare dojomehna. ã jicũ mari  
pũhoro to ñũrocaroi õ sehe ni yahuga tinare. “ã ni durucuena  
tjiga mũsa”, niga tinare. **15** Mũhu sehe Cohamacũ yare noano  
buhega. ã yoa Cohamacũ yare tuaro yoaga. Mũ ã yoachũ ñũno  
“Noano yoare mũhu”, ninohca Cohamacũ mũhũre. ã jicũ mũ  
buhere to ñũchũ bũo tisi mũhu. ã jicũ to buheare noano  
masiga mũhu. Tĩre quihõno buhega. **16** Ti mũ sũro durucu  
yũhdũrucaina ñaare ã yoarucu, Cohamacũ yare yoerara. ã  
jicũ ti ã ni durucuare ã ñũnocahga. Tinare tũhoi tjiga mũhu.  
**17** Tina ti durucua sehe camino to ñano baa mũjano yoaro  
sehe jira. Camino to ñano baa mũjano seheta ti durucua cũhu  
paina Jesu yainare ñaina wahachũ yoahca. ã durucuina  
mehne macaina Himeneo, Fileto cũhu jira. **18** Tina “Jesu yaina  
masa mũja tuhsũhre”, ni buhea, noaa buheare duhunocahre  
tina. ã soro buhea cãina Jesu yainare tirore wacũ tua duhuchũ  
yoahre tina. **19** Ti ã ñano buhepachũta Cohamacũ ya buhea  
sehe ne cohtotaerara. Õ sehe nina to buhea: “Mari pũhoro  
Jesu to yainare masina”, nina. ã yoa õ cũhũre nina: “Jipihtina,  
‘Jesu yaina jija’, niina ñaare duhunocajaro”, ni yahura  
Cohamacũ ya buhea.

**20** Mari piti dahre buhechũ masa pja wahwari yoaro sehe  
jira. Pjiri wũhũi uru, plata mehne ti yoaa wahwari jira. Tuhsũ,  
tĩ wũhũi paye wahwari yucũcũ mehne, dihi mehne ti yoaa  
wahwari jira. Uru, plata mehne ti yoaa wahwari noare ti  
posahti jira. Paye wahwari wiho jiare ti posahti jira. **21** ã yoa  
ñaare yoarerario uru wahwa noari wahwa yoaro sehe jirohca.  
ã jiro tiro sehe Jesu ya dihtare yoarucuriro jirohca. Wũhũ  
pũro noari wahwa mehne noare to yoariro seheta, ñaare  
yoarerario Jesu ya cjihtire noare yoarohca.

22 Wahmũno jira mũhũ. Ǻ jicũ wahma yapia ñaare goa pja ti yoariro seheta yoai t̄jiga mũhũ. Ǻ jicũ noaare yoaga. Jesure wacũ tuarucuga. Tuhsũ, tirore, masa cũhũre cahĩga. Ǻ yoa mũhũ mehne macaina Jesu yaina mehne jicũ cahmacheno marieno noano jiga mũhũ. Tina Cohamacũre yũhtiina tirore sinirucuina cũhũ Ǻta yoajaro. 23 Ǻ jicũ tũhoturo marieno ti durucu yũhdũrũcaare mũhũ cũhũ tũho nũnũi t̄jiga. Tuhsũ, mũhũ cũhũ durucu yũhdũrũcai t̄jiga. Ǻ durucu yũhdũrũcaa masa ti basi cahma suara. 24 Cohamacũre dahra cohtarirore durucu yũhdũrũcaeraro cahmana. Ǻ yoa jipihtinare noano yoariro, buhe mihniro, dõicãta suaeriro tirore jiro cahmana. 25 Ǻ jiro paina tiro mehne ti durucu yũhdũrũcachũ tiro tinare yahuro noano mehne suaro marieno yũhtiro cahmana tirore. To Ǻ yũhtichũ ñũa Cohamacũ to yoadohoa mehne tina sehe ti ñaa yoare cahyaboca. Ǻ jia noaa buheare masi dũcaboca. 26 Tinare watĩno sehe peresu yoaro sehe jĩinare c̄jũamare to cahmaare yoachtina c̄jĩhtire. Ǻ jia quihõno ti tũhoturi baharo noaa buheare masia, watĩnore cohãnocahca.

### Pihtiri dacho c̄jĩhtore yahuha Paulo Timoteore

**3** 1 Pihtiri dacho panocãre ñano yũhdũahca masa. Tĩre noano masiga mũhũ. 2 Tĩ pjare masa painare wacũ payoeraina, niñerure cahma yũhdũrũcaina, “Painare yũhdũrũcaja”, ni ti basi tũhotuina, tĩre painare Ǻ ni yahurucuina, Cohamacũre ñano durucuina, ti r̄ũcũsũmare yũhdũrũcaina, ti wapachũta “Noana”, nieraina, Cohamacũre ño payoeraina jiahca. 3-4 Ǻ jia masare cahĩeraina, paina mehne sua, tĩre bo duaeraina, ñaa quiti dahreina, ti mũ sũro ñano yoarucuina, masare Ǻ c̄jãrucuina, noaare ñũ yabiina, tina mehne macainare ñano yoaina, tũhotua marieina, “Masi pahũnoina jija”, ni tũhotuina jiahca masa. Tina ñaare ti goa pjaare yoa ji coaina jia Cohamacũ sehere cahmaeraina jiahca. 5 Ǻ jia tina masa ti ñũrocaroi Cohamacũre ño payopahta “Cohamacũ wiho jiriro jira”, ni tũhotumana tina. Ǻ niinare piti tii t̄jiga mũhũ.

6 Tina mehne macaina tũho masieraa numia ya wũhũsei sãa, tĩ numiare mahũoare buhera. Tĩ numia sehe Ǻ ñaare yoarucua numia, tuaro ñaare yoa duara. 7 Tĩ numia wiho jia buheare Ǻ buherucua numia jia, soro jia buheare tũhoa numia jia, Cohamacũ ya buhea sehere ne masierara. 8 Panopũ Jane, Jambre yaya jirina Moise c̄jĩrore ti ñũ tuhtiriro seheta pihtiri

dacho panocã jiina masa noaa buhea sehere ñu yabiahca. Tina ñaa dihtare tũhotuina jiahca. Æ jia Jesure wacũ tuaina waro jierara. <sup>9</sup> Tó sehe yoaina mahñoa bihosi. Baharo ti mahñoare tũho masieraina ti jia cũhũre jipihtina masiahca. Jane, Jambre mehne ti mahñoare panopu masa ti masiro sehetã ãta masiahca pihtiri dacho panocã jiina ti mahñoare.

### Paulo Timoteore duti batoaha

<sup>10</sup> Yu buheare, yu yoaa tiare, yu jia tiare, Jesure yu wacũ tuaare masina mũhu. Yu ã jiro jichũ, suaro marieno yoariro yu jichũ, masare cahĩro yu jichũ, ñano yũhdũpaihta yu cũno pjachũ masina mũhu. <sup>11</sup> Æ yoa yũhũre ti ñano yoaa, yu ñano yũhdũare masina mũhu. Antioquĩai, Iconioi, Listrai yũhũre ñabiaro ti yoari cũhũre masina mũhu. Yu ã wahachũ ñũno mari pũhtoro Jesu sehe yũhũre yoadohore. <sup>12</sup> Jipihtina Jesucristo yaina ti ji duachũ Cohamacũ to dutiro sehetã ti yoarucu duachũ paina tinare ñano yoaa. Tĩ potocã tjira. <sup>13</sup> Ñaina sehe mahño buheina cũhũ ñabiaina wahaahca. Painare mahñoa, ti basi cũhũ mahñoare tũho, ãta ñabiaina wahaahca.

<sup>14</sup> Mũhu sehe mũhũre yu buherire, noano mũ tũhorire ã wacũrucuga. Æ jicu yu buheriro sehetã yoaga. Mũhũre buherinare masina mũhu. <sup>15</sup> Mũhu wihãro jicũpũta Cohamacũ yare ti joari pũre masi dũcari jire. To yare ti joari pũi õ sehe ni yahura mũhũre: “Jesucristore wacũ tuaina dihtare pichacaru wahaborinare yũhdũchũ yoara Cohamacũ”, ni yahura mũhũre. <sup>16</sup> Cohamacũ yare ti joari pũi jipihtiare Cohamacũ sehe joa dutia tiri jire. Æ jina tĩ pũre buhena mari masi namoja. Tĩ pũre buhena Cohamacũ dutiare mari yoahũre masija. Æ buhena mari ñaa yoarire “Ahri ñaa jica”, ni tũhotuja mari. Æ jiro tĩ pũ marine noaa sehere cohtota dutira. Æ jiro dachoripe mari noaa yoarucuhti cjihtire yahura tĩ pũ. <sup>17</sup> Cohamacũ yairo to ya pũre buhero, masi pahũonohca. Æ masino jipihtia noaa yoa masinohca tiro.

**4** <sup>1</sup> Jesucristo jipihtina bui pũhtoro, tjua tahtiro, catiinare, yariaina cũhũre buhiri dahre dutihtiro to ñũrocaroi mũhũre õ sehe ni yahuihtja. Cohamacũ cũhũ to ñũrocaroi õ sehe ni yahuihtja mũhũre. <sup>2</sup> Dachoripe masa ti tũho duachũ ti tũho duaerachũ cũhũre Cohamacũ yare yahuga. Æ yahucu masa ti ñaa yoari buhirire masichũ yoaga tinare. Æ yoa ti ñaa yoarire “Yoa namoena tjiga”, ni yahuga tinare. Noaa sehere



yoa dutiga. Ñ buhecũ ne suaerariro, pumerariro jiga mũhũ. Ñ jicũ ne painare buhe duhui t̃jiga. 3-4 Baharo, pa teherũre masa noaa buheare tũho duasi. Ñ tũho duaeraa ti cahmano seheta yoaa, ti tũho ji coaa dihtare buheinare cahmaahca tina. Ñ jia mahñoa buheare payũ buheinare cjuaahca. Tina ã yoaa noaa buhea sehere cohã, ã ti buhemacanocarire tũho ññnahca. Ñ jicũ noaa buheare buhe duhui t̃jiga mũhũ. 5 Mũhũ cũhũ ã jicũ dachoripe tũho masiriro jiga. Ñ nano yũhdũpaihta cũno pjaga. Ñ yoacũ noaa buheare ã buherucuga. Cohamacũ mũhũre to yoa dutirire yoa pahñonocahga mũhũ.

6 Yũhũ Cohamacũ yare yũ yoari buhiri yũ yariahto mahanocã dũhsara. Ñ jicũ mahaa dachoricã catisiniihca. Ñ jicũ mipũre mũhũre dutija. 7 Yũ yariahto panocã ahrire yahuihtja: Jesu noaa buheare yũhũre buhe dutiro to cũrire noano buhe sohtori tihĩ. To dutiare noano yoa pahñonocahi. Ñ jicũ ñano yũhdũpaihta tirore ne wacũ tua duhuerahi. 8 Mipũre Cohamacũ yare yũ yoari wapare mũanopũ wihboro nica. Ñ jiro mari pũhtoro buhiri dahre dutiro quihõno yahuriro to tjua tahti dachoi to yare yũ yoari wapare warohca yũhũre pũhtoro to pisari soro uru mehne ti yoari sorore yũhũre to waboriro seheta. Paina cũhũre to tjua tahtore cohtainare tirore cahĩinare to yare ti yoari wapare warohca Jesu.

### Paulo yahu namoha Timoteore

9 Yũ cahapũ cjero ñũi taga mũhũ. 10 Dema ahri yahpa macaa jipihtiare tuaro cahmano yũhũre yoadoho duaeraro yũhũre cohã wahcãa wahahre Tesalõnicapũ. Crescente cũhũ Galacia yahrapũ wahahre. Ñ yoa Tito Dalmaciapũ wahahre. 11 Luca dihta yũhũ mehne jira. Marco yũhũre noano yoadohohtiro jira Cristo yare yũ buhechũ. Ñ jicũ tirore na tahga mũhũ. 12 Ñ yoa Tíquicore Efesopũ warocahi. 13 Õpũ tacũ, yũ bui sãari suhtirore, Troai Carpo ya wũhũi yũ cũri suhtirore na tahga. Ñ yoa sohõ jia tjuri joaa tjuri cũhũre na tahga. Sohõ jia cahsari joaa cahsari pinihtare tuaro cahmaja yũhũ. Ñ jicũ tí cahsari cũhũre na tahga.

14 Alejandro comaare dahrariro yũhũre ñabiaro yoare. Ñ jiro to ã yoari buhiri Cohamacũ tirore buhiri dahrerohca. 15 Tiro Alejandro mari buheare tuaro ñũ yabire. Ñ jicũ tiro mũhũre “Ñano yoari” nicũ, tirore ñũcũ noano wacũ masiga.

16 Masare beserirore peresu yoa dutirirore yu yoaŕire, yu buheri cūhure tirore yu coã yahuchu ne cūiro baro Jesu yairo yuhure yoadohoerare. Jipihtina yuhure yoadohoeraa cohã wahcã wahahre. Ti ã cohãpachuta yuhure ti cohãri buhiri Cohamacu buhiri dahrero tjjaro. 17 Yu ã wahapachuta Cohamacu yuhure yoadohohre. ã jiro to buheare yu noano yahuhti cjihtire to tuaare wahre yuhure, jipihtina judio masa jieraina tí buheare ti tũhohti cjihtire. ã jiro yuhure ñano ti yoa duapachuta yuhure ti wajãborirore yuhduchu yoare mari puhtoro suaina yayare yuhure to yuhduchu yoaboriro seheta. 18 Jipihtina yuhure ñano yoainare yuhducaro, yuhure yoadohorohca mari puhtoro. ã jiro muanopu puhtoro to suho jiropu yuhure ji dutiro yuhure yuhduchu yoarohca tiro. ã jina “Tiro noa yuhduariro, tua yuhduariro jira”, nijihna mari jipihtia dachoripe. ãta nijihna.

#### Paulo noa dutiha Timoteo cahai jiinare

19 Prisca, Aquila, Onesíforo ya wuhu macaina cūhu noajaro. 20 Erasto Corintoj tjuahre. Trófimo Miletoj dohatia wahahre. ã jicu tirore tói cūhi yuhu. 21 Puhiro pano cjero taga muhu. Eubulo, Pudente, Lino, Claudia cūhu, jipihtina paina Jesu yaina mehne mūhure noa dutira.

22 Mari puhtoro Jesucristo mūhu mehne jirohca. ã jiro Cohamacu to cahña mehne musare jipihtinare noano yoajaro.

# Tito

## Paulo Titore joarocaha

**1** 1 Yũhu Paulo Cohamacure dahra cohtariro, Jesucristo yare buhe dutiro to cūriro jija. Cohamacu to beserina Jesure ti wacū tuahti cjihtire noaa buheare ti masihti cjihtire Jesu buhe dutiro yũhũre cūre. Tí buhea Cohamacu to dutiro seheta mari yoahtire yahura. 2 ã jicũ jipihtia dachoripe Cohamacu yaina mũanopũ ti jirucuhto cũhũre buheja tinare. Cohamacu ne mahũoa marieriro ahri yahpare to bajuamehnehto pano õ sehe ni cūa tiri jire marine: “Mũanopũ ã jirucunahca”, ni cūa tiri jire marine. 3 ã jiro to quihõri pjai Cohamacu to ni cūrire yahu dutire masare. Tó seheta yũhũre ni yahu dutire tiro. Marine pichacapũ wahaborinare yũhdoriro jira tiro. 4 Mũhũre Titore Jesu yare buhei. Yũ ã buhechũ tũhocũ Jesure wacū tua dũcare mũhũ. ã jicũ mũhũ potocãta yũ macũ yoaro sehe jicũta nina. Mũhũre ahrire joarocai nija. Cohamacu mari Pũcũ mehne, Jesucristo marine yũhdoriro mehne mũhũre noa dutija. Mũhũre pja ñaa, cahã ti yoadohoa mehne noano jiga mũhũ.

### Creta wama tiri nũcoi Tito to yoahtire yahu quihõha Paulo

5 Creta wama tiri nũcoi mũhũre yũ cũchũ Jesu yaina ti buhehto cjihto dũhsasinire tí pjare. ã jicũ ti yoahtire yahuhtiro cjihtore cūi yũhũ mũhũre. ã yoa macaripe macaina Jesu yaina pũhtoa cjihtire bese duticũ cūi mũhũre. 6-8 Tina pũhtoa Cohamacure dahra cohtaina jira. ã jicũ tinare besecũ noinare besega soro yoaerainare. ã besecũ, cãa numiata namo tiinare, “Painare yũhdũrũcaja”, ni tũhotuerainare, suaerainare, cahaerainare, cahmacherainare, paina yare mahũoa mehne tuaro na duaerainare besega. ã besecũ ti wũhũsere sãa sũinare noano ñũ wihboinare, noaa sehẽre noano ji coainare, tũho masiinare, noaare yoarucuinare, ñaa marieinare, ñaare yoaerainare, caparo marieno dahrainare besega. ã yoa mũ besẽhtina pohmare õ sehe jiina jiro cahmana: Jesure wacū tuaina, noano yoarucuina, jipihtinare noano yũhtiina jiro

cahmana pũtoa pohñare. 9-10 Ñ yoa noaa buheare quihõno mari buherucuro sehta ne duheraina jijaro pũtoa mũ besehtina. Ñ jia tina noaa buheare yahuina jiahca paina tí buhea mehne ti wahchehto sehe. Ñ yoa noaa buheare ñũ yabiinare buhea, ti ya mahñoa ti jichũ masichũ yoaahca tina. Ñ jicũ noano besega Jesu yaina bui pũtoa jihtinare.

Payũ ti pũtoare yũhdũrcaina, noano tũhotu durucueraina, mahñoina jira mipũre. Ñ yoaina judio masa pinihta ñbiario yoa nina. Ti ya buhea ti potocã jierachũ tinare masichũ yoaro cahmana. 11 Tina judio masa sehe niñerure wapata dua mahño buhera. Ñ yoeraro cahmana tinare. Ñ buhea cãa wũhũse macainare jipihtinare Cohamacũ ya sehere cohãchũ yoa nica tinare. Ti ã yoachũ tinare ã yoa dutieraro cahmana.

12 Ti yare panopũ yahuro tina mehne macaruro jiparota õ sehe ni yahuri jire: “Creta nũco macaina ã mahñorucuina jira. Tina nũcũ macaina wahiquina yoaro sehe suaina jira. Ñ yoa ã chũrucuina jia ne dahra duaeraa, capa bũjũina jira”, niri jire tiro to ya nũco macinare. 13 To ã nia potocã tjira. Ti ã jichũ ñũcũ tinare tuaro tuhtiga Jesu ya buhea sehere noano ti masihtõ cjihtore. 14 Ñ jicũ judio masa panopũ macaina ti mũ sũro ti nimacanocari cjirire, Jesu yare potocã jiare cahmaeraina ti dutia cũhũre Creto macaina ti tũho nũñerũhũto cjihtore tuhtiga tinare.

15 Buhiri marieina noa dihtare tũhotura. Ñaare yoarucuina, Jesure wacũ tuaeraina sehe ñaa dihtare tũhotura. Tina ti tũhotua sehe ñaa yũhdũara. Ñ jia noa sehere bese masierara.

16 Tina “Cohamacũre masija sã” nipahta, ñaare yoara. Ñ yoaina ti jichũ ñũna Cohamacũre masieraina ti jichũ masija mari. Ñ jia tina ñaa yũhdũaina, Cohamacũ yare yũhdũrcaina jira. Ne noaare yoa masierara.

### Noa buheare quihõno yahu dutiha Paulo Titore

**2** 1 Mũhũ sehe buhecũ noa buhea ti nino sehta noano buhega. 2 Bũcũnare õ sehe ni yahuga: Cua pisaina, masa ti ño payoia, tũho masiina, Jesure noano wacũ tuaina, Jesure, masa cũhũre cahĩina, ñano yũhdũpahta cũno pjaina jijaro tina. 3 Bũcũ numia cũhũre ãta ni yahuga: Cua pisaa numia, Cohamacũre ño payoa numia, ñaa quiti dahrera numia, cahaera numia jijaro tí numia cũhũ. Ñ jia numia jia, noaare buhejaro paye numiare. 4-5 Paye numiare õ sehe ni buhejaro

bũcũ numia: Ti manũsumare, ti pohna cũhũre ti cahĩhtore, tũho masia numia, paina mũa mehne ñano yoaeraa numia, cũ wũhũ macaina jiina noano ñũ wihboa numia, masa noaa numia, ti manũsumare noano yũhtia numia ti jihtore buhejaro tí numia Cohamacũ ya buheare paina ti dojomehnerahto sehe.

6 ã yoa wahma yapia cũhũre õ sehe ni yahuga: Tũho masiina jijaro tina. 7 Mũhũ sehe noaa dihtare yoarucuga mũhũre ti ñũ cũhto sehe. Buhecũ ne mahñono marieno buhega. ã buhecũ cua pisaro mehne buhega mũhũ. 8 ã buhecũ noano tũho masino mehne noano buhega ne paina “Ahriro ñano yoaro nina” ni, mũhũre ti yahusãerahto sehe. Mũ ã buhechũ ñũa marine ñũ tuhtiina jipahta marine wiho warota yahusã masierara. Marine wiho waro ã yahusãmacanoca bũoro wahaahca tina.

9 ã yoa dahra cohtainare õ sehe ni yahuga: Ti pũhtoare noano yũhtiina jijaro. ã jia ti pũhtoare noano wahchechũ yoajaro. ã dihta yoajaro. ã jia ti pũhtoare purĩno yũhtiea tjijaro. 10 ã yoa ti pũhtoa yare yacaea tjijaro. Tuhsũ, noaina, ti pũhtoa dutiare quihõno yoarucuina jijaro. ã noano yũhtiina ti jichũ ñũa Cohamacũ marine yũhdoriro to buheare tũho ji coahca paina.

11 Masare to cahĩare Cohamacũ masare ño tuhsũre. ã cahĩno jipihtina pichacapũ wahaborinare Cohamacũ tuaro yũhdo duara. 12-13 Masare ã cahĩno Cohamacũ marine õ sehe ni buhera: Cohamacũre ñũ yabiare, ñaa goa pjaare duhunoca dutira marine. Cohamacũ tuariro, Jesucristo marine yũhdoriro to si siteare mari ñũhti dachore, noari dachore mari cohtana nija. ã jiro mari cohtari dacho panoi tũho masiina, noaare yoarucuina, Cohamacũ cahmaare yoarucuina, marine ji dutira Cohamacũ. 14 Tiro Jesucristo mari ya cjihtireta yariari jire jipihtia mari ñaa yoaare duhuchũ yoaro taro marine to yaina wahachũ yoaro taro. Mari ñaa yoari cjirire to ã cohãchũ mari ñaa yoari buhiri marieina jinahca. ã jina tuaro noaare yoa duaina jinahca.

15 Ahri jipihtiare tí nũco macainare Jesu yainare buhega mũhũ. Ti pũhtoro jinocaita nina mũhũ. ã jicũ tinare yahuga. Ti ñaare yoachũ ñũcũ yahuga tinare. Jipihtina paina mũhũre ño payoa mehne yũhtijaro.

### Jesu yaina ti yoahiti cjihtire yahuha Paulo

**3** <sup>1</sup> Õ sehe ni yahuga tó macaina Jesu yainare: Ti pũhtoare paina tinare dutiina cũhũre noano yũhtiina jijaro.

Jipihtia noaare yoahitina jijaro. <sup>2</sup> ã yoa painare ne ñano quiti dahrea tjijaro. ã jia masa noaina, jipihtinare ño payoina jijaro.

<sup>3</sup> Panopũre mari cũhũ tũho masieraina, yũhdũrucaina, mahũnoare tũho nũnũina, ñaare yoa ji coaina, tíre goa pja duhu masieraina, dachoripe ñaare yoarucuina, paina ti cjũaare cjoina jia timai mari cũhũ. ã yoa marine paina ñũ tuhtire. Mari cũhũ tinare ñũ tuhtimai. <sup>4-5</sup> ã jirina cjiri mari jipachũta Cohamacũ marine pichacapũ wahaborinare yũhdũchũ yoare. ã yũhdũchũ yoaro to noariro jiare, masare to cahĩa cũhũre marine ñono nire tiro. Noano mari yoari mehne yũhdũchũ yoerare marine. Marine pja ñũno mari ñaa yoari buhirire cosaro, Espĩritu Santo mehne marine yũhdũchũ yoare. ã yoaro marine to pohna wahachũ yoare. ã to yoachũ Espĩritu Santo sehe noaina mari jihtina cjihtire cohtotachũ yoare marine. <sup>6</sup> Jesucristo marine yũhdũchũ yoariro to yaria masa mũjaa mehne Cohamacũ to yairo Espĩritu Santore ware marine pjĩro to tuaa mehne marine yũhdũchũ yoahitiro cjihto. <sup>7</sup> Marine cahĩno, marine noano yoa duare. ã yoa duaro tiro to yairo Espĩritu Santore marine ware ñaa buhiri marieina mari jihto cjihtore, mũanopũ mari ã jirucuhto cjihtore. Mari ã jirucuhtore masina, tíre cohtana nija.

<sup>8</sup> Tĩ yũ niri potocãta jira. ã jicũ tíre yũ ni joariro seheta masare buhecũ tí dutiare yoa pahũno dutiga mũhũ. ã jicũ Cohamacũre wacũ tuainare tíre buhega noaare ti noano yoahito cjihtore. Ahri yũ ni buheri noaa buhea jira. ã jia jipihtina masa ahri buheare ti tũho nũnũchũ wiho waro jierara. <sup>9</sup> Paina ti durucua sehe yaba cjihti jierara. ã jia masierapahta ti ni yũhdũrucãare mũ tũho nũnũchũ yaba cjihti jierara. ã jia ti coyea panopũ macaina ti jia tiare ti ni yũhdũrucãare, Cohamacũ Moise cjirore to dutirire ti ni yũhdũrucãare tí jipihtiare noano mũ tũho nũnũchũ yaba cjihti jierara. ã jicũ tíre tũho nũnũi tjiga.

<sup>10</sup> Mũsa mehne macariro ã ni yũhdũrucariro mũsare cahma tju wachũ to yoachũ ñũcũ “Yoai tjiga”, niga tirore. Pũa taha tíre tirore mũ yoa dutierari baharo to yũhtierachũ ñũcũ tirore piti tiecũ tjiga. <sup>11</sup> Tó sehe yoariro ñaa dihtare goa pjarucuriro jira. To ã jichũ ñũna to ñariro to jichũ masija mari.

### Paulo duti batoaha

12 Nicopolipũ puhĩro puro jii tai nija. ã jicũ Artemare o Tĩquicore mũ cahapũ yũ waroca mũhtachũ yũ warocahtiro tóprare to sũchũ, Nicopolipũ yũhũre piti bocaga mũhũ tiro mehne. 13 ã yoa dutiare noano mihnrĩrore Zena wama tirĩrore, Apolo cũhũre noano yoadohoga ti wahahto cjihtore. ã yoacũ ti cahmaare jipihtiro tinare waga “Paye baro dũhsari”, nicũ. 14 ã jia Jesu yaina mari mehne macaina noaare yoapojaro paye barore dũhsainare ti yoadohohto sehe noaare yoarucuina ti jihto sehe.

### Paulo noa dutirocaha Jesu yainare

15 Jipihtina yũhũ mehne macaina mũhũre noa dutira. Tói jiina Jesu yaina sãre cahĩina noajaro. Cohamacũ to cahĩa mehne mũsare jipihtinare noano yoajaro.

# Filemón

## Paulo Filemo wama tirirore joarocaha

1 Yũhũ Paulo, Jesucristo yairo yũ jiri buhiri peresupũ jija. Yũhũ, mari coyeiro Jesu yairo Timoteo mehne mũhũre Filemore joarocaja sã. Mũhũ sã cahĩriro Cristo yare sã mehne dahradohoriro jira mũhũ. 2 ã jina Jesu yaina mũ ya wũhũ cahmachuina cũhũre joarocaja sã. Mari coyeacoro Jesu yacoro Arpia cũhũre joarocaja sã. Arquipo cũhũre joarocaja sã. Arquipo sehe sã yoaro sehe Cristo yare yahuriro jira. 3 ã jina Cohamacũ mari Pũcũ, mari pũhtoro Jesucristo mehne mũsare noa dutija. Cohamacũ to macũno mehne ti cahĩa mehne, ti yoadohoa mehne noano jiga mũsa.

## Filemo painare to cahĩare, Cristore to wacũ tuare yahuha Paulo

4-5 Yũ coyeiro Jesu yairo Filemo, Cohamacũre mũhũre sini payocũ mũhũre wacũcũ “Noana”, nija tirore. Cristore mũ cahĩchũ, tirore mũ wacũ tuachũ, paina Cohamacũ yainare mũ cahĩchũ tũhorocahi yũhũ. ã jicũ Cohamacũre “Noana”, ni wahcheja. 6 Cristore mari wacũ tuana cũno potori to yaina jina nija mari. ã wacũ tuaina jina, Cristore mari noano cahĩna, pjĩro noaare cjuanahca mari. Tĩre mũsa noano masihtto sehe sini payoja Cohamacũre. 7 Coyeiro, mipũre painare mũ cahĩchũ tũhocũ wahcheja yũhũ. Jipihtina Cohamacũ yainare noano wahchechũ yoayuhti mũhũ. Mũ ã yoachũ tũhocũ wahcheja yũhũ.

## Paulo Onésimo ya cjihtire sini payoha Filemore

8-10 ã jicũ mipũre Onésimore mũhũre dahra cohtarirore mũ yoahitire mũhũre sini payo duaja. Peresupũ yũhũ mehne to jichũ Cristo yare yahuhi yũhũ tirore. Tĩre tũhoro Cristore cahmahre tiro. ã yoaro tiro Cohamacũ yairo wahahre. ã waharo yũ macũ yoaro sehe jiriro jira. ã jicũ yũhũ Paulo bũcũro jicũ Cristo yare yũ buheri buhiri peresui jicũ mũhũre yahurocahtja Onesimore mũ yoahitire. Cristo buhe dutiro to cũriro jija yũhũ. ã jiriro



jicü tireore mü yoahtere dutiboa yũhũ. Ñ jiriro jipaihta mũhũre dutisi yũhũ. Cahĩa mehne mũhũre yahurocaihtja tó purota.

11 Cristo yairo to jihto pano Onésimo mũhũre dahra cohtariro jiro yaba cjihti jierasiniro jire. Mũhũre noano yoadoho masierasiniro jire. Mipũ pinihtare tiro mũhũre, yũhũ cũhũre noano yoadoho masiriro jirohca. Mipũre Cristo yairo jiro wiho jiriro waro jierara. 12 Ñ jicü mipũre tireore mũhũre waroca tjuí nija. Ñ jicü tireore noano piti bocaga mũhũ. Tireore tuaro cahĩja. 13 Noaa buheare yũ buheri buhiri peresupũ yũ jiro watoi tireore yũhũre yoadoho dutiboa yũhũ tireore warocaeracũ. Yũhũ mehne tjuu dutiboa yũhũ. Mũhũ sehe yũhũre mü yoadoho masierachũ tiro sehe yũhũre yoadohoriro tjuaboa, tireore warocaeracũ. 14 Yũhũre yoadohoriro to jipachũta tireore mũhũre waroca tjuja. Mũhũ sehe tireore “Paulo mehne tjuasiniga”, mü nichũ masicũ yũhũ mehne tireore tjuu dutiboa yũhũ. Yũhũ sehe “Yũhũ mehne cũga tireore”, ni duaeraja mũhũre. Ñ jicü tireore waroca tjuí nija. 15 Tiro Onésimo mahaa nũmũricã mũhũre to duhti wahcãri baharo pari turi mũhũ mehne jira. Cohamacũ to cahmariro seheta mũhũre duhti wahcãri jire tiro Cohamacũ yairo to wahahto sehe, yũ tũhotuchũ. Ñ jiro pari turi mũhũ mehne jiro ñ jirucurohca mũhũ mehne. 16 Ñ jiro tiro mipũre dahra cohtariro jierara. Dahra cohtariro bui curero jiriro jira tiro, yũ ñũchũ. Mipũre tiro mü coyeiro Jesu yairo jira. Ñ jicü tireore tuaro cahĩja. Mũhũ sehe yũ yũhũdoro tireore cahĩihca. Mü ñ cahĩriro jiro dahra cohtariro jisiniaparota mipũre dahra cohtariro to jiriro sehe jierara tiro. Tiro mü coyeiro Jesucristo yairo jira.

17 Ñ jicü yũhũre mü piti bocaboriro seheta Onésimo cũhũre noano piti bocaga. Mũhũ mehne macariro yũ jichũ tũhotucũ tiro cũhũre noano piti bocaga mũhũ. 18 Ñ jicü mũhũre soro to yoariro jichũ mũhũre to wapamoriro jichũ yũhũ sehe tíre wapaihtja. 19 Yũhũ Paulo yũ basi ahrire mũhũre yahu joaihtja: Yũhũ sehe wapaihtja mũhũre. Mũhũre yũ buheri baharo Cristo yairo wahacũ jipihtia dachoripe Cohamacũ mehne jirucutiro jira mũhũ. Mũhũre yũ ñ buheri baharo mũhũ cũhũ yũhũre pjíro wapamoriro jiboca. Mü ñ jipachũta mũhũre wapaihtja to wapamonore. 20 Yũ coyeiro yũ cahĩriro mari pũhũtoro Cristo yairo jira mũhũ. Cristo yairo jicü yũ coyeiro jira mũhũ. Ñ jiriro jicü yũhũre noano wahchechũ yoaga. (Ñ jiriro jicü Onesimore noano piti bocaga.)

21 Ahri yá yahurire noano yoaihca m̃h̃h̃. Yá yahuri yáhdoro yoaihca m̃h̃h̃. Tíre masic̃ m̃h̃h̃re joarocai nija.  
22 Ahri c̃h̃h̃re yahuihtja m̃h̃h̃re. M̃sa cahap̃ yá wahahto sehe Cohamac̃re sini payoyuhti m̃sa yáh̃h̃re. M̃sa ã sini payorire tiro yáhtiboca. “Jai” to nich̃ cahmaja yáh̃h̃. ã jic̃ m̃sa cahap̃ yá s̃hti tahtiare cahnoyuga m̃h̃h̃.

**Paulo noa duti batoaha Filemore**

23 Epafra m̃h̃h̃re noa dutira. Tiro sehe Cristo yare to yoari buhiri yáh̃h̃ mehne peresup̃ jiro jira. 24 ã jia Marco, Aristarco, Dema, Luca mehne m̃h̃h̃re noa dutira. Cristo yare yá buhech̃ tina sehe yáh̃h̃ mehne buheina jira.

25 Mari p̃htoro Jesucristo to cah̃a mehne m̃sare noano yoajaro.

# Hebreos

## Cohamacu macuno to Pucurore yahubasaha masare

**1** Panopu Cohamacu payu tahari mari coyeare panopu macaina cjirire to yare yahua tiri jire. Payu to beserina to yare yahu turiaa tiri jire. To yare yahu mughtaina cjirire yahu dutiro, ã yahua tiri jire tiro mari coyeare. **2** Mipure pihtiri dacho panocã jia dachorire to macunore to yare to yahu dutichu tiro sehe marine yahua tire. Tiro to Pucuro to yoa dutiro mehne ahri yahpare, mmano cũhure yoariro jira. To Pucuro sehe pihtiri dacho panocã jipihtiare cjuhtirore cãa tiri jire tirore. **3** Æ jiro to macuno sehe to Pucuro si siteare cjuariro jiro, cũno potori to Pucuro yoaro seheta jiro, to Pucuro to jia tiare marine ñona. Æ yoa to macuno to tuua mehne to dutichu ahri yahpa, mmano cũhu ã jirucura. Æ yoa mari ñano yoari buhirire to cosari baharo mnanopu to Pucuro tua yũhdũariro potu bũhũsehei dujiri jire tiro, to pũthoro jiare ñono.

## Cohamacu macuno anjoa bui jira

**4** Tiro Cohamacu macuno wama tira. Tí wamare cũri jire Cohamacu tirore. Æ wama tiro paina bui pũthoro jira. Æ jiro tiro anjoa yũhdoro tua yũhdũũcariro jira. **5** To yaina anjoa sehere Cohamacu ne õ sehe ni yahuerari jire:

“Yũ macu jira mũhũ.

Michare yũ macu mũ jiare masichũ yoaihca”, niri jire Cohamacu to macunore. Anjoa sehere ne õ sehe ni yahuerari jire. Tinare ahri cũhure ne yahuerari jire:

“To pucuro jija yũhũ.

Æ yoa tiro yũ macu jira”,

niri jire Cohamacu to macunore. Anjoa sehere ne õ sehe ni yahuerari jire. (Æ jiro to macuno tina yũhdoro tua yũhdũũcariro jira.) **6** Pa tehe to macunore wahma masa bajuarirore ahri yahpai cũno õ sehe niri jire Cohamacu tirore:

“Jipihtina yũ yaina anjoa na tuhcuca caha sũ,  
ñõ payoahca tina yũ macure”,

niri jire tiro. <sup>7</sup> Ñ yoa to yaina anjoa sehere yahuro taro ò sehe niri jire tiro:

“Y<sup>u</sup> yaina anjoare wihnono yoaro sehe pjac<sup>u</sup> tich<sup>u</sup> yoaja y<sup>u</sup>h<sup>u</sup>.

Tina y<sup>u</sup>h<sup>u</sup>re dahra cohtaina jira.

Tinare pichaca yoaro sehe pjac<sup>u</sup> tich<sup>u</sup> yoaja y<sup>u</sup>h<sup>u</sup>”,  
ni yahuri jire Cohamac<sup>u</sup>. <sup>8</sup> Tinare ã niparota to mac<sup>u</sup>no sehere ò sehe niri jire:

“M<sup>u</sup>h<sup>u</sup> Cohamac<sup>u</sup> jipihtina bui p<sup>u</sup>htoro ã jirucuihca. Quihõno dutiuhca m<sup>u</sup>h<sup>u</sup> m<sup>u</sup> yainare.

<sup>9</sup> Mahñono marieno yoaare, noano yoaare tuaro cahmana m<sup>u</sup>h<sup>u</sup>.

Ñ jic<sup>u</sup> ñaa yoaare ñ<sup>u</sup> yabira m<sup>u</sup>h<sup>u</sup>.

M<sup>u</sup> ã jiro jich<sup>u</sup> ñ<sup>u</sup>c<sup>u</sup> y<sup>u</sup>h<sup>u</sup> m<sup>u</sup> P<sup>u</sup>c<sup>u</sup> jipihtina paina y<sup>u</sup>h<sup>u</sup>oro m<sup>u</sup>h<sup>u</sup>re wahchech<sup>u</sup> yoahi”,

niri jire Cohamac<sup>u</sup> to mac<sup>u</sup>no. <sup>10</sup> Ahri c<sup>u</sup>h<sup>u</sup>re niri jire tiro to mac<sup>u</sup>no “P<sup>u</sup>htoro”, ni pisuro:

“P<sup>u</sup>htoro, wahmanop<sup>u</sup>re ahri yahpare, m<sup>u</sup>ano c<sup>u</sup>h<sup>u</sup>re bajuamehnere m<sup>u</sup>h<sup>u</sup> m<sup>u</sup> basi.

<sup>11</sup> Tí jipihtia cohtota pihtia wahaahca.

M<sup>u</sup>h<sup>u</sup> sehe ne cohtotasi.

Ñ jirucuihca m<sup>u</sup>h<sup>u</sup>.

Tí jipihtia suhtiro to baa boraro seheta pihtia wahaahca.

<sup>12</sup> Tí jipihtia m<sup>u</sup>anore ahri yahpa c<sup>u</sup>h<sup>u</sup>re cohtotach<sup>u</sup> yoaihca m<sup>u</sup>h<sup>u</sup>.

M<sup>u</sup>nano suhtirore m<sup>u</sup> cohãboro seheta tí jipihtiare cohtotach<sup>u</sup> yoaihca m<sup>u</sup>h<sup>u</sup>.

Suhtirore tjuwe na m<sup>u</sup> cohtotaro seheta tí jipihtia cohtotaahca.

M<sup>u</sup>h<sup>u</sup> sehe ne cohtotasi.

Ñ jirucuihca m<sup>u</sup>h<sup>u</sup>”,

niri jire Cohamac<sup>u</sup> to mac<sup>u</sup>no. <sup>13</sup> Ne anjoa sehere ahrire yahuerari jire Cohamac<sup>u</sup>:

“Y<sup>u</sup> poto b<sup>u</sup>h<sup>u</sup>sehei dujiga m<sup>u</sup>h<sup>u</sup>.

P<sup>u</sup>htoro jira m<sup>u</sup>h<sup>u</sup>.

Ñ jic<sup>u</sup> m<sup>u</sup>h<sup>u</sup>re ñ<sup>u</sup> tuhtiinare doca dahre, y<sup>u</sup>h<sup>u</sup>d<sup>u</sup>r<sup>u</sup>cabasaihtja.

Tina bui p<sup>u</sup>htoro jiihca m<sup>u</sup>h<sup>u</sup>”,

niri jire Cohamacu to macunore. <sup>14</sup> Jipihtina anjoa sehe Cohamacure dahra cohtaina jira. Ñ jiro Cohamacu warocara tinare to yaina anjoare Cristo to yuhdũchũ yoahtinare yoadoho dutiro.

**Cohamacu yare noaa buheare marine  
ã tũhotunocano cahmaerara**

**2** <sup>1</sup> Ñ yoa Cohamacu macuno waro marine yahuriro to jichũ masina to yahuare mari tũhorire noano wacũno cahmana marine, “Tĩre bori”, nina. <sup>2</sup> Anjoa masare Cohamacu dutia cjrĩre ti yahu cũ turiariro seheta tí dutiare yuhdũrũca dutierari jire. Ñ jia masa sehe anjoa ti yahurire ti yuhdũrũcachũ ñno Cohamacu tinare quihõno buhiri dahreri jire. <sup>3</sup> Anjoa ti yahurire mari yũhtiri yuhdoro Cristo sehene yũhtiro cahmana. Tiro mari pũhtoro marine to yuhdũchũ yoahtere yahu mũhtari jire. Ñ jia tirore tũhorina sehe to yahurire marine yahu turiare marine noano masichũ yoaa taa. Ñ jiro tí buheare marine to yuhdũchũ yoahiti buheare mari ã tũhotunocachũ Cohamacu tuaro marine buhiri dahrerohca. Tĩre duhti masieraja mari. <sup>4</sup> Tí buheare tũho mũhtaina painare ti buhero watoi Cohamacu sehe tí buhea quihõnota ti jichũ ñono nire. To tuaa mehne ñono nire. Ñ yoa payũ tahari to tuaa mehne yoa ñono, tí buheare quihõno ti jichũ ñono nire. Ñ yoaro to yainare ti yoahitre to cahmano seheta cũri jire to buhea quihõno ti jiare ti masihti. Espĩritu Santo sehe jira marine ã yoa masichũ yoariro.

**Jesucristo mari yoaro seheta pjacu tiriõo masa bajuaha**

<sup>5</sup> Pihitiri dacho baharoi jiina Cohamacu cahai jiina michapucacã yũ yahurina cjiri bui pũhtoa jisi anjoa sehe. Tina anjoare pũhtoa sõi Cohamacu. <sup>6</sup> Wiho mejeta cũiro Cohamacure to durucurire õ sehe ni joari jire panopũ:

“Masa wiho jiina ti jipachũta tinare wacũna mũhũ.

Masare noano yoara mũhũ.

<sup>7</sup> Mahaa nãmũricã anjoa docai masare cũri jire mũhũ.

Ñ cũpacũta mipũre tinare tuaare wacu pũhtoa sõi  
jire mũhũ.

<sup>8</sup> Mũ ã sõchũ ahri yahpa macaa bui jipihtia bui  
jira masa”,

niri jire panopũ macariro Cohamacure. Ñ cũno ahri yahpa macaina wahiquina jipihtina bui, jipihtia bui cũri jire Cohamacu.

Masare to ã pũthoa sũpachũta jipihtina ahri yahpa macaina, ahri yahpa macaa bui jierasínica masa. <sup>9</sup> Ñ tina bui jierasínipanahta, Jesu sehere masija mari. Mahaa nũmũricã anjoa docai Cohamacũ to macũno cũhũre cũri jire, mari yaro jiborirore yariahtirore. Cohamacũ marine cahĩno Jesure mari yariaborirore to yariachũ cahmari jire. Ñ jiro to ã yariachũ ñũno tirore tuaare waro, pũhtoro sũri jire tirore.

<sup>10</sup> Cohamacũ jipihtiare bajuamehneriro jira. Ñ yoa jipihtia to ya dihta jira. Ñ jiro Jesure to yaria dutichũ, tiro sehe mari ñaa yoari buhirire cohãri jire. Ñ cohãri jire tiro masa payũ to yaina jihtinare mũanopũ naano taro. Jesu to ñano yũhdũchũ masare yũhdũchũ yoah tiro Cohamacũ to waha dutiro seheta yoaro niri jire tirore. To ã yoachũ pinihta noa nina. Ñ jiro Jesu sehe marine yũhdũchũ yoariro waro, mari pũhtorota jira.

<sup>11</sup> Jipihtina masare ti ñaa yoari buhirire Jesu, to cosawerina mehne pũcũ tira Cohamacũre. Ñ jiro mari Pũcũ cũirota jira. Mari Pũcũ to jichũ Jesu marine to yainare to cosawerinare “Yũ coyea jira”, ni pisuro ne bũo tierara. To ã ni pisurire mũsare yahuihtja. <sup>12</sup> Ñ sehe nino niri jire tiro:

“Cohamacũ, mũ jia tiare yahuihtja yũ coyeapũre.

Jipihtina yũ yaina panoi mũhũre ño payocũ ‘Tuariro jira’, ni yahuihtja yũhũ tinare”,

niri jire tiro to Pũcũrore. <sup>13</sup> Ahri cũhũre niri jire tiro:

“Cohamacũre wacũ tuaihca yũhũ”,

niri jire tiro. Ahri cũhũre niri jire tiro:

“ Ñi jija yũhũ.

Cohamacũ pohna mehne ñi jija.

Yũhũre to cũrina yũ coyea mehne ñi jija’, niri jire tiro to yainare ‘Yũ coyea’ ”,

ni pisuro.

<sup>14</sup> “Cohamacũ pohna”, to niina pjacũ tiina mari jichũ ñũno, Jesu sehe mari ya pjacũ yoaro sehe jiriro tari jire. Ñ jiriro tari jire tiro crusapũ yariaro taro, watĩnore butichũ yoaro taro. Tiro watĩno sehe yariachũ yoariro jira. <sup>15</sup> Ñ yoa watĩnore butichũ yoaro, marine yũhdũchũ yoare. Mari sehe dachoripe mari yariahtore cuimai. Ñ cuiina jina pichacapũ wahaborina jimai mari. Ñ jiina mari jichũ ñũno tiro marine yũhdũchũ yoare. <sup>16</sup> Ñ yũhdũchũ yoaro anjoa sehere yoadohoro taerari jire tiro. Abrahã panamanare Cohamacũ yainare mari sehere yoadohoro tari jire. <sup>17</sup> Ñ taro tiro mari coyeiro warota tari jire.

Cũno potori mari yoaro sehe pjacũ tiriõ tari jire. Ã taro mari yũhdũhtire mari ñaa yoari buhirire Cohamacũre cohã dutiro taro niri jire. Ã yoaro mari sacerdotea pũhtoa bui pũhtoro to yoariro sehe yoaro taro niri jire. Mari yoaro sehe jiro marine noano pja ñũna. Ã yoa marine noano yoadohora. Ã jiro tiro mari sacerdotea pũhtoa ti bui pũhtoro jiro nina Cohamacũre dahra cohtariro jiro. <sup>18</sup> Tiro ñano yũhdũri jire. Ã jiro watĩno tireõ ñano yoa dutimari jire. Yoaerari jire tiro. Ã ñaare yoaerariro jiro, tiro sehe mari cũhũre ñaare yoaerachũ yoa masina. Watĩno to ñaare to yoa dutichũ ñũno marine ñaare yoaerachũ yoa masina Jesu.

### Jesu Moise cjiro bui jiriro jira

**3** <sup>1</sup> Jesu to ã jiriro jichũ ñũna tireõ noano wacũga mũsa. Yũ coyeya Jesu yaina, Cohamacũ to beseina jira mũsa. Tiro Jesu sehe Cohamacũ to warocariro jiro mari sacerdotea pũhtoa ti bui pũhtoro jira. To buheare noaa buheare mari quihõno tũho, buheja. Tiro sehe Cohamacũ warocariro, mari sacerdotea bui pũhtoro to jia tiare noano wacũga mũsa. <sup>2</sup> Cohamacũ tireõ marine to yũhdũchũ yoahtore to cũchũ tiro sehe to cũriro seheta yoari jire. Ne yũhdũrũcaerari jire. Moise cjiro cũhũ Cohamacũ yaina Israe masare yoadohoro ne yũhdũrũcaerari jire. Ãta yoari jire Jesu cũhũ. <sup>3</sup> Moise cjirore ti ño payoriro yũhdoro Jesu sehere ño payoro cahmana marine. Õ sehe jira tí mari piti dahre buhechũ: Wũhũre mari ño payoriro yũhdoro wũhũ dahreriro sehere ño payoro cahmana marine. Ã jiro Jesu sehe wũhũ dahreriro yoaro sehe jiriro to jichũ Moise cjirore mari ño payoriro yũhdoro tiro sehere ño payoro cahmana marine. <sup>4-6</sup> Õ sehe jira ti: Mari Cristo yaina Cohamacũ ya curua macaina jija. Cristo sehe wũhũre to cũboriro seheta marine to ya curua macaina cjihtire cũno nina. Masa sehe wũhũse yoaina jira. Cohamacũ sehe jipihtiare yoariro jira. Moise cjiro sehe Cohamacũ ya curua macainare yoadohorucuriro jiro, baharopũ Cohamacũ to yahuhtore yahua tiri jire masare. Cristo sehe Cohamacũ macũno jiro, Cohamacũ yare yoarucuriro jiro, Cohamacũ ya curua macaina bui pũhtoro jira. To ã jiriro jichũ ñũna Moise cjirore mari ño payoriro yũhdoro Cristo sehere ño payoro cahmana marine. Ã jina mari sehe Cristore wacũ tua duhuerana, marine to yũhdũchũ yoahtore ã wahcherucuna to ya curua macaina jija mari.

**Cohamacu to yainare tiro mehne ti noano sochu cahmana**

7 Ñ jina Cristore mari wacũ tua duhuerahstore ò sehe yoaro cahmana marine. Ò sehe nina Espíritu Santo:

“Michare yũhu Cohamacu m̄sare yũ yahuchũ,  
yũhti duaeraina jiena tjiga.

8 Noano yũhtiga m̄sa yũhure.

Ραπορ̄ Israe masa masa marienop̄r̄ jia,  
ãta yũhdurucarucure yũhure.

Ñ jina tina yoaro sehe yoarena tjiga m̄sa yũhure.

9 Τόρ̄re cuarenta c̄hmari waro tinare yũ tuaa  
mehne yoa ñomai.

Yũ ã yoa ñopachuta tina sehe ò sehe ni tũhotua  
timare: ‘¿Ñaare mari yoachũ ñũno Cohamacu  
marine buhiri dahrebocari?’ ni tũhotua timare.

Ñ ni tũhotua ñano yoa ñña tire.

10 Tĩ ã yoachũ ñ̄scũ tina mehne suai.

Ñ suacu ò sehe nii: ‘Tina yũ durucuaru tũho  
duaeraa, soro jia buheare ã wacũmacarucua  
nina.

Ya sehere ne yũhti duaerara’, nii tinare.

11 Ñ jicu tina mehne suacu ò sehe ni yahui: ‘Tina yũhu  
mehne macaina ne jisi.

Ñ jia warũ tiro marieno jisi tina’, ni yahuri jire  
Cohamacu”,

niri jire Espíritu Santo sehe.

12 Ñ jina yũ coyea, noano yoaga m̄sa, “Cohamacure cohãri”, nina. M̄sa ñaare tũhotuna, Cohamacure catirirore wacũ tuaerana, tirore cohãboca m̄sa. Ne cãiro m̄sa mehne macariro ã yoaero tjiaro. 13 Ñ jina ahri sehere yoaro cahmana m̄sare: M̄sa mehne macainare dachoripe Cohamacu yare m̄sa basi cahma durucuga “Ñaare yoari”, nina. Ñaare yoana, “Tĩ mehne wahcheja” nina, mahñoare tũhotuna nija mari. Ñ ni tũhotuena tjiga. Ñaare yoarucuna Cohamacu ya sehere ji coeraja mari. Ñ yoana ñaare duhu duaeraja. “Ñ yoari” nina, m̄sa mehne macainare Cohamacu yare m̄sa basi cahma durucuga. Cristo to tahto pano dachoripe tíre ã cahma durucurucuga. 14 Wahmanore Cristore mari wacũ tua d̄cariro seheta tó seheta mari wacũ tuarucuna, mari catiro puro to yare duhuerana, tiro mehne macaina jija.



15 Õ sehe nina Cohamacu yare ti joari pui:

“Michare yuhu Cohamacu musare yu dutichu noano yuhtiga musa yuhure.

Panopu macaina Israe masa yu yahupachuta ño payo duaeraa, yuhure yuhti duaerare.

Ã jina tina yoaro sehe yoaena tjiga musa, niri jire Cohamacu”,

ni joaa tiri jire panopure. 16 Ã yoa Cohamacu to yahurire tuhomarina jipahta tina tirore yuhtierari jire. Tina jipihtina Egiptopu jiina Moise to na wiorina jipahta tirore ne yuhtierari jire. 17 Ã jia ã ñano yoarucua, cuarenta cuhmari waro Cohamacure suachu yoa mujaa tiri jire. Ti ã yoari buhiri masa marienopu yariari jire tina. 18 Tirore ti ã yuhti duaerachu ñuno õ sehe cua pisaro mehne niri jire tiro: “Tina yuhu mehne macaina ne jisi. Ã jia wapu tiro marieno ne jisi tina”, niri jire tiro. 19 To ã nichu tuhona ahri sehere masinahca mari: Tina Cohamacure ti wacu tuaerari buhiri tiro mehne macaina ji masierari jire. Ã jia tiro mehne noano so masierari jire.

**4** 1 Ã jiro panopu macainare tiro mehne ti noano sohtore cahmano, tinare “Yuhu mehne wapu tiro marieno sonahca”, ni cûri jire Cohamacu. Mari cûhure ãta ni cûri jire tiro. Ã jina cuaro mehne Cohamacure yuhdurucaena tjijihna mari, “Cohamacu yare yoa moñori”, nina. Ã yoa moñona tiro mehne noano sosi mari. 2 Panopu macaina cjiri Cohamacu yare ti tuhoriro seheta mari cûhu noaa buheare tuhohi. Tina tuho mûhtaina cjiri sehe tuhoa, “Cohamacu ya waro jira”, ni tuhotuerari jire. Ã jia ti tuhori cjiri yaba cjihti jierari jire. 3 Mari sehe tirore wacu tuana Cohamacu mehne macaina jija. Ã jina tiro mehne noano jinocahna, tiro mehne sonahca. Wapu tiro marieno jinahca. Cohamacu to niriro seheta jira tí. Õ sehe niri jire tiro tirore yuhtieraina cjirire:

“Tina mehne suacu cuaro mehne õ sehe ni yahui:

“Tina yuhu mehne macaina ne jisi.

Ã jia wapu tiro marieno ne jisi’, ni yahui”,

niri jire Cohamacu yare ti joari pui. Ahri yahpare to yoari baharo dahra duhusiniri jire tiro. Yoari pja dahra duhuparota tina sehere tiro mehne so dutierari jire tiro. 4 Ahrire mari masija. Seis dachori ahri yahpare to yoari baharo to dahra duhurire yahuro õ sehe niri jire Cohamacu ya durucuaere ti joari pui:

“Seis dachori baharo jipihitiare to dahraare pahñoño,  
Cohamacu dahra duhuri jire”,  
niri jire to yare ti joari pui. <sup>5</sup> Ñ yoa pari turi Cohamacu yare ti  
joari pui ñ sehe ni yahura tiro mehne noano jierainare:

“Tina yuhu mehne macaina ne jisi.

Ñ jia wapu tiro marieno ne jisi, niri jire Cohamacu”,  
nina to yare ti joari pui. <sup>6</sup> Noaa buheare tuho muhtaina tirore  
ti yuhdurucari buhiri tiro mehne macaina jisi tina. Ñ jia tiro  
mehne wapu tiro marieno jisi tina. Paina sehe tiro mehne  
macaina jahca. Ñ jia tiro mehne wapu tiro marieno soina  
jahca. <sup>7</sup> Ñ jiro masare to yuhduchu yoahiti dachori paye  
dachorire cüri jire pari turi Cohamacu. Tí dachorita mipure  
jira. Payu cühmari baharo Israe masa cjiri Cohamacure ti  
tuho muhtari baharo tí dachorire yahuri jire Davi cjiro sehe.  
Cohamacu tirore to yahu dutichu yahuri jire tiro. Cohamacu  
ya durucua ti joarire musare yu yahua dachorire ñ sehe ni  
joari jire Davi cjiro:

“Ahri dachorire yuhu Cohamacu musare yu  
yahuchu yuhdurucaro marieno noano  
yuhitiga masa yuhure”,

ni joari jire panopure. <sup>8</sup> Tí pjarure Josué cjiro Israe masare  
Cohamacu to wari yahpai na suri jire. “Yuhu mehne wapu tiro  
marieno soina jahca” nino, tí yahpai ti sohtore nino nierari  
jire Cohamacu. Tí yahpai so dutiro, paye dachori to yuhduchu  
yoahiti dachorire cüeraboa tiro. <sup>9</sup> Wiho mejeta seis dachori  
baharo ahri yahpare to yoari baharo Cohamacu to dahra  
duhuriro seheta mari to yaina cühu tiro mehne wapu tiro  
marieno mari sohto jirohca. Tiro mehne mari noano jihto  
jirohca. <sup>10</sup> Cohamacu sehe to dahrarire duhunocasiniri jire.  
Tó seheta tiro mehne soina cühu mari wapu tirire  
duhunocanahca. <sup>11</sup> Ñ jina mari to yaina noano yoajihna.  
Cohamacu yare noano yuhitijihna tiro mehne mari noano  
sohto sehe. Panopu macaina mari coyea cjiri ti yuhdurucari  
baharo Cohamacu mehne macaina ji masierari jire tina.  
Tina yoaro sehe yoarena tjijihna mari.

<sup>12</sup> Cohamacu ya durucua marine catichu yoara. Noaa  
sehene marine cohtotachu yoara. Ñ jia to ya durucua wiho  
jia jierara. Ñ yoa ñosari pji pu bühuseheri siori pji mehne  
dihirore ti yihso ñu ti masiriro seheta to ya durucua cühu  
mari jia tiare noano masichu yoara. To durucua mari

tũhochũ, tíre mari buhechũ mari jia tiare, mari tũhotua cũhũre noano masi pahñochũ yoara marine. **13** Ne Cohamacũre mari jia tiare mari dohse yoarire nũo masieraja mari. Jipihtiare to bajuamehnerire, to bajuamehnerina cũhũre ñũna tiro. Ñ jina mari yoarire tirore yahu yũhdũro cahmana marine.

### **Jesu tuariro mari sacerdotea pũhtoa bui pũhtoro jira**

**14** Jesu Cohamacũ macũno to Pũcũro cahapũ tjuariro jira. Tiro tuariro mari sacerdotea pũhtoa bui pũhtoro jira. Ñ jiro marine Cohamacũre sini payora. To ã jiriro jichũ ñũna mari sehe to yare noano yũhtijihna. Tirore noano wacũ tuarucujihna. **15** Tiro mari sacerdotea pũhtoa bui pũhtoro mari ñano yũhdũchũ ñũno noano pja ñũriro jira. Mari ñaa goa pjaare masina tiro. Watĩno jipihtiare ñaare marine to yoa dutiriro seheta tiro cũhũre ñaare yoa dutimari jire. To ã yoa dutipachũta tiro ñaare yoaerari jire. Ñ ñaare to yoa dutimariro jiro, marine pja ñũno tiro yoadoho masina marine. **16** Ñ jina cuiro marieno Cohamacũre sinijihna. Tiro marine cahĩna. Ñ jiro tirore mari sinichũ tiro sehe pja ñũno, marine yoadohorohca. Watĩno marine to ñaare yoa dutichũ, mari ñano yũhdũchũ cũhũre tiro marine yoadohorohca.

**5** <sup>1</sup> Sacerdotea pũhtoa bui pũhtoro besero, masũnore besera Cohamacũ. Ñ to beseriro jiro sacerdotea pũhtoa bui pũhtoro sehe tiro mehne macainare yoadohoro taro, Cohamacũre dahra cohtariro jira. Ñ jiro ti ñaare ti yoari buhiri Cohamacũre sinibasara tiro mehne macainare. Wahiquirore wajã jũ mũono, Cohamacũre sinibasara. <sup>2</sup> Sacerdotea pũhtoa bui pũhtoro paina masa yoaro sehe noano masi pahñoerariro jira. Ñ masi pahñoerariro jiro paina masierainare yoadoho masina. Ñ jiro noano yoaeraina cũhũre noano yoadoho masina. <sup>3</sup> Ñ jia sacerdotea noano yoa pahñoeraina jia ñaa buhiri tiina jira tina cũhũ. Ñ jia ti basi ti ñaare ti yoari buhiri wahiquirore wajã jũ mũo, Cohamacũre sinina. Paina masare yoadohoa taa, ti ñaa buhiri ti sinibasariro seheta ti basi ti ñaa buhiri cũhũre sinina Cohamacũre.

<sup>4</sup> To basi to mũ sũro sacerdotea pũhtoa bui pũhtoro sãaerara. Cohamacũ sehe tirore besero, sacerdotea pũhtoa bui pũhtoro sũna. Panopũ macariro Aarõ cjirore to cũriro seheta paina sacerdotea pũhtoa bui pũhtoro cũhũre cũna tiro. <sup>5</sup> Tó seheta Cristo cũhũ to basi to mũ sũro sacerdotea pũhtoa bui

pũhtoro sãaerari jire. Cohamacũ sehe tirore pũhto sũno, õ sehe niri jire:

“Yũ macũ jira mũhũ.

Michare yũ macũ mũ jiare masichũ yoaihca”, niri jire Cohamacũ. <sup>6</sup> Pa tehe õ sehe niri jire Cohamacũ Cristore:

“Jipihtia dachoripe sacerdote jirucuihca mũhũ.

Melquisede to jiro sehetã sacerdote jirucuihca mũhũ”,

niri jire to macũnore. <sup>7</sup> Cristo ahri yahpai jiro saũurucua mehne, yahco mehne Cohamacũre tuaro siniri jire tiro “Yũhũre masoga”, nino. Cohamacũ sehe tirore yariare maso masiriro jira. To ã sinichũ Cohamacũ tũhori jire tirore. Cohamacũ cahmaa dihtare to yoachũ ñũno Cohamacũ sehe to sinirire tũhoro, tirore yũhtiri jire. <sup>8</sup> Cristo Cohamacũ macũno jiparota ñano yũhdũri jire tiro. ã ñano yũhdũro yũhtiri jire Cohamacũre. ã yũhtiro noano yũhtiare masiri jire. <sup>9</sup> ã ñano yũhdũro, crusapũ yariaro jipihtina tirore yũhtihtinare yũhdũchũ yoahitiro wahari jire. <sup>10</sup> ã jiro Cohamacũ sehe tirore sacerdotẽa pũhtoa bui pũhtoro cũri jire. ã jiro Melquisede sacerdotẽa pũhtoro to jiro sehetã jira Cristo.

### **Cristo yaina tirore wacũ tua duhuchũ cua nina**

<sup>11</sup> Payũ õ sehe jiare mũsare yahu namo duaja sã. Sã ã yahu namo duapachũta mũsa sehe dapu bũtiina jira. ã jina mũsare sã yahuchũ mijo nina sãre. <sup>12</sup> Yoari pja Cristo yaina jimana mũsa. ã jina mipũre painare buheinapũ ji tuhsũboa mũsa. Mũsa ã jinarũ jiborina jipachũta paina mũsa sehere buheahca tjoa. Cohamacũ yare mijoera curea buhea dihtare tũhora mũsa. Wihãinacã pẽcho dihtare ti sihni masino sehetã mũsa cũhũ mijoera curea dihtare noano tũhora. Wahma buhe dũcaina yoaro sehe jira mũsa. <sup>13</sup> Pẽcho sihniina wihãinacã jisina. Tina yoaro sehetã mũsa cũhũ jira mijo cureare tũhoerana. “Ahri ñaa jira. Ahri noaa jira”, ni bese masierara mũsa. <sup>14</sup> Chũare chũina sehe bũcũna jira. Tina yoaro sehe jiina noano tũho masiina noano buheina jira. “Ahri ñaa jira. Ahri noaa jira”, ni bese masina tina sehe.

**6** <sup>1-2</sup> ã jina Cohamacũ yare noano masiina, noano yũhtiina jijihna. Cristo yare wahmanore mari buhe dũcana õ sehe masi dũcai: Mari mũ sũro mari yoaa yaba cjihti jierara. Mari

noano yoaa mehne yũhdũsi mari. Cohamacũre wacũ tuaro cahmana marine. Ahrire wahmanopũre buhe dũcare marine. ã Jia bautisaare, wamomacarire marine ti duhu payoare, yariaina ti masa mũjaare, ahri dacho to pihtiri baharo Cohamacũ to buhiri dahrehtore, to buhiri dahrehtina ti ñano yũhdũrucuhto cũhũre ahri cũhũre wahmanopũre marine buhe dũcare. Õ sehe jia buheare masi tuhsũ, paye sehere noano buhe namojihna tjoa. <sup>3</sup> ã Jina Cohamacũ to cahmachũ ãta yoanahca mari.

<sup>4</sup> Mari ã yoaerana Cohamacũ yare duhuboca mari. Cohamacũ yare masiina jipahta tíre duhuinare ne pari turi pano ti ñaa tũhotumarire cohtotachũ yoa masierara. Tó sehe jiina Cohamacũ tinare to noano yoahore masia, Espíritu Santo to yoaa tiare mahanocã masimare. <sup>5</sup> ã yoa Cohamacũ ya durucuare tũhoa noaa durucua ti jichũ masimare. Tuhsũ, pihtiri dacho baharopũ Cohamacũ to tuaa mehne mari ã jirucultore, masare to buhiri dahrehto cũhũre tina masimare. <sup>6</sup> ã jiiaparũre Cristo yare duhurinare pari turi ti ñaa tũhotumarire tinare cohtotachũ yoa masierara. Tó sehe yoaina Cohamacũ macũnore pari turi crusapũ ti cjã puharo seheta tirore yoaa nina. Ti ã yoachũ ñaa paina masa Cristore bũjũpera. Ti ã yoachũ tinare ti ñaa tũhotumarire tinare cohtotachũ yoa masierara. <sup>7</sup> Õ sehe jira tí mari piti dahre buhechũ: Noari yahpare pjíro coro tachũ tí toaa noano du, dicha tira. ã jiro tí wese pũro dichare cjũara to chũhtire. Tí yahpa Cohamacũ noano to yoari yahpa jira. (Tó seheta noano yoara tiro to yaina cũhũre.) <sup>8</sup> Wiho mejeta agã pota mehne, tja mehne tí yahpa diaro yaba cjihti jierara. ã jiri yahpa Cohamacũ to jũ cohãhti yahpa jira. ã jiro tí yahpare jũnocanohca. (Tó seheta yoara tiro tirore duhuinare.)

### **Cristore ã ño payorucuinare yũhdũchũ yoara Cohamacũ**

<sup>9</sup> Yũ cahĩina, mũsare ã ni yahupaihta mũsa sehere “Cristore duhuina jira”, nii nieraja. Mũsa sehe Cristo to yũhdũchũ yoaina jira. ã Jina noare yoana nica mũsa. Tíre masija yũhũ. <sup>10</sup> Noano mari yoari wapa quihõno marine noano yoariro jira Cohamacũ. ã jiro to yare mũsa tuaro dahrari wapare bosí tiro. Tirore cahĩna noano yoadohore mũsa tirore. Paina Cristo yaina cũhũre yoadohore mũsa. ã yoa tinare yoadohosinina nica mũsa. ã yoaina mũsa jichũ ñũno bosí tiro. <sup>11</sup> Mũsa catisinino puro painare mũsa cahĩrucuchũ, mũsa yoadohorucuchũ

cũhũre cahmaja sã, baharopũ Cohamacũ yare mũsa duhuri nina. Mũsa ã noano yoachũ ñũno noano yoarohca Cohamacũ mũsare. **12** ã jina mũsa cara bujũina mũsa jichũ cahmaeraja sã. Paina Cristo yaina ñano yũhdũpahta to yare ne duhuerara. Ti ã yoachũ ñũno Cohamacũ “Mũsare waihtja”, to nirire tinare wa pahñonohca. ã jina mũsa cũhũ tina yoaro seheta yoarucuga.

**13-14** Panopũ Cohamacũ Abrahã cjirore õ sehe ni cũa tiri jire: “Yũ wama mehne ahrire potocã nii nija mũhũre. Mũhũre noano yoaihtja. ã yoacũ mũ panamana ji turiainarũre payũ masa jichũ yoaihtja”, ni yahu cũa tiri jire Cohamacũ Abrahã cjirore. ã ni yahu cũno to ya wama mehne ã ni yahuro niri jire. Pairo tiro bui jiriro ne mariachũ to ya wama mehne to basita ã ni yahua tiri jire. **15** “Mũhũre noano yoaihtja”, Cohamacũ to ni cũrire Abrahã cjiro sehere noano to cohtachũ ñũno to niriro seheta tirore noano yoaa tiri jire. **16** “Cohamacũ mehne potocã nina nija”, masa sehe nia, tina ti bui jiriro wama mehne ã ni yahua nina. “Cohamacũ mehne potocã nii nija”, cũiro to nichũ tũhoro tiro paio mehne cahma sayoriro “Potocã tjira”, ninohca. ã jia cahma sayo duhuhca tina. **17** Cohamacũ Abrahãre “Mũhũre noano yoaihtja”, ni cũno to ya wama mehne ã ni yahua tiri jire. To ã ni yahurire tũhona “Potocã tjira tí. ã yoa to niri ne cohtotasi” ni, masija mari. Tĩre mari masihto sehe to ni cũri mehne “Yũ wama mehne potocã nii nija”, ni yahua tiri jire Cohamacũ. **18** ã jiro pũaro to ni durucuri mehne potocãta to nirire masichũ yoari jire Cohamacũ marine: To ni cũri cũhũ “Yũ wama mehne potocã nii nija”, to ni yahuri cũhũ tí pũaro mehne to ni durucurire yahua tiri jire tiro. To ni cũri cũhũ, “Yũ wama mehne potocã nii nija”, to ni yahuri cũhũ ne cohtotaerara. Cohamacũ ne mahñoerara. To ã jiriro jichũ masina, marine to yoadohohtore macana, tirore noano wacũ tuana, wahchea mehne marine to yũhdũchũ yoahore cohtanahca mari. **19-20** ã to yũhdũchũ yoahore cohtana, wacũ tuaina jija mari. ã jina cuieraja. Sacerdotea pũthoa bui pũhtoro Cohamacũ to jiri tahtia waropũ sãano, dũcatari suhtirore yũhdũ sãahna. ã sãano masa ya cjihtire sini payobasara Cohamacũre. To ã yoariro seheta Jesu cũhũ baharo mari wahahto seheta mũanopũ Cohamacũ cahapũ waharo, mari ya cjihtire sini payobasara Cohamacũre. Tópũ mari wahahto pano tiro sehe wahari jire. ã jiro jipihtia

dachoripe sacerdotea pũthoa bui pũthoro jira tiro. Melquisede sacerdote to jiriro seheta sacerdotea pũthoro jirucura tiro cũhũ.

### Melquisede sacerdote to jiriro seheta Jesu sacerdote jira

**7** <sup>1</sup> Melquisede cjiro sehe Salẽ wama tiri maca macaina bui pũthoro jia tiri jire. Sacerdote jiro Cohamacũ tuarirore, mũano macarirore sini payobasariro jia tiri jire. ã jiro paina pũthoate Abrahã cjiro cahma wajã yũhdũrũca tuhsũ, to tjua tachũ waro Melquisede cjiro to ya macai jiriro Abrahã cjirore piti bocaro sũa tiri jire. ã piti bocaro tirore sini payobasaa tiri jire Cohamacũre: “Noano yoaga ahrirore”, ni sini payobasaa tiri jire Cohamacũre Abrahã cjirore. <sup>2</sup> To ã piti bocahto pano Abrahã cjiro sehe tirore ñũ tuhtiinare wajã tuhsũ to wajãrina cjiri pũthoa yare naa tiri jire. To ã nari cjirire mahanocã waa tiri jire Melquisede cjirore. Cohamacũ to dutiriro purocãta mahanocã waa tiri jire Melquisede cjirore. Melquisede cjiro to wama sehe “Bui pũthoro noano yoariro jira”, nino nina. Tiro cjiro Salẽ wama tiri maca macaina pũthoro to jichũ to wama õ sehe nino nina: “Bui pũthoro noano jichũ yoariro”, nino nina. “Salẽ” nino, “Noano jia”, nino nina. <sup>3</sup> Ne Melquisede cjiro pũcũsumare, to pano ji mũhtainare to coyeare ti yahu joa õri mariahna. To masa bajarire, to yariari cũhũre yahu joa õri mariahna. ã jiro ã jirucuriro yoaro sehe jira tiro cjiro. To ã jiriro jichũ Cohamacũ tiro mehne marine piti dahre buhera. Cohamacũ to macũno to sacerdote to jirire marine buhera. Melquisede cjiro sacerdote ã jirucuriro yoaro sehe jira. Tiro yoaro seheta Cristo cũhũ sacerdote ã jirucuriro jira.

<sup>4</sup> ã jiro Melquisede ne wiho jiriro jiera tiri jire. Abrahã mari ñũchũ cjiro pũthoro waro jiparota mahanocã to tjua narire tiro sehere waa tiri jire. Mahanocã waa tiri jire Melquisedere. <sup>5</sup> ã jia Cohamacũ dutia Moise cjirore to cũri dutia jipihtina paina Israe masare tó purota wapa dutira. ã dutiro Leví panamana ji turiainare ti coyea waparire ñaha dutiro, cũa tiri jire. Leví panamana sacerdotea wahaa tiri jire. ã jia Israe masa Abrahã panamana ji turiaina jipahta ti sacerdotearo wapa tiri jire. <sup>6</sup> Melquisede sehe Leví panamino ji turiariro jieraparota wapa naa tiri jire Abrahãre. Cohamacũ “Mũhũre noano yoaihtja”, to ni cũriro jiparota Abrahã sehe Melquisedere wapa tiri jire. ã jiro Melquisede sehe Cohamacũre Abrahãre sini payobasaro noano yoa dutia tiri jire. <sup>7</sup> Noano yoa dutiriro

Melquisede cjiro sehe to noano yoa dutiro bui Abrahã bui jira. Tíre mari noano masija. <sup>8</sup> Mari mehne macaina sacerdotea marine mahanocã wapa naina mari yoaro seheta masa jira. ã jia yariahtinata jira tina cũhũ. Ahriro Melquisede sehe Abrahãre mahanocã wapa nariro cjiro ã catirucuro yoaro sehe jira, mari piti dahre buhechũ. To yariarore yahueraro, ãta nino nia tiri jire Cohamacũ yare ti joari pũi. <sup>9</sup> Mipũ macaina Leví panamana ji turiaina sacerdotea jia, mahanocã wapa nana. ã jiina ti jipachũta Abrahã Melquisedere mahanocã waparo jipihntina Leví panamana ji turiaina ya cjihti cũhũre wabasaro sehe yoaro nia tiri jire. ã jia tina cũhũ Melquisedere mahanocã wapaina yoaro sehe jira. <sup>10</sup> Melquisedere Abrahã to wapari pjare Leví sehe masa bajuerasinia tiri jire. ã masa bajuerasiniparota to ñũchũno cjiro Abrahã pjacũpũ to jiboriro seheta Leví sehe ji tuhsũro nia tiri jire. ã jiro Melquisede Abrahãre to piti bocachũ Leví cũhũ to ñũchũno cjiro mehne jiro sehe jiro nia tiri jire. ã jia Leví, to panamana ji turiaina mehne Melquisedere mahanocã wapaina yoaro sehe jia, tina to docai jia nia tiri jire.

<sup>11</sup> To dutiare cũno Cohamacũ Levíre to coyera cũhũre sacerdotea ji dutia tiri jire. ã jia to dutia ti niriro seheta tina sacerdotea wahiquinare wajã jũ mũo, sinibasaa tiri jire Cohamacũre masa ya cjihtire. Ti ã yoari mehne mari yũhdũna, paio sacerdotere soro sehe jiro sacerdotere cahma namoeraboa mari. ã jina paio sacerdotere cahmaja mari mipũre, Melquisede yoaro sehe jirore. Leví ya curua macariro Aarõ cjiro yoaro sehe jiina sacerdoteara mipũre mari cahmaeraja. <sup>12</sup> ã jina sacerdotere mari cohtotana, marine dutia cũhũre cohtotaro cahmana marine. (Sacerdotea ti yoadohoa mehne mari yũhdũeraro seheta tí dutia mehne mari yũhdũeraja. ã yoana tí dutiare cohtota pahũono cahmana marine.) <sup>13</sup> Aarõ, Leví cũhũ ti ya curua macaina dihtare sacerdotea sãa duti mũhtaa tiri jimare Cohamacũ to dutiare cũno. To ã dutipachũta mipũre mari pũhtoro sacerdote to sũriro pa curua macariro jira. Tí curua macariro ne sacerdote jierasinare. <sup>14</sup> Tiro Cristo Juda ya curua macariro masa bajuari jire. Tíre mari noano masija. Moise cjiro sehe sacerdotea sũno, Juda ya curua macainare ne cũiro sacerdote sũera tiri jire.

<sup>15</sup> Ahrire masina, õ sehe mari noano masija: Mipũre wahma to sũriro sacerdote Cristo Melquisede yoaro sehe jiro jira.

<sup>16</sup> Panopũ macaa dutia ti niriro seheta Leví ya curua macaina



dihta sacerdotea sãari jire. Mipure to sãiro sacerdote ti yoaro sehe jiro sacerdote sãerari jire. Tiro Cohamacu tuaa mehne jipihitia dachoripe jiro jira. ã jiro tí tuaa mehne sacerdote sãari jire tiro. 17 Õ sehe nina Cohamacu yare ti joari pũ:

“Jipihitia dachoripe sacerdote jirucuihca mũhũ.

Melquisede sacerdote to jiro seheta sacerdote jirucuihca mũhũ, nia tiri jire Cohamacu to macunore”,

ni joaa tiri jire panopũ. 18 To dutia to cũ mũhtari dutiare masa ti bihoerachũ yaba cjihti jierari jire. ã jiro tí dutiare duti namoerari jire Cohamacu. 19 Moise cijirore to cũri dutia mehne ne yũhdũerara masa. ã jiro mipũ sehene Cohamacu marine to yũhdũchũ yoahore marine cũre. To ã yoachũ mipure tiro cahapũ waha masija mari. ã yoa tiro mehne durucu masija.

20 ã yoa Cristore sacerdote sõno, “Yũ wama mehne potocã nii nija”, nino tirore sõri jire to Pũcũro. Paina sacerdotearo tirore to yoariro sehe wama payo sõerari jire. 21 Cristo sehe Cohamacu tuaro to yahuri mehne sacerdote sãari jire. Õ sehe nia tiri jire to Pũcũro Cristore:

“Yũhũ mũ pũhtoro yũ wama mehne mũhũre potocã yahuihtja.

Ahrire ne duhu cũno marieno yahuja mũhũre.

Jipihitia dachoripe sacerdote jirucuihca mũhũ”,

ni cũa tiri jire Cohamacu to macunore. 22 ã “Yũ wama mehne potocã nii nija”, to nino mehne cũno, wahma buheare noaa buheare marine cũno, marine to yũhdũchũ yoahore cũno nia tiri jire. Panopũ macaa dutia yũhoro mari noano jihtore cũno nia tiri jire. ã cũno Cohamacu “Mũsare yũhdũchũ yoaihtja”, to niriro seheta yoaro taro, Jesure warocari jire marine yũhdũchũ yoahitiro cjihtore. 23 Ji mũhtaina sacerdotea ti yariachũ ñaa paina cohtota sãana tjoa. ã jia tina payũ sacerdotea wahara. 24 Jesu sehe ã jirucura. ã jia tirore cohtotaina mariahna sacerdotea. 25 ã jiro tiro ã jirucuro, Cohamacure ã sini payobasarucura to yaina ya cjihtire. ã yoa Cohamacu mehne ti ã jirucuhto sehe masare yũhdũchũ yoa masina tiro. Jipihitina tirore wacũ tuaina Cohamacu cahapũ wahaahca. ã jiro Jesu jira pototi tinare yũhdũchũ yoariro.


26 ã jiro Jesu jira mari sacerdotea pũhtoa bui pũhtoro. Tiro pinihtare tuaro cahmaja mari. Ne ñaa buhiri marieriro jira tiro. Masa yoaro sehe ne ñaare yoerare. ã jiro Cohamacu

tirore ñaina cahai jirirore naahno, мѡанорѡ cũ, jipihtina paina bui pũhtoro sōri jire. **27** Paina sacerdotea yoaro sehe jierara tiro. Tina sehe dachoripe wahiquinare wajã, jũ мѡоа, Cohamacũre sinia tihre. Ti basi ti ñaa yoari buhirire sini mũhtaa tihre. Baharo paina masa ti ñaa buhiri cũhũre sinibasaa tihre tina. ã jia payũ tahari tina Cohamacũre sinia tihre. Jesu sehe sacerdotē jiro, cũ tahata to yariaa mehne siniri jire Cohamacũre masa ti ñaa buhirire cohãno taro. ã yariaro to basi to pjacũre to catia cũhũre Cohamacũre to waboriro seheta yoaro niri jire. **28** Cohamacũ dutia Moise cjirore to cũri cjiri sacerdotea pũhtoare sãa dutira. ã sãapahta ñaa marieina jierara ã sacerdotea sãa. Tí dutia baharo jia buhea mehne Cohamacũ “Yũ wama mehne potocã nii nija”, to nino mehne to yahuri buhea mehne to macũno sacerdotea pũhtoro sãari jire. Tiro sehe ñaa marieriro ã jirucura.

**Cohamacũ “Mũsare yũhdũchũ yoaihtja”, ni cũha tjoa Moise cjirore to cũrire cohtotaro. Tíre yahubasariro jira Jesu**

**8** **1** Tí jipihtiare yahuna, ahri pinihtare mũsare yahuna nija: Mũsare sã yahuriro sacerdotea pũhtoa bui pũhtoro tiro pini mari yairo waro jira. Мѡанорѡ Cohamacũ tua yũhdũariro to pũhtoro dujiro cahai to poto bũhũsehei dujira Cristo mari sacerdotea pũhtoro. **2** ã jiro ahri yahpa macari wũhũi, masa ti yoari wũhũi sacerdotea dahraare yoerara tiro. Мѡанорѡ jiri wũhũpũre mari pũhtoro to yoari wũhũpũre sacerdotea dahraare yoara tiro. Tí wũhũ pinihta Cohamacũ waro ya wũhũ jira.

**3** Jipihtina ahri yahpa macaina sacerdotea pũhtoa wahiquinare wajã jũ мѡоа, wara, Cohamacũre ño payoа. ãta yoa dutia tiri jire tinare. Mari yairo sacerdotē cũhũre wa dutia tiri jire Cohamacũre mari ño payohto sehe. Mari ñaa buhirire tirore wa dutia tiri jire. ã jiro Cristo mari ñaa buhiri yariaro wahchechũ yoari jire Cohamacũre sacerdotea pũhtoa Cohamacũre waa ti wahcheriro seheta. **4** Mari judio masa mari dutia ti niriro seheta ahri yahpapũ sacerdotea masa ti ñaa buhirire wara Cohamacũre sinia. Ahri yahpapũ sacerdotea ji tuhsũra. ã jiro Jesu sehe mari yairo sacerdotē ahri yahpapũ jisnino, sacerdotē jieraboa tiro sehe. **5** Ahri yahpa macaina sacerdotea ti dahraare ahri yahpa macari wũhũihta dahrara. Tí wũhũi Cohamacũre ti ño payorire ñũna mũano macari



wãhũpũre tirore mari ño payohtore masi cureja. “Tí wãhũ yoaro sehe jira”, nino nia tiri jire Cohamacũ tũcũ Moise cjirore to wãhũre dahre dutiro. To ã dahrehto panocã Cohamacũ õ sehe nia tiri jire tirore: “Tũcũ mũhũre yũ ñoriro seheta tí wãhũ to jiriro seheta yũ ya wãhũre quihõno dahrega”, nia tiri jire Cohamacũ tirore. <sup>6</sup> Mipũ sehere Jesu sacerdote jiro to dahraa paina sacerdotea ya dahraa yũhgoro jira. Wiho waro jierara. Cohamacũ marine “Mũsare yũhdũchũ yoaihtja”, to ni yahuri cjiri panopũ macaa dutia Moise cjirore to cũri dutia yũhgoro jira. Marine to yahuri cjiri tí dutia yũhgoro marine noano jichũ yoahca. ã jiro marine Cohamacũre yũhdũchũ yoabasariro jiro, Cristo sehe paina sacerdotea yũhgoro jira.

<sup>7</sup> Wahmanopũre to dutiri cjiri mehne mari yũhdũeraja. Tí dutia mehne mari yũhdũchũ, paye buheare cũeraboa Cohamacũ. <sup>8</sup> Wiho mejeta tí dutiare ti yoa pahũno masierarire yahuro õ sehe nia tiri jire to yainare Israe masare:

“Õ sehe nina mari pũhtoro: ‘Noano tũhoga.

Baharopũ paye buheare “Õ sehe yoadohoihtja mũsare”, ni yahuihtja yũ yainare Israe masare, Juda ya curua macaina cũhũre.

<sup>9</sup> Tí buhea ti ñũchũsũma cjirire yũ yahu cũri cjiri yoaro sehe ne jisi.

Yũ basi tinare Egipto yahpai jiinare na wiochũ tinare yahumai.

Yũ ã ni yahurire yũhdũrucare tina.

Ti ã yoachũ ñũcũ tinare ã ñũnocahi.

10 Ñ jicũ baharopũ Israe masare õ sehe ni yahuihtja:

Yũ dutiare tinare wacũchũ yoaihtja.

Ñ jia yũ dutiare yũhtiahca.

Ñ jicũ yũhũ Cohamacũ ti pũhtoro, tinare ñũ  
wihboriro jiihtja.

Tina sehe yũ yaina masa jiahca.

11 Ñ jia tí pjare tina mehne macainare ne tina õ sehe

cahma nisi: “Mari pũhtorore Cohamacũre  
masiga mũsa”, ne ni cahma buhesi.

Tina jipihtina yũhũre masi tuhsuahca.

Wihãinacã, bucũna cũhũ yũhũre masiina  
dihta jiahca.

12 Ñ jicũ ti ñaa yoari buhirire boihca yũhũ.


Tinare buhiri dahresi yũhũ.

Ti ñaa yoari buhirire pari turi wacũsi yũhũ’,  
nia tiri jire mari pũhtoro”,

nina Cohamacũ yare ti joari pũi. 13 Mipũre marine wahma  
buheare cũno, panopũ macaa dutiare duhuro nire. Ñ yoa  
mũna dutia cjirire mahanocã to duhuri baharo tí dutia cjiri  
cohtotaa wahara.

### Ahri yahpa macari tahtiare mũano macari tahtia cũhũre Cohamacũre ño payori tahtiare yahuha

**9** <sup>1</sup> Wahmanore Cohamacũ to dutiare Moise cjirore cũno  
masa tirore dohse ti ño payohto cũhũre cũa tiri jire. Ñ  
yoa Cohamacũre ti ño payohti wũhũ cũhũre yoa dutiro cũa  
tiri jire. <sup>2</sup> Tí wũhũ wahiquina cahsari wũhũ jia tiri jire. Pũa  
tahtia cjũaa tiri jire. Pjiwacũri tahtia ti sãa sũ mũhtari tahtia  
Cohamacũ ya tahtia wama tia tiri jire. Tí tahtiai ti sihã  
buhriadũ jia tiri jire. Ñ jiro mesa cũhũ jia tiri jire. Tí mesa bui  
Cohamacũre ti wari pão pisaa tiri jire. <sup>3</sup> Pa tahtia suhti cahsari  
mehne ti dũcatari tahtia jia tiri jire. Tí tahtia Cohamacũ to jiri  
tahtia waro wama tia tiri jire. <sup>4</sup> Tí tahtiai uru mehne ti yoari  
altar, inciensore ti jũ mũori altar jia tiri jire. Ñ yoa uru noaa  
mehne ti duhu õri caro tói coãa tiri jire. Tí caro puhichapũ  
uru wahwa maná wama tia chũa posa tiri wahwa jia tiri jire.  
Ñ jiro tí caro puhichapũ Aarõ to tjuadũ cjiro pũri tidũ jia tiri  
jire. Ñ yoa pũa pjĩ tãa pjĩni Cohamacũ to dutiare to joa õa



pjini cūhū tí caro puhichapū sãa tiri jire. <sup>5</sup> Tí caro bui p̄aro anjoa masū jia tiri jire. Tí masū Cohamacū to si siteare, tí tahtiai to jiare ñoa nia tiri jire. Tí caro mohano bui ti w̄ua d̄up̄ari mehne mohaa tiri jire. Tí caro mohano bui masa ñaa buhirire ti warire wajã site payoa tia tiri jire sacerdotea p̄ahoro. Tó purota yahuihtja ahri w̄uhū macaare mip̄ure.

<sup>6</sup> ã yoa tí w̄uh̄ure ti noano cah̄nori baharo sacerdotea dachoripe ti sãa sū m̄uhtari tahtiai sãa sū, ti dahraare yoaa tia tiri jire. <sup>7</sup> Sacerdotea p̄ahtoa bui p̄ahoro dihta pa tahtiap̄ū sãa tiri jire. C̄uh̄maripe cū tahata to sãari dacho baroihta sãa tiri jire tiro. ã sãano ti wajãriro wahiquiro ti wariro dire na sãano, Cohamac̄ure ño payoa tiri jire. Di marieno ne sãaera tiri jire. To basi wac̄ūenoca to yoari buhirire, to ñaa buhirire, jipihtina paina Israe masa wac̄ūenoca ti yoari buhirire, ti ñaa buhirire dire na sãa tiri jire tiro Cohamac̄ure sini payoro taro.

<sup>8</sup> Jipihtia ahri mehne Esp̄iritu Santo õ sehe ni marine buhero nina: Tí w̄uh̄ai Moise c̄jire to c̄uri w̄uh̄ai mari ño payosinina, to c̄uri dutiare yoah̄tina jis̄inina, wiho jiina Cohamac̄ure ño payona wahaeraboia mari. Sacerdotea p̄ahtoa bui p̄ahoro dihta Cohamac̄ū to jiri tahtia warop̄ū sãa masina. ã jina wiho jiina ti ño payoa wahaeraro seheta ãta jiboa mari cūhū Moise c̄jire to c̄uri dutiare c̄j̄uas̄inina. <sup>9</sup> Ahri jipihtiare Cohamac̄ure ño payori w̄uh̄up̄ū jiare marine c̄ūno, marine mip̄ū macainare

buhero niri jire Cohamacu. Wahiquinare wajã jũ m̃oa, masa Cohamacure ti ño payori mehne ne Cohamacu caharũ wahasi. Ti ã yoari mehne ti ñaa yoari buhirire cosawerara. 10 ã wahiquinare waa, ti chua, ti sihnia, ti pjacũ cosaa, ti õ sehe yoaa mehne Cohamacure ño payoa timari jire. Ahri ti ã yoari wiho warota jira mip̃re. ã yoa tí dutia Moise cjirore to cūri dutia marine noaina wahachũ yoaerari jire. Tí dutiare yoapanah̃ta m̃nanota jirucunocaja mari. Mari t̃hotuare cohtotaeraja mari. ã jia wahma buheare Cohamacu to cūri baharo m̃na dutia sehe yaba cjihti jierara.

11 Cristo sehe mari sacerdotea p̃htoro jiro ta tuhs̃ari jire. ã jiro marine noaare cū tuhs̃ari jire. Cohamacure ño payori w̃hũ m̃nanop̃ sacerdotea p̃htoro to dahrari w̃hũ paina sacerdotea ti dahraa w̃hũse ỹh̃doro noari w̃hũ jira. M̃ñano macari w̃hũ jira. Tí w̃hũ ahri yahpa macari w̃hũ jierara. ã yoa masa ti yoari w̃hũ jierara.



12 Cristo muanopu Cohamacu to jiro waropu cã tahata sãari jire mari ñaare yoari buhirire Cohamacure waro sehe yoaro taro. Tõpu muanopu õpu to jiri tahtia waro yoaro sehe jira mari piti dahre buhechu. ã yoaro cabritoa dire, wachuacã dire na sãa, waerari jire tiro. Tiro sehe to ya di warore Cohamacure to waro sehe yoaro niri jire yariaro. Jipihtia dachoripe Cohamacu mehne mari jirucuhto sehe to dire cohãri jire. Mari ñaa buhirire yariari jire. 13 “Yariainare pihana musa pjacu wete tiina jira”, ni cãa tiri jire Cohamacu Moise cjirore. Tõ sehe jia ñaare wete tiare cosawea tiri jire cabritoa dire ti wari mehne. Wachua dire ti wari mehne, wachuacãre ti jãri nitine ti wari mehne tõ sehe jia ñaare cosawea tiri jire. 14 Tõ sehe jia ñaare wahiquina dire ti wari mehne, nitine ti wari mehne ti cosaweriro seheta tí yũdoro Cristo sehe to dire to cohãno mehne mari ñaare yoarire noano cosawe pahñonocahna. Tiro ñaa marieriro jiro, crusapu yariaro to basita to pjacu to catia mehne Cohamacure waro sehe yoari jire. Espiritu Santo ã jirucuriro to yoadohoa mehne ã yoari jire tiro. ã yoa mari ñaa yoari buhirire Cristo to cosawechu ñuno mari ñaa buhirire Cohamacu bonocahno, mari ñaa yoarire duhuchu yoara. Tí ñaa buhirire cjuasinina pichacapu wahahtina jimai mari. To cosawerina jina, Cohamacu catiriro yare yoaina jija mari.

15 ã jiro “Õ sehe musare yũdũchu yoaihtja”, masare Cohamacu to ni yahu cũchu Cristo sehe to yahuaire yahubasariro jira. ã yahubasara tiro Cohamacu to beserinare yũdũchu yoaro taro. To ã yũdũchu yoachu jipihtia dachoripe tiro mehne jirucunahca mari to yaina. ã jina mari to yainare Cohamacu to wahtire cjuanahca mari. Moise cjirore to cãri dutia dihta jichu masa ti ñaa buhiri jisinia tiri jire. ã yoa crusapu yariaro tí pjata ti ñaa yoari buhirire yũdũchu yoari jire tiro to yainare. 16-17 Masuno baharo to coyeare to wahtire joa õyura papera pũi. To wahtire yahuro taro joa õyura. Tí pũre joa õyuriro to yariaerasinichu tí pũ yaba cjihti jierara. To coyea to cjuarire na masierasinina. Wiho mejeta, to yariachu ñua tí pũi to ni joariro seheta to yare naahca tina. 18 To yariahto pano tí pũ to yaba cjihti jieraro seheta yariaro marieno di wijaro marieno Cohamacu Moise cjirore to cãri dutia cũhu ne yaba cjihti jierabo. ã jiro wahiquiro dire sacerdote to wajã siteri baharo to dutiare quilhõnota yoaro nia tiri jire. 19 ã yoaro õ sehe yoa



mũhtaa tiri jire Moise cjiro: Cohamacu to cūri dutiare masare yahu pahñoa tiri jire. Baharo wachuacã dire, cabritoa dire co mehne morea tiri jire. Tuhsu, hisopo wama tidu dũpu mehne oveja pjoari sohãa mehne ti ñimiori pjoarire torẽa tiri jire. Tí dũpu mehne dire soharo, Cohamacu dutiare to joari tju bui wajã site payoa tiri jire. Jipihtina masa bui cũhure wajã site payoa tiri jire. 20 ã yoaro õ sehe nia tiri jire tiro: “Cohamacu marine to yahuri cjiri to dutiri cjiri ahri di mehne ti potocã jichu masija mari. Ahri dire ñuna to niriro seheta marine to yoahdire masija mari. Tí dutiri cjirire yũhti dutiri jire tiro marine”, nia tiri jire Moise cjiro. 21 ã yoaro masare to yoariro seheta Cohamacure ti ño payori wũhu wahiquina cahsari wũhure, jipihtia tí wũhui jia cũhure wajã sitea tiri jire. 22 ã tjira. To dutia ti niriro seheta payu ñaare di cohãno mehne cosawero cahmana. Mahanocã dũhsaa ñaare paye baro mehne ti cosawechu noana. ã jiro Cohamacu mari ñaa yoari buhirire ne bosì to di cohãerachu.

**Cristo to dire cohãno, to yaina ti ñaa yoari buhirire cosawehea**

23 Tí jipihtia Cohamacure ti ño payori wũhu, tí wũhui jia cũhu mũano macari wũhui jia yoaro seheta jiri jire mari piti dahre buhechu. Mũano macari wũhu sehe potocãta Cohamacu ya wũhu waro jira. ã jia ahri yahpa macari wũhure, tí wũhui jia cũhure wahiquina dire to wajã siteri mehne cosawero cahmari jire. Tí yũhgoro mũanopu wahahtinare ti ñaa buhiri cjuainare cosawero cahmana. ã jiro wahiquina yũhgoro jiriro ya di to cohãno mehne tinare ti ñaa yoari buhirire cosawero cahmana. 24 ã yoa Cohamacure ti ño payori wũhu masa ti yoari wũhu jira. Mũano macari wũhu yoaro seheta jira tí wũhu cũhu, mari piti dahre buhechu. ã jiro Cristo sacerdote jiro marine sini payobasaro taro ahri yahpa macari wũhure sãaerari jire. Potota mũanopu wahari jire tiro Cohamacu panoi marine sini payobasaro taro. 25 Mari judio masa mari sacerdotea puhto bui puhtoro cũhmaripe Cohamacu to jiri tahtia waropu sãa tiri jire wahiquina dire waro taro. Cristo sehe to dire Cohamacure waro sehe yoaro taro, yariaro payu tahari sãaerari jire. 26 Payu tahari yariariro jiro, ahri yahpa to jiro puro payu tahari yariaboa tiro. Payu tahari tiro mari ñaa buhirire yariarucuriro jiboa. Wiho mejeta pihtiri dacho panocã mipure marine jipihtinare yũhdũchu yoaro taro cũ tahata



bajuari jire tiro ahri yahpai. Ñ bajuari jire to yariaa mehne mari ñaa buhirire cohãno taro. <sup>27</sup> Jipihtina masa cũ tahata yariaahca. Ti ã yariari baharo masa noainare, ñaina cũhũre beserohca Cohamacũ. <sup>28</sup> Cũ tahata mari yariaro seheta Cristo cũhũ cũ tahata yariari jire payũ masa ti ñaa yoari buhirire cohãno taro. Baharo pari turi tarohca. Mari ñaa yoari buhirire cohã tuhsũriropũ jirohca. Ñ jiro pari turi mari ñaa yoari buhirire cohãno taro nisi. Ñ taro tirore cohtainare wahchea mehne tirore ñũ duainare yũhdũchũ yoaro tarohca.

**10** <sup>1</sup> Cohamacũ to dutia Moise cjirore to cũri cjiri noaa buhea yoaro seheta jipahta, cũno potori jierara. Tí dutia ti yoa dutiriro seheta cũhmaripe wahiquinare wajã, jũ mũo, Cohamacũre ño payorucura. Ti ã yoaa mehne masa ti ñaa yoari buhirire cohãerara. <sup>2</sup> Tí mehne ti ñaa yoari buhirire cohãa, cũ tahata Cohamacũre ti ño payori baharo “Mipũre ñaa buhiri mariahna sãre”, ni tuhutuboa masa. Ñ jia pari turi wahiquinare wajã jũ mũo Cohamacũre ño payoeraboa. Ti ã yoarire duhunocaboa. <sup>3</sup> Cũhmaripe wahiquinare wajã jũ mũo, Cohamacũre ti ño payochũ tí tinare ti ñaa yoari buhirire wacũchũ yoara. Tó purocãta yoadoho duara tí tinare. <sup>4</sup> Wachũa di mehne mari ño payori mehne, cabritoa di mehne mari ño payori mehne ne mari ñaa yoari buhirire cohãerara.

<sup>5</sup> Tí potocãta jira. Ti ã jichũ ñũno Cristo ahri yahparũre to tahto pano õ sehe nia tiri jire Cohamacũre:

“Wahiquinare jũ mũo ti wachũ, trigo pohcare ti wachũ cũhũre mũhũ ñũcũ ñũ ji coerara mũhũ.

Ñ jicũ yũ pjacũre yoare mũhũ yũ ya pjacũ cjihtore.

<sup>6</sup> Ñaa yoari buhirire ti cohãhtore wahiquinare wajã ti jũ mũochũ ñũcũ ñũ ji coerara mũhũ.

<sup>7</sup> Mũ ã ñũ ji coerachũ ñũcũ õ sehe nihi mũhũre:

‘Õi jija. Mũ cahmano seheta yahparũ yoai wahaihtja.

Áta yũhũre ni yahura mũ ya tjurũ’, nihi yũhũ”,

nia tiri jire Cristo to Pũcũrore. <sup>8</sup> “Wahiquinare jũ mũo ti wachũ ñũcũ, trigo pohcare ti wachũ cũhũre ñũcũ ñũ ji coerara mũhũ”, ni yahu mũhtaa tiri jire tiro. Wahmanopũre to dutia wahiquinare, trigo pohca cũhũre ti waa mehne ti ño payo dutipachũta ã nia tiri jire tiro. <sup>9</sup> Ñ ni tuhsũ õ sehe ni namoa tiri jire: “Õi jija. Mũ cahmano seheta yahparũ yoai wahaihtja”, nia tiri jire. To ã nichũ õ sehe masija mari. Panopũ wahiquinare wajã jũ mũoa mehne ti ño payori cjirire duhuchũ yoaro paye

buhea sehere cūno niri jire Cohamacu. Ñ cūno mipure Cristo to yariaro mehne masare yuhduchu yoarohca Cohamacu. **10** Jesucristo to pjacure waro, yariaro, jipihtina mari to yainare mari ñaa buhirire cohāri jire. Cū tahata to pjacure wari jire mari ñaa yoari buhirire cohāno taro. Ñ yoaro Cohamacu to cahmano seheta yoaro niri jire.

**11** Jipihtina mari judio masa mari yaina sacerdotea dachoripe Cohamacure ño payori wuhni dahrarucura. Ñ dahrarucua dachoripe mnanota wahiquinare wajã, jũ mo, Cohamacure sinirucura. Ti ã wajã jũ mopachuta tí mari ñano yoari buhirire ne cohāerara. **12** Cristo sehe cū tahata mari ñaa yoari buhirire yariaro, mari ñaa yoari buhirire noano cohā pahñonocari jire. Tíre cohā tuhsu wahaah wahari jire to Pucuro cahapũ to poto buhusehei dujiro waharo. Pũhtoro jiro tópu dujira. **13** Tópu dujiro cohtaro nina. Tirore ñu tuhtiinare Cohamacu sehe to yuhdurucabasahtore cohtaro nina Cristo. **14** Ñ jiro cū tahata to yariaro mehne ti ñaa yoari buhirire to cohābasarinare ñaa buhiri marieina ti ã jirucuchu yoara tiro. **15** Tí potocã tjira. Ñta ni yahura Espiritu Santo marine. Ñ sehe ni yahura tiro:

**16** “Ñ sehe nina Cohamacu: ‘Baharopure ñ sehe ni yahuihtja Israe masare, “Yũ dutiare ti wacũapũ cūihtja” ’, ni yahuihtja”, nina tiro. **17** Ñ sehe ni namona Cohamacu: “ ‘Ti ñaa yoari buhirire yũ dutiare ti yuhdurucari cũhure pari turi wacũ namosi yuhũ’, nina tiro”, ni yahura Espiritu Santo. **18** Mari ñaa yoari buhirire to ã bochu pari turi mari ñaa yoari buhiri yariahtirore cahmaeraja mari.

**Cohamacu cahai suna cuiro marieno tiro mehne mari durucuboriro seheta tiro mehne durucu masija mipure**

**19** Ñ jina yũ coyeya Cristo to yariaro mehne to di cohāno mehne mipure mari cũhũ cuiro marieno Cohamacu to jiri tahtia waropũ sãana, tiro mehne durucu masija. Ñ yoana tirore sini masija. **20** Mari catirucuhto cjihtore Cohamacu marine ã coã yoaro niri jire. Cristo sehe mari ñaare yoari buhirire yariaro to di cohāri mehne Cohamacu mehne durucu masija mari. Sacerdotea pũthoa bui pũhtoro tí tahtiapũ to sãariro seheta Cristo sehe Cohamacu cahapũ sũri jire mari ñaa yoari buhirire bo dutiro waharo. Tí tahtia macari suhtirore dũcatari suhtirore

to tũhrẽ cohãboro seheta Cristo to pjacure cohãri jire Cohamacũ mehne mari jirucuhto sehe. **21** ã jiro Cohamacũ ya wũhũi dahrariro mari Yairo Sacerdote tua yũhdũariro jira tiro. **22** ã jina Cohamacure sinijihna mahõono marieno. Tirore noano wacũ tuaa mehne, cuiro marieno tirore sinijihna. Cristo mari ñaa yoari buhirire to cosaweinapũ jija. ã jina “Buhiri tiina jija mari”, ni tũhotuina jieraja mari. ã yoa wete mariea co mehne mari cosawero seheta Cristo to cosaweinapũ jija. ã jiina jina Cohamacure sinijihna. **23** “Mũsare yũhdũchũ yoaihtja”, to niriro seheta yoarohca. ã jina tiro marine to yũhdũchũ yoahore noano masija mari. Tĩre masina, ne boena tjijihna. Cohamacure ã wacũ tuarucujihna. **24** Mari mehne macainare cahĩna, tinare yoadohojihna mari jipihtina mari cahma cahĩ yoadohohto sehe. **25** ã jina noano cahmachurucujihna Cohamacũ yare yoana tana. Paina sehe ti cahmachumarirore duhua nina. Tina yoaro sehe yoarena tjijihna. Mari mehne macainare wahchechũ yoajihna. Ahri yahpapũre mari pũhtoro to tahto mahanocã dũhsara. Tĩre masina tuaro wahchechũ yoajihna mari mehne macainare Jesu yainare.

**26** Potocã jia buheare noaa buheare mari masipanahta ñaare mari pari turi ã yoarucuchũ mari ñaa yoari buhirire cosawe namohto basioerara. **27** ã jiro tó sehe yoainare cua nina. Jipihtina tirore ñũ tuhtiinare buhiri dahrero, tuaro jũnoi cohãnohca Cohamacũ tinare. ã jia to buhiri dahrehtore cuiina dihta jimana tirore duhuina. **28** Cohamacũ dutia Moise cjirore to cũri cjirore yũhdũrũcainare buhiri dahrea, mari coyera judio masa wajãna tinare. Ne pja ñũno marieno wajãna tinare. Tiaro ti yahusãchũ tũhoro beseriro ti yũhdũrũcarire masino tinare buhiri dahre dutira. Tiaro mariachũ pũaro ti yahusãchũ tinare buhiri dahre dutira. To ã dutichũ tinare wajãna. **29** Tĩ yũhdoro Cohamacũ macũnore ñũ yabiina to buhiri dahrehtina jiahca. Cohamacũ Cristo to di cohãno mehne mari ñaa yoari buhirire cohãna. To ã cohãhtore yahuri jire tiro marine. ã jia tina ti ñaa yoari buhirire cohãrina jipahta baharo pari turi ñaare yoarucua ti ñaa yoari buhirire to cohãrire to di cũhũre “Wiho waro jira”, nia nina. ã niina, to buhiri dahrehtina waro jia niahca. ã niina Espĩritu Santore ñano ni durucuina jira. Tiro tinare cahĩro jira. Ti ã ñano durucuchũ ñũno tuaro buhiri dahrerohca Cohamacũ tinare. **30** Ahrire mari noano masija. Cohamacũ to basita õ sehe nia tiri jire: “Yũhũ jija

buhiri dahrehtiro. Ti ñaare yoari buhiri buhiri dahrehtja yũhũ”, nia tiri jire tiro. Õ sehe ni namoa tiri jire: “Yũhũ ñano yoainare yũ yainare buhiri dahrehtja”, nia tiri jire tiro.

**31** Cohamacũ catiriro marine to buhiri dahrechũ cua yũhdũara.

**32** Панорũ mũsa jirire wacũga mũsa. Tí pjare Cohamacũ yare wahma masi dũcana payũ tahari ñano yũhdũpanahta to yare duhuerare mũsa. **33** Cãa tahari masa ti ñũrocaroi paina mũsare ñano ni, ñano yoapere mũsare. Paina Jesu yainare ti ñano yoachũ ñũna, tinare pja ñũ, tinare piti tire. **34** Ti peresu yoainare pja ñũre mũsa. Tuhsũ, mũsa yare ti mapachũta wahchea mehne, “Noanohca”, nire mũsa. Ahri yahpa macaa yũhgoro noaare cjuara mũsa mũanorũ. Tí noaa ã jirucuahca. Tĩre masina, mũsa cjuare ti machũ cahyaerare mũsa. **35** ã jina cuiena tjiga. Cohamacũre ã wacũ tuarucuga. Mũsa ã yoachũ ñũno tiro noano yoarohca mũsare. **36** Cohamacũ “Mũsare õ sehe yoadohoihtja”, to ni cũrre noano cohtaga mũsa ñano yũhdũpanahta. ã cohtaina jina to cahmaare yoanahca mũsa. ã yoana to ni cũrre cjuanahca. **37** Õ sehe nina Cohamacũ yare ti joari pũi:

“Mahanocã dũhsara Cristo to wihihito.

ã taro dói wihi bahrañonohca.

**38** Yũ yaina noaina sehe yũhũre wacũ tuarucuahca.

ã yoaa yaina jirucuahca.

Yũhũ mehne ã jirucuahca.

Yũ yare cohãina sehere ñũ yabija yũhũ”,

nia tiri jire to ya durucua ti joari pũi. **39** Mari sehe Cohamacũ yare cohãina jieraja mari. ã jina pichacarpũ wahahtina jieraja mari. Cohamacũre wacũ tuaja mari. ã jina to yũhdũchũ yoaina jija.

### Wacũ tuaare yahuha

**11** **1** Õ sehe jira wacũ tuaa: Cohamacũre wacũ tuana, marine to noano yoahore noano masija mari. Cohamacũ to niriro seheta to yoerasinipachũta to yahuare “Potocã tjira”, ni tũhotuja mari tirore wacũ tuana. Tirore ñũerapanahca, tirore wacũ tuana, “Potocã tjira”, ni tũhotuja mari to yahuare tũhona. **2** Панорũ macaina Cohamacũre ti wacũ tuachũ ñũno ñũ ji coaa tiri jire tiro sehe.

**3** Cohamacũ to durucua mehne jipihtiare bajuamehnea tiri jire. ã jiro tiro mari ñũerari mehne jipihtia mari mipũ ñũare

bajuamehnea tiri jire. Tíre mari noano masija Cohamacure wacū tuana pinihta.

<sup>4</sup> Cohamacure wacū tuaro Abe sehe corderore wajã, jũ mño, Cohamacure ño payoro “Noana”, nia tiri jire. To wahmino Caĩ yũdoro noanore waro, ño payoa tiri jire tiro Cohamacure. Ñ jiro Cohamacu to warire wahchea tiri jire. Ñ wahchero “Noariro jira”, ni ñña tiri jire tiro Abere. Ñ Cohamacure to wacū tuachũ ñña mari tirore ñũ cūja. To yariari baharo jipachuta to wacū tuarire ñũ cūja mari.

<sup>5</sup> Enoco Cohamacure to wacū tuachũ ñño wahchea tiri jire Cohamacu. Ñ wahchero tirore to cahapũ na mñoa tiri jire. Ñta nina Cohamacu yare ti joari pũi. To na mñori baharo ne masa tirore bocaera tiri jire. To na mñoriro jiro ne yariaera tiri jire. <sup>6</sup> Cohamacure wacū tuaerana, tirore wahchecũ yoa masieraja mari. Cohamacure wacū tuaerana, tirore ño payo masieraja mari. “Potocãta tiro Cohamacu warota jira. Ñ jiro tirore mari ño payochũ marine noano yoara tiro”, mari ni tũhotuerana tirore sini masieraja mari.

<sup>7</sup> Noé Cohamacure wacū tuaro, tirore to yahurire noano yũhtia tiri jire. Baharopũ ti ñano wahahtore to yahuchũ tũhoro noano yũhtia tiri jire tiro. Ñ yũhtiro, pjiria dohoriare yoaa tiri jire. Ñ yoa tia dohoria mehne tiro to coyera mehne dia miniore yũhdña tiri jire. Ñ wacū tuariro jiro ahri yahpa macaina ñaina ti wacū tuaerarire ti pichacapũ ti wahahto cũhũre ñono nia tiri jire. Ñ jiro to wacū tuachũ ñño “Noariro jira”, ni ñña tiri jire Cohamacu tirore.

<sup>8</sup> Abrahã cjiro cũhũ Cohamacure wacū tuaro tirore yũhtia tiri jire. Pa dihtapũre tirore to wahti dihtapũre Cohamacu to waha dutichũ tũhoro Abrahã yũhtia tiri jire. To ya dihtai jiroro wijaa waharo, to masierari dihtapũ sua tiri jire. <sup>9</sup> “Ahri dihtare mũhũre waihtja”, Cohamacu to nichũ tũhoro tirore wacū tuaro tí dihtaihta tjuaa tiri jire tiro. Tói jiro pa dihta macariro jiparota tóihta tjuanocaa tiri jire. Tirore, to macũno Isaa cũhũre to panamino Jacobo cũhũre tina caĩnare “Ahri dihtare mũsare waihtja”, ni yahua tiri jire Cohamacu sehe. Ñ jia tina tí dihtai jia, wahiquina cahsari wũhũsei jia tiri jire mũnana jieraina jia. <sup>10</sup> Tói jisinia tiri jire Abrahã Cohamacu mehne to jiltore cohtaro. Pa macapũ Cohamacu to jiri macapũ mũanopũ to wahahtore cohtaro nia tiri jire tiro. Tí macare dahrea tiri jire Cohamacu. Ñ jiro tí maca ne pihtisi.

11 Cohamacure wacũ tuaro Abrahã cjiro bucuro waro jiparota, to namono Sara mehne pohna tia tiri jire. To namono pohna marienicoro to jipacheta, “To niriro seheta yoarohca”, Cohamacure nino, tirore wacũ tuaro pohna tia tiri jire Abrahã. 12 ã jiro Abrahã bucuro waro jiparota pohna tia tiri jire. ã jia to panamana ji turiainapɯ payɯ wahanocari jire. Ñahpichoha perire, padɯ pohcaricã cũhure mari quihõna bihoeraro seheta to panamana ji turiaina cũhure quihõna bihoeraja mari.

13 Jipihntina ahrina yɯ yahuina cjiropɯ Cohamacure wacũ tua tuhsuinapɯ yariaa tiri jire. Cohamacu tinare “Mɯsare waihtja”, to ni quihõ cũrirore sɯerapahta yariaa tiri jire. Tíre ñahaerapahta Cohamacu to niriro seheta yoari pja baharopɯ ti cjuahtire masia tiri jire. ã masia wahchea tiri jire. ã jia õ sehe nia tiri jire tina: “Ahri yahpai tiniina jija. Pa yahpa macaina jija”, nia tiri jire tina. 14 Tó sehe niina pa yahpare ti ya yahpa cjihtore cohtaa nina. Tíre mari noano masija. 15 “Pa yahpa macaina jira”, nicu panopɯ ti cohãri yahpare nicu nieraja. Pa yahpapɯ ti ji mɯhtari yahpapɯ waha duaa, wahaboa. 16 Noa yũhdɯari yahpa sehene cahmaa nia tiri jire. Tí yahpa mɯanopɯ jira. Ti ã cahmachu ñɯno “Cohamacu sã pũhtoro jira”, ti nichu tũhoro bɯo tierara Cohamacu. Ti ya maca cjihtore dahrebasa tuhsua tiri jire tiro.

17-18 Cohamacu Abrahãre to macunore Isaare wajã jũ mɯo dutia tiri jire. Tirore ñu duaro ã dutia tiri jire, “¿Potocãta yũhure wacũ tuajari?” nino. Cohamacure wacũ tuaro to niriro seheta yoaa tiri jimare Abrahã. “Mɯ macu Isaa mehne mɯ panamana ji turiainare payɯ cjuaihca mũhɯ”, Cohamacu to niriro jipacheta to macunore wajãno taro nia tiri jimare Cohamacure ño payoro taro. 19 “Yɯ macu Isaare yɯ wajãchu Cohamacu tirore masonohca”, ni tũhoturo tirore wajãno taro nia tiri jimare. ã niriro jiparota Cohamacu tirore dũcata, wajã dutiera tiri jire. To pɯcuro to ã wajãboriro jiro, masariro yoaro sehe jia tiri jire Isaa, Abrahã to ñuchu. ã jiro Abrahã tirore catirirore pari turi cjuaa tiri jire.

20 Isaa Cohamacure wacũ tuaro, to pohñare Jacobore, Esaú cũhure “Baharopɯ Cohamacu mɯsare pjíro noano yoarohca”, nia tiri jire. 21 Cohamacure wacũ tuaro Jacobo to yariahto panocã José pohñare, mɯare “Cohamacu mɯsare pjíro noano yoarohca”, nia tiri jire Jacobo. Na tuhcuca caha sɯ, to tjuadɯ mehne tjua ñaha caha sɯ, Cohamacure ño payoro, “Cohamacu

músare noano yoarohca”, ni cūa tiri jire. **22** Cohamacure wacū tuaro José to yariahto panocã Israe masa Egipto jina ti wijaatore yahuyua tiri jire. ã ti wijaatore masiyuro to yariari baharo to pjacũ cjirore naa dutia tiri jire to pohñare.

**23** Cohamacure wacū tuaa, Moisecãre tia sũ waro nũo cjuaa tiri jire to pũcũsũma, to masa bajuari baharo. Noarirocã to jichũ ñua tirocãre nũoa tiri jire. Tí yahpa macaina bui pũhtoro ti pohñare to wajã dutirore yũhdũrucanocaa tiri jire tina. Tirore cuiera tiri jire. **24** Moise cjirore bũcũoricoro Egipto yahpa macaina bui pũhtoro macono jia tiri jire. ã to bũcũoriro jiro Cohamacure wacū tuaro “Ticoro macũno”, tirore ti ni pisuchũ cahmaera tiri jire Moise. **25** Cohamacure yũhdũrucariro jiro tirore bũcũoricoro cahapũ mahaa nũmũricã noano jiboa. ã jiboriro jiparota tí yũhdoro tiro Cohamacũ yaina mehne ñano yũhdũ duaa tiri jire. **26** ã ñano yũhdũro Cristore ti bũjũpehto seheta ti bũjũperiro jia tiri jire. Baharopũ to noano yoari wapa Cohamacũ tirore to noano yoatore masino ñano yũhdũ duaa tiri jire Cristo to ñano yũhdũhto seheta. Jipihtina Egipto macaina ti noaare ti cjuaro yũhdoro tiro Cohamacũ sehene tuaro cahmaa tiri jire. Ñano yũhdũparota, Cohamacure cahmaa tiri jire. **27** Cohamacure wacū tuaro, Egipto macaina bui pũhtoro tiro mehne to suachũ cuieraa tiri jire Moise. ã cuieraro tí yahpai jiriro tí yahpare cohã wahcãa waha tiri jire. ã waharo Cohamacure bajuerarirore to ñũboriro seheta cuierariro jia tiri jire. Cohamacũ tirore to yoa dutirire ne duhuera tiri jire Moise cjiro.

**28** Cohamacure wacū tuaro Moise cjiro Israe masare Cohamacũ to yũhdũchũ yoatore masia tiri jire. ã masino Cohamacũ to dutiriro seheta Israe masa ti sopacarire òa pjĩnine di mehne wajã site dutia tiri jire tiro. Ti ã yoachũ ñũno anjo masare wajãriro ti masa wahmisũmare wajãboriro Israe masa ti wahmisũmare wajãera tiri jire. **29** Cohamacure wacū tuaa, Israe masa “Sohãri ma”, ti niri mapũ co watoĩ jiri wahsai co marieni wahsai waha waha tiri jire. Ti ã wahachũ ñua Egipto macaina cũhũ tinare ñũ cũ, nũnũ ti wahcãmaa, mini yariaa waha tiri jire.

**30** Cohamacure wacū tuaa Israe masa Jericó wama tiri maca macari sahrĩno tãa mehne ti yoari sahrĩno sũ bũtiri sahrĩno baharo bũhũsehei soroa majarea tiri jire. Siete dachori waro tí macare soroa tinia tiri jire. Tópe dachori ti soroa tiniri baharo

tí sahrĩno sehte bora pihtia waha tiri jire. <sup>31</sup> Cohamacure wacũ tuaro tó pano mña mehne ñano yoarucuricoro cjiro Rahab wama tiricoro, tí maca macaricoro Israe masare yoadohoa tiri jire. Tí macare ti cohãhto pano mahainacã Israe masa tóprã sãa ti duhti ñuchũ ticoro tinare yoadohoa tiri jire. To ã yoadohochũ ñña Israe masa wajãera tiri jire ticorore. Tí maca macainare Cohamacure yũhdurucainare wajãpahta ticoro sehere wajãera tiri jire.

<sup>32</sup> Painare Cohamacure wacũ tuainare yahu namoboa yũhũ. ã yahu duapaihta payure ã Cohamacure wacũ tuainare yahu joa pahño masieraca yũhũ. Payũ jira tina. Gedeõ, Baraca, Sansõ, Jefté, Davi, Samue, Cohamacũ yare yahu muhtaina cũhũ ahrina jipihtina yũ yahuborina jira. <sup>33</sup> Cohamacure wacũ tuaina cãina paye yahparipũ jia, tí yahpari macainare cahma wajã yũhdurucãa tiri jire. ã yoa paina noano dutiina jia tiri jire. Cohamacũ tinare “Mũsare yoadohoihtja”, to niriro seheta tinare yoadohoa tiri jire. Tirore ti wacũ tuachũ ñũno ã tinare yoadohoa tiri jire. ã wacũ tuaa, yaya tinare ti chũ duachũ ti dũserire bihachũ yoaa tiri jire tina. <sup>34</sup> Tuarõ jũri pichacarpũ jipahta jũera tiri jire tina Cohamacure wacũ tuaa. Paina tinare ti ñosa wajã duachũ duhti wahcãa waha tiri jire Cohamacure wacũ tuaa. Tuaraina jipahta Cohamacure wacũ tuaa, tuaina waha tiri jire. Cohamacure wacũ tuaina jia, cahma wajã tuaina jia tiri jire. ã jia paye yahpari macaina surara tinare wajãa taina ne cũno pjaera tiri jire tinare. <sup>35</sup> Cãa numia Cohamacure ti wacũ tuachũ ñũno ti coyeyã ti yariachũ ñũno Cohamacũ sehe tinare masobasaa tiri jire.

Paina “Cohamacure cahmaena tjiã”, ti ni peresu yoaina ti ñabiario yoapeina Cohamacure wacũ duhuera tiri jire. “Cohamacure mũsa wacũ duhuchũ mũsare wionahca”, nia tiri jimare tinare peresu yoaina Cohamacũ yainare. Ti ã nipachũta tinare yũhtiera tiri jire Cohamacũ caharpũ tuaro waha duaã. ã jia tinare ñabiario ti yoapechũ yariaa waha tiri jire. <sup>36</sup> Painare Cohamacure wacũ tuainare ñano ni bajũpe tinare tjana mũjaa tiri jire. ã yoa painare dahporire, yachũrĩre dũhtenoca peresu yoaa tiri jire. <sup>37</sup> Cohamacure wacũ tuainare ñaina tãa mehne doca wajãa tiri jire. Painare ti pjacũrĩre seroti mehne yihso ta mũjaa tiri jire. Painare ñosaa pjĩni mehne ñosa wajãa tiri jire tina. Ti ã ñano yoapeina oveja cahsari mehne, cabra cahsari mehne suhti tiina pjacũoina jia tiri jire. ã jia



paina tinare ñano yoapea tiri jire. <sup>38</sup> Tina Cohamacure wacū tuaina peri yu yahuina noa yūhdūaina ti jichu ahri yahpa macaina ñaina tina mehne jiborina jierara. Ahrina Cohamacure wacū tuaina wūhuse marieina jia, masa marienopu, tūyucupū ji sitotaa tiri jire. Ā ji sitotaa, tūyucupū jia coparipū, yahpai jia coparipū cūhure carī sitotaa tiri jire. <sup>39</sup> Ahrina jipihtina Cohamacure ti wacū tuachū ñano wahchea tiri jire tiro. Ti ā wacū tuapachuta Cohamacu tinare “Mūsare yūhdūchū yoaihtja”, to niriro mū sūerasinia tiri jire. <sup>40</sup> To yūhdūchū yoerasinirire yahuro ō sehe ni tūhotua tiri jire Cohamacu. “Ahrina yū yainare baharopū jiina yū yaina mehne cūno potori yūhdūchū yoaihtja”, ni tūhotua tiri jire. Ā ni tūhoturo to niriro seheta yoarohca. To ā yoachū noa yūhdūara to pano yoariro yūhdoro.

### Jesure ā wacūrucujihna mari

**12** <sup>1</sup> Ā jina ahrina yū yahurinare payū Cohamacure wacū tuainare masina, jipihtia ñaa yoare duhunocajihna mari cūhū. Ō sehe jira mari piti dahre buhechū: Mūrocaperirore tirore mūroca tuachū dojomehnea jira paye. To dahpo suhti nūcūa suhti tirore mūroca tuaerachū yoaboca. Tí yoaro seheta Cohamacu cahmaare mari yoa duachū dojomehnea cūhū jira. Ahri cūhure duhujihna mari. Ā yoana mūrocapeina soro marieno ti mūrocaro seheta mari cūhū Cohamacu to cahmano seheta soro marieno yoajihna. <sup>2</sup> Ā jina Jesure ā wacūrucujihna mari. Tirota jira marine wacū tua dūcachū yoariro. Ā yoa marine wacū tua namochū cūhure yoara tiro. Crusapū yariaro cūno pjari jire. Baharo to wahchehtore masino crusapū yariari jire. Ā yariaro būo taboriro jiparota būo tierari jire tiro. Ā yoaro mipūre Cohamacu to pūhtoro dujiro poto būhusehei dujitjiāhno tiro dutiriro jira.

<sup>3</sup> Ñaina masa tirore ti ñabiaro yoapachuta cūno pjari jire tiro. Tíre wacūga mūsa, mūsa cūhū ñano yūhdūna, “Cūno pjaerari”, nina. Tíre wacūga mūsa “Tirore wacū tua duhuri”, nina. <sup>4</sup> Jesu to ñano yūhdūriro sehe ñaare yoerapanahta ñabiaro waro yūhdūerasinica mūsa. Ñaina mūsare wajāerasinica. <sup>5</sup> ¿Cohamacu mūsare to pohñare to yahurire bonocajari mūsa? Mūsa ñano yūhdūhtire to yahurire wacūga mūsa. Ō sehe nia tiri jire tiro:

“Yū macū, mūhure yū yahuchū yūhure ā ñūnocai tjiga ñano yūhdūpaihta.

Mũhũre yũ tuhtichũ tũhocũ cahyai tjiga.

6 Jipihtina yũ cahĩinare yahuja.

Ã yoa jipihtina ‘Yũ pohna jira mũsa’,  
yũ ni ñũinare yũhdũrũca dutieraja.

Ã jicũ ti yũhdũrũcachũ ñũcũ tinare buhiri dahreja”,  
nia tiri jire Cohamacũ. 7 Ñano yũhdũna Cohamacũ yare  
duhuena tjiga. Cohamacũ mũsare to pohñare buhero nina. Ti  
pũcũsuma ti pohñare ã yahurucura. Ã yoa tinare buherucura.  
Tó seheta yoara Cohamacũ cũhũ marine to pohñare.

8 Cohamacũ jipihtina to pohñare ã yahurucura. Ã jina mũsare  
to yahuerachũ to pohña waro jierara mũsa. Pũcũsuma marieina  
yoaro sehe jira mũsa to yahueraina. Ã jina “Sã Pũcũ waro jira”,  
ni masierara mũsa Cohamacũre, mũsare to yahuerachũ. 9 Mari  
pũcũsuma marine ti yahuchũ tũhona tinare ño payoja mari.  
Mari pũcũsumare mari ño payoriro yũhdoro ño payoro cahmana  
mari Pũcũre Cohamacũre to yahuchũ. Ã jina tirore yũhtiro  
cahmana marine. Ã yũhtiina jina jipihtia dachoripe tiro mehne  
jinahca. 10 Mahaa nũmũricã ahri yahpai mari jisnichũ mari  
pũcũsuma marine yahua, buhiri dahrera. Ti mũ sũro ti masino  
purocãta marine yahua, buhiri dahrera. Cohamacũ sehe marine  
noano yahura. Ã jiro to masia mehne marine buhiri dahrera  
marine noaina bũcũna dutiro. Ãta yoara tiro marine tiro yoaro  
sehe noaina mari jihto sehe. 11 Marine to buhiri dahrechũ  
wahcheraja mari. Wiho mari cahyaja. Ã cahyapanahca to ã  
buhiri dahreri baharo noaina bũcũnahca mari. Ã jina soro  
yoaro marieno noano jinahca.

**Cohamacũ marine to dutiare mari yũhtierachũ cua nina marine**

12 Ã jina wacũ tuaera cureina jipanahta Cohamacũre wacũ  
tuaina jiga. Tirore duhuena tjiga. 13 Noano potori mahare  
mũsa wahaboro seheta noano potocã yoaga mũsa. Mũsa ã  
yoachũ ñũ cũa, paina Jesu yaina soro jiare yoasi. Mũsa noano  
yoachũ ñũ cũa, noano wacũ tuaera cureina cũhũ wacũ tuaina  
wahaahca.

14 Jipihtina masa mehne noano jiga, cahmacheno marieno.  
Ã yoa ñano yoarucuena tjiga. Ñaa buhiri marieina dihta mari  
pũhtoro Cristore ñũahca.

15 Noano yoaga mũsa. Cohamacũ mũsare to yoadohochũ  
tirore noano yũhtiga. Ñaa diaa ti toaare ti dojomehñeno seheta  
mũsa cũhũ Cristo yare duhuena tjiga, “Painare dojomehñeri”,

nina. **16** Ne numia mehne ñano yoaina jiena tjiga. Ñ yoa Cohamacu yare cahmaeraina jiena tjiga. Cohamacure cahmaerariro jia tiri jire Esaú cjiro. Tiro masa wahmino jia tiri jimare. Ñ jiro to pucuro to yariari baharo to pucuro yare cjuah tiro jisinia tiri jimare. Cohamacu to pucurore to ni cūri cūhure cjuah tiro jisinia tiri jimare. Ñ jiro jiro cū dacho cū wapaihta chūare cahmano, tí wapa mehne to bahuro sehere to wahmino yoaro taro cohtotaa tiri jire. **17** To ñ yoari baharo to dohse waharire masina mūsa. To pucuro tirore to wahtire tuaro cahmaa tiri jimare Esaú. To ñ cahmapachuta to bahurore to wahmino to yoari buhiri, baharo to cjuaborire waera tiri jire to pucuro Esaúre. Tíre yahco mehne to sinipachuta tirore waera tiri jire to pucuro.

**18** Cohamacu to dutiare Moise cjirore to cūchū mari coyea Israe masa cjiri Cohamacu mehne jia tiri jire. Tina tiro mehne ti jiro sehetā mūsa sehe jierare. Ō sehe yoaa tiri jire tina sehe. Tūcūpū Cohamacu mehne jia taa, sūa tiri jire. Tū sehe Sinaí wama tidū jira. Tūpū ti sūchū tuaro pichaca jūa tiri jire. Ñ jiro nahitiano, buiri, tuaro wihnono cūhū jia tiri jire tū tūcūi. **19** Tópū ti sūchū corneta bisiro coa taa tiri jire. Ñ yoa durucua bisiro coa taa tiri jire. To ñ durucua bisiro coa tachū tūhoa, masa cūno pjaeraa, “Ñ durucu namoeno tjijaro”, tuaro ni sinia tiri jire. **20** Cohamacu cuaro mehne ō sehe ni, dutia tiri jire tinare: “Jipihtina ahdu tūcūre pihainare tāa mehne doca wajāga tinare. Ahdūre pihariro wahiquiro waro to jipachuta tiro cūhure tāa mehne doca wajāga tirore. O ñosadu mehne ñosa wajāga tirore”, nia tiri jire Cohamacu. To ñ nichū tūhoa to ñ ni dutiare cūno pjaera tiri jire tina. **21** Jipihtia tū tūcūi jiro to ñūrire ñū cuiro, ō sehe nia tiri jire Moise cjiro: “Cuicū teterei nija”, nia tiri jire tiro.

**22** Tó sehetā Cohamacu mehne ti ji dūcariro sehetā jierara mūsa sehe. Cohamacu mehne jina wahana, Siō wama tidūpū mūano macadūpū mūsa sūboro sehetā potota Cohamacu mehne durucure mūsa. Cohamacu catirore to ya macapū mūsa sūboro sehetā potota tiro mehne durucure mūsa. Tí maca pa maca wahma maca Jerusalē mūano macari maca jira. Tópūre payū anjoa peri jira. **23** Tina Cohamacu mehne wahchea taa cahmachuina jira. Ñ jina mūsa sehe to ya maca macaina jina, tópū Cohamacu pohna ji mūhtaina mehne mūsa cahmachuboriro sehetā jira. Tina to pohna wamare to joa ōri pūi mūanopū ti

wamare to joa õina jira. Tiro Cohamacu sehe jipihtinare besehtiro jira. Tiro mehne macaina jira musa sehe. Æ jina paina noaina Cohamacu yaina mehne cahmachuina seheta jira musa cõhõ. Tinareta ñaa marieina jichõ yoa tuhsuri jire Cohamacu. 24 Æ jina Jesu mehne macaina jira musa sehe. Wahmanopu Moise cjirore to duti cõri cjirore cohtotaro “Musare yõhdõchõ yoaihtja yõhõ”, ni cõa tiri jire Cohamacu marine. To ã ni cõriro seheta yoariro jira Jesu. To dire cohã to yariaro mehne ã marine yõhdõchõ yoara. Abe cjiro to di cohãchõ ñõno Cohamacu Abere wajãrirore buhiri dahrea tiri jire. Jesu sehe to dire cohã to yariariro mehne noano yõhdõja mari. Æ jiro Abe to di cohãri wiho warota jia tiri jire. Cristo sehe to di cohãri baharo noa yõhdõaro yoari jire Cohamacu marine. Æ jia to di cohãri wiho warota jierara.

25 Æ jina noano yoaga musa. Cohamacu yare musare yahurirore noano yõhtiina jiga. Panopu ahri yahpai jiro Moise cjiro Cohamacu yare to yahuchõ tũhoa, payõ tíre tũho duaera tiri jire. Æ ti tũhoerari buhirire buhiri dahrea tiri jire Cohamacu tinare. Cristo sehe mũanopu jiro Cohamacu yare yahuriro jira. Æ jiro panopu macainare to buhiri dahreriro yõhdoro buhiri dahrerohca Cohamacu Cristore cahmaerainare. Cristo sehe mũanopu jiro Cohamacu yare yahuriro jira.

26 Tí pjare Moise cjirore to dutiare to cõri pjare Cohamacu to durucuro mehne yahpa ñuhmichõ yoaa tiri jire. Mipõ sehere õ sehe ni yahuri jire tiro: “Ahri yahpa to ñuhmichõ cõ taha yoa namoihtja. Ahri yahpa dihtare ñuhmichõ yoasi yõhõ. Mũanopu cõhõre ñuhmichõ yoaihtja”, ni yahuri jire tiro. 27 “Ahri yahpa to ñuhmichõ cõ taha yoa namoihtja”, nino jipihtiare to bajuamehnerire to cohãhtore masichõ yoaro niri jire. Pũhtoro Cohamacu to sũho jiropõre cohãhto basioerara. Æ jiro to bajuamehneri cjirore to cohãchõ pũhtoro to sũho jiro dihta tjuarohca. 28 Pũhtoro to sũho jiropõ wahanahca mari. Æ jina pũhtoro to sũho jiropõre to cohãerachõ ñõna, Cohamacure “Noana”, nijihna mari. Æ jina tirore ño payoa mehne, cua pisaro mehne to yare yoajihna mari tirore wahchõchõ yoana tana. 29 Pichaca jũno to cuaro to jiro seheta Cohamacu cuaro choro buhiri dahreriro jira.

### Õ sehe Cohamacure wahchechu yoaga

**13** <sup>1</sup> Mûsa mehne macainare cahĩ duhuena tjiga. <sup>2</sup> Masa mûsa masieraina ti jipachuta tinare mûsa wuhusepu noano mehne sãa ta dutiga. Paina ã yoaa, masierapahta anjoare ti wuhusepu sãa ta dutiri jire. ã jina ti yoaro seheta yoaga mûsa cũhũ.

<sup>3</sup> Peresui jiinare pja ñũga. Mûsa sehe tina mehne peresui jiina mûsa jiboro seheta tinare pja ñũga. Paina ti ñano yoina cũhũre pja ñũga. Tina yoaro sehe mûsa cũhũ mûsa ñano yũhdũboro seheta tinare pja ñũga.

<sup>4</sup> Wamomaca dũhteina jipiltina mûsa basi noano cahma ño payoga. Æ yoa paina mehne ñano yoaena tjiga. Jipiltina numia mehne ñano yoinare, mûa mehne ñano yoaa numia cũhũre buhiri dahrerohca Cohamacũ.

<sup>5</sup> Niñerure cahĩina ne jiena tjiga. Õ sehe nia tiri jire Cohamacũ: “Mûsare ne cohãsi. Æ yoadohorucuihtja mûsare”, nia tiri jire tiro. Noho puro mûsa cjuaa mehne tó purota wahchega. Pjĩro cahma namoena tjiga. <sup>6</sup> Æ jina cuiro marieno õ sehe ni tũhotunahca mari:

“Mari puhtoro Cohamacũ marine yoadohoriro jira.  
Ne cuisu mari.

Masa marine ti ñano yoahore cuisu mari”,  
ni tũhotunahca mari.

<sup>7</sup> Cohamacũ yare mûsare yahurinare mûsare dutirinare wacũga mûsa. Æ yoa noano ti jia tirire noano ti yoaa tirire wacũga. Æ wacũna, Cristore ti wacũ tuariro seheta yoaga mûsa cũhũ.

<sup>8</sup> Jesucristo ne cohtotaerara. Panopũ, mipũ cũhũre, baharopũ cũhũre to jiriro seheta jirucurohca tiro. <sup>9</sup> Payũ buheare soro jia buheare tũhoena tjiga mûsa “Noa buheare sãpu cohãri”, nina. “Ahrire chũga. Ahrire chũena tjiga”, ni buhera cãina. Æ ni ti nia buheare mari yũhtichũ tí marine yoadohoerara. Æ jiro tó sehe jia buheare mari yoachũ wiho warota jira. Tí marine wacũ tuaina jichũ yoarera. Cohamacũ sehe marine pja ñũno wacũ tuaina jichũ yoara. Æ jina to ya tuaa mehne tirore wacũ tuaina jiga mûsa cũhũ.

<sup>10</sup> Cristo mari ñaa buhirire yariari jire mari ñaare cohãno taro. Sacerdotea sehe õ sehe niina jira: “Wahiquina mari wajã jũ mũoina, mari waina mehne yũhdũnahca”, niina

jira sacerdotea. Ñ niina ti ñaa yoari buhirire cohãina ne ji masierara. Cristo to crusai to yariaro mehne yũhdũina ji masierara tina ã ni tuhoutuina. **11** Mari judio masa mari sacerdotea pũtoro Cohamacũ to jiri tahtia waropũ dire na sãano wajã sitea tiri jire, masa ti ñaa yoari buhirire cosawero taro. Ñ yoa to wajãriro wahiquiro to pjacũre tí maca dũhtũ cahapũ jũ cohãnocahna. **12** To yoariro seheta Jesu cũhũ maca dũhtũ cahapũ yariari jire, masa ti ñaa buhirire to di cohãno mehne cosawero taro. **13** Maca dũhtũ cahapũ to yariachũ ñũa, ti ya buheare to cohãchũ ñũa judio masa pũtoa tirore ñũ tuhtiri jire. Ñ jina mari cũhũ tiro mehne macaina jijihna. Mari ã jichũ ñũa, masa mari cũhũre ñũ tuhtiahca. **14** Ahri yahrapũ mari ji dojoahti maca ne mariahna. Ñ jina mipũre mari baharopũ jihti macare cohtana nija mari. **15** Ñ jina Jesu to yoadohoro mehne Cohamacũ mehne durucuja mari. Ñ jina tirore noano sinijihna. Sacerdote wahiquirore jũ mũo, Cohamacũre to ño payoriro seheta Cohamacũre mari dũseri mehne noano durucu ño payojihna mari. “Cohamacũ tuariro jira”, ni ño payorucujihna. Mari ã nichũ tiro wahcherohca. **16** Mũsa mehne macainare noano yoaga. Ñ yoa tinare yoadohoga. Tíre boena t̃jiga. Mũsa ã noano yoana Cohamacũre ño payona nica mũsa. Ñ yoana tirore wahchechũ yoana nica.

**17** Mũsa pũtoare noano yũhtiga. Ti dutiro seheta yoaga. Cohamacũ mũsare ñũ wihbo, buhe dutiro cũre tinare. To ã cũrina jia mũsare ã ñũ wihborucua nina “Cohamacũre yũhdũrcari”, nia. Ñ jina tinare noano yũhtiga mũsa. Mũsa ã yũhtichũ ñũa wahchea mehne mũsare yoadohoahca tina. Mũsa yũhtierachũ ñũa tina cahyaahca. Ñ yũhtierana noano jisi mũsa.

**18** Sãre sini payorucuga Cohamacũre. Dachoripe noaa dihtare yoa duaja sã. Ñ jina “Ñaare yoana nija”, ni tuhoutueraja sã. **19** Ahri pinihtare tuaro sini payoga Cohamacũre yũhũre: Soaro mehne mũsa cahapũ yũ wahahtore tirore sini payoga.

### Ahri pũre joariro noa duti batoaha

**20** Cohamacũ mari pũtoro Jesure yariarirore masori jire. Marine noano jichũ yoariro jira. Tiro “Mũsare yũhdũchũ yoaihtja”, ni cũa tiri jire Cohamacũ marine. To ã ni cũrire yoariro marine yũhdũchũ yoariro Jesu sehe jira. Mari ñaa buhirire yariari jire tiro. Ñ jiro tiro tuariro ovejare ñũ wihboriro

yoaro sehe jiro, marine to yainare noano ñu wihbora. <sup>21</sup> ã jiro Cohamacu tirore masoriro musa cũhure yoadohojaro jipihtia noaare to cahmaare musa yoahito sehe. ã jiro Jesucristo to yoadohoro mehne Cohamacu to cahmano seheta jipihtinare marine noaa sehere cohtotachu yoajaro. Jipihtia dachoripe Cristore ño payojihna. ãta yoajihna.

<sup>22</sup> Yu coyea, ahrire tuaro musare dutiichtja: Ahri pui yu yahurire noano mehne tuhoga musa. Ahri musare yu joarocari pu pjiri tju jierara. ã jina ahrire noano tuhoga. <sup>23</sup> Ahri cũhure musare yahuihtja: Mari coyeirore Timoteore peresu jirirore wioyuhti. Soaro mehne to wihichu musare ñu wahacu tirore naaihtja. Yuhu mehne waharohca.

<sup>24</sup> Musa puhtoare, jipihtina painare Cohamacu yainare toi jiinare noa dutija. Italia macaina Jesu yaina cũhu musare noa dutira.

<sup>25</sup> Cohamacu to cahña mehne musare jipihtinare noano yoajaro.

# Santiago

## Santiago Israe masare macari waharinare joarocaha

**1** 1 Yũhũ, Santiago ahri pũi mũsare noa duti joarocai nija. Cohamacũre, mari pũhtoro Jesucristo cũhũre dahra cohtariro tjija yũhũ. ˆ Jicũ Israe masa ya curuari macainare doce curuari macainare Jesu yainare macari waharinare yũ coyea mũsare joarocai nija.

## Cohamacũ sehe noano masichũ yoara

2 Yũ coyea, payũ jahca mũsa ñano yũhdũhti. ˆ ñano yũhdũna noano wahchea mehne tũhotuga. 3 ˆ ñano yũhdũna, potocãta Jesure mũsa wacũ tuaare ñona ninahca mũsa. ˆ jina ñano yũhdũpanahta Jesure mũsa noano wacũ tuaina jina, tirore wacũ tua namoina wahanahca. ˆ wahana mũsa ñano yũhdũare cũno pjanahca. 4 ˆ yoana duhuro marieno ˆ cũno pjarucuina jiga mũsa, tũho masiina, Cohamacũ cahmaare noano masiina mũsa jihto sehe. ˆ jina dũhsaro marieno to yare yoarucuina jinahca mũsa.

5 Cohamacũ dũhsaro marieno jipihtinare wara. ˆ waro tirore siniinare soro nino marieno wara tiro. To ˆ jiro jichũ masina, mũsa masihti dũhsachũ tũhotuna, tirore siniga. Mũsa ˆ sinichũ mũsare masi namochũ yoarohca tiro. 6 ˆ sinina Cohamacũre noano wacũ tuatjĩhna siniga mũsa. “Sã sinichũ Cohamacũ waeraboca sãre”, ni tũhotuena tjiga. Tó sehe ni tũhotuina pjiri ma macaa pahcõri yoaro sehe jira. Pahcõri ti sũroca cohtotaro seheta tina cũhũ ti wacũapũre sũroca cohtotara. Cũno potori yoerara tina. ˆ jia Cohamacũre wacũ tuaerara. 7 Tó sehe ni tũhotuinare ti sinipachũta ne mahanocã ti siniare tinare wasi mari pũhtoro Cohamacũ. 8 Michare ahrire cahmariro jiparota ñamichacapũre soro tũhotura tjoa. ˆ yoarirore tó wahaerara.

9 Jesu yainare wiho jĩinare Cohamacũ sehe pũhtoa sõnohca. To ˆ yoahina jia wahchejaro tina. 10 ˆ jia Jesu yaina pache pũa jia ti ya pache pihtihore masia wahchejaro. Tĩ pache wiho warota jira, Cohamacũ to ñũchũ. Cohori ti dõi



baa boraa waharo seheta tí pache pihtia wahaahca. Ñ jia tina cūhū wahchejaro. **11** Sū mūja taro to tuaro sichū tja sehe ñaia wahara. Ñ yoa cohorī cūhū ñai boraa waha, noaa cohorī ti jia cjiri pihtia wahara. Ñta waharohca pache pūare ti pachere ti na cahmachuno watoi. Tina ti pache mehmeta butia wahaahca.

### **Ñano yoa dutiare yoerariro wahcheriro jira**

**12** Ñano yūhdūriro cūno pjaro, ñano yoa dutiare yoeraro wahcheriro jirohca. To ã cūno pjachū, to ñaare yoerachū jipihtia dachoripe mūano macaa catiare tirore warohca Cohamacū. “Tí catiare waihca”, ni cūa tiri jire Cohamacū jipihtina tirore cahīinare. **13** Mūsare ti ñano yoa dutichū “Cohamacū yūhūre ñano yoa dutiro nina”, ni tūhotuena tjiga. Ñano yoare tūhotuerariro jira Cohamacū. Ñ jiro tiro sehe masare ñano yoa dutiro jierara. **14** Masa tuaro ñaare ti goa pjaata títa tinare ñano yoachū yoara. **15** Ñ jia ñaare goa pjara masa. Ñ goa pjaa, tí sehēre tūhotura. Ñ tūhotua, tí ñaare yoarucura tina. Ti ã yoarucuri buhiri Cohamacū tinare pichacapū cohānohca.

**16** Ñ jina yū coyēa yū cahīina, “Cohamacū yūhūre to dutichū ñano yoahi”, ni tūhotuena tjiga. Potocā jierara tí. **17** Cohamacū mūano macariro marine noaa dihtare wara. Tiro pinihta sū dacho macarirore, ñami macarirore, ñahpichoha poca cūhūre bajuamehneriro jiro, tiro sehe to jiriro seheta ã jirucunocahna. Ne cohtotaerara. **18** To cahmariro seheta tiro noaa buheare mehne marine to pohna wahachū yoare. Ñ yoare tiro to pohna ji mūhtaina mari jihto sehe.

### **Potocāta Cohamacūre ño payoa ñ sehe jira**

**19** Yū cahīina, yū coyēa ahrire noano tūhoga mūsa. Cohamacū yare noano tūhoga mūsa. Ñ tūhona, noano tūhoturo marieno durucuena tjiga. Ñ yoa suaena tjiga. **20** Cūiro suariro jiro, Cohamacū to cahmano seheta quihōno yoariro jierara. **21** Ñ jina jipihtia mūsa ñaa yoarire, mūsa ñaare goa pjarire duhuga mūsa. Ñ jina Cohamacūre noano yūhtiina jina to buheare tuaro cahmaga mūsa. To ya buheare mūsa tuaro cahmachū Cohamacū sehe mūsare pichacapū wahaborinare yūhdūchū yoarohca.

**22** To yare tūhōpanahta to nino sehe yoerana mahñōare tūhotuna nica mūsa. “To nino sehe yū yoerachū noanohca”,

ni tũhotuna mahũoare tũhotuna nica mũsa. ˆ Jina to yare tũhona tí sehere yoaga. 23 Cohamacũ yare tũhopanahta, to nino sehe yoerana, to wũhdũare ñóno mehne ñũriro yoaro seheta jira mũsa. 24 Tiro to wũhdũare to ñũri baharo waha, to ñũrire boa wahara. 25 Pairo sehe to ñũrire to boerariro seheta Cristo to dutirire tũhoro tíre yoaro, wahcheriro jirohca. Tí dutia Cristo to cahĩa mehne masare to yũhdũchũ yoahti buhea jira. Tí buheare ne cohãerariro wahcheriro jirohca. Tiro pinihta to tũhorire yoariro jira. ˆ Yoarirore noano yoarohca Cohamacũ.

26 Cũiro to ˆ durucumacancarire duhu masieraro, potocãta Cohamacũre ño payoerara. “Cohamacũre noano ño payoja”, ni tũhoturiro jiparota mahũoare tũhotura tiro. “Cohamacũre ño payoja”, niriro to jipachũta to ño payoa ne yaba cjihti jierara. 27 Potocãta Cohamacũre mari Pũcũre mari ño payona, to cahmano seheta ño payona, ˆ sehe yoaja mari: Pũcũsuma marieinare, wapewahya numia cũhũre ñano ti yũhdũchũ ñana, tinare yoadohoja mari. ˆ Jina ahri yahpa macaina ñaare ti yoaa barore ne yoa duaeraja mari. ˆ yoana potocãta Cohamacũre ño payoina jija mari.

### Masare cũno potori noano yoaro cahmana marine

**2** 1 Yũ coyea, noa yũhdũarirore Jesucristore mari pũhtoro tũhona, tirore wacũ tuaina jira mũsa. ˆ wacũ tuaina jina masare cũno potori noano yoaro cahmana mũsare. 2-3 ˆ yoa uru sororire, wamomaca sãa sororire cjuariro, wapa tia suhtire sãariro mũsa Jesu yaina cahmachuno cahapũ to tachũ ñana tirore noano mehne piti bocaboca. “ˆi dujiro jira”, niboca mũsa tirore. ˆ nipanahta tí pjata pjacũoriro cũhũ ñano suhti tiriro mũsa cahai to tachũ ñana tiro sehere noano piti bocaeraboca. “ˆi ducuga. O yahpai dujiga”, niboca mũsa tirore. 4 Mũsa ˆ yoana masare cũno potori yoerana nica mũsa. ˆ yoana ñaare tũhotuina masare beseina yoaro sehe jina nica mũsa. “Ahriro sehe noariro jira. Ahriro ñariro jira”, ni besemana mũsa.

5 Yũ coyea, yũ cahĩina, yũhũre tũhoga. Payũ pjacũoina sehere Cohamacũre noano wacũ tuahtina cjihtire, pũhtoro to sũho jiropũre jihtina cjihtire besea tiri jire Cohamacũ. “Tópũre wahanahca mũsa”, ni cũa tiri jire Cohamacũ tirore cahĩinare. 6 Tinare to ˆ besepachũta mũsa sehe pjacũoinare noano yoerare. Pache pũa sehe mũsare ñano yoara. ˆ yoaa tina masare beseriro cahapũ mũsare naahna mũsare yahusãa taa.

7 Músa sehe “Cristo yaina”, masa ti niina jira. Payu pache pua sehe Cristore ñano ni durucuina jira. (Á jiro pjasuoinare mûsa ño payoriro yuhdoro pache puare mûsa ño payochu sehere ñaa nina.)

8 Cohamacu dutia mehne macaa dutiare paye dutia bui curero jia dutiare õ sehe ni joaa tiri jire: “Mu basi mu cahño sehetu mu cahai jiina cùhure cahiga”, nina Cohamacu dutia. Ahri dutiare yoana, noaare yoara mûsa. 9 Wiho mejeta masare cño potori yoerana ñano yoana nina mûsa. Á jina Cohamacu dutiare yuhdurucaina jira mûsa. Áta nina Cohamacu yare ti joari pui. 10 Cohamacu dutiare yoaina jipanahta cñotare mûsa yoerachu paye dutiare mûsa yoa pahñopachuta yaba cjihti jierara. Ñaa buhiri tiina jisnina mûsa. 11 “Pairo namono mehne ñano yoena tjiga” ni, musare dutiriro Cohamacuta jira. “Masare wajãena tjiga”, niriro tirota jira Cohamacu. Pairo namono mehne ñano yoerapanahta masunore wajãna Cohamacu to dutiare yuhdurucaina jira mûsa. 12 Cristo marine tuaro cahño, marine dutira marine yuhdachu yoaro taro. To dutiare mari yoarire, mari yoerari cùhure ñuno marine besero tarohca. To ã besehtina jina to dutiare noano yoajihna. Á yoa to cahmano sehetu durucujihna mari. 13 Mipure painare mari pja ñerachu Cohamacu sehe masare to beseri pja jichu marine pja ñusi. Wiho mejeta painare mari pja ñuchu Cohamacu sehe pja ñuno, marine buhiri dahresi.

### **Cristore wacũ tuaina sehe noaare yoara**

14 Yu coyea tuhoga mûsa. “Cristore wacũ tuaja yuhhu”, cñiro to nipachuta painare to noano yoadoherachu to ã nimari cjiri sehe ne yaba cjihti jierara. Tó sehe ni wacũ tuamacanocarirore Cohamacu yuhdachu yoasi. 15-16 ¿Jesu yairo, Jesu yacoro ñaa suhti dihta ti cjuachu ñuna ti chũhti mariachu ñuna dohse yoajari mûsa tinare paye baro cjuaina jina? “Noano jiga mûsa. Á yoana noano suhti tiga. Á jina noano chua mehne yapi wahcãga”, nipanahta ti cahmaare mûsa waerachu mûsa ã nimari cjiri ne yaba cjihti jierara. 17 Á yoa “Cristore wacũ tuaja”, mûsa nipachuta noaare mûsa yoerachu Cristore mûsa wacũ tuaa ne yaba cjihti jierara.

18 Mûsa mehne macariro ahri yu buherire tuho duaeraro õ sehe masijaro. Noaare yoeraparota “Cristore wacũ tuaja”,

niboca tiro. Noaare yoeraro Cristore to wacũ tuaare painare masichũ yoa masierara. Noaare yoariro pinihta noaare to yoa mehne Cristore to wacũ tuaare masichũ yoa masina. 19 “Cohamacũ cũirota jira”, ni tũhotura mũsa. Mũsa ã ni tũhotuchũ noa nina. ã jipachũta tó purota Cohamacũre yũhtiro marieno tirore mũsa masichũ tí yaba cjihti jierara. Watĩa cũhũ mũsa tũhoturo seheta tũhotura. ã yoa Cohamacũ to jia tiare masina tina. ã masia, cuia, teterera. 20 Cũiro noano yoeraparota “Cristore wacũ tuaja”, ni tũhoturiro jiro tũho masierariro jira. Cristore wacũ tuamariro painare noano yoeraro potocãta Cristore wacũ tuaerara. Õ sehe ni yahuihtja mũsare ahrire: 21 Abrahã mari ñũchũ cjiro to macũno Isaa wama tiri cjirore wajãbasaa tiri jimare Cohamacũre. ã yoaro tirore tãa mehne ti yoari tuhu bui duhu payoa tiri jimare. ã duhu payoro Cohamacũ to dutiriro seheta to macũnore wajãno taro nia tiri jimare Cohamacũre ño payoro taro. To ã yoachũ ñũno potocãta Cohamacũre to wacũ tuarire masia tiri jire Cohamacũ. To ã wacũ tuariro to jichũ masino, “Potocãta noariro jira”, ni ñũa tiri jire Cohamacũ tirore. 22 To ã ni ñũchũ ahrire masina mũsa: Abrahã Cohamacũre wacũ tuaro tirore yũhtia tiri jire. ã yũhtiro Cohamacũre to wacũ tuarire masichũ yoaro nia tiri jire. 23 ã jiro Cohamacũ yare ti joari pũi to niriro seheta ã wahaa tiri jire: “Abrahã Cohamacũre wacũ tuaa tiri jire. To ã yoachũ ñũno ‘Noariro jira tiro’, ni ñũa tiri jire Cohamacũ tirore”, ni joaa tiri jire Cohamacũ yare ti joari pũi. To ã ni ñũchũ masia “Abrahã Cohamacũ mehne macariro jira”, nina masa tirore. 24 ã jina ahri yũ yahuitire masina mũsa: “Cohamacũre wacũ tuaja” niriro, to noano yoerachũ ñũno Cohamacũ sehe tirore “Noariro jira”, ni ñũerara. Cohamacũre wacũ tuariro sehere potocãta to noano yoachũ ñũno “Noariro jira”, ni ñũna Cohamacũ tiro sehere. 25 ãta ni ñũa tiri jire Cohamacũ Rahab wama tiricorore mũa mehne ñano yoarucuricoro cjirore. Josué cjiro to warocarinare noano piti boca “Noano sãa tahga”, nia tiri jire ticoro. ã yoaro tina ti tjuaa duachũ ticoro sehe pa maha sehere ñoa tiri jire tinare “Tinare ñũ tuhtiina wajãri”, nino. To ã yoachũ ñũno “Noaricoro jira”, ni ñũa tiri jire Cohamacũ ticorore. 26 ã tjira. Mari pjacũpũre catia mariachũ ji masieraja mari. ã jiro catia marieno mari pjacũ yaba cjihti jierara. Tó seheta “Cohamacũre wacũ tuaja”, nipanahta painare mari


noano yoerachũ potocã jierara mari wacũ tuaa. Ñ jiro mari noano yoaa mariachũ mari wacũ tuaa yaba cjihti jierara, catia marieni pjacũ to yaba cjihti jieraro seheta.

### Mari dũseroi wijaare yahuha

**3** <sup>1</sup> Cohamacũ yare masare buheina to yare ti noano yoerachũ ñũno tina pinihtare masare buheraina yũdoro Cohamacũ buhiri dahrerohca. Tíre masina mũsa, yũ coyeya. Ñ jina mũsa mehne macaina masare buheina payũ jiena tjiga.

<sup>2</sup> Jipihtina payũ tahari mari ñaare yoaja. Cũiro ñaare durucuerariro Cohamacũ cahmaare noano yoariro jira tiro. Ñ jiro paye ñaa cũhũre yoerara. <sup>3</sup> Õ sehe jira ahri mari piti dahre buhechũ: Cawalo to dũseroi comaa pjĩ to ñahmanore ña dihohti pjĩne mari cũja, tireore

mari majarerũcachũ yoana tana. Ñ yoana tí pjĩ comaa pjĩ mehne tireore to wahahto mari waja majarerũca dapoja. Tí pjĩca mahari pjĩca to jipachũta tí pjĩ mehne tireore wahachũ yoaja mari. (Õ seheta mari dũsero mahanocã to jipachũta tí dũsero mehne pjĩro ñano yoaja mari.) <sup>4</sup> Dohoria quití mehne piti dahre yahu



namoihtja mũsare: Bũsoca pjiria to jipachũta tiare wihnono to tuaro wãrocapachũta oturiro sehe mahari pjĩca mehne tia nohoi to waha duaroi oturocara. <sup>5</sup> Tó seheta jira mari dũseroi wijaa. Mari dũsero mahanocã to jipachũta tí dũsero mehne pjĩro yoaja mari. Mahari pichacacã pjĩro to jũ wahcãno seheta mari dũsero mehne pjĩro ñaare yoa masija. <sup>6</sup> Ñ jiro mari dũsero pichaca yoaro sehe jira. Mari dũseroi wijaa jipihtia ñaare yoachũ yoara marine. Pichaca to jũ dũcaro seheta mari dũseroi wijaa mehne mari noano jiborirore ñabiaro yoaja mari. Ñaare durucuna watĩno to dutiro seheta mari yoana nija. <sup>7</sup> Jipihtinare nũcũ macainare wahiquinare, minichahcare, chihchõ wahcãinare, wahire mari masa sitichũ yoa masija. Mari payũ tina barore masa sitichũ yoa tuhsũja. Ñ jia tina noano tũho

masina. **8** Tinare mari yũhtichũ yoapachũta mari dũsero sehe ñaare durucuro ne tjueraputiara. Ñ jiro nuina ti niji siariro seheta mari dũsero sehe ne niji siaeraputiara. Mari dũseroi wijaa ñabíaa jira. Ñ jiro ñima painare to wajãno seheta marine paina cũhũre ñabiaro wahachũ yoara mari dũseroi wijaa. **9** Mari dũsero mehne Cohamacũ mari pũhtoro mehne mari noano durucuja. Ñ durucupanahta masa Cohamacũ yoaro sehe jiinare to bajuamehnerina ti jipachũta tinare ñabiaro ni durucuja mari. **10** Cũ dũseroihta noaa durucua cũhũ, ñaa durucua cũhũ wijara. Yũ coyey, ã ni durucueraro cahmana. **11** Máca pohtai mũ wiori copai noaa co, ñaa co cũhũ ne wijaerara. **12** Yũ coyey, higuera cũ olivo pocare dicha tierara. Tuhsũ, secũ higuera pocare dicha tierara. Ñ yoa máca pohtai mũ wiori copai moa tia co to wijaachũ moa mariea co wijaerara. (Tó seheta mari dũseroi noaa durucua, ñaa durucua mehne wijaachũ yoeraro cahmana. Ñ ni durucuaeraro cahmana.)

### Noano masia waro ò sehe jira

**13** Cãina mũsa mehne macaina noano masiina jira. Noano masiina mũsa jia tiare ò sehe yoa ñonahca mũsa. “Paina yũhdoro noano masija sã”, niena tjiga. Ñ nienata noare yoaga mũsa. Ñ noare yoana potocãta noano masiina jira mũsa. **14** Wiho mejeta paio paye barore to cjuachũ ñũna tíre tuaro cahmaina jina, paina mehne suarucuina jina, painare yũhdũrũca duaina jina, “Noano masiina jija sã”, niena tjiga mũsa. Mũsa ã niina jina mahñoina jira mũsa. **15** Ñ yoaina ti tũhotua ne Cohamacũ ya tũhotua jierara. Ti tũhotua Cohamacũre yũhdũrucaina ti ñano tũhotua jira. Tí tũhotua sehe watĩno ya jira. **16** Masa ti cjuare tuaro cahmaina, painare yũhdũrũca duaina ã cahma sayorucura. Ñ yoaina jia jipihtia ñaare yoarucura. **17** Paina sehe Cohamacũ yare noano masiina sehe tina pinihta ã yoamacanocaa nierara. Ñ yoa tina ne cahma sayoerara. Ñ jia masa noaina, painare noano yũhtiina, pja ñũina, masare yoadohoina, masare cũno potori yoaina jira tina. Tíre yoaa, mahño no marieno yoara tina. **18** Ñ yoana cahmachea marieno jina, painare “Cahmachena tjiga”, mari ni yahuna, noaina wahachũ yoana nija mari masare.

**Ahri yahpa macaa ñaare cahmana,  
Cohamacure cahmaeraina jira mûsa**

**4** <sup>1</sup> ¿Dohse jiro baro mûsa cahma sayojari? ¿Ã jina dohse jiro baro cahmachejari mûsa? Ñaare goa pjana, cahmache duara mûsa. Noaare yoa duapanahta ñaare yoara mûsa.

<sup>2</sup> Paye barore mûsa cahmana. Ã cahmana masare wajãna mûsa ti yare nana tana. Pairo paye barore to cjuachu ñuna tíre mûsa tuaro cahmana. Ã cahmapanahta tíre na masierara mûsa. Ã yoa tíre cahma sayorucura mûsa. Cohamacure sinierana, mûsa cahmaare ne bocaerara. <sup>3</sup> Ã yoa sinina, mûsa ya cjihti dihtare sinimana mûsa, mûsa cahmano seheta yoarucuna tana. Paina ya cjihti sehene sini payoerara mûsa. Ã jiro mûsa sinichu Cohamacu mûsa siniare waerara. <sup>4</sup> Cohamacure cohãina jira mûsa. Ahri yahpa macaa ñaare cahmana, Cohamacure cahmaeraina jira mûsa. Ahri yahpa macaa ñaare cahmana Cohamacure cahmaeraina ji tuhsura. ¿Tíre masierajari mûsa?

<sup>5</sup> Õ sehe nia tiri jire Cohamacu yare ti joari pûi: “Cohamacu Espíritu Santore mari mehne jihtirore cûhre. Ã jiro Espíritu Santo sehe marine cahño, ñaare mari tuaro cahmapacheta cahmasãaerara tiro. To manuno to namonore to cahĩ doaro seheta marine tuaro cahña Espíritu Santo”, ni joaa tiri jire panopure. To ã ni joari wiho warota jierara. Potocãta jirota nina. <sup>6</sup> Ã yoa Cohamacu marine noano yoadohora tirore mari noano yuhtihto cjihtore. Õ sehe nina Cohamacu yare ti joari pûi: “Yuhu pinihta painare masi yuhdurucaya’ nirirore, Cohamacu ñu tuhtira. Pairo sehene ‘Ñariro, wiho jiriro jija’, niriro sehene Cohamacu yoadohora”, nina to yare ti joari pûi.

<sup>7</sup> Ã jina Cohamacure noano yuhtiina jiga mûsa. Ã yoa watĩnore yuhtiena tjiga. Mûsa ã yuhtierachu ñuno tiro sehe musare duhti wahcã mûrocaa waharohca. <sup>8</sup> Cohamacure noano yuhtiga mûsa. Mûsa ã yoachu tiro sehe musare yoadohorohca. Ñaina jira mûsa. Ã jina ñaare yoa namoena tjiga. Ñaa cûhure cahmana, noaa cûhure cahmana jira mûsa. Ã jina mûsa ñaa tuhhotumarire cohtotaga. Mûsa ã yoachu ñuno Cohamacu mûsa ñaa yoari buhirire cohãnohca. <sup>9</sup> Mûsa ñaa yoarire tuaro cahyana, bujua witiga. Ã yoana mûsa ñaare yoari buhirire tiiga. Tíre wahcheina jiena tjiga. Ã jina mûsa ñaa yoarire ñano yajeripohna tiga. <sup>10</sup> “Ñariro, wiho jiriro jija yuhu”, nina

Cohamacure ño payoga. Mûsa ã yoachû ñño tiro sehe ño payoa mehne noano yoarohca mûsare.

### **Ti coyeare Jesu yainare ti basi ñano quiti dahre dutieraha**

11 Yû coyea Jesu yaina jina, mûsa basi ñano quiti dahrena tjiga. Mûsa coyeirore ñano quiti dahrena, tirore buhiri dahre duti duaina jina nica mûsa. Cristo ya dutia sehe masare buhiri dahrehti dutia ji tuhsûra. ã jina masare ñano quiti dahrena Cristo ya dutiare õ sehe nina nica mûsa: “Marine noano dutierara Cristo ya. ã jina mari mû sũro buhiri dahre dutijihna”, nina nica mûsa masare ñano quiti dahrena. ã nina Cristo ya dutiare ñano ni durucuina tjuara mûsa. ã jina tí dutiare yoeraina tjuara. 12 Masare dutiare wariro, masare beseriro Cohamacuta jira. Masare pichacapû wahaborinare tirota yûhdûchû yoa masina. ã yoa tirota masare pichacapû cohã masina. ã jina mari sehe masare “Ñaina jira”, ni masieraja. Cohamacû dihta mari coyeare besetiro jira.

### **Ñamichacapure dohse mari jhtore masieraja mari**

13 Mipure yûhure tûhoga mûsa. Õ sehe niina tûhoga yûhure: “Michare, ñamichacare pa macapû jina wahanahca. Tõpurre cû cûhma jina, paye baro dua, nuchûnahca. ã yoana wapatanahca mari”, nina cãina mûsa mehne macaina Cohamacure wacũno marieno. ã niina jina, yûhû sehere tûhoga mûsa. Tó sehe niinare ahrire yahui tai nija: 14 Ñamichacapû dohse mûsa jhtore masierara mûsa. Me ti ji, dõ pihti mûano seheta jira mari jia tia. Me mahanocã jiro, pihtia wahara. Tó seheta mari cûhû mahanocã jina, yarianahca. 15 ã jina õ seheta ni tûhoturo cahmana mûsare: “Cohamacû to cahmachû jinahca mari. ã jina õ sehe yoanahca mari”, ni tûhoturo cahmana mûsare. 16 ã jipanahta mipure “Mari mû sũro õ sehe yoanahca”, nirucumana mûsa Cohamacure wacũno marieno. Tó sehe nirucuna painare yûhdûrucaina jina, ñaare yoara mûsa. 17 ã jina noaare mari yoahire masipanahta tíre yoerana ñaare yoana nija mari.

### **Pache pûare yahuha Santiago**

**5** 1 Pache pûa mûsa mipure tûhoga yûhure. Baharopure mûsa ñano yûhdûnahca. ã jina tii sañurucuga mûsa.  
2 Mûsa pache ba pihtia wahaahca. ã yoa mûsa suhtire casípoca



cũhũ chũ pahñoahca. <sup>3</sup> Ahri dachorire, pihtiri dacho pano niñerure m̄sa pj̄iro wihbochũ ne tí yaba cjihti jierara. M̄sa ã wihbochũ ñũno niñerure m̄sa cahĩchũ masina Cohamacũ. Tí niñeru to wapo wijiboriro seheta tí niñeru pihtia waharohca. ã Jina niñerure m̄sa cahĩri buhiri ñano yũhdũnahca pichacarpũ m̄sa jũchũ m̄sa pjacũre jũ pjaro seheta. <sup>4</sup> M̄sa weserire dahra cohtainare wapaerare m̄sa. Tinare mahñore m̄sa. ã Jiro tinare m̄sa wapaerari niñerure ñũno, m̄sa mahñorire masina Cohamacũ. M̄sare dahra cohtaina wapa na duaa, sañurucura tina. Ti ã ni sañurucuchũ mari pũhtoro Cohamacũ tinare tũhora. <sup>5</sup> Ahri yahpapũre payũ pache mehne jia tira m̄sa. ã Jina m̄sa ji coa dihtare yoaa tira m̄sa. ã Jina pjiriro wachũ ti noano nuriro yoaro sehe jira m̄sa. Pjiriro wachũ pj̄iro to chũri baharo tirore ti wajãhti cuhtupũ na wahcãna. Tó seheta m̄sa cũhũre pj̄iro m̄sa cjuari baharo m̄sare to buhiri dahrehtopũ na wahcãnohca Cohamacũ. <sup>6</sup> Noainare ñano ti yoerapachũta peresu yoa wajã dutire m̄sa tinare. M̄sa ã yoachũ tina sehe m̄sare yũhdũrũca masierare.

### **Cristo to tjua tahtore noano cohta dutiha marine Santiago**

<sup>7</sup> ã Jina yũ coyeya, mari pũhtoro Cristo ahri yahpapũre to tjua tahtore noano cohtaga. Wese pũro to toaa dicha tihti pjare noano to cohtaro seheta noano cohtaga. Puhiro to dũcachũ. baharopũ coro to ta namochũ cũhũre to toaapũre “Coro ta sãajaro” nino, to wesere to noano duhtore noano cohtara tiro. <sup>8</sup> To ã cohtariro seheta m̄sa cũhũ noano cohtaga. Mari pũhtoro to tjua tahto mahanocã dũhsara. ã Jina Cohamacũre ã wacũ tuarucuna to tahtore ã cohtarucuga m̄sa.

<sup>9</sup> Yũ coyeya m̄sa basi nurena tjiga Cohamacũ m̄sare to buhiri dahrehta sehe. ã yoa ahrire wacũga m̄sa. Buhiri dahrehtiro to tahto mahanocã dũhsara. <sup>10</sup> Yũ coyeya, ñano yũhdũpanahta mari pũhtore noano cohtaga Cohamacũ yare yahu mũhtaina cjiri ti yoariro seheta. Tina ti cũno pjariro seheta cũno pjaga m̄sa cũhũ tinare ñũ cũna. <sup>11</sup> ã yoa ahri yũ yahuhtire wacũga m̄sa. Ñano yũhdũpahta Cohamacũre duhueraina wahcheina jira. Panopũ macarirore Job wama tirore cjirore tũhore m̄sa. Tiro ñano yũhdũparota Cohamacũre duhuerari jire. ã Jiro to ñano yũhdũri baharo Cohamacũ tirore noano yoari jire. Cohamacũ mari pũhtoro noano pja ñũriro jiro ãta yoari jire tiro. Tí jipilhtiare masina m̄sa.

12 Yñ coyea ahrire noano tũhoga tjoa. Ñ sehe ni wama payora masa: “Mũano macariro mehne potocã nina nija”, nina masare tũho dutia. Tuhsũ, “Ahri yahpa mehne potocã nina nija”, nina masa. Paye mehne cũhũre wama payora tina. Tina yoaro sehe ã ni wama payoena tjiga. Ahrire mũsare tuaro dutija. Mũsa painare yahuna, noano potota yahuga tinare. Wama payoro marieno ni yahuga tinare. ã mũsa potocã yahuchũ ñũno Cohamacũ soro mũsa niri buhirire buhiri dahresi.

13 Mũsa mehne macariro ñano yũhdũriro jiro, Cohamacũre sinijaro tiro. Pairo wahcheriro jiro Cohamacũre wahchea mehne basajaro. 14 Mũsa dohatina, Jesu yaina pũhtoare pjirocaga mũsa. Mũsa ã pjirocachũ tina sehe mũsare se mehne wisõahca mari pũhtoro Jesu wama mehne to tuaa mehne. ã wisõ tuhsũ, mari pũhtoro Cohamacũre mũsare sini payoahca tina. 15 ã ti sini payochũ “Mari sinino seheta tiro yoarohca”, ti ni tũhotuchũ Cohamacũ mũsare dohatiinare mũsa dohatiare yũhdũchũ yoarohca. ã yoa mũsa ñaa yoari buhiri mũsa dohatiina jichũ ñaa mũsare sini payoahca. Ti ã sini payochũ ñũno mũsa ñaa yoari buhirire borohca Cohamacũ. 16 ã yoa mũsa mehne macaina mehne mũsa ñaa yoarire cahma pũ bũhũseheri yahuga. ã ni tuhsũ, mũsa basi Cohamacũre cahma sini payoga. Mũsa ã sini payochũ mũsa sini payoinare Cohamacũ yũhdũchũ yoarohca. Noare yoaina mũsa jichũ Cohamacũre tuaro mũsa sini payoriro seheta yoarohca tiro. ã jia mũsa sini payoa tua nica. Wiho jia jierara. 17 Cohamacũ yare yahu mũhtariro cjiro Elia wama tiro mari yoaro seheta masũno jia tiri jimare. ã jiro “Coro taero tjijaro” ni, tuaro sinia tiri jire Cohamacũre. To ã ni sinichũ tia cũhma noano pa cũhma dacho macai ahri yahpũpũre ne coro taera tiri jire. 18 Pari turi tjoa Cohamacũre corore to sinichũ coro taa tiri jire. ã jiro pari turi ahri yahpai yucũri bũcũa, dicha tia tiri jire. (ã jia Cohamacũre mari sinia wiho jia jierara.)

19 Yñ coyea, mũsa mehne macariro Cohamacũ yare duhuriro cjiro Cohamacũ yare pari turi to cahmahto cjihtore tirore yahuna, noano yoana nina mũsa. 20 ã yoa ahrire masiga mũsa: Cohamacũre duhuriro cjirore Cohamacũre pari turi cahmachũ yoana, pichacarpũ wahaborirore yũhdũchũ yoana nica mũsa. ã jiro payũ to ñaa yoari buhirire Cohamacũ bo pahũonohca.

# 1 San Pedro

## Jesu yainare macari waharinare joarocaha Pedro

**1** 1 Yũhũ, Pedro, Jesucristo buhe dutiro to cūirota jija. ã jicũ mũsare yoaro macaa macaripũ waha siterinare Ponto yahparũ, Galacia yahparũ, Capadocia yahparũ, Asia yahparũ, Bitinia yahparũ tí yahparipũ waharinare mũsare jipihĩtinare joarocaja yũhũ. Mũsare noa duti joarocaja yũhũ. **2** Wahmanopũre Cohamacũ mari Rũcũ “Õ sehe yoaihtja”, to ni wacũyuriro seheta mũsare besea tiri jire. To ã beseri baharo to yairo Espĩritu Santo sehe mũsare Cohamacũ yaina cjihtire sõri jire. Õ seheta sõri jire tiro Jesucristore noano yũhtihtina mũsa jihto sehe, to di cohãri mehne mũsa ñaa buhirire cosarina mũsa jihto sehe. Cohamacũ to cahĩa mehne mũsare noano jichũ yoajaro.

## Jesu yaina jina marine mũanopũ to naahtore cohtana nija mari

**3-5** Cohamacũ marine tuaro pja ñũno, Jesucristo yariaro to masa mũjari mehne marine pichacapũ wahaborinare yũhdũchũ yoare tiro. ã marine yũhdũchũ to yoachũ pari turi mari masa bajuariro seheta Cohamacũ to pohmata wahaja mari. ã wahana tiro mehne mari ã jirucuhtore noano masija mari. ã jiro mũsare noano yoaro taro mũsare cohtaro nina. Tiro mehne mũsa ã jirucuhtire cũnohca tiro. ã jina ã jirucunahca mũsa. Tõrũ Cohamacũ mũsare to wahto ne baasi. Ahri yahparũ mari ya ti wete wahãno seheta, ti ñaia waharo seheta Cohamacũ mũsare to wahto ne ã wahasi. ã jia ne pihtisi. ã jiro tirore mũsa wacũ tuachũ, Cohamacũ to tuaa mehne mũsare ñũ wihboro, yũhdũchũ yoarohca. Pihtiri dacho jichũ mũsare to yũhdũchũ yoarire masichũ yoarohca tiro. Marine to ã pja ñũchũ ñũna, Cohamacũre mari pũhtoro Jesucristo rũcũrore ño payo, “Noana”, nijihna tirore.

**6** ã to yũhdũchũ yoahntina jina, mahano ahri yahpai mũsa jiro puro payũ tahari mũsa ñano yũhdũpanahta wahchera mũsa. **7** ã ñano yũhdũpanahta Cohamacũre duhuerana mũsa tirore noano wacũ tuarire masichũ yoana nica mũsa. Uru ahri

yahpa macaa pini pihtia wahaahca. Uru yuhdoro m̄sa wacū tuaa sehe wiho waro jierara. Ā jia masa uru to jiare masi duaa doha ñ̄na. Urure ti doha ñ̄no seheta m̄sa wacū tuaare Cohamacū ñ̄u duaro “Ñano yuhd̄ujaro”, niboca m̄sare. M̄sa ã ñ̄ano yuhd̄uri baharo potocāta tirore m̄sa noano wacū tuarucuch̄, Cristo ñ̄o payoa mehne m̄sare “Noano yoahre m̄sa”, ninohca. Ahri yahpap̄ t̄jua taro ã ninohca.

8-9 Tirore Jesucristore m̄sa ñ̄uerapanahta cah̄ina m̄sa. Ā yoa mip̄ure tirore ñ̄uerapanahta tirore wacū tuara. Ā wacū tuana, tuaro wahchera m̄sa. Cohamacū ã m̄sare to wahchech̄u yoach̄u p̄j̄iro wahchera m̄sa. Tí wahchea noa yuhd̄uara. Cohamacū m̄sare pichacap̄u wahaborinare yuhd̄uch̄u yoarohca m̄sa tirore noano wacū tuach̄u. Ā jina p̄j̄iro wahchera m̄sa.

10 Cohamacū m̄sare to ã yuhd̄uch̄u yoah̄tore, m̄sare to tuaro cah̄iare panop̄u macaina Cohamacū yare yahu m̄htaina cjiri tíre masi duaa, buhe, sinitu ñ̄ua tiri jire. Ā jia tíre yahuyu joaa tiri jire. 11 Cristo to ñ̄ano yuhd̄uhtore, to masa m̄jahtore, jipihtina bui p̄htoro to s̄ho jiltore tina to masa bajahto panop̄uta yahuyu tuhs̄ua tiri jire. Jesucristo to yairo Esp̄iritu Santo to yoadohoa mehne ã yahuyua tiri jire tina. Ā yahuyua tina Cohamacū yare yahu m̄htaina cjiri ti yahurire noano masi duaa sinitu ñ̄ua tiri jire tina Cohamac̄ure. Esp̄iritu Santo “Cristo wihirohca”, to niriore “¿Dohse jich̄u wihirohcar̄i?” ni sinitu ñ̄ua tiri jire tina. “¿To wihih̄u dohse waharohcar̄i?” nia, tó c̄uh̄ure sinitu ñ̄ua tiri jire. 12 Tí ti yahuyuri cjiri ti basi ti masihti c̄ihti jiera tiri jire. Tíre tinare masich̄u yoaa tiri jire Cohamacū. Mari sehe mari masihti c̄ihti jiri jire Cohamacū yare yahu m̄htaina cjiri ti joari cjiri. M̄uanop̄u tariro Esp̄iritu Santo to yoadohoa mehne mip̄ure noaa buheare m̄sare s̄ã yahuja. Panop̄u m̄sa masihti c̄ihtire ti yahuyuri cjiri títa jinocaata nina mip̄ure m̄sare s̄ã yahua. Tí buheare anjoa c̄uh̄u tuaro masi duaa tiri jire.

### **Cohamacū marine ñ̄aa marieina ji dutira**

13 Ā jina noano wacū masit̄jiāhna jiyuga m̄sa. Ā yoana noano t̄ho masiina jiga. Cristo to t̄jua tach̄u Cohamacū m̄sare noano to yoah̄tore wacūga. Ā yoa tíre noano cohtaga. 14 Panop̄u Cohamac̄ure masieras̄inina ñ̄aare goa p̄j̄aina jimare m̄sa. Mip̄ure tíre yoaena t̄jiga. Ā yoaerana ti pohna ti p̄cs̄sm̄are noano ti yuh̄tiri sehta Cohamac̄ure yuh̄tiga

musa. 15 Ñ yoana to yaina cjihtire musare beseriro ñaa marieriro to jiro seheta musa cūhū ñaa marieinata jiga. Ñ jina noaa dihtare yoaina jiga. 16 Ñta ni joaa tiri jire Cohamacu yare ti joari pūi: “Ñaa marieriro jija yūhū. Yū ã jichū musa cūhū ñaa marieina jiga”, ni joaa tiri jire.

17 Tiro Cohamacu jipihtina cāinare ti yoarire ñuno cño potori besera tinare. Ñainare, noainare besera. To ã beseriro jichū tirore “Yū Pucū” ni duana noano yoaga. Ahri yahpai musa jiro puro cua pisaro mehne Cohamacure ño payoro mehne noano jirucuga musa jiape nino marieno. 18 Musa ñuchusuma cjiri ti yoari cjiri ne yaba cjihti jierari jire. Musa cūhū ti yoariro sehe yoaina musa jipachuta Cristo musare to yaina cjihti yoare. Wapamoinare ti wapamorire ti boriro seheta tiro sehe musa ñaa yoari buhirire potota bonocare. Tíre noano masina musa. Musare ã yoaro plata mehne, uru mehne wapa wioerare tiro musare ã yoaro. Plata, uru butia wahaahca. 19 Tiro sehe oveja noariro, wete marieriro yoaro seheta jiriro Cristo to di mehne to yariari mehne musa ñaa yoari buhirire cohā, musare yūhdūchū yoare. To di mehne marine ã yoaro wiho waro ã yoaro nierare. 20 Panopure ahri yahpare to bajuamehnehto pano Cristo to ã wahahto cjihtore masi tuhsua tiri jire Cohamacu. Mipū sehere pihtiri dacho panocā to jichū, Cristore noano masichū yoare Cohamacu musare. 21 Cristo to yoadohoro mehne Cohamacure wacū tuara musa. Cohamacu sehe Cristore yariaritore masori jire. Ñ yoaro tirore muanopū cño jipihtinare tirore ño payochū yoari jire Cohamacu. To ã yoachū tirore Cohamacure wacū tuara musa. Musa ã wacū tuachū tiro noano yoara musare. Ñ jina musare to yūhdūchū yoahore noano masi, cohtara musa.

22 Noaa buhea ti niriro seheta yoaina jina, musa ñaa yoari buhirire cohārina jira musa. Ñ jiina jina potocāta mari coyeare Jesu yainare cahī masina musa. Ñ jina musa mehne macainare musa yajeripohnari mehne tuaro cahīga. 23 Ñ yoa pari turi wahma masa bajuaina yoaro sehe jiina Cohamacu pohna wahare musa. Mari pūcusuma ti pohna tirina jina baharo yarianahca. Tí yoaro sehe jierara Cohamacu pohna musa wahachū. Cohamacu to buhea mehne to catichū yoaa buhea mehne to pohna wahare musa. Tí buhea mehne Cohamacu mehne ã jirucunahca mari. 24 Ñ sehe nina Cohamacu yare ti joari pūi:

“Jipihtina masa tja yoaro sehe jira.

Ã yoa noaa ti cjuaa, tja cohori yoaro sehe jira.

Tja ñaia wahara. Cohori cũhũ buru bora,  
baa wahara.

Tí yoaro seheta yariara masa cũhũ.

25 Mari pũhtoro ya buhea sehe ne pihtisi.

To niriro seheta ã waharohca”,

ni joaa tiri jire. Tí buhea m̄sare ti yahuri cjiri noa buheata jira.

**2** 1 ã Cohamacũ pohna jina jipihtia ñaa yoare, mahñoare, ti baharo bũhũsehei ñano yoa cohtaare, paina ti cjuare cjoare, painare ñaa quiti dahreare tíre duhuga m̄sa. 2 ã yoa wahma masa bajuaina pẽchore ti tuaro cahmano seheta m̄sa cũhũ noa buheare Cohamacũ yare tuaro cahma namoga. ã cahma namoga m̄sa tirore m̄sa wacũ tua namohto sehe, to yũhdũchũ yoaina m̄sa wahahto sehe. 3 ã yoaga m̄sa mari pũhtoro m̄sare to noano yoare masiina jina.

#### **Cristo catichũ yoiriro tãca yoaro sehe jiriro jira**

4 Cristo catichũ yoiriro tãca yoaro sehe jiriro jira. Wũhũ dahreina cũria tãcare ti cahmaeraro seheta masa tirore cahmaerare. Cohamacũ sehe tirore to ñũchũ to beseriro noa yũhdũariro jira. To ã jiriro jichũ tirore wacũ tuaga. 5 M̄sa cũhũ wũhũ macaa tãa yoaro sehe jira. M̄sa ã jina Cohamacũ ya wũhũ macaa tãare noano ti cũriro seheta m̄sa to yaina cũhũ noano mehne jinahca m̄sa. ã yoana Cohamacũ ya wũhũ macaina noaina sacerdotea jinahca m̄sa. ã jina sacerdotea wahiquinare wajã jũ m̄oa Cohamacũre ti wariro seheta Jesucristo to yoadohoa mehne Cohamacũ yare noano yoanahca m̄sa. M̄sa ã yoachũ ñũ ji coarohca Cohamacũ. 6 Õ sehe nina Cohamacũ yare ti joari pũi:

“Tãca wũhũi ti cũ mũhtari tãca marieno wũhũre yoa dũca masierara.

Tó seheta Cristo marieno yũ yaina waha masierara masa.

Ã jiro tiro wiho jiriro jierara.

Ã jicu tirore Jerusalẽpũ mipũre cũi nija.

Tiro yũ beseriro noa yũhdũariro jira.

Ã jia tirore wacũ tuaina wahche, ne bũo tisi”,

ni joaa tiri jire Cohamacu yare ti joari pui. 7 Tirore wacu tuaina sehe noa yuhduaro wahaahca. A jiro wiho jiro jierara tiro. Tirore wacu tuaeraina sehe soro wahaahca. Tinare o sehe nina Cohamacu yare ti joari pui:

“Ahrriro Cristo taca yoaro sehetu jira.

Tacare wuhu dahreina ti cohano sehetu masa tirore cohahca.

Ti a yoapachuta mipure wuhu dahreina wuhure yoaa ti cu muntari tacare ti cuno sehetu Cohamacu tirore pughtoro sore”,

ni joaa tiri jire. 8 O cuhure nina Cohamacu yare ti joari pui:

“Murocariro tacare doca wahu soro to wacu wahcunore ne surera.

To sehetu taca yoaro sehe jirore Cristore cahmaerana, tirore yuhdurucana, Cohamacu caharu susi mari”,

ni joaa tiri jire panoru. Tina Cohamacu ya buheare yuhtierare. Cohamacu panoru “A waharohca”, to niriro sehetu Cristore cahmaerare tina. A yoahinare cu tiri jire Cohamacu tinare.

### **O sehe jira Cohamacu yaina**

9 Musa sehe Cohamacu to beserina jira. Tiro mari pughtoro to yaina sacerdotia tirore dahra cohtaina jira musa. A jina to ya curua macaina naa marieina Cohamacu yainata jira musa. Ata jira musa. Cohamacu noa yuhduare to yarire painare yahuhitina cjihti jira musa. Musare besa tiri jire nahitianoi jiina musa jiboro sehetu naare yorucu dutieraro. A besero noano buhriroi jiina ti noano nu masino sehetu, Cohamacure noano masiina, to yare yorucuina ji dutira musare. 10 Panopure Cohamacu yaina jierari jire musa. Mipuru pinihtare to yaina jira musa. Panopure musare pja nuhiro musare mariasiniri jire. Mipuru sehere musare Cohamacu pja nure.

### **Cohamacu yare yoaina jiga musa**

11 Yu cahina, ahri yahpai ji dojahtina jierara musa. Cohamacu yaina jira musa. Musa a jiina jichu ahrire tuaro yahuja musare: Musa naare goa pjaare ne yoarena tjiga. Ti naare yoana, Cohamacure nu tuhtina, naina wahana nica musa. 12 Cohamacure cahmaeraina watoi jina noano yoaina jiga musa, musare “Yahusari”, nina. Musa a yoaina jichu tina mipure

mūsare ñano yahusã duapahta, mūsa noano yoare masiahca tina. Ā masia, tina Cohamacure “Noariro, tuariro jira”, niahca. Ō seheta niahca Cristo ahri yahpapu to tjua tachu.

13 Mari puhtorore yuhti duana ahri yahpa macaina puhtoa cūhure yūhdurucaina jiena tjiga mūsa. Ahri yahpa macarirore mūsa jipihtina bui puhtoro jirirore tiro cūhure yuhtiga.

14 Puhtoare yūhdurucainare buhiri dahre dutiro, warocara tiro tirore yoadohinare. Ā yoa noano yoainare “Noano yoare mūsa”, ni dutiro warocara tiro. To ã warocachu, tina cūhure yuhtiga mūsa. 15 Mūsa noano yoachu ñua tuho masieraina ti mu sūro mūsare quitu dahre duapahta quitu dahre masierara. Mūsa āta yoachu cahmana Cohamacu. Ā jina mūsa puhtoare yuhtiga.

16 Cohamacu mūsa puhtoro jira. Painare dahra cohtaina jierara mūsa. Ā jipanahta “Sāre dutiriro mariaha. Ā jina ñaare yoanahca”, ni tuhotuena tjiga “Ñaare yoari”, nina. Cohamacure dahra cohtaina jira mūsa. Ā jina tirore noano yuhtiina jiga mūsa. 17 Jipihtina masare ño payoga. Mari coyey Jesu yainare cahiga. Cohamacure cua pisaro mehne ñuga. Ahri yahpa macaina jipihtina ti bui puhtoro jiriro cūhure ño payoga.

### **Cristo ñano yūhduro to cūno pjariro seheta cūno pjaga mūsa cūhu**

18 Dahra cohtaina, cua pisaro mehne mūsa puhtoare yuhtiina jiga. Noaina, mūsare noano yoina dihtare yuhtiina jiena tjiga. Mūsa mehne suaina cūhure yuhtiga mūsa. 19 Mūsa ñano yoerapachuta mūsare ti buhiri dahrechū Cohamacu to cahmano seheta tīre mūsa cūno pjachu “Noano yoare mūsa”, ninohca Cohamacu mūsare. 20 Mūsa ñano yoari buhiri tina mūsare ti buhiri dahrechū tīre mūsa cūno pjachu tí yaba cjihti jierara. Tí yaba cjihti jierapachuta noano mūsa yoapachu ti buhiri dahrechū tīre noano mehne mūsa cūno pjachu Cohamacu “Noano yoare mūsa”, ninohca mūsare. 21 Ā ñano yūhdutinare ji dutire Cohamacu mūsare to yainare. Cristo mūsa ya cjihtire ñano yūhdure tirore mūsa ñu cūhto sehe. 22 Tiro ne ñano yoerare. Ā yoa ne mahñoerare. 23 Tirore ti tuhtichū, tiro sehe tinare tuhti cahmaerare. Tirore ti ñano yoapachuta “Cjāihtja mūsare”, ne nierare tiro. Ti ã yoapachuta tinare Cohamacu to buhiri dahrehtore quihōno to yoahore masino, “Yū Pūcupū



tinare buhiri dahrerohca”, ni tuhature tiro. **24** Tiro to basi crusapɔ mari ñaa buhirire variare. Ñ waha variare pari turi mari ñaare yoaerahto sehe, Cohamacɔ cahmaa sehere mari yoahito sehe. Tiro ñano cami tíre marine pichacapɔ wahaaborinare yɔhɔɔɔɔ yoaro taro. **25** Oveja wisia ti butiro seheta mari cɔhɔ pichacapɔ butihtina jimai. Mipɔ sehere Cristore ovejare ñɔ wihboriro yoaro sehe jirirore, marine ñɔ wihborirore wacɔ tuaja mari. Ñ wacɔ tuana, to yaina wahi mari.

**Wamomaca dɔhteinare ɔ sehe yoaro cahmana tinare**

**3** <sup>1</sup> Ñ yoa dahra cohtainare yɔ dutiro seheta mɔsa namosɔnumiare dutiitja. Mɔsa manɔsumare yɔhɔɔɔɔcaena tjiga tina Cohamacɔ ya buheare ti cahmahto sehe. Cɔina tina to ya buheare cahmaeraina jia, tinare mɔsa yɔhɔɔɔɔcaerachɔ ñɔ Cohamacɔ ya buheare cahmaboca tina. Tí buheare mɔsa yahuerapachɔta to yare cahmaboca tina. <sup>2</sup> Ñta cahmaboca tina mɔsa noano yoaa, mɔsa ño payoa cɔhɔre ñɔ. <sup>3</sup> Mɔsa numia, carea numia yoaro sehe yoaena tjiga. Ñ yoa mɔsa pjoarire wɔhawe sapahtaa numia, uru darire bɔsaa numia, wapa ti yɔhɔɔɔ suhtire sɔa numia jiena tjiga mɔsa, mɔsare “Goa pjachɔ yoari”, nina. <sup>4</sup> Ñ yoa mɔsa cua pisaro mehne painare niji siaroca mehne yoaa numia jina, noano sɔhɔɔɔ numia jina, ahrireta ñɔ ji coachɔ yoaga. Ahrireta mɔsa yoachɔ wiho waro jierara, Cohamacɔ to ñɔchɔ. <sup>5</sup> ɔ seheta yoaa tiri jire panopɔ macaa numia Cohamacɔ ya numia cjiri. Tí numia Cohamacɔre wacɔ tuaa numia jia, ti manɔsumare yɔhɔɔɔɔcaera tiri jire. <sup>6</sup> Tó seheta Sara cjiri to manɔno Abrahɔ cjiroro noano mehne yɔhtia tiri jire. Ñ jiro tirore “Pɔhtoro”, ni pisua tiri jire. Ñ jina mɔsa noano yoaa numia jina, cuiro mariea numia jina, Sara cjiri pohna numia yoaro sehe jira mɔsa cɔhɔ.

<sup>7</sup> To noano yoaroro seheta mɔsa cɔhɔ mɔa mɔa namosɔnumiare noano yoaga. Tí numia mari mɔa yoaro sehe tua numia jierara. Ñ jina ño payoa mehne noano yoaga tí numiare. Cohamacɔ jipihtia dachoripe tiro mehne mari jihtore marine to waroro seheta tí numia cɔhɔre warohca tiro. Tí ñ jiina jichɔ tí numiare noano yoaga. Cohamacɔre mɔsa siniare mɔsa dojomehnerahto sehe tí numiare noano yoaga.

### Noano ti yoapachuta paina tinare ti ñano yoare yahuha Pedro

**8** Ahri mehne yahu batoihtja: M̄sa jipihtina c̄no mehne noano mehne jiga. ã jina m̄sa mehne macainare noano p̄ja ñ̄ina jiga. M̄sa coyea Jesu yainare p̄ ñ̄uh̄seheri cahma cah̄ga. ã jina noano yoaga tinare. ã yoa “Wiho jiina jija”, ni t̄hotuga. **9** Paina m̄sare ñ̄ano ti yoach̄ tinare ñ̄ano yoa cahmaena t̄jiga. M̄sare ti tuhtich̄ tinare tuhti cahmaena t̄jiga. M̄sare ti ã yoapachuta noano yoaga tinare. ã yoana “Noano jiga”, niga tinare. T̄ire yoah̄tina c̄jhtireta to yaina c̄ire m̄sare Cohamac̄u sehe m̄sare noano yoaro taro.

**10** ãta nina Cohamac̄u yare ti joari p̄i:

“M̄sa noano wahchea mehne ji duana ne ñ̄ano ni durucuena t̄jiga.

Painare mah̄noena t̄jiga.

**11** Ñ̄aa yoare duhunocahga.

Noaa sehere yoaga.

Cahma m̄sa basi ñ̄u tuhtiro marieno jiga.

M̄sa noano jhtore tuaro cahmaga.

**12** Cohamac̄u cahmaare yoaina mari p̄htoro ã ñ̄u wihborucuro nina.

T̄irote ti siniare ã t̄horucuro nina.

Ñ̄ano yoaina sehere tiro ñ̄u tuhtira”,

ni joaa tiri jire.

**13** Noare m̄sa tuaro yoach̄ paina sehe m̄sare ñ̄ano ȳhd̄ch̄ yoa dua bihosi tina. **14** Noano m̄sa yoapachuta m̄sare ñ̄ano ȳhd̄ch̄ ti yoach̄ ñ̄no Cohamac̄u m̄sare noano yoarohca. ã jina painare cuiena t̄jiga. ã yoa p̄jro t̄hotuena t̄jiga. **15** Cristore “S̄a p̄htoro jira” ni, m̄sa t̄hotuna, ño payoga tirote. ã yoana Cristore m̄sa wac̄u tuaare, Cohamac̄u mehne m̄sa jhtore paina ti sinituhto pano tinare m̄sa ȳhtih̄tore noano masiyuga. ã ȳhtina nihi siaro mehne, noano ño payoa mehne yahuga tinare. **16** Noaina jiga. ã jina “Ñ̄aare yoaja”, ni t̄hotusi m̄sa. ã jia Cristo yare noano yoaina m̄sa jich̄ paina m̄sare ñ̄aa quit̄i dahrea, b̄oro wahaahca tina. **17** Ñ̄aare m̄sa yoari buhiri m̄sa ñ̄ano ȳhd̄ch̄ noaerara. ã yoa Cohamac̄u cahmach̄ noaare m̄sa yoapachuta m̄sa ñ̄ano ȳhd̄ch̄ noa nina tí pinihta.

**18** Õ sehet̄a ȳhd̄re Cristo. C̄u tahata jipihtina ti ñ̄aa buhirire yariare tiro. Noariro jire. ã jiro ñ̄aina mari jich̄ mari

yaro jiborirore ñano yũhdũre tiro. Ñano yũhdũre tiro marine Cohamacũ yaina wahachũ yoaro taro. To pjacũ yariaa wahare. Æ yariaparota to catia mehne masari jire. <sup>19</sup> Æ masariro jiro tiro ti buhiri dahrehtore cohtaina cjiri presu jiina cjiri yariarina cjirire buheri jire. <sup>20</sup> Tina cohtaina panopũ Cohamacũre yũhtieraina cjiri jia tiri jire. Tí pjarũre Noé cjiro to jiri pjarũre, pjiria dohoriare dohoro nia tiri jire. Tiare to dohoro watoi Cohamacũre yũhtieraina cjirire ti yũhtichũ cahmano yoari pja cohtaa tiri jimare Cohamacũ. Æ yoa mahainacã ochota dia mininore yũhdũa tiri jire. <sup>21</sup> Minia ti yũhdũriro seheta bautisaa mehne yũhdũra masa. Mari pjacũre mari wete tju cosaro sehe jierara bautisaa. Soro sehe jira bautisaa. “Ñaa buhiri marieina jija”, mari ni masihtõ cjihtõre Cohamacũre “Mũhũre wacũ tuaja”, mari ni yahua jira ahri bautisaa. Æ yoa Jesucristo to masa mũjari mehne yũhdũja mari. <sup>22</sup> Tiro Jesucristo mũanopũ wahari jire Cohamacũ poto bũhũsehei jiro, tiro mehne dutiro taro. Æ jiro tiro anjoa bui, mũano macaina pũhtõa bui, dutiina bui ti pũhtõro jira.

#### Cristo yaina jina noa sehẽre cohtõtaina jinahca

**4** <sup>1</sup> Mari ñano yũhdũna ñano yoaare duhunocaja mari. Cristo ñano yũhdũri jire. Æ jina tiro ñano yũhdũro to cuierariro seheta to suaerariro seheta mũsa cũhũ to yoariro seheta yoaga. <sup>2</sup> Õ seheta yoaga mũsa ñaare mũsa goa pjaare pari turi mũsa yoerahto sehẽ, Cohamacũ cahmaa sehẽre mũsa yoarucuhto sehẽ. <sup>3</sup> Panopũ Cohamacũre cahmaeraina ñaare goa pjaare ti yoariro seheta yoarucuri jimare mũsa cũhũ. Bũo tiro marieno ñano yoana, ñaare goa pjaare yoana, cahana, cahaa bose nũmũrine yoana, “Cohamacũ jira”, mũsa nia masũrine, Cohamacũ to ñũ yabia masũrine ñõ payona ahri sehereta yoari jimare mũsa. Æ jina tó purota yoa batoaga. <sup>4</sup> Æ jia tí ñaputiare yoaina mehne mũsa jisinchũ mipũre mũsa tíre yoerachũ ñaa tina sehẽ ñũ cãaa wahara. Æ yoa mũsare ñano quti dojõmehñena. <sup>5</sup> Ti ã yoachũ ñũno ti ñaa yoarire Cohamacũ sehẽ sinitu ñũno, yahu yũhdũ dutirohca tinare. Tiro catiinare, yariaina cũhũre besẽhtiro buhiri dahrehtiro jira. <sup>6</sup> To ã besẽhtiro jichũ jipihñina masa sehẽ mipũ yariarina cjirire noa buheare yahure Cristo ti yariahto pano. Õ seheta ni yahure ti pjacũrre Cohamacũ to yaria dutipachũta. Æ yahure tiro

Cohamacu jipihtia dachoripe to jiro seheta tiro mehne ti jirucuhto cjihtore.

7 Pihtiri dacho cjihto mahanocã dũhsara. Ñ jina noano tũho masiina jiga, mipũre Cohamacu mehne mũasa durucuhto noano. 8 Painare cahĩna payũ tahari ñaare ti yoapachũta ñ ñũnocaja mari. Ñ jina mũasa mehne macainare ñ cahĩrucuga. Paye dutia yũhgoro tíreta yoaga. 9 Mũasa mehne macainare ne nureno marieno mũasa wũhũsepu sãa ta dutiga tinare. 10 Cohamacu mũasa cãinare mũasa yoa masihtipe cũri jire. To ñ cũchũ, mũasa yoa masiro seheta mũasa mehne macainare tíre noano yoaga. To cũriro seheta painare noano yoadohona, Cohamacu to cũriro seheta noano yoana nica mũasa. 11 Mũasa Cohamacu yare noano yahuina jina, Cohamacu to yahubiro seheta noano yahuga mũasa cũhũ. Masare yoadohoina jina Cohamacu to cũri tuua mehne painare yoadohoga. Tí jipihtiare yoana Cohamacure masa ti ño payohto sehe ñ yoarucuga. Jesucristo sehe tíre mũasa yoachũ yoadohorohca. Tirore jipihtia dachoripe ño payoa, “Tuariro jira”, nino cahmana jipihtinare. Ñta nijaro.

### **Jesu yaina ti jiri buhiri ti ñano yũhdũare yahuha Pedro**

12 Yũ cahĩina, mipũre ñaputiaro yũhdũna, “Cue, soro jiro wahaca yũhũre” ni, wacũ cũaena tjiga. Mũasa ñano yũhdũchũ Cohamacu mũasa tirore wacũ tua namochũ yoa duaro, “Ñano yũhdũjaro”, nino nica tiro. 13 Cristo to ñano yũhdũriro seheta mũasa cũhũ ñ wahana, wahchega mũasa. Ñ wahchena Cristo to si sitea mehne to tjua tachũ mũasa noano wahchenahca. 14 Cristo yaina mũasa jiri buhiri paina mũasa ti tuhtichũ Cohamacu to yairo Espĩritu Santo to si siteriro mũasa mehne jiro nina. Ñ jina wahchega mũasa. 15 Ñ yoa masare mũasa wajãri buhiri, mũasa yacari buhiri, paina ti yoarire ñũna tinare mũasa soro ni dojomehneri buhiri mũasa ñano yũhdũchũ ñaa nina. 16 Ñ jipachũta Cristo yaina mũasa jiri buhiri ñano yũhdũna, bũo tiena tjiga. Ñano yũhdũpanahta Cristo yaina mũasa jiare wahchena, Cohamacure “Noana” ni, ño payoga mũasa.

17 Cohamacu to yaina ti yoarire ñũno to besehti pja jiro nina mipũre. Jipihtina mari to yaina mari yoarire ñũno bese mũhtanohca “Ahri ñaa jira. Ahri noaa jira”, nino. ¿Ñ bese mũhtano dohse yoarohcari to yaina jieraina sehere? Tirore yũhtieraina sehere tuaro buhiri dahrerohca. 18 Ñ sehe nina Cohamacu yare ti joari pũ: “Noaina yũhdũahca. Ti ñ yũhdũhto

mijo curera. To ã mijo curechũ Cohamacũre cahmaeraina sehe ne yũhdũsi. Basioerara tinare”, nina Cohamacũ yare ti joari pũ. 19 Æ jina Cohamacũ to cahmachũ mũsa ñano yũhdũina jina, noaare mũsa yoarire ne duhuena tjiga. Æ yoa mũsare bajuamehnerirore mũsare ne duhuerarirore tirore wacũ tuarucuga mũsa.

### Jesu yaina ti yoahore yahuha Pedro

**5** 1 Mipũre Jesu yaina cahmachuina pũhtoare yahuihtja. Yũhũ Jesu yaina pũhtoro jija. Mũsa cũhũ ti pũhtoa tjira. Mũsare yũ yoaro sehe pũhtoa jinare ahrire yahui tai nija yũhũ. Cristo to ñano yũhdũrĩre ñũriro cjiro jicũ, mũanopũ Cristo mehne yũhdũhtiro jicũ ahrire mũsare yahuihtja: 2 Cohamacũ yaina oveja yoaro sehe jira. Mũsa sehe ovejare ñũ wihboina yoaro sehe jira. Tinare Cohamacũ mũsare to cũrinare mũsa yaina masare noano ñũ wihboga. Æ yoana Cohamacũ to cahmariro seheta noano yajeripohna tia mehne tinare ñũ wihboga. Æ tinare ñũ wihbona, “Sã ñũ wihbori wapa niñerure wapatanahca”, niena tjiga mũsa. Wahchea mehne tinare ñũ wihboga. Wahchea mehne tinare ñũ wihboga. 3 Æ ñũ wihbona tinare ñano dutipena tjiga. Æ jina noano yoaga mũsa Jesu yaina mũsare ti ñũ cũhto sehe. 4 Mũsa ã yoana Cristo jipihntinare marine ñũ wihboriro to tjua tachũ pũhtoro to pisari soro noano si siteri sorore mũsare to waboriro seheta tiro mũsare noaare to wahtore cjũanahca. Tĩ mũsa cjũahti ne pihntisi. Æ jina tiro mehne yũhdũnahca mũsa.

5 Tinare yũ dutiriro seheta mũsa wahma yapia cũhũ tinare mũsa pũhtoare yũhtiina jiga. Æ yoa mũsa mehne macainare jipihntinare ño payoa mehne yoadohoga. Õ sehe nina Cohamacũ yare ti joari pũ:

“Masare yũhdũrũca duainare Cohamacũ ñũ tuhtira. Painare ño payoina sehere ‘Wiho jiina jija’, ni tũhotuina sehere noano yoara tiro”,

nina to yare ti joari pũ. 6 Æ jina Cohamacũ tuariro mũsare to dutichũ “Wiho jiina jija” ni, tirore ño payoga. Mũsa ã yoachũ to quihõri pja jichũ mũsare paina ño payoahca to dutiro mehne. 7 Tiro mũsare pjĩro tũhotu ñũ wihbora. Æ jina ne pjĩro tũhotuena tjiga mũsa sehe.

8 Æ yoa wacũ masi jinohbũ. Mũsare ñũ tuhtiriro wafĩno yairo suariro to maca chũro seheta mũsare ñano yũhdũchũ

yoa duara. Ñ yoa m̄sare ñano yoa dutira. **9** Jipihtirop̄a ahri yahp̄ap̄ure p̄aina Jesu yainare ñano ȳhd̄uch̄u yoa, ñano yoa dutira wat̄ino. T̄ire masina, tirore ȳht̄iena tjiga. Ñ jina Cristore tuaro wac̄u tuaga m̄sa. **10** Ñ yoa mahanoc̄ã m̄sa ñano ȳhd̄uri baharo Cohamac̄u m̄sare yoadohorohca. M̄sare noaina jich̄u yorohca. Tirore m̄sa wac̄u tua namoch̄u, tirore m̄sa ne duhuerach̄u yorohca m̄sare. Tiro jipihtia dachoripe m̄anop̄u Cristo mehne m̄sa jihtore m̄sare c̄uriro jira. Tiro Cohamac̄u jira jipihtinare p̄ja ñ̄uriro. **11** “Jipihtia dachoripe tiro tuariro jira”, ni ño payojihna tirore. Ñta yoarucujihna.

### Noa duti batoaha Pedro

**12** Ahri p̄c̄ãre mahari p̄c̄ãre m̄sare ȳ waroca duach̄u Silvano sehe ȳh̄ure joabasahre. Tiro Jesu yairo ȳ coyeyro, Jesu yare ñ yoarucuriro jira, ȳ t̄hotuch̄u. M̄sare noano yahu duaja. Ñ jic̄u “Ahri buhea potoc̄ãta Cohamac̄u m̄sare to cah̄ia buhea jira”, ni yahuc̄u m̄sare ahri p̄ure joarocaja. Ñ jina ahri buheare ne duhuena tjiga m̄sa.

**13** M̄sare to yaina c̄jhtire to beseriro seheta Jesu yaina Babilonia macaina c̄h̄ure besea tiri jire Cohamac̄u. Tina sehe m̄sare noa dutira. Marco ȳ mac̄u yoaro sehe jiriro c̄h̄u m̄sare noa dutira. **14** M̄sa mehne macainare noano mehne piti bocasiniga.

Jipihtina Jesucristo yaina noano jiga m̄sa.

## 2 San Pedro

### Jesu yainare joarocaha Pedro

**1** 1 Yũhũ Simo Pedro Jesucristo buhe dutiro to cūrirota jija. Tirore dahra cohtariro jija. Jesucristo, Cohamacũ waro jiro, ñaa buhiri marieriro jiro marine cūno potorita yũhdũchũ yoariro jira. ã jiro tirore mũsa wacũ tuachũ, to yaina wahachũ yoare mũsare. Mũsa ã wacũ tuachũ wiho waro jierara, Cohamacũ to ñũchũ. ã to yaina mũsa wahachũ mari cūno potorita to yaina jija. ã jicũ mũsare joarocaja.

2 ã yoa Cohamacũ cũhũre mari pũhtoro Jesu cũhũre masi namona ti cahĩa mehne noano jirucunahca mũsa. ã noano mũsa jihto sehe mũsare sini payoja. ã nicũ mũsare noa dutija. Cohamacũ mũsare pjĩro noano yoa namojaro.

### Õ sehe jira Cristo yaina

3 Cohamacũ ñaa marieriro jiro, to tuaa mehne marine to yaina jihinare bese cū tuhsua tiri jire. To ã bese cũchũ tuhona, tirore masina to yaina wahaja mari. ã wahana Cohamacũre masi namona, to tuaa mehne to cahmano seheta noaina jinahca mari. 4 Tĩ to tuaa mehne marine noa yũhdũaro yoare. “Õ seheta mũsare noano yoaihtja”, to niriro seheta marine noa yũhdũaro yoara. Marine to ã yoachũ ñũna Cohamacũ to jiro seheta waha namonahca mari. ã jina ahri yahpa macaa ñaare, mari ñaare goa pjaare mari duhunocaja. Tĩ ñaa sehe marine dojomehne yũhdũamahre.

5 Cristore noano wacũ tuaina ji tuhsura mũsa. ã jina õ sehe yoa namoga tjoa: Noaare yoaina jiga mũsa. ã jina Cohamacũ cahmaare noano masiina jiga mũsa. 6 Ñano yoa duapanahca Cohamacũ cahmaa sehene yoarucuina jiga mũsa. ã yoa Cristo yaina mũsa jiri buhiri ñano yũhdũpanahca ã cūno pjarucuga mũsa. ã jina Cohamacũre ño payoina, to cahmaare yoaina jiga mũsa. 7 ã yoa mũsa mehne macainare cahma ño payoina, tinare noano yoadohoina jiga mũsa. ã yoa jipihina paina cũhũre cahĩina jiga.

8 M̄sa ò sehe yoa namoch̄ta noa ȳhd̄ara. M̄sa ã yoa namona, noano yoaina jirucunahca. ã jina Cristo to cahmaare noano yoarucuina jinahca m̄sa. Wiho waro jiina jisi m̄sa. ã yoa Cristore m̄sa wac̄u tuari wiho waro jisi. Ȳn niriro seheta m̄sa yoa namoch̄n pinihtare noa ȳhd̄ara. 9 M̄sa ã yoa namoerana Cohamac̄n yare ne masieraputiara m̄sa. ã yoa namoeraina jina capari ñ̄eraina o capari noano ñ̄n bocaeraina yoaro sehe jina, Cohamac̄n cahmaare ne masierara m̄sa. ã yoa namoerana Cristo m̄sa ñ̄aa yoari buhirire to coh̄ari cjirire ne wac̄u payoerara m̄sa. ãta bonoca duara m̄sa. 10 ã jina, ȳn coyea, Cohamac̄n to yaina cjihtire m̄sare to ji dutich̄n ȳhtire m̄sa. ã ȳhtiina jina, to yare ne wac̄u duhuerana to cahmaare tuaro yoarucuga. M̄sa ã yoarucuna potoc̄ta Cohamac̄n mehne jinahca m̄sa. ã yoa potoc̄ta to beserina jinahca m̄sa. ã yoana to yare duhuina jisi m̄sa. 11 M̄sa ã to cahmano sehe yoaina jina mari p̄htoro marine ȳhd̄ch̄n yoariro Jesucristo to s̄ho jirōn noano wahanahca m̄sa. Tó̄p̄n tiro mari p̄htoro ã jirucurohca. Potoc̄a to yaina waro m̄sa jich̄n ñ̄no “Noano mehne ȳh̄n mehne jiga m̄sa”, ninohca Jesu m̄sare.

12 ã yoa ahrire m̄sare ã wac̄uch̄n yoarucuihtja. Ahri m̄sare ȳn yahurire masi tuhs̄hre m̄sa. ã masina Cohamac̄n yare m̄sa t̄horo seheta noano yoana nina m̄sa. ã yoaina m̄sa jipach̄ta ahri m̄sare ȳn yahurire ã wac̄uch̄n yoarucuihtja m̄sare. 13-14 Mahanoc̄a d̄hsara ȳn yariahto. Tíre noano yahure mari p̄htoro Jesucristo ȳh̄re. ã jic̄n catisinic̄n waro ahri ȳn yahurire m̄sare ã wac̄uch̄n yoarucuihtja. Ȳn ã yoach̄n noa nina. 15 ã jic̄n ahri ȳn yahu joari cjirire m̄sare joa c̄u pah̄oihca ȳn yariari baharo m̄sa noano masihto sehe. ã jina ahri ȳn yahurire ã wac̄urucunahca m̄sa.

### **Cristo to tuariro to jia tiare ñ̄nha Pedro c̄h̄n**

16 ã yoa Cristo to tuaa c̄h̄re to tahto c̄h̄re m̄sare yahuna, s̄a m̄n s̄ro yahuna nieraja. Masa ti m̄n s̄ro ti masia mehne ti yahua jierara m̄sare s̄a yahua. Tuariro to jiare s̄a basita ñ̄i. 17 Cristo to tua ȳhd̄ariro to jiare s̄are ñ̄ore Cohamac̄n mari P̄c̄n. To ã ñ̄och̄n tiro sehe noano si siteriro jire. To ã si sitech̄n ò sehe nino coa tare to si sitero wato: “Ahriro ȳn mac̄n, ȳn cah̄iro jira. Tiro mehne tuaro wahcheja”, nino coa tare Cohamac̄n tua ȳhd̄ariro. 18 M̄anop̄n to ã



nino coa tachũ tũhoi sã. Tũcũ buipũ Cohamacũ to jiri tũcũi Cristo mehne jii sã.

19 Tíre ñũrina jina, Cohamacũ yare yahu mũhtaina cjiri panopũ macaina ti joari cjiri potocã ti jichũ noano masija sã. Ti joari cjirire noano ñũ buherucuna noano yoana nina mũa. Tí ti joari cjiri Cohamacũ yare marine noano masichũ yoara. Ahri yahpai ñaare ti yoari yahpai nahitianoï mari jiboro seheta buhriaro marine to noano ñũ masichũ yoaro seheta Cohamacũ noano masichũ yoara marine. ã jina Cohamacũ yare ti joarire ã buherucuga. ã buherucuna Cristo to tjua tachũpũ buhe duhunahca. ã tjua taro to yare mari masierarire marine noano masi pahñochnũ yorarohca. 20 Jipihtia ahri yũ yahuri yũhdoro ahri sehene noano masiga mũa: Cohamacũ yare yahu mũhtaina cjiri panopũ ti joari cjirire mari mũ sũro tíre buhena, “Õ sehe nino nica”, ni masieraja. 21 Ne masa ti mũ sũro Cohamacũ yare joaera tiri jire. Panopũ macaina cjiri Cohamacũ yare ti joachũ Espíritu Santo sehe ti joatore tinare masichũ yoaa tiri jire.

### Cohamacũ yare potocã buherainare yahuha Pedro

2 1 Panopũ mari coyera judio masa mehne macaina “Cohamacũ yare yahu mũhtaina jija”, ni mahñoïna jia tiri jire. Ti yoaro seheta mipũ cũhũre mũa mehne macaina ã ni mahñoïna jiahca. Tina potocã ti buheboro seheta mahñoa sehene buheahca. ã buhea Cristo ya sehene dojomehneahca. ã yoa Cristo to yũhdũchũ yoaborina jipahta tirore “Sã pũtoro jira”, ni tũhotuerara. Tí jipihtiare ti ã yoari buhiri dóihta Cohamacũ tinare tuaro buhiri dahrerohca. 2 ã mahño ti buhechũ tũhoa tina ti ñaare goa pjariro seheta payũ masa tinare ñũ cũ ñano yoahca. Ti ã ñano yoachũ ñũna paina masa cũhũ noaa buheare ñano quti dahreahca. 3 ã jia tina mahñoïna niñerure wapa cahmaa, mahñoa, ti mũ sũro ti yahua buheare buheahca mũsare. Ti ã buheri buhiri Cohamacũ tinare tuaro buhiri dahrerohca yũhdũro marieno. Panopũta ã yoainare buhiri dahre duti tuhsũa tiri jire tiro.

4 Tó seheta panopũta Cohamacũ ñaina anjoa cũhũre to buhiri dahretore cũ tuhsũa tiri jire. Tinare pichacapũ nahitianopũ peresu yoaa tiri jire. ã yoaro pihtiri dacho baharo tinare buhiri dahrerohca. 5 Tó seheta panopũ macainare Cohamacũre cahmaerainare tiro buhiri dahrea tiri jire. ã yoaro jipihtiro ahri yahpare miono, jipihtina masa ñainare mio wajãa tiri jire.

To ã miohto pano Noe cjiro sehe tí pja macaina cjirire noaare yoa dutiro yahua tiri jimare. To ã yoaro watoi Cohamacu ahri yahpare miono, Noéne tiro mehne macaina cūhure yūhdūchū yoaa tiri jire. Tina jipihtina to yūhdūchū yoarina ocho masa jia tiri jire. <sup>6</sup> Tó seheta Sodoma wama tiri maca macaina cjirire Gomorra wama tiri maca macaina cjiri cūhure Cohamacu buhiri dahrea tiri jire. Tí macarine pichaca mehne noano jū pahñonocaa tiri jire. Ā yoaro baharopū jihtinare tirore cahmaerainare ñono nia tiri jire. Ñainare to buhiri dahrehtore ñono nia tiri jire tinare. <sup>7</sup> Ā yoaro Lote wama tiroro cjiro sehere yūhdūchū yoaa tiri jire. Lote sehe noariro jia tiri jire. Ā jiro jiro Sodoma macaina Cohamacu dutiare yūhdūrucaina ñabiaro ti yoachū ñūno pomea waha, ñano tūhotua tiri jire. <sup>8</sup> Tiro noariro ñaina watoi jiro, dachoripe ñabiaro ti yoachū ñūno, ñano ti durucuchū tūhoro ñano yajeripohna tia tiri jire.

<sup>9</sup> Tirore to yūhdūchū yoachū ñūna ahri yū yahuhtire masija mari. Cohamacu mari pūhtoro tirore cahmainare ti ñano yūhdūchū ñūno tinare yoadohorohca. Ā jiro ñaina sehere peresu yoaro tinare cjūara pihtiri dacho jichū to buhiri dahrehto sehe. <sup>10</sup> Ñaare tuaro goa pjainare Cohamacure yūhdūrucainare tina pinihtare ñano buhiri dahrerohca tiro. Ahrina mūsa mehne macaina mahño buheina ñaare yoaa, ne cuierara. Ā yoa bwo tierara tina. “Painare masi yūhdūrucaja”, ni tūhotuina jira tina. Ā jiina jia mūano macaina tuainare ne ño payoeraa, cuiro marieno ñano ni būjūpera tinare. <sup>11</sup> Anjoa sehe ne ti yoaro sehe yoerara. Tina sehe mahño buheina yūhgoro tuaina jira. Ā jipahta tina ne būjūpea mehne mūano macaina tuainare ñano yahūsāerara Cohamacure, “Painare yūhdūrucaja”, nieraina jia.

<sup>12</sup> Wiho mejeta ahrina mahño buheina sehe nūcu macaina wahiquina yoaro sehe tūho masieraina jira. Nūcupū boca sūa ti wajāhtina yoaro sehe jira tina. Ti cahmano seheta yoara tina. Ā jia ti masierainare būjūpe, ñano ni durucu cohtara. Ā yoaina jia wahiquina yariahtina ti jiro seheta tina cūhū to buhiri dahrehtina jirucuahca. <sup>13</sup> Tinare ti ñano yoari buhiri buhiri dahrerohca Cohamacu. Tina ñaare goa pja yūhdūara. Ā yoaa dachopū masa ti ñūrocaroi to jipachūta ñano yoarucura. Mūsa mehne bose nūmū yoaa, tí bose nūmūi ñaare yoaa yūhdūara. Ā jia mūsa bose nūmūre ti wete dahrero seheta tinare mūsa ñū cūchū tí ñaa pihara mūsare.

14 Ñ yoaa numiare ñña, ñaha duara tina. Tuhsu, ñaare ã yoarucu duara. Cohamacure wacũ tuaera cureinare ñaare yoa dutia, tó sehe jiinare tinare ññ cũchũ yoara. Ñ yoa ti sahsero paye barore, niñeru cũhure mahño ma mihniina jira.

Tina Cohamacu to buhiri dahrehtina jira. 15 Tina Cohamacu yare buheraa, soro jia buhea sehere buhera. Ñ yoaa Balãa yoaro sehe yoaa nina. Balãa, Beor macũno jia tiri jire. Tiro sehe panopũ to ñaa yoari mehne niñerure wapata duaa tiri jimare. 16 To ã yoachũ ñũno Cohamacu tuhtia tiri jire tirore. To burro durucueraricoro jiparota masũno yoaro sehe to pũrore durucu tuhtia tiri jire. To ã tuhtichũ tũhoro Balãa tuaro to ñaare yoa duamarire duhunocaa tiri jire. Tũho masierariro to yoa duamarire duhunocaa tiri jire.



17 Ahrina mahñoina mári pohtaripũ co marieno yoaro sehe jira. Co mariea mári pohtari ti yaba cjihti jieraro seheta tina mahñoina ne yaba cjihti jierara. Ñ yoa me curuari mũano macaa core waboa curuarire wihnono to wãrocachũ ti curuari yaba cjihti jierara. Ñ ti yaba cjihti jieraro seheta, tina mahñoina cũhũ masare yoadohoera, ne yaba cjihti jierara. Ñ jiro nahitiano warore yoa tuhsua tiri jire Cohamacu tórpũ tinare buhiri dahrero taro. 18 Tina mahñoina ti durucua yaba cjihti jierara. Masiina yoaro sehe masare ã buhemacanocahna. Õ sehe ni buhera tina: “Mari cahmano seheta mari yoachũ noa nina”, ni buhemana tina. Ti ã ni buhechũ masa tũhoa ñaare goa pjaa, ti ya buheare cahmana. Paina masa Cohamacure potocãta wahma cahma dũcaina mahanocãta wahara ti ñaare ti duhuri baharo, quihõno yoaeraina mehne macaina ti jiri baharo. Tinare mahñoina ti buhechũ tũhoa ñaare cahmana tjoa

Cohamacu yaina jiborina jipahta. **19** Tinare õ sehe ni buhera mahñoina: “Mari cahmano seheta mari yoachu noa nina”, ni buhemana tina. Ti ã ni buhepachuta ti niriro sehe wahaerara tinare. Ñaare duhu duaeraa, tíre duhu masieraputiara. Ti ã duhu masierachu, tí ñaa ti pũhtoro yoaro sehe jira. **20** Mari pũhtoro Jesucristore marine yũhdũchu yoarirore wahma cahma dũcaina sehe ahri yahpa macaa ñaare duhunocamare. Ti ã duhuri baharo pari turi ñaare yoaa tjoa, ñabiaro waro tjuara tina. Cristore ti masihtu pano ti ji mũhtariro yũhdoro ñabiaro tjuara juna, pari turi ñaare yoaa tjoa. **21** Ñ ñabiaro tjuaa, Cohamacu tinare to dutiare yũhdũrucaa, noaa buhea sehere ti ne masi mũhtaerachu noabiaboa tinare. **22** Ñ jia pari turi ñaare yoaa, masape ti ni durucurucuriro seheta yoaa nina tina. Õ sehe ni durucura masa: “Diero toa tuhsu pari turi to toa cũri cjirire chũra. Ñ yoa yesere ti cosari baharo pari turi tiro ñari sahbai cuhsura tjoa. (Tó seheta yoara noaa buheare cahmamarina cũhu pari turi ñaare cahmaa tjoa)”, ni durucura masa.

### **Cristo ahri yahpau to tjua tahtore yahuha Pedro**

**3** <sup>1</sup> Yu cahĩina, mũsare cũ pũ joaroca tuhsu. Ñ jicu ahri pũre mipure mũsare joarocai nija tjoa. Tuhsu pua taha joarocacu ahri jipihtiare mũsare wacũchu yoa duai nija noaa dihtare mũsa tũhotuhto sehe. <sup>2</sup> Panopũ macaina noaina Cohamacu yare yahu mũhtaina cjiri ti yahu joari cjirire wacũga mũsa. Mari pũhtoro marine yũhdũchu yoariro Cristo to dutia cũhũre wacũga. Tí dutiare sã to cũrina mũsare buhei.

<sup>3</sup> Ahrire mũsa masichu tuaro cahmaja. Ñ jina wahmanore ahrire wacũ mũhtaga: Pihitiri dacho panocã Cohamacu yare bũjũpeina jiahca. Tina ñaare goa pjarucuina jiahca. Õ sehe ni bũjũpeahca: <sup>4</sup> “Cristo ‘Tjua taihtja’, niparota ne tjua tasi. ¿Tjua ta duaparota dohsearo ne bajuerajari tiro? Ahri yahpa to ji dũcari baharo mari ñũchũsuma mũna ti yariari baharo jipihtiro soro sehe waharo marieno ã jirucura. Ñ jiro ahri yahpare tahtiro mũanopũre mariahna”, ni bũjũpeina jiahca. <sup>5</sup> Ñ ni bũjũpea ahri sehere ne wacũerara tina: Panopũre Cohamacu to dutiro mehne ahri yahpare, mũano cũhũre bajuamehnea tiri jire. Ñ yoa tuhsu ahri yahpai co dihta jirore cjirore yahpa jichu yoaa tiri jire tiro. Ñ yoaro co mehne ahri yahpa mipu to jiro seheta ahri yahpare yoaa tiri jire tiro. <sup>6</sup> Ñ yoa baharopũ ahri yahpare miono, cohã pahñoa tiri jire

ahri yahpa macaare ahri yahpa macaina cūhure. (Ã jiro ahri yahpare cū tahata soro wahachū yoa tuhsua tiri jire Cohamacū.)  
 7 Ã soro wahachū yoaparota mipure muanore, ahri yahpa cūhure pari turi cohtotachū yoerasinire tiro. Tiro to dutiro mehne ahri yahpare muanano cūhure mipure ti jiro seheta jirucu namochū yoaro nina. Ã jiro cohtaro nina baharo jipihtiorpore jūno taro. Ã cohtaro nina Cohamacū tirore cahmaerainare buhiri dahrero taro. Ã buhiri dahrero tinare pichacapū cohānohca.

8 Yū cahīina ahrire wacūga mūsa: Mil cūhmarine “Yoabiari pja jira”, mari ni tūhotupachūta cū dachota jira Cohamacū to űachū sehene. 9 “Cohamacū to niriro sehe ne so yoeraputiara”, nina masa. Ã jierara. Masare noano yoa duaro cohtasinino nina. Ne cūiro masūnore pichacapū cohā duerara tiro. Ã jiro jipihtina pano ti űaare tūhotumarire ti duhuchū, Cohamacūre ti cahmachū cahmasinina tiro.

10 űamipure yaca bucuro to wacūenoca yacaro sāariro seheta Cristo ahri yahparure wacūenoca tarohca. To tachū to tuaro bisichūta muanano macaa pihtia wahaahca. Jū pihtia wahaahca. Ã yoa ahri yahpa, ahri yahpa macaa cūhū jū pihtia wahaahca. Cohamacū ahri yahpa macainare buhiri dahrero taro nina.

11 “Ahri jipihtia pihtia wahaahca”, Cohamacū to nichū tūhona űaare duhuina, Cohamacū cahmaare yoaina jiro cahmana marine. 12 Mari pūhtoro Cristo ahri yahparū to tahtore cohtaina jina, soaro mehne to tachū yoaga mūsa. Tí dachoi muanano macaa jū pihtia wahaahca. Jipihtia jū sipīa wahaahca. 13 To ā cuaro wahahto to jipachūta mari sehe Cohamacū to ni cūiro seheta jipihtiare to cohtotahtire cohtaja mari. Jipihtia ti jū pihtiaro baharo ō sehe jirohca. Muanopū cūhū ahri yahparū cūhū wahma jahca. Ã yoa tí pjarure noaa dihtare yoahca jipihtina. Ahrieta cohtaja mari.

14 Ã yoa yū cahīina, mari pūhtoro to tahtore cohtaina jina Cohamacū to űurocaroi noano yoaina jiga mūsa űaa buhiri marieina mūsa jihto sehe. Ã noano yoaina jiga mūsa Cohamacū mūsa mehne to wahchehto sehe. 15 Yoa cureri pja to bajuerachū űūna ahrire masiga mūsa. Masa tirore cahmaina to yūhdūchū yohtina dūhsasinina mini. Ã jiro tinare cohtasinino nina Cohamacū. Ãta ni mū sare joarocari jire mari coyero mari cahīiro Paulo. Cohamacū to masia mehne tíre joarocari jire

tiro. 16 Ñ dihta ni joarocara Paulo to joarocaa taharipe. Cristo to tahtore, ñaare yoeraina mari jihto cūhure yahuro ò sehe dihta ni joarocari jire tiro. Cãa tahari mijo cureare tiro yahu joarocari jire. Paina ne masieraina, tūho masieraina mahñoa mehne to ã nirire cohtota mųjana. To ã niri jipachuta soro ni cohtota yahura tina. Paye Cohamacu yare ti joaa pūri cūhure tó seheta yoara tina. Ti ã yoachu ñuno Cohamacu tinare tuaro buhiri dahrerohca.

17 Yc coyea, yc cahīina ahri jipihtiare ti ã wahahto pano yahuyui nija mūsare. Ñ jina ahrire masina, noano yoaga mūsa. Ñaina mūsare soro ni ti buhechu ne tūhoena tjiga tinare, “Cristore wacū tua duhuri”, nina. 18 Ñ jina mari pūhtore marine yūhdūchu yoaritore Cristore noano wacū tua namoga mūsa. Tirore, marine to cahīa cūhure noano masi namoga mūsa. Mipure, jipihtia dachoripe tirore noano wahche payojihna mari. “Noariro, tuariro jira”, nijihna mari tirore. Ñta nijihna.

# 1 San Juan

## Jesucristo catiare wariro jira

**1** <sup>1</sup> Jesu Cohamacu ya duserore yahuriro jira. Dóiputa wahmanoputa jiriro tiro masare Cohamacu mehne ã jirucuchu yoariro jia tiri jire. Mipure sã tirore yahu joana nija. Tirore tuhona, catiriro warore tirore ñui sã. ã tjira. Tirore ñña, sã wamacari mehne tirore dahra ñui sã. <sup>2</sup> Ahriro Cohamacu mehne ã jirucuchu yoariro ahri yahpape to masa bajuari baharo tirore sã ñui. ã jina tirore yahuja sã musare. Tiro jipihitia dachoripe to Pucuro mehne jirucuriro to jichu, mipure Cohamacu tirore ñore sare. Tíre yahuja sã musare. <sup>3</sup> Cohamacu mehne macaina jija sã. To macuno mehne macaina cūhu jija sã. ã jina musa cūhu sã mehne macaina, Cohamacu mehne macaina, to macuno mehne macaina musa jihto cjihtore sã ññire, sã tuhore musa cūhure sã yahuja. <sup>4</sup> Ahrireta sã joaja noano mari wahchehti cjihtire.

## Buhriaro to wete marieno seheta Cohamacure ñaa yoaa ne mariahna

<sup>5</sup> Ahri buhea Cohamacu macuno sare to yahuri cjiri jia nina. Miputa ahrire yahunahca sã musare: Cohamacu buhriaro yoaro sehe jira. Buhriaro wete marieno to jiro seheta tirore ne ñaa yoaa mariahna. Ñaa sehe nahitiano yoaro sehe jira. Cohamacure ne ñaa yoaa mariahna. To ã jia tiare yahuja musare. <sup>6</sup> ã jina nahitiano jiina yoaro seheta mari ñaare yoaina jipanahta “Cohamacu mehne macaina jija” nina, mari mahñona nija. ã yoa Cohamacu yare quihõno yoeraja. <sup>7</sup> ã yoa buhriaropu jiina yoaro seheta Cohamacu to yoariro seheta mari noaa sehere yoana, paina Jesu yaina mehne noano jina nija. Mari ã yoaina jichu Cohamacu macuno Jesu to di cohãno mehne, crusai to yariari mehne jipihitia mari ñaa yoari buhire cohãna.

<sup>8</sup> “Yuhu pini ne ñaare yoeraja”, ni wacūna, mahñoare tuhutuna nija mari. Mari ã ni tuhutuna Cristo yare potocã

jiare ne masieraja. <sup>9</sup> Wiho mejeta Cohamacure mari ñaa yoarire mari yahuchu tiro quihõno yoariro jiro, mari ñaare borohca. Æ boro jipihtia mari ñaa buhirire cosawerohca tiro. To niriro seheta yoariro jira tiro. <sup>10</sup> “Ñaa yoaeraja” nina, “Cohamacu mahñoriro jira”, nina nija mari. Õ seheta niina to buheare cahmaerara.

### Cristo marine yoadohora

**2** <sup>1</sup> Yũ pohna, musa ñaare yoaerahto sehe ahrire joai nija. Yũ ã ni joapachuta ñaare yoaboca musa. Musa ã yoachu ñũno Jesucristo noariro musa ya cjihtire to Pucurore õ sehe ni sini payorohca: “Ahrina ti ñaare yoari buhirire buhiri dahrei tjiga”, ni sini payorohca to Pucurore. <sup>2</sup> Cristo mari ñaa yoari buhirire cohãriro jira. Mari ñaa yoari buhirire mari dihtare cohãerara. Jipihtiro macainapũ cũhure ti ñaa yoari buhirire cohã masina tiro.

<sup>3</sup> Cohamacu to dutiare yoana, tirore potocãta noano masija mari. <sup>4</sup> Cũiro Cohamacu dutiare yoaeraparota “Yũhu Cohamacure masija” nino, tiro mahñoriro jira. Æ jiro Cristo yare potocã jiare ne masierara. <sup>5</sup> Pairo sehe Cohamacu dutiare yoariro Cohamacure tuaro cahñriro jira. “¿Cohamacu mehne macaina jijari mari?” ni masi duana, õ sehe mari masinahca: <sup>6</sup> “Cohamacu mehne macariro jija”, niriro Jesucristo yoaro seheta noaare yoariro jiro cahmana tirore. To ã yoariro jichũ ñũna “Cohamacu mehne macariro jija”, ni masija mari.

### Wahma dutiare yahu dũcaha

<sup>7</sup> Yũ cahĩina, ahri dutia mipũre mũsare yũ yahuhto wahma dutia jierara. Ahri dutia musa wahmanopũre cjuariro cjiro mũna dutia tjira. Tí dutiare musa tuho tuhsure. <sup>8</sup> Mipũ sehere mũsare yũ yahuhto mũna dutia jiparota wahma dutia cũhu jira. Cristo, musa cũhu tí dutiare yoara. Mipũta nahitiano to pihti wahcãchũ mari ñũ masino seheta mari masierarire masi dũca wahcãna nija mari. Æ jiro buhriaro mehne mari ñũ masino seheta Cristo mũsare potocã jiare masichũ yoaro ta tuhsure.

<sup>9</sup> “Yũhu buhriaropũ jiriro yoaro seheta Cohamacu dutiare yoariro jija”, cũiro niparota, painare ñũ tuhtiriro jiro, tiro Cohamacu dutiare yoaerara. <sup>10</sup> Æ yoa paire cahñriro pinihta buhriaropũ jiriro yoaro seheta Cohamacu dutiare yoariro jira tiro. Æ jiro ñaare pari turi yoa duaerara. <sup>11</sup> Paire ñũ tuhtiriro



sehe nahitianopɔ jiriyo yoaro seheta jiro nina. Tiro capari ñɛerariyo yoaro seheta jira. To wahahtore ñɛ masierara tiro.

12 Yɛ pohna, Cristo to yariaro mehne mɛsa ñaa yoari buhirire cohãri jire. ã jicɛ mɛsare yahu joai nija. 13 Mɛsa pɛcɛsɛma cɛhɛ, mɛsa Cristore wahmanopɔre jiriore masina mɛsa. Mɛsa ã masiina jichɛ mɛsa cɛhɛre yahu joai nija. Mɛsa wahma yapia ñariro watɛnɔre yɛhdɛrɛcare mɛsa. Mɛsa ã yɛhdɛrɛcaina jichɛ mɛsa cɛhɛre yahu joai nija.

14 Yɛ pohna, Cohamacɛ mari Pɛcɛre mɛsa masina. Mɛsa ã masiina jichɛ mɛsare mipɛre yahu joai nija. Mɛsa pɛcɛsɛma, mɛsa Cristore wahmanopɛre jiriore masina mɛsa. Mɛsa ã masiina jichɛ mɛsare yahu joai nija. Mɛsa wahma yapia potocãta mɛsa Cohamacɛre wacɛ tuaina jira. ã jina mɛsa Cohamacɛ yare yoara. ã yoana, mɛsa ñariro watɛnɔre yɛhdɛrɛcare. ã jicɛ mɛsare yahu joai nija.

15 Ahri yahpare ahri yahpa macaa ñaare cahmaena tjiga. Ahri yahpa macaa ñaare cahmaina jina Cohamacɛ mari Pɛcɛ sehere cahmaerara mɛsa. 16 Ñaina ti basi ñaare ti goa pjari, ñaare ti ñɛ duari mari Pɛcɛ Cohamacɛ ya jierara. “Noano cɛña pahñoriro, masi pahñoriro jija yɛhɛ. Ne cãiro masɛno yɛhɛre yɛhdɛrɛcaerara”, masa ti ni tɛhotua mari Pɛcɛ Cohamacɛ ya jierara. Tí jipihtia ahri yahpa macaa jira. 17 Ahri yahpa, ahri yahpa macaa cɛhɛ masa ti cahmari cjiri pihtia wahaahca. Cohamacɛ cahmaare yoariro sehe jipihtia dachoripe Cohamacɛ mehne jirucurohca.

### **Cristore ñɛ tuhtiriyo sehere yahuha João**

18 Yɛ pohna, ahri dacho to pihtihto mahanocã dɛhsara. “Cristore ñɛ tuhtiriyo tarohca” ni, Jesu yaina mɛsare yahu tuhsɛre. Mipɛre Cristore ñɛ tuhtiina payɛ ji tuhsɛre. Ti ã jichɛ ñɛna mipɛre pihtihti dacho cjihto mahanocã to dɛhsachɛ masija mari. 19 Ahrina Cristore ñɛ tuhtiina sehe mari mehne jipahta potocã mari mehne macaina jierare. ã jia tina marine cohãnocare. Tina mari mehne macaina jia, mari mehne jiboa. Marine cohãnocare. Ti ã cohãchɛ mari mehne macaina ti jierachɛ masija mari.

20 Cristo Espírítu Santore mɛsa sehere ware. ã jiro Espírítu Santo mɛsa mehne jira. ã jina mɛsa jipihtina Cristo yare potocã jiare masi tuhsɛra. 21 Mɛsare yahucɛ “Cristo yare masierara mɛsa”, ni tɛhotueraja yɛhɛ. Mɛsa Cristo yare masiina jichɛ

ñꞑꞑꞑ mꞑsare yahuja. Cristo ya ne mahñoa jierara. Tí cǎhꞑre masiina mꞑsa jichꞑ masija yꞑhꞑ.

22 Ahriro jira mahñoriro: “Jesu Cohamacꞑ masare yꞑhdꞑꞑꞑ yoa duti to warocariro Cristo waro jierara”, niriro sehe mahñoriro jira. Potocǎta Cristore ñꞑ tuhtiriro jira tiro. Cohamacꞑre, to macꞑno cǎhꞑre cahmaerariro jira Cristore ñꞑ tuhtiriro. 23 Ő sehe tjira: Jesure cahmaerariro sehe to Rꞑꞑꞑro cǎhꞑre cahmaerariro tjira. Jesure cahmariro sehe to Rꞑꞑꞑro cǎhꞑre cahmariro jira.

24 Wahmanopꞑre Cohamacꞑre mꞑsa tꞑhori cjirire noano wacũga. Tíre wacũna, Jesu mehne macaina jinahca mꞑsa. ã yoa to Rꞑꞑꞑro mehne macaina jinahca. 25 Tíreta Jesu marine yahure. Ő sehe jira to yahuri cjiri: “Mꞑsa jipihtia dachoripe Cohamacꞑ mehne jirucunahca”, ni cũre Jesu marine.

26 Paina mꞑsare mahñoa nina. Ti ã mahñoare masicꞑ mꞑsare yahu joai nija. 27 ã ti mahñoina mꞑsa jipachꞑta mꞑsa sehere Cristo Espíritu Santore wa tuhsꞑre. Espíritu Santo mꞑsa mehne jira. Mꞑsa mehne jiro mꞑsare buheriro jira. ã jiro tiro jipihtiare mꞑsare yahura. To yahua potocǎta jira. Mahñoare yahuerara tiro. ã jina pairo mꞑsare buhehtirore cahmaerara mꞑsa. Espíritu Santo to niriro seheta yoaga mꞑsa mipꞑre. ã yoana mꞑsa Cristo yare tꞑhona, tiro mehne macaina jiga.

28 ã tjira. Yꞑ pohna, Cristo mehne macaina jiga mꞑsa. ã jina Cristo to tahti dachore mꞑsa cuisí. ã jina tiro to tahti dachore mꞑsa bꞑo ti duhtisi. 29 Cristo noaare yoariro to jichꞑ mꞑsa masina. Tíre masina ahri cǎhꞑre masiga mꞑsa. Jipihtina noaare yoaina Cohamacꞑ pohmata jira. Ahri cǎhꞑre masiga mꞑsa.

### Mꞑsata Cohamacꞑ pohna jira

3 1 “Mꞑsa yꞑ pohna jira” nino, tuacaro cahí yꞑhdꞑꞑꞑajari Cohamacꞑ marine. To ã cahĩina jinata to pohna jija mari. Ahri yahꞑa macaina ñaina Cohamacꞑre masierara. ã jia Cohamacꞑ pohna mari jichꞑ ñꞑa tina mari cǎhꞑre masierara. 2 Yꞑ cahĩina, mipꞑre Cohamacꞑ pohna jija mari. ã jipanahta baharo mari jihti cijhtire mari noano masierasinja. ã masierapanahta ahri sehere masija. Cristore mari ñꞑna, dóihta mari tirore ñꞑ masinahca. ã jina Cristo marine to bajuachꞑ tiro to jiro seheta mari cohtotannahca. 3 Jipihtina ahrire

masiina Cristo to tahtore cohtaina tirore ñu cúa ñaare yoa duaerara.

4 Ñaare yoana to dutiare yũhdũrucana nija. Ñ jia jipihtina ñaare yoaina Cohamacũ dutiare yũhdũrucaina jira. 5 Cristo masare ti ñaa buhirire cohãhtiro cjihto bajuari jire. Tiro ne ñaare yoerara. Tíre masina m̄sa. 6 Ñ jia jipihtina Cristo yaina ñaare yoarucuerara. Pairo sehe ñaare ã yoarucuro Cristore wacũ tuaeraro, ne tirore masierara. Ñ jiro Cristo yairo jierara. 7 Yũ pohna, m̄sare mahñoinare ne tũhoena tjiga. Jipihtina noaare yoaina Cristo yoaro sehe noaina jira. 8 Pairo sehe ñaare ã yoarucuro watĩno yairo jira. Watĩno pinihta dóihta ñaare yoaruro jia tiri jire. Ñ jiro watĩno to ñaare yoaare, to ñaare yoa dutia cũhũre duhuchũ yoahituro cjihto Cohamacũ macũno bajuari jire.

9 Cohamacũ pohna jina Cohamacũ yoaro sehetã jiina jija. Ñ jinata ñaare yoarucueraja. Cohamacũ mari Pũcũ to jichũ mari sehe ñaare yoarucu masieraja. 10 Õ sehe jiinare Cohamacũ pohñare masinahca: Cohamacũ pohna watĩno pohna yoaro sehe jierara. Ñaare yoarucuina, painare cahĩeraina Cohamacũ pohna jierara.

### M̄sa mehne macainare cahĩga

11 “Mari mehne macainare cahĩjihna”, ni buheare wahmanopũre tũho tuhsũre m̄sa. 12 Mari Caĩ to ñano yoaruro sehetã yoaena tjijihna. Tiro watĩno yairo jiro, to bahũrore wajãa tiri jire. ¿Dohse yoaro tirore wajãari, m̄sa tũhotuchũ? Tíre yahuihtja m̄sare: Caĩ to yoari cjiri ñaa jia tiri jire. To bahũro sehe to noaare yoaruro jichũ ñu tuhtiro to wahmino sehe tirore wajãa tiri jire.

13 Ñ jina yũ coyea, ahri yahpa macaina m̄sare ti ñu tuhtichũ “¿Dohse jiro baro marine ñu tuhtijari tina?”, ni tũhotuena tjiga. 14 Mari pichacapũ wahaborina jimai. Mipũre m̄nanopũ ã jirucuhitina cohtotarinapũ jina nija mari. Jesu yainare cahĩna, Cohamacũ marine to cohtotachũ yoaruro masija mari. Masare cahĩerariro pichacapũ wahahtiro jira. 15 To coyeirore ñu tuhtirore masare wajãari jira, Cohamacũ to ñuchũ. Masare wajãina ne m̄nanopũ Cohamacũ mehne jirucusi. Tíre noano masina m̄sa. 16 Masare cahĩare õ sehe masinahca. Jipihtia dachoripe Cohamacũ mehne mari jilto cjihtore Cristo yariaro marine tuaro cahĩre. Ñ yariaro marine to ã cahĩrucurire

masichu yoaro nire. Ñ jina Cohamacu to cahmachu mari cūhure Jesu yaina yaro jiborirore yariaro cahmaboca. 17 Payu cjuariro Jesu yairore pjacworirore ñuparota tirore pja ñeraro, Cohamacure cahierara tiro. 18 Yu pohna, mari cahña sehe mari dusero dihta wijaero tjijaro. Masare mari cahña, potocāta tinare yoadohoro cahmana marine.

### **Cuiro marieno Cohamacu cahai ji masija mari**

19 Tó sehetā cahña mari potocā Cohamacu yaina mari jia tia cūhure masinahca. Ñ jina Cohamacu cahai ne cuiro marieno mari ji masija. 20 Ñ jina “Ñaa buhiri jica yūhure”, mari ni tūhotupanahta, Cohamacu cahai cuiro marieno ji masija. Tiro sehe mari yūhdoro tuariro jiro jipihtiare masi pahñoriro jira. 21 Yu cahña, noaare yoana, “Noaa sehere yoana nija”, ni tūhotuna, Cohamacu cahai mari cuiro marieno ji masija. 22 Cohamacu to dutiare, to cahmaa cūhure mari yoachū, tirore mari sinino purota tiro warohca. 23 Ō sehe dutira tiro marine: “Cohamacu macunore Jesucristore wacū tuaga. Ñ yoa Cristo marine to dutiriro sehetā mūsa mehne macainare cahña mūsa”, ninota dutira marine.

24 Cohamacu dutiare yoiro Cohamacu mehne macariro jiro nina. To ã jiriro jichū, Cohamacu tiro mehne macariro jira. Cohamacu mari mehne macariro to jiare mari masi duachū marine to wariro Espiritu Santo tíre marine masichū yoirohca.

### **Mahñoare ti buhechū, Cohamacu yare ti buhechū cūhure noano ñu masi dutiha**

**4** 1 Yu cahña, paina “Cohamacu yairo Espiriture cjuaja”, niina ti jipachūta ti buhea mahñoa jira. Paina sehe Espiritu Santo warore cjuaina ne mahñoa marieno buhera tina. Payu “Cohamacu yare yahu mūhtaina jija”, nipahta mahñoa jira mipure. Jipihtiropū jira tina. Ñ jina paina mūsure ti buhea sehe mahñoa buhea jichū ñu masiga mūsa. Cohamacu ya ti jichū cūhure ñu masiga mūsa. 2 Cohamacu yairo Espiritu Santore cjuainare mūsa ñu masi duana, ō sehe masinahca: “Jesucristo ahri yahparū mari yoaro sehe pjacu tiriro bajuari jire” ni, buheina Cohamacu yairo Espiritu Santore cjuaina jira tina. Ñ jina ã ni buheinare ñu masinahca mūsa. 3 Paina sehe “Jesu ahri yahparū mari yoaro sehe pjacu tiriro bajuerari jire”

ni, buheina Cohamacu yairo Espiritu Santore cjuæeraina jira. Ti ya tuhótua Cristore ñu tuhtiriro to tuhóturo seheta jira. “Cristore ñu tuhtiriro tarohca”, ti nirire tuho tuhsure mûsa. Æ yoa to ya buhea ahri yahparure wihi tuhsure.

<sup>4</sup> Mûsa sehe yu pohna, Cohamacu yaina jira mûsa. Æ jina “Cohamacu yare yahu mûhtaina jija sã” ni, mahñoinare yûhdurûca tuhsure mûsa. Mûsa mehne jiriro Espiritu Santo sehe tua yûhdurûcara. Æ jiro ahri yahpa macaina yairo watîno yûhdoro tuara. Æ jina mahñoinare yûhdurûcare mûsa. Æ jina ti buheare cahmaerare mûsa. <sup>5</sup> Mahñoina sehe ahri yahpa macaina ñaina jira. Æ jia tina ahri yahpa macaa ñaare ti buhechu ahri yahpa macaina ñaina sehe tinare noano tuhora. <sup>6</sup> Mari sehe Cohamacu yaina jija. Æ jia Cohamacure masiina marine noano tuhora. Paina sehe Cohamacu yaina jieraa, marine ne tuho duaerara. Ti ã tuho duaerachu ñuna ti ya buhea Cohamacu ya buhea ti jierachu masinahca mari. Paina sehe marine ti tuhochu ti ya buhea noaa buhea ti jichu cûhure masija mari.

#### **Cohamacu painare tuaro cahîrucuriro jira**

<sup>7</sup> Yu cahîina, Cohamacu marine painare cahîchu yoariro jira. To ã yoariro jichu ñuna mari mehne macainare cahîjihna mari. Masare noano cahîina sehe Cohamacu pohna jira. Æ jia tina Cohamacure noano masina. <sup>8</sup> Cohamacu jipihtinare tuaro cahîrucuriro jira. To ã cahîrucuriro to jichu masare cahîeraina sehe Cohamacure masierara. <sup>9</sup> Cohamacu marine to cahîare mari masi duana, õ sehe masinahca: Cohamacu sehe to macunore cûirota jirirore marine yûhduchu yoah tiro cjihtore ahri yahparure warocari jire. Æ warocaro marine to cahîare marine masichu yoaro niri jire. <sup>10</sup> Cahîa waro õ sehe jira: Cohamacure mari cahîri cjiri sehe potocã cahîa waro jierara. Marine Cohamacu to cahîa sehe potocãta cahîa waro jira. Æ yoa to macunore mari ñaa buhirire cohãhtiro cjihtore warocaro marine tuaro cahîna tiro.

<sup>11</sup> Yu cahîina, Cohamacu ã tuaro marine to cahîchu ñuna mari cûhu mari mehne macainare cahîjihna. <sup>12</sup> Masa sehe ne Cohamacure ñuerare. Tirore ñueraina mari jipachuta mari mehne macainare mari cahîchu, Cohamacu sehe mari mehne ã jirucuro nina. Æ jiro potocãta marine cahî namorucuchu yoara tiro. <sup>13</sup> Cohamacu sehe marine to yairo Espiritu Santore

ware. Ñ jina Espíritu Santore cjuana, Cohamacu mehne mari noano jia tiare, tiro sehe mari mehne to noano jia tia cühure masija mari. <sup>14</sup> Ñ yoa Cohamacu mari Pucu to macunore ahri yahpa macainare yuhduchu yoah tiro cjihtore to warocarire sã ñui. Tíre ñuna painapure tíre yahuja sã. <sup>15</sup> Cohamacu mehne macariro õ sehe niriro jira: “Jesu Cohamacu macuno jira”, niriro tiro pini Cohamacu mehne macariro jiro nina. Ñ yoa Cohamacu cühu tiro mehne macariro jiro nina.

<sup>16</sup> Ñ yoa marine Cohamacu to cahíare masija mari. Cohamacu jipihtinare tuaro cahírucuriro jira. Ñ jiro cãiro masare cahírucuriro jiro, Cohamacu mehne macariro jira. Ñ jiro Cohamacu cühu tiro mehne macariro jira. <sup>17</sup> Ñ jina mari noano cahí namorucuja Cohamacure, paina cühure, buhiri dahreri dacho jichu mari cuiro marieno mari jihto cjihtore. Ñ jina cuiro mari ahri yahpai Cristo yoaro sehe jina. <sup>18</sup> Painare cahíare mehne ne cuiro mariahna. Cohamacu marine to cahíare masina mari ñano wahahtore ne cuieraja. Masa cuia tinare buhiri dahrehtore cuiina jira. Ñ jiro cuiriro sehe Cohamacu cahíare masierariro jira.

<sup>19</sup> Marine Cohamacu cahí mughtari jire. Ñ jina mari cühu tirore cahíja. <sup>20</sup> Cãiro “Cohamacure cahíja”, niriro jiparota paire ñu tuhtiriro jiro, mahñoriro jira tiro. Tiro to ñurigore cahíeraro, Cohamacure cahí masierara tiro, tirore ñueraro. <sup>21</sup> Ñ jiro õi jira marine Cristo to dutia: Cohamacure cahíro jicu mu cahai jiriro cühure cahíga.

### Cohamacu pohna ahri yahpa macaa ñaare yoa duaerara

**5** <sup>1</sup> Jipihtina Jesure “Cohamacu masare yuhduchu yoa duti to warocariro Cristo jira” niina, Cohamacu pohna jira. Paina pucure cahína, to pohna cühure cahíja mari. <sup>2</sup> Tó seheta Cohamacure cahína, to dutiare noano yoana to pohna cühure mari cahína nija. <sup>3</sup> To dutiare noano yoana Cohamacure cahína nija. Cohamacu to dutiare mari yoachu marine warpuerara. Mari jipihtina Cohamacu pohna jina, ahri yahpa macaa ñaare cahmaeraja mari. Ñ jia to dutiare mari yoachu warpuerara. <sup>4</sup> Cohamacure wacũ tuana ne ahri yahpa macaa ñaare cahmaeraja. Ñ jina tirore mari wacũ tuari baharo ñano yoa duaeraja. <sup>5</sup> Ñaare cahmaerana õ sehe niina jija mari: “Jesu Cohamacu macuno jira”, niina jina ahri yahpa macaa ñaare cahmaeraina jija mari.

### Cohamacu macunore yahuha João

6 Jesucristo ahri yahpapu to tachu tirore João co mehne to bautisarire masina, crusapu to di cohãri cũhure masina, Cohamacu macuno to jiare masija mari. To bautisari dihta Cohamacu macuno to jiare marine masichu yoerara. To di cohãri cũhu marine tíre masichu yoara. Espíritu Santo “Jesucristo Cohamacu macuno jira”, ni yahura marine. Tiro potocã ni yahuriro jira. 7 ã jia Jesu Cohamacu macuno to jiare tiaro marine yahura: 8 To macuno to jiare Espíritu Santo sehe marine yahura. ã yoa Jesure co mehne to bautisari cũhure masina, Cohamacu macuno to jiare masija mari. ã jina mari ya cjihtire to yariarire to di to cohãrire masina, Cohamacu macuno to jiare masija mari. ã jia tí sehe cũno potori marine masichu yoara Jesu Cohamacu macuno to jiare. 9 Masa ti yahuaire tũhona “Potocã tjira”, nija mari. ã niina jipanahta Cohamacu to macunore to yahuchu masa ti yahua yũdoro tiro sehere noano tũhoro cahmana marine. Cohamacu waro to jichu to macunore to yahuaire tũhoro cahmana marine. 10 ã jia jipihtina Cohamacu macunore wacũ tuaina Jesure yahua buheare noano tũhora. “Potocã tjira”, ni tũhotura tina Jesure yahua buheare. Cohamacu to macunore to yahuaire tũhoerariro “Cohamacu mahñoriro jira”, niriro jira tiro. 11 Cohamacu marine jipihtia dachoripe to catia mehne ã jirucuchu yoarohca. Cohamacu macuno yaina mari jichu ñno ã jirucuchu yoarohca marine. Ahri jira Cohamacu marine to yahua. 12 Cohamacu macuno yaina jia to catia mehne ã jirucuahca. Paina tirore cahmaeraina sehe to catia mehne ne ã jirucusi.

### Yahu to joa batoa jira

13 Mũsa Cohamacu macunore wacũ tuaina Cohamacu catia mehne ã jirucunahca. Tíre mũsa masihti cjihtire mũsare yahu joai nija.

14 Cohamacu to cahmariro sehetã mari tirore dohse jiare mari sinichu tiro marine noano tũho nũnũnohca. ã mari sinina “Potocãta noano tũhora tiro”, ni masija mari. 15 Tirore mari sinichu, tiro marine tũhora. To ã tũhorire masina, tirore mari sinino purota to wahtiro jichu cũhure masija mari.

16 Mũsa coyeiro to ñaare yoachu ñna, tí ñaa Cohamacu pichacapu to waha dutia ñaa jierachu, tirore sini payobasaga

Cohamacure. Ñ jiro Cohamacu tirore yoadohoro to catia mehne ã jirucuchu yoarohca tirore. Cohamacu pichacapu to waha dutieraina dihtare sini payobasaga musa. Paye ñaa sehe Cohamacu pichacapu to waha dutia ñaa waro jira. Cũiro tí ñaa warore to yoachu “Tirore sini payobasaga musa”, nieraja yuchu. **17** Jipiehtia ñaa yoaa ñaa warota jira, Cohamacu to ñuchu. Ti ã jipachuta paye ñaa Cohamacu pichacapu to waha dutia ñaa jierara.

**18** Cohamacu macuno Jesu sehe Cohamacu pohmare noano ñu wihbora. To ã ñu wihbochu watino sehe Cohamacu pohmare ne ñano yoa masierara. Ñ jia Cohamacu pohna sehe ñaare ã yoarucuerara. Ahrire mari masija.

**19** Mari sehe Cohamacu yaina jija. Watino sehe ahri yahpa macaina puhtoro jira. Ahri cũhure mari masija.

**20** Cohamacu macuno ahri yahpapure taro marine noano masichu yoare tiro. To ã yoachu potocãta Cohamacu waroreta mari noano masija. Ahri cũhure mari masija. Cohamacu macuno Jesucristo yaina jija mari. Ñ jina potocãta Cohamacu waro mehne macaina jina nija. Ahriro yu niriro potocãta Cohamacu waro jira. Ñ yoa ahriro to macuno to catia mehne ã jirucuchu yoariro jira. **21** Yu pohna, “Cohamacu jira”, ti nia masurine ño payoena tjiga.



## 2 San Juan

### Jesucristo yare, potocã cahĩa cũhũre yahuha

1-2 Yũhũ bucũro mũhũre Cohamacũ to besericorore mũ pohna cũhũre ahri pũre joarocaja. Jesucristo yare yũhtiina jija mari. Tiro to buhea cũhũ mari mehne jipihtia dachoripe ã jirucuahca. ã jicũ potocãta mũsare cahĩja yũhũ. Yũhũ dihta cahĩcũ nieraja mũsare. Paina Jesu yare masiina tina cũhũ potocãta cahĩna mũsare. <sup>3</sup> Cohamacũ mari Pũcũ, Jesucristo to macũno cũhũ potocãta ti cahĩa mehne marine noano yoaaahca. ã jia pja ñũa mehne marine noano jichũ yoajaro tina.

<sup>4</sup> Cohamacũ mari Pũcũ marine to dutiriro seheta cãina mũ pohna to yare yũhtiina ti jichũ masicũ wahcheja yũhũ. <sup>5</sup> Yũ cahĩricoro, mipũre mũhũre yũ dutihtũ wahma dutia jierara. Wahmanopũre ahri dutia marine dõipũta ji tuhsũri jire. Õ sehe dutira marine. Mari mehne macainare cahĩjihna. <sup>6</sup> To dutiare yoa pahũona mari tirore cahĩja. Wahmanopũre mũsa tũhoriro seheta mipũ cũhũre õ sehe dutira mũsare. Painare ã cahĩrucuina jiga.

### Payũ mahũnoina jira

<sup>7</sup> Payũ mahũnoina “Potocã Jesucristo ahri yahpũpũ mari yoaro sehe pjacũ tiroro masa bajuerari jire”, niina cũhũ ahri yahpa macainare buhea wahare. Tõ sehe niina mahũnõro, Cristore ñũ tuhtiriro yoaro sehe jiina jira. <sup>8</sup> Noano yoaga mũsa. Cohamacũ ya wapare mũsa noano yoari wapare boena tjiga. Mũsa ã boerachũ Cohamacũ noa yũhdũaro yoarohca mũsare.

<sup>9</sup> Jipihtina Cristo yare yũhdũrucaina, Cristo yare quihõno buheraina Cohamacũ yaina jierara. ã yoa Cristo yare ne cohãeraina Cohamacũ mari Pũcũ, to macũno mehne macaina jira tina. <sup>10</sup> Cristo ya buheare ne cahmaerariro, paye buheare yahuriro mũsa cahai to tachũ, tirore mũsa wũhũi sãa ta dutiena tjiga. Tirore piti bocaena tjiga. <sup>11</sup> Paye buheare yahuriro Cristo yare cahmaerariro ñano yoara. ã jiro tirore piti bocariro sehe ñano yoarirore yoadohoro nina.

**Yahu joa batoa jira**

12 Payu mʉsare yahu duapaihta tíre joa duaeraja. Mʉsare ñi waha duaja. Mʉsare ñuɕu mʉsa mehne sʉhʉduihtja mari noano wahchehti cjihtire.

13 Cohamacu to besericoro mʉ baho pohna sehe mʉhure noa dutira.

## 3 San Juan

**João Gayo wama tirirore “Noariro jira”, niha**

1 Yũhũ bucuro mũhũre Gayore potocã yũ cahĩrirore ahri pũre joarocaja.

2 Yũ cahĩriro, Cohamacũ mehne macariro mũ jichũ masija yũhũ. Tiro mehne mũ noano jiro sehetã mũ noano yũhdũhti cjihtire, mũ pjacũ dohatiro marieno mũ jihti cjihtire Cohamacũre sini payoja mũhũre. 3 Mahainacã Jesu yaina yũ cahai wihia mũ jia tiare yahuhre yũhũre. “Cristo to cahmano sehetã potocãta yoa namono nihre Gayo”, ni yahuhre tina yũhũre. Ti ã ni yahuchũ tũhocũ tuaro wahchehi yũhũ. 4 Mũsa Jesu yare yũ buherina cijiri to cahmano sehetã mũsa yoachũ tũhocũ tuaro wahcheja.

5 Yũ cahĩriro, Jesu yainare yoadohocũ noano yoara mũhũ. Mũ ñũ masieraina ti jipachũta, tinare yoadohocũ noa yũhdũaro yoara mũhũ. 6 Tina panopũ mũ ñũ masieraina sehe Jesu yainare õi cahmachuinare sãre õ sehe ni yahuhre: “Gayo Jesu yainare noano cahĩna”, ni yahuhre panopũ mũ ñũ masieraina sehe. Baharo mũ ya macare ti yũhdũ wahcãchũ ñũcũ tinare noano yoadohoga Cohamacũ to wahchehto sehe. 7 Tina Jesu yare buhe tinia wahaa, Cohamacũre cahmaeraina ti yoadohochũ cahmaerara. 8 ã jina tinare Jesu yare buhe tiniinare yoadohojihna mari. Tinare ã yoadohona nija potocã jiare ti yahuhti cjihtire.

**Diotrefe to ñaa yoirire yahuha João**

9 Tó macainare Jesu yainare mahanocã joarocamahi. Yũ ã joarocapachũta Diotrefe to basi ti pũhtoro yoaro sehe ji duaro, yũhũre tũho duaerayuhca. 10 Mũsa cahai yũ sũri baharo to yoirire mũsare yahu pahũoihtja. Sãre ñano durucuyuhca tiro. Mahũnoa payũriro jira tiro. ã yoa paye ñaa cũhũre yoayuhca tiro. Jesu yainare to yare buhe tiniinare ne tiro to wũhũre sãa ta dutierayuhca. ã yoa paina tó macaina Jesu yaina sehe buhe tiniinare ti sãa ta dutichũ ñũno tiro sehe “Buhe tiniinare sãa ta

dutiena t̄jiga m̄sa ya w̄h̄sep̄re”, ni yahus̄yuhca tinare. “M̄sa ya w̄h̄sep̄re buhe tiniinare m̄sa s̄a ta dutiri buhiri mari Jesu yaina mari cahmachuri w̄h̄p̄re s̄aena t̄jiga m̄sa sehe”, niyuhca Diotrefe t̄o macainare Jesu yainare.

11 Ȳh̄ cah̄īro ñainare ñ̄h̄ c̄ui t̄jiga. Noano yoaina sehere ñ̄h̄ c̄īga. Noaare yoaina Cohamac̄u yaina jira. Ñaare yoaina Cohamac̄ure masierara.

### **Demetrio noaa to yoarire yahuha Joã**

12 J̄ip̄htina noano durucura Demetrio sehere. ã̄ yoa to yoarire ñ̄ha noano to yoariro j̄ich̄u masina masa. S̄a c̄īh̄u tirore ã̄ta ni yahuja. S̄a yahua sehere potoc̄ã j̄ich̄u masina m̄sa.

### **Yahu batoaha Joã**

13 M̄h̄re paȳu yahu duamahi. ã̄ yahu duapaihta t̄ire joaeraja. 14 Mahanoc̄ã baharota m̄h̄re ñ̄h̄ duaja. ã̄ jina t̄or̄u mari basi s̄h̄dunahca.

15 Noano j̄iga m̄h̄u. Mari mehne macaina õ macaina Jesu yaina c̄īh̄u m̄h̄re noa dutira. T̄o macaina mari mehne macaina j̄ip̄htina noajaro.

# San Judas

## Juda Jesu yainare joarocaha

1 Yũhũ Juda Santiago bahũro Jesucristore dahra cohtariro mũsare Jesu yainare ahri pũre joarocaja. Mũsare Cohamacũ mari Pũcũ besea tiri jire. ˆ Jina to cahĩa mehne noano jira mũsa. ˆ yoa mũsare Jesucristo ñũ wihboro nina. 2 Noa dutija mũsare. Cohamacũ mũsare pja ñũno to yoadohoro mehne to cahĩa mehne noano jiga mũsa.

## Mahñoina ti buheare yahu dũcaha Juda

*(2 Pedro 2.1-17)*

3 Cohamacũ marine pichacapũ wahaborinare to yũhdũchũ yoaa sehere tuaro joaroca duamahi mũsare, yũ cahĩinare. ˆ Jia duapaihta mũsare mipũre mahñoa buheare cahma sãaeracũ mũsare joarocaja. ˆ Jina Jesucristo ya yahua sehere tuaro yahuga. Ahri yahua sehere tũhona, mari Cohamacũre noano wacũ tuaja. Ahri yahua sehe Jesu to cũrina to yainare ti yahuri cjiri ˆta jirucunocahna cohtotaro marieno. 4 Mahainacã masa ñaina Cohamacũre cahmaeraina wacũenoca mũsa cahai wihire. Mũsa mehne jia tina ˆ sehe ni yahumana mũsare: “Cohamacũ yaina mũsa jichũ, tiro cahĩna mũsare. ˆ jiro numia mehne mũsa ñano yoachũ tiro mũsare ne buhiri dahresi”, ni yahumana tina. ˆ Jia mari pũhtorore cũirota jirirore Jesucristore “Cohamacũ macũno jierara”, ni yahumana tina. ˆ sehe ni yahuinare Cohamacũ to buhiri dahrehtore yahua tiri jire panopũre. To yare ti joari pũi ˆ ni yahua tiri jire.

5 Mipũre mũsare payere wacũchũ yoa duaja. Ahrire mũsa masipachũta pari turi ahrire mũsare wacũchũ yoa duaja. Cohamacũ judio masare Egiptoi jiinare to naa wiori baharo tina mehne macainare tirore wacũ tuaerainare tiro wajãa tiri jire. 6 ˆ yoa paina cũhũre wacũga mũsa. Paina anjoa sehe Cohamacũ dutiare yoa duaera tiri jire. ˆ Jia tinare to ji duti to cũriroro tina ji duaera tiri jire. ˆ yoa ti jimarirore cohãnocaa tiri jire tina. Ti ˆ cohãchũ ñũno Cohamacũ nahitianopũ tinare

peresu yoaa tiri jire. Ñ jia tina pihtiri dacho pano comaa dari mehne dũhterina yoaro sehe jirucuahca tina to peresu yoarina. Ñ jiro pihtiri dacho jichũ tinare buhiri dahrerohca Cohamacũ. 7 Ñta yoaa tiri jire paina cũhũ. Tina cũhũre wacũga mũsa. Tina Sodoma wama tiri maca macaina, Gomorra wama tiri maca macaina tí macari cahacãi jia macari macaina cũhũ numia mehne ñano yoaa tiri jire. Soro yoaa cũhũre yoaa, tina mũsa sehe ti basita ti pjacũri mehne ñano yoaa tiri jire. Numia cũhũ ãta yoaa tiri jire. Ti ã yoari buhiri Cohamacũ tinare jũ pahñonocaa tiri jire. Tinare jũno Cohamacũ jipihtina tirore yũhdũrcainare to buhiri dahrehtore masare ñono nia tiri jire. Tinare to buhiri dahreri pichaca ne yatisi.

8 Tina Cohamacũ to buhiri dahrerina cjiro yoaro seheta mipũ cũhũre ãta yoarucura mahñoare buheina. Tina tũho masieraina yoaro seheta ti pjacũri mehne ñano yoara. Ñ yoa Cohamacũ dutiare ne cahmaerara tina. Ñ yoa mũano macaina si siteinare tina sehe ñano durucu cohtara. 9 Noaina anjoa sehe tuaina jipahta ã ni durucuerara. Miguel wama tiroiro anjoa pũhtoro sehe Moise pjacũ cjirore cahmano, watĩno mehne cahma sayoa tiri jire. Tua yũhdũariro jiparota tiro “Watĩno yũhdoro yũhũ pinihta tuaja”, ni tũhotuera tiri jire. Ñ jiro to mũ sũro watĩnore ñano durucuera, tirore tuhtiera tiri jire. Ñ jiro õ sehe nia tiri jire watĩnore. “Cohamacũpũ mũhũre tuhtijaro”, nia tiri jire Miguel watĩnore. 10 To ã yoariro jipachũta ahrina mahñoina sehe ti masierainare ñano durucu cohtara. Ñ yoa wahiquina tũho masieraina ti mũ sũro ti yoaro seheta tina mahñoina cũhũ yoara. Ñ yoaina jia, pichacarpũ wahaahca.

11 Tinata ñano yũhdũahca. Caĩ cjiro to yoariro seheta ñano yoara tina cũhũ. Ñ jia Balãa to yoariro seheta tina niñerure na duaa, mahñoare buhera. Ñ yoa Coré to pũhtoro cohã duariro cjiro yoaro seheta tina cũhũ tó seheta yoara. Ñ jia tiro yoaro seheta tina cũhũ pichacarpũ wahaahca. 12 Tina mahñoina sehe mũsa cahma cahĩhti bose nũmũrine chũa, ño payoa marieno mehne tina ti cahmano pape, ti sahserota chũare bora painare waro marieno. Wete yoaro sehe tina mũsa bose nũmũrine noaa dachori jiborirore dojomehne cohtara. Me curuari wihnono to wãrocaa curuari, co mariea me curuari ti yaba cjihti jieraro seheta tina mahñoina ne yaba cjihti jierara. Ñ yoa dicha tiri pja jichũ dicha tieraa yucũri yoaro sehe jira tina. Tí yucũri pũa taharpũ yariaa wahara. Cũ taha dicha tieraa yucũ, yariaa

yuc̄ri yoaro sehe waha tuhs̄ra. Tí yuc̄rire ti duhari baharo pari turi yariaa wahara tjoa. Tí yuc̄ri yoaro sehet̄a jia yaba c̄jhti jierara tina mah̄noina. <sup>13</sup> Ā yoa pjiri ma macaa pahc̄ori b̄j̄ma pahc̄ori yoaro sehe jira tina. Tí pahc̄ori ti c̄j̄r̄ca òch̄, wete tia sahpo wahara. Dohse jiare tina mah̄noina ti yoach̄ pahc̄ori macaa sahpo wete tia sahpo ti waharo sehet̄a mah̄noina ti ñaa yoa jira. Ā yoa si m̄ wahc̄a poca ñahpichoha poca yoaro sehe jira tina. Tí ñahpichoha poca ti wahahti mahare duhunoca, ti ã cohtotarucuro sehet̄a tina c̄h̄ quih̄no buheraa, ã cohtotarucura. Ti ã yoari buhiri nahitianor̄, ñanor̄ ã jirucuahca tina mah̄noina.

<sup>14-15</sup> Enoco panor̄ macariro c̄jro Adão panamana seis baharo to panami tiri o sehe nia tiri jire tinare mah̄noinare: “T̄hoga ȳh̄re. Cohamac̄ paȳ to yaina anjoa noaina mehne jipih̄tina ñainare ti ñaa buhiri buhiri dahrero tarohca. Ā yoaro jipih̄tina Cohamac̄re ñ̄ tuhtiinare ti ñaa yoari buhirire tinare buhiri dahrero tarohca Cohamac̄. Cohamac̄re ñano ti durucuri buhiri c̄h̄re tinare buhiri dahrero tarohca”, ni yahuyua tiri jire Enoco. <sup>16</sup> Tina mah̄noina painare tuhtiina, nurerucuina ti ñano wac̄a dihtare yoara tina. Ā yoa “Painare masi ȳhd̄r̄caja s̄”, nirucura tina. Ā jia ti cahmano sehe yoa duaa, paina ti c̄j̄aare na duaa, mah̄no c̄ durucura t̄ho ji coaror̄ta.

### Jesu yainare yahu namoha Juda

<sup>17</sup> Mari p̄h̄toro Jesucristo buhe duti to c̄rina ti buherire wac̄ga m̄sa, ȳ cah̄ina. <sup>18</sup> Ò sehe ni buhere tina marine. “Ahri yahpa to pih̄t̄ho panoc̄ Cohamac̄re, m̄sa to yaina c̄h̄re ñano durucu b̄j̄peina jahca. Tina Cohamac̄re cahmaeraa, ñaare ti goa pjaare yoahca”, ni yahure Jesu to c̄rina m̄sare. <sup>19</sup> Jesu yainare ti basi ti cahma ñ̄ tuhtich̄ yoara tina mah̄noina sehe. Ā yoa tina ñaina ti m̄ s̄ro yoaina jia, Esp̄ritu Santore ne c̄j̄aerara tina. Ti ñaa goa pja dihtare yoara tina.

<sup>20</sup> M̄sa sehe ȳ cah̄ina, Jesucristo ya buheare noano t̄ho namoga, noano wac̄ tuaina m̄sa jihto sehe. Tí buhea sehe ñaa mariea buhea noa ȳhd̄ara. Esp̄ritu Santo yoadohoa mehne Cohamac̄ mehne durucuga m̄sa. <sup>21</sup> Cohamac̄ m̄sare tuaro cah̄ina. Tíre masina tirore noano ȳhtiina jiga m̄sa. Ā ȳhtiina jiga, Jesucristo mehne m̄sa ã jirucuh̄re m̄sa cohtaro watoi. Tiro marine pja ñ̄no m̄anor̄ ã jirucuch̄ yoarohca.

22 Cristo yare “Quihõno jieraboca”, ni tũhotuinare pja ñũga.  
 23 Painare yoadohoga pichacapũ ti wahaerahto sehe. Ñ jina painare pja ñũga mũsa. Tinare yoadohona mũsa cũhũ ti ñaa yoaare ñũ cũena tjiga. Wete tiri suhtirore mũsa cahmaeraro seheta, paina ti ñaa yoaare cahmaena tjiga mũsa, “Ti ñaa yoaare ñũ cũ yoari”, nina.

### **Juda Cohamacũre to ño payoa jira**

24 Cohamacũ mari pũhtoro marine ñũ wihbo masina ñaare mari yoaerahto sehe. Ñ jiro tiro si siteriro marine ñaa buhiri marieinare mũanopũ to cahapũ cũ masina. Ñ marine tórpũ to cũchũ mari wahchenahca. 25 Tiro Cohamacũ cũirota jira. Pairo mariahna. Pichacapũ wahaborinare marine yũhdũchũ yoariro jira. Tiro sehe panopũ, mipũre, jipihtia dachoripe cũhũre noa yũhdũariro, mari bui pũhtoro jiriro, tua yũhdũariro, jipihtinare dutiriro jira. To ñ jiriro jichũ mari pũhtoro Jesucristo to yoadohoa mehne tirore ño payoa mehne wahchejihna. Ñta yoajihna.



# Apocalipsis

## Baharopure ahri dacho to dohse wahahtore marine masichu yoaha Jesucristo

**1** <sup>1</sup> Ahri pui Jesucristo marine to masichu yoarire yahu joarocai nija. Cohamacu sehe ture yahu dutiro curi jire tire, to yainare tire dahra cohtainare masichu yoa dutiro. ã jiro michapucacãta to dohse wahahtore masichu yoari jire tiro. Mahanocã duhsa mujano nina to ã wahahto. Jesucristo to ã cûchu tiro sehe anjore ture yuhure Joãore yahu dutiro warocari jire. <sup>2</sup> ã jicu yuhu João jipihtiare yu ñurire yahu joarocai nija. Cohamacu ya durucuaré Jesucristo ya buheare yahu joarocai nija.

<sup>3</sup> Ahri pui baharopu to dohse wahahtore yahu joai nija. Mahanocã duhsa mujano nina ahri jipihitia ti ã wahahto. ã jia jipihitina ahri pure buheina, yu yahuaré noano tuhoina yu yahuriro sehe yoaina wahcheina jiahca.

## Siete curuari macainare Jesu yaina cahmachuinare joarocaha João

<sup>4</sup> Yuhu, João musare siete curuari macainare Jesu yainare Asia yahpa macainare joarocaja: Cohamacu to cahia mehne musare noa dutija. ã yoa to yoadohoa mehne noano jiga musa. Tiro panoputa ã jirucuriro jia tiri jire. Mipû cûhure ã jirucura. Baharopu tarohca. To puhtoro dujiro panoi jiina siete pjacu bajueraina jira. Tina ti cahia mehne noano jiga musa tjoa.

<sup>5</sup> Jesucristo to cahia mehne noano jiga musa tjoa. Cohamacu yare mahõno marieno yahuriro jira tiro. ã jiro to yariari baharo to masa mujari baharo ne pari turi yariasi tiro. “Õ sehe masa mûjaahca yu yaina”, ni ñu quihõ mûhtariro jira tiro. ã jiro jira jipihitina ahri yahpa macaina puhtoa ti bui puhtoro jira tiro. Marine cahino to di cohãri mehne mari ñaare cosawere tiro. <sup>6</sup> ã cosawero marine puhtoa sõre tiro. Sacerdotea marine wahachu yoare tjoa. Cohamacu Jesu Pucuro to yare yoahinare marine sacerdotea sõre tiro. Jipihitia dachoripe “Tuariro jira”,

ni wahche payorucunahca mari jipihtina tirore. Jipihtina bui pũhtoro ã jirucura tiro. Āta jirucujaro.

7 Noano wacũ masi cohtaga m̄sa. Me curuari watoi duji tarohca Cristo. To ã tachũ ñ̄uahca jipihtina. Tirore c̄jã puha wajārina c̄jiri c̄hũ tirore ñ̄uahca. To ã tachũ ñ̄ua ahri yahpa macaina tirore cahmaeraina jipihtia curuari macaina tuaro cahya, tiiahca. Āta yoajaro.

8 Ō sehe nina mari pũhtoro Cohamacũ: “Yũhũ jipihtiare bajuamehneriro jija. Ā yoa jipihtiare pihlichũ yoah tiro jija. Tua yũhdũrucariro jija yũhũ. Panopũ ã jirucua tii. Mipũ c̄hũre ã jirucuja. Baharopũ taihtja”, nina Cohamacũ tua yũhdũrucariro.

### Cristore si siterirore to ñ̄ũre yahuha João

9 Yũhũ João m̄sa coyeiro Jesu yairo jija. Ā jicu m̄sa yoaro seheta yũhũ c̄hũ Jesu yare yũ yoari buhiri ñ̄ano yũhdũhi. Ā yoa m̄sa yoaro seheta yũhũre ti ã ñ̄ano yoapachũta Jesu yoadohoa mehne Jesure cohãerahi. Mari c̄ũno potori pũhtoro to sũho jiro macaina c̄jilhti jija. Yũ ya dihta macaina ti cohãriro jicu Patmo wama tiri nũcopũ jihi. Cohamacũ yare, Jesucristo to buheri c̄hũre painare yũ buheri buhiri tópu ti cohãriro jihi. 10 Tóí yũ jichũ c̄ũ dacho domingo jichũ Espiritu Santo yũhũre cahãnopũ ñ̄ono nihre. To ã ñ̄ochũ yũ baharo bũhusehei tuaro durucua bisiro coa tahre. Corneta to tuaro bisiro seheta tó seheta bisiro coa tahre to durucua. 11 Ō sehe nino coa tahre yũ tũhochũ:

—Mipũ m̄ ñ̄ũhtire joari p̄ũi joa õga. M̄ ã joa õri baharo siete curuari macainare Cohamacũ yainare warocaga tí p̄ũre. Tina siete curuari Asia yahpai jia macari macaina jira. Efeso macainare, Esmirna macainare, Pérgamo macainare, Tiatira macainare, Sardis macainare, Filadelfia macainare, Laodicea macainare m̄ ñ̄ũhtire joarocaga —nino coa tahre yũhũre.

12 To ã nichũ tũhocũ majarerc̄achi yũhũre durucurirore ñ̄ũi tai. Ā majarerc̄acũ siete sihãa pocare ti duhu payoa yuc̄re uru mehne ti yoari yuc̄re ñ̄ũhi. 13 Tí yuc̄ watoi ducurirore masũno yoaro sehe bajurirore ñ̄ũhi. Tiro yoari suhtiro to dahporipũ s̄uri suhtirore s̄ariro jihre. Ā jiro uru mehne ti yoari cahsaro mehne to p̄ebuhu bui tũã dihoriro jihre. 14 Ā yoa to p̄joa yaja p̄joari yoaro sehe noano yehsehre. To capari pichaca pohna yoaro sehe sihre. 15 To dahpori bronce wama tiri

comaa siri comaa yoaro sehe si sitehre. Broncere pichaca mehne ti noano jūweri baharo tíre wahtara noano si pa dutia. Ti noano wahtariro yoaro sehe to dahpori noano si sitehre. ã yoa to durucua payu poayeri yoaro sehe tuaro bisiro coa tahre. **16** To wamomaca poto bñhusehei siete ñahpichoha pocare cjuahre. ã yoa to duseroi ñosari pjĩ pa bñhuseheri siori pjĩne cuhcũhre. ã yoa sũ dacho macariro to tuaro minoano seheta to wñhdña tuaro si sitehre.

**17** ã jicũ tirore ñũcũ to dahpori cahai doca caha sũhi yariariro yoaro sehe. Yu ã doca caha sũchũ ñũno tiro to wamomaca poto bñhusehe mehne yũhũre duhu payo õ sehe nihre:

—Cuii tjiga. Yũhũ jipihtiare bajuamehneriro jija. ã yoa jipihtiare pihtichũ yoahrtiro jija. **18** Catiriro jija yũhũ. Yariariro jimai. Mipũre ñũga. Jipihtia dachoripe ã catirucuriro jija yũhũ. ã yoa yariaina ti jiroi pũhtoro jija. Yariaina ti jiro macari sopaca sawire yũ cjuaboriro seheta tópu jĩnare na wio, pari turi catichũ yoa masija yũhũ. **19** ã jicũ mipũ wahahtore ñũcũ, joa õga. Baharopũ to dohse wahahto cũhũre ñũcũ joa õga mũhũ. **20** Ahri siete ñahpichoha pocare yũ poto bñhusehei yũ cjuaa pocare yahuihtja mũhũre. Siete sihãa pocare ti duhu payoa yucũ uru yucũ cũhũre yahuihtja. Õ sehe jia yahuaire ranopũ masare ne yahuera tii. Õ sehe jira tí: Siete ñahpichoha poca siete curuari macaina yũ yaina cahmachuina pũthoa jia nina mari piti dahre buhechũ. ã jia siete sihãa pocare ti duhu payoa yucũ siete curuari macaina yũ yaina jia nina mari piti dahre buhechũ —nihre yũhũre.

### Efeso macainare Jesu yainare joa dũca dutiha Joãore

**2** <sup>1</sup> ã ni tuhsũ õ sehe ni namohre yũhũre joa dutiriro: —Efeso macaina yũ yaina, ti pũhtoro cũhũre õ sehe ni joarocaga mũhũ: “Yu wamomaca poto bñhusehei siete ñahpichoha pocare cjuariro jija. ã jicũ siete sihãa dapoa yucũ uru mehne ti yoaa yucũ watoi tiniriro jija. ã tiniriro jicũ mũsare õ sehe ni yahuja: **2** Jipihtia mũsa yoarire masi pahñoja. Yu ya cjihtire tuaro mũsa dahrarire, yũhũre mũsa wacũ tua duhuerari cũhũre noano masija. Ñaare yoinare mũsa ñũ yabichũ cũhũre masija. ã yoa ‘Jesu buhe dutiro to cũrina jija’, nimirare quihõno ti buherachũ, quihõno ti yoaerachũ ñũna,

mahñoina ti jichu masire musa. <sup>3</sup> Yu yare musa yoari buhiri musa ñano yuhdɛpanahta yuhure ne duhuerare musa. <sup>4</sup> Ñ noano yoaina jipanahta cñnore tó yoerare musa. Ahri jira tí: Yuhure musa noano cahĩ mũhtariro seheta mipure yoerara musa. <sup>5</sup> Yuhure musa cahĩ mũhtarire wacũga musa tjoa. Mipure yuhure musa cahĩera curerire wacũga. Ñ yoa Cohamacu yare tuaro cahmaga tjoa. Ñ cahmana, yu yare musa yoa mũhtariro seheta yoaga tjoa. Musa ã yoerachu sihãriare yu duhu payodu musa ya dũre yu dapodure musare nanocaihtja. (Ñ nicu õ sehe ni yahui nija musare. Musa tó macaina yuhure cohãboca. Ñ cohãna tó purota pihtinahca musa ñaa yoare duhuerana.) <sup>6</sup> Yuhure cahĩera cureina jipanahta ahrire noano yoare musa: Nicolaita wama tiina ti ñaa yoarire ñu yabira musa. Yuhu cũhu ti yoarire ñu yabija. <sup>7</sup> Cahmori tiina jira musa. Ñ jina musa ya curuari macainare yu yainare Espĩritu Santo to yahurire tũhoga musa. Õ sehe nina tiro: ‘Jipihtinare Jesure wacũ tua duhuerainare Cohamacu masare to cũno paraĩso wama tiro macadu dichare chu dutihtja. Tu dicha catichu yoaa jira’, nina Espĩritu Santo”, ni yahu joarocaga Efeso macaina yu yainare, ti puhtoro cũhure.

### **Esmirna macainare Jesu yainare joaroca dutiha Joãore**

<sup>8</sup> Esmirna macaina yu yainare, ti puhtoro cũhure õ sehe ni joarocaga mũhu: “Yuhu jipihtiare bajuamehneriro jija. Ñ yoa jipihtiare pihtichu yoahrtiro jija. Yariaa wahai. Pari turi catija tjoa. Ñ jicu õ sehe ni yahuja musare: <sup>9</sup> Musa ñano yuhdũrire masija. Pjacuoina musa jichu cũhure masija. Ñ jipanahta Cohamacu yare noare pjĩro cjuara musa. Paina sehe ‘Judio masa jija’, nimarina mahñoina jira. Tina musare ti ñano quiti dahrerire masija. Tina Satana yaina jira. <sup>10</sup> Mipure musa ñano yuhdũhtire cuiena tjiga. Tũhoga musa. Watĩno musare Cohamacure duhu dutiro cãina musa mehne macainare peresu yoa dutirohca. Diez dachori waro ñano yuhdũnahca musa. Ti ã ñano yoachu musare ti ã wajãmoñopachuta yuhure yu ya cũhure cohãena tjiga. Musa ã yuhure cohãerachu ñucũ jipihtia dachoripe Cohamacu cahapũ musare ã jirucuchu yoaihtja. <sup>11</sup> Cahmori tiina jira musa. Ñ jina musa ya curuari macainare yu yainare Espĩritu Santo to yahurire tũhoga musa. Õ sehe nina tiro: ‘Jipihtina Jesure wacũ tua duhueraina pichacapũ wahasi.

Ti yariari baharo pichacapu wahasi', nina Espiritu Santo", ni joarocaga Esmirna macaina yu yainare, ti puhtoro cūhure.

### **Pérgamo macainare Jesu yainare joaroca dutiha Joãore**

12 'Pérgamo macaina yu yainare, ti puhtoro cūhure ò sehe ni joarocaga mūhū: "Yūhū ñosari pji pū būhūseheri siori pjiñe cjuariro jija. Mūsare ò sehe ni yahuihtja: 13 Mūsa yoarire, mūsa ya maca macaina ti yoari cūhure masija. Tó macaina puhtoro Satana jira. Tó macaina Satanare ño payoina Antipare yu yare noano yahuriro cjirore wajāre. Tirore ti ā wajāchū ñūpanahta yu yare yoarucuna yūhure ne wacū tua duhuerare mūsa. 14 Mūsa ā wacū tua duhuerapanahta mahanocā yūhure yūhdūrucare mūsa. Cāina mūsa mehne macaina Balāa ya buheare cahmana. Panopū Balāa puhtoro Balac wama tirirore ò sehe ni buhea tire: 'Israe masare yūhdūrucā duacū "Cohamacū jira", mūsa nia masurine ño payo mūsa duhu payoa chūare chū dutiga tinare. Ā yoa numia mehne ñano yoachū yoaga tinare', ni buhea tire Balāa cjiro. Cāina mūsa mehne macaina to buheare cahmana. 15 Ā yoa paina mūsa mehne macaina Nicolaita wama tiina ya buhea sehere duhu duaerara. 16 Ā jina mūsa ñaa tūhotumari cjirore tūhotu cohtota, Cohamacū yare tuaro cahmaga tjoa. Mūsa ā cahmaerachū ñūscū soaro mehne mūsa cahapū wahacū, ā ñano yoaina mehne cahmacheihca yu dūseropū jiri pji ñosari pji mehne. 17 Cahmori tiina jira mūsa. Ā jina mūsa ya curuari macainare yu yainare Espiritu Santo to yahurire tūhoga mūsa. Ō sehe nina tiro: 'Jipihtinare Jesure wacū tua duhuerainare manā wama tiri chūare to nūori chūare waihtja. Yehsea tāa cūhure waihtja tinare. Tí tāare wahma wamare yu joa ōa tāa jahca. Paina tí wamare ne masisi. Tí tāare naina dihta tí wamare masiahca', nina Espiritu Santo", ni joarocaga Pérgamo macaina yu yainare, ti puhtoro cūhure.

### **Tiatira macainare Jesu yainare joaroca dutiha Joãore**

18 'Tiatira macaina yu yainare, ti puhtoro cūhure ò sehe ni joarocaga mūhū: "Yūhū Cohamacū macūno yu capari picha pohna yoaro sehe sira. Ā jia yu dahpori bronce wama tiri comaa ti wahtari comaa yoaro sehe si sitera. Mūsare ò sehe ni yahuja: 19 Mūsa yoarire masija yūhū. Cohamacure paina

cũhũre m̄sa cahĩrĩre, yũhũre m̄sa cohãerarĩre, painare m̄sa yoadohorĩre, ñano yũhdũpanahta yũhũre m̄sa duhuerarĩre masija. Wahmanopũ m̄sa yoarĩro yũhdoro mipũ sehere noano yoa namona nina m̄sa. Tĩ cũhũre masija yũhũ. 20 M̄sa ã noano yoina jipanahta õ sehe yũhũre yũhdũrcahre m̄sa: Jezabe wama tiricoro ‘Cohamacũ yare yahu m̄htaricoro jija’, ni mahñoricoro m̄sare to ñano buhechũ tũhona ticorore tuhtierare m̄sa. Mahño buhero yũ yainare yũhũre dahra cohtainare numia mehne ñano yoachũ yoara. ã jiro ‘Cohamacũ jira’, ti nia masũrine paina ño payo ti duhu payoa chũare chũ dutira ticoro yũ yainare. 21 To ñaare to cahyahtore cohtasinimai. Yũ ã cohtapachũta m̄sa mehne to ñano yoaare duhu duaerare. 22 Yũhũre tũhoga m̄sa. Ticorore dohatichũ yoaihtja. Ticoro mehne ñano yoina cũhũre dohatichũ yoaihtja. ã jia tina p̄jĩro ñano yũhdũahca. ãta yoaihca tinare ticoro mehne ti ñano yoaare ti cahyaerachũ, tĩre ti duhuerachũ. 23 ã yoa ticoro ya buheare cahmainare wajãihtja. Yũ ã yoachũ ñna jipihina yũ yaina yũ noano masĩro jichũ masiahca. Masa ti tũhotuare ti goa p̄jaa cũhũre masija. Yũ ã masĩro jichũ masiahca tina ticorore yũ buhiri dahrechũ ñna. Jipihina m̄sa ñaare yoiri buhirire buhiri dahreihhtja m̄sare. ã yoa m̄sa noaare yoiri wapa sehere noano yoaihtja m̄sare. 24 Paina m̄sa mehne macaina Tiatira macaina ticoro ya buheare cahmaerare. M̄sa sehe Satana ya buheare ‘Pano to yahuerari c̄jiri’, ti nia buheare cahmaerare m̄sa. ã jicũ m̄sa sehere duti namosi yũhũ. 25 Ahri dihtare yoa duti namoihtja m̄sare: M̄sa cahapũ yũ tahto pano yũ buheare m̄sa masĩre ne mahanocã duhuena t̄jiga. 26-27 Jipihina ñaare duhuinare yũ yare ã yoarucinare pũhtoa sõihtja. Yũ Pũcũ yũhũre to pũhtoa sõĩro seheta m̄sa cũhũre pũhtoa sõihtja. Jipihina yahpari macaina bui pũhtoa sõihtja m̄sare. ã pũhtoa sãana, m̄sa docai jĩinare jipihina yahpari macainare tuaro dutinahca m̄sa. Dihĩ biatore mari yucũcũ mehne pohachũ dõĩ to wahtiaro seheta Cohamacũre yũhdũrcainare ãta yohanca m̄sa. 28 ã jicũ m̄sare yũ yare ne duhuerainare bohrea m̄ja tachũ m̄ja tariare waihtja m̄sare. 29 Cahmori tiina jira m̄sa. ã jina m̄sa ya curuari macainare yũ yainare Espĩritu Santo to yahurire tũhoga m̄sa”, ni joarocaga Tiatira macaina yũ yainare, ti pũhoro cũhũre.

### Sardis macainare Jesu yainare joaroca dutiha Joãore

**3** <sup>1</sup> Sardis macaina yu yainare, ti puhtoro cũhure õ sehe ni joarocaga mũhũ: “Yũhũ siete pjacu bajuerainare Cohamacu yainare dutiriro jija. ã yoa siete ñahpichoha pocare cjuariro jija. Mũsare õ sehe ni yahuja: Mũsa yoarire masija. Õ sehe ni tũhotumana paina mũsare: ‘Tina Cohamacu yare noano yoa pahñoina jira’, ni tũhotumana mũsare paina. Ti ã ni tũhotupachũta Cohamacu yare noano yoaerara mũsa. <sup>2</sup> ã jina noano yoaga mũsa ‘Ñãare yoari’, nina. Cohamacu yare mũsa masirire noano wacũga, ‘To yare duhuri’, nina. Cohamacu to ñũchũ noano yoa pahñoerasinire mũsa. <sup>3</sup> ã jina yu yare mũsa tũho mũhtarire noano wacũga mũsa. ã wacũna yu yare yoaga tjoa. Cohamacu yare pari turi cahmaga tjoa. Yu nino sehe mũsa yoaerachũ wacũenoca mũsare buhiri dahreihũa. Yacariro wacũenoca to yacaro sãariro seheta mũsare wacũenoca buhiri dahreihũa. <sup>4</sup> Cãina mũsa mehne macaina Sardis macaina ñaare yoarucuina jierara. Wete marieni suhtirore mũsa sãaboriro seheta tí suhtirore mũsa wete piho duaeraro seheta ti ñaa yoaare piha duaerare mũsa. ã noaina jina, yehseri suhtiro sãaina yũhũ mehne tininahca mũsa sehe. ã yoahtina cjihti jira mũsa. <sup>5</sup> Jipihtina yu yare duhueraina ãta yehsea suhti sãaina jiahca. ã yoa yũhũ mehne ã jirucuhtina ti wamare to joa õri pũi tina cũhũ ti wamare joa õina jiahca. Ti wamare to joa õrire pahã cohãsi yũhũ. Yu Pũcu to ñũrocaroi, anjoa cũhũ ti ñũrocaroi yu yaina mũsa jirire yahuihtũa tinare. <sup>6</sup> Cahmori tiina jira mũsa. ã jina mũsa ya curuari macainare yu yainare Espĩritu Santo to yahurire tũhoga mũsa”, ni joarocaga Sardis macaina yu yainare, ti puhtoro cũhure.

### Filadelfia macainare Jesu yainare joaroca dutiha Joãore

<sup>7</sup> Filadelfia macaina yu yaina, ti puhtoro cũhure õ sehe ni joarocaga mũhũ: “Yũhũ ñaa marieriro jija. Yu nino seheta yoariro jija. Davi cjiro panopũ macariro puhtoro dutiriro waro sawire cjuariro jiro masare to dutiriro seheta tuaa mehne dutiiltũa yũhũ cũhũ. Tí tuaa mehne yu yoa dutichũ ne paina tíre dũcata masierara. Yu yoa dutierachũ ne paina tíre yoa masierara. <sup>8</sup> Jipihtiare mũsa yoaare masija yũhũ. Wacũ tuaera cureina jipanahta yu buheare noano tũho, tíre ne duhuerare mũsa. ã jicu yu yare cũi mũsare tíre buhe duticu. ã jia paina

‘Tíre buhena tjiga’, ni ducata masierara mūsare. **9** Ñ jicū ò sehe yoaihtja: Paina mūsa cahai jiina Satana yaina jira. ‘Judio masa jija’, nipahta judio masa waro jierara. Tinare mūsa panoi na tuhcuca caha sū mūsare ño payochū yoaihtja tinare. Yū ã yoachū ñūa mūsare yū cahīare masiahca tina. **10** Mūsare yū yare yū duhu dutierachū tūhona noano yūhtire mūsa. Mūsa ã yoachū ñūcū ahri yahpa macaina jipihtina ti ñano yūhdūhti pja jichū mūsare ducataihtja mūsa ñano yūhdūerahto sehe. Tí pja jipihtina ti ñano yūhdūhti pja jirohca. **11** Mahanocā dūhsara ahri yahrapū yū tjua tahto. Yū yare mūsa masirire boena tjiga. Ñ yoa yūhūre ã yūhtirucuga, mūsa noano yoari wapare ‘Butiri’, nina. **12** Ñ jicū yū yare ã yoarucuinare yū Pūcū ya wūhū macaina cjihtire cūihtja tinare. To ya wūhū macaa botari ti yoari pja ti jirucuro seheta Cohamacū mehne jirucuchū yoaihtja tinare. Ñ jia Cohamacū mehne macaina ã jirucuahca. Ñ jicū Cohamacū wūhū macaa botaripū yū joa òno seheta tinare ti pjacūripū ò sehe ni joa òihtja: Cohamacū yū Pūcū wamare, to ya maca wama cūhūre joa òihtja. To ya maca wahma maca Jerusalē jirohca. Tí maca mūanopū Cohamacū cahapū tari maca jirohca. Yūhū wahma wama cūaihca. Tí wama cūhūre joa òihtja ti pjacūripū. **13** Cahmori tiina jira mūsa. Ñ jina mūsa ya curuari macainare yū yainare Espiritu Santo to yahurire tūhoga mūsa”, ni joarocaga Filadelfia macaina yū yainare, ti pūhtoro cūhūre.

#### **Laodicea macainare Jesu yainare joaroca dutiha Joāore**

**14** ‘Laodicea macaina yū yainare, ti pūhtoro cūhūre ò sehe ni joarocaga mūhū: “Yūhū Cohamacū jipihtia to yoarire, to yoahiti cūhūre yoa sohtori tiriro jija. Yūhū potocā yoariro jija. Ñ jicū mahñono marieno yū ñūrire ã yahurucuriro jija. Jipihtiare yū Pūcū to yoarire yoabasariro jija yūhū. **15** Jipihtia mūsa dohse yoarire masija yūhū. Yūhūre wacū tuaina jipanahta mahanocā wacū tuaina jira mūsa. Ò sehe jira tí: Co yūshera co sū mehne pjiroca si putia co yoaro sehe jira mūsa. Tó sehe jia core mari ji coeraro seheta yūhūre wacū tuaera cureina mūsa jichū yūhū cūhū mūsare ji coeraja. Yūhūre mūsa noano wacū tuachū noaboa yūhūre. Yūhūre mūsa wacū tuaerachū ña niboia yūhūre. Yūhūre mūsa wacū tuaerari yūhdoro mahanocā wacū tuaina mūsa jichū ña yūhdūara. **16** Mūsa ã jichū ñūcū ñū yabi yūhdūaja yūhū. Ñaa core yū cho cohāno seheta yūhūre



mahanocã wacũ tuinare ñu yabi yũhduaja yũhũ. 17 Ñ jina õ sehe ni tũhotumana mũsa: ‘Jipihtiare cjuaja. Ne yaba duhsaerara marine’, ni tũhotumana mũsa. Ñ nipanahta pjasuoina yoaro sehe jira mũsa. Ñ jina capari ñueraina ti ñu duaare ti masieraro seheta Cohamacu yare ne masierara mũsa. Ñ jina suhti marieina ti buo tiro seheta Cohamacu to ñurocaroi mũsa ñaa yoarire buo tihtina jira mũsa. 18 Mũsa ã jiina jichũ ñucu õ sehe ni yahuihtja mũsare: Uru warore mũsa nuchũboro seheta noaare yu cjuaaare naga mũsa. Mũsare yũhũre wacũ tuachũ yoaihtja. Ñ jina potocãta Cohamacu ya mehne pjĩro cjuanahca. Ñ yoa yehseri suhtirore mũsa nuchũ mũsa sãano seheta yu di cohãri mehne yu yariaro mehne mũsa ñaa yoaare cosawerina jiga. Ñ yoana noaa suhti sãaina ti buo tieraro seheta mũsa ñaaare cosawerina jina buo tisi mũsa cũhũ. Ñ yoa mũsa caparire mũsa co tiri baharo noano mũsare bajuro seheta Cohamacu yare noano tũhoga, mũsa noano masihto sehe. 19 Jipihtina yu cahĩinare yahuja. Ñ jicu yu cahĩina ti jichũ ñucu, ti tũhoerachũ tinare quihõno yoa dutija, tinare yoadohocu tacu. Ñ jina yu ya sehere tuaro cahmaga. Ñ yoa mũsa ñaaare tũhotumari cjirire cohtota, tí ñaaare duhuga. 20 Tũhoga yũhũre. Mũsa wũhũre bihari wũhũre yu sũrucu yu sãa dua yu pisurucuboro seheta, mũsa mehne macariro ji duai nija. Yu ã ji duachũ tũhoina jina yũhũre mũsa mehne ji dutiga. Yu yaina jiga. Mũsa ã ji dutichũ mũsa mehne jiihtja. Ñ jicu mari sũho chũro seheta mũsa mehne noano jiihtja. Ñ jina yũhũ mehne macaina jinahca mũsa. 21 Watĩnore yu yũhdũrucari baharo yu Pũcu pũhtoro to dujiro cahai dujija, yũhũ cũhũ duticu tacu. Tó seheta mũsa cũhũ ñaa yoarire mũsa yũhdũrucari baharo yu pũhtoro dujiro cahai dujinahca, mũsa cũhũ dutina tana. Mũsare yu cahai dujichũ yoaihtja. 22 Cahmori tiina jira mũsa. Ñ jina mũsa ya curuari macainare yu yainare Espĩritu Santo to yahurire tũhoga mũsa”, ni joarocaga Laodicea macaina yu yainare, ti pũhtoro cũhũre —nihre yũhũre joa dutiriro.

**Muanopũ Cohamacure na tuhcu  
caha sũ ti ño payoare ñũha Joã**

**4** 1 Yũhũre to ã ni yahuri baharo muanopũ pjõari sopacare ñũhi. Pari turi corneta to tuaro bisiro seheta tuaro durucua bisiro coa tahre yu tũhochũ. Õ sehe nihre yu tũhochũ:

—Ōpɛ mɛja taga. Ahri yɛ yahuhti cjihti baharopɛre wahahtore mɛhɛre ñoihtja. Yɛ niriro seheta ã waharohca —nino coa tahre mɛanopɛ.

<sup>2</sup> To ã ni yahuchɛta tópɛ mɛja sɛɛ EspírITU Santo tuaa mehne ñɛi nihi. ã jicɛ pɛhtoro dujirore mɛanopɛ ñɛhi. TóI cɛiro dujihre. <sup>3</sup> Noano si siteriro dujihre. Diamante wama tia tãa yoaro seheta, rubí wama tia tãa yoaro seheta noano si siteriro dujihre tiro. ã jiro buhini soro esmeralda yoaro sehe si siteri soro dacho macai dujihre tiro. <sup>4</sup> ã yoa to dujiro cahai veinticuatro dujiare ñɛhi. Tí dujia pɛhtoa dujia yɛ ñɛ mɛhtarirore duji soroahre. Tí dujiapɛ veinticuatro Jesu yaina pɛhtoa dujihre. Yehsea suhti tiina jihre. ã yoa pɛhtoa ti pisaa sorori uru sororire pisaina jihre tina. <sup>5</sup> Yɛ ñɛ mɛhtariro dujiroi orocasitehre. ã yoa soro sehe jiro choro bisiro coa tahre. Wɛpo cɛhɛ bisiro coa tahre. Tí dujiro panoi siete sihãa poca jihre. Siete sihãa poca mehne to piti dahre buhechɛ Cohamacɛ yaina siete pjacɛ bajueraina jihre. <sup>6</sup> ã yoa to dujiro panoi pjiri ma yoaro sehe vidro yoaro sehe sipari ma jihre. Noano co sitiri ma yoaro sehe jihre.

Ti dujiro cahai pititiaro soro sehe bajuina jihre. Ti pjacɛri panoi ti baharo bɛhɛsehe cɛhɛre payɛ capari tiina jihre tina. <sup>7</sup> Yɛ ñɛ mɛhtariro soro bajuriro yairo sohãriro yoaro sehe bajuhre. To baharo jiriro wachɛ yoaro sehe bajuhre. Ti baharo jiriro masɛno wɛhdɛa sehe wɛhdɛa tiriro jihre. Tina tiaro baharo jiriro cja to cjamɛadɛpɛrɛre saño dujiriro yoaro sehe bajuhre. <sup>8</sup> Tina seis dɛpɛri wɛa dɛpɛri tiina jihre. ã jia ti wɛa dɛpɛri pɛ bɛhɛseheripɛta payɛ capari tia dɛpɛri jihre. ã yoa dachoripe, ñaminipe ã dururucua nihre. Ne durucu duhuerare. Ō sehe ni durucuhre:

“Noariro, noariro, noariro Cohamacɛ mari pɛhtoro tua yɛhdɛariro jira.

Tiro panopɛta ã jirucua tiri jire.

Mipɛ cɛhɛre ã jirucura.

Baharopɛ tarohca”,

ni durucurucua nihre.

<sup>9</sup> ã ni durucua tina pititiaro soro bajuina to tuaare durucua nihre pɛhtoro dujiroi dujirirore. ã durucua, tirore jipihitia dachoripe jirucurirore wahche payoa “Noana”, nia nihre.

<sup>10</sup> Ti ã yoa payochɛ ñɛa veinticuatro Jesu yaina pɛhtoa sehe pɛhtoro dujiroi dujiriro panoi na tuhɛa caha sɛ, tirore ño

payohre. Tiro jipihtia dachoripe jirucuriro jira. Ñ ño payoa ti pũthoa pisaa sororire to dujiro panoi doca payohre. Ñ doca payoa ò sehe nihre tina:

11 “Mũhũ Cohamacũ sã pũthoro waro jira.

Tuariro, noariro jira mũhũ.

Mũhũ sã ño payoriro jii nina.

Mũhũre ã ño payorucuro cahmana sãre.

Jipihtiare bajuamehneriro jira mũhũ.

Mũ cahmariro seheta tí jipihtiare bajuamehnea tiri jire mũhũ”,

nihre tina Cohamacũre, tói dujirirore.

### Joari pũre turēri tiare cordero cũhũre yahuha João

**5** 1 Baharo tói dujiriro to wamomaca poto bũhũsehei to cjuari pũre joari pũre ñũhi. Tí pũ pũ bũhũseheri to joari pũ to turēri tia jihre. Ñ yoa siete wihtã ñahaah mehne to wihtã ñahari tia jihre. 2 Tí tiare turēri tiare ñũ tuhsũ, tuariro anjore ñũhi. Tiro tuaro durucua mehne ò sehe ni yahuhre:

—¿Ahri tiare wihtã ñahaare pahrēboriro ñaa buhiri marieriro diro sehe jijari, mũsa tũhotuchũ? —nihre tiro anjo.

3 Ñ niparota tí tiare pahrēhtirore bocaerare. Mũanopũ, ahri yahpũ, catiina watoi, yaria tuhsũina watoi ne tí tiare ñahaare pahrēhtiro mariahre. Ñ jiro tí tiare buhehtiro mariahre. 4 Ñ jicũ pahrēhtirore, tí pũre ñũhtirore ti bocaerachũ ñũcũ tuaro tiilhi yũhũ. 5 Yũ ã tiichũ ñũno cũiro Jesu yaina pũthoa mehne macariro ò sehe nihre yũhũre:

—Tiiecũ tjiiga. Tí tiare ñahaare cũiro pahrē masina. Tiro Juda ya curua macariro tuariro jira. Tuariro jiro “Yairo sohãriro”, ti ni pisuriro jira. Tiro pũthoro Davi panamino ji turiariro jira. Watĩnore yũhdũrucariro jira tiro. Ñ jiro tiro tí tiare siete ñahaare pahrē masiriro jira —nihre tiro yũhũre.

6 To ã nichũ tũhocũ pũthoro dujiro panoi cordero to ducuchũ ñũhi. Cuatro soro bajuina, Jesu yaina pũthoa tina watoi ducuhre tiro cordero. Tiro ti wajãriro cjiro sehe bajuhre. Siete sahari tiriro, siete capari tiriro jihre. Tí siete sahari ã yoa siete capari mehne to piti dahre buhechũ Cohamacũ yaina pjacũ bajueraina siete bajueraina yoaro sehe jira. Tina to yaina pjacũ bajueraina jipihtiro ahri yahpũ Cohamacũ to warocarina jihre. 7 Ñ jiro cordero sehe pũthoro dujiro cahapũ sũro, tirore to poto bũhũsehei to cjuari tiare tuãwe nahre. 8 To

ã tããwe nachu ñua cuatro soro bajuina, veinticuatro pũtoa cũhu cordero panoi na tuhcuca caha su, tiore ño payohre. Tina pũtoa jipihtina arpa wama tia buapũtẽare, uru wahwari cũhure cjũahre. Tí wahwari incienso noano wahpaa posa tia wahwari jihre. Tí incienso mehne to piti dahre buhechũ Cohamacũ yaina tiore ti sini payori yoaro sehe jihre.  
9-10 ã tiore ño payoa õ sehe ni wahmaa basaare tina basa payohre tiore:

“Mũhu ti wajãriro cjiro jira.

ã jicu mu di cohãri mehne sã ñaa yoari buhirire  
cohãre mũhu Cohamacũ yaina sã jihto sehe.

ã jicu jipihtia curuari macainare cãinare, jipihtia dũseri durucuinare cãinare, jipihtia yahpari macainare cãinare sã ñaa yoari buhirire mu di cohãri mehne cosawere mũhu Cohamacũ yaina sã jihto sehe.

Sãre jipihtinare Cohamacũ yaina cjihtire cũre mũhu.

ã jicu sacerdotea cũhre mũhu sãre Cohamacũre dahra cohtaina sã jihto sehe.

ã yoacũ ahri yahpa macaina bui pũtoa sũhre mũhu sãre.

ã yoariro jicu tí tiare wihtã ñahaare pahrẽhtiro jira mũhu”,

ni basa payohre tina corderore.

11 Pari turi ñucũ millones anjoa perire ñũhi. Pũtoro dujiore cuatro soro bajuinare, veinticuatro pũtoare anjoa sehe tina soroa dũcũ sũhre. Tina anjoa peri tuaro ti sañurucu payochũ ñũhi. 12 Õ sehe ni tuaro sañurucu payohre tina:

“Cordero ti wajãriro mũhu jipihtinare dutiriro, jipihtiare cjũariro, masi pahñoriro, tua yũhdũariro jira mũhu.

Masa ti ñaa buhiri ti wajãriro mu jichũ ñũna ã ni ño payoja mũhure.

‘Noabiariro jira’, ninahca mũhure.

Mũhure noano durucunahca”,

ni sañurucu payohre anjoa peri.

13 ã jicu paina cũhure ti sañurucu payoa coa tachũ tũhohi. Jipihtina mũano macaina, ahri yahpa macaina, catiina, yariaina cahapũ jiina cũhu, pjiri ma macaina, jipihtiropũ jiina õ sehe ni durucu payoa coa tahre:

“Cohamacure to dujiropu dujirirore, Cordero cūhure  
mūsare p̄arore noano durucunahca.  
Mūsare wahche payonahca.

‘Noa Yūhdūaina, Tua Yūhdūaina jira’ nina,  
jipihtia dachoripe ã nirucunahca mūsare”,

ni durucu payoa coa tahre.

14 Æ jia tina cuatro soro bajuina ti ã durucu payochu tūhoa  
“Āta ni durucu payojaro”, nihre. Æ jia Jesu yaina p̄htoa sehe  
na tuhcuca caha sū Cohamacure, Cordero cūhure ño payohre.

### Papera tiare to nari tiare wihtã ñaharire pahrēna Cordero

**6** 1 Baharo papera tiare to nari tiare Cordero wihtã ñaha  
mūhtanore pahrēhre. To ã pahrēchu ñūhi. To ã pahrēri  
baharo cūiro soro bajuina mehne macariro, “Ñūna taga”, nihre.  
Æ nino wapo yoaro sehe bisihre tiro.

2 To ã niri baharo ñūhi yūhu. Yehseriro cawalore ñūhi.  
Tiro bui pisariro buedure cjuahre. Tirore p̄htoro pisari sorore  
wahre paio sehe. To ã wari baharo tiro sehe tirore ñū tuhtiinare  
yūhdurucaro wahahre.

3 Baharo cū wihtã ñahanore pahrē tuhsu Cordero pa wihtã  
ñahanore pahrēhre tjoa. To ã pahrēri baharo paio soro bajuina  
mehne macariro “Ñūna taga”, to nichu tūhohi tjoa.

4 Æ jicu paio cawalore sohārirore ñūhi tjoa. Tiro bui  
pisarirore tuaare wahre paio sehe. Ahri yahpa macainare  
cahma wajã dutihtirore cūhre tirore. Æ jia jipihtiro macaina  
cahma wajāahca ahri yahparu. Æ yoa pjiri pjī ñosari pjīne  
wahre tirore.

5 Baharo p̄arore pahrē tuhsu Cordero parore pahrēhre tjoa.  
Æ jicu p̄aro ti durucuri baharo paio soro bajuina mehne  
macariro “Ñūna taga”, to nichu tūhohi.

To ã niri baharo ñiriro cawalore ñūhi. Tiro bui pisariro  
balanza quihōnore cjuahre. 6 Tirore yu ñuri baharo soro bajuina  
watoi õ sehe nino coa tahre:

—Cū dacho dahrari wapa mehne trigore cū kilota nuchuahca  
masa. Cū dacho dahrari wapa mehne cebada wama tia yaparire  
tia kilota nuchuahca masa. (Trigo, cebada cūhu pihtia wahaahca.  
Æ jia tí wapa b̄ju niahca.) Wiho mejeta chūa dahrea sere,  
vino cūhure dojochu yoaena t̄jiga —nino coa tahre.

7 Baharo tiarore pahrē tuhsu Cordero parore pahrēhre tjoa. To ã pahrēri baharo pairo soro bajuina mehne macariro ji bato tiriro “Ñuna taga”, nihre tjoa.

8 To ã nichu tuhocu wapoariro cawalore ñuhi. Tiro bui pisariro “Yariachu yoariro” wama tihre. Ñ yoa to baharo tariro “Yariaina ti jiro” wama tihre. Ñ jiro tinare tuaare wahre pairo sehe. Ahri yahpapure cuarta parte\* masare wajã dutihre. Cahma wajãa mehne, juca baa mehne, dohatia mehne, wahiquina nucusi macaina suaina mehne tópeina masare ti wajãhtore cūhre tinare.

9 Baharo pititiaro wihtã ñahaare pahrē tuhsu Cordero paro ñahanore pahrēhre tjoa. To ã pahrēchu altar docai Jesu yaina ti wajãrina ti catiri yajeripohnarine ñuhi. Cohamacu yare ti yahuri buhiri, “Jesu yaina jija”, ti ni yahuri buhiri tinare wajãri jire. 10 Tina sañurucua ò sehe nihre Cohamacure:

—Muhu sã pãhtoro, ñaa marieriro, mahñoño marieno, mu niriro seheta yoariro jira muhu. ¿Ahri yahpa macainare, sãre wajãrinare dohse jichu buhiri dahreihcari muhu? —ni sañurucuhre tina.

11 Ñ jiro tinare yehsea suhti yoaa suhtire wahre. Tinare ã waro ò sehe nihre tinare:

—Sosiniga. Paina musa coyea Jesu yaina musa yoariro seheta mipu cūhure noaa buheare buhesinia nina. Musare ti wajãriro seheta tina cūhure ti wajã pahñohto dũhsasinina. Ñ jina tinare jipihtinare ti wajãhto pano mahanocã sosiniga musa —nihre tinare.

12 Baharo cinco wihtã ñahaare pahrē tuhsu Cordero paro wihtã ñahanore pahrēhre tjoa. Tóre to ã pahrēchuta tuaro yahpa ñuhmihre. To ñuhmini baharo sũ dacho macariro ñiriro choro wahahre. Ñiri suhtiro yoaro seheta ñiriro choro wahahre. Ñ yoa sũ ñami macariro di yoaro sehe sohãriro wahahre.

13 Ñ yoa ñahpichoha poca yahpapu boraahahre. Yucusu dica yahsaare wihnono to wã bure bororo seheta ñahpichoha poca boraahahre. 14 Ti ã wahari baharo mũano butia wahahre. Papera tiare mari turēchu to bajueraro seheta

---

\* ‘Una cuarta parte’ noho puro to jirore masi duana ò sehe masinahca: Ahri yahpa macaina dacho macai jiina ‘una media parte’ jira. ‘Una media parte’ pari turi dacho macai jĩinare mari quihõchu, títa jira ‘una cuarta parte’.

bajuerare m̄ano. Ñ yoa jipihtia t̄yuc̄ c̄h̄u n̄soro c̄h̄u pa seher̄p̄ s̄ur̄cah̄re. **15** To ã wahach̄u ñ̄ua, ahri yahpa macaina bui p̄h̄toa coparip̄u t̄yuc̄ macaa t̄aa docap̄u c̄h̄ure duhtih̄re. Paina p̄h̄toa, surara p̄h̄toa, pache p̄ua, tuaina, jipihtina tinare dahra cohtaina, dahra cohtaina jieraina c̄h̄u t̄oihta duhtimah̄re. **16** Ñ duhtia t̄yuc̄ure, t̄aa c̄h̄ure ò sehe nihre:

—Sã bui bora pjaga. Sãre n̄oga. Siro p̄h̄torore to dujiroi dujirirore cui ȳh̄duaja. Cordero suaro, sãre ñ̄ano buhiri dahrerohca. “Ñ buhiri dahreri”, nina n̄oga sãre. **17** Jipihtinare tuaro ti buhiri dahrehti dacho ji tuhs̄ura. Ñ jia ti buhiri dahrehtore ne c̄ãiro duhtiro bihoeraro, c̄ãno pjasi —nihre tina jipihtina.

### Israe masa pjac̄ure Cohamac̄u to wama ñ̄a òhtore yahuha Joã

**7** **1** Baharo pititiaro anjoare ñ̄ahi. Tina jipihtirop̄u wahah̄re. C̄ãiro nortep̄u waharo t̄op̄u tari wiñnonore taerach̄u yoah̄re. Pairo surp̄u, paio s̄u m̄uja tarop̄u, paio s̄u s̄ãanop̄u wahah̄re. Nortep̄u wahariro yoaro sehet̄a yoah̄re tina c̄h̄u. Ñ jiro ahri yahrap̄u, pjiri map̄u c̄h̄ure ne wiñnono taerare. Ne c̄ũdu yuc̄c̄ure wiñnono wã ñ̄uhmich̄u yoerare. **2** Ñ yoa paio anjore ñ̄ahi t̄joa. S̄u m̄uja tarop̄u taro nihre tiro. Cohamac̄u catihiro to wama ñ̄a ònore na taro nihre tiro. Ñ na taro paina pititiaro anjoare tiro sañurucuh̄re. Tina anjoa sehe ahri yahpare, pjiri ma c̄h̄ure Cohamac̄u to dojomehne dutiina jihre. **3** Tinare sañurucuro ò sehe nihre anjo:

—Cohtasiniga. Cohamac̄ure dahra cohtaina ti w̄h̄dūa pocare to wamare òna tana nija. Sã ã òhto pano ahri yahpare, pjiri mare, yuc̄ri c̄h̄ure dojomehnesiniena t̄jiga m̄usa —nihre tiro paina pititiaro anjoare.

**4** Ñ jiro Cohamac̄u to wama mehne ti w̄h̄dūa pocare ti òhtinare “Õpeina jira”, ni yahuh̄re ȳh̄ure c̄ãiro. Israe masa doce curuari macaina ciento cuarenta y cuatro mil masa ti òhtina jiyuhti. **5** Ahrina jiyuhti ti òhtina: Doce mil masa Juda panamana ji turiaina ti òhtina jihre. Paina doce mil masa Rubẽ panamana ji turiaina ti òhtina jihre. Paina doce mil masa Gad panamana ji turiaina ti òhtina jihre. **6** Paina doce mil masa Aser panamana ji turiaina, paina doce mil masa Neftalĩ panamana ji turiaina, paina doce mil masa Manase

panamana ji turiaina ti òhtina jihre. **7** Paina doce mil masa Simeo panamana ji turiaina, paina doce mil masa Leví panamana ji turiaina, paina doce mil masa Isacar panamana ji turiaina ti òhtina jihre. **8** Paina doce mil masa Zabulò panamana ji turiaina, paina doce mil masa José panamana ji turiaina, paina doce mil masa Benjami panamana ji turiaina ti òhtina jihre. Tópeinata jipihtina masa ciento cuarenta y cuatro mil to wama mehne ti òhtina jihre.

**Payu yehsea suhti tiinare yahuha João marine**

**9** Baharo payu masare ñhi. Jipihtia yahpari macainare, jipihtia curuari macainare, jipihtia duseri durucuinare, jipihtia macari macainare cainare Cristore cahmaina dihtare tói ducuinare ñhi. Pũtoro to dujiro panoi, Cordero panoi ducuhre tina masa. Payu masa jihre. Ñ jia quihò bihoina jierare. Yehsea suhti tiina jihre tina. Ñ yoa pjaa pò pũrine cjuahre. **10** Ñ jia tina jipihtina ò sehe ni tuaro sañurucuhre:

“Cohamacu jira sãre yũdũchu yoariro.

Tiro to dujiroi dujiriro jira.

Cordero cũhu sãre yũdũchu yoariro jira”,

ni sañurucuhre tina. **11** Ñ jia jipihtina anjoa, Jesu yaina pũtoa cũhu, soro bajuina mehne pũtoro to dujiro cahai ducuhre. Ñ ducua to dujiro panoi doca caha su, Cohamacure wahche payohre. **12** Ò sehe ni wahche payohre tina:

“Ñ tjira.

Cohamacu sã pũtoro mũhure noano durucuja.

Noa yũdũariro, masi pahñoriro jira mũhu.

Mũhure ‘Noana’, nija.

Mũhure ño payoja.

Tua yũdũariro jira mũhu.

Mu tuua mehne yoariro jira mũhu.

Tó seheta jirucuriro jira mũhu jipihtia dachoripe.

Ñ tjira”,

ni wahche payohre tina.

**13** Ti ã nichu tũhoru cũiro Jesu yaina pũtoa mehne macariro yũhure ò sehe ni sinituhre:

—¿Ahrina yehsea suhti tiinare masijari mũhu? ¿Ti tarirore masijari mũhu? —ni sinitu ñhure yũhure.

**14** To ã nichu tũhocu:



—Masieraja —ni yũthi.

—¿Noa jijari tina? —ni sinituhi tirore.

Yũ ã nichũ tũhoro õ sehe nihre yũhũre:

—Ahrina ñabiario yũhdũri dacho jichũ cũno pjaina jira.

Ti suhti cosawerina ti jiro seheta Cordero to di cohãno mehne ti ñaa buhirire cosawerina jira. Ñ jia noano yehsea suhti tiina jira. <sup>15</sup> Ñ to cosawerina jia Cohamacũ to dujiro panoi tirore ã ño payorucura. Dachoripe, ñaminipe tirore ã ño payorucura, sacerdotea Cohamacũ wũhũi ti yoariro seheta. Ñ jiro tina mehne ã jirucuro, tinare yoadohorohca Cohamacũ “Soro wahari”, nino. <sup>16</sup> Ne pari turi jũca baasi tina. Ñ jia ñahma yapiosi tina. Ne sũ dacho macariro siro tinare ne jũ pjasi. Tuaro sia tinare ñano yũhdũchũ yoasi. <sup>17</sup> Pũhtoro dujiro potoi ducuriro Cordero tinare ñũ wihborohca. Ovejare ñũ wihboriro yoaro sehe tinare ñũ wihborohca. Ñ ñũ wihboro mări pohtaripũ catichũ yoaa mări pohtaripũ tinare mũ tã wahcãnohca, ovejare ñũ wihboriro to mũ tãno seheta. Ñ yoaro ã wahcherucuchũ yoarohca tinare. Ñ jia ne pari turi tiisi tina —ni yahuhre Jesu yaina pũhtoahca mehne macariro yũhũre.

### Seis papera ti wihtã ñahaare pahrẽ tuhsũro parore pahrẽha Cordero

**8** <sup>1</sup> Seis papera ti wihtã ñahaare pahrẽ tuhsũro parore pahrẽhre tjoa Cordero. To ã pahrẽ tuhsũchũ cũ hora dacho macai tórpũ mũanopũ noano dihta marieaa wahahre. <sup>2</sup> To ã wahari baharo siete anjoare Cohamacũ panoi ducuinare ñũhi. Tinare siete cornetarire wahre paio. <sup>3</sup> Pairo anjo uru wahware inciensore posa tihti wahware cjuariro altar cahapũ sũ, ducuhre. Tói to ducuchũ payũ inciensore tirore wahre, jipihtina Cohamacũ yaina tirore ti siniri mehne morehtire. Ñ jiro uru altarpũ Cohamacũ to dujiro panoi jiri altarpũ tí inciensore jũ mũohre Cohacũre. <sup>4</sup> Ñ jia anjo to cjuari wahwa macaa inciensore altarpũ to poho siteri baharo tí incienso macaa me Cohamacũ yaina tirore ti siniri mehne mũjaa wahahre. <sup>5</sup> Ñ wahari baharo altar macaa niti mehne tí wahwa wahpa wahachũ, yahpai poho cũnocahre. To ã poho cũnocachũta wũro pja, soro sehe jiro bisi mũa, oroca site mũa, yahpa ñũhmi mũahre.

### Cornetarire yahuha João

6 Baharo siete anjoa cãina ti cornetarire putia taa nihre.

7 Cãiro anjo to yariare puti mũhtahre. To ã putichũ co poca yũsũa poca pichaca mehne, di mehne morea poca yahpapũ bora sũ cahahre. Ti bora sũ cahachũta yahpa jũa wahahre. Õ puro jũhre: Ahri yahpa dacho maca sũro caharoi jũa wahahre. Æ jiro tó puro posata yucũri cũhũ jũa wahahre. Tó puro posata tja cũhũ jũa wahahre.

8 Anjo cãiro to ã puti mũhtari baharo paio anjo to yaria cornetare putihre tjoa. To ã putichũ pjidũ tũcũ yoaro sehe bajudũ noano jũrucudũ pjiri mapũre waharoca ñojaa wahahre. Æ jiro yahpa to jũriro puro tó purota pjiri ma di ma dojoa wahahre. 9 Æ jia pjiri ma macaina wahi dacho maca mahano sũboro waroi yariaa wahahre. Tópe bũsota dohoa bũso cũhũ minia wahahre pjiri mapũre.

10 Pũaro anjoa ti putiri baharo paio anjo cũhũ to yaria cornetare putihre tjoa. To ã putichũ pjiria ñahpichohaca, sihãria yoaro sehe siria yahpapũ bora sũ cahaa wahahre. Ahri yahpa macaa mári dacho macabo cureroi tópe mári bui bora sũ cahaa wahahre ñahpichohaca. Tópe co wijaa copari bui cũhũre bora sũ cahaa wahahre. 11 Tópe márita suẽa mári wahahre. To ã wahachũ payũ masa tí mári macaa core, tí copari macaa co cũhũre sihnimaa, yariaa wahahre. Tia ñahpichohaca “Suẽnia”, wama tihre.

12 Tiaro anjoa ti putiri baharo paio anjo cũhũ to yaria cornetare putihre tjoa. To ã putichũ sũ dacho macariro, ñami macariro cũhũ dacho maca sũboro waroi dojoa wahahre. Ñahpichoha peri cũhũ dacho maca sũboro waroi jia poca tópe pocata dojoa wahahre. Tópe poca mũano macaa poca noano buhrierare. Dachopũ pititia horari waro sũ dacho macariro ne buhrierare. Ñamine pititia horari waro sũ ñami macariro, ñahpichoha poca cũhũ ne buhrierare.

13 Baharo ñũroca mũohi tjoa. Mũanopũ wũrirore cjare ñũhi. Æ jicũ to sañurucuchũ tũhohi. Õ sehe nihre tiro:

—Ñabiara. Ñabiara. Tiaro anjoa mipũ putierasiniina ti putiri baharo pinihtare ñabiario waharohca. To ã wahachũ ahri yahpai jiina ñabiario yũhdũahca —nihre tiro.

**9** <sup>1</sup> Baharo pititiaro anjoa ti putiri baharo paio anjo to yaria cornetare putihre tjoa. To ã putichũ ñahpichohaca yoaro sehe jiro anjo muanopũ bora tarirore ñũhi. Yũ ã ñũno watoi tirore cũari copa macari sawire wahre. <sup>2</sup> ã jiro tiro tí copare to pjõochũ pichaca me wijaahre. Pjiri pichaca macaa me yoaro seheta pjíro me wijaahre tí copare. ã wijaaro tí me dóihta sũ dacho macarirore, mũano cũhure butia wahachũ yoahre. <sup>3</sup> ã yoa tí me puhichai jiina poreroa yahpapũ tahre. Pichõno soroa ti tuaro purĩno seheta tina cũhũ tuaro purĩhre. <sup>4</sup> ã jiro tjare, yucũire, paye toaare ñano yoa dutierare tinare. Masa dihtare ñano yoa dutihre tinare. Cohamacũ to wamare ti wũhdũa pocare õmahnoeraina dihtare ñano yoa dutihre tinare poreroare. <sup>5</sup> ã ñano yoa dutiparota tinare wajã dutierare. Tinare wajã dutieraparota cinco sũri waro tinare ñano purĩchũ yoa dutihre. Pichõno soroa tjoaa ti purĩno seheta purĩchũ yoaina jihre poreroa cũhũ. <sup>6</sup> Tinare ti ã purĩchũ yoachũ masa yariaa waha duaahca. Ti ã yaria duapachũta tinare yaria dutisi.

<sup>7</sup> Poreroa sehe cawaloa yoaro sehe bajuhre. Ti cahma wajãhto pano cawaloare ti suhti sãariro seheta tó seheta bajuina jihre tina poreroa cũhũ. Ti dapu pocai pũhtoa ti pisaa sorori uru sorori yoaro sehe bajuhre. Ti wũhdũa poca masa yoaro sehe bajuhre. <sup>8</sup> Ti pjoari numia pjoari yoaro sehe jihre. ã yoa ti piri yaya piri yoaro sehe jihre. <sup>9</sup> Pẽ buhu dũcatari cahsaro comaa cahsaro yoaro sehe bajuhre ti cutiro. ã yoa tina ti wũchũ payũ cawaloa mũrocaina ti mũrocaro sehe ti wũa dũpũri bisihre. Cawaloa tunua bũsore wajaina ti cahma wajãnopũ waha, ti bisiro seheta bisihre poreroa wũa dũpũri. <sup>10</sup> ã yoa pichõno soroa ti pichõno tiro seheta, tjoariaca ti cjuaro seheta jihre tina poreroa. Ti pichõri mehne tjoaa, cinco sũri waro masare purĩchũ yoahre. <sup>11</sup> Tina pũhtoro cjuaina jihre. Cũari copa pũro jihre ti pũhtoro. Tiro anjo jihre. Hebreo ya mehne Abadón wama tihre tiro. Griego ya mehne Apolión wama tihre. (Apolión “Pihtichũ yoariro”, nino nina.)

<sup>12</sup> Poreroa masare ñano ti purĩno yoari baharo ahri ti ñano yũhdũ mũhtariro cjiro pihtia wahahre. Tó baharo pũa taha pari turi ñano yũhdũsiniahca masa.

<sup>13</sup> Baharo cẽ wamomaca pihtiina anjoa ti putiri baharo paio anjo to yaria cornetare putihre tjoa. To ã putichũ Cohamacũ panoi ducuri altarpũ uru altarpũ durucua bisi wijaro coa tahre. Tí altar macaa sahari pititia saharipũ durucua bisi

wijaro coa tahre. **14** Ñ durucuro cornetare putiriro anjore yahuhre:

—Eufrates wama tiri ma pjiri mapu peresupu jinare anjoare wioga. Tina pititiaro anjoa jira —nino coa tahre.

**15** Ñ nino coa tachu tuhoro anjo sehe tinare pititiarore wiohre, payu masare wajähtinare. Ahri horare, ahri dachore, ahri süre, ahri cühmare quihõno cohtaa nihre tina pititiaro anjoa. Ti cohtariro mu sura. Ñ jia wajäa taa nina. Jipihtina dacho maca doca curero masare wajäahca. **16** Ñ yoa ti surarare “Õpeina jira”, ti nichu tuhohi. Tina cawaloa bui pisaina jihre. Doscientos millones surara jihre.

**17** Ñ yoa cawaloare tina bui pisaina cühure ñuhi. Tina cawaloa bui pisaina ti pë buhure ducataa suhti, comaa suhti, sohãa suhti, yahsaa suhti, ewu sehe bajua suhti jihre. Ñ jia cawaloa ti dapu poca yaya sohãina yoaro sehe bajuhre. Ti duseripu pichaca, me, azufre wama tia me cuhu wijaahre.

**18** Ñ jia cawaloa duseri wijaa masare wajähre. Jipihtina dacho maca mahano suboro waroi tópeina masare wajähre. Pichaca mehne, me mehne, azufre mehne payu masare wajähre.

**19** Tina cawaloa ti duseri mehne wajähre. Ñ yoa ti pichõri mehne wajähre tjoa. Ti pichõri sohtopu agãa dapu poca yoaro sehe bajuhre. Ñ jia ti pichõri mehne ñano yoahre tina masare.

**20** Payu masa yariaeraina ti wajä duharina sehe ti ñaa yoarire ne duhuerare. Watïare ño payo duhuerare. “Cohamacu jira”, ti nia masuri cühure ño payo duhuerare. Tí masuri uru mehne, plata mehne, bronce wama tiri comaa mehne, tãa mehne, yucuri mehne ti yoari masuri jihre. Tí masuri sehe ñuerare. Tuhuerare. Tinierare. **21** Paye ñaa cühure tina ne cahyaerare. Masare ti wajärire, numia mehne ti ñano yoarire, ti yacari cühure ne cahyaerare tina. Ñ jia yaya ti yoaro sehe yoaa, tí cühure ne cahyaerare tina.

### Mahari tiacãre papera tiacãre na taha anjo

**10** **1** Baharo paio tuariro anjo manopu to duji tachu ñuhi. Me curua watoi tahre. Ñ yoa buhini soro to dapu bui pisahre. To wuhduu sũ dacho macariro yoaro sehe si sitehre. To ñuchua pichaca yoaro sehe bajuhre. **2** Ñ yoa mahari tiacã papera tiacãre to pjãri tiacãre cjuhahre tiro. To dahporo poto buhusehe macari dahporo mehne pjiri mapu tu cühre. To

dahporo cō bñhusehe macari dahporo sehe macarocai tñ cñhre. 3 Æ ducuro yaya ti sañurucuro seheta tiro tuaro sañurucuhre. To ã sañurucuri baharo siete wñpoa yahua coa tamahre. 4 Tí ã yahuchñ tñhocñ joa dñcamahi. Yñ ã joa dñcapachñta mñanopñ yñhñre ò sehe ni durucuro coa tahre:

—Siete wñpoa ti nirire painare yahui tjiga. Æ jicñ tíre joa nai tjiga —nino coa tahre yñhñre.

5 To ã niri baharo pjiri mapñ ducuriro, macarocai ducuriro anjo to wamomaca poto bñhusehe siðroca mñohre mñanopñ.

6 Æ siðroca mñono Cohamacñ ã catirucuriro wama mehne wama payohre. Tiro Cohamacñ sehe jipihtiare mñanore, mñano macaare, ahri yahpare, ahri yahpa macaare, pjiri mare, pjiri ma macaare yoariro jira. Æ wama payoro ò sehe nihre anjo:

—Cohamacñ mehne potocã nii nija. Tó purota cohtanhca. 7 Seis anjoa cornetarire ti putiri baharo paio anjo to putichñ Cohamacñ panopñ “Õ sehe yoaihtja”, to niriro seheta ã yoarohca. Panopñ masare tíre noano yahuera tiri jire. Baharo tirore dahra cohtainare, to yare yahu mñhtaina sehene noano yahu pahñoa tiri jire tiro. Tí to yahu cñrñre mñpñre yoarohca tiro —nihre anjo.

8 To ã niri baharo mñanopñ yñhñre durucuro coa tariro pari turi durucuro coa tahre tjoa. Õ sehe nino coa tahre yñhñre:

—Pjiri mápñ ducuriro macarocai ducuriro siro anjo cahapñ wahaga. Æ wahacñ papera tiacãre to cñjari tiacãre naga —nino coa tahre yñhñre.

9 To ã nino coa tachñ tñhocñ anjo cahapñ wahahi. Tirore papera tiacãre yñ sinichñ tñhoro ò sehe ni yñhtihre yñhñre:

—Naga. Æ jicñ ahri tia papera tiacãre chñga. Mñ wahma chñchñ mi yoaro sehe noano bisirohca. Mñ pjaropñ mñ bñrori baharo sñëa waharohca —nihre yñhñre.

10 To ã nichñ tñhocñ tí tiacãre anjore yñ nari baharo chñhi. Yñ wahma chñchñ mi yoaro sehe bisihre. Yñ chñ bñrori baharo yñ pjaropñ sñëa wahahre. 11 Yñ ã chñri baharo ò sehe nihre yñhñre:

—Pari turi macari macaina, yahpari macaina, payñ dñseri durucuina, tina bui pñhtoa cñhñ baharo ti dohse wahahtore, Cohamacñ tinare to dohse yoahito cñhñre yahuyuga mñhñ —nihre yñhñre.

**P̄aro Cohamac̄u yare yahuhtinare yahu joaha João marine**

**11** <sup>1</sup> Baharo ȳh̄ure quihōd̄ure wahre Cohamac̄u. Tjuad̄u puro yoad̄u jihre t̄u. T̄ure waro ò sehe nihre ȳh̄ure: —Ȳu ya w̄h̄ure quihōi wahaga. Tí w̄h̄u macari altar c̄h̄ure quihōga. ã yoa tuhs̄u, tí w̄h̄u ȳh̄ure ño payoinare quihōga. <sup>2</sup> Sopaca wija s̄r̄ucari wapare noari wapare quihōi tjiga. Tí wapa ȳh̄ure cahmaerainare ti c̄uri wapa jira. Tina cuarenta y dos s̄uri waro Cohamac̄u ya macare tí maca macaina c̄h̄ure ñano yoaahca. ã jic̄u quihōi tjiga ti ya wapare noari wapare. <sup>3</sup> ã jic̄u ȳu yare yahuinare p̄arore warocaihtja. Mil doscientos sesenta dachori waro ȳu yare yahuahca. Masa ti coyeyo ti yariari baharo ti s̄a suhti barore s̄aina jiahca tina ȳu yahu dutiina —ni yahuhre ȳh̄ure.

<sup>4</sup> Ahri yahpa macaina bui p̄htoro Cohamac̄u panoi p̄ad̄u Olivo wama tia yuc̄u ducura. P̄ad̄u sih̄a payoa yuc̄u c̄h̄u tí yuc̄u cahai ducura. Tí yuc̄u mehne piti dahre to buhech̄u ahri p̄aro to yare yahuina tí yuc̄u yoaro sehe jira. <sup>5</sup> ã jia tinare ñ̄u tuhtiina tinare ti ñano yoa duach̄u tina sehe ti d̄sero macaa picha pohna mehne j̄u pah̄noahca tinare ñ̄u tuhtinare. Ò seheta tinare ñano yoinare waj̄ahca tina p̄aro Cohamac̄u yare yahuina. <sup>6</sup> ã yoa tina p̄aro ti coro ta dutierach̄u coro tasi. ã jiro Cohamac̄u yare ti yahuro puro coro tasi. ã jia m̄arine di m̄ari wahach̄u yoaahca tina. ã jia ahri yahpare ñano wahach̄u yoaahca. Jipihtia dohse jiare, jipihtina dohse jiinare masare ñano wahach̄u yoaahca. Ti dohse yoa duaro puro ã ñano wahach̄u yoaahca ahri yahpare. <sup>7</sup> Ti ã yoa pah̄noch̄u waro c̄ari copap̄u jiriro ñariro n̄c̄u macariro wijaarohca. ã wijaaro Cohamac̄u yare yahuina mehne cahmachenoahca. ã cahmacheno tua ȳhd̄r̄ucaro tinare waj̄anohca. <sup>8</sup> To ã waj̄ari baharo ti p̄ac̄uri cjiri p̄jiri maca macari mahap̄u cōahca. Yahuina p̄htorore ti cj̄a puha waj̄ari maca jira tí maca. Tí maca macaina ñaina jia Sodoma macaina, Egipto macaina yoaro seheta jia, tí p̄jare Sodoma, Egipto c̄h̄u wama tirohca tí maca mari piti dahre buhech̄u. <sup>9</sup> ã cōa tia n̄m̄u noano cōa, pa n̄m̄u dacho macai ti p̄ac̄uri tí mahai cōahca. ã jia jipihtia yahpari macaina, jipihtia curuari macaina, jipihtia d̄seri durucuina tópe n̄m̄uri waro ti p̄ac̄urire ñ̄rucuahca. ã ñ̄rucua tópe n̄m̄uri waro ti p̄ac̄urire ya dutisi. <sup>10</sup> Ti ã yariarina jich̄u ñ̄u ahri yahpa macaina wahcheahca. ã wahchea

bose n̄m̄ure yoaa, ti basi paye barore ã wanocaahca. Tina p̄aro Cohamacu yare yahuina masare ñano ȳhd̄chu yoarina jiri jire. Ñ jia ti ã yariach̄u ñna wahche ȳhd̄nahca ahri yahpa macaina. **11** Ñ jiro tia n̄m̄u baharoi pa n̄m̄u dacho macai Cohamacu ti p̄ac̄ure masonohca. To ã masoch̄u tina pari turi wahc̄ar̄ucu s̄nahca. Ti ã wahc̄ar̄ucu s̄ch̄u ñna jipih̄tina cui ȳhd̄nahca tinare. **12** Baharo tina p̄aro m̄anop̄u tuaro durucuro coa tach̄u t̄hoahca. Õ sehe ninohca tinare:

—Õp̄u m̄ja taga m̄sa —nino coa tarohca.

To ã nich̄u t̄ho me curua watoi m̄jaa wahaahca. Ti yabirina cjiri ti m̄jach̄u ñnahca. **13** Ti ã m̄jach̄uta yahpa tuaro ñuhminohca. To ã ñuhmich̄u tí maca macaa w̄h̄se décima parte\* bora wahaahca. Ñ jia yahpa ñuhmino mehne siete mil masa yariaa wahaahca. Paina d̄hsaina sehe c̄aa waha, Cohamacure m̄ano macaritore “Tuariro jira”, ni ño payoahca tire.

**14** Ahri jipih̄tia ti ã wahari baharo p̄a taha masa ñano ȳhd̄u tuhs̄ina jiahca. Ti ã ȳhd̄uri baharoc̄ata pari turi d̄oihta masa ñano ȳhd̄nahca tjoa.

### Seis cornetarire ti putiri baharo paio putiha

**15** Baharo seis cornetarire ti putiri baharo paio anjo to yariare putihre. To ã putich̄u m̄anop̄u tuaro durucua coa tahre. Õ sehe nia coa tahre:

“Mip̄u Cohamacu Cristo mehne ahri yahpa macaina bui p̄h̄toa jiahca.

Ñ jia jipih̄tina bui p̄h̄toa ã jirucuahca”, nia coa tahre. **16** Ñ yoa Cohamacu panoi p̄h̄toa dujiar̄u dujiina veinticuatro Jesu yaina p̄h̄toa Cohamacu panoi caha s̄u, tire ño payohre. **17** Ñ ño payoa ò sehe nihre:

“Sã p̄h̄toro Cohamacu, tua ȳhd̄uar̄iro jira m̄h̄u.

M̄h̄u panop̄u ã jirucua tiri jire.

Mip̄u c̄h̄ure ã jirucura m̄h̄u.

M̄u tuaa mehne masa ti p̄h̄toro m̄ jirucach̄u

‘Noana’, nija m̄h̄ure.

---

\* Una décima parte: Õi ‘décima parte’ to nich̄u, ò sehe jira. Diez w̄h̄se jich̄u, c̄u w̄h̄u jira décima parte. Cien w̄h̄se jich̄u diez w̄h̄se jira décima parte.

18 Jipihtina ahri yahpa macaina m̄h̄ure cahmaeraina  
m̄h̄u mehne suamare.

Mip̄ure tinare m̄ buhiri dahrehti pja jira.

Yariaina c̄h̄ure m̄ buhiri dahrehti pja jira.

Ã jiro m̄ yaina sehere noaare ti yoari wapare m̄  
wahti pja jira.

Cãina tina m̄h̄ure dahra cohtaina m̄ yare yahu  
m̄htaina jira.

Ã yoa tina, paina m̄ yaina mehne jipihtina m̄h̄ure  
ño payoina jira.

Ã jicu p̄htoare, wiho jiina c̄h̄ure m̄ yaina ti jiri  
wapa noano yoaihca m̄h̄u.

Ã jiro ahri yahpa macainare dojomehne cohtainare  
m̄ cohãhti pja jira mip̄ure”,

ni ño payohre p̄htoa Cohamac̄ure.

19 Ti ã yoari baharo m̄ano macari w̄h̄u Cohamac̄u ya  
w̄h̄u to pj̄ori w̄h̄u jihre. Ã jina tí w̄h̄u jiri carore ñ̄hi sã.  
Tí caro puhichap̄ Cohamac̄u masare to dutiare joa ða pj̄ini  
tãa pj̄ini sãahre. Sã ã ñ̄ch̄uta orocasite m̄a, w̄po pja m̄a,  
soro jiro bisi m̄a, yahpa ñ̄h̄mi m̄a, co poca ȳs̄ua poca  
m̄anop̄u payu bora tahre.

### Numinore pinono c̄h̄ure yahuha João

**12** <sup>1</sup> Baharo ahri yahpa to dohse wahahtore m̄anop̄u  
ñ̄ohre. To ã ñ̄ori wiho waro jierara. Õ sehe ñ̄u m̄htahi:  
M̄anop̄u numinore ñ̄hi. Ticoro to suhtiro s̄u dacho macariro  
yoaro sehe si sitehre. S̄u ñ̄ami macariro bui ducuhre. P̄htoro  
to pisari soro barore doce ñ̄ahpichoha poca c̄j̄ari sorore  
pisaricoro ducuhre. <sup>2</sup> Ã ducuro mahanocã d̄hsahre to pohna  
tihto. Ã jiro ticoro sañurucuhre. <sup>3</sup> Baharo pari turi ñ̄hi  
m̄anop̄u: Pjiriro pinonore sohãrirore ñ̄hi. Siete dapu poca  
tiriyo jihre. Jipihtia to dapu poca p̄htoa ti pisaa sorori barore  
pisaa dapupoca jihre. Ã jiro diez sahari tiriyo jihre tiro. <sup>4</sup> To  
pichõno mehne ñ̄ahpichoha pocare wahba siteroca borohre.  
Jipihtia ñ̄ahpichohare dacho macabo cureroi wahba siteroca  
borohre. Ã jiro numino pohna tihticoro panoi ducuhre pinono.  
To mac̄nocã to bajuach̄u ch̄uro taro nimahre. <sup>5</sup> Baharocãta  
c̄j̄ua tuhs̄ure wihãrirocãre. Jipihtia yahpari macaina ti p̄htoro  
c̄j̄ihto jihre tirocã. To ã p̄htoro tuariyo jich̄u, masa tirore  
ȳhd̄ur̄ca c̄no pjasi. To ã masa bajuach̄uta Cohamac̄u to



dujiro cahapɤ tirocãre naa wahcãa wahahre. <sup>6</sup> To ã yoachɤ numino sehe masa marienopɤ duhti wahcãa wahahre. Cohamacɤ to cahnoyuriropɤ duhti wahcãhre ticoro. Tópɤre mil doscientos sesenta dachori waro Cohamacɤ ticorore ñɤ wihborohca.

<sup>7</sup> Wahmanore mɤanopɤ cahma wajã dɤcaa tiri jire. Miguel wama tiriro anjo to yaina anjoa cɤhɤ pinono mehne cahmachea tiri jire. Ti ã cahmachechɤ pinono to yaina anjoa mehne Miguere cahmachea tiri jire. <sup>8</sup> ã yoa Miguel cɤhɤ pinonore yɤhdɤrɤcaa tiri jire. ã jiro pinono yaina anjoa cɤhɤre mɤanopɤ ji namo dutiera tiri jire. <sup>9</sup> ã jiro pjiriro pinonore cohãnocaa tiri jire Cohamacɤ. Tiro pinono watĩnota jiro nina. Satana wama tiriro jira. Panopɤ tiro pinono pjacɤ tiriro jia tiri jire. Tiro jipihtiro yahpa macainare mahñoriro jira. Tirore to yaina anjoa mehne mɤanopɤ jirirore yahpapɤ cohã boroa tiri jire.

<sup>10</sup> Baharo mɤanopɤ sañurucuro coa tachɤ tɤhohi:

—Mipɤre Cohamacɤ masare yɤhdɤchɤ yoahre jɤna. Mipɤ pinihtare Cohamacɤ mari pɤhtoro jiro tahre to tuaare ñono taro. To warocariro Cristo cɤhɤ to pɤhtoro jiare to tuaare ñohre jipihtinare. Watĩnore mɤanopɤ jirirore yahpapɤ cohã borohre. ã cohã bororo to tuaare ñohre Cohamacɤ. Tiro watĩno sehe dachoripe, ñaminipe Jesu yainare “Ahrina ñaina jira”, ni yahusãno niri jire Cohamacɤre. ã jiro mari coyeare Jesu yainare yahusãriro jiri jire. <sup>11</sup> Cristo Cordero wama tiriro to di cohãri mehne mari coyea Jesu yaina tirore wacɤ tuaina ti ñaa yoari buhire cohãre tiro. ã wacɤ tuaina jia watĩnore yɤhdɤrɤcare. ã yoa Cohamacɤ yare yahua, watĩnore yɤhdɤrɤcare. To yare ti yahuri buhiri paina tinare ti wajã duapachɤta, tina cuieraa, Cristo yare duhuerare. <sup>12</sup> ã jina mɤsa mɤano macaina wahchega. Watĩnore yahpapɤ to cohã borochɤ ñɤna wahchega. Wiho mejeta ahri yahpa macaina, pjiri ma macaina cɤhɤ pjacɤoina wahanahca mɤsa sehe. Ahri yahpapɤ tirore to cohã borori baharo mɤsa cahapɤ jira watĩno. Tirore to buhiri dahrehto mahanocã dɤhsara. ã jiro sua yɤhdɤara tiro. Mɤsa cahapɤ sɤro, pjacɤoina mɤsare tjuachɤ yoarohca tiro —ni sañurucuro coa tachɤ tɤhohi.

<sup>13</sup> Pinonore yahpapɤ to cohã borochɤ ñɤno, pinono sehe numinore, wihãrirocã pocorore nɤnɤ ti wahcãhre. <sup>14</sup> ã jiro ticorore pjiriro cja to wɤa dɤpɤrɤre wahre Cohamacɤ, masa marienopɤ to wɤ duhti wahcãhto sehe. Tópɤ to sɤri baharo

tia cūhma noano pa cūhma dacho maca waroi ticorore ñu wihbohre Cohamacu. To ã ñu wihbochu pinono ticorore ñano yoa masierare. <sup>15</sup> Tó to jichu ñuño pinono pjíro core cho cohāhre ticorore mūroca būrochu yoaro taro. <sup>16</sup> To ã yoachū yahpa sehe ticorore yoadohohre. Pinono to dūseroi wijaa core yahpa sehe wihmi na pahñonocahre. <sup>17</sup> To ã wahachu ñuño pinono sua yūhdūahre. Æ suaro cāina ticoro panamana ji turiaina mehne cahmacheno wahahre pinono. Tina sehe Cohamacu dutiare yoaina jia, Jesu ya buheare noaa buheare ne duhueraina jihre. <sup>18</sup> Æ yoa pinono pjiri ma dūhtu cahai ducuhre.

### **Puaro nucu macainare yahuha João**

**13** <sup>1</sup> Æ yoa nucu macaritore tí mai jirirore to wahcã wihichu ñuhi. Tiro sehe siete dapu poca, diez sahari tirore jihre. To sahari puhto ti pisaa sorori barore pisahre. To dapu pocare to wamare joa õri dapu poca jihre. Tí wama to ñari wama jichu ñu yabira Cohamacu. <sup>2</sup> Tiro nucu macariro yairo dohroriro yoaro sehe bajuhre. Æ jiro oso yoaro sehe dahpori tirore jihre. Yairo sohāriro pjiriro wuru yoaro sehe dūsero tirore jihre. Æ yoa pinono sehe to tuaare wahre nucu macaritore. Æ waro tirore to puhtoro dujiroi cūno, tiro yoaro sehe payu masare dutichu yoahre pinono nucu macaritore. <sup>3</sup> Cū dapu nucu macariro dapu ti wajāmariro dapu yoaro sehe bajuhre. To ã bajupachuta to camino sehe yatia wahahre. Tí dapu to catichu ñua, cūaa wahahre jipihtina ahri yahpa macaina. Æ cūaa, nucu macaritore ño payohre. Æ jia tiro mehne macaina wahahre masa. <sup>4</sup> Æ yoa nucu macaritore pinono to tuaare to wachu ñua masa sehe tirore pinonore na tuhcuca caha su, ño payohre. Æ jia nucu macariro cūhure na tuhcuca caha su, tirore ño payohre. Æ ño payoa õ sehe nihre:

—Ne paio mu yoaro sehe tuariro mariahna. Pairo mūhure ne yūhdūruca masierara —ni ño payohre masa nucu macaritore.

<sup>5</sup> Æ yoa tiro nucu macariro “Tua yūhdūrucariro jija”, to nipachuta Cohamacure to ñano durucupachuta ã tuhhotunocasinihre Cohamacu sehe. Æ jiro cuarenta y dos sūri waro tiro nucu macariro masare dutisinimahre. Tó purota to puhtoro jiltore cūre Cohamacu. <sup>6</sup> Æ jiro tiro Cohamacure ñano durucuhre. To wamare, to wūhure, mūanoru to jiro macaina

cũhũre ñano durucuhre nũcũ macariro. 7 Ñ yoaro Cohamacũ yainare cahma wajãno tinare yũhdũrucahre. To ã yoapachũta ã ñũnocasinihre Cohamacũ. Cohamacũ to ã yoa dutierachũ yoeraboa. Ñ jiro jipihtina ahri yahpa macaina bui pũhtoro sãasinimahre nũcũ macariro. Jipihtina yahpari macaina bui, macari macaina bui, jipihtia dũseri durucuina bui pũhtoro sãasinimahre tiro. 8 Ñ jia jipihtina ahri yahpa macaina tiro nũcũ macariro panoi na tuhcuca caha sũ tirore ño payohre. Ahri yahpare Cohamacũ to bajuamehnehto pano to yaina cjihtire ã jirucuhtinare ti wamare joa õ tuhsũa tiri jire. Tí tju to ã joa õri tju Cordero ti wajãriro ya tju jira. Tí tju ti wamare joa õeraina dihta nũcũ macarirore ño payohre.

9 Cahmori tiina jira mũsa. Ñ jina tuhoga. 10 Jipihtina Cohamacũ yaina peresu wahahtina, baharo peresu wahaahca. Jipihtina tina ñosari pjĩ mehne ti ñosa wajãahtina, baharo tí pjĩ mehne yariaahca. Tíre masina mari Cohamacũ yaina ñano yũhdũpanahta tirore cohãena tjijihna. Ñ yoa tirore wacũ tuarucujihna.

11 Baharo paio nũcũ macarirore ñũhi tjoa. Yahpa puhichapũ jiriro to wijaachũ ñũhi. Pũa saharo oveja sahari yoaro sehe bajua sahari sahari tiroro jihre. Ñ yoa pinono yoaro sehe durucuhre. 12 Ñ jiro nũcũ macariro ji mũhtariro sehe baharo jiriro sehere pũhtoro sõhre. To ã pũhtoro sõriro sehe jipihtia yahpari macainare ji mũhtarirore ño payochũ yoahre. Ji mũhtariro nũcũ macariro ti wajãmariro camino yatiriro jihre. 13 Ñ yoa baharo jiriro nũcũ macariro bajuamehneare yoahre masa ti ñũ cũahto sehe. Ñ yoaro masa ti ñũrocaroi pichaca pjiri pichaca mũanopũ bora tachũ yoahre. 14 Ñ yoa ji mũhtariro to ñũrocaroi paio nũcũ macariro sehe bajuamehnea mehne masare mahñohre “Ahriri mũsa ño payohtiro jira”, nino. Tiro masare mahñono, ji mũhtariro masũre masare yoa dutihre tirore ti ño payohto sehe. Tiro ji mũhtariro ñosari pjĩ mehne ti ñosariro jiparota catiriro jihre. Tiro yoaro sehe bajuri masũreta yoa dutihre paio nũcũ macariro masare. 15 Ñ yoa baharo jiriro nũcũ macariro sehe ji mũhtariro masũre catichũ yoahre masare to dutihto sehe. Ñ jiro tí masũre ño payoerainare wajã dutihre masare masũ sehe. 16 Ñ yoaro jipihtinare ti wamomacari poto bũhũsehei ti wũhdũa poca cũhũre joa õ dutihre nũcũ macariro baharo jiriro. Wiho jiinare, pũhtoare, pache pũare, pjacũoinare, dahra cohtainare, dahra cohtaina

jierainare, jipihtinare ti wamomacarine ti wuhdua poca cūhare joa õ dutihre. <sup>17</sup> Tiro ji muhtariro nucu macariro to wamare, to númerore joa ðerainare ne nuchu dutierare. Tuhsu, tinare dua dutierare. <sup>18</sup> Tíre noano wacū masiga musa. Tūho masiina jina nucu macariro to númerore noano ñu masiga. Tí número muno wama yoaro sehe jira. Tí número seis cientos sesenta y seis jira.

**Cohamacu to yuhduchu yoaina cūnota wahma basaare basaha**

**14** <sup>1</sup> Baharo Siõ wama tidu tūcu bui ducurire Corderore ñuhi. Tiro mehne ciento cuarenta y cuatro mil masa jihre. Tina to ya wamare to Pucuro ya wama cūhare ti wuhdua pocare ti joa ðrina jihre. <sup>2</sup> Tinare yu ñuchuta muanoru durucuro coa tahre. Pjiri poaye to bisiro seheta wapo pjíro to bisiro seheta bisiro coa tahre to durucua. Ñ yoa arpa wama tiare ti buaputēno seheta bisiro coa tahre to durucua. <sup>3</sup> Tóí puhtoro to dujiro cahai pititiro soro bajuina, Jesu yaina puhto cūhu paina jihre. Ñ jia tina panoi ciento cuarenta y cuatro mil masa ducuhre. Tóí ducua cūnota wahma basaare basaa nihre. Tí basaare tina dihta masihre. Ahri yahpai jiina ciento cuarenta y cuatro mil Cristo to yuhduchu yoaina dihta tí basaare masihre. <sup>4</sup> Ne tina cū tahacā numino mehne ñano yoerare. Ñ yoa Corderore ñu cūina jia, to yare ñ yoarucuína jihre. Ñ jiro tinare ñaina mehne jiinare to yuhduchu yoahinare naahre Cohamacu sehe. Ñ to yuhduchu yoarina jia, Cohamacu yaina cjihti, Cordero yaina cjihti cūhu ji muhtaina jihre. <sup>5</sup> Tina mehne macaina ne cūiro mahñoriro mariahna. Ñ jia Cohamacu to tuhotuchū ñaa buhiri marieina jihre tina.

**Tiario anjoa yahuroca boroha**

<sup>6</sup> Baharo muanoru wurirore anjore ñuhi. Tiro ahri yahpa macainare jipihtia curuari macainare, jipihtia duseri durucuinare, jipihtia yahpari macainare noa buheare yahuhtiro jihre. Tí buhea ne cohtotaeraa, ñ jirucura. <sup>7</sup> Ñ jiro anjo sañurucuro õ sehe niroca borohre:

—Cohamacure cui, ño payoga. “Tua yuhduariro, noa yuhduariro jira”, niga tirore. Mipure tiro masare to buhiri dahrehti pja jiro nina. Tiro muanore, yahpare, pjiri mare, mári pohtari cūhare yoariro jira. Ñ jina tirore na tuhcuca caha su, wahche payoga —ni sañurucuhre anjo.

8 To ã niri baharo paio anjo mũanopũ wũriro õ sehe niroca borohre:

—Tinare cohãnocahre. Pjiri maca Babilonia wama tiri maca macainare cohãnocahre Cohamacũ. Tina to cohãrina sehe jipihtina painare ñano yoachũ yoare. Masa tinare ñũ cũa ñaare goa pjaa, tíre yoare. Cahaina vinore ti tuaro goa pjaro seheta tina ñaare tuaro goa pjare Babilonia macainare ñũ cũa —ni yahuroca borohre paio anjo.

9-10 Tina pũaro anjoa ti ã niri baharo paio anjo ti baharo wũriro õ sehe tuaro niroca borohre:

—Jipihtina nũcũ macarimore ño payoinare, to masũre ño payoinare, ti wũhdũa pocare, ti wamomacarine to wamare joa õrina cũhũre buhiri dahrerohca Cohamacũ. Tina mehne suaro, tina pinine tuaro waro buhiri dahrerucurohca Cohamacũ. Nũcũ macarimore ño payoina jipihtina pichacapũ wahaahca. Tópũ tuaro purĩnohca tinare pichaca mehne, azufre wama tia mehne ti wijãri pichaca mehne. Noaina anjoa, Cordero cũhũ ti ñũrocaroi ñano yũhdũahca tina. <sup>11</sup> Tí pichaca ã me tirucurohca. Ne yatisi. Tinare ã purĩrucuchũ yoara. Jipihtina nũcũ macarimore na tuhcuca caha sũ ño payoinare ã purĩrucurohca. Dachoripe, ñaminipe ã purĩrucunocanohca. To masũre ño payoina, to wamare ti joarina cũhũ tó seheta ñano yũhdũahca —niroca borohre anjo.

12 Ti ã ñano yũhdũchũ ñũna Cohamacũ yaina to dutiare yoaina, Jesure cohãeraina jina, to yare duhuena tjiga. Ñano yũhdũpanahta Cohamacũ yare cohãena tjiga.

13 Baharo mũanopũ yũhũre durucuro coa tachũ tũhohi. Õ sehe nihre yũhũre:

—Ahrire joaga mũhũ. Cohamacũ yaina tirore cohãeraina jina mipũre mũsa yariari baharopũ cũhũre wahcheina jira mũsa —niroca borohre yũhũre.

To ã niri baharo Espĩritu Santo sehe õ sehe ni namohre tjoa:

—Ã tjira. Potocã tjira. Tina tuaro ti dahraare duhu, soahca. Mũanopũ ti wahachũ noano ti yoirire wacũnohca Cohamacũ. ã yoa ti ã yoiari wapa tinare noano yoarohca. ã jia tina wahcheina jira —ni namohre Espĩritu Santo.

**Wese macaa toaa dichare mari bese nano seheta Cohamacu to yainare bese nanohca. Ñaina sehere soro bese daporohca**

14 Baharo me curua yehseri curuare ñahi. Tí curua bui masano yoaro sehe bajuriro dujihre. Tiro uru soro pãtoro to pisari soro barore pisahre. Ñ yoa yoari pjĩ siori pjĩne cjuahre tiro. 15 Baharo paio anjo Cohamacu wũhũi jiroiro wijaa tahre. Ñ wijaa taro tuaro sañurucuhre me curua bui dujirirore:

—Mũ yoari pjĩ mehne wese macaa dichare ahri yahpa macaa dichare dũte naa pahñoga. Mipũre to quihõri pja sũra. Mipũ dicha sehe sohã tuhsũhre —nihre anjo.

16 To ã nichũ tũhoro to yoari pjĩ mehne ahri yahpa macaa dichare naa dũcahre me curua bui dujiriro.

17 Baharo paio anjo cũhũ mũano macari wũhũi Cohamacu wũhũi jiroiro wijaa tahre. Tiro cũhũ yoari pjĩ siori pjĩne cjuahre.

18 Ñ yoa paio anjo altar cahapũ jiroiro wijaa tahre. Tiro sehe altar macari pichacare ñũ wihboriro jihre. Ñ wijaa taro yoari pjĩ siori pjĩne cjuarirore õ sehe ni sañurucuhre:

—Mũ yoari pjĩ mehne ahri yahpai jiri wese, se wese macaa dichare naaga. Se sehe ñi tuhsũhre —ni sañurucuhre.

19 To ã nichũ tũhoro anjo to yoari pjĩ mehne ahri yahpa macaa se tõhorine yihso nahre. To ã yoari baharo tí tõhorine se tõhorine to tũ tihãhtoi cohãhre. To ã cohãriro seheta Cohamacu tirore cahmaerainare tuaro suaro, cohãnohca. 20 Tí maca dũhtũ cahai ti tũ tihãhtoi tí se tõhorine tũ tihãhre. Tói ti tũ tihãchũ di wijaaahre. Di ma yoaro sehe jihre tí di. Tres cientos kilómetros yoari ma, cã metro noano pa metro dacho macai cũãri ma jihre.

**Masa ti ñano yũhdũhtore anjoa cũ batoaha masare**

**15** 1 Baharo mũanopũ soro jirore ñahi. Tíre ñũa masa cũaa wahaca. Ahri yahpapũre to dohse wahahtore marine ñohre. Ñ jiro tí wiho waro jia nierara. Ñ sehe ñahi: Siete anjoa jihre. Cohamacu suaro, siete tahari masare buhiri dahre batoaro taro nihre. Ñ jia tina siete anjoa sehe buhiri dahre dutiro to cũhtina jihre.

2 Anjoare yũ ñũri baharo pjiri mare noano co sitiri ma yoaro sehe jiri mare ñahi. Tí ma pichaca mehne jiri ma jihre. Ñ yoa nũcũ macarirore to masũ cũhũre yũhdũrũcainare ñahi.

Tina to wamare to númerore cjuæeraina jihre. Tina yu ñuchu pjiri ma co sitiri ma duhtu cahai ducuhre. Tóí ducuína arpa wama tiare buaputêare cjuahre. Tí buaputêa Cohamacu to wari jihre. <sup>3</sup> ã jia Cohamacure dahra cohtariro Moise cjiro ya basaare cūnota basaa nihre tina. Cordero ya basaa cūhare basaa nihre. Õ sehe ni basahre:

“Sã puhtoro mũhu Cohamacu tua yuhduariro jira.

Mu yoarire ñuna ñu cūaa wahaja sã.

Mu yoari noa yuhduara.

Mũhu jipihtia yahpari macaina bui puhtoro jira.

Noano mahñoño marieno, quihõño yoarucura mũhu.

<sup>4</sup> Jipihtina mũhure wahche payoahca.

Jipihtina mũhure ‘Tuariro jira’, niahca.

Mũhu dihta ñaa marieriro jira.

Jipihtia yahpari macaina mu caharu sua, na tuhcuca caha su, mũhure wahche payoahca.

Áta yoahca tina jipihtina noano mu yoarire ñua”,

ni basaa nihre tina.

<sup>5</sup> Baharo mũanoru ñuroca mũocu, Cohamacu wuhure pjõori wuhure ñuhi. Tóí Cohamacu to ya tahtia waroi to dutia to joaa pjini tã pjini ti wihbori pjini jihre. <sup>6</sup> Tí wuhure yu ñuchuta siete anjoa tí wuhu puhicharu jirina wijaa tahre. Tina Cohamacu to buhiri dahre dutiro to cūhtina jihre. Tinape ti buhiri dahrehtire cjuahre tina siete anjoa. Noaa suhti, wete maria suhti, si sitea suhti tiina jihre. ã jia ti cutiro bui uru cahsaro mehne tuã dihorina jihre. <sup>7</sup> Tí wuhuru jirina ti wijaa tachu pititiaro soro bajuina mehne macariro tinare siete anjoare siete uru wahwarire wahre. Tí wahwari Cohamacu sua to buhiri dahrehtie mehne noano wahpaah wahwari jihre tí wahwari. Tiro Cohamacu ã jirucuriro jira. <sup>8</sup> To ã wachu Cohamacu wuhu puhicharu to si sitea mehne to tuua mehne me ti sahsea wahahre. To ã me wuhu wahachu ne masa tí wuhure sã masierare. Siete anjoare Cohamacu buhiri dahre dutiro to cūriro sehetã masare ti buhiri dahre batoari baharo pari turi tí wuhuru sã masina tjoa. To buhiri dahrehto pano sã masierare.

### Cohamacu masare to buhiri dahrehtore yahuha

**16** <sup>1</sup> Baharo Cohamacu wəhəi tuaro durucuro coa tahre. Siete anjoare yahuro nihre:

—Siete wahwarihi posa tiare yahpapu pio siteroca borona wahaga. Yahpa macainare Cohamacu to niriro seheta buhiri dahresiniga mipəre —ni durucuro coa tahre.

<sup>2</sup> To ã nino coa tachu təhoro ji mətariro anjo to cjuari wahwai posa tiare yahpapu pio siteroca borohre. To ã pio sitechu nəcu macariro wamare joa őrina, to masəre ño payoina ñano cami tihre. Tí cami tuaro purihre tinare.

<sup>3</sup> To ã pio siteri baharo paio anjo tjoa to cjuari wahwai posa tiare pio siteroca borohre tjoa pjiri mapu. To ã pio sitechuta tí ma di ma wahahre. Yariariro di yoaro sehe jihre tí di. Ñ wahachu tí ma puhichapu jiina yaria pihtia wahahre.

<sup>4</sup> Pəaro ti ã pio siteri baharo paio anjo tjoa to cjuari wahwai posa tiare pio siteroca borohre tjoa măripu, tí mári pohtaripu cūhure. To ã pio sitechu mári di mári dihta wahahre. <sup>5</sup> To ã wahachu ñəno paio anjo mărire cohtariro ő sehe nihre:

—Cohamacu məhu ñaa marieriro jira. Mipə cūhure ã jirucuro jira məhu. Panopu cūhure ã jiruca tíre məhu. Ñ jicu masa ti ñano yoachu ñəcu quihōno tinare buhiri dahrehre məhu. Di mările yoacu noano yoahre məhu. <sup>6</sup> Nəcu macariro yaina sehe mu yainare wajāa, di cohāchu yoahre. Mu yare yahuina cūhure wajāa, di cohāchu yoahre. Ti ã wajāri buhiri mári di mári wahahre. Ñ yoa tinare dire mu ã sihnichu yoachu noa nina. Ő seheta mu yoachu cahmahre tina —nihre mările cohtariro anjo.

<sup>7</sup> To ã niri baharo altarpə durucuro coa tahre:

—Ñ tjira. Cohamacu sã pəhtoro tua yəhdəariro jira məhu. Mahñono marieno, quihōno masare bese, buhiri dahrera məhu —ni durucuro coa tahre.

<sup>8</sup> Tiaro anjoa ti pio siteri baharo paio anjo to cjuari wahwai posa tiare pio siteroca borohre tjoa sū dacho macariro bui.

To ã pio sitechuta sūre masare tuaro sichu yoahre Cohamacu.

<sup>9</sup> Ñ jiro sū dacho macariro masare tuaro sihre. Ñ jia Cohamacu tinare to buhiri dahre dutichu masia, tirore ñano durucuhre masa. Ñ ñano yəhdəpahta Cohamacure maca duaerare. Cohamacure “Tuariro jira”, ni wahche payo duaerare.



10 Pititiaro anjoa ti pio siteri baharo paio anjo tjoa to cjuari wahwai posa tiare pio siteroca borohre tjoa nuc̄ macariro to dujiro bui. Pũhtoro dujiro jihre to dujiro. To ã pio siteri baharo nuc̄ macariro to yaina ti jiri yahpap̄ nahitiano wahahre. Ñ jia to yaina masa ñano purĩch̄ bahca dihohre. 11 Tinare ñano purĩpach̄ta, ñano camĩ tipahta, ne ti ñaa yoarire cahyaerare. Ñ yoa tíre duhuerare. Ñ jia Cohamac̄ tinare to camĩ dahrech̄ masia tirore m̄ano macarirore ñano durucuhre.

12 Cũ wamomaca pihtiina anjoa ti pio siteri baharo paio anjo tjoa to cjuari wahwai posa tiare pio siteroca borohre tjoa Eufrates wama tiri ma pjiri map̄. To ã pio sitech̄ta tí ma sihbi cahaa wahahre. Sũ m̄ja taro macaina pũhtoa ti yaina masa mehne tí máre ti pahã tahto sehe ã yoahre.

13 Baharo tiaro watĩare taharo buc̄na yoaro sehe bajuinare ñũhi. Cũiro pinono puhichap̄ jiriro to d̄serop̄ wijaa tahre. Pairo watĩno nuc̄ macariro d̄serop̄ wijaa tahre. Pairo watĩno “Cohamac̄ yare yahuriro jija”, ni mahñoriro d̄serop̄ wijaa tahre. 14 Tina tiaro watĩa bajuamehneare yoaina jihre.

Jipihtiro macaina pũhtoare cahmachuch̄ yoahre tina cahma wajã dutia taa. Ti ã cahma wajãhti dacho Cohamac̄ tua yũd̄uariro jipihtinare to dutihti dacho, pihtihti dacho jira. 15 Ñ sehe nihre Jesu: “Ñũga m̄sa. Yacariro wac̄enoca to yacaro taro seheta yũh̄ cũh̄ wac̄enoca taihtja. Yũ tahtore noano cohtariro wahcheriro jirohca. To yare noano cahnoriro, to suhti sãariro jira wahcheriro. Ñ yoriro jiro yũ tach̄ b̄o tisi tiro suhti marieriro yoaro sehe jieraro”, nihre Jesu.

16 Baharo tiaro watĩa yahpari macaina bui pũhtoare cahmachuch̄ yoahre tinare. Ti cahmachuno Hebreo ya d̄sero mehne “Armagedon” wama tihre.

17 Seis anjoa ti pio siteri baharo paio anjo tjoa to cjuari wahwai posa tiare me curuari cahap̄ pio siteroca borohre tjoa. To ã pio siteri baharo pũhtoro dujirop̄ Cohamac̄ wũh̄ni jiri dujirop̄ tuaro durucuro coa tahre:

—Tó puro tjica —nino coa tahre.

18 To ã nich̄ta orocasite m̄aa, w̄po pja m̄aa, soro jiro bisi m̄aa, cuaro yahpa ñuhmihre. Ahri yahpai masa ti ji d̄cari baharo ne tó sehe ñaca yahpa ñuhmiera tihre. Paye ñuhmia yũd̄oro cuaro yahpa ñuhmihre. 19 Ñ to ñuhmich̄ pjiri macare tia maha yihti m̄aa wahahre. Ñ jia b̄j̄na macari ahri yahpai jia macari boraah wahahre. Ñ jiro Babilonia wama tiri maca pjiri

maca macainare wacũhre Cohamacu tinare buhiri dahrero taro. Ti ñaare yoari buhiri tina mehne tuaro suahre. A suaro tinare tuaro buhiri dahrehre. **20** To ã yoachũ jipihtia nũcopo, tũyucũ cũhũ cohõ pihtia wahahre. Ñ jia ne mariahare. **21** Ñ yoa bujũa poca co poca yũsua poca yahparũ masa bui bora tahre. Jipihtia poca co poca cuarenta kilos nũcua poca jihre. Tina bui ti ã bora tachũ Cohamacu masare to tuaro buhiri dahrechũ masia ñano durucuhre masa Cohamacure.

**Mua mehne ñano yoarucuricorore ñabiaro  
yoaricorore buhiri dahre dutirohca**

**17** <sup>1</sup> Baharo siete wahwarire cjuaina anjoa mehne macariro yũ cahapũ wihiro õ sehe nihre yũhure: —Ñũi taga. Payũ mări bui dujiricorore mua mehne ñano yoarucuricorore ñabiaro yoaricorore Cohamacu to buhiri dahrehtore ñũihca mũhũ. <sup>2</sup> Ahri yahpa macaina pũhtoa ticoro mehne ti ñano yoaboro seheta ticoro yoaro seheta yoare tina. Cohamacu ya sehere cahmaerare. Ahri yahpa macainare to cahachũ yoaboro seheta tina mehne to ñano yoaboro seheta ticoro masare ñaare goa pjachũ yoare. Ñ yoaro ñaare yoachũ yoare masare —ni yahuhre anjo yũhure.

<sup>3</sup> To ã niri baharo Espiritu Santo sehe to bajuamehneare yũhure ñohre. Anjo sehe masa marienopũ naahre yũhure. Tõi numinore ñũhi. Ticoro nũcũ macariro sohãriro bui pisaricoro jihre. Nũcũ macariro sehe to pjacũi payũ wama ti joa õriro jihre. Tí wama ñaa wama Cohamacu to ñũ yabia wama jihre. Ñ yoa siete dapu poca tiro, diez sahari tiro jihre nũcũ macariro. <sup>4</sup> Tuhsũ, numino sehe noano yahsaa suhti pũhtoa ti sãa suhti sehe jiare sãaricoro jihre. Sohãa suhti cũhure sãaricoro jihre. Payũ urure, wapa tia tãare, perla yapari cũhure õa suhtire sãaricoro jihre ticoro. Uru wahware cjuahre ticoro. Tí wahwai posa tia ñaa to yoari jihre. Mua mehne ñano yoaro pjíro ñano yoahre ticoro. Tí ñaare ñũ yabira Cohamacu. <sup>5</sup> To wũhdũai to wama ti joa õricoro jihre. Tí wamare noano masieraja mari. Tí wama piti dahre buheri wama jira. Ahri jira tí wama: “Pjiri maca Babilonia wama tiri maca jira. Jipihtia ñaa yoare goa pjaare yoa dũcaricoro, Cohamacure cahmaerachũ yoaricoro jira” ni, to wũhdũai ti joa õricoro jihre. <sup>6</sup> Ñ jicũ ticoro payũ Cohamacu yainare wajãricoro to jichũ masihi. Cahaare to wahchero seheta tinare wajãno ti di

cohāchɯ wahchehre ticoro. Jesu yare ti yahuri buhiri ticoro wajāhre tinare. Ticorore ñɯcɯ, ñɯ cɯaa wahahi.

7 —¿Dohseacɯ mɯhɯ ñɯ cɯaa waharide? —nihre anjo yɯhɯre—. Mɯ masierarire mɯhɯre yahuihtja. Numinore mɯhɯre yahuihtja. To pisariro cɯhɯre yahuihtja. Tiro ñɯcɯ macariro, siete dapu poca tiro, diez sahari tiro jihre. 8 Tiro panopɯ jiro jire. Mipɯre mariahna tiro. Baharo tiro cɯāri copapɯ jiro wijaa tarohca. To ã wijaa tari baharo pichacapɯ waharohca. Ahri yahpa macaina tirore ñɯ cɯa, ño payore tirore. Ahri yahpa to jihto pano Cohamacɯ to yaina cjihtire ã jirucuhtinare ti wamare joa òa tiri jire. To joa òeraina jire ñɯcɯ macarirore ño payoina. Tiro sehe panopɯ jia tiri jire. Mipɯ sehere mariahna. Baharo pari turi bajarohca tjoa. Æ jia to bajuachɯ ñɯa masa tirore ñɯ cɯaa wahaahca.

9 'Mipɯre yɯ yahuhtire masi duana, noano tɯhonahca mɯsa. Æ yoana noano masiina jiga. Nɯcɯ macariro dapu poca siete dapu poca siete tɯyucɯ jira, mari piti dahre buhechɯ. Tí tɯyucɯ bui pisara ticoro mɯa mehne ñano yoarucuricoro. Tí dapu poca siete pɯhtoa yoaro sehe jira, mari piti dahre buhechɯ. Payɯ masa bui pɯhtoa jira. 10 Cinco pɯhtoare cohā tuhsɯre. Pairo tina baharo jiro pɯhtoro jira mipɯre. Pairo sehe baharo pɯhtoro sāanohca. Æ sāano mahanocā pɯhtoro jirohca tiro. 11 Æ jiro ñɯcɯ macariro panopɯ ji mɯhtariro, mipɯ marieriro tina siete pɯhtoa baharo pɯhtoro jirohca. Siete pɯhtoa mehne macariro jira. Baharo pichacapɯ waharohca.

12 'Nɯcɯ macariro sahari diez sahari diez pɯhtoa yoaro sehe jira mari piti dahre buhechɯ. Payɯ masa bui pɯhtoa jira. Tina pɯhtoa sāerasinihre. Baharopɯ pɯhtoa sāa mahanocā pɯhtoa jahca. Yoari pja ji dutisi tinare. Æ pɯhtoa jia ñɯcɯ macariro mehne pɯhtoa jahca. 13 Tina diez pɯhtoa cɯno potori tɯhotuina jira. Tina ñɯcɯ macarirore ti ya yahpari macaina bui pɯhtoro sōahca. 14 Æ jia Cordero mehne cahma wajāahca. Tí ã cahma wajāpachɯta Cordero to beseina mehne tirore ne cohāeraina mehne tinare yɯhdɯrɯcaahca. Tiro jipihtina paina pɯhtoa bui pɯhtoro jira. Æ jiro tinare yɯhdɯrɯcarohca —ni yahuhre yɯhɯre anjo.

15 Ahrire yɯhɯre yahu namohre anjo:

—Mɯa mehne ñano yoarucuricoro mári bui dujire. Tí mári ahri yoaro sehe jira mari piti dahre buhechɯ: Yahpari macaina, payɯ curuari macaina, payɯ dɯserire durucuina yoaro sehe

jira tí mári. **16** Nũcũ macariro, diez pũhtoa mehne mũa mehne ñano yoarucuricorore ñũ yabiahca. Tina diez pũhtoa nũcũ macariro mehne ticoro yare ma pahño, suhti marienicoro cohãahca ticorore. ã yoa to pjacũre chũahca. Ti ã yoari baharo ticorore jũ pahñoahca. **17** Tina diez pũhtoa cãno potori tũhotua nũcũ macarirore ti ya yahpari macaina bui pũhtoro sõahca. Tinare ã yoachũ yoare Cohamacũ, to cahmano seheta yoaro taro. ã jiro nũcũ macariro sehe pũhtoro jirohca. Jipihtia Cohamacũ panopũ to yahuriro seheta to yoari baharo nũcũ macarirore cohãnohca. **18** Ticoro mũ ñũricoro mehne õ sehe ni piti dahre buhera: Ticoro pjiri maca Babilonia wama tiri maca yoaro sehe jira. Jipihtina paina pũhtoa bui jira tí maca macaina —nihre anjo yũhũre.

### Babilonia wama tiri maca to cohãri maca jira

**18** **1** Baharo paio anjo mũanopũ dujiarirore ñũhi. Tiro pũhtoro waro jihre. To si sitea jipihtiropũ noano buhria sahsea wahahre. **2** To ã dujiari baharo õ sehe ni tuaro sañurucu yahuhre:

—Cohãri jihre. Babilonia wama tiri maca pjiri maca macainare cohãri jihre. Mipũre watĩa, payũ ñaina pjacũ bajueraina cũhũ tí macai jia nina. Ñaina baro wahiquina wũina peri cũhũ masa ti ñũ yabiina tí macai jia nina.

**3** Jipihtia yahpari macaina tí maca macainare ñainare ñũ cũa, tina cũhũ ñano yoare. ã yoa yahpari macaina bui pũhtoa tí maca macaina numia mehne ñano yoare. Ticoro ã mũa mehne ñano yoarucuricoro jiro wapa tiare nuchũa tire. Pjĩro to ã nuchũchũ ahri yahpa macaina pache duaina pjĩro wapatare —ni yahuhre anjo.

**4** Baharo pari turi mũanopũ durucuro coa tahre. Õ sehe nihre:

—Yũ yaina ahricoro mũa mehne ñano yoarucuricoro mehne jiena tjiga mũsa. Ticoro mehne mũsa jichũ mũsa cũhũre buhiri dahrerohca. ã jina to ñano yoaare ñũ cũena tjiga. **5** To ñano yoari payũ jinocahna. To ñano yoarire pari tju mari duhu payo mũochũ tí tju sehe mũanopũ wahã sũnocaboa. ã jia to ñano yoari payũ jinocahna. ã jiro to ñano yoarire wacũna Cohamacũ. ã wacũno ticorore buhiri dahre dutirohca.

**6** Ticoro tuaro to buhiri dahrehticoro jijaro. Masare to ñano yoachũ yoariro seheta ticoro cũhũre ñano yũhdũchũ yoajaro.

Masare ã ñano to yoariro seheta tí yũdoro ticorore ñano buhiri dahrejaro. <sup>7</sup> Ticoro “Noaricoro jija”, ni tũhotumare. ã ni tũhoturo, wapa bũjũare pjíro cjuare ticoro. To wapa bũjũare pjíro to cjuaro purota ticorore pjíro ñano yũhdũchũ yoajaro. Tó purota ticorore cahyachũ yoajaro. To basi õ sehe ni tũhotumana ticoro: “Õi pũhtorocoro yoaro sehe jiricoro dujija. Wapewahyoro jieraja. ã jico ne ñano yũhdũsi yũhũ”, ni tũhotumana ticoro. <sup>8</sup> ã ni tũhoturicoro to jichũ wacũenoca ticorore buhiri dahrehto jirohca. Ticoro dohati, yariainare yahco tii, jũca barohca. Tuhsũ, ticorore jũ borohca. Mũsa pũhtoro Cohamacũ ticorore buhiri dahre dutiriro tua yũhdũariro jira. ã jiro tó seheta yũ niriro seheta ticorore buhiri dahre dutirohca —nino coa tahre mũanopũ.

<sup>9</sup> ã jia ticoro yoaro sehe jiri macare Babiloniare Cohamacũ to buhiri dahreri baharo ahri yahpa macaina pũhtoa tuaro cahya, tiiahca. Tí maca macaina mehne ñano yoaina jire. ã jia tí maca to jũchũ ñũa tiiahca tina. <sup>10</sup> To ã jũchũ ñũa tina pũhtoa yoaropũ ñũrocarucuahca, “Mari cũhũre buhiri dahreri”, nia. Tóí ñũrocarucua õ sehe niahca:

—Cue, pjacũori maca jira, Babilonia. Sí maca pjiri maca tuari maca jimahre. Wacũenoca sí macare buhiri dahrehre —niahca tina.

<sup>11</sup> Jipihtiropũ macaina pache duaina tí macare ñũa tuaro cahya tiiahca. Tí maca to pihtichũ ñũa, ti pachere nuchũina mariachũ ñũa cahyaahca tina. ã jia tiiahca. <sup>12</sup> Ti na tarire urure, platare, wapa bũjũa tãare, perla wama tia poca cũhũre nuchũina mariahca. ã yoa paye ti na tari cjirire suhti noaa suhtire, yahsaa suhti pũhtoa ti sãa suhti yoaro sehe jia suhtire, seda wama tia suhtire, sohãa suhtire nuchũina mariahca. ã yoa paye ti na tarire yucũri me sitia yucũrire nuchũina mariahca. ã yoa paye ti na tarire marfil wama tiro mehne ti yoarire, wapa bũjũa yucũri mehne ti yoarire, bronce wama tiri comaa mehne ti yoarire, comaa mehne ti yoarire, marmol wama tiro mehne ti yoarire nuchũina ne mariahca. <sup>13</sup> ã yoa paye ti na tarire canela wama tiare ti chũare coachũ yoare, paye ti chũare coachũ yoare, inciensore, mirra wama tia me sitiare, paye me sitiare nuchũina mariahca. ã yoa paye ti na tarire vinore, chũa wajaa sere, trigo pohcare noano ti sũhaweri pohcare, trigo yaparire, wachũare, corderoare, cawaloare, tunua bũso cawaloa ti wajaa bũsore nuchũina mariahca.

Dahra cohtainare nuchũ tinare cjuaina cũhũ mariahca. Masa ti jipachuta tinare nuchũina jimahre. Mipũre mariahca. ã jia cahyaahca pache duaina. 14 ã jia õ sehe niahca tina tí maca macaina cjirire:

—Ade, ñacaro wahajari. Jipihtia mũsa cahĩri cjiri pihtia wahahre. ã yoa jipihtia noaa mũsa cjuari cjiri pihtia wahahre. ã ti pihtia wahachũ tĩre pari turi bocasi mũsa —niahca pache duaina.

15 Tina tí macare pachere duaa, pjĩro wapatamare. ã jia tina tí macare yoaropũ ñũrocarucuahca, “Mari cũhũre buhiri dahreri”, nia. ã ñũrocarucua tí macare tuaro cahya, tiiahca. 16 Õ sehe niahca tí macare:

—Cue, pjacũoina jira sí maca pjiri maca noari maca macaina cjiri. Sí maca numino yoaro sehetã noaare cjuahre. Numino sehe noaa suhtire, yahsaã suhti pũhtoa ti sãã suhti yoaro sehe jia suhtire, sohãã suhti cũhũre sãahre. ã yoa uru, wapa bũjua tãã, perla wama tia poca õã suhtire sãahre. Tó sehetã yoahre sí maca macaina. 17 ã jia wacũenoca sí maca buti pihtia wahahre —niahca tí macare.

ã yoa jipihtina dohoa bũso mehne tiniina, tí bũso pũã, ti mũã, paina pjiri mapũ dahra wapataina cũhũ tí macare yoaropũ ñũrocarucuahca. 18 Tóĩ ñũrocarucua tí macare to jũchũ ñũã õ sehe ni saũurucuahca:

—Noaa macari sí maca yoaro sehe jia macari ne paye macari mariahna —ni saũurucuahca tina.

19 ã cahyaina jia ti dapu poca bui dihtare orẽ payoahca. ã jia tuaro yahco tiia õ sehe niahca:

—Cue, pjacũoina jira sí maca macaina cjiri. Noari maca jimare. Jipihtina dohoa bũso cjuaina pjiri mapũ tiniina sí maca macaã pache mehne noano wapatamahĩ mari. ã yoa dóihta sí maca macaã buti pihtia wahahre —niahca bũso macaina.

20 Tí macare to cohãchũ ñũna wahchega mũsa mũano macaina. Cohamacũ yaina, Jesu to cũrina, to yare yahu mũhtaina jipihtina mũsa wahchega. Tí maca macaina mũsare ñãno yũhdũchũ yoare. Ti ã yoari buhiri buhiri dahrehre Cohamacũ. ã jina wahchega mũsa.

21 ã yoa tuariro anjo pjiria tãcare arẽni soro puro jiria tãcare na wahcõ, pjiri mapũ doca ñohre. ã doca ñono õ sehe nihre:

—Ahria tãca to bora ñojariro seheta pjiri maca Babilonia wama tiri maca tuaro boraro bisirohca. To ã borari baharo tí macare pari turi ñusi masa. <sup>22</sup> Tí macare butia wahachũ yoarohca. ã jia tí macai basaare m̄sa basarucuriro sehe ne coa tasi. Arpa wama tiare m̄sa b̄rapũt̄erucuriro sehe, flauta wama tia pocare, corneta cũh̄re m̄sa putirucuriro sehe pari turi tí macai coa tasi. ã yoa tí maca mariachũ pari turi tí macai dahraina dahrasi. ã yoa tãca mehne m̄sa soari cũh̄re t̄uhomahnosi. <sup>23</sup> Ne tí maca to buhria coãriro sehe ne jisi. ã yoa wamomaca d̄hteina m̄sa bose n̄m̄re m̄sa dahreriro sehe pari turi ne coa tasi. Tí maca macaina pache duaina nuch̄ina mehne paina ȳhdoro c̄jahre m̄sa. ã jina yaya wijõ wijĩina yoaro sehe yoana jipih̄tiro macainare mahñohre m̄sa. M̄sa ã yoarire ñũ c̄aa, Cohamacũ sehere cahmaerare masa —nihre tuariro anjo.

<sup>24</sup> Tí maca macaina Cohamacũ yare yahu m̄htainare paina to yaina cũh̄re jipih̄tiro macainare wajãri jire.

**19** <sup>1</sup> Babilonia to dohse wahahtore yũ ñuri baharo m̄anopũ payũ masa sañurucua coa tahre yũ t̄hochũ. Õ sehe ni sañurucuhre:

“Aleluya.

Cohamac̄re noano durucujihna.

Cohamacũ marine ȳhdũchũ yoariro jira.

Tirote noano ño payojihna.

Tua ȳhdũariro jira tiro.

<sup>2</sup> Mahñono marieno quihõno masare buhiri dahrera tiro.

Ñaricorore m̄a mehne ñano yoarucuricorore ñũ c̄a jipih̄tiro macaina, ahri yahpa macaina ñano yoahre.

Ticoro sehere buhiri dahrehre Cohamacũ.

ã jiro tirote dahra cohtainare ticoro to wajãri buhiri buhiri dahrehre tiro”,

ni sañurucua coa tahre.

<sup>3</sup> Pari turi sañurucua coa tahre:

“Aleluya. Cohamac̄re noano durucujihna. Tí maca ñari maca to jãri maca ã me tirucurohca”,

ni sañurucua coa tahre.

<sup>4</sup> ã yoa veinticuatro Jesu yaina puhto, pititiaro soro bajuina mehne na tuhca caha sũ, Cohamac̄re to dujiro

dujirirore wahche payohre. Õ sehe ni wahche payohre tina:  
 “Amén. Aleluya. Æ tjira. Cohamacüre noano durucujihna”,  
 nihre tina.

<sup>5</sup> Baharo pũhtoro dujiropũ ò sehe nino coa tahre:

“Mari pũhtoro Cohamacüre wahche payoga.

Tirote dahra cohtaina, tirote ño payoina, wiho jiina,  
 pũhtoa cũhũ jipihtina mũa tirote noano  
 durucuga”,

nino coa tahre.

**Cordero to wamomaca dũhtehti nãmũ  
 bose nãmũre yahuha João**

<sup>6</sup> Baharo payũ masa ti durucuchũ tũhohi. Pjiri poaye, wũpo  
 mehne to bisiro coa taro seheta durucua coa tahre yũ tũhochũ:

“Aleluya.

Cohamacüre noano durucujihna.

Tiro mari pũhtoro sehe pũhtoro sãa tuhsũre.

Tua yũhdũariro jira tiro.

<sup>7-8</sup> Cordero to wamomaca dũhtehti pja jira mipũre.

To wamomaca dũhtehticoro noano ti cahno  
 tuhsũricoropũ jira.

Ticorore noari suhtiro wete marieni suhtirore  
 wahre.

Tí suhtiro Cohamacũ yaina noaare ti yoari yoaro  
 sehe jira, mari piti dahre buhechũ.

Æ jina ti wamomaca dũhtehti pja to jichũ  
 wahchejihna mari.

Cohamacüre ‘Tua yũhdũariro jira’, nijihna”,

ni durucua coa tahre.

<sup>9</sup> Ti ã niri baharo anjo ò sehe nihre yũhũre:

—Ahrire joa naga: “Cordero to wamomaca dũhteri nãmũ  
 bose nãmũre to pjirocarina wahcheina jira”, ni joa naga  
 —nihre anjo yũhũre.

Æ ninota ò sehe ni namohre:

—Potocã tjira ahri yũ yahuri. Cohamacũ ya durucua jira  
 —ni namohre yũhũre.

<sup>10</sup> To ã nichũ tũhocũta tiro panoi na tuhcuca caha sũ, tirote  
 ño payoi tai nimahi. Yũ ã yoai cahachũ waro ò sehe nihre tiro  
 yũhũre:



—Tíre yoai tjiga. Mũ yoaro seheta yũhũ cũhũ Cohamacũre dahra cohtarirota jija. Mũ coyeya Jesu yaina jipihtina to ya buheare duhueraina yoaro sehe yũhũ cũhũ Cohamacũre dahra cohtarirota jija. Ā jicũ Cohamacũre na tuhcuca caha sũ, tiro sehere ño payoga —nihre anjo yũhũre.

Cohamacũ yare yahu mũhtaina cjiri panopũ macaina Espíritu Santo to yoadohoro mehne Jesu ya buheareta yahuyua tiri jire.

### Cawalo yehseriro bui pisarirore yahuha João

11 Baharo mũano parĩ mũa wahachũ ñũhi. Tóí cawalo yehseriro jihre. Tiro bui pisariro õ sehe wama tihre: To niriro seheta yoariro potocã yoariro wama tihre tiro. Quihõno masare ñaina, noinare bese, tirore ñũ tuhtiina mehne cahma wajãna.

12 To capari picha pohna yoaro sehe jihre. Ā yoa to dapui payũ pũhtoa pisaa sorori jihre. Ā jiro to pjacũ wama joa õriro jihre. Tí wamare tiro dihta masihre. Paina masierare.

13 To sãari suhtiro yoari suhtiro di wahãri suhtiro jihre. Tiro õ sehe wama tihre: Cohamacũ ya dũserore yahuriro wama tihre tiro.

14 Ā jia to yaina surara mũano macaina tiro baharo wahare.

Yehseina cawaloa bui pisaina noano yehsea suhtire, wete mariea suhtire sãaina jihre. 15 To dũseroi ñosari pjĩne siori pjĩne cuhcũhre. Tí pjĩ yahpari macainare to yũhdũrũcahti pjĩ jihre. Ā jiro to tuaa mehne to dutichũ ne cãiro tirore yũhdũrũcaro bihosi. Cohamacũ tua yũhdũariro payũ yahpari macaina mehne sua yũhdũara. To ã suachũ cawalo bui pisariro tinare tuaro buhiri dahrerohca. 16 To suhtiroi, to ñũchũcũ cũhũre ahri wamare joa õri jihre: “Jipihtina paina pũhtoa bui pũhthora”, ni joa õri jihre.

17 Baharo sũ siroi ducurirore anjore ñũhi. Jipihtina mũanopũ wũinare yuca perire sañurucu mũohre tiro. Õ sehe ni tuaro sañurucu mũohre:

—Cahmachuna taga. Cohamacũ to bose nũmũ chũna taga.

18 Payũ yahpari macaina bui pũhtoare, surara pũhtoare, surara perire, cawaloare, tina bui pisainare, jipihtina paina masare, dahra cohtainare, dahra cohtaina jierainare, paina pũhtoare, wiho jiinare tina jipihtina ti pjacũri cjirire chũna taga —nihre anjo yucaare.

19 Baharo nũcũ macarirore, ahri yahpa macaina bui pũhthora ti surara peri cũhũre ñũhi. Tina cahmachuhre cawalo bui

pisariro mehne to yaina surara peri mehne cahma wajãa taa. 20 Ti ã cahma wajãchũ cawalo bui pisariro nũcũ macarirore peresu yoahre. Pairo “Cohamacũ yare yahu mũhtariro jija”, ni mahñoriro cũhũre peresu yoahre. Tiro mahñoriro sehe nũcũ macariro to ñũrocaroi bajuamehneare yoariro jihre. To bajuamehnea mehne nũcũ macariro to wamare wahãinare to masũre ño payoinare mahñohre “Ahri Cohamacũ ya jira”, nino. Tina pũarore to peresu yoari baharo tinare catiinareta pichacapũ cohãhre. Tí pichaca pjiri ma puro jiri pichaca pjiri pichaca azufre mehne jũri pichaca jihre. 21 Ñ jiro dũhsainare ti surara peri cjirire ñosari pjĩ mehne to dũseroi jiri pjĩ mehne wajãhre cawalo bui pisariro sehe. Ñ to wajãri baharo yucaã peri ti pjacũri cjirire chũa, yapi yũhdũa wahahre.

### Mil cũhmari waro Cristo to yaina mehne masare dutirohca

**20** 1 Baharo paio anjo mũanopũ to dujia tachũ ñũhi. Cũãri copa macari sawire, pjiri da, comaa da cũhũre cjuahre tiro. 2 Ñ duji wihiro pinonore ñahahre tiro. Tiro pinono panopũ pinono sehe pjacũ tiri jiro, watĩno Satana wama tiri jihre. Tirore ñahano tirore dũhtehre mil cũhmari waro peresu yoaro taro. 3 Ñ dũhte tuhsũ, cũãri copapũ cohãhre tirore jipihia yahpari macainare mil cũhmari waro to mahñoahto sehe. Ñ cohã tuhsũro tí copare biha, wihtã ñahanocahre. Ñ jiro mil cũhmari baharo pari turi mahaa dachoricã tirore wiosinohca.

4 Baharo pũhtoã dujiare ñũhi. Tí dujia dujiina cũhũre ñũhi. Tinare masa bui dutihtinare cũhre Cristo. Paina cũhũre ñũhi. Tina sehe Jesu yare Cohamacũ yare ti yahuri buhiri ti dapu pocare dũte cohãrina cjiri jihre. Nũcũ macarirore to masũ cũhũre ne na tuhcuã caha sũ ño payoerare. Ñ yoa ti wũhdũa pocare ti wamomacari cũhũre to wamare joã õ dutierare tina. Ñ jia paina tinare ti wajãri baharo masaa wahahre tjoã. Masahre tina mil cũhmari waro Cristo mehne pũhtoã jia taa. 5 Paina Cristo yaina yariaina cjiri sehe masaerasinire. Ti wajãrina ti masari baharo mil cũhmari pũhtoã ti jiri baharo paina cũhũ masaa wahaahca. Ñ jia ti wajãrina cjiri Cristo yaina to baharo masa mũhtaina jihre. 6 To maso mũhtaina sehe tuaro wahcheina jiahca. Ñaa marieina jiahca tina. Ñ jia pichacapũ wahasi tina. Masa pichacapũ wahaã, pari turi ti yariaro sehe wahara. Ñ jia tina to maso mũhtaina pichacapũ

wahaerara. Tina yaria masa mũhtaina sacerdotea jiahca, Cohamacure, Cristo cũhure ño payoa taa. Ā jia mil cũhmari waro Cristo mehne masa bui pũthoa jiahca.

7 Mil cũhmari baharo Satanare peresui jirirore wiorohca. 8 To Ā wiori baharo ahri yahpa macainare mahñono waharohca tiro. Gog wama tiinare, Magog wama tiina cũhure mahñono waharohca. Ā jia tina to mahñoare tũhoa, ti surara perire cahmachuahca cahma wajãa taa. Tina surara peri payũ jiahca. Pjiri ma macaa padũ pohcaricã payũ ti jiro seheta payũ surara jiahca. 9 Tina ahri yahpapure waha sitea, Cohamacũ yaina ti jiri macare Cohamacũ to cahĩri macare soroa wahaahca. Ti Ā soroari baharo Cohamacũ tinare mũano macari pichaca mehne jũroca bororohca. 10 Ā wahari baharo watĩnore tinare mahñorirore pichacapũ cohãnohca. Tĩ pichaca pjiri ma puro jiri pichaca azufre mehne jũri pichaca jira. Tórpũ nũcũ macarirore “Cohamacũ yare yahu mũhtariro jija”, ni mahñorirore cohã tuhsũhre. Tóti ti jichũ dacho, ñamipũ cũhure Ā ñano purĩrucurohca tinare.

### Cohamacũ masare buhiri dahre batoara

11 Baharo pjĩro pũthoro to dujirore noano yehserore ñũhi. Tĩ dujiro bui dujiro cũhure ñũhi. Tóti to dujichũ, ahri yahpa macaa cũhũ mũano macaa cũhũ pihtia wahahre. Ā pihtia wahaa pari turi ji namoerare. 12 Ā yoa pũthoro panoi yariaina cjiri ti ducuchũ ñũhi. Tina wiho jiina, pũthoa cjiri cũhũ jihre. Tóti ti ducuchũ joa õa tjurire pjõohre. Tĩ tjuri masa ti yoarire ti joa õa tjuri jihre. Ā jiro beseriro tí tjurire ñũ tuhsũ ti yoarire masihre. Tĩre masino yariainare besehre ñaina, noainare. Baharo pa tju cũhure pjõohre. Tĩ tju Cohamacũ mehne Ā jirucuhinare ti wamare joa õri tju jihre. 13 Baharo pjiri mapũ yaria miniina, diapũ ti cohãrina cũhũ wahcã mũjaa wahahre. Ā yoa yahpa puhichapũ jiina, yariaina ti jiropũ jiina cũhũ mũjaa wahahre. Ti Ā mũja sũchũ tóti dujirore ti yoarire masi pahñono, tinare besehre ñaina, noainare. 14 Baharo yariarore, yariaina ti jiro cũhure cohãnocahre Cohamacũ pari turi mari yariaerahto sehe. Pichacapũ cohãnocahre. Tĩ pichaca pjiri ma puro jiri pichaca pjiri pichaca jihre. Pichacapũ wahaina sehe pari turi yariaina seheta wahara. 15 Ā jiro Ā jirucuhina ti wamare Cohamacũ to joa õri tjui jipihtina ti wamare joa õmahnoeraina sehene pichacapũ cohãhre tiro.

**Muano, yahpa cūhure wahmaare cohtotarohca Cohamacu**

**21** <sup>1</sup> Baharo muano, ahri yahpa cūhure wahmaare to cohtotarire ñuhi. Muanoꝑu ji muhtari, yahpaꝑu ji muhtari, pjiri maꝑu ji muhtari cūhu pihtia wahahre. Mariahre. <sup>2</sup> ã yoa yūhu João noari macare, wahma macare Jerusalēne ñuhi. Tí maca muanoꝑu Cohamacu cahapꝑu to duji tachꝑu ñuhi. Wamomaca dūhtehticorore noaa suhti mehne wahma sūora wamomaca dūhtehtirore wahchechꝑu yoaro taro. Tó seheta tí macare cahnoyure Cohamacu, to yainare wahchechꝑu yoaro taro. <sup>3</sup> Tíre yꝑ ñuri baharo ꝑūhtoro dujiꝑꝑu to sañurucuro coa tachꝑu tūhohi:

—Ñuga. Mipure masa watoi jiro nina Cohamacu. Tina mehne jirohca tiro. ã jia to yaina jahca tina. ã yoa Cohamacu to basi tina mehne macariro jiro, ti yairo Cohamacu jirohca. <sup>4</sup> ã jiro ã wahcherucuchꝑu yoarohca tiro tinare. ã jia pari turi cahyasi tina. ã jia ne pari turi yariasi tina. Ne ñano yajeripohna tia, yahco tia, ꝑuríã cūhu mariahca tinare. Ahri jipihtia panopꝑu macaa cjiri pihtia wahaahca —ni sañurucuro coa tahre.

<sup>5</sup> Baharo ꝑūhtoro dujiꝑꝑu dujiriro õ sehe nihre:

—Ñuga. Jipihtiare wahma cohtotachꝑu yoaihca —nihre.

To ã niri baharo yūhure õ sehe nihre tjoa:

—Ahri yꝑ niare joa naga. Yꝑ nia potocã tjira. ã jiro yꝑ niriro seheta ã waharohca. ã jicꝑu yꝑ niare joa naga —nihre yūhure.

<sup>6</sup> Baharo õ sehe nihre tjoa yūhure:

—Tó puro tjica. Yūhu jipihtiare bajuamehneriro jija.

ã yoa jipihtiare pihtichꝑu yoah tiro jija tjoa. Ñahma yapioina tuaro ti core cahmano seheta yꝑ cahapꝑu waha duaina Jesure cahmaahca. ã jia Jesure yūhtiahca. Tiro catichꝑu yoaa co yoaro sehe jira. Tirore cahmainare wapa cahmano marieno yūhu mehne ã jirucuchꝑu yoaihtja tinare. <sup>7</sup> Jipihitina yūhure wacū tua duhuerainare õ sehe yoaihtja: Ti yairo Cohamacu jiihtja. ã jia tina sehe yꝑ pohna jahca. <sup>8</sup> Wiho mejeta cuiã yꝑ yare duhuina, yūhure cahmaeraina, ñabiaare yoaina, masare wajãina, numia mehne ñano yoaina, mūa mehne ñano yoaa numia, yaya, “Cohamacu jira”, ti nia masurine ño payoina, jipihitina mahñoina pichacapꝑu wahaahca. Tóí pjiri ma puro jiri pichaca pjiri pichaca azufre mehne jūno nina. Tóꝑꝑu wahaina pari turi ti yariaro sehe waha nina —nihre yūhure.

### Wahma maca Jerusalēne yahuha

**9** Baharo cūiro anjo yu cahapɔ wihihre. Tiro siete wahwari cjuaina, to buhiri dahre dutiro to cūina anjoa mehne macariro jihre. ã wihiro, õ sehe nihre yuhure:

—Ñui taga. Cordero to wamomaca datericorore ñoihca mūhure —nihre anjo yuhure.

**10** To ã nini baharo Espiritu Santo yuhure Cohamacu ya macare ñohre. Õ sehe bajuro ñohre yuhure: Mɔadu tūcu buipɔ yuhure na mɔjahre. Tópu Jerusalēne Cohamacu ya macare noari macare ñohre yuhure. Cohamacu cahapɔ mɔanopɔ jiri maca duji taro nihre ahri yahpɔ. **11** Cohamacu to si sitea mehne si siteri maca jihre tí maca. Wapa tia tãa yoaro sehe si sitehre. Diamante wama tia tãa yoaro sehe si sitehre. ã yoa vidro yoaro sehe noano co sitiri maca jihre tí maca. **12** Pjiri sahrīno mɔari sahrīno ti sahrī sāari maca jihre tí maca. Doce sopacari tihre tí sahrīno. Tí sopacaripe cohtahre anjoa. Tí maca macaa sopa pahmaripɔ Israe masa curuari doce curuaripe ti wama wahāhre. **13** Sū mɔja taro sehe tí sahrīno cjuahre tia sopaca. Norte sehe tia sopaca jihre. Sur sehe tia sopaca jihre. Sū sāano sehe cūhure tia sopaca jihre. Jipihtiro doce sopacari waro cjuahre tí sahrīno. **14** Tí sahrīno doce tãa bui pisahre. Tí tãape Cordero to cūrina doce to cūrina sã cãina wama wahāhre.

**15** ã yoa anjo yuhure yahuriro quihōdu uru mehne ti yoadure cjuahre. Tí macare, tí maca macaa sopacaripe, sahrīno cūhure quihōno taro nihre. **16** Tí maca to yoaro purota sahre. Mɔano cūhɔ tó purota mūahre. ã yoa anjo to quihōdu mehne tí macare quihōhre. Tí maca dos mil doscientos kilómetros yoari maca jihre. Tó purota sari maca jihre. Tó purota mɔari maca jihre. **17** ã jiro tí maca macari sahrīnore quihōhre anjo. Sesenta y cinco metros mɔari sahrīno jihre. Masa mari quihōno seheta quihōno nihre tiro anjo.

**18** Tí sahrīno diamante wama tia tãa mehne to yoari sahrīno jihre. ã yoa tí maca sehe uru mehne to yoari maca jihre. Tí uru wete mariea jia vidro yoaro sehe noano co sitihre. **19** Tí sahrīno docai jia tãare payɔ soro jia wapa tia tãa wahāhre. Tí tãa sahrīnoi pisaa tãa doce tãa jihre. Ji mūhtaria tãcare diamante wama tia tãa wahāhre. To baharo jiria tãcare zafiro wama tia tãa wahāhre. Pɔaria baharo jiria tãcare ágata wama

tia tãa wahãhre. Tiaria baharo jiria tãcare esmeralda wama tia tãa wahãhre. **20** Pititia poca baharo jiria tãcare ónice wama tia tãa wahãhre. Cũ wamomaca pihtia poca baharo jiria tãcare rubí wama tia tãa wahãhre. Seis poca baharo jiria tãcare crisólito wama tia tãa wahãhre. Siete poca baharo jiria tãcare berilo wama tia tãa wahãhre. Ocho poca baharo jiria tãcare topacio wama tia tãa wahãhre. Nueve poca baharo jiria tãcare crisoprasa wama tia tãa wahãhre. Diez poca baharo jiria tãcare jacinto wama tia tãa wahãhre. Once poca baharo jiria tãcare amatista wama tia tãa wahã batoahre. **21** ã yoa doce sopa pahmari doce perla mehne to yoaa pahmari jihre. Tí pahmaripe cũ yapa perla yapa mehne to yoaa pahmari jihre. ã jiro tí maca macari maha uru mehne to yoari maha jihre. Tí uru wete marieni uru jihre. ã jiro vidro yoaro sehe noano co sitiri maha jihre tí maha.

**22** Tí macai Cohamacu wuhure ñerahi. Mariahre. Tí macai jipihtiropu mari puhtorore Cohamacu tua yuhduarirore, Cordero cũhure ño payora masa. ã jiro tí maca jipihtiro Cohamacu wuhu yoaro sehe jihre. **23** Tí macai Cohamacu to si sitea noano buhriahre. Cordero cũhu sihãria yoaro sehe buhriahre. ã jia sũ dacho macariro cũhure ñami macariro cũhure tói ti buhriachu cahmaerare. **24** ã yoa ahri yahpai ti buhria mehne jahca jipihtiro macaina. ã jia jipihtia yahpari macaina puhtoa tí macapu noa yuhduu ti cjuare na wihiahca. **25** ã yoa dachore tí maca macaa sopacari p̄jõori sopacari jahca. Tóp̄u ne ñami marianohca. ã jia ti sopacarire ne bihasi. ã susurucuahca. **26** ã yoa jipihtia yahpari macaina noaare ti cjuare tí macapu naa wihiahca. **27** Ñaa sehere tí macapu ne naa wihisi. Buo tichu yoaina, ñaare yoaina cũhu tí macapu ne wahasi. Mahñoina cũhu wahasi. Cordero to joari tjuu ti wama wahãina dihta tí macapu wahaahca. Tí tju to yuhduchu yoaina ti wamare to joa õri tju jira. Tí tjuu ti wama wahãina ã jirucuahca.

**22** <sup>1</sup> Baharo noari mare catichu yoari mare ñohre yuhure anjo. Tí ma noano co sitiri ma Cohamacu, Cordero cũhu ti dujiropu tari ma jihre. <sup>2</sup> ã yoa tí maca macari maha dacho macai buruahre tí ma. Tí ma pu bũhuseheri dũhtu cahai catichu yoaa yucu ducuhre. Tí yucu sũripe dicha tihre. Cũ cũhmare doce tahari dicha tihre. ã yoa tí yucu macaa p̄uri

mehne noano co tiahca jipihtia yahpari macaina. <sup>3</sup> Tí macare ne ñaa marianohca. Tí macai Cohamacu to dujiro jirohca. Cordero to dujiro cūhū jirohca tói. ã jia jipihtina masa tói jiina tinare dahra cohtaina tina pano na tuhcuca caha sū, tinare wahche payoahca. ã jiro tói ñaa marianohca. <sup>4</sup> Tina Cohamacure ñū piti boca dujiahca. ã yoa ti wāhdūa pocai to wama wahāina jiahca. <sup>5</sup> Tópure ñami marianohca. ã jia sihāa pocare cahmasi tói jiina. Sū to buhriachū cūhūre cahmasi. Mari pūhtoro Cohamacu to buhriaro jirohca. ã jia tí macai jiina pa sehe macaina bui pūhtoa ã jirucuahca.

**Jesucristo ahri yahpapū to tjua tahto mahanocā dūhsara**

<sup>6</sup> Baharo anjo yūhūre ō sehe nihre:

—Jipihtia ahri ti yahuri cjiri potocā tjira. ã jia ti niriro seheta waharohca. Mari pūhtoro Cohamacu to yare yahu mūhtainare masichū yoariro jira. Tiro sehe mipūre to yairo anjore warocahre tirore dahra cohtainare masichū yoaro taro. Baharocā to dohse wahahtore masichū yoaro taro to yairo anjore warocahre —nihre anjo yūhūre.

<sup>7</sup> Jesu sehe ō sehe nihre:

—Tūhoga mūsa. Mahanocā dūhsara yū tjua tahto. Ahri tju macaa yahuare yūhdūrucaeraina wahcheina jiahca —nihre Jesu.

<sup>8</sup> Yūhū João ahri jipihtiare yū joa narire tūhohi. ã yoa tíre ñūhi. ã jicū yū tūhori baharo, yū ñūri baharo yūhūre ñoriro anjo panoi na tuhcuca caha sūmahī. Tirore ño payoi tai nimahi.

<sup>9</sup> Yū ã yoachū ñūno ō sehe nihre yūhūre:

—Tíre yoai tjiga. Mū jiro seheta jiriro yūhū cūhū Cohamacure dahra cohtarirota jija. Mū coyea Cohamacu yare yahu mūhtaina, jipihtina ahri tju macaa dutiare yoaina cūhū ti jiro seheta yūhū cūhū Cohamacure dahra cohtarirota jija. ã jicū Cohamacu panoi na tuhcuca caha sū, tiro sehere ño payoga —nihre anjo yūhūre.

<sup>10</sup> ã yoa ō sehe ni yahu namohre yūhūre:

—Ahri tjuī baharo to dohse wahahtore yahura. To ã wahahto mahanocā dūhsara. To ã mahanocā dūhsachū ahri tjuī yahurire nūoi tjiga mūhū. <sup>11</sup> Tí pja yū yahuri pjare ñaina sehe ã yoarucuwahnojaro ñaare. Ñaputiina cūhū ñabiario yoarucuwahnojaro. Noaina sehe noano yoarucujaro. ã yoaga

ñaa marieina ã ñaa marieina jirucujaro tí pjare —nihre anjo yũhũre.

12 Õ sehe nihre Jesu:

—Tũhoga mũsa. Mahanocã dũhsara yũ tju tahto. Mũsare yũ yainare yũ wahtore na tai tai nija. ã jicũ noaare mũsa yoari wapa mũsare noano yoaihtja. 13 Yũhũ jipihtiare bajuamehneriro jija. ã yoa jipihtiare pihtichũ yoah tiro jija tjoa.

14 'Jipihtina wetē mariea suhtire sãaina ti jiro seheta ti ñaa yoari buhirire cosaweina tí macapũ sũahca. ã sũa, tí maca macaa yucũ catiare waa yucũ dichare chũahca. ã jia wahcheina jiahca tina. 15 Tí macapũ sũeraina sehe ahrina jira: Ñabiaina, yaya, numia mehne ñano yoaina, mũa mehne ñano yoaa numia, masare wajãina, “Cohamacũ jira”, ti nia masũrine ño payoina, mahño ji coaina, mahñoa payũina cũhũ jira tí macapũ sũeraina —nihre Jesu.

16 ã yoa õ sehe ni yahu namohre Jesu:

—Yũhũ, Jesu yũ yairo anjore warocahi mũsare yũ yainare ahri tju macaare yahui tai. Pũhtoro Davi panamino ji turiariro jija yũhũ. Yũhũ bohrea mũja tachũ mũja taria noano si siteria ñahpichoca yoaro sehe jiriro jija —ni yahu namohre Jesu.

17 Espíritu Santo Jesure “Tjua taga”, nina. Jesu yaina to wamomaca dũhtehticoro yoaro sehe jiina cũhũ “Tjua taga”, nina. Jipihtina ti “Tjua taga”, nirire tũhoina cũhũ “Tjua taga”, nijaro Jesure.

Ñahma yapioina core tuaro ti cahmano seheta Cohamacũ cahapũ waha duana Jesure tuaro cahmaga. Tiro catichũ yoaa co yoaro sehe jira. Tirore cahmainare wapa cahmano marieno ã jirucuchũ yoarohca Cohamacũ.

18 Yũhũ João, jipihtina ahri tju macaare Cohamacũ yare tũhorinare mũsare õ sehe ni cua pisaro mehne yahuihtja. Ahri buhea mehne paye buhea mehne more suhu yahu namoina Cohamacũre yũhdũrucãa nina. Ti ã yũhdũrucachũ ñũno jipihtia ahri tju to buhiri dahrehtore to yahuriro seheta cũnohca tina cũhũre. ã jiro tó seheta tina cũhũre buhiri dahrerohca.

19 ã yoa ahri tju macaa yahuare yahu dũhaina Cohamacũre yũhdũrucaina jira. Ti ã yũhdũrucachũ ñũno catichũ yoaa yucũ dichare tinare chũ dutisi. ã jia ã jirucusi tina. Tuhsũ, to ya macapũ noari macapũ waha dutisi. Tí yucũ, tí maca cũhũ ahri tju ti yahuripũ jira.




20 Jipihtia ahri tju macaare yahuriro ò sehe nina:


—Ñ tjira. Mahanocã dũhsara yahpapũ yũ tjua tahto —nina tiro.

Ñ tjia. Sã pũhtoro Jesu tjua tahga.


21 Mari pũhtoro Jesu to cahĩa mehne jipihtina mũsa noano jiga.



**PRIMER VIAJE MISIONERO DE PABLO**




**SEGUNDO VIAJE MISIONERO DE PABLO**




**TERCER VIAJE MISIONERO DE PABLO**




**VIAJE DE PABLO A ROMA**



# El Templo en el tiempo de Jesucristo




Plano del Interior del Templo



1. La Mesa y los Panes de la Proposición
2. El Candelabro
3. El Altar del Incienso
4. El Velo
5. El Arca del Pacto
6. Los Querubines





Mapa para el estudio de  
LOS HECHOS Y LAS EPÍSTOLAS

1. El primer viaje misionero de Pablo.
2. El segundo viaje misionero de Pablo.
3. El tercer viaje misionero de Pablo.
4. El viaje de Pablo a Roma.